

E. 29. 7. C.

Feb 24
—
Mar 59

R. 4

4/16

DE SACRAMENTIS

E. 29. 7. C.

ET DE Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

et de Eucharistia

et de Sacramento & sacrificio Canonis Mille

DE SACRAMENTIS
IN GENERE,

Baptismo, Confirmatione, Eucharistia sacra-
mento & sacrificio, Canonis Missæ
explicatione:

COMMENTARII ET DISPUTA-
TIONES ANALYTICÆ SEBASTIANI
EPISCOPI OXOMENSIS:

In quæstiones Tertiæ partis D. Thom. à LX.
ad LXXXIII:

AD PHILIPPVM II.

Catholicum Regem Hispaniarum.

C O M.



S I T A M E N

P A T I M V R.

B V R G I S.

Apud Philippum Iuntam.

1588.

Summa Priuilegij.

PHILIPPI II. Regis Catholici priuilegio cautum est, ne quis intra proximum decennium Commentaria & disputationes Sebastiani Episcopi Oxomen. de Sacramentis in genere & de Eucharistia, sine ipsius licentia imprimere, aut aliunde importata vendere possit, sub pœna in eodẽ expressa.

Censura.

HOc opus de Sacramentis in genere, & eorum præstantissimo Eucharistia à Sebastiano Episcopo Oxomeni compositum, quod iussu regij senatus legi & attentius examinaui, suo certe dignum est autore, fidei catholicæ consentaneum, & sacre doctrinæ accommodatissimum: in quo & patrum elucet autoritas, & Theologorum subtilia differuntur, breui stilo facundiã retinens, Sacramentariorum nostri temporis dogmata refellit. quare ob has causas dignum censeo, quod in publicum exeat, vt reip. fidelium & scholę nostrę sit emolumento. Dat. Madriti in collegio S. Thomæ Aquinatis 19. Septemb. ann. 1586.

F. Alfonsus de Luna Rector.

Esta tassado por los señores del Consejo del Rey nuestro señor cada pliego a 3 maravedis.

AD PHILIPPVM II. Catholicum Regem Hispaniarum.

Sebastiani Episcopi Oxomensis dedicatio.


DI VINO consilio factum esse existimo, rex catholice, vt quo primū tēpore tuo iussu & liberalitate ex Salmanticēsi academia euocatum in regio sancti Laurentij collegio, Theologiæ doctorem esse voluisti: de diuini verbi incarnatione, & eius sanctis mysteriis in exordio Theologicæ professionis mihi differendū esset. quamuis enim Theologia, non tantū diuina, vnde nomen accepit, sed etiam humana, quæ ad Deum referuntur, suo ambitu comprehendat: tamen incarnationis vim & rationē, & mysteria inde exorta, dicendo illustrare prodignitate non potest, qui sacras literas, Apostolicas Traditiones, patrum scripta, conciliorum decreta, Theologorum disputationes accuratē nō peruolutauerit. Apostolus Paulus raptus in tertium cælum, vbi arcana Dei viderat, Euangelium ex reuelatione Christi didicerat: fatetur tamen se nihil aliud scire nisi Iesum Christū crucifixum, & in eo esse thesaurū scientiæ & sapientiæ Dei. Quis ergo tantum sibi tribuat, vt iis planē & dilucidē, & ad rerum dignitatem accommodatē explicandis, parem facultatem se adferre posse arbitretur? Quare ne dignitate & præstantia rerum a docendi munere auocarer, me in sacrorum librorum lectione, in antiquis Patribus perdiscendis, in historiæ Ecclesiasticæ cognitione, in hæresum refutatione, veterum Patrum vestigiis insistendo, diu multumq; exercui. Ea re effectum est, vt ad plurima Theologiæ decreta explicanda, colegerim quædam, nonnulla obseruauerim, aptiori quadam via & ratione collocauerim multa. Cū autē tua iterum

voluntate & iussu, instituendū in Philosophia & Theologia Serenissimum Principem Albertū S. R. E. Cardinalem & Archiducem Austriae suscepissem, priora illa accuratiùs recensui, non leui, neq; suspensa manu, vt breuiùs & apertiùs collocata, faciliùs in animum illius, ad diuina & maxima quæq; excipienda, quasi à natura conformatum illaberentur. Episcopi etiam exercitatio effecit, vt hæc ad vsum cleri, & plebis institutionem, faciliùs exponerentur. Horum omnium specimen tibi maxime & inuictissime rex, in catholicæ Ecclesiæ sacramentis, & eorum præstantissimo Eucharistia, nunc exhibemus: vt eorum doctrina tuo nomine defensa ad omnes fideles permanere, & ad eos etiã penetrare possit, quos cõsilio & armis à catholicæ fidei impugnatio-
ne coërces & reprimis. Vt enim in diuinissimum Ecclesiæ sacramētum, omnis hæreticorum audacia & furor hoc tempore conuertitur, vt eo religionis Christianæ firmamento ablato, omnis Ecclesiastica hierarchia auferatur: sic sanè oportet firmissimam, & catholicam defensionem eiusdem sacramenti, in catholico & potentissimo rege collocatã esse. Vellem quidem hoc munus litterarium tibi maximè probari: sed nō tam de munere, quàm de animo offerentis laboro. is æternum deuotus est, & erit animo tuo planè regio, & ad tuendam, & amplificandam religionem catholicam, diuina prouidentia nobis concesso. Burgis. A. D. XI.

kalen. April. ann. incarn. 1588.

AD

Adlectorem.

ONSILII mei rationem, in his Theologicis commentariis & analyticis disputationibus, candide lector, principio tibi exponere operapretium esse existimaui. Cum enim viginti & amplius annos, in Theologica professione impendissem, & ea, quæ continenti labore congesseram, multis profutura esse sperarem, eamq; sententiam amici doctrina & prudentia excellentes valde probarent, cæpi diligentius illa recognoscere, examinare, & expendere. Interim autem prodire eruditissima in D. Thom. commentaria, quæ me hoc labore merito liberare possent: sed cum aliam viam docendi illi autores sequerentur, copiosam, abundantem, concertationum & obiectionum plenam, nobis autem alia, & omnino per se, & instituto D. Thomæ accommodata videretur, in eodem animi proposito mihi permanendum esse existimaui. Primum igitur catholicas sententias ad sua principia reuocaui, nempe scripturam diuinam, Traditionem, Conciliorum decreta, Patrum consensionem: adiunctis Theologicis rationibus, quæ firmiores esse viderentur: deinde ex probabilibus, ea quæ eisdem principiis magis consentanea essent, delegimus: tandem plenam & abundantem haresum refutationem adiecimus. Sententias autem plenas et integras, non minutatim dissectas, componimus, ut ipsum quasi corpus doctrinæ, suis partibus connexum & coherens planius intelligi possit. ea re effectum est, ut integras aliquando quæstiones, aliquando articulos singulos eadem explicatione cõiungamus, aliquando etiam antecedit, aliquando consequatur cõtextum D. Thomæ nostra explicatio: quòd aliter disputationem contra hæreticos componere, et distinguere aperte non possem, ut suis locis constabit: semper autem auctoris sanctissimi et doctissimi sententias explicamus, defendimus,

mus & confirmamus. hanc docendi rationem cum D. Tho-
ma consentire, omnes intelligent, qui praefationem primae p.
Theologiae expendierint: omnia enim propria suis locis compo-
nit, aliena reiicit, inutilia et falsa refecat, obiectiones & ar-
gumenta, quae illustrent doctrinam, non quae perturbent, adiun-
git. hac certe in D. Tho. perfecta sunt, in nobis conatus, & imi-
tatio aliqua, non autem perfectio, reperietur: non enim nostra mi-
ramur, sed examinanda doctioribus Theologis proponimus.
In Eucharistia explicanda longiores sumus, sed rei magnitu-
do, & hereticorum audacia in religionis nostrae summa euer-
tenda, & sacrificij plenior demonstratio, abundantiore do-
ctrinam effecit, quae semper, sed hoc tempore valde neces-
saria est. Tuum erit, lector candide, nostrum labo-
rem aequi, bonique consulere. Vale.

Erratas

Errata operarum ita corrigito.

¶ In Commentario de Sacramentis in genere Baptismo & Confirmatione.

In Commentario 7.60 corrigantur numeri a. 5 ad 15. continenti serie numerorum seruata.

Folio. 12. columna. 3. versu mc. lege c. Et eadem columna versu mfi. lege. si. fol. 19. col. 2. vers. Baptismi. Eucharistiæ. l. Eucharistiæ. fol. 21. col. 1. vers. Dei. vouum. l. nouum. fol. 22. col. 1. vers. spirituali. l. speciali. fol. 27. col. 2. vers. sacrem. l. faciam. Et col. 4. vers. gratiæ. in his. l. his. fol. 28. col. 2. vers. fert. mynisterium. l. ministerium fol. 29. col. 1. vers. tilor. l. tilior. Et col. 4. vers. creationes. propriæ l. propriè fol. 30 col. 3. vers. morte Cgristi. l. Christi. fol. 37. col. 2. vers. ni. esphragi. l. sphragi. fol. 50 col. 1. vers. nqiri. l. quiri. fol. 57. col. 3. vers. tantum. absolurionem. l. ablutionem. & col. 4. vers. cõstat. loadi. l. laodi fol. 78 col. 1. vers. luntarium. quo peccatum. l. quo voluntario peccatum. fol. 110. col. 4. vers. ractere. & baptizato. l. & non baptizato. fol. 114. col. 2. vers. rationibus. incircuncisio. l. circũcisio. fol. 11. 3. col. 3. vers. teria. consecratum. l. consecratum fo. 126. col. 1. vers. ipfos eodem l. ipsos vicissim eodem. fol. 129. col. 2. vers. ad perfectionem. christiani. l. christianisimi.

¶ In Commentario de Eucharistia.

Folio. 10. columna. 1. versu. quædam. effecit. l. efficit fol. 16. col. 1. vers. vnde. quidem l. quidam fol. 28. col. 4. vers. riis verbis. interiecta: sed l. interiecta vlla particula: sed. fol. 29. col. 4. vers. cramenti. Christiani deberet. l. Christiani rationem & essentiam debere. fol. 33. col. 3. vers. 1. affirmant l. affirmat. fol. 41 col. 3. vers. tium panis. consecratione. l. conseruatione. fol. 53. col. 2. vers. existeret & non. l. existeret non. fol. 56. col. 3. vers. quotidiana. stupe. l. stipe fol. 58. col. 3. vers. ligimus l. legimus. f. l. 61. col. 4. vers. nationem. l. iunctionem. fol. 63. num. 17. inconsiderate repetitum est argumentum septimum, quod conclusum est suprà fol. 60. colum. 1. & 2. fol. 70. col. 3. versic. quantitatem, nulla tum. l. tamen fol. 74. colum. 2. versic. patiuntur, quæ ideo l. quæ ratio fol. 76. colum. 1. versic. git sicut, voluiofet. l. voluisset. fol. 110. col. 4. versic. teson sacrificantes altera. l. sacrificantes vna altera. fol. 115. col. 4. versic. cis Domini. ratione. l. oratione fol. 118. col. 3. vers. sacerdotum. l. sacerdotium. fol. 120. col. 1. vers. sacramentum, perceptio. l. præceptio fol. 121. col. 3. vers. accedenti. l. accidenti. fol. 133. col. 3. vers. nm pro, reconciliatione. l. reconciliationem. fol. 134 col. 1. versic. bus vitare. l. bus præterea tenemur vitare. fol. 147. col. 4. in not. marg. dyfiat. l. Thyfiat. versu crificantur. athie sthe. l. à Thyesthæ. fol. 148 col. 1. vers. ce vocare Tymiaín. l. Tymiaín. fol. 156. col. 1. in eor. marg. sensibilibus l. insensibilibus. fo. 170 col. 1. vers. crificij. illæ. l. ille. Et col. 3. vers. da est. ipse enim. l. ipse viuet. Et vers. intentione. l. intétione operantis. fol. 171 col. 2. vers. chus. 50. l. 500. fol. 174. col. 4. vers. substantialiter. aut l. cur. fol. 179 col. 1. vers. eundem. diuinorum. l. diuinorum Et vers. sine. principio. l. principio. Et col. 3. vers. num. meditatione. l. mediatione. Et col. 4. vers. tinct. sic. lege continet. reliqua omnia exprimere. & ideo.

original manuscript

D. THOMAE A QVINATIS

Tertia pars Theologiæ de Sacramentis, commentariis
& disputationibus analyticis illustrata à Sebastiano
Episcopo Oxomenfi.

QVÆSTIO LX.

De Sacramentis, in octo articu-
los diuifa.

POST considerationem eorum, quæ
pertinent ad mysteria Verbi incar-
nati, considerandum est de Ecclesiæ sa-
cramentis, quæ ab ipso Verbo incarnato
efficaciam habent. Et prima consideratio
erit de sacramentis in communi. Secunda
de unoquoque sacramentorū in speciali.

Circa primum quinque confide-
randa sunt.

Primò, quid sit sacramentum.

Secundò, de necessitate sacramento-
rum.

Tertiò, de effectibus sacramentorum.

Quartò, de causa eorum.

Quinto, de numero.

Circa primum queruntur octo.

Primò, Vtrum sacramentum sit in ge-
nere signi.

Secundò, Vtrum omne signum rei sacræ,
sit sacramentum.

Tertiò, Vtrum sacramentum sit signum
vnius rei tantum, vel plurium.

Quartò, Vtrum sacramentum sit signum
quod est res sensibilis.

Quinto, Vtrum ad sacramentum requira-
tur determinata res sensibilis.

Sexto, Vtrum ad sacramentum requira-
tur significatio, quæ est per verba.

Septimo, Vtrum requirantur determi-
nata verba.

Octauo, Vtrum illis Verbis possit ali-
quid addi vel subtrahi.

ARTICVLVS PRIMVS.

Vtrum Sacramentū sit in genere signi.



D primum sic proce-
ditur. Videtur, quod
sacramentum non sit
in genere signi. Vide-
tur enim sacramentū
dici à sacrando, sicut medicamen-
tum à medicādo. Sed hoc magis vi-
detur pertinere ad rationem causæ,
quàm ad rationē signi. Ergo sacra-
mentum magis est in genere causæ,
quàm in genere signi.

4. d. 1. q. 1. ar.
1. q. 1. ar. 3.
ad 1. ar. 4.
q. 1. ad 1.

dici à sacrando, sicut medicamen-
tum à medicādo. Sed hoc magis vi-
detur pertinere ad rationem causæ,
quàm ad rationē signi. Ergo sacra-
mentum magis est in genere causæ,
quàm in genere signi.

¶ 2. Præterea, sacramentum
videtur aliquid occultum significa-
re, secundum illud Tobie 12. Sacra-
mentum Regis abscondere bonū
est. Et Ephes. 3. Quæ sit dispensatio
sacramenti absconditi à sæculis
in Deo. Sed illud quod est abscon-
ditum, videtur esse contra rationē
signi. Nam signum est quod præter
speciem quam ingerit sensibus, fa-
cit aliquid aliud in cognitionē veni-
re, ut patet per † Aug. in 2. de Doct. Christiana. Ergo videtur, quod sa-
cramentum non sit in genere signi.

Lib. 2. ca. 1. cir-
ca princ. 20. 3.

¶ 3. præterea, iuramentum
quandoque sacramentum nomina-
tur, dicitur enim in † Decr. 22. q. 5.
Paruuli qui sine ætate rationabili
sunt, non cogantur iurare, & qui se-
mel periuratus fuerit, nec testis sit
post hoc, nec ad sacramentum (id
est iuramentum) accedat. Sed iura-
mentum non pertinet ad rationem
signi: ergo videtur, quod sacramen-
tum non sit in genere signi.

22. q. 5. cap.
Pauli qui si-
no ætate.

Quæst. LX.

Li. 10. c. 15. nō
procul a princ.
tom. 5.

SED CONTRA est, quod *August. dicit in 10. de Ciuitate. Dei: Sacrificium visibile, inuisibilis sacrificij sacramentum, idest sacrum signum est.

RESPONDEO dicendum, quod omnia quæ habent ordinem ad vnum aliquid, (licet diuersimodè) ab illo denominari possunt, sicut à sanitate, quæ est in animali, de nominatur sanum, non solum animal, quod est sanitatis subiectum, sed dicitur, medicina sana, in quantum est sanitatis effectiua : diætæ verò, in quantum est cōseruatiua eiusdè, & vrina, in quatum est signifiatiua ipsius. Sic igitur sacramentum potest aliquid dici, vel quia in se habet aliquam sanctitatem occultam, (& secundum hoc, sacramentum idem est quod sacrum secretum) vel quia habet aliquem ordinem ad hanc sanctitatem, vel causæ, vel signi, vel secundum quancunque aliam habitudinem. Specialiter autem nūc loquimur de sacramentis, secundum quod importāt habitudinem signi, & secundum hoc sacramentum ponitur in genere signi.

AD PRIMUM ergo dicendum, quod quia medicina se habet vt causa effectiua sanitatis, inde est quod omnia denominata à medicina dicuntur per ordinem ad vnum primum agēs, & propter hoc sacramentum importat causalitatem quandam. Sed sanctitas, à qua denominatur sacramentum, non significatur per modum causæ efficiētis, sed magis per modum causæ formalis vel finalis, & idè non oportet, quod sacramētum semper importet causalitatem.

AD SECUNDVM dicendum, quod ratio illa procedit, secundum

Artic. II.

quod Sacramentum idem est quod sacrum secretum. Dicitur autem non solum Dei secretum, sed etiā Regis, esse sacrum & sacramentū, quia secundum antiquos, sancta vel sacrosancta dicebantur, quęcunque violari non licebat, sicut etiam muri ciuitatis, & personæ indignitibus constitutæ. Et ideo illa secreta siue diuina, siue humana, quæ non licet violari, quibuslibet publicādo, dicuntur sacra vel sacramenta.

AD TERTIVM dicendum, quod etiam iuramentum habet quādam habitudinem ad res sacras, in quantum scilicet est quēdam cōtestatio facta per aliquid sacrum. Et secundum hoc dicitur iuramentum esse sacramentum, non eadem ratione, qua nunc loquimur de sacramentis, non tamen æquiucè sumpto nomine sacramenti, sed analogicè; scilicet secundum diuersam habitudinem ad aliquid vnum, quod est res sacra.

ARTICVLVS II.

*Vtrum omne signum rei sacrę sit
Sacramentum.*

AD secundum sic proceditur. Videtur, quod non omne signum rei sacrę sit sacramentum. Omnes enim creaturæ sensibiles sunt signa rerum sacrarum, secundum illud Rom. 1. Inuisibilia Dei per ea quę facta sunt intellecta, cōspiciuntur. Nec tamen omnes res sensibiles possunt dici sacramenta. Non ergo omne signum rei sacrę, est sacramentum.

¶ 2. Præterea, omnia quę in veteri lege fiebant, Christum figurabāt, qui est sanctus sanctorum: secundū illud 1. ad Corint. 19. Omnia in figura contingebant illis. & Coloss. 2. Quæ sunt vmbra futurorum,

*Infra q. 642
art. 2. Et 1. 2.
q. 161. art. 4.
cor. 2. q. 102.
ar. 5. co. 4.
di. 1. q. 1. ar. 1.
quæst. 1.*

cor-

corpus autem Christi. Nec tamen omnia gesta Patrum veteris testamenti, vel etiam omnes ceremonie legis sunt sacramenta, sed quædam specialiter, sicut in Secunda parte habitum est. † Ergo videtur, quod non omne signum rei sacræ sit Sacramentum.

1. 2. q. 101. ar. 4.

¶ 3. præterea, etiam in nouo Testamento multa geruntur in signum alicuius rei sacræ, quæ tamē nō dicuntur sacramēta, sicut aspersio aquæ benedictæ, consecratio altaris, & similia. Non ergo omne signum rei sacræ, est sacramentum.

SED CONTRA est, quod definitio conuertitur cum definito. Sed quidam definiunt sacramētum per hoc quod est sacræ rei signum, & hoc etiam videtur ex autoritate * Augusti. supra inducta. Ergo videtur, quod omne signum rei sacræ, sit sacramentum.

In ars. præc. arg. Sed con.

RESPONDEO dicendum, quod signa propriè dantur hominibus, quorum est, per nota ad ignota peruenire. Et ideo propriè dicitur sacramentum, quod est signum alicuius rei sacræ ad homines pertinentis, ut scilicet propriè dicatur sacramentum, secundum quod nunc de sacramentis loquimur, quod est signum rei sacræ, inquantum est sanctificans homines.

AD PRIMVM ergo dicendum, quod creaturæ sensibiles significāt aliquid sacrum, scilicet sapientiam & bonitatem diuinam, inquantum sunt in seipsis sacra: non autem inquantum nos per ea sanctificamur. Et ideo non possunt dici sacramēta, secundum quod nunc loquimur de sacramentis.

AD SECVNDVM dicendum, quod quædam ad vetus Testamen-

tum pertinentia, significabant sanctitatē Christi secundū quod in se sanctus est. Quædā verò significabāt sanctitatē eius, inquantū per ea nos sanctificamur, sicut immolatio agni Paschalis significabat immolationem Christi, qua sanctificati sumus. Et talia dicuntur propriè veteris legis sacramenta.

AD TERTIVM dicendum, quod res denominantur à fine & cōplemento, dispositio autem non est finis neque perfectio. Et ideo quæ significāt dispositionē ad sanctitatē, non dicuntur sacramenta (de quibus procedit obiectio) sed solū ea quæ significāt perfectionem sanctitatis humanæ.

ARTICVLVS III.

Vtrum sacramentum sit signum vnius rei tantum.

AD tertium sic proceditur. Videtur, quod sacramentum nō sit signum, nisi vnius rei. Id enim quo multa significantur, est signū ambiguum, & per consequens fallendi occasio, sicut patet de nominibus æquiuiocis. Sed omnis fallacia deuet remoueri à Christiana religione, secundū illud Colo. 2. Vide-te, ne qui vōs seducat per philosophiam, & inanem fallaciam. Ergo videtur, quod sacramentum non sit signum plurium rerum.

4. di. 1. q. 1. ar. 1. q. 1. ad 4. q. 1. ar. 3. 100.

¶ 2. Præterea: Sicut dictum est, † Sacramentum significat rem sacram, inquantum est humanæ sanctificationis causa. Sed vna sola est causa humanæ sanctificationis, scilicet sanguis Christi, secundum illud Hebr. ult. IESVS vt sanctificaret per suum sanguinem populum, extra portam passus est. Ergo videtur, quod sacramentum non significet plura.

ars. præc.

Comment. in D. Tho. tert. part.

ar. prae. ad 3.

¶ 3. præterea : Dictum est, *quod sacramentum propriè significat ipsum finem sanctificationis sed finis sanctificationis est vita æterna, secundum illud Romano. 6. Habebitis fructum vestrum in sanctificatione, finem verò vitam æternam. Ergo videtur, quod sacramentum non significet nisi vnā rem, scilicet vitam æternam.

De cons. dist.
2. cap. Hoc est
quod dicimus.

SED CONTRA est, quod in sacramento altaris est duplex res significata, scilicet corpus Christi verum, & mysticum, vt † August dicit in lib. sentent. Prosperi.

Ar. prae.

RESPONDEO dicendum, quod (sicut dictum est) *sacramentū propriè dicitur quod ordinatur ad significandam nostram sanctificationē. In qua tria possunt cōsiderari, videlicet ipsa causa sanctificationis nostræ, quæ est passio Christi, & forma nostræ sanctificationis, quæ cōsistit in gratia & virtutib. & vltimus finis sanctificationis nostræ, qui est vita æterna. Et hæc omnia per sacramenta significantur. Vnde sacramentum est & signum rememoratiuum eius quod præcessit, scilicet passionis Christi, & demonstratiuum eius quod in nobis efficitur per Christi passionē, scilicet gratiæ, & prognosticum, id est, prænuntiatiuum futuræ gloriæ.

AD PRIMVM ergo dicendum, quod tunc est signum ambiguum, præbens occasionem fallendi, quando significat multa, quorum vnum non ordinatur ad aliud. Sed quando significat multa, secundum quod ex eis quodam ordine efficitur vnum, tunc non est signū ambiguum, sed certum, sicut hoc nomen homo significat animam & corpus, prout ex eis constituitur humana natura.

Et hoc modo sacramentum significat tria prædicta, secundum quod quodam ordine sunt vnum.

In cor. ar.

AD SECVNDVM dicendum, quod sacramentum in hoc quod significat rem sanctificantem, oportet quod significet effectum, qui intelligitur in ipsa causa sanctificante, prout est sanctificans.

AD TERTIVM dicendum, quod sufficit ad rationem sacramenti, quod significet perfectionem quæ est forma, nec oportet quod solum significet perfectionem, quæ est finis.

ARTICVLVS IIII.

Vtrum sacramentum sit semper aliqua res sensibilis.

AD quartum sic proceditur, Videtur quod sacramentum non semper sit aliqua res sensibilis. Quia secundum Philosophū in lib. Priorum, omnis effectus, suæ causæ signum est. Sed sicut sunt quidam effectus sensibiles, ita etiā sunt quidam effectus intelligibiles, sicut scientia est effectus demonstratio- nis. Ergo non omne signum est sensibile. Sufficit autem ad rationem sacramenti, quod sit signum alicuius rei sacræ, in quantum per eam homo sanctificatur, vt dictum est. † Non ergo requiritur ad sacramentum, quod sit aliqua res sensibilis.

4. di. 1. q. 1. ar.
1. q. 1. & ar. 2.
q. 1. & ar. 3.
cor. Et 4. con-
tra c. 56. &
10. 3. 1. cor. 4.

¶ 2. præterea, Sacramenta per- tinent ad cultum vel regnum Dei. Sed res sensibiles non videntur per- tinere ad cultū Dei. Dicitur enim Ioa. 4. Spiritus est Deus, & eos qui adorant eum, in Spiritu & veritate oportet adorare. Et Roma. 14. Non est regnum Dei, esca & potus. Er-

Ar. 2. huiusq.

gore

go res sensibiles non requiruntur ad sacramentum.

*Lib. 2. cap. 19.
tom. 1.*

¶ 3. Præterea, August.* dicit in lib. de Libero arbitrio quod res sensibiles sunt minima bona, sine quibus homo rectè viuere potest. Sed sacramenta sunt de necessitate salutis humanæ (vt infrà patebit*) & ita sine eis homo rectè viuere non potest. Non ergo. res sensibiles requiruntur ad sacramenta.

*Traît. 80. in
Euang. Io post
mediū tome 2.*

SED CONTRA est, quod† August. dicit super Io. Accedit verbū ad elementum, & fit sacramentum. Et loquitur ibi de elemento sensibili, quod est aqua. Ergo res sensibiles requiruntur ad sacramenta.

RESPONDEO dicendum, quod sapientia diuina vnicuique rei prouidet secundum suum modum, & propter hoc dicitur Sap. 8. quod suauiter disponit omnia. Vnde & Matth. 25. dicitur, quod dedit vnicuique secundum propriam virtutem. Est autem homini connaturale, vt per sensibilia perueniat in cognitionem intelligibilium. Signū autē est per quod aliquis deuenit in cognitionem alterius. Vnde, cum res sacrę, quę per sacramenta significantur, sint quædam spiritualia & intelligibilia bona, quibus homo sanctificatur, consequens est, vt per aliquas res sensibiles significatio sacramēti impleatur, sicut etiā per similitudinem sensibilibus rerū in diuina Scriptura res spirituales nobis describuntur. Et inde est, quod ad sacramenta requiruntur res sensibiles: vt etiam Diony.* probat in 1. cap. Cælest. Hierar.

*Cap. 1. inter me
diū & finē.*

AD PRIMVM ergo dicendū, quod vnūquodque præcipuè denominatur & diffinitur secundū id quod cōuenit ei primò & per se, nō autē se-

cundum id quod conuenit ei per aliud. Effectus autē sensibilis, per se habet, quod ducat in cognitionē alterius, quasi primo & per se homini innotescēs, quia omnis nostra cognitio à sensu oritur: effectus autem intelligibiles non habēt, quod possint ducere in cognitionem alterius, nisi inquātum sunt per aliud manifestati, id est, per aliqua sensibilia. Et inde est quod primò & principaliter dicuntur signa, quę sensibus offeruntur: sicut Aug. dicit in 2.* de Doctrina Christiana, vbi dicit, quod signum est, quod præter speciem, quam ingerit sensibus, facit aliquid aliud in cognitionem venire. Effectus autem intelligibiles non habent rationem signi, nisi secundū quod sunt manifestati per aliqua signa. Et per hunc etiam modū, quædā quę non sunt sensibilia, dicuntur quodāmodo sacramenta, inquantum sunt significata per aliqua sensibilia, de quibus infrà agetur.*

*Lib. 2. de doct.
Christia. circa
principium lib.
2. 3.*

*Quæst. 83. ar.
2. ad 2.*

AD SECVNDVM dicendum, quod res sensibiles, vt in in sua natura considerantur, non pertinent ad cultum vel ad regnum Dei, sed solum secundum quod sunt signa spiritualium rerum, in quibus regnū Dei consistit.

AD TERTIVM dicendū, quod August. ibi* loquitur de rebus sensibilibus, secundū quod sunt in sua natura, non autem secundum quod assumuntur ad significandum spiritualia, quę sunt maxima bona.

*Loco citato in
arg. 3.*

ARTICVLVS V.

*Vtrum requirantur determinata res
ad sacramenta.*

AD quintū sic proceditur. Videtur, quod non requirantur

A 3 deter-

D. Thomæ. 3. part.

ars. 3. huius q.

determinatæ res ad sacramēta. Res enim sensibiles assumuntur in sacramentis ad significandum, ut dictum est. Sed nihil prohibet diuersis rebus sensibilibus eam significari, sicut in sacra Scriptura Deus aliquādo metaphoricè significatur per lapidem, quandoque per leonē, quandoque per solem, aut aliquid aliud huiusmodi. Ergo videtur, quod diuersæ res possint congruere eidem sacramento. Nō ergo determinatæ res in sacramentis requiruntur.

¶ 2. Præterea, Magis est necessaria salus animæ, quam salus corporis. Sed in medicinis corporalibus quæ ad salutem corporis ordinantur, potest vna res pro alia poni in eius defectu. Ergo multò magis in sacramentis, quæ sunt medicinæ spirituales ad salutem animæ ordinatæ, poterit vna res assumi pro alia, quando illa defuerit.

¶ 3. præterea, Non est conueniens ut hominis salus arctetur per legem diuinam, & præcipuè per legem Christi, qui venit omnes saluare. Sed in statu legis naturæ non requirebantur in sacramentis aliquæ res determinatæ, sed ex voto assumebatur, ut patet Gen. 28. ubi Iacob vouit se Deo decimas & hostias pacificas oblaturum. Ergo videtur, quod non debuerit arctari homo, & præcipuè in noua lege, ad alicuius rei determinatæ usum in sacramentis.

SED CONTRA est, quod Dominus dicit Ioan. 3. Nisi quis renatus fuerit ex aqua & Spiritu sancto, non potest introire in regnū Dei.

RESPONDEO dicendum, quod in usu sacramentorum duo possunt considerari, scilicet cultus diuinus, & sanctificatio hominis. Quorum

primum pertinet ad hominem per comparisonem ad Deum, secundum autem è conuerso pertinet ad Deum per comparisonem ad hominem. Non autem pertinet ad aliquem determinare illud quod est in potestate alterius, sed solum id quod est in sua potestate. Quia ergo sanctificatio hominis est in potestate Dei sanctificantis, non pertinet ad hominem suo iudicio assumere res, quibus sanctificetur, sed hoc debet esse ex diuina institutione determinatum. Et ideo in sacramētis nouæ Legis, quibus homines sanctificantur (secundum illud 1. ad Cor. 6. Abluti estis, sanctificati estis) oportet uti rebus ex diuina institutione determinatis.

AD PRIMUM ergo dicendum, quod & si idem potest per diuersa signa significari, determinare tamē quo signo sit utendum ad significandum, pertinet ad significantem. Deus autem est qui nobis significat spiritualia per res sensibiles in sacramentis, & per verba similitudinaria in scripturis. Et ideo sicut iudicio Spiritus sancti determinatū est, quibus similitudinibus in certis Scripturæ locis res spirituales significantur, ita etiam debet esse diuina institutione determinatū, quæ res ad significandum assumantur in hoc vel in illo sacramento.

AD SECUNDUM dicendum, quod res sensibiles habent naturaliter sibi inditas virtutes conferentes ad corporalem salutem, & ideo non refert, si duæ earum eandem virtutē habeant, qua quis utatur. Sed ad sanctificationem nō ordinantur ex aliqua virtute sibi naturaliter indita, sed solum ex institutione diuina, & ideo oportuit diuinitus deter-

determinari quib. reb. sensibilibus fit in sacramentis vtendum.

Lib. 19. ca. 16.
¶ 17. tom. 6.

AD TERTIVM dicendum, quod sicut August. * dicit 19. contra Faustum, diuersa sacramenta diuersis temporibus congruunt, sic etiam diuersis verbis significantur diuersa tempora, scilicet presens, prateritum & futurum. Et ideo sicut in statu legis naturæ, homines nulla lege exterius data, sed solo interiori instinctu mouebantur ad Deum colendum, ita etiam ex interiori instinctu determinabatur eis, quib. rebus sensibilibus ad Dei cultum vterentur. Postmodum verò necesse fuit etiam exterius legem dari, tum propter obscuracionem legis naturæ, ex peccatis hominum, tum etiam ad expressiorem significationem gratiæ Christi, per quam humanum genus sanctificatur. Et ideo etiam necesse fuit res determinari, quibus homines vterentur in sacramentis. Nec propter hoc arctatur via salutis quia res quarum vsus est necessarius in sacramentis, vel communiter habentur, vel paruo studio adhibito haberi possunt.

ARTICVLVS VI.

Utrum in significatione sacramentorum requirantur verba.

4. dist. 1. q. 7.
ar. 3. & di. 13.
q. 1. art. 2. q. 6.
ad secundum.
Et veri. q. 27.
art. 4. ad decimum.
* Lib. 19. c. 16.
circa med. to. 6

AD sextum sic proceditur. Videtur quod in significatione sacramentorum non requirantur verba. Dicit enim August. contra Faustum * lib. 19. Quid sunt aliud quæque corporalia sacramenta, nisi quasi quædam verba visibilia? Et sic videtur, quod addere verba rebus sensibilibus in sacramentis, sit addere verba verbis. Sed hoc est superfluum. Non ergo requiruntur verba cum rebus sensibilibus in sacramentis.

¶ 2. Præterea, Sacramentum est aliquid vnum. Ex his autem quæ sunt diuersorum generum, non videtur posse aliquid vnum fieri. Cum igitur res sensibiles & verba sint diuersorum generum (quia res sensibiles sunt à natura, verba autem à ratione) videtur, quod in sacramentis non requirantur verba cum rebus sensibilibus.

¶ 3. Præterea, Sacramenta nouæ Legis successerunt sacramentis veteris Legis, quia illis ablatis ista sunt instituta, vt August. dicit 19. contra Faustum. * Sed in Sacramentis veteris Legis non requirebatur aliqua forma verborum. Ergo nec in Sacramentis nouæ legis.

Lib. 19. c. 16.
¶ 17. in fine
tom. 6.

SED CONTRA est, quod Apostolus dicit Ephesi. 5. Christus dilexit Ecclesiam, & tradidit semetipsum pro ea, vt illam sanctificaret, mundans eam lauacro aquæ in verbo vitæ. Et Aug. dicit super Io. * Accedit verbum ad elementum, & fit sacramentum.

Tract. 80. in
10a. post med.
tom. 9.

RESPONDEO dicendum, quod sacramenta (sicut dictum est *) adhibentur ad hominum sanctificationem sicut quædam signa. Tripliciter ergo considerari possunt, & quolibet modo congruit eis, quod verba rebus sensibilibus adiungantur. Primum enim possunt considerari ex parte causæ sanctificantis, quæ est verbum incarnatum, cui sacramentum quodammodo conformatur, in hoc quod rei sensibili verbum adhibetur sicut in mysterio Incarnationis carni sensibili est verbum Dei unitum. Secundò possunt considerari sacramenta ex parte hominis qui sanctificatur, qui componitur ex anima & corpore, cui proportionatur sacramentalis medicina, quæ per re-

Art. 2. ad 3.

D. Thomæ. 3. pars.

Tract. 80. 2.
Ioannem p[er]f[ect]o.
med. hom[an]i.

Lib. 2. cap. 3.
in c[on]tra med. 10. 3.

visibilem corpus tangit, & per verbum ab anima creditur. Vnde August. * dicit super illud Ioan. 15. Iā vos mundi estis propter sermonem, &c. vnde est ista tanta virtus aque, vt corpus tāgat, & cor abluat, nisi faciente verbo, nō quia dicitur, sed quia creditur? Terriō possunt considerari ex parte ipsius significationis sacramentalis. Dicit autem August. * in 2. de Doct. Christiana, quōd verba inter homines obtinuerunt principatum significandi, quia verba diuersimodē formari possunt ad significandos diuersos conceptus mentis, & propter hoc per verba, magis distinctē possumus exprimere quod mente concipimus. Et ideo ad perfectionem significationis sacramentalis, necesse fuit, vt significatio rerum sensibilium, per aliqua verba determinaretur. Aqua enim significare potest & ablutionem propter suam humiditatem, & refrigerium propter suam frigiditatem. Sed cū dicitur: Ego te baptizo, manifestatur quōd aqua vtimur in baptismo ad significandam emundationem spiritualem.

AD PRIMVM ergo dicendum, quōd res visibiles sacramentorum dicuntur verba per quandam similitudinem, in quantum scilicet participant quandam vim significandi, quæ principaliter est in ipsis verbis, vt dictum est. * Et ideo non est superflua ingeminatio verborum, cū in sacramentis, rebus visibilibus verba adduntur, quia vnum eorum determinatur per aliud, vt dictum est. *

AD SECVNDVM dicendum, quōd quauis verba & aliæ res sensibiles sint in diuerso genere, quantum pertinet ad naturam rei, con-

ueniunt tamen in ratione significandi, quæ perfectius est in verbis quā in aliis rebus. Et ideo ex verbis & rebus fit quodam modo vnū in sacramentis, sicut ex forma & materia, in quantum scilicet per verba perficitur significatio rerū, vt dictum est. * Sub rebus autem

art. 3. ad. 12.

AD TERTIVM dicendum, quōd (sicut August. * dicit contra Faustum) alia debent esse sacramenta rei præsentis, & alia rei futuræ. Sacramenta autem veteris legis prænuntia erant Christi venturi: & ideo non ita expressē significabant Christum, sicut sacramenta nouæ Legis, quæ ab ipso Christo effluunt, & quandam similitudinē ipsius in se habent: vt dictum est.

Lib. 19. cap. 6.
tom. 6.

* Vtebantur tamen in veteri Lege aliquibus verbis, in his, quæ ad cultum Dei pertinet, tam sacerdotes, qui erant sacramentorum illorum ministri (secundum illud Num. 6. Sic benedicetis filiis Israël, & dicetis eis: Benedicat tibi Dñs, &c.) quā etiam illi, qui illis sacramentis utebātur: secundum illud Deut. 26. Profiteor hodie coram Domino Deo tuo, &c.

In cor. ar.

ARTICVLVS VII.

Vtrum requirantur determinata verba in sacramentis.

AD septimum sic proceditur. Videtur, quōd non requirantur determinata verba in sacramentis. Vt enim Philosophus * dicit, voces non sunt eedem apud omnes. Sed salus, quæ per sacramenta quaeritur,

Lib. 1. Perihier.
pari à primo.
to. 1.

In cor. ar.

In cor. ar.

Quæst. LX. Artic. VII. 5

ritur est eadem apud omnes. Ergo non requiruntur aliqua determinata verba in sacramentis.

Ar. præc.

¶ 2. Præterea, verba requiruntur in sacramentis in quantum sunt principaliter significatiua, sicut dictum est. * Sed contingit per diuersa verba idem significari. Ergo non requiruntur determinata verba in sacramentis.

¶ 3. præterea, Corruptio cuiuslibet reiuariat eius speciem. Sed quidam corruptè verba proferunt, nec tamen propter hoc creditur sacramentorum effectus impediri, alioquin illiterati & balbi, qui ista sacramenta conferunt, frequenter defectum in sacramentis inducerent. Ergo videtur, quod non requirantur in sacramentis determinata verba.

SED CONTRA est, quod Dominus determinata verba protulit in consecratione sacramenti Eucharistiæ dicens Matth. 26. Hoc est corpus meum. Similiter etiam mandauit discipulis, vt sub determinata forma verborum baptizarent, dicens Matth. vlt. Euntes docete omnes gentes baptizantes eos in nomine Patris & Filij & Spiritus sancti.

Ans. præc. ad 2.

RESPONDEO dicendum, quod (sicut dictum est*) in sacramentis verba se habent per modum formæ, res autem sensibiles per modum materiæ. In omnibus autem compositis ex materia & forma, principium determinationis est ex parte formæ, quæ est quoddammodo finis & terminus materiæ, & ideo principaliter requiritur ad esse rei, determinata forma, quæ determinata materia: materia enim determinata requiritur, vt sit pro-

portionata determinatæ formæ. Cum igitur in sacramentis requirantur determinatæ res sensibiles, quæ se habent in sacramentis sicut materia, multò magis requiritur in eis determinata forma verborum.

AD PRIMUM ergo dicendum, quod sicut August. * dicit super Ioã. verbum operatur in sacramentis, non quia dicitur, id est, non secundum exteriorem sonum vocis, sed quia creditur, id est, secundum sensum verborum, qui fide tenetur. Et hic quidem sensus est idem apud omnes, licet non eedem voces sint quantum ad sonum. Et ideo cuiuscunque linguæ verbis proferatur talis sensus, perficitur sacramentū.

AD SECVNDVM dicendum, quod licet in qualibet lingua contingat diuersis vocibus idem significari, semper tamē aliqua illarum vocum est, qua principalius & cōmunius homines illius linguæ vtuntur ad hoc significandum, & talis vox assumi debet in significatione sacramenti. Sicut etiam inter res sensibiles illa assumitur ad significationem sacramēti, cuius vsus est communior ad actū, per quem sacramenti effectus significatur, sicut aqua communius vtuntur homines ad ablutionem corporalem, per quam spiritualis ablutio significatur, & ideo aqua assumitur vt materia in baptismo.

AD TERTIVM dicendum, quod ille, qui corruptè profert verba sacramentalia, si hoc ex industria facit, non videtur intendere facere quod facit Ecclesia, & ita non videtur perfici sacramentum. Si autem hoc faciat ex errore vel lapsu linguæ, si sit tanta corruptio, quæ omnino auferat sensum locutionis, non

D. Thom. 3. part.

videtur perfici sacramentum. Et hoc præcipue contingit, quando fit corruptio ex parte principij dictio- nis, puta, si loco eius quod est in no- mine Patris, dicat in nomine ma- tris. Si verò non totaliter auferatur sensus locutionis per huiusmodi corruptelam, nihilominus perfici- tur sacramentum. Et hoc præcipue contingit, quando fit corruptio ex parte finis, puta, si aliquis dicat in nomine patrias & filias. Quauis enim huiusmodi verba corruptè prolata, nihil significant ex virtute impositionis, accipiuntur tamen vt significantia ex accommodatione vsus. Et ideo licet mutetur sonus sensibilis, remanet tamē idem sen- sus. Quod autem dictum est* de dif- ferentia corruptionis, circa princi- pium vel finem dictionis, rationem habet, quia apud nos variatio dictio- nis ex parte principij mutat signi- ficationem, variatio autem ex par- te finis dictionis, vt plurimum mu- rat con- significationem, quæ tamen apud Græcos variatur etiam secun- dum principium dictionis in decli- nationibus verborum. Magis tamē videtur attendenda quantitas cor- ruptionis, quia ex vtraque parte po- test esse tam parua, quod nō aufert sensum verborum, & tam magna, quod aufert, sed vnum horum faci- lius accidit ex parte principij, & aliud ex parte finis.

ARTICVLVS VIII.

*Virum liceat aliquid addere verbis, in quibus consistit forma sacra-
mentorum.*

AD octauū sic proceditur. Vi- detur, quod nihil liceat adde- re verbis, in quibus consistit forma sacramentorum. Non enim mino-

ris sunt necessitatis huiusmodi ver- ba sacramentalia, quàm verba sa- cræ Scripturæ. Sed verbis sacræ Scripturæ nihil licet addere vel mi- nuere, dicitur enim Deut. 4. Non addetis ad verbum, quod vobis lo- quor, nec auferetis ab eo. Et Apoc. vlt. Contestor omni audienti verba prophetiæ libri huius, si quis appo- fuerit ad hæc, apponet super eum Deus plagas scriptas in libro isto, & si quis diminuerit, auferet Deus partem eius de libro vitæ. Ergo vi- detur, quod neque in formis sacra- mentorum liceat aliquid addere vel minuere.

2. Præterea, Verba se habēt in sacramentis per modum formæ, vt dictum est. * Sed in formis quæli- bet additio vel subtractio variat speciem, sicut & in numeris, vt di- citur 8. Met. * Ergo videtur, quod si aliquid addatur vel subtrahatur à forma sacramenti, non erit idem sa- cramentum.

3. Præterea, Sicut ad formam sa- cramenti requiritur determinatus numerus dictionū, ita etiam requi- ritur determinatus ordo verborū, & etiā orationis cōtinuitas. Si ergo additio vel subtractio non aufert sa- cramēti veritatē, videtur, q̄ pari ra- tione nec transpositio verborū, aut etiā interpolatio pronuntiationis.

SED CONTRA est, quod in for- mis sacramentorum quædam appo- nuntur à quibusdam, quæ ab aliis non apponuntur, sicut Latini ba- ptizant sub hac forma: Ego te ba- ptizo in nomine Patris, & Filij, & Spiritus sancti. Græci autem sub ista, baptizetur seruus Christi N. in nomine Patris, &c. Et tamē vtri- que verum conferūt sacramentum. Ergo in formis sacramentorum
licet

*In istamet so-
lutione.*

Ar. præc.

*li. 8. metaphy-
sic. 8. ad 3.*

4. di. 3. ar. 2.
q. 2. 3. & 4.

licet aliquid addere vel minuere.

RESPONDEO dicendum, quod circa omnes istas mutationes, quæ possunt in formis sacramentorum contingere, duo videntur esse considerata. Vnum quidem ex parte eius qui profert verba, cuius intentio requiritur ad sacramentum, ut infra dicetur. * Et ideo si intendat per huiusmodi additionem vel diminutionem alium ritum inducere, qui non sit ab Ecclesia receptus, non videtur perfici sacramentum, quia non videtur, quod intendat facere id quod facit Ecclesia. Aliud autem est considerandum ex parte significationis verborum. Cum enim verba operentur in sacramentis, quantum ad sensum, quem faciunt (ut supra dictum est *) oportet considerare utrum per talem mutationem tollatur debitus sensus verborum: quia sic manifestum est, quod tollitur veritas sacramenti. Manifestum est autem, quod si diminuatur aliquid eorum, quæ sunt de substantia formæ sacramentalis, tollitur debitus sensus verborum: & ideo non perficitur sacramentum. Vnde Didymus * dicit in lib. de Spiritu sancto: Si quis ita baptizare conetur, ut vnum de * prædictis nominibus prætermittat (scilicet Patris & Filij & Spiritus sancti) sine perfectione baptizabit. Si autem subtrahatur aliquid quod non sit de substantia formæ, talis diminutio non tollit debitum sensum verborum, & per consequens nec sacramenti perfectionem. Sicut in forma Eucharistiæ quæ est: Hoc est enim corpus meum, ly enim sublatum, non tollit debitum sensum verborum: & ideo non impedit perfectionem sacramenti: quâvis possit contingere, quod ille qui præter-

mittit, peccet ex negligentia vel contemptu. Circa additionem etiâ contingit aliquid apponi, quod est corruptivum debiti sensus: puta, si aliquis dicat: Ego te baptizo in nomine Patris maioris & Filij minoris, sicut Arriani baptizabant: & ideo talis additio tollit veritatem sacramenti. Si verò sit talis additio, quæ non auferat debitum sensum, non tollitur sacramenti veritas. Nec refert utrum talis additio fiat in principio, medio vel in fine: ut si aliquis dicat: Ego te baptizo in nomine Dei Patris omnipotentis, & Filij eius vnigeniti, & Spiritus sancti paracleti, erit verum baptismum. Et similiter si quis dicat: Ego te baptizo in nomine Patris & filij & Spiritus sancti, & beata Virgo te adiuuet, erit verum baptismum. Fortè autem si diceret: Ego te baptizo in nomine Patris & Filij & Spiritus sancti, & beatæ virginis Mariæ, non esset baptismus: quia dicitur 1. ad Cor. 1. Nunquid Paulus pro vobis crucifixus est? aut in nomine Pauli baptizati estis? Sed hoc verum est, si sic intelligatur in nomine beatæ Virginis baptizari, sicut in nomine Trinitatis, quo baptismus consecratur: talis enim sensus esset contrarius veræ fidei, & per consequens tolleretur veritas sacramenti. Si verò sic intelligatur quod additur (& in nomine beatæ Virginis) non quasi nomen beatæ Virginis aliquid operetur in baptismo, sed ut eius intercessio profit baptizato, ad conseruandam gratiam baptismalem, non tollitur perfectio sacramenti.

AD PRIMUM ergo dicendum, quod ad verba sacre scripturæ non licet aliquid apponere, quantum ad sensum.

Q. 64. ar. 2. 2.

Ar. præc. ad 2. 6. ad 3.

Li. 2. de Spiritu sancto, paulo a principio. Habetur hic lib. 2. in fine operum S. Hiero. * Didym. habet præceptis.

Comment. D. Tho. tert. part.

sensum: sed quantum ad expositionem sacrae Scripturae, multa eis verba à doctōribus apponuntur. Non tamen licet etiam verba sacrae scripturae apponere, ita quod dicantur esse de integritate sacrae Scripturae, quia hoc esset vitium falsitatis. Et similiter si quis diceret aliquid esse de necessitate formae, quod non est.

AD SECVNDVM dicendum, quod verba pertinent ad formam sacramenti ratione sensus significati. Et idēd quęcunque fiat additio vel subtractio verborum, quę nō addat aliquid aut subtrahat debito sensui, non tollitur species sacramenti.

AD TERTIVM dicendum, quod si sit tanta interruptio verborum, quod intercipiatur intentio pronuntiantis, tollitur sensus sacramenti, & per consequens veritas eius: non autem tollitur, quando est parua interruptio, quę intentionem proferentis & intellectum verborum non aufert. Et idem est etiam dicendum de transpositione verborum, quia si tollit sensum locutionis, non perficitur sacramentum, sicut patet de negatione præposita vel postposita signo. Si autem sit talis transpositio, quę sensum locutionis non variet, non tollitur veritas sacramenti: quia, secundum

quod Philosophus* dicit, nomina & verba transposita idem significant.

Li. 2. Perihē-
c. 1. parum an
se finem. to. 1.

Sententię & conclusiones. quęst.

Prima conclusio: Doctrinam de incarnatione sequitur proximē doctrina de sacramentis: quia hæc ex illa vim habent.

Secūda: Sacramentum est signum rei sacrae: quia significat gratiam formaliter sanctificantem suscipientes.

Tertia: signum illud est res sensibilis constans ex forma, id est verbis determinatis, & materia, id est rebus quę verbis coniunguntur: quia hæc significationi sacramenti accommodata sunt.

Prima conclusio, ex principio q. & præmio huius 3. p.

Secunda Conclusio, ex art. 1. 2. 3.

Tertia conclusio, ex articulis. 4. 5. 6. 7. 8.

COMMENTARIVS.

HACTENVS verbi incarnati mysteria explicata sunt, deinceps instituta ab illo sacramenta, quibus beneficia illius nobis communicantur, explicanda sunt: vt religionis Christianaę, quam sacramentis profiteamur, plena sit & perfecta doctrina. Nam sacramenta sunt instrumēta, quibus verbi incarnati meritum & redemptio nobis cōmunicatur, & vera iustitia, vel incipit, vel augetur, vel amissa reparatur, Trident. princ. Sess. 7. Quare doctrinam de incarnatione, consequitur sacramentorum consideratio. Ea verō commodē instituetur, si primū generatim de omnibus, deinde speciatim de singulis disseruerimus. In generali doctrina de sacramētis, hæc omnia continentur: definitio communis sacramenti, necessitas, diuisio & numerus, comparatio, causa instituens & ministra, effecta, gratia & character, de quibus eodē ordine dicendum nobis est.

Ratio ordinis.

Doctrina de
tributio.

Sacramentum igitur generaliter est signum rei sacrae: hac ratione sacramenta de quibus agimus à ceteris quę eodē nomine continentur, distinguuntur: & idcirco ne vocis ignoratio doctrinam perturbet, & hæreticos nouitatis quā veritatis cupidores delectet,

Ad Artic. 1.
2. & 3.

De nominis sacramenti notatione & usu, significatione, analogia:

Varr. lib. 4. de
ling. Lat. &
Fest. Pomp.

delectet, breuiter notio nominis distingua-
tur, & vnde in religionis vsum venerit, ex-
plicetur. Latinis igitur autoribus & pro-
phanis, dicitur aliquando sacramentum, obli-
gatio, numinis cōtestatione facta, idest iu-
ramentum quo obstringimur aliquo seruitu-
tis vinculo: vnde militum iuramentum, dictum
est sacramentum militare, & in iure sæpè re-
petitum est. Dicitur etiam eisdem prophā-
nis autoribus, pecunia quā litigatores pen-
dēte lite, apud Pontificē, in loco sacro pro
pignore deponēbant, sacramentum: vnde
probata est & recepta illa ratio dicendi, cō-
tēdere iusto sacramēto. primo modo vsur-
pauit Tertul. lib. ad martyres, & D. Hic. ad
Heliodorū, solēnem cathecumenorū fidē,
datam in baptismo ad militiā Christianā,
sacramentum appellauit. Hic est vsus sacra-
menti antiquus & prophanus à nostro in-
stituto alienus.

Sacramenti si-
gnificatio pro-
fana, iuramen-
tum, pecunia
ad litem, sacra,
secretum sacrum
signum rei sa-
cre cuiusque,
vel sanctifican-
ti formaliter.

2. Theologis verò Latinis, ex imitatione
presertim lat. edit. vulg. sanctę Scripturę,
sacramentum æquē patet atq; Græcis my-
sterium: hoc autē dicitur sacrum secretum,
quod sua celsitate & difficultate vulgare
captum superat, & aliqua ex causa, Dei aut
hominū voluntate, rerum aut verborū in-
uolucris ita contegitur, vt foris prima spe-
cie videatur aliquid vulgare, intus tamen
habeat aliquid sanctum & singulare, quod
vel paucis reueletur, vel fide tantum pateat.
Sic propriē & primo de arcanis Dei: &
per analogiā de secretis regum & amico-
rum dicitur, & aliquando etiā in malam
partem. De primo sunt illa. 1. Cor. 4. dispē-
satores mysteriorum, & c. 13. Si nouerim
mysteria omnia, vbi D. Aug. lib. de gratia,
& lib. arb. cap. 17. legit omnia sacramenta.
Ephes. 3. & Coloss. 4. Incarnatio Domini
mysterium & sacramentum dicitur. Ephe. 5.
Magnum sacramentum in Christo, & Ec-
clesia. Apoc. 1. Sacramentum septem stella-
rum. Apoc. 17. Bestiæ & mulieris sacra-
mentum. De secundo, sunt etiam expressa testimo-
nia. Tob. 12. Sacramentum regis absconde-
re bonum est. Prou. 20. Ei qui reuelat myste-
ria, ne commiscearis. Dan. 4. dicitur sacra-
mentum somnij. De tertio, est illud. 1. Thess.
2. Mysterium iam operatur iniquitatis, &
Apoc. 17. Sacramentum bestiæ.

Mag. 4. sent.
d. 1.

3. Ab huiusmodi notione sacramēti, pau-
lulum deflexa est vox ad sacramenta de
quibus agimus à Patribus & Ecclesia Ca-
tholica: vt enim sacramentum dixerunt vel

mysterium, arcanum quoddā, rerum aut
verborū inuolucris cōtectum, sic deinde
quod representat aut figurat aliquid sacri,
sacramentum appellauerūt. vt Tertul. lib.
contra Iudeos, securim Elisei, & lib. 5. cōtra
Marc. quā D. Paulus Gala. 4. allegoriā duo-
rum filiorum Abrahę vocat, ipse sacra-
mentum dicit. Aug. Lignum vitę in paradyso,
sacramentum Christi appellat lib. 1. contra
aduers. Leg. & Prophet. & lib. 8. de Gen. ad
lit. c. 4. & 5. & abstinentiam Danielis à cibis
regiis, & signum crucis. lib. 19. cōtra Faustū.
c. 14. & lib. 2. de peccatorum mer. & remiss.
cap. 26. panis benedictus catechumenorū,
licet non sit corpus Christi, tamen est sacra-
mentum & ceteris cibis sanctior. Sed hic
vsus sacramenti adhuc latius patet, quā
sacramēta de quibus agimus: omnia enim
quę nunc vocamus sacramentalia, quasi
adiuncta sacramentis vel aliquo modo si-
milia, vt exorcismi, insufflationes cateche-
ses in baptismo, aqua benedicta, sacramēta
hoc modo vocari possunt, quia aliquid sa-
crum, vel diuinū beneficium & reconditū,
licet non sit res, sacra quę ponitur in defini-
tione sacramenti, significant. Sic loquitur
D. Aug. lib. 4. de Symb. ad cathecum. c. 1. &
Epist. 23. Dominicum diem, Sabbathū Iu-
dæorum, festum Paschale, sacramenta vocat.
& lib. 19. contra Faust. cap. 11. in nullum no-
men religionis seu verū seu falsum, possunt
coagulari homines, nisi aliquo signaculorū
vel sacramentorum consortio colligētur.

4. Ex analogia huius cōmunis significa-
tionis, Ecclesia iā inde ab ipsius exortu, sa-
cramenti nomē quod ex vi notationis la-
tius patebat, fecit proprium sacramentorū
ecclesiasticorū. Est enim omniū doctrina-
rū commune, vocabula plerumq; vulgo &
aliis rebus cōmunia, ex vsu & accommoda-
tione, sibi propria cōstituere, vt dialectica,
propositionē, ratiocinationē, demonstratio-
nem, elenchum; physica, materiā, formam,
res naturales, sic in Theologia ex cōmuni-
bus facta sunt illa propria, Pōtifex, persona,
fides, trinitas, liturgia, Missa, Diaconus, Pres-
byter, Episcopus: quędā etiam excogita-
uit noua, sed antiquam & catholicam sen-
tentiam exprimentia: & ideo non sunt pro-
phanę nouitates, de quibus Paulus 1. Tim.
6. vt ostensum est à nobis suprà principio.
doctrinę de incarnatione. Importunē ergo
& incōsideratē heretici Protestātes, nos re-
prehendunt, quod nomē sacramenti, patēs
ad multa

Comment. in D. Tho. tert. part.

Brēs. in cōfess.
vultemb. &
Kemnis. in op-
pugnat. Concl.
Trid. Sess. 7.
† μυστήριον
ἀπο τοῦ μὲν
ἐν τῷ στό-
ματι.

ad multa alia, sacramentis Ecclesiasticis vt proprium accommodemus: cum hoc liceat omnibus doctrinis & artibus: quare nō est cur Theologiæ non sit concessum. Prefer- tim cū hæc accommodatio non sit dura, sed analogia nitatur, & verbi Græca nota- tione, † mysterium enim dicitur ab eo quod est os claudere, quod nefas esset sacras religionis cēmonias in vulgus pro- dere, quod sæpē de nostris sacramētis Dio- nyf. in Ecclef. hier. affirmat. in verbo autē sacramenti, analogiam considerant proba- ti & meliores Theologi ad rem sacram, vt in multis quæ sana dicuntur ad sanitatē animalis, a sacro enim, vnde sacramentum, vt à veste vestimentuni, dicitur sacramē- tum, iuramentum, pecunia deposita apud Pontificem, regum & principum arcanū, omnes cēmoniaē sacræ; & hæc insignia Ec- clesie sacramenta: sed propriē hæc ipsa, in quibus est analogia secundū habitudinē si- gni, vt statim constabit: Sacra scriptura sæ- pē affirmat veteris legis plurima fuisse si- gna, eorū quæ ad nouam pertinent: Rom. 4. Abrahā signū accepit circūcisionis, signa- culū iustę fidei. Heb. 10. Lex habuit vmbra futurorum bonorū. Denique omnia in fi- gura cōtingebant illis. 1. Cor. 10. In nouo etiā testamento baptisimus est signum rege- nationis. Tit. 3. & sepultura Christi. Ro- ma. 6. Eucharistia passionis, Luc. 22. 1. Cor. 11. Ex his ergo rectē concluditur, sacramen- tū esse signum rei sacræ. Sic vsi sunt nomi- ne sacramenti veteres Patres, & omnes Theologi frequētissimē, vt Tertul. lib. 1. & 4. contra Marc. Cyprianus de ablutione pe- dum, Lactant. lib. 3. & 4. de sapient. Hiero. contra Lucifer. Ezech. 44. ad principium, & ad illud, cumque ingredientur portas. Aug. epi. 1. 18. 3. lib. de doct. Christia. c. 19. & alias sepissimē, vt speciatim cōstabit de sin- gulis sacramentis. Vfus Patrū hic est, & Cō- ciliorū, Lugdunen. de summ. Trinit. Late- ranen. sub Eugenio in fine, Florēt. & Trid. Dionys. de Ecclef. & cælef. hier. sæpē vo- cat Symbola quæ nos signa, & in Theoria baptisimi, sic expressit sacramēti nostrā de- finitionem, sensibilia sacra, intelligibilia signa sunt, & ad ea manu ductio & via, in- telligibilia autē sacrorū sensibilibus princi- piū & scientia. Græci pro sacramento fre- quētē dicunt mysteriū, & cū agunt de Eu- charistia, addūt epithetō, tremēdi, vel ab- solutē dicunt mysteria, per excellētiam &

antonomasiā, quæ explicabitur in doctrina de sacramentorū comparatione. aliquādo pro sacramento dicunt symbolū, quod est nota & signū, & antitypon, quia respōdet typo & figurę vet. testamenti ex imitatio- ne D. Petri. 1. epi. c. 3. vbi baptisimū vocat, antitypon arcę Noe, quod Latinus inter- pres reddidit, similis formę. Hęc dicta sint de nominis vsu, & accommodatiōe, de ipsa definitione, singulatim dicendū est. Est au- tem illa definitio generalis omnium sacra- mentorum in natura, lege & Euangelio, si- gnum rei sacræ, erit autē alia propria sacra- mētorū n. l. Vnde decepti sunt, qui eidem definitioni addiderūt efficaciam, vt sit signū efficax rei sacrę quā significat: quoniā hæc efficacia ostēdetur propria sacramentorū, n. l. & ideo nō est exprimēda actu in gene- rali definitione: cū id quod est per se infe- rioris, nullo modo superiori possit actu & expressē cōuenire, & in omni benē institu- ta doctrina generalia præcedere oportet. huius igitur generalis definitionis duę sunt partes, signum & res sacra.

§ Signū intelligitur sensibile, quod primō & præcipuē tale esse dicitur, quod sensibus perceptū, mentem excitat, ad percipiendā rem significatam. Sunt quidē signa intelli- gibilia species & phāsmata, sed homini- bus nihil potest vt signū proponi, quod nō oporteat necessariō sensibile esse, & ideo sacramentū est signū sensibile: quia omnis humana cognitio a sensu incipit: quare sa- cramentum datum hominibus ad signifi- candū occultam rem sacram, non potest non esse signū sensibile. Præterea. Omnis cultus exterior est interioris signū: quia il- le ad Deū pertinet, hic homines in eandē religionē connectit, quia sensibus ad co- gnitionē perducimur, Chrysost. hom. 84. in Matt. sed omnia sacramenta pertinet ad cultum Dei, vt significetur nos ab illo san- ctificari, & in eadē religione permanere: ergo sacramēta sunt signa. Sic Galat. 5. Cir- cūcisio est legis professio & obligatio, & Ephes. 4. cum actu interno coniungitur ex- ternum signum his verbis, vnā fides, vnum baptisma. Signum verō & relationem eius ad rē significatā, & rem relationi subiectā comprehendit: sed in illa definitione, pro re subiecta relationi significandi, ideo vsur- patur, quia res naturales ex voluntate Dei instituentis, ad hāc significationē, quæ fide diuina nobis constat, institutæ sunt.

Sacramenti ge-
neralis defini-
tio explicatur.

Vgho & Mag.
4. sent. d. 1.

Ad Arti. 4.
& 5. huius q.
Signum sensibi-
le, id est res na-
turalis ex vo-
luntate Dei sub-
iecta relationi
significandi rē
spiritualem la-
tentem: vt sa-
cramentum nō
sit signū vt re-
latio, sed vt res
subiecta rela-
tioni.

In omnibus sacramentis videretur signi & rei significatio.

2. Sed cum huiusmodi signum aliud sit naturale, aliud voluntarium ex institutione volentis, atque id duplex, vel quod habet similitudinem cum re significata, vel quod non habet; sacramentum erit signum sensibile ex voluntate Dei institutum, rei quâ significat persimile; & ideo fide diuina eâdem voluntatem patefaciente, percipi potest. Effectus suam causam naturaliter significat, vt vestigium significat animal cuius est, fumus ignem. Signa militaria & ciuilia, quæ plerûque in rep. instituta sunt, ex voluntate instituentis significant sine vlla plerûque similitudine, vt viridis ramus pendens, vinum venale; capita tamé papauerum à Tarquinio in horto decussa, significauerunt filio eius per quandam similitudinem, Gabiorum primores occidēdos esse. Hoc etiam modo sacramenta Deus instituit, quæ interius latentem rem sacram significarent; vt ablutio baptismi, interius abluentem gratiam à peccatis: eucharistiæ manducatio & cibus, interiorem cibum & vniōem animæ cū Deo significat. eadem ratio similitudinis in cæteris sacramentis deprehenditur. Vnde D. Dionys. de Eccles. hierar. hoc distinguit cælestem ab Ecclesiastica hierarchia, quod hæc signis & symbolis sensibilibus, illa verò spiritualibus cōstet; quod adeo semper fuit receptū in Ecclesia catholica, vt affirmet D. Aug. epi. 23. ad Bonifacium, quod si sacramenta non haberent similitudinem earum rerum quarum sunt sacramenta, sacramēta omnino non essent. Et D. Chrysost. hom. 83. in Matth. Rationem à nobis ex natura cognitionis humanæ desumptā sic expressit, loquens de nostris sacramentis: si tu incorporeus esses, nuda & incorporea Deus tradidisset tibi: quoniam verò corpori huic anima coniuncta est, in sensibilibus intelligibilia tibi tradi voluit: quæ sententia valde est consentanea cum altera, quam ex D. Dionysio retulimus.

3 Sed præterea obseruandum est, hoc signum sensibile in plerisque sacramentis, vt in omnibus n.l. non esse vnam & simplicem rem, sed ex duobus constitui perfectū signum, quorū alterum sunt certa & præscripta verba, quibus & re altera adiuncta, sacramentalis actio perficitur. Ex his verò, verba formæ rationem habent, res altera materiæ: quia res determinatur ad significationem congruentem rei sacræ, ipsis ver-

bis præscriptis: quod autem determinatur, materiæ, quod determinat, formæ rationem habet. D. August. Verbum & elementum appellat in baptismo, vnde est illa vulgata sententia, accedit verbum ad elementum, & fit sacramentum: itaque quamuis ipsa nomina materiæ & formæ, scholastica sint, & ex consuetudine Philosophorum desumpta, res tamen subiecta in ipsis sacramentis n.l. verè reperitur, & ex similitudine materiæ & formæ naturalis, rectè illis nominibus appellatur. In his igitur pluribus coniunctis est vnum signum, quod dicimus sacramētum. Vnde illa duo constituentia vnum signum, vel inter se cōferuntur, vel cum significatione, à qua dicuntur esse vnum signum. Primo modo, alterum est vt materia, alterum vt forma, propter rationem explicatam: altero modo, vtrunque est vt materia, cuius forma est significatio sacramenti propria. Dico autem significationem propriam sacramēti, quia verborum huiusmodi propria significatio, non pertinet ad formalem significationem sacramenti, sed vt res quædam debet accipi, quæ determinatur ad significationem rei sacræ, quæ significatio est formalis sacramento ex diuina institutione: neque aliter ex cōmuni vsu loquendi, verba illa, ad significandam rem sacram & sanctificantem, accommodari possent, vt potestèa constabit apertius, cum causas institutionis sacramētorum explicauerimus. Itaque tota externa sacramenti materia, comprehendens verba & elementa, significat non vt voces ex humana institutione, sed vt res diuinitus, ad representandum aliquid, vltra vocum vulgarem sensum, assumptæ. Et idcirco, etiam si sacramenta vulgari lingua non administrantur, quod in catholicis Protestantes inconsideratè reprehendunt, tamen vulgaribus etiam hominibus, quibus aliæ linguæ ignotæ sunt, benè institutis in religione Christiana, sacramentaliter significant: & nō benè institutis, etiā si eruditis in omnibus linguis, nihil omnino sacramentaliter & Christianè significant. verbi gratia, ablutio exterior pueri, adiunctis illis verbis: Ego te baptizo, &c. eruditissimo latinæ linguæ infideli, non significant emundationem & sanctificationem interiorem, quam tamen significant Christiano ignoranti linguam latinam. Porro in omnibus sacramentis est nota

Florent. Tri d. & omnes Theologi.

Significatio quâ ratione fit forma sacramēti.

Sacramentorum significatio, bene institutis in religione.

Commen.in D. Tho. tert. part.

est nota materiæ & formæ distinctio, præterquam in matrimonio & pœnitentiâ: sed in illo, consensus vnus contrahentis, vt determinatur, est materia, vt alterum vicissim determinat, est forma, modò exprimatut verbis, vel æquiualeñtibus signis: quia aliter non erit signum sensibile, & ideo neque sacramentum: in pœnitentiâ, materia sunt peccata confessâ & contrita, & satisfactio- ni exposita. quod autem dicitur & vere, solo consensu fieri matrimonium, non excludit externum signum, sed parentû consensum, vel copulam contrahentium. Sed aliquândo quæ non sunt in materia & forma sacramenti, quia neque sensibilia, dicuntur sacramentum, quatenus signis sensibilibus significantur, vt Christus in Eucharistia dicitur sacramentum, accommodato per synecdochê nomine cõtinentis rei cõtente. Itaque dicitur sacramentum quia non per propriam speciem, sed sacramentaliter & occultè continetur infra q. 73. ar. 1. ad tertium. Vel quia est ibi sacramentaliter vt signum & autor gratiæ, quâ in suscipiente efficit. explicauimus priorem partem definitionis sacramenti.

*Escharacter
etiam dicitur
sacramentum
infra q. 63. ar.
3. ad 2.*

4 Alterâ pars est [res sacra] ea vero nõ est quæcunque res diuina, sancta, religiosa, occulta aut Deo dicata: cum huiusmodi significari possit imaginibus, cæremoniis, & sacrificiis veteribus, æneo serpente, manna, transitu maris rubri, ingressu terræ promissæ, quæ tamen constat non fuisse sacramenta: quia res sacra in hac generali definitione sacramenti, est gratia formaliter nos sanctificans: non quod omne sacramentum eam efficiat, cum hoc sit proprium sacramentorum nouæ legis, sed quod omne eâ significet: vt sanctificatio referatur ad rem sacram significatam, non ad sacramentum vt efficiens, vel instrumentum illius: & ideo à ratione sacramenti excluduntur, solennes vasorum, templorum, altarium, vestium benedictiones & cõsecrationes: quia licet passionem Domini exprimant, non tamen vt immediatè applicatam ad nostram sanctificationem, licet eam eminus respiciant. Res autem hæc sacra nõ exprimitur definitione sacramenti, vt causa generalis nostræ sanctificationis, sed vt ipso sacramenti vñu sanctificas, vt ablutio baptismi significat gratiam, quæ in baptizato recepta formaliter ipsum sanctificat. Alioquin omnia vetera sacrificia, quæ prænuntiabât nostram sanctificationem per

*Res sacra vs
forma.*

Christum, essent sacramenta, cõtra definitionem Concilij Florent. in doctrina de sacramentis, quâ in veteri lege distinguit hæc tria inter se, sacramenta, sacra, & sacrificia. Sit itaque, res sacra, gratia sanctificans, non sub ratione communi, & vt in generali causa passionis Dominicæ constituta, sed quæ actu & vñu sacramenti, ad alius sanctificationem applicatur. An vero applicetur efficacia ipsius sacramenti, modò non asserimus, sed quod significatur ipso vñu applicata, non determinando an per ipsum effectiue, quod explicabitur in differetia sacramentorû, veteris & nouæ legis. Explicatur eadem sententia hac distinctione: gratia & sanctificatio Christi, quæ sacramentis significatur, tribus modis potest significari, vel vt est in se, vel vt generalis causa meritoria nostræ sanctificationis, vel vt immediatè & formaliter hominẽ sanctificans, & ideo dicitur iustificans, & gratum faciens: primo modo significauit gratiâ Christi columba in eius capite appa-rens cum baptizatus est, secundo modo omnia vetera & noua sacramenta representans passionem, resurrectionem, & gloriam Christi, quibus nos generaliter sanctificamur: tertio autem modo gratiam sacramenta propriè significant: & quamuis altero modo significant, ex hoc tamen tertio præcise habent sacramenti rationem, vt statim confirmabitur.

5 Explicatione vñusq; partis definitionis sacramenti, confirmatio singularû partium cõsequitur. Primo igitur ostenditur sacramentum esse signum sensibile, tribus argumentis Theologicis. Primû sit ex Concil. Florent. in doctrina de sacramentis, vetera & noua sacramenta significant gratiâ, sed noua tantum efficiunt: ergo commune est omnibus sacramentis esse signa sensibilia gratiæ. Secundum est: quia homines signis sensibilibus in professionem eiusdem religionis colligantur, sed sacramentis colligantur, vt in vet. l. circuncisione, in noua baptismo, & ideo qui circunciditur, inquit Paulus ad Galat. debitor est vñuersæ legis faciendæ: sacramenta igitur sunt signa sensibilia. Tertium est: quia quod in omnibus singulatim facta inductione sacramentis reperitur, id est in generali definitione sacramenti constituendum: si autem singula veteris & nouæ legis sacramenta percurras, reperiess vñumquodque esse signum sensibile: re-

Et igitur,

Et igitur generaliter definitur sacramentum, signum sensibile.

6 Altera p. definitionis, rei sacre, vt sanctificantis formaliter sic primo confirmatur. Sacramenta data sunt nobis post lapsum primi hominis, vt mundati à peccato sanctificemur: sunt igitur signa rei sacre sanctificantis: alioquin non congruerent fini suæ institutionis. Secundò, quia noua sacramenta efficiunt quod significant, & ratione huius efficacie differunt à veteribus, ex doctrina de sacramentis Concilij Florentini: sed recta fides docet ea efficere gratiā, vt instrumenta, quod suo loco constabit, ergo significant gratiam. quod si in ratione significandi cum veteribus conueniunt, omnium sanè commune erit, significare gratiam sanctificantem. Sic de baptismo Rom. 6. quod efficiat nos commori peccato, quod est sanctificari: & de Eucharistia Ioā. 6. Qui māducat me viuet propter mē, & 1. Cor. 10. vnum panis & vnum corpus multi sumus, qui de vno pane & calice participamus: quibus omnibus significatur gratia vnionis, quam Eucharistia in nobis efficit.

7 Ex his efficiuntur quedā consecratoria, ad id de quo agimus valde accommodata. Primum sit, quamuis sacramenta pleraque; vt nouæ legis omnia, multa significant: ea tamen sola ratione propriè habent rationem sacramenti, qua sunt signa rei sacre sanctificantis. Prima p. consecrarij constat, quia recepta est illa sententia Theologorum, sacramentum nouæ legis est signum rememorationum passionis Christi præteritæ, demonstratiuum præsentis gratiæ sanctificantis, & prognosticum rei futuræ, vt gloriæ. idem ostendit D. Paulus in baptismo Rom. 6. cum ait, quicumque in Christo IESU baptizati sumus in morte ipsius baptizati sumus, consepulti enim sumus cum illo per baptismum in mortem. Ecce recordationem mortis Christi: deinde, vt sicut Christus surrexit à mortuis per gloriam Patris ita & nos ambulemus in nouitate vite, ecce gratiam præsentem: tandem addit, si enim complantati facti sumus similitudini mortis eius, simul & resurrectionis erimus: ecce gloriam. idem docet Damasc. 4. lib. de fide. c. 4. & Dyonis. de Eccles. hier. c. 4. & potest colligi de Eucharistia Ioā. 6. & 1. Cor. 10. Altera p. consecrarij constat ex præcedentibus, in quibus ostendimus

differentiam illam sacramenti, rei sacre, tantum esse accipiendam de gratia formaliter sanctificante.

8 Secundum consecrarium est, sacramentorum triplex est usus & utilitas generalis: primus Dei in nos, sanctificatio & gratia de qua modò dictum est: alter nostri in Deum, scilicet, cultus & reuerentia pertinens ad religionem virtutem, quatenus ipso usu sacramenti, profitemur Deum autorem nostræ sanctificationis, nos peccatores & egentes diuina gratia, subiectos rebus sensibilibus sacramentorum per Deum, &c. Tertius est, nostri inter nos ipsos, quatenus sacramentorum susceptione, in professionem eiusdem religionis colligamur, neque aliter ab alienis distingui possumus, vt prius explicatum est. Tertium consecrarium est, signa sensibilia, quæ in sacramentis nouæ legis constant materia & forma solus Deus definire & instituere potest. solus enim Deus ex se propria virtute est causa sanctificationis: solus igitur Deus potest signa sanctificationis definire & instituere: quoniam vis hæc significandi, rebus ipsis creatis naturaliter inesse aut conuenire non potest, sed secundum potentiam obedientiæ, quæ respicit primum agens: ergo non possunt actu habere vim significandi sanctificationem, quā propria virtute solus Deus efficit, nisi ab ipso ad significandum accommodentur. Vnde apertissime deprehenditur inconsideratio Protestantium qui sacramenta vulgari lingua administrari volunt, neque aliter fidelibus suscipientibus significare: quasi verò hæc significatio in usu vulgari alicuius linguæ posita sit, & non potius in doctrina religionis, per quam etiam ignarus linguæ latine cognoscit & credit, ipsam actionem sacramentalem, sanctificationem interiorē sacramenti cuiusque; propriā significare. Præterea, sacramentalis significatio est in signo sensibili sacramenti: hoc autem signum sensibile rebus & verbis constat in Euangelio: quare ad percipiendam huius signi significationem, nihil facit sola verborum cognitio, vt constat in forma baptismi, confirmationis, &c. Quidquid voces ex humana institutione significant, sacramenta verò ex diuina, ultra vocum vulgarem intelligentiam: nihil igitur refert ad significationem sacramenti percipiendam, vocum in quibus administratur cognitio: sed potius catholicæ religionis accurata institutio.

Sacramentorum triplex usus communis.

Ad artic. 1. & 2. q. 64.

Solus Deus autor & institutor sacramentorum.

Sacramenta vulgari lingua non sunt administranda.

Comment. in D. Th. tert. part.

tutio. Deniq; verba & formæ sacramentorum non significant sacramentaliter ex usu verborum sanctificationem, sed vt res quædam materiam sacramenti determinantes: verborum igitur significatio percepta, per se non facit ad percipiendam quam dicimus sacramentalem significationem, hoc est vt signi à Deo supranaturaliter instituti. Dico autem, per se non facit, quia quod omnium sacramentorum significationi sacramentali conuenit, hæc explicandum est, accidit autem quibusdam sacramentis, vt assumptæ fuerint formæ, quæ ex communi vocum impositione remissionem peccatorum, & ex consequenti gratiam iustificantem significant, vt in pœnitentiæ & extreme vnctionis sacramentis, vt ex aperta ipsarum formarum significatione, maxima quædam animarum consolatio in suscipientes deriuatur. Colligamus igitur ex ratione huius consecrarij proposita, quod sicut iudicio Spiritus sancti definitum est, quibus similitudinibus in sancta scriptura spiritualia significantur: ita oportuit, à Deo institutum esse, quæ res assumantur ad significandum in singulis sacramentis: quod hæc significatio nõ conueniat his rebus ex aliqua virtute naturali, sed solum ex diuina institutione. Etenim licet sit in creaturis aptitudo quædam, ad significandum effectum spirituale: ista tamen aptitudo ad specialem effectum spirituale significantum, à solo Deo potest determinari: vt aqua apta est ad significandum mundiciem, sed significare eam quam baptismus efficit, solus Deus qui per se eandem efficit, potuit instituere: & ideo ad istum speciale effectum significandum in creatura tantum est potentia obediendi. Præterea, significationem practicam, id est rei actus sanctificationis solus Deus potest instituere: quare & sacramenta, quæ sunt signa practica hoc modo omnia, respectu gratiæ actus receptæ, licet solum efficiatur per noua sacramenta: in omnibus tamē aliis recipitur gratia, licet non per ipsa, vt cõstabit in differentiis sacramentorum v. & n. l. Hæc est prima ratio tertij consecrarij.

9. Altera ratio est, quia si creatura rationalis, homo vel angelus posset definire signa sensibilia sacramentorum, quæ sunt materiæ & formæ illorum, posset Deo præscribere, quibus rebus homo sanctificari deberet: quod est valde absurdum: cum hæc sanctificationem non sit ex aliquo debito creatu-

ræ, sed ex sola voluntate & misericordia Dei. Huiusmodi rationes concludunt generaliter de omnibus sacramentis naturæ, legis, & Euāgelij, quia omnia sunt signa gratiæ sanctificantis, ex qua rationes conclusæ sunt. Sed in statu naturæ, illa sacramenta ex speciali instinctu & reuelatione Dei interiori, facta saltem primoribus & capitibus familiarum, sunt instituta, & hac ratione Deum autorem habent: ritus enim & sacramenta legi contentanea esse debent: in illo verò statu lex scripta nõ fuit, aut exterius proposita, sed cordibus hominum inscripta: cum lex naturæ perfectè lucret in cordibus hominum, neq; adhuc esset peccatis extincta aut cõtaminata. Postea admonitione illa legis naturalis per peccatum contaminata, & in multis excæcatis quodammodo extincta, ne errarent homines in fide & religione, legem & mādta scripta Deus proposuit per Moysen. Hac ratione factum est, vt quamuis in cultu externo & sacrificiis Deo offerēdis liberior fuerit ante legem populus patriarcharum: tamen sine diuina reuelatione nihil horum statutum fuisse iudicamus. de circumcisione quidem, quæ legem præcessit, hoc valde manifestum est, cum eam Dominus Abrahamo præceperit Genes. 17. reliqua verò licet non tam apertè, omnia tamen peculiari instinctu Adamo primum, deinde aliis Patribus populi à Deo fuisse tradita, & deinde ab eorum filiis frequentata censemus. in quo genere, videntur esse sacrificia duorum primorum fratrum, holocaustum Noe, sacrificia Iob pro peccatis filiorum & amicorum: vt quemadmodum hæc sacrificia spirituali instinctu in certis & definitis rebus instituta sunt, sic de sacramentis, quæ in eodem statu naturæ fuerunt, existimamus.

io De sacramentis v. l. res notior est, cū omnia Domino præcipiente & Moyse proponente & promulgante, sint instituta, vt constat ex sancta scriptura Leuitici. Sunt autem speciales rationes de his veteribus sacramentis, præter duas illas generales ex significatione sanctificationis, de omnibus sacramentis conclusas. Vna specialis ratio est, quia vt solus Deus reuelare potuit mortem & passionem Christi futuram, & eius ad nostram sanctificationem applicationem: sic etiam Deum instituere fuit necesse, quibus actionibus, sacrificiis, sacramentis

In natura

In lege

mentis & creaturis, illa omnia significata prædicerentur: quæ ratio ex ea parte sacramentis nouæ legis potest accommodari, qua sunt signa mortis Christi, sed præteritæ, vt illa v. l. sacramenta fuerunt signa futuræ. Altera ratio specialis de sacramentis veteribus est, quod haberent illa alium effectum supernaturalem, quatenus conferrebant mundiciem legalem, quam nulla creatura ex sua natura conferre poterat: vt autem homo condere non potest legem, quæ statuatur huiusmodi immundiciem, qualis fuit ex partu, ex mortui contactu, sed solus Deus, ita quoque solus Dei est sacramenta aut sacrificia instituere, quæ efficiant hominem mundum ab omni legali immundicie.

Hebr. 9. Si enim sanguis hircorum, &c.

In Euangelio.

15 De sacramentis deniq; n. l. ipsa à Christo qui verus Deus est immediatè ipsius ore fuisse instituta, dubitari nõ potest: quod sententia quorundam Theologorum asserentium extremam vnctionem à Iacobo, & alia quedã ab aliis instinctu diuino fuisse instituta sit planè explosa, & in Concil. Trid. sess. 7. Can. 1. dñata. vt licet expressa scriptura non commemoret ea esse à Christo instituta, nec tempus aut rationem institutionis describat, certò tamè credamus, Christum immediatè præscripsisse omniũ sacramentorum materias & formas, neque vlli ministro eorum institutionem commisisse. Hoc significat illa sententia Baptistæ Ioan. 1. hic est qui baptizat, cum Christum demonstraret. Ideo etiam Paulus 1. Cor. 1. & 3. diligenter admonuit, ne quisquam baptismũ Pauli aut alterius ministri esse diceret, qui sola Christi potestate constaret. Huius causam D. Aug. tract. 5. in Ioannem sic reddit: potestatem baptiismi ipse Dominus habiturus erat, & retenturus sibi, siue præsens in terra, siue absens in cœlo, nec Paulo nec Petro traditurus, nec in aliquem translaturus, ne seruus in seruis spem poneret, & nõ in Domino: itaq; aliquando Paulus Euangelium meum dicit, baptismum aut sacramentum meum non dicit.

Sacramenta ratiõ esse à Deo in rebus sensibilibus instituta, variis argumentis ostenditur, quæ sumuntur. Ex Deo.

16 Confirmant præterea Theologi cõuenientissimum fuisse sacramenta à solo Deo institui argumentis variis, sed si rectè expendamus, omnia videtũ reuocari ad tria capita: aut enim ex Deo, aut ex nobis, aut ex creaturis pro materia illorum institutis desumuntur. Ex Deo quidem, quia in hac sacramentorum institutione deprehendi-

tur misericordia, iustitia, sapietia, & potentia Dei. Misericordia, quia in rebus passim obuiis & facile parabilibus, constituit nostram sanctificationẽ, v. g. aqua, pane, vino, oleo, vt sicut facile homo labitur in peccatum, sic etiam facile posset in gratiam Dei restitui. Iustitia, quia homo offendit Deũ, & appetit dignitatẽ Dei, abutens creatura contra Dei præceptum: quare decebat diuinam iustitiam sic reparari hominem, vt creaturis ad suam salutem subiceretur. Sapietia, quia corporalem & abiectam creaturã cum diuino opere & admirabili, sanctificationis hominũ, coniunxit: quod in sacra Eucharistia ratione realis præsentia Christi, mirabilis apparet: vt sicut Christus nostram salutem operatus est in sensibilibus suæ carnis rebus, aqua, sanguine, sudore & similibus, sic etiam nobis applicaretur per elemẽta sensibilia. Potentia, quia in creaturis corporalibus vt primum triumphauit de dæmone, sic per easdem efficit & significat sanctificationẽ, quam nec angeli nec homines ex se efficere possunt. Vnde potetia & sapientia Dei, in toto opere redẽptionis & sanctificationis nostræ, mirabiliter elucet, vt explicatũ est supra q. 1. ar. 2. huiusmodi rationes ex Deo colliguntur.

17 Ex homine, illa prima ratio desumitur: quia cõgruit naturæ ipsius vt per sensibilia ducatur ad spiritualia & intelligibilia, sic autem deducitur per res sensibiles institutas à Deo in sacramentis, iuxta illud Rom. 1. inuisibilia Dei per ea quæ facta sunt, intellecta cõspiciuntur. Vnde D. Aug. vocat nostra sacrametã, verba visibilia quibus gratia passionis Dominicæ, nobis annũciatur & accommodatur: vt baptismo intelligimus quo modo Christus purget à peccatis, Eucharistia quo modo pascat animas, foueat ad nouam vitam in Christo, quo modo vniet; oleo, quo modo roboret, ceteraq; supra naturæ cõditionem in nobis mirabiliter operetur. Altera ratio est, quia his externis symbolis sacramentorum, colligatur primum respublica colentium Deũ & Ecclesia, charitas ciuium eiusdẽ reip. conseruatur & augetur, fides in Deum professione externa signorũ exercetur: separatio malorũ ab Ecclesia apertè fit, cum à sacramentorum cõmunionẽ separatur. vnde Aug. ep. 118. c. 1. inquit Christum sacramentis significatione præstãtissimis, & obseruatione facillimis, societate noui populi colligasse.

D. Tho. 4. lib. contra Gent. 6. 56.

1. Cor. 1. infirma mundi eligit Deus.

Ex homine.

Rom. 20. corde creditur ad iustitiam, ore fit confessio ad salutem.

Comment. in D. Tho. tert. part.

Ex rebus sensibilibus.

18 Reliquæ sunt rationes, ex creaturis desumptæ; quarum prima est: vt verum vsum creaturarum ad honorem Dei, homines intelligerent, cum sæpè ad offensionem Dei creaturis abutantur: vt maior sit ars Christi seruantis homines per creaturas, quam dæmonis per easdem perdentis. Sic autem creaturæ quæ vanitati inuitè subiiciuntur, vt inquit Paulus Rom. 8. incipiunt liberari à seruitute corruptionis, in libertatem gloriæ filiorum Dei: & quæ peccatis nostris cõtaminatæ, & à naturali cõditione deiectæ, naturæ horrore insito ingemiscunt, per assumptionem ad sacrum vsum sacramentorum, intima rursus nature inductione lætentur, sibiq; quodammodo gratulentur. Atq; etiam tunc propriissimè creaturæ Deum benedicunt, cum illi exhibentur, nõ solum vt supremo conditori, sed vt redemptori & instauratori rerum omnium: vt ita homo simul cum rebus omnibus sua causa institutis, cultum Deo summum exhibeat, quod D. Irenæus lib. 4. c. 32. sanctè explicat disserens de Eucharistia. Altera ratio colligitur ex fine creationis creaturarum omnium. Si enim hominum gratia conditæ sunt, cõsentaneum est, vt non solum nobis subseruiant ad corporis & vitæ communis subsidia, sed multò magis ad animarum salutem, & spiritualia beneficia: vnde etiam creaturarum præstantia, dignitas & indita à creatore bonitas ostèditur, contra Manichæos & vetustiores quosdam hæreticos, qui corporeas res impiè abominabantur, vt in se ipsis prophanas, & creatione impuras, cum tamen Deus his voluerit coli, & Christus in summo suo sacrificio, & in sacramentis nostris vti voluerit. His rationibus effectum est, omnia sacramenta à solo Deo rectè instituta esse in rebus sensibilibus.

Leo serm. 4. de quadrag.

Ad art. 3. & 4. q. 64.

19 Ex quibus apertè efficiet, non esse in potestate totius ecclesiæ, summi Põtif. aut concilij generalis, sacramentum aliquod instituere: vel de materia & forma, quæ sunt partes essentielles sacramentorum nouæ legis aliquid mutare, Christum autem, & vt Deum habuisse potestatem instituenti, quæ dicitur autoritatis, & vt hominem potestatem excellentiæ, reliquos homines tantum habere potestatem ministerialè, administrandi sacramenta à Deo & Christo instituta. Potestatem autoritatis dicimus, quam quis per se & propria virtute habet, non ex alio, vnde dicitur autor illius, reli-

Potestas autoritatis ad sacramenta in Deo.

qua est in omnibus aliis potestas ministerialis, quæ vel est excellentiæ, vel ministerialis tantum. Deus tantum habet potestatem autoritatis, quia solus est prima causa, quæ propria virtute operatur, reliqua omnia potestatem ab illa deriuant: & quia omnibus vititur Deus vt ministris & instrumentis, ideo ab illo desumunt ministerij & instrumenti potestatem. In sacramentis igitur triplex est efficiens causa, principalis vel prima, ministerialis suprema, & ministerialis inferior. principalis est Deus vnus & trinus, supremus minister, Christus vt homo, & sacerdos, & lator nouæ legis, inferior minister, est homo sacramenta vice Christi dispensans. His tribus causis respondet triplex potestas, autoritatis, excellentiæ, ministerij. Potestas autoritatis est in Deo propria, natua, à nullo deriuata, in institutione, confectioe, operatione & dispensatione omnium sacramentorum, immediatè, propriè & per se, tam ad ipsa quam ad effectus eorum producendos concurrens. Atq; ideo huic primariæ causæ soli suo iure & propria autoritate, tribuitur institutio, & bonus vsus instrumenti cuiuscumq; productis effectum spirituales & supernaturales, cuiusmodi est sacramentum, quoniam Deus solus per se dat gratiam & iustitiam, teste propheta Psal. 83. gratiam & gloriam dabit Dominus: & Apostolo Rom. 8. Deus est qui iustificat. Solus enim Deus per se illabitur in animam, & inter nos gratiæ effectus in ea producit: quare cum hæc solus Deus efficiat propria autoritate, conficitur sanè, ab eo tantum institui posse instrumentum gratiam significans, conferens & iustificans. Mera igitur calumnia est hæreticorum, qui obiciunt nos tribuere sacramentis, & ministris eorum in nouo testamento, quod solius Dei proprium est.

20 Altera potestas, quæ in Christo vt homine, tanquam in supremo noui testamenti ministro residet, non est sic natua, sed ministerialis, accepta & à diuinitate dependens: sed quia est instrumenti cum verbo Dei personaliter cõiuncti, & capitis singularis & reliquæ potestati humanæ præstas, ideo à Theologis dicitur potestas excellentiæ, quam Christus sæpè vel instituit sacramentum, vel præcipiens aliquid Apostolos de vsu eorum solebat commemorare, nomina quidem missionis, circa sacramentum

Causæ efficiens sacramentum.

Potestas excellentiæ in Christo ut homine.

In quibus po-
sita sit hac po-
testas.

sacramentum poenitentiae Ioan. 20. cum inquit, sicut misit me viuens pater. circa sacramentum baptismi Matth. ult. Data est mihi omnis potestas in caelo & in terra, euntes ergo docete omnes gentes baptizantes eos in nomine Patris, & Filij & Spiritus sancti. eadem potestas, nomine clauium exprimi solet, & aliis modis in sancta scriptura. Cum autem Christi passio, quæ illi ut homini competit, effecerit nostram salutem & iustificationem non tantum meritorie, sed effectiue, non principaliter, sed instrumentarie, ut ostensum est supra quæst. 8. artic. 4. ideo potestas excellentiæ in his quatuor posita est. Primo quidem quod meritum & virtus passionis eius, operatur & applicatur in sacramentis: secundò quòd eius nomine tantum sacramenta conficiantur à quocunq; ministro: tertio ut idem, qui ut homo sua passione virtutem dedit sacramentis, possit sacramenta instituere: quarto, quia causa non pendet ab effectu, sed contrà, ut sine sacramentis potuerit Christus, effectum sacramentorum communicare. De primo constat, sacramentis nouæ legis nobis tantum communicari ea, quæ Christus nobis meruit, gratiam, satisfactionem culpæ & poenæ, ut licet hæc omnia, sine meritis nostris nobis donentur, non tamen sine debito meritorum & satisfactionis Christi: & ideo nobis sunt gratuita dona, sed Christi meritis comparata: quia de eius gratia omnes accipimus Ioan. 1. & per Christum Deus omnia nobis pretiosa donauit promissa. 2. Pet. 1. Nihil itaq; culpæ aut poenæ vllò sacramento remittitur, pro quo Christus plenissime non satisfecerit: & idcirco sacramenta non habent aliam vim nisi quam Christus meruit, sed illa meritorum & satisfactionis sufficientia, sacramentis secundum efficaciam applicatur. De secundo manifestum est, sacramenta omnia nouæ legis in nomine Christi sanctificari, non id significare quod nomen Christi in formis horum sacramentorum exprimitur, cum potius omnia ferè inuocato nomine Trinitatis conficiantur: sed significat, illius virtute, instituto, primario ministerio, & fide huius nominis, à ministris Christi sacramenta dispensari, cum non sit aliud nomen sub caelo in quo oporteat nos saluos fieri: & inde effectum est, ut nullus vnquam ausus fuerit, sacramentum suum

dicere, quod Christus instituit, ut supra ex D. Augustino obseruauimus. Tertium quod erat in potestate excellentiæ ex precedentibus aperte deducitur, cum ostenderimus eum posse sacramenta instituere, qui sanctificare potest: Deus autem potest perse & principaliter, Christus quia homo, ut instrumentum coniunctum, interiori sanctificationem efficere: Christus igitur & ut Deus per se, & ut homo per potestatem excellentiæ sacramenta potest instituere. Præterea si sacramenta in Ecclesia necessaria sunt, qui Ecclesiam Christianam instituit, sacramenta etiam debet instituere: Christus autem fundauit nouum testamentum & nostram Ecclesiam: Christus igitur etiam ut homo sacramenta instituit. Communicasse autem Christum effectum sacramentorum sine sacramentis, ut remissionem peccatorum & gratiam notissimum est, ex condonata culpa Magdalene solo verbo, & poena peccati adulteræ, atque paralytico, & eam potestatem habere filium hominis in terra, illo miraculo Iudæis demonstrat. Hæc diligenter omnes catholici animaduertant, quæ diximus soli Christo conuenire quia Deus, & quia homo est per potestatem excellentiæ, contra hereticos inconsideratè asserentes, nos nihil Christo tribuere in gratia sacramentali, & totum quod ministris inferioribus aut sacramentis tribuimus, Christo detrahi, cum tamè contrà à nobis effectus sit. Sed hæc à Theologis quæritur, an Christus hanc potestatem excellentiæ, vlli homini comunicauerit, vel comunicare potuerit? & quidem non comunicasse certum est, quia definitum est in Trid. sess. 7. Can. 1. omnia immediatè à Christo instituta contra hæreticos, & quosdā catholicos, qui confirmationem, & unctionem, vel ab Ecclesia, vel ab Apostolis asseruere instituta. idem probant Ambr. lib. 4. de sacramentis c. 4. Cyprian. serm. de baptismo Christi. Aug. tract. 5. in Ioan. & ideo nullus vnquam conatus est hominem à peccatis absolvere sine sacramento, neque D. Paulus Corinthium incestu commaculatum 1. Corin. 5. à culpa extra sacramentum absoluit. esto tamen non comunicauerit Christus potestatem instituendi sacramenta: an potuerit communicare? respondeo, potuisse ab alio institui sacramenta potestate Christi accepta, quæ gratiam virtute illius confer-

Disputatio
de potestate
excellen-
tiæ.

Comment. in D. Th. tert. part.

Artic. 6.

rent, vt modò conferunt, vt sicut aqua benedicta est instituta, sic sacramentum sanctificans à puro homine institueretur, virtute meritòrum Christi. Sed quod ex homine institueretur, & per gratiam ipsius tantam habeat dignitatem & valorem sacramentū à puro homine institutum, & equalis virtutis gratia communicetur affirmari non potest: quia gratia sacramentorum Christi habet participatam vim valoris infiniti, quatenus est à gratia Christi & merito, & similiter satisfactionis quæ vis à nulla puri hominis gratia deriuari potest, quia requirit suppositum infinitum, vt diximus de Christi satisfactione supra q. 1. art. 2. & consentit 12. q. 114. art. 4. itaq; quod Christo ratione vnionis conuenit, ratione infiniti suppositi, supremi capitis, satisfactionis generalis, id purò homini communicabile non est, non ex defectu potentie Christi, sed ex hominis ineptitudine: vt creatio creaturæ non communicatur, non ex defectu Dei, sed ex imperfectione creaturæ, quæ potentie infinite capax nō est. D. Aug. primum ex his duobus, quæ asseruimus affirmauit tract. 5. in Ioan. secundum fieri posse nusquam affirmauit.

21. Ostensum est, solum Deum instituisse sacramenta posse, & Christum instituisse noua, vt Deum, & vt hominem, nunc explicandum est, quid sit proprium in sacramentorum Christi institutione. cum enim instituere sacramentum, sit definire quod est ipsi essentiale, vt signo sensibili, & hoc in nouo testamento constet rebus vt materia, & verbis vt forma, vel elemento & verbo, vt loquitur D. August. hoc sanè erit proprium sacramentorum Christi, vt eorum essentia & sensibile signum verbis definitis constet: quia nullum aliud vel in natura, vel in lege verbis constituisse: certò affirmari potest. Quæ autem verba definita statuuntur in quibusdam cæremoniis Num. 6. & Deut. 26. nō tribuuntur sacramentis: vt quatinus in aliis rebus ad cultum Dei pertinentibus verba aliquando definiuntur, nunquam tamen in consueciendo aliquo sacramento. Sed illa videntur verba, quibus in solemnibus cæremoniis beneprecabatur populo ministris, vt modo beneprecamur descriptione crucis, & inuocatione diuinæ Trinitatis.

22. Vt igitur in sacramentis nouæ legis res & materia cuiusq; sacramenti à Christi-

sto instituta est, vt ex diuina traditione semper Ecclesia catholica docuit, sic definita & prescripta sunt verba, quæ materiae coniuncta, sacramenti essentiam perficiunt. Cuius rei illa est ratio necessaria, quod sic Christus instituerit, vt postea constabit, & quidem nouæ legi congruenter: tum quia expressius significari sanctificationem, nouæ legis proprium est: & verba expressius quam materia significant: tum etiam quia sacramenta nouæ legis efficiunt sanctificationem quam significant, & efficientia Dei in sancta scriptura, verbis exprimitur, vt dixit Deus fiat lux, & facta est. Formam verborum veteres vocare solent imprecationem, deprecationem, precem mysticam tam super materiam sacramenti, quam super suscipientem, vt D. Hieron. contra Lucifer. & 58. c. Isaïæ, & Aug. lib. 5. de bapt. contra Donat. c. 20. audit, inquit, Deus homicidam deprecantem, vel super baptismum, vel super oleum, vel super Eucharistiam, vel super capita eoruin quibus manus superimponit. huiusmodi verò appellationes videntur ex imitatione D. Iacobi exortæ, cum ait c. 5. de extrema vnctione, & oratio vel deprecatio fidei saluabit infirmum. vocat orationem fidei, prescriptam verborum formam, secundum sensum legitimum verborum, qui fide tenetur. Et D. August. lib. 3. de baptismo contra Donat. c. 16. vnum ex his sacramentis, quæ impositione manuum fiebant, orationem super hominem dicit. Negandum tamen non est, formas verborum, ad modum orationis, vel petitionis & precis conceptas, vi in sacra vnctione, cuius verba sunt deprecatoria, posse etiam dici orationes pro hominibus, non tantum super sacramenta, vel homines, sed non in sensu hereticorū: qui ided asserunt esse deprecatorias, quod non sint infallibiliter, aut ex opere operato efficaces; sed sic vt ad huiusmodi preces ex institutione Dei necessariò sequatur effectus, in suscipiente ritè disposito. Ex quo valde probabile est, id quod Act. 8. dicitur de Apostolis [orantibus pro quibusdam baptizatis, vt acciperent Spiritum sanctū,] & statim imponentibus eis manus, intelligendum esse, de verbis formæ confirmationis, licet non negauerim intelligi posse de aliqua prece, extra sacramenti substantiam. D. enim August. lib. 6. de bapt. contra Donat, in baptismo distinguit duo genera verborum

Art. 6. ad 3.

Ad art. 6. 7. & 8. huius quæst.

De verbis, quæ sunt forma sacramentorum non regu.

Lib. 6. c. 25. d. lib. 3. c. 25.

verborum, vnū quod antecedit vel sequitur sacramētum, & vocat precem, quæ vel ipsa aqua consecratur ad vsum sacramenti, vel reliquæ solemnitates perficiuntur: alterum est quod ad ipsam sacramenti substantiam pertinet, sine quo baptisumus consecrari non potest, & hoc eleganter appellat verbum Euangelicum, quo symbolum vel signum, idest sacramentum constat. Quocunq; igitur modo appellentur verba præscripta sacramentis nouæ legis, siue absolute verbum, siue preces mysticæ, orationes, siue vt noster vsus obtinuit forma, illud firmum esse oportet in Ecclesia catholica, hæc verba ad essentiam sacramenti pertinere, & ipsi materiæ legitime coniungenda esse, vt constet sacramenti substantia.

Art. 7. & 8.

23. Verba autem determinata & definita esse informis sacramentorum, vt est in vsu Ecclesiæ catholicæ, in legitimo sensu intelligendum est, non in numero, syllabis, aut idiomate, quantum pertinet ad necessitatem sacramenti: & in sensu & idiomate vocum, quantum pertinet ad necessitatem præcepti, secundum Ecclesiæ consuetudinem: necessitas sacramenti, est in essentialibus materia & forma, necessitas præcepti ecclesiastici, est in verborum integritate. Itaq; vt minister sacramentum recte suo munere fungatur, & non peccet, vtranq; necessitatem in administratione sacramenti retinere debet, quamuis grauior sit offensio in prioris, quam in posterioris violatione: cum illius violatio tollat sacramentum, huius non tollat. vt enim contingit in materia sacramenti plerunq; aliquid esse de necessitate sacramenti, vt vinum in Eucharistia, aliquid de necessitate præcepti, vt mistio aquæ: sic etiam in verbis, quædam sunt ex institutione Christi de necessitate sacramenti, quædam de necessitate præcepti, vt [ego] in forma baptismi, & [enim] in forma consecrationis panis. Sed necessitas præcepti ex institutione Ecclesiæ descendit, quæ in formis sacramentorum, sanctissima quædam verba retinenda censuit, & linguam & modum præscribit recitandi formas sacramentorum, pro temporum & gentium necessitate, vt in Ecclesia Latina, Latine, in Græca, Græcè proferantur à legitimis ministris. Vnde præcepti huius ecclesiastici necessitas, non solum respicit sensum, sed etiam totum verborum comple-

Forma sacramentorum necessitas.

xū & idioma, adeo vt priuata autoritate nō possis in alia lingua, sed nec in verbis æqui ualentibus aut synonimis eiusdem linguae sine peccato sacramentum aliquod administrare. Id verò iustissimè præcepit Ecclesia catholica, ad vnitatē & conformitatem ministerij seruandam, ad schismata tollenda, & ad coercendam nimiam licentiam fingendi nouas formas, & vitandam mutationem legitimi sensus, quæ facillime contingeret, si liceret vnicuiq; vel vnum verbum pro altero substituere. Quare non est quod heretici conueruantur, se alligari ad præscripta verba extra necessitatem sacramenti.

24. Hæc verò vtraq; necessitas, in forma sacramenti adstringit ministros ad ista quinque, primum ne verbum aliquod corrumpant, secundò ne detrahāt, tertio ne addāt, quarto ne transponant, quinto ne interpolent, quorum vnumquodq; semper infringit præceptum, nonnunquam autem corrumpit sensum legitimū formæ, & ideo sacramentum: quod qua ratione contingere possit, singulatim explicandum est. Corruptio igitur verbi alicuius in forma, si fiat in principio, solet plerunq; sensum mutare, vt matris si pro patris diceretur in forma baptismi: si autem fiat in fine, vt patrias, & filias dicatur, pro patris & filij, quamuis ex virtute impositionis non significant idem, tamen ex accommodatione vsus, eundem sensum reddere videtur. Solent etiam verba corrumpi ex intentione ministri, hanc enim oportet esse Ecclesiæ & legitimo sensui verborū conformē, secundū rectam fidem: quia sacramēta conferuntur in fide Ecclesiæ catholicæ & Christi, non autem in fide priuatæ personæ ministrantis sacramentum: intentio igitur ministri repugnans contrariè Ecclesiæ, si proferendo formam, dirigatur ad ritum vel errorem Ecclesiæ contrarium, & eam intentionem sensui foris coniungat, eam sui errori conformiter intelligens, etiam si nihil addat, vel detrahat, sacramentum non perficitur, vt si Arrianus proferat baptismi formam, intelligens patrem maiorem, filium minorem, siue id additis verbis exprimat, siue occultè sic formā intelligat, non baptizat Christi baptismo: quod si hereticus intelligat quidem formā sacramenti, vt Christus & Ecclesia intelligit, sed ex deprauata intentione velit inducere suum errorem in Ecclesiam, perficit

De mutatione forma & integritate.

Comment.in D.Tho.tert.part.

quidem, sed peccat ratione intentionis: quia recta fides aut deprauata ministri, nihil facit ad essentiam sacramenti, & hoc modo mala intentio non vitiat legitimum sensum verborum formæ. De aliis modis variandi formam propositis, illa regula generalis seruetur: vt si mutatio verborum, sensum legitimum verborum non mutet, sacramentum sit: si mutet, non sit, sed interpolatio sit duobus modis, vel interiectis formæ verbis prophanis, vel nihil ad formam pertinentibus, aut tēpore interiecto, quod efficiat ne vna sit oratio formæ, vt esse vnam oportet, ad retinendum sensum eundem. quod si dubitatio probabilis incidat, an legitimus sensus verborum seruatus sit, an legitima materia & forma, remediū in c. maiores de bapt. in omnibus valeat, vt sub conditione iteretur. Itaq; tollis sacramentū, si dicas in nomine matris, non autē in si dicas, patrias, ex errore vel lapsu linguę: si dicas, vel intelligas in nomine Patris maioris, tollis sacramentum, non autē si dicas in nomine Patris omnipotentis. Tollen do peccas in baptismo contra præceptum, si dicas baptizo te, contra essentiam sacramenti, si tollas aliquod ex his duobus verbis, nisi aliud æquiualens reponas. Transponendo peccas in præceptum, si dicas, est hoc corpus meum, si autem dicas meum est hoc corpus, non consecras. Interpolando peccas & corrumpis sacramentum, si in medio cursu interrumpas orationem, interponendo verba, vel prophana, vel ad rem aliam pertinentia: aut si nimiam feceris moram, antequam reliqua verba adiungas, ita vt prudens vir nō iudicet vnam & continentem orationem, qualem esse oportet formam sacramenti, suæ materiæ prudenter coniunctam: vt cum actio sacramentalis sit circa materiam, simul verba proferantur, v. g. abluis exterius, simul dicas, ego de baptizo. Quamuis enim materia & forma sint essentielles partes sacramenti, tamen quia forma determinat materiam & actionem circa eam, ad sacramentalem significationem, non debet ab illa separari, vt intelligantur constituere vnum signum sensibile ad idem significandum. Sic D. August. tract. 80. in Ioan- nem quærit vnde vim habeat elementum aquæ, vt corpus tangat, & cor abluat, & respondet in illo vno sacramento, quod in aliis similiter respondere possumus, hoc

ex verbo fieri, cur enim diceret Saluator, inquit, vos mundi estis propter verbum quod locutus sum vobis, & non propter aquam aut baptismum in quo loti estis, nisi quia in ipsa aqua verbum mundat. Nam detrahe verbum, & quid est aqua, nisi aqua? & paulō post: verbo fidei ergo sine dubio consecratur & ipse baptismus, vt mundare possit, dicit enim Apostolus mundari Ecclesiam lauacro aquæ in verbo vitæ. mundatio igitur nequaquam fluxu & labili elemento tribueretur, nisi adderetur, in verbo. Et Anselmus Augustinum, vt in aliis omnibus imitatus Eph. 5. inquit, verbum baptismi esse quod per inuocationem diuinitatis profertur super aquam, & consecrat sacramentum.

Ephes. 5.

25 Explicauimus formam sacramentorum nouæ legis esse definita verba, secundum legitimum & catholicum Ecclesiæ sensum: hanc materiam sic explicatam, confirmemus ex verbo Dei, praxi & auctoritate Patrum. De baptismo est illud Ephes. 5. mundans Ecclesiā lauacro aquæ in verbo vitæ: vbi lauacrum aquæ est materia, verbum vitæ est forma, vt exponit D. Chrys. omnes ferē Latini & Græci Patres, vno Hieronymo excepto, qui verbum intelligit sacram scripturam. Præterea Marc. ult. præter lotionem apertē exprimitur diuinæ Trinitatis inuocatio. De Eucharistia constat, non solum Dominum accepisse panem & vinum, sed etiam verba adiunxisse, vt referunt tres Euangelistæ, Ioanne excepto, & Paulus 1. Corinth. 11. præcepit autem sacerdotibus vt similiter & ipsi facerent, in sui commemorationem. Tertium sacramentum, cuius verba videntur expressa in sancta scriptura, est vnctio extrema, de qua Iacocus c. 5. inquit, quod fiat in nomine Domini & oratione fidei, quam explicauit paulō ante formam esse. De aliis sacramentis non sic expressum est in scriptura, sed de poenitentia colligitur ex Ioan. ultimo, & Matth. 16. quod remissio peccatorum fiat in verbo aliquo sacerdotis, quia illa auctoritas retinendi & remittendi peccata, soluendi & ligandi, quod est iudicare & sententiam ferre de peccatis, quomodo ab homine sine verbo exerceatur, vix potest intelligi, cum & ipse Christus in huiusmodi opus sine sacramento exercuit in terra, verbis illis sit vsus, remie-

Verba qua formam sacramentorum constituent, in quibusdam sacramentis exprimitur scriptura, in quibusdam colliguntur ex illa necessariō: in quibusdam ex traditione Apostolica retinentur.

Maiores vis significandi sacramentaliter in forma, quia ad eandem significationem, materiam cui apte coniungitur, determinat.

tuntur

tuntur tibi peccata tua. Scio Deum instituisse potuisse quod solo signo externo, ut manuum impositione peccata remitterentur, ut remittuntur venialia sola aspersione aquæ benedictæ, ut quibusdam placet, sine verbis: verum in nullo alio signo tam bene auctoritas iurisdictionis, per quam remittunt sacerdotes in hoc solo sacramento, potuit exerceri, aut significari, quam per verbum iudiciorum proprium, Ego te absoluo: atque ideo asserimus quod legitime colligitur ex scriptura, ad hoc etiam sacramentum verba requiri. Reliquorum trium confirmationis, ordinis, & matrimonij verba, neque sunt expressa in scriptura, neque ad ea requiri verba ex eadem scriptura colligitur: sed id accepimus ex Apostolica traditione, non quod Apostoli instituerint, sed quia accepta à Christo, Ecclesiæ tradiderint: ut definitum est in Concilio Florent. sess. ult. in doctrina de sacramentis, & in Trident. sess. 7. Can. 1. de sacramentis in genere. Formæ autem sacramentorum, & alia multa, quæ propius eorum administrationem attingerent, voluntate Patrum nostrorum non sunt scriptæ, ut mysteria nostra minus ab alienis intelligerentur, & minus ab infidelibus ad irrisum impia imitatione traherentur: præsertim cum in verbis magis expressa sit significatio interior & mystica: & ita quæ in scriptura de his continentur nisi fidelibus non patent, quamvis exprimantur. Sic Dionysius cum multa tradidisset de Ecclesiastica hierarchia diuinitus, ad finem se excusat, quod non descripserit verba, quibus sacramenta conficiuntur, his verbis. At verò conficientes consecrationis preces, fas non est scripto interpretari, neque eorum arcana in publicum efferre, sed sicut nostra habet traditionem, secretioribus institutionibus sunt hauriendæ: ex qua obseruatione adhuc est in more Ecclesiæ catholicæ, ut in Eucharistiæ administratione canon minor, & verba consecrationis summissa voce proferantur, ut merito defenditur contra hæreticos in Conc. Trid. sess. 22. Can. 9. de sacrificio missæ.

26 Neque ideo putandum est, illa tria vltima sacramenta, confirmationem, ordinem & matrimonium, certis verbis non administrari, quod actionis nomine li-

gnificentur: quasi in actione & non in verbis posita sint, ut cum dicitur ordo, manus impositio, sicut & confirmatio, & vinctio, vel chrismatis consignatio, vel sacramentum quod oleo perficitur: & in matrimonio nullis utitur Ecclesia catholica præscriptis & definitis verbis. quin & baptismus idem est quod tinctio, vel ablutio, vel lotio, quo nomine, plerumque exprimitur, sicut Eucharistia, fractio panis dici solet. Sed respondetur, in his actionibus & ipsa verba præscripta comprehendendi, quia ex verbis ut forma, illæ actiones, quæ sunt veluti materia, & aptæ ad significandum plura, determinantur ad vnā significationem sacramentalem: cum actiones verbis coniunctæ signum sacramenti ad significandum constituentur, ut supra explicatum est. Ita colligitur ex patribus. Chrysost. ad c. 20. Ioan. vocans administrationem poenitentiae, impositionem manus ad poenitentiam, inquit; Spiritum sanctum cuius est solius remittere peccata uti ad absolutionem poenitentis, non solum manu, sed & lingua sacerdotis. D. Ambros. 1. Timoth. 4. impositionem manuum præbyterij, quæ D. Paulo sacros ordines significat, appellat verba mystica, hoc est formam sacramenti, cum ait; quibus verbis accipit auctoritatem sacerdos, ut audeat vice Domini sacrificium Deo offerre. Concilium Mileuit. c. 12. impositiones manuum appellat preces, quæ dicuntur. D. Hieron. in cap. 58. Isaïæ loquens de chirotonia, id est ordinatione clericorum, fit, inquit, & ad imprecationem vocis, & ad impositionem manus: idem dicendum est de confirmatione. Quamvis enim à Clemente, Fabiano & Melchiade expresso differentibus de hoc sacramento, nulla facta sit verborum & formæ, sed tantum materiæ mentio, facta tamen est ab aliis Patribus & antiquissimis, ut à Leone serm. 4. de Natiuitate à D. Ambros. de his qui mysterijs initiantur c. 7. & lib. 2. de sacramētis c. 7. & lib. 3. c. 2. planè inquit, hoc sacramentum cōfirmationis dare Spiritum sanctum per inuocationem sacerdotis: formam autem sacramenti & verba, à Patribus vocari precem mysticam, orationem, inuocationem suprā admonuimus. De sacramēto autem matrimonij illud est speciale, quod cum requirat verba vel

Actio sacramentalis verba forma includit.

Χειροτονία.

equiualentia signa ad exprimendum consensum mutuū contrahentium, & hactenus debeant esse definita, vt consensum exprimant: Christus tamen assumens contractum hominum ad sacramentalem rationem, simul etiam assumpsit communem formam verborum, vel signorum, quibus aptid omnes gentes, secundum varias eorum consuetudines, talis contractus & consensus duorum declaratur & perficitur. Vnde definitum est in Conc. Trident. sess. 24. c. 1. de reform. matrimonij vt hoc sacramētum perficiatur à Parocho his verbis, ego vos in matrimonium coniungo, in nomine Patris & Filij & Spiritus sancti, vel aliis verbis, iuxta receptum cuiusq; prouincie ritum.

QVÆSTIO LXI.

De necessitate Sacramento-
rum, in quatuor articu-
los diuisa.

DEinde considerandum est de ne-
cessitate sacramentorum.

¶ Et circa hoc queruntur quatuor.

Primò, Vtrum sacramenta sint necessaria
ad salutem humanam.

Secundò, Vtrum fuerint necessaria in sta-
tu ante peccatum.

Tertiò, Vtrum fuerint necessaria in statu
post peccatum ante Christum.

Quartò, Vtrum fuerint necessaria post
Christi aduentum.

ARTICVLVS I.

Vtrum sacramenta sint necessaria ad
humanam salutem.

AD PRIMVM sic proceditur.
Videtur, quod sacramenta
non sint necessaria ad humanam sa-
lutem. Dicit enim Apostolus 1. ad
Timoth. 4. Corporalis exercitatio
ad modicum utilis est. Sed vsus sa-

cramētorum pertinet ad corpora-
lem exercitationem, eo quod sacra-
menta perficiuntur in significatio-
ne sensibilibus rerum & verborum,
vt dictum est: * ergo sacramenta
non sunt necessaria ad humanam

* 2. præc. 1. 6. ad 2.

¶ 2. Præterea. 2. ad Corin. 12.
Apostolo dicitur, Sufficit tibi gra-
tia mea. Non autem sufficeret, si sa-
cramenta essent necessaria ad salu-
tem. Non sunt ergo sacramenta sa-
luti humanæ necessaria.

¶ 3. Præterea, Posita causa suf-
ficienti, nihil aliud videtur esse ne-
cessarium ad effectum. Sed passio
Christi est sufficiens causa nostræ
salutis. Dicit enim Apost. ad Rom.
5. Si cum inimici essemus, recon-
ciliati sumus Deo per mortem Fi-
lij eius, multo magis reconciliati
salui erimus in vita ipsius. Nō ergo
requiruntur sacramēta ad salutem
humanam.

SED CONTRA est, quod Aug.
* dicit 19. contra Faustum: In nul-
lum nomē religionis seu verum, seu
falsum, coadunari homines possunt,
nisi aliquo signaculorum seu sacra-
mentorū visibilibus consortio col-
ligentur. Sed necessarium est ad
humanam salutem homines aduna-
ri in vnum veræ religionis nomen.
Ergo sacramēta sunt necessaria ad
humanam salutem.

Li. 19. c. 17. in
fin. 10. 6.

RESPONDEO dicendum, quod
sacramenta sunt necessaria ad hu-
manam salutem triplici ratione.
Quarum prima sumenda est ex con-
ditione humanæ naturæ: cuius pro-
prium est, vt per corporalia & sensi-
bilia, in spiritualia & intelligibilia
deducatur. Pertinet autem ad diui-
nam prouidentiam, vt vnicuiq; rei
prouideat secundum modū suæ cō-
ditionis.

4. di. 1. q. 1. ar.
2. q. 1. Et 3.
contra. ca. 110.
Et lib. 4. c. 55.
fi. 6. c. 56.

ditionis. Et ideo conuenienter diuina sapientia homini auxilia salutis confert sub quibusdam corporalibus & sensibilibus signis, quæ sacramenta dicuntur. Secunda ratio sumenda est ex statu hominis, qui peccando se subdidit per affectum corporalibus rebus. Ibi autem debet medicinale remedium homini abhiberi, ubi patitur morbum. Et ideo conueniens fuit, ut Deus per quædam corporalia signa, homini spiritualem medicinam adhiberetur: nam si spiritualia nuda ei proponerentur, eius animus applicari non posset, corporalibus deditus. Tertia autem ratio sumenda est ex studio actionis humane, quæ præcipue circa corporalia versatur. Ne ergo esset homini durum, si totaliter à corporalibus actibus abstraheretur, proposita sunt ei corporalia exercitia in sacramentis, quibus salubriter exerceatur ad euitanda superstitiosa exercitia, quæ consistunt in cultu dæmonum, vel qualitercunque noxia, quæ consistunt in actibus peccatorum. Sic igitur per sacramentorum institutionem, homo conuenienter suæ naturæ eruditur per sensibilia: humiliatur, se corporalibus subiectum cognoscens, dum sibi per corporalia subuenitur: præseruatur etiam à noxiis actionibus per salubria exercitia sacramentorum.

AD PRIMUM ergo dicendum, quod corporalis exercitatio, in quantum est corporalis, non multum utilis est. Sed exercitatio per usum sacramentorum, non est pure corporalis, sed quodammodo est spiritualis, scilicet per significationem & causalitatem.

AD SECUNDUM dicendum, quod gratia Dei est sufficiens causa humane salutis, sed Deus dat hominibus gratiam secundum modum eis conuenientem: & ideo necessaria sunt hominibus sacramenta ad gratiam consequendam.

AD TERTIUM dicendum, quod passio Christi est sufficiens causa humane salutis. Nec propter hoc sequitur, quod sacramenta non sint necessaria ad humanam salutem: quia operantur in virtute passionis Christi, & passio Christi quodammodo applicatur hominibus per sacramenta, secundum illud Rom. 6. Quicumque baptizati sumus in Christo Iesu, in morte ipsius baptizati sumus.

ARTICVLVS II.

Vtrum etiam ante peccatum fuerint homini necessaria sacramenta.

AD SECUNDUM sic proceditur. Videtur, quod etiam ante peccatum fuerint homini necessaria sacramenta. Quia sicut dictum est, * sacramenta sunt necessaria homini ad gratiam consequendam. Sed etiam in statu innocentie homo indigebat gratia: sicut in prima parte habitum est. * Ergo etiam in statu illo erant necessaria sacramenta.

¶ 2. Præterea, Sacramenta sunt necessaria homini secundum conditionem humane naturæ: sicut dictum est. * Sed eadem est natura hominis ante peccatum, & post peccatum. Ergo videtur, quod etiam ante peccatum homo indiguerit sacramentis.

¶ 3. Præterea, Matrimonium est quoddam sacramentum, secundum

4. d. 1. q. 1. art. 2. q. 3.

* Artic. præcedens ad 2.

1. p. q. 95. art. 4. ad 1.

Ar. præcedens

D. Thom. tert. part.

dum illud Ephes. 5. Sacramentum hoc magnum est, ego autem dico in Christo & Ecclesia. Sed matrimonium fuit institutū ante peccatum, vt dicitur Gen. 2. Ergo sacramenta erant necessaria homini ante peccatum.

SED CONTRA est, quod medicina non est necessaria nisi ægroto, secundum illud Matth. 9. Non est opus sanis medicus. Sed sacramenta sunt quædam spirituales medicinæ, quæ adhibentur contra vulnera peccati. Ergo nō fuerunt necessaria ante peccatum.

RESPONDEO dicendum, quod in statu innocentie ante peccatum sacramenta necessaria non fuerunt. Cuius ratio accipi potest ex rectitudine status illius, in quo superiora inferioribus dominabantur, & nullo modo dependebant ab eis. Sicut enim mens suberat Deo, ita menti suberant inferiores animæ vires, & ipsi animæ corpus. Contra hunc autem ordinem esset, si anima perficeretur, vel quantum ad sciētiam, vel quantum ad gratiam, per aliquid corporale, quod sit in sacramentis. Et ideo in statu innocentie homo sacramentis non indigebat, non solum in quantum sacramenta ordinantur ad remediū peccati, sed etiam in quantum ipsa ordinantur ad animæ perfectionem.

AD PRIMUM ergo dicendum, quod homo in statu innocentie gratia indigebat, non tamen vt eam consequeretur per aliqua sensibilia signa, sed spiritualiter & inuisibiliter.

AD SECUNDUM dicendum, quod eadem est natura hominis ante peccatum & post peccatum, non tamen est idem nature status. Nam

post peccatum, anima etiam quantum ad superiorem partem, indiget accipere aliquid à corporalibus rebus ad sui perfectionē, quod in illo statu homini necesse non erat.

AD TERTIUM dicendum, quod matrimonium fuit institutum in statu innocentie, non secundum quod est sacramentum, sed secundum quod est in officium naturæ: Ex consequenti tamen aliquid significabat futurum circa Christum & Ecclesiam, sicut & omnia alia quæ in figura Christi præcesserunt.

ARTICVLVS III.

Virum post peccatum ante Christum, sacramenta debuerint esse.

AD TERTIUM sic proceditur. Videtur, quod post peccatum ante Christum sacramenta nō debuerint esse. Dictum * est enim, quod per sacramenta passio Christi hominibus applicatur, & sic passio Christi comparatur ad sacramenta, sicut causa ad effectum. Sed effectus non præcedit causam. Ergo sacramenta non debuerunt esse ante Christi aduentum.

¶ 2. Præterea, Sacramenta debent esse conuenientia statui humani generis, vt patet per t August. 19. contra Faustum, Sed status humani generis nō fuit mutatus post peccatum, vsque ad reparationē factam per Christum. Ergo neq; sacramenta debuerunt immutari, vt præter sacramenta legis nature, alia statuerentur in lege Moyfi.

¶ 3. Præterea, Quanto aliquid est magis propinquū perfectio, tanto magis debet ei assimilari. Sed perfectio salutis humane per Christum

4. d. 1. q. 1. art. 2. 7. 4.

* art. 1. huius
quæst. ad 3.

Lib. 19. ca. 16.
¶ 17. tom. 6.

stū facta est, cui propinquiora fuerunt sacramēta veteris legis, quam ea, quæ fuerunt ante legem. Ergo debuerunt esse similia sacramentis Christi. Cuius tamen contrarium apparet, ex eo, quod sacerdotium Christi prædicitur esse futurum, secundum ordinem Melchisedech, & non secundum ordinem Aaron: vt habetur Heb. 7. Non ergo conuenienter fuerunt disposita ante Christum sacramenta.

Lib. 19. c. 13.
in princ. l. 6.

SED CONTRA est, quod Aug. dicit 19. contra Faustum, quod prima sacramenta quæ celebrabantur & obseruabantur ex lege, prænuntia erāt Christi venturi. Sed necessarium erat ad humanam salutem, vt aduentus Christi prænuntiaretur. Ergo necessarium erat ante Christum sacramenta quædam disponi.

RESPONDEO dicendū, quod sacramenta necessaria sunt ad humanam salutem, in quantum sunt quædam sensibilia signa inuisibilium rerum, quibus homo sanctificatur. Nullus autem sanctificari potest post peccatum, nisi per Christum, quem proposuit Deus propitiatorum per fidem in sanguine ipsius, ad ostensionem iustitiæ suæ, vt sit ipse iustus & iustificans eum, qui ex fide est IESUS Christi. Et ideo oportebat ante Christi aduentū esse quædam signa visibilia, quibus homo fidem suam protestaretur de futuro Saluatoris aduentu. Et huiusmodi signa dicuntur sacramēta. Et sic patet, quod ante Christi aduentum, necesse fuit quædam sacramenta institui.

AD PRIMUM ergo dicendum, quod passio Christi est causa finalis veterum sacramentorum, quæ scilicet ad ipsam significandam sunt in-

stituta. Causa autē finalis non præcedit tempore, sed solum in intentione agentis. Et ideo non est inconueniēs aliqua sacramēta ante Christi passionem fuisse.

AD SECUNDUM dicendum, quod status humani generis post peccatum & ante Christum, dupliciter potest considerari. Vno modo secundum fidei rationem, & sic semper vnus & idem permansit, quia scilicet iustificabantur homines per fidem futuri Christi aduentus. Alio modo potest considerari secundum intentionem & remissionem peccati, & expressæ cognitionis de Christo. Nam per incrementa temporum & peccatum cœpit in homine magis dominari, in tantum quod ratione hominis per peccatū obtenebrata, non sufficerent homini ad recte viuendum præcepta legis naturæ, sed necesse fuit determinari præcepta in lege scripta, & cū his quædam fidei sacramēta. Oportebat etiam, quod per incrementa temporum magis explicaretur cognitio fidei, quia, vt Gregor. † dicit Per incrementa temporum creuit diuinæ cognitionis augmentum. Et ideo etiam necesse fuit, quod in veteri lege quædam sacramenta fidei, quam habebant de Christo, vêturo, determinarentur. Quæ quidem comparantur ad sacramenta, quæ fuerūt ante legem, sicut determinatum ad indeterminatum, quia scilicet ante legem non fuit determinatè præfixum homini, quibus sacramentis vteretur, sicut fuit per legem, quod erat necessariū, & propter obtenebrationē legis naturalis, & vt esset determinatio fidei significatio.

Hom. 16. in
Exech. a meo
die.

AD TERTIUM dicendum, quod sacramētum Melchisedech, quod

quod fuit ante Legem, magis assimilatur sacramento nouæ Legis in materia, inquantū, scilicet obtulit panem & vinū (vt habetur Gen. 14.) sicut etiam sacrificiū nouæ legis oblatione panis & vini perficitur. Sacramenta tamen legis Moisaicæ magis assimulantur rei significatæ per sacramentum, scilicet passioni Christi, vt patet de agno Paschali, & aliis huiusmodi. Et hoc ideo, ne propter continuitatem temporis, si permaneret eadem sacramentorum species, videretur sacramenti eiusdem esse continuatio.

ARTICVLVS IIII.

Vtrum post Christum debuerint esse aliqua sacramenta.

AD quartum sic proceditur. Videtur, quod post Christū non debuerint esse aliqua sacramenta. Veniente enim veritate, debet cessare figura. Sed gratia & veritas per IESVM Christum facta est, vt dicitur Ioannis primo: cū igitur sacramenta sint veritatis signa siue figuræ, videtur, quod post Christi passionem sacramenta esse non debuerint.

¶ 2. Præterea, sacramenta in quibusdam elementis consistunt, vt ex supradictis pater. † Sed Apost. dicit Gal. 4. Cū essemus paruuli, sub elementis mundi eramus seruientes, nunc autem temporis plenitudine veniēte, iam non sumus paruuli. Ergo videtur, quod non debeamus Deo seruire sub elementis huius mundi, corporalibus sacramentis vtendo.

¶ 3. Præterea, apud Deum non est transmutatio nec vicissitudinis obubratio, vt dicitur Iacob 1. Sed hoc

videtur ad quandam mutationē diuinæ volūtatis pertinere quoddam alia sacramenta nunc hominibus exhibeat ad sanctificationem tempore gratiæ, & alia ante Christum. Ergo videtur, quod post Christum non debuerint alia sacramenta institui.

SED CONTRA est, quod * August. dicit contra Faustum 19. quod sacramenta veteris legis sunt ablatæ, quia impleta: & alia sunt instituta, virtute maiora, vtilitate meliora, actu faciliora, numero pauciora.

RESPONDEO dicendum, quod sicut antiqui Patres saluati sunt per fidem Christi vnturi: ita & nos saluamur per fidē Christi iam nati & passi. Sūt autē sacramenta quædam signa potestantia fidē, qua homo iustificatur. Oportet autē aliis signis significari futura, præterita, seu præsentia. Vt enim † August. dicit 19. contra Faustum, eadem res aliter annuntiatur facienda, aliter facta, sicut ipsa verba, passurus, & passus, non similiter sonant. Et ideo oportet quædam alia sacramenta esse in noua lege, quibus significantur ea quæ præcesserunt in Christo, præter sacramenta veteris legis, quibus prænuntiabantur futura.

AD PRIMUM ergo dicendum, quod sicut Dionys. dicit in 5. cap. Eccles. hierar. status nouæ legis mediū est inter statum veteris Legis, cuius figuræ implentur in noua Legge, & inter statum gloriæ, in qua omnis nudè & perfectè manifestabitur veritas. Et ideo tunc nullæ erunt sacramenta. Nūc autem quādiu per speculū & in ænigmate cognoscimus (vt dicitur 1. ad Cor. 13. oportet nos per aliqua sensibilia signa in spiritualia deuenire.

Quod

lib. 19. c. 13. c. 6.

Lib. 19. cap. 16. tom. 6.

(cap. 5. Eccles.) hierar. par. 1. tit. 1. de medio.

4. di. 1. q. 1. ar. 2. q. 5. Et di. 2. ar. 4. q. 1. Et 4. cor. 1. 57.

q. præ. ar. 4. c. 5.

Quod pertinet ad rationem sacramentorum.

AD SECVNDVM dicendū, quod sacramēta veteris legis Apostolus vocat egena & infirma elementa: quia gratiam nec continebant, nec causabant. Et ideo vrentes illis sacramentis, dicit Apostolus sub elementis mundi Deo seruasse: quia scilicet nihil aliud erant, quam elementa huius mundi. Nostra autem sacramenta gratiam continent & causant: & ideo non est de eis similis ratio.

AD TERTIVM dicendum, quod sicut Paterfamilias non ex hoc habere monstratur mutabilem voluntatem, quod diuersa præcepta familiæ suæ proponit pro temporum varietate, non eadem præcipientes hyeme & æstate: ita non ostenditur aliqua mutatio esse circa Deū, ex hoc, quod alia sacramenta instituit post Christi aduentum, & alia tempore Legis: quia illa fuerunt congrua gratiæ præfigurandæ: hæc autem sunt congrua gratiæ præsentia: liter demonstrandæ.

Sententia & conclus. quæst.

Prima conclusio ex Artic. 1. Sacramenta ad salutem humanam necessaria sunt. Quia congruit nature humane eruditio per sensibilia: reprimitur superbia: præseruatur à noxiis.

Secunda, ex art. 2. 3. & 4. Licet Sacramenta in statu innocentie, non fuerint absolute necessaria: tamē post peccatum in natura, lege & Evangelio necessaria sunt: quia in statu innocentie, nō fuit necessarium remedium quod peccatum deleteret: post peccatum verò, & hoc remedium, & protestatio fidei Christi venturi quidē in lege, & qui iam venerit in Evangelio, fuit necessaria.

EX hac generalis definitionis sacramenti explicatione, colliguntur multa: primum sit de necessitate sacramenta fuerint necessaria in omni statu, innocentie, peccati, legis & gratiæ. Necessitas duplex hīc distinguitur, finis vel simpliciter, cum aliter comparari non potest: vel quodammodo, cum aliter commodē finis non comparatur, absolute tamē comparari potest. altera est necessitas præcepti, cuius obligatio sit imposita de aliqua re, etiam si ad finem non esset simpliciter necessaria. In statu igitur innocentie, ex distinctione necessitas explicatur. Aut enim sacramentum strictē & propriē accipitur, vt remedium peccati, vt Theologi omnes colligunt cum Mag. princ. 4. sentent. ex parabola Samaritani Luc. 10. cum remedia illa vulnerum, sacramēta intelligunt: & hac ratione, ille status non indigebat sacramentis, cum nullum futurum esset peccatum, nec timor peccati, si primus parens innocens permanisset. Aut sacramentum accipitur vt signum externum, exprimens vel efficiens augmentum gratiæ, vt per se efficit eucharistia: & ne sic quidem fuisset necessarium sacramentum: quia cum in eo statu anima Deo, & inferiores potentiæ rationi superiori, & animę corpus esset omnino subiectum, vt inferioribus ad cognitionem spiritualem non indigeret homo: huic perfectioni non congrueret sacramentum in signo sensibili, ad sanctificandum spiritualiter. Sic D. Thom. & alij pleriq;, qui similiter de status innocentie perfectione sentiunt. Sed nihilominus, propter naturalem hominis ex corpore & anima constitutionem, cui sacramenta consentiunt, in re sensibili spiritualem sanctificationem exprimuntia & propter naturale corporis obsequium & ministerium, quod ad salutē animę pertinere poterat, sicut etiam ex aliis creaturis spiritualiter ad gloriā Dei instrui poterat homo: videtur hac ratione fuisse in eo statu sacramenta necessaria, non quidē simpliciter ad salutem, sed vt commodius ad eandem homo perduceretur. Quę sententia consentit D. August. lib. 13. de ciuit. c. 20. cum asserit, lignum vite præter cōmunem vsum, rationem cuiusdam sacramenti habuisse, his verbis: de ligno autem vite propterea gustabatur, ne mors eis vnderet, cumq;

Necessitas sacramentorum.

In statu innocentie.
Ad artic. 2.

Comment. in D. Th. tert. part.

Proverb. 3.

cumq; subreperet, tanquam cetera in paradyso essent alimento, & illud sacramento: vt sic accipiatur lignum vitæ in paradyso corporali, sicut in spirituali sapientia Dei, de qua scriptum est, lignum vitæ est omnibus amplectentibus eam. Si autē tertio sumatur sacramentum magis communiter, non solum pro signo sanctificationis, sed etiam cultus & religionis Dei, gratiarum actionis, agnitionis supremi dominij, beneficij creationis, & salutis hominis, valde probabile est, huiusmodi sacramenta & sacrificia, in statu ipnocietæ futura fuisse. Primū, quia congruit naturæ hominis, huiusmodi signis externis, fidem suam profiteri, congruenter naturæ suæ, cum ille præsertim status non fuisset merè spiritualis: atq; vt populus ille in vnā religionem coalescere posset, vt distingueretur à hierarchia cælesti, quæ signis externis non indiget, vt inquit Dionys. c. 1. de Eccles. hierar. commodissime etiam gratiarum actiones per oblationes & dedicationes creaturarum fierēt. Sacerdotes præterea & répla illi statui concedere nullum absurdum est, cum respublicas & ciuitates credamus eo tempore futuras, quia homo fuisset etiam tūc animal sociabile: nec haberet aliam nobiliore causam constituendæ reip. & iucundæ societatis, quam professionem religionis & diuini cultus. Hactenus de sacramentis in statu innocentie.

Ad artic. 3. & 4.

Hominis multiplex status post lapsum primi hominis.

Sacramenta necessaria in lege natura, in omnibus gentibus, & faminis Iudæis. 3. p. q. 61 ar. 3. & q. 60 artic. 5. ad 3. alij Theologi. 4. d. 1. Alen. 4. p. q. 1. mēb. & art. 2. item D. Tho. infra. q. 70. ar. 2. ad 1. & 2. & art. 4. ad 2.

2. Post peccatum autem primi parentis, tres formæ reip. spiritualis, quas Theologi status vocant, distinguuntur, vt obseruauit D. August. epist. 119. ante legem, sub lege, sub gratia, quæ vulgo dicuntur, lex naturæ, lex Moysis, lex gratiæ, vel Christi, & hæc duo vltima vetus & nouum testamentum, siue lex vetus & noua. In lege naturæ viuebat populus sine lege scripta, & ab alio instituta, ex dictamine rationis, adiuto nonnunquam peculiari Dei reuelatione, & interna suggestionē principibus familiarum facta, retenta traditione diuini cultus veri Dei, per manus accepta à maioribus.

3. Sed huius status duæ sunt partes, vna ab Adam vsq; ad Abraham, altera ab Abraham vsq; ad Moysen. Primæ autem partis huius status, ante circuncisionis institutionem, eadem ratio est, atq; de gentibus veterum Deum colentibus, quæ non erant de stirpe Abraham, siue ante circuncisionem, siue post circuncisionem & legem scriptā,

& de scemis stirpis Abraham etiam post legem: quia neminem ex his præceptū circuncisionis obligauit, neq; gentes præcepta legis Moysis. Quare de his omnibus vna sententia est, fuisse necessarium ad salutem aliquod sacramentum externum & sensibile, quo mundarentur à peccato originali, & fidē mediatoris, quæ semper fuit omnibus ad salutem necessaria, iuxta illud Act. 4. non est aliud nomē sub cælo in quo oporteat nos saluos fieri, protestarentur: & ita in veram religionem Dei coalescerent. Itaq; non asserimus fuisse illis omnibus vnum aliquod sacramentum vel sacrificiū, in determinata aliqua re, aut præcepto speciali eos obligari ad huiusmodi sacramentum vel sacrificiū: quia vtrumq; repugnat statui legis naturalis, in quo licet esset obligatio protestandi fidē veri Dei, iuxta illud Rom. 10. corde creditur ad iustitiā, ore autē confessio fit ad salutē: non tamē erat determinatū signū vnum sensibile huius protestationis, sed pro gentis cuiusq; aut familie consuetudine, institui poterat ex instinctu naturali vel interiori Dei suggestionē: & ideo non erat opus omnes gentes aut familias eisdem hostiis aut sacramentis vti. Inspirauit autem Deus hanc legem & voluntatem suam, de sacramentis & sacrificiis, eodem tempore quo suggessit Adamo de semine benedicto, in quo essent omnes gentes benedicendæ. Vnde factum est, vt Abel & Cain ab initio rerum humanarum sacrificauerint, sed nō eodem modo. Hæc Dei voluntas dimanauit ad posteros & patriarchas per traditionem, vt deprehenditur ex tota historia in Genesi descripta, vbi designatur populus, in quo verus Dei cultus vigeat, & separatur ab aliis qui tenēbris peccatorum eundem obscurauerant. Sic Dominus Gen. 18. de Abrahamo, scio quod præcepturus sit filiis suis, & domui suæ post se, vt custodiant viam Domini. Sic ergo intelligimus in statu legis naturalis fuisse necessarium aliquod sacramentum: quoniam signa protestatiua fidem mediatoris, in hoc etiam statu necessariam ad iustificationem, & mundationem à peccatis, necessaria fuerunt, vt ipsa etiam fides: (quia post peccatum nullus sanctificari potest nisi per fidem viuētem Christi implicitā, aut explicitam, iuxta illud Rom. 3. quem proposuit Deus propitiatorē per fidem in sanguine ipsius, ad ostensionem iustitiæ suæ,

Legis naturalis & scriptæ distinctio, quod in illa nulla esset præceptio scripta, vt in hac.

Vide 3. p. q. 70 art. ult.

*Fides Christi
omni tempore
necessaria præ-
sertim post pec-
catum. 2. 2. q.
2. art. 7.*

sua propter remissionem præcedentium delictorum, in sustentatione Dei, ad ostensionem iustitiæ eius in hoc tempore, ut sit ipse iustus, & iustificans eum, qui est ex fide I. E. S. v. Christi: sed sacramenta sunt quædam sensibilia signa, quibus vel ut signis vel ut instrumentis sanctificamur, & fidem mediatoris protestamur, cum pertineant ad verum Dei cultum: fuerunt igitur necessaria ad salutem in statu legis nature, & sceminis Iudeis in lege, ut emundatione à peccatis fideles consequerentur, vel paruuli etiam, Deo vero oblatis, per huiusmodi sacramenta vel sacrificia. Confirmatur, quia constat in lege nature fuisse sacerdotes veri Dei, ut constat de Melchisedech: sacerdos autem assumitur ex hominibus ad offerendum Deo pro peccatis: quod si oblatio pro peccatis, erat & sacramentum. De Iob etiam, legimus in lege nature sacrificasse pro peccatis filiorum, & quod quotidie miserit ad illos, ut eos sanctificaret. Gentes etiam quæ Deum ignorant offerunt pro peccatis, quod non poterant aliunde habere, quam ex nature instinctu, & maiorum suorum consuetudine: dæmon autem sibi hoc arrogabat, quod vero Deo conuenire intelligebat. Denique omnes rationes, quibus congruentia sacramentorum ad alios status demonstratur, idem concludunt de statu nature. Erat enim populus saluandus, Ecclesiæ portio non minima, laborabat eodem morbo peccati, confidebat in eodem medico: oportebat igitur habere persimile medicamentum, eandem instructionem, & viam salutis: erat religio, cultus Dei externus, in quem populus, vel per respublicas vel per familias conueniebat. Denique homo, quia constat corpore & anima, utroque debet Deum verum in omni statu colere, nempe fide interiori, aliquo signo externo manifestata, neque aliter homo ad intelligibilia perueniret nisi per hæc sensibilia. Item gentium omnium consensu, non placatur Deus nisi sacrificiis, quæ diriguntur ad nostram sanctificationem, & ideo sunt sacramenta. Præterea, si semper fuit necessaria religio, & hæc non est sine sacerdote, neque sacerdos sine sacrificio, semper igitur fuerunt sacrificia & sacramenta, plerisque quidem videtur vtrilibet visum D. Tho. probabile, sed mihi videtur tantum probasse, in lege nature

fuisse sacramenta, & illud Greg. lib. 4. Moral. c. 20. Sola fide homines ante circumcissionem Christo incorporari, excludit virtutis sacrificij & efficaciam, non autem signum externum: ut dicitur solus consensus efficere matrimonium, & non excludit signum externum, alioquin non esset sacramentum. Cum ergo scriptura dicit ante Abraham fuisse veram religionem, simul intelligit sacerdotem, sacrificium & sacramentum. An fuerit sacramentum pro peccatis actualibus, postea suo loco: & an illa sacramenta in lege nature ex reuelatione Dei Anaclet. in epist. de ordinatione Episcoporum. Postremo, hæc sententia non solum est recepta recentioribus Theologis, sed etiam vetustis Patribus probata. D. August. lib. 15. de Ciuit. cap. 17. Scribit quasi dubitans: vtrum autem aliquod fuerit, vel si fuerit, quale fuerit regenerationis signum ante diluuium, sicut Abraham est circumcisio postea imperata, sacra historia tacet. Sacrificasse tamen Deo etiam illos antiquissimos homines, non tacet: quod & in duobus primis fratribus claret, & in ipso Noe, quod postquam egressus est de arca, hostias Deo immolasse legitur. Sed sine dubitatione lib. 5. contra Iulianum Pelagianum, cap. 9. inquit: Non credendum est ante datam circumcissionem famulos Dei, (quandoquidem eis inerat mediatoris fides in carne venturi) nullo sacramento eius opitulatos fuisse paruulis suis, quamquam quid illud esset, aliqua necessaria causa, scriptura latere noluerit. Nam & sacrificia eorum legimus, quibus utique sacrificiis, sanguis ille figurabatur, qui tollit peccatum mundi. Diuus Gregorius lib. 4. Moral. cap. 20. Expressius, inquit, quod apud nos valet baptismus, apud antiquos egit vel sola fides propter paruulos, vel pro adultis virtus sacrificij, vel pro his qui ex stirpe Abraham, mysterium circumcissionis. Hæc de sacramentis in lege nature dicta sint.

Postea verò diuina sapientia, videns legem naturalem inueterata peccandi licentia, indies magis ac magis obscurari & contaminari, ut populus Dei & Ecclesia aperte constitueretur, ut illustrior esset Dei cultus, ut familia ex qua Christus secundum carnem oriturus esset, designaretur: sacramenta quæ in lege nature prius erant libera, ad certas materias, ministros, tempora, ritus & effectus

*q. 61. art. 4.
De necessitate
sacramentorum
vbi.*

Comment. in D. Tho. tert. part.

determinauit: partim retinens quædã ex lege naturæ, partim noua & plura addens, & ad maiore necessitatem in speciali definiens. Relinquens tamen reliquos fideles, extra posteritatem Abrahæ, in eadem libertate & indifferentia sacramentorum, quam in lege naturæ habuerant. Quoniam semper in eodem statu permanserunt, neque totam Dei Ecclesiam lex Mosayca obligauit, licet ad eandem possent omnes gentes admitti, vt vsus illius legis & consuetudo in profelytis ostendit, & D. August. lib. 18. de Ciuit. cap. 47. in hoc ergo populo, & in familia Abrahæ fuisse circumcisionis sacramentum ante legem, & sub lege plura sacramenta, dubiũ nõ est, cum tot sint expressa & præcepta in lege, de quibus statim apertius. Interim constet, sacramenta in lege naturali & Mosayca, fuisse necessaria ad salutem, quibus scilicet, peccatum originale per fidem mediatoris remittebatur, vel in adultis actuale, aliud in lege naturæ non videtur fuisse necessarium, nisi fortè immàneret obligatio protestandi fidem, & religionem veri Dei. In lege autem Moylis, constat necessitas circumcisionis ad salutem, ex illo Genes. 17. Masculus cuius præputij caro circumcisa non fuerit, delebitur, anima illa de populo suo: cui persimile est quod de baptismo dicitur Marc. ultimo: Qui crediderit, & baptizatus fuerit, saluus erit: qui verò non crediderit, condemnabitur. De aliis sacramentis vet. leg. ad expiationem peccatorum, vt erant signa sacrificij Christi, iuxta illorum institutionem, respõdendum est de eorum necessitate ad salutem, omnia tamen continebantur necessitate diuini præcepti, in lege expressi.

4 Sed hæc veteris legis sacramenta, quauis à Deo instituta, tamen abrogata sunt, sine vlla diuine voluntatis mutatione, quia ad tempus instituta sunt, vnde in rebus volitis, mutatio sequitur, non tamen in voluntate Dei instituentis. Itaque vt ante institutionem, erant libere & non necessaria obseruationis, post institutionem verò necessaria, vt sunt multa apud nos, ad præcepta Ecclesiastica pertinentia: sic etiam tempore præfinito ad illorum obligationem, obligabant populum Iudaicum, finito verò & absoluto illo tempore, nulla erat illorum obligatio.

Abrogationis autem illorum, vna est

generalis causa, quia prænuntiabant Christum, & illius mysteria, & ideo adueniente Christo essent mendacia & inutilia. Alia enim ratio est, de his quæ ad cultum Dei pertinerent, sed non essent futurorum vmbre, cum hæc in nouo testamento retineri possint: ex D. Leone Ser. 6. de ieiunio, & 14. de passione. Sic D. August. lib. 19. contra Faust. cap. 13. & 16. docet sacramenta esse quædam verba visibilia, alia promittentia Christum nasciturũ, passurũ, resurrecturũ: quædam annuntiantia natum, passum & resurrexisse, vnde vt mutantur verba ad promissionem futuri, & declarationem præteriti, sic & sacramenta illa mortem Christi vt causam finalem respiciebant, hæc autem vt efficientem: & idcirco sine adepto, illa cessarunt, hæc autem inceperunt, & vim atque cõtinuationem ex merito eiusdem mortis, cuius instrumenta sunt, acceperunt. Hæc ratio generalis mutandi & abrogandi vetera sacramenta multis modis est à D. Paulo expressa. Primò, quia erant ad infantium in fide pedagogiam instituta, & hæc re adultis in fide viris inepta, sic ad Galat. 4. Secũdò, ex eodem cap. quia erant infirma & egena elementa, non conferentia iuate vi gratiam sanantem aut perficientem, vt nostra: non igitur congruebant populo Dei adulto, viro facto, & omni benedictione spirituali per Christum cumulado. Tertiò, ex cap. 7. Hebr. quia vet. leg. madata erant infirma, nondum sanctorum via propalata, & imposita tantum vsque ad tempus correctionis, quæ non potuerunt iuxta conscientiam perfectum facere quenquam, ex c. 9. Hebræo. Quartò erant vetera sacramenta & præcepta ex cap. 15. Act. grauius, feruilia, duræ ceruicis populo imposita: ergo filiis liberis, & per Christum iam factis hæredibus, nullo modo imponenda. Denique, erant vmbre Hebræo. 10. quæ cedunt corpori quod est Christus: erant exemplaria cælestium Heb. 9. Ergo per cælestia quæ Christus attulit, abroganda: erant parabola temporis instantis, & ideo in temporum plenitudine ad finem perducta. Itaque existẽte noua lege, nouo testamento, nouo legislatore, nouo sacerdotio, nouis sacramentis, vetera ad interitum senescẽtia, sunt perducta: vt omnibus sacramentis atque cultu non solum Iudaico, sed etiam legis naturæ, imple-

tus &

Abrogatio sacramentorum legalium, & præceptorum.

Disputatio de abrogatione veterum sacramentorum.

tis & resoluentibus se in nostra, nec populo Iudaico, nec ulli familiæ gentium, liceat colere Deum aliis sacramentis, aut sacrificio, quàm his quæ à Christo instituta sunt.

Tempus abrogationis.

5 Quod si quæras, quando & quo temporis momento, vetera sacramenta cessarint: breuiter respondeo, quando impleta sunt, & perdidierunt significationem, nostra autem virtutem sanctificandi instrumentariam acceperunt, & à lege vet. & peccato liberati fuimus. D. August. epist.

Aug. in Psal. 39. Hieron. in Epist. ad Aug. Bedæ in cap. 2. Gaia.

19. Quando venit fides quæ prioribus sacramentis prænuntiata est, amiserunt vetera vitam officij sui. Sed quia legalia sacramenta ad præsentiam Christi, vel novorum institutionem, non statim cessarunt, quia nondum habebant mendacem significationem de morte Christi futura, & ideo obligationē inducebant, neque nostra habebant completā significationē aut vim & effectum, sicut post mortem Christi: idcirco ante passionem non erant in præcepto, sed in consilio: cum verò noua integram significationem & efficaciam ex morte Christi, ut illius instrumenta adepta sunt, vetera mortua sunt, & effecta inutilia. Quod ex actius intelligitur ex distinctione trium temporum, probata non solum Augustino, sed etiam Concilio Florentino. Primum ante passionem Christi, habebat legalia viuā, significatiua, obligantia. Secundum interiectum inter passionē consummatam, & sufficientem promulgationem Euangelij, habebat mortua, sine necessitate obligationis, honorificè tamen sepelienda, non contumeliosè & subito, ne putarentur à Deo non instituta. Tertium tempus post sufficientem Euangelij promulgationem, perseverans usque ad finem mundi, abominatur legalia ut mortifera, & omnibus modis Christo & nostræ saluti aduersa & repugnantia.

Epist. ad Hier.

6 De numero sacramentorum consequenter dicendum est in triplici illo statu, in quo necessaria diximus sacramenta, nempe naturæ post peccatum, legis & gratiæ. Et quidem numerus sacramentorum in statu legis naturalis, nulla ratione constare potest nobis: cum illa sacramenta fuerint liberæ institutionis hominum, ex instinctu Dei & determinatione rationis, quæ potuit iuxta familiarum, & gentis cuiusque consuetudinem, varia esse:

ut ex sancta scriptura colligimus, Abelis & Caini, Melchisedech, & Iob, diuersa fuisse sacrificia, quæ etiam rationem sacramenti habere potuerunt. Numerus etiam sacramentorum vet. leg. quamuis in sancta scriptura expressus, quia tamē non exprimitur sub ratione sacramenti quod definitiuimus, est adhuc incertus & in controuersia Theologorum. Sed illud receptum est, sacrificijs purgatorijs, purificatorijs, hostijs pro peccato, sacerdotum, Pontificumque consecrationibus, ordinationibus & ad has adiunctis sacrificijs, lustrationibus varijs, ablutionibus in lege præscriptis, rasuris pilorum, siue ad leuitas & ordinem sacerdotalem, siue ad plebem communiter pertineret; his inquam omnibus, & multis similibus rationem sacramenti conuenire. Hæc sunt illa tam multa sacramenta quibus asserit D. August. lib. de vera religione, cap. 17. populum Iudaicum oneratum fuisse, antequam nostra salubriora & pauciora instituta essent. Pro baptismo enim habuerunt tantum circumcisionem, ex Augustino lib. 2. de nupt. & concup. cap. 2. ut significat D. Paulus Coloss. 2. cum ait, in quo & circumcisi estis circumcissione Christi, consepulti ei in baptismo. Pro nostra Eucharistia videtur fuisse eius panum propositionis & agni, pro sacris ordinibus consecratio & vnctio sacerdotum, pro nostro matrimonio, nullum planè sacramentum habuisse videntur: quia illorum coniugium erat tantum in officium naturæ, & non ad gratiam significandam. similiter pro extrema vnctione nullum omnino sacramentum habuisse videntur, nec etiam aliquod respondens nostræ cōfirmationi: quia in Euangelio utimur vnctione ad immediatum celi ingressum, & cōfirmatione ad perfectæ gratiæ receptionē: & illud beneficium olim in lege expectari non potuit, neque ad perfectā gratiam lex potuit adducere, nisi fortè vnctio vetus, vnctionem cōfirmationis adūbrauit. Illa verò numerosa sacramenta, quæ diximus, respondent sacramento penitentiae, quamuis simul essent sacramenta & sacrificia.

Numerus sacramentorum vet. leg.

D. Tho. q. 102. 1. 2.

7 De agno Paschali & panibus propositionis, controuersia est, fuerint ne sacramenta, sed nobis videtur valde probabile, fuisse sacramenta: de agno quidem paschali, non quidem quod fuerit ad memoriam

Agnus Paschalis an sacramentum.

D. Tho. eadem q. art. 3.

Commen.in D. Tho. tert.part.

riam præteriti beneficij institutus, neque quod præsignificauerit non tantum Eucharistiam, sed etiam passionem Domini, tam expressè, ut Paulus propter hanc significationem dicat 1. Cor. 5. Pascha nostrum immolatum esse Christum: (sic enim manna, transitus maris Rubri, diluuium Noe, sacramenta essent, cum præfigurauerint Eucharistiam & baptismum nostrum) sed quod verisimile est, in illo fuisse significationem refectionis animarum per gratiam sanctificantem, & vnionis fidelis populi inter se: cuius vnionis signa fuerunt, comedere in vna domo, vicinos conuocare cum opus esset, excludere incircumcisos: ut explicat D. August. sententia 1. lib. 21. Sentent. Ut enim ratio sacramenti posita est generaliter, in significanda gratia sanctificante, et si hæc significatio desit, etiam si significetur gratia Christi aut passio, sacramentum non fit, quia neque ratio & definitio sacramenti: sic etiam ad rationem sacramenti non requiritur, illam gratiam esse primam & sanantem à peccato, sed satis est significari gratiam sanctificantem, siue ea sit prima, siue augens primam. Quoniam ex nostris sacramentis, quæ omnium sunt perfectissima, solum baptismus & poenitentia, primam gratiam conferunt, & sanant à peccato per se, cætera per se augent, ex accidenti autem conferunt primam gratiam. Hoc gratiæ augmentum, agno Paschali significatum fuisse in vet. leg. ex eo coniicitur, quod ad illius esum tantum admittebantur mundi: & hæc mundicie significata est agno immaculato, succinctis renibus, panibus azimis, lactucis agrestibus.

8. Per simile sacramentum fuisse sacerdotibus, panes propositionis, colligitur ex 1. Reg. 21. c. ut eorum manducatio non significaret gratiam sanantem, remissionem peccatorum, aut primam iustificationem sed eandem ex aliis sacramentis & sacrificiis præsupponebat: cum lex ad illorum esum neminem nisi mundum admitteret, & augmentem significabant.

9. Reliquus est numerus sacramentorum nouæ legis consensu Ecclesiæ Catholicæ, Patrum Conciliorum definitionibus, praxi & vsu notissimus est, & probatus. Sacre vero scripturæ testimonia quedam, de quibusdā sunt magis expressa, quedam verò minus expressa, quæ supra citauimus differentes de materia & forma, omnia verò habe-

mus ex diuina & apostolica traditione. Vnde de post Conc. Florent. in doctrina de sacramentis, Sess. vltima, definiuit Trident. Sess. 7. Can. 1. de sacramentis ingenere, anathema fore, qui plura aut pauciora quàm septem dixerit esse sacramenta à Christo Domino instituta, baptismum, scilicet, confirmationem, eucharistiam, poenitentiam, extremam unctionem, ordinem, & matrimonium. Quod si generalem illam sacramenti definitionem, eidem accomodaueris, eundem numerum euidenter concludes. Sic denique sentit Ecclesia Romana, omnium Ecclesiarum magistra & mater: & perpetui anathematis vinculo innodatur à Lucio 111. cap. ad abolendam, de heret. quicumque aliter sentit aut docet de sacramentis, ecclesiæ, quæ sacrosancta Ecclesia Romana prædicat, & obseruat. Heretici autem, hunc septenarium numerum negantes, quod nomine sacramentis nouæ legis, hic numerus non sit expressus in sancta scriptura, sed pauciora esse, non vident, eadem quæ illi statuunt sacramenta, nec sic nomine sacramenti expressa esse: quare vel ipsorum argumentum nihil efficit contra septenarium numerum, vel quem volunt numerum, constanter & necessario non concludunt. Multo melius esset, in scripturis inuestigare, quæ nam ceremoniæ & signa sensibilia externa significantia & conferentia gratiam, in illis continerentur, ut statim concluderetur, tot esse sacramenta, quot huiusmodi signa essent: reperissent autem septem tantum, non quidem in hunc numerum redacta propter doctrinæ commoditatem, ut articuli fidei, sed quia re vera, nec plura sint, nec pauciora. Sic ergo concludamus: septem tantum sunt signa externa quæ significant, & conferunt gratiam: septem igitur tantum sunt sacramenta nouæ legis: hoc enim positum est, esse sacramentum nouæ legis, quod non solum significat, sed etiam efficit gratiam sanctificantem, cum noua à veteribus, ex hac efficacia gratiæ distinximus. Antecedens inductione constat: ceremonia baptismi confert gratiam, quia regenerat animam Ioan. 3. Ceremonia confirmationis dat gratiam, quia dat Spiritum sanctum. Act. 8. 17. & 19. Ceremonia Eucharistiæ confert gratiam, quia dat vitam, & Christo in corporat, Ioan. 6. 1. Cor. 10. & 11. Ceremonia poenitentiae dat gratiam, quia remittit quæuis peccata. Ioan. 20. Ceremonia ordinis dat gratiam, quia Paulus hoc affirmat de ordina-

Disputatio de numero sacramentorum contra Hereticos.

Concluditur ex scriptura sacramenta n. l. septem tantum esse.

Panes propositionis aut sacramentum.
D. Thom. ibi.

Numerus sacramentorum n. l. ad q. 65. art. 1. c. 2.

tionem Timothei. 1. Timot. 4. & 2. Timot. 1. Cæremonia coniunctionis maris & foeminae, quæ appellatur matrimonium dat gratiam, quia ex illa datur possessio vasis sui in sanctificatione & honore, & nō in affectu concupiscentiæ, quæadmodum gētes quæ ignorant Deum. 1. Thessal. 4. Cæremonia extremæ vñctionis dat gratiā, quia saluat infirmum, & quæcunque peccata remittit, Iacobi ult. quare si externi ritus tot sunt gratiam conferentes, non plures neq; pauciores, erunt igitur septem tantum sacramenta. sensus autem testimoniorum quæ ex scriptura adduximus, licet repugnantibus hæreticis, examinabitur à nobis in singulis sacramentis.

10 Neque concedendum est aduersariis, veteres Patres Ecclesiæ hunc numerum ignorasse, quod illum suis scriptis non expresserint, & his quæ de sacramentis scripserunt. Primum quod nullus negauerit septem tantum esse, & pro opportunitate tēporis & tractationis, hæc aut illa expresse-
runt. Deinde, non est aduersariorum veteribus prescribere, quibus locis, hæc aut illa tractanda sint, cum nemo eorum sit qui non habere potuerit graues causas, cur huius aut alterius sacramenti non meminerit. Sæpè maiestas rei, sæpè imbecillitas eorum ad quos scribitur, sæpè conditio aduersariorum contra quos agitur, sæpè rei per se perspicuitas, sæpè idē argumentum ab aliis explicatum, & alia huiusmodi faciunt, tum in cæteris scriptoribus, tum in ipsis euangeliorum autoribus sacris, vt aliquid ibi non scribatur, vbi maximè congruum esse videbatur. Impium sanè esset, Ioannem reprehendere, quod nihil de natiuitate Christi secundum carnem, & omnes euangelistas, quod nihil de infantia, nihil ferè de adolescentia & pueritia scripserint, & ipsum etiam Ioannem quod nihil de Eucharistiæ institutione, cum reliquam partem cœnæ vltimæ in qua instituta fuit, & ipsam præparationem per ablutionem pedum, solus scripserit. Patres etiam illi antiquiores, Iustinus, Tertulianus, Irenæus, non scripserunt ex professo de sacramentis: & Dionysius in lib. de Ecclesiast. Hierarc. non agit spetialiter de sacramentis, sed de actionibus & officiis sacris atque hierarchiis antistitum, quæ vel in sacramentis, vel in precibus, vel in sepultura Christianorum, vel in cō-

secratione monachorum, aut aliis ritibus spectantur: & quia in matrimonio, ritus solennes non sunt pontificum aut sacerdotum proprii, de hoc sacramento nihil loquutus est. Ambrosius inscripsit quidem librum de sacramentis, sed non disseruit ex professo de omnibus, sed de his tantum quibus fideles initiantur, cum ad religionem admittuntur. eadem ratio est de libris catecheticis, Cyrilli Hierosol. Augustini, in quibus proinde non oportuit disputari de matrimonio, sacerdotio, & extrema vñctione, congruenter autem suæ institutioni, meminerunt baptismi, confirmationis, & eucharistiæ. Augustinus autem, quem aduersarij nobis præcipuè opponunt, interdum ait pauca esse sacramenta, vt lib. 3. de Doctrina Christiana, cap. 9. Episto. ad Ianuarium, & sæpè contra Manichæos, & in his præsertim episto. numerat tria, aquam, panem vinum, oleum. & lib. 19. contra Faustum. cap. 14. appellans baptismū Christi, eucharistiam Christi, signum Christi, sed lib. de Doctrina Christiana, duo, lib. de catechizandis rudibus vnum, quia eorum mentio, non autem aliorum, esset suo proposito accommodata. Addit tamen sæpè aliquid, vnde plura esse sacramenta intelligi possit, cuiusmodi est illud epi. 118. [& si quid aliud in scripturis canonicis cōmendatur] Conc. 1. in Psalm. 103. respice inquit ad munus sacramentorum Ecclesiæ, in baptismo, in eucharistia, & in cæteris sanctis sacramentis. lib. 2. aduersus Crescon. cap. 4. quibus sacramentis eum baptismum nos inter magna coniungimus, lib. 2. contra Epist. Parmen. cap. 10. generaliter inquit, omnia sacramenta profunt dignè suscipientibus. qui igitur hæc omnia affirmauit, quomodo potuit existimare duo tantum esse sacramenta nouæ legis, baptismū & eucharistiam, vt aduersarij volunt.

11 Sed propius iam accedamus, ad exactius colligendam diui Augustini & aliorum Patrum sententiam, ostendentes omnia septem sacramenta ab illis agnita fuisse, in ratione sacramenti propria, de qua agimus, & non tantum in illa ampliori significatione, qua omnia mysteria, sacramenta esse dicuntur. Argumentum autem firmissimum est, quod ab eisdem singula illorum septem, in eadem

D. Aug. sententia.

Responso ad aduersarios asserentes, quod veteres Patres, & August. non agnouerunt septem tantum esse sacramenta n. l.

Comment. in D. Tho. tert. part.

sacramenti ratione ponatur, qua ipse baptis-
mus, de quo tamen nulla controuer-
sia est. Primum in his, de quibus est con-
trouerfia, confirmatio dicitur sacramen-
tum ab Augustino lib. 3. contra Donatist.
cap. 16. & lib. 5. cap. 9. & lib. 2. contra epi-
Petiliani. cap. 104. confertur cum baptis-
mo his verbis. Sacramentum chrismatis
in genere visibilium signaculorum. est sa-
cro sanctum, sicut baptismus. eodem mo-
do Cypria. lib. 2. Epist. 1. confert baptis-
mum confirmationi, & vtrumque sacra-
mentum appellat. Secundò, ordinationem
esse sacramentum docet August. lib. 2. cō-
tra epi. Parm. cap. 13. & lib. 1. contra Dona-
tist. de baptismo, cap. 1. baptismo confert
his verbis: vtrumque sacramentum est, &
quadam consecratione vtrumque homi-
ni datur, illud cum baptizatur, hoc cum
ordinatur. Tertiò, matrimonium esse sa-
cramentum, non primum Gregorius Pa-
pa dixit (vt Caluinus fingit) sed ante eum
pluribus locis diuus August. præsertim,
lib. de bono coniugij. cap. 5. 15. 18. &
cap. 24. comparat ordinationi quam prius
cum baptismo contulerat. vt ostendi-
mus, inquit, bonum nuptiarum per
omnes gentes, & omnes homines in
causa generandi est, & in fide castitatis
est: quod autem ad populum Dei atti-
net, etiam in sanctitate sacramenti est,
quod manet in coniugatis, licet proles
non sequatur: sicut sacramentum ordi-
nationis manet in ordinatis, licet ple-
bem, propter quam congregandam ordi-
nati sunt, non congregent. Quartò con-
fert sacramentum pœnitentiæ August.
cum baptismo lib. 1. de adult. coniug. cap.
26. & 28. cum inquit, eadem est causa ba-
ptismi & reconciliationis, sine quibus sa-
cramentis homines credunt se non debe-
re exire de corpore. Ambros. etiam lib.
1. de pœnitent. cap. 7. baptismi inquit, &
pœnitentiæ idem est ministerium, idem
nomē in vtroque operatur remissionem
peccatorum. Vltimo, vnctionem esse sa-
cramentum facile posset probari, ex Au-
gust. lib. de visitation. infirm. si is liber
esset Augustini, cap. 4. sed melius ex In-
nocentio Primo, æquali Augustini Epist.
1. cap. 8. Beda. 9. Lucæ & Iacobi 5. Cy-
rillo lib. 2. in Leuit. & Chrysosto. lib. 3.
de sacerdot. vbi etiam baptismo compara-
tur, cum ait non tantum in baptismo re-

mittunt sacerdotes peccata, sed etiam
postea in vnctione iuxta illud Iacobi, in-
firmatur quis in vobis, &c. Eandem etiam
Prosper eucharistiæ in effectu coniungit
de prædict. part. 2. cap. 29. dicens, anima
sacramento farris & olei vnctione muni-
ta, secunda expectatur. est igitur antiqua &
recepta patribus de septenario sacramen-
torum numero sententia.

12 Posteriores Theologi, aut nondum
excitatis, aut ignoratis, aut contemptis
hæreticorum contentioneibus, de nume-
ro non litigant, sed definiti numeri cau-
sas & rationes inuestigant. Eas verò ex
effectis, quæ ex similitudine vitæ nostræ
naturalis, ad spiritualem transferuntur,
hoc modo colligunt. Homo enim ad vi-
tam naturalem rectè transigendam in re-
pub. primum generatione editur in lucē,
deinde augetur & perficitur, Tertiò ali-
tur, Quartò si in morbum incidit curatur:
Quintò, reficiantur vires ex ægritudine
debilitatæ: deinceps vt viuatur in repub. ma-
gistratus necessarius est, tandem vt le-
gitima soboles procreetur. Ex horum
analogia quinque sunt sacramenta quæ
priuatim cuiusque bonum respiciunt, ba-
ptismus enim regenerat, confirmatio au-
get, & ideo Luc. 24. dicitur virtus, vel
vis ex alto, eucharistia spiritum pascit &
reficit: pœnitentia sanitatem amissam re-
stituit, vnctio reliquias morbi tollit, & vi-
res spirituales ex ægritudine labefactas
reficit, ordo magistratum & potestatem
Ecclesiasticam instituit: Matrimonium ex
maris & fœminæ casta coniunctione, ad
cultum Dei & humani generis conserua-
tionem filios procreat.

13 Comparatio horum sacramento-
rum ex his constat, & ratio ordinis. sim-
pliciter omnibus præstat eucharistia, quia
est finis aliorum, & finis præstat omnibus
quæ ad finem sunt. Cæteris enim omni-
bus Deo & Christo vnimur, sed eucharis-
tia perfectissima vnione, quæ suo loco
explicabitur. Præterea, cætera sacramenta
tantum continent gratiam instrumentali-
ter, eucharistia autorem gratiæ re ipsa con-
tinet. ex cæteris, necessitate excellit baptis-
mus, sine quo re ipsa suscepto paruuli
salutem consequi non possunt, & adulti
sine eo vel re ipsa vel voto, si sacramenti sus-
ceptione necessitas excludat. Ex cæteris
quò vnūquodq; ordine prius est, vt sunt

à nobis

*Tria priora ex
his sacramen-
tis, in primitiua
Ecclesia simul
conferbantur,
vt constat ex
toto opere D.
Ambrosij de sa-
cramentis.*

*Sacramentorum
inter ipsa com-
paratio.*

à nobis descripta, eò in vita spirituali magis necessarium est, sed dignitate præstat baptismo confirmatio, quia illius perfectio: deinde si peccata sint, pœnitentia ad remissionem simpliciter necessaria est reipsa, vel voto, si actu suscipi non possit: eius comes vnctio est ad delendas peccati reliquias: ordo matrimonio præstat, dignitate ministri omnibus aliis confirmatio & ordo: significatione matrimonium. Ephes. 5. magnum sacramentum dicitur. Ordo perfectione præstat confirmationi, pœnitentia & vnctio inferiores sunt: quia non per se ad vitam Christianam pertinent, sed ex accidenti, si contingat peccato infectam esse, sed pœnitentia est magis necessaria, vnctio autem perfectior, sicut confirmatio baptismo. Sic est definitum in Trident. Sess. 7. can. 3. de sacramentis in genere, nouæ legis sacramenta non esse æqualia, vt volunt aduersarij: quia negant in eucharistia reipsa Christum contineri, & omnia esse testimonia gratiæ & remissionis peccatorum, per fidem acceptæ specialem, quam ipsi confrinxerunt, vt suo loco ostendetur, & statim refutabitur illa sententia, sacramenta esse huiusmodi signa remissionis peccatorum per fidem acceptæ.

14. Definitio sacramenti hæcenus constituta, quatenus in ratione sacramenti ponit gratiam, vt sanctificantem ipsos suscipientes, cuius signum sit externum & visibile, excludit à ratione sacramenti omnia signa legis naturæ, vet. & nouæ commemoratiua siue prognostica gratiæ, non tamen vt sanctificantis ipsum suscipiētes, vt matrimonium in lege naturæ & vet. & præterea in illa, sacrificia Abelis & Caini, in hac æneum serpentem, Manna, aquam de petra, transitum maris Rubri; & in lege noua, aquam benedictam, lotionem pedum, (quæ olim ex imitatione Domini, solebat antecedere sumptionem eucharistiæ) verba illa Domini, Remittuntur tibi peccata tua: quia nihil horum significauit, aut significat gratiam habitualement, vt sanctificantem suscipientes, quod ostendimus esse de ratione sacramenti, etiam si alia mysteria, vel gratiam, non tamen vt sanctificantem, significet. Quomodo à Patribus aliquando aqua benedicta dicitur sacramentum, generali significatione sacramenti & non propria, vt ab Alexandro

de consecrat. dist. 3. cap. aquam, & lotio pedum dicitur mysterium à D. Ambrosio lib. 3. de sacramentis, cap. 1. quia denotat sanctitatem baptismo prius effectam, & admonet, quanta requiratur puritas ad eucharistiæ susceptionem: vnde Dominus qui lotus est scilicet baptismo, vt ait, August. Epist. 108. non indiget, nisi vt pedes lauet, id est, amplius ab effectibus concupiscentiæ purgetur, quod efficit vsus deuotus boni viri in multis cæremoniis Ecclesiasticis. Eodem sensu dicitur sacramentum eadem ablutio, à Cypriano in Sermone de eadem ablutione. Significabat etiam dantis humilitatem, & non suscipientis, & si suscipientis, tamen ante vsu sacramenti, quod tamen ipso vsu, debet suscipientem sanctificare. Aqua vero benedicta significat, & efficit, vt quibusdam placet, ex opere operato remissionem venialium, & amotionem malignitatum spiritualium, sed non gratiam iustificantem, vt sanctificantem suscipientes, & ideo licet esset in vete. lege, non esset sacramentum, cum hæc sit ratio communis omnium sacramentorum vt supra ostendimus: & instituta est vel ab Apostolis, vel ab Alexandro Primo, non à Deo, vt omnia sacramenta leg. vet. & nouæ. Idè dicendum est de omnibus sacramentalibus, quæ vel antecedunt, vel sequuntur solennem sacramenti susceptionem, quibus suscipientes præparantur, & assistentes etiam percipiunt dignitatem sacramenti, & ad eius deuotionem excitantur. Illa vero verba Domini [remittuntur tibi peccata] non habere materiam, neque occultam significationem gratiæ, qualis est sacramentalis: sed ex cõmuni vocum significatione, voluntatem & potentiam Christi expresserunt ad sanctificandum. Et cum sacramentum nouæ legis, sit cæremonia à Deo instituta in Dei cultum, consistens in coniunctione materiæ & formæ, constat illa verba non fuisse sacramentum, licet fuerint instrumentum Christi sanctificantis.

15. His explicatis de natura, numero, & comparatione sacramentorum, refutanda est definitio sacramenti, excogitata ab aduersariis, ad refellenda multa, quæ Ecclesia catholica de sacramentis docet. Quauis igitur diuersis verbis, eodem tamen sensu sacramentum nouæ legis definiunt,

De effectu huius aquæ inf. q. 87. art. 8. Canon. relect. de sacramentis p. 1. ad 6. Petr. Sot. cont. Brent. confess. de consec. aquæ, Alan. cop. Dislog. 1. c. 3.

Disputatio de ratione sacramenti contra hæreticos.

Luth. de capt. Bab. confessio Aug. Remiss. Calu.

Commen.in D. Tho. tert. part.

ritum, symbolum, signaculum aut sigillum externum, quo Deus obsignat remissionem peccatorum promissam his, qui in fide sacramentum suscipiunt: ut sit sacramentum, ut sigillum diplomati appensum, per quod firmatur fides, quam prius de verbo habemus. Itaque in omni sacramento debet esse expressum verbum promissionis de remissione peccatorum, cuius promissionis, sacramentum sit sigillum & signum externum, ipsa verò remissio non accipiat ex vi sacramenti, sed ex vi fidei, quam illi affirmant per se iustificare, vel ante sacramentum vel in ipso sacramento: ut per sacramentum non applicetur, neque significetur gratia, sed promissionem offerri per sacramentum, & ut fidem sic promissionem fide accipi, & intelligentiam apprehendi. Et ideo nullam neque in nostris, neque in veteribus esse gratiae significationem aut efficientiam, sed hanc pertinere ad fidem, qua apprehendimus verbum promissionis: ita ut fide accipiamus remissionem peccatorum promissam, & sacramentum non significet aut efficiat gratiam vel remissionem illam, sed tantum sit signum promissionis externum, quo renouatur aut excitatur memoria, & firmatur fides quam prius ex verbo habuimus: ut sigillum appensum diplomati regio, de promissione diplomatis nos admonet, & eandem significat, non tamen rem, cuius est promissio diplomate expressa.

16. Sic ergo aduersarij, rationem sacramenti nouae legis constituunt, in speciali verbo promissionis de remissione peccatorum, ut sacramentum sit nudum signaculum testificans apud conscientiam hominis, se iam ante fuisse filium Dei, aut nunc per solam fidem fieri: primum quidem asserit Calvinus, alterum Lutherus & Protestantes. Sed Caluini error & impietas maior, finit enim promissionem illam non esse remissionis peccatorum, vel gratiae cuiuscunque presentis, sed generalis benevolentiae Dei remittentis peccata propter Christum, non quidem tempore suscepti sacramenti, sed ab aeterno per diuinam electionem, & praedestinationem: & ideo remissionem illam promissam non applicari cuiquam in sacramento, sed ante sacramentum susceptum, per fidem aut suam, aut suae familiae, & ap-

plicari tantum electis, qua ratione dicit sacramentum, sigillum aut appendicem certam electionis aut praedestinationis. Reprobis autem, siue infantibus siue adultis, neque in sacramentis, neque extra sacramenta vult remitti peccata: & idcirco audet Calvinus asserere, infantes decedentes cum baptismo posse damnari, quod sint reprobi, & sine baptismo posse saluari, quod sint electi. Ex hac verò certitudine huius sigilli & appendicis, colligit errorem de praesumptione praedestinationis, & certitudine gratiae iustificantis.

17. In hac definitione aduersariorum, quaedam sunt communia, quaedam propria huius aut illius, quae singillatim refellenda sunt. Ex communibus quaedam sunt aliena à doctrina sacramentorum, quaedam sunt propria illius. Aliena duo sunt, primum iustificationem nos apprehendere sola fide, alterum iustificationem esse peccatorum remissionem, sine interiori sanctificatione, innoatione & gratiae formaliter iustificantis infusione. Contra hos errores, in doctrina de gratia differendum est, & definitum est oppositum in Trident. Conc. Sess. 6. cap. 7. & 8. & can. 9. & 11. Pertinent verò ad hanc doctrinam de sacramentis, quae omnes Protestantes asserunt, sacramentum esse signum promissionis specialiter factae, de remissione peccatorum: & eam remissionem sacramentum neque significare, in ipso aut per ipsum efficiendam, sed tantum testificari de promissione illa speciali. Tendant autem omnia ista, ad extollendam fidem illam specialem iustificantem, quam fingunt, & eneruandam efficaciam sacramentorum nouae legis, & imminuendum numerum illum septenarium sacramentorum, quem supra euidenter ex verbo Dei collegimus. Faciunt enim sacramenta, signa promissionis, quam dicunt nobis applicari & apprehendi fide illa iustificante, sacramenta verò neque signa gratiae censentur ab illis, sed illius promissionis: & tollunt multa sacramenta, ut ordinem, matrimonium, confirmationem, quia promissionem illam specialem non habent, quam tamen volunt esse de ratione sacramenti.

18. Nobis autem, antequam cominus cōgrediamur, ponendum est, verbum omne institutionis sacramentorum, continere quidem apertam significationem diuinæ volun-

voluntatis, de hominum sanctificatione: & quia hæc voluntas semper signo sacramentali ritè administrato, coniuncta est, implicite quidem includit promissionem, non ex verbo: alio speciali promittentis, sed ex ipso signo, in talem finem sanctificationis hominum, instituto. Quoniam hæc institutio comprehendit duo, externi signi in certa re de signationem, & collationem potestatis ministro ad applicandum signum illud institutum, in prescriptam significationem; & efficaciam in sacramentis nouæ legis. Vnde non est insuper necessaria verbalis illa & specialis promissio: cum ipsa signa diuinitus instituta, apertam Dei voluntatem ostendant, & idcirco rectè dicuntur, signa sacramentalia: verba quædam visibilia. Si quæ autè verba sunt ante vel post sacramentorum institutionem, quæ in futuro tempore promissionem implendam exprimant, ea potius effectum sacramenti declarant & virtutè, quàm nouam & specialem illam promissionem, sacramentis ipsis non implendam, sed potius fide illa iustificante apprehensam, & sacramentis vt signis externis obsignandam, vt aduersarij volunt. Sic accipienda sunt illa de baptismo, Marc. vltimo: Qui crediderit & baptizatus fuerit, saluus erit: de eucharistia iuxta quorundam & verasententiam, illud Ioann. 6. Qui manducet meam carnem & bibat meum sanguinem, in me manet & ego in eo: de penitentia, Ioannis, 20. Quorum remisseritis peccata, remittuntur eis. de vnctione, illud Iacob vlti. oratio fidei saluabit infirmum, & si in peccatis fuerit, dimittentur ei.

Argumenta contra Protestantes de ratione sacramenti.

19. His positis contra illam promissionem, quam dicunt esse de ratione sacramenti, argumentum illis firmum esse debet: quod sacra scriptura, hoc verbum promissionis non refert ad propriam rationem sacramenti: & tamen illis verbum Dei, solum est in scriptura: vt nouum igitur reiiciendum est. Secundò, eucharistia, quæ omnibus aduersariis est sacramentum, non habet annexum verbum promissionis, cum omnes illi, Ioan. 6. cap. in quo videtur esse illa promissio de vnione cum Christo per hoc sacramentum efficienda, nolint intelligi de hoc sacramento. Tertiò, multa habet illam promissionem adiunctam, quæ tamen nullus in sacramentis numerauit, vt constat de elemosyna Luc. II. Date elemosynam, & omnia munda sunt vobis: de iniuriæ remissione Luc. 6. Dimittite & dimitte tur vobis: denique auditio verbi Dei, & alia multa habent illam promissionem, quæ nullus aduersarius fatebitur esse sacramenta: illa igitur promissio non est de ratione sacramenti. Hæc argumenta plurimum valere debent contra hos Protestantes, si sibi constare velint. Sed concludamus etiam ex dogmatis catholicis, quæ supra sunt à nobis ex verbo Dei expresso collecta. Sit igitur quantum argumentum. Si verbum illud promissionis specialis, esset de ratione sacramenti, illa tria non essent sacramenta, confirmatio, ordo, matrimonium, cum non habeant adiunctum hoc verbum promissionis: sed verbo Dei sunt in sacramentis numerata: non est igitur illud verbum de ratione sacramenti. Quintò, illo verbo promissionis sacramentum neque conficitur, neque confertur, cum ante præcesserit: ergo non est illud verbum de ratione sacramenti: cum supra ostēderimus verbis confici sacramenta, quæ sint à Deo instituta ad effectum sacramenti. Sextò, hæc aduersariorum definitio tollit efficaciam, & significationem gratiæ de sacramentis, & illam tribuit fidei sue speciali, non igitur explicat rationem sacramenti: cum supra ostēderimus, omne sacramentum, esse signum gratiæ sanctificantis, & sacramentum n. l. non solum, significare eandem, sed etiam efficere, vt statim aper tius & latius ostēdetur. Quinetiā ne verbum quidem, tantum abest, vt promissorium, ad baptismum requiratur instituendum, quia ex sententia D. Aug. epi. 108. & Bedæ in homil. de Epiphania, factum & non verbis Dñs baptismum instituit: neque videtur baptis mus niti illo verbo Ioan. 3. Qui crediderit, & baptizatus fuerit, saluus erit, sed illo potius baptizantes, in nomine Patris, & Filij, & Spiritus sancti, cum ex illo præcepto, baptis mus ad regenerationem administratur. Hæc dicta sint contra illud verbum promissionis, quod aduersarij fingunt esse de ratione sacramenti. Alterum deinde assertum ab his, nempe sacramentum esse sigillum testifi cans apud conscientiam, se esse Filium Dei, aut nunc fieri cum suscipit sacramentum, refutandum est. Primò quidem, quia paruuli sacramenti non essent capaces, cum huiusmodi conscientiæ testimonium habere non possint. Quod enim quidam ex illis affirmant, esse internos quosdam

motus

Comment. in D. Tho. tert. part.

motus in paruulis, quibus excitantur interius ad excipienda dona Dei, per similes iis quos legimus Baptistam habuisse in utero matris, figmentum planè est, & anilis fabula. Secundò, si sacramentum sit fœderis & diuinarum promissionum sigillum, erit certa & infallibilis gratia in recipientibus sine exceptione indispositionis: fuerit semper homo iustus ante susceptum sacramentum, & in ipsa susceptione necesse est habeat conscientiam, intelligentiam, fidem, & memoriam promissionis: oportebit Deum cuique hominum venienti ad sacramentum per verbum suum expressè promississe salutem & gratiam, ne sit sacramentum falsi obsignatio & contestatio: erit verbum Dei præterea minus clarum, quàm sacramentum, cum hoc de illo nobis testificetur: denique oportebit sacramentum dare fidem verbo Dei, cum tamen constet homines accedere ad sacramentum, quia credunt verbo Dei, de effectu sacramenti quod recipiunt. Præterea, licet hoc ipsum quod est obsignare Dei dona, sit aliquid conferre, & eam vim aduersarij sacramentis concedant, tamen sanctificationis & gratiæ nihil volunt per illa conferri, & ideo pro nouis sacramentis vetera nobis exhibent vacua & egena, contra verbum Dei, vt supra ostendimus. sic ait Caluinus baptismo nihil noui doni cælestis infanti donari à Deo, sed sanctificationem in utero matris, ex vi prædestinationis factam, sanciri & confirmari: quæ ratio sacramentorum nouæ legis, si vera est, sequitur contra Caluinum & alios, nihil significatum per eucharistiam nobis exhiberi, vt illos sentire suo loco de Eucharistia doceamus. Concludamus igitur, si aliquid exhibent sacramenta, vt de eucharistia illi fatentur, perit Caluini doctrina de baptismo, & sanctificatione infantum in utero matris, si nihil exhibent sua vi & energia, sed exhibita alterius vi obsignant: perit doctrina illorum de eucharistiæ efficacia: quare non possunt sibi constare.

Hæretici non sibi constant.

Sigillū & signaculum apud veteres.

20 Fatemur quidem Theologos veteres vsos fuisse, sigilli & signaculi nomine, in exprimenda ratione sacramenti, sed alio sensu atque aduersarij. Sigilli enim duplex est vsus in literis humanis, vnus ad occultandum res secretas, sacras & my-

sticas, quæ vulgo videri non debent: alter ad faciendam fidem rei cui apponitur, vt in diplomate regio: primo modo quædam sacramenta veteres appellant sigilla, altero modo aduersarij omnia sacramenta promissionis diuinæ de remissione peccatorum: quæ vides quam longè diuersa sint. Primus vsus est etiam in sancta scriptura, Apocalyp. 5. signaculum, & sigilla septem signant librum. Tertul. de pœnitentia, lauacrum baptismi vocat fidei obsignationem. Basilii lib. 3. contra Eunom. idem sacramentum vocat fidei sigillum. D. August. lib. 16. contra Faustum, cap. 11. sacramenta visibilia cuiusque religionis, signacula vocat, & ab omnibus Theologis eodem sensu dicitur sigillum confessionis. Dicuntur etiam à veteribus Theologis, quædam sacramenta, signa, sigilla, signacula, symbola, propter characterem nobis impressum, ex imitatione diui Pauli, Ephe. 4. cum ait, nolite contristare Spiritum sanctum Dei, in quo signati estis, in quem locum D. Hieron. Symbolum ait Spiritus sancti in die baptismi accepistis: nouum signaculum habere cepistis: sic sæpè D. August. disputans contra Donatistas, de characteris ordinis, & baptismi.

Sigillum de sacramentis catholicis.

21 Eodem sensu sigilli, vt occultantis rem secretam, dicitur, Romano. 4. Circuncisio signaculum iustitiæ, non autem promissionis aut pacti de remissione peccati, vt volunt aduersarij, licet alia ratione dicatur signum fœderis in initio cum populo Dei, Gen. 17. quia vt ait Orig. claudit & velat iustitiam fidei, donec in Aduentu Christi patefiat, quomodo verè iustificetur filius Abraham, qui est ex semine promissionis. Præterea non sequitur circuncisionem fuisse omnibus, quod fuit Abraham, de quo loquitur D. Paulus, sicut baptismus non fuit omnibus quod Christo: inquit autem Paulus fuisse circuncisionem ipsi Abraham signaculum iustitiæ fidei in præputio, & ideo non habuit in illo primarium & proprium vsus quem in cæteris: cum ipse prius fuerit iustificatus, vt inquit Augustinus lib. 4. de baptismo contra Donatist. cap. 24. contra autem fuit in Isaac, quia in eo præcessit signaculum, & secuta est fidei iustitia. Sic etiam cap. 3. eiusdem lib. de Corneliū prius iustificatum, deinde

de baptizatum, cum tamen baptismus nō semper inueniat, per se autem semper efficiat iustos.

Non igitur eo loco ostendit Paulus, quæ sit vis & ratio sacramenti circuncisionis in suscipientibus, sed causas explicat, cur ille primus accepit hoc sacramentum ut idem possit appellari, pater & fundator circuncisionis, sicut dicitur, pater creditum in præputio. Postremò, quis nō videat manifestum paralogiū, cum id quod speciatim de vno sacramento dicitur, id asseritur omnium commune: oportuisset enim prius ostendere, id quod de illo dicitur, non esse illius proprium, sed omnium commune: nos autem ostendimus signaculum dici de circuncisione spirituali quadam ratione, non ergo debet transferri ad communem rationem sacramentorum, quod fecerunt aduersarij.

QVÆSTIO LXII.

De principali effectu sacramentorum qui est gratia, in sex articulos diuisa.

DEinde considerandum est de effectu sacramentorum. Et primò de effectu eorum principali, qui est gratia. Secundò de effectu secundario, qui est character.

Circa primum queruntur sex.

Primò, Virum sacramenta nouæ Legis sint causa gratiæ.

Secundò, Virum gratia sacramentalis aliquid addat super gratiam virtutum & donorum.

Tertiò, Virum sacramenta contineant gratiam.

Quartò, Virum sit in eis aliqua virtus ad causandum gratiam.

Quintò, Virum talis virtus in sacramentis deriuetur à passione Christi.

Sextò, Virum sacramenta veteris legis, gratiam causarent.

ARTICVLVS PRIMVS.

Virum Sacramenta sint causa gratiæ.

AD primum sic proceditur, Videtur, quod sacramenta non sint causa gratiæ. Non enim idem videtur esse signum & causa, eo quod ratio signi videtur magis effectui competere. Sed sacramentum est signum gratiæ. Non igitur est causa eius.

¶ 2. Præterea, Nullum corporale agere potest in rem spiritua-lem, eo quod agens honorabilius est patiente, ut August. * dicit 12. super Genes. ad literam. Sed subiectum gratiæ est mens hominis, quæ est res spiritualis. Non ergo sacramenta possunt gratiam causare.

3. Præterea, Illud quod est proprium Dei, non debet alicui creaturæ attribui. Sed causare gratiā, est proprium Dei, secundum illud Psalm. 83. Gratiam & gloriam dabit Dominus. Cum ergo sacramenta consistant in quibusdam verbis & rebus creatis, non videtur, quod possint gratiam causare.

SED CONTRA est, quod * August. dicit supra Ioan. quod aqua baptismalis corpus tangit, & cor abluit. Sed cor non abluitur nisi per gratiam. Ergo causat gratiam, & pari ratione alia Ecclesiæ sacramenta.

RESPONDEO dicendum, quod necesse est dicere sacramenta nouæ Legis, per aliquem modum gratiam causare. Manifestum est enim quod per sacramenta nouæ Legis, homo Christo incorporatur: sicut de baptismo dicit Apostolus ad Galat. 3. Quotquot in Christo baptizati estis, Christum induistis.

Inf. ar. 6. q. 64. art. 1. Et. 3. di. 40. art. 3. q. 4. dist. 1. q. 1. ar. 4. q. 1. ar. 5. q. 1. q. 4. cont. ca. 57. q. 74 prin. q. col. 2. in prime. Et veri q. 27. ar. 4. q. quol. 12. ar. 15.

* Lib. 12. c. 16. in mo. fo. 39.

* Tract. 30. a med. fo. 9.

D. Thom. tert. part.

duistis' non autem efficitur homo membrum Christi, nisi per gratiam. Quidam tamen dicunt, quod non sunt causa gratiæ aliquid operando, sed quia Deus sacramentis adhibitis, in anima gratiam operatur. Et ponunt exemplum de illo qui afferens denarium plumbeum accipit centum libras ex Regis ordinatione, non quod denarius ille aliquid operetur ad habendum prædictæ pecuniæ quantitatem, sed hoc operatur sola voluntas Regis.

*Bernardus in
ser. de cena, an
de med. illius.*

Vnde & † Bernardus dicit in quodam sermone de Cœna Domini, sicut inuestitur Canonicus per librum, Abbas per baculum, Episcopus per annulum, sic diuisiones gratiarum diuersæ, sunt traditæ sacramentis.

Sed si quis rectè consideret iste modus non transcendit rationem signi. Nam denarius plumbeus, non est nisi quoddam signum regiæ ordinationis de hoc, quod pecunia recipiatur ab isto. Similiter liber est quoddam signum, quo designatur traditio canonicatus. Secundum hoc igitur, sacramenta nouæ legis nihil plus essent, quàm signa gratiæ: cum tamen ex multis sanctorum auctoritatibus habeatur, quod sacramenta nouæ Legis non solum significant, sed causant gratiam.

Et ideo aliter dicendum, quod duplex est causa agens principalis & instrumentalis. Principalis quidem operatur per virtutem suæ formæ, cui assimilatur effectus: sicut ignis suo calore calefacit. Et hoc modo nihil potest causare gratiam, nisi Deus: quia gratia nihil est aliud, quam quædam participata similitudo diuinæ naturæ, se-

cundum illud secundæ Pet. primo, Magna nobis & prætiosa promissa donauit, ut diuinæ simus confortes naturæ. Causa verò instrumentalis non agit per virtutem suæ formæ, sed solum per motum, quo mouetur à principali agente. Vnde effectus non assimilatur instrumento, sed principali agenti: sicut lectus non assimilatur securi, sed arti, quæ est in mente artificis. Et hoc modo sacramenta nouæ Legis gratiam causant. Adhibentur enim, ex diuina ordinatione hominibus, ad gratiam in eis causandam. Vnde † August. dicit, 19. contra Faustum. Hæc omnia, sci licet sacramentalia, sunt & transeunt: virtus tamen, scilicet Dei, quæ per ista operatur, iugiter manet. Hoc autem propriè dicitur instrumentum, per quod aliquis operatur. Vnde & Tit. 3. dicitur: Saluos nos fecit per lauacrum regenerationis.

*Ca. 19. in prin
10. 6.*

AD PRIMVM ergo dicendum, quod causa principalis non propriè potest dici signum effectus, licet occulti, etiam si ipsa sit sensibilis & manifesta. Sed causa instrumentalis, si sit manifesta, potest dici signum effectus occulti: eo quod non solum est causa, sed etiam quodammodo effectus, inquantum mouetur à principali agente. Et secundum hoc, sacramenta nouæ Legis, simul sunt causæ & signa: & inde est quod sicut communiter dicitur, efficiunt quod figurant. Ex quo etiam patet, quod habent perfectè rationem sacramenti, inquantum ordinantur ad aliquid sacrum non solum per modum signi, sed etiam per modum causæ.

AD SECUNDUM dicendum, quod instrumentum habet duas actiones. Vnam instrumentalem, secundum quam operatur non in virtute propria, sed in virtute principalis agentis. Aliam autem habet actionem propriam, quæ competit sibi secundum propriam formam, sicut securi competit scindere ratione suæ acuitatis, facere autem lectum, in quantum est instrumentum artis. Non autem perficit instrumentalem actionem, nisi exercendo actionem propriam: scindendo enim facit lectum. Et similiter sacramenta corporalia, per propriam operationem, quam exercent circa corpus: quod tangunt, efficiunt operationem instrumentalem ex virtute diuina circa animam: sicut aqua baptismi abluit corpus secundum propriam virtutem: abluit animam, in quantum est instrumentum virtutis diuinæ, nam ex anima & corpore vnum fit. Et hoc est quod Augustinus dicit, quod corpus tangit, & cor abluit.

AD TERTIUM dicendum, quod ratio illa procedit de eo quod est causa gratiæ per modum principalis agentis. Hoc enim est proprium Dei, ut dictum est.*

ARTICVLVS II.

Vtrum gratia sacramentalis aliquid addat super gratiam virtutum & donorum.

AD secundum sic proceditur. Videtur, quod gratia sacramentalis non addat aliquid super gratiam virtutum & donorum. Per gratiam enim virtutum & donorum perficitur anima sufficienter, & quantum ad essentiam animæ & quantum ad potentias eius, ut patet ex his quæ in secunda parte dicta sunt. Sed gratia ordinatur ad animæ perfectionem. Ergo gratia sacramentalis non po-

test aliquid addere super gratiam virtutum & donorum.

¶ 2. præterea, Defectus animæ ex peccatis causantur. Sed omnia peccata sufficeret excludi per gratiam virtutum & donorum: quia nullum est peccatum, quod non contrarietur alicui virtuti. Gratia ergo sacramentalis, cum ordinetur ad defectus animæ tollendos, non potest aliquid addere super gratiam virtutum & donorum.

¶ 3. præterea, Omnis additio vel subtractio in formis, variat speciem: ut dicitur 8.^o Metaphy. Si ergo gratia sacramentalis addat aliquid super gratiam virtutum & donorum, sequitur, quod æquiuocè dicatur gratia. Et sic nihil certum nobis ostenditur, ex hoc, quod sacramenta dicuntur gratiam causare.

SED CONTRA est, quod si gratia sacramentalis non addit aliquid super gratiam donorum & virtutum, frustra sacramenta habentibus, & dona & virtutes conferuntur. In operibus autem Dei nihil est frustra. Ergo videtur, quod gratia sacramentalis aliquid addat super gratiam virtutum & donorum.

RESPONDEO dicendum, quod (sicut in secunda parte dictum est) gratia secundum se considerata, perficit essentiam animæ, in quantum participat quædam similitudinem diuini esse. Et sicut ab essentia animæ fluunt eius potentie, ita a gratia fluunt quædam perfectiones ad potentias animæ, quæ dicuntur virtutes & dona, quibus potentie perficiuntur in ordine ad suos actus. Ordinantur autem sacramenta ad quosdam speciales effectus necessarios in vita Christiana, sicut baptismus ordinatur ad quandam spirituale regenerationem, qua ho-

Lib. 8. text. 101
to. 3.

1. 2. q. 110. art. 3. & 4.

Loco citato in
arg. sed contra

In corp. art.

In 1. q. 72. art. 7. ad secundum.
Et 4. di. 7. q. 2. art. 2. q. 3. & dis. 17. q. 1. art. 4. q. 5.

In 1. 2. q. 110. art. 3. & 4.

D. Tho. tert. part.

mo moritur vitiis, & fit membrum Christi, qui quidē effectus est aliquid speciale præter actus potentiarum animæ. Et eadem ratio est in aliis sacramētis. Sicut igitur virtutes & dona addunt super gratiā communiter dictā, quādam perfectionem determinatē ordinatam ad proprios actus potentiarum, ita gratia sacramentalis addit super gratiam communiter dictā, & super virtutes & dona, quoddam diuinum auxilium ad consequendum sacramenti finem. Et per hunc modum gratia sacramentalis addit super gratiam virtutum & donorū.

AD PRIMVM ergo dicendum, quod gratia virtutum & donorum sufficienter perficit essentiam & potentias animæ, quantum ad generalem ordinationem actuum animæ. Sed quantū ad quosdam effectus speciales, qui requiruntur in vita Christiana, requiritur sacramentalis gratia.

AD SECVNDVM dicendū, quod per virtutes & dona excluduntur, sufficienter vitia & peccata, quantum ad præsens & futurum, inquantum, scilicet, impeditur homo per virtutes, & dona à peccando. Sed quantum ad præterita peccata, quæ transeunt actu, & permanent reatu, adhibetur homini remediū specialiter per sacramenta.

AD TERTIVM dicendū, quod ratio sacramentalis gratiæ se habet ad gratiam communiter dictā, sicut ratio speciei ad genus. Vnde sicut non æquiuocè dicitur animal communiter dictum, & pro homine sumptum, ita non æquiuocè dicitur gratia communiter sumpta, & gratia sacramentalis.

ARTICVLVS III.

Vtrum sacramenta nouæ legis contineant gratiam.

AD tertium sic proceditur. Videtur, quod sacramenta nouæ Legis non contineant gratiā: contentum enim videtur esse in continente. Sed gratia non est in sacramēto, neque sicut in subiecto, (quia subiectum gratiæ non est corpus, sed spiritus) neque sicut in vase, quia vas est locus mobilis, vt dicitur in 4.† Physic. Esse autem in loco, non conuenit accidenti. Ergo videtur, quod sacramenta nouæ legis non contineant gratiam.

4. di. 2. ar. 4.
q. 4. Et ver. q.
27. artic. 7.

¶ 2. Præterea, Sacramenta ordinantur ad hoc, quod homines per ea gratiam consequantur. Sed gratia cū sit accidēs, nō potest transire de subiecto in subiectum. Ergo pro nihilo esset gratia in sacramentis.

¶ 3. Præterea, Spirituale non continetur à corporali, etiam si in eo sit, non enim anima continetur à corpore, sed potius continet corpus. Ergo videtur, quod gratia, cū sit quiddam spirituale, non contineatur in sacramento corporali.

SED CONTRA est, quod * Hugo de sancto Victore dicit, quod sacramentum ex sanctificatione inuisibilem gratiam continet.

Lib. de sacram.
map. p. 19. c. 1.

RESPONDEO dicendum, quod multipliciter aliquid dicitur esse in alio, inter quos duplici modo gratia est in sacramētis. Vno modo sicut in signo, nā sacramentū est signū gratiæ. Alio modo sicut in causa, nā sicut dictū est,† Sacramentū nouæ legis est instrumentalis gratiæ causa. Vnde gratia est in sacramento nouæ legis, non quidem secundū similitudinē speciei, sicut effectus

art. præc.

effectus est in causa vniuoca, neque etiam secundum aliquam formam propriam & permanentem & proportionatam ad talem effectum, sicut sunt effectus in causis non vniuocis, puta, res generatae in sole. Sed secundum quandam instrumentalem virtutem, quæ est fluens & incompleta in esse naturæ, ut infra dicitur. *†*

Artic. seq.

AD PRIMVM ergo dicendum, quod gratia non dicitur esse in sacramento sicut in subiecto, neque sicut in vase, prout vas est locus quidam, sed prout vas dicitur instrumentum alicuius operis faciendi, secundum quod dicitur Ezech. 9. Vnusquisque vas interfectionis habet in manu sua.

AD SECVNDVM dicendum, quod quauis accidens non transeat à subiecto in subiectum, transit tamen à causa per instrumentum aliqualem in subiectum, non ut eodem modo sit in eis, sed in vnoquoque secundum propriam rationem.

AD TERTIVM dicendum, quod spirituale existens perfecte in aliquo, continet ipsum, & non continetur ab eo. Sed gratia est in sacramento secundum esse fluens & incompletum. Et ideo non inconuenienter sacramentum dicitur continere gratiam.

ARTICVLVS IIII.

Vtrum in sacramentis sit aliqua virtus, gratiæ causatiua.

In 2. q. 8. ar. 4. & 4. dist. 1. q. 1. ar. 4. q. 2. & di. 8. q. 2. art. 3. Et quo. 15.

AD quartum sic proceditur, Videtur quod in sacramentis non sit aliqua virtus, gratiæ causatiua. Virtus enim gratiæ causatiua, est virtus spiritualis. Sed in corpore non potest esse virtus spiritualis, neque ita, quod sit propria ei (quia virtus fluit ab essentia rei & ita non

potest eam transcendere) neque ita, quod recipiat eam ab alio, quia quod recipitur ab aliquo, est in eo per modum recipientis. Ergo in sacramentis non potest esse aliqua virtus gratiæ causatiua.

¶ 2. Preterea, Omne quod est, reducit ad aliquod genus entis, & ad aliquem gradum boni. Sed non est dare in quo genere entis sit talis virtus (ut patet discurrendi per singula) nec etiam potest reduci ad aliquem gradum bonorum, neque enim est inter minima bona, quia sacramenta sunt de necessitate salutis: neque etiam inter media bona cuiusmodi sunt potentia anime, quæ sunt quedam potentie naturales: neque etiam inter maxima bona quia nec est gratia nec virtus mentis. Ergo videtur, quod in sacramentis nulla sit virtus, gratiæ causatiua.

¶ 3. Preterea, Si talis virtus est in sacramentis, non causatur in eis, nisi per creationem à Deo. Sed inconueniens videtur, quod tam nobilis creatura, statim esse desinat, sacramento perfecto. Ergo videtur, quod nulla virtus sit in sacramentis ad gratiam causandam.

¶ 4. Preterea. Idem non potest esse in diuersis. Sed ad sacramenta concurrunt diuersa, scilicet, verba, & res. Vnius autem sacramenti non potest esse nisi virtus vna. Ergo videtur quod in sacramentis nulla sit virtus.

SED CONTRA est, quod *†* Aug. dicit super Ioã. Vnde tanta vis aquæ ut corpus tangat, & cor abluat? Et Beda* dicit, quod Dominus tactu sue mundissime carnis vim regenerationis contulit aquis.

RESPONDEO dicendum, quod illi, qui ponunt quod sacramenta non causant gratiam nisi per quandam con-

† Aug. tracta. 80. in Ioã. post med. to. 2.

** In hom. Euã. quod canitur in off. Epiph. id habetur. In homilario totius anni inuenies.*

con-

D-Thom.tert.part.

concomitantiam, ponant quod in sacramento nō sit aliqua virtus, quę operetur ad sacramēti effectū, est tamen virtus diuina sacramento asistens, quę sacramentalem effectū operatur. Sed ponendo quod sacramentum est instrumentalis causa gratiæ, necesse est simul ponere, quod in sacramento sit quędam virtus instrumentalis, ad inducendum sacramētalem effectū. Et hęc quidem virtus proportionatur instrumento. Vnde comparatur ad virtutem absolutā & perfectam alicuius rei, sicut comparatur instrumentum ad agens principale. Instrumentum enim (vt dictum est*) non operatur, nisi in quantum est motum à principali agente, quod per se operatur. Et ideo virtus principalis agentis habet permanens & completum esse in natura, virtus autem instrumentalis habet esse transiēs ex vno in aliud, & incompletum: sicut & motus est actus imperfectus, ab agente in patiens.

AD PRIMVM ergo dicendum, quod virtus spiritualis non potest esse in re corporea per modum virtutis permanentis & completæ, sicut ratio probat. Nihil tamen prohibet in corpore esse virtutē spirituales instrumentales, in quantum scilicet corpus potest moveri ab aliqua substantia spirituali, ad aliquem effectum spirituale inducendum. Sicut & in ipsa voce sensibilis est quędam vis spiritualis ad excitandum intellectū hominis, in quantum procedit à conceptione mentis. Et hoc modo vis spiritualis est in sacramentis, in quantum ordinatur à Deo ad effectum spirituale.

AD SECUNDVM dicendum, quod sicut motus, eo quod est actus

imperfectus, non propriè est in aliquo genere, sed reducitur ad genus actus perfecti (sicut alteratio ad qualitatem) ita virtus instrumentalis non est, propriè loquēdo, in aliquo genere, sed reducitur ad genus & speciem virtutis perfectæ.

AD TERTIVM dicendum, quod sicut virtus instrumentalis acquiritur instrumento, ex hoc ipso, quod mouetur ab agente principali: ita & sacramentum consequitur spirituales virtutem ex benedictione Christi, & applicatione ministrorum ad vsum sacramenti. Vnde Augustinus dicit in quodam sermone de Epiphania: Nec mirum quod aquam, hoc est, substantiam corporealem, ad purificandam animam dicimus peruenire, peruenit planè & penetrat conscientiam vniuersa latibula: quāuis enim ipsa sit subtilis & tenuis, benedictione tamen Christi facta subtilior, occultans vitæ causas, ad secreta mentis subtili rore pertransit.

AD QVARTVM dicendum, quod sicut eadem vis principalis agētis, instrumentaliter inuenitur in omnibus instrumentis ordinatis ad effectum, prout sunt quodam ordine vnum; ita etiā eadem vis sacramentalis inuenitur in verbis & rebus, prout ex verbis & rebus perficitur vnum sacramentum.

ARTICVLVS V.

Vtrum sacramenta nouæ Legis habeant virtutem ex passione Christi.

AD quintum sic proceditur. Videtur, quod sacramenta nouæ Legis non habeant virtutem ex passione Christi. Virtus enim sacramentorum est ad gratiam causandam in anima, per quam spiritualiter viuit. Sed sicut† August. dicit

Inf q. 84. arto
2. c. 4. dist. 1.
q. 1. art. 4. q. 3
c. dist. 5. q. 2.
art. 2. q. 1.

† Tract. 19. 2
medio c. 23.
ante mediū. 101
9.

Art. 1. huius
quæst.

dicit super Ioan. Verbū prout erat in principio apud Deum, viuificat animas, secundū autem quod est caro factum, viuificat corpora. Cū igitur passio Christi pertineat ad verbū, secundū quod est caro factum, videtur, quod non possit causare virtutem sacramentorum.

¶ 2. Præterea, Virtus sacramentorum videtur ex fide dependere, quia sicut dicit * Aug. super Ioan. Verbum Dei perficit sacramentum, non quia dicitur, sed quia creditur. Sed fides nostra non solum respicit passionem Christi, sed etiā alia mysteria humanitatis ipsius, & principalius etiam diuinitatē eius. Ergo videtur, quod sacramēta non habeant specialiter virtutem à passione Christi.

¶ 3. Præterea, Sacramenta ordinantur ad hominum iustificationē, secundū illud 1. Corin. 6. Abluti estis, & iustificati estis. Sed iustificatio attribuitur resurrectioni, secundū illud Rom. 4. resurrexit propter iustificationē nostram. Ergo videtur, quod sacramēta magis habeant virtutē à resurrectione Christi, quā ab eius passione.

Sed contra est, quod super illud Rom. 5. In similitudinem prauaricationis Adæ, * &c. dicit glos. ex latere Christi dormientis in cruce fluxerunt sacramenta, per quæ saluata est Ecclesia. Sic ergo sacramenta videntur habere virtutem ex passione Christi.

RESPONDEO dicendum, quod (sicut dictū est*) sacramētum operatur ad gratiam causandam per modū instrumenti. Est autē duplex instrumentū, vnum quidem separatū, vt baculus: aliud autem coniunctū, vt manus. Per instrumentum au-

tē coniunctū mouetur instrumentū separatū, sicut baculus per manū. Principalis autē causa efficiens gratiæ, est ipse Deus, ad quem comparatur humanitas Christi, sicut instrumentū coniunctum, sacramentū autem sicut instrumentū separatū: & ideo oportet, quod virtus salutifera, à diuinitate Christi, per eius humanitatē, in ipsa sacramēta deriuetur. Grātia autē sacramentalis ad duo præcipue ordinari videtur, videlicet ad tollēdos defectus præteritorū peccatorum, inquantū trāseunt actu, & remanent reatu, & iterū ad perficiendā animam in his quæ pertinent ad cultū Dei, secundū religionē vitæ Christianæ. Manifestū est autem ex his quæ supra dicta sunt, * quod Christus liberauit nos à peccatis nostris, præcipue per suam passionem, non solum efficienter & meritorie, sed etiam satisfactorie. Similiter etiam per suam passionem inchoauit ritum Christianæ religionis, offerēs seipsum oblationē & hostiā Deo, vt dicitur Eph. 5. Vnde manifestum est quod sacramenta Ecclesiæ, specialiter habent virtutem ex passione Christi, cuius virtus quodāmodo nobis copulatur per susceptionē sacramentorum. In cuius signū de latere Christi pendētis in cruce, fluxerunt aqua & sanguis, quorū vnū pertinet ab baptismū, aliud ad Eucharistiam, quæ sunt potissima sacramenta.

AD PRIMVM ergo dicendum, quod verbū prout erat in principio apud Deum viuificat animas, sicut agēs principale, caro tamē eius & mysteria in ea perpetrata, operātur instrumentāliter ad animæ vitā. Ad vitam autem corporis non solum

D instru-

Tracta. 80. in
Euang. Ioan.
post med. 10. 9.

glos. oram. in
per illud: Qui
est factus for-
ma futuri sa-
culi.

Ar. 1. huius q.

1. 43. 0/45

D. Tho. tert. part.

7. 56. art. 1.

instrumentaliter, sed etiam per quandam exemplaritatem, ut supra dictum est. *

AD SECUNDUM dicendum, quod per fidem Christus habitat in nobis (ut dicitur Ephe. 3.) & ideo virtus Christi copulatur nobis per fidem. Virtus autem remissiva peccatorum, speciali quodam modo pertinet ad passionem ipsius Christi: & ideo per fidem passionis eius, specialiter homines liberantur à peccatis, secundum illud Rom. 3. Quæ proposuit Deus propitiatorē per fidem in sanguine ipsius. Et ideo virtus sacramentorum, quæ ordinatur ad tollenda peccata, præcipue est ex fide passionis Christi.

AD TERTIUM dicendum, quod iustificatio attribuitur resurrectioni ratione termini ad quem, qui est novitas vitæ per gratiam. Attribuitur tamen passioni ratione termini à quo, scilicet quantum ad dimissionem culpæ.

ARTICVLVS VI.

Utrum sacramenta veteris legis gratiam causarunt.

AD sextum sic proceditur. Videtur, quod etiam sacramenta veteris legis, gratiam causarunt. Quia (sicut dictum est *) sacramenta nouæ legis habent efficaciam ex fide passionis Christi: sed fides passionis Christi fuit in veteri lege, sicut & in noua, habemus enim eundem Spiritum fidei, ut habetur 2. ad Corinth. 4. Sicut ergo sacramenta nouæ legis conferunt gratiam, ita etiam sacramenta veteris legis gratiam conferebant.

¶ 2. Præterea, Sanctificatio non fit nisi per gratiam. Sed per sacramenta veteris legis, homines sanctificabantur, dicitur enim Leuiti-

ci. 8. Cumque sanctificasset Moyses Aaron & filios eius in vestitu suo, &c. Ergo videtur quod sacramenta veteris legis gratiam conferebant.

¶ 3. Præterea, Sicut Beda* dicit in homilia Circumcisionis: Idem salutiferæ curationis auxilium, circumcisio in lege contra originalis peccati vulnus agebat, quod baptismus agere reuelatæ tempore gratiæ consuevit. Sed baptismus nunc confert gratiam. Ergo circumcisio gratiam conferebat. Et pari ratione alia sacramenta legalia: quia sicut baptismus est ianua sacramentorum nouæ legis, ita & circumcisio erat ianua sacramentorum veteris legis. Propter quod & Apostolus dicit Galat. 5. Testificor omni homini circumcidenti se, quoniam debitor est vniuersæ legis faciendæ.

SED CONTRA est, quod Galat. 4. dicitur: Conuertimini iterum ad infirma & egena elementa. Glos.* id est, ad legem, quæ dicitur infirma, quia perfectè non iustificat: Sed gratia perfectè iustificat. Ergo sacramenta veteris legis gratiam non conferebant.

RESPONDEO dicendum, quod non potest dici, quod sacramenta veteris legis conferrent gratiam iustificantem per seipsa, id est, propria virtute: quia sic non fuisset necessaria passio Christi, secundum illud Galat. 2. Si ex lege est iustitia, Christus gratis mortuus est. Sed nec potest dici, quod ex passione Christi virtutem haberent conferendi gratiam iustificandi. Sicut enim ex prædictis patet, * virtus passionis Christi copulatur nobis per fidem & sacramenta, differenter tamen. Nam continuatio, quæ est per fidem, fit per actum animæ: continuatio,

autem

Inter principia
& medium illius. In hominibus
liario totius an
ni eam inue
nit.

Glos. ordinaria
ibid.

7. 2. q. 103. ar.
2. & q. 107.
art. 1. ad 3. &
4. di. 1. q. 1. ar.
5. q. 1.
* Art. præc.

art. præc.

autem quæ est per sacramenta, fit per vsum exteriorũ rerũ. Nihil autẽ prohibet id quod est posteri⁹ tẽpore, antequam sit, mouere secundum quod præcedit in actu animæ, sicut finis qui est posterior tempore, mouet agentem, secundum quod est apprehensus & desideratus ab ipso. Sed illud quod nondum est in rerum natura, non mouet secundum vsum exteriorum rerum. Vnde causa efficiens non potest esse posterior inesse, ordine durationis, sicut causa finalis. Sic ergo manifestum est, quod à passione Christi, quæ est causa humanæ iustificationis conuenienter deriuatur virtus iustificatiua ad sacramenta nouæ legis, non autem ad sacramenta veteris legis, & tamen per fidem passionis Christi iustificabantur antiqui Patres, sicut & nos. Sacramenta autem veteris legis, erant quædam illius fidei protestationes, in quantum significabant passionem Christi & effectus eius. Sic ergo patet, quod sacramenta veteris legis, nõ habebant in se aliquam virtutem, qua operarentur ad conferendam gratiam iustificantem, sed solum significabant fidem per quam iustificabantur.

AD PRIMVM ergo dicendum, quod antiqui Patres habebant fidem de passione Christi futura, quæ secundum quod erat in apprehensione animæ, poterat iustificare. Sed nos habemus fidem de passione Christi præcedenti, quæ potest iustificare etiam secundum reale vsum sacramentalium rerum, vt dictum est.†

AD SECVNDVM dicendũ, quod illa sanctificatio erat figuralis, per hoc enim sanctificari dicebantur,

quod applicabantur cultui diuino secundum ritũ veteris legis, qui totus ordinabatur ad figurandum passionem Christi.

AD TERTIVM dicendum, quod de circuncisione multiplex fuit opinio, quidam enim dixerunt quod per circuncisionem non cõferebatur gratia, sed solũ auferebatur peccatum. Sed hoc nõ potest esse, quia homo nõ iustificatur à peccato, nisi per gratiã, secundũ illud Rom. 3. Iustificari gratis per gratiã ipsius. Et ideo alij dixerunt, quod per circuncisionem conferebatur gratia, quantũ ad effectus remotiuos culpe, sed nõ quantũ ad effectus positiuos gratiæ. Sed hoc etiã videtur esse falsum, quia per circuncisionem dabatur pueris facultas perueniendi ad gloriam, quæ est vltimus effectus positiuus gratiæ. Et præerea, secundũ ordinẽ causę formalis, priores sunt naturaliter effectus positiuui, quã priuatiui, licet secundũ ordinẽ causę materialis, sit è conuerso, forma enim non excludit priuationem, nisi informãdo subiectum. Et ideo alij dicunt, quod circuncisio conferebat gratiam, etiam quantũ ad aliquẽ effectum positiuũ, qui est facere dignũ vita æterna, nõ tamẽ quantũ ad hoc quod est reprimere concupiscentiã impellentẽ ad peccandum. Quod & aliquando mihi visum est, sed diligentius considerãti apparet hoc etiam non esse verum: quia minima gratia potest resistere cuilibet concupiscentiæ, & mereri vitã æternã. Et ideo melius dicẽdum videtur, quod circuncisio sicut & alia sacramenta veteris legis, erat solum signum fidei iustificãtis. Vnde Apost. dicit Ro. 4. quod Abrahã accepit signũ

Comment.in D.Th.tert.part.

q.70.art.4.

circumcisionis, signaculum iustitiæ fidei Et ideo in circūcissione conferebatur gratia, in quantum erat signum passionis Christi futuræ, vt infra patebit. *

Sententiæ & conclusiones. quæst.

Prima conclusio: Ex art. 1. 3. 4. & 6. Sacramenta noua, sunt instrumenta gratiæ sanctificantis: non autem vetera. ratio primi: quia ipso motu actionis sacramentalis, gratiam inducunt. Ratio secundæ: quia Christi passio communikat sacramentis hanc vim instrumentariam, ideo nouis tantum non veteribus, ex art. 5.

Secunda: Gratia sacramentalis est quæ formaliter sanctificans, habet coniunctum diuinum auxilium, ad propriū sacramenti effectum: quia sacramenti cuiusque est proprius effectus, ad vitam spiritualem.

COMMENTARIVS.

De sacramētis noua legis.

Differuimus de generali sacramētorum definitione, necessitate, numero, comparatione, causis instituentibus, & ministris generaliter, refutatis opinionibus aduersariorum & Protestantium: deinceps de sacramentis nouæ legis speciatim differendum est: primū quidem de omnibus in genere, deinde de singulis in specie.

2 Sacramentum igitur nouæ legis est signum efficax gratiæ sanctificantis. Signum quidem esse gratiæ sanctificantis, commune est sacramentis nouis cum veteribus, cum hoc sit idem, atque signum esse rei sacræ, quæ fuit generalis sacramenti definitio, principio huius doctrinæ proposita. Differētia autem essentialis sacramentorū nouæ legis, qua distinguuntur à veteribus, est efficacia gratiæ: de qua efficacia, est hęc sentētia catholica, recepta semper ab omnibus Patribus & Theologis. Sacramenta n.l. gratiā quam significant, efficiunt & continent istrumentaliter ex opere operato.

Ad art. 1. 3. & 4.

Sensus illius est, Deus principalis & prima gratiæ sanctificantis causa, vtitur humanitate Christi Domini, vt instrumento coniuncto, ad eam infundendam animis nostris, sacramentis autē à se institutis, vt instrumentis separatis ad eiusdē gratiæ infusionem: & cū ratio instrumenti posita sit in motu passiuo, quē instrumentum recipit à principali agente, & quo, exercendo propriam actionem, euehitur ad attingendam actionem & effectum principalis agētis, & defert ipsius vim & efficacitatem, vt ostendimus sup. q. 8. art. 4. sacramentum non dicitur continere gratiam, secundum similitudinem speciei, vt causa vniuoca, neque secundum formam excellentiorem ad agendum, vt causa æquiuoca, neque stabiliter & permanenter, vt formam sibi inherentem, quam immitat in subiectū recipiens sacramentū, neq; sicut locus aut vas continet corpus, sed virtute instrumentali, quā habet cum mouetur à principali agēte, vt omnis effectus dicitur esse in virtute & vi suę causę. Vt igitur Christus humanitate sibi cōiuncta, & instrumentis separatis, vñs est, ad quasuis qualitates siue corporales siue spirituales inducendas, sic modò sacramentis vtitur ad infundendā gratiam sanctificantem. Tactu fimbrię vt instrumenti separati, exiuit virtus de corpore Christi vt instrumento coniuncto, & de diuinitate vt principali causa, ad sanandā hemorrousam. Luc. 8. Tactu sui corporis filium vnicū matri suę resuscitauit, Luc. 7. Manu imposita filię principis synagoge, & verbo, ad vitā eā reuocauit, Matth. 9. luto & lotionē, ceco restituit visum. Ioā. 9. Verbo operatio remisit pœnam peccati mulieri adulterę. Ioan. 8. & Paralytico eodem instrumento remisit peccatū. Organo vocis & flatus, dedit Apostolis Spiritum sanctū. Ioan. vlt.

3 Itaque quod nulla creatura vel pei ipsam, vel mota ab alia potest efficere, nēpē supranaturalem effectum, & multo minus spiritualem, & omnium maximū gratiam iustificantem: id mota à Deo efficere potest. Imò verò sæpē vtitur Deus ad huiusmodi effectus, his rebus, quę minimē aptę sunt secundum suam naturam, illis effectibus inducendis, & plerunque contrariis, vt vis illius euidentius demonstratur. Sic aqua lepram mundauit, luto dedit visum: in sacramentis verò similitudinē quidē voluit esse in rebus & materia,

De ratione instrumenti sup. q. 13. in disputatione de miraculis.

Humanitas Christi, instrumentum verbū diuini coniunctum.

Hugo de S. M. Ro. lib. 1 p. 9. cap. 3.

cum

cum effectibus quos efficiunt quamuis ex se nullam haberent efficaciam, & ea tota deriuetur à Deo per humanitatem assumptam. verbi gratia, ablutio baptismi per aquam, dum actione naturalem abluendi corpus peragit, vt est instituta, mota & applicata à Deo, fit verè instrumentalis causa gratiæ & remissionis peccatorum. Sic omnes sancti consentientes, hanc sacramentorum nouæ legis efficaciam explicant D. August. Tractat. 80. in Ioann. eam aquæ vim esse ait, vt corpus tangat, & cor abluat. lib. 19. contra Faustum. cap. 11. sacramentorum vis inenarrabiliter valet plurimum, & cap. 17. eiusdem lib. inquit, aqua & omnis illa actio corporalis, quæ agitur tum cum baptizamus, fit & transit: virtus tamen quæ per ista operatur, iugiter manet, & donum spirituale æternum est. Eandem vim Chrysost. & Beda agnoscunt in tertium cap. Lucæ docentes, eam virtutem ex Christi carne baptismum consecutum esse, vt eius aqua Christo pariat animas. Gregor. de consecrat. dist. 4. cap. per aquam, illa aqua sanat animam, quæ habet gratiam Christi. D. Ambros. lib. 2. de Pœnitent. cap. 2. Cyrillus elegantissimè lib. 2. in Ioan. cap. 42. quemadmodum viribus, inquit, ignis, intensius aqua calefacta, non aliter vrit quàm ipse ignis: sic Spiritus sancti operatione aqua, qua baptizati corpus aspergitur, reformatur ad diuinam virtutem, & potentiam. Dominus etiam Ioan. 3. vtrunque causam complectitur, cum inquit, illud totum vnde renasci nos oportet esse aquam & spiritum, Paulus etiam, Ephes. 5. Coniungit Christum, lauacrum aquæ, & verbum vitæ, ad emundationem Ecclesiæ. Ex cuius imitatione D. August. Tractat. 80. in Ioann. totum sacramentum appellat, aquam, verbum, & quod creditur, idest secundum legitimum sensum formæ, quem recta fides docet, vel secundum virtutem Dei, quæ fide tantum percipitur. His enim omnibus coniunctis, vnus & idem effectus ab omnibus simul perficitur, vt in naturalibus sol & homo hominem generat.

4 Constet igitur, ipsam rei sensibilibus sacramenti naturam, quatenus eleuatur à Deo supra naturæ terminos, ad diuinum effectum gratiæ sanctificantis, esse & dici virtutem sacramenti, non quidem qualita-

tem corporalem, quæ nihil ad hunc effectum prodesset, neque spiritualement, quæ nulla illis imprimitur, sed ipsum tantum moueri, & applicari à Christo, ad talem gratiæ effectum. Idem intelligendum est de aliis instrumentis, assumptis à Deo ad miracula efficienda, de reliquiis sanctorum, vestibus, quibus plerunque mira quædam Deus operatur. Horum enim natura, vt mota à Deo, fit instrumentum supernaturalis effectus, & non per aliquam virtutem inhærentem, operatiuam aut medicam, ad sanitatē efficiendā, supernaturaliter, & miraculose. Sed excipere oportet sacræ Eucharistiæ, in qua realiter existens corpus Christi, habet inhærentē vim viuificatiuam, perimmanentem spiritum, de qua virtute, est illud Ioā. 6. Spiritus est qui viuificat, caro non prodest quicquā. Vnde, cum hoc sacramentum actū non sanctificat, quia non sumitur, habet tamen vim operandi & sanctificandi, cum cetera non habeant, nisi ipso vsu & applicatione.

5 Explicauimus quid sit gratiam efficere & continere instrumentaliter, quid autem sit ex opere operato, nunc explicandum est. Hoc igitur verbum [opus operatum] licet ignotum veteribus Patribus, licet barbarum, nec Grammaticæ congruens, cum passiuè sumatur, vsurpatum est ab hinc quadringentis prope annis ab Innocentio Tertio, lib. 3. de mysterio Missæ, & quia habet apertum sensum in sancta scriptura & Patribus, deinceps ab omnibus Theologis & Concil. Trident. vsurpatum est. Habet autem hūc sensum, quod efficacia sacramenti nouæ legis, non pendet ex fide, deuotione aut merito suscipientis aut conferentis sacramentum, tanquam cooperantibus instrumentaliter ad inducendam gratiam, sed ex ipsa institutione & motione Dei, vt ipsum opus effectum à ministro in re sensibili, vt ablutio in aqua, sit tantum efficax gratiæ instrumentum, quatenus mouetur à principali agente, atque ita idē est ex opere operato, atq; ex vi & efficacia actionis sacramentalis. Quamuis autem nihil suscipientis aut conferentis ministri, ad hanc efficaciam sacramenti propriam (cum alia sit ministri propria) instrumentaliter concurrat, nō tamen hæc vis operis operati, excludit dispositionem necessariam suscipientis, imò

*Sacramenta in
strumenta gra-
tia separata.*

*In sacramento
est gratia in-
strumentaliter,
idest, in motu
passiuo ut in
strumentis.*

*Ex opere ope-
rato, ex audit
bonitatem ope-
rantis, non ta-
men dispositio-
nem necessariā
suscipientis.*

*sess. 7. Can. 8.
de sac. in gene-
re.*

*Virtus sacramē-
ti effectus gra-
tiæ, non est in-
hærens aut per-
manens nisi in
Eucharistia.*

Comment. in D. Tho. tert. part.

Dispositiones
suscipientis sa-
cramentum.

verò requirit in adultis. Distinguitur igitur hæc sacramentorum efficacia, ab humanis operibus, quæ valorem consequuntur ex hominis deuotione, vt ieiuniū, elemosyna. Dispositiones autem illas requirit testatur scriptura. Fidē, Marc. ultimo, & Acto. 8. Poenitentiam, Act. 2. inuocationē nominis Domini, Act. 22. examen consciētiæ, 1. Cor. 11. & sic de aliis. Has verò dicimus causas disponentes, passiuas & materiales, ad effectum sacramenti recipiendum, non tamen meritorias aut effectiuas, quæ suo concursu vim, efficaciam & valorem ipsi sacramento tribuant. In hominem autem sic affectum & dispositum, & non efficacia dispositionum, sacramentum inducit suum effectum. Olim quidē fides sacramentis protestata perfecta, ante Euangelium iustificabat, nunc autem sacramēta applicant efficaciam passionis Christi ex se vt instrumenta & non cooperāte fide, sed disponente. Quod si fides perfecta iustificat sine sacramento re ipsa suscepto, non tamen sine voto sacramenti: Sacramento autem operante, non concurrat fides susipientis, vt cooperans sacramēto sed tantū vt dispositio ad effectū sacramēti. Sic D. Aug. lib. 4. cōtra Cresco. c. 16. docet, non eorū meritis à quibus ministratur, nec eorum quibus ministratur, cōstare baptismum, sed propria veritate atque sanctitate, propter eum à quo institutus est: & valde significanter, lib. 4. contra Donatist. cap. 24. dicens, sacramentum ipsum per se ipsum in paruulis valere plurimum. & lib. 1. de peccat. mer. & remis. totum hoc inquit fit in paruulis, vi sacramenti & diuinæ gratiæ, hoc est, quod nos dicimus, ex opere operato.

6 Ex hac sententiæ propositæ explicatio-
ne constat, nullam nos efficientiam detra-
here, de meritis & satisfactione atque in-
stitutione Christi (quod nobis aduersarij
obiiciunt) cum tribuimus sacramentis ef-
ficientiam ex opere operato: cum hoc to-
tum sit causæ instrumentalis, cui proinde
nos præponimus causam efficientem prin-
cipalem, & ministerialem coniunctam hu-
manitatis Christi: & effectus sacramenti
non respondet instrumento, sed principa-
li agenti, à quo est instrumenti virtus, cū
proponat agens principale producere ef-
fectum similem exemplari, quod in men-
te defixit, vt constat in omni artifice vten-

ti instrumentis: & idcirco per gratiam
Deo dicitur homo perfimilis, iuxta illud
2. Petri, 1. vt efficiamur diuinæ naturæ con-
sortes.

7 Explicata sententia singulatim à no-
bis confirmanda est, & primū quidem
sacramenta nouæ legis esse causam gra-
tiæ sanctificantis, sic ex sancta scriptura cō-
cludamus. Ad Roma. 6. & ad Galat. 3.
testatur Paulus baptismo nobis applicari
Christum, & mortem eius, & ad Coloss.
2. Cōsepeliri Christo in baptismo, nos in-
duere Christum: vnde euidenter conclu-
ditur. Induere Christum, incorporari Chri-
sto, participem esse mortis, sepulturæ, & re-
surrectionis est summa gratia: sed hoc effi-
citur sacramento baptismi: sacramentum
igitur confert gratiam: sed hoc effici ex
suo opere instrumentaliter Petrus expres-
sit Act. 2. dicens: Baptizetur vnusquisque
vestrum, in remissionē peccatorum. Ecce
remissio peccatorū, quæ nō est sine gratia,
ipsius sacramenti effectus est, quod verò
ipsa actio exterior sacramentalis, vt ablutio
aquæ in baptismo, id operetur, explicat
Ananias Paulo Act. 22. cum ait, baptizare
& ablue peccata tua. Et ad Ephes. 5. idem
exprimit Paulus, mundans Ecclesiam laua-
cro aquæ in verbo vitæ: explicat enim
actionem, instrumentum & effectum. Cau-
sa etiam instrumentalis particula [per] de-
claratur ad Tit. 3. cum inquit, secundum
suam misericordiam saluos nos fecit per
lauacrum regenerationis, & renouatio-
nis. Sic & Petrus 1. Pet. 3. Octo animæ sal-
uæ factæ sunt in arca per aquam, & quod
nos nunc similis formæ saluos facit ba-
ptisma. Quod si regeneratio, renouatio,
salus & ablutio peccatorum, à gratia pro-
ueniunt, & illa omnia à baptismo, dubi-
tari non potest sacramentum esse causam
gratiæ. Cū autem principalis causæ nō pos-
sint esse sacramenta ipsius gratiæ, vt con-
stat, reliquum est sanē, vt sint instrumenta
gratiæ: & idcirco in omnibus in his ferē lo-
cis, ad eundem effectū coniungitur sacra-
mentum cum principali agente, sicuti Dñs
Ioann. 3. regenerationē attribuit aque &
Spiritus sancto dicēs, nisi quis renatus fue-
rit ex aqua & Spiritu sancto non potest vi-
dere regnum Dei. Cū verò idem ef-
fectus multis tribuitur causis sibi inuicem
coherentibus, sicuti vni negari nō potest,
sic neque alteri: quare si gratia renouatio-

Cōfirmatio
de efficaciæ
sacramento-
rum nouæ
legis.

nis &

nis & regenerationis est effectus spiritus, erit etiã aqua. Regenerationis etiã propria notio idem cõfirmat: vt enim vita naturalis generationis naturalis terminus est, & generationis causę sunt semen, calor & humor natiuus in vtero matris: sic baptismus est Ecclesię vterus, in quo regeneramur in vitam spiritualem, vt obseruaerunt Ambros. lib. 2. de sacramentis, cap. 6. & Leo Primus, serm. 4. de Natiuitate Domini. hætenus de baptismo.

8. De confirmatione est illud Act. 8. vbi vidit Simon Magus, quod per impositionem manus Apostolorum daretur Spiritus sanctus. De Eucharistia est illud Ioan. 6. Qui māducat me, viuet propter me, & Qui manducat meam carnem in me manet, & ego in eo: & caro mea verè est cibus, & sanguis meus verè est potus: quod Cyrillus accommodatissimè explicat lib. 10. in Ioan. cap. 3. illud etiã est apertissimum. 1. Cor. 10. Vbi fractio panis, & sumptio calicis, appellatur communicatio corporis & sanguinis Domini, quæ est summa gratia vnionis cuiusque membri cum Christo capite. vno etiã mēborum inter se, illis verbis exprimitur: vnum corpus multi sumus, omnes qui de vno pane participamus. De ordine est illud 1. Timot. 4. vbi inquit gratiam datam cum impositione manuum presbyterij. idem colligitur 2. Timot. 1. De pœnitentia expressum est Ioan. 20. quod remittat quæcunque peccata. De vnctione, Iacobi vltimo dicitur: quod saluat infirmum, & dimittit peccata. De Matrimonio idem etiã concluditur, quia per illud datur possessio vasis sui, in sanctificatione & honore, & non in affectu concupiscentiæ, quemadmodum gentes quæ ignorant Deum. 1. Thess. 4.

*Concilia de effi-
cacia sacramen-
torum. n. l.*

9. Deinde scripturis consentienter definitum est à Concilijs, sacramenta nouæ legis gratiam conferre, & non tantum significare, vt vetera. sic in Florent. in doctrina de sacramētis, Sess. vltima. & Trident. Sess. 7. Can. 6. & 8. de sacramentis in genere: & sanctorum adducta in præcedentibus testimonia idem apertè confirmant: & quæ ab illis de figuris quorundam sacramentorū pōderata sunt in vet. leg. D. Ambros. lib. 1. de sacramentis, aquæ Iordanis mundanti leprā Naaman Syri, confert Baptismum. Per similes est etiã aquæ probaticæ pisci-

næ, quæ ex opere operato sanabat languores omnes: vt obseruaunt Chrysost. homil. 25. in Ioan. Emissen. Sermon. de S. Blandina, D. August. serm. de sancto Stephano, & Laurentio. Sic etiã Dominus, Ioann. 6. Confert Manna cum sacra Eucharistia, & Coloss. 2. Confertur baptismus circumcissioni, & D. Chrysost. lib. 3. de sacerdot. confert mynisterium sacerdotis in sacramento Pœnitentiæ, cum sacerdote vet. leg. mūdante leprā. In his autem omnibus comparationibus concluditur, multo perfectius nostris sacramētis effici in anima, quod veteribus in corpore: & quæ erat olim iustificatio carnis & purificatio, per illa vetera sacramēta, quasi ex opere operato: hæc per nostra sacramēta est iustificatio spiritus & innouatio, vt colligitur ex D. Pau. Heb. 9. 10. Sunt etiã alia multa Patrum testimonia in eandem sententiam, Cyp. in serm. de bap. Christi, Nazian. oratione in sancta Lumina vel sanctū baptisma, Chrys. hom. 25. in Ioan. & hom. de Resurrect. ad finē, Cyr. lib. 2. in Ioan. c. 24. Ambr. lib. 1. de sacram. c. 5. de baptismo: & lib. 4. c. 2. de Eucha. & lib. de iis qui myst. init. c. 9. August. lib. 19. cōtra Faust. c. 16. & tract. 84. in Ioā. alij verò Patres exponentes citata scripturæ testimonia.

11. Per fidem verò nos effici mēbra Christi dubitari non potest, sed per informem quoddāmodo & imperfectè, cum per eā à Christo nō deriuetur vita gratiæ sed principiu, quod est credere 3. p. q. 8. art. 3. ad 2. per fidē autem formatā simpliciter & perfectè, quatenus per eā applicatur nobis fructus passionis Christi. S. S. E. Roma. 3. Quæ proposuit Deus propitiatorem per fidem in sanguine eius, sic autē nobis applicatur passio Christi, non solum secundum intellectum, sed etiã secundum affectum, sed in hac fide continētur sacramenta in re vel in voto, ead. p. q. 49. ar. 1. ad 5. & q. 69. art. 4. ad 2. ideo aliquādo fidei, aliquando sacramētis tribuitur iustificatio, ad Rom. 3. 4. & 5. fidei, sed c. 6. tribuitur baptismus, nulla facta fidei mentione, similiter in Act. inquit Petrus: Baptizetur vnusquisque vestrū in remissionem peccatorum, & c. 15. dicitur fides corda purificare, & ad Tit. de Ecclesia mundans eam lauacro aquæ in verbo vitæ: quare iustus non solum ex fide viuit, sed etiã ex sacramentis, quod si hæc duo inter se conferas, fides à sacramento

Comment. in D. Tho. tert. part.

ramento perficitur & accipit vim iustificandi, vt cum pœnitentia ex attrito facit contritum per se, vel aliud sacramentum ex accidētī, & cum baptismus paruulo fidem viuētem infundit, quæ formaliter iustificat, vt sacramentum instrumenta liter. Cum verò iustificatur quis sine sacramento, vt Cornelius, non tamen sine sacramēti voto: & deinde ipso sacramento amplius iustificatur, & cum eadem contritione qua quis sine sacramento in re iustificatur, ipso sacramento suscepto amplius iustificaretur: & si esset adultus ipso baptismo omniū peccatorum pœnæ remittitur, quod raro per contritionem sine sacramēto re ipsa suscepto.

12 Quare verè & catholicè asserimus, non solum sacramenta veteribus abrogatis excellentiora esse, & nunquam mutanda: contra aduersarios, præsertim Calvinū, qui equalia constituunt noua sacramēta veteribus, asserentes non esse quod ex Euāgelio, vllam sacramentis nostris prærogatiuā vendicemus: cū tamē ostenderimus in his esse efficaciam instrumētū talē sanctificandi, in illis nō fuisse nisi significationē tantum. Præterea, si testamentum nouū veteri præstat, sicut perfectum imperfecto, res ipsa promissa, etiam nudè promissioni præstat: & sacramentis applicatur nobis hæc perfectio olim adūbrata, quia applicatur instrumentariē virtus meritorū Christi, quam vetera omnia adumbrarunt: quis nō videt perfectiora esse oportere nostra sacramēta veteribus? ad Heb. 1. Christus dicitur melioris testamēti sponzor. & c. 8. melioris testamenti mediator, quod in melioribus re promissionibus sanctū est. 2. Cor. 3. antithesi ministeriorum vtriusque testamenti, idem apertius exprimitur. appellatur enim ministerium vet. testamenti, literæ, dānationis, mortis: noui autē, spiritus, & vitæ: quem locum eleganter pro excellentia nostrorum sacramētorum explicauit Chrysost. lib. 3. de sacerdotibus. In eiusdē excellentiæ confirmationē multa Dionys. c. 5. de cælesti hier. docens statum n. l. medium esse inter veterē legem in qua tantum fuerunt vmbra, & cælestē patriam, vbi nulla erunt symbola: & ideo dicitur Euangelium, imago cælestiū Heb. 10. sed vetus lex vmbra tantum, vt explicauit D. Tho. 1. 2. q. 103. art. 3. multa etiā in hac sententiā D. Aug. conc. 1. in Psal. 103 lib. 3. de Doct. Christ. c. 19. epist. ad Ianuar.

*Sacramenta
n. l. præstantiora
veteribus
& nunquam
mutanda.*

*De hac distinctione
vtriusque test. diximus
Reg. 2. scripserunt.*

lib. 19. contra Faust. c. 13. Vbi ait prima sacramenta ablata sunt, quia impleta sunt, & alia instituta, virtute maiora, vtilitate meliora, actu faciliora. & super tit. Psal. 73. inquit, sacramēta v. & n. l. nō sunt eadē, quia alia sunt sacramenta dantia salutē, alia promittētia tantum Saluatorē, & illa salubriora, scilicet faciliora. Denique vetera sacramēta non solum fuerūt figuræ Christi, sed etiā nostrorum, in quibus proinde est veritas, iuxta illud Ioan. 1. Gratia & veritas per Iesum Christum facta est, de quo August. epi. 36. & lib. 1. cont. aduers. l. cap. 18. Hęc igitur sententia conuincit, nostra sacramēta mutanda non esse, sed terminatū iri ad ipsam veritatē aspectabilē in cælo, contra Cataphrygas, Manichæum, Montanum, Priscillā, & alios qui sibi restaurationē nostrorū sacramentorū, ex promisso Spiritu sancto superbè vendicabant, vt colligitur ex D. Aug. lib. 32. contra Faust. c. 17.

13 Restat ostendendū sacramenta n. l. cōferre gratiā ex opere operato, eo sensu quē supra explicauimus: id verò perspicitur primo, in baptismo collato paruulis, morionibus & stupidis, sine vlla suscipientis cooperatione & dispositione, cū eos sanctificari & ad eternā vitā admitti recta fides doceat vt in doctrina de baptismo constabit. Vnde elegantissimè in hunc sensum D. Aug. lib. 1. de peccat. mer. & remiss. c. 18. totum, hoc, inquit, in paruulis fit vi sacramenti & diuinę gratiæ. Idē est enim [ex vi sacramenti] atque quod nos dicimus, ex opere operato. Secundo idem constat, cum suscipiētis sacramentum fides non est magna, deuotio lāguefcit, & contritio de peccatis insufficiens existit: huic enim pœnitentię sacramento dispositio illa perficitur, vt fiat de attrito contritus, & gratiā consequatur, vt est cōmunis & recepta Theologorū sententia. Tertiò, idē opus operatū confirmatur, in habentibus equalem dispositionem ad quoduis sacramentū suscipiendum, vt equalis v. g. sit pluriū de peccatis cōtritio: suscipienti enim sacramentū maior gratia cōfertur, quā habenti sacramentum in voto, non certè ob aliam causam, quam ex vi sacramenti, quę posita subiecti dispositione in adultis, maiore gratiā tribuit, quā ipsi sine susceptione sacramenti assequerētur. Idē est de gratia, quā quis assequitur actibus virtutū, vel sacramentis: hæc enim est vberior & perfectior, vt constabit infra ex

*Disputatio
de sacramētorum
efficacia.*

distin.

distinctione gratiæ sacramentalis à gratia virtutum & donorū. Hoc autē magis gloriosum est Deo & redemptori, quā nostris operationibus & dispositionibus gratiæ infusionem tribuere: quia id totum quod instrumentis conceditur, cedit in gloriā & dignitatē principalis agentis, quod tantam virtutē instrumentis à se institutis cōmuni cavit. Quod sanē si pro sua dignitate expē datur, multū conuincit hereticos, qui alias etiam in hac præcipuē materia, volūt videri ij, quibus diuinus honor cordi, & curę sit.

14 Sed de modo & ratione causę, quæ sacramenta n.l. efficiūt gratiā, grauior & subtilior restat disputatio catholicorum inter ipsos: de hereticis autē qui omnē causę rationē, eisdem sacramentis negant, explorata vera sententia, & magis cōsentanea verbo Dei, cōmodius differemus. Est autē ratio dubitandi ex ipsa gratiæ dignitate & excellentia: quia cum ea nos efficiat diuinę naturę consortes. 2. Pet. 1. atque ita Deiformes, & non educatur de potentia naturali subiecti, supra omnem vim naturę existens, sed ex nihilo producatur, creationis autē & productionis ex nihilo, nulla creatura instrumentū esse possit, merito dubitatur, quæ rationē sacramentum, cū sit ali quid creatū & effectum, gratię producēde causa, aut instrumentū esse possit. Omnes quidē Theologi scholastici consentiētes, asseruerunt cum Magistro sent. princip. 4. sent. sacramenta n.l. efficere gratiā quā significāt, sed modū efficiendi gratiā, qui verē causę rationē haberet, nō omnes attigerūt, vnus D. Tho. spiritu, ingenio, eruditione patrū, præsertim D. Aug. longē omnibus antecellens, id ipsum attigit, quod postea Florēt. Cōc. & Tridēt. definierūt, & quod nō solum verbis, sed re ipsa sit supra modū signi, & propriē habeat rationem causę efficientis. Omniū igitur sententias Theologorū, eorū etiā qui sunt de familia D. Th. ad quinque reuocamus. Prima asserit, sacramenta n.l. non producere gratiam immediatē, vt calor calorem, sed dispositiuē, quia vim habet efficiendi in anima quandam dispositionem, quam statim gratia cōsequitur, hanc dispositionē dicunt esse, vel charactērē, vel quendā dēcorem, quē ornatū vocant, gratię suscipiendę accomnio datā dispositionem: efficere præterea sacramenta, vt tollantur gratię impedimēta, fo mitē concupiscentię, & reliquias peccato-

rū imminuēdo, & vtraq; ratione dici sacramenta n.l. gratiam efficere. Sed hæc sententia faciliē reiicitur. Primò quia verā rationem causę non tribuit sacramentis ad gratiā: Secundò, quia charactērē non semper comitatur gratia, vt constat in eo qui existēs in peccato mortali baptizatur: & ornatus ille res ficta est, scripturę & Ecclesię ignota. Tertiò, quia redit eadem dubitatio de charactēre & illo ornatu, quomodo cū sit spiritualis, à sacramētis producatur. Deniq; remouere impedimentū gratiæ licet sit aliquid, non tamē est efficere gratiam, nisi fortē ex accidenti: sacramentum autē n.l. verē & per se efficit gratiam.

15 Altera sententia dicit sacramenta conferre gratiam, quia Deus sacramentis assistens ex pacto & institutione infundit gratiam: sicut quidam Philosophi remouēt efficientiam à causis secundis, Deum ad præsentiam earum dixerant omnia efficere: & sicut signa maleficorum, causę dici possunt eorū effectū, quos demō ipsi assistēs operatur. Sed hæc sententia ab omnibus reiicitur, quia nihil amplius tribuit nouis quam veteribus sacramentis, nempe quod sint gratiæ sanctificantis signa.

Tertia sententia facit sacramenta causas morales gratię, non habentes actionem ali quā gratiæ productiuam: vt pecunia est causa moralis redemptionis captiui, & meritum est causa mercedis, & consilium seu persuasio est causa rei gerendę. Sed etiam hæc sententia tollit veram rationē causę efficientis: cū hæc omnia tantum sint occasiones, quibus excitatur vera causa, vt agat & producat effectum: vt ex consilio sequitur occisio, & ex pecunia redemptio: quo genere causę Christi passio meruit & procurauit nostrā redemptionem, & præterea instrumentaliter, vt ostēdimus supra q. 8.

16 Quarta sententia reiectis omnibus præcedentibus, affirmat sacramenta nos efficere gratos Deo, gratiam tamen quæ infunditur, & qua sumus formaliter grati Deo, non efficere: sicuti apud nos fit homo homini charus & gratus, sine noua alicuius qualitatis productione. itaque sacramentis detrahit efficientiam qualitatis & gratię, quæ producitur in suscipiente, & tribuit efficientiam grati hominis. Quod si hæc sententia præcessisset Viennense Concilium, quod probabilius esse definiuit

Secunda sententia auctor est ead. d. 1. Bonau. Ricar. ar. 4. q. 2. Scot. Durand. q. 4. Gabr. Marfil. q. 19.

Tertia sententia auctor (an in relict. de sacramentis p. 4. refellitur à Scot.

Quarta sententia, auctor Dami. Scot.

Quomodo sacramenta sint causa gratiæ instrumentales.

Prima sententia auctores sunt Alexā. 4. p. 9. & ment. 3. ar. 5. s. 1. 2. & 3. & alij Theolog. 4. d. 1. Albert. ar. 5. ad argumēta. D. Th. q. 1. Palud. Cap. Ferrar. 4. lib. contra gēti. a. 57.

Comment.in D.Tho.tert.part.

per baptismum infundi gratiam, virtutes & dona, & Tridentinum, quod ad repellendam iustitiam imputatiuam hæreticorum definiuit Sess. 6. cap. 7. & Can. 11. Neminem iustificari etiam paruulum, nisi per iustitiam, verè animæ inhærentem, quæ sit causa formalis iustificationis, videri posset probabilis: vt fuit etiam ante illa concilia probabile, gratiam non esse habitum vel qualitatem infusam: sed post illa concilia asserere, effici hominem per sacramenta gratum, & non attingere ipsius gratiæ, per quam formaliter est gratus, infusionem, minus solidum est, & nimis subtile, & definitionibus Conciliorum non admodum consentaneum. Sic ergo contra hanc sententiam concludimus: sacramenta secundum eam non attingunt formam, per quam homo fit gratus, neque aliquam dispositionem ad eam formam: ergo non possunt esse verè & propriè causæ, cur homo fit gratus Deo. Quod si quis dicat, esse causas dispositiuas, is non tribuit sacramentis ratione causæ efficiētis sed materialis, quod est alienum à ratione instrumenti, quod in genere causæ efficientis continetur. Quod verò Patres non meminerint gratiæ huius, quatenus qualitas dicitur, nihil adiuuat hanc sententiam, quia neque etiam asseruerunt sacramenta efficere homines gratos Deo: id tamen asseruerunt, quod cum utroque parem vim habet, nempe sacramenta iustificare, abluere animam, & sanare à peccatis, remittere peccata, dare vitam, incorporare Christo, pascere & purgare animam. Denique hæc sententia de gratia, quod sit qualitas & forma iustificatis inhærens, ex verbo Dei & Patribus collecta est, & à posterioribus Conciliis explicata: oportuit igitur post hanc Conciliorum explicationem, efficientiam gratiæ sacramentis tribuere conformiter ad eam, cum verum vero necessariò consentire debeat.

17 Quinta sententia quæ planè est D. Thomæ affirmat sacramenta esse causas gratiæ iustificantis, quæ verè & propriè ipsius gratiæ productionem attingant: cuius explicatio est. in gratiæ infusione duo sunt, ipsa gratiæ susceptio secundum potentiam obedientialem, cum naturalis vis non possit esse ad donum supernaturale: & qualitatis susceptæ & infusæ ex

nihilo productio. Primum sacramenta instrumentaliter attingunt, quatenus actione sacramentali affecto corpore, anima afficitur ad excipiendam gratiam quæ infunditur: & huius mutationis animæ ad recipiendam gratiam immutato corpore, res creata & producta instrumentum esse potest: illud verò secundum Deum efficit immediatè, & nullum assumit instrumentum, quia creationis & productionis ex nihilo nullum potest esse.

18 Gratiam vero creari aut concreari plerique Theologi negant, quod fiat in subiecto, & creatio omne subiectum excludat, & quia eius desitio non sit annihilatio. Sic Caiet. supra quæst. 8. artic. 1. & quæst. 62. art. 1. cum creationi & conseruationi opponatur annihilatio. vocat autem gratiæ productionem mutationem in ordine gratuitorum. Quidam cōproductionem vocant, sicuti accidentis in subiecto: creatio autem tribuit gratiæ in scriptura sacra, secundum analogiam, vt sicut creatio tribuit nouum esse, sic gratia diuinam innouationem. sic exponit D. Thom. 2. quæst. 110. art. 2. ad 3. Paulum Ephes. 2. 2. Corinth. 5. Galat. 6. Sed quicquid sit de ratione creationis, aut concreationis propriæ sumptæ, certum est gratiam, cum qualitas sit, non fieri ex aliquo vt materia, & ideo ex nihilo: neque anima subiectum in quo illius, habet vim insitam & naturalem ad eam excipiendam, sed id accipit supernaturaliter ex dono Dei. An verò D. Thom. priorem sententiam 4. sentent. hic retractauerit, negant Palud. Capreol. Ferrarien. affirmant Caiet. Can. Sot. & verè affirmant, vt deducit Caiet. neque aliter hæc doctrina cōsentire potest, cū art. 2. quæst. 3. huius 3. p. Itaque sacramentum non imprimit dispositionem aliquam gratiæ, sed motum à Deo principali agente, attingendo sua actione naturali corpus suscipientis sacramentum, mouet & immutat animam, vt gratiam, effectam à Deo, recipiat. Hoc est quod volunt Patres, cum dicunt in aqua baptismi esse vim regeneratiuam, & quod apertius D. August. de baptismo, eam esse vim aquæ, vt corpus tangat & cor abluat: denique omnia illa testimonia sacre scripturæ, & primum, quæ supra citauimus, ad ostendendum sacramenta nouæ legis esse causas instrumentales

gratiæ, hanc nostram explicationem, quæ diui Thomæ est, planè confirmant: & ratione sic confirmari potest. quia hæc sententia tribuit sacramentis veram efficientiam instrumentalem, nempe quod mota à Deo principali agente, sua actione eleuentur ad productionem effectus principali agenti conformis, vt supra explicauimus, quæst. 13. de miraculis, est igitur hæc sententia vera.

19 Quamuis autem antiqua concilia tribuerint sacramentis nouæ legis, efficientiam gratiæ, solum tamen Tridentinum expressit hanc efficientiam esse instrumentalem, cum ait Sess. 6. cap. 7. Baptismus esse causam instrumentalem nostræ iustificationis, & hanc definit esse per infusionem gratiæ, qua formaliter iusti sumus, & ita concedit apertè baptismo gratiæ efficientiam instrumentalem. quod autem definit de baptismo, de cæteris etiam sacramentis nostris asserendum est, quia omnia iustificant vel infundendo primam gratiam, vel perficiendo præexistentem. Non igitur tribuimus aliquam virtutem permanentem sacramentis (excepta Eucharistia) gratiæ productiuam, sed ipse motus vt est à principali agente dicitur, & est virtus instrumentalis, à qua dicitur à quibusdam motus ille virtuosus, quia per eam eleuatur ad inducendum effectum principalis agentis: & ratione huius motus, dicuntur sacramenta continere gratiam, & habere virtutem gratiæ causatiuam. Quamuis enim virtus spiritalis in corpore non possit esse permanenter & completè, cum neque ab eo possit esse, supra illius vim, & naturam existens, neque in eo recipi, quia oportet esse ad modum recipientis corporei: potest tamen esse virtus spiritalis instrumentalis, hoc est quatenus corpus ab aliqua substantia spiritali moueri potest, ad effectum spirituale inducendum: vt in voce sensibili est vis spiritalis, ad excitandum intellectum alterius, quatenus procedit à conceptione nostri intellectus. Vnde hæc virtus instrumentalis, acquiritur instrumento, ex hoc ipso quod mouetur à principali agente: & similiter sacramentum, ex benedictione Christi, & applicatione ministri ad vsum & administrationem sacramenti, consequitur virtutem spiritualement, quatenus ex motu principalis agentis, ad effectum

spirituale eleuatur. Vnde Diuus August. nec mirum quod aquam, hoc est substantiam corporalem ad purificandam animam peruenire dicimus: peruenit planè & penetrat conscientiam vniuersa latibula. Quamuis enim ipsa sit subtilis & tenuis, benedictione tamen Christi facta subtilior, occultans vitæ causas, ad secreta mentis subtiliora pertransit. quæ omnia tantum continent, vim instrumentalem esse in aqua baptismi dimanantem à principali agente Christo, ad animæ regenerationem.

20 Sacramentum quidè ex materia naturali & actione externa est res sensibilis: si verò consideretur ex instituyente, principali agente, effectum, habet virtutem supranaturalem & spiritualement, sed instrumentalem, quatenus eleuatur à Deo ad supernaturalem effectum gratiæ spiritalis ipso motu, non autem sacramento impressa aliqua vi permanenti. Vnde sicut effectus in causa continetur virtute, sic sacramenta dicuntur gratiam continere instrumentaliter, cum sint ad eam inducendam, vt causa ad producendum suum effectum instrumentalis.

21 Dicitur autem hæc virtus causatiua gratiæ dimanare ex passione Christi, quatenus in ea completè meruit Christus omnia pertinentia ad nostram salutem: & hoc meritum, nobis per sacramenta applicatur secundum efficaciam. fuit etiam passio Christi, causa coniuncta instrumentalis iustitiæ & gratiæ, quam sacramenta conferunt, & plenissima etiam satisfactio, quæ omnia per sacramenta nobis communicantur, vt ipsi etiam mereri & satisfacere possimus. Fluxus autem aquæ & sanguinis ex latere Christi mortui in cruce, meritorius esse non potuit, cum morte sit omne meritum completum, neque satisfactorius, fuit tamen instrumentalis ad vitam animæ, quæ nobis per sacramenta communicatur, sicuti sepultura, resurrectio, & omnis operatio Christi, vt ostendimus supra quæst. 8. in disputatione de efficacia operationum Christi ad nostram salutem. Significauit etiam fluxus ille sanguinis & aquæ, quæ specialiter pertinent ad duo potissima sacramenta, baptismum & eucharistiam: nam aqua est propria materia baptismi, & vino debet permisceri in calice, quia coniuncta sanguini li-

3. p. 4. 62. art. 3.

3. p. 4. 62. art. 3. 4.

Commen.in D. Tho. tert. part.

cet per se, fluxit ex latere Christi, inquit Conc. Florent. de Eucharistia in doctrina de sacrament. Sess. vltima. Ex passione Christi omnia sacramenta suam habere virtutem ad sanctificandum, tanquam ex complemento totius meriti, & actione perfectissima, quæ profecta sit ab eximia charitate, vt ostendit Paulus ad Roma. 5. cum ait, commendat autem Deus suam charitatem in nobis, quod cum adhuc peccatores essemus, pro nobis mortuus est. Dixi autem ex latere Christi mortui exisse aquam & sanguinem, quia sic expressum est Ioan. 19. vt refunderetur error asserentium neque effluxisse aquam, sed flegma, neque ex Christo mortuo, & mortuum dixisse Euangelistam per recapitulationem. Sed hic error iam pridem damnatus est ab Innocentio Tertio, cap. in quadam de celeb. miss. & in Clement. de sum. Trinit. & fide Catho. Aug. autē frequenter illud vsurpat sacramenta fluxisse de latere Domini, Tractat. 15. in Ioannem. Psalm. 138. & sententia. 328. in libro excerptarum Prosperi, non ob aliam causam, quam quod sanguis ille in sacrificiū per passionem & mortē tū effusus, vim viuificatiuam omnibus Ecclesiæ sacramētis dederit: ita vt non solum à Deo ipso, sed ab hoc instrumento diuinitati coniuncto, ad effectus supernaturales moueātur, completē quidem & perfectē, tanquam termino omnis meriti, sed ab aliis omnibus Christi actionibus meritorie etiam atque effectiue, vt medijs ad eundem terminum & complementum, à sanguine autē & aqua lateris effectiue tantum, cum morte esset finitum Christi meritum.

Ad Artic. 2.

22 Postquam ostendimus sacramenta nouæ legis efficere gratiam sanctificantem instrumentaliter, explicandum est quid nam sit hæc gratia sacramentalis, id est, effecta per sacramenta, & qua ratione differat à gratia virtutum & donorum, id est gratia quam consequuntur virtutes & dona in potentiis, ad operandum conformiter ad ipsam gratiam: vtrum scilicet, sit eadem secundum speciem, vel potius, hoc quod est esse à sacramentis effectam, addat aliquid præter virtutes & dona, quæ omnem gratiam iustificantem consequuntur.

Gratia sacramentalis qua ratione diuersa ab alia gratia gratum faciente.

Ad art. 2.

Est igitur vtriusque gratiæ consensus, quia vtraque perfectē hominem iustificat

& reddit gratum Deo, efficiens confortem diuinæ naturæ, siue sanet & mundet à peccato, & ideo sit prima, siue præ-existentm sanitatem animæ & gratiam augeat: vtraque enim est habitus animæ inherens, vt definitum est contra iustitiam imputatiuam in Trident. Sess. 6. cap. 7. & Can. 11. Hæc sunt de vtraque gratia certa fidei dogmata: secundum verò meliorem Theologorum sententiam vtraque est in essentia animæ, & eandem in potentiis cōsequuntur virtutes & dona Spiritus sancti, vt eliciantur operationes gratiæ inherenti consentaneæ. Differentia autem vtriusque gratiæ generalis est, quod ea quæ dicitur esse virtutum & donorum, nihil amplius continet, aut certē non tam copiose, quam gratia sacramentalis, quæ amplius aliquid continet: id verò est, auxilium ad speciales quosdam effectus, ad salutem & iustitiam hominis pertinentes, vt suscipiens sacramentum, recipiat & assequatur sacramenti finem, cuius gratia institutum est. Id autem auxilium, non habitum gratiæ diuersum esse volumus, sed diuinum auxilium actuale, extensiuum gratiæ habitualis ad effectum proprium sacramenti: atque ideo vtraque in ratione gratiæ habitualis consentit, sed ex hoc auxilio addito sacramentali, distinctio specifica potest inter vtranque constitui, vt sit huius auxiliij additio, quasi differentia gratiam sacramentalem consequens. Vnde quamuis gratia extra sacramentum collata, per votum tamen sacramenti, habeat ratione eius aliquid huius auxiliij, id tamen copiosius donatur suscipiēti actu sacramentum. Si enim sacramenta nouæ leg. gratiā conferunt ex opere operato, & habent speciales effectus, quibus inter se distinguuntur, vt baptismus regenerat, Eucharistia pascit & reficit, necesse est asserere ipsam gratiam, sacramenti vi collatam, ad huiusmodi effectum inducendum esse accommodatam: eam vero accommodationem Theologi expriment per huiusmodi auxilium, quo gratiam sacramentalem à gratia quæ non confertur virtute sacramentorum, distinguunt, & eam vocant donorum & virtutum, quia nihil aliud habet ad iunctum ad rectē operandum, quam virtutes & dona in potentiis: cū præterea gratia sacramentalis habeat adiunctum illud auxilium speciale. Dici etiam potest virtutum

virtutum & donorum, quia talem gratiam merentur iustificati, cum actibus meritorii virtutum, augmentum gratiæ merentur.

23 Exemplis erit hæc differentia notissima. Ad confessionem fidei & constantiâ operantur fides & fortitudo, datæ homini extra sacramenta: hoc tamen animi robur, excellentius confertur sacramento confirmationis, ad hunc effectum peculiariter instituto. Sic etiam anima pascitur & reficitur verbo Dei & contemplatione, sed excellentius sacra Eucharistia, ad eum finem instituta. Idem de fide coniugali & castitate, respectu gratiæ quam matrimonium cõfert, dicendû est. Quare vt generaliter distinximus gratiam sacramentalem per huiusmodi auxilium, à gratia virtutû, sic & gratias singulorum sacramentorum inter se distinguere oportet: vt licet omnis gratia sacramentalis iustificas, habitus sit, adiuncto auxilio Dei ad speciales quosdâ salutis nostræ effectus: habeat tamē cuiusque sacramenti gratia, ad propriû effectû speciale auxilium, determinatû ad eundē effectum: quia aliter gratiæ sacramentales non distinguerentur inter se, vt oportet distingui, quia ipsa sacramenta distinguuntur, & ad effectus speciales efficacia sunt.

24 Ex hac generali differentia vtriusque gratiæ, aliæ speciales consequuntur. Primò quidem quia gratia virtutum id propriè agit in anima & eius facultatibus, vt homo iustè & sanctè operetur: sed gratia sacramentalis non solum hoc præstat, sed præterea fert secum singulare auxiliû, contra naturæ languorem & imbecillitatem ex originali peccato contractam: & ideo hæc gratia vim habet peculiarem in peccata præterita & eorum causas, cum virtutes quoad præsens & futurum tantum, propriè peccatum excludant. Hinc sunt duo sacramenta baptismus & confirmatio, ad reatum præteritorû peccatorû soluendum baptismus, & ad roborandas debilitatas animæ vires confirmatio: ad restaurandâ defectionem caloris spiritualis. animæ ex peccatis contractam, Eucharistiæ alimentum, & similiter in aliis sacramentis, quorû singula non solum bonos & sanctos reddunt suscipientes, sed etiam singularem aliquam vim, in præcedentem naturæ aut per sonæ morbum exercent. cuius rei ignoratione Lutherus impiè asseruit, quod vera

pœnitentia non est nisi noua vita, non aliâ agnoscens interiorem animæ innouationem, nec aliam morum conformationem, quàm Philosophi, qui nihil præterita curauerunt, præsertim ad resarciendam Dei offensam. Secundò potest colligi alia differentia specialis vtriusque gratiæ, quòd gratia quæ sacramentis comparatur certior est, quanquam de nulla gratia (sit certitudo excludens omnem dubitationem etiam moralem) sed certior dicatur secundum Christianas coniecturas probabiles, & maiorem in nobis spem salutis excitet: quia in operibus iustissimorum etiam hominum ij possint esse defectus, vt aut non omnino, aut rarò augmentum gratiæ mereantur: quos tamen defectus & imperfectiones ita supplet sacramentum, vt cum mediocri & sufficienti dispositione, ex opere operato amplissimam gratiam conferat. Sic etiâ imperfecta cõtritio quæ satis est ad sacramentum, nõ satis est per se extra sacramentû, quia sine sacramento perfecta non est: nec ea deuotio extra sacramentum semper meretur in iustis gratiam, quæ tamen sacramento coniuncta, reddit suscipientem idoneum, ad recipiendam gratiam sacramenti. Ex quibus omnibus in promptu est deuotis mentibus cogitare, quid quantumque operetur Deus in nobis per sacramenta, quatenus passionis Christi instrumenta efficacia sunt. quod autem hoc aut non credatur ab hereticis, aut non intelligatur à populo, aut non amplius diligatur ab his qui intelligunt, vehemèter dolendum est, & vt secus fiat, summò opere laborandum.

25 Reliquum est vt firmiter constituta veritate de partibus essentialibus sacramentorum nouæ legis, & eorum efficacia ad sanctificandum, repugnantes aduersariorum errores refellamus. Veteres enim & recentes heretici, volunt non esse sacramentorum formis præscripta & certa verba, neque determinatas materias, quibus Deus colatur, & homines sanctificentur. Primò igitur obiiciunt non debere hominem inferioribus alligari, & subiici ad colendum Deum, cum sit contra naturam superiora inferioribus subiici. Secundò, quia hic cultus per creaturas est gentilium idololatrarum, cum præceptum sit, Deuter. 12. populo Dei, ne in colendo Deo gentes imitetur. Tertiò, quia per huiusmo-

Disputatio cõtra hereticos de usu & effectû sacramentorû

Porphyrius apud Euseb. de præp. lib. 3. c. 3. Aug. lib. 1. retract. c. 4. Brent. in confess. vtriusb. c. de baptismo alii hæret. apud Iræ. lib. 1. c. 18.

Comment. in D. Tho. tert. part.

iusmodi cultum videtur significare, quod Deus indigeat aliquibus creaturis. Quare, quia seruile & Iudaicum est, & libertati Christianæ repugnans in cultu Dei alligari ad creaturas. Denique confirmant hæc omnia ex illo 1. Timoth. 4. corporalis exercitatio ad modicum utilis est his argumentis, hæretici tollunt de sacramentis nostris determinatas materias, & formas. Efficaciam verò sacramentorum ad sanctificandum impugnant, æquantes nostra sacramenta veteribus, ut non sint magis efficacia, ut illi loquuntur, quam baptismus Ioannis, Ezechiae umbra, vellus Gedeonis, & consimiles aliæ figure: & sint nostra sacramenta verba tantum quædam visibilia, quibus instituimur & admonemur de Christo, & beneficiis mortis eius: & hac ratione non esse sacramenta nostra magis efficacia, quam Euangelij prædicationem, & vulgari lingua esse administranda, ut omnes instruantur, sicuti prædicatione Euangelij.

26 Præterea Protestantes asserunt signis sacramentorum, excitari fidem, quæ per se & non per sacramenta iustitiam & gratiâ Dei apprehendat: & ideo in signo sacramenti esse vim prædicationis ad fidem excitandam, non tamen vim gratiæ effectiuam. Verum error huiusmodi de fide illa speciali iustificante, damnatur in Trident. Sess. 6. cap. 9. Sed quia nos supra ex verbo Dei expresso, cultum Dei, in his sacramentis, & nostram sanctificationem positam esse ostendimus, facile & aperte has obiectiones refutabimus. Primum igitur, creaturæ sensibiles & corporales tribus modis considerari possunt, vel secundum se, vel respectu hominum, vel respectu Dei: secundum se nullus homo illis subiici potest, nisi nefando scelere adorationis & abusus, quo gentiles idololatraz, & peccatores se illis subiiciunt, & ideo reprehenduntur grauiter à Diuo Paulo Roma. 1. sed respectu hominum & Dei, homines variis modis eisdem creaturis subiiciuntur: vel quia sunt Dei flagella, quibus nos punit: vel quia imponuntur sub præcepto, ad exercitium religionis vel alicuius virtutis, ut obedientiæ, patientiæ, instructionis: vel quia sunt signa gratiæ & diuinorum beneficiorum, ut à Deo præscripta, vel à ratione humana inuenta: his autem tribus modis homo non subiicitur creaturis, sed Deo in

illis & per illas: alioquin tolleretur omnis externus cultus, tam in lege naturæ quam veteri & nostra, & perirent cum precibus publicis, sacrificia & sacramenta omnia, atque ipsius corporis nostri cum anima in seruiendo Deo sancta societas: quare nihil potest excogitari absurdius aut indignius.

27 Vnde semper à Deo præscriptum est quomodo rebus externis colendus esset, vel generaliter, ut de protestatione veræ religionis in lege naturæ, vel specialiter, ut in paradyso fuit lignum vitæ, & arbor scientiæ, exercitatio obedientiæ: in lege veteri fuit quidē iusta & legitima institutio creaturarum ad cultum Dei, sed numerositate, infirmitate, obscuritate significationis, oneris & fastidij plena, & ideo à D. Paulo Coloss. 2. Galat. 4. dicitur seruitus sub elementis, atque legis pædagogia, & à D. August. lib. 3. de Doctrina Christiana, cap. 9. seruitus sub signis, quia sciebat populus in illis Deum coli, quorum tamen significationem plerique distinctè non nouerant. Qua ratione hæc seruitus à seruitute gentilium differt, quod illa ad Deum, hæc ad creaturam terminaretur. Postremò autem seruitus erga creaturas in noua leg. præcepta à Deo & necessaria, & faciliior, efficacior, numero & obseruatione leuior & suauior, & ideo non dicitur propriè seruitus, sed iugum suauæ & gratissimæ religionis obsequium. Itaque liberi sumus, non solum præ gentilibus, qui seruierunt potius creaturæ quam creatori, sed præ Iudæis qui signorum plerisque incognitorum, semper autem inefficacium, multitudine premebantur. sed signis omnibus sensibilibus in cultu religionis & cæteris studiis carere, omnino fieri non potest: hoc enim esset hominem in æterna beatitudine collocare: qua Deum facie ad faciem intueatur, & ad rerum spiritualium intolligentiam nullis indigeat signis externis.

28 Sic igitur ad primam obiectionem respondetur, seruitutem creaturarum propriè esse cum ad creaturas cultus ipse terminatur, quæ idololatriæ est, qualis fuit in gentibus: seruitus autem Iudæorum fuit iusta, quia præcepta à Deo, sed importabilis, ut inquit Petrus Acto. 15. Christianorum autem subiectio ad elementa sensibilia, est quidem aliqua seruitus respectu vitæ innocentis ante peccatum, &

future

Responsio ad
argumenta hæc
res.

futura quæ erit in cælo: sed tamen in summa paucitate, efficacia & apertissima significatione signorum, est quæ in hac vita cogitari potest liberrima, & humane naturæ congruens & accommodatissima: cum mediocritatem signorum exercitio recreetur & adiuuetur, ut multorum in efficacium pondere deprimitur.

29 Ad secundam objectionem, respondetur ex August. lib. 1. contra aduers. leg. cap. 18. dæmonem illa exigere à gentibus sibi exhiberi, quia scit Deo verò deberi. Sic enim vult falsus deus adorari ab eis quos decipit, sicut verus Deus honoratur ab his quibus consulit: & quia vera religio falsam antecessit, & falsa veram imitatur, ideo à veris cultoribus, falsi pleraque acceperunt: quare peccatum non est in materia cultus, sed quia quod est veri Dei, falso deo tribuitur. Instinctus etiam naturalis admonet illa Deo deberi, deceptio tamen est in veri Dei cognitione. ad illud autem Deuter. 21. respondetur, materiam quandam sacramenti & sacrificij legitimam gentes habuisse, ut pecora, panes, vinum, quandam illegitimam, ut filiorum immolationem, sanguinis humani effusionem: ab hac cauendum precipit Dominus, non ab illa in veri Dei cultu. Sic olim Christianis obiciebatur quod Cererem & Bacchum colerent, propter sacramentum panis & vini, inquit August. lib. 20. contra Faust. cap. 13. & quod Saturnum colerent, propter Sabbathi observationem: & semper superstitiosi cultores creaturarum se defendebant, ex eo quod esset aliquid simile in sacramentis nostris, de quo D. August. epist. 118. cap. 7. concludens non esse positam superstitionem in usu istarum rerum, sed in modo, ratione & fine & intentione utentium: sicut aliter nauta obseruat ventos & tempora, aliter planetarius: & eisdem rebus Christianus ad significationem, gentilis ad superstitionem utitur. Vnde Paulus 1. Corint. 10. non reprehendit gentiles, quod immolent ea quæ nos, sed quia dæmonibus & non Deo immolant.

30 Ad tertium respondetur, ex Ireneo lib. 4. cap. 32. illa non assumi propter Dei indigentiam, sed propter nostrum obsequium: nec quia illis delectetur Deus, sed quia in illis est spiritualium magis accommodata significatio. Similiter sono,

situ, & numero verborum in formis sacramentorum non delectatur Deus, sed quia instituta ad significandum accommodatissimè.

31 Ad quartum, Iudæorum seruitus non fuit posita in eo quod signa essent externa, sed quod multa, infirma & obscura, & quia ipsi carnales mentem supra signa non erigebant, sicut Prophetæ & viri religiosi seruitute illa non premebantur, mysteria occulta intelligentes. quare nos qui pauca signa, expressa & efficacia habemus, nulla seruitute premi possumus. Vnde D. August. lib. 19. contra Faustum, cap. 17. populus inquit, Iudaicus in eis qui intelligebant quod hæc pertinerent, erat liber, sed seruus in eis qui hæc non intelligebant.

32 Ad quintum, D. Paulus, aut loquitur de exercitatione corporis ad sanitatem, ut volunt Græci, aut si loquitur de exercitatione in signis, intelligit de his, qui spirituales significationem non nouerunt ut carnales Iudæi: non autem de usu sacramentorum nouæ legis, quem falso dicas corporalem, cum significatione & causalitate sit omnino spiritualis ut inquit, D. Tho. 3. p. q. 61. art. 1.

33 Ad alias objectiones contra efficaciam nostrorum sacramentorum, asserentes nihil amplius efficere quam Euangelij prædicationem, ex verbo Dei expressio responsio deducitur: quia D. Paulus Rom. 1. cum asseruisset Euangelium esse virtutem Dei, subiungit: in eo enim reuelatur iustitia Dei ex fide in fidem, hoc est, Euangelium significat & annuntiat, qua ratione iustitiam comparare possumus: ipsa vero annuntiatio non habet virtutem iustificandi. & ideo prædicatione mittit nos ad sacramenta, ut sanctificemur, proponit & demonstrat, sed non præstat, dicitur autem ex fide veteri, ad fidem Euangelij progressio fieri. Vnde diuus Anselmus Euangelium intelligit res contentas in Euangelio, mortem, redemptionem Christi, & sacramenta quibus communicatur. Cōueniunt quidē Euangelium & sacramentum in significando mysteria Christi, & ideo sacramentum dicitur à D. August. tract. 80. in Ioan. & lib. 19. cōtra Faust. c. 6. quoddā quasi visibile verbum, sed in operatione sanctificandi, habet præterea sacramentum efficaciam instrumentalem. Idem con-

cōfirmat praxis Apostolorum, cū Act. 2. cap. compuncti Iudei prædicatione Euāgelij mittūtur ad baptisum. Dicūt enim ad Petrum & Apostolos, quid faciemus vi ri fratres, hæc est vis Euāgelij. Respondit Petrus: Pœnitentiam agite, & baptizetur vnusquisque vestram in remissionē peccatorum, & accipietis Spiritū sanctum. Hæc est virtus sacramentorum. Act. 2. Cū Euāgelizans Philippo euāgelizanti, licet, inquit Philippus tibi baptizari. Constat præterea sacramēta iis sœpè ministrari vtiliter, quibus prædicationis effectus inutis, vt baptismum paruulis & amensibus.

34 Vnde quod August. Verbum sacramentale, appellat verbum quod prædicamus, sermonem Christi, verbum fidei, verbum vitæ, tract. 80. in Ioan. non significat sacramenti non esse aliam vim, quam prædicationis, vt volunt aduerſarij, sed intelligit formas sacramentorum quæ nobis exprimunt Christi efficiēciam per sacramenta, & ideo vim quandam prædicationis habent in significande, sed præterea efficiūt sanctificationem. Quod verò addit August. Verbum mandat non quia dicitur, sed quia creditur, non significat fidem, vel suscipientis, vt constat de baptismo paruulorū, vel ministrū, vt constat de hæretico baptizante secundum sensum Ecclesiæ catholicæ, cū fides etiam in adulto suscipiente sit tantum dispositio, non verò instrumentum gratiæ vt sacramentum: sed significat spirituales benedictionem & vim sanctificandi non esse in sono verborum formæ sacramenti, sed in virtute diuina, quam per fidem credimus verbis formæ sacramenti inesse; & ideo forma aut verbum formæ, non mandat quia dicitur & profertur, sed quia vis latens Spiritus sancti inest, quæ creditur per fidem. Que explicatio proposito Augustini & verbis sequentibus valde consentit, subiungit enī: [Nā in ipso verbo, aliud est sonus transiens, aliud virtus manens.] Illud verò Ephes. 5. Mundās eam lauacro aquæ in verbo vitæ, quod referunt Protestantes ad fidem vt obiectū, & ideo mundationem fidei tribuunt, non sacramento: Chrysost. de forma sacramenti intelligit, Hieron. de sacra scriptura, sed quod dicatur, vt de annuntiatione Euāgelij dictum est.

QVÆSTIO LXIII.

De effectu sacramentorum, qui est character in sex articulos diuisa.

Deinde considerandum est de alio effectu sacramentorum, qui est character.

Et circa hoc queruntur sex.

Primo Verum ex sacramentis causetur character aliquis in anima.

Secundo, quid sit ille character.

Tercio, cuius sit character.

Quarto, in quo sit sicut in subiecto.

Quinto, Verum in sit in debilitate.

Sexto, Verum omnia sacramenta imprimant characterem.

ARTICVLVS PRIMVS.

Verum sacramentum imprimat aliquem characterem in anima.

AD primum sic proceditur. Videtur, quod sacramentum nō imprimat aliquem characterē in anima. character enim significare videtur quoddam signum distinctiuum. Sed distinctio membrorū Christi ab aliis, fit per æternam prædestinationem, quæ non ponit aliquid in prædestinato, sed solum in Deo prædestinante, vt in prima parte* habitum est. Dicitur, enim 2. Timoth. 2. Firmum fundamentum Dei stat, habens signaculum hoc, nouit Dominus qui sunt eius. Ergo sacramenta non imprimunt characterem in anima.

¶ 2. Præterea, Character signū est distinctiuū, signū autē (vt Augustinus dicit in 2. de Doctrina Christiana) est quod præter speciem, quam ingerit sensibus, facit aliquid aliud in cognitionem venire. Nihil autem est in anima, quod aliquā spe-

4. d. 4. q. 1. c. 6.
4. q. 1. c. 6.

1. p. q. 25. art. 3.

Lib. 2. circa
prima. 20. 3.

speciem sensibus ingerat. Ergo videtur quod in anima nō imprimatur aliquis character per sacramenta.

¶ 3. Præterea, Sicut per sacramenta nouę legis distinguitur fidelis ab infideli, ita etiam per sacramenta veteris legis. Sed sacramēta veteris legis non imprimebant aliquem characterem in anima, vnde & dicuntur iustitię carnis, secundū Apost. ad Hebr. 9. Ergo videtur quod neque sacramenta nouę legis imprimunt characterem.

SED CONTRA est quod Apost. dicit 2. ad Corint. 1. Qui vnxit nos, Deus est, & qui signauit nos, & dedit pignus Spiritus in cordibus nostris. Sed nihil aliud importat character quā quādam signationem. Ergo videtur quod Deus per sacramenta nobis suum characterem imprimat.

q. 62. ar. 3.

RESPONDEO dicendū, quod sicut ex prædictis * patet, sacramenta nouę legis, ad duo ordinantur, videlicet ad remedium contra peccata, & ad perficiendum animam in his quę pertinent ad cultum Dei, secundum ritum Christianę vitę. Quicumque autem ad aliquid certū deputatur, consuevit ad illud consignari, sicut milites qui ascribebantur ad militiam antiquitus, solebant quibusdam characteribus corporalibus insigniri, eo quod deputabantur ad aliquid corporale. Et ideo cum homines per sacramēta deputentur ad aliquid spirituale pertinet ad cultum Dei, cōsequens est quod per ea fideles aliquo spirituali characterē insigniantur. Vnde August. † dicit in 2. contra Parmenianū. Si militię characterē in corpore suo, non militans pauidus ex-

horruerit, & ad clementiam Imperatoris confugerit, ac prece fusa, & impetrata iam venia militare cœperit, nūquid homine liberato atq; correcto, character ille repetitur, ac nō potius agnitus approbatur? an fortē minus hærēt sacramēta Christiana, quam corporalis hæc nota?

AD PRIMVM ergo dicendum, quod fideles Christi ad præmium quidem futurę glorię deputantur signaculo prædestinationis diuinę. Sed ad actus conuenientes præsentī Ecclesię deputantur quodam spirituali signaculo eis insignito, qui character nuncupatur.

AD SECVNDVM dicendū, quod character animę impressus, habet rationem signi in quantum per sensibile sacramētum imprimitur, per hoc enim scitur aliquis esse baptismali characterē insignitus, quod est ablutus aqua sensibili. Nihilominus tamen character vel signaculū dici potest per quandam similitudinem, omne quod configurat alicui, vel distinguit ab alio, etiam si non sit sensibile, sicut Christus dicitur figura, vel character paternę substantiæ, secundum Apostolū, Heb. primo.

AD TERTIVM dicendū, quod sicut supra dictum est, * sacramenta veteris legis non habebant in se spirituales virtutes, ad aliquē spirituales effectum operantes. Et ideo in illis sacramentis non requirebatur aliquis spiritualis character, sed sufficebat ibi corporalis circumcisio, quam Apostolus signaculum nominat

Rom. 4.

E ARTI-

Contra epistol.
Parme. Lib. 2.
c. 13. parum a
medio, to. 7.

D. Thom. tert. part.

ARTICVLVS II.

Virum character sit spiritualis potestas.

AD SECVNDVM sic proceditur. Videtur, quod character non sit spiritualis potestas. Character enim idē videtur esse quod figura, vnde Heb. i. vbi dicitur. Figura substantiæ eius, in Græco habetur loco figuræ, character. Sed figura est in quarta specie qualitatis, & ita differt à potestate, quæ est in secunda specie qualitatis. Character ergo non est spiritualis potestas.

¶ 2. Præterea, Dion.* dicit. 2. c. Eccle. hier. quod diuina beatitudo accedētem ad beatitudinem in sui participationem recipit, & proprio suo lumine, quasi quodā signo, ipsi tradit suam participationē. Et sic videtur quod character sit quoddā lumē. Sed lumen ad tertiam speciē qualitatis videtur pertinere. Non ergo character est potestas, quæ videtur ad secundam speciem qualitatis pertinere.

¶ 3. Præterea, A quibusdā character sic definitur. Character est signum sanctū communionis fidei, & sanctæ ordinationis, datum à hierarcha. Signum autē est in genere relationis, non autem in genere potestatis. Non ergo character est spiritualis potestas.

¶ 4. Præterea, Potestas habet rationē causæ & principij, vt patet 5. Meta.* Sed signū, quod ponitur in definitione characteris, magis pertinet ad rationē effectus. Character ergo non est spiritualis potestas.

SED CONTRA est; quod *Philos. dicit in 2. Ethic. Tria sunt in anima, potentia, habitus & passio. Sed character non est passio, quia passio cito transit, character autem indelebilis est, vt infra dicetur * Si-

militer etiam non est habitus, quia nullus habitus est, qui se possit ad benè & malè habere: character autem ad vtrunq; se habet, vtuntur enim eo quidam benè, alij verò malè: Quod in habitibus non cōtingit, nā habitu virtutis, nullus vtitur malè, & habitu malitiæ, nullus bene. Ergo relinquitur quod character sit potentia.

RESPONDEO dicendum, quod sicut dictū est, * sacramenta nouæ legis, characterē imprimūt, inquitum per ea deputantur homines ad cultū Dei, secundū ritum Christianę religionis. Vnde Dion.* in 2. ca. Eccl. hierar. cū dixisset, quod Deus in quodā signo tradit sui participationē accedenti ad baptismū, subiūgit, Perficiēs eum diuinū, & communicatorem diuinorū. Diuinus autē cultus consistit vel in recipiēdo aliqua diuina, vel in tradendo aliis. Ad vtrunq; autem horū requiritur quædam potētia: nā ad tradendum aliquid aliis, requiritur potētia actiua, ad recipiendū autem requiritur potentia passiva. Et ideo character importat quandam potentiam spiritualement, ordinatam ad ea quæ sunt diuini cultus. Sciendū tamen, quod hæc spiritualis potentia est instrumentalis, sicut etiam supra dictum est * de virtute, quæ est in sacramentis. Habere enim sacramenti characterē competit ministris Dei. minister autē habet per se modū instrumenti, vt Philos.* dicit in 1. Polit. Et ideo sicut virtus, quæ est in sacramentis, non est in genere per se, sed per reductionem, eo quod est quiddam fluens & incompletum, ita etiam character non propriè est in genere vel specie, sed reducitur ad secundam speciem qualitatis.

AD

4. dist. 4. q. 2.
art. 1.

6. 2. eccl. hier.
part. 3. parum
ante medium.

ar. prae.

6. 2. eccl. hier.
part. 3. parum
ante medium.

q. prae. art. 4.

lib. 1. c. 3. ali.
quantulum &
prim. to. 5.

li. 5. meta. 10. 3.

li. 2. eth. c. 5. in
prim. to. 5.

ar. 5. huius q.

AD PRIMVM ergo dicendum, quod figura est quædam terminatio quantitatis. unde propriè loquendo, non est nisi in rebus corporeis, in spiritualibus autem dicitur metaphoricè. Non autem ponitur aliquid in genere vel specie, nisi per id quod de eo propriè prædicatur. Et ideo character non potest esse in quarta specie qualitatis, licet hoc quidam posuerint.

AD SECVNDVM dicendum, quod in tertia specie qualitatis nõ sunt nisi sensibiles passionēs vel sensibiles qualitates. Character autē non est lumen sensibile, & ideo nõ est in tertia specie qualitatis, vt quidam dixerunt.

AD TERTIVM dicendum, quod relatio quæ importatur in nomine Signi, oportet quod super aliquid fundetur. Relatio autem huius signi quod est character, non potest fundari immediatè super essentiā animæ, quia sic conueniret omni animæ naturaliter. Et ideo oportet aliquid poni in anima, super quod fundetur talis relatio, & hoc est essentia characteris. Vnde non oportebit quod sit in genere relationis, sicut quidam posuerunt.

AD QVARTVM dicendum, quod character habet rationem signi per comparisonem ad sacramentum sensibile, à quo imprimitur, sed secundum se consideratus, habet rationem principij, per modum iam dictum.

In 107. art. 6.
ad. præc.

ARTICVLVS III.

Vtrum character sacramentalis sit character Christi.

AD TERTIVM sic proceditur. Videtur, quod character sa-

cramentalis nõ sit character Christi. Dicitur enim Ephes. 4. Nolite contristare Spiritum sanctū Dei, in quo signati estis. Sed consignatio importatur in nomine characteris. Ergo character sacramentalis, magis debet attribui Spiritui sancto quàm Christo.

¶ 2. Præterea, Character habet rationem signi. Est autem signum gratiæ, quæ per sacramentum confertur, gratia autem infunditur animæ à tota Trinitate. Vnde dicitur in Psalm. 83. Gratiā & gloriā dabit Dominus. Ergo videtur, quod character sacramentalis non debeat specialiter attribui Christo.

¶ 3. Præterea, Ad hoc aliquis characterem accipit, vt eo à cæteris distinguatur. Sed distinctio sanctorum ab aliis, fit per charitatem, quæ sola distinguit inter filios regni & filios perditionis: vt August. dicit 15. de Trinitate. vnde & ipsi perditionis filij characterem beatitiæ habere dicuntur, vt patet Apocal. 13. Charitas autem non attribuitur Christo, sed magis Spiritui sancto: secundum illud Rom. 5. Charitas Dei diffusa est in cordibus nostris, per Spiritum sanctum, qui datus est nobis. Vel etiam Patri, secundum illud 2. ad Corinth. ult. Gratia Domini nostri IESV Christi, & Charitas Dei. Ergo videtur, quod character sacramentalis, non sit attribuendus Christo.

Lib. 18. ca. 1.
co. 3. in prin.

SED CONTRA est, quod quidā sic definiunt characterē. Character est distinctio à characterē aeterno impressa animæ rationali, secundū imaginem consignans Trinitatem creatam. Trinitati creati & re-creanti, & distinguens à non consi-

4. dist. 4. q. 1.
art. 2. ¶ art. 3.
2. 5.

D. Thom. tert. part.

guratis secundum statum fidei. Sed character æternus est ipse Christus, secundum illud Hebr. 1. Qui cum sit splendor gloriæ & figura vel character substantiæ eius. Ergo videtur, quod character sit propriè attribuendus Christo.

Artic. 1. huius
quæst.

RESPONDEO dicendum, quod (sicut ex supradictis patet*) character propriè est signaculū quoddā, quo aliquid insignitur, ut ordinatū in aliquem finem: sicut character insignitur denarius ad vsum cōmutationum, & milites character insigniuntur, quasi ad militiam deputati. Homo autē fidelis ad duo deputatur. Primò quidem & principaliter ad fruitionem gloriæ: & ad hoc insignitur signaculo gratiæ, secundum illud Ezech. 9. Signa Thau super frontes virorum gementium & dolentium. Et Apocal. 7. Noli te nocere terræ & mari, neque arboribus, quoadusq; signemus seruos Dei nostri in frontibus eorum. Secundò autem deputatur quisque fidelis ad recipiendum, vel tradendum aliis, ea quæ pertinent ad cultum Dei, & ad hoc propriè deputatur character sacramentalis. Totus autem ritus Christianæ religionis deriuatur à sacerdotio Christi. Et ideo manifestum est, quod character sacramentalis specialiter est character Christi, cuius sacerdotio configurantur fideles secundum sacramentales characteres, qui nihil aliud sunt, quàm quædā participationes sacerdotij Christi, ab ipso Christo deriuatæ.

AD PRIMVM ergo dicendum, quod Apostolus ibi loquitur de cōsignatione, secundum quam aliquis deputatur ad futuram gloriam, quæ fit per gratiam, quæ Spiritui sancto

attribuitur, in quantum ex amore procedit, quod Deus nobis aliquid gratis largiatur, quod ad rationem gratiæ pertinet. Spiritus autem sanctus amor est, unde & 1. ad Cor. 12. dicitur, Diuisiones gratiarum sunt, idem autem Spiritus.

AD SECVNDVM dicendum, quod character sacramentalis est res respectu sacramenti exterioris, & est sacramentum respectu vltimi effectus. Et ideo dupliciter potest aliquid characteri attribui. Vno modo secundū rationē sacramenti, & hoc modo est signū inuisibilis gratiæ, quæ in sacramento confertur. Alio modo secundum propriam rationem characteris, & hoc modo est signum configuratiuum alicui principali, apud quem residet auctoritas eius ad quod aliquis deputatur, sicut milites qui deputantur ad pugnam, insigniuntur signo ducis, quo quodammodo ei configurantur. Et hoc modo illi qui deputantur ad cultum Christianum, cuius autor est Christus, characterē accipiūt, quo Christo configurantur. Vnde de propriè est character Christi.

AD TERTIVM dicendum, quod character distinguitur aliquis ab alio, per comparisonem ad aliquem finem, in quem ordinatur qui characterem accipit, sicut dictum est* de characterē militari, quo in ordine ad pugnam, distinguitur miles regis à milite hostis. Et similiter character fidelium est, quo distinguuntur fideles à Christi seruis diaboli, vel in ordine ad vitam æternam, vel in ordine ad cultum præsentis Ecclesiæ. Quorum primum fit per charitatem & gratiam, ut obiectio procedit, secundū autē fit per characterem sacramentalem.

Artic. 1. huius
quæst.

Vnde

Vnde & character bestię intelligi potest per oppositum, vel obstinata malitia, quā aliqui deputantur ad poenam æternam, vel professio illiciti cultus.

ARTICVLVS IIII.

Vtrum character sit in potentiis animæ sicut in subiecto.

4. dist. 4. q. 1.
art. 1. cor. et art.
3. q. 3.

1. 2. q. 110:
art. 4.

AD QVARTVM sic proceditur. Videtur, quod character nō sit in potentiis animæ sicut in subiecto. Character enim dicitur esse dispositio ad gratiā. Sed gratia est in essentia animæ, sicut in subiecto, ut in secunda parte dictum est.* Ergo videtur, quod character sit in essentia animæ, non autem in potentiis.

Artic. 2. huius
quæst.

¶ 2. Præterea, Potentia animæ nō videtur esse subiectum alicuius nisi habitus, vel dispositionis. Sed character (ut dictum est*) nō est habitus, vel dispositio, sed magis potentia, cuius subiectum non est nisi essentia animæ. Ergo videtur, quod character nō sit, sicut in subiecto, in potentia animæ, sed magis in essentia ipsius.

¶ 3. Præterea, Potentiæ animæ rationalis distinguuntur per cognitivas & appetitivas. Sed non potest dici, quod character sit tantum in potentia cognitiva, neq; etiam tantum in potentia appetitiva (quia nō ordinatur, neque ad cognoscendum tantum, neque ad appetendum) similiter etiam non potest dici quod sit in vtraque, quia idem accidens non potest esse in diuersis subiectis. Ergo videtur, quod character non sit in potentia animæ sicut in subiecto, sed magis in essentia.

¶ SED CONTRA est, quod (sicut

in præmissa definitione* characteris continetur) character imprimatur animæ rationali secundum imaginem. Sed imago Trinitatis in anima, attenditur secundum potētias. Ergo character in potentiis animæ existit.

Ar. præcedentis
in arg. sed contra
tra.

Ar. præcedentis

RESPONDEO dicendū, quod (sicut dictum est*) character est quoddam signaculum, quo anima insignitur ad suscipiendum, vel aliis tradendum ea quæ sunt diuini cultus. Diuinus autē cultus in quibusdam actibus consistit. Ad actus autem propriè ordinantur potentiæ animæ, sicut essentia ordinatur ad esse. Et ideo character non est sicut in subiecto in essentia animæ, sed in eius potentia.

AD PRIMUM ergo dicendum, quod subiectum alicui accidenti attribuitur secundum rationē eius ad quod propinquè disponit, non autem secundum rationem eius, ad quod disponit remotè vel indirectè. Character autem directè quidem & propinquè disponit animā ad ea, quæ sunt diuini cultus exequenda, & quia hæc idoneè non fiunt sine auxilio gratiæ (quia ut dicitur Ioan. 4. Eos qui adorant Deum, in spiritu & veritate adorare oportet) ex consequenti diuina largitas recipientibus characterē, largitur gratiam, per quam dignè impleant ea, ad quæ deputantur. Et ideo characteri magis est attribuendum subiectum, secundum rationem actuum ad diuinum cultum pertinentium, quàm secundum rationem gratiæ.

AD SECUNDVM dicendū, quod essentia animæ est subiectum potentiæ naturalis, quæ ex principiis essentia procedit. Talis autē potentia non est character, sed est quædam

D. Thom. tert. part.

spiritualis potentia, ab extrinsecò adueniens. Vnde sicut essentia animæ, per quam est naturalis vita hominis, perficitur per gratiam, qua anima spiritualiter viuit, ita potentia naturalis animæ perficitur per spiritualement potentiam, quæ est character. Habitus enim & dispositio pertinent ad potentiam animæ, eo quod ordinantur ad actus, quorum potentia sunt principia. Et eadem ratione omne quod ad actum ordinatur, est potentia tribuendum.

In cor. ar.

AD TERTIVM dicendum, quod (sicut dictum est*) character ordinatur ad ea, quæ sunt diuini cultus. Qui quidem est quædam fidei protestatio per exteriora signa. Et ideo oportet, quod character sit in cognitiua potetia animæ, in qua est fides.

ARTICVLVS V.

Utrum character insit animæ indelebiliter.

4. dist. 4. q. 1.
ar. 3. q. 4. Et
Rom. 7. col. 2.

AD QVINTVM sic proceditur. Videtur quod character non insit animæ indelebiliter. Quantò enim aliquod accidens est perfectius, tãtò firmitus inheret. Sed gratia est perfectior, quàm character: quia character ordinatur ad gratiã sicut ad vltiorem finem. Gratia autem amittitur per peccatũ. Ergo multò magis character.

ar. 1. q. 2. huius
quæst.

¶ 2. Præterea, Per characterem aliquis deputatur diuino cultui, sicut dictum est. * Sed aliqui à cultu diuino transeunt ad cõtrarium cultũ, per apostasiã à fide. Ergo videtur, quod tales amittant characterẽ sacramentalem.

¶ 3. Præterea, Cessante fine, cessare debet & id quod est ad finẽ, alioquin frustra remaneret, sicut post resurrectionẽ non erit matri-

moniũ, quia cessabit generatio, ad quam ordinatur matrimoniũ. Cultus autem exterior, ad quem character ordinatur, nõ remanebit in patria, in qua nihil agitur in figura, sed totum in nuda veritate. Ergo character sacramentalis nõ manet in perpetuum in anima, & ita non inest indelebiliter.

SED CONTRA est, quod Aug. *Lib. 2. c. 13. dicit secundo cõtra Parmenianũ: me. 10. 7.* Non minus hæret sacramenta Christiana, quàm corporalis nota militiæ. Sed character militaris non repetitur, sed agnitus approbatur in eo, qui veniam meretur ab imperatore post culpam. Ergo nec character sacramentalis deleri potest.

RESPONDEO dicendum, quod (sicut dictum est) character sacramentalis est quædam participatio sacerdotij Christi in fidelibus eius, ut scilicet sicut Christus habet plenam spiritualis sacerdotij potestatem, ita fideles eius ei configurentur in hoc, quod participant aliquã spiritualement potestatem respectu sacramentorum, & eorum quæ pertinet ad diuinum cultũ. Et propter hoc etiam Christo non cõpetit habere characterẽ, sed potestas sacerdotij eius cõparatur ad characterem, sicut id quod est plenũ & perfectũ ad aliquam sui participationẽ. Sacerdotium autem Christi est æternum, secundũ illud Psal. 109. Tu es sacerdos in æternũ, secundum ordinẽ Melchisedech. Et inde est, quod omnis sanctificatio, quæ fit per sacerdotium eius, est perpetua, re cõsecrata manẽre. Quod patet etiam in rebus inanimatis, nã Ecclesię vel altaris manet consecratio semper, nisi destruat. Cum igitur anima sit subiectum characteris secundum intel-

Art. 3. huius
quæst.

Art. præc. ad
3. arg.

intellectuam partem, in qua est fi-
des (vt dictum est*) manifestū est,
quod sicut intellectus perpetuus est
& incorruptibilis, ita character in-
delebiliter manet in anima.

Art. 2.

AD PRIMVM ergo dicendum,
quod aliter est in anima gratia, &
aliter character. Nam gratia, est in
anima sicut quædam forma habens
esse completum in ea, character au-
tem est in anima, sicut quædam vir-
tus instrumentalis, vt supra t dictum
est. Forma autem completa est in
subiecto, secundum conditionem
subiecti, & quia anima est mutabi-
lis secundum liberum arbitrium,
quandiu est in statu viæ, cōsequens
est, quod gratia insit animæ mutabi-
liter. Sed virtus instrumentalis ma-
gis attenditur secundum conditio-
nē principalis agentis, & ideo cha-
racter indelebiliter inest animæ,
non propter sui perfectionem, sed
propter perfectionem sacerdotij
Christi, à quo deriuatur character,
sicut quædā instrumentalis virtus.

Li. i. citra Do-
na. parum a
prin. tom. 7.

In solutione
præc.

AD SECUNDVM dicendum,
quod sicut* August. dicit ibidem.
Nec ipsos apostatas videmus care-
re baptismo, quibus utiq; per pœ-
nitentiam redeuntibus non restitui-
tur, & ideo amitti non posse iudica-
tur. Et huius ratio est, quia chara-
cter est virtus instrumentalis, vt t di-
ctum est. Ratio autem instrumenti
consistit in hoc quòd ab alio mo-
ueatur, non autem in hoc quòd ip-
sum se moueat, quod pertinet ad
voluntatem. Et ideo quantumcunq;
voluntas moueatur in contrarium,
character non remouetur, propter
immobilitatē principalismouētis.

AD TERTIVM dicendum, quod
quamuis post hanc vitam nō rema-
neat exterior cultus, remanet ta-

men finis illius cultus. Et ideo post
hanc vitam remanet character, &
in bonis ad eorum gloriam, & in
malis ad eorum ignominiam. Si-
cut etiam militaris character rema-
net in militibus post adeptam vi-
ctoriam, & in his qui vicerunt, ad
gloriam, & in his qui sunt victi, ad
poenam.

ARTICVLVS VI.

*Vtrum per omnia sacramenta nouæ legis
imprimatur character.*

AD SEXTVM sic proceditur. **A**
Videtur, quod per omnia sa-
cramenta nouæ legis imprimatur
character, per omnia enim sacra-
menta nouæ legis fit aliquis parti-
ceps sacerdotij Christi. Sed chara-
cter sacramentalis nihil est aliud,
quàm participatio sacerdotij Chri-
sti,* vt dictum est. Ergo videtur,
quòd per omnia sacramenta nouæ
legis imprimatur character.

¶ 2. Præterea, Character se ha-
bet ad animam in qua est, sicut con-
secratio ad res consecratas. Sed
per quodlibet sacramentum nouæ
legis homo recipit gratiam sancti-
ficantem,* vt supra dictum est. Er-
go videtur, quòd per quodlibet sa-
cramentum nouæ legis, imprima-
tur character.

¶ 3. Præterea, Character est
res & sacramentum. In quolibet
autem sacramento nouæ legis est
aliquid quod est res tantum, & ali-
quid quod est sacramentum tantum,
& aliquid quod est res & sacramen-
tum. Ergo per quodlibet sacramen-
tum nouæ legis imprimitur cha-
racter.

SED CONTRA est, quod sacra-
mēta, in quibus imprimitur chara-

Inf. q. 72. art. 2.
5. Et 4. dist. 4.
q. 1. ar. 4. q. 2.
q. 3. q. 3.
art. 2. q. 3. Et
di. 7. q. 2. ar. 1.
q. 1. q. 3. ar.
3. q. 3. dist.
23. q. 1. art. 2.
q. 3.

* Ar. 3. q. 1.
huius quæst.

* quæst. præc.
art. 1.

D. Thom. tert. part.

Art. prac.

cter, non reiterantur, eo quod character est indelebilis, † vt dictum est. Quædam autem sacramenta iterantur, sicut patet de poenitentia & matrimonio. Ergo nō omnia sacramenta imprimunt characterem.

Quæst. 62. ar. 2. & 3.

RESPONDEO dicendum, quod (* sicut supra dictum est) sacramenta nouæ legis ad duo ordinantur, scilicet in remedium peccati, & ad cultum diuinum. Est autem omnibus sacramentis commune, quod per ea exhibetur aliquod remediū contra peccatū, per hoc quod gratiam conferunt. Non autem omnia sacramenta ordinantur directè ad diuinum cultum, sicut patet de poenitentia, per quam homo liberatur à peccato, nō autem per hoc sacramentum, exhibetur homini aliquid de nouo, pertinens ad diuinum cultum, sed restituitur in statum pristinum. Pertinet autem aliquod sacramentum ad diuinum cultum tripliciter, vno modo per modum ipsius actionis, alio modo per modum agentis, tertio modo per modum recipientis. Per modum quidem ipsius actionis pertinet ad diuinum cultum Eucharistia, in qua principaliter diuinus cultus consistit, in quantum est Ecclesiæ sacrificium. Et per hoc idem sacramentum nō imprimitur homini character, quia per hoc sacramentum non ordinatur homo ad aliquid aliud vltèrius agendum, vel recipiendum in sacramentis, cum potius sit finis & consummatio omnium sacramentorū, vt † Dionys. dicit 3. ca. Eccles. hierar. Continet tamē in seipso Christum, in quo non est character, sed tota sacerdotij plenitudo.

Sed ad agentes in sacramentis, pertinet sacramentū ordinis, quia

per hoc sacramentum deputantur homines ad sacramenta aliis tradenda. Sed ad recipientes pertinet sacramentum baptismi, quia per ipsum homo accipit potestatem recipiendi alia Ecclesiæ sacramenta. Vnde Baptismus dicitur esse ianua omnium sacramentorum. Ad idem etiam ordinatur quodammodo confirmatio, vt infra suo loco dicitur. † Et ideo per hæc tria sacramenta character imprimitur, scilicet per Baptismum, Confirmationem & Ordinem.

2. 72. ar. 7.

AD PRIMVM ergo dicendum, quod per omnia sacramenta fit homo particeps sacerdotij Christi, vt pote percipiens aliquem effectum eius. Non tamen per omnia sacramenta aliquis deputatur ad agendum aliquid vel recipiendum, quod pertineat ad cultū sacerdotij Christi. Quod quidē exigitur ad hoc quod sacramentū characterē imprimat.

AD SECVNDVM dicendum, quod per omnia sacramenta sanctificatur homo, secundum quod sanctitas importat mūdiciem à peccato, quæ fit per gratiam. Sed specialiter per quædam sacramenta, quæ characterem imprimūt, homo sanctificatur quadam consecratione, vt pote deputatus ad diuinum cultū. Sicut etiā res inanimatæ sanctificari dicuntur, in quantum diuino cultui deputantur.

AD TERTIVM dicendum, quod licet character sit res & sacramentum, non tamen oportet, omne id quod est res & sacramentum, esse characterem. Quid autem sit res & sacramentum, in aliis sacramentis infra * dicitur.

In materia cō
inque in sp
ciali.

Sententia

Ca. 3. ecclesiæ
hier. circa pri
allius.

Sententia & conclus. quæst.

Prima cōclusio, ex ar. 1. 2. & 3. *Character alter effectus¹ quorundam sacramentorum, est potestas² spiritualis: qua ad diuinum cultum consignamur: de sa³ cerdotio Christi aliquid participantes.*

Ratio primi: quia sacramentis Deo mancipamur ad aliquod munus spirituale, quod est caractere designari.

Ratio secundi: quia ad Deum colendum, vel recipientes, vel conferentes diuina, caractere potentes efficimur.

Ratio tertij: quia verus Dei cultus à sacerdotio Christi deriuatur, vt ab exemplari effectiue, & meritoriè: & character est potestas ad diuinum cultum, constituens sacerdotes, vel ad offerendum spirituales hostias tantum, vel præterea sensibilem, manifestam, & incruentam in missa.

¶ Secunda conclusio. *Character¹ in intellectu, perpetuus² manet & indelebilis: ad recipiendum quidem per baptismum & confirmationem, ad conferendum per ordinem, ex art. 4. 5. & 6.*

Ratio primi: quia fides est in intellectu, & diuinus cultus cuius gratia est character, est fidei quædam protestatio.

Ratio secundi: quia sacerdotium Christi, cuius quædam participatio est character, æternum est.

Ratio tertij: quia tribus tantum sacramentis, baptismo, confirmatione & ordine, plenè & perfectè ad Dei cultum consignamur.

COMMENTARIUS.

DE effectu communi omnium sacramentorum nouæ legis dictum est, restat dicendum de quorundam proprio: vt enim omnibus sacramentis nouæ

legis sanctificamur, recipientes primam gratiam, vel ipsius augmentum: sic tribus sacramentis, baptismo, confirmatione, & ordine, caractere insignimur indelebili, & ideo tria sacramenta iterari & repeti in eodem non possunt. Dicitur autem in sancta scriptura character, impressa ab alio species & imago, vt Hebr. 1. dicitur filius character Patris, quæ reddit noster interpres, figuram scilicet impressam, ex similitudine signi & notæ, quæ per inuisionem ferri pectori imprimitur. Eodem sensu dicitur character bestię Apoc. 13. & 16. vt enim pecus caractere ferri inuisto, firmam & indelebilem notam possessoris sui gerit: sic Christus in tribus illis sacramentis suscipientes designat, ipsi in quibusdam actibus configurantur, ad illum pertinere dignoscantur, & ab hostibus & aliis fidelibus, non consignatis ad huiusmodi ministeria, distinguantur. Græci patres vocant characterem vt Latini, sed præterea, esphragidem, idest signum impressum: verbo quidè sphragizo vtitur Ioan. c. 3. cum ait, hūc pater signauit Deus, & qui recipit eius testimonium, is obsignauit quod Deus verax sit, & Paulus Eph. 1. obsignati estis spiritu.

2 Huiusmodi igitur characteris impressi ouibus Christi, vt ad quædam ministeria specialiter consignentur, & ab infidelibus distinguantur, expressa assertio est in Patribus & cōciliis plenariis. Dyonisi. c. 2. Ecclesi. hier. inquit baptizatum sacramento sphragidè, idest, notam & characterem accipit, quam susceptam, significat baptizati & spō foris descriptio in monumentis sacris & cōdicibus. Eiusdem characteris meminit sæpè D. Aug. Naziaz. oratione de baptismo, Damasc. lib. 4. c. 10. de fide, & alij plerique citati à Thoma Vvaldensi. de sacramentis c. 109. Huius con signationis mentio est in sancta scriptura, sed aliquando est cōsignatio gratiæ insulæ, vt Ephes. 4. Nolite contristare Spiritum sanctum in quo signati estis in die redemptionis: aliquando videtur esse propria huius characteris, vt 2. Corinth. 1. vnxit nos Deus, qui & signauit nos. Hic enim distinguitur con signatio, quæ propria est characteris, ab vnctione spiritus, quæ gratiæ propria est in quem sensum inquit Epiph. lib. 1. heresi. 8. baptismus & circumcidit nos à peccatis, & obsignat nos in nomen Dei. Damasc. lib. eod. 4. c. 5. per baptismum, inquit, accipimus primitias spiritus,

Plin. lib. 35. c. 6. de terra Lemnia, nec nisi signata vendebatur, unde & sphragidè appellauere.
σφραγιζω.

Characteris assertio ex patribus & cōciliis.

ritus, & deinde signaculum, & tutelam & sanctificationem. Cyril. Hieros. catech. 17. sub finem. Ambros. lib. 1. de Spiritu sancto c. 6. & pleriq; alij ad eundem locum D. Pauli 2. Cor. 1.

3. Quamvis autem posset aliquis, ipsam susceptionem sacramenti, cōsignationem intelligere, & non manentem ex susceptione baptismi characterē, animę impressum: tamen patres videntur sic distinxisse, & ex illis plenaria concilia distinxisse, ut Florēt. sess. vltima in doctrina de sacramentis, Trident. sess. 7. de sacramentis in genere Ca. 9. & Innocent. III. in c. Maiores de bapt. inquit sacramentalem operationem in quibusdam imprimere characterem, etiā quibus non confertur gratia. quę sententia sępē à D. Augustino repetita est, cum affirmat characterem dominicum inueniri in sceleratissimis, & nō deleri per peccatum, neq; per hæresim.

4. Vnde secūdum fidem catholicam his conciliis expressam, & patribus & scripturę congruentem, asserendum est, characterem esse aliam rem ab ipsa sacramenti receptione, quam hæretici volunt esse characterem, & externam tantum fidei professionem; & ita character esset effectus omnium sacramentorum. deinde asserendum est, esse aliud, quam gratiam sacramentis collatam, cum permaneat in peccatoribus & hæreticis, in quibus gratia esse non potest. Quid autem sit, ad controuersiam theologorum scholasticā pertinet: de qua hæc nobis certa sententia est: character est potestas indelebilis, quę ad specialia quędam religionis ministeria consignatur, & deputatur. Primò asserimus esse qualitatem permanentem in specie potentię & potestatis, & non tantum respectum rationis & cogitationis, per quem mens hominis distinguit recipientes hæc sacramenta, ab his qui non receperunt, non quidem ex qualitate, quę insit homini, sed ex actu transeunti, ex quo ratio fundat illam distinctionem. Id autem ostenditur primò, quia Deus solet ministris, quos instituit, talem qualitatem permanentem imprimere: quę muneri suo congruenter accommodetur, & non tantum sola nominatione externa eligere, ut sæculi principes; sic de gratia & virtutibus definitū est in Viennensi Conc. & in Trident. sess. 6. c. 7. & Can. 11. Ergo nō minus probabile est, Deum sic instituere

ministros ad specialia munera religionis, per qualitatem verē infusam & permanentem. Idem confirmant illa vocabula impressionis & inhæSIONIS, quę ab Augustino & conciliis in hac re vsurpantur: quia non possunt relationibus rationis verē attribui & proprię. Secundò hæc videtur esse intentio concilij Tridentini in refellendis hæreticis, qui se veritati characteris opposuerunt. Hi enim non videntur aliud negasse, quam huiusmodi qualitatem inherētem, cum discrimen baptizati & non baptizati, ordinati & nō ordinati respectu præcedentium actionum sacramentalium, & idē secundum relationem rationis, non negauerint. Solēt autē hæretici, in omnibus sacramētis, studiōsē negare habitus huiusmodi permanentes gratiarum & virtutum, ut hac ratione, instrumenta Dei magis inania & inefficacia reddant: sic pro vera remissio-

ne, dicunt non imputari peccatum, pro vera iustitia, imputationem iustitię Christi, consistentem in quadam relatione rationis, inducunt, & pro vera qualitate characteris, relationem illam rationis.

5. Ex cuius qualitatis permanentis ignorance, ortus est grauis ille aduersariorum error, non minus posse deponi, aut abdicari magistratum sacrum, quam prophanū: & simul cum amissa officij executione, pro reip. aut principum voluntate, potestatem etiam omnē amitti. Vnde creditur ortum esse schisma Donatistarum, putantiū simul cū gratia amissa, tolli ius & potestatem ad sacramenta administranda. In D. Augustino characterem esse permanentē qualitatem, ostendunt illę rationes dicendi, quibus vtitur lib. 2. cont. epist. Parm. c. 13. ep. 44. lib. 6. cont. Donatist. c. 1. in serm. de gestis cum Emerito Donatista. epist. 50. ad Bonifac. tract. 6. in Ioan. lib. 1. cont. Crescon. Grām. c. 30. sunt autem hæc, characterem inhære-re, infigi, permanere, portari, imprimi, signari, dari, accipi: non corrumpi, nō destrui, non rescindi, non violari, non detrahi, non deleri, non amitti, & alia his similia. Non esse autem characterē gratiam sacramenti, confirmant illa testimonia, quę docent eum esse, dari & recipi sine charitate, permanere in sceleratissimis & apostatis, quę affirmat August. tract. 5. in epist. can. Ioan. lib. 2. cont. Parmen. c. 13. Sed dicitur character aliquando sanctitas sacramenti, quia effecta est per sacramentum sanctum, &

per

Disputatio
de essentia
characteris,
cum catho-
licis & here-
ticis.

An character
sit potestas ani-
ma impressa.

per consecrationem eius cui datur character. De sacramento autem baptismi & ordinis, imprimantibus characterem, extat elegantissimum testimonium lib. 1. contra Donatist. c. 1. Et mirandum est non considerasse aduersarios, hunc permanentem characterem, attribui non omnibus sacramentis, sed tribus tantum: quod si character esset relatio illa rationis, omnibus sacramentis conueniret, ut ostensum est. Neque etiam animaduertunt, hæc omnia à patribus affirmari, non tanquã dubia & incerta, sed tanquam recepta & probata semper in Ecclesia catholica.

q. 63. artic. 1.
c. 2.

6 Ostendimus characterem esse qualitatem permanentem, in suscipiente illa tria sacramenta, baptismum, confirmationem, ordinem: esse potestatem, nunc ostendendum est. Character enim sacramentorum deputantur homines ad cultum Dei secundum ritum Christianæ religionis: sicut in omnibus rebus, qui ad munus aliquod deputantur, signo aliquo consignari solent, & in omni militia benè instituta: & sacramentis perficitur anima ad cultum Dei, & ideo in sacramentis cultum esse positum ostendimus principio huius doctrinæ de sacramentis: sed qui deputantur ad aliquod ministerium, potestate deputantur, vel recipiendū, vel tradendo aliis diuina: character igitur erit huiusmodi potestas. Sic character baptismi idoneus efficitur homo ad reliqua sacramenta recipienda, & si baptizatus non sit, characterem confirmationis aut ordinis non recipiet. Cum autem potestas sit proximum operandi principium, & character sit potestas, congruenter & accommodatè in potentia constituitur, ut ex utraque perfecta operatio prodire possit: & quia character pertinet ad cultum Dei, & is cultus est quædam fidei Christianæ professio, & fides est in intellectu, rectè character dicitur esse in intellectuua potentia, tãquam in subiecto. neque enim potest esse in potentia organica, cum sit spiritualis potestas: & intellectus partis superioris, duæ tantum sunt potentie intellectus & voluntas: quare cum non pertineat ad appetendum, sed ad exercendū cultum, protestantem fidem Christianam, meritò collocatur in intellectu, quod est fidei subiectum.

Artic. 3.

7 Hæc potestas characteris in intellectu existens, fundat relationem signi, à quo, qui characterem notantur, dicuntur: consignati

& ea ratione character definiri solet, signum sanctæ communionis fidei, & sanctæ ordinationis datum à hierarcha, ut in militia character imperatoris, cõsignat & deputat milites, ad propria munera: ut igitur gratia nos cõsignat ad beatitudinem, sic character ad munus aliquod religionis & diuini cultus. cum autem omnis huiusmodi cultus à sacerdotio Christi deriuetur, efficitur necessariò, character fideles participes fieri sacerdotij Christi, & eidem configurari: per characterem quidem baptismi & confirmationis, deputantur ad cultum Dei in profectione & defensione fidei, & redduntur idonei ad offerendum spirituales hostias, ut cõtriti cordis, & gratiarum actionis, iuxta illud 1. Pet. 2: quod dicitur de omnibus fidelibus, vos autem genus electum, regale sacerdotium, gens sancta, populus acquisitionis, ut virtutes annuntietis eius, qui de tenebris vos vocauit in admirabile lumen suum: per characterem autem ordinis configuramur Christo sacerdoti, ad cultum Dei publicum & ministerium, ut tandem per sacerdotium offeramus Deo verum & propitiatorium sacrificium pro populo. Rectè igitur, qui characterem sacramentorum, Christi characterem appellauerunt, non quia illi inest, qui nullo huiusmodi characterem indiguit, neque quod sit ab eo tantum ut causa principali & autore sacramentorum: sed quod Christo ut exemplari nos configurat, & conformes reddit, nos deputando ad cultum Christianum, qui à sacerdotio Christi omnino deriuatur. Vnde sicut Christus habet plenam spiritualis & Christiani sacerdotij potestatem, ita fideles per characterem sacramentorum, participant aliquam spirituales potestatem respectu sacramentorum, & eorumque ad diuinum cultum pertinent: ut potestas Christi sit plena & perfecta, characteris autem sit quædam illius participatio, & ideo in Christo habente plenitudinem sacerdotalis potestatis, character, cum sit illius participatio, esse non potest.

8 Ex his efficitur ratio ad concludendū, characterem esse indelebilem: sacerdotium enim Christi, cui characterem cõfiguramur, æternum est, sicut scriptum est, tu es sacerdos in æternum secundum ordinem Melchisedech, Psalm. 109. & Heb. 7. sed omnis sanctificatio & consecratio deriuatur à sacerdotio Christi, & characterem consecramur in Dei cultum: omnis ergo consecratio & cha-

Comment. in D. Tho. tert. part.

& character æterna sint oportet, vt manente re consecrata deleri non possit consecratio aut character. cum autem character sit in potentia intellectiua, quæ immortalis est & æterna, si ex se deleri non potest, vt ostensum est, omnino æterna erit, cum neque subiectum deleri possit. itaq; impressus character animæ, conseruatur & permanet ad omnem æternitatē, siue in corpore, siue extra corpus, siue in cælo, siue in inferno, vel ad gloriam, vel ad testimonium contemptus & ignominiam: neque ad eius acceptionem vel retentionem potest aliquis vllū ponere obicem, modo verum sacramentū suscipiatur, & suscipiens intendat sacramentum Ecclesie recipere. sicut etiam militaris character, ad epta victoria remanet in militibus, in his quidem qui vicerunt ad gloriā, & in victis ad pœnam.

9. Ex his colliguntur munera & effecta characteris. Primum enim est discrimen spirituale, quo ab infidelibus distinguamur, & Christo atque fidelibus confociemur in anima. Secundò, per characterē est in nobis legitima potestas accipiendi & conferendi sacramenta & quædam spiritualia, & idē pertinet character ad instrumentalem vim ministrorum. Tertiò, character hominem irreuocabiler diuino cultui dedicat, non omnino, vt monachos religionis certæ professio, sed determinatē ad quædā religionis officia. Ex primo munere dicitur à vetustis theologis character, sigillū & signaculū: ex altero, dicitur ius & potestas accipiendi & dādi sacramēta & sacra: ex tertio dicitur sanctitas sacramentalis, & hominis consecratio, non qua fit bonus, sed qua diuino cultui mācipatur. Ex hoc verò secūdo, orta est illa distinctio Theologorum in sacramentis imprimētib; characterem: vt sit sacramentū tantum, res & sacramentum, res tantum. sacramentum tantum, est signum externum sensibile gratiæ efficax: res & sacramentum, est effectum interius à signo externo, quod effectum præterea aliud significet: quale est character, quod significat adiunctam gratiam, nisi obicem in subiecto inueniat. itaq; cum dicitur sacramentum & res, illa additio, [& res] minuit rationem sacramenti, quod per se est signum sensibile, vt suo loco ostendimus, cum dicatur sacramentum, quod in anima latens, sensibus non patet, ex eo tantum, quod aliud significat. Res tantum, dicitur

effectus sacramenti, qui nihil amplius significat, vt gratia in baptismo; valet eadem distinctio in aliis sacramentis, vt suo loco ostendetur.

10. Cum autem ex primo effectū characteris constet, nos per eum in familiā Christi cooptari, & ouili eius contineri, & ipse character perpetuū animæ insit indelebilis, efficitur necessariò, vt ex manente in nobis characterē, perpetuū habeat Ecclesia catholica in omnes baptizatos ius, vt nullis peccatis contaminati, & ab Ecclesia separati, vt schismatici & hæreti & apostatæ, possint se ab Ecclesiæ legibus & pœnis in libertatem æthnicam vëdicare, & omnino eluere baptismum: vt conatum ferunt Iulianum apostatam, referente Nazianz. oratione prima in eum. Multo etiā minus qui in infantia baptizati sunt, possunt cum adoleuerint, pro arbitrio, aut retinere religionis Christianæ statum, in quem aliena opera inserti sunt, aut eundem, si ita velint & protestentur, penitus abdicare: vt definitum est in Concil. Trident. sess. 7. Can. 14. de bapt.

11. Hunc characterem, cuius naturam & munera explicauimus, tria sacramenta imprimunt, ad proprios effectus accommodatē, baptismus, confirmatio, ordo: quoniam licet omnia sacramenta sint medicamenta quædam peccatorum, quatenus gratiam cōferunt, qua sanctificati mūdāmur à peccatis, sint etiam quidam cultus Dei, quatenus illorum vsu, nostram indigentiam, & redemptoris beneficia ad nostrā salutem protestamur: tamen quædam præterea specialiter ad diuinum cultum sunt instituta, quoddam etiam ad delendum peccatum, vt pœnitentia, quæ hominem in pristinum statum diuinæ amicitie reuocat, & nihil amplius confert ad diuinum cultum directò & specialiter pertinens, vt ea sacramenta quæ imprimunt characterem. Cum autem ad hunc specialem cultum, pertineat aliqua actio, in qua præcipue is cultus positus est, deinde agens & recipiens, & ipsa actio cultus, præcipue sit in oblatione Eucharistiæ in qua Christus realiter continetur, & in eo plenitudo sacerdotij, ipsa Eucharistia non imprimit characterem, cum non referatur ad aliam actionem, finis exstēns & consummatio omnium ad cultum Dei pertinentium. in agentibus verò & patientibus necessarius est character, vt illi ad conse-

*Characteris
munera.*

*Sacramēta imprimētia
characterem.*

ad conferendum sacramenta sint idonei, & deputati, hi autem ad recipiendum & participandum, donec ipsa Eucharistia perficiantur.

12 Ad recipiendum igitur cætera sacramenta, character baptismi pertinet, & ideo vocatur baptismus, ianua sacramentorum & Ecclesiæ, & prima fidei & religionis Christianæ professio: & ipsius caractere ab infidelibus distinguimur, & vitam spirituale regeneratione baptismi exordimur. character verò confirmationis ad idē quodammodo pertinet, quatenus perductos spiritualiter ad virilem ætatem, munit & consignat ad pugnam cōtra visibiles fidei hostes, & à paruulis in fide distinguit: ut sicut baptizatus proficitur fidem susceptione aliorum sacramentorum, & contra invisibiles hostes religionis nostræ pugnat: sic cōfirmatus fidem publicè, contra visibiles & manifestos fidei hostes, proficitur. Pro caractere autem baptismi nos distinguente ab infidelibus, videtur fuisse in vet. lege externa nota circuncisionis, cū nullum sacramētum vet. legis characterem imprimere. Character deniq; ordinis, ministros ad conferendum aliis sacramenta, & ad cultum Dei specialem & publicum consecrat, & ab aliis fidelibus, qui in his ministris non numerantur, distinguit. Vnde in his tribus sacramentis baptismus, confirmatione, & ordine, Ecclesia catholica semper docuit imprimi characterem, non autem in aliis: ut quemadmodū in militia vnus exercitus distinguitur propria nota ab alio, & in eodem exercitu, equites à peditibus, & duces ab aliis militibus: sic etiam in religione Christiana tres essent characteres, qui proportionē eisdem responderent.

13 Ex his autem characteribus, ut effectus natura posterioribus cū perpetuō maneant, probant patres, tria illa sacramenta, baptismum, confirmationem & ordinem, in eodem suscipiente iterari non posse, cætera verò posse: quia non imprimant characterem: licet enim per ea aliquem effectum sacerdotij Christi recipiamus, non tamen consecramur ad agendū vel recipiendum aliquid, quod ad cultum sacerdotij Christi pertineat. Patrum de hac re testimonia pleriq; colligere vult, sed præcipuè Thom. Vvalden. de sacramētis c. 110. atque ita definitum est in concilio Florēt. sess. ult. in doctrina de sacramētis, & in Tri-

dent. sess. 7. can. 9. de sacramentis in genere: si quis dixerit in tribus sacramentis, baptismus, scilicet, confirmatione & ordine nō imprimi characterem in anima, hoc est signum quoddā spirituale & indelebile, vnde ea iterari non possunt, anathema sit.

QVÆSTIO LXIII.

De causa Sacramentorum, in decem articulos diuisa.

DEinde considerandum est de causis sacramentorum, siue per auctoritatem, siue per ministerium.

¶ Et circa hoc queruntur decem.

Primò, *utrum solus Deus interius operetur in sacramentis.*

Secundò, *utrum institutio sacramentorum sit solum à Deo.*

Tertiò, *de potestate, quam Christus habuit in sacramentis.*

Quartò, *utrum illam potestatem potuerit aliis communicare.*

Quintò, *utrum potestas ministerij in sacramentis, conueniat malis.*

Sextò, *utrum mali peccent dispensando sacramenta.*

Septimò, *utrum angeli possint esse ministri sacramentorum.*

Octauò, *utrum intentio ministri requiratur in sacramentis.*

Nonò, *utrum requiratur ibi recta fides, ita scilicet, quod infidelis non possit tradere sacramenta.*

Decimò, *utrum requiratur ibi recta intentio.*

ARTICVLVS I.

Utrum solus Deus operetur interius ad effectum sacramenti.

AD PRIMUM sic proceditur. Videtur, quod nō solus Deus, sed etiam minister interius operetur ad effectum sacramēti. Interior enim sacramenti effectus est, ut ho-

Infr. art. 5. Et
4. dist. 5. q. 2.
art. 2. q. 2.

D. Thom. tert. part.

mo purgetur à peccatis, & illuminetur per gratiã. Sed ad ministros Ecclesiæ pertinet purgare, illuminare & perficere, vt patet per Dionys.^{*} in 5. ca. Eccl. hierar. Ergo videtur, quod nō solus Deus, sed etiã ministri Ecclesiæ interiorius operentur ad sacramenti effectum.

¶ 2. Præterea, In collatione sacramentorum quædam orationum suffragia proponuntur. Sed orationes iustorum sunt magis apud Deū exaudibiles, quàm quorumcūque, secundum illud Ioan. 9. Si quis Dei cultor est, & volūtatem eius facit, hunc Deus exaudit. Ergo videtur, quod maiorem effectum sacramenti cōsequatur ille, qui recipit ipsum à bono ministro. Sic ergo & minister aliquid operatur ad interiorē effectum, & non solus Deus.

¶ 3. Præterea, Dignior est homo, quàm res inanimata. Sed res inanimata aliquid operatur ad interiorē effectum: nam aqua corpus tangit, & cor abluit, vt August.^{*} dicit super Ioan. Ergo homo aliquid operatur ad interiorē effectum sacramenti, & non solus Deus.

SED CONTRA est, quod dicitur Rom. 8. Deus est qui iustificat. Cū ergo interior effectus omnium sacramentorum sit iustificatio, videtur, quod solus Deus operetur interiorē effectum sacramenti.

RESPONDEO dicendum, quod operari aliquem effectum, contingit dupliciter, vno modo per modū principalis agentis, alio modo per modum instrumenti. Primo igitur modo solus Deus operatur interiorē effectū sacramenti: tum quia solus Deus illabatur anime, in qua sacramenti effectus existit, nō autē potest aliquid immediatē operari, vbi

non est. Tum quia gratia quæ est interior sacramenti effectus, est à solo Deo, vt in secunda parte dictum est.^{*} Character etiam, qui est interior quorūdam sacramentorū effectus, est virtus instrumentalis, quæ manat à principali agente, quod est Deus. Secundo autem modo homo potest operari ad interiorē effectum sacramenti, in quantum operatur per modum ministri, nam eadē ratio est ministri & instrumenti, vtriusque enim actio exterius adhibetur, sed sortitur effectum interiorē ex virtute principalis agentis, quod est Deus.

AD PRIMUM ergo dicendum, quod purgatio, secundū quod attribuitur ministris Ecclesiæ, non est à peccato. Sed dicuntur diaconi purgare in quantum, vel immundos eiciūt à cœtu fidelium, vel eos sacris admonitionibus disponūt ad sacramentorum receptionem. Similiter etiam sacerdotes illuminare dicuntur sacrū populum, non quidē gratiam infundendo, sed sacramenta gratiæ tradendo, vt patet per Dionys.^{*} ibidem.

AD SECUNDUM dicendum, quod orationes quæ dicuntur in sacramentorum collatione proponuntur Deo nō ex parte singularis personæ, sed ex parte totius Ecclesiæ, cuius preces sunt apud Deum exaudibiles, secundum illud Matth. 18. Si duo ex vobis consenserint super terram, de omni re quamcunque petierint, fiet illis à patre meo. Nihil tamen prohibet, quin deuotio viri iusti, ad hoc aliquid operetur. Illi tamē quod est sacramenti effectus non impetratur oratione Ecclesiæ, vel ministri, sed ex merito passionis Christi, cuius virtus operatur in sacramentis,

1. 2. q. 74. na
ar. 1.

6. 3. 1. par. per
solum.

Tract. 80. in
2a. p. 9.

* Loco citato
in arg. 1.

q. 62. ar. 5.

cramentis, vt dictū est. * Vnde effectus sacramenti non datur melior per meliorem ministrum. Aliquid tamen annexum impetrari potest recipienti sacramentum, per deuotionem ministri. Nec tamen minister illud operatur, sed impetrat operandum à Deo.

In cor. ap.

lib. 1.

AD TERTIVM dicendum, quod res inanimatę non operatur aliquid ad interiorem effectum, nisi instrumentaliter vt dictum est *. Et similiter homines non operantur ad sacramentorū interiorem effectum, nisi per modum ministerij, vt dictum est. *

ARTICVLVS II.

Vtrum sacramenta sint solum ex institutione diuina.

4. dist. 3. q. 1.
ar. 2. q. 2. cor.
et dist. 5. q. 1.
ar. 1.

AD SECUNDVM sic proceditur. Videtur, quod sacramenta non sint solum ex institutione diuina. Ea enim quę sunt diuinitus instituta, traduntur nobis in sacra scriptura. Sed quędam aguntur in sacramentis de quibus nulla fit mentio in sacra scriptura, puta, de chrismate, quo homines confirmantur, & oleo, quo sacerdotes inunguntur: & de multis aliis tam verbis, quā factis, quibus vtimur in sacramentis. Non ergo sacramenta sunt solum ex institutione diuina.

Lib. 21. ca. 6.
parum ante
med. to. 5.

¶ 2. Pręterea, Sacramēta sunt quędam signa. Res autem sensibiles naturaliter quędam significāt, nec potest dici quod Deus quibusdam significationibus delectetur, & non aliis, quia ipse omnia quę fecit approbat. Hoc autem proprium videtur esse dæmonum, vt quibusdam signis ad aliquid alliciantur, dicit enim August. * 21. de Ciuitate

Dei. Illiciuntur dæmones ad inhabitandum per creaturas, quas non ipsi, sed Deus cōdidit, delectabilibus pro sua diuersitate diuersis, nō vt animalia cibis, sed vt spiritus signis. Nō ergo videtur, quod sacramenta indigeant esse ex institutione diuina.

¶ 3. Pręterea, Apostoli vicem Dei gesserunt in terris: vnde Apostolus dicit 2. ad Corinth. 2. Nam & ego quod donavi, si quid donavi propter vos in persona Christi, id est, ac si ipse Christus donasset. Sic ergo videtur, quod Apostoli & eorum successores possint noua sacramenta instituere.

SED CONTRA est, quod ille instituit aliquid, qui dat ei robur & virtutem, sicut patet de institutoribus legum. Sed virtus sacramenti est à solo Deo, vt patet ex prædictis. Ergo solus Deus potest instituere sacramentum.

Art. præc. q. 62. art. 1. 5.

RESPONDEO dicendum, quod (sicut ex supradictis patet) sacramenta instrumentaliter operantur ad spirituales effectus. Instrumentum autem habet virtutem à principali agente. Agens autem respectu sacramenti est duplex, scilicet instituens sacramentum, & vtēs sacramēto instituto, applicando scilicet ipsum ad inducendum effectū. Virtus autē sacramenti non potest esse ab eo, qui vtitur sacramento, quia non operatur nisi per modum ministerij. Vnde relinquitur, quod virtus sacramēti sit ab eo, qui instituit sacramentum. Cum igitur virtus sacramenti sit à solo Deo, consequens est, quod solus Deus sit sacramētorum institutor.

art. præc.

AD PRIMUM ergo dicendum, quod illa, quę aguntur in sacramentis

D. Thom. tert. part.

tis per homines instituta, non sunt de necessitate sacramenti, sed ad quandam solennitatem, quæ adhibetur sacramentis, ad excitandam deuotionem & reuerentiam in his qui sacramenta suscipiunt. Ea verò quæ sunt de necessitate sacramenti, ab ipso Christo instituta sunt, qui est Deus & homo. Et licet nō sint omnia tradita in scripturis, habet tamē ea Ecclesia ex familiari Apostolorum traditione, sicut Apostolus dicit I. ad Cor. II. Cetera cum venero disponam.

A D SECUNDVM dicendū, quod res sensibiles aptitudinem quandā habent ad significādum spirituales effectus ex sui natura, sed ista aptitudo determinatur ad specialem significationem ex institutione diuina. Et hoc est quod Hug.* de sancto Vict. dicit, quod sacramētum ex institutione significat. Prælegit tamē Deus quasdam res aliis ad significationes sacramentales, non quia ad eas cōtrahatur eius effectus, sed vt sit conuenientior significatio.

A D TERTIVM dicendū, quod Apostoli & eorū successores, sunt vicarij Dei, quantum ad regimen Ecclesiæ constitutæ per fidem & fidei sacramenta. Vnde sicut non licet eis constituere aliam Ecclesiā, ita non licet eis tradere aliam fidē, neq; instituere alia sacramenta, sed per sacramenta, quæ de latere Christi pendunt in cruce fluxerūt, dicitur esse fabricata Ecclesia Christi.

ARTICVLVS III.

Verūm Christus, secundum quod homo, habuerit potestatem operandi interiorē effectum sacramentorum.

A D TERTIVM sic proceditur. Viderur, quod Christus,

secundū quod homo, habuerit potestatem operādi interiorē effectū sacramentorum. Dicit enim Ioā. Baptista, vt habetur Ioā. I. Qui me misit baptizare in aqua, ille mihi dixit: Super quem videris Spiritū descendentem & manentem super eum, hic est qui baptizat in Spiritu sancto. Sed baptizare in Spiritu sancto, est interius gratiam Spiritus sancti conferre, Spiritus sanctus autem descendit super Christum in quantum homo, non in quantum Deus, quia sic ipse dat Spiritum sanctum. Ergo videtur, quod Christus secundum quod homo, habuerit potestatem interiorē effectum sacramentorum causandi.

¶ 2. Præterea, Matth. 9. Dominus dicit. Sciatis quia Filius hominis habet potestatem in terra dimittendi peccata, Sed remissio peccatorū est interior effectus sacramenti. Ergo videtur, quod Christus, secundum quod homo, interiorē effectum sacramentorum operetur.

¶ 3. Præterea, Institutio sacramentorum pertinet ad eum, qui tāquam principale agens operatur ad interiorē sacramenti effectū. Manifestum est autem, quod Christus sacramenta instituit. Ergo ipse est qui interius operatur sacramentorum effectum.

¶ 4. Præterea, Nullus potest sine sacramento effectum sacramenti cōferre, nisi propria virtute sacramenti effectum operetur. Sed Christus sine sacramento contulit sacramenti effectum, vt patet in Magdalena, cui dixit: Dimittūtur tibi peccata. Ergo videtur, quod Christus secundum quod homo, operetur interiorē sacramenti effectum.

¶ 5. Præterea, Illud in cuius virtute

*lib. 1. de sacra.
part. 2. c. 2.*

*2. 2. q. 4. c. 10.
Et 4. di. 5. q. 1.
1. ar. 1. q. 2.
c. 2. q. 2.*

Quæst. LXIII.

tute sacramentū operetur, est principale agens ad interiorem effectum. Sed sacramenta habent virtutem ex passione Christi & inuocatione nominis eius, secundum illud 1. ad Corinth. 1. Nunquid Paulus pro vobis crucifixus est, aut in nomine Pauli baptizati estis? Ergo Christus in quantum homo, operatur interiorem effectum sacramenti.

Habetur 1. q. 1. c. n. ubi secundum lazarum: a me. illius simile habet Aug. li. 3. contra Donat. ca. 10. a med. tom. 7.

SED CONTRA est, quod Aug. * dicit, quod in sacramentis diuina virtus secerius operatur salutem. Diuina autem virtus est Christi, secundum quod est Deus, non autem secundum quod est homo. Ergo Christus non operatur interiorem sacramenti effectum, secundum quod est homo, sed secundum quod est Deus.

q. 48. & 49.

RESPONDEO dicendū, quod interiorem sacramentorum effectum operatur Christus, & secundum quod est Deus, & secundum quod est homo, aliter tamen & aliter. Nam secundum quod est Deus, operatur in sacramentis per auctoritatem; secundum autem quod est homo, operatur ad interiores effectus sacramentorum meritorie & efficienter, sed instrumentaliter. Dicitur enim * quod passio Christi, quæ competit ei secundum humanam naturam causa est nostræ iustificationis, & meritorie & effectiue, non quidem per modum principalis agentis, siue per auctoritatem, sed per modum instrumenti, in quantum humanitas est instrumentum diuinitatis eius, ut supra dictum est. * Sed tamen quia est instrumentum coniunctum diuinitati in persona, habet quandam principalitatem & causalitatem respectu instru-

q. 23. artic. 2. & 3.

Artic. IIII. 41

mētorum extrinsecorum; qui sunt ministri Ecclesiæ, ut ex supradictis patet. † Et ideo sicut Christus in quantum Deus, habet potestatem auctoritatis in sacramentis, ita in quantum homo, habet potestatem ministerij principalis, siue potestatem excellentiæ. Quæ quidem consistit in quatuor. Primo quidem in hoc quod meritum & virtus passionis eius operatur in sacramentis, ut supra dictum est. † Et quia virtus passionis copulatur nobis per fidem (secundum illud Rom. 3. Quem proposuit Deus propitiatorem per fidem in sanguine ipsius) quam fidem per inuocationem nominis Christi protestamur, ideo secundum ad potestatem excellentiæ, quam Christus habet in sacramentis, pertinet quod in eius nomine sacramenta sanctificantur. Et quia ex eius institutione sacramenta virtutem obtinent; inde est quod tertio ad excellentiam potestatis Christi pertinet, quod ipse qui dedit virtutem sacramentis, potuit instituire sacramenta. Et quia causa non dependet ab effectu, sed potius est conuerso, ideo quarto ad excellentiam potestatis Christi pertinet, quod ipse potuit effectum sacramentorum sine exteriori sacramento conferre.

art. 1. huius q.

q. 62. ar. 3.

Et per hoc patet responsio A. ad OBIECTA, vtraque enim pars objectionum, secundum aliquid vera est, ut dictum est. †

In cor. ar. 2.

ARTICVLVS IIII.

Vtrum Christus potestatem suam, quam habuit in sacramentis, potuerit ministris communicare.

AD QVARTVM sic proceditur. Videtur, quod Christus potestatem

4. dist. 5. q. 1. ar. 2. & ar. 3. q. 1. & 2.

D. Thom. tert. part.

potestatem suam, quam habuit in sacramentis, non potuerit ministris communicare. Vt enim argumentatur August. * contra Max. Si potuit & non voluit, inuidus fuit. Sed inuidia longè fuit à Christo, in quo fuit summa plenitudo charitatis. Ergo cum Christus non communicauerit suam potestatem ministris, videtur, quod non potuerit communicare.

¶ 2. Præterea, Super illud Ioā.

14. Maiora horū faciet, dicit Aug. † Prorsus maius hoc esse dixerim, scilicet, vt ex impio iustus fiat, quā creare cælum & terram. Sed Christus non potuit communicare discipulis, quod crearent cælum & terram. Ergo neque quod iustificarent impium. Cum igitur iustificatio impij fiat per potestatem Christi, quam habet in sacramentis, videtur, quod potestatem suam, quam in sacramētis habuit, non potuerit ministris communicare.

¶ 3. Præterea, Christo, in quantum est caput Ecclesiæ competit, vt ab ipso gratia deriuetur ad alios, secundum illud Ioan. 1. De plenitudine eius nos omnes accepimus. Sed hoc non fuit aliis communicabile, quia sic Ecclesia esset monstrofa, multa capita habens. Ergo videtur, quod Christus potestatem suam nō potuerit ministris cōmunicare.

Sed contra est, quod super illud Ioan. 1. Ego nesciebam eum, dicit August. * quod nō nouerat potestatem baptismi, ipsum Dominū habiturum, & sibi retenturum. Hoc autem non ignorasset Ioannes, si talis potestas communicabilis non esset. Potuit ergo suam potestatem Christus ministris communicare.

RESPONDEO dicendum, quod

sicut dictum est. † Christus in sacramento habuit duplicem potestatem. Vnam autoritatis, quæ competit ei secundum quod Deus & talis potestas nulli creaturæ potuit communicari, sicut nec diuina essentia. Aliam potestatem habuit excellentiæ, quæ competit ei secundū quod homo. Et talem potestatem potuit ministris communicare, dando scilicet eis tantam gratiæ plenitudinem, vt eorum meritum operaretur ad sacramentorum effectus, vt ad inuocationem nominum ipsorū, sanctificarentur sacramenta, & vt ipsi possent sacramenta instituire, & sine ritu sacramentorum effectū sacramentorum conferre solo imperio. Potest enim instrumentum coniunctum quanto fuerit fortius, tanto magis virtutem suam instrumento separato tribuere, sicut manus baculo.

AD PRIMUM ergo dicendum, quod Christus non ex inuidia prætermisit potestatem excellentiæ Ecclesiæ ministris communicare, sed propter fidelium utilitatem, ne in homine spem ponerent, & ne essent diuersa sacramenta. Ex quibus diuisio in Ecclesia oriretur: sicut apud illos, qui dicebant, Ego sum Pauli, ego autem Apollo, ego verò Cepha, vt dicitur 1. ad Corinth. 1.

AD SECUNDUM dicendum, quod obiectio illa procedit de potestate autoritatis, quæ conuenit Christo secundum quod est Deus, licet & potestas excellentiæ possit autoritas nominari, per comparisonem ad alios ministros. Vnde super illud 1. ad Corinth. 1. Diuisus est Christus, dicit glos. † quod potuit eis dare autoritatem baptismi, quibus contulit ministerium.

AD

* li. 3. cō. Max.
ni. ca. 7. ad fi.
Rom. 6.

Tract. 71. in
Ioan. 1. 14. me.
no. 9.

Tract. 5. in
Euang. Ioan.
non multū an-
te me. Rom. 9.

Glos. ord. ibid.

AD TERTIVM dicendū, quod ad hoc inconueniens euitandum, ne scilicet multa capita in Ecclesia essent. Christus noluit potestatem suæ excellentiæ ministris communicare. Si tamen communicasset, ipse esset caput principaliter, alij verò secundariò.

ARTICVLVS V.

Vtrum per malos ministros sacramenta conferri possint.

*Infr. art. 9. co.
Et 4. d. 5. q. 2.
ar. 2. & d. 7.
q. 3. ar. 1. q. 1.
2. & d. 24. q.
3. artic. 3. q. 5.
ad 3. Et 4. co.
tra. ca. 76.*

AD QVINTVM sic proceditur. Videtur, quod per malos ministros sacramenta conferri non possint. Sacramenta enim nouæ legis, ordinantur ad emundationem culpæ, & collationem gratiæ. Sed mali, cū sint immundi, non possunt alios à peccato mundare (secūdum illud Eccles. 34. Ab immundo qui mundabitur?) & etiam cum gratiā non habeant, non videtur, quod gratiam conferre possint, quia nullus dat quod non habet. Non ergo videtur, quod per malos sacramenta cōferri possint.

¶ 2. Præterea, Tota virtus sacramentorum deriuatur à Christo, vt dictum est.† Sed mali sunt præci si à Christo, quia non habent charitatem, per quam membra capiti vniuntur, secundum illud 1. Ioan. 4. Qui manet in charitate, in Deo manet, & Deus in eo. Ergo videtur, quod per malos sacramenta conferri non possint.

¶ 3. Præterea, Si desit aliquid horum, quod debitum est esse in sacramentis, non perficitur sacramentum, sicut si desit debita forma, vel debita materia. Sed debitus minister sacramenti est ille, qui caret macula peccati, secundum illud Le-

uit. 21. Homo de semine tuo per familias, qui habuerit maculam, non offeret panes Deo suo, nec accedet ad ministerium eius. Ergo videtur, quod si minister sit malus, nihil efficiatur in sacramento.

SED CONTRA est, quod Aug. * dicit super illud Ioā. 1. Super quē videris Spiritum, &c. Quid in Christo non nouerat Ioannes? potestatem baptismi, ipsum Dominum habiturum & sibi retenturum, sed ministerium planè trāsiturum in bonos & malos, quid tibi facit malus minister, vbi bonus est dominus?

RESPONDEO dicendum, quod sicut dictum est † ministri Ecclesiæ instrumentāliter operantur in sacramentis, eo quod quodammodo eadem ratio est ministri & instrumenti. Sicut autem supra dictum est, † instrumentum non agit secūdum propriam formam, aut virtutē, sed secundum virtutem eius, à quo mouetur. Et ideo accidit instrumento in quantum est instrumentum, qualemcunq; formam, vel virtutem habear, præter id quod exigitur ad rationem instrumenti, sicut quod corpus medici (quod est instrumentum animæ habentis artem) sit sanū vel infirmum, & sicut quod fistula per quam transit aqua, sit argentea, vel plumbea. Vnde ministri Ecclesiæ possunt sacramenta cōferre, etiam si sint mali.

AD PRIMVM ergo dicendum, quod ministri Ecclesiæ neq; à peccatis mundant homines ad sacramenta accedentes, neque gratiam conferunt sua virtute: sed hoc facit Christus sua potestate per eos, sicut per quædam instrumenta. Et ideo effectus consequitur, in suscipientibus sacramenta, non secundū

*Trac. 5. in Ioā.
circa med. co. 9*

*ar. 1. & 3. huius
q.*

*q. 62. artic. 2.
& 3.*

ar. 3. huius q.

D. Thom. tert. part.

similitudinē ministrorū, sed secundum configurationem ad Christū.

AD SECUNDUM dicendum, quod per charitatem mēbra Christi vniuntur suo capiti, vt ab eo vitā recipiant: quia vt dicitur 1. Ioan. 3. Qui non diligit, manet in morte. Potest autem aliquis operari per instrumentum carens vita, & à se separatum, quantū ad corporis vniōnem, dummodo sit coniunctum per quandā motionem, aliter enim operatur artifex per manum, & aliter per securim. Sic igitur Christus operatur in sacramentis & per bonos, tanquam per membra viuētia, & per malos, tanquam per instrumenta carentia vita.

AD TERTIUM dicendū, quod aliquid est debitū esse in sacramento dupliciter. Vno modo sicut existēs de necessitate sacramēti, quod quidā si desit, non perficitur sacramētum, sicut si desit debita forma, vel debita materia. Alio modo est aliquid debitū esse in sacramēto secundum quandā decentiam, & hoc modo debitū est, vt ministri sacramentorum sint boni.

ARTICVLVS VI.

Verūm mali ministrantes sacramenta, peccent.

AD SEXTUM sic proceditur. Videtur, quod mali ministrantes sacramenta, non peccent. Sicut enim ministratur Deo in sacramētis, ita per opera charitatis, vnde dicitur Hebr. vii. beneficentiæ & cōmunionis nolite obliuisci, talibus enim hostiis promeretur Deus. Sed mali non peccant si ministrent Deo in operibus charitatis, quoniam hoc est eis consulendum, secundum

illud Daniel. 4. Consiliū meū tibi placeat, peccata tua eleemosynis redime. Ergo videtur, quod mali non peccent sacramenta ministrando.

¶ 2. Præterea, Quicumque cōmunicat alicui in peccato, etiā ipse est reus peccati, secundum illud Rom. 1. Digni sunt morte, non solum qui peccata faciunt, sed etiam qui consentiunt facientibus. Sed si mali ministri peccent, sacramenta ministrando, illi qui ab eis sacramenta recipiunt, eis in peccato cōmunicant. Ergo etiam ipsi peccarent, quod videtur inconueniens.

¶ 3. Præterea, Nullus videtur esse perplexus, quia sic homo cogeretur desperare, quasi non potens peccatum euadere. Sed si mali peccarent, sacramenta tradēdo, essent perplexi, quia etiam quandoq; peccarent, si sacramenta non traderēt, puta, cum eis ex officio incumbit necessitas (dicitur enim 1. Cor. 9. Væ mihi, si non euangelizauero, necessitas enim mihi incumbit) quandoq; etiam propter periculum, sicut si puer in periculo mortis existens, offeratur alicui peccatori baptizandus. Ergo videtur, quod mali nō peccent, sacramēta ministrādo.

SED CONTRA est, quod Dion. dicit 1. c. Eccles. Hierar. t. quod malis nō est fas nec tangere symbola, id est sacramēta lia signa. Et in epist. ad Demophilum * dicit, Talis, scilicet peccator, audax videtur, sacerdotalibus manum apponens, & nō timet neque verecundatur, diuina præter diuinitatē exequens, & Deū putans ignorare, quē ipse in semetipso cognouit, & decipere existimat falso nomine Patrem ab ipso appellatum, & audeat immundas infamias

c. i. eccl. hier. declinando ad fin.

** Est epist. 82. q. Incipit Hecorū tradit hist. parum ante med.*

4. dist. 5. q. 2.
ar. 2. q. 4. co.
di. 19 q. 2.
ar. 2. co. Et d.
24. q. 1. art. 2.
q. 1. & art. 3.
q. 1. & 5.

infamias (non dicam orationes) super diuina signa Christi formiter enuntiare.

RESPONDEO dicendum, quod aliquis in agendo peccat ex hoc quod operatur non secundum quod oportet, ut patet per philosophum in li. 2. Eth.† Dicitur* est autem conueniens esse, ut sacramentorum ministri sint iusti, quia ministri debent Dño conformari, secundum illud Leuit. 19. Sancti eritis, quoniam ego sanctus sum, & Ecclesiastici 10. Secundum iudicem populi, sic & ministri eius. Et ideo non est dubium, quin mali exhibentes se ministros Dei & Ecclesie in dispensatione sacramentorum, peccent. Et quia hoc peccatum pertinet ad irreuerentiam Dei, & contaminationem sacramentorum, quantum est ex parte ipsius peccatoris (licet sacramenta secundum seipsa incontaminabilia sint) consequens est, quod tale peccatum ex genere suo sit mortale.

AD PRIMVM ergo dicendum, quod opera charitatis non sunt aliqua consecratione sanctificata, sed ipsa pertinent ad iustitiam sanctitatem, sic ut quedam iustitiae partes, & ideo homo qui se exhibet Deo ministrum in operibus charitatis, si sit iustus, amplius sanctificatur, si vero sit peccator, per hoc ad sanctitatem disponitur. Sed sacramenta in seipsis sanctificationem quandam habent per mysticam consecrationem. & ideo præexigitur in ministro sanctitas iustitiae, ut congruat suo ministerio. Et ideo incongrue agit & peccat si in peccato existens ad tale ministerium accedat.

AD SECVNDVM dicendum, quod ille qui ad sacramenta accedit, suscipit sacramenta à ministro

Ecclesie, non in quantum est talis persona, sed in quantum est minister Ecclesie. Et ideo quoad ab Ecclesia toleratur in ministerio, ille qui ab eo suscipit sacramentum, non communicat peccato eius, sed communicat Ecclesie, quae eum tanquam ministrum exhibet. Si vero ab Ecclesia non toleratur (puta, cum degradatur, vel excommunicatur, vel suspenditur) peccat qui ab eo accipit sacramentum, quia communicat peccato ipsius.

AD TERTIVM dicendum, quod ille qui est in peccato mortali, non est perplexus simpliciter, si ex officio ei incumbat sacramenta dispensare, quia potest poenitere de peccato, & licite ministrare. Non est autem inconueniens, quod sit perplexus supposito quodam, scilicet, quod velit remanere in peccato. In articulo tamen necessitatis non peccaret baptizando, in casu in quo etiam posset laicus baptizare, sic enim patet, quod non exhiberet se ministrum Ecclesie, sed subueniret necessitatem patienti. Secus est autem in aliis sacramentis, quae non sunt tantae necessitatis, sicut baptismus, ut infra patebit.*

ARTICVLVS VII.

Utrum angeli possint sacramenta ministrare.

AD SEPTIMVM sic proceditur. Videtur, quod angeli possint sacramenta ministrare. Quicquid enim potest minister inferior, potest & superior, sicut quicquid potest diaconus, potest sacerdos, sed non conuertitur. Sed angeli sunt superiores ministri in ordine hierarchico, quam etiam quicunque homines, ut patet per Dion. in lib. Caele. hier. Ergo cum homines possint ministrare

Ex lib. 2. ethi.
c. 3. & 6. habet
ri potest. Et li.
3. c. 7. to. 5.
*ar. pra. ad 3.

q. 67. artic. 3.
et 4.

4. dist. 5. q. 2.
art. 3.

ca. 9. Cal. hier.
parum ante
med.

D. Thom. tert. part.

nistrare in sacramentis, videtur, quod multo magis angeli.

¶ 2. Præterea, Homines sancti assimilantur angelis in cælo, ut dicitur Matth. 22. Sed aliqui sancti in cælo existentes possent ministrare in sacramentis, quia character sacramentalis est indelebilis, ut dictum est.† Ergo videtur, quod etiam angeli possint in sacramentis ministrare.

¶ 3. Præterea, Sicut supra dictum est, * diabolus est caput malorum, & mali sunt membra eius. Sed per malos possunt ministrari sacramenta. Ergo videtur, quod etiam per demones.

SED CONTRA est quod dicitur Heb. 5. Omnis pontifex ex hominibus assumptus, pro hominibus constituitur in his, quæ sunt ad Deum. Sed angeli boni vel mali, non sunt ex hominibus. Ergo ipsi non constituuntur ministri in his quæ sunt ad Deum, id est, in sacramentis.

RESPONDEO dicendum, quod (sicut supra dictum est *) tota virtus sacramentorum à passione Christi derivatur, quæ est Christi, secundum quod est homo, cui in natura conformantur homines, non autem angeli, sed potius secundum passionem dicitur modico ab angelis minoratus, ut patet Heb. 2. Et ideo ad homines pertinet dispensare sacramenta, & in eis ministrare, non autem ad angelos. Sciendum tamen, quod sicut Deus virtutem suam non alligavit sacramentis, quin possit sine sacramentis effectum sacramentorum conferre, ita etiam virtutem suam non alligavit Ecclesiæ ministris, quin etiam angelis possit virtutem tribuere ministrandi in sacramentis. Et quia boni angeli sunt nuntij veritatis, si aliquod sacramenta-

le ministerium à bonis angelis perficeretur, esset ratum habendum, quia deberet constare hoc fieri voluntate diuina, sicut quædam templa dicuntur angelico ministerio consecrata. Si verò demones, qui sunt spiritus mendacij, aliquod sacramentale ministerium exhiberent, non esset ratum habendum.

AD PRIMUM ergo dicendum, quod illud quod faciunt homines inferiori modo, scilicet, per sensibilia sacramenta, quæ sunt proportionata naturæ ipsorum, faciunt angeli tanquam superiores ministri superiori modo, scilicet, inuisibiliter purgando, illuminando, & perficiendo.

AD SECUNDUM dicendum, quod sancti, qui sunt in cælo, sunt similes angelis quantum ad participationem gloriæ, non autem quantum ad conditionem naturæ, & per consequens neque quantum ad sacramenta.

AD TERTIUM dicendum, quod mali homines non habent, quod possint ministrare in sacramentis ex hoc, quod per malitiam sunt membra diaboli. Et ideo non sequitur quod diabolus, qui est eorum caput, magis hoc possit.

ARTICVLVS VIII.

Utrum intentio ministri requiratur ad perfectionem sacramenti.

AD OCTAVUM sic proceditur. Videtur, quod intentio ministri, non requiratur ad perfectionem sacramenti. Minister enim in sacramento instrumentaliter operatur. Sed actio non perficitur secundum intentionem instrumenti, sed secundum intentionem principalis agentis. Ergo intentio ministri non requiritur ad perfectionem sacramenti.

¶ 2. Præterea, Non potest homini esse nota intentio alterius. Si igitur

Sup. q. 60. ar.
8. cor. Et 4. d.
6. q. 1. arti. 2.
q. 1. & dist. 7.
q. 1. ar. 1. q. 1.
ad 3. & d. 8.
q. 2. ar. 4. q. 3.
ad 1. & d. 30.
q. 1. artic. 3 ad
3. q. 65. art. 3.
¶ 4.

q. 74. ar. 5.

q. 8. artic. 7.

q. 74. ar. 3.

tur intentio ministri requiratur ad perfectionē sacramēti, non posset homini ad sacramētum accedenti esse notū, quod sacramentū suscepisset. Et ita nō posset habere certitudinē salutis, præcipuē cum quædam sacramenta sint de necessitate salutis, vt infra dicitur. †

q. 65. artic. 3.
6. 4.

¶ 3. Præterea, Intentio hominis nō potest esse ad id, circa quod non est attētus. Sed aliquādo illi qui in sacramētis ministrant, nō attendūt ad ea quæ dicūt, vel faciunt, alia cogitantes. Ergo secundum hoc non perficeretur sacramētum, propter intentionis defectum.

SED CONTRA est, quod ea quæ sunt præter intentionē, sunt casualia. Quod non est dicendum de operatione sacramentorū. Ergo sacramēta requirūt intentionē ministri.

RESPONDEO dicendum, quod quando aliquid se habet ad multa, oportet quod per aliquid determinetur ad vnum, si illud effici debeat. Ea verò quæ in sacramētis aguntur, possunt diuersimodè agi, sicut ablutio aquæ, quæ fit in baptismo, potest ordinari & ad munditiā corporalē, & ad sanitatē corporalem, & ad ludū, & ad multa alia huiusmodi. Et ideo oportet, quod determinetur ad vnū, idest ad sacramentalē effectū per intentionem abluentis. Et hæc intentio exprimitur per verba, quæ in sacramentis dicuntur, puta, cum dicit: Ego te baptizo in nomine Patris, &c.

AD PRIMUM ergo dicendum, quod instrumentū inanimatum nō habet aliquā intentionem respectu effectus, sed loco intētionis est motus, quo mouetur à principali agente. Sed instrumentū animatū (sicut est minister) non solū mouetur, sed

etiam quodāmodo mouet seipsum, inquantū sua voluntate mouet mēbra ad operandū. Et ideo requiritur eius intētio, qua se subiiciat principali agēti, vt scilicet intēdat facere quod facit Christus & Ecclesia.

AD SECUNDUM dicendū, quod circa hoc est duplex opinio. Quidā enim dicunt, quod requiritur mentalis intentio in ministro, quæ si deficit, nō perficitur sacramentum, sed hunc defectū in pueris (qui non habent intentionē accedēdi ad sacramentū) supplet Christus, qui interiorius baptizat, in adultis autē, qui intendunt sacramentū suscipere, supplet illū defectum fides & deuotio. Sed hoc satis posset dici quantū ad vltimum effectū, qui est iustificatio à peccatis, sed quantū ad effectum, qui est res & sacramentū, scilicet, quantū ad charactērē, non videtur, quod per deuotionē accedētis possit suppleri: quia character nunquā imprimitur nisi per sacramentū. Et ideo alij melius dicunt, quod minister sacramenti agit in persona totius Ecclesię, cuius est minister. In verbis autē quæ profert, exprimitur intētio Ecclesię, quæ sufficit ad perfectionē sacramenti, nisi contrariū exterius exprimat ex parte ministri, vel recipientis sacramentum.

AD TERTIUM dicendū, quod licet ille, qui aliud cogitat, non habeat actuale intentionem, habet tamen intentionē habitualem, quæ sufficit ad perfectionē sacramenti, puta, cum sacerdos accedēs ad baptizandum, intēdit facere circa baptizandū quod facit Ecclesia. Vnde si postea in ipso exercitio actus, cogitatio eius ad alia rapiatur, ex virtute primæ intentionis, perficitur sacramentū. Quāuis studiosè curare

D. Thom. tert. part.

sacramentum, puta, si aliquis aliquem baptizaret, ut postmodum eum occideret.

¶ 3. Præterea, Peruersa intentio facit totum opus vitiosum, secundum illud Luc. 12. Si oculus tuus fuerit nequam, totum corpus tuum tenebrosus erit. Sed sacramenta Christi non possunt inquinari per malos homines, sicut Aug. dicit contra Petilianum. * Ergo videtur, quod si sit peruersa intentio ministri, non sit ibi verum sacramentum.

SED CONTRA est, quod peruersa intentio pertinet ad malitiam ministri, sed malitia ministri non tollit sacramentum. Ergo nec peruersa intentio.

RESPONDEO dicendum, quod intentio ministri potest perverti dupliciter. Vno modo respectu ipsius sacramenti, puta, cum aliquis non intendit sacramentum conferre, sed de risorie aliquid agere. Et talis peruersitas tollit veritatem sacramenti, præcipue quando intentionem suam exterius manifestat. Alio modo potest perverti intentio ministri, quantum ad id, quod sequitur sacramentum, puta, si sacerdos intendat aliquam feminam baptizare, ut abutatur ea, vel si intendat conficere corpus Christi, ut eo ad beneficia utatur. Et quia prius non dependet à posteriori, inde est quod talis intentionis peruersitas veritatem Sacramenti non tollit, sed ipse minister ex tali intentione grauiter peccat.

AD PRIMUM ergo dicendum, quod Ecclesie intentio recta est, & quantum ad sacramenti perfectionem, & quantum ad sacramenti usum, sed prima rectitudo perficit sacramentum, secunda operatur ad meritum. Et ideo minister qui conformatur

intentionem suam Ecclesie, quantum ad primam rectitudinem, non autem quantum ad secundam, perficit quidem sacramentum, sed non est sibi ad meritum.

AD SECUNDUM dicendum, quod intentio ludicra, vel iocosa excludit primam rectitudinem intentionis, per quam perficitur sacramentum, & ideo non est similis ratio.

AD TERTIUM dicendum, quod peruersa intentio pervertit opus intendentis, non autem opus alterius. Et ideo ex peruersa intentione ministri, pervertitur quod id agit in sacramentis, in quantum est opus eius, non in quantum est opus Christi, cuius est minister. Et est simile, si minister alicuius hominis, praua intentione deferret pauperibus elemosynam, quam Dominus recta intentione mandaret.

Sententie & conclus. quæst.

Prima conclusio. ¹ Solus Deus ex se, ut autor, sacramenta instituere potest: ² Christus vero, ut homo, habet in illa potestatem excellentiam. ex art. 1. 2. 3. & 4.

Ratio primi: quia solus Deus virtutem sanctificandi, cuius instrumenta sunt sacramenta, potest instituere.

Ratio secundi: quia Christus humanitate, ut instrumento diuinæ personæ verbi hypostaticè coniuncto, non solum salutem perfecit meritorie & effectiue: & ut ceteris instrumentis ex ea coniunctione excellit: sic etiam ut homo habet potestatem excellentiam: quam licet potuerit ministris à se institutis communicare: non tamen communicauit.

Secunda conclusio. ¹ Instrumenta vim habent eadem ministri, siue mali, siue boni sint: ² essentialia sacramentorum perficientes, cum recta Ecclesie intentione.

Ratio

* Id tract. li. 1.
contra Petil per
8. vel 9. c. &
li. 3. cōt. Cres.
c. 5. 6. 7. to. 7.

Ratio primi: quia sacramentis ne cessariò adiungitur minister homo ad homines: quare non angelus.

Ratio secundi: quia vt minister agit, ex virtute principalis agentis: sic etià ex virtute illius participata non propriè bonitatis, aut fidei, sa- cramentū administrat. virtus autē illius intentionem illi congruentē, quæ est Ecclesiæ requirit, vt idē sit effectus principalis agentis & mi- nistri. malitia quidem peccatorem constituit, quia potestate sibi tradi- ta ad sanctē ministrādum abutitur, sed efficientiam sacramenti immi- nuere non potest.

De prima cōclusionē disputatū est supra q. 61. de secunda Verò nunc disputabitur.

COMMENTARIUS.

*De ministro sa-
cramentorū no-
ua legis gene-
raliter.*

AD perfectionem huius doctrine ge- neralis de sacramētis, sup̄est disce- rendum de ministro: cum enim sacramen- ta in coniunctione materiæ & formæ per- ficiantur, & rebus inanimis cōstent, nō pos- sunt nostris v̄sibus accōmodari, nisi per ex- ternos ministros & visibiles. Voluit autem Christus sacramentorū autor, ministros sui cultus & sacramentorū homines esse non angelos, quod effecta sacramētorum à re- dēptione ipsius deriuata, ad homines perti- neant non ad angelos. sic ad Heb. 5. ex ho- minibus assumitur pontifex: & in Ecclesia visibili, quamuis inuisibiliter & spiritualiter sanctificata, ministros esse oportet visibi- les, & Christo primo pontifici, vt homines homini congruētes & accōmodati. in quo est maxima humanę naturę dignitas & pre- rogatiua, quod homo homini in omni offi- cio religionis & sacramentorū sub Christo subseruit. sed quāuis hoc sit ordinariē pote- stas & legis, dubiū tamen nō est posse ali- quando Deū, angelorum ministerio, sacra- menta administrare, sicuti dicitur templa quēdā consecrassē: & hæc sacramenta à bo- nis angelis administratā, rata habēda essent, non autē à malis, quod illi veritatis & veri cultus Dei nuntij sint, hi autē omnem veri- tatem & cultum Dei peruertant.

*Aug. in pra-
fas li. de doct.
christi.*

2. Homo igitur ordinarius est sacramen- torū minister, nō angelus, & eū ministrum diuersum esse à fuscipiēte, vt nullus sibi ipsi sacramentum administrare possit, excepta Eucharistia & matrimonio, institutū est à Christo, & v̄su Ecclesię catholicę semper retētum. Primò quidē, vt in rebus sacris ad animę medicinā, & cultum Dei pertinenti- bus, & ex cōsequenti in peccatorū suorum iudicio, remediōrū v̄su & applicatione, fi- delis alieno potius quā suo arbitrio nitatur. Secūddò, quia hoc pertinet ad decorē & or- dinē Ecclesię, ne promiscuē pro cuiusq; vo- luntate sacramēta administrantur, & ne id quisquā faciat sinē vocatione, & sinē exter- na & visibili consecratione, sine quā nulla eruditio, nulla in huiusmodi rebus tractan- dis dexteritas, aut prudētia, nulla sanctitas valere debet. Christus enim vitæ nostræ exemplum, vt ad hoc concludendū inquit Paulus Heb. 5. non clarificauit semetipsum vt fieret Pōtifex, quāto minus ministri, nisi vocati tanquā Aaron. De ministris autem Christi expressa sunt illa. 2. Cor. 3. qui ido- neos nōs fecit ministros noui testamēti, & 1. Cor. 4. sic nōs existimet homo vt mini- stros Dei, &c. vnde cōstat ministrū nō esse sacramenti legitimū, qui caractere conse- crationis nō instituitur. Sed quia ab hac le- ge ministrū sacramenti distinguēte ab ipso fuscipiēte, excepimus duo sacramēta matri- monium & Eucharistiam, obseruandū est, ministrū sacramenti quendā esse legitimū, ordinariū & ex officio, quendam autē ali- quando esse posse ex necessitate, vel volū- tate, sed in administratione tantū baptis- mi, qui à quouis mortaliū, vel propter ex- treinam necessitatē piē, vel citra necessita- tē voluntariē licet illicite ministrari potest, & vtroq; modo est integrum sacramentū, nec vllō modo in substantialibus postea corrigendum.

3. Nūc agimus de ministro ordinario, le- gitimo & ex officio, in quo asserimus ne- cessariā esse vocationem & consecrationē, vt possit omnia sacramenta alteri admini- strare: & sine huiusmodi ministro, nunquā quinq; sacramēta, exceptis matrimonio & baptismo, sacramēti rationē habuerūt aut habere possunt: de baptismo quidē cōstat, sacramentū esse, etiā si à non consecrato & deputato ministro cōficiatur, vt cōtingit in extrema necessitate piē à quocunq; admini- strari, & voluntariē posse administrari licet

*Ministrum sa-
cramentū esse di-
uersum à fuscipi-
ente.*

*Tridē. sess. 7.
c. 10. Si quis dī-
xerit omnes
Christianos in
sacramentis ad
ministrandis
habere potesta-
tem, ita ut tan-
tū opus sit vo-
catione, vel ele-
ctione, anathe-
ma sit.*

Comment.in D. Th. tert. part.

licet illicitè à ministro non consecrato, vt ostendetur in doctrina de baptismo, quòd sit sacramentum simpliciter necessariū paruulis ad salutem, & adultis voto aut re ipsa, si adsit qui possit ministrare in recepta forma Ecclesiæ catholicæ: itaq; ordinaria potestas ministri, ex caractere cōsecrationis oritur, cū character sit huiusmodi potestas, vt paulò ante diximus: extraordinaria, verò oritur ex necessitate. Olim etiā ante Concilium Tridentinum, sine ministro sacramentum matrimonij à contrahentibus administrari poterat, sola consensus expressione sensibili, sed à concilio Tridentino definitum est sess. 24. c. 1. decreti de reformatione matrimonij, neminem contrahere posse matrimoniū, nisi præsente paroco, vel alio sacerdote, de ipsius parochi, vel ordinarij licentia. sed hoc decretum non instituit nouum ministrum sacramenti huius, vt sacramentum est, sed vt contractus, quē pro utilitate fidelium, in his quæ ad matrimonij sacramentū recipiendum, videntur magis conducere, Ecclesia moderari & mutare potest: ipsum verò sacramentū in essentialibus & ministro ad necessitatem sacramenti pertinente, solus Christus instituere potest, quia hoc pertinet ad potestatem excellentiæ, de qua suprà diximus.

4. Quare concludamus, duo sacramenta matrimonium, & Eucharistiam, suscipientes conficere posse, illud quidem contrahentes, quatenus pertinet ad necessitatem sacramenti, non indigentes alio ministro, quamuis sacerdos ad firmitatem contractus, post concilium Tridentinū sit necessarius: Eucharistiā verò, sacerdos qui cōficit, suscipere potest & tenetur, vt suo loco explicabitur: alij verò suscipientes non sacerdotes, à sacerdote tantū legitimè suscipiūt, etiamsi non sit idem sacerdos, qui confecit Eucharistiam, & consecrauit: & tunc minister aliis administrans, distinguitur ab eo qui sacramentum perfecit: quia Eucharistiæ sacramentum vnum ex omnibus, non ipso vsu consistit, sed ipsa consecratione perfectum est, ante vsū & sumptionem. Reliqua quinq; sacramenta, exceptis matrimonio & Eucharistia, semper habent distinctum à suscipiente ministrū, de necessitate sacramenti: & solus ex omnibus septē baptisumus, habet ministrum legitimū consecratum, & non consecratum ministrum, tempore necessitatis. Ostendimus in omni

bus sacramētis, esse necessarium ministrū, qui materiam sacramenti formę coniūgat, siue is minister distinguatur à suscipiente siue non distinguatur: & omnem legitimum ministrum consecratione & vocatione cōstitui, quia consecratione recipitur character, qui est potestas spiritualis administrandi sacramenta: deinceps de exercitio huius potestatis dicendum est accommodatè, si prius tamen ex præcedentibus, vim, efficaciamq; huius ministerij colligamus, & aduersariorum errores refutauerimus.

5. Consecrarium ergo ex præcedentibus efficitur, vis & efficacia ministri sacramentorum nouæ legis non tantum sita est in applicatione materiæ & formæ sacramenti, sed etiam attingit instrumentaliter interiorem effectum gratiæ sanctificantis, vel characteris, & remissionis peccatorū, &c. vt sicut instrumentaliter diximus sacramentum concurrere ad interiorem effectum: sic etiam dicamus ministrum concurrere eodem momento, sed prius natura, propius & immediatius ipsum sacramentum, ministrum verò quatenus sacramentū conficit & administrat. Sed quia Eucharistia habet vsū distinctum, & sacramenti sumptionem, ab ipsius sacramenti perfectione & consecratione, ideo plerūq; alium numero distinctum habet ministrum consecrationis, à ministro dispensationis. De ministro autem cōsecrationis certū est, quòd ad futurum omnem effectum sacramenti interiorem concurrat, cū ministerio illius, sit in hoc sacramento permanens gratia, à qua deriuatur, quæ suscipientes, sacramentum sanctificat: de ministro tamen dispensationis non eadem plerisq; videtur ratio, quasi is non concurrat ad interiorem effectum suscipientis, cum illi Eucharistiam dispensat: mihi tamen concurrere videtur, quatenus est minister sumptionis sacramenti, qua sumptione suscipiens sanctificatur: & sacra scriptura, Patres & Concilia indistinctè loquuntur de omni ministro sacramenti, vt statim constabit: & certum est eum qui dispensat aliis Eucharistiam, ministrum esse legitimum sacramenti, licet is non cōsecrauerit, quia per characterem suæ cōsecrationis, potestatem habet dispensandi populo sacramenta Christi. Probat igitur hæc efficacia instrumentalis ministri ad interiorem effectum sacramenti. Primò, quia de ministris pœnitentiæ inquit

Disputatio de efficacia ministri sacramentorum nouæ legis, an sit instrumentalis ad effectum sacramenti.

Excipiuntur matrimonij & Eucharistiæ ministri.

Ministri efficacia ad interiorem effectum sacramenti.

tiæ inquit Dominus Ioan. 20. quorum remitteris peccata, remittuntur eis. quamvis autem hoc non sit expressum, intelligitur tamen datam esse hanc potestatem hominibus ut ministris sacramenti poenitentiae: quia sine sacramentis remittere peccata aut sanctificare, pertinet ad potestatem excellentiae, quam solius Christi propriam esse ostendimus. Præterea dubitari non potest an sacerdos efficiat corporalem Christi præsentiam in Eucharistia, cum Christus id eum facere iubeat, vel an inungendo saluet infirmum, vel an baptizando regeneret, cum hæc in scriptura & Patribus expressa sint de sacramentorum ministris. Chrysost. lib. 3. de sacerdotio, non solum cum nos regenerat sacerdotes, sed postea etiam condonandorum nobis peccatorum potestatem obtinent. D. Aug. q. 84 in Leuit. aduertendum est, inquit, quoties dicitur ego Dominus qui sanctifico eum, loqui de sacerdote, cum hoc etiam Moyse dixerit, & sanctificabis eum. quomodo ergo & Moyse sanctificat, & Dominus? non enim Moyse pro Domino: sed Moyse visibilibus sacramentis per ministerium suum, Dominus autem inuisibili gratia per spiritum suum. similiter loquuntur alij Patres.

6 Vnde factum est ut in Conc. Const. contra Vvicleffum, in Florent. ad instructionem Armenorum, in Tridentino propter hæreticos huius temporis definiatur, sacramenta omnia perfici & operari suos effectus per ministros, & ideo merito deditur magister sentent. à scholis catholicis, quatenus putauit sacerdotem absoluentem non remittere peccata, sed remissa declarare. Ut igitur diximus sacramentalem actionem vi principalis agentis, ad infusionem gratiæ instrumentariam eleuari, sic de ministri actione sentiendum est: ut eius operatio externa & corporalis, ut ablutio, unctio, locutio, non ex sua vi, sed eleuata ut instrumentum Dei, efficiat in nobis iustitiam, gratiam, remissionem, & alia sacramentorum effecta, quæ sine ministro non conferuntur: & ut illa sacramentorum efficientia ad gratiam, catholica est, sic hæc de ministris, & vtraque, eodem modo quo supra diximus, asserit ministrum gratiam efficere. atque id non solum verum, est de ministris consecratis, sed etiam de non consecratis, ut de mulieribus & laicis, cum vel baptizant, vel matrimoniū contrahunt: quia non

sunt instrumenta gratiæ nisi per administrationem sacramentorum: sed hæc ab illis collata vera sunt sacramenta, & conferunt gratiam per se: ergo & ministri, qui ea sacramenta administrent.

7 Ad diluendas verò obiectiones, de sumptis ex scripturis & Patribus non exactè ponderatis, duo obseruanda sunt. Vnum est, cum in scripturis, vel Theologis hæc instrumentaria efficientia gratiæ & interioris effectus ministris negatur, tantum significatur ministros propria virtute & naturali causalitate, non posse iustitiam gratiamque conferre. ut cum dicitur ad Rom. 8. Deus est qui iustificat, Mar. 2. nemo potest remittere peccata nisi solus Deus, Aug. lib. 3. contra Crescon. c. 11. si minister, inquit, iustificat impium, consequens est ut credamus in eum. et paulò post, si minister non audet dicere crede in me, neque audeat dicere iustificaris à me. significat ergo in his & similibus, externam actionem sacerdotis, aut hominis, non posse natia virtute attingere & produceretale effectum. quod etiam affirmari potest de ipsa materia & forma sacramentorum, cum omnia sint instrumenta gratiæ. quare si omnibus addatur [ministerialiter] vel [instrumentaliter], nullum erit periculum falsæ sententiæ. Vnde D. Tho. inquit, quamquam Deus solus ad interiorum effectum sacramenti operetur, ministerialiter tamen homo ad idem operari potest. id verò sic est intelligendum, minister interius operatur ad gratiæ productionem: neque enim pars iustificationis Deo, pars homini est attribuenda: sed totum opus principalis causæ, & totum ministro, licet naturali actione homo tantum agat externè, Deus vero internè.

8 Alterum obseruandum est, quod in scriptura & patribus, effectus aliquis attribui solet principalibus causis, cum termino exclusiuo, [tantum vel solum] aut cum expressa negatione ministri, vel cuiuscumque secundariæ causæ: ad significandam excellentiam principalis causæ in operatione, & quod secundariæ causæ non habent vim nisi à principali. sic Rom. 9. non est volentis, neque currentis, sed miserationis Dei. 1. Corinth. 15. non ego sed gratia Dei mecum, Marc. 13. non enim vos estis, qui loquimini, sed Spiritus sanctus qui loquitur in vobis. hoc explicatum est Act. 3. cum Petrus inquit sanato claudio, nos quid in-

Obseruanda in patribus de eadem efficientia.

3. p. q. 67. art. 5. ad 1.

Comment. in D. Th. tert. part.

tuemini quasi nostra virtute aut pietate fecerimus hunc ambulare? Deus filium suum IESUM suscitavit à mortuis, & in fide nominis eius, confirmavit hoc nomen eius. eodem sensu catholicè sacerdos dicere potest, ego non remisi huic peccata, sed Deus. Contrà verò nunquam reperies, effectum causæ secundariæ attributum, cum termino exclusivo causæ principalis, ut observavit D. August. in Enchirid. c. 32. asserens piè dici non posse, non est misericordis Dei, sed volentis hominis. similiter illæ voces essent blasphemæ: non est Christus sed sacerdos qui conficit, aut consecrat sacramenta: non est Deus, sed confessorius qui remittit peccata: non est spiritus, sed aqua quæ regenerat.

9 Cuius observationis ratio est, quia si causam causæ comparemus, instrumentalis nihil per se est, iuxta illud 1. Corinth. 3. neque qui plantat est aliquid, neque qui rigat, sed qui incrementum dat Deus. si autem effectum consideremus, is quidem totus tribuitur & principali, & instrumentali ac ministeriali causæ, sed cuiq; in suo genere. ita Deus, Moyses, oleum, simul sanctificabant Aaron: Aqua, verbū, spiritus, sacerdos, simul regenerat hominem. Quia verò ministri non nisi per sacramenta interiorē effectū operantur per se, illę propositiones, ego te absolvo, ego te baptizo, sic exponi solēt per se & ex vi sacramenti, vel ego tibi sacramentū absolutionis, vel remissionis impendo, ego sacramentum ablutionis confero: modò intelligatur, quod et si per sacramentum, tamen verè minister interiorē effectum operatur simul cum sacramento, per se & propriè: cum possit effectus ex indispositione recipientis, vel alia ex causa & accidentariò impediri. Sed hæc intelligentia tollit illam difficultatem, quæ aliàs esset, de veritate harum propositionum & similium, cum non est dignus, vel non indiget absolutione, is qui sacramentum recipit, propter remissum antè peccatum. Necessitatem ministri & efficaciam in sacramentorum administratione ostendimus, qualitates necessarias administrandum deinceps ostendamus. Ut est materia & forma ad essentiam sacramenti necessaria, ut alterutra deficiente sacramentum perfici non possit, sic posita potestate legitimi ministri, ad usum & administrationem sacramenti le-

gitimam, quid nam simpliciter necessarium sit hac sententia comprehendimus.

10 Minister sacramentorum novæ legis de necessitate sacramenti tenetur habere intentionem, saltem faciendi, quod facit Ecclesia: ceteræ verò qualitates, ut fides recta, sanctitas, deuotio, & aliæ huiusmodi, utiles quidem sunt, ut dignè & sanctè sacramentum administretur: sed non sunt simpliciter necessariae ad essentiam sacramenti. Explicetur primum cōclusio, deinde confirmabitur. In ministro, ut in omni instrumento tria qualitatum genera distinguī possunt, quædam enim qualitates sunt omninò necessariae, sine quibus instrumentum vim suam exercere non potest, ut ferram esse ferream & dentatam: quædam sunt omninò accidentariæ, quæ nihil faciunt ad usum instrumenti, ut ferram esse inauratam: quædam sunt mediæ his interiectæ, ad commodius operandum, licet nō necessariò requisitæ, ut ferram esse acutam. similiter in sacramentorum ministro, ad necessitatem sacramenti, tantum est necessaria illa intentio: ætas verò, sanitas, &c. sunt omninò accidentariæ qualitates, quæ neque ad simpliciter administrandum sacramentum, neque ad melius requiruntur. mediæ sunt illæ qualitates, sine quibus quidem esset verū sacramentū, sed sanctè & dignè non administraretur, ut sanctitas, recta fides, deuotio, eruditio sacra, &c.

11 Deinde intentio explicanda est & distinguenda. intentio nihil aliud est quàm actus voluntatis, mouentis se in al quem finem: & distinguitur triplex, habitualis, virtualis, actualis. habitualis intentio est inclinatio per habitum ad aliquem finem vel actum: & per eam est aliquis quodammodo dispositus, ad sacramentum administrandum, cum se obtulerit occasio: estq; in dormiente & indifferens ad omnia sacramenta, neque actu mouet hominem ad opus peculiare alicuius sacramenti. Virtualis intentio est, quæ ex præcedenti actuali, non interrupta per actum contrarium, ordinat & dirigit consequētes actus, ut intentio finis manet virtualiter in electione mediij ad finem accommodati. hanc dicimus esse in ministro cum mens eius euagatur, eo tempore quo exercet sacramentalem operationem, quia virtute præcedentis actualis intentionis circa particularem actum manet, licet in ipso

Disputatio de intentione ministrorum an sit ea necessaria ad essentiam sacramenti.

3. p. 4. 64 art. 3.

Theologi 4. d. 6. secl. apertius Ricar. Scotus.

D. Th. infr 9. 34. ar. 3. & 5.

execu-

executionis momento minister animum non applicet. Actualis intentio est presens animi applicatio, & attentio ad propositum opus. Sententia igitur proposita, quod sit necessaria intentio in sacramenti ministro, sic est accipienda: ut habitualis non sufficiat, quia nimis generalis est: actualis non sit necessaria, quia vix est in hominis potestate habere semper animum attentum: virtualis itaque sufficiat & requiratur, quamvis melior sit actualis. Hanc virtualem, D. Tho. habitualement vocat. ex actuali enim intentione relinquitur in phantasia, vel appetitu dispositio, per quam non manente actuali intentione, virtute tamen illius, tota actio perficitur. an vero actualis illa intentio, multo vel paucio tempore antecesserit, ut in ea fundetur quæ dicta est virtualis, moraliter & prudenter iudicandum est. Hæc est sententiæ propositæ explicatio, confirmatio singulis partibus est accommodanda.

12. Intentionem igitur esse necessariam in ministro, ex verbis Domini colligitur cum præcipit ministris sacramenta ministrare, dicens, ite baptizate, facite in mei memoriam, remittite peccata: hæc enim, nisi adsit intentio cõformis Christo præcipienti, ministri exequi nõ possunt, cum exequatur quod Christus præcepit, & operetur ex directione talis mādati. Deinde, voluit Christus actionem sacramentalem esse humanam, idest, iudicio susceptam & deliberatam, non temerariam, fortuitam & coactam: debet igitur esse secundum propositum & intentionem. Præterea, sacramenti opus externum per se indifferens est ad plures vsus & effectus, ut ablutio externa baptismi, ad mundiciem corporis, ad refrigerationem, ad sanitatem, & ad plura alia: sed intentione ministri contrahitur & determinatur, ad vnum spirituale effectum sacramenti proprium: est igitur intentio necessaria ut sit determinata actio sacramentalis, si verba quidem formæ, materiæ sacramenti conferantur, est in illis maior determinatio, sed non omnino perfecta & consummata ad specialem sacramenti operationem, nisi intentione ministri determinetur. Vnde ministri intentio, est illud mediũ per quod minister mouetur à Christo ad opus sacramentale, & effectum principalis agentis producendum: & ideo quoties minister cum hac intentione operatur, toties

à Deo instrumentaliter mouetur: qui verò caret hac intensione, licet actũ externũ exequatur, non est tamen instrumentum Dei, quia caret medio quo applicetur virtus Dei, causæ secundariæ.

13. Hæc doctrina de necessitate intentionis ministri, videtur olim coniuncta fuisse cum necessitate fidei ministri: quia videtur aliquando à patribus in hoc proposito, intentio nomine fidei comprehendi: ut à Cypriano de coena Domini cum ait: à Domino dictum est, hæc est caro mea, & hic est sanguis meus, quotiescunq; his verbis & hac fide actum est, simul & medicamentum, & holocaustum fit. certe D. August. epist. 23. fidem pro intensione videtur vsurpare, & lib. 7. contra Donatistas, appellans eius cõtrarium, fallacem & simulatam operationem in sacramentis. c. 53. Non tollit necessitatem intensionis, in ministris, quod ea intentio nobis non possit constare, & ideo incerti essemus de sacramentis ad salutem necessariis, quia non requiritur in nobis certitudo de his rebus, quæ tollat omnino dubitationem, qualis est fidei certitudo: sed satis est ea quæ dicitur coniecturalis aut moralis, neque aliam tenetur quis habere, etiam de pertinentibus ad salutem. Vnde si minister non exprimat cõtrariam sententiam, certi esse debemus de sacramento collato inquit D. Thom. 3. part. q. 64. artic. 8. ad 2. v. recte expendit Caietan. contra reprehendentes eam responsionem, ut Adrianum 4. q. 3. de baptismo, & Guillelmum de sacramentis in genere c. 55.

14. Ostendimus intentionem in ministro esse necessariam, nunc verò confirmandum est circa illud esse debere, quod Ecclesia catholica, vel Christus intendit, nempe ut intendat minister & velit facere, quod intendit Ecclesia facere, sed quia hæc intentio est valde confusa & implicita, distinguere oportet, quid nam sit quod Ecclesia velit facere, ne forte in speciali, intentio ministri repugnet Ecclesiæ. Debet igitur minister intendere, actum externũ sacramenti rite peragere: neq; oportet ut intendat effectum ipsius sacramenti. Ratio primi est, quia est minister sacramenti: & ideo intendat est necesse actum externum sacramenti, ut principali agentis, cuius est minister, congruere possit. Vnde excluduntur omnes actiones circa sacramenta non intentæ, aut non volu-

De quo scribitur
in libro.

Actualis intentio est melior, non in actu signato, sed in exercito, idest, non habendo in mente illud, intendo hoc facere, sed exequendo singula qua decet reverentia.

Ex D. Th. ar. 3 citato, ad iudicium responsionis boni argumentum.

Comment. in D. Th. tert. part.

volitz, vt dormientis, ebrij, phrenetici & simillium, & eorum qui coactione & vi externa, vel vsu vel casu aliquo proferrent formam sacramentorum super legitimam materiam, aliter quam vellent aut intenderent ipsi: quia actio ministri debet esse humanus & deliberatus actus, ad perficiendam externam actionem sacramenti. dico autem [actionem sacramenti] quia non satis est intendere actionem externam, sed vt sacramenti propria: alioquin satis esset, si intenderetur naturalis actio, vt ablutio, ad mūdiciem vel sanitatem corporis: cum tamen in his nihil sacramentale sit intentum. eadem ratione irrisoria, mimica aut iocularis actio externa esse potest intenta, & tamen non satis est ad essentiam sacramenti: quia non intenditur actio sacramentalis, hoc est cæremonia religionis, à vulgari & populari actione distincta. Nihil igitur aliud est, id velle efficere in sacramenti administratione quod Ecclesia intendit, quam velle efficere actionem sacramentalem à Christo institutam, in signum populo Dei, distinctam proinde ab aliis naturalibus aut humanis actionibus, & multò magis à iocosis, & ridiculis: quamuis olim dubitauerit D. August. lib. 7. de baptis. c. 53. an in actione ludicra verum sit sacramentum.

D. Th. 3. p. q.
64. artic. 10.
ad 2.

15 Sed quia minister sacramenti, assumitur à principali agente, vt verum sacramentum administret, formam materiæ coniungendo, accommodatè ad virtutem principalis agentis sibi communicatam, & in hac nihil est ludicrum aut iocosum, nihil est cur nos dubitemus, dirigi oportere intentionem ministri ad sacramentum religionis perficiendum, licet de institutore, effectu & aliis non rectè sentiat. Sed intentio ludicra aut iocosa dupliciter esse potest, vel relata ad ipsum sacramentum, vel ad finem & motuum administrationis. Primo modo intenderet quis, non quidē facere quod Ecclesia facit, sed similem actionem aliam iocose & delectationis causa: & idè non esset sacramentum. Altero modo intenderet aliquis facere quod facit Ecclesia, sed gratia delectationis, & hæc intentio non tollit veritatem sacramenti, sicut neque si fuisset intentio auara, aut aliquo malo fine vitiosa. Recta enim intentio potest esse & quantum ad sacramenti perfectionem, & quantum ad sacramenti vsum, prima re

ctitudo perficit sacramentum, secunda operatur ad meritum: & idè minister qui intendit, quod Ecclesia vult, efficere, habet primam rectitudinem, & verum sacramentum confert, qui autem non habet secundum, nō administrat meritorie. Vnde peruersa intentio contraria secundæ rectitudini, vitiat opus eius in quantum est eius, nō autem in quantum est principalis agentis, cuius virtute est sacramenti minister, ex D. Thom. 3. p. q. 64. art. 10. ad 2. & 3. Non esse autem dirigendam ministri intentionem ad effectum perse baptismi necessario, quamuis esset religiosa & pia intentio: constat ex eo, quod sacramentum nouæ legis ritè administratum, effectum consequitur in suscipiente, etiam si effectum minister non intendat, cum immediatè operetur ad confectionem sacramenti, quod ex opere operato nisi impediatur ex indispositione suscipientis, inducit suum effectum, ad quem non immediatè operatur minister, sed mediante sacramento. Vnde quamuis hæc ministri generalis intentio necessaria ad essentiam sacramenti, sit generalis, indeterminata atque confusa, respectu effectus, finis aut virtutis, quæ omnia & similia in hac intentione includuntur, & non distinguuntur: in illa tamen includitur, non tātum substantia actus, sed modus & respectus, quo determinetur ad cōfectionem sacramenti & ritus Christiani: quod intelligitur cum minister intendit facere quod Ecclesia facere solet, vel quia Christus tale instituit, vel quia Apostoli eo sunt vsi, vel quia Episcopi. his enim omnibus tantum determinatur, & exprimitur modus, quo illa actio externa sit sacramentalis, & vt talis sit intenta: & hoc satis est generaliter intendi à ministro. Habemus huius doctrinæ illustre exemplum de puero Athanasio, baptizate aliquot æquales suos ad imitationem Episcopi Alexandrini. interrogatus enim cur & quo animo fecerit, respondit se ad imitationem Episcopi fecisse, cum alterius rei sensum nō habuerit: habitus est autem ille baptismus ratus & perfectus.

16 Hic est consensus Ecclesiæ catholicæ & omnium Theologorum, quem secuta sunt duo Concilia, Florentinum & Tridentinum, illud in doctrina de sacramentis, hoc autem sess. 7. de sacramentis in genere Can. II. vt scilicet, minister intendere

Niceph. lib. 3.
c. ult. & h. 8.
c. 44.

tendere debeat, seu velle id facere, quod intendit Ecclesia facere: quia ut inquit D. Thom. se subiicit principali agenti hac intentione, in qua subiectione consistit ratio instrumenti. Cum autem hæc intentio sit practica, nempe ad perficiendam actionem sacramentalem, quicquid præterea minister speculatiue intendat, verum sacramentum perficitur. ut si intendat virum non sceminam baptizare, vel Episcopus hos aut illos non ordinare: quia si administratione ipsa sacramenti, velit singulare subiectum sibi propositum, vel omnia proposita baptizare vel ordinare, sacramentum perficitur: quia intentio dirigitur ad actionem sacramentalem suscipienti accommodatam, quam satis esse ostendimus ad essentiam sacramenti ex parte ministri. In matrimonio autem error personæ vitiat matrimonium, quia perficitur consensu, quem oportet ad certam & singularem personam determinari.

3. p. q. 64. ar. 17. Quod si dubitet quispiam, an hæc intentio generalis satis sit ad veritatem sacramenti, etiam si minister non verè sentiat de Ecclesia, cui conformem habet intentionem, ut si baptista Caluianus intendat quidem quod Ecclesia intendit, sed adiungit præterea, hanc ecclesiam esse Geneuensem, non autem Romanam. Respondeo, hæresim ministri, modò non sit circa ipsum sacramentum, licet sit circa effectum sacramenti, vel aliquid aliud non tollere veritatem sacramenti. itaque si intendit conferre sacramentum Ecclesie, etiam si de effectu, & de Ecclesia ipsa male sentiat, verum sacramentum administrabit: quia sunt essentialia sacramenti, debita materia & forma, & intentio sufficiens, & hæresis circa alia, ut statim ostendetur, non potest sacramentum vitare.

Guil. Anglus de sacramentis in genere. c. 54.

Disputatio an fides recta ministri sit necessaria. Simile est quod inquit August. Epist. 23. eos qui ea intentione paruulos baptismo offerunt, ut temporalem sanitatem recipiant, vel retineant, non propter hanc intentionem efficere, ut illi non regenerentur: quia celebrantur per eos nihilominus necessaria ministeria.

Fides recta non est in ministro necessaria ad veritatem sacramenti.

3. p. q. 64. ar. 9. & 10. atque etiam art. 5.

18 Ostendimus intentionem in ministro sacramenti necessariam esse, & qualis & cuius obiecti esse oporteret ad necessitatem sacramenti: deinceps ad perfectam confirmationem sententiæ propositæ, ostendendum est, neque sanctitatem, neque

rectam fidem ministri ad veritatem sacramenti necessariam esse, sed potius perfectum esse sacramentum, etiam si à malo ministro fidei, vel infidei, hæretico, excommunicato aut degradato conferatur. Primum autem proponemus argumenta communia, quæ concludunt non requiri ad veritatem sacramenti, fidem rectam, sanctitatem aut bonos mores ministri, sed sacramentum verum permanere, si cætera necessaria adsint, nempe materia, forma, intentio faciendi quod Ecclesia fieri vult, in ministro habente legitimam potestatem, id est, characterem & potestatem administrandi necessariam: excepto baptismo, quem omnes conferre possunt: licet non debeant nisi in articulo necessitatis, qui non sunt sacerdotes.

19 Primum argumentum est ex D. August. lib. 6. contra Donatistas. cap. 25. Sacramenta habent vim, ut supra ostendimus, ex opere operato, quod Augustino est ex vi verbi, hoc est formæ, vel ex ipso opere, quomodocunque affectus sit minister, qui est operans actionem sacramentalem: sed fides & sanctitas sunt operantis: ergo non requiruntur ad veritatem sacramenti. itaque si habere vim ex opere operato, est non pendere virtutem sacramenti ex virtute, meritis aut dispositione operantis ministri, non possunt requiri necessariò ad veritatem sacramenti, sanctitas aut recta fides ministri. Confirmatur hæc ratio ex eodem Aug. lib. 5. contra eosdè. cap. 20. quia si virtus ministri ad veritatem & essentiam sacramenti pertineret, maior virtus & fides maius & perfectius sacramentum conferret, & minor minus: quod si verum esset, iam sacramenta & dona Dei non penderent ex Christo aut eius institutione, sed ex differentia humanorum meritorum: & minister non induceret effectum sacramenti ex virtute principalis agentis, sed ex propria.

20 Vnde efficitur secundum argumentum. minister vel instrumentum non agit ex propria virtute, sed ex vi & efficacia principalis agentis: & idèò accidentarium est instrumento qualemcumque formam aut perfectionem habere, præter eam quam propriè instrumentum fit, & eleuatur ad effectum principalis agentis: sed minister sacramentorum, est tantum instrumentum Dei, ad eorum administrationem & perfectionem:

Comment.in D.Tho.tert.part.

fectionem: ergo non agit ex vlla sua virtute, sed ex motione principalis cause: ne spes in homine & non in Deo collocetur, aut potestas sacramentorum nō tam Christi, quam ministri esse videatur. Vnde Corinthiorum schismata orta sunt, quæ Paulus reprehendit principio prioris epist. ad eosdem. celebris inde orta est Augustini sententia, Tract. 5. in Ioannem, sic comprehendit: frater quid tibi facit malus minister, vbi bonus est Dominus? multa alia in hac sententiam scribit cōtra, Petil. lib. 1. cap. 3. & lib. 2. cap. 6. Confirmatio huius argumenti, est illa ratio D. Thom. 4. contra Gent. cap. 77. ea quæ in administratione sacramentorum fiunt, excedunt virtutem humanam, & vī diuina, atque supernaturali conficiuntur: cum ergo nulla humana virtute fiant, neque malitia humana impediri possunt.

21. Tertium argumentum sit ex eodem D. Thom. per habitus virtutis aut vitij sit, vt benē vel malē operemur, per potestatem autem aut impotentiam vt simpliciter operemur aut non: cum hoc sit proprium potentie habilem quempiam ad operandum constituere: virtus igitur potest efficere, vt minister sacramenti bene operetur, sed quia minister est, operari potest: & quia prius non pendet à posteriori, posse conficere verum sacramentum non erit à virtute, cum prius sit operari, quā benē operari. Confirmatur quia potestas & consecratio ministrorum, cum detur & communicetur simpliciter, & sine vlla peccati exceptione, æterna est in illis, & non potest suspendi aut deleri, per quancunque hominis malitiam. Vnde efficitur, quod cum Dei vis & potestas non immutetur, semper idem facit per quemcunque ministrum, modò habeat potestatem & qualitatem ministro necessariā vt minister est, quæ sola intentio est, vt ostendimus. Reliquæ autē qualitates, quæ insunt homini, non quatenus minister, sed quia homo, vel quia bonus homo, vel quia membrum Ecclesiæ est, extra rationem instrumenti sunt, & ideo ad bonā actionem, & bonum vsum ministerij, viles esse possunt, ad veritatem sacramenti, quod à ministro vt minister est tantum pēdet, nullo modo requiruntur. Exempla Augustini sunt, quemadmodum aqua qua irrigatur hortus, siue transeat per ca-

nales aureos, plumbeos vel lapideos, eandem vim humectationis, arescenti terræ impertit, & quemadmodum arboribus nihil obest eorū improbitas, quorum manibus satæ sunt: ita nihil vitij contrahunt illi qui malorum hominum ministerio, Christo insiti sunt, & in illo sanctificantur. Vnde frequenter illud repetit, non minus valuisse sacramenta Iudæ quā Ioannis, lib. 3. contra Crescon. cap. 7. Thomas etiā Wvalden. lib. de sacramētis ostēdit omnia dona quæ hominibus donantur non sua sed aliorum & Ecclesiæ causa, non pendere ex meritis humanis, vt patet de dono miraculorum, sanationum, prophetiarum, exorcismorum: vnde concludit illam elegantem sententiam, minister sacramenta dispensans nō pascit plebem moribus, sed ritibus. Vnde vt Deus post datam creaturis primam vim multiplicationis, cum eisdem concurrat ad omnes effectus naturales, nullus hominum sceleribus obstaribus: ita semper suum propositum de sacramentorum effectibus producendis retinet, nulla hominum ministrantium malitia impeditus. Sic colliges ex D. Basilio in opere sextæ diei, Chrysost. in ferm. de prodit. Iudæ, Damas. lib. 4. de fide. c. 14.

22. Postremo, certa sunt in hac re testimonia traditionis Ecclesiasticæ, & conciliorum. De traditione Ecclesiastica quæ sacramenta administrata ab hæreticis vera esse agnoscit, testis est D. August. lib. 2. de baptismo, cap. 7. quā inquit, consuetudinem tota Ecclesia obseruatam, ex apostolica Traditione venientem, credimus per Agrippinum primum corrumpi cœpisse. In eandem sententiam citat, sepe D. August. catholicum totius orbis Concilium, celebratum post passionem Cypriani paulò antequam Augustinus ipse natus esset, vt scribit lib. 2. contra Donat. c. 3. 4. & 9. cui cedere oportet omnia priora concilia prouincialia, nedum homines singulares vel sanctissimos. Huic concilio plenario asserit lib. 6. de baptismo, cap. 39. Deum reuelasse hanc veritatem, de integritate sacramentorum apud hæreticos: & ideo passim vrget hoc Concilium lib. 2. contra Parmen. cap. 13. lib. 1. contra Donatist. cap. 17. & lib. 6. cap. 17. & 13. tanquam certissimum ad omnes controuersias iudicium. Quod autem fuerit illud plenarium Concilium nunquam exprimit, sed

sed cum aliud non fuerit præter Nicænum, quod hanc causam tractauerit ante Augustini tempora, non videtur dubitandum, canonem olim in Nicæno Concilio de hac re extitisse, qui tamen nunc non habetur. Allegat etiam D. August. contra Parmenianum Concilium provinciale Carthaginense, post obitum Cypriani coactum præfidente Grato Episcopo, cui dicitur Cyprianum pro sua humilitate, si interfuisset consensurum. Ex quo Concilio multa sunt relata in dist. 4. de consecr. sicut ex libris Augustini Optati, Isidori, multorumque sanctissimorum pontificum. Aded ut tandem non solum de hæreticorum baptismo quin integer esset, nemo catholicus dubitaret: sed etiam fidem ministri tam minimè requiri ad necessitatem sacramenti crederet, ut baptismus à Iudeo ministratus probaretur eadem d. cap. a quodam, & à pagano c. Romanus, & à quibuscunque hæreticis, modò essentialia sacramenti seruarent, si qui licet ipse August. lib. 7. contra Donatist. cap. 53. dubitauerit, an sacramentum datum à non baptizato valeret: quod eo tempore nihil esset definitum in Concilio plenario, nec quicquam ceptum tractari in nationali vel regionali: aded receptum fuit in veteri Ecclesia, ut doctissimi quique omnia referrent ad iudicium Conciliorum.

23 Exceperunt vetera concilia ab hac definitione vniuersali, Cataphrygas & Paulianistas, quia formam baptismi non seruauerunt. Quare hoc fuit semper catholice Ecclesie iudicium, integritatem & veritatem sacramenti, non tolli per hæresim, aut maliciam ministri, modò is legitimam haberet potestatem administrandi cum debita intentione, & adhiberet necessariam materiam & formam sacramenti. itaque positam & constitutam veritatem sacramenti non vitaret vlla malicia, aut error, etiam si de recta intelligentia Sacramenti aut effectus illius esset: sic Arrianorum Sabellianorum & consimilium baptismum, etiam de Trinitate, in cuius nomine baptismus perficitur, perniciose sentientium, probauit Ecclesia catholica, legendus August. de hæres. 44. hæresi. lib. 2. contra Epist. Parmen. cap. 13. lib. 1. contra Donatist. cap. 17. & lib. 2. cap. 3. & alias scriptissimè.

24 Quod autem inquit Athanas. serm. 3.

contra Arrianos, eum tantum dare verum baptismum, qui rectam fidem habeat: de quibusdam Arrianis est intelligendum, qui suam hæresim permiscentes formæ sacramenti, non seruabant legitimam formam, & ideo neque verum baptismum conferebant: dicentes in creatore & creatura, non autem in patre & filio. ut si Calviniste in forma aliquid ex sua heresi adiungerent, non consecrarent, dicentes hoc est figuratè vel tropice corpus meum. Similiter explicandus Ambros. lib. de his qui myst. initiantur cap. 4. & Leo Primus, epist. 77. canon Basilij 47. sunt etiam de hac re alia decreta ut Apost. can. 47. Carthaginen. 1. cap. 1. Toletan. tertium. Nicenum cap. 19. Arelaten. cap. 16. & 17. Laodiceen. Can. 7. 8. Constantien. Sess. 8. contra Vicleff. art. 4. Trident. Sess. 7. Can. 4. de baptismo.

25 Ex hac doctrina de sacramentis hæreticorum, aliorumque malorum colligitur: Nullum sacramentum ab eisdem collatum si characterem imprimat iterari posse, ut baptismum, confirmationem, ordinem: quia licet in aliis sacramentis & in his etiam, cum ab hæreticis conferuntur, plerumque non consequatur gratia & sanctificatio in adultis, character tamen semper imprimitur: & ideo ad hunc effectum distinguendum, facta est olim celebris quest. de characterè sacramentorum. Itaque rectè adnotauit D. August. lib. 6. de baptismo, cap. 1. errorem asserentium, sacramentum administratum ab hæreticis non esse verum sacramentum, quod non distinxerint autores huius erroris, inter sacramentum & sacramenti effectum. & inter characterem qui est effectus indifferens bonis & malis, & remissionem peccatorum & sanctificationem quæ semper est bonorum. Unde quæ à D. August. & aliis Patribus dicuntur de integro baptismo hæreticorum, eadem dici possunt de aliis sacramentis. Verè enim Eucharistiam, confirmationem, ordinem, & alia sacramenta conficere possunt: & planè falluntur, qui putant confirmationem collatam olim ab hæreticis, iteratam fuisse in Ecclesia Catholica: cum in Concilio Tarraconen. antiquissimo, cap. 6. de hoc etiam sacramento non repetendo sit definitum: & eadem doctrina est Patrum & omnium Theologorum, de baptismo.

Nullum sacramentum collatum ab hæretico, si imprimit characterem, iterari potest.

D. Thom. inf. q. 66. art. 9.

D. Thom. tert. part.

primo hæreticorum, atque de aliis sacramentis. Deceptionis occasio fuit ex usu antiquæ Ecclesiæ, in qua redeuntes ab hæresi per manus impositionem admittebantur, & cum hæc cæremonia esset plerumque confirmationis, vt cõstat ex D. Iustino in responsione ad 14. q. Gẽtilium, existimauerunt, illos omnes etiam ab hæreticis confirmatos in Ecclesia catholica iterum confirmari. Sed certè illa cæremonia impositionis manuum, non fuit tantum confirmationis sacramenti, sed plerumque reconciliationis & pœnitentiæ, vt suo loco latius ostendemus.

Sacramenta hæreticorum quæ non sunt saluta-ria, si suscipiuntur.
26 Cauendus hic etiam est error eorũ, qui existimant quidem hæreticorum sacramenta perfectæ esse & integra, sed nunquã habere salutarem effectum, quod ab hæreticis administrantur: & ideo asserunt infantes ab hæreticis baptizatos, si discesserint antequam in Ecclesia Catholica per cõfirmationem recipiantur, omnino perire. Contraria tamen sententia est vera, & ab August. contra Donatistas sepẽ cõprobata, vt lib. 7. c. 52. cum ait, baptizatũ ab hæreticis in necessitate remissionẽ peccatorum & salutẽ assequi. Quod etiam de sacramento pœnitentiæ in eadẽ necessitate intelligẽdum est, de quo etiã legenda est Epist. 23. ad Bonifaciũ. Argumentum firmissimum pro hac sententia est, quod sacramentũ nouæ legis nunquã potest carere suo fructu, nisi sit impedimentũ vel obex in suscipiente, sed infantes nullo modo obicem ponunt: & adulti contriti in extrema necessitate non videntur etiam ponere: ergo cũ sacramento consecuntur etiam salutarem illius effectũ. quare neque hæretici neque alij mali ministri: possunt impedire effectũ sacramenti, nisi peccatum sit in suscipiente. Que doctrina est plena cõsolationis, cũ videamus nihil posse impedire sacramentorum effectum, si nos ipsi nobis non defuerimus. Vnde quæ August. & alij asserunt, hæreticorum baptismum, verum sacramentum esse extra Ecclesiam, sed non esse vtile extra Ecclesiam, intelligenda sunt de his qui voluntariẽ & extra necessitatem, & sacramenta non omnino necessaria accipiunt in schismate vel hæresi, quia eo modo ponunt obicem sacramento: quod si esset ad salutem necessarium, & in articulo necessitatis, etiam extra Ecclesiam suum haberet effectum.

27 Sed quoniam cautum esse oportet in accipiendo vel petendo sacramentum ab hæreticis, ne committatur peccatum, & accipienti sacramentum non sit salutare: obseruandæ sunt huiusmodi ministri distinctiones, minister enim vel est ex officio, vt prælatus, parochus, vel ex commissione & delegatus. Deinde minister vel publicè se exhibet Ecclesiæ, & sacramentorum ministrum, vel non: præterea, vel toleratur ab Ecclesia, hoc est iuxta definitionem Concilij Constantien. non est nominatim excommunicatus, nec manifestus clerici percussor: vel est præcisus, quia vel publicè hæreticus vel apostata: aut degradatus, vel suspensus. Sacramenta autem quæ ab his administrari possunt, vel sunt simpliciter necessaria ad salutem, vt baptismus, vel non necessaria. Ab eo igitur qui se exhibet Ecclesiæ ministrum ex officio vel cõmissione, & ab Ecclesiâ toleratur, licet accipere & exigere sacramentum etiam extra necessitatem, etiã si noueris illum reum esse peccati mortalis: quia à ministro legitimo iustè petitur debita actio, præsertim parato, vt ab usurario parato licet accipere vsuras. In articulo autem necessitatis, licet à quocunque habente potestatem administrandi, petere sacramentum necessarium ad salutem. In articulo mortis quæ est necessitas extrema nulli dubium est, baptismum sine peccato recipi, à malo ministro etiam excommunicato, vel præciso, id est hæretico, vel apostata, cũ in eodem articulo etiã infidelis sit minister, sed in eodem articulo definiuit Trident. Sess. 14. ca. 7. omnem sacerdotẽ absolueri posse ab omni peccato, & censura: hunc sacerdotem omnes intelligunt etiam excommunicatum, suspensum, degradatum, & irregularem: quidam excipiunt hæreticum, vel apostatam, vt Siluest. Sot. 4. dist. 18. quest. & art. 4. Sed certè Concilium loquitur generaliter de quocunque sacerdote, & ideo, non est cur aliquis excipiat. Qui verò ministrat sacramentum baptismi in eodem articulo necessitatis, in quo posset laicus ministrare, etiam si contaminatus mortali peccato, excommunicatus, hæreticus &c. non peccat, quia non ex officio, sed ex necessitate administrat: in qua quicunque alius multis peccatis contaminatus administrans non peccaret. Extra articulum

Disputatio de accipientibus sacramenta à malis ministris, an semper peccet. 3. p. q. 64. art. 6.

Excommunicatus, Degradatus, Suspensus, quia non amittit characterẽ, ideo neque potestatem administrandi sacramenta, sed facultatem utendi sua potestate.

*Hæreses, de sa-
cramento a ma-
lis ministris ad
ministrato re-
feliuntur.*

ticulum verò necessitatis, non petitur ne-
que datur à malo ministro sacramentum
sine peccato : quia minister huiusmodi
per specialem consecrationem deputatur
ad sanctè administrandum sacramenta : &
qui petit sciens illum existere in peccato,
sine vlla vrgente necessitate, communicat
peccato illius.

28 Superest ad perfectionem huius do-
ctrinæ de ministris sacramentorum, vt re-
fellamus argumenta hæreticorum, asse-
rentium, ab hæreticis non conferri vera
sacramenta, vt diximus receptum esse &
definitū ab Ecclesia catholica. Fuit enim
error Agrippini, quem diuus Cyprianus
sine pertinacia secutus est, & hos Conci-
lium quodam Africanum presente & de-
finiente D. Cypriano, rectam fidem esse
necessariam ad sacramentorum admini-
strationem : & ideo hæreticos, nullum ve-
rum sacramentum conferre : vnde bapti-
zatos ab hæreticis rebaptizabant. tempo-
re autem diui Augustini effecit hic error
immane schisma, cum primum inceptus
à sanctis Episcopis Agrippino & Cypria-
no, deinde suffultus esset aliquot Numi-
diæ & Africæ Prouincialibus Conciliis.
His omnibus respondet D. August. lib. 3.
de Baptismo, & contra autores schisma-
tis & Donatistas & eundem errorem su-
pra vigintiquinque libros. Sed illo tertio
libro tā modeste satisfacit rationibus san-
cti Cypriani & suorum, vt & illius perso-
nam, atque mentem non obstinatè erran-
tem mirum in modum colat, & errorem
ipsum ne illi imputetur in peccatum sepè
inclinat : quod idem fecit D. Basil. Epist. 1.
ad Amphilocho. sentiens Cyprianum &
Firmilianum, quos honoris causa suos
appellat, non negasse potestatem hæretico-
rum omnium circa sacramenta, sed eo-
rum qui non essent ordinati, vt contingit
in schismate inueterato nō ordinari. Qui
tamen error etiam foret in baptismo, nisi
fortè intelligat, tales ex officio baptizare
non posse. Postea verò cum à plenario Cō-
cilio definitum esset, vera esse sacramen-
ta data ab hæreticis, Episcopi illi Africa-
ni, & Orientales, qui fuerant in eo erro-
re, suas sententias retractarunt, vt scribit
D. August. lib. 3. contra Crescon. cap. 1. &
sequent. Euseb. lib. 7. histor. cap. 4. Ni-
cephor. lib. 6. cap. 7. Hierony. contra Lu-
cifer, Vicent. Lirinen. An verò diuus Cy-

prianus seipsum correxerit, dubitat D.
Aug. lib. 2. cōtra Donatist. cap. 7. & epist.
48. ad Vincent. & Dionys. Alexand. apud
Euseb. non excipit ab ea retractatione
Cyprianum, & Beda planè affirmat lib.
8. qq. quæst. 5. Secuti sunt deinceps Do-
natistæ, qui omnes manifestos peccato-
res à sacramentorum administratione ar-
cebant : Huiusmodi oculos etiam reiciebat,
tandem Vvicleffus etiam præscitos, qua-
cunque etiam pollerent presente sanctita-
te, & iustitia, asserens huiusmodi priua-
tos esse omni potestate & iurisdictione Ec-
clesiastica & ciuili. his gradibus ad summā
istam insaniam ventum est.

29 Sed opere pretium fuerit, eorum o-
mnium argumenta singulatim refellere.
Primum erat, non est sacramentum noue
legis, nisi gratiam conferat : sed hæretico-
rum sacramenta non conferunt gratiam,
quia dicitur ad Ephes. 4. vna fides & vnū
baptisma : quare si non sit vna fides, ne-
que vnus baptismus erit : ergo non sunt
sacramenta hæreticorum. Respondeo, pro-
positionem per se esse veram, sed illam
efficaciam aliquando impediri ex indispo-
sitione suscipientis sacramentum : & aliud
est sacramentum per se, aliud sacramenti
effectum, cum possit prius esse sine po-
steriori. Deinde assumptio est falsa, quia
baptismus ab hæretico administratus, in-
fantem regenerabit, & pœnitentia ex sen-
tentia multorum in articulo necessitatis
iustificabit, vt suprā ostensum est.

30 Alterum argumentum est : qui ipse
non habet gratiam, alteri dare non potest :
ergo neque hæreticus sacramentum con-
ferens gratiam. Sic Christus Ioan. 20. con-
ferens potestatem remittendi peccata, de-
dit etiam Apostolis Spiritum sanctum.
Respondeo, instrumentum sæpè efficere
quod non habet, quia agit ex virtute prin-
cipalis agentis, quod potest per malum
ministerium gratiam conferre. Dominus au-
tem contulit Spiritum sanctum Ioann. 20.
cum illa potestate, vt eam ab illo pende-
re præcipuè & primò intelligeretur, à quo-
cunque homine administraretur : non autem
vt gratiam Spiritus sancti necessariam es-
se significaret in ministro. Sic intelligen-
dum est illud Ecclesiastici, 34. ab immun-
do quis emūdabitur, nempe operibus pro-
priis immundi, & ab immundicie profe-
ctis : non autem operibus quæ ministeria-

Comment.in D.Tho.tert.part.

liter exequitur, & ideo pertinent ad virtutem principalis agentis: sic minister sacramenti, quia non suum opus, sed Dei exercet, quamuis ipse sit immundus, mundare potest. Ipsa verò immundi administratio, reprehenditur à Deo, quia malè vtitur data tibi potestate, & quantum in se est, pollueret sacramenta, si pollui possent. In hunc sensum accipienda sunt illa, Exod. 19. Sacerdotes qui accedunt ad Dominum Deum sanctificentur, ne fortè derelinquat eos Dominus. Leuit. 22. Omnis homo, qui accesserit de stirpe vestra, ad ea quæ consecrata sunt, & quæ obtulerunt filij Israel Domino, in quo est immundicia, peribit coram Domino. Isai. 52. Mundamini qui fertis vasa Domini, Isai. ultimo. Facinorosus qui sacrificat in vitulum, quasi canem occidat, & qui coquit similitudinem, quasi sanguinem porcinum, & qui offert thus in memoriam, quasi blasphemus. Quibus testimoniis Donatistæ abutebantur ad confirmationem sui erroris.

31 Tercium argumentum est: quia extra Ecclesiam nihil est Christianum, nullum sacrificium, nullum sacramentum: quare hæretici non baptizant, neq. vllum sacramentum verum conferunt. Respondet, extra Ecclesiam esse veram scripturam in Iudæis, esse Symbolum fidei in hæreticis plerumque, esse ieiunium & alia bona opera, licet non meritoria neque salutifera: & sacramenta rite secundum essentialia collata ab hæreticis & malis ministris, non sunt extra Ecclesiam, cum sint vera sacramenta, & ideo Ecclesiæ, & ipsam administrationem, quatenus ratam habet Ecclesiæ, non possumus dicere esse extra Ecclesiæ, licet minister sit extra eam.

32 Ex his alia consimilia argumenta refutari possunt: quare credamus vera sacramenta à malis ministris non contaminari, & plerumque habere salutarem effectum, vt explicauimus: quamuis administrantes grauer peccent, indignè tractantes diuina mysteria, quæ malis vt ait Dionys. cap. 1. de Eccles. hierar. neque fas est attingere: quia vt inquit D. August. Tractat. 5. in Ioannem: Iustos oportet esse tanti iudicis ministros: si autem noluerint esse iusti, &c. securum tamen me fecit magister meus, de quo spiritus eius dixit, hic est qui baptizat. Hæc de ministris sacramentorum.

33 De suscipientibus autem, illud generaliter tradi potest, intentionem suscipiendi sacramentum verum, adeo esse necessariam, vt ex defectu illius, nullum sit futurum sacramentum, extra Eucharistiam quæ sine vsu est ipsa consecratione perfecta. Reliquæ autem qualitates suscipientis efficiunt, vt quisque magis vel minus vtiliter suscipiat. Affectus verò & voluntas peccati mortalis, effecit ne vllum sacramentum sanctificare suscipientem possit, quamuis characterem imprimere possit. De aliis præparationibus ad singula sacramenta accommodatis, propriis locis specialiter commodius disseretur.

3. p. q. 78. ar.
7. de baptis. &
idem est de aliis sacramentis.

QVÆSTIO LXV.

De numero sacramentorum, in quatuor articulos diuisa.

DEinde considerandum est de numero sacramentorum.

Et circa hoc queruntur quatuor.

Primò, Vtrum sint septem sacramenta.

Secundò, de ordine eorum ad inuicem.

Tercò, de comparatione eorum.

Quarò, Vtrum omnia sint de necessitate salutis.

ARTICVLVS PRIMVS.

Vtrum debeant esse septem sacramenta Ecclesiæ.

AD primū sic proceditur. Videtur, quod non debeant esse septem sacramenta. Sacramenta enim efficaciam habent ex virtute diuina & ex virtute passionis Christi. Sed vna est virtus diuina, & vna Christi passio, vna enim oblatione consummavit in sempiternum sanctificatos, vt dicitur Hebræo. 10. Ergo non debuit esse nisi vnum sacramentum.

4. dist. 1. q. 28.
art. 2. & 4. 15.
cap. 18 & 19.
co. prim.

¶ 2. Præterea, Sacramentum ordinatur contra defectum peccati.

ti. Hic autem est duplex, scilicet poena & culpa, ergo sufficeret esse duo sacramenta.

Cap. 1. Eccl.
Hier. par. 3.

¶ 3. Præterea, Sacramenta pertinent ad actiones Ecclesiasticæ hierarchiæ, ut per Dionys. † patet. Sed, sicut ipse dicit, tres sunt actiones hierarchicæ, scilicet, purgatio, illuminatio, & perfectio. Ergo non debent esse nisi tria sacramenta.

Lib. 19. ad. 13.
ad med. 10. 6.

¶ 4. Præterea, August. * dicit, 19. contra Faustum, Sacramenta nouæ legis sunt numero pauciora, quam sacramenta veteris legis. Sed in veteri lege non erat aliquod sacramentum, quod responderet confirmationi & extreme unctioni. Ergo neque hæc debent numerari inter sacramenta nouæ legis.

e. 2. q. 154. a.
no. 3.

¶ 5. Præterea, Luxuria non est grauius inter cætera peccata, ut patet ex his quæ in secunda parte dicta sunt. Sed contra alia peccata non instituitur aliquod sacramentum. Ergo neque contra luxuriā debuit institui sacramentum matrimonij.

6. SED CONTRA videtur, quod sint plura sacramenta. Sacramenta enim dicuntur quasi quædam sacra signa. Sed multæ aliæ sanctificationes fiunt in Ecclesia secundum sensibilia signa, sicut aqua benedicta, consecratio altaris, & alia huiusmodi. Ergo sunt plura sacramenta, quam septem.

Lib. 1. de sacram.
par. 12.
cap. 10.

¶ 7. Præterea, Hugo † de sancto Victore dicit, quod sacramenta veteris legis fuerunt oblationes decimæ & sacrificia. Sed sacrificium Ecclesiæ est vnum sacramentum, quod dicitur Eucharistia. Ergo etiam oblationes & decimæ debent dici sacramenta.

¶ 8. Præterea, Tria sunt genera

peccatorum, originale, mortale, & veniale. Sed contra originale peccatum ordinatur baptismus, contra mortale autem poenitentia. Ergo deberet esse aliud præter septem, quod ordineretur contra veniale.

q. 62. art. 3.
et q. 63. art. 2.

RESPONDEO dicendum, quod (sicut supra † dictum est) sacramenta Ecclesiæ ordinantur ad duo, scilicet ad perficiendum hominem, in his quæ pertinent ad cultum Dei secundum religionem Christianæ vitæ, & etiam in remedium contra defectum peccati. Vtroque autem modo conuenienter ponuntur septem sacramenta. Vita enim spiritualis conformitatem aliquam habet ad vitam corporalem, sicut & cætera corporalia conformitatem quandam spiritualium habent. In vita autem corporali dupliciter aliquis perficitur. Vno modo quantum ad personam propriam alio modo per respectum ad totam communitatem societatis, in qua viuit, quia homo naturaliter est animal sociale. Respectu autem sui ipsius perficitur homo in vita corporali dupliciter. Vno modo per se, adquirendo scilicet, aliquam vitæ perfectionem, Alio modo per accedens, scilicet remouendo impedimenta vitæ, puta, ægrotudines, vel aliquid huiusmodi. Per se autem perficitur corporalis vita tripliciter. Primò quidem per generationem, per quam homo incipit esse & viuere. Et loco huius in spirituali vita est baptismus, qui est spiritualis regeneratio, secundum illud ad Tit. 3. per lauacrum regenerationis, &c. Secundò, per augmentum, quo aliquis perducitur ad perfectam quantitatem & virtutem. Et loco huius in spirituali vita, est confirmatio,

D. Thom. tert. part.

in qua datur Spiritus sanctus: ad robur. Vnde dicitur discipulis, iā baptizatis, Luc. ultimo. Sedete in ciuitate, quoadusq; induamini virtute ex alto. Terriò, per nutritionem, qua conseruatur in homine vita & virtus. Et loco huius in vita spiritali est Eucharistia, vnde dicitur Ioan. 6. Nisi manducaueritis carnem filij hominis, & biberitis eius sanguinem, non habebitis vitam in vobis. Et hoc quidem sufficeret homini, si haberet & corporaliter & spiritaliter impassibilem vitam. Sed quia homo incurrit interdum & corporalem infirmitatem & spiritualem, scilicet peccatū, ideo necessaria est homini curatio ab infirmitate. Quæ quidem est duplex, vna quidem est sanatio quæ sanitatem restituit. Et loco huius in spiritali vita est poenitentia, secundum illud Psalm. 40. Sana animam meam quia peccaui tibi. Alia autem est restitutio valetudinis pristinae per convenientem dietam & exercitium. Et loco huius in spiritali vita est extrema vñctio, quæ remouet peccatorum reliquias, & hominem paratum reddit ad finalem gloriam, vnde dicitur Iac. 5. Et si in peccatis sit, dimittentur ei. Perficitur autē homo in ordine ad totam communitatem dupliciter. Vno modo per hoc, quod accipit potestatem regēdi multitudinem & exercēdi actus publicos. Et loco huius in spiritali vita est sacramentum ordinis, secundum illud Heb. 7. quod sacerdotes hostias offerunt non solū pro se, sed etiam pro populo. Secundò, quātum ad naturalem propagationem, quod fit per matrimonium tam in corporali, quam in spiri-

tuali vita, cō quòd non est solum sacramentum, sed naturæ officiū. Ex his etiam patet sacramentorū numerus, secundum quod ordinantur contra defectum peccati. Nā baptismus ordinatur contra carentiam vitæ spiritalis. Confirmatio, contra infirmitatem animi, quæ iam nuper natis inuenitur, Eucharistia contra labilitatem animi ad peccandum, poenitentia contra actuale peccatum post baptismum commissum, Extrema vñctio contra reliquias peccatorum, quæ scilicet non sunt sufficienter per poenitentiam sublatae, aut ex negligentia, aut ex ignorantia, Ordo contra dissolutionē multitudinis, Matrimonium in remedium contra concupiscentiam personalem, & contra defectum multitudinis, qui per mortem accidit. Quidam verò accipiunt numerum sacramentorum per quādam adaptationem ad virtutes, & ad defectus culpæ, & ad poenalitātē, dicentes, quod fidei responder baptismus, & ordinatur contra culpam originalem: spei Extrema vñctio, & ordinatur contra culpam venialem: charitati Eucharistia, & ordinatur cōtra poenalitatem malitiæ: prudētiæ Ordo, & ordinatur contra ignorantiam: iustitiæ Poenitentia, & ordinatur cōtra peccatum mortale: cōparatiō Matrimonium, & ordinatur cōtra concupiscentiam: fortitudini Confirmatio, & ordinatur contra infirmitatem.

AD PRIMUM ergo dicendum, quod idem a gens principale vtitur diuersis instrumentis ad diuersos effectus, secundum congruentiam operum. Et similiter virtus diuina & passio Christi operantur in nobis

in nobis per diuersa sacramenta, quasi per diuersa instrumenta.

AD SECVNDVM dicendū, quod culpa & poena diuersitatem habēt & secundum speciem, in quantum sunt diuersæ species culparum & poenarum, & secundum diuersos hominum status & habitudines. Et secundum hoc oportuit multiplicari sacramenta, vt ex dictis * patet.

In cor. art.

AD TERTIVM dicendū, quod in actionibus hierarchicis considerantur, & agentes, & recipientes, & actiones. Agentes autem sunt ministri Ecclesiæ: ad quos pertinet ordinis sacramentum. Recipientes autem sunt illi qui ad sacramentum accedunt, qui producuntur per matrimonium. Actiones autem sunt purgatio illuminatio & perfectio. Sed sola purgatio non potest esse sacramentum nouæ legis, quod gratiam confert: sed pertinet ad quædam sacramentalia, quæ sunt catechismus, & exorcismus. Purgatio autem & illuminatio simul, secundum Dionys. * pertinent ad baptismum: & propter recidium, secundario pertinent ad poenitentiam & extremam vnctionem. Perfectio autem quantum ad virtutem quidē (quæ est quasi perfectio formalis) pertinet ad confirmationem: quantum autem ad consecutionem finis, pertinet ad Eucharistiam.

Cap. 3. Eccles.
hier. part. 1. circa
ea finem.

AD QVARTVM dicendū, quod in sacramento confirmationis datur plenitudo Spiritus sancti ad robur: in extrema autem vnctione preparatur homo, vt recipiat immediatē gloriam. Quorum neutrum competit veteri testamento: & ideo nihil potuit his sacramentis in veteri lege respondere. Nihilominus ta-

mien sacramenta in veteri lege plura fuerunt numero, propter diuersitatem sacrificiorum & ceremoniarum.

AD QVINTVM dicendū, quod contra concupiscentiam venereorum oportuit specialiter remedium adhiberi per aliquod sacramentum. Primum quidē, quia per huiusmodi concupiscentiam non solum vitia- tur persona, sed etiam natura. Secundum, propter vehementiam eius, qua rationem absorbet.

AD SEXTVM dicendū, quod aqua benedicta & aliæ consecrationes non dicuntur sacramenta: quia non perducunt ad sacramenti effectum, qui est gratiæ consecutio. Sed sunt dispositiones quædam ad sacramenta, vel remouendo prohibens, sicut aqua benedicta ordinatur contra insidias demonum, & contra peccata venialia, vel etiā idoneitatem quandam faciendo ad sacramenti perfectionem & perceptionem, sicut consecratur altare & vasa, propter reuerentiam Eucharistiæ.

AD SEPTIMVM dicendū, quod oblationes & decimæ erant tam in lege nature, quam in lege Moyfi ordinatæ, non solum in subsidium ministrorum & pauperum, sed etiam in figuram, & ideo erant sacramenta: nunc autem non remanserunt in quantum sunt figuralia, & ideo non sunt sacramenta.

AD OCTAVVM dicendū, quod ad deletionem venialis peccati non requiritur infusio gratiæ. Vnde cum in quolibet sacramento nouæ legis gratia infundatur, nullum sacramentum nouæ legis instituitur directe contra veniale, quod tollitur per quædam sacramentalia, puta per aquam benedictam, & alia huiusmodi. Quod tamen dicunt extremam vnctionem

Non completis
morte præcuis.

nem contra veniale peccatū ordi-
nari, sed de hoc suo loco * dicitur.

ARTICVLVS II.

*Vtrum sacramenta conuenienter ordi-
nentur secundum modum
prædictum.*

4. dist. 2. q. 1.
art. 3. & d. 7.
q. 1. art. 1. q. 3.
& Ephe. 5. f.
* Art. præc.

AD secundum sic proceditur.
Videtur, quod inconuenien-
ter sacramenta ordinentur secun-
dum modum prædictum. ¶ Ut enim
Apostolus dicit 1. Corinthio. 15.
Prius est quod est animale, dein-
de quod spiritale. Sed per matri-
monium generatur homo prima
generatione, quæ est animalis: per
baptismum autem generatur ho-
mo secunda generatione, quæ est
spiritualis. Ergo matrimonium de-
bet præcedere baptismum.

¶ 2. Præterea, Per sacramentum
ordinis aliquis accipit potestatem
agendi actiones sacramentales.
Sed agens est prior sua actione. Er-
go ordo debet præcedere & baptis-
mum & alia sacramenta.

¶ 3. Præterea Eucharistia est spi-
rituale nutrimentum, Confirma-
tio autem comparatur augmen-
to. Nutrimentum autem est causa
augmenti, & per consequens prius
eo. Ergo Eucharistia est prior cō-
firmatione.

¶ 4. Præterea, Pœnitentia præ-
parat hominem ad Eucharistiam.
Sed dispositio præcedit perfectio-
nem. Ergo Pœnitentia debet præ-
cedere Eucharistiam.

¶ 5. Præterea, Quod est propin-
quius fini ultimo, est posterius. Sed
Extrema vñctio inter omnia sacra-
menta propinquior est ultimo fini
beatitudinis, ergo debet habere vl-
timum locum inter sacramenta.

IN CONTRARIUM est, quod
communiter ordinantur ab omni-
bus sacramenta, sicut prius dictū
est. *

Articuli præc.

RESPONDEO dicendum, quod
ratio ordinis sacramentorum appa-
ret ex his quæ supra dicta sunt. Nā
sicut vnum est prius quam multitu-
do, ita sacramenta quæ ordinantur
ad perfectionem vnius personæ na-
turaliter, præcedunt ea, quæ ordi-
nantur ad perfectionem multitu-
dinis. Et ideo ultimo inter sacra-
menta ponuntur ordo & matrimo-
nium, quæ ordinantur ad multitudi-
nis perfectionem. Matrimonium
tamen post ordinem, eò quod mi-
nus participat de ratione spiritua-
lis vitæ, ad quam ordinantur sacra-
menta. Inter ea verò, quæ ordina-
tur ad perfectionem vnius personæ,
naturaliter sunt priora illa, quæ per
se ordinantur ad perfectionem spi-
ritualis vitæ, quàm illa quæ ordi-
nantur per accidens, scilicet, ad re-
mouendum accidens nocuum su-
perueniens: cuiusmodi sunt pœni-
tentia & extrema vñctio. Posterior
tamen est naturaliter extrema vñ-
ctio, quæ consummat sanatio-
nem, pœnitentia quæ inchoat. In-
ter alia verò tria manifestum est,
quod baptismus, qui est spiritua-
lis regeneratio, est prius, & dein-
de confirmatio, quæ ordinatur
ad formalem perfectionem virtu-
tis, & post modum Eucharistia quæ
ordinatur ad perfectionem finis.

Art. præc.

AD PRIMUM ergo dicendum,
quod matrimonium, secundū quod
ordinatur ad animalem vitam, est
naturæ officium, sed secundum
quod habet aliquid spiritualitatis,
est sacramentum. Et quia mi-
nimum habet de spiritualitate,
ultimo

ultimo ponitur inter sacramenta.

AD SECVNDVM dicendum, quod ad hoc quod aliquid sit agēs, præsupponitur quod sit in se perfectū, & ideo priora sunt sacramenta, quibus aliquis in seipso perficitur, quam sacramentum ordinis, quo aliquis constituitur perfectior aliorum.

AD TERTIVM dicendū, quod nutrimentum & præcedit augmentum, sicut causa eius, & subsequitur augmentum sicut conservans hominem in perfecta quantitate & virtute. Et ideo potest Eucharistia præmitti confirmationi, ut Dionys. facit in lib. de Eccles. hier. & potest postponi, sicut Magister * facit in quarto sententiarum.

* q. cap. 3. agit de Euchar. sed cap. 4. de Confirmatione.

* Vbi de Confirmatione. tract. in d. 7. de Euchar. quod d. 8.

AD QVARTVM dicendū, quod ratio illa rectè procederet, si poenitentia ex necessitate requireretur ut præparatoria ad Eucharistiam. Sed hoc non est verum, nam si aliquis esset sine peccato mortali, nō indigeret poenitentia ad sumptionem Eucharistiae. Et sic patet quod per accidens poenitentia præparat ad Eucharistiam, scilicet supposito peccato, unde dicitur 2. Paral. ult. Tu Domine iustorum, non posuisti poenitentiam iustis.

AD QVINTVM dicendum, quod extrema unctio propter rationem inductam, est ultimum inter sacramenta, quæ ordinatur ad perfectionem unius personæ.

† In argo.

ARTICVLVS III.

Vtrum sacramentum Eucharistiae sit potissimum inter sacramenta.

2. d. 7. q. 1. ar. 1. q. 3. ar. 2. d. 3. q. 1. ar. 1. q.

AD tertium sic proceditur. Videtur quod sacramentum

Eucharistiae non sit potissimum inter sacramenta. Bonum enim commune potius est, quā bonum unius, ut dicitur 1. Ethic. * Sed matrimonium ordinatur ad bonum commune speciei humanæ, per viam generationis, sacramentum autem Eucharistiae ordinatur ad bonum proprium sumentis. Ergo non est potissimum sacramentorum.

1. d. 4. con. c. 74. scil. 2. d. 27. ar. 1. 4. cor. * Lib. 1 Ethic. c. 2. in fin. 10. 3

¶ 2. Præterea, Digniora sacramenta esse videntur, quæ per maiorem ministrum conferuntur. Sed sacramentum Confirmationis & sacramentum Ordinis non conferuntur nisi per Episcopum, qui est maior minister, quā simplex sacerdos, per quem confertur Eucharistiae sacramentum. Ergo illa sacramenta sunt potiora.

¶ 3. Præterea, Sacramenta tanto sunt potiora, quanto maiorem virtutem habent. Sed quædam sacramenta imprimunt characterem (scilicet Baptismus, Confirmatio, & Ordo) quod non facit Eucharistia. Ergo illa sacramenta sunt potiora.

¶ 4. Præterea illud videtur esse potius, ex quo alia dependent: & nō e conuerso. Sed ex baptismo dependet Eucharistia, non enim potest aliquis Eucharistiam accipere, nisi fuerit baptizatus. Ergo baptismus est potior Eucharistia.

SED CONTRA est, quod Dionys. * dicit 3. cap. Eccles. hierarch. quod non contingit aliquem perfici perfectione hierarchica, nisi per diuinissimam Eucharistiam. Ergo hoc sacramentum est potissimum omnium aliorum.

† d. 3. Eccles. hier. non remouet a primo.

RESPONDEO dicendum, quod simpliciter loquendo, sacramentū Eucharistiae est potissimum inter alia

D. Thom. tert. part.

alia sacramenta. Quod quidem tripliciter apparet: primò quidem, ex eo quòd in eo continetur: nam in sacramento Eucharistiæ continetur ipse Christus substantialiter, in aliis autem sacramentis continetur quædam virtus instrumentalis participata à Christo, ut ex suprà dictis * patet. Semper autem quod est per essentiam, potius est eo quod est per participationem. Secundò, hoc apparet ex ordine sacramentorum adinuicem: nam omnia alia sacramenta ordinari videntur ad hoc sacramentum, sicut ad finem. Manifestum est enim quod sacramentum ordinis ordinatur ad Eucharistiæ consecrationem. Sacramentum verò baptismi ordinatur ad Eucharistiæ receptionem. In quo etiā perficitur aliquis per confirmationem, ut non vereatur se subtrahere à tali sacramento. Per poenitentiam etiam & extremam unctionem præparatur homo ad dignè sumendum corpus Christi. Matrimonium etiam saltē sua significatione attingit hoc sacramentum, in quātum significat coniunctionem Christi & Ecclesiæ: cuius vnitas per sacramentum Eucharistiæ figuratur: vnde & Apostolus dicit Ephes. 5. Sacramētum hoc magnum est, ego autem dico in Christo & in Ecclesia. Tertiò, hoc apparet ex ritu sacramentorum. Nam ferè omnia sacramenta in Eucharistia consumantur: ut Dionys. t. dicit 3. cap. Eccles. hierar. sicut patet quod ordinati communicant, & etiam baptizati, si sint adulti. Aliorum autem sacramentorū cōparatio adinuicem, potest esse multiplex. Nam in via necessitatis, baptismus est potissimum sacramē

torum. In via autem perfectionis sacramentum ordinis. Medio autem modo se habet sacramentum confirmationis. Sacramentum verò poenitentiae & extremæ unctionis sunt inferioris gradus a prædictis sacramentis: quia sicut dictum est, * ordinantur ad vitam Christianā, non per se, sed quasi per accidens, scilicet in remedium superuenientis defectus. Inter quæ tamen, extrema unctio comparatur ad poenitentiam, sicut confirmatio ad baptismum: ita scilicet quod poenitentia est maioris necessitatis, sed extrema unctio est maioris perfectionis.

AD PRIMVM ergo dicendum, quòd matrimonium ordinatur ad commune bonū corporaliter. Sed bonū commune spirituale totius Ecclesiæ, continetur substantialiter in ipso Eucharistiæ sacramento.

AD SECUNDVM dicendū, quod per ordinem & confirmationem deputantur fideles Christi ad aliqua specialia officia, quæ pertinent ad officium principis. Et ideo tradere huiusmodi sacramenta, pertinet ad solū Episcopū, qui est quasi princeps in Ecclesia. Per sacramētum verò Eucharistiæ non deputatur homo ad aliquod officium, sed magis hoc sacramentum est finis omnium officiorum, ut dictum est. * Inq. de iudic. sup. art. 1. In nr. art.

AD TERTIVM dicendum, quod character sacramentalis (sicut suprà dictū est) est quædā participatio sacerdotij Christi. Vnde sacramentum quod ipsum Christum cōiungit homini, est dignius sacramento, quod imprimit Christi characterem.

Ad

Quæst. 62. ar. 3. & 4.

Art. 1. huius quæst.

Cap. 3. Eccl. Hier. circa prin

q. 63. art. 3.

AD QVARTVM dicendū, quod ratio illa procedit ex parte necessitatis: sicut enim baptismus, cum sit maximæ necessitatis est potissimum sacramentorum, sic ordo & confirmatio habent quandam excellentiam ratione ministerij, & matrimonium ratione significationis. Nihil enim prohibet aliquid esse secundum quid dignius, quod tamen non est dignius simpliciter.

ARTICVLVS IIII.

Verum omnia sacramenta sint de necessitate salutis.

4. dist. 7. q. 1.
art. 1. q. 2. q.
2. 3. art. 2. q. 1.

AD quartum sic proceditur. Videtur, quod omnia sacramenta sint de necessitate salutis. Illud enim quod non est necessarium, videtur esse superfluum. Sed nullum sacramentum est superfluum: quia Deus nihil facit frustra. Ergo omnia sacramenta sunt de necessitate salutis.

¶ 2. Præterea, Sicut de baptismō dicitur, Nisi quis renatus fuerit ex aqua & Spiritu sancto, non potest introire in regnum Dei, ita de Eucharistia dicitur Ioan. 6. Nisi manducaueritis carnem Filij hominis, & biberitis eius sanguinem, non habebitis vitam in vobis. Ergo sicut baptismus est sacramentum necessitatis, ita & Eucharistia.

¶ 3. Præterea: Sine sacramento baptismi potest aliquis saluus fieri, dummodo non contemptus religionis, sed necessitas sacramentū excludit, ut infra* dicetur. Sed in quolibet sacramento contemptus religionis impedit hominis salutem. Ergo par ratione omnia sacramenta sunt de necessitate salutis.

Sed contra est, quod pueri sal-

uantur per solum baptismum, sine aliis sacramentis.

RESPONDEO dicendum, quod necessarium respectu finis (de quo non loquimur) dicitur aliquid dupliciter. Vno modo, sine quo non potest haberi finis: sicut cibus est necessarius vitæ humanæ. Et hoc est simpliciter necessarium ad finem.

Alio modo dicitur esse necessarium id, sine quo non habetur finis ita convenienter, sicut equus necessarius est ad iter. Hoc autem non est simpliciter necessarium ad finem. Primo igitur modo necessitatis sunt tria sacramenta necessaria, duo quidem personæ singulari: baptismus quidem simpliciter & absolute, poenitentia autem supposito peccato mortali post baptismum. Sacramentum autem ordinis est necessarium Ecclesiæ: quia ubi non est gubernator, populus corruet, ut dicitur Proverb. 11. Sed secundo modo sunt necessaria alia sacramenta: nam confirmatio quodāmodo perficit baptismum, extrema unctio poenitentiam, matrimonium verò Ecclesiæ multitudinē per propagationem conseruat.

AD PRIMUM ergo dicendum, quod ad hoc quod aliquid non sit superfluum, sufficit quod sit necessarium primo vel secundo modo, & sic sunt necessaria omnia sacramenta, sicut dictum est.*

In cor. ad

AD SECUNDVM dicendum, quod illud verbum Domini est intelligendum de spiritali ināducatione, & non de sola sacramentali, ut August.* exponit super Ioan.

Tract. 26. q. 27. in 2.

AD TERTIVM dicendum, quod licet omnium sacramentorum contemptus, sit salutis contrarius. Non tamen est contemptus sacramen-

ti, ex

q. 6. art. 1. q. 2.

ri, ex hoc quod aliquis non curat accipere sacramentum, quod non est de necessitate salutis, alioquin omnes qui nō accipiunt ordinem, & qui non contrahunt matrimoniū contemnerent huiusmodi sacramenta.

Sententiæ & conclusiones. quæst.

Prima conclusio: *Septem tantum sunt sacramenta nouæ legis, baptis-
mus, confirmatio, eucharistia, pœnitentia, extrema vñctio, ordo, matrimoniū:
² eodem quo proposuimus ordine, legitime disposita. ex art. 1. & 2.*

Ratio primi, quia his septem sacramētis, & Deus perfectē colitur, & peccata remittuntur.

Ratio secundi: Quia prioribus quinque sacramentis ad spiritualem vitam, priuata qualibet persona perfectē dirigitur: duobus posterioribus toti Ecclesia perfectē consuluit Dominus.

Secunda conclusio: Ex his septem sacramētis eucharistia ceteris dignitate & absolute præstat: baptis-
mus necessitate eminet, ex reliquis ordo perfectione præstat, baptismo cōfirmatio, vñctio pœnitentia, sed excellit necessitate, matrimoniū denique vltimū locum occupat.
Conclusionis rationes manifesta sunt, & in promptu apud D. Thom.

Ceterum sacramenta, dignitate & perfectione esse inæqualia, definitum est in Trident. Sess. 7. Can. 3. & Eucharistiam omnium esse perfectissimū Sess. 13. cap. 3. baptismum necessitate ceteris præstare ead. Sess. 7. Can. 5. de bapt. ex reliquis verò illud præstantius est, quod præstantiorem effectum suscipientibus confert. Protestantes contendunt sacramenta omnia paria esse perfectione, tum quod ab omnibus tollunt efficaciam conferendi gratiam, de-

cernentes tantum esse quasdam fidei externas protestationes, & signa fidei per se iustificantis: quam opinionem supra q. 62. ex verbo Dei refutauimus: tum etiam quod in Eucharistia, negant Christum verè & substantialiter contineri: quem errorem refellemus, infra q. 76. nihil igitur mirum est Protestantes in æqualitatem sacramentorum negare, qui negauerint efficaciam & veritatem: sic enim error errorem procreat. Si quid autem præterea obseruandum est, id supra q. 61. n. 9. & 13. obseruauimus: quare dicendum restat de his quæ cuiusque sacramenti propria sunt.

QVÆSTIO LXVI.

De pertinentibus ad sacramentum Baptismi, in duodecim articulos diuisa.

Deinde considerandum est de singulis sacramentis in speciali. Et primo, de Baptismo. Secundo, de Confirmatione. Tercio, de Eucharistia. Quarto, de Pœnitentia. Quinto, de extrema vñctione. Sexto, de Ordine. Septimo, de Matrimonio.

Circa primum occurrit duplex consideratio.

Prima, de ipso baptismo. Secunda, de præparatoriis ad Baptismum.

Circa primum quatuor consideranda occurrunt. Primo, de his quæ pertinent ad sacramentum Baptismi. Secundo, de ministro huius sacramenti. Tercio, de recipientibus hoc sacramentum. Quarto, de effectū huius sacramenti.

Circa primū quæritur duodecim. Primo, quid sit baptis-
mus, vtrum scilicet sit ablutio.

Secundo, de institutione huius sacramēti, Tercio, vtrum aqua sit propria materia huius sacramenti.

Quarto, vtrum requiratur aqua simplex.

Quinto, vtrum hæc sit conueniens forma huius sacramenti: Ego te baptizo in nomine Patris & filij & Spiritus sancti.

Sexto,

Sexto, *utrum sub hac forma possit aliquis baptizari, Ego te baptizo in nomine Christi.*

Septimo, *utrum immersio sit de necessitate baptismi.*

Octavo, *utrum requiratur trina immersio.*

Nono, *utrum baptismus possit iterari.*

Decimo, *de ritu baptismi.*

Undecimo, *de distinctione baptismatum.*

Duodecimo, *de comparatione baptismatum.*

ARTICVLVS I.

Utrum baptismus sit ipsa ablutio.

4. d. 3. ar. 1. q.
4. con. c. 60.

AD primū sic proceditur. Videtur, quod baptismus non sit ipsa ablutio. Ablutio enim corporalis transit. Baptismus autem permanet. Ergo baptismus non est ipsa ablutio, sed potius regeneratio & sigillum, & custodia, & illuminatio, ut Dam. * dicit in 4. lib.

* Lib. 4. tit. 10.
circa med.

* Hug. lib. 2.
de sacra. in par.
6. c. 2. in prin.

¶ 2. Præterea, Hug. de sancto Victor. * dicit, quod baptismus est aqua diluendis criminibus sanctificata per verbum Dei. Aqua autem non est ipsa ablutio, sed ablutio est quidā vsus aquæ, Ergo, &c.

Tract. 30. in
Ioan. post med.
¶ 2.

¶ 3. Præterea, Augustinus dicit * super Ioann. Accedit verbum ad elementum, & fit sacramentum. Elementum autem est ipsa aqua in sacramento baptismi: ergo baptismus est ipsa aqua, non autem ablutio.

SED CONTRA est, quod dicitur Eccles. 34. Qui baptizatur à mortuo, & iterum tangit mortuū quid proficit lautio eius? Videtur, ergo quod baptismus sit ipsa ablutio siue lautio.

RESPONDEO dicendum, quod in sacramento baptismi est tria cōsiderare, aliquid scilicet quod est

sacramētum tantū, aliquid autem quod est res & sacramentū, aliquid verò quod est res tantū. Sacramentum tantū est aliquid visibile exterius existens, quod scilicet est signū interioris effectus: hoc enim pertinet ad rationem sacramenti. Exterius autem suppositum seu sui, est & ipsa aqua, & eius vsus, qui est ablutio. Quidam ergo existimauerunt, quod ipsa aqua sit sacramentum, quod quidem sonare videntur verba Hug. * de sancto Vict. Nam ipse in communi definitione sacramenti dicit, quod est materiale elementum, & in definitione baptismi dicit, quod est aqua. Sed hoc non videtur esse verum. Cū enim sacramenta nouæ legis sanctificationem quandam operentur, ibi perficitur sacramentum, vbi perficitur sanctificatio. In aqua autem non perficitur sanctificatio, sed est ibi quædam sanctificationis virtus instrumentalis, non permanens, sed fluēs in hominem, qui est veræ sanctificationis subiectū. Et ideo sacramentum non perficitur in ipsa aqua, sed in applicatione aquæ ad hominem, quæ est ablutio. Et ideo Magister * in 4. di. 3. sententiarum dicit, quod baptismus est ablutio corporis exterior, facta sub forma præscripta verborū. Res autem & sacramentum, est character baptismalis, qui est res significata per exteriorē abluionem, & est signum sacramentale interioris iustificationis, quæ est res tantū huius sacramenti: scilicet significata & non significans.

Posita in arg.
2. & loco ibi
citato.

Lib. 4. dist. 83
in prin.

AD PRIMVM ergo dicendum, quod id quod est sacramentū tantū in baptismo, transit: permanet autē & id quod est sacramentū & res scilicet

Comment.in D.Th.tert.part.

licet character, & id quod est res rã
tũ, scilicet interior iustificatio, sed
character permanet indelebiliter
(vt supra dictũ est,) iustificatio au-
tẽ permanet, sed amissibiliter. Da-
masc. † autem baptismum defini-
uit, non quantum ad id quod exte-
rius agitur, quod est sacramentum
tantũ, sed quantum ad id quod est
interius. Vnde posuit duo pertinen-
tia ad characterem, scilicet, sigillũ
& custodiam, in quantum ipse cha-
racter (qui sigillum dicitur) quan-
tum est de se, custodit animã in bo-
no. Duo etiam posuit pertinentia
ad vltimam rem sacramenti, scili-
cet regenerationẽ (quã ad hoc per-
tinet, quod per baptismum homo
inchoat nouam vitam iustitię) & il-
luminationẽ, quẽ pertinet speciali-
ter ad fidem, per quam homo spiri-
tualem vitam accipit: secundũ illud
Abac. 2. Iustus ex fide viuit. Baptis-
mus autem est quãdam fidei prote-
statio, vnde dicitur fidei sacramen-
tum. Et similiter Dion. baptismum
definiuit per ordinem ad alia sacra-
menta, dicens † 2. c. Eccles. hierar.
quod est quoddam principium san-
ctissimorũ mandatorũ sacrę actio-
nis, ad eorum susceptiuam opportu-
nitatem, formans nostros animales
habitus. Et iterũ * in ordine ad cœ-
lestem gloriam (quã est vltimus fi-
nis sacramentorum) cũ subdit, ad
super cœlestis quietis anagogen, no-
strum iter faciens. Et iterum quan-
tum ad principium spiritualis vitę,
per hoc quod subdit, † Sacrę & di-
uinissimę nostrę regenerationis
traditio.

AD TERTIVM dicendum,
quod sicut dictum est, * opinionem
Hug. de sanct. Vict. in hac parte se-
qui non oportet. Potest tamen ve-

rificari, vt baptismus dicatur esse
aqua: quia aqua est materiale ba-
ptismi principium, & sic erit prædi-
catio per causam.

AD TERTIVM dicendũ, quod
accedente verbo ad elementum fit
sacramentum, non quidem in ipso
elemento, sed in homine, cui adhi-
betur elementum per vsum ablu-
tionis. Et hoc etiam signat verbũ,
quod accedit ad elementum, cum
dicitur, Ego te baptizo, &c.

COMMENTARIUS.

Generalem sacramentorum doctrinam, & distributionem, specialis
& propria cuiusque sacramenti sequitur,
& primum baptismi. Tum quod sit fidei
& religionis totius professio, cum in
aliis sacramentis specialis cuiusdã dogma-
tis, vt in Eucharistia, existentia Christi sub
accidentibus panis & vini ad cibum & re-
fectionem animę spirituales, propria cõ-
tineatur professio: fides autem est prima
virtus Theologica, & aliarum radix & fir-
mamentum: erit igitur baptismus, quo in
cœtum fidelium admittimur, omnium sa-
cramentorum primum. Tum etiam quod
ad cœtera sacramenta, quibus nostra sa-
lus perficitur, admitti nõ potest, nisi is qui
prius baptismo tinctus fuerit.

Sunt vero huius doctrinæ duæ primæ
partes, vna de ipso baptismo, altera de ad-
iunctis. in ipso considerantur essentia, insti-
tutio, partes essentia, minister, suscipiens,
effectus: in adiunctis, duplex præparatio,
quæ baptismum antecessit, quæ cum illo
coniuncta est. de quibus eodem ordine
disseremus.

Primum verò essentia baptismi defini-
tione comprehendenda est: & cum genus
ex præcedenti disputatione, de numero sa-
cramentorum, omnino constet, nempe sa-
cramentum nouæ legis, vel gratiæ efficax,
illud tantum restat quod differentiam cõ-
stituere possit, & baptismũ ab aliis sacramen-
tis distinguere, id verò vel à materia & for-
ma, vel ab effectu proprio colligi potest: &
ideo veteres Patres & Theologi, varias
definitiones

Ratio ordinis

Dimissio

Articul. pro-
positum.

q. 63. art. 5.

† Loco vitæ
in art.

Cap. 2. Eccl.
Hierar nõ pro-
cul a prin.

* Eodem loco
omnis dicto.

† Eod. s. pra-
dicto, parum a
prin.

In cor. ars.

Explicatio.

definitiones aut descriptiones baptismi constituerunt, & quidem sacræ scripturæ congruenter. D. quidem Dionys. 2. cap. de Eccles. hierarc. ex adiuncta quadâ baptismi proprietate, quod sit principium & via ad cætera sacramenta, cum sit prima fidei & religionis Christianæ externa professio, inquit baptismum esse quoddam principium, sanctissimorum mandatorum sacræ actionis, ad eorum susceptiuam opportunitatem, formans nostros animales habitus, ad supercælestis quietis deductionem, viâ præparans, sacræ nostræ regenerationis donatio. hæc Dionysius, addito etiâ sine omnis gratiæ sacramentalis, & effectu proprio baptismi, regeneratione & cõmuni. gratia enim quæ sacramētis cõfertur, nos ad cælestem patriam deducit, & sacramēti baptismi proprium effectum esse regenerationē constabit. infr. q. 69. ar. 1. D. autē Greg. Nazian. oratione de baptismo, ex diuersis effectibus & beneficiis, quæ per baptismum nobis communicantur, varias appellationes baptismi tribuit: vnde & variæ descriptiones componi possunt.

2 Appellationes sunt, donum & gratia, quia sine vllō debito iis qui nihil prius contulerunt, donatur. Baptismus quia peccatum in aqua sepelitur, & aqua mundatur. Vnctio, quia sacer & regius, sacerdotij & regni spiritualis Christi parricipes nos efficiens, cum sacerdotibus & regibus vnctio cõpetat. Illuminatio, quia splendor & claritas, per fidem mentis tenebras depellens. Indumentū, quia peccatorū velamen est, & vera expurgatio. Sigillū, quia per eum charactere consignati, cuius nam domini simus, cognoscimur: & ab insidiis tuti conseruamur, vt in sanctitate perseueremus. D. Damasc. lib. 4. de fide, cap. 10. ex eadem Gregorij oratione, eadem effecta baptismi breuius sic comprehendit: per baptismum, inquit, primitias spiritus accipimus, ac regeneratio alterius vitæ principium, signaculum vel sigillum, præfidiū & illuminatio efficitur. Vt enim generatione naturali inquit D. Dionys. cap. 2. de Eccles. Hierarc. esse primum accipimus, deinde ad operationem progredimur: sic baptismi iterum gignimur in spirituales Dei filios, & ad operationes consimiles deducimur.

3 Hæc autem omnia ex sancta scriptura eruuntur. regeneratio enim Ioan. 3. a Do-

mino annuntiatur Nicodemo ad salutem necessaria, ex aqua & Spiritu sancto, idest ex baptismo Christi: & D. Paulus baptismo tinctos, consignatos & illuminatos vocat: *Hebr. 6.* vnde & Cyrilli Hierosol. Catecheses illuminatorum dictæ sunt. cætera autem nomina ex regenerationis gratia & effectibus, de quibus infra q. 69. deducta sunt.

4 Ex Patribus & Theologis Latinis, quidam baptismum definiunt, aquam diluendis discriminibus sanctificatam per verbum Dei, vt Vgho lib. 2. de sacram. p. 6. cap. 2. & sanè videtur ita definisse, ex imitatione D. Augustini, Tract. 80. in Ioā. cum inquit, accedit verbum ad elementum, & fit sacramentum: cum ipsa aqua sit elementum & materia baptismi. Quidam autem baptismum definiunt, ablutionem corporis exteriorē, factam sub præscripta verborum forma. horum princeps est Magister Sentent. dist. 3. 4. lib. quem plerique Theologi sequuntur. Vnde existit dubitatio, vtra ex his definitionibus aptior sit, & præceptis definiendi magis accommodata, quæ aquam, an quæ ablutionem assumit. De ceteris enim definitionis partibus, nulla dubitatio est. itaque non est dubitatio de tota definitione, aut essentia baptismi, neque de genere, cum ex præcedentibus constet genus esse sacramentum: neque de tota differētia, quæ materiam & formam comprehendit: sed de parte illius, nempe materia. nisi quis fortè dicat definiri sacramentum baptismi, & de genere dubitationem proponi, sit ne ablutio an aqua: cum genus sumatur ex materia, differētia ex forma. sed hæc Dialectica sunt, & à sententia Theologica videntur aliena, cum tantum quæstio sit, vtrum proprius & exactius dicatur baptismus ablutio, an aqua.

5 Sententia D. Thomæ & omniū Theologorum est: in sacramento baptismi, sacramentum tantum est ablutio, non aqua, sacramentum & res est character, res tantum est gratia regenerans aut iustificans suscipientem. Explicatio sumitur ex distinctione eorum, quæ reperiuntur in sacramentis characterem imprimētib. hæc autem sunt tria, sacramentum tantum, signum externum sensibile, quod significat, & non significatur, in quo posita est ratio generalis sacramenti: res autem significata est effectus in suscipiente, qui nihil amplius significat: res denique & sacramentum, est cha-

Conclusio

Comment. in D. Tho. tert. part.

*Probatio conclusi-
onis.*

est character, quatenus & significat intelligenti per fidem, consignationem cum Christo, & est sacramenti tantum effectus proprius. Reperitur etiam eadem in Eucharistia distinctio, licet alio modo. infra quæst. 73. arti. 1. ad 2. Sententia igitur proposita affirmat, in baptismo sacramentum tantum, esse absolutionem, non aquam. Confirmatio manifesta est ex verbo & forma huius sacramenti, & præcepto Domini, Matth. & Marc. ultimo: ite inquit, & docete omnes gentes baptizantes eos, &c. Cum enim baptizo, sit idem quod tingo & abluo, baptizare erit idem quod lauare: quare si baptismus regenerat ex verbis Domini, Ioan. 3. idque efficit lauando, ut forma præscribit: certè lauatio sacramentum perficiet, non aqua per se, ut à lauazione distinguitur. ex quibus hanc rationem Theologicam D. Thom. concludit.

6 Illud est sacramentum tantum in baptismo, in quo suscipientis sanctificatio perficitur: quia sacramenta nouæ legis, vim habent sanctificandi: sed in ablutione, & non in aqua sanctificatio perficitur: quia sacramentum habet vim sanctificandi instrumentalem transeuntem, dum mouetur & fit, non autem permanentem in ipsa materia sacramenti, supra quæst. 62. arti. 3. & 4. Aqua autem est permanens materia, mouetur autem ad sacramenti effectum, ipsa ablutione: hæc igitur efficiet sanctificationem non aqua. consentit & naturalis ratio, quæ motum in mobili & suscipienti constituit, & ideo ut suscipiens sacramentum sanctificetur, ei debet accommodari: aqua verò ablutione accommodatur iuxta formam præscriptam: est ergo ablutio sacramentum tantum baptismi, non aqua. Vnde si quis vere dicit ablutionem esse baptismum, vel intelligit sacramentalem, vel determinatam præscriptis à Domino verbis. Quamuis autem existimem, omnes qui baptismum definiunt, aquam diluendis criminibus sanctificatam per verbum Dei, in eadem omnino fuisse sententia: quia cum abluatur suscipiens sanctificandi vim accipit ex verbo Dei, & sola ablutione perfici potest baptismus, iuxta præscriptam formam, & præceptum Domini ut baptizetur, id est, abluatur, dicente ministro: Ego te baptizo, id est abluo: exactiorem tamen & magis pro-

priam existimo rationem dicendi, quam D. Thom. probat, ut baptismus dicatur ablutio, non aqua. potest etiam vtrique dici materia, sed illa proxima, hæc remota, ut in poenitentia peccatum, & actus poenitentis.

7 Sed testimonium D. Thomæ in argumento sed contra, ad eiusdem sententiæ confirmationem, desumptum ex cap. 34. Ecclesiastici, ubi legitur, qui baptizatur à mortuo, & iterum tangit mortuum, quid proficit lauatio eius? quasi significetur, baptismum ablutionem esse, non aquam, valde improprium est, & à proposito alienum. Non enim secundum literalem sensum, de baptismi sacramento loquitur Spiritus sanctus, cum tamen is sensus tantum sumendus sit ad dogmata fidei confirmanda: sed de baptismo veteris legis, quo abluì præcipitur, qui cadauer aliquod contigisset, Numer. 19. itaque sensus literalis est desumptus ex huiusmodi præcepto, & ad morum informationem ex similitudine tractus. Sic enim integra sententia habet ultra eam quæ à D. Tho. adducta est: sic homo qui ieiunat in peccatis suis, & iterum eadem faciens quid proficit humiliando se? orationem illius quis exaudiet? q. d. quemadmodum si quis iuxta legem lauetur quia cadauer contigit, & iterum idem contigerit, nihil eius lotio prodest: sic homo qui propter peccata ieiunio se affligit, si iterum eadem repetit, nihil illa afflictio, quæ hic dicitur humiliatio, prodest, nec illius orationem Deus exaudit. Etenim baptizari à mortuo, idem est quod propter mortuum, quod scilicet, quis contigerit: similiter ieiunare in peccatis, est propter peccata ieiunius seipsum affligere. Simili phrasi legimus Plal. 108. Genua mea infirmata sunt à ieiunio, & caro mea immutata est propter oleum, & alibi, humiliavi in ieiunio animam meam.

8 Olim autem Donatistæ baptismum hereticorum, quasi inutilem improbant, hoc testimonio Ecclesiastici abusi sunt, intelligentes mortuum esse, qui peccatis mortalibus implicaretur: & ita baptizari à mortuo idem esse quod baptizari à peccatore; quasi ex sententia illius testimonij improbetur baptismus collatus à quocunque peccatore, & ideo ab hæretico. Ad eundem errorem stabiliendum eodem testimonio utitur D. Cyprianus epist. 71. & Episcopi ab eodem coacti in Concilio Africano.

*Locus Ecclesiæ
sicut 34. qui
baptizatur à
mortuo, &c. est
applicatus.*

Nullus

Nullus autem eorum legit in eodem testi-
monio illa verba, [& iterum tangit mor-
tuum,] quæ tamen leguntur in Græcis &
Latinis nostræ editionis vulgatæ exempla-
ribus. Ex quibus certè deprehendi posset,
illo testimonio nihil de nostro baptis-
mo scriptum esse. D. etiam August. lib.
1. contra lit. Petil. cap. 11. & lib. 2. contra
Cresconium. cap. 24. 25. & 27. cum non
legisset illa verba quæ nos legimus, intel-
ligit quidem testimonium de baptismo,
sed docet baptizatum ab impiis, non ba-
ptizari à mortuo, sed à Christo, qui nun-
quam moritur, & solus baptizat in Spiri-
tu sancto, vt Ioannes olim in aqua tantū.
Illos verò à mortuis baptizari, qui ritu Gē-
tilium, à sacerdotibus idololatriæ baptiza-
rentur. Admonet tamen eodem cap. 27.
diligenter inspiciendos esse codices anti-
quos, præsertim Græcos, ne fortè ipsa ver-
ba aliter conscripta, ex præcedentibus
& consequentibus alium sensum præ se
ferre videatur: quod verissimè admonuit,
vt ex Latinis & Græcis exemplaribus su-
prà ostendimus.

ARTICVLVS II.

*Vtrum baptismus fuerit institutus post
Christi passionem.*

4. d. 3. art. 5.
dist. 8. q. 1.
art. 3. q. 3. c. d.
9.

AD secundum sic proceditur.
Videtur, quod baptismus
fuerit institutus post Christi pas-
sionem. Causa enim præcedit effe-
ctum. Sed passio Christi operatur
in sacramentis nouæ legis. Ergo
passio Christi præcedit institutio-
nem sacramentorum nouæ legis,
& præcipuè institutionem baptis-
mi: cum Apostolus dicat. Rom. 6.
Quicumq; baptizati sumus in Chri-
sto IESU, in morte ipsius baptiza-
ti sumus. &c.

¶ 2. Prætereà, Sacramenta nouæ
legis efficaciam habent ex man-
dato Christi. Sed Christus man-
datum baptizandi, dedit discipulis
post passionem & resurrectionem
suam, dicens: Eūtes docete omnes

Gentes, baptizantes eos in nomine
Patris, &c. vt habetur Matth. ult.
Ergo videtur, quod post passionem
Christi, baptismus fuerit insti-
tutus.

¶ 3. Prætereà, Baptismus est sa-
cramentum necessitatis (vt suprà
dictum est) & ita videtur quod ex
quo baptismus institutus fuit, ho-
mines obligarētur ad baptismum.
Sed ante passionem Christi, homi-
nes non obligabātur ad baptismū:
quia adhuc circuncisio suam virtu-
tem habebat, in cuius locū succes-
sit baptismus. ergo videtur, quod
baptismus non fuerit institutus an-
te passionem Christi.

SED CONTRA est, quod Aug.
dicit in quodam sermone de Epi-
phania, Ex quo Christus aquis im-
mergitur, ex eo omnium peccata
abluuit aqua. Sed hoc fuit ante Chri-
sti passionem. Ergo videtur, quod
baptismus ante Christi passionem
fuerit institutus.

RESPONDEO dicendum, quod
(sicut dictum est suprà) sacra-
menta ex sui institutione habent, quod
conferant gratiam. Vnde tunc vi-
detur aliquod sacramentum insti-
tutum, quando accipit virtutem pro-
ducendi suum effectum. Hanc au-
tem virtutem accepit baptismus,
quādo Christus est baptizatus. Vn-
de tunc verè baptismus institutus
fuit, quātum ad ipsum sacramētū.

Sed necessitas vtendi hoc sacra-
mento, indicta fuit hominibus post
passionem & resurrectionem, tum
quia in passione Christi terminata
sunt figuralia sacramenta, quibus
succedit baptismus & alia sacra-
menta nouæ legis, tum etiam, quia
per baptismum configuratur ho-
mo passioni & resurrectioni Chri-
sti.

2. præc. 47. 4.

In ser. 1. Dñi-
ca inf. est. Epi-
ph. a me. &
est in ordin. 36
to 10.

2. 6. 2. art. 2.

sti, in quantum moritur peccato, & incipit nouā iustitiæ vitam. Et ideo oportuit Christum prius pati & resurgere, quàm hominibus indiceretur necessitas se configurandi morti & resurrectioni eius.

AD PRIMUM ergo dicendum, quòd etiam ante passionem Christi baptismus habebat efficaciam à Christi passione, in quantum eam præfigurabat. Aliter tamen quàm sacramenta veteris legis: nam illa erant figuræ tantum: baptismus autem ab ipso Christo virtutem habebat iustificandi, per cuius virtutem ipsa etiā passio salutifera fuit.

AD SECUNDUM dicendum, quòd homines non debebant multiplicibus figuris arctari per Christum, qui venerat suauitate figuræ implere & auferre. Et ideo ante passionem suam baptismum institutum non posuit sub præcepto, sed voluit ad eius exercitium homines assuescere, & præcipue in populo Iudæorum, apud quem omnia facta figuralia erant: vt August. * dicit contra Faustum. Post passionem verò & resurrectionem, non solū Iudæis, sed etiam Gentilibus sub præcepto necessitatem baptismi imposuit dicens: Euntes docete omnes Gentes.

AD TERTIUM dicendū, quod sacramenta non sunt obligatoria, nisi quando sub præcepto ponuntur. Quod quidem non fuit ante passionem, vt dictum est. * Quod enim Dominus ante passionem Nicodemus dixit, Ioan. 3. Nisi quis renatus fuerit ex aqua & Spiritu sancto, non potest introire in regnum Dei, magis videtur ad futurum respicere, quàm ad præsens tempus.

1 **D**E tempore institutionis baptismi, est hæc sententia, melioribus probata Theologis. Baptismus ante passionem, cum Dominus à Ioanne Precursore in Iordane baptizatus est, institutus: post resurrectionem fuit in præcepto. *Conclusio.* Accipiendum est ex precedentibus, omnia sacramenta Ecclesiæ Catholice à Christo Domino fuisse instituta: vt ex verbo Domini quest. 60. ostensum est: hic autem primò de tempore institutionis baptismi, deinde de præcepto differendum est. In Iordane igitur institutum baptismum, hæc ratio concludit Sacramenta nouæ legis tunc instituuntur, cum vim instrumentalem sanctificandi accipiunt: baptismus autem eam vim accepit, cum aqua tinctus est Dominus in Iordane, tunc igitur institutus. Propositio constat ex differentia propria sacramentorum nouæ legis, cum ea sint ad sanctificandum instrumentaliter, infixa ab instituyente efficacia. Præcessit enim baptismum in veteri populo circumcisio, vt umbra veritatem: & ideo significabat internam cordis circumcisionem, per infusam sanctificantem gratiam, quā sacramentalis baptismi ablutio perfecte efficit. Sic scriptum est Rom. 15. Dico enim Christū **I E S V M** ministrum fuisse circumcisionis, propter veritatem Dei, ad confirmandas promiss. Iohannes Patrum. Colos. 2. in quo circumcisi estis circumcisione non manu facta in expoliatione corporis carnis, sed in circumcisione Christi, consepulti ei in baptismo, in quo resurrexistis per fidem operationis Dei, qui suscitauit illum à mortuis. Philip. 3. Nos enim sumus circumcisio, qui spiritu serui-mus Deo, & gloriamur in Christo **I E S V**, & non in carne fiduciam habentes.

2 Itaque efficacia baptismi, quam ex instituyente Christo accepit, præstitit nobis, quod vetus circumcisio adumbrauerat: & completa est plenè illa Domini promissio Deuter. 30. Scripta: circumcidet Dominus Deus tuus cor tuum, & cor seminis tui, vt diligas Dominum Deum. Constat igitur, tunc institutum baptismum, cum vim sanctificandi accepit, vt veritas vim perficeret: non quidem verbis institutionem significantibus, sed facto ipsam efficiente & probante. Sic in Iordane corpore Christi aquam contingente eam vim accepisse,

Conclusio.

Probatio.

Baptismus est veritas circumcisionis veteris.

Lib. 4. c. 2. dicitur eam præcipue Rom. 6.

In cor. 12.

accepisse, Patribus probatum est, vt Aug. serm. 36. tom. 10. Bedæ, Vghoni, & Theologis sequentibus Magistrū 4. dist. 3. quod enim, quidam ex illis dubitēt, quidam partem aliquam baptismi, non totum sacramentum in Iordane dicunt institutum. nulla firma ratione nititur. Et certē cum Dominus à Ioanne tingeretur, vt cæteris præiret ad exemplum, & baptismum populo probaret, non de baptismo Ioannis quo tingebatur, sed de baptismo suo considerasse videtur: cum Spiritus sancti in columna representatio, & vox Patris de cælo eū Filium compellantis, Trinitatem diuinam, in cuius nomine baptismus institueretur, expresse. Quasi diceret, hac forma & aqua naturali Spiritus sancti gratiam in baptizatos infundēdam, quamuis de hac re, sicut & de multis ad sacramenta pertinentibus, nihil ab Euangelistis scriptum legamus, quæ tamen diuina Traditione in Ecclesia Catholica retinemus. Sit igitur fidei catholice dogma, baptismum nostrū, à Domino ante passionem institutum, licet quando sit institutus non constet ex verbo Dei: Patribus autem probari in Iordane fuisse institutum, vt explicauimus.

3. Vnde quod legimus Ioan. 4. discipulos Christi plures baptizasse, quā Ioannes de Christi baptismo proculdubio est intelligendum, & de forma ab illo præscripta, licet sancta scriptura id non expresse: quia Ioan. 1. inquit præcursor Domini, qui misit me baptizare in aqua, ille mihi dixit, super quem videris Spiritum descendentem & manentem super eum, hic est qui baptizat in Spiritu sancto. sed cap. 4. scribit, Audierunt Pharisei, quod Iesus plures discipulos facit, & baptizat quā Ioannes: quanquam Iesus non baptizaret, sed discipuli eius. baptismus ergo, quo baptizabant Christi discipuli, fuit baptismus à Christo institutus, nempe qui conferebat spiritum sanctificantem: & idcirco efficitur, eum institutum principio prædicationis Domini, & in Iordane cum à præcursore tingeretur: sic enim Patrum sententia cum Euangelio Ioannis omnino consentire videtur. Quin etiam ostendimus quæst. 68. Apostolos Christi, baptismo eiusdem tinctos fuisse: & id quidem valde probabile est contingisse, cum primū à Domino vocati sunt. Quamuis enim virtus & efficacia sacramento-

rum nouæ legis à passione Christi perfecta sit & consummata: meruit tamen Christus pluribus actionibus, à prima statim conceptione vt hominis, redemptionem & sanctificationem hominis, sacramentis à se institutis perficiendam, vel alia quacunque ratione, ex autoritate & potestate excellentiæ, de qua supra dictum est: quare potuerunt baptismo Christi, ante eius passionem, plures sanctificari. De præcepto baptismi, expressa sententia est Matt. & Marc. ult. quam constat Dominum post resurrectionem, & Ascensioni proximum protulisse. De abrogatione autem veterū sacramentorum dictum est sup. q. 62.

ARTICVLVS III.

Vtrum aqua sit propria materia baptismi.

AD tertium sic proceditur. Videtur, quod aqua non sit propria materia baptismi. Baptismus enim secundum Dionys. * & Damasc. † habet vim illuminatiuā. Sed illuminatio maximè competit igni. Ergo baptismus magis debet fieri in igne quā in aqua: præsertim cum Ioan. Baptista prænuntians Christi baptismum, dicat: Ille vos baptizabit in Spiritu sancto & igni.

¶ 2. Prætereā, In baptismo significatur ablutio peccatorum. Sed multa alia sunt ablutiua, quā aqua: sicut vinum, & oleum, & huiusmodi alia. Ergo etiam in his potest fieri baptismus. Non ergo aqua est propria materia baptismi.

¶ 3. Prætereā, Sacramenta Ecclesiæ fluxerunt de latere Christi, pendentis in cruce: vt supra * dictū est. Sed inde fluxit non solum aqua, sed etiam sanguis. Ergo videtur quod etiam in sanguine possit fieri baptismus. Qui etiam videtur magis conuenire cum causa & effectu baptismi: quia dicitur Apocalyp.

H 3 calyp.

Apostolos baptismo Christi sub forma Trinitatis baptizasse.

4. d. 3. ar. 3. q. 1. d. 17. q. 3. ar. 4. q. 3. q. 4. con. c. 59. q. 2. ar. 10. co. 10. 3. 60. 4. * Dam. lib. 4. cap. 10. circa med. † Dionys. 6. 2. Eccles. hier.

q. 62. ar. 51

D. Thom. tert. part.

calyp. i. Lauit nos à peccatis nostris in sanguine suo.

*Serm. 36. de
tempore circa
princ. tom. 10.
† Gloss. ordin.
supe. illud Luc.
2. ¶ Iesu bap-
tizato, ex Be-
da, cap. 1. in
Luc. 10. 2. ¶ in
homil. Evan.
quod cant. in
oct. Epiph.

¶ 4. Præterea, Sicut Augu. * & Beda dicunt, † Christus tactu suæ mundissimæ carnis vim regeneratiuam & purgatiuam cōtulit aquis. Sed non omnis aqua continuatur cum aqua Iordanis, quam Christus tetigit sua carne. Ergo videtur, quod non in omni aqua possit fieri baptismus, & ita aqua, in quantum huiusmodi, non est propria materia baptismi.

¶ 5. Præterea, Si aqua secundū se esset propria baptismi materia, nō oporteret aliquid aliud fieri circa aquam, ad hoc, quod in ea baptismus fieret. Sed in solenni baptismo, aqua, in qua debet celebrari baptismus, exorcizatur & benedicitur. ergo videtur quod aqua secunde nō sit propria baptismi materia.

SED CONTRA est, quod Dñs dicit Ioan. 3. Nisi quis renatus fuerit ex aqua & Spiritu sancto, nō potest introire in regnum Dei.

RESPONDEO dicendum, quod ex institutione diuina, aqua est propria materia baptismi. Et hoc conuenienter. Primò quidem, quantum ad ipsam rationē baptismi, qui est regeneratio in spiritualem vitam: quod maximè congruit aquæ. Vnde & semina, ex quibus generantur omnia viuientia, scilicet plantæ & animalia, humida sunt, & ad aquam pertinent. Propter quod quidam Philosophi * posuerunt aquam omnium rerum principium.

* Videtur in
1. Physic.

Secundò, quantum ad effectus baptismi, quibus competunt aquæ proprietates, quæ sua humiditate lauat: ex quo conueniens est ad significandam & causandā ablutionē peccatorū. Sua frigiditate etiā tē-

perat superfluitatem caloris: & ex hoc competit ad mitigandam concupiscentiam fomitis. Sua diaphanitate est luminis susceptiua, vnde competit baptismi in quantum est fidei sacramentū. Terriò, quia conuenit ad representandum mysteria Christi quibus iustificamur. Vt enim dicit Chrys. * super illud Ioan. 3. Nisi quis renatus fuerit, &c. sicut in quodam sepulchro, in aqua submergētibz nobis capita, vetus homo sepelitur, & submersus deorsum occultatur, & deinde nouus rursus ascendit.

Quarto, quia ratione suæ cōmunitatis & abundantie est conueniens materia necessitati huius sacramenti. Potest enim ubiq; de facili haberi. AD PRIMVM ergo dicendum, quod illuminatio pertinet ad ignē actiue. Ille autē qui baptizatur, non efficitur illuminans, sed illuminatus per fidē, quæ est ex auditu, vt dicitur Rom. 10. Et ideo magis cōpetit aqua baptismi, quā ignis. Quod autē dicitur: Baptizauit vos in Spiritu sancto & igni, potest per ignē (vt Hier. * dicit) intelligi Spiritus sanctus, qui super discipulos in igneis linguis apparuit: vt dicitur Act. 2. Vel per ignē potest intelligi tribulatio: vt Chrys. * dicit super Matt. Quia tribulatio peccata purgat, & concupiscentiam dimittit. Vel quia vt Hila. * dicit super Matt. Baptizatis in Spiritu sancto, reliquū est consumari igne iudicij.

AD SECVNDVM dicendum, quod vinum & oleum non communiter assumuntur ad vsum ablutionis, sicut aqua. Nec etiam ita perfectè abluunt: quia ex eorum ablutione remanet aliqua infectio, quantum ad odorem, quod non contingit de aqua

Homil. 24. in
Ioan. à med.
tom. 3.

* Super istud
verbum Mat.
3 to. 9. Et Be-
da super Luc.
cap. 9.
* Hom. 3. in o-
pere imperfecto
90. 21

Hila. samo. 2.
in Math. post
me. illius.

aqua. Illa etiã non ita communiter & abundanter habetur, sicut aqua.

AD TERTIVM dicendum, quod ex latere Christi fluxit aqua ad abluendum, sanguis autem ad redimendum. Et ideo sanguis competit sacramento Eucharistiæ: aqua autem sacramento Baptismi, qui tamen habet vim ablutivam ex virtute sanguinis Christi.

AD QVARTVM dicendum, quod virtus Christi derivata est ad omnem aquam, non propter continuitatem loci sed propter similitudinem speciei. Vnde dicit Aug. * in quodã sermone Epiphaniæ, Quæ de Salvatoris baptismo benedictio fluxit, tãquam fluvius spiritalis, omnem gurgitum tractus, uniuersorũ fontium venas impleuit.

AD QVINTVM dicendum, quod illa benedictio, quæ adhibetur aquæ, non est de necessitate baptismi, sed pertinet ad quandam solennitatem, per quam excitatur deuotio fidelium, & impeditur astucia demonis, ne impediatur baptismi effectum.

ARTICVLVS IIII.

Utrum ad baptismum requiratur aqua simplex.

AD quartum sic proceditur. Videtur, quod ad baptismũ non requiratur aqua simplex. Aqua enim quæ apud nos est, non est aqua pura, quod præcipuè apparet de aqua maris, in qua plurimũ admiscetur de terrestri, ut patet per Philo. in lib. Meteor. * Et tamen in tali aqua potest fieri baptismus. Ergo non requiratur aqua simplex, & pura ad baptismum.

¶ 2. Præterea, In solenni celebratione baptismi, aquæ infunditur chrisma. Sed hoc videtur impedi-

re puritatem & simplicitatẽ aquæ. Ergo aqua pura & simplex non requiritur ad baptismum.

¶ 3. Præterea, Aqua fluens delatere Christi pendentis in Cruce, fuit signũ baptismi: ut dictum est. * Sed aqua illa non videtur fuisse aqua pura, eo quod in corpore mixto (cuiusmodi fuit corpus Christi) non sunt elementa in actu. Ergo videtur, quod nõ requiratur aqua pura vel simplex ad baptismum.

¶ 4. Præterea, Lixiuum non videtur esse aqua pura: habet enim contrarias proprietates aquæ, scilicet calefaciendi & desiccandi, & tamen in lixiuo videtur posse fieri baptismus: sicut & in aquis balnearũ, quæ transeunt per venas sulphureas, sicut & lixiuum colatur per cineres. Ergo videtur quod aqua simplex non requiratur ad baptismũ.

¶ 5. Præterea, Aqua rosacea fit per sublimationem a rosis, sicut etiam aquæ Alchemicæ generantur per sublimationẽ ab aliquibus corporibus. Sed in his aquis, ut videtur, potest fieri baptismus, sicut & in aquis pluuiialibus, quæ per sublimationem vaporum generantur. Cum igitur huiusmodi aquæ non sint puræ & simplices, videtur quod aqua pura & simplex non requiratur ad baptismum.

SED CONTRA est, quod propria materia baptismi est aqua, ut dictum est. * Sed speciem aquæ nõ habet nisi aqua simplex. Ergo aqua pura & simplex de necessitate requiritur ad baptismum.

RESPONDEO dicendum, quod aqua suam puritatem & simplicitatem potest amittere dupliciter. Vno modo per mixtionẽ alterius corporis, alio modo per alteratio-

In serm. 1. De
min. & infra
est. Epiph. 2.
med. 10. 10.

4. di. 3. ar. 3. q.
2. ¶ 4. c. 58.

Li. 2. c. 3. 80. 2

art. præc. & q.
62. ar. 5.

art. præc.

D. Thom. tert. part.

nem. Verumque autem horū contingit fieri dupliciter scilicet per artē & per naturā, Ars autem deficit ab operatione naturæ, quia natura dat formam substantialem, quod ars facere non potest. Sed omnes formæ artificiales sunt accidentales, nisi fortè apponendo proprium agens ad propriam materiam, sicut ignē combustibili: per quem modum à quibusdam quædam animalia per putrefactionem generantur. Quæcunque igitur transmutatio circa aquam facta est per artem, siue commiscendo, siue alterando, non transmutatur species aquæ. Vnde in tali aqua potest fieri baptismus, nisi fortè aqua admisceatur per artē in tā parua quantitate alicui corpori, quod compositum magis sit aliud quàm aqua, sicut lutum magis est terra quàm aqua, & vinum lymphatum magis est vinū quàm aqua. Sed transmutatio, quæ fit à natura, quandoque quidem speciem aquæ soluit, & hoc fit quando aqua efficitur per naturam de substantia alicuius corporis mixti, sicut aqua conuersa in liquorem vitz, est vinum: vnde non habet speciem aquæ. Aliquando autem fit per naturam transmutatio aquæ sine solutione speciei, & hoc tam per alterationem (sicut patet de aqua calefacta à sole) quam etiam per mixtionem, sicut patet de aqua fluminis, turbida ex permissione terrestrium partium. Sic ergo dicendum est, quod inqualibet aqua qualitercunque transmutata, dummodo non solvatur species aquæ, potest fieri baptismus, si verò solvatur species aquæ, non potest fieri baptismus.

Ad primum ergo dicendum,

quod transmutatio facta in aqua maris, & etiam in aliis aquis, quæ penes nos sunt, non est tāta, quod soluat speciem aquæ. Et ideo in huiusmodi aquis potest fieri baptismus.

Ad secundum dicendum, quod admixtio chrismatis, non soluit speciem aquæ, sicut nec etiam aqua decoctionis carniū, aut aliorum huiusmodi. Nisi fortè sit facta tanta resolutio corporum lixatorum in aqua, quòd liquor plus habeat de aliena substantia, quàm de aqua, quod ex spissitudine percipi potest. Si tamen ex liquore sic inspissato exprimatur aqua subtilis, potest in ea fieri baptismus: sicut & in aqua, quæ exprimitur ex luto, licet in luto baptismus fieri non possit.

Ad tertium dicendum, quod aqua fluens de latere Christi pendens in cruce, non fuit humor phlegmaticus, ut quidam dixerūt. In tali enim humore non posset fieri baptismus, sicut nec in sanguine animalis, aut in vino, aut quocunque licore alicuius plantæ. Fuit autem aqua pura, miraculosè egrediens à corpore mortuo, sicut & sanguis, ad comprobendam veritatem Domini corporis, contra Manichæorum errorē. ut scilicet per aquam, (quæ est vnum quatuor elementorum) ostenderetur corpus Christi verè fuisse compositum ex quatuor elementis: per sanguinē verò ostenderetur esse compositū ex quatuor humoribus.

Ad quartum dicendum, quod in lixiuo, & in aquis sulphureorum balneorum, potest fieri baptismus, quia tales aquæ non incorporantur per artem vel naturam aliis quibus corporibus mixtis, sed solū altera-

alterationem quandam recipiunt, ex hoc quod transeunt per aliqua corpora.

AD QUINTVM dicendū, quod aqua rosacea est liquor rosæ resolutus. Vnde in ea non potest fieri baptismus, & eadem ratione nec in aquis alchimicis, sicut nec in vino. Nec est eadem ratio de aquis pluuiialibus, quæ generantur ex maiori parte ex sublimatione vaporū resolutorum ex aquis. Minimum autem est ibi de liquoribus corporum mixtorum, qui tamen per huiusmodi sublimationem virtute naturæ, quæ est fortior arte, resoluntur in veram aquam, quod ars facere non potest. Vnde aqua pluuiialis nullam proprietatem retinet alicuius corporis mixti, quod de aquis rosaceis & aquis alchimicis dici non potest.

ARTICVLVS V.

Verum hæc sit conueniens forma baptismi. Ego te baptizo in nomine Patris, & Filij, & Spiritus sancti.

Inf. q. 84. art. 3.
co. 4. d. 3.
ar. 2. q. 1. &
1. co. 1. l. 2.
ol. 3.

AD quintum sic proceditur. Videtur quod hæc non sit conueniens forma baptismi. Ego te baptizo in nomine Patris, & Filij, & Spiritus sancti. Actus enim magis debet attribui principali agenti, quam ministro. Sed in sacramento minister agit ut instrumentum (ut supra dictum est) principale autem agens in baptismo est Christus, secundum illud Ioan. 1. Super quem videris Spiritum descendentem & manentem, hic est qui baptizat. Inconuenienter ergo minister dicit, Ego te baptizo, præsertim quia in hoc quod dicitur, Baptizo, intelligitur ego, & sic videtur superflue apponi.

* Quæst. 64.
art. 1.

¶ 2. Præterea, Nō oportet quod ille qui aliquem actum exercet, de actu exercito faciat mentionem, sicut ille qui docet, non oportet quod dicat: Ego vos doceo. Dominus autem simul tradidit præceptum baptizandi & docendi, dicēs, Matt. ult. Euntes docete omnes Gentes, &c. Ergo non oportet quod in forma baptismi fiat mentio de actu baptismi.

¶ 3. Præterea, Ille qui baptizatur, quandoque non intelligit verba, puta, si sit surdus aut puer. Frustra autem ad talem sermo dirigitur, secundum illud Eccles. 32. Vbi non est auditus, nō effundas sermonem. Ergo inconueniēter dicitur: Ego te baptizo, sermone directo ad eum, qui baptizatur.

¶ 4. Præterea, Contingit simul plures baptizari & à pluribus sicut Apostoli baptizauerūt vna die tria millia, & alia die quinq; millia, ut dicitur, Act. 2. & 4. Nō ergo debet forma baptismi determinari in singulari numero, ut dicatur: Ego te baptizo, sed potest dici, nos vos baptizamus.

¶ 5. Præterea, Baptismus virtutem habet à passione Christi. Sed per formam baptismus sanctificatur. Ergo videtur, quod in forma baptismi debeat fieri mentio de passione Christi.

¶ 6. Præterea, Nomen designat proprietatem rei. Sed tres sunt proprietates personales diuinarum personarum, ut in prima parte dictum est. * Non ergo debet dici, in nomine Patris, & Filij, & Spiritus sancti, sed in nominibus.

¶ 7. Præterea, Persona Patris non solum significatur nomine Patris, sed etiam nomine Innascibilis

D. Thom. tert. part.

& Genitoris. Filius etiā significatur nomine Verbi, & Imaginis, & Geniti. Spiritus etiā sanctus potest significari nomine Doni, & Amoris procedētis. Ergo videtur, quod etiam his nominibus vtendo, perficiatur baptismus.

SED CONTRA est, quod Dominus dicit, Matth. ult. Euntes docete omnes gentes, baptizantes eos in nomine Patris, & Filij, & Spiritus sancti.

RESPONDEO dicēdum, quod baptismus per suam formam cōsecratur, secundum illud Ephes. 5. Mundans eam lauacro aquæ in verbo vitæ & August. * dicit in lib. de vnico baptismo, quod baptismus verbis Euangelicis consecratur. Et ideo oportet, quod in forma baptismi exprimaturs causa baptismi. Est autem eius duplex causa. Vna quidem principalis, à qua virtutem habet, quæ est sancta Trinitas. Alia autem instrumentalis, scilicet minister, qui tradit exterius sacramentum. Et ideo oportet in forma baptismi, de vtraque fieri mentionē. Minister autem tangitur, cum dicitur: Ego te baptizo. Causa autem principalis, cum dicitur: In nomine Patris, & Filij, & Spiritus sancti. Vnde hæc est conueniens forma baptismi: Ego te baptizo in nomine Patris, & Filij, & Spiritus sancti.

AD PRIMUM ergo dicendum, quod octio attribuitur instrumento sicut immediatè agenti, attribuitur autem huiusmodi actio principali agenti, sicut in cuius virtute instrumentum agit. Et ideo in forma baptismi conuenienter significatur minister, vt exercens actum baptismi, per hoc quod dicitur: Ego

te baptizo: sicut & ipse Dñs baptizandi actum attribuit ministris, dicens: Baptizantes eos, &c. Causa autem principalis significatur vt in cuius virtute sacramentum agitur, per hoc quod dicitur: In nomine Patris, & Filij, & Spiritus sancti: nō enim Christus baptizat sine Patre & Spiritu sancto. Græci autem non attribuunt actum baptismi ministris, ad euitandum antiquorum errorem, qui virtutem baptismi baptizantibus attribuebant, dicētes: Ego sum Pauli, & ego Cephæ. Et ideo dicūt, Baptizetur seruus Christi, talis, in nomine Patris, &c. Et quia exprimitur actus exercitus per ministrum cum inuocatione Trinitatis, verum perficitur sacramentum. Quod autē additur: Ego, in forma nostra, non est de substantia formæ, sed ponitur ad maiore expreſsionem intentionis.

AD SECVNDVM dicendū, quod quia ablutio hominis in aqua, propter multa fieri potest, oportet quod determinetur in verbis formæ ad quid fiat. Quod quidē nō fit per hoc quod dicitur: In nomine Patris, & Filij, & Spiritus sancti: quia omnia in tali nomine facere debemus: vt habetur Colos. 3. Et ideo si non exprimaturs actus baptismi vel per modū nostrum, vel per modū Græcorum, nō perficitur sacramentum, secundum illam Dec. Alex.

* 3. Si quis puerum ter in aqua immerſerit in nomine Patris, & Filij, & Spiritus sancti, amen: & non dixerit: Ego te baptizo in nomine Patris, & Filij, & Spiritus sancti, amē, non est puer baptizatus.

AD TERTIVM dicēdum, quod verba quæ proferuntur in formis sacramentorum, non pronuntiātur solum

Libro. 6. de baptis. contra Doct. natist. c. 25. eo. 7. & li. 4. ca. 25. refertur de consecr. 4. c. Satis ostendimus.

In Decr. libi 3. tit. 41. de baptismo & eius effectu, c. 2.

solū causa significandi, sed etiam causa efficiendi, in quantum habēt efficaciam ab illo verbo, per quod facta sunt omnia. Et ideo conuenienter diriguntur non solum ad homines non intelligētes, sed etiā ad creaturas insensibiles, vt cū dicitur: Exorcizo te creatura salis.

AD QVARTVM dicendū, quod plures simul non possunt vnum baptizare, quia actus multiplicatur secundum multiplicationem agentium, si perfectē ab vnoquoque agatur. Et sic si conuenirent duo, quorum vnus esset mutus, qui non posset proferre verba, & alius carens manibus, qui non posset excercere actū: non possent ambo simul baptizare, vno dicēte verba, & alio exercente actum. Possunt autem (si necessitas exigit) plures simul baptizari, quia nullus eorum recipere nisi vnū baptismum. Sed tunc oportebit dicere, Ego baptizovos. Nec erit mutatio formæ, quia vos nihil aliud est, quam te, & te. Quod autem dicitur, nos, non est idem dicere, quod ego, & ego, sed ego & tu, & sic iā mutaretur forma. Similiter autē mutaretur, si diceretur: Ego baptizo me. Et ideo nullus potest baptizare seipsum: propter quod & Christus à Ioanne voluit baptizari, vt dicitur extra de baptismo* & eius effectū, c. Debitū.

AD QVINTVM dicendū, quod passio Christi, etsi sit principalis causa respectu ministri: est tamen causa instrumentalis respectu sanctæ Trinitatis. Et ideo potius commemoratur Trinitas quam passio Christi.

AD SEXTVM dicendū, quod etsi sint tria nomina personalia triū

personarum, est tamen nomen vnū essentialē. Virtus autē diuina, quæ operatur in baptismo, ad essentiā pertinet, & ideo dicitur in nomine, & non, in nominibus.

AD SEPTIMVM dicendū, quod sicut aqua sumitur ad baptismum, quia eius vsus est communior ad abluendum, ita ad significandum tres personas, in forma baptismi assumuntur illa nomina, quibus cōmunius consueuerūt nominari personæ in illa lingua. Nec in aliis nominibus perficitur sacramentum.

COMMENTARIUS.

IDE essentialibus partibus baptismi, deinde de ritibus & cæremoniis administrationis dicendum est: de illis autē, hæc est certa & firma sententia. Aqua naturalis simpliciter & absolute speciem & naturam aquæ retinens, est baptismi materia: forma verò est illa: Ego te baptizo in nomine Patris, & Filij, & Spiritus sancti. aquā naturalem dicimus, quæ verè & propriè aqua dicitur, vt distinguatur ab ea quæ æquiuocè aqua dicitur, cū sit potius succus de herbis aut aliis corporibus expressus, à quibus & nomen accipit: vt aqua rosacea, & similes: cuius generis sunt lachrymæ, & aliæ defluxiones, ex humoribus & partibus corporis. Retinet verò hæc aqua naturalis suam speciem, etiam si exterius qualitatibus variè afficiatur, vt calore, sapore, colore, modò non sit facta tanta alteratio, vt in aliam naturam commutetur. an verò secundum naturam, aquæ differat specie, ad baptismū nihil refert: cū omnis aqua naturalis, sit eius materia. Sic aqua per cineres transmissa, quæ lexiuium dicitur, vel per sulfureos meatus, aut alterius metalli, vel parum permista cum alio corpore, vt aqua in qua caro sit decocta, & nō sit succo carnis admodū commista, aqua etiam parum per puluere conspersa, vel de corporibus humidis expressa, vt de luto, vera est & naturalis aqua. imo verò aqua naturaliter fit ex vaporibus, quæ vi caloris educuntur, & in nubem, deinde in aquā cōuertuntur. De aqua verò quæ ex latere Christi, pendentis in cruce defluxit, dictum est supra quæst. 62. nu. 21.

Conclusio

Explicatio

In Decr. lib.
3. tit. 42. ca. 4
Debitum.

Comment.in D.Tho.tert.par.

Confirmatio.

2 Conclusiōnis probatio, est verbū Dei expressum, Matth. vltimo: baptizantes eos in nomine Patris, & Filij, & Spiritus sancti, cū baptizari sit aqua abluī, Ioan. 3. Nisi quis renatus fuerit ex aqua & Spiritu sancto, Act. 8. inquit Eunuchus ad Philippū, ecce aqua, quis prohibet me baptizari. & deinde, descenderunt vterque in aquam Philippus & Eunuchus, & baptizauit eum; cum autem ascendisset de aqua, Spiritus Domini rapuit Philippum. Hinc est quod Apostoli significantes hoc sacramentum, semper aquā nominant, quasi ex parte totum intelligentes, vt Ephes. 5. de Ecclesia mundans eam lauacro aquæ, in verbo vitæ, quod Patres de materia & forma huius sacramenti intelligunt. ad Titum 3. dicitur baptismus, lauacrum regenerationis & renouationis. Ioannes etiam 1. Epist. cap. 5. aquam vocat scribens, tres sunt qui testimonium dant in terra, spiritus, aqua, & sanguis. Concil. Florent. Sess. vltima, in doctrina de sacramentis, materia inquit, huius sacramenti baptismi est aqua vera & naturalis, nec refert frigida sit aut calida. Tridentinum Sess. 7. Can. 2. Si quis dixerit aquam veram & naturalem, non esse de necessitate baptismi, atque ideo verba illa Domini nostri Iēsv Christi: Nisi quis renatus fuerit ex aqua & Spiritu sancto, ad metaphoram aliquam detorserit anathema sit. Subiiciuntur anathemati huius canonis Protestantes, qui contemnentes omnium Patrum consensum, qui aquam naturalem, non metaphoricam, nempe solum in nouationem internam, vel non imputationem peccatorum, vt illiloquuntur, intelligunt, negant illis verbis materiam baptismi necessariam contineri. Patrum testimonia in expositione eiusdem testimonij Ioan. 3. manifesta sunt. Constans etiam sententia est veterum omnium, aquis olim adumbratam fuisse nostrum baptismum, in natura & lege, vt aquis diluuij. 1. Pet. 3. Aquis maris rubri. 1. Cor. 10. & aliis multis, quæ colligit primò Tertul. lib. de baptismo, cap. 4. & sequētibus, dein de alijs Patres, sed vberius D. Hieron. Epi. ad Oceanum. Sunt etiam aliquot Patrum testim. de consec. dist. 4. cap. filius, & cap. non dubito. Accedant his prophetice promissiones de baptismo, nomine aque propositæ Itai. 12. Ezech. 36. & 47. Zachar. 13. & 14. est ergo catholicum dogma, quod

*Contra errorem
Protestantium
de materia bap-
tismi.*

omnes Theologi conitanter docent. 4. Sentent. d. 3. aquam naturalem tantum esse propriam baptismi materiam.

3 Sed de forma animaduertendum est, ad essentiam illius pertinere expressionē vnus essentia diuinæ, & trium personarum nominibus propriis & relatiuis, significantibus relatiuam earum inter se distinctionem, atque etiam ministri baptizantis cum propria actione, & suscipientis baptismum. Diuina essentia in illa voce [nomine] intelligitur: quia nomen est idem quod virtus & potētia, quæ cū sit absoluta, in tribus personis diuinis vna est & simplicissima, & diuinæ essentia omnino eadem, vt 1. par. ostensum est. Tres verò diuinæ personæ, propriis nominibus Patris, & Filij, & Spiritus sancti significantur. Vnde hac fidei confessione Arrius confunditur, qui Filio diuinam Patris essentiam negauit, & Arrianorum baptismus inanis ostenditur, qui in filio minore & non æquali, se credebant baptizare. oportet autem ministrum sacramenti, eundem sensum retinere in essentialibus sacramenti, quem Ecclesia catholica docet, cū sit illius minister, neque aliter verus est Christi, cuius sponsa est Ecclesia catholica, minister, neque principali agēti, à quo vim habet, conformis. Qui vero [in nominibus] diceret, plures essentias in diuinam Trinitatem induceret. Non autem qui diceret in nomine Patris, & in nomine Filij, & in nomine Spiritus sancti, quia sic eadem potentia singulatis personis tribuitur.

*Forma baptis-
mi catholica ex-
plicatio.*

4 Sic intelligunt veteres Patres formam baptismi, de vnitāte diuinæ essentia, & trium personarum distinctione contra Arrianos & Sabellianos disputantes: vt Hilarius lib. 2. de Trinita. Athanasius disputatione contra Arrium habita in Concilio Nicæno, Vigilius Martyr, Fulgentius, August. de Eccles. dogm. cap. 52. baptisma vnum est, inquit, sed in Ecclesia vbi vna fides est, vbi in nomine Patris & Filij & Spiritus sancti datur. lib. posteriore cōtra Fulgent. Donatistā, scribit de baptismo: illud est vnū quod verū, illud verū quod Christi, illud Christi, quod Patris & Filij, & Spiritus sancti, hoc est verū, hoc salubre, huic nullū est cōparandū: hoc qui non accipit, ipse sibi & vitæ meritū clausit, & mortis aditum patefecit. Itaque vt est

*Contra Arria-
nos & Sabel-
lianos, va. et ca.
de explicatio.*

vna

vna fides vnitatis & Trinitatis diuinæ catholica : sic vna debet esse intelligentia formæ baptismi, qua fidem catholicam profiteamur : cum sit baptismus ingressus & ianua ad cætera sacramenta in Ecclesia catholica percipiendum : & ideo qui baptizatur, eandem fidem proficitur, cuius primum caput & articulus est de eadem diuinitate & Trinitate in sensu catholico, in quo est veræ fidei professio, & non in verbis tantum. Hoc significauit Apostolus, vnitatem fidei cum vnitatem baptismi coniungens, cum scribit, vna fides, vnum baptisma, vt baptismi vnitatis, non tantum iterationem eiusdem sacramenti excludat, sed etiam vnius fidei catholice professionem representet, & contineat. Vnde D. Hieron. ad illud Matth. vltimo, [baptizantes eos] primum, inquit, docent omnes gentes, deinde doctas intingunt aqua: non enim potest fieri, vt corpus baptismi recipiat sacramentum, nisi ante anima fidei susceperit vnitatem. Baptizatur autem in nomine Patris, & Filij, & Spiritus sancti, vt quorum vna est diuinitas, vna sit largitio, nomenque Trinitatis vnus Deus. consentit etiam quod scribit contra Arrianos de eadem forma in comment. ad Ephes. 4. consentiunt & alij Patres Græci ad eundem locum Matthei, & præterea Chryso. hom. 16. ad Rom. Ilichius in 14. Leuit. Didimus lib. 2. de Spiritu sancto, Basilii, lib. 3. contra Eunom. Athanasius serm. 3. contra Arrian. Origen. lib. 3. Periarch. Cyprianus in Epist. ad Iubaian. Tertul. lib. de baptismo, Iustinus Apolog. 2. Irenæus, lib. 2. cap. 19. Dionys. Areop. lib. de Eccles. hierarc. cap. 2. Clemens Rom. lib. 3. constit. cap. 15. & lib. 7. cap. 23. & Can. Apost. 48. aut 40. secundum veriore computationem. Denique Concilium Florent. Sess. vlt. in Doctrina de sacramentis, & Trident. Sess. 7. de baptismo, Can. 4.

Contra Protestantes de professione fidei per baptismum, & de eius forma.

5 Quod si baptismus est veræ & Catholice fidei professio, & fides docet salutem & iustificationem nostram, in vera penitentia in adultis post lapsum, & temper in mandatorum obseruatione & obedientia, vt in parvulis in legitima baptismi susceptione positam esse, vt illa verba Domini. Matth. vlt. ostendunt, ea ratione cum baptismi præcepto sic coniuncta: Euntes ergo docete omnes gentes, baptizantes

eos in nomine Patris, & Filij, & Spiritus sancti, docentes eos seruare omnia quæcunque mandauimus vobis: certè Protestantes expresso Dei verbo repugnant, docentes baptismum & cætera sacramenta, esse fidei suæ specialis, quæ non habet adiunctam charitatem, & ideo neque veram penitentiam, neque obseruationem decalogi, protestationes quasdam: de quo etiam disputauimus supra quæst. 62. & est definitum contra eos Sess. 7. Concil. Trident. Can. 6. de sacramen. in genere. Illud etiam valde impie & impudenter docent: formam & essentiam baptismi non consistere in determinatis & certis verbis & syllabis, vt magicum aliquid. necesse est enim externam fidei professionem ore & verbis fieri, sicut scriptum est, Rom. 10. corde creditur ad iustitiam, ore autem confessio fit ad salutem. Vt autem certa est & definita fidei, quam exterius profiteamur, sententia: sic necesse est certa esse & præscripta verba, secundum legitimam & catholicam sensum, ad sinceram & sanam eiusdem fidei professionem.

6 Quod qui non videt in verbis Domini & sententia eorum contineri, vt ex Patribus & Conciliis ostendimus, hic profectò, suo vitio & malo, vel in meridiana luce caligat, vel suo iudicio subuersus, vniuersalè totius Ecclesie, & Dñi sententiam continet. Neque animaduertunt, demonem hominibus specie pietatis sepius impingere, vt in idololatria, responsis, prædictionibus futurorum ambiguis, & similibus, & ea re, magica multa certis & præscriptis verbis alligasse. Itaque vt certè sunt sententiæ, sic certis verbis, præsertim de rebus diuinis & supernaturalibus, necessariò sunt exprimende: & ideo si diuinam sententiam retinere velis, certa etià verba retinenda sunt, quæ eandem sententiam exprimant: quod Dominus voluit, cum verba præscripsit, sententiis congruentia, in formis sacramentorum. Quare omnes hæretici veteres & recentes, sensum formæ baptismi & aliorum sacramentorum, quouis modo non retinentes, speciem tantum & non veritatem sacramentorum habent: quia diuinam institutionem & sententiam inuertunt: qui verò verbis immutatis, sententiam non mutant, vt ostendimus supra quæst. 61. hi grauius peccat contra Ecclesie præceptum, quæ docta ab Spiritu sancto, ver-

Comment. in D. Th. tert. part.

cto, verba congruentia diuinis sententiis, formis sacramentorum accommodauit, vt omnem errandi occasionem præcideret.

7 Eundem sensum formæ propositæ, comprehendit forma quæ Græcis in usu est, de qua sic legimus in Concil. Florêt. Sess. ult. in doctrina de sacramento baptismi, post descriptâ formâ baptismi receptam in Ecclesia Latina. [Nō tamen negamus quin & per illa verba, baptizetur talis seruus Christi, in nomine Patris & Filij, & Spiritus sancti, vel baptizetur manibus meis talis, in nomine Patris & Filij & Spiritus sancti, verum perficiatur baptisma: quoniam cum principalis causa ex qua baptismus virtutem habet, sit sancta Trinitas, instrumentalis autem sit minister, qui tradit exterius sacramentum, si exprimitur actus, qui per ipsum exercetur ministrum, cum sanctæ Trinitatis inuocatione, perficitur sacramentum.] Itaque vtriusque formæ verbis, essentiam baptismi constare, conciliū affirmat: licet ex præcepto Ecclesiæ, cuius violatio mortifera est, Latinus sacerdos Latinam formam, Græcus, Græcam vsurpare teneatur. Quod autem videtur forma Græca, personam ministri baptizantis non exprimere, non tollit veritatem sacramenti: non enim excludit, quod baptismum irritum redderet, sed includit, in verbo [baptizetur,] à proferente enim formâ ministro, proculdubio baptizari significatur. Sed ideo propriis & conceptis verbis, minister non exprimitur à Græcis, vt à Latinis, ne quis existimaret, in nomine ministri sacramentum perfici, quod licet ab Apostolo reprehensum sit. 1. Corinh. 2. tamen videtur error inualuisse apud plebrosque: atque ideo necesse fuit, non tam aperte ministrum in forma baptismi proponi.

Disputatio
vtrū in forma
baptismi, pro
relatiuis nomi-
nibus liceat
alia substitui-
re.

8 An verò liceat, in eadem forma pro nominibus relatiuis diuinarum personarum, notionalia substituere, id est genitorem, genitum & ab utroque procedentem, pro Patre, Filio, & Spiritu sancto, negat D. Tho. ad 7. & omnes ferè Theologi 4. sent. d. 3. dubitauit q. 1. Palud. sine vlla tamen dubitatione affirmavit doctissimus Caiet. Primo quia si retineatur idem sensus Catholicus formæ, quacunque lingua, verum est sacramentum, vt Nicolaus Papa ad consulti Bulgavorum respondet, de cōsecrat. 4. cap. à quoddam: sed nominibus

notionalibus retinetur, vt constat: erit ergo verum sacramentum. Eodem pertinet Ambros. lib. 1. de Spiritu sancto, cap. 3. substituens alia nomina pro illis relatiuis. Secundò, quia paulò ante citauimus decretum Florent. in quo formam baptismi essentialem, constituit in diuinæ Trinitatis inuocatione, nihil præscribens de his aut illis nominibus, modò diuina Trinitas inuocetur. Nominibus autem notionalibus nos eandem inuocare, nulli dubium esse potest: quare, vt esset verum sacramentum, si quis pro Patre aliud nomen, quod quidem in aliquo idiomate Patrem non formaliter, quia non esset relatiuum, sed materialiter significaret, & pro filio IESVM Christum, pro Spiritu sancto Paracletum substitueret: ita etiam verum sacramentum conficitur, si pro relatiuis, notionalia nomina collocemus. Videtur enim Dominus illis nominibus relatiuis non alligasse formaliter baptismi formam, sed materialiter tantum: vt tantum præcepta sit diuinarum personarum distincta & expressa inuocatio, non autem aliquorum nominum præcissa professio.

9 His certe argumentis probabilis efficitur Caietani sententia: sed quia in hoc sacramento, omnibus ad salutem necessario, voluit Dominus materiam & formam verbis communibus & popularibus proponi, & re maximè obuia, aqua scilicet simplici & naturali, etiam si aliis rebus ablutio perfici posset: & ideo etiam si ablutio maneat, si ex aqua non fiat, sacramentum non est, quod etiam valet in materia Eucharistiæ, ideo non videtur manere institutio Domini, quæ nomina relatiua personarum exprimit in forma baptismi, & ea re neque baptismus, si pro illis alia substituantur. Nihil verò refert eodem modò significant in aliquo idiomate, modo relatiua sint, & habeantur in communi & populari usu. Hoc certè voluit D. Thom. ad 7. cum ait, [ad significandum tres personas in forma baptismi assumuntur illa nomina, quibus communius consueuerunt nominari personæ in illa lingua, nec in aliis nominibus perficitur sacramentum] hoc est non manet veritas sacramenti, deficiente forma essentiali, quam Deus instituit. & cum hæc institutio voluntaria sit, non ex rationibus, sed ex voluntate Christi, verbis institutionis expressa, expendenda est. Quare

Responsio ad
questionem 2.

D. Tho.

D. Thomam, Caiet. sententia consentire, ut de perfectione præcepti Ecclesiastici præscribentis nomina illa relatiua loquatur, non de perfectione essentiali sacramenti, valde inconsideratè asseritur, quod & ipse Caiet. existimauit: cum perfectionem sacramenti, semper intelligat essentialem ex vi institutionis diuinæ, quam neque Ecclesia mutare potest, non autem perfectionem ex præcepto Ecclesiastico institutam. Ex his apertè argumenta Caiet. refelluntur. Vnde si quis fortè pro relatiuis nominibus diuinarum personarum, alia substitueret in forma baptismi, dubitatio probabilis oriretur, an verum sit sacramentum, & ideo sub conditione iterandum esset.

ARTICVLVS VI.

Verum in nomine Christi possit dari baptismus.

AD sextum sic proceditur. Videtur quod in nomine Christi possit dari baptismus. Sicut enim vna est fides, ita est vnū baptismus, ut dicitur Ephes. 4. Sed Acto. 8. dicitur, quod in nomine Christi baptizabantur viri & mulieres. Ergo etiam nunc potest dari baptismus in nomine Christi.

¶ 2. Præterea, Ambro. * dicit: Si Christū dicas, & Patrē, à quo vnctus est, & ipsum, qui vnctus est Filius, & Spiritum sanctum, quo vnctus est, designasti. Sed in nomine Trinitatis potest fieri baptismus. Ergo & in nomine Christi.

¶ 3. Præterea, Nicolaus Papa* ad consulta Bulgarorū respondēs, dicit: Qui in nomine sanctæ Trinitatis, vel tantum in nomine Christi (sicut in Act. Apostolorū legitur) baptizati sunt (vnū quippe idēque est, ut sanctus ait Ambro. *) rebaptizari non debent. Rebaptizantur autem, si in hac forma baptizati, sacramentum baptismi non receperent. Ergo potest cōferri baptis-

mus in nomine Christi sub hac forma, Ego te baptizo in nomine Christi.

SED CONTRA est, quod Pelagius Papa* scribit Gaudērio Episcopo: Si hi qui in locis dilectionis tuæ vicinis commorari dicuntur, se solummodo in nomine Domini baptizatos fuisse confitentur, sine cuiuscunq; dubitationis ambiguo, eos ad fidem catholicā venientes, in sanctæ Trinitatis nomine baptizabis. Dydimus etiam dicit* in libro de Spiritu sancto: Licet quis possit existere saxeus (ut ita dicam) cordis, & penitus mētis alienæ, qui ita baptizare conetur, ut vnū de præceptis nominibus (scilicet triū personarum) prætermittat, tamen sine perfectione baptizabit.

RESPONDEO dicēdū, quod (sicut suprà dictum est*) sacramenta habēt efficaciam ab institutione Christi. Et ideo si prætermittatur aliquid eorum, quæ Christus instituit circa aliquod sacramentum, efficacia caret, nisi ex speciali dispensatione eius, qui virtutem suam sacramentis non alligauit. Christus autem instituit sacramentū baptismi dari, cum inuocatione Trinitatis. Et ideo quicquid desit ad plenā inuocationem Trinitatis, tollit integritatem baptismi. Nec obstat quod in nomine vnius personæ intelligitur alia (sicut in nomine Patris intelligitur Filius) aut quod ille qui nominat vnā solam personā, potest habere rectam fidē de tribus, quia sicut ad sacramentum requiritur materia sensibilis, ita & forma sensibilis. Vnde non sufficit intellectus vel fides Trinitatis ad perfectionem sacramenti, nisi sensibilibus verb. Trinitas exprimat. Vnde &

* De conse. dist. 4. c. 30. Si rō vera.

In lib. 2. paulo à prin. habetur hic liber, in fine operis dist.

Ar. 2. hinc q.

4. dist. 3. ar. 1. q. 2. ad 3. Et 1. co. 1. l. 2. col. 4.

Lib. 1. c. 3. ante med. to. 3.

De conse. d. 4. v. a quodā ludo.

Lib. 1. de Spiritu sancto, c. 3. ante med. to. 2.

Comment.in D.Tho.tert.par.

de & in baptismo Christi (vbi fuit origo sanctificationis nostri baptismi) affuit Trinitas in sensibilib. signis, scilicet, Pater in voce, Filius in humana natura, Spiritus sanctus in columba.

AD PRIMVM ergo dicendū, quòd ex speciali Christi reuelatione Apostoli, in primitiua Ecclesia in nomine Christi baptizabant, vt nomen Christi (quod erat odiosum Iudeis & Gētilib.) honorabile redderetur, per hoc, quod ad eius inuocationem Spiritus sanctus dabatur in baptismo.

Loco citat. in
arg. 2.

AD SECVNDVM dicendū, quòd Ambros. * assignat rationem, quare conuenienter talis dispensatio fieri potuit in primitiua Ecclesia: quia scilicet, in nomine Christi, tota Trinitas intelligitur. Et ideo seruabatur ad minus integritate intelligibili, forma, quā Christus tradidit in Euangelio.

Loco citat. in
arg. 3.

AD TERTIVM dicendū, quòd Nicolaus * Papa dictum suum confirmat ex duobus præmissis. Et ideo eius responsio patet ex primis duabus solutionibus.

COMMENTARIVS.

I D Vbitatio exorta de forma baptismi, hoc articulo illustratur. dubitandi occasio ex verbis sanctę scripturę Act. 8. nata est, vbi multi dicuntur baptizati in nomine Christi: quasi non esset in forma baptismi trium personarum diuinarū distincta inuocatio, sed Christi tantum. sententia D. Thomę est: Baptismus efficax non est, nisi tres diuinę personę sensibilibus verbis exprimantur: nisi ex dispensatione Christi, qui sacramentis virtutem suam non alligauit. Ratio primi est, quia sic Christus instituit Matt. ultimo, & ex institutione sacramenta efficaciam habet: quare mutata institutione, non manet efficacia. Ratio secundi: quia in primitiua Ecclesia oportuit nomen Christi, Iudeis

& gentibus plerisque; detestabile, gloriosum & amabile effici: id verò effectū est, quòd baptismo in nomine Christi administrato, Spiritus sanctus baptizatis sensibilibus infunderetur.

2 De primo autē nulla dubitatio est, & art. præcedenti de eo disputatum est: de secundo, id est, dispensatione administrandi sacramentum in nomine Christi, sine inuocatione diuinę Trinitatis, grauis est & antiqua controuersia: tum quòd de illa dispensatione ex verbo Dei expresso, aut cōcilij plenarij decreto, non constat: tum etiā quòd decreta Summorum Pontificum irritum esse decernunt baptismum, sine diuinę Trinitatis inuocatione. vnus autem Nicolaus Primus ad consulta Bulgarorum cap. 104, & refertur de consecr. d. 4. cap. 2. quoddam Iudeo, videtur asserere in nomine Christi, esse verum sacramentum baptismi Bulgaris administratū, vbi de baptizatis à Iudeo inquit. Hi profectò si in nomine S. Trinitatis, vel tantum in nomine Christi sicut in Actibus Apostolorum legimus, baptizati sunt: vnum quippe idēque est, vt sanctus exponit Ambrosius, constat eos non esse denuò baptizandos. Sed certē huic decreto repugnat alterum Pelagij Pape decretum ead. d. 4. cap. si re vera, ad Gaudentium Episcopum: Si re vera inquit, hi de hæreticis qui in locis suę dilectioni vicinis commorari dicuntur, solum modo se in nomine Domini baptizatos fuisse forsitan confitentur, sine cuiusquam dubitationis ambiguo, eos ad Catholicam fidem venientes, in sanctę Trinitatis nomine baptizabis. ex Theologis verò quidam priori decreto adhærentes, vt Caieta. censent verum, & olim & nunc baptismum conferri in nomine Christi, cum Nicolai illud decretum octingentis post Apostolos annis, editum sit: vt non fuerit illa primitiue Ecclesię concessa dispensatio baptizandi in nomine Christi, sed præceptio generalis Ecclesię: & quocunque modo diuina Trinitas inuocetur, siue explicitè, siue implicitè, vt in nomine Christi intelligitur, pater vngens filius vnctus, & in quo sit vnctio Spiritus sanctus, verus sit baptismus: Audax proculdubio sententia, & de sacramento maxime necessario, & quæ Christi institutio, sanctis Patribus, & Conciliis omnino repugnet: cum in omnibus his, administratio

De baptismo
in nomine Chri
sti.

stratio baptismi cū expressa diuinę Trinitatis inuocatione nominib⁹ relatis pcepta sit. 3 Quare duo de huiusmodi controuersia mihi affirmanda videntur: & baptismum ex institutione Christi, Patrum explicatio- ne, praxi & vsu Ecclesię catholicę ratum esse & efficacē nostrę salutis instrumentum esse, non posse, nisi tres diuinę personę no- minibus relatiuis exprimantur: & incertum esse baptismum in nomine Christi, sine in- uocatione Trinitatis expressa, vnquā fuisse administratū in Ecclesia Catholica. prior pars huius sententię art. 5. demonstrata est, ex sancta scriptura, Patribus & Conciliis, & vsū eidem congruentem, ostendunt in Gręca & Latina Ecclesia, receptę baptis- mi formę, quas eodem art. 5. proposuimus. posterior p. eiusdem sententię ex sancto- rum Patrum testimoniis colligenda est. quamuis enim Act. 8. & 19. scriptum sit, plures in nomine Christi baptizatos, & id aliqui recētiore, presertim Theologi scho- lastici, de baptismo intelligunt cum inuo- catione Christi, & non Trinitatis: veteres tamen Patres, ex quibus vetustatis & vsus antiqui Ecclesię iudicium sumendum est, non eum vocant baptismum in nomine Christi, sed cui Christus vim suam inte- rius abluendi & regenerandi contulerit, cum expressa diuinę Trinitatis inuocatio- ne. vt enim baptismus Ioannis dictus est, quem ille administravit, sine spiritus inno- uantis infusione: sic baptismus Christi, quē ipse instituit, Matt. ultimo, cū inefficentia regenerandi & interius innouandi. Ita sane baptismum in nomine Christi explicat D. Basil. de Spiritu sancto ad Amphilo- chium c. 12. quem videtur, vt in plerisq; imitatus D. Ambros. de Spiritu sancto c. 3. licet explicet, quomodo in nomine Christi, quodammodo Pater & Spiritus sanctus intelli- gantur. apertius Theophil. Luc. 24. Deniq; veteribus Patribus idem est baptismus in nomine Christi, atque baptismus Christi, de quo Ioannes c. 1. hic est qui baptizat in Spiritu sancto. D. August. lib. 6. contra Do- natist. c. 25. [quis nesciat, inquit, nō esse ba- ptismum Christi, si verba Evangelica, qui- bus symbolum cōstat, illi defuerint.] id est inuocatio Trinitatis expressa. & paulō in- fra; nam in multis idolorum sacrilegis sa- cris baptizari homines perhibentur, sed ba- ptismum Christi, id est verbis euangelicis consecratum vbiq; eundem esse, nec homi-

Baptismum in nomine Christi sine diuina Tri- nitatis expres- sione nullū esse, nec fuisse olim, probabile cen- set Cathedris- mus Rom. de baptismoc. 14.

num quorumlibet, & qualibet peruerfitate violari lib. contra Fulgent. Donatist. c. 3. illud baptismus Christi, asserit esse, quod est Patris & Filij & Spiritus sancti, hoc esse ve- rum, & salubre, huic nullum comparandū. D. Damasc. lib. 4. de fide c. 10. in Christo, inquit, baptizari, significat, credentes in eū abluī. Deniq; baptismū Christi, in nomine Christi, vel in nomine Dñi, cū sic Christū appellauerint Apostoli, idem valere existi- mo, atq; in morte Christi baptizari, sed cū expressa Trinitatis diuinę inuocatione. sic enim Apostolus Ro. 6. Quicunq; baptizati sumus in Christo I. e. s. v, in morte ipsius ba- ptizati sumus. Hęc est sententia Cathedris- mi Romani, & idē ceteris præferenda.

4 De Nicolai primi sententia in c. a quo- dam Iudæo citato, libenter aliorum senten- tiam audirem, quia videtur aperte probare baptismū in nomine Christi tantum, id est, sine inuocatione diuinę Trinitatis. D. Tho. ad 3. ad specialē Dñi reuelationem illius baptismi administrationē refert: vt prius re- tulerat baptismū Apostolorum in respōsio- ne ad primum, sed profectō si nō est certa illa reuelatio Apostolis facta, vt ex veteri- bus Patribus deduximus, neq; erit omninō firma hęc Nicolai, quę ad illā refertur, qua- re libentius affirmare non excludi à Nico- laō inuocationē Trinitatis, sed pro filio sub- stitui Christū, & coniungi Patri & Spiritui sancto in forma baptismi. itaq; illa exclu- sio, in nomine Christi tantum, nō excludat alias diuinę Trinitatis personas ab eadē for- ma, sed pro filio Christū collocet: vt ita cō- cepta sit, ego te baptizo in nomine Patris & Christi, & Spiritus sancti, & rationem D. Ambr. eō pertinere, vt sicut ex Filio Pater intelligitur, & ex vtroq; vt principio, Spi- ritus sanctus, sic ex Christo, vngens Pater, & in quo est vnctio Spiritus sanctus, neq; hęc Nicolai sententiā recte dices, nō esse omni- nō certā, quod in cōcilio nō sit lata: semper enim in fide & moribus certa & firma do- cet sum. Pōt. presertim rogatus à fidelibus, vt hic Nicolaus à Bulgaris.

Explicatur c. a quodam Iudæo de cōf. d. 4.

ARTICVLVS VII.

Vtrum immersio in aqua, sit de neces- sitate baptismi.

AD SEPTIMUM sic procedi- tur. Videtur, quod immersio in aqua, sit de necessitate baptismi.

I Vt enim

4. d. 3. art. 6. q. 1.

D. Thom. tert. part.

Ut enim dicitur Ephes. 4. Vna fides, vnum baptisma. Sed apud multos communis modus baptizandi est per immersionem. Ergo videtur, quod non possit esse baptismus sine immersione.

¶ 2. Præterea, Apostolus dicit Rom. 6. Quicumq; baptizati sumus in Christo IESU, in morte ipsius baptizati sumus, consepulti enim sumus cum illo per baptismum in mortem. Sed hoc fit per immersionem, dicit enim Chrysost. † super illud Ioan. 3. Nisi quis renatus fuerit ex aqua & Spiritu sancto, &c. Sicut in quodā sepulchro in aqua submergentibus nobis capita vetus homo sepelitur, & submersus deorsum occultatur, deinde nouus rursus ascēdit. Ergo videtur quod immersio sit de necessitate baptismi.

¶ 3. Præterea, Si sine immersione totius corporis posset fieri baptismus, sequeretur quod pari ratione sufficeret, quanlibet partē aqua perfundi. Sed hoc videtur inconueniens, quia originale peccatum, contra quod præcipuè datur baptismus, non est in vna tantum corporis parte. Ergo videtur, quod requiratur immersio ad baptismum, & nō sufficiat sola aspersio.

SED CONTRA est, quod Hebr. 10. dicitur: Accedamus cum vero corde in plenitudine fidei aspersi corda à conscientia mala, & abluti corpus aqua munda.

RESPONDEO dicendum, quod aqua assumitur in sacramento baptismi, ad vsum ablutionis corporalis, per quam significatur interior ablutio peccatorum. Ablutio autē fieri potest per aquā, nō solum per modum immersionis, sed etiā per modū aspersiois, vel effusionis. Et

ideo quāuis tutius sit baptizare per modū immersionis (quia hoc habet cōmunior vsus) potest tamē fieri baptismus per modū aspersiois, vel etiam per modū effusionis: secundū illud Ezech. 36. Effundā super vos aquā mundam: sicut beatus Laurentius legitur baptizasse. Et præcipuè propter necessitatē: vel quia est magna multitudo baptizandorū: ut patet Act. 2. & 4. vbi dicitur, quod crediderunt vna die tria milia, & alia die 5. milia. Quandoq; autē potest imminere necessitas propter paucitatē aquę: vel propter debilitatē ministri, qui nō potest sustentare baptizandū, vel propter debilitatē baptizandi, cui posset imminere periculū mortis ex immersione. Et ideo dicendum est, quod immersio non est de necessitate baptismi.

AD PRIMUM ergo dicendum, quod ea quę sunt per accidens, non variant substantiā rei. Per se autem requiritur ad baptismū corporalis ablutio per aquam. Vnde & baptismus lauacrū nominatur, secundum illud Ephes. 5. Mūdans eā lauacro aquę in verbo vitę. Sed quod fiat ablutio hoc vel illo modo, accidit baptismo. Et ideo talis diuersitas non tollit vnitatem baptismi.

AD SECUNDUM dicendum, quod in immersione expressius representatur figura sepulture Christi, & ideo hic modus baptizandi est communior & laudabilior. Sed in aliis modis baptizandi representatur aliquo modo, licet non ita expressē. Nā quocūq; modo fiat ablutio, corpus hominis, vel aliqua pars eius, aquę supponitur, sicut corpus Christi sub terra fuit positum.

AD TERTIUM dicendū, quod principalis pars corporis, præcipuè quantum

quantū ad exteriora mēbra, est caput, in quo vigent omnes sensus, & interiores & exteriores. Et ideo, si totū corpus aqua nō possit perfundi, propter aque paucitatē, vel propter aliquā aliā causam, oportet caput perfundere, in quo manifestatur principium animalis vitæ. Et licet per mēbra, quæ generationi deserviūt, peccatū originale traducatur, non tamē sunt membra illa potius aspergēda, quā caput: quia per baptismū non tollitur transmissio originalis in prolem per actū generationis, sed liberatur anima à macula & reatu peccati, quod incurrit. Et ideo debet præcipuē lauari illa pars corporis, in qua manifestantur opera animæ. In veteri autē lege remediū contra originale peccatū, institutū erat in mēbro generationis, quia adhuc ille, per quē originale erat amouendū, nasciturus erat ex semine Abrahæ. Cuius fidē circumcisio significabat, ut dicit Ro. 4.

ARTICVLVS VIII.

Utrum trina immersio sit de necessitate baptismi.

AD OCTAVVM sic proceditur. Videtur, quod trina immersio sit de necessitate baptismi. Dicit enim Aug.* in quodā sermone de Symbolo ad baptizatos, Rectè tertio mersi estis, qui accepistis baptismū in nomine sanctę Trinitatis, rectè tertio mersi estis, qui accepistis baptismum in nomine IESV Christi, qui etiā tertia die resurrexit à mortuis, illa enim tertio repetita immersio, typū Dominicę exprimit sepulturę, per quā Christo consepulci estis in baptismo. Sed utrunq; videtur ad necessitatem baptismi pertinere, scilicet & quod si

gnificetur in baptismo Trinitas personarū, & quod fiat cōfiguratio ad sepulturam Christi. Ergo videtur, quod trina immersio sit de necessitate baptismi.

¶ 2. Præterea, Sacramenta ex mandato Christi efficaciam habent. Sed trina immersio est ex mandato Christi. Scribit enim Pelagius Papa* Gaudētio Episcopo, Euangelicum præceptum ipso Dño Deo & Salvatore nostro IESV Christo tradēte, nos admonet, in nomine Trinitatis trina mersione sanctū baptismum unicuiq; tribuere. Ergo sicut baptizare in nomine Trinitatis, est de necessitate baptismi, ita etiā baptizare trina immersione, videtur esse de necessitate baptismi.

¶ 3. Præterea, Si trina immersio non sit de necessitate baptismi, ergo ad primā immersionē aliquis baptismi consequitur sacramentū. Si ergo addatur secunda, vel tertia, videtur, quod secundò, vel tertio baptizetur, quod est incōueniens. Nō ergo vna immersio sufficit ad sacramentū baptismi, sed trina immersio videt̃ esse de necessitate ipsius.

SED CONTRA est, quod Greg.* dicit scribens Leandro Episcopo, Reprehensibile esse nullatenus potest infantē in baptisinate, vel ter, vel semel immergere, quoniam & in tribus mersionibus, personarum Trinitas, & in vna potest diuinitatis singularitas designari.

RESPONDEO dicendū, quod (sicut prius dictum est*) ad baptismū per se requiritur ablutio aque, quæ est de necessitate sacramenti, modus autem ablutionis per accidens se habet ad sacramentum. Et ideo, sicut ex prædicta auctoritate Gregor.* patet, quantum est de se,

De conse. d. 4. ca. 8. Multi sunt.

li. i. Epist. 47. à med. & habetur de conse. d. 4. c. 79. De ipsius.

** ar. præ. ad ii*

In arg. sed d. 1. tra.

4. d. 3. ar. 4. q. 2. 3. Et d. 23. q. 1. ar. 1. q. 2. cor. Refertur hoc in Decr. de cōs. d. 4. c. 77. Post quam ex Aug. Hom. 4.

D. Thom. tert. part.

verumq; licitè fieri potest, scilicet & semel & ter immergere, quia vnica immersione significatur vnitas mortis Christi & vnitas deitatis, per trinam autem immersionem significatur triduum sepulturæ Christi, & etiã Trinitas personarum. Sed diuersis ex causis secundũ ordinatiõẽ Ecclesię, quandoq; institutus est vnus modus, quandoq; alius. Quia enim à principio nascẽtis Ecclesię, quidã de Trinitate malè sentiebãt, Christum purũ hominem esse cõstitimãtes, nec dici filiũ Dei & Deum, nisi propter meritũ eius, quod præcipuè fuit in morte, ideo nõ baptizabant in nomine Trinitatis, sed in cõmemoratione mortis Christi, & vna immersione. Quod reprobatũ fuit in primitiua Ecclesia. Vnde in canonibus Apostolorũ* legitur, Si quis præsbyter aut episcopus non trinã immersionem vnus mysterij celebret, sed semel mergat in baptismo (quod dari à quibuscũ dici tur in morte Domini) deponatur. Non enim nobis dixit Dñs, in morte mea baptizate, sed in nomine Patris & Filij & Spiritus sancti. Postmodum verò inoleuit quorundam schismaticorum & hæreticorum error, homines rebaptizantiũ, sicut de Donatistis Augus.* narrat super Ioan. Et ideo in detestationẽ erroris eorũ fuit statutũ† in Conc. Tolerano, quod fieret vna sola immersio. Vbi sic legitur, Propter vitandũ scismatis scandalũ, vel hæretici dogmatis vsum, simplã teneamus baptismi immersionẽ. Sed cessante tali causa cõmuniter obseruatur in baptismo trina immersio. Et ideo grauius peccaret aliter baptizãs, quasi ritũ Ecclesię nõ obseruans, nihilominus tamen esset baptismus.

A D P R I M U M ergo dicendum, quod Trinitas est sicut agēs principale in baptismo. Similitudo autẽ agentis peruenit ad effectũ secundum formã, & non secundum materiam. Et ideo significatio Trinitatis fit in baptismo per verba forme, nec est de necessitate, quod significetur Trinitas per vsum materiæ, sed hoc fit ad maioreẽ expressionẽ. Similiter etiã mors Christi figuratur sufficienter in vnica immersione. Triduum autem sepulturæ nõ est de necessitate salutis nostræ, quia etiam si vno die fuisset sepultus, vel mortuus, suffecisset ad perficiendã nostrã redemptionem, sed triduum illud ordinatur ad manifestandum veritatẽ mortis, vt suprà* dictũ est. Et ideo patet, quod trina immersio, nec ex parte Trinitatis, nec ex parte passionis Christi, est de necessitate sacramenti.

A D S E C U N D U M dicendũ, quod Pelagius Papa.† intelligit trinam immersionẽ esse de mandato Christi in suo simili, in hoc scilicet, quod Christus præcipit baptizari in nomine Patris & Filij & Spiritus sancti, non tamen est similis ratio de forma & de vso materię, vt dictum est.*

A D T E R T I U M dicendum, quod (sicut suprà† dictum est) intentio requiritur ad baptismum, & ideo ex intentione ministri Ecclesię, qui intendit vnum baptismum dare trinã immersione, efficitur vnũ baptismum. Vnde Hieron. dicit† super Epistolam ad Philip. Licet ter baptizetur (id est immergatur) propter mysterium Trinitatis: tamen vnum baptismum reputatur. Si verò intendere, ad vnamquãq; immersionem vnum baptismum dare, ad singulas immer-

In can. 49. ¶
150. Et habetur de cõf. d. 4. c. 78. Si quis præsbyter.

Tract. 11. to. 9.

In conc. Tolet. 4. c. 11. to. 1. Concil. ex habetur de consec. d. 4. c. 84. Propter ex Tuone 20 Decret. lib. 1.

q. 51. ar. 4. ¶
53. art. 2.

Loco citato in argum.

In sol. præg.

q. 64. ar. 8.

In com. e. 4. ad Ephes. super illud. Vna fides, vnũ baptisma. to. 9. refertur de consec. d. 4. c. 30. Eodem modo.

immerfiones repetens verba formæ, peccaret, quantum in se est, pluries baptizans.

COMMENTARIUS.

Modus baptizandi & abluendi, nunc explicandus est, cōtinetur autem hac sententia. Ablutio aque per se & necessariò ad veritatē baptismi pertinet: modus autem abluendi, nempe asperfione, immerfione, effusione, licet non sit ex necessitate sacramenti, est tamen in præcepto Ecclesiæ. Prior pars huius sententiæ ex institutione Christi, quam Ecclesia mutare non potest, vim habet. aqua enim abluendum esse baptizatū illis verbis expressit Dñs Mat. ult. [baptizantes eos] cum baptizare sit idem quod abluere & tingere. abluit autē baptizans aqua corpus suscipientis baptismum, quamcunq; partē contingente aqua: quoniam ablutione externa, interius animam à peccatis abluit: anima verò est. tota secundum essentiam in quavis partē corporis, infra q. 68. ar. II. ad 4. itaq; si quid externum ut vestes tantum, aqua contingat, non est baptismus alicuius, quia neq; corporis ablutio. seruari tamē debet regionis cuiusq; & Ecclesiæ consuetudo ex præcepto Ecclesiæ, ad quam pertinet modum administrandi sacramenta præscribere. Trident. ses. 21. c. 2. quod asseruimus posteriori parte sententiæ propositæ.

2 Cuius ratio firma, est hæc Ecclesiæ potestas, in præscribenda administratione sacramenti. Vnde seruatis essentialibus partibus sacramēti, diuersos ritus solet Ecclesia præscribere, ut saluti fidelium cōsulat. ipsa enim sacramenti administratio, est fidelis populi instructio, cū sacramenta sint visibilia verba ad fidei professionē & doctrinam: ut explicauimus ex D. Aug. supra q. 62. sic in administratione baptismi varias Ecclesiæ consuetudines refert D. Tho. ar. 8. & idem erit de administratione Eucharistiæ & matrimonij suis locis, ut exortos errores de Ecclesia tolleret, & de veritate sacramēti ipsa administratione fidelem populum instrueret. vnde qui præceptū Ecclesiæ & receptā consuetudinē sine imminēte aliqua necessitate violaret, peccati reus esset, mortalis quidē, si ex contemptu, aut nimia negligentia: venialis autē, si aliter ex aliqua ratione probabili, imminente verò necessitate nul-

Modus baptizandi per immerfionem aut effusionem & asperfionē, non est præcepti diuini, sed ecclesiastici.

Ecclesia potestas in sacramentorum administratione.

lius: quia huiusmodi ritus & solēnia de administratione sacramentorum, extra periculū imminens Ecclesiæ præcepit, imminente verò periculo, essentialia tantum vult adhiberi, præsertim in sacramentis ad salutē necessariis, ut baptismi, Eucharistiæ tempore quo sumenda est ex præcepto diuino, vel ecclesiastico determinatum.

3 De baptismi autē, qui triplici immerfione administratur, illud de intentione ministri obseruandū est, ut conformis sit ritui ecclesiastico & Ecclesiæ proposito: hæc autē vnum baptismum tribus immerfionibus perfici vult, talis igitur sit ministri intentio: & successione merfionū seruata, ex iudicio moraliter probabili. itaq; ter mergendo proferat formā, vel saltem cū aliqua merfione coniuncta sit formæ prolatio, & intentio perficiendi baptismum ad tres merfiones referatur: & idē merfiones singulæ partis successiuæ, non totius perfecti rationem habeant. ut enim ad veritatē sacramēti requiritur, formæ cū ablutione coniuncta prolatio, saltē parte aliqua. secundum prudentis iudiciū, cū vnica sit ablutio: quia aliter non esset sacramentalis significatio plena, ut ostēsum est supra q. 60. sic etiam cū triplex immerfio celebratur. verum in vnaquaq; ratione administrandi sacramentū, intentio ministri, rationi administrandi sit cōformis, ut ille vnica, hic triplici baptizare intendat. Sed olim ad tollendam omnem dubitationē, singulæ personæ diuinę in forma baptismi comprehensæ, singulis merfionibus in administratione coniungebantur, ut vnum sacramentum in trium personarum inuocatione omnino intelligeretur. ita videtur colligi ex c. 4. Apostol. vel secundum aliam computationem 49. si rectē verba illius expendantur.

Ministri intentio in baptismo, qui triplici immerfione perficitur.

ARTICVLVS IX.

Verum baptismus possit iterari.

AD NOTVM sic proceditur. Videtur, quod baptismus possit iterari. Baptismus enim videtur institutus ad ablutionem peccatorum. Sed peccata iterantur. Ergo multo magis baptismus debet iterari, quia misericordia Christi transcendit hominis culpam.

4. d. 6 q. 2. ar. 1. q. 1. Et 4. cont. cap. 59. si c. 70. 71. Et Ioan. 3. col. 4. et ephes. 4. lec. 2. col. 1. si. et sup. q. 63. ar. 5.

¶ 2. Præterea, Ioannes baptista

I 3 præci-

D. Thom. tert. part.

præcipue fuit à Christo commen-
datus, cum de eo dictū sit, Matt. 11.
Inter natos mulierum non surrexit
maior Ioanne Baptista. Sed bapti-
zati à Ioanne, iterum baptizaban-
tur, ut habetur Act. 19. ubi dicitur,
quod Paulus baptizabat eos, qui
erant baptizati baptismo Ioannis.
Ergo multò fortius illi qui sunt ba-
ptizati ab hæreticis, vel peccatori-
bus sunt rebaptizandi.

In concil. 1. Ni-
ce. can. 19.

¶ 3. Præterea, In Niceno conci-
lio statutum est, Si quis confugerit
ad Ecclesiam catholicam de Pau-
lianistis & Cataphrygis, rebaptiza-
ri eos omnino debere. Videtur au-
tem esse eadem ratio de aliis hære-
ticis. Ergo baptizati ab hæreticis,
debent rebaptizari.

¶ 4. Præterea, Baptismus est ne-
cessarius ad salutē. Sed de quibus-
dā baptizatis aliquando dubitatur,
an sint baptizati. Ergo videtur,
quod debeant iterum baptizari.

q. 64. art. 4.

¶ 5. Præterea, Eucharistia est
perfectius sacramentum, quàm ba-
ptismus, ut suprā dictum est. * Sed
sacramētum Eucharistiæ iteratur.
Ergo videtur, quod multò magis
baptismus possit iterari.

SED CONTRA est quod dicitur
Ephes. 4. Vna fides, vnū baptisma.

RESPONDEO dicendum, quod
baptismus iterari nō potest. primò
quidem, quia baptismus est quædā
spiritualis regeneratio, prout, scili-
cet aliquis moritur veteri vitæ, & in-
cipit nouam vitam agere. Vnde di-
citur Ioan. 3. Nisi quis renatus fue-
rit, ex aqua & Spiritu sancto, nō po-
test introire in regnum Dei. Vnius
autem non est nisi vna generatio, &
ideo non potest baptismus iterari,
sicut nec carnalis generatio. Vnde
Aug. * dicit super illud Ioan. 3. Nū-

* Tract. 11. in
Euang. Ioan.
ante m. d. to. 9.

quid potest in ventrē matris suæ ite-
ratō introire, & renasci? Sic tu, in-
quit, intellige natiuitatē Spiritus,
quomodo intellexit Nicodemus na-
tiuitatē carnis, quomodo enim vte-
rus nō potest repeti, sic nec baptis-
mus. Secundò, quia in morte Chri-
sti baptizamur, per quam morimur
peccato, & resurgimus in nouitatē
vitæ: Christus autem semel tantū
mortuus est, & ideo baptismus ite-
rari non debet: propter quod Heb.
6. contra quosdā rebaptizari volen-
tes dicitur. Rursus crucifigentes
sibi metipsis filium Dei. ubi glo. di-
cit, * Vna Christi mors, vnū baptis-
ma cōsecranit. Tertio, quia baptis-
mus imprimat characterem, qui est
indelebilis, & cum quadam conse-
cratione datur: vnde sicut aliæ con-
secrationes non iterantur in Eccle-
sia, ita nec baptismus. Et hoc est
quod Aug. * dicit in 2. contra epi-
stolam Parmeniani, quod character
militaris non repetitur, & quod nō
minus hæret sacramētum Christi,
quàm corporalis hæc nota: cum vi-
deamus nec apostatas carere ba-
ptismate, quibus utiq; per pœniten-
tiam redeuntibus, non restituntur.
Quartò, quia baptismus principali-
ter datur cōtra originale peccatū,
& ideo sicut originale peccatū non
iteratur, ita etiā nec baptismus ite-
ratur, quia ut dicitur Rom. 5. Sicut
per vni⁹ delictū, in omnes homines
in condēnationē, sic per vnius iusti-
tiam, in omnes homines in iustifica-
tionem vitæ.

glosordi super
illud, Renova-
ri rursus ad pœ-
nitentiam.

Lib. 2. c. 13. d
med to 7. &
supra habetur
q. 63. ar. 5 &
vide eundem
ep. 5. ad Bo-
nif. post med.
tom. 2.

AD PRIMUM ergo dicendum,
quod baptismus operatur in virtu-
te passionis Christi, sicut suprā di-
ctum est. * Et ideo sicut peccata
sequentia virtutem passionis Chri-
sti non auferunt, ita etiam non aufe-
runt,

art. 2. huius q.

rūt baptismum, ut necesse sit ipsum iterari. Sed poenitentia superueniēte, tollitur peccatū, quod impediēbat effectum baptismi.

*Tract. 5. de delin-
quēdo ad h. 10. 9*

AD SECVNDVM dicendum, quod sicut Aug. * dicit super illud Ioā. 1. Sed ego nesciebam eū. Ecce post Ioannem baptizatum est, post homicidam non est baptizātū, quia Ioan. dedit baptismum suum, homicida dedit baptismū Christi, quod sacramentum tam sanctū est, ut nec homicida ministrante polluatur.

*In regis. lib. 9.
epist. 61. paulo
a princ. Refert
de cons. d. 4. c. 6.
Hic verò.*

AD TERTIVM dicendū, quod Pauliani & Cataphrygæ non baptizabant in nomine Trinitatis. Vnde Greg. * dicit scribēs Quirino Episcopo, Hi hæretici qui in Trinitatis nomine minimè baptizabant, sicut sunt Bonosiani & Cataphrygæ (qui scilicet idem sentiebant cum Paulianis) quia & illi Christum Deum non credunt (existimātes, ipsum scilicet esse purum hominem) & isti (scilicet Cataphrygæ) Spiritū sanctum perverso sensu esse quendam prauum hominem Mōtanum, (scilicet credunt) tales cum ad sanctam Ecclesiam veniunt, baptizantur, quia baptismus nō fuit, quod in errore positi in sanctæ Trinitatis nomine minimè perceperunt. Sed sicut in regulis Ecclesiasticis * dicitur: Si qui apud illos hæreticos baptizati sunt, qui in sanctæ Trinitatis confessione baptizabant, & veniunt ad catholicam fidem, recipiātur ut baptizati.

*De ecclesia.
dogm. c. 13. 1. 3
in Aug. & de
cons. d. 4. c. 43.
¶ 10. 27.*

*In Decr. li. 3.
m. 41. de Bapt.
& eius effectis;
c. De quibus,
est c. 2. & de
cons. d. 4. 109.
110. 111. &
112.*

AD QVARTVM dicendū, quod sicut dicit Decr. Alexandri. f. III. De quibus dubium est an baptizati fuerint, baptizentur his verbis premissis. Si baptizatus es, ego non te baptizo, sed si nondum baptizatus es, ego te baptizo, &c. Non enim

videtur iterari quod nescitur esse factum.

AD QVINTVM dicendū, quod utrunq; sacramentum, scilicet baptismi & Eucharistiæ est representatiuum Dominicæ mortis & passionis, aliter tamen & aliter. Nam in baptismo commemoratur mors Christi in quantum homo Christo commoritur ut in nouam vitam regenereretur. Sed in sacramento Eucharistiæ cōmemoratur mors Christi, in quantum ipse Christus passus exhibetur nobis, quasi paschale conuiuium, secundum illud 1. Cor. 5. Pascha nostrū immolatus est Christus, itaq; epulemur. Et quia homo semel nascitur, multotiens autē cibatur, semel tantū datur baptismus, multotiens autē Eucharistia.

COMMENTARIVS.

AD baptismi etiā administrationē, numerus & iteratio pertinet, preferim cum de ea sint in Ecclesia exorti errores. Catholica sententia est: baptismus iterari non potest, sic enim Paulus Ephes. 2. vna fides, vnum baptisma: quod etiam in symbolo maiori canit Ecclesia, hoc est quia vna fides, ideo vñū baptisma inquit Aug. lib. de quinq; heres. c. 7. cum baptismus sit fidei professio, & ideo vnitate consentiunt. Hebr. 6. impossibile est eos qui semel illuminati sunt, gustauerunt etiam donum celeste, & participes facti sunt Spiritus sancti, gustauerunt nihilominus bonum Dei verbum, virtutesq; seculi venturi, & prolapsi sunt, iterum renouari ad poenitentiam, rursus crucifigentes sibi metipsos filium Dei & ostentui habentes. hic enim Apostolus loquitur de baptismo, ut ostendunt illa, illum minari, renouari, crucifigi, quæ sunt baptismi propria: quia in eo recipitur fides, qua illuminamur, regeneratio, qua renouamur, & commorimur Christo, & ideo crucifigimur, Rom. 6. asserit ergo, impossibile esse baptismum repeti, & ita impossibile esse poenitentiam per baptismum.

*Cōclusio, ex scri-
ptura & sym-
bolo.*

*Baptismus etiam
ab hæreticis ad-
ministratus nō
potest iterari.*

Comment.in D. Th.tert. part.

Explicatio.

Quin etiam Ecclesia in plenariis conciliis adeo probat baptismi unitatem, & refutat iterationem, ut baptizatos ab hereticis nullo modo rebaptizet, sed potius sola reconciliatione & penitentia ad se confugientes recipiat, modo ab illis legitime administratum sacramentum nouerit: nempe salua eius substantia, quæ in materia & forma, & recta intentione ministri consistit. verum quid est, eos qui nullo imminente vitæ periculo, ab hæreticis baptizari eligunt, cum possint à catholicis, gratiam sacramenti non recipere: sed verum baptismum recipiunt, & charactere consignantur.

Confirmatio ex Patribus & c.

2 Hæc est doctrina sæpe repetita à D. August. contra D. Cyprianum errorem, qui baptizatos ab hæreticis rebaptizandos in Ecclesia catholica censuit, nec aliter admittendos: quod baptismum hæreticorum, verum baptismum non censuit: imò verò tria concilia prouinciæ Africanæ, congreganda curauit, in quibus idem definitum ab illis Patribus Africanis legimus. vnum est cuius D. Cyprianus meminit epist. 70. alterum Episcoporum Africæ & Numidiæ, de quo epist. 73. tertium Episcoporum Africæ, Numidiæ, & Mauritanicæ, quod adhuc extat 2. tom. operum eiusdem Cypriani, cū sententiis omnium Episcoporum. sed in his non fuit vlla contentio contra Ecclesiæ vniuersalis decretum, sed ignorantia & deceptio ex scripturis male intellectis, quod in D. Cypriano, martyrij constantia demonstrauit, & si quid in tuenda illa sententia, peccatum fuerat, sanguine pro Ecclesia effuso omnino mundauit, ut scribit D. August. qui multis libris editis eundem errorem in Donatistis damnauit, qui contentiones reliquos, qui sibi non adhærebant, tanquam ex illis tantum constaret vera Ecclesia, quam omnes fere heretici sibi arrogat, baptizatos ab aliis, iterum idem baptizabant: quod censerent in vera Ecclesia non fuisse baptizatos, in qua tantum censent vera esse sacramenta, & quæ ex ipsis tantum constaret. Catholici verò censent, salutaria quidem, & ad iustitiam consequendam tantum esse in Ecclesia catholica sacramenta, sed extra Ecclesiam vera esse & integra sacramenta, si in administratione eorum substantia retineatur. quin etiam hæreticos, qui extra Ecclesiam sacramenta administrant, Ecclesiæ ministerium impie usurpare, & sacramenta Ecclesiæ ideo conferre, quia sub-

Cypriani & aliorum Patrum Africanorum opinio de baptismo hæreticorum reicienda.

stantiam eorum cum Ecclesia catholica consentientes retinent; & illius ministros quodammodo, quatenus scilicet illius sacramenta usurpant, se exhibent.

3 Hanc sententiam catholicam etiam dissentientibus illis Patribus Africanis, catholica semper docuit Ecclesia, & ex traditione Apostolica constanter collegit, ut inquit D. August. lib. 5. de bapt. c. 23. & ex plenario & vniuersali concilio collectam etiam sæpe scribit. & certè videtur intelligere Nicæni primi canonem 19. vbi Paulianistarum, & Cataphrygum, atq; similium baptismum reprobatur: & ab illis tinctos, iterum tingendos esse in Ecclesia catholica, nec aliter admittendos: quod scilicet substantia baptismi, apud illos salua & integra non esset: significans planè se verum baptismum censere eorum hæreticorum, qui substantialia sacramenti retinerent. sic enim alias probat Ecclesia baptismum Marcionis, Nouationorum, & aliorum hæreticorum similium, ut constat ex Nicæna secunda can. 7. Loadicæna. can. 8. sexta Synodo generali can. 95. & septima can. 7. Carthaginens. i. can. 1. Viennen. in Clement. de sum. Trinit. & fid. Florent. sess. ult. de sacramentis. quod etiam obseruauit D. Thom. ad 3. Deniq; concil. Trident. sic aperte definiuit contra recentes Anabaptistas sess. 7. can. 9. & 11. Clemens Papa lib. 6. constit. c. 15. August. tract. 11. in Ioan. & lib. toto de vnico baptismo contra Petilianum. Leo primus ep. 79. c. 7. & ep. 37. Damasc. lib. 4. de fide c. 10. Beda in 2. c. Ioannis. c. cum dictum est 9. quod verò cū c. sequenti 1. q. 1. Eadem ratione baptismum Arrianorum improbatum est: quod in eius forma filium intelligerent Patre minorem, contra dogma catholicum. quamuis autem recta fides ministri, ut illius propria est, ad veri baptismi administrationem non sit necessaria, ut ostendimus in baptismo hæreticorum, apud quos vera fides permanere non potest: requiritur tamen ad essentiam sacramenti legitimus sensus & catholicus formæ: alioquin non haberet minister rectam Ecclesiæ intentionem, quæ ad veritatem sacramenti omnino necessaria est, ut ostendimus supra. q. 60. colligamus igitur, rebaptizationem & anabaptismum damnatum semper esse in Ecclesia, in Nouatianis, Arrianis, Donatistis, quod baptismum hæreticorum, retinentium substantialia illius in administratione, verum baptismum censeat.

Concilia contra rebaptizatores & Anabaptistas.

quare

quare nostri temporis Anabaptistæ, iam pridem cum similibus hæreticis rebaptizantibus, damnati sunt. plura de re, notissima adiungere non est necesse, legat qui volet in tot libris D. Augustini contra Donatistas, in Alfonso Castrensi lib. 3. contra hæres. sexta hæresi de baptismo. Rationes verò ex sancta scriptura collectas D. Thom. doctissime in articulo collegit, ut semper solet.

4 De quibus verò dubium est sint ne baptizati, an non, obseruabitur sententia Alexand. tertij in c. de quibus, de bap. ut si probabile sit dubium, sub conditione baptizetur: quæ regula ad repetendum aliquid in administratione aliorum sacramentorum essentialis, constanter etiam retinenda est. Qui verò aut scierit, aut ex contemptu, aut ex in curia non examinantes an sit illa dubitatio probabilis, aliquem rebaptizauerit, proculdubio pœnis à iure statutis subiicitur, nempe irregularitatis, & pœnitentiæ septem annorum. c. eos quos, de consecrat. d. 4. & c. ex litterarum, de apostatis. sunt etiam & alię pœnę additæ in iure ciuili, vt l. 1. & 2. C. ne sanctum bapt. iteretur. sed quoniam hæc pœna irregularitatis propter culpam rebaptizantis est statuta, ubi culpa non subest, re accurate expensa, tam in baptizante quam in baptizato, nulla videtur incurri irregularitas: quauis aliquando incurri possit sine culpa, nempe cum non est vindex culpæ commissæ. vt si iudex iuste aliquem morte puniat, si quis corpore à nature exortu vitiosus sit, irregularis fit. quod si dubitatio incidat, an ignorantia iuris aliquem ab incurrenda pœna exculare possit, vel ignorantia facti, id sane ex regulis generalibus de huiusmodi ignorantia. l. 2. explicatis à D. Thom. diiudicandum est. prudenter præterea expendendum est, an nari inter catholicos pro baptizatis, aut confirmatis habēdi sint, an expositi, vel in filiis educati, cum de his nulla alia certa regula tradi possit. Caterum in irregularitate tollenda per dispensationem, potestas nō est in Episcopo, sed in summo Pontif. nisi ex priuilegio, vel concilio,

Episcopo, vel alteri id concessum esse constet.

ARTICVLVS X.
Vtrum ritus, quo Ecclesia in baptizando
vritur, sit conueniens.

AD DECRETVM sic proceditur. *Videtur, quod nō sit conueniens ritus, quo Ecclesia vritur in baptizando. Vt enim dicit Chrysost. nunquam aqua baptismi purgare peccata credentium posset, nisi tactu Dominici corporis sanctificata fuisset. Hoc autem factum fuit in baptismo Christi, qui celebratur in festo Epiphaniæ. Ergo magis deberet celebrari solēnis baptismus in festo Epiphaniæ, quam in vigilia Paschæ, & in vigilia Pentecostes.

¶ 2. Præterea, Ad idē sacramentum non videtur pertinere diuersarum materialium vsus. Sed ad baptismum pertinet ablutio aquæ. Inconuenienter igitur ille qui baptizatur, bis inungitur oleo sancto. primum in pectore, deinde inter scapulas, & tertio chrismate in vertice.

¶ 3. Præterea, In Christo IESU nō est masculus neq; fœmina, Barbarus & Scythæ, & eadem ratione nec aliquæ aliæ huiusmodi differentię. Multo igitur minus diuersitas vestiū aliquid operatur in fide Christi. Inconuenienter igitur baptizatis traditur candida vestis.

¶ 4. Præterea, Sine huiusmodi obseruantis potest baptismus celebrari. Hæc igitur quæ dicta sunt, videntur esse superflua, & ita inconuenienter ab Ecclesia instituta esse in ritu baptismi.

SED CONTRA est, quod Ecclesia regitur Spiritu sancto, qui nihil inordinatum operatur.

RESPONDEO dicendum, quod in sacramento baptismi aliquid agi

4. dist. 2. q. 1.
art. 3. ad septimum. q. 2. ar. 1 q. 3.
* referuntur de cōsec. d. 4. c. 10.
Nunquam.

D. Thom. tert. part.

tur quod est de necessitate sacramē
 ti, & aliquid est quod ad quandam
 solennitatem sacramenti pertinet.
 De necessitate quidem sacramenti
 est forma, quæ designat principalē
 causam sacramenti, & minister, qui
 est causa instrumentalis, & usus ma
 teriæ, scilicet ablutio in aqua, quæ
 designat principalem sacramenti
 effectum. Cætera verò omnia, quæ
 in ritu baptizandi obseruat Eccle
 sia, magis pertinent ad quandam so
 lennitatem sacramenti. Quæ quidē
 adhibētur sacramēto propter tria.
 Primò quidem, ad excitandam de
 uotionem fidelium, & reuerentiam
 ad sacramentum. Si enim simplici
 ter fieret ablutio in aqua, absque so
 lennitate de facili ab aliquibus esti
 maretur, quasi quædam communis
 ablutio. Secundò, ad fidelium instru
 ctionem. Simples enim qui liti
 ris non erudiuntur, oportet erudire
 per aliqua sensibilia signa, puta, per
 picturas, & aliqua huiusmodi. Et
 per hunc modum per ea, quæ in sa
 cramenti aguntur, vel instruuntur,
 vel sollicitantur ad quærendum de
 his, quæ per huiusmodi sensibilia si
 gna significantur. Et ideo quia præ
 ter principalem sacramenti effe
 ctum, oportet quædam alia scire cir
 ca baptismum, conueniens fuit, ut
 etiam quibusdā exterioribus signis
 repræsentarentur. Tertio, quia per
 orationes & benedictiones & alia
 huiusmodi, cohibetur vis demonis
 ab impedimento sacramentalis ef
 fectus.

AD PRIMVM ergo dicendum,
 quod Christus in Epiphania bap
 tizatus est baptismo Ioan. ut supra di
 ctum est. * Quo quidem baptismo
 non baptizantur fideles, sed potius
 baptismo Christi. Qui quidem ha

ber efficaciam ex passione Christi
 (secundum illud Rom. 6. Quicumq;
 baptizati sumus in Christo IESU,
 in morte ipsius baptizati sumus) &
 ex Spiritu sancto: secundum illud
 Ioan. 3. Nisi quis renatus fuerit ex
 aqua & Spiritu sancto, &c. & ideo
 solēnis baptismus agitur in Eccle
 sia, & in vigilia Paschæ, quando fit
 commemoratio Dominicæ sepul
 turæ & resurrectionis eiusdē (pro
 pter quod & Dominus post resurre
 ctionem, præceptum de baptismo
 discipulis dedit, ut habetur Matth.
 ultimo) & in vigilia Pentecostes
 quando incipit celebrari solēnitas
 Spiritus sancti. Vnde & Apostoli
 leguntur ipso die Pentecostes, quo
 Spiritum sanctum receperant, tria
 millia hominum baptizasse.

AD SECUNDVM dicendum,
 quod usus aquæ adhibetur in bap
 tismo, quasi pertinet ad substantiam
 sacramenti, sed usus olei vel chris
 matis adhibetur ad quandam solē
 nitatem, nam primò baptizandus in
 ungitur oleo sancto, & in pectore &
 in scapulis, quasi athleta Dei, ut Am
 brof. * dicit in lib. de sacramentis.
 Sicut pugiles inungi consueuerūt.
 Vnde sicut Innoc. dicit in quadam
 Decret. * de sacra unctione, Bap
 tizandus in pectore inungitur, ut per
 sancti Spiritus donū, abiiciat erro
 rem & ignorantiam, & fidem rectā
 suscipiat, quia iustus ex fide uiuit.
 Inter scapulas autem inungitur, ut
 per Spiritus sancti gratiā excuriat
 negligentiam & torporem, & bo
 nam operationem exerceat, quia si
 des sine operibus mortua est, ut per
 fidei sacramentum, sit munditia co
 gitationum in pectore, & per ope
 ris exercitium fortitudo laborum
 in scapulis. Post baptismum verò

lib. 1. c. 1. li. 3.
 ca. 1. tom. 4.

* lib. 1. Decret.
 c. 15. ca. Cum
 venisset, à me
 dio illius.

* lib. 1. de inst.
cleric. c. 28. re-
fertur de cōse.
d. 4. c. Postquā

* li. 1. de sacra-
c. 1. in prin. 10.
4. c. de m. qui
initiantur my-
steris, c. 6. c.
de consec. d. 4.
c. 39. c. lib. 1.
Decret. lib. 15.
c. 1.

* De cons. d. 4.
c. 90.

In corp art.

(vt Rabanus * dicit) statim signatur in cerebro à presbytero cum sacro chrismate, sequere simul & oratione, vt Christi regni particeps fiat, & à Christo Christianus possit vocari. vel sicut Ambros. * dicit: Vnguentū super caput effunditur, quia sensus sapiētis in capite eius, vt scilicet, sit paratus omni petenti, de fide reddere rationem.

AD TERTIVM dicendū, quod vestis illa candida traditur baptizato, non quidem ea ratione, quod nō liceat ei aliis vestibus vri, sed in signum gloriosæ resurrectionis, * ad quam homines per baptismum regenerantur, & ad significandam puritatem vitæ, quam debent post baptismum obseruare, secundū illud Rom. 6. In nouitate vitæ ambulemus.

AD QVARTVM dicendū, quod ea quæ pertinent ad solennitatem sacramenti, etsi non sint de necessitate sacramenti, non tamen sunt superflua, quia sunt ad bene esse sacramenti, vt dictum est. †

COMMENTARIVS.

DE modo baptizandi, & vitanda baptismi repetitione dictū est: de ritibus & cæremoniis, dicendum est, quæ scilicet in solēni administratione baptismi adhibendæ sunt: cum in articulo necessitatis essentialia tantū adhibenda sint, ne imminens periculum, susceptionem sacramenti adeo necessarij ad salutem, impediatur, infra q. 71. artic. 3. ad 3. has cæremonas D. Thom. hoc articulo comprehendit, & q. eadem 71. alias adiungit, vt præparationes: vt intelligamus quādam esse ad ipsam administrationem sacramenti solemnem adhibendas: de quibus hoc articulo: alias autem præcedere ipsam administrationē, de quibus q. 71. De omnibus tamen eadē est sententia catholica: ritus & cæremoniæ ab Ecclesia catholica institutæ, ad baptismi solemnem administrationem, ex præ-

cepto Ecclesiæ adhibendæ sunt: sed ad veritatem sacramenti non sunt simpliciter necessariæ. primū qui dem las cæremonas, piē & prudenter ab Ecclesia institutas ad illam administrationem, ostendunt tres huius articuli rationes manifestæ, & ipsarū cæremoniarū significationes, de quibus in responsionibus ad argumenta: habuisse autem potestatem illas instituendi, ostendimus art. 8. huius q. ex decreto Trident. & ex traditione Apostolica dimanasse docet Thom. Vvalden. de sacramental. c. 28. & 44. & significationes rituum baptismi distinctē & partitē ex antiquis Patribus colligit, à c. 49. ad 55. Pamelius ad ep. D. Cypr. 73. num. 6. & plenissimē ad Tertulian. librum de baptismo num. 1. Franciscus Turrian. ad Clementis Papæ constitut. Apost. lib. 7. c. 23. num. 1. ex Aug. confessio Augustiniana lib. 3. c. 4. & ex D. Hieron. confessio Hieronimiana. tom. 3. cap. 5. Catechismus Roman. ad finem doctrinæ de baptismo.

ARTICVLVS XI.

Vtrum conuenienter describantur tria baptismata.

AD VNBECIMVM sic proceditur. Videtur, quod inconuenienter describatur tria baptismata, scilicet aquæ, sanguinis, & flammis, siue Spiritus sancti. Quia Apost. dicit Ephes. 4. Vna fides, vnum baptismum. Sed non est nisi vna fides. Ergo non debent poni tria baptismata.

¶ 2. Præterea, Baptismus est quoddam sacramentum, vt ex supra dictis patet. * Sed solus baptismus aquæ, est sacramentum. Ergo non debent poni alia duo baptismata.

¶ 3. Præterea. Damas. * in 4. li. determinat plura alia genera baptismatum. Non ergo debent poni solum tria baptismata.

SED CONTRA est, quod super illud Heb. 6. Baptismatum doctrinæ, dicit * glos. Pluraliter dicit, quia est baptismus aquæ, poenitentiae, & sanguinis.

4. dist. 4. q. 3.
art. 3. Et quol.
6. ar. 4. Et 10.
3. li. 1. in.
Heb. 6. 10. f.
q. 64. art. 1. in
4. ortho fides.
ca. 10. post m.
dum.

gl. ordin. dist.
q. 62. ar. 1. c.
q. 66. ar. 2.

D. Thom. tert. part.

q. 62. art. 5. &
q. 66. ar. 2.

RESPONDEO dicendū, quod (sicut supra dictū est *) baptismus aquæ efficaciam habet à passione Christi (cui aliquis configuratur per baptismum) & vltius sicut à prima causa à Spiritu sancto. Licet autem effectus dependeat à prima causa, causa tamen superexcedit effectum nec dependet ab effectu. Et ideo præter baptismum aquæ, potest aliquis consequi sacramenti effectum ex passione Christi, in quā tum quis ei conformatur, pro Christo patiendo. Vnde dicitur Apocal. 7. Hi sunt qui venerunt ex magna tribulatione, & lauerunt stolas suas, & dealbauerunt eas in sanguine agni. Eadem etiam ratione aliquis per virtutem Spiritus sancti consequitur effectum baptismi, nō solum sine baptismo aquæ, sed etiā sine baptismo sanguinis, in quā tum scilicet alicuius cor per Spiritum sanctum mouetur ad credendum, & diligendum Deum, & poenitendum de peccatis. vnde etiam dicitur baptismus poenitentiae. Et de hoc dicitur Isai. 4. Si abluerit Dñs sordes filiarum Sion & sanguinem Hierusalem lauerit de medio eius in spiritu iudicii, & spiritu ardoris. Sic igitur vtrunq; aliorum baptismatū nominatur baptismus, in quantum supplet vicem baptismi aquæ. Vnde dicit Aug. * in 4. lib. de vnico baptismo paruulorum. Baptismi vicem aliquando implere passionem, de latrone illo, cui nō baptizato dictum est, Hodie mecum eris in paradiso. Beatus Cyprianus non leue documentum assumpsit, quod etiā atq; etiam considerans, inuenio non tantum passionem pro nomine Christi, id quod baptismo deerat posse supplere, sed etiam fidem cōuer-

sionemq; cordis, si fortē ad celebrandum mysterium baptismi, in angustiis temporū succurri non potest.

AD PRIMVM ergo dicendum, quod alia duo baptismata includuntur in baptismo aquæ, qui efficaciam habet & ex passione Christi & ex Spiritu sancto. Et ideo per hoc non tollitur vnitas baptismatis.

AD SECVNDVM dicendum, quod (sicut supra dictum est *) sacramentum habet rationem signi. Alia verò duo conueniunt cum baptismo aquæ, non quidem quātum ad rationem signi, sed quantum ad effectum baptismatis, & ideo non sunt sacramenta.

AD TERTIVM dicendū, quod Damasc. * ponit quædam baptismata figuralia, sicut diluuiū, quod fuit signum nostri baptismi, quātum ad saluationem fidelium in Ecclesia, sicut tunc pauca animæ saluæ factæ sunt in arca, vt dicitur 1. Pet. 3. Ponit etiam trāsitum maris rubri, qui significat nostrum baptismum, quantum ad liberationē à seruitute peccati. Vnde & Apostol. dicit 1. Corint. 10. quod omnes baptizati sunt in nube & in mari.

Ponit etiā ablutiones diuersas, quæ fiebant in veteri lege, præfigurantes nostrum baptismum, quantum ad purgationem peccatorum. Ponit etiam baptismum Ioan. qui fuit præparatorius ad nostrū baptismum.

ARTICVLVS XII.

Vtrū baptismus sanguinis sit potissimus inter alia baptismata.

AD DVODECIMVM sic proceditur. Videtur quod baptismus sanguinis non sit potissimus inter tria prædicta baptismata. Baptismus

q. 60. ar. 1.

li. 4. orth. fidei
c. 10 à medio

lib. 4. de bapt.
contra Donat.
c. 22. in princ.
20. 7. & refer.
sur de conse. d.
4. co. 33.

4. 2. 4. q. 3. ar. 3
3. 7. 4. Et Heb.
6. co. 3. f.

prismus enim aquæ imprimat characterem. Quod quidē baptismus sanguinis non facit. Ergo baptismus sanguinis nō est potior, quā baptismus aquæ.

¶ 2. Præterea, Baptismus sanguinis nō valet sine baptismo flaminis, qui est per charitatem: dicitur enim 1. ad Corinth. 13. Si tradidero corpus meum ita, ut ardeā: charitatem autē non habuero, nihil mihi prodest. Sed baptismus flaminis valet sine baptismo sanguinis: non enim soli martyres saluātur. Ergo baptismus sanguinis non est potissimus.

¶ 3. Præterea, Sicut baptismus aquæ habet efficaciam à passione Christi (cui secundū prædicta responder baptismus sanguinis) ita passio Christi efficaciam habet à Spiritu sancto, secundū illud Heb. 9. Sanguis Christi, qui per Spiritū sanctum obtulit semetipsum pro nobis, emundabit conscientiam nostram ab operibus mortuis, &c. Ergo baptismus flaminis potior est, quā baptismus sanguinis. Non ergo baptismus sanguinis est potissimus.

SED CONTRA est, quod Augustinus ad Fortunatum, loquens de comparatione baptismatum, dicit: Baptizatus confitetur fidem suam coram sacerdote, martyr coram persecutore, ille post confessionem aspergitur aqua, hic sanguine, ille per impositionem manus pontificis recipit Spiritū sanctum, hic templū efficitur Spiritus sancti.

RESPONDEO dicendum, quod (sicut dictum est) effusio sanguinis pro Christo, & operatio interior Spiritus sancti, dicuntur baptismata, in quantum efficiunt effectū ba-

ptismi aquæ. Baptismus autē aquæ efficaciam habet à passione Christi, & à Spiritu sancto, ut dictum est. Quæ quidem duæ causæ operantur in quolibet horum trium baptismatum, excellentissimè tamen in baptismo sanguinis. Nam passio Christi operatur quidem in baptismo aquæ, per quandam figuralem representationem, in baptismo autem flaminis, vel poenitentiae, per quandam affectionē, sed in baptismo sanguinis, per imitationem operis. Similiter etiam virtus Spiritus sancti operatur in baptismo aquæ, per quādam virtutem latentem, in baptismo autem poenitentiae per cordis commotionē, sed in baptismo sanguinis, per potissimum dilectionis & affectionis feruorem: secundum illud Ioan. 15. Maiorē hanc dilectionem nemo habet, ut animam suam ponat quis pro amicis suis.

AD PRIMUM ergo dicendum, quod character est res & sacramentum. Non autem dicimus quod baptismus sanguinis, poenitentiam habeat secundum rationem sacramenti, sed quantum ad sacramenti effectum.

AD SECVNDVM dicendū, quod effusio sanguinis non habet rationē baptismi, si sit sine charitate. Ex quo patet, quod baptismus sanguinis includit baptismum flaminis, & non econuerso. Vnde ex hoc ipso probatur perfectior.

AD TERTIVM dicendū, quod baptismus sanguinis præeminentiam habet, non solum ex parte passionis Christi, sed etiam ex parte Spiritus sancti, ut dictum est.

habetur in lib.
de e. clef. dog-
mar. c. 74. & 3.

ar. p. 100.

ar. p. 100.

6. 3. Escl. hier.
parte. 2. & 37

in cor. ar.

Comment.in D. Th. tert. part.

COMMENTARIUS.

Conclusio.

*Baptismum
distinctio nō est
vniuoca, quia
nomen nō ratio
ne conueniunt.*

*Explicatio, &
probatio.*

I Essentiam baptismi, ablutionis modum & ritus, aptè consequitur baptismi distinctio, in baptismum aquæ, pœnitentiæ, & sanguinis, qui cæteris præstat: vel fluminis, flaminis, martyrij, quæ idem valent. Baptismi nomen ad pœnitentiam, & martyrium, ex imitatione sanctæ scripturæ videtur translatum. scriptum est enim de Domino Luc. 12. Baptismo autem habeo baptizari: & quomodo coarctor vsq; dum perficiatur? vbi Dominus suam passionem baptismum appellat. vnde baptismus sanguinis, dictum est martyrium, & ab eo, quia similiter supplet vicem baptismi aquæ, baptismus flaminis, siue actus pœnitentiæ virtutis in adultis nondum baptizatis. Voco autem distinctionem, non diuisionem, quia est ambiguitatis quædam distinctio, non autem vniuoca & eiusdem rationis diuisio. constat enim, duobus nomen baptismi idèd conuenire, quòd vicem illius suppleat, in gratiæ infusione & peccatorum remissione, etiam in his qui nondum religioni Christianæ adscripti sunt: & ita videntur in eam, credentes inserere: vt baptismus aquæ perfectè & plenè idem efficit, cum sit illius ablutio, Christianitatis externa professio: vt olim Iudaismi, circūcisio, quod supra explicauimus. Baptismus flaminis, vel pœnitentiæ dicitur in adultis tantum ratione vtentibus, propositum nouæ vitæ, cum vera peccatorum detestatione, quæ exordium & vim habeat ex gratia Dei præueniente & excitante: quale fuisse legimus in Cornelio ante quàm baptizaretur, Act. 10. in Eunuchō & Paulo. c. debitum de bapt. Trident. sess. 6. c. 4. Martyrium verò dicitur mortis perperessio pro Deo, ex charitate proueniens, iuxta illud Ioan. 15. Maiorem hac dilectionem nemo habet, quàm vt animam suam ponat quis pro amicis suis. hoc verò vicem baptismi supplet tam in paruulis, quàm in adultis, vt in illis satis sit ipsa mortis pro Christo perperessio, vt constat in innocentibus infantibus, quos vt martyres Ecclesia veneratur: in his præterea sit necessaria dilectio Dei, quæ excitet ad patiendum pro eo, & idèd inclusam habeat peccatorum detestationem perfectam, nempe charitate consummatam & perfectam. constet igitur, pœnitentiam in adultis tantum, martyrium in paruulis & adultis, &

baptismum aquæ, in illis quidem in re, in his autem saltem in voto, quod vicem baptismi habet, fuscipientes participes redemptionis Christi efficere: & hac ratione nomen baptismi illis accommodatum est. vt baptismus aquæ ad salutem simpliciter sit necessarius, flaminis verò & sanguinis non simpliciter, sed cum baptismi copia haberi non potest, infra q. 68. art. 1. & 2.

2 Ratio autè sacramenti baptismi, omnino illis non conuenit; quòd non sint signa diuinitus ad sanctificandū instituta, vt plane scribit D. Tho. in responsione ad secundum, & per se manifestum est. sed sanctificandi vim habere, ex verbo Dei omnino constat. nota enim sunt illa Ezech. 18. Conuertimini ad me, & agite pœnitentiam ab omnibus iniquitatibus vestris, & non erit vobis in ruinam iniquitas. & iterum, cum auerterit se impius ab impietate sua quam operatus est, & fecerit iudicium & iustitiā, ipse animam suam viuificabit. & ad excitandum nos ad pœnitentiæ studium, addit, omnium iniquitatum eius non recordabor. & c. 33. Viuo ego dicit Dominus Deus, nolo mortem impij, sed vt couertatur impius à via sua & viuat. hæc autè omnia propriè ante Euangelium de pœnitentia tantum virtute, & post Euangelium etiam ante susceptum baptismum, intelliguntur. fuit enim pœnitentia hæc, quouis tempore necessaria ad salutem his omnibus, qui se mortali aliquo peccato inquinauissent, vt definitū est in Conc. Tridët. sess. 14. c. 1. sed in Euangelio tunc dicitur baptismi vicem habere, cum adultus nondum sacramento baptismi initiatus est: & idèd habere debet adiutum votum saltem implicitum fuscipiendi baptismum. vt cum aliquis ex animo de testatus peccata, & nouam vitam instituens, proponit saltè præstare & efficere omnia, quæ ad salutem consequendam intellexerit necessaria, & idèd virtute saltem propositum habet fuscipiendi baptismum. Cum verò aliquis baptismi suscepti gratiam peccando amisit, salutarem pœnitentiam instituere non potest, sine voto fuscipiendi sacramentum pœnitentiæ. hæc in doctrina de iustificatione vberius explicantur: nunc verò constet, baptismum flaminis siue Spiritus sancti, appellari pœnitentiā, acceptam ex animo ante baptismum, sed cum illius voto: & ita per eam perfectam, mundari peccatorem ab omni peccato originali & actuali,

*Pœnitentia in
quibus & qua
ratione, dicitur
baptismus
flaminis, & vbi
supplet baptismi
aqua.*

*Sol. li. 2. de
iura & gratia
c. 12.*

*Sol. li. 2. de
iura & gratia
c. 12.*

*Infra q. 68.
art. 1. ad 3. &
art. 2.
Pœnitens adul-
tus ante bap-
tismū tenetur præ-
cepto baptismi,
quod indicatur
pars Ecclesie,
nisi ille susce-
pto.*

*Disputatio
de efficacia
baptismi fla-
minis.*

actuali, & ea ratione baptismi vicem & effectum supplere in sanctificatione accipiēda, non autem caractere; cum sit hic proprius effectus baptismi sacramenti, quod ablutione perficitur, & non alterius. Quare qui huiusmodi pœnitentia ante baptismum iustificatur, tenetur oblata opportunitate, baptismō tingi: tum ne violet præceptum de suscipiendo baptismō Christi. D. Aug. lib. 4. de baptismō capitibus 22. 24. & ult. q. 84. in Levit. q. 33. in Numer. & epist. 108. tum etiam ut externa professione Christianitatis, in Ecclesia Christianus haberi omnino possit, quamvis enim hic ante baptismum iustificatus, Christi membrum viuum effectus coram Deo sit, & pars Ecclesie catholice Christi: tamen Christianus haberi non potest & censerī in Ecclesia, donec visibili sacramento Christianam religionem profiteatur: cum Ecclesia iudicare non possit, nec omnino decernere, qui nam sint fideles, nisi visibili sacramento in Ecclesiam admittatur, sic enim supra q. 60. ostendimus, homines in vnam Ecclesiam colligari non posse, nisi signis sensibilibus conueniant, & Cornelius prius iustificatus, ad Petrum tamen misus sit, ut baptizaretur, Act. 10.

3. An verò hæc pœnitentia, quæ baptismus flaminis dicitur, ut aufert omnem culpam originale & actuale, omnem etiam pœnam auferat, ex distinctione respondendum est. pœnam quidem æternam omnino aufert, cum sit factus filius Dei per adoptionem, & ideo hæres vitæ æternæ, qui huiusmodi pœnitentia ante baptismum iustificatus est: pœnam vero omnem temporalem, plerumque & magna ex parte auferre non solet: quia plerumque non est admodum intensa hæc pœnitentia: absolute tamen omnem pœnam etiam temporalem auferre potest: quia pœnitens ex dono Dei potest in dilectione Dei & peccatorum detestatione adeo perfici, ut omnis pœna peccatis respondens aboleatur. quare quod inquit D. Thom. infra q. 67. art. 3. ad 3. effectum baptismi nulla alia re suppleri posse, id altero ex duobus modis intelligendum est. in pueris quidem & adultis ratione characteris, quæ solus baptismus aquæ imprimere potest, infra q. 68. art. 1. ad 3. & sine caractere potest, & sæpe solet esse sanctificatio interior. præterea in pueris tantum, quia nulla alio nisi baptismō aquæ sanctificari possunt secundum legem Christi ordinariam;

eod. art. 3. q. 67. & q. 88. art. 1. & 2. & aliquando martyrio, ut statim explicabitur: in adultis etiam erit vera eadem sententia plerumque & magna ex parte, ad remissionem omnis pœnæ temporalis, ut explicauimus. & sic erit accipienda illa sententia eiusdem articuli tertij: [adulti non possunt aliter quam per baptismum, plenam remissionem consequi, & quantum ad culpam, & quantum ad pœnam.] Semper enim sacramentum susceptum, propter vim illam operandi sanctificationem, & remissionem peccatorum ex opere operato, si suscipientis dispositio sit accommodata, multo magis operatur ad gratiæ incrementum, pœnæ temporalis remissionem, & donorum pleniorē infusionem, quam votum tantum sacramenti: etiam si utrumque sit cum vera contritione & gratia coniunctum: ut explicauimus supra q. 62. hæc tenus explicatum sit, quæ ratione pœnitentia in adultis, vicem baptismi supplere possit, & quis sit effectus, & efficacia illius.

4. Deinceps ut intelligatur, quæ ratione martyrium tam in paruulis quam adultis, vicem baptismi aquæ suppleat, de efficacia illius dicendum est, unde intelligetur an præstet aliis baptismis, quos hæc tenus distinximus. Est igitur recepta Theologorum sententia 4. sent. d. 4. Martyrium tam in paruulis, quam adultis, remittere omnem culpam & pœnam, siue æternam, siue temporalem, etiam sine formali & expressa peccatorum detestatione. Firmamentum huius sententiæ est, quod martyrium sit actus charitatis præstantissimus: sicut scriptum est Ioā. 15. Maiorem charitatem nemo habet, quam ut animam suam ponat quis pro amicis suis. ut enim sacramenta omnia vim habent remittendi peccata, ex passione Christi: sic etiam, illud amplius hæc vim participat, quod eidem passioni, à qua est virtus huius remissionis, congruentius est. congruit autem baptismus aquæ cum passione Christi secundum representationem; quatenus quicumque baptizati sumus, in morte ipsius baptizati sumus, Rom. 6. ut cōsepulti cum illo per baptismum, in nouitatem vitæ resurgamus, quæ omnia, ipsa ablutione aquæ, siue immersione & emersione, baptismus repræsentat, & instrumentaliter efficit. martyrium autem cum passione Christi congruit operis imitatione, quatenus eximie dilectionis actus est: est igitur maxima vis remittendi peccatum à passione Christi in martyrium

Efficacia martyrii in remissione culpæ & pœnæ.

Comment. in D. Tho. tert. part.

*Martyriū per-
fectione operis,
compensat effi-
caciā baptis-
mi aque ex ope-
re operato: &
ideo uterque
omnem culpā
& penā re-
mittit.*

*Disputat Scot.
lib. 2. de nat.
& grat. c. 16.*

Ioan. 3.

Matth. 10.

*Martyrium nō
esse propriū sa-
cramentum.*

martyrium deriuata: & ideo remissionem peccatorum efficit perfectissimam, non solum secundum rationem culpe, sed etiam omnis pœnæ eternæ & temporalis. An vero alius actus charitatis præter martyrium, satis sit adulto peccatori ad iustificationē, sine expressa & formali pœnitentia: & de testatione peccatorum, non est huius loci disputare: cum martyrium tantum baptis- mi nomen accipiat, & certē pœnitētia adul- to peccatori est via regia ad iustificationē: ut cōstat ex Domini prædicatione, & Apo- stolorum in Actis. Martyrij autem illam efficaciam, quā omnem culpā & pœnam remittit, ut baptis- mus aquæ, colligit D. Au- gust. lib. 13. de ciuit. c. 7. de fid. ad Petrū c. 3. & 30. ep. 108. ex verbo Domini, qui enim dixit, nisi quis renatus fuerit ex aqua, &c. dixit etiam, qui me confessus fuerit coram hominibus, confitebor & ego eum, coram Patre meo, & qui perdidit animā suam propter me, inueniet eam: idē decernitur c. Catechumenum de cōsec. d. 4. & c. cum Marthē de celeb. miss. illis verbis, iniuriā facit martyri, qui orat pro martyre: quōd iam fruatur Deo, cui remissa sit omnis cul- pa & pœna.

5 Quōd verō quidam Theologi, ex hac efficiēcia martyrij efficiunt, martyrium esse sacramentum, & gratiā conferre ex opere operato, inconsideratē dictum esse videtur. Nam licet martyrium in paruulis, baptismo sit persimile, quia confert illis si- ne actu interno gratiā, & remittat omnē culpā & pœnā, & quōd in adultis utriq; debet adiungi interior actus, quo alter sal- tem velit baptizari, & adscribi religioni Christianæ, alter pro Christo mortem ope- rere: tamen ratio sacramenti baptismo sanguinis conuenire non potest, cum non sit institutus ut signum sensibile, neq; in- fundat gratiā ex opere operato: sed potius operantis, ut eximius charitatis actus in adultis, & in paruulis, non aliter quā ex imi- tatione præclari operis, quo passus est ex ni- mia charitate Christus pro nobis, ut nos re- dimeret, & testimonium perhiberet verita- tis: quod perhibet etiā martyr Christo Do- mino. Colligamus igitur baptis- mum aquæ & sanguinis, in ratione efficiendi dissimiles esse, cum ille efficiat, ut sacramentum ex opere operato, hic vel ex opere operantis ut in adultis, vel ex imitatione charitatis Christi, ut in paruulis: persimiles autem &

æquales esse in remissione omnis culpe & pœnæ.

6 Ex his colligitur quod inquit D. Tho. art. 12. baptis- mum sanguinis ceteris omni- bus præstare, quē nomine baptis- mi conue- niunt: quia passionis Christi vis excellen- tissimē cōmunicatur martyrio, nempe imi- tatione eiusdem passionis, sed baptismo aquæ rēpresentatione tantum instrumenta- li, pœnitentiæ siue baptismo flaminis, con- uersione interiori, quē licet charitate perficiatur, non tamen est perfectissimus actus illius, ut Martyrium. Quamuis itaq; paria sint in remissione culpe & omnis pœnæ, ba- ptis- mus aquæ & sanguinis; operis tamen perfectione hic præstantior est. Ille semper est ad salutem necessarius, hic non est, nisi necessarium sit pro Christo mortē subire: ille imprimit caracterem, hic non im- primit, sed vincit adhuc charitatis perfe- ctione.

7 Colligitur deinde, impiam esse Calui- ni sententiam, baptis- mum aquæ cum pœ- nitentiæ sacramentō confundentis, ut non duo sacramenta, sed vnū tantum sint, ap- pellatione tantum distinctum. aptissimē, in- quit ille, dixeris, si baptis- mum vocaueris pœnitentiæ sacramentum. Argumēta illius duo sunt. vnum ex sancta scriptura, alterū ex Patribus. ex scriptura quidem, quia Euā- gelista, inquit, Mar. 1. & Luc. 3. recitat Ioan- nem prædicasse baptis- mum pœnitentiæ. in remissionem peccatorum: quasi baptis- mus Ioannis fuerit pœnitentiæ sacramentum, & baptis- mum Ioānis eundem omnino facit cum baptismo Christi, ut apertius cōstabit q. 69. de Patribus subiungit, [pœnitentiæ sa- cramentum cum baptismo eundem esse, peruulgatum & certissimum axioma fuisse in veteri Ecclesia. Nam in libello de fide ad Petrum, qui Augustino inscribitur, sa- cramentum fidei & pœnitentiæ baptis- mus dicitur.]

8 Sed huius erroris refutatio in prom- ptu est, ex verbo Dei expresso, ex totius Ecclesiæ catholicæ cōsensione in Patribus & conciliis. Primum quidem constat ex Ioan. 3. & 4. Apostolos Christi baptismo multos initiāsse, antequam Christus clau- es regni cælorum, quibus pœnitentiæ sacra- mentum nititur, eisdem vel promississet, vel contulisset, promissit enim Matt. 16. & 18. contulit post resurrectionem, Ioan. 20. Secundō, Petrus Act. 2. & 3. Iudeis nōdum

*Prīmū confect.
Baptis- mus sari-
guinis præstat
baptismo aquæ
& flaminis.*

Secundū cōfess.

Disputatio contra here- ticos asserē- tes, baptis- mi & pœni- tentiæ sacra- mētum idē esse.

Fenard, in ap- pendice Castrā- sis, heresi quar- ta de b. ptismo. Argumēta ha- reticorum.

*Refutatio ex
sancta scriptu-
ra.*

renatis in Christo pœnitentię virtutem indixit, vt præparationem adultis necessariã, ad suscipiendum baptismum, dicens: pœnitentiã agite & baptizetur vnusquisq; vestrum. Sed Simonem Magũ iam antea per Philippum baptizatum & peccantem, ad pœnitentię sacramentum excitat his verbis, Act. 8. pœnitentiã age ab hac nequitia tua, & roga Deum, si forte remittatur tibi hæc cogitatio cordis tui. Similiter Paulus Ro. 2. Scribit eos iam renatos, bonitate & longanimitate Dei, ad pœnitentiã adduci. Corinthios itidẽ 2. Cor. 7. iam baptizatos gaudet se contristasse ad pœnitentiã. Similitudo huius distinctionis sacramenti pœnitentię & baptismi, in veteri lege præcessit. Circumcisio enim, quę vmbra fuit & typus baptismi, distincta omnino fuit à plerisq; sacrificiis, quę pro peccato offerebantur, & ideo vmbra quædam & typi fuerunt sacramenti pœnitentię. sic præcursor Domini Ioannes, circumcisos Iudeos ad pœnitentiã excitabat, Dominus & Apostoli: sed ille ad pœnitentiã, quę baptismi Christi præparatio est, Trident. sess. 6. c. 6. hi autem non solum ad eandem, sed etiam ad sacramentum pœnitentię, quod his necessarium esse docebat, qui à gratia baptismi excidissent, Trident. sess. 14. c. 1.

Ex patribus.

9 Patrum omniũ testimonia obuia sunt, & per omnia eorum opera dispersa: & distinctis doctrinis de baptismo & pœnitentię sacramento cõprehensa. Basiliius hom. de pœnitentiã, Nissenus libro extremo de vita Moyfis, Nazianz. oratione in sancta lumina, & in sanctum baptismum. Cyprianus in epist. ad clerum de presbyteris, qui temere pacem lapsis dederant, & libro ad Nouatianum, quod lapsis spes veniæ non est neganda, contra quẽ etiam extat liber Ambrosij de pœnitentiã, & idem Ambros. ad virginem lapsam cap. 8. & 10. August. lib. de vera & falsa pœnitentia, baptismum nulla vnquam ratione repeti debere scribit, vt explicauimus art. 9. huius q. & subiungit, per fructus itaq; pœnitentię baptizatis spes veniæ adhibetur; quæ apertè baptismum à pœnitentiã distinguunt. & lib. 50. homiliarum, vltima homilia, formas & gradus pœnitentię sic distinguit: vt prima sit, quæ in adultis Catechumenis baptismum præcedere debet, quos nisi pœniteat vitæ veteris, nouam non possunt inchoare, vt inquit Trident. sess. 6. c. 6. de hac Christus & præ-

cursor. Matth. 3. & 4. pœnitentiã agite, facite fructus dignos pœnitentię. Secunda, ait August. pœnitentiã est, cuius actio per totam istam vitam perpetua supplicationis humilitate subeunda est: quia vitã eternam, incorruptibilem, immortalemq; nullus desiderat, nisi eum vitę huius temporalis, corruptibilis, mortalisq; pœniteat. Tertia actio pœnitentię, ait idem Pater, est ea quæ pro illis peccatis subeunda est, quę legis decalogus continet, & de quibus Apostolus ait, quoniam qui talia agunt, regnum Dei non possidebunt. eandem distinctionem proponit epist. 108. ad Seleucianum, & testimoniis scripturæ confirmat. & lib. de symb. c. 6. tribus modis inquit, dimitti peccata, baptismate, oratione, & humilitate maioris pœnitentię. D. Hieron. Epistolis ad Pammach. & Demetr. pœnitentiã inquit esse secundam tabulam post naufragium, scilicet gratiæ in baptismo acceptæ, vt explicat contra hæreticos & defendit Concil. Trident. sess. 6. cap. 14. de eadem pœnitentię & baptismi distinctione, plura sunt eiusdem Patris testimonia, Dialogo 1. 2. & 3. contra Pelagian. & alibi. Tertulianus denique in lib. de Pœnit. cap. 6. baptismum pœnitentię actionem vt præparationem sic coniungit, [lauacrum obsignatio est fidei, quæ fides à pœnitentię fide incipitur & commendatur. Aquam adituri sub antistitis manu cõtestamur nos renuntiare diabolo & pompæ, & angelis eius.] Sed de pœnitentię sacramento, vocas eam secundam Christianorum spem, vt D. Hieron. secundam tabulam, & post instructionem vel baptismum, aduersus gehennam secunda subsidia, sic parrite & distinctè scribit, vt in eius sententiã, partium huius sacramenti, & administrationis ritus descriptio expressa proponatur; à baptismo & eius sacramento omnino distincta. Sic enim scribit eod. lib. de pœnitent. c. 9. tantum releuat confessio delictorum, quantum dissimulatio exaggerat, cõfessio enim satisfactionis consilium est, dissimulatio cõtumacię, & quæ sequuntur. ex quibus fere ad verbũ multa. Cypr. ad finem libri de lapsis, & Pacianus Parenesi ad pœnit. quamuis enim hæc de publica & solemnī pœnitentiã scripta sint, conueniunt tamen & priuatæ; quod vtriusq; communis esset secreta delictorum confessio, vt ad eundem librum Tertulliani eruditissimus Pamelius obseruauit

Ex imitatione Tertul. lib. de pœnitentiã, ubi amissionem gratiæ vocat naufragiũ, et pœnitentiã subsidia secundam.

Pœnitentię gradus & species distinctæ.

Comment.in D. Th. tert. part.

obseruauit num. i. vbi etiam plurima veterum Patrum testimonia de pœnitentia, vt à baptismo distincta recenset; quibus adiungit Iustini q. 97. ad orthodoxos, Clementem Alexand. lib. 1. pedagogi c. 9. & lib. 2. Stromat. Theophilum Antiochenū lib. 2. & 3. ad autolyicum, Irenæum lib. 3. c. 37. Clementem lib. 2. constitut. Apost. c. 7. & multis aliis sequentibus.

Ex conciliis.

Ex conciliis vniuersalibus apertissima etiam sunt testimonia. Florent. sess. vltima. baptismum à pœnitentiæ sacramento, ex materia, forma & ministris apertissimè distinguit: & omnia concilia hac ratione septem distinguunt sacramenta, quod baptismum à pœnitentia distinctum connumerent: vt ostendimus supra differentes de numero sacramentorum q. 61. num. 9. sed expressius contra recentes hæreticos distinguit baptismum à pœnitentia Concil. Trident. sess. 14. c. 2. primò quidè, quia materia, forma & ministri omninò dissident, cum Ecclesia in neminem iudicium exerceat, qui non prius in ipsam per baptismi ianuam fuerit ingressus: quid enim mihi, inquit Apostolus 1. Corinth. 5. de his qui foris sunt iudicare. iudex autem est minister pœnitentiæ, vt constat. Secundò, quia baptismus iterari non potest vt art. 9. huius q. ostensum est: sacramentum verò pœnitentiæ toties iteratur, quoties ad ministerium illius pœnitentes confugerint. Tertiò, ex effectis; baptismo enim efficitur homo per regenerationem noua creatura, plenè & perfectè remissis omnibus culpis & pœnis: pœnitentia non regenerat, sed reconciliat nos Deo, magnis nostris laboribus & fletibus, vnde vocatur baptismus à sanctis Patribus laboriosus, non autem simpliciter & propriè baptismus. Quare eadè sess. 14. can. 2. sic decretū est: si quis sacramenta confundens ipsum baptismum pœnitentiæ sacramentum esse dixerit: quasi hæc duo sacramenta distincta non sint: atq; idè pœnitentiam non rectè secundà post naufragium tabulà appellari, anathema sit. **II.** Quæ verò ab eisdem protestantibus argumenta, pro sua sententia concluduntur, planè nullam vim habent. constat enim baptismum Ioannis, à baptismo Christi longe differre, vt constabit exactius infra q. 69. ille excitabat ad pœnitentiam tantum, interius non regeneras, hic autem requirit quidem in adultis actum pœnitentiæ virtu-

tis, sed suscipientem sic legitimè preparatū, vel puerum sine vlla præparatione, regenerat. quòd autem baptismus aliquando dicatur pœnitentiæ sacramentum, vt de fide ad Petrum c. 30. eadem ratione constat: nempe quòd adultis, præcedente actu virtutis pœnitentiæ, conferatur: sicut dicitur sacramentum fidei, quòd sit publica fidei professio in baptismi susceptione, vt supra ostensum est. non tamen inde efficitur, baptismi sacramentum, esse pœnitentiam, vel esse ipsam fidem: vt impiè & imperitè Calvinus & reliqui Protestantes colligunt. quòd verò Calvinus remissionem peccatorum, recordationi baptismi suscepti tribuit, quasi baptismus, vt pœnitentia sola recordatione, illa peccata remittat, ead. q. 69. plenè refutabitur.

QVÆSTIO LXVII.

De ministris, per quos traditur baptismi sacramentum, in octo articulos diuisa.

D Einde considerandum est de ministris, per quos traditur sacramentum baptismi.

¶ Et circa hoc quaruntur octo.

Primò, vtrum ad diaconum pertineat baptizare.

Secundò, vtrum pertineat ad præsbyterū, vel solum Episcopum.

Tertiò, vtrum laicus possit sacramentum baptismi conferre.

Quartò, vtrum hoc possit facere mulier.

Quintò, vtrum non baptizatus non possit baptizare.

Sextò, vtrum plures possint simul baptizare vnum & eundem.

Septimò, vtrum necesse sit aliquem esse qui baptizatum de sacro fonte recipiat.

Octauò, vtrum suscipiens aliquem de sacro fonte, obligetur ad eius instructionem.

ARTI.

Argumenta hæreticorum refelluntur.

Verum ad officium diaconi pertineat baptizare.

4. d. 5. q. 2. ar.
1. q. 2. & d. 7.
q. 3. ar. 1. q. 1.
cor. & d. 13. q.
2. ar. 5. q. 2.
cor.

AD PRIMVM sic proceditur. Videtur, quod ad officium diaconi pertineat baptizare. Simul enim iniungitur à Domino officium prædicandi Euangelium, & baptizandi secundum illud Mat. ultimo. Euntes docere omnes gentes, baptizantes eos, &c. Sed ad officium diaconi pertinet euangelizare. Ergo videtur, quod etiam ad officium diaconi pertineat baptizare.

ca. 9. in par. 1.
à med. usque
ad finem. illius
partis.

¶ 2. Præterea, Secundum Dion. 5. c. Eccle. hier. purgare pertinet ad officium diaconi. Sed purgatio à peccatis maximè fit per baptismum, secundum illud Ephe. 5. Mûdans eam lauacro aquæ in verbo vitæ. Ergo videtur, quod baptizare pertineat ad diaconum.

¶ 3. Præterea, De beato Laurentio legitur, quod cum ipse esset diaconus, plurimos baptizabat. Ergo videtur, quod ad diaconos pertineat baptizare.

Gelas. 1. in ep.
ad Epif per Lu
centiam, 9.
dist. 93. q. 13.
Diaconos.

SED CONTRA est, quod Gelas. * Papa dicit, & habetur in Decret. 93. dist. 1. Diaconos propriam constitutum obseruare mensuram, & infra, Absque Episcopo, vel præbytero baptizare nō audeāt, nisi prædictis ordinibus fortasse longius cōstitutis, necessitas extrema cōpellat.

ca. 7. cele. hier.
in prin. & c. 8.
circa princ.

RESPONDEO dicendum, quod sicut cælestium ordinum proprietates & eorum officia ex eorum nominibus accipiuntur (vt Dionys. * dicit. 7. c. cælest. hier.) ita etiam ex nominibus ecclesiasticorum ordinum accipi potest quid ad vnunquēque pertineat ordinem. Dicuntur autem diaconi, quasi ministri, quia videlicet ad diaconos non pertinet

aliquod sacramentum principaliter, & quasi ex proprio officio præbere: sed adhibere ministerium aliis maioribus in sacramentorum exhibitione. Et sic ad diaconum non pertinet quasi ex proprio officio tradere sacramentum baptismi, sed in collatione huius sacramenti & aliorum, assistere & ministrare maioribus. Vnde Isidor. † dicit, ad diaconum pertinet assistere sacerdotibus, & ministrare in omnibus, quæ aguntur in sacramentis Christi in baptismo, siue in chrismate, in patena & calice.

Decr. d. 93. ca.
17. habetur in
decr. d. 25. ca.
Perlektis. Et di
citur esse in ep.
ad Ludisfredum.

c. 5. in 11. de sa
cerdotum perfe
ctionibus.

AD PRIMVM ergo dicendum, quod ad diaconum pertinet recitare Euangelium in Ecclesia, & prædicare ipsum per modum catechizantis. Vnde & Dion. * dicit, quod diaconi habent officium super imundos, inter quos ponit catechumenos. Sed docere, id est, exponere Euangelium, pertinet propriè ad Episcopum, cuius actus est perficere, secundum Dion. † 5. ca. Eccl. hier. Perficere autem id est quod docere. Vnde nō sequitur, quod ad diaconos pertineat officium baptizandi.

c. 5. eccles. hier.
par. 2. & 3.

AD SECVNDVM dicendum, quod sicut Dion. * dicit in 2. c. eccl. hier. baptismus non solū habet purgatiuam, sed etiā illuminatiuā virtutem. Et ideo excedit officium diaconi, ad quem pertinet solū purgare, scilicet, vel repellendo immundos, vel dispendendo eos ad sacramenti susceptionem.

c. 2. par. 1. &
2.

AD TERTIVM dicendum, quod quia baptismus est sacramentum necessitatis, permittitur diaconibus necessitate urgente, in absentia maiorū baptizare, sicut patet ex auctoritate Gelasij † supra inducta. Et hoc modo beatus Laurentius diaconus existens baptizauit.

In arg. Sed cōt.

D. Thom. tert. part.

ARTICVLVS II.

*Vtrum baptizare pertineat ad officium
præbyterorum.*

4. d. 5. 2. 2. ar.
1. q. 2. Et d. 7.
q. 3. ar. 1. q. 3.
cor. Et d. 17. q.
3. ar. 3. q. ar. 3.
q. 2. cor. Et di.
24 q. 2. art. 2.
ad 1.
q. præ. artic. 5.
arg. 2.

6. 5. in par. 1. 2
ms.

est gl. ord. ibid.
ex Beda Luc.
10. super illud.
Designauit le-
sus 72. discip.
10. 2.

habetur in de-
cre di. 25. cap.
Perleſtus & di-
citur eſſe in ep.
ad Ludifreſiū.

Li. 2. c. 24. nō
multum remotō
ante finem, &
habetur de cōſ.
d. 4. c. 18.

q. 63. art. 1. 2.
& 6.

AD SECVNDVM sic procedi-
tur. Videtur, quod baptizare
nō pertineat ad officiū præbytero-
rū, sed solū Episcoporū. Quia (sicut
dictū est*) sub eodē præcepto iniun-
gitur Mat. vl. officiū docēdi & bap-
tizandi. Sed docere, quod est perfice-
re, pertinet ad officiū Episcopi, vt
patet per Dion.† 5. & 6. c. Ecclef.
hier. Ergo & baptizare pertinet tan-
tū ad officiū Episcopi.

¶ 2. Præterea, Per baptismum
annumeratur aliquis populo Chri-
stiano, quod quidem videtur ad offi-
ciū solius principis pertinere. Sed
principatū in Ecclesia tenent Epif-
copi, qui, vt dicitur in* glos. Luc. 10
tenent locū Apostolorū, de quibus
dicitur in Psal. 44. Constitues eos
principes super omnē terram. Er-
go videtur, quod baptizare perti-
neat solum ad officiū Episcopi.

¶ 3. Præterea, Isido.† dicit, quod
ad Episcopū pertinet basilicarum
cōsecratio, vnctio altaris & confe-
ctio chrismatis, ipse ordines eccle-
siasticos distribuit, & sacras virgi-
nes benedicit. Sed his omnibus ma-
ius est sacramentū baptismi. Ergo
videtur, quod multō magis ad offi-
ciū solius Epī pertineat baptizare.

SED CONTRA est, quod Isidor.
* dicit in li. de officiis. Cōstat bap-
tisma solis sacerdotibus eſſe traditū.

RESPONDEO dicendū, quod
sacerdotes ad hoc consecrantur, vt
sacramentū corporis Christi confi-
ciant, sicut supra dictum est. * Illud
autē est sacramentum ecclesiasticę
vnitatis, secundū illud Apost. 1. Co-
rin. 10. Vnus panis & vnum corpus
multi sumus omnes, qui de vno pa-

ne & de vno calice participamus.
Per baptismum autē aliquis fit par-
ticeps ecclesiasticę vnitatis. Vnde
& accipit ius ad mensam Dñi acce-
dēdi. Et ideo sicut ad sacerdotē per-
tinet consecrare Eucharistiā (ad
quod principaliter sacerdotiū ordi-
natur) ita ad propriū officiū sacer-
dotis pertinet baptizare. Eiusdem
enim videtur eſſe operari totum, &
partem in toto disponere.

AD PRIMUM ergo dicendum,
quod vtrunq; officiū, scilicet do-
cēdi & baptizandi, Dñs Apostolis
iniunxit, quorū vicem gerunt Epif-
copi, aliter tamē & aliter. Nā offi-
ciū docendi cōmisit eis Christus,
vt ipsi per se illud exercerent, tan-
quam principalissimū. vnde & ipsi
Apostoli dixerunt Act. 6. Non est
æquū nos relinquere verbū Dei, &
ministrare mensis. Officiū autē ba-
ptizandi cōmisit Apostolis, vt per
alios exercendū. Vnde & Apost. di-
cit 1. Cor. 1. Nō misit me Christus
baptizare, sed euangelizare. Et hoc
ideo, * quia in baptizādo nihil ope-
ratur meritū & sapiētia ministri, si-
cut indocendo, vt patet ex supradi-
ctis.† In cuius etiā signum nec ipse
Dñs baptizauit, sed discipuli eius,
vt dicitur Ioā. 4. Nec tamē per hoc
excluditur, quin Episcopi possint
baptizare, quia quod potest pote-
stas inferior, potest & superior. Vn-
de & Apostolus ibidē dicit, se quos-
dam baptizasse.

AD SECVNDVM dicendū, quod
in qualibet republica, ea, quæ sunt
minora, pertinet ad minora officia,
maiora verō maioribus reservātur,
secundum illud Exod. 18. Quicquid
maius fuerit, referāt ad te, & ipsi tā-
tummodo minora iudicēt. Et ideo
ad minores ciuitatis principes per-
tinet

Id habet glos.
Lyrani, super
eū locū Apost.

q. 64. art. 526
& 2.

tinere disponere de infimo populo, ad summos autē principes pertinet disponere ea, quę pertinet ad maiores ciuitatis. Per baptismū autem nō adipiscitur aliquis, nisi infimum gradum in populo Christiano. Et ideo baptizare pertinet ad minores principes Ecclesię, id est, ad presbyteros, qui tenēt locum septuaginta duorum discipulorum Christi, vt dicit glos.* Lucę 10.

Ep. gl. or. ibid.
ex Sed. loco ci-
tato in arg.
q. 65. artic. 3.
ad 4.

AD TERTIVM dicendū, quod (sicut supra dictū est*) sacramentū baptismi est potissimū necessitate. Sed quantum ad perfectionē, sunt quædam alia potiora, quę Episcopis reseruantur.

ARTICVLVS III.

Vtrum laicus possit baptizare.

AD TERTIVM sic procedi-
tur. Viderur, quod laicus ba-
ptizare nō possit. Baptizare enim
(sicut dictū est*) propriē pertinet
ad ordinē sacerdotalē. Sed ea quę
sunt ordinis, non possunt committi
nō habēti ordinem. Ergo viderur,
quod laicus, qui non habet ordinē,
baptizare non possit.

2. 2. q. 100.
ar. 2. ad 1. Et
q. d. 5. q. 2. ar.
1. q. 2. ar. 3. &
d. 6. q. 2. ar. 3.
q. 2. ar. 3.
ar. prae. in lo-
cus citatus artic.
prae. in utroque
argu. Sed cont.

¶ 2. Præterea, Maius est baptiza-
re, quā alia sacramentalia baptismi
perficere, sicut catechizare, & exor-
cizare, & aquā baptismalē benedi-
cere. Sed hæc nō possunt fieri à lai-
cis, sed solū à sacerdotibus. Ergo vi-
detur quod multo minus laici pos-
sint baptizare.

¶ 3. Præterea, Sicut baptismus
est sacramentum necessitatis, ita &
pœnitētia. Sed laicus nō potest ab-
soluere in foro pœnitentiali. Ergo
neq; potest baptizare.

SED CONTRA est, quod Gelas.
Papa & Isid.* dicūt, quod baptizare
necessitate imminente, laicis Chri-
stianis plerunq; conceditur.

Præ. det. ibi.
d. mat. & d.
93. m. 13.

RESPONDEO dicendum, quod
ad misericordiā eius, qui vult oēs
homines saluos fieri, pertinet, vt in
his, quę sunt de necessitate salutis,
homo dē facili remediū inueniat. In-
ter omnia autē sacramēta, maxime
necessitatis est baptismus, qui est re-
generatio hominis in vitā spiritua-
lē, quia pueris aliter omnino subue-
niri nō potest, & adulti non possunt
aliter, quā per baptismum plenā re-
missionē consequi, & quantū ad cul-
pam & quantū ad pœnam. Et ideo
vt homo circa remediū tam neces-
sarium defectū pati nō possit, insti-
tutū est, vt & materia baptismi sit
cōmunis, scilicet aqua, quę à quoli-
bet de facili haberi potest, & mini-
ster baptismi etiā sit quicumq; non
ordinatus: ne propter defectum ba-
ptismi, homo salutis suę dispendiū
patiatur.

AD PRIMVM ergo dicendum,
quod baptizare pertinet ad ordinē
sacerdotalē, secundum quandā con-
ueniētiā & solennitatē, non autē
hoc est de necessitate sacramenti.
Vnde etiam si extra necessitatis arti-
culum laicus baptizet, peccat qui-
dem, tamen sacramentum baptismi
confert, nec est rebaptizandus ille,
qui sic est baptizatus.

AD SECUNDVM dicendum,
quod illa sacramentalia baptismi
pertinēt ad solennitatē, non autem
ad necessitatem baptismi. Et ideo
fieri non debēt, nec possunt à laico,
sed solum à sacerdote, cuius est so-
lenniter baptizare.

AD TERTIVM dicendū, quod
(sicut supra dictū est*) pœnitentia
nō est tātē necessitatis sicut baptis-
mus. Potest enim per contritiōē
suppleri defectus sacerdotalis ab-
solutionis, quę nō liberat à tora pœ-

q. 65. artic. 3.

D. Thom. tert. part.

na, nec etiam pueris adhibetur. Et ideo non est simile de baptismo, cuius effectus per nihil aliud suppleri potest.

ARTICVLVS IIII.

Vtrum mulier possit baptizare.

AD QVARTVM sic procedit. Videtur, quod mulier non possit baptizare. Legitur enim in Carthaginensi concilio, quod mulier, quamuis docta & sancta, viros in conuētu docere, vel aliquos baptizare non presumat. Sed nullo modo licet mulieri docere in conuētu, secundum illud 1. ad Cor. 14. Turpe est mulieri, in Ecclesia loqui. ergo videtur, quod nec etiam aliquo modo mulieri liceat baptizare.

¶ 2. Preterea, Baptizare pertinet ad officium prelationis. unde à sacerdotibus habentibus curam animarum debet accipi baptismus. Sed hoc non potest competere mulieri, secundum illud 1. Tim. 2. Docere mulieri non permitto, nec dominari in virum, sed esse in silentio. Ergo mulier baptizare non potest.

¶ 3. Preterea, In spiritali regeneratione videtur aqua habere locum materni uteri (vt Aug.* dicit super illud Io. 3. Nūquid homo potest in ventrem matris suae iterato introire, & renasci?) ille autem qui baptizat, videtur magis habere patris officium. Sed hoc non competit mulieri. Ergo mulier baptizare non potest.

SED CONTRA est, quod Verba. Papa dicit*, & habetur in Decret. 30. q. 3. Super quibus consuluit nos tua dilectio, hoc videtur nobis hac sententia respondendum, vt baptismus sit, si instante necessitate foemina puerum in nomine sanctę Trinitatis baptizauerit.

RESPONDEO dicendum, quod Christus est, qui principaliter baptizat, secundum illud Ioan. 1. Super quem videris Spiritum descendentem & manentem, hic est qui baptizat. Dicitur autem Colos. 3. Quod in Christo non est masculus & foemina. Et ideo sicut masculus laicus potest baptizare quasi minister Christi, ita etiam & foemina. Quia tamē caput mulieris est vir, & caput viri est Christus (vt dicitur 1. Cor. 11.) non debet mulier baptizare, si adsit copia viri, sicut nec laicus presente clerico, nec clericus presente sacerdote: qui tamē potest baptizare presente Episcopo, eo quod hoc pertinet ad officium sacerdotis.

AD PRIMUM ergo dicendum, quod sicut mulieri non permittitur publice docere, potest tamen priuata doctrina, vel monitione, aliquem instruere, ita non permittitur ei publice & solenniter baptizare, sed tamen potest baptizare in necessitate articulo.

AD SECUNDVM dicendum, quod quando baptismus solenniter & ordinariē celebratur, debet aliquis sacramentum baptismi suscipere à presbytero curam animarum habente, vel ab aliquo vice eius. Hoc tamē non requiritur in articulo necessitatis, in quo potest mulier baptizare.

AD TERTIVM dicendum, quod in generatione carnali masculus & foemina operantur secundum virtutem proprię naturę, & ideo foemina non potest esse principium generationis actiuum, sed passiuum tantum. Sed in generatione spiritali neuter operatur in virtute propria, sed instrumentaliter tantum per virtutem Christi, & ideo eodem modo potest vir & mulier in casu necessitatis baptizare.

Sup. arti. 2. & locus ibidem inductis.

In Conc. 4. Carth. c. 99. & 100. & refertur de cōf. d. 4. c. 19. Mulier.

Tract. 11. paulo ante medium, 2.

Verba. Vitali presbytero Bracensis scribens. 30. q. 3. Super quibus.

re. Si tamen mulier etiam extra casum necessitatis baptizaret, non esset rebaptizandus, sicut & de laico dictum est. * Peccaret tamē ipsa baptizans, & alij quia hoc cooperarentur, vel baptismum ab ea suscipiendo, vel ei baptizandum aliquē offerendo.

ARTICVLVS V.

Vtrum non baptizatus possit sacramentum baptismi conferre.

AD QVINTVM sic procedit. Videtur, quod ille qui non est baptizatus, non possit sacramentū baptismi conferre. Nullus enim dat quod non habet, sed non baptizatus non habet sacramentum baptismi. Ergo non potest ipsum conferre.

¶ 2. Præterea, Sacramentū baptismi cōfert aliquis, inquit, est minister Ecclesiæ. Sed ille qui non est baptizatus, nullo modo pertinet ad Ecclesiam, scilicet nec re, nec sacramento. Ergo non potest sacramentum baptismi conferre.

¶ 3. Præterea, Maius est sacramentū conferre, quā suscipere. Sed non baptizatus non potest alia sacramēta suscipere. Ergo multo minus potest aliquod sacramentum cōferre.

SED CONTRA est, quod Isidor. * dicit, Rom. Pōtīfex nō hominem iudicat, qui baptizat, sed spiritum Dei subministrare gratiam baptismi, licet Paganus sit qui baptizat. Sed ille qui est baptizatus, nō dicitur Paganus. Ergo etiā non baptizatus potest conferre sacramentum baptismi.

RESPONDEO dicendum, quod hanc questionē Aug. * indeterminatā reliquit. Dicit enim in 2. contra Epist. Parmen. Hec quidē alia questio est, vtrū & ab his, qui nunquam

fuerūt Christiani, possit baptismus dari, nec aliquid temerē inde affirmandum est, sine autoritate tanti concilij, quantum tantę rei sufficit. Postmodum verò per Ecclesiā determinatū est, quod non baptizati, siue sint Iudei, siue Pagani, possunt sacramentum baptismi conferre, dūmodo in forma Ecclesię baptizēt. Vnde Nicolaus Papa respōdet, de cōse. d. 4. ad cōsulta Bulgar. c. 3. A quodā Iudeo, nescitis vtrū Christiano an Pagano, multos in patria vestra asseritis baptizatos, & quid inde sit agendum, cōsultitis. Hi profectō si in nomine sanctę Trinitatis baptizati sunt, rebaptizari nō debēt, si autē forma Ecclesię nō fuerit obseruata, sacramentū baptismi nō cōfertur. Et sic intelligendum est, quod Greg. * secundus scribit Bonifacio Epō: Quos à Paganis baptizatos esse asseruisti (scilicet Ecclesię forma nō seruata) vt denovo baptizes in nomine Trinitatis, mandamus. Et huius ratio est, quia sicut ex parte materię, quantum ad necessitatē sacramenti, sufficit quęcunq; aqua, ita etiā sufficit ex parte ministri quicumque homo. Et ideo etiā non baptizatus, in articulo necessitatis baptizare potest, vt si duo non baptizati se inuicē baptizēt, dū prius vnus baptizaret aliū, & postea baptizaretur ab eodē, & consequeretur vterq; non solum sacramentū, sed etiam rē sacramēti. Si verò extra articulū necessitatis hoc fieret, vterq; grauiter peccaret, scilicet baptizā baptizatus; & per hoc impediretur baptismi effectus, licet non tolleretur ipsum sacramentum.

AD PRIMVM ergo dicendum, quod homo baptizans adhibet tantummodo ministeriū exterius, sed

ars. prae.

Sup. a ar. 3. &
loc. a ibid. nota.
315.

refertur 1. q. 1.
ca. 60. Si quis
per ignorantiā.
Et de cōf. d. 1.
c. 2. Romanus.

Li. 2. c. 13. post
medium, to. 7.
refertur 1. q. 1.
c. 98. Itē Aug.
de unico bapt.
cōf. Petil. ca. 7.
to. 7.

De cōf. d. 4. c.
23. A quodam
Iudeo.

habetur de cōf.
d. 4. Quos a pa
ganis baptizatos
esse asseruisti.

Comment. in D. Tho. tert. part.

De cons. d. 4. c. 2. 3. A quodā Iudeo, in fi.

Christus est qui interiorius baptizat, qui potest vti omnibus hominibus ad quodcunq; voluerit. Et ideo non baptizati possunt baptizare, quia, vt Nicolaus Papa dicit, baptismus nō est illorum, scilicet baptizantium, sed eius, scilicet Christi.

AD SECUNDVM dicendum, quod ille qui nō est baptizatus, quāuis non pertineat ad Ecclesiam re vel sacramento, potest tamen ad eā pertinere intētiōe & similitudinē actus, inquantū scilicet intēdit facere quod facit Ecclesia, & formā Ecclesie seruat in baptizando. Et sic operatur vt minister Christi, qui virtutem suam non alligauit baptizatis, sicut nec etiam sacramentis.

AD TERTIVM dicendū, quod alia sacramenta non sunt tantæ necessitatis, sicut baptismus. Et ideo magis conceditur, quod non baptizatus possit baptizare, quā quod possit alia sacramenta suscipere.

COMMENTARIVS.

AD baptismi administrationem, cuius essentiam hactenus explicauimus, ministri consideratio necessaria est: cum ipsius recta intentio, essentiam illam perficiat & absoluat. Minister autem, aut est ipsius baptismi, aut baptizati. deinde baptismi minister, vnus aut plures: vnus autem, vel ordinarius & ex officio, vel extraordinarius ex commissione, & in articulo tantum necessitatis: plures vero ministri, vel totales & integri, vel partiales & non per se, sed potius coniuncti, ad eandem administrationem sacramenti perficiendam. De vno ministro, est hæc sententia recepta ab omnibus Theologis. 4. sentent. dist. 3. praxi & vsu Ecclesie catholice probata. Minister ordinarius baptismi tam in solēni & publica administratione, quā in priuata, est Episcopus, vel sacerdos iure suo etiam presente Episcopo; ex commissione autem & concessu Episcopi, aut sacerdotis, diaconi: cogente vero necessitate &

sine solemnibus cæremoniis baptizare possunt omnes de populo, mares & scemina, non solum fideles, sed etiam infideles, Iudæi & hæretici; & verum sacramentum conferunt, si iuxta Ecclesie catholice consuetudinem, necessaria adhibeant ad sacramenti consecutionem.

2. Ratio primi ex verbo Domini colligitur. Episcopis enim in Apostolis, quibus successerunt, præcepit Dominus Matth. & Mar. ult. euntes baptizate, & docete. Sed Apostolorum vsus & praxis docuit, præcipuum munus Episcopi esse docendi commissam sibi plebem fidem & Christianos mores, quod proinde per seipsum præstare teneretur; & presbyteris sacramenti baptismi & penitentiae atque sacre communionis, administrationem committendam esse. sic enim scriptum est Act. 6. Non est æquum nos derelinquere verbum Dei, & ministrare mensis: & verbo Dei consentienter concilia decreuerunt, præcipuum munus Episcopi esse prædicationem, quod in Ecclesia sua ipse per se, nisi legitime impeditus fuerit præstare teneatur, & eo impedito per eos, quos ad id munus assumet; in aliis autem Ecclesiis per parochos, siue iis impeditis, per alios ab Episcopo ad idem munus eligendos. sic enim D. Paulus de Episcopo, vt potens sit exhortari in doctrina sana, & eos qui contradicunt arguere: hoc est diuinum præceptum, vt Episcopi tanta sit cognitio doctrinae & religionis Christianae, vt possit populum instruere, & verbo Dei repugnantes, falsitatis convincere. itaq; licet à munere docendi legitime impeditus absteat: necesse tamen est illum ea pollere facultate doctrinae, vt possit & populum docere, & corruptores verbi Dei refellere, vt sanam & sinceram doctrinam populus retinere possit, & à falsis doctoribus minime decipi. sic de munere præcipuo Episcopi definitum est in Concilio Trident. sess. 5. c. 2. decreti de reformat. & sess. 24. c. 4. decreti secundi de reformat. & iam olim Carthagin. 4. c. 20. Toletan. 11. c. 2. Rhemen. c. 14. præcipiunt Episcopo, quod Apostolus antè præceperat, attendere orationi, lectioni sanctæ scripturæ & patrum, atque prædicationi: cætera omnia ministris committere, Lateranen. sub Innocent. III. c. 10. Denique omnia Episcopi munera collegit breuiter idem Concil. Trident. sess. 23. c. 1. decreti de reformat.

Episcopi præcipuum munus

De ministro ordinario, & extraordinario baptismi.

format. his verbis, [cū præcepto diuino mandatum sit omnibus, quibus animarū cura commissa est, omnes suas agnoscere, pro his sacrificium offerre, verbi quod diuini prædicatione, sacramentorum administratione, ac honorum omnium operū exemplo pascere, pauperum aliarumque miserabiliū personarum curam paternam gerere, & in cætera mūnia pastoralia incumbere.] conuenit igitur Episcopum per se ipsum teneri ad populum docendum, & quædam sacramenta administranda, ut confirmationem, ordinem, aliorum vero administrationem, presbyteris committendam esse, præsertim parochis, & aliis deinde quos in Domino ad id munus idoneos iudicauerit. itaque ex iure diuino deriuatur, ut si Episcopus ex legitimo impedimento prædicare non possit, aut non in omnibus populis sue curæ commissis, eligat tamē viros potentes opere & sermone, ut loquitur Lateran. Concil. paulo antè citatum, qui idem munus præstare possint.

Diaconus, quæ ratione dicatur prædicare & baptizare.

3. Quod autem diaconis in sua ordinatione dicitur ab Episcopo, diaconum oportet baptizare & prædicare, id sanè ministerialiter est intelligendū, id est, ut iuxta nomen suum, prædicanti, aut baptizanti Episcopo, aut sacerdoti ministrum se exhibeat. est enim diaconus idē quod minister, & ideo congruenter nomini suo dicitur, ut baptizet & prædicet, nempe ministrando iis, quibus utrunque munus ex officio competit. sic diaconus dicitur prædicare cum populo legit, aut recitat Euangelium, materiam prædicationis Episcopo, vel sacerdoti ministrans. sic colliges ex c. constat de consecr. di. 4. illud etiam certū est posse diaconū ex impositione, aut cōmisione Episcopi prædicare & populū docere, ut inquit Pelagius d. 93. c. diacones. Rectè igitur D. Thom. art. na. ad primum, ad diaconum, inquit, pertinet recitare Euangelium, & prædicare ipsum per modum catechizantis. Sed docere, id est exponere Euangelium, pertinet propriè ad Episcopum, cuius actus est perficere, quod idem est atque docere.

D. Tho. art. 2. ad 1.

Episcopus ministerium baptismi rectè committit aliis, sed prædicandi per seipsum exercet.

4. Eadem omnia apertè in seipso Apostolus docuit 1. Cor. 1. & in seipso omnes Episcopos, qui successores sunt Apostolorū, ut sacerdotes discipulorum septuaginta, Anacle. epist. 2. August. ad illud Psalm. 44. pro patribus nati sunt tibi filij. 68. d. c. quorum, Clement. I. de pœnis, Vvaldens. de sa-

cramental. p. 7. lib. 3. c. 29. inquit ergo Apostolus de se, & omnibus Episcopis: non misit me Christus baptizare, sed euangelizare. ipse etiam Dominus, qui per seipsum euangelizauit, tamē nō baptizauit per seipsum, sed per discipulos Ioan. 4. baptizauit tamē aliquando Apostolus, qui quod potest inferior ministrare, potest etiam superior. sed quia omnia idē Episcopus præstare non potest, usurpat ipse quod præceptū & sibi propriū est, cetera committit aliis, sed inuigilans & incumbens muneribus eorum. sic enim subiungit eod. c. 1. gratias ago Deo quod neminem vestrū baptizauit nisi Crispū & Caium, ne quis dicat quod in similitudine meo baptizati estis. baptizauit autem & Stephanus domum: ceterum nescio si quē alium baptizauerit. de inuigilando autem in omnibus, est illud de instructione Timothei Episcopi 2. Timot. 4. tu uero vigila in omnibus, labora, opus fac Euangelistæ, ministerium tuum imple. est enim illud expendendum, [vigila in omnibus & labora] quasi in committendis muneribus, & eorum executione, inuigilandum sit semper Episcopo: ipsius tamē propriam, quā proinde per se ipsum præstare teneatur, esse Euangelij prædicationem. id enim exprimit illa uerba [fac opus Euangelistæ.] ad Titum 2. Tu autem loquere, quæ decent sanam doctrinā. ut enim non potest Episcopus per alium potens esse exhortari in doctrina sana, & eos, qui contradicunt arguere, cū hæc potentia sit Episcopi propria facultas: sic neque loqui sanam doctrinā & facere opus Euangelistæ: & ipsa excusatio per legitima impedimenta à munere per se ipsum docendi, accusatio est cessante legitimo impedimento. impotentia uero, non est propriè & uerè legitimū impedimentum, sed potius defectus, & priuatio illius potentie & facultatis ad docendam fidem, & mores Christianos, & redarguendum repugnantes: cū impedimentum sit non facultatis, quā inesse oportet ex diuino præcepto Episcopis, sed muneris quod ab eā facultate deriuatur, & eam præexistentem omnino exigit & requirit, quatenus facultates ad munera destinantur. sic autē sacerdotes in sua ordinatione, baptizandi potestatem accepit: ut tamē sine Episcopis, aut parochicōmisione, eam exercere nō possint, & idoneus iudicatus sit prius ab Episcopo ad solēnem Baptismū & extra ar-

Episcopus minister & labores in omnibus & a qua alius committitur.

Facultas & potentia ad prædicandum præcepto diuino & Episcopo imposita, & quod est illius legitimum impedimentum.

Comment. in D. Th. tert. part.

riculum necessitatis. quare si aliter admini-
stret hoc sacramentū, grauius peccat. An
vero diacono possit cōmitti baptis-
mi administratio: respondeo non posse, nisi ubi
pluribus necessario baptizādis sacerdos nō
sufficeret, & eo p̄cipiente, vt de Eucharis-
tiæ administratione definitur in Cōc. Ni-
ceno cap. 14. & Arelatē. c. 13. & suspensione
notatur à Niceno, Diaconus etiā aliter ba-
ptizās irregularitate. c. 1. de cler. non ordin.
min. ita fit vt nisi cogēte necessitate, dia-
conus baptizare nō possit absente p̄sbytero,
vel eo p̄sente & p̄cipiente: quod
obseruauit glo. verbo necessitas c. dia-
conos. 93. d. vt legimus de Philippo bap-
tizante eunuchum Act. 9. cū tantum esset
diaconus.

6. De prima p̄sentētie p̄positē dictum
est. Alterius verō p. de baptis-
mi ministris in articulo necessitatis, vbi locus non est so-
lennibus ceremoniis, cōfirmatio est manife-
sta. cū enim hoc sacramentum sit omnibus
ad salutem maximē necessariū, infra q. 68.
art. 1. & 2. & ideo materia illius communis
aqua naturalis: sic etiam neminē ab eius ad-
ministratioe excludi voluit Ecclesia, vt o-
mnīū saluti cōsuleret. Tert. de bap. Hieron.
cōtra Lucif. plurima patrū decreta de conf.
d. 4. quare Calviniani impiē cēsēnt, baptis-
mum à laicis administratū, nullum esse: &
ideo sic tinctos iterū tingunt & abluunt: vt
refert Feuard. in appēd. Castrēsis. 6. hēresi
de baptismo. voluit tamen Ecclesia ordinē
quendā inter ipsos ministros statuere, vt o-
mnia decēter & secundū ordinē fiant: quā-
uis ad essentiā sacramenti illius ordinis im-
mutatio nihil efficiat. nēpē mulier p̄sente
viro, laicus p̄sente clerico, clericus ordine
inferior p̄sente sacerdote, administratio-
nē sibi sumere nō debet: nisi forte dignita-
te, aut ordine inferior, in administratione
sacramēti peritior sit. sic obstetrices, quę in
casu necessitatis imminētis, baptizare con-
sueuerunt, viris plerunq; p̄ferendę sunt.
quin etiā si probabile periculū vitę infantis
& pueri imminere videatur, nec alius mini-
ster p̄sto sit, licebit matri, aut patri sacra-
mentū puero administrare: neq; inde ali-
qua inter parēres spiritualis cognatio cōtra-
hitur, quę eos à debito inuicē reddēdo di-
uellat: cū hoc impedimentū & cognationē
articulus necessitatis excludat. Ab his autē
omnibus verū sacramentum, & rem sacra-
mēti, id est effectū, conferri, dubitandū nō

est, cū essentialia sacramēti adhibita sint, &
Ecclesia catholica ita sepe definit, & cō-
sentientem suę definitioni praxim & vsum
semper retinuerit. Caterū sic baptizatis, si
qualerint imminens vitę periculū, statuit so-
lemnes ceremonias, quas necessitatis arti-
culus excludit, in Ecclesia publicē adhiberi,
quod in eis inest, etiā aliqua vis ad p̄fē-
ctū vitę spiritualis, vt explicat D. Th. infra
q. 72. ar. 3. decreta verō Ecclesiastica de his
extraordinariis ministris, referūtur ex vete-
ribus de cōf. d. 4. & p̄terea in Cōc. Florē.
sess. vi. in doctrina de sacramētis ita definitū
est. Minister huius sacramēti est sacerdos,
cui ex officio cōpetit baptizare: in casu au-
tē necessitatis, non solum sacerdos, vel dia-
conus, sed etiam laicus & mulier, imo etiā
paganus & hēreticus baptizare potest:
dummodo formam seruet Ecclesię, &
facere intendat, quod facit Ecclesia: de
baptismo autem hēretico dictum est q.
66. art. 9.

7. De peccato autē illorū, quiā baptis-
mo solēnes ceremonias & ritus nō retinēt,
vel nulla cogēte necessitate nō adhibent,
nō rectē opinō Caiet. iudicauit: aut enim
ait secundū se, suapte natura, vel ex gene-
re, hoc consideratur, aut ratione p̄cepti
Ecclesiastici, primo quidē modo, mortale
peccatū nō potest hīc accidere: quia quod
aliquando rectē fit, id suapte natura malū
esse non potest, cū naturale mutari non
possit: constat autem in casu necessitatis
ritus illos laudabiliter omitti. Secundū autē
modo, mortale peccatum esse potest, vno
ex tribus modis, primo ex inobedientia, si
ad sit contemptus: secundo ex p̄sum-
ptione, vt si laicus sacerdotis munus assū-
mat: tertio si p̄cepti Ecclesiastici tāta es-
set vis ex modo impositionis. vnde solēni-
ter baptizās, tēsetur sub reatu mortalis pec-
cati, ritū Ecclesię seruare, quāuis leuis omis-
sio excusaret plane, similiter laicus, vsurpās
solēnem sacramenti administrationē. quod si
extra necessitatis articulū baptizaret sine
solēni ritu, & sine contēptu & p̄sumptione,
nō videretur cōmittere peccatū morta-
le, vt si existimaret se rectē facere. Idē dicē-
dum est de his, qui se vicissim baptizarent
extra necessitatis articulū. sic Innocēt. I. I. I.
in c. debitū de bap. affirmat Iudeū bap-
tizantē se, si statim ē vitā excessisset, ad patriā
euolaturū: quali nullum peccatū cōmissis-
set: cū tamē grauior sit error seipsū bap-
tizantis,

De ministris
extraordina-
riis in casu ne-
cessitatis.

zantis, quâ is de quo agimus. quod autē inquit D. Tho. ar. 5. baptizantes se vicissim adeo grauius peccare, vt impediatur effectus baptismi, id de presumptibus est intelligendū, vel de integro baptismi effectu: illi enim, licet gratiâ consequerentur, non tamen remissionem omnis culpæ & pœnæ, quia veniale saltem peccatum committerent. sic Caiet.

8 Sed verior & certa sententia est: laicum vel extra articulum necessitatis, etiâ sine solēnitatē baptizantē, vel in eodē articulo, vel extra eū solemnia adhibentem, mortaliter peccare ex suo genere: & sola ignoratiā inuincibili excusari posse. sed secundo modo minus graue peccatū est. Ratio primi est, quia usurpatio muneris sacerdotalis, ex suo genere mortale peccatum est, & sacrilegium: quare qui sic vellet baptizari, vel eidem baptismo cooperaretur, idem peccatum committerent: & adulti se vicissim baptizantes gratiam nō consequerētur, quod planē voluit D. Tho. artic. 5. licet omnibus character imprimeretur. vnde c. si quis de cler. non ord. omnis laicus ex officio baptizans, id est, solēmniter, irregularitatē incurrit, non autem in articulo necessitatis: quia illa pœna culpæ illius cōmes est. Ratio secūdi est, quia ignoratiā inuincibilis facit inuoluntariū, sine quo peccatū non est. vtrū autem liceat in articulo necessitatis baptizari ab eo, qui ex precio tantū & simoniace baptizare vellet. D. Tho. 2. 2. q. 100. ar. 2. ad 1. semper autē paruulus baptizatus à quocunq̃ue ministro, etiâ delinquēte grauissimē, integritatē effectū baptismi recipit: sed adultus, nisi excusetur ignoratiā inuincibili, characterem, fidem, & spem, non autem charitatem recipiet, quia cooperatur peccato alterius, & poterit baptismi voto salutem cōsequi, infra q. 68. art. 2.

ARTICVLVS VI.

Vtrum plures possint simul vnum baptizare.

4. d. 3. ar. 2. q.
2. ad 1. q. 2. d.
6. q. 2. art. 1. q.
1. ad 3.

AD SEXTVM sic proceditur. Videtur, quod plures possint simul vnum baptizare. In multitudine potest facere vnus, possint facere titur. Vnde videtur, quod quicquid enim cōtinetur vnum, sed nō conue-

multi, & non è cōuerso, sicut multi trahūt nauem, quā vnus trahere non posset. Sed vnus homo potest baptizare. Ergo & plures possunt simul vnum baptizare.

¶ 2. Præterea, Difficili⁹ est quod vnum agēs agat in plura, quā quod plures agentes agant simul in vnum. Sed vnus homo potest simul plures baptizare. Ergo multo magis plures possunt simul vnum baptizare.

¶ 3. Præterea, Baptismus est sacramentū maximē necessitatis. Sed in aliquo casu videtur esse necessariū, quod plures simul vnum baptizēt, puta, si aliquis paruulus esset in articulo mortis, & adessent duo, quorū alter esset mutus, & alter manibus, & brachiis careret, tūc enim oporteret quod mutilatus verba proferret, & mutus actum baptismi exerceret. Ergo videtur quod plures possint simul vnum baptizare.

SED CONTRA est, quod vnus agentis est vna actio. Si ergo plures vnum baptizarent, videretur sequi, quod essent plures baptismi, quod est contra id quod dicitur Ephes. 4. Vna fides, vnum baptisma.

RESPONDEO dicendum, quod sacramentū baptismi præcipuē habet virtutem ex forma, quā Apostolus nominat verbū vitæ. Ephes. 5. Et ideo cōsiderare oportet, si plures simul vnum baptizarent, qua forma vterentur. Si enim dicerēt: Nō te baptizamus in nomine Patris & Filij & Spiritus sancti, dicūt quidā, quod nō conferretur sacramentū baptismi, eo quod non seruaretur forma Ecclesiæ, quæ sic habet: Ego te baptizo in nōe Patris & Filij & Spiritus sancti. Sed hoc excludit per formā baptizandi, qua vtitur Ecclesia Græcorū, possent enim dicere, Baptize-

D. Thom. tert. part.

tur seruus Christi N. in nomine Patris & Filij & Spiritus sancti, &c. Sub qua forma Græci baptismū suscipiūt, quæ tamē forma multò magis dissimilis est formæ, qua nos utimur, quā si dicatur: Nos te baptizamus. Sed considerandū est, quod ex tali forma, te baptizamus, exprimitur talis intētio, quod plures cōueniant ad vnū baptismum conferendū. Quod quidē videtur esse contra rationē ministerij: homo enim nō baptizat, nisi vt minister Christi, & vicē eius gerēs. Vnde sicut vnus est Christus, ita oportet esse vnū ministrū, qui Christū repræsentet. propter quod signanter Apost. dicit, Ephē. 4. Vnus Dñs, vna fides, vnum baptisma. Et ideo cōtraria intentio videtur excludere baptismi sacramentum. Sic verò vterq; diceret: Ego te baptizo, in nomine Patris & Filij & Spiritus sancti, vterq; exprimeret suā intentionem, quasi ipse singulariter baptismum conferret. Quod posset contingere in eo casu, in quo cōtēntiosē vterq; aliquē baptizare conaretur. Et tunc manifestum est, quod ille, qui prius verba proferret, daret baptismi sacramētū, alius verò quantūcūq; ius baptizādi haberet, nihil faceret, & si verba pronūtiare præsumeret, esset puniendus tanquā rebaptizator. Si autem omnino simul ambo verba proferret, & hominē immergeret, aut aspergeret, essent puniēdi de inordinato modo baptizādi, & nō de iteratione baptismi: quia vterq; intēderet non baptizatum baptizare. Et vterq; quantum est in se baptizaret. Nec traderent aliud & aliud sacramentum, sed Christus, qui est vnus, interius baptizans, vnum sacramentum per vtrūq; conferret.

AD PRIMVM ergo dicendum, quod ratio illa locum habet in his, quæ agūt propria virtute. Sed homines nō baptizāt propria virtute, sed virtute Christi, qui cū sit vnus, per vnum ministrū perficit suum opus.

AD SECVNDVM dicendū, quod in casu necessitatis vnus posset simul plures baptizare, sub hac forma: Ego vos baptizo, puta, si immineret ruina, aut gladius, aut aliquid huiusmodi, quod omnino morā non pateretur, vt sigillatim omnes baptizaretur. Nec per hoc diuersificaretur forma Ecclesię, quia plurale nō est nisi singulare geminatū: præsferim cū pluraliter dicatur Matt. ult. baptizātes eos, &c. Nec est simile de baptizante & baptizato, quia Christus, qui principaliter baptizat, est vnus, sed multi per baptismum efficiuntur vnum in Christo.

AD TERTIVM dicendū, quod (sicut suprā dictum est) integritas baptismi consistit in forma verborū, & in vsu materiæ. Et ideo neque ille, qui tantum verba profert baptizat, neq; ille, qui immergit. Et ideo si vnus verba proferat, & alius immergat, nulla forma verborum poterit esse cōueniens, neq; enim poterit dici: Ego te baptizo (cum ipse non immergat, & per consequens non baptizet) neque etiam poterit dici: Nos te baptizamus, cū neuter baptizet. Si enim duo sint, quorum vnus vnā partē libri scribat, & alius aliam, non erit propria locutio, Nos scripsimus librum istū, sed syncedochicā, in quantum totū ponitur pro parte.

q. 66. ar. 3. 5.

COMMENTARIVS.

DE baptismi vnico ministro dictū est, de pluribus nunc differendum est,

est, contingit autē plures esse, vel vt partes cōstituentes integrum vnū, & perfectū ministrum, vel vt integros & perfectos, sed cōuenientes ad eiusdē baptismi administrationē. primus modus duplex est: aut enim plures illi ministri simul materiā & formā administrant, plurali numero dicentes. nos te baptizamus, &c. aut vnus materiā, abluendo scilicet, alter formam proferendo. Secundus modus etiam duplex est: aut enim vnus alterū administratione sacramenti praeuenit, aut simul administrant. v.g. vnus integrā formā abluendo, cū legitima intētionē, singulari numero profert, & citius altero abfoluit: vel simul proferunt, sed quisq; singulari numero, quod accideret si ex cōtentione baptizarent. Primò modo baptismus non est: altero verò modo is, qui alterū praeuenit, verū baptismum administrat, alter rebaptizat: & vterq; simul administrās verē baptizat: vtroq; tamen modo cōmittitur ab his ministris graue peccatum.

2. Ratio primi est: quia ministrū sacramēti, oportet Christo principali agenti intentione cōuenire: cū sit illius minister: qui autē illo modo baptizarent, intētionē non cōuenirent cū Christo sacramēti institutore: vt enim est vnus Christus: sic esse oportet vnū ministrū, iuxta illud Eph. 4. Vnus Dñs, vna fides, vnū baptisma, cū vnus minister vnum Christum representet. Nō igitur illi plures ministri verū baptismū administrarent, ex defectu legitime intentionis. itaq; ex vi significationis formę, cū ita concipitur, nos te baptizamus, &c. id est, ego & tu, ait D. Tho. exprimitur talis intentio, quod plures partialiter concurrant ad eiusdē baptismi administrationē, vt intētio vnus ab alterius intētionē pendeat, & ita nō sit certa & legitima faciendū, quod Christus instituit. quod videtur repugnare intentioni Christi, qui vicē sui gerere instituit, vnū sacramenti ministrū. Quod si quilibet perse, independentē ab altero intentionem haberet, & idē esset secundū intelligentiam illorū, [nos te baptizamus] atq; ego & ego te baptizamus, &c. idē esset iudiciū de his, atque de his qui simul singulatim formā singulari numero proferrent. Sed D. Th. iudicat de illo baptismo, ex vi significationis formę, plurali numero prolate, vt dictum est. Quod si pleriq; Theologi animaduertissent, nullā rationem probabilē inuenissent dissentiēdi à sentētia D. Tho. aut dubitandi

de veritate illius. Similiter etiā de veritate sacramēti administrati ab vno in plures simul suscipiētes, dubitari nō potest: quamuis sine peccato id perfici nō possit nisi in articulo necessitatis: vt ad 2. D. Th. ostēdit & ad 3. quia ratione nō sit baptismus, si ex duobus ministris alter abluat, alter formā proferat, vt si alteri manus desit, alteri sermo. Ratio secundę p. sententię propositę omnino cōstat: quia nihil tunc deest de sacramēti essentia. & cū baptismus sine magno crimine iterari nō possit, vt ar. 9. ostensum est, qui perfectō illo priori baptismo, posteriorē adhiberet, certē eodē crimine implicaretur. Ratio tercię p. est, quia adhibitis essentialibus sacramenti, vterq; intenderet nō baptizatū baptizare, & vterq; baptizat, & ex vnitatē subiecti vnū censetur sacramentū, & ex vnitatē Christi, per vtrūque baptizātis. Tandē ratio quartę p. in pōptu est, quia quicumq; sic baptizaret, indecenter & non secundū ordinem baptizaret: omnia autem in Ecclesia decenter, & secundū ordinem fieri debēt, praesertim in sacramentorū administratione, vt Apostolus admonuit, & quilibet se exponit periculo rebaptizandi. peccatū autē huius ordinis perturbati ex causis ipsius expendendū & iudicandū est. videtur autē graue peccatū esse, nisi ignorātia excusetur: vt cēsetur graue priuata in domo baptizare extra articulū necessitatis Clemēt. vnica de bapt. Reliqua subtiliter & accuratē à plerisq; disputata, de his pluribus ministris, aliena sunt ab analytica doctrina, quā instituimus. quod si aliqua dubitatio incidat, de huiusmodi baptismis nō ritē administratis, remediū c. maiores de bapt. adhibendū est, vt sub cōditione baptizētur suscipientes. erit persimilis disputatio de pluribus simul cōsecrantibus panē & vinū infra q. 82. ar. 2. de homine autē seipsum baptizante, cōstat ex his, quid sentiendū sit, si enim in omnibus sacramētis, exceptis Eucharistia, & matrimonio, suscipiēs à ministro distinguitur necessariò, ex ipsa sacramēti institutione, quę ad essentiā pertinet: certē in baptismo seipsum baptizantis sacramentū non erit. in baptismo verò illa institutio manifesta est. Matt. vlt. cū ait Dñs, baptizantes eos, &c. pręcipit enim ministris vt baptizent. sic etiā Dñs Ioanne baptizari voluit, supra q. 66. art. 5. ad 4. ex c. debitum de bapt.

*Multi eundem
simul bapt. zati
ses peccant.*

Duran. Palud.

ARTICVLVS VII.

Vtrum in baptismo requiratur aliquis qui baptizatum leuet de sacro fonte.

Inf. ar. 8 ad 1.

AD SEPTIMUM sic proceditur. Videtur, quod in baptismo non requiratur aliquis, qui baptizatum de sacro fonte leuet. Baptismus enim noster per baptismum Christi consecratur, & ei conformatur. Sed Christus baptizatus non est ab aliquo de fonte susceptus, sed sicut dicitur Matth. 2. Baptizatus Iesus confestim ascendit de aqua. Ergo videtur, quod nec in aliorum baptismo requiratur aliquis, qui baptizatum de sacro fonte suscipiat.

2. Preterea, Baptismus est spiritualis regeneratio, ut dictum est.

ar. 3. huius q.

*Sed in carnali generatione non requiritur nisi principium actiuum, quod est pater, & principium passiuum, quod est mater. Igitur cum in baptismo locum patris obtineat ille qui baptizat, locum autem matris, ipsa aqua baptismi (ut August. *dicit in quodam sermone Epiphaniae) videtur, quod non requiratur aliquis alius, qui baptizatum de sacro fonte leuet.

*in ser. 1. Domini
nica intra octa.
epiph. tom. 10.*

¶ 3. Preterea, In sacramentis Ecclesiae, nihil derisorium fieri debet. Sed hoc derisorium videtur, quod adulti baptizati, qui seipsos sustentare possunt, & de sacro fonte exire, ab alio suscipiantur. Ergo videtur, quod non requiratur aliquis praecipue in baptismo adultorum, qui baptizatum de sacro fonte leuet.

SED CONTRA est, quod Dion. *dicit 2. c. Eccles. hierar. quod sacerdotes assumentes baptizatum, tradunt eum ad educationem sceptori & duci.

*2. 2. per. 2. de
eli. ad fin.*

RESPONDEO dicendum, quod spiritualis regeneratio, quae fit per baptismum, assimilatur quodammodo generationi carnali. unde dicitur 1. Pet. 2. Sicut modò geniti infantes rationabiles, & sine dolo, lac concupiscite. In generatione autem carnali paruulus nuper natus, indiget nutrice & paedagogo. Unde & in spirituali generatione baptismi requiritur aliquis, qui fungatur vice nutricis & paedagogi, informando & instruendo eum, quasi nouitium in fide, de his quae pertinent ad fidem & vitam Christianam. Ad quod praelati Ecclesiae vacare non possunt, circa communem curam populi occupati: paruuli enim & nouitij indigent speciali cura praeter communem. Et ideo requiritur quod aliquis suscipiat baptizatum de sacro fonte, quasi in suam instructionem & tutelam. Et hoc est quod Dionis. *dicit vltim. ca. Eccles. hierar. Diuinis nostris ducibus (id est Apostolis) ad mentem venit, & visum est suscipere infantes secundum istum sanctum modum, quod naturales pueri parentes, traderent puerum cuidam docto in diuinis paedagogo, & reliquum sub ipso puer ageret, sicut sub diuino patre & saluationis sanctae susceptore.

*c. 7. Eccles. non
multum procul
a fin.*

AD PRIMUM ergo dicendum, quod Christus non est baptizatus, ut ipse regeneraretur, sed ut alios regeneraret. Et ideo post baptismum non indiguit paedagogo tantumquam paruulus.

AD SECUNDUM dicendum, quod in generatione carnali non requiritur ex necessitate nisi pater & mater. Sed ad facilem partum, & educationem pueri conuenientem, requiritur

quiritur obstetrix & nutrix & pædagogus, quorum vicem implet in baptismo, ille qui puerum de sacro fonte leuat. Vnde non est de necessitate sacramenti: sed vnus solus potest aliquem baptizare, necessitate imminente.

AD TERTIVM dicendum, quod baptizatus non suscipitur à patrino de sacro fonte propter imbecillitatem corporalem, sed propter imbecillitatem spiritualem, vt dictum est*.

In cor. ar.

ARTICVLVS VIII.

Vtrum ille, qui aliquem leuat de sacro fonte, teneatur ad eius instructionem.

Infr. q. 71. ar. 1. ad 1. Et 4. d. 8. q. 2. a. 2. q. 3. cor. et ad 3.

AD OCTAVVM sic proceditur. Videtur, quod ille, qui suscipit aliquem de sacro fonte, nõ obligetur ad eius instructionem. Quia nullus potest instruere nisi instructus. Sed etiam quidam non instructi, sed simplices admittuntur leuare aliquem de sacro fonte. Ergo ille qui suscipit baptizatum, nõ obligatur ad eius instructionem.

¶ 2. Præterea, Filius magis potest à patre instrui, quàm ab alio extraneo, nam filius habet à patre esse & nutrimentum & disciplinam, vt Philos.* dicit in 8. Ethic. Si ergo ille, qui suscipit baptizatũ, teneretur eum instruere, magis esset conueniens quod pater carnalis filium suum de fonte susciperet, quàm aliquis alius. Quod tamen videtur esse prohibitum, vt habetur in Decreto.* 30. q. 1. Peruenit. & Dictum est*.

Li. 8. eth. c. 12. circa med. et c. 11. non longè à princ.

30. q. 1. c. Peruenit. & c. Dictum est. ar. præc.

¶ 3. Præterea, Plures magis possunt instruere, quàm vnus solus. Si ergo ille qui suscipit aliquem bapti-

zatum, teneretur eum instruere, magis deberet plures suscipere, quàm vnus solus, cuius contrarium habetur ex Decre.* Leonis Papæ. Non Plures, inquit, ad suscipiendum de baptismo infantem, quàm vnus, accedant, siue vir, siue mulier.

loc. cit. in arg. 2.

SED CONTRA est, quod Aug.† dicit in quodam sermone Paschali, Vos ante omnia tam viros, quàm mulieres, qui filios in baptismo suscepistis, moneo, vt vos cognoscatis fidei flores, apud Deum extirpsos pro illis, quos visi estis de sacro fonte suscipere.

Hoc dictum est Aug. refertur de conse. d. 4. c. 204. Vos ante omnia. Aug. in ser. post Pasche Tris. incipit, Hodierna dies, 10. 10.

RESPONDEO dicendũ, quod vnusquisque obligatur ad exequendum officium quod accepit.* Dictũ est autem, quod ille, qui suscipit aliquem de sacro fonte, assumit sibi officium pædagi. Et ideo obligatur ad habendam curam de ipso, si necessitas immineret, sicut eo tempore & loco, in quo baptizati inter infideles nutriuntur. Sed vbi nutriuntur inter catholicos Christianos, satis possunt ab hac cura excusari, præsumendo quod à suis parentibus diligenter instruatur. Si tamen quocumque modo sentirent contrarium, tenerentur secundum modum, salutis spiritualium filiorum curam impendere.

art. præc.

AD PRIMVM ergo dicendum, quod vbi immineret periculum, oporteret esse aliquem doctum in diuinis, sicut Dionys.* dicit, qui baptizatum de sacro fonte susciperet. Sed vbi hoc periculum non imminet, propter hoc quod pueri nutriuntur inter catholicos, admittuntur quicunq; ad hoc officium, quia ea, quæ pertinent ad Christianam vitam, & fidem, publicè omnibus nota sunt. Et tamen ille qui non est baptizatus

ca. 7. eccl. hier. non multũ potest a fine.

Comment. in D. Th. tert. part.

refertur de con-
se. d. 4. c. 101.
In baptismo.

ar. præc.

ptizatus, non potest suscipere bapti-
zatum (vt est declaratum in Conci-
lio Moguntino*) licet non baptiza-
tus possit baptizare, quia persona
baptizantis est de necessitate sacra-
menti, non autem persona suscipi-
tis, sicut dictum est.*

AD SECVNDVM dicendum,
quod sicut est alia generatio spiri-
tualis à carnali, ita etiam debet esse
alia disciplina: secundū illud Heb.
12. Patres quidem carnis nostrę ha-
buimus eruditores, & reuerbamur
eos, non multò magis obrempera-
bimus Patri spirituum, & viuemus?
Et ideo alius debet esse pater spiri-
tualis à patre carnali, nisi necessitas
contrarium exigit.

AD TERTIVM dicendū, quòd
confusio esset disciplinæ, nisi esset
vnus principalis instructor. Et ideo
in baptismo vnus debet esse princi-
palis susceptor. Alij tamen possunt
admitti quasi coadiutores.

COMMENTARIVS.

Susceptores &
patrini nomi-
na, institutio est
inimici.

DE ministro sacramēti dictum est:
de ministro suscipientis sacramen-
tum postremò dicendum restat. Hic autē
in solēni administratione, ex præcepto Ec-
clesię adhiberi debet: absolute enim neces-
sarius non est; cum ad essentiam sacramē-
ti non pertineat. Vocatur ab antiquis Patri-
bus susceptor, sponsor, fidei iussor: à recen-
tioribus patrinus aut compater. Eius mu-
nus est, baptizatum de sacro fonte suscipe-
re, quasi suę tutelæ & curę commissum;
vt in fidei rudimentis, & moribus Christia-
nis accuratè instituatur. Itaque licet pa-
trinus teneat ad sacrum fontem baptismo
tingendum, licet respondeat baptizanti in
catechismo & aliis: his tamen actionibus
non id quo susceptoris munus assumitur,
efficit: sed tantum cum baptizatum de ma-
nu sacerdotis suscipit: vt cætera adhibere
deceat & congruum sit, suscipere autem
necessarium sit, vt illo munere deuinctus
teneatur. Sic apud Dionys. cap. ult. de Ec-
cles. hierar. dicuntur patrini suscipere infan-

tes erudiendos vt pædagogi. Sic etiam lo-
quuntur Pontificum decreta de cons. diff.
4. c. in Catechismo & sequētib; & Con-
cil. Tridēt. Sess. 24. cap. 2. de reformat. ma-
trim. susceptorum munus esse, inquit, ba-
ptizatum de baptismo suscipere. Et certè
ab eo munere, susceptores vocati sunt: &
adultos, cum baptizantur ad sacrum fon-
tem tenere, vel pro eis respondere neces-
se non est, sed tantum de baptismo suscipe-
re instruendos. Ipsa enim susceptoris obli-
gatio in suscipiendo baptizatum de sacro
fonte imponitur: sed munus instruendi tā-
diu manere intelligitur, quandiu perfectè
rudimentis fidei, & eorum plana & facili
intelligentia imbuatur. Sic enim Dionys.
c. 2. citato spōforis munus expresit. [Spō-
deo puerum inducturum, cum ad sacram
intelligentiam venerit, sedulis adhortatio-
nibus meis, vt abrenuntiet cōtrariis omni-
no, profiteatur, peragatq; diuina, quę pol-
licetur.] Illud tamē certum est, quod ar. 8.
D. Thom. admonuit, hanc docendi obliga-
tionem permanere, si necessitas discendi
immineret, vt si baptizati inter infideles
educētur: at vbi nulla necessitas imminet,
videntur eadem obligatione non adstringi.
Videndum tamen est, vt sunt huius sæ-
culi mores, ne hoc munus susceptoris ne-
gligenter tractetur, & nomen tantum nu-
dum relictum sit, vt Catechismus Roma-
nus admonuit.

2 Fuit autem in Ecclesia hæc susceptoris
institutio necessaria: vt sicut generationis
naturalis proprios parentes natura consti-
tuit, sic regenerationis supranaturalis, suos
veluti parentes, pædagogos & eruditores
infantium Ecclesia ideo instituerit, vt quā
sit hæc posterior generatio, ab illa priori di-
stincta intelligeretur: & quemadmodū pue-
ri in lucē editi nutrici & pædagogocommi-
ttuntur, vt eorum opera educantur, & bo-
nis artibus erudiantur: ita necesse est, vt re-
nati in vitam spiritualem, susceptori prudē-
ti committantur: vt in pietate Christiana
bene instituti, in viros perfectos, adiuuante
Domino euadant; parochis in adutorū in-
stitutione & disciplina valde occupatis. Vnde,
quia tota hæc institutio religionis Chri-
stianę, spiritualis est, & à naturali omnino
distincta sanctè decreuit Ecclesia, vt susce-
ptor cum eo, quem suscipit, & cum eius ve-
ris parentibus affinitate quadam spirituali
deuinciatur: vt inter hos omnes matrimo-
nium

Munus docen-
di quādiu, obli-
gat susceptore.

Spiritualis affi-
nitas ex baptis-
mo.

nium contrahi non possit, & contractum dirimatur. Sed ne inter plures, huiusmodi affinitates contraherentur: atque ita impedirent ne hominum inter ipsos coniugia legitima diffunderentur, vel ignoranter contracta perseverandi in peccato, causæ essent, vel non sine magno scandalo dirimerentur, statutum est in Concilio Trident. Sess. 24. cap. 2. de reformat. matrim. ut unus tantum siue vir siue mulier, vel ad summum unus & una baptizatum de baptismo suscipiant: inter quos ac baptizatum ipsum, & illius patrem & matrem: nec non inter baptizantem & baptizatum, baptizatique patrem ac matrem tantum spiritualis cognatio contrahatur. Quorum nomina Parochus in libro describat, doceatque eos quæ cognitionem contraxerint, ne ignorantia vlla excusari valeant. Non igitur contrahitur hæc affinitas inter duos susceptores, si fortè duo assumatur, ut coniuges plerumque. 3. Cum autem baptismus priuatim administratur, cogente necessitate, quicumque de baptismo suscipit baptizatum, hanc affinitatem contrahit, exceptis parentibus legitimo matrimonio coniunctis: inter quos nulla huiusmodi affinitas contrahitur, si virgente necessitate filium baptizaret, nullo alio presente qui administraret baptismum: vel si ex ignorantia inuincibili id sibi licere in eodem articulo necessitatis, etiã aliis presentibus, existimarent: vel si alter coniugum, filium alterius ex eadem ignorantia baptizaret. Dico autem in legitimo matrimonio coniunctis: quia si ante contractum matrimonium idẽ contingeret, contraheretur inter eos eadem affinitas, quæ impedit matrimonium contrahendum, & dirimit contractum. Sic colliges ex D. Tho. 4. dist. 42. q. 1. art. 2. hæc de affinitate spirituali ratione baptismi. Si verò contingat baptismum administrato priuatim propter imminentem necessitatem, postea solennes ritus publice in Ecclesia adhiberi, is qui puerum in catechismo tenet, affinitatem contrahit spirituale, quæ impedit quidem matrimonium contrahendum, sed contractum non dirimit. cap. per catechismum de cogn. spirituali, lib. 6. & cap. in catechismo de consecr. d. 4. contrahitur autem inter eosdem, de quibus Concil. Trident. definiuit, & non plures: quia licet de hac cognitione ex catechismo orta, nihil definierit, & ideo ea ex iure antiquo retinenda sit: tamen perso-

Affinitas spiritualis ex Catechismo.

nas de iunctas cognitione maiori restrinxit: quare & eas quæ minori, & decreti illius ratio par est & æqualis in omnibus. Postremo obseruandum est, à susceptoris munere repelli non tantum naturales parentes, ut à naturali generatione, spiritualis distinguatur, sed etiam Iudeos, hereticos, infideles denique omnes, ne pro sana & sincera religionis doctrina, alienam & depravatam doceant: postremo abbates & monachos, ne docendi pueros gratia, extra monasterij septa vagandi occasionem habeant: denique in baptismate catechumenus non baptizatusceptor esse non potest: nec is qui non est confirmatus in confirmatione. Sic definitum est de consecr. di. 4. c. in baptismate & duobus proximè sequentibus. & de personis, inter quas cognatio ex tenente confirmatum contrahitur, eadem omnino ratio est, atque de cognitione quæ ex baptismo, ut definitum est eod. Trid. decreto Sess. 24. cap. 2. de reformat. matrim.

Ex confirmatione.

QVÆSTIO LXVIII. De suscipientibus baptismum, in duodecim articulos diuisa.

DEinde considerandum est de suscipientibus baptismum.

Et circa hoc quærentur
duodecim.

Primò, Vtrum omnes teneantur ad suscipiendum baptismum.

Secundò, Vtrum aliquis possit saluari sine baptismo.

Tertiò, Vtrum baptismus sit differendus.

Quarto, Vtrum peccatores sint baptizandi.

Quintò, Vtrum peccatoribus baptizatis sint imponenda opera satisfactoria.

Sextò, Vtrum requiratur confessio peccatorum.

Septimò, Vtrum requiratur intentio ex parte baptizati.

Octauo, Vtrum requiratur fides.

Nonò, Vtrum pueri sint baptizandi.

Decimo, Vtrum pueri Iudeorum sint baptizandi inuitis parentibus.

L Vnde

D. Thom. tert. part.

Vndecimò, Vtrum aliqui sint baptizandi in maternis uteris existentes.

Duodecimo, Vtrum furiosi & amentes sint baptizandi.

ARTICVLVS PRIMVS.

Vtrum omnes teneantur ad susceptionem baptismi.

Inf. q. 70. art. 2. ad 3. & 4. q. 4. d. 4. q. 3. art. 3. q. 2. cō. ad 3. & d. 6. q. 1. art. 1. q. 1. cō. & 4. cō. c. 71.

AD primum sic proceditur. Videtur, quod non teneantur omnes ad susceptionem baptismi. Per Christum enim non est hominibus arctata via salutis. Sed ante Christi aduentum poterant homines saluari sine baptismo. Ergo & post Christi Aduentum.

¶ 2. Præterea, Baptismus maxime videtur esse institutus in remediū peccati originalis. Sed ille qui est baptizatus, cum non habeat originale peccatum, nō videtur quod possit illud transfundere in prole. Ergo filij baptizatorum non videntur esse baptizandi.

¶ 3. Præterea, Baptismus datur ad hoc, quod aliquis per gratiam à peccato mündetur. Sed hoc consequuntur illi, qui sunt sanctificati in utero, sine baptismo. Ergo non tenentur ad suscipiendum baptismū.

SED CONTRA est, quod dicitur Ioan. 3. Nisi quis renatus fuerit ex aqua & Spiritu sancto, non potest introire in regnum Dei. Et in lib. de Ecclesiasticis* dogmatibus dicitur, Baptizatis tantum iter salutis esse credimus.

RESPONDEO dicendum, quod ad illud homines tenentur, sine quo salutem consequi non possunt. Manifestum est autem, quod nullus potest salutem cōsequi, nisi per Christum. Vndè & Apost. dicit Rom. 5. Sicut per vnus delictum in omnes

homines in condemnationem, sic & per vnus iustitiam, in omnes homines in iustificationem vitæ. Ad hoc autem datur baptismus, ut aliquis per ipsum regeneratus incorporetur Christo, factus membrum ipsius. Vnde dicitur Galat. 3. Quicumque in Christo baptizati estis, Christum induistis. Vnde manifestum est, quod omnes ad baptismum tenentur, & sine eo non potest esse salus hominibus.

AD PRIMUM ergo dicendum, quod nunquam homines potuerūt saluari etiam ante Christi aduentum, nisi fierent membra Christi: quia ut dicitur Acto. 4. nō est aliud nomen datum hominibus, in quo oporteat nos saluos fieri. Sed ante Aduentum Christi, homines Christo incorporabantur per fidem futuri aduentus: cuius fidei signaculum erat circūcisio, ut Apostolus dicit Roma. 4. Ante verò quàm circūcisio institueretur, sola fide (ut Gregor.* dicit) cum sacrificiorum oblatione, quibus suam fidem antiqui Patres profitebantur, homines Christo incorporabantur. Post aduentum etiam Christi, homines per fidem Christo incorporantur, secundū illud Ephe. 3. Habitare Christum per fidem in cordibus vestris. Sed alio signo manifestatur fides rei iam præsentis, quàm demonstraretur, quando erat futura: sicut etiam aliis verbis significatur præsens, præteritum, & futurum. Et ideo licet ipsum sacramentum baptismi non semper fuerit necessarium ad salutem, fides tamen cuius baptismus sacramentum est, semper necessaria fuit.

AD SECVNDVM dicendū, quod d
(sicut

*Lib. 4. Moral.
4. 2. circa medi.*

*In lib. de eccl.
doctr. c. 24.
¶ 7. Habe-
tur inter oper.
Aug. to. 3.*

1. 2. q. 25. ar. 3. ad 2.

Lib. 6. ca. 6. 2. med. ad fi. 60. 7.

(sicut in secūda parte dictum est *) illi qui baptizantur, renouātur per baptismum secundum spiritum, corpus tamen remanet subiectum vetustati peccati, secundum illud Roman. 8. Corpus quidem mortuum est propter peccatum, spiritus verò vivit propter iustificatio- nem. Vnde & August. * probat in lib. contra Iulianum, quod non ba- ptizatur in homine, quicquid in eo est. Manifestum est autem, quod homo nō generat generatione car- nali secundum spiritum, sed secun- dum carnem. Et ideo filij baptiza- torum, cum peccato originali nas- cuntur, vnde indigent baptizari.

A D TERTIVM dicendum, quod illi qui sunt sanctificati in vtero, consequuntur quidem gra- riam emundantem a peccato ori- ginali, non tamen ex hoc ipso cō- sequuntur characterem, quo Chri- sto configurentur. Et propter hoc si aliqui nunc sanctificarentur in vtero, necesse esset eos baptizari, vt per susceptionem characteris, aliis membris Christi conforma- rentur.

ARTICVLVS II.

Vtrum sine baptismo aliquis possit saluari.

1. 2. q. 113. ar. 3. ad 1. & 4. d. 4. q. 3. ar. 3. q. 1. cor. 3. ad 3. & 4. contr. 6. 72. col. 2. & 3. q. 1. ar. 4. Et 10. 6. 1. 7. col. 1.

A D secundum sic proceditur. Videtur, quod sine baptismo nullus possit saluari. Dicit enim Dominus Ioan. 3. Nisi quis rena- tus fuerit ex aqua & Spiritu san- cto, non potest introire in regnum Dei. Sed illi soli saluantur, qui re- gnum Dei intrant. Ergo nullus po- test saluari sine baptismo, quo ali- quis regeneratur ex aqua & Spi- ritu sancto.

¶ 2. Præterea, In lib. * de Eccle-

siasticis dogmatibus dicitur. Nul- lum catechumenum, quāvis in bo- nis operibus defunctum, vitā eter- nā habere credimus, excepto mar- tyrio, vbi tota virtus sacramenti baptismi completur. Sed si aliquis sine baptismo posset saluari, maxi- mē hoc haberet locum in catechu- menis, bona opera habentibus, qui videntur habere fidē per dilectio- nem operantem. Videtur ergo, quod sine baptismo nullus possit saluari.

3. Præterea, Sicut supra dictum est, * sacramentum baptismi est de necessitate salutis. Necessarium autem est, sine quo non potest ali- quid esse, vt dicitur 5. Meta. * Ergo videtur, quod sine baptismo nullus possit consequi salutem.

S E D C O N T R A est, quod Aug. * dicit super Leuiticum, Inuisibi- lem sanctificationem quibusdam affuisse & profuisse, sine visibili- bus sacramentis, visibilem verò sanctificationem (quæ sit sacramē- to visibili) sine inuisibili posse adesse, sed non posse prodesse. Cum igitur sacramentum baptismi ad visi- bilem sanctificationem pertineat, videtur, quod sine sacramento ba- ptismi, aliquis possit salutem conse- qui per inuisibilem sanctifica- tionem.

R E S P O N D E O dicendum, quod sacramentum baptismi dupliciter potest alicui deesse. Vno modo & re, & voto, quod contingit illis, qui nec baptizantur, nec baptizari volunt, quod manifestè ad contem- ptū sacramenti pertinet, quantū ad illos qui habent vsum liberi arbi- trij. Et ideo hi quibus hoc modo deest baptismus, salutem consequi non possunt, quia nec sacramen-

* Ca. 74. to. 32. habetur de. 5. 16. d. 4. 6. 36.

q. 65. ar. 3. & 4.

* Lib. 1. Met. tex. 6. 10. 3.

* In li. q. 1. Li. 1. q. 84. 2. me. 10. 4.

Comment.in D.Tho.tert.par.

caliter nec mentaliter Christo incorporantur, per quem solum est salus. Alio modo potest sacramentum baptismi alicui deesse re, sed non voto, sicut cum aliquis baptizari desiderat, sed aliquo casu præuenitur morte, antequam baptismum suscipiat. Et talis sine baptismo actuali, salutem consequi potest, propter desiderium baptismi, quod procedit ex fide per dilectionem operante per quam Deus interius hominem sanctificat, cuius potentia sacramentis visibilibus non alligatur. Vnde Ambrosius* dicit de Valentiniano, qui catechumenus mortuus fuit. Quem regeneraturus erā amisi, verumtamen ille gratiam, quam poposcit, non amisi.

AD PRIMUM ergo dicendum, quod sicut dicitur 1. Reg. 16. Homo videt ea, quæ parent, Dominus autem intuetur cor. Ille autem qui desiderat per baptismum regenerari ex aqua & Spiritu sancto, corde quidem regeneratus est. Licet non corpore, sicut & Apostolus dicit Rom. 2. quod circūcisio cordis est in Spiritu, non in litera, cuius laus non ex hominibus, sed ex Deo est.

AD SECUNDUM dicendum, quod nullus peruenit ad vitam eternam, nisi absolutus ab omni culpa & reatu poenæ. Quæ quidē vniuersalis absolutio fit in perceptione baptismi & in martyrio, propter quod dicitur quod in martyrio omnia sacramenta baptismi complentur, scilicet, quantum ad plenam liberationem à culpa & poena. Si quis ergo catechumenus sit habens desiderium baptismi (quia aliter in bonis operibus non moreretur, quæ non possunt esse sine fide per dilectionem operante) talis decedens

non statim peruenit ad vitam eternam, sed patietur poenam pro peccatis præteritis, ipse tamen saluus erit sic quasi per ignem, ut dicitur 1. ad Corinth. 3.

AD TERTIUM dicendum, quod pro tanto dicitur sacramentum baptismi esse de necessitate salutis, quia non potest esse homini salus, nisi saltem in voluntate habeatur, quæ apud Deum reputatur pro facto.

COMMENTARIUS.

1. **A**B essentia sacramenti, qui etiam ministrum in baptismo omnino comprehendit, ad suscipientes accommodata fit progressio: quia constat institutum, ut suscipientes sanctificet, primò igitur generalis erit de omnibus suscipientibus doctrina, deinde specialis de quibusdā. de priori est hæc sententia & firma conclusio. Nemo salutem consequi potest, sine baptismo re ipsa suscepto, aut voto suscipiendi, atque ideo præcepto baptismi omnes continentur cōstricti. Hoc est, duplex necessitas baptismi competit, vna finis, altera præcepti. Necessarium ad finem simpliciter est, sine quo salutem consequi non possumus, etiam si nullum esset præceptum impositum: necessarium verò ratione præcepti dicitur, quod si non esset in præcepto, ad salutem omnino necessarium non esset. in gratia & remissione peccatorum consequenda est necessitas primo modo, in obseruatione diei festi & ieiunij, est altero modo necessitas. In baptismo verò & multis aliis vtraque necessitas reperitur, cum paruulis nulla ad salutem via pateat, sine baptismo re ipsa suscepto aut martyrio: adultis verò sine baptismore aut voto vel martyrio. Vnde si quis adhuc ex vtero matris, sanctificationē diuini munere consequeretur, ex vi tamen præcepti ad suscipiendum baptismum teneretur. Nec aliter charactere cōsignaretur, ut ceteris fidelibus conformis esset.

2. Probatio omnium partium conclusionis cōmunis, deinde partium propria cōcludetur. Cōmunis hæc est ex sancta Scriptura. Nemo salutem cōsequi potest, nisi fiat membrum Christi, S. S. E. A. 4. de Christo, non est aliud nomen sub celo, in quo nos oporteat saluos fieri: sed fide & sacramento fidei

In lib. de obitu
Valentin. pan-
lo ante med. ha-
besur lib. 3.
Epi. i. m. edia-
re post ep. 33.
tom. 3.

Conclusio.

Explicatio.

Probatio.

dei efficiamur membra Christi, ut ex his colligitur. Ephes. 3. habitare Christum per fidem in cordibus vestris, in natura verò, fidei huius protestatio necessaria ad veri Dei cultum, aliqua externa oblatione, in lege verò circumcisione determinata est: in Euangelio tandem ipso baptismo: & ut fides, sic & professio externa fuit necessaria, quia corde creditur ad iustitiam, ore autem confessio fit ad salutem, Roma. 10. ut explicauimus de his sacramentis veteribus, sup. q. 61. est igitur ad salutem consequendam baptismus necessarius, quatenus est fidei externa professio, & religionis Christianæ, in qua sacramentis tantum à deo institutis colligari possumus. Atque etiā, quia baptismo tantum ex institutione Christi, efficiamur membra eius, & regeneramur, vel eo quod vicem habet baptismi: regeneratio autem est principium vite Christianæ. Idem concludunt, illa Ioā. 3. Nisi quis renatus fuerit ex aqua & Spiritu sancto, non potest videre regnum Dei. Roma. 6. an ignoratis fratres, quia quicumque baptizati sumus, in morte ipsius baptizati sumus: Significat enim baptismo nobis applicari mortis Christi efficaciam ad nostram salutem. Itaque quod de circumcisione scriptum est, Rom. 4. fuisse scilicet signaculum iustitiæ fidei, idem de baptismo modo dicendum est: adiuncta baptismi efficacia sanctificandi, quæ olim non fuit in circumcisione, ut explicabitur infr. q. 70. Confirmat etiā eandem baptismi necessitatem ad salutem, originalis peccati infectio omnium hominum, qui naturaliter propagantur, communis. Hæc enim in Euangelio nisi baptismo deleberi non potest: quare ut est illius peccati remissio, ad consequendam salutem, absolute necessaria: sic & baptismus, quo perficitur illa remissio, necessarius est. Roma. 5. sicut per unius delictum in omnes homines in condemnationem: sic & per unius iustitiam in homines omnes in iustificationem vitæ. Hæc enim iustificatio nobis primum baptismo communicatur re ipsa suscepto, vel voto & desiderio suscipiendi.

Baptismi in voto & martyrii efficacia.

3 Hoc autem votum, atque martyrii vicem habere baptismi, illud quidem in adultis tantum, hoc autem in pueris & adultis, ostensum est, sup. q. 66. ad art. 11. & 12. & utrumque ex verbo Dei aperte deducitur. Ut enim de baptismo aquæ dictum est, Ioan. 3. Nisi quis renatus fuerit, &c. Ita etiā dictum est à Dño, qui me confessus fuerit coram hominibus

confitebor eum coram Patre meo: ut obseruauit D. Aug. lib. 13. de Ciuit. c. 7. & de voto baptismi, quod est cum vera peccatorum detestatione coniunctum, ut vicem baptismi aquæ habere possit, manifesta est ex sancta Scriptura deductio. Quoniam illud desiderium procedit ex fide per dilectionem operante, quam iustificare constat, S. S. E. Gala. 4. in Christo Iesus, neque circumcisio aliquid valet, neque preputium, sed fides quæ per charitatem operatur: vel ut scribit c. 5. sed noua creatura: hanc verò nouitatem efficit formaliter gratia regenerans. Et certissima est promissio Dei, quod detestantes ex animo peccata recipit & sanctificat Ezech. 33. & in Cornelio & Eunuchio re ipsa confirmatum est, & iustificatos ad baptismum deduxit, Acto. 8. & 10.

4 Neque est quod quenkam mouere debeat testimonium, quod nomine D. Augustini citatur, ex lib. de Eccle. dogm. c. 74. ubi baptismi aquæ vicarium tantum efficit martyrium, non autem baptismi votum. Nam præter explicationem veram D. Th. art. 2. ad 2. constat hunc librum non esse D. Augustini, sed Genadii cuiusdam, qui etiā in plerisque aliis errauit, ut alibi D. Th. obseruauit, & ex recentioribus Vega, lib. 5. in Conc. Trid. c. 15. & Castren. lib. 3. contra hæres. de baptismo hæresi. 10. Videtur autem hic autor non accurate expendisse sententiam D. Augustini, aliquando scribentis, plerisque catechumenis votum baptismi non prodesse: sed his plane intelligit, qui non detestantur ex animo peccata, sed potius in affectu peccandi perseverantes, ideo baptismum differunt, ut eo suscepto omnia deleantur.

Vna obiectio contra eandem efficaciam refutatur.

5 Quod verò Vvicleffus apud Vvalden. de sacramentis, c. 96. & 104. eleuare & deprimere conatur necessitatem baptismi aquæ ad salutem, quod martyrium & baptismus flaminis per se ad salutem sufficiant, id sanè impie & inconsiderate asseritur. Non enim per se & absolute illa sufficiunt, sed cum relatione & respectu ad baptismum aquæ, & ideo vicem illius supplere dicuntur. Etenim votum baptismi idem est atque baptismus flaminis, & ideo habet formaliter inclusam relationem ad baptismum aquæ: alioquin non esset votum & desiderium illius. Itaque data opportunitate tenebitur re ipsa baptizari: qui prius solo desiderio baptismi iustificatus est, & amplius iustificabitur, characterem recipiet: & præcepto

Altera obiectio dissoluitur

baptismi satisfaciatur. Tunc enim per se valet votum baptismi, ubi baptismus ipsum necessitas excludit, ut inquit D. Ber. Epist. 77. cum voluntas pro facto habeatur, ut est in responsione ad tertium art. 2. In martyrio autem, licet non sit formaliter & explicitè desiderium baptismi aquæ, & ideo relatio & respectus: est tamen implicita & secundum virtutem: quatenus qui mortem appetit pro Christo, is sanè quicquid esset ad salutem sibi necessarium ex animo implet. De Caluino autem, baptismum cum penitentia confundente, dictum est sup. q. 66. ad art. 11. & 12.

Disputatio
contra hereticos de
baptismi necessitate.

6. Grauius autem & impudenter, baptismi necessitatem refellere hæretici conati sunt. Primum Manichæi, referente D. Augustino, lib. de hæresib. cap. 46. nihil cuiquā ad salutem conferre asseruerunt: quia ut ex eodem D. August. colligitur lib. 2. contra duas Epist. Pelag. cap. 2. concupiscentiam, cui sananda videtur adhiberi baptismus, naturaliter malam, & immutabilem à malitia, ut potè à malo principio creatam, asserunt. Pelagiani fatentur quidem baptismum esse necessarium, non ad consequendum remissionem peccati originalis, quod omnino negant, sed ad assequendum regnum Dei, id est vitam quādam eternam, quæ sit regnum Dei celestis. Existimauerunt enim, paruulos nullū contrahere peccatum originale, & ideo decedentes sine baptismo, salutem & vitam eternam consequi, non tamen regnū Dei cum Christo, quasi hoc sit proprium renatorum per baptismum, ex illa sententia Ioan. 3. Nisi quis renatus fuerit ex aqua & Spiritu sancto, non potest videre regnū Dei. Itaque vitam illam æternam decedentium sine baptismo, quasi mediam & interiectam esse volunt inter presentem vitam & futuram beatitudinem celestem. Sic colliges de Pelagianis, ex Augustino, lib. 1. de peccat. merit. & remiss. qui est de baptis. paruul. cap. 18. & 30. & ex Leone Primo, Epist. 84. Vicentius Victor contra quem D. August. edidit, 4. libros de anima & eius origine, concedit quidem paruulos naturaliter contrahere peccatum originale, in quo dissentit à Pelagianis: sed eisdem paruulis non dum renatis in Christo, & decedentibus, cōcedit misericors paradysum, quod non sit regnū Dei celestis, in quo cū eisdem Pelagianis consentit, & post resur-

rectionem eosdē paruulos in idem regnū celestis misericordior introducit: in quo rursum ab eisdē dissentit, ut colligitur ex lib. 2. citato, c. 10. & 12. Ut autē aliquatenus in hac causa vel se: ad Ecclesiæ sacramenta confugiat, cēset pro his paruulis sine baptismo decedentibus, oblationes assiduas & offerenda iugiter sanctorum sacrificia sacerdotum, ut scriptū est eod. lib. c. 11. est autē hic Victor Pelagianis audacior, quatenus & solui originale peccatū in paruulis sine baptismo Christi censet, & regnū celorum non baptizatis pollicetur: utrunque vero paruulis Pelagiani negāt. Confirmat suum errorē Victor ex eplo latronis, qui à Christo sine baptismo, non quidem ad regnum celorum, ad paradysum tamen est admisus. Item ex eplo Dinocratis, qui precibus sororis sanctę Perpetuę martyris, cū septēnis sine baptismo mortuus fuerit, à pœnis rranstaturus est ad requiem, ut refert D. Aug. eiusdē operis lib. 1. c. 9. & 10. lib. 2. c. 10. lib. 3. c. 9. sic etiā intelligit idē Victor, plures esse mansiones apud patrē, ut designentur merita multa & diuersa: & hic nō baptizatus perducatur ad veniam, baptizatus ad palmam, quæ est parata per gratiam.

7. Ex recentioribus hæreticis, nullus baptismi per se concedit necessitatē ad salutē, quasi vim habeat abluendi à peccatis, quia sacramentis hanc vim omnino negāt ut ostendimus supra q. 61. asserentes tantū esse signa externa fidei illius specialis, cui per se iustificationem tribuunt. Sed in remissione peccatorū per baptismum, varia sentiunt. Lutherus quidē tam altè vult nobis esse infixum peccatū originale, ut nullo sacramento deleri possit, sed tantū radi aut non imputari, & hac ratione efficere regenerationem, ex Rossen. art. 2. & 3. contra Luth: Zuinglius negat eidem peccato verā rationem peccati, sed tantū esse defectum naturæ, veluti morbum corporis, ut feruum nasci crimen non esse, sed miseriam generis conditionem: atque ideo negat, paruulis baptismum necessarium esse ad salutem. In eodem errore fuit Bucerus, & alij plerique. Ex pueris autē illos salutem consequi asserunt, qui prædestinati sint, reliquos perire: ut sola prædestinatio sit illis causa salutis, contra reprobatio. Quin etiā eò dementiæ ventum est, ut Hugnostici baptismum vocent. Pharisaicam lotiunculam & mimicam, alij non esse ex

Prot. stantiam
varia hæreses
contra baptis-
mi necessitatē.

Stulta est hæc
vita æterna di-
stinctio, & no-
ua presumptio
inquit D. Au-
gust. lib. 1. de
peccat. merit. c. 20
cū salus æterna
sit vita æterna
& beatitudo,
& regnum ce-
lorum & Dei,
omnis inchoatio
est grata præ-
sentis vite.

se ex diuina institutione, sed tantum circuncisionem, atque ita plerique baptismum è medio tollunt, ut olim execrabantur Archontici, referente Epiphanio contra hæresim 40. Hinc orta est valde impia Caluini sententia, quam ex eo colligit Ruar. artic. 2. nullam esse paruulis baptismi necessitatem ad salutem, quod ex sola promissione facta Abraham & posteris eius, Genes. 17. salutem consequantur. promissit enim se Deum illi futurum, & semini eius post eum: est autem Deus (ut ipse interpretatur) iis tantum, quibus gratiam & spiritum suum impertitur. Ex vi huius promissionis asserit scriptum esse ab Apostolo 1. Cor. 7. sanctos nasci filios, qui ex altero fideli parente nascuntur, cum ait: & si qua mulier habet virum infidelem, & hic cõsentit habitare cum illa, non dimittat virum. Sanctificatus est enim vir infidelis per mulierem fidelem: & sanctificata est mulier infidelis per virum fidelem. Alioquin filij vestri immundi essent, nunc autem sancti sunt.

8. Ad sententiam autem Saluatoris, quæ planè concludit necessitatem baptismi ad salutem, Ioan. 3. Nisi quis renatus fuerit ex aqua & Spiritu sancto, non potest videre regnum Dei: respondet primo. si aqua baptismum significet, quis concedat simul significare baptismi suscipiendi votum? quod etiam satis esse dicunt catholici, & necessarium ad salutem in articulo necessitatis. Respondet secundo, aquam secundum veteres significare mortificationem: sibi tamen videri additam vice epitheti, ut vim & naturam spiritus exprimeret, interius nempe refrigerantis. Ut enim cum dicitur baptismus in Spiritu sancto & igni, significatur non baptismus ignis, sed proprietas spiritus expurgantis omnes sordes peccati: sic baptismus aquæ, quia abluit animam à peccatis, cum sit idem atque baptismus spiritus, ut ille asserit. Hactenus de hæreticis negantibus baptismi necessitatem ad salutem. sunt alij qui necessitatem quidem baptismi fatentur, sed negant sufficere ad salutem: imo addendam esse præterea paruulis etiam Eucharistiam: hi sunt Græci & Bogomi, cuius erroris causas expendere, non est huius loci proprium, sed infra. q. 73. art. 3. & q. 80. art. II. hactenus de sententiis alienorum.

9. Nostri verò de baptismi necessitate

ad salutem, nihil dubitantes, de pueris vel nondum in lucem editis, & mortuis, vel editis & cogente necessitate minime tinctis, plures quidem sperandum censent de diuina misericordia, quod precibus & oblationibus offerentium, sine baptismi lauacro salui erunt: non tamen esse hoc legem ordinariam, sed præter illam. Alii qui verò hoc esse præceptum & statutum à Deo, ut baptismus ex voto parentum cum aliqua oblatione, illis valeat ad salutem consequendam. Priorum sententia, ex antiquioribus aliis Theologis, orta esse videtur: qui defectum in essentialibus sacramenti, ex humana aliqua infirmitate, vel cogente necessitate, contingentem, à Deo suppleri affirmauerunt. Horum autem opiniones, cum testimoniis sacris, decretis Conciliorum, aut rationibus verè Theologicis confirmari non possint: coniecturis quibusdam nituntur. quod ex Dei misericordia nihil minus sperandum sit: quod originale peccatum non propria & expressa paruulorum voluntate contractum, consentaneum sit, aliorum etiam voto & oblatione deleri, & alia pleraque his similia.

10. Sed his nos opponimus catholicam, & expressam in verbo Dei sententiam: nempe, baptismum aquæ simpliciter esse ad salutem necessarium remedium, paruulis & adultis, cuius defectum in utroque supplet martyrium: & in adultis præterea votum & desiderium baptismi, cum vera peccatorum detestatione. Huius sententiae partes omnes principio huius articuli, ex verbo Dei aperte deduximus. Et nihil apertius dici potuit, quam quod scriptum est Ioan. 3. Nisi quis renatus fuerit ex aqua & Spiritu sancto, non potest videre regnum Dei. Hoc autem testimonium de baptismo aquæ sanctificante semper intellexit Ecclesia Catholica, praxi atque usu confirmauit, paruulos primo quoque tempore baptismi offerens: & sine baptismi decedentes, ab Ecclesiastica sepultura repellens. Fides autem catholica non in verbis, sed in recepto & probato Patribus sensu posita est: quorum testimonia proposuimus supra q. 66. ad art. 3. & 4. ostendentes illud testimoniū Ioannis de baptismo aquæ intelligendum esse. Deinde, præceptum de baptismo suscipiendo ab omnibus, Matth. & Marc. ult. nonne eandem necessitatem fidei & baptismi expressit dicente Domino? docete,

L 4 & ba-

Sacramentarium
vni implere
sponsio.

De remedio
paruulorum de-
cedentium sine
baptismo.

Plures illi sunt
Cels. 3. p. ser.
denatus b. v.
consecratus. 2.
Gab. 4. d. 4. q.
et dubio 2. Bo
nan. 4. d. 6. p.
2. ar. & q. 1.

Caiet in Com-
mit quam p. 9
v. refertur p. 8
cepit ad hoc lo-
co, & inf. ar. 11

D. Tho. 4. d.
24. q. 1. ar. 2.
q. 2. 2. Bona.
4. d. 6. ar. 2. q.
1. Al. 4. p. q.
13. memb. 1 Al
tissid. lib. &
tract. 3. c. 4. q.
2. Palud. 4. d.
& q. 1. pau
ante 3. concl.
Marfi. 4. q. 4.
ar. 4. dubio 16

De necessitate
baptismi par-
uulorum. infr.
ar. 9. huius q.

De necessitate
fidei ad salutē
22 q. 2. ar. 5
& sequentibus.

Comment. in D. Tho. tert. par.

& baptizate: constat autem, sine fide neminem Deo placere posse: ergo neque sine baptismo aquę huius autem vicem supplere aliquando, si necessitas baptismum excludat, martyriū in omnibus, & in adultis votum baptismi: constat. ex Trident. Sess. 6. cap. 4. & ostendimus etiam ex verbo Dei, ead. q. 66. ad artic. 11. & 12.

Contra promittentes salutem paruulis sine baptismo aut martyrio.
¶ Vfus autem Ecclesiastici, testes habemus antiquos Patres, Dionys. ultimo cap. de Eccles. hierar. D. Augult. multis locis. Vnde scribit Epist. 105. propter illud verbum Domini, Ioan. 3. non ausos Pelagia nos concedere paruulis sine baptismo vitam coelestem: quibus profecto audaciores sunt Theologi, qui vel ex speciali privilegio, cuius ratio aut testimonium nullū esse potest certū & firmum, vel quod adhuc audacius est, secundū legem ordinariam, repugnante omnino verbo Dei, cōsuetudine catholica, & patrum testimonio. Sic enim eadem Epist. subiungit D. Augult. esse contra Apostolicam predicationem, & totam Ecclesiam: vbi propterea cū paruulis baptizandis festinatur & curritur, quia sine dubio creditur, aliter eos in Christo viuificari non posse. Quia qui non habet filium, non habet vitam: neque filium paruuli habere possunt, nisi per baptismum aquę aut sanguinis. Et apertius contra eorūdem Theologorum sententiam Epist. 23. non dictum est, inquit, Nisi quis renatus fuerit ex parentum voluntate, aut offerentium fide, sed ex aqua & Spiritu sancto. Legendus est idem Augult. lib. 6. hypognost. ad finem. lib. 6. contra Iulian. cap. 10. lib. 1. de pec. mer. cap. 23. & 27. lib. 3. cap. 4. Epist. ad Renat. de bono perseuerantię cap. 12. absit inquit, vt causam paruulorum sic relinquamus, vt esse nobis dicamus in certum, vtrum in Christo regenerati, si moriantur paruuli, transeant in æternam salutem, non regenerati autem transeant in mortem secundam. Sed de pena paruulorum sine baptismo decedentium, nō est huius loci disserere. Ad rationes autem illas Theologorum, paruulis salutem promittentium sine baptismo, sic respondet D. Augult. cap. 23. citato de peccat. mer. lib. 1. Nulla igitur ex nostro arbitrio, prater baptismum Christi, salus æterna promittatur infantibus, quam non promittit scriptura diuina, humanis omnibus

ingeniis præferenda. & Theologus non ex privilegio, sed ex lege ordinaria iudicare & censere debet, atque diuini iudicii profunditatem de misericordia quibusdā negata, aliis verò concessa reuereri, non verò scrutari, aut expendere suo iudicio & ratione.

12. In refellendis autem sententiis hæreticorum, & earum argumentis, videndū est accuratē, ex quo errore ortus sit hic de neganda necessitate baptismi paruulorum: illo enim sublato, necesse est errorem posteriorem auferri. Manichæi igitur quia existimauerunt esse aliquid suapte natura malum, & ex malo vitio exortum, ideo baptismi necessitatem ad sanandam concupiscentiam, quam à malo principio malam effectam existimauere, omnino negauerunt. Sed ille error prior iam pridem refutatus est, non solum ex fide, sed etiam ex ratione naturali, vt ostēdimus. 1. p. quęst. 49. artic. 3. Pelagiani negantes peccatum originale, negant paruulis baptismum necessarium: sed de asserptione peccati originalis 1. 2. differitur, & definitum est à Trident. Sess. 5. Protestantes negant eandem baptismi necessitatem, tum quia negant omnibus sacramentis efficaciam ex opere operato: tum etiā quod affirmant, nos fide quadam speciali iustificari, non sacramentis, deinde quia negant remitti & auferri à nobis, quicquid habet rationem peccati originalis: denique, quod gratiæ infusionem ad solā predestinationem referant, non ad aliquam sacramentorum efficaciam. Sed contra primum ex his, disseruimus suprà apertē ex verbo Dei, q. 62. a. 25. Contra 2. erit propria disputatio in doctrina dei iustificatio, ne. contra 3. in disputatione de originali peccato, contra 4. infra q. 69. art. 8. & manifestum est plerosque iustificari, qui postea damnantur: & predestinatio includit etiam media, in quibus sunt sacramēta ad gratiam inducendam efficaciam. Nihil igitur amplius restat, quod de illorū erroribus hoc loco disseramus.

Contra hæreticos negantes baptismi necessitatem.

ARTICVLVS III.

Vtrum baptismus sic differendus.

AD tertium sic proceditur. Videtur, quod baptismus sit diffe-

4. d. 4. q. 3. art. 1.
1. q. 2. a. 17
7. 3. ar. 1. q. 4.
cor. Et mal. q.
4. ar. 1.

Sec. lib. 1. de
nat. c. 5. l. 4

*Habetur de cō-
suetudine. a. c. Duo
tempora. Et
sumitur ex Epist.
ad Rom. 4. c. 5.*

differtendus. Dicit enim Leo * Pa-
pa, Duo tempora id est Pascha &
Pentecoste ad baptizandum à Ro-
mulo Pontifice legitimè præfixa
sunt: unde dilectionem vestrā mo-
nemus, ut nullos alios dies huic ob-
seruationi misceatis. Videtur er-
go, quod oporteat non statim ali-
quem baptizari, sed vsque ad prædi-
cta tempora baptismum differri.

*In Concil. Aga-
then. c. 25.*

¶ 2. Præterea, In Concilio Aga-
thenfi * legitur, Iudei, quorum perfi-
dia frequenter ad vomitum redit,
si ad leges catholicas venire volue-
rint, octo menses inter catechume-
nos Ecclesiæ limen introeant, & si
pura fide venire noscantur, tunc de-
mum baptismi gratiam mereantur.
Non ergo statim sunt homines ba-
ptizandi, sed vsque ad certum tem-
pus est differendum baptismum.

¶ 3. Præterea, Sicut dicitur Isa.
27. Iste est omnis fructus, ut auferat-
ur peccatum. Sed magis videtur
auferri peccatum vel etiam dimi-
nui, si baptismus diu differatur. Pri-
mò quidem, quia peccantes post
baptismum grauius peccant, secun-
dum illud Heb. 10. Quamò magis
putatis deteriora mereri suppli-
cia, qui sanguinem testamenti pol-
lutum duxerit, in quo sanctificatus
est, scilicet per baptismum? Secun-
dò, quia baptismus tollit peccata
præterita, non autem futura, unde
quanto magis baptismus differtur
tanto plura peccata tollit. Vide-
tur ergo, quod baptismus debeat
diu differri.

SED CONTRA est, quod dici-
tur Ecclesiast. 5. Nō tardes conuer-
ti ad Dñm, & ne differas de die in
diē. Sed perfecta cōuersio ad Deū,
est eorū, qui regenerantur in Chri-
sto per baptismū, Non ergo debet

baptismus differri de die in diem.

RESPONDEO dicendum, quod
circa hoc distinguendū est, utrum
sint baptizandi pueri vel adulti. Si
enim pueri sint baptizandi, non est
differendū baptismum. Primò quidē,
quia non expectatur in eis maior in-
structio, aut etiā plenior cōuersio.
Secundò, propter periculum mor-
tis, quia non potest eis alio reme-
dio subueniri, nisi per sacramentū
baptismi. Adultis verò subueniri
potest per solum baptismi deside-
riū, ut supradictū est. * Et ideo adul-
tis non statim cū conuertuntur, est
sacramentū baptismi conferendū,
sed oportet differre vsque ad ali-
quod certum tēpus. Primò quidē
propter cautelam Ecclesiæ, ne de-
cipiatur, sacramentum fide accē-
dentibus, conferens, secundū illud
1. Ioā. 4. Nolite omni spiritui cre-
dere, sed probate spiritus, si ex Deo
sint. Quæ quidē probatio sumitur
de accedentibus ad baptismū, quā-
do per aliquod spatiū, eorum fides
& mores examinātur. Secundò, hoc
est necessariū ad vtilitatē eorū, qui
baptizantur, quia aliquo tēporis spa-
tio indigent, ad hoc quod plenē in-
struantur de fide, & exercitentur in
his, quæ pertinent ad vitā Christia-
nam. Tertiò, hoc est necessariū ad
quandā reuerentiā sacramenti, dū
in solennitatibus præcipuis, scilicet
Paschæ & Pentecostes, homines
ad baptismum admittuntur, & ita
deuotius sacramentum suscipiunt.
Hæc tamē dilatio est prætermitten-
da duplici ratione. Primò quidem,
quādo illi, qui sunt baptizandi, appa-
rent perfectē instructi in fide, & ad
baptismū idonei, sicut Philippus
statim baptizauit Eunuchum (ut
habetur Acto. 8.) & Petrus Cor-
nelium,

Ar. præd.

D. Thom. tert. part.

neliam; & eos qui cum eo erant, & habetur Acto. 10. Secundò, propter infirmitatem, aut aliquod periculum mortis. Vnde Leo Papa, *dicit, Hi qui necessitate mortis, ægritudinis, obsidionis, persecutionis, & naufragij, urgentur, omni tempore debent baptizari. Si tamen aliquis morte præueniatur, articulo necessitatis sacramentum excludente, dum expectat tempus ab Ecclesia institutum, saluatur: licet per ignem, vt supra dictum est. *Peccat autem si ultra tempus institutum ab Ecclesia, differat accipere baptismum, nisi ex causa necessaria & licentia prælatorum Ecclesiæ. Sed tamen & hoc peccatum cum aliis deleri potest per succedentem contritionem, quæ supplet vicem baptismi, vt supra dictum est. *

A D PRIMVM ergo dicendum, quod illud mandatum Leonis Papæ de obseruandis duobus temporibus in baptismo, intelligendum est de adultis, excepto tamen periculo mortis, quod semper in pueris est timendum, vt dictum est. *

A D SECUNDVM dicendum, quod illud de Iudæis, est institutum ad Ecclesiæ cautelam, ne simplicium fidem corrumpant, si non fuerint plenè conuersi. Et tamen, vt ibidem subditur, si infra tempus præscriptum, aliquod periculum infirmitatis incurrerint, debent baptizari.

A D TERTIVM dicendū, quod baptismus per gratiam, quam confert, non solum remouet peccata præterita, sed etiam impedit peccata futura, ne fiant. Hoc autem præcipue desiderandum est, vt homines non peccent. Secundario

autem vt lenius peccent, vel etiam vt eorum peccata mudentur. Secundum illud, 1. Ioan. 2. Filioli mei, hæc scribo vobis, vt non peccetis: sed & si quis peccauerit, aduocatū habemus apud patrem I. E. S. V. M. Christum iustum, & ipse est propitiatio pro peccatis nostris.

COMMENTARIVS.

Ostensa baptismi necessitate ad salutē consequendā: & quod ideo de baptismo suscipiendo sit præceptum affirmatiuum diuini iuris, & humani Ecclesiastici, vt ex verbo Dei, & vsu Ecclesiæ catholicæ deduximus: statim ostendendum sequitur, de tempore, personis, & loco, quibus eisdem præceptis satisfaciendum est: cum præcepta affirmatiua vim obligandi habeant, his circumstantiis determinatam, & non omni loco & tempore vt negatiua. Primum autem de tempore, deinde de personis & earum præparatione, ab art. 4. ad finem questionis huius differetur. De loco & aliis circumstantiis & ritibus q. 71. De tempore igitur suscipiendi baptismum, est hæc sententia ab omnibus Theologis recepta. Baptismus paruulorum differendus non est: adultorum vero baptismum differre oportet ad certa tempora ab Ecclesia præfixa: nisi plena baptizandi in fide instructio, aut imminens vitæ periculum, illa tempora præueniat: alioquin graue peccatum committeret, qui baptismum sine causa prælatis Ecclesiæ prebata, longius differret.

2. Sed principiò obseruandum est, diuinum de baptismo suscipiendo præceptum, non solum obligare fideles, vt sibi subiectos, baptizandos quàmprimùm curent, si paruuli sint, vt obligantur præceptis aliorum sacramentorum diuini & Ecclesiastici iuris: cum in eos iurisdictionem suā Ecclesia exercere debeat, quos susceptio baptismi sibi subditos effecit: sed etiam obligare præceptum baptismi infideles adultos: quemadmodum obligat fidei Christianæ admittendæ præceptū. Sic enim Dñs Matt. & Mar. vlt. præcipit omnibus fidem suā annūtiari, & baptismū administra

ri di-

Habetur de cō
sec. dist. 4. c. Si
qui necessitate,
sumitur ex epi.
cins. 4. e. p.

Ar. præ. ad 2.

In cor. art. 2.
ar. præ.

In cor. ar.

Ordinis ratio.

Conclusio de
pore, quo præce
ptum baptis
mū obligat.

Explicatio con
clusionis.

Baptismi præceptum ex iure domino.

si dices: Docete & baptizate omnes gentes: & de fide admittenda, est illud, si non venissem, & locutus eis non fuisset, peccatum non haberent. Ioan. 15. & cap. 3. eiusdem qui non credit iam iudicatus est, & cap. 8. Si non credideritis, quia ego sum, moriemini in peccato vestro. Itaque promulgato Euangelio, nisi quis ignorantia inuincibili excusetur, fidei & baptismi præcepto tenetur. Vtriusque enim necessitas coniuncta est necessario, ut ostendimus ad art. 1. & 2. huius quæst. & quidem constat, omnem hominem cum primùm ad usum rationis peruenit, teneri ad deliberandum de sua salute, hanc verò, si recte deliberauerit, præsertim ex diuino munere & gratia, in fide perfecta Christi admittenda posita esse intelliget: sicut scriptum est, Act. 4. non est aliud nomen sub cælo, in quo oporteat nos saluos fieri. fidei autem certum magisterium, est tantum in Ecclesia catholica, cum sit columna & firmamentum veritatis, 1. Timoth. 3. In Ecclesiam autem non est ingressus, nisi per baptismum, neque alio sacramento profitemur fidem primò, neque membra Ecclesiæ efficitur, & in corpore eius colligamur: quare tenentur adulti, ut præcepto fidei suscipiendæ: sic etiam præcepto baptismi.

3. De paruulis autem, licet per etatē nullo præcepto & iure violato teneri possint, ex eorum parentibus, vel iis qui eorum vicē gerunt, iudicandum est, qua ratione ad suscipiendum baptismum, teneantur. Si enim parentibus, ex iure naturali patriæ potestatis, incumbit, de salute filiorum, qui nondum mente valent, ut sibi consulere possint, opportunè providere: certe iidem tenebuntur ut filios ad consequendam salutem æternam dirigant & sacramento fidei, & fide suo tempore imbuendos curare. Itaque ex hoc iure naturali, & diuino supernaturali de fide & baptismo, efficitur, paruulos baptizandos esse: & ad id exequendum parentes eorum teneri, vel qui eorum vices gerunt. De iure autem Ecclesiastico, scimus duo fuisse tempora solēioris administrationis baptismi, vñ in Paschate, alterum in Pentecoste, referente Siricio Papa, Epist. 2. ad Episcopū Tarraconē. cap. 2. & Leone Primo, Epist. 4. cap. 5. & refertur de consecr. dist. 4. cap. duo tempora, sed non sic erant hæc tem-

pora præfixa, ut nullo alio tempore baptismus celebrandus esset: sed potius solēnior erat tunc celebratio, cū orationes & præces Ecclesiæ, ad eam accommodatæ publicè in Ecclesia proponebantur toti populo, ut in fide huius sacramenti plenius institueretur. baptizabantur autem illis temporibus pueri & adulti, qui sine periculo ad eos dies præparati erant. rectè igitur scriptum est in Catechismo Romano de baptis. cap. 18. omnibus hominibus baptismi legem à Domino præscriptam esse: ita ut nisi per baptismi gratiā Deo renascantur, in sempiternam miseriam à parentibus, siue illi fideles, siue infideles sint, procreentur. Igitur sæpè à pastoribus explicandum erit, quod apud Euangelistam legitur: Nisi quis renatus fuerit ex aqua & Spiritu sancto, non potest introire in regnum Dei. Quam legem non solum de his, qui adulta ætate sunt, sed etiam de pueris infantibus intelligendam esse, idque ab Apostolica traditione Ecclesiam accepisse, confirmat communis Patrum sententia, & autoritas. Hæc de conclusionis explicatione: ad probationem accedamus.

4. Primùm igitur baptismum paruulorum differendum non esse, sed paucis à primo ortu diebus administrandum esse, nisi ex imminente periculo statim administrari sit necesse, hæc ratio euincit. Paruulis nulla ad baptismum suscipiendum, præparatio necessaria est, & propter etatis imbecillitatē, infinita penè pericula impendunt: ergo statim administrari debet baptismus: cum nulla alia via secundum legem ordinariam comparanda salutis illis relicta sit. Vnde graui peccato sese obstringunt, qui eos diutius hoc sacramento carere, quàm necessitas postulet, patiuntur. Paruulos autem baptizandos esse constabit, art. 9. huius quæst.

5. Altera, & 3. p. propositæ conclusionis, de differendo baptismo adultorum ad certa tempora, intelligitur nullo imminente vitæ periculo. Cum enim imminet, si velint sacramēto Ecclesiæ initiari, statim salutari luacro tingendi sunt, ne villo modo via salutis præcludatur. Vbi verò nulla cogit necessitas, vsus & consuetudo antiquæ Ecclesiæ declarat, præsertim cū hi ex infidelibus parentibus orti sunt, qui adulti baptizantur, ut illis proponatur primò fides catholica ad

Quo tempore paruuli baptizandi.

Tempus baptismi solēioris dicta ex Ecclesiæ præcepto.

De tempore baptismi adultorum.

D. Thom. tert. part.

ea ad salutē necessaria, & ad eam suscipiendam alliciendi & inuitandi, vbi verò ad Dominum conuersi, & in fide plenè fuerint instructi, tunc baptizandi sunt. Sic Philippus Eunuchum Candacis reginæ, annuntiato prius Christo baptizauit: & Petrus Cornelium, Act. 8. & 10. breuicater chesi præcedēti: & nihil notius est in Ecclesia, quā catechumenorum disciplina, & antiquæ cathedræ, & magisteria catechistis dicata doctoribus.

6 Sed ratione Theologica firmiter idē concludamus. Scriptum est enim Ecclesiast. non tardes conuerti ad Dominum, & non differas de die in diem: sed non reatorum conuersio perfecta, est noua per baptismum regeneratio: non est igitur differendū, nisi vsque ad præfinitum tempus perfectæ in fide disciplinæ. Præterea, eos qui diutius quàm oportet, ad baptismum accedunt, carere necesse est aliorum sacramentorum vsu & gratia, cum ad ea sine baptismo nullus admitti possit. Præsertim cum in baptismo, non solum sit remissio omnium præcedentium delictorum, sed etiam gratiæ nos regenerantis infusio: cuius auxilio deinceps peccata vitare possimus. Dum autem ad eum accommodatè suscipiendum præparatur, sæpè ipso proposito suscipiendi, cum vera peccatorum detestatione iustificatur. Habet etiam hæc dilatio alias utilitates adiunctas: nam voluntas baptizandi magis exploratur, ne ficto animo ad sacramentum accedat. Vnde legimus in Agathensi Concil. cap. 25. vt Iudei ad fidem catholicam venientes, antè quàm baptizentur, aliquot menses sint inter Catechumenos, vt perfectius in fide & moribus Christianis erudiantur. Præterea hæc dilatio, maiorem sacramento reuerentiam, & augustiorem repræsentat fidei Christianæ & religionis professionem, quæ baptismo suscepto perficitur. Ex hac reuerentia contigisse videmus, vt pij & religiosi homines olim baptismum ultra præfinita Ecclesiæ tempora differrēt, fortassis ex consilio prælatorum. vt legimus de fratre D. Ambrosio de Constantino Imperat. qui vero sine vlla legitima causa baptismum differebat, grauiter à Patribus reprehenduntur, vt Chrys. Hom. 1. in acta, & Hom. 2. ad Pop. & D. August. sæpissimè in concionibus, & lib. de fide

& operibus. Vnde constat, (quæ fuit quarta pars cōclusionis propositæ,) quam grauiter peccent, qui diutius quàm oportet, baptismum differant, cum hoc sit salutis viam spernere, & gratiam Dei oblatam contemnere.

ARTICVLVS IIII.

Vtrum peccatores sint baptizandi.

AD quantum sic proceditur. *Infra. art. 8. ad 4.*
Videtur, quod peccatores sint baptizandi. Dicitur enim Zacha. 13. In die illa erit fons patens domui David, & habitantibus Hierusalem, in ablutionē peccatoris & menstruata. Quod quidem intelligitur de fonte baptismali. Ergo videtur, quod sacramentum baptismi sit etiam peccatoribus exhibendum.

¶ 2. Præterea, Dominus dicit Matth. 9. Non est opus valentibus medicus, sed malè habentibus. Malè autem habentes, sunt peccatores. Cū igitur spiritualis medicus, scilicet Christi, medicina sit baptismus, videtur quod peccatoribus sit sacramentum baptismi exhibendum.

¶ 3. Præterea, Nullum subsidium debet peccatoribus subtrahi. Sed peccatores baptizati, ex ipso charactere baptismali spiritualiter adiuuantur, cum sit quædam dispositio ad gratiam. Ergo videtur, quod sacramentum baptismi sit peccatoribus exhibendum.

SED CONTRA est, * quod August. t. dicit, Qui creauit te sine te, non iustificabit te sine te. Sed peccator cum habeat voluntatem non dispositam, non cooperatur Deo, imo magis contrarium operatur.

* Alias, quia Aug. ad Bonifaciu Epist. 23 dicit in baptismo aliquis membrum Christi efficitur. Sed nullus peccator, persistens in voluntate peccandi, potest fieri membrum Christi, quod est in corporari Christo: Ergo huiusmodi peccator non est baptizandus: quis frustra baptizatur.

Colligitur ex tract. 72. in lo. 10. 9.

ratur. Ergo frustra adhiberetur si-
bi baptismus ad iustificationē non
disposito.

RESPONDEO dicendū, quod
aliquis potest dici peccator dupli-
citer. Vno modo propter maculā
& reatum præteritum. Et sic pec-
catoribus est sacramentum baptis-
mi conferendum: quia est ad hoc
specialiter institutū, vt per ipsum
peccatorum sordes mudentur, se-
cundum illud Ephes. 5. Mundans
eam (scilicet Ecclesiam) lauacro
aquæ in verbo vitæ. Alio modo po-
test dici aliquis peccator ex volun-
tate peccandi & proposito persistē-
di in peccato. Et sic peccatoribus
non est sacramentum baptismi cō-
ferendum: primò quidem, quia per
baptismū homines Christo incor-
porantur: secundum illud Gala. 3.
Quicumque in Christo baptizati
estis, Christum induistis. Quandiu
autem aliquis habet voluntatem
peccandi, non potest esse Christo
coniunctus, secundum illud. 2. Cor.
6. Quæ participatio iustitiæ cum
iniquitate? Vnde & August.* dicit
in lib. de poenitentia, quod nullus
sue voluntatis arbiter constitutus,
potest nouam vitam inchoare, nisi
cum veteris vitæ poeniteat. Secun-
dò, quia in operibus Christi & Ec-
clesiæ nihil debet fieri frustra. Fru-
strā autem est, quod non pertingit
ad finem, ad quem est ordinatum.
Nullus autem habens voluntatem
peccandi, simul potest à peccato
mundari, ad quod ordinatur baptis-
mus, quia hoc esset ponere contra-
dictoria esse simul. Tertiò, quia in
sacramentalibus signis non debet
esse aliqua falsitas. Est autem signū
falsum, cui res significata non res-
pondet. Ex hoc autē, quod aliquis

lauandum se præbet per baptismū,
significatur, quod se disponat ad in-
teriorem ablutionem. Quod non
contingit de eo, qui habet propo-
situm persistendi in peccato. Vnde
manifestum est, quod talibus sacra-
mentū baptismi nō est cōferendū.

AD PRIMVM ergo dicendum,
quòd illud verbum est intelligen-
dum de peccatoribus, qui habent
voluntatem recedendi à peccato.

AD SECVNDVM dicendū, quòd
spiritualis medicus, scilicet Chri-
stus, operatur dupliciter. Vno mo-
do interius per seipsum, & sic præ-
parat voluntatem hominis, vt bo-
num velit, & malū odiat. Alio mo-
do operatur per ministros, exte-
rius adhibendo sacramenta, & sic
operatur perficiendo exterius id,
quod est interius inchoatū. Et ideo
sacramentum baptismi non est ex-
hibendum, nisi ei, in quo interioris
conuersionis aliquod signum appa-
ret: sicut nec medicina corporalis
adhibetur infirmo, nisi in eo ali-
quis motus vitalis nature appareat.

AD TERTIVM dicendū, quòd
baptismus est fidei sacramentum.
Fides autem informis non sufficit
ad salutem, nec ipsa est fundamen-
tum, sed sola fides formata, quæ
per dilectionem operatur, vt Augu-
stinus* dicit in lib. de fide & operi-
bus. Vnde nec sacramētum baptis-
mi salutem cōferre potest cum vo-
luntate peccandi, quæ fidei formā
excludit. Non est autē per impres-
sionem characteris baptismalis ali-
quis disponendus ad gratiam, quā-
diu in eo apparet voluntas peccan-
di, quia Deus neminem ad vir-

tutem compellit, sicut

Dam.* dicit,

Cap. 16. n. 4

*Lib. 2. de libe-
ra. c. 30. circa
principium.

ARTI.

Et de medici-
na poenit. c. 2.
non prout à
prim. n. 9.

D. Thom. tert. part.

ARTICVLVS V.

Vtrum peccatoribus baptizatis sint imponenda opera satisfactoria.

Sup. q. 49. ar. 3 ad 2. & inf. art. 6. cor. 2. dist. 6. q. 2. ar. 1. q. 1. cor. 3. d. 19. ar. 3. q. 2. ad 1. & 4. d. 6 q. 1. art. 1. q. 1. cor. Et 4. cont. e. 58. & Rom. 1. lect. 4. col. 4 & 5.

AD quintum sic proceditur. Videtur, quod peccatoribus baptizatis sint opera satisfactoria imponenda. Hoc enim ad iustitiam Dei pertinere videtur, ut pro quolibet peccato aliquis puniatur, secundum illud Eccles. ultimo. Cū itaque sunt, adducet Deus in iudicium. Sed opera satisfactoria imponuntur peccatoribus in poenam præteritorum peccatorum. Ergo videtur, quod peccatoribus baptizatis sint opera satisfactoria imponenda.

¶ 2. Præterea, Per opera satisfactoria exercitatur peccatores de nouo conuersi ad iustitiam, & subtrahuntur eis occasiones peccandi, nam satisfacere est peccatorum causas excidere, & peccatis additum non indulgere. Sed hoc maxime est necessarium nuper baptizatis. Ergo videtur, quod baptizatis sint opera satisfactoria iniungenda.

¶ 3. Præterea, Non minus debitum est, ut homo Deo satisfaciatur, quam proximo. Sed nuper baptizatis iniungendum est, ut satisfaciatur proximis, si eos læserint. Ergo etiam est eis iniungendum, ut Deo satisficiant per opera poenitentiae.

SED CONTRA est, quod Ambros. *super illud Rom. II. Sine poenitentia sunt dona & vocatio Dei, dicit, gratia Dei in baptismo non requirit gemitum neque plāctum, vel etiam opus aliquod: sed solam fidem, & omnia gratis condonat.

RESPONDEO dicendum, quod sicut Apostolus dicit Romano. 6.

Quicumque baptizati sumus in Christo, in morte ipsius baptizati sumus, consepulti enim sumus ei per baptismum in mortem: ita scilicet quod homo per baptismum incorporatur ipsi morti Christi. Manifestum est autem ex supradictis, *quod mors Christi satisfactoria fuit sufficienter pro peccatis, non solum nostris, sed etiam totius mundi, ut dicitur 1. Ioan. 2. Et ideo ei, qui baptizatur, pro quibuscunque peccatis, non est aliqua satisfactio iniungenda, hoc enim esset iniuriam facere passioni & morti Christi, quasi ipsa non esset sufficiens ad plenariam satisfactionem pro peccatis baptizatorum.

AD PRIMVM ergo dicendum, quod sicut Aug. *dicit in lib. de baptismo paruulorum, ad hoc baptismus valet, ut baptizati Christo incorporarentur, ut membra eius. Vnde ipsa poena Christi fuit satisfactoria pro peccatis baptizatorum, sicut & poena vnus membri potest esse satisfactoria pro peccato alteri membri. Vnde Isai. 53. dicitur: Verè languores nostros ipse tulit, & dolores nostros ipse portauit.

AD SECVNDVM dicendum, quod nuper baptizati, exercitandi sunt ad iustitiam, non per opera poenalia, sed per opera facilia, ut quasi quodam lacte facilis exercitij, promoueantur ad perfectiora: ut glossa *dicit super illud Psal. 130. Sicut ablactatus est super matrem suam. Vnde & Dominus discipulos suos de nouo conuersos, à ieiunio excusauit, ut patet Matth. 9. Et hoc est quod dicitur 1. Pet. 2. Sicut modò geniti infantes, lac concupiscite, ut in eo crescatis in salutem.

1. 49. & 48.

Lib. 1. de bapt. paru. c. 26. & medio, to. 7.

Gloss. ordi. ibi

Est gl. D. Ambros. in illum locum, tom. 5.

AD TERTIVM dicendum, quod restituere malè ablata proximis, & satisfacere eis de iniuriis illatis, est cessare à peccando, quia hoc ipsum quod est derinere aliena, & proximum læsum non placare, est peccatum. Et ideo peccatoribus baptizatis iniungendum est, quod satisfaciant proximis, sicut & quod desistant à peccato: non est autem eis iniungendum, quod pro peccatis præteritis aliquam poenam patiantur.

ARTICVLVS VI.

Vtrum peccatores ad baptismum accedentes, teneantur sua peccata confiteri.

3. d. 19. ar. 3.
q. 2. ad 1. q. 4.
con. c. 58. q.
Rom. 11. lib.
4. col. 4. & 5.

AD sextum sic proceditur. Videtur, quod peccatores ad baptismum accedentes, teneantur sua peccata confiteri. Dicitur enim Matthæi tertio, quod baptizabantur multi à Ioanne in Iordane, confitentes peccata sua. Sed baptismus Christi est perfectior, quàm baptismus Ioannis. Ergo videtur, quod multo magis illi, qui sunt baptizandi baptismo Christi, debeant sua peccata confiteri.

¶ 2. Præterea, Prouerb. 28. dicitur, Qui abscondit scelera sua, non dirigitur, qui autem confusus fuerit, & reliquerit ea, misericordiam consequetur. Sed ad hoc aliqui baptizantur, ut peccatis suis misericordiam consequantur. Ergo baptizandi debent sua peccata confiteri.

¶ 3. Præterea, Pœnitentia requiritur ante baptismum, secundum illud Acto. 2. Agite pœnitentiam, & baptizetur vnusquisque vestrū. Sed confessio est pars pœnitentiæ.

Ergo videtur, quod confessio peccatorū requiratur ante baptismū.

SED CONTRA est, quod confessio peccatorum debet esse cum fetu, dicit enim August. * in lib. de pœnitentia: Omnis ista varietas confitenda est & deslenda. Sed sicut Ambros. † dicit, gratia Dei in baptismo non requirit gemitum neque planctum. Ergo à baptizandis non est requirenda cōfessio peccatorum.

RESPONDEO dicendum, quod duplex est peccatorum confessio. Vna quidem interior, quæ fit Deo: & talis confessio peccatorum requiritur ante baptismum, ut scilicet homo sua peccata recogitans, de eis doleat. Non enim potest inchoare nouam vitam, nisi pœniteat eum veteris viræ, ut dicit August. * in lib. de pœnitentia. Alia verò est confessio peccatorum exterior, quæ fit sacerdoti. Et talis confessio non requiritur ante baptismum. Primò quidem: quia talis cōfessio cum respiciat personā ministri, pertinet ad pœnitentię sacramentum, quod non requiritur ante baptismum: quia est ianua omnium sacramentorum. Secundò, quia confessio exterior, quæ fit sacerdoti, ordinatur ad hoc, quod sacerdos confitentē absoluat a peccatis, & liget ad opera satisfactoria, quæ baptizatis non sunt imponenda, ut supra dictū est. * Nec etiā baptizati indigēt remissione peccatorū per clauēs Ecclesię, quibus omnia remittuntur per baptismū. Tertiò, quia ipsa particularis cōfessio homini facta, est pœnosa propter verecundiā confitentis: Baptizato autē nulla exterior pœna imponitur. Et ideo à baptizatis nō requiritur

* Aug. in lib. de vera & fal. pœn. c. 14. nō procul a pœnit. to. 4. & habetur de pœnit. d. c. 1. ante me. † mb ad Rom. 11 super illud: sine pœnit. sunt dona Dei. 80. 5.

In lib. de med. pan. cap. 2. nō procul a pœnit. 80. 2.

Art. p. 184

ritur specialis confessio peccatorum, sed sufficit generalis, quam faciunt, cum secundum ritum Ecclesie abrenuntiant Satanæ & omnibus pompis eius. Et hoc modo dicit quædam glos. * Matth. 3. quod in baptismo Ioannis, exemplum datur baptizandis confitendi peccata, & promittendi meliora. Si qui tamen baptizandi, ex deuotione sua peccata confiteri vellent, esset eorum confessio audienda: non ad hoc quod eis satisfactio imponeretur, sed ad hoc quod contra peccata consueta eis spiritualis informatio vitæ traderetur.

AD PRIMUM ergo dicendum, quod in baptismo Ioannis non remittebantur peccata, sed erat baptismus poenitentiae. Et ideo conuenienter accedentes ad illud baptismum, confitebantur peccata, ut secundum qualitatem peccatorum, eis poenitentia determinaretur. Sed baptismus Christi est sine exteriori poenitentia, ut Ambr. * dicit. Unde non est similis ratio.

AD SECUNDUM dicendum, quod baptizatis sufficit confessio interior Deo facta, & etiam exterior generalis, ad hoc quod dirigantur & misericordiam consequantur. Nec requiritur confessio specialis exterior, sicut dictum est. *

AD TERTIUM dicendum, quod confessio est pars poenitentiae sacramentalis, quæ non requiritur ante baptismum, ut dictum est, * sed requiritur interioris poenitentiae virtus.

ARTICVLVS VII.

Verum ex parte baptizati requiritur intentio suscipiendi sacramentum baptismi.

AD septimum sic proceditur. Videtur, quod ex parte bapti-

zati non requiratur intentio suscipiendi sacramentum baptismi. Baptizatus enim se habet, sicut patiens in sacramento. Intentio autem non requiritur ex parte patientis, sed ex parte agentis. Ergo videtur quod ex parte baptizati, non requiratur intentio suscipiendi baptismum.

¶ 2. Præterea, Si prætermittatur id, quod requiritur ad baptismum, homo est denuo baptizandus: sicut cum prætermittitur inuocatio Trinitatis, ut supra dictum.

* Sed ex hoc non videtur aliquis esse denuo baptizandus, quod intentionem non habebat suscipiendi baptismum, alioquin cum de intentione baptizati non constet, quilibet posset petere se denuo baptizari propter intentionis defectum. Non videtur ergo quod intentio requiratur ex parte baptizati ut suscipiat sacramentum.

¶ 3. Præterea, Baptismus contra peccatum originale datur. Sed originale peccatum contrahitur sine intentione nascentis. Ergo baptismus (ut videtur) intentionem non requirit ex parte baptizati.

SED CONTRA est, quod secundum ritum Ecclesie baptizandi, profitentur se petere ab Ecclesia baptismum, per quod profitentur suam intentionem de susceptione sacramenti.

RESPONDEO dicendum, quod per baptismum aliquis moritur veteri vitæ peccati, & incipit quandam vitæ nouitatem, secundum illud Roma. 6. Consepulti sumus Christo per baptismum in mortem, ut quomodo Christus surrexit à mortuis per gloriam Patris, ita & nos in nouitate vitæ ambulemus. Et ideo sicut ad hoc, quod homo moriatur

3. & d. 27. q. 1
1. art. 2. q. 4.
cor.

2. 66. ar. 6.

In glo. ord. super illud: Existis ut baptizarentur ab eo.

Amb. loco citato in argu. Sed contra.

In cor. art.

In cor. arg.

In q. 69. art. 2. q. 4. d. 6.
1. art. 2. q.

riatur

In lib. de me-
di. pan. ca. 2.
nō longē à pri-
mo. 2.

riatur veteri vitæ, requiritur securi-
dū Aug. in habente vsum libe. arbi-
voluntas, qua eū veteris vitæ poen-
teat, ita requiritur voluntas, qua
intendat vitæ nouitatē, cuius princi-
piū est ipsa susceptio sacramēti. Et
ideo ex parte baptizati requiritur
voluntas, siue intentio suscipiendi
sacramentum.

AD PRIMVM ergo dicendum,
quod in iustificatione, quæ sit per ba-
ptismum, non est passio coacta, sed
voluntaria. Et ideo requiritur intē-
tio recipiendi id quod ei datur.

AD SECVNDVM dicendū, quod
si in adulto deesset intentio susci-
piendi sacramentum, esset rebapti-
zandus. Si tamen hoc non cōstaret,
esset dicēdum, Si nō es baptizatus,
ego te baptizo.

AD TERTIVM dicendum, quod
baptismus ordinatur non solū con-
tra originale peccatum, sed etiam
contra actualia, quæ per voluntatē
& intentionem causantur.

ARTICVLVS VIII.

*Vtrum fides requiratur ex parte
baptizati.*

4. d. 6. q. 1. ar.
3. q. 1. c. q. 2.
ar. 2. q. 3. cor.
d. 9. ar. 2.
q. 3. ad. 2.

AD OCTAVM sic proceditur,
videtur, quod fides requira-
tur ex parte baptizati. Sacramen-
tum enim baptismi à Christo est in-
stitutum. Sed Christus formam
baptismi tradens, fidem baptismi
præmittit, dicens Mar. ult. Qui cre-
diderit, & baptizatus fuerit saluus
erit. Ergo videtur quod nisi sit fides,
nō possit esse sacramētū baptismi.

¶ 2. Præterea, Nihil frustra in sa-
cramētis Ecclesiæ agitur. Sed secū-
dū ritum Ecclesiæ, ille qui accedit
ad baptismū de fide interrogatur,
cūm dicitur, Credis in Deum Pa-
trem, &c. Ergo videtur quod fi-

des ad baptismum requiratur.
¶ 3. Præterea, Ad baptismum re-
quiritur intentio suscipiendi sacra-
mentum. Sed hoc nō potest esse si-
ne recta fide, cū baptismus sit recte
fidei sacramentum. per eum enim
incorporatūr homines Christo (vt
Aug. * dicit in lib. de baptismo par-
vulorū) hoc autē non potest esse si-
ne recta fide, secundū illud Ephe. 3
Habitate Christū per fidem in cor-
dibus vestris. Ergo videtur, quod il-
le qui non habent rectam fidem, nō
possit suscipere sacramentum ba-
ptismi.

¶ 4. Præterea, Infidelitas est gra-
uissimum peccatum, vt in secunda
parte habitum est. * Sed permanen-
tes in peccato, nō sunt baptizandi.
Ergo etiam nec permanentes in in-
fidelitate.

SED CONTRA est, quod Greg.
* scribens Quirino Episcopo dicit,
Ab antiqua Patrum institutione di-
dicimus, vt qui apud hæresim, in
Trinitatis nomine baptizantur, cū
ad sanctam Ecclesiam redeunt, aut
unctione chrismatis, aut impositio-
ne manus, aut sola professione fi-
dei, ad sinum matris Ecclesiæ reuo-
centur. Hoc autem non esset si re-
cta fides esset de necessitate baptis-
mi. Non ergo recta fides ex neces-
sitate requiritur ab susceptionem
baptismi.

RESPONDEO dicendum, quod
sicut ex dictis patet, * duo efficiun-
tur in anima per baptismū, scilicet
character & gratia. Dupliciter er-
go aliquid ex necessitate requiri-
tur ad baptismum. Vno modo si-
ne quo gratia haberi non potest,
quæ est vltimus effectus sacramen-
ti. Et hoc modo recta fides ex neces-
sitate requiritur ad baptismū, quia

M sicut

Lib. 1. de per-
nici. & veni.
c. 26. à mod.
10. 7.

2. 2. q. 10. ar.
3.

In regi. lib. 9.
ep. 61. non lon-
gē à princ. &
habetur de cō-
sec. d. 4. c. 43.

2. 63. ar. 6. et
q. 62. ar. 4. 6.

D. Tho. tert. part.

sicut dicitur Ro. 3. Iustitia Dei est per fidē I. I. s. v. Christi. Alio modo requiritur aliquid ex necessitate ad baptismum, sine quo character baptismatis imprimi non potest. Et sic recta fides baptizati non requiritur ex necessitate ad baptismum, sicut nec recta fides baptizantis, dū modo adsint cetera quę sunt de necessitate sacramēti. Non enim sacramentū perficitur per institutiōem hominis dantis vel suscipientis baptismū, sed per virtutem Dei.

AD PRIMVM ergo dicendum, quod Dñs loquitur ibi de baptismo, secundū quod perducit homines ad salutē per gratiā iustificantiē. Quod quidē sine recta fide esse non potest: & ideo signanter dicit, Qui crediderit, & baptizatus fuerit, saluus erit.

AD SECVNDVM dicendum, quod Ecclesia intendit homines baptizare, vt emundētur à peccato: secundū illud Isai. 27. Hic est omnis fructus, vt auferatur peccatū. Et ideo quantum est de se, non intendit dare baptismū nisi habentibus rectā fidem, sine qua non est remissio peccatorū. Et propter hoc interrogat accedētes ad baptismū, an credāt. Si tamen sine recta fide aliquis baptismum suscipiat extra Ecclesiā, non percipit illud ad suam salutē. Vnde Aug. dicit, Ecclesia paradiso cōparata indicat nobis, posse quidē baptismū eius, homines etiam foris accipere, sed salutem beatitudinis extra eam neminem percipere vel tenere.

AD TERTIVM dicendum, quod etiā non habens rectā fidem circa alios articulos, potest habere rectā fidem circa sacramentū baptismi, & ita non impeditur quin possit ha-

bere intentionē suscipiendi sacramentum baptismi. Si tamen etiam circa hoc sacramentum non rectē sentiat, sufficit ad perceptionem sacramenti generalis intentio, qua intendit suscipere baptismum, sicut Christus instituit, & sicut Ecclesia tradit.

AD QVARTVM dicendum, quod sicut sacramentū baptismi non est conferendum ei, qui non vult ab aliis peccatis recedere: ita etiā nec ei, qui non vult infidelitatē deserere. Vterq; tamē suscipit sacramentū, si ei conferatur: licet nō ad salutē.

COMMENTARIVS.

Preparationes baptizandi adulti, & sue mentis compotis, his articulis continentur, ex quibus hec cōclusio colligitur. Peccatores adulti, qui non sunt in affectu peccandi, baptizādi sunt: sed eis neq; confessio, aut satisfactio sacramentalis, ad suscipiendū baptismum necessaria est: requiritur tamen intētiō & voluntas suscipiendi sacramentū, ad veritatē ipsius sacramenti: non tamē fides recta suscipientis. Peccatores dicuntur, qui peccati macula etiā pręteriti, infecti sunt, nec ab eo plenē mundati, etiā si affectum & propositū peccandi omnino exuerint. his igitur asserimus baptismum rectē administrari. Ratio Theologica sic concluditur, baptismus mundat & abluit sordes peccati ex vi sue institutionis, & ideo sacramentū mortuorū dicitur, & infundit pręterea gratiā regenerantem in nouitatē vitę spiritualis: sed primo ex his duobus, nō repugnat pręteriti peccati macula & reatus: secundū verō planē repugnat affectui & proposito peccandi: baptismus igitur rectē administrabitur infectis macula peccati pręteriti, non autē perseuerantibus in voluntate & proposito peccandi. sic de baptismo scriptum est, Ephes. 5. quod mundat Ecclesiam & fideles, in verbo vitę: nō mundatur autem, nisi quod est sordibus peccati infectum. Baptizati etiam dicuntur Christo commortui & cōsepulti, id est mortis eius efficaciam participātes, vt deletis peccatis, in nouā vitam resurgāt, Roma. 6. Gratia verō regenerans, quę tribuit diuinā esse participationem & consortiū, quomodo potest

*Conclusio de
preparationibus
adulto ne-
cessariis ad sus-
cipiendum ba-
ptismum.*

Explicatio

*Probatio pri-
ma pars.*

do potest cū iniqua volūtate coniūgi, quæ ad peccandū propensa est? quæ enim participatio iustitiæ cū iniquitate? 2. Cor. 6. certissima est enim illa sentētia, etiam illustratis tantū lumine rationis naturalis, quæ est apud D. Aug. lib. de medicina pœnitent. cap. 2. nullus suæ voluntatis arbiter constitutus, potest nouam vitam inchoare, nisi eum veteris vitæ pœniteat.

Pœnitentia a-
dulto necessa-
ria antè baptis-
mum.

2. Quare licet omnis homo adultæ ætatis, baptismi characterē recipiat, permānēs in affectu peccandi, si velit ex animo sacramentum Ecclesiæ recipere: gratiam tamen iustificāntem & dona illi adiuncta, sine aliqua pœnitentia peccatorū, non percipiet. dico autem pœnitentiæ virtutis actum, cū detestatione peccati, & proposito amplius non peccandi, licet contritio perfectā non sit. satis est enim odium vitæ præteritæ aliquod, cum illo proposito coniunctum, ita ut verē, qui sic affectus est, peccatum detestetur, & propositum peccandi exuerit. Neutra enim quæ dicitur voluntas, cui neque displiceat peccatum, neque omnino placet, ficta est & ab hoc proposito valde aliena. quare merito à sacra ablutione reiiciendus est, cui in peccato perseverare placet, ne efficaciam baptismi ad regenerandum inanem reddat, & contemnat. Sic Petrus Act. 2. ad eos, qui compuncti corde dixerant, quid faciemus viri fratres? pœnitentiam, inquit, agite, & baptizetur unusquisque vestrum in nomine I. E. S. V. Christi, in remissionem peccatorum vestrorum, & accipietis donum Spiritus sancti. expēde illos fuisse corde compunctos, sic enim actus quidā pœnitentiæ significatur, non autem plena & perfectā contritio: & ideo monet princeps Apostolorum, ut baptizentur, tum ad remissionem peccatorum, tum ad donorum diuinorum infusionem. Sic etiam videmus exordium Euangelicæ prædicationis semper fuisse pœnitentiam, ut ad baptismum benè præparati accederent. sic denique in Concil. Trident. sess. 6. cap. 6. præparantur adulti, qui baptismō iustificandi sunt ab originali & actualibus peccatis, ut primò à gratia diuina excitati, & libere eidē cooperātes, fidē ex auditu concipiāt: & peccatores se esse intelligentes, diuini iustitiæ timore vtiliter concuciantur: spe erecti, Deū propter Christum propitiū sibi fore confidentes, & tanquā sanctitatis auctorē diligere incipiant; ac propterea aduersus

peccata moueantur per odiū aliquod & detestationē, hoc est per eam pœnitentiā, quam ante baptismum agi oportet. quibus verbis planē significatur, pœnitentiam esse necessariam, sed non perfectā contritionē: subiungit enim, deniq; dum proponūt suscipere baptismum inchoare nouam vitā, & seruare diuina mandata. Vnde ead. sess. 6. cap. 14. definitum est, Christiani hominis pœnitentiam post lapsum, aliam esse à baptismali: illa enim non solum cessationē à peccatis & eorū detestationē, sed etiam sacramentalē confessionem saltē in voto & suo tempore faciendā, sacerdos talem absolutionē, & satisfactionem pro pœnā tēporali, quæ tota baptismō deletur, cōtinet. legēdus de hac re D. Aug. hom. vlt. ex 50. lib. de vtilitate pœnitent. cap. 1. Chrysost. hom. ad populum Antiochenum. hæc de prima parte conclusionis.

3. Altera & tertia pars, negat peccatoribus adultis, ut iustificentur ab originali & actualibus peccatis, necessariam esse sacramentalē confessionem, aut satisfactionē, quæ in eadē imponi solet, ut dignè præparetur ad recipiendum baptismū: licet illis necessarium esse ostenderimus aliquē actum pœnitentiæ virtutis. id verò sic aperte concludi potest. In baptismō Christo cōmortui & cōsepulti, noui homines efficiuntur, in quibus de vetustate peccati nihil remanet, alioquin non esset per baptismū plena & perfectā regeneratio: per illū ergo liberamur à reatu omnis pœnæ, & ideo neque satisfactione indigemus, cū hæc sit solutio pœnæ temporalis: neque confessione sacramentali, quæ nobis & remissionem peccati, cum ea sit à baptismō plenissima, per absolutionem impendat, & satisfaciēdi obligationē imponat. Qui enim cōmoriatur Christo per baptismū, sic passioni & morti eius incorporatur, ac si ipse passus & mortuus esset, ut rectē inquit D. Tho. inf. q. 69. art. 2. id enim est commortuū esse cum illo. nec aliter intelligi potest regenerari hominem interius, & nouū esse diuinū participare, quā si de peccatis omnibus præteritis, nihil omnino remaneat, quod vel culpæ vel pœnæ rationem habeat. alioquin nō fieret per illā regenerationem plenē & perfectē nouus homo. itaque ut hic effectus per se & proprius baptismi, altē menti infideat, ratio illa commortui Christo, & regenerati noui hominis accuratē expendenda est. Sic

Passionis Chris-
ti est causa per
baptismum &
alia sacramen-
ta.

Quid sit Chri-
sto commor-
tuum esse, rege-
nerari, & effi-
ci nouam crea-
turam per bap-
tismum.

Comment.in D.Tho.tert.part.

de baptismo semper loquitur D.Paul.; Roma.6.Gala.3.Ephe.5.& deo ex hoc principio D.Tho. deducit confirmationem omnium ferè sententiarum, de baptisimi preparationibus & effectis hac q.& proxima sequenti. Vnde diuina est sententia Concilij Trid.sess.6.c.2. ad distinguendum baptismum à pœnitentiæ sacramento. aliis, inquit, præterea est baptismi, alius pœnitentiæ fructus, per baptismum enim Christum induētes, noua prorsus in illo efficiuntur creatura, plenam & integram peccatorum omnium remissionem consequentes: ad quam tamē nouitatem & integritatem per sacramentū pœnitentiæ, sine magnis nostris fletibus & laboribus, diuina id exigēte iustitia, peruenire nequaquā possumus: vt meritō pœnitentia laboriosus quidā baptismus, à sanctis Patribus dictus fuerit. haec tenet Conciliū.

4 Quamuis enim omnia sacramenta, ex passione Christi vim & efficaciam adeptasint, vt ostendimus sup.q.62.nu.21.& omnibus infundatur gratia digne suscipientibus, finita & determinata: tamē quia gratia baptismi, etiā si certo gradu definita, regenerandi in nouam vitam, vim habet, & cōmortuos nos Christo cōstituit: ideo in remittenda omni culpa & pœna, nullus est cōprehensā terminis, sed omnē omnino culpam & pœnam æternā & temporalem remittit: quia aliter nouā creaturam per regenerationem non constitueret, nisi omnem reatū pœnæ aboleret, & omnem peccati vetustatem deleteret. neq; verō inde efficitur, nos imputari iustitiam & satisfactionem Christi constituere, cū sine vlla propria satisfactioe, adultis baptizatis, Christi satisfactioe applicamus. Sic enim D.Th.q.69.art.2. omni, inquit, baptizato cōmunicatur passio Christi ad remediū, ac si ipse passus & mortuus esset. & iterū, ac si ipse sufficenter satisfacisset pro omnibus peccatis suis. quamuis enim baptizato applicetur satisfactio & iustitia Christi, non tamē est iustitia: Protestatium, quæ dicitur nobis imputata, cū sit propria Christi. in hac enim imputatione tantū est externa denominatio iustitiæ, quæ inheret Christo tantū, & nulli iustificato: vt medicamentū dicitur sanū ab externa sanitatis animalis denominatione, quatenus eā efficit, tuetur & conseruat. at baptizati formaliter sunt iusti, per inhærentem iustitiā, baptismi efficacia infusam, & non secundū externam denominationem.

Qua ratione baptizatis imputatur Christi satisfactio, ac si esset illorum propria.

Sed quia forma hæc inherens illis, est gratia regenerans, & nouam efficiens creaturam, atq; nos infertos Christo, mēbra illius noua & viua constituens, ideo satisfactio Christi fit nostra, quia sumus membra sui corporis noua, abolita omni vetustate peccati, & quæ est pro omnibus impensa, vnicuiq; accommodatur, quantum satis est, vt nouus homo efficiatur.

5 Quarta pars propositæ cōclusionis, exigit ab adulto baptizando voluntatē & intentionem suscipiendi sacramentum, alioquin veritas illius nō constabit, neque recipiet characterē aut gratiam. itaque si quis coactus & inuitus baptizaretur, baptismi sacramentū non suscipit: quod si velit, etiam minis, aut metu imminentis mali impulsus, sacramentū suscipit & characterē, non gratiā: cū nolit interius absolutē nouam vitam inchoare. minister tamen sacramenti grauitus peccat, quia nō minis, sed adhortationibus homines ad baptismū alliciēdi sunt. itaque consensus minis expressus, qui ad contrahendū matrimonium nō valet, quia Ecclesia huiusmodi contractū rescindit, is sane valet ad recipiendum baptismi characterē, vel ordinis, quia satis est diuino iure consensus, quamuis ratione extortus. dico consensum internum, etiam ex metu prouenientē: nam si exterius propter metum cōsentire videtur, & interius dissentit & renuit, planē sacramentum non recipit: licet Ecclesia eum baptizatū iudicaret, & in suis fidelibus numeraret. Ratio huius partis ex præcedentibus apertē deducitur. nouam enim vitā, hominem mentis suæ compotē inchoare, cum præteritæ detestatione impossibile est, nisi volentē & libentē animo: sed baptismo nouam vitā inchoamus, præterita peccata detestantes: baptismum igitur nullus suscipere potest nisi volens & libet. Præterea nullus nisi volens religionē profiteri potest: baptismus autem est fidei professio, & religionis Christianæ protestatio: baptismū igitur nullus nisi volēs suscipere potest. quare ex sancta traditione semper obseruatū est, vt nemini baptismus ministretur, nisi prius interrogatus fuerit, an velit baptizari. quomodo autem etiā in infantibus volūtas suscipiendi baptismū accipienda sit, explicabitur art.9. huius q. ad 1. & 2. neminē autem inuitum baptizandum esse differetur. art.10. eiusd. q. Scio quosdā Theologos, sine voluntate suscipientis, ve-

Consensus ad baptismum suscipiendum.

*Recta fides in
suscipiente quo
modo non sit
necessaria.*

rū baptismum censere, sed nulla certa ratione & firma nituntur.

6 Reliqua est vltima conclusionis pars, fidem rectā in suscipiente nō esse necessariam ad veritatē sacramenti, quāvis ea deficiente, gratiā sacramenti consequi non possit, cum nostrę salutis initiū sit recta & sincera fides, characterē tamen recipiet. itaq; hereticus vel circa alia fidei dogmata, vel circa ipsum baptismū, modō intendat suscipere baptismū, sicut Christus instituit, & sicut Ecclesia docet, verum baptismū recipiet, cum enim essentialia sacramenti constant, necesse est veritatem sacramenti constare: fides autē ministri, vt ostensum est suprà q. 64. n. 18. & sequentibus, nō est ad eandem veritatem sacramenti necessaria, neq; suscipientis fides in partibus essentialibus sacramenti numeratur: non est igitur necessaria ad veritatem sacramenti. idē eui denter ostendit antiqua & recepta Ecclesię catholicę consuetudo, quę baptizatos in hæreſi, vel ab hæreticis, essentialia sacramentorū adhibentibus, non rebaptizat, cū ad Ecclesiam catholicam venerint, sed penitentes admittit, de quo disseruimus sup. q. 66. ar. 9. ab hæreticis igitur confertur, & recipitur verum sacramentum, sed non ad salutem.

ARTICVLVS IX.

Vtrum pueri sint baptizandi.

*4. di. 4. q. 3.
ar. 1. q. 1. &
Mal. q. 4. ar.
1. co. princ. &
quol. 4. ar. 10.
cor. Et quol. 9.
ar. 12. cor.
ar. 7. huiusq.*

AD nonum sic proceditur. Videtur, quod pueri non sint baptizandi. in eo enim qui baptizatur, requiritur intentio suscipiendi sacramentū: vt supra dictum est. *Huiusmodi autē intentionem nō possunt pueri habere, cū non habeant vsum liberi arbitrij. Ergo videtur, quod non possint suscipere sacramentum baptismi.

¶ 2. Præterea, Baptismus est fidei sacramentū, vt supra dictū est. *Sed pueri non habent fidem, quę consistit in credentium voluntate, vt Aug. * dicit super Ioan. Nec etiā potest dici quod saluetur in fide parentū: quia quandoq; parentes sunt infideles, & sic magis per eorum infidelitatē damarentur. Ergo vi-

detur q; pueri nō possint baptizari. ¶ 3. Præterea, i. Pet. 3. dicitur, quod homines saluos facit baptismus, non carnis depositio sordium, sed conscientię bonę interrogatio in Deum. Sed pueri neque conscientiam habent bonam vel malam (cū non habeant vsum rationis) neque etiam conuenienter ipsi interrogantur, cum non intelligant. Non ergo pueri debent baptizari.

SED CONTRA est, quod Dionysius dicit vltimo cap. Ecclesię hierarchicę. Diuini nostri duces, scilicet Apostoli, probauerunt infantes recipi ad baptismum.

*C. 7. Eccle. hier.
nō procul a fi*

RESPONDEO dicendum, quod sicut Apostolus dicit, Roma. 5. Si vnus delicto, mors regnauit per vnum, scilicet per Adam, multo magis abundantiam gratiæ & donationis & iustitię accipientes, in vita regnabunt per vnū IESUM Christum. Pueri autē ex peccato Adæ, peccatum originale contrahunt.

¶ Quod patet ex hoc quod sunt mortalitati subiecti, quę per peccatum primi hominis in omnes pertransiit, vt Apostolus ibidem dicit. Vnde multo magis pueri possunt per Christum gratiam accipere, vt regnēt in vita æterna. Ipse autem Dominus dicit, Ioan. 3. Quod nisi quis renatus fuerit ex aqua & Spiritu sancto, non potest introire in regnum Dei. Vnde necessarium fuit pueros baptizari, vt sicut per

*Vt dicit Aug.
lib. 5. Hypog.
& lib. 1. de peccat. mer. &
rem. cap. 13,
to. 7.*

Adam damnationem incurrerunt nascendo, ita per Christum salutem consequantur renascendo.

Fuit etiam conueniens pueros baptizari, vt a pueritia nutriti in his, quę sunt Christianę vitę, firmitus in ea perseuerent, secundum illud Prouer. 22. Adolescens iuxta

*Aug. de Geni
ad lita. lib. 10.
cap. 11. tom. 3.
Conc. Nicaen.
c. 2. tomo. 1.*

D.Tho.tert.part.

viam suam, etiā cū senuerit non recedat ab ea. Et hanc rationem assignat Dion. * vlt. ca. Eccle. hierar.

*Eccl. hierar. hic
rar. non procul
est.*

AD PRIMVM ergo dicendum, quod regeneratio spiritualis, quę fit per baptismum, est quodammodo similis natiuitati carnali, quantum ad hoc, quod sicut pueri in matris uteris constituti, non per se ipsos nutrimentum accipiunt, sed ex nutrimento matris sustentantur: ita etiam pueri nondum habētes vsum rationis, quasi in utero matris Ecclesię constituti, nō per se ipsos, sed per actum Ecclesię salutem suscipiunt. Vnde Aug. * dicit in lib. de peccatorum meritis & remissione. Mater Ecclesia os maternum paruulis prębet, vt sacris mysteriis imbuantur. quia nondum possunt corde proprio credere ad iustitiā, nec ore proprio confiteri ad salutem.

*Lib. i. c. 25. cir
ca. f. 10. 7.*

*Eccl. lib. c. 19.
circa. f. 10. 7.*

* Si autem propter ea rectē fideles vocantur, quoniam fidem per verba gestantium quodammodo profitātur. cur etiam nō poenitentes habeantur, cum per eorundem verba gestantium, diabolo & huic sęculo abrenuntiare monstrentur? Et eadem ratione possunt dici intendentes, non per actum proprię intentionis: cum ipsi quandoque contrantantur & plorent, sed per actū eorum à quibus offeruntur.

Ep. 23. a. 2.

AD SECUNDVM dicendū, quod sicut August. * scribens Bonifacio dicit, in Ecclesia Saluatoris paruuli per alios credunt, sicut ex aliis, quę in baptismo remittuntur, peccata traxerunt. Nec impeditur eorum salus, si parentes sint infideles: quia sicut * Aug. dicit, eidem Bonifacio scribens, offeruntur paruuli ad percipiendam spiritualem gratiam, non tam ab eis, quorū gestatur ma-

*In ea. ep. 23. in
me. 10. 2.*

nibus (quāuis & ab ipsis si & ipsi boni fideles sunt) quā ab vniuersa societate sanctorū atq; fidelium. Ab omnibus namq; offerri rectē intelliguntur, quibus placet quod offeruntur, & quorū charitate ad communionem sancti Spiritus adiunguntur. Infidelitas autē priorum parentū, etiam si eos post baptismum dēmoniorū sacrificiis imbuerē conentur, pueris nō nocet: quia vt August. * ibidem dicit, puer semel generatus per aliorū voluntatē, deinceps non potest vinculo alienę iniquitatis abstringi, vbi nulla sua voluntate consentit, secundum illud, Ezech. 18. Sicut anima patris mea est, ita & anima filij: anima quę peccauerit, ipsa morietur. Sed ideo ex Adam traxit, quod sacramenti illius gratia solueretur: quia nōdum erat anima separatim viuens. Fides autem vnius immō totius Ecclesię paruulo prodest per operationem Spiritus sancti, qui vnit Ecclesiam, & bona vnius alteri communicat.

*Ea. ep. 23. cir
ca. trm. 10. 2.
habetur de Cb-
joc. d. 5. 4. ca.
129.*

AD TERTIVM dicendum, quod sicut puer cum baptizatur non per se ipsum, sed per alios credit: ita nō per se ipsum, sed per alios interrogatur: & interrogati consentunt fidē Ecclesię in persona pueri, qui huic fidei aggregatur per fidei sacramentum. Conscientiam autem bonam consequitur puer etiam in seipso: non quidē actus, sed habitu per gratiam iustificantem.

ARTICVLVS X.

Vtrum pueri Iudæorum vel aliorum infidelium sint inuitis parentibus baptizandi.

AD decimum sic proceditur. Viderur, quod pueri Iudæorum vel aliorum infidelium sint baptizandi, etiam inuitis parentibus.

*a. 1. q. 10. art.
12. q. 2.
ar. 7. & quod.
2. ar. 7. 11.
cor.*

Magis

Magis enim debet homini subueniri contra periculum mortis æternæ, quam contra periculum mortis temporalis. Sed puero in periculo mortis temporalis existēti est subueniendum, etiam si parentes per malitiam contraniterentur. Ergo multo magis est subueniendum pueris infidelium filiis, per baptismum contra periculum mortis æternæ, etiam inuitis parentibus.

¶ 2. Præterea, Filij seruorū sunt serui, & in potestate dominorum. Sed Iudæi sunt serui, & regum & principum, & quicumque etiam alij infideles. Ergo absque omni iniuria possunt principes filios Iudæorum vel aliorum seruorum infidelium facere baptizari.

¶ 3. Præterea, Quilibet homo est magis Dei, à quo habet animā, quàm patris carnalis, à quo habet corpus. Non est ergo iniustum, si pueri infidelium filij parētibz carnalibus auferantur, & Deo per baptismum consecrentur.

SED CONTRA est, quod in Decreto. * dist. 45. ex Concilio Tolitano sic dicitur de Iudæis. Præcepit sancta synodus nemini deinceps ad credendum vim inferre: non enim tales inuiti saluandi sunt, sed volētes, ut integra sit forma iustitiæ.

RESPONDEO dicendum, quod pueri infidelium filij, aut habent vsum rationis, aut non habent. Si autem habent, iam quantum ad ea, quæ sunt iuris diuini vel naturalis, incipiunt suæ potestatis esse. Et ideo propria voluntate inuitis parentibus possunt baptismum suscipere, sicut & matrimonium contrahere. Et ideo tales licitè moueri possunt & induci ad suscipiendum baptismum. Si verò nondum

habent vsum liberi arbitrij, secundum ius naturale sunt sub cura parentum, quando ipsi sibi providere non possunt. Vnde etiam & de pueris antiquorum dicitur, quod saluauantur in fide parentum. Et ideo contra iustitiam naturalem esset, si tales pueri inuitis parentibus baptizarentur: sicut etiam si aliquis habens vsum rationis baptizaretur inuitus. Esset etiam periculosum taliter filios infidelium baptizare: quia de facili ad infidelitatem redirent, propter naturalem affectum ad parentes. Et ideo non habet hoc Ecclesiæ consuetudo, quod filij infidelium inuitis parentibus baptizentur.

AD PRIMUM ergo dicendum, quod à morte corporali non est aliquis eripiendus contra ordinem iuris ciuilis: puta si aliquis à suo iudice condemnatur ad mortem, nullus debet eum violenter à morte eripere. Vnde nec aliquis debet irrumpere ordinem iuris naturæ, quod filius est sub cura patris, ut eum liberet à periculo mortis æternæ.

AD SECUNDUM dicendum, quod Iudæi sunt serui principum seruitute ciuili: quæ non excludit ordinem iuris naturalis vel diuini.

AD TERTIUM dicendum, quod homo ordinatur ad Deum per rationem, per quam Deum cognoscere potest. Vnde puer antequam vsum rationis habeat, naturali ordine ordinatur in Deum per rationē parentum, quorum curæ naturaliter subiacet, & secundum eorum dispositionem sunt circa ipsum diuina agenda.

ARTICVLVS. XI.

*Utrum pueri in maternis vteris positi,
sint baptizandi.*

4. d. 6. q. 1. ar.
tic. 1. q. 1. &
d. 23. q. 2. ar.
2. q. 1. ad 1. &
2.

AD vndecimum sic procedi-
tur. Videtur, quod pueri in
maternis vteris existentes possint
baptizari. Efficacius enim est do-
num Christi ad salutem, quam pec-
catum. Ad e ad damnationē, vt Apo-
sto. dicit, Rom. 5. Sed pueri in ma-
ternis vteris dānantur propter pec-
catum Adā. Ergo multo magis sal-
uari possunt per donum Christi.
quod quidem fit per baptismum.
Ergo pueri in maternis vteris exi-
stentes possunt baptizari.

¶ 2. Prætereā, Puer in vtero ma-
tris existens, aliquid matris esse vi-
detur. Sed baptizata matre, baptiza-
tur quicquid est eius. intra ipsam
existens. Ergo videtur, quod bap-
tizata matre, baptizetur puer in
vtero eius existens.

¶ 3. Prætereā, Mors æterna peior
est, quā mors corporalis. Sed de
duobus malis minus malum est eli-
gendum. Si ergo puer in vtero ma-
tris existēs baptizari nō potest, me-
lius esset, quod mater aperiretur,
& puer vi eductus baptizaretur,
quā quod puer æternaliter dam-
naretur absque baptismo decedēs.

¶ 4. Prætereā, Contingit quan-
doque, quod aliqua pars pueri prius
egreditur: sicut legitur Genes. 38.
quod pariente Thamar, in ipsa ef-
fusione infantium, vnus protulit ma-
num, in qua obsterrix ligauit cocci-
num dicens, Iste egredietur prior,
illo verò manum retrahente, egres-
sus est alter. Quandoque autem in
tali casu imminet periculum mor-
tis. Ergo videtur, quod illa pars de-
beat baptizari, puero adhuc in ma-

terno vtero existente.

SED CONTRA est, quod Augu-
* dicit in Epist. ad Dardanum, Ne-
mo renascitur nisi primò nascatur.
Sed baptismus est quædam spirita-
lis regeneratio. Non ergo debet
aliquis baptizari priusquam ex vte-
ro nascatur.

RESPONDEO dicendum, quod
de necessitate baptismi est, quod
corpus baptizandi aliquo modo
aqua abluatur; cum baptismus sit
quædam ablutio: vt supra dictum
est. * Corpus autem infantis ante-
quam nascatur ex vtero non potest
aliquo modo abluī aqua, nisi fortē
dicatur, quod ablutio baptismalis,
qua corpus matris lauatur ad filiū
in ventre existētem perueniat. Sed
hoc esse non potest: tum quia ani-
ma pueri, ad cuius sanctificationē
ordinatur baptismus, distincta est
ab anima matris: tum quia corpus
pueri animati, iam est formatum,
& per consequens à corpore matris
distinctum. Et ideo baptismus, quo
mater baptizatur, non redundat in
prolem, in vtero matris existētem.
Vnde Augustinus * dicit contra Iu-
lianū. Si ad matris corpus id quod
in ea cōcipitur, pertinet, ita vt eius
pars imputeretur, non baptizaretur
infans, cuius mater baptizata est ali-
quo mortis urgente periculo, cum
eum gestaret in vtero. Nunc verò
cum ipse etiam, scilicet, infans ba-
ptizetur, non vtique ad maternum
corpus, cum esset in vtero, pertine-
bat. Et ita relinquitur, quod nullo
modo infantes in maternis vteris
existentes, baptizari possunt.

AD PRIMVM ergo dicendum,
quod pueri in maternis vteris exi-
stentes, nōdum prodierunt in lucē,
vt cum aliis hominibus vitam du-
cant.

Epist. 57. inter
me, & fi. to. 29

2. 661 ar. 2

Lib. 6. cap. 22
non longe autem
med. to. 7.

cât. Vnde non possunt subiici actio-
ni humanæ, vt per eorum ministe-
rium sacramenta recipiant ad salu-
tem. Possunt tamen subiici opera-
tioni Dei, apud quem viuūt, vt quo-
dam priuilegio gratiæ sanctifica-
tionem consequantur: sicut patet
de sanctificatis in vtero.

AD SECVNDVM dicendū, quod
membrum interius matris est ali-
quid eius per continuationem &
vniōem naturalem partis ad totū.
Puer autē in vtero matris existens,
est aliquid eius per quandam colli-
gationem corporum distinctorum.
Vnde non est similis ratio.

AD TERTIVM dicēdum, quod
non sunt facienda mala, vt veniant
bona, vt dicitur, Rom. 3. & ideo nō
debet homo occidere matrem, vt
baptizet puerum. Si tamen mater
mortua fuerit viuente prole in vte-
ro, debet aperiri vt puer bapti-
zetur.

AD QVARTVM dicendū, quod
expectanda est totalis egressio pue-
ri ex vtero ad baptismū, nisi mors
immineat. Si tamen primò caput
egrediat, in quo fundantur om-
nes sensus, debet baptizari, pericu-
lo imminente: & non est postea re-
baptizandus si eum perfectè nasci
contigerit. Et videtur idem facien-
dum quæcunque alia pars egredia-
tur, periculo imminente. Quia ta-
men in nulla exteriorum partium
integritas vitæ ita consistit sicut in
capite videtur quibusdam quod
propter dubiū, quacunque alia par-
te corporis abluta, puer post perfe-
ctam natiuitatem sit baptizandus
sub hac forma, Si non est baptiza-
tus, ego te baptizo.

ARTICVLVS XII.

*Vtrum furiosi & amentes debeant
baptizari.*

AD duodecimum sic procedi-
tur. Videtur, quod furiosi &
amētes, non debeant baptizari. Ad
suscceptionem enim baptismi requi-
ritur intentio in eo qui baptizatur:
vt supra dictum est. Sed furiosi &
amentes, cum careant vsu rationis,
non possunt habere ordinatam in-
tentionem. ergo non debent ba-
ptizari.

¶ 2. Præterea, Homo bruta ani-
malia superexcedit in hoc quod ha-
bet rationem. Sed furiosi & amen-
tes non habent vsu rationis: &
quandoque etiam in eis non expe-
ctatur, sicut expectatur in pueris.
Ergo videtur, quod sicut bruta ani-
malia non baptizantur, ita nec ta-
les furiosi & amentes debeant ba-
ptizari.

¶ 3. Præterea, Magis est ligatus
vsus rationis in furiosis vel amentibus,
quàm in dormientibus. Sed ba-
ptismus non cōsuevit dari dormiē-
tibus. Ergo non debet dari amentibus
& furiosis.

SED CONTRA est, quod Au-
gust. dicit, 4. Confes. de amico suo,
qui cum desperaretur, baptizatus
est nesciens: & tamen baptismus
in eo efficaciam habuit. Ergo carē-
tibus vsu rationis, aliquando baptis-
mus dari debet.

RESPONDEO dicendum, quod
circa amentes & furiosos est distin-
guendum. Quidam enim sunt à na-
tiuitate tales, nulla habētes lucida
interualla: in quibus etiam nullus
vsus rationis apparet. Et de talibus
quantum ad baptismi susceptionē,
videtur esse idem iudicium & de
pueris, qui baptizantur in fide Ec-

4. d. 4. q. 3. ar.
1. q. 3. Et d.
18. q. 1. art. 3
q. 1. cor. & de
ri. q. 28. ar. 3.
ad 2.

Art. 7. huius
q. 1.

ut quidam
dicitur de
ut dicitur de

Lib. 4. c. 4. pa-
rum ante m.
10. 1.

Comment in D. Thom. tert. part.

Ar. 9. huius q. clesie, ut supra dictum est. * Alij vero sunt amentes, qui ex sana mente quam habuerunt prius, in amentiam inciderunt. Et tales sunt iudicandi secundum voluntatem, quam habuerunt, dum sanæ mentis existerent. Et ideo si tunc apparuit in eis voluntas suscipiendi baptismum, debet eis exhiberi in furia & amentia constitutis: etiam si tunc actu contradicant: alioquin si nulla voluntas suscipiendi baptismum in eis apparuit, dum sanæ mentis essent, non sunt baptizandi. * Quidam vero sunt, qui etsi à natiuitate fuerint furiosi vel amentes, habent tamen aliqua lucida interualla, in quibus recta ratio ne uti possunt. Vnde si tunc baptizari voluerint, baptizari possunt etiam in amentia constituti. Et debet eis tunc sacramentum conferri si periculum timeatur: alioquin melius est, ut tempus expectetur, in quo sint sanæ mentis, ad hoc, quod deuotius suscipiant sacramentum. Si autem tempore lucidi interualli non appareat in eis voluntas suscipiendi baptismum, baptizari non debent in amentia constituti. Quidam vero sunt, qui etsi non omnino sanæ mentis existant, in tantum tamen ratione utuntur, quod possunt de sua salute cogitare, & intelligere sacramenti virtutem. Et de talibus idem est iudicium, sicut de his, qui sanæ mentis existunt, qui baptizantur volentes non autem inuiti.

AD PRIMVM ergo dicendum, quod amentes, qui nunquam habuerunt, nec habent usum rationis, baptizantur ex intentione Ecclesie, sicut & ex actu Ecclesie credunt & poenitent: sicut supra de pueris dictum est. * Illi vero qui aliquo tempore habuerunt vel habent usum ra-

tionis, secundum propriam intentionem baptizantur, quam habent vel habuerunt tempore sanæ mentis.

AD SECVNDVM dicendum, quod furiosi vel amentes carerent usu rationis per accidens, scilicet propter aliquod impedimentum organi corporalis: non autem propter defectum animæ rationalis, sicut bruta animalia: unde non est de his similis ratio.

AD TERTIVM dicendum, quod dormientes non sunt baptizandi nisi periculum mortis immineat: in quo casu baptizari debent, si prius in eis voluntas apparuit suscipiendi baptismum, sicut & de amentibus dictum est. * Sicut August. * narrat in 4. lib. Confessi. de amico suo, qui baptizatus est nesciens, propter periculum mortis.

COMMENTARIUS.

DE adultorum baptismo dictum est, reliquum est, ut de paruulorum baptismo dicamus. conclusio ex omnibus articulis est: paruuli baptizandi sunt, non tamen vtero inclusi, sed in lucem editi, nec infidelium filij parentibus inuitis: ad pueros vero referuntur amentes à primo ortu, nisi per interualla ad mentem sanam reuocentur. Prima pars est dogma catholicum, ex diuina traditione in Ecclesia retentum, iam inde ab Apostolis, ut auctor est Dionys. c. 7. de Eccles. hierar. & ex Patrum testimonijis latissimè deducit, D. Aug. lib. de bapt. paruulorum. idem etiam euincit ratio Theologica. Gratia enim Christi abundantior ad salutem est, quam peccatum primi parietis ad perditionem hominum, Rom. 5. Sed illud peccatum paruulos infecit peccato originali: ergo gratia Christi mundabit ad salutem. baptismus autem tantum paruulos mundare potest ab originali: baptizandi sunt igitur, ne pereant. præterea, circumcisio vmbra baptismi & typus, octauo die à natiuitate pueris secundum legem administrata est: baptismus igitur pueris administratur,

71 habetur in Decr. lib. 3. tit. 42. c. 3. in fin.

In cor. ar. Lib. 4. c. 4. parum ante med. 10. 1.

De baptismo paruulorum.

Ar. 9. huius q.

tur, vt veritas vmbra respondeat. Deinde cum legimus totam aliquam familiam à Paulo baptizatam esse, fatis cõstat pueros, etiam qui in eorum numero erant, baptizatos fuisse, sic legitur, 1. Cor. 1. & Acto. 16. Denique videtur planè Dominus pueris baptisimi gratiam concedere, cum de eis dicat Matt. 19. finite paruulos, & nolite eos prohibere ad me venire, taliù est enim regnũ cælorum: quos etiam amplexabatur, super quos manus imponebat, quos benedicebat, Mar. 9. & 10. Fuit quidem grauis Ecclesiæ catholicæ controuersia cum quibusdam nouatoribus præsertim ætate D. Augustini, sed tandem antiqua sententia de baptizandis paruulis retenta est ex Apostolorum diuina traditione, vt obseruauimus ad art. 1. & 2. huius q. huius verò traditionis testes sunt, omnes fere Patres veteres, vt constat ex D. Cypriano, epi. 59. de pueris baptizandis, & ad eandem annotatione Pamelij, nu. 5. quæ testimonia aliorum continet: constat etiam ex D. August. confessione, lib. 3. cap. 3. & ex Hieronymiana eodem Tom. & cap. 3. Concil. Mileuitan. can. 2. Africanò, can. 77. Lateranen. sub Innocent. III. can. 1. Trident. sess. 5. canon. 4.

2. Qui verò baptismum paruulis negant, quod credere non possint, & sine fide impossibile sit placere Deo, hi profecto insipienter impudètes sunt, quasi Ecclesia, quæ eis baptismũ administrat, ignoret, eos aliena fide offerri ad baptismum, ex præcepto diuino; & fidem diuinitus infusam in baptismo accipere, vt cum adoleuerint, credere possint sicut oportet. Ratione autè huius fidei infusæ, inter fideles numerantur, & quatenus baptizantur credere dicuntur, ex D. Augustino, lib. 1. de peccat. merit. c. 20. & 27. & 33. & hanc vocat consuetudinẽ Ecclesiæ canonicam & fundatissimã ferm. 14. de verb. apostoli. itaque vt adulti fideles vocantur, mentis assensu, ita paruuli fidei sacramentum percipiendo, epist. 23. ad Bonifacium, consentaneum est enim, vt sicut parentum peccato polluti sunt, sic parentum fide purgentur, corpus mortis in primis parètibz generauit eos peccatores, spiritus vitæ in posterioribus parentibus re generauit eos fideles.

3. Ad eandem sententiã & rationem de paruulorum baptismo, expendendus est baptismus amentiu & furiosorum. Si enim

numquam rationis vsum habuerunt, eos in fide Ecclesiæ, vt pueros, Ecclesiæ consuetudo & autoritas baptizandos admonet, qui aliquo tempore habuerunt vel habent vsum rationis, secundum eam intentionẽ baptizentur, quam habent vel habuerunt tempore, quò suæ mētis compotes fuerunt. itaque si in discrimine vitæ versentur, & antequam furere inciperent, voluntatis suscipiendi baptismum, significationem dederunt, abluendi sunt: sin minus à baptismo abstinendum est. idem iudicium sit de dormientibus. horum nulla ratio alia est, quã fuit puerorum: in omnibus enim rationis nullus est vsum: & ideo Ecclesiæ consuetudinem; quæ eisdem baptismum administrat, sequi oportet.

4. Sed de pueris nondum in lucem editis, quos secunda parte conclusionis comprehendimus, constat baptismò non esse tingendos, tum ex his, quæ disseruimus de eisdem ad artic. 1. & 2. huius quæst. tum etiã, quia vt inquit August. epi. 57. nemo renascitur, quod est propriũ baptismi, nisi prius nascatur. Sic etiam concludere licet ex eodem, lib. 6. cõtra Iulianum, cap. 5. puer adhuc vterò conclusus nec abluatur, si mater abluatur: quia animam abluendam à sordibus peccati distinctam habet: nec ipse per se abluipotest: non ergo baptizari potest nisi in lucem editus, cum baptismus, abluitione corpus contingente, necessariò perficiatur. An verò liceat inciso vterò matris, puerũ, vt baptizetur, extrahere, vel emissam aliquam partem baptizare, D. Thom. in responsionibus ad argumenta apertè expressit.

Pueri nondum in lucem editi non sunt baptizandi.

Disputatio de filiorum baptismo, inuitis parentibus infidelibus.

5. **M**Aior autem & valde difficilis, Theologorum inter ipsos, controuersia est, de pueris Iudeorum vel aliorum infidelium, inuitis parentibus baptizandis. nos autem censemus cum D. Thom. huiusmodi filios infidelium, habentes quidẽ vsum rationis, inuitis parètibz, ad fidẽ & baptismum induci posse: non habentes autẽ, induci non posse. Primi ratio est: quia in his, quæ sunt diuini iuris & naturalis, filius ratione vtens, in sua est, & non alterius potestate; potest ergo fidem Christianam

Paruuli in baptismo quomodo credant.

4p. encl.

De baptismo amentium & dormientium.

nam

Comment. in D. Thom. tert. part.

nam & baptismum suscipere etiam inuitis parentibus, quod hæc sint diuini iuris. sic etiam filij cōtrahere possunt matrimoniū, inuitis parentibus: quia contrahendi potestas est iuris naturalis. Sic de omnibus Iudeis Toletan. 4. Concil. & habetur de consec. d. 4. precipit, nemini deinceps ad credendum vim inferri: cui enim Deus vult miseretur, & quem vult indurat. non enim tales inuiti saluandi sunt, sed volentes, vt integra sit forma iustitiæ. sicut enim homo propria arbitrij libertate, serpenti obediens perit, sic vocante se gratia Dei, propriæ mentis conuersione credendo saluatur. Secundi ratio sit, quia inuitis parentibus puerum baptizare, est contra ius naturæ, quæ ipsis filios subiicit, quandiu per naturam suę mentis potestatem, & vsum non habent: non licet autem ius naturæ violare, præsertim quod valde verendum esset, ne repugnantibus parentibus baptizati, ipsorum familiari & frequenti adhortatione, ad infidelitatem & patrium cultum reuerterentur. itaque firmamentum huius sententiæ, est ius patriæ potestatis in filios, nondum suę mentis potestatem habentes. fidelium autem filios, potest & debet Ecclesia, etiā inuitis parentibus baptizare, quia in parentes & res eorum vim habet coactiuam & coercionē. omnia hæc confirmat Ecclesiæ consuetudo, quæ priores illos filios non baptizat, hos vero posteriores fidelium baptizat. illud vero omnibus certissimum est, baptismum paruulorum siue parentes consentiant, siue repugnent, ratum esse & firmum, quia nihil deest ad essentiam sacramenti: sed illis inuitis non rectè administrari, quod ipsis fiat iniuria, contendimus.

6. Hanc sententiam semper defendit & tuetur D. Thom. & eius sectatores doctissimi, 4. sentent. dist. 5. Capreol. Caiet. in comment. Dominicus Soto quondam præceptor meus, non sine honoris præfatione nominandus, Paludanus præterea, Marfil. 4. q. 4. art. 4. dubio 2. Ricar. 4. d. 6. ar. & q. 3. hoc dilemmate eandem sententiam sic concludit: aut enim paruuli inuitis parentibus infidelibus baptizati, eisdem restituerentur educandi aut non: si primum, eos proculdubio periculo apostasię exponeremus: si secundum, fieret iniuria parentibus, quorum est iure naturali patria potestas in filios, quamdiu sui iuris non sunt: non sunt ergo inuitis parentibus baptizandi. Eadem ra-

tionis progressio fuit semper in D. Tho. cui ostendisset enim. 2. 2. q. 10. art. 8. nullum adultę etatis ad fidem suscipiendam compellendum esse, deinceps art. 10. eiusdem quidem plane de baptismo paruulorum parentibus infidelibus inuitis, cōcludit, quod hoc loco conclusam ostendimus. vt ex omnibus colligeretur, nullum adultū, aut paruulum parente inuito infideli, ad fidem vel fidei sacramentum, cogendum esse. plerisque aliis Theologis hæc sententia non placet: imo verò affirmant, si non à priuata persona, saltem à principe potestatem in repub. habente, ad baptismum adducendos esse paruulos, inuitis etiam parentibus infidelibus.

7. Quin etiam Scotus 4. d. 4. q. 9. quem sequitur Gab. ead. d. q. 2. dubio 5. ad eundem principem pertinere, non tantum filios infidelium parentum sibi subditorum, eisdem inuitis baptizandos curare, sed etiam parētes ad suscipiendum baptismum cogere, & susceptum tueri & conseruare: adhibita tamen diligenti cautione, ne parētes odio religionis Christianæ, præuidentes hoc futurum, filios occiderent: & vt religiosè educarentur, à parentum cura & institutione separati: non tantum, inquit, hoc religiosè princeps Christianus faciendum curaret, sed etiam studio religionis propagandę teneretur. Rationem primi colligit ex argumento 3. huius art. & D. August. homil. 6. de verb. dom. in omnibus enim potestatibus, quæ ordine continentur & legitima dispositione, inferioris præceptum repugnante superiori, non obligat, cum potius inferioris inter sit, subiectos ad obedientiam superioris compellere. vinculum igitur, & ius patriæ potestatis, nullam vim habet in his, quæ præceptis Dei summi principis & Domini repugnant: cuiusmodi est præceptū de paruulis baptizandis, vt supra ostendimus. Ratio secundi hæc est, ex duobus malis, quod min⁹ est, eligi oportet, si alterutrum eligere sit necesse, quia minus malum, in hoc discrimine, boni rationem habet: minus autē malum est, nō posse per coactionem, infidelitatem & sectam retinere, quā sine villo metu in ea perseverare: expediret igitur non solum filios infidelium baptismum abluere, sed etiam parētes inuitos, & repugnantes. præsertim cum sperandum esset, his omnibus religiosè institutis & educatis, quod eorum posterius in tertia aut quarta

D. Tho. sententia, & firmamentum, de baptismo paruulorum inuitis parentibus infidelibus

Senti sententia

Firmamenta eiusdem

libro 94

quarta progenie, verè & ex animo fideles essent: ideoque olim in Concilio Toletano, 4. Sisebutum Regem religiosissimum à Patribus Concilij vocatum esse, quòd Iudæos inuitos, & eorū filios, ad suscipiendū baptismum compulisset. Ex hac Scoti deductione constat. eius sententiam tantum intelligendam esse, de principe Christiano, cui infideles subiecti sint: cum tota nitatur coactiua potestate eiusdem principis: vt obseruauit doctissimus Pater Fraciscus Victoria, primus apud nostros D. Thomæ clarissimus interpres, & defensor, in relectione de Indis priori, propositione 6.

8 Duran. 4. d. 4. q. 6. primò quidem censet, adultos nullo modo: minis aut pœnis, ad fidem aut baptismum compellendos esse, sed potius persuasionibus & doctrina alliciendos: vt colligunt Patres ex illo præcepto Domini, docete omnes, & baptizate, Matth. vlt. vt doctrina baptismum præcedat: quia fieri non potest vt corpus recipiat baptismi sacramentum, nisi anima antè fidei veritatem susceperit. Qui autem fidem susceperint aut baptismum, compellendi sunt, vt opere compleat, quæ promissæ sunt. Hoc etiam D. Thom. docet, 2. 2. q. 10. art. 8. affirmans infideles negatiue, aut contradictoriè, qui fidem nostram nunquam susceperunt, ad suscipiendam non esse cogendos: infideles verò contrariè, vt hæreticos & apostatas, cogendos esse. quare Duran. hætenus de adultis cū D. Thoma conuenit, & dissentit ab Scoto, quatenus pium & religiosum esse putat, adultos ad fidem & baptismum suscipiendum compellere.

9 Sed de paruulis Duran. non simpliciter & absolutè, vt D. Thom. definit, sed potius sic esse distinguendū censet. aut enim hi paruuli & eorum parentes infideles, separati sunt à dominio & conuersatione fidelium, aut eisdem subiecti. Si primum, vt fuerunt olim Sarraceni Granatenfes, non licet res eorum aut filios, dominis aut parētibus inuitis, vel auferre, vel ad baptismum compellere: constat enim iure naturali & diuino prohibitum esse nobis, res alienas deliberato animo concupiscere: tantum abest vt inuitis dominis vsurpare liceat. De iure autem belli iusti, quo victi res, victoris dominio subiiciuntur, alia ratio est. quod si secundum contingat, vt scilicet infideles fidelibus pareant, & subiecti sint,

vel vt bello iusto capti, serui sunt, vel liberi: vt apud nos, mercatores infideles commercia exercent: de liberis quidem, idem est omnino iudicium, atque de omnino se paratis à consortio & dominio fidelium: cum infideles liberi, veri sint rerum suarū domini: & qui eorū res, ipsis inuitis, auferret, crimine furti teneretur: neque licet de raptis & furto sublati, Deo aliquid offerre: quare neque filium paruulum inuito parente infideli, baptismum & religioni Christianæ dicare.

10. Quod si infideles sint fidelium serui vt Iudæi, est inquit Duran. quorundam sententia, non esse eos inuitis parentibus baptizandos: quia in his, quæ sunt naturalis & diuini iuris, non sunt serui, sed sui iuris: & ideo ratione seruitutis non possent filij, contra ius patriæ potestatis, parentibus inuitis baptizari. Sed hæc ratio valet in adultis, quòd non sint cogendi ad ea, quæ sunt diuini iuris, addit Duran. de paruulis autem carentibus vsu rationis censet, non esse baptizandos quandiu manent sub cura parentum infidelium, propter periculū apostasiæ, vt supra ostendimus. Subtractos vero à parentum cura & institutione huiusmodi seruos per venditionem, baptizari posse affirmat, sed nō expedire. Primum confirmat, quia neque pueris fit iniuria, sed potius magnum illis confertur beneficiū: neque parentibus: cum separati à parentibus filij per venditionem, transeant in curam & tutelam dominorū, à quibus proinde baptizari possunt, amisso iā iure patriæ potestatis, filiis peregrè profectis, quod ius erat impedimentum baptismi suscipiēdo. Ratio secundi est, tum quia vis inferri videretur parētibus ad credendum: tum etiā quia facile pueri, cum adoleuerint, resisterent ab eo, quod ignoranter fecissent, & parentibus inuitis. ex quibus causis videtur Durando, inualuisse Ecclesiæ consuetudinem, de non baptizandis paruulis, parentibus infidelibus inuitis.

11. Ex his constat, cōsentire omnes Theologos cum D. Thoma in iure naturali patriæ potestatis, quod parentibus etiam infidelibus, erga liberos competit. dissentire autem Scotum & Durandum in filiorum baptismi, quatenus asserunt non obstante iure patriæ potestatis, inuitis parentibus baptizandos esse, sed ex diuersis principiis. Scotus quidem, quia abutantur suo iure in fi-

*Opiniones et
sensu.*

*Dissidii Scoti
& Durandi à
D. Th. ex di-
uersis princi-
piis, quæ resolu-
ntur D. Th. ad 1.
& 2. ar. 10.*

*Durandi sententia
de adultis
& paruulis.*

Comment in D. Thom. tert. part.

in filiorum perniciem : & ideo illo priuandos esse. Durandus autem, quia si serui sunt, iuste vendi possunt, & subtrahi à patria potestate, & ex consequenti baptizari inconfultis parentibus. Conueniunt autem Scotus & Durandus quatenus tantum loquuntur de filiis seruorum infidelium, ut supra de Scoto obseruauimus, & de Durando constat, ex firmamentis & distinctionibus suæ sententiæ hæctenus explicatis. Ad hæc opiniones reliquæ reuocari possunt : & ideo super uacaneum fuerit eas recensere, cum his ponderatis, reliquarum veritas aut falsitas omnino constabit.

12 Sed præter illas Theologorum scholasticorum, est recentior quædam sententia, quæ quodam modo cum illis consentit, quodammodo dissentit, & iccirco separatim & perse necessariò expendenda est. hæc affirmat neminem ad suscipiendam fidem & baptismum cogendū esse, in quo planè cum aliis consentit. Præterea asserit, infideles, qui fidem numquam susceperunt, si legem naturalem violent, posse bello & armis, si non sit alia via cōmodior, ad obseruationem legis naturalis compelli : & illis debellatis & victis, fidem esse annuntiandam, ut volentes eam suscipiant, & ad retinendam fidem susceptam & conseruandā, à fidei principe defendantur : itaque duo sunt in hac sententia, & violationem iuris naturalis, iusti belli causam esse : & ea causa victis, fidem esse annuntiandam, ut per illud bellum ad tranquillam & quietam Euangelij prædicationem perueniatur. Huius sententiæ autor est Genesius Sepulveda lib. 7. Polit. cap. 2. & Gregorius lupus iurecons. in commentariis legum regis Alphonsi, par. 2. titulo 23. l. 3. primum ex his, quatuor argumentis confirmatur.

13 Primò quidem : quia huiusmodi transgressores iuris naturalis, legibus in sua repressis, ne in eos animaduertatur, natura sunt serui, in quos bellum est suapte natura iustum, si non sit alia via commodior, ut in officio contineantur. ut si esset aliqua gens adeò barbara, ut peccata contra naturam, cades innocentium, in rebus turpibus non haberet, aut legibus & moribus non vindi caret, aut grauissima scelera, præsertim quæ natura detestatur, leuissimis pœnis puniret : quædam prorsus non puniendæ censeret, hæc inquam gens dicitur verè legibus statutis, ius naturale violare. Seruitu

tem autem naturalem philosophi vocant, insitam tarditatem & hebetudinem mentis, ad iudicandum quæ recta sint & honesta. Sic Arist. 1. Polit. c. 3. natura seruos vocat, homines ingenio tardissimos, corpore tamen validos ad obeunda munera necessaria. est alia seruitus aduentitia, non naturalis, vi, iure gentium aut ciuili inducta, ut cum bello capti, serui fiunt capiētis. in hos igitur natura seruos, iustum esse bellum affirmat Aristot. eodem lib. 1. cap. 5. cum scribit, venatoria facultate uti oportere, tū in beluas, tum in eos homines, qui cū sint ad parendum nati, & veluti facti & conformati, imperium tamen recusant. est enim huiusmodi bellum natura iustum. Probat etiam D. Thom. lib. 2. de regim. princ. c. 10. ex eodem lib. Aristotelis, quosdam homines esse natura seruos. Videtur consentire diuina Scriptura Prouerb. 11. cum ait, qui stultus est, seruiet sapienti. itaque homines natura serui, subiici debent magisterio, ratione & virtute instantium, ut ab eis in officio & virtute instantur : & hoc ipsis vtile est, ut deposita feritate, in honestum vitæ cultum redigantur. id vero imperium in docendo, si nolint recipere, bello secundum naturam cogi possunt. Hæc enim instituit, imperfecta perfectis, deteriora potioribus, ut vtrisque bene sit, obtemperare. sic materia formæ, corpus animæ, appetitus rectæ rationi secundum naturam subiectus esse debet. Sic ingenio ad virtutem tardi, corpore validi, iis, qui valēt ingenio, etiam si corpore sint imbecillo, subiecti esse debent. huius sententiæ hoc est primū ex ratione naturali argumentum : idque cōfirmat euangelica conuiuij parabola, Luc. 14. in qua compelluntur quidam in conuiuium intrare, quod videtur significare D. August. 23. q. 1. cap. paratus. quod si principis sic natura præstantis, ut meritò cæteri debeant ei parere, hæredes instituti, à parentis præstantia degenerent, & ideo non sint ad imperandum accominodati, quia neque ingenio, neque prudentia valent : tamen propter maiora mala, quæ orta seditione, excitarentur, si regnum paternum vel legitimi hæredes adire prohiberentur, in repub. ferendi sunt.

14 Alterum argumentum huius sententiæ, colligitur ex diuinæ scripturæ exemplis. legimus enim Leuit. 18. 20. Deute. 18. Dominum multis ærumnis afflixisse inco-

Natura seruus homo.

Seruitus hominis duplex naturalis, & aduentitia vel ciuilis.

Natura subiicitur imperfectis perfectis.

Sententia Genesii Sepulveda de infidelibus ad fidem & baptismum adducendis.

Barbari qui violent ius naturale legibus statutis.

*Dominus pu-
rit morte &
bello fidelium
& infidelium
grauia crimi-
na.*

las regionis, Patribus Iudeorum promissæ, quod idololatriæ dediti, humanas victimas immolarent. Exod. 32. præcipitur Leuitis, vt occiderent fratres, amicos & proximos, quia idola coluissent: & subiungit, consecratis hodie Domino manus vestras, vnus quisque in filio & fratre suo. idem legimus Sap. 12. Psalm. 105. 4. Reg. 16. & 17. ob eadē peccata traduntur Iudei in manus gentiū. Id verò non solum licere contra fideles, fidem suis sceleribus cõtaminantes, sed etiā aduersus infideles, qui nunquam fidem suscepunt, eisdem exemplis ostenditur, in quibus videmus, & gentes, & Iudeos ob eadem crimina punitos esse. quod si iuste eadem scelera morte puniuntur, certè puniuntur bonorum direptione, & publicatione, cum hæc sit mitior pœna. quod etiā verum esse colligitur ex D. Cypriano 23. quæst. cap. si audieris, & ex D. Ambrosio, eadem quæst. cap. remittuntur. itaque infideles, licet non sint propter infidelitatē debellandi, sunt tamen propter grauia crimina infidelitati adiuncta. Sic Iureconsulti cap. super his de voto, in quibus est Innocentius, asserunt satis esse causæ, ad delendū Paganos & Iudeos in iuris naturalis trāsgressionē: sed autore Pontif. Maximo. eisdem cõsentit Antonin. 3. part. titul. 22. cap. 5. §. 8. Siluester verb. Papa, §. 7. etenim vt inquit, D. Chrysost. in Matth. iniurias Dei neque vsque ad auditum perferre debemus exemplo Christi. & iterum, in propriis criminibus quemquam esse patientē laudabile est, iniurias autem Dei dissimulare, nimis est impium. præsertim cū principes laudentur, quod amicorum & propinquorum iniurias, etiam in externis gentibus bello persequantur, vt constat de Abrahamo, qui pœnas iniuriarum Loth suo cognato, & aliis amicis illatarum à quatuor regibus expetiuit: quanto magis vindicare oportet iniurias Deo à quocunque illatas. quin etiam D. August. lib. 4. de Ciuit. cap. 33. & lib. 5. cap. 12. 15. & 18. cū ostendisset regnorum constitutionē Dei esse, iuxta illud Prouerb. 8. per merces regnant, colligit duabus potissimum causis Imperium Romanis à Deo collatum esse, & quod patriam diligerent, legibus iustis sibi subiectos regerent, & quod bonis plerumque artibus, ad gloriam & honorem niterentur. & ideo, quæ ex parte in officio continebantur, receperunt merce-

dem suā: aut, inquit, est nobis occulta causa, & Deo tantum nota, qui plerumque regnare facit hominem hyppocritam. Sic ferè colligit D. Thom. ex August. lib. 3. de regim. princip. capitibus, 4. 5. & 6. Hactenus de secundo argumento huius sententiæ. 15. Tertium argumentum est: quia vt nō potest summus Pontif. Christianis legibus Paganos obligare: sic eius interest dare operam, si commodè fieri possit, vt Pagani ab idolorum cultu, ab impiis sectis, ad veram religionem & humanos mores traducantur. si enim de omnibus scriptum est Eccle. 17. vnicuique mandauit Deus de proximo suo: quid dicemus de Christi Vicario: ad quē pertinet ex omnibus gentibus Ecclesiam adunare, & amplificare, sic enim omnibus Apostolis præcepit Dominus, Matth. ult. Ite, docete omnes gentes, & quod in hæreticos licet, ex Aug. 23. q. 5. ad fidem stabilēdam, cur non etiam licebit in Paganos ad fidem propagandam?

Quartū argumentum est: ex lege naturæ & Euangelij, licet vnicuique repellere iniurias innocentibus illatas: à Paganis verò plerisque innocentes impuñè occiduntur, ad immolandum idolis, vt ab Indis Occidentalibus: licebit igitur etiam bello defendere huiusmodi innocentes, si non sit alia via commodior. qui enim nō repellit ab alio iniuriam, si potest, tam est in vitio, quàm qui facit, ex D. Ambrosio 23. quæst. 4. cap. non inferenda. Confirmauimus hactenus primam partem sententiæ propositæ: restat altera confirmanda, nempe huiusmodi bellum contra Paganos iuris naturalis violatores, accommodatum esse medium, vt bello pacatis Euangelium annuntietur. Ratio sit hæc: qui finem petit, eodem iure potest commodiora media eligere: recte autem principes Christiani hunc finem sibi proponunt, annuntiandi infidelibus Euangelium: tenentur igitur commodiora media eligere. ex his vero vnum esse videtur, vt prius bello, propter violationem iuris naturalis, debellantur, cum hoc bellum iustum esse ostenderimus: deinde debellatis, tutò fides annuntietur, vt impune possit vnusquisque ad fidem conuerti, & à principe Christiano ab infidelibus defendi, ad fidei susceptæ confirmationem. Varias opiniones, & opinionum argumenta proposuimus: quid verò ad dubitationem propositam

Ab innocentibus iniuria repellenda.

*Imperium cur
Romanis à
Deo cõcessum.*

Comment. in D. Thom. tert. part.

fitam respondendum sit, magis ad fidei principia & legem naturalem accommodare, subiectis sententiis & conclusionibus comprehendemus.

16 Prima conclusio: ex autoritate summi Pontif. Episcopi Romani, conceditur ministris legitima potestas ad prædicandum Euangelium etiam infidelibus. Sic aperte deducitur, ex illa sententia Matth. ult. Data est mihi omnis potestas in cælo & in terra: euntes ergo docete omnes gentes, Marc. ultimo, prædicare Euangelium omni creaturæ. Etenim si iure doceri possunt, quæ sunt naturalis iuris: cur non ea quæ sunt diuini? Vnde rectè bello coerceri possunt, prædicationem fidei impediētes, si non possint alia via ex D. Tho. 2.2.q.10.ar.8. Præterea, ut ad singulos Episcopos in sua diocesi pertinet Euangelij prædicatio, & providere ut eis legitime impeditis, viri potentes opere & sermone, ad prædicandum mittantur, ut definitum est in Concilio Lateranen. sub Innocent. III. Sic etiam ad Episcopum totius Ecclesiæ catholicæ spectat, ministros Euangelij ad prædicandum omnibus mittere. idem etiam, praxis & usus Ecclesiæ catholicæ, confirmat: cum semper à summis Pontif. huiusmodi ministri in omnes provincias, in omnibus historiis nisi legantur.

17 Secunda conclusio: exhortatione, doctrina & beneficiis, infideles ad suscipiendam fidem alliciendi, non autem vi aliqua aut coactione. Sic enim forma Euangelicæ prædicationis, Matth. 10. his verbis describitur: infirmos curate, mortuos suscite, leprosos mundate, dæmones eiicite, gratis accepistis, gratis date. Deinde præcipit, ut omnibus offerant pacem & regnum cælorum. in quem locum pro nostra sententia legendus est D. Hieron. & Chrysosto. homil. 34. quid autem agendum esset eisdem ministris, si infideles oblatam fidem reiecerint, statim admonuit Dominus, dicens: Si vos non audierint, exeuntes de domo vel ciuitate, excutite puluerem de pedibus vestris: amen dico vobis, tolerabilius erit in die iudicii terri Sodomorum & Gomorrhæorum, quàm illi ciuitati. Similiter Apostolus prædicatorē Euangelij armis spiritualibus instituit, ut fidei dogmata, ut sunt, sic appareant credibilia. inquit enim Ephes. 6. succincti lumbos mentis vestræ in veritate, & induti lo-

ricam iustitiæ: & quæ sequuntur omnium quidem fidelium communia, sed ad prædicationem Euangelij, ideo accommodata, quia sic concludit, vigilantes in omni instantia & obsecratione pro omnibus sanctis, & pro me, ut detur mihi sermo in aperitione oris mei cum fiducia, notum facere mysterium Euangelij, pro quo legatione fungor in catena, ita ut in ipso audeam, prout oportet me loqui. 1. Corint. 1. non in sapientia verbi, ne euacuetur crux Christi: ubi significat nullo modo confidendum esse in humana industria & potetia, & quantum huius confidentiæ fumitur, tantum de virtute Euangelij & crucis detrahi. fuit enim hoc diuinum consiliū in annuntiatione Euangelij, ut eod. c. 1. his verbis exprimitur, quæ stulta sunt mudi, elegit Deus, ut confundat sapientes: & infirma mundi elegit Deus, ut confundat fortia: & ignobilia mudi & contemptibilia elegit Deus, & ea quæ non sunt, ut ea quæ sunt, destrueret, ut non gloriaretur omnis caro in conspectu Dei. postrema verba ponderanda sunt: quibus significat Dñs gloriā Euangelicæ prædicationis ex solo Deo pendere, non ex humanis viribus. Præterea, annuntiatio Euangelij, quæ est de aduentu Christi, ut Saluatoris, non consentit cū iudicis aut debellatoris potentia, imò verò eisdē maximè repugnat. Non enim misit Deus filium suum [in primo scilicet aduentu] ut iudicaret mundū, sed ut saluaret mundus per ipsum. Luc. 9. cū Samaritani Christū in suam ciuitatē non admitterent, dixerunt discipuli, Dñe, vis dicimus, ut ignis descendat de cælo, & consummat illos. & conuersus increpauit illos dicens: nescitis cuius spiritus estis: filius hominis non venit animas perdere, sed saluare. 18 Consentiunt Patrū testimonia, Dion. Areop. ep. ad Demophilū, sacratissimus inquit noster institutor, in mansuetudine docēdos admonuit eos, qui doctrinæ Dei aduerfarentur. doceri quippe ignaros decet, non suppliciis affici: sicut & cecos non cruciamus, sed ad manū ducimus. D. Greg. lib. 1. ep. 45. & lib. 2. ep. 52. & D. Ambro. ad illud Luc. 10. nolite portare sacculū neque perā, neque virgā: quia virga, inquit, est perferendæ potestatis insigne, & vliscendi instrumentum doloris: & eos misit ad seminandam fidem, qui non cogerent, sed docerēt: nec vim potestatis exercerent, sed doctrinam humilitatis attollerent. Præ-

Euangelij prædicandi auctoritas à summo Pontifice.

Prædicationis Euangelicæ forma.

Eadem prædicatione omnibus viribus humanis destituta, solo Deo nititur.

Nemo ad fidem suscipiendam, vel fidei sacramentum cogendus est.

Præterea

terea c. qui sincera d. 45. Toletan. 4. c. 55. præcipit concilium nemini deinceps vim inferri ad credendum, vt ostenditur fieri oportere. 2. 2. q. 10. art. 8. fidei enim persuasio, quæ euidentia intellectum conuincere non potest, voluntatis propensione adiuvanda est: facit ergo contra fidei naturam, qui ad credendum cogit, vel ad suscipiendum fidei sacramentum. Mahumetana perfidia proprium est armis defendi, prædicari & propagari. quare non video, qua modo cum hac Patrum sententia, quam ex sancta scriptura colligunt, conuenire vlllo modo possit illorum theologorū opinio, qui adultos ad fidem suscipiendā & baptismum, compelli posse asseruerūt: ex quibus Scotum fuisse supra ostēdimus. 19. Tertia conclusio, principes Christiani, etiam auctoritate summi Pontif. nō possunt armis coercere infideles a peccatis contra naturam: quasi hoc bellum esset accommodatum medium, ad prædicandum illis deuictis Euangelium. Ratio primæ p. sit, quia summus Pontif. non habet in huiusmodi infideles, qui nunquam fidem susceperunt, vllam iurisdictionem, aut potestatem spiritualement, nisi potentia tantum, atq; ad prædicandum Euangelium, vt in ouile Christi suapte sponte, vt antè ostendimus, adducantur: non habet igitur vllam in eosdem temporalem potestatem, sine qua delicta iuste punire non potest. neq; eam vnam, vt summus Pontif. habet, nisi relatā ad spiritualement, vt ostenditur 2. 2. q. 1. art. 10. & explicauit Turrecr. lib. 2. de Ecclesia c. 113. & 114. Victoria relect. prima de Indis numero 27. Domin. Sot. lib. 4. de Iustit. q. 4. art. 1. idem etiam videtur significare Paulus 1. Corinth. 5. cum ait, quid mihi de his, qui foris sunt, iudicare? Ratio secundæ p. sit, quia illud bellum iustum nulla ratione esse potest: etenim si peccata contra naturam dicantur, quia rectæ rationi repugnant, esset etiam bellum iustum propter punitionem homicidij, fornicationis, & aliorum omnium, quæ rectæ rationi aduersantur: quod tamen nulla ratione licet, nisi auctoritate principis, & propter bonum commune. 2. 2. q. 40. art. 1. si autem illa peccata dicantur contra naturam, quod non solum rectæ rationi repugnant: sed etiam ordinē naturalem inuertant: de quibus Apostolus Rom. 1. 2. Cor. 2. & D. Thom. 2. 2. q. 154. art. 11. & 12. certe ad illa tantum puniendā

bellum iuste geri non potest, cum sint alia grauiora, ad quorum punitionem bellum non est accommodatum medium, vt homicidium, blasphemia, sic concludit Victoria eadem relect. prima de Indis num. 40. Præterea, si finis huius belli, nēpe fidei prædicatio, coactionem & vim suapte natura non admittit, quia credere volentis est, vt paulo antè ostendimus: profectō neque in mediis coactionem esse oportet, vt cum fine consentiant: quare neq; bellum, valde enim mirabile est, eum bello premi posse, quem ad fidem suscipiendam cogere non possis, & id bellum ad fidem annuntiandā accommodatum videri. quinimo hac ratione fides & religio Christiana, inuidiæ & odio infidelium plane exponeretur, quasi occasione illius liceat eos libertate & dominio priuare, præsertim cum infidelitas negatiua nullum sit peccatū. 2. 2. q. 10. art. 1. Deniq; si non licet Christianis etiam auctoritate Papæ, fidelibus aliis inferre bellum, quod sint peccatis etiam contra naturam implicati: certè neq; licebit inferre infidelibus: præsertim cum illorum peccata grauiora sint. 2. 2. q. 10. artic. 3. ad 3. etenim ad vsum iustitiæ vindicatiuæ, non satis est crimen esse dignum supplicio, sed præterea oportet, ab eo decerni supplicium, qui habeat legitimam potestatem & iurisdictionem. quod si Papa legibus latis infideles obligare non potest, qua ratione in eos poterit iudicia & poenas decernere, & ipsi parere tenentur iudicio illius? cum potestas in fideles Christi, sit actu, in infideles autē, sit habitu & potentia, vt loquitur & explicat D. Thom. 3. p. q. 8. art. 3. ad 1. habuit quidem Christus vt homo, potestatem in omnes, iuxta illud Matth. vltimo, data est mihi omnis potestas in celo & in terra: eam tamen non exercuit actu in omnes, sed in fideles, & in eosdem exercendam suo vicario commisit. in extremo tamen iudicio exercebit in omnes, etiam inuitos & repugnantes, sicut scriptum est 1. Cor. 15. deinde finis, cum tradiderit regnum Deo & Patri, cum euacuauerit omnem principatum & virtutem & potestatem, oportet autem illum regnare, donec ponat omnes inimicos sub pedibus eius. Sed quamuis bellum non sit accommodatum medium ad fidei prædicationem: licet tamen, & iustum est, aduersus impedientes fidei progressum, & annuntiationem,

Bellum nō est accommodatū medium, ad fidei prædicationem.

Summi pontif. potestas in infideles.

*Bellum contra
impedientes fi-
dei progressum*

*In fideles sepa-
randi à confor-
tione fidelium.*

*Bellum contra
infideles pro
pter quod pecca-
ta iustum est.*

*Vlt. relect. 2.
de Indis no. 15.*

Ex D. Tho. 2. 2. q. 10. arti. 8. vt enim summi Potif. est, doctores fidei in omnes infideles ad eiusdē annuntiationem mittere, quā ratione regibus Hispan. Indos attribuit: sic etiā quo iure fides annuntiari potest, poterunt etiā coerceri impedientes fidei prædicationē etiam bello, si nō sit alia via cōmodior, & inde scandalū non oriatur cōtra fidei dignitatē. sic olim Euaristus. Papa instituit, vt septē diaconi defenderent Episcopum prædicantē, quorum defensio, vt constat, violenta esse nō potuit, quia diaconorum. eadē etiam ratione, infideles à consortio & cōuictu fidelium expelluntur à principibus Christianis, vt olim Iudei ab Hispania & Gallia expulsi sunt, & Mahumetani Granatēses à Regibus catholicis Ferdinando & Elisabetha, quod eorū consuetudine & illicitis contractibus fidei progressus, & sanctitas Christianorū perturbaretur. vnde in Cōc. Tolet. 6. can. 3. sic definitū est, futurus olim princeps, nō antē assumat regiā dignitatē, quā inter reliqua conditionū sacramenta polliceatur, nullū non catholicū permittē in regno suo degere. cuius promissi, si temerator extiterit, sit anathema maranatha. non catholicū pro infideli vsurpauit, qui vel nunquā fidē admisit, vel admisa deseruit, similiter prohibetur fidelibus habitatio cū Iudæis cū Iudæis de Iudæis & Clement. vnica de eisdem.

21. Quarta conclusio. licet fidelibus bello premere, præcedēte correptione & admonitione, infideles, ob violatā legem naturæ impetnitiem innocentium & proximorum, vt eos, qui diis suis homines immolant, vel carnibus humanis vescūtur: donec tamen liberentur innocētes iniuste oppressi, neq; deinceps ad aliorū iniuriam, vel prouincię, aut regionis deuastationē progressio fiat. itaq; ob hanc causam infideles debellari possunt, & iure belli opprimēdi sunt, si aliarum rationes & media ad illa mala propulsanda satis non sint. sic apertē Prouerb. 24. eos qui ducūtur ad mortem erue, & qui trahūtur ad interitū, liberare ne cesses. hinc enim dogma illud catholicū, & vice prouerbij receptum, vnicuiq; mandauit Deus de proximo suo, vbi scilicet cōmodē liberari potest ab imminētī malo. Deo autem immolare hominē, & vesci carne humana esse contra legem diuinā & naturalem ostēdit Victor. relect. de Tēp. à num. 5. D. Th. 2. 2. q. 142. arti. 4. ad 3. & q. 88. arti. 2. 2. Aug. li. 7. iudic. c. 49.

22. His omnibus, ad perfectionē doctrinę, necessariō coniuncta est explicatio causarum iusti belli gerēdi, aduersus infideles negatiuē. videntur autē huiusmodi esse, iuris gentium violatio, vinculum societatis & amicitie, impedita Euāgelij prædicatio, vel cōuersio ad fidē illius, compulsiō eorum qui eandē susceperunt ad defectionem: de quibus singillatim dicendū nobis est. prima igitur causa latissimē patet, cū iuris gentium plura sint capita, sed in proposito argumēto exemplū sit de iis, quę incolis & peregrinis cōmunia sunt, vt cōmercia, hospitia, conuictus: si enim fideles, ab infidelibus sine legitima causa, ad hæc non admittantur, possunt se bello defendere, donec pacifcantur de pace, securo cōmercio & conuictu: præsidia etiā & arces ad defensionem construere, oppida demoliri, & incolas sibi subiicere. etenim si ex his causis, ad propulsandam iniuriam, iustē aduersus fideles bellū geritur auctoritate principis 2. 2. q. 40. arti. 1. cur etiā aduersus infideles nō geratur, nulla potest iusta ratio subesse. Altera causa societatis & amicitie, effecit vt Romanorum pro scederatis iusta bella fuerint, & Abrahami pro sociis, cognatis & vicinis, Gen. 14. Caiet. ad eundem quæst. 40. arti. 1. Nam si infideles inter se belligerentur, qui ex iis iniuriam patiuntur, possunt in suum auxilium Christianos aduocare, & cū illis præmia & iura victorię communicare. in his autem omnibus cauendum est, ne dolo malo aliquid fiat, & fictæ belli causę pro veris accipiantur. hic tamen retinenda est illa sententia Apostoli, non omnia, quę licent, expediunt. fieri enim potest, vt ad vitandū, aut sedandū ortum scandalū, vt de religione nostra pie sentiāt infideles, vt facilius persuaderi possint, & ad credendū inducantur, expediat magis nō vt iure belli inferendi, sed alia cōmodiori ratione ad suscipiendū Euāgelium deducere. quod si aliqui ad fidē cōuersi sint, etiam metu & minis quodammodo impulsī, ij ad fideliter retinēdū, quod susceperunt, compellendi sunt, nequa religioni & sacramentis eius iniuria fiat. sic definitum est Tolet. 4. can. 55. & Tolet. 8. can. 7. baptisma, inquit, à nolentibus, vel nescientibus susceptū prophāari non debet. sic etiā in Maguntiacō sancitū est, vt iniuste tonsi in clero permāneant. quod si bona aliqua infidelium pars ad fidē nostram sponte cōuersa sit,

*Causa iusti belli
aduersus infideles negatiuē.*

fit, possunt defendi à principe fideli, & potest summus Pont. si expedire viderit, principem fidelem illis præficere, cum eius inter sit fidem amplificare, defendere & tueri, & ad eam rem, quos meliores existimauerit, ministros eligere. sic enim Innocentius III. Regi Portugalliæ segni & desidi in regni administratione adiutorem dedit comitem Bologniensem regis fratrem, ad regni utilitatem, Ecclesiarum defensionem, monasteriorum, & personarum Ecclesiasticarum. c. Grandi de suplen. negl. prælat. in 6. & Gregorius VIII. lib. 8. ep. reg. ep. 2. r. ad Metensem Episcopum Zachariam Romanum Pontif. regem Francorum Childe ricum à regno deposuisse, nō tam pro suis iniquitatibus, quā quod tantæ potestati esset inutilis, & Pipinum Caroli Magni Imperatoris patrem in eius locū substituisse. 16. q. 6. c. alius, Turrerecr. in summa Ecclesiæ lib. 2. c. 114. Sed in hac dominorum & principum mutatione cauendū est, ne vel seditio reip. cedes, aut alia maiora mala, vt fidei odium & detestatio, sacramentorum prophanatio inde excitentur & consequantur.

23. Tertia causa iusti belli gerendi aduersus eosdem infideles negatiuè, est spontanea reip. subiectio, modò ne fiat iniuria legitimo principi, quæ ex iustis causis repellere licet, vt ostendit doctissimus Sot. lib. 4. de Iustit. q. 4. art. 1. sic enim resp. potest cui velit, se subiicere, & is armis & bello eam tueri & defendere, si non sit alia ineundæ pacis commodior ratio. Quarta etiam causa subiiciendi eosdem infideles, sed iam ad fidem conuersos, est administrata illis prædicatio Evangelij, si enim ductu, auspiciis, sumptibus regis alicuius fidelis, gēs aliqua infidelis, ad fidem adducta sit, tenebitur ad compensanda beneficia suscepta, tributis illi pendere, saluis tamen & integris legiti mis eorum dominiis. quod si gens eadē, à fide & religione suscepta, ex animi quadam leuitate deficere solet, legitimum est vt principi fideli, qui eam compellat ad retinendam fidem susceptam, subiiciantur, deficiente præsertim hærede regis natiui, aut eo inepto ad defensionem fidei, vt ante diximus, fieri posse autoritate summi Pontif. & affirmat doctissimus Victoria ad finem posterioris relectionis de Indis, vnde necessario efficitur, eos principes, quibus à sum. Pontif. commissa est Evangelij prædi-

Principii obli-
gatio in prædi-
canda fide infi-
delibus.

catio, in his regionibus infidelium, omni- nō ex munere sibi iniuncto & diuino præcepto teneri ad obseruationem eorū, quæ diximus necessaria, ad legitimam Euange lij prædicationem, nempe vt eam fieri procurent per viros doctos & pios, potentes opere & sermone, qui doctrina, exemplo, & moribus eos ad fidem conuenienti & accommodata ratione deducant. ab illis præterea ea tantū accipiant, quæ ad prædicationis munus rectè exequendum, & vitæ indigentiam fuerint necessaria, bona nō diripiant, neq; ab inuitis vllō modò aufe- rant: neq; bellum aduersus eos, nisi ex ius- tis causis propositis geratur. hi enim sunt veri Domini rerum suarum, nemini ferè iniuriam inferunt, nisi vel propulsando. si- bi illatā, vel lacerati prius maximis & gra- uissimis rerum suarum incommodis. vnde quæ ab his fortè ablatata sunt iure belli iniusti, & sine legitima principis autoritate, ea sanè iniuste cōparata sunt, & restitutio- ni obnoxia sunt: permutationes etiam re- rum cum malo dolo & fraude, verum do- minium non transferunt. rectè enim docet D. Thom. iure belli, nisi iustum sit, victos in seruitutem redigi non posse, neque eorū bona auferri. 2. 2. q. 40. ad eandem vero re- stitutionem & ij tenentur, qui ad hæc bel- la iniusta bellicos apparatus aduexerunt: qui opera & labore infidelium, aut capti- uorum in bello iniusto sine iusta mercedis retributione abusi sunt: qui ab illis plura exegerunt, quā essent regia & principis autoritate, concessa. quæ verò ab his recēs conuersis accepta sunt, vel ratione doctri- næ, vel gubernationis, vel administrationis sacramentorum, ea iustissimè accepta sunt, & comparata, & illi tenentur ad hæc eadē iudiciis & Parochis exhibenda. sed de his satis dictum sit.

Restitutioni ob-
noxia in bello
iniusto.

24. Quinta conclusio; pueri infidelium non sunt inuitis parentibus, tutoribus, aut curatoribus baptizandi, nisi ratione serui- tutis venditi omninō remoueantur à cura parentum, sine vlla spe ad illos redeundi. sic D. Thom. concludit ex iure naturali pa- triæ potestatis, 2. 2. q. 10. art. 12. statutum est enim à Deo, vt filij, antequam ratione vtan- tur, cura & administratione parentum gu- bernentur, etiam in his, quæ ad Deum per- tinent: vt Deus naturæ voluerit, filios à pa- rentibus ad veram religionem & cultum Dei deduci. qui autem inuitis parentibus

Filij inuitis pa-
rentibus nō ba-
ptizandi.

Comment.in D Thom.tert.part.

filios baptismo consecrat, violat hoc ius naturale: quod sanè nulla ratione licet: quare cum non sint facienda mala, vt inde veniat bona: non licebit sanè filios inuitis parentibus baptizare. constat enim, & ordinè gratiæ, cum naturæ ordine consentire, quia gratia perficit, non tollit, aut violat naturam: & ideo ad conferendâ gratiam per baptismû, non est violandum ius naturale patriæ potestatis. sic etiam apud Romanos, filius non solû erat in patris potestate, sed etiam eadem sacra colebat l.vlt. C. de inoff. test. & l.vlt. §. vlt. C. de bon. quæ lib. de auis autè, at auis, tutoribus, curatoribus eadem ratio est, quia parètibz succedunt in paruulorum institutione & gubernatione: quâuis maior parentibus, quâ his fieret iniuria, in violatione iuris patriæ potestatis. tutor enim & curator curam habent bonorû & morû pupilli l. in copulandis C. de nupt. l. cû in plures §. cû tutor ff. de administr. tutor. & instit. de Attiliano tutore. §. impubes in tutela esse naturali, iure conueniens est, vt is qui perfectæ ætatis non sit, alterius tutela regatur. idem est ius curatoris, instit. de curator. de filiis autem seruorum infidelium eadè ratio est, quia ciuili seruitus ius illud naturale paternû tollere non potest. sed de venditis filiis, & à cura parentû abductis, sine redeundi ad eosdem spe, idem omninò censendum est, atq; de iis, qui nō sunt parentibus subiecti, neq; sub patria potestate. consentit hoc cû iure ciuili, nam instit. quib. mod. ius pat. pot. soluat. §. si ab hostibus captus fuerit parens, & apud eos decesserit, exinde ex quo captus est, filius sui iuris esse videtur, l. in bello. §. si quis. ff. de capt. & postlim. reu. & l. §. eod. tit. §. in pace. filios etiam Iudæorum in seruis numerari apud antiquos constat. Nam in. c. etsi Iudæos extra de Iud. & Sarracen. Iudæi sunt serui Christianorum, & res eorum in dominorum potestate: sed nunc eorû perfidia seruitutem non inducit apud Christianos, & eorum liberi parentibus subiecti sunt, & in eos ius patriæ potestatis exercet. quòd si alter parentum ad fidem conuertatur, filius eidem educandus in eadem fide traditur: sic enim definitum est, de patre quidem c. ex literis de cōuers. infid. de matre autem 18. q. 1. c. Iudæi ex conc. Tol. 4. c. 62. quod vero c. 39. eiusdem definitur, filios, aut filias à consortio parentum Iudæorum separandos esse, id sanè de filiis

adultis & fidelibus intelligendû est: addit enim, ne parentum vltà inuoluantur erroribus: quod sanè, nisi de fidelibus intelligi non potest.

25 Deinceps argumèta diuersarum sententiarum refellenda sunt, Scoti, Durandi & terciæ illius sententiæ recentioris. Scoti quidem, quia ad fidem nulla coactio legitima & iusta esse potest, vt ostendimus. de inde ratio illa inferioris & superioris Domini, tunc vera est, cû superiori parendû est, etiam repugnâte inferiori: cû autem superior statuit potestatem inferioris, neque eam vllo modo violari vult, sed ea salua, sibi obtemperari, ratio Scoti nihil omninò efficit, sic autem est in proposito. vult enim Deus, homines ratione vtentes & adultos, ad fidem accedere per actionem propriam diuinæ vocationi consentientē: paruulos autem parentû directione, cû illis eorum vita & salus commissa sit. quare si Deus ordinem hunc naturæ, per gratiam aboleri non vult, sed perfici: certe nō licet violato iure naturali patriæ potestatis, filios inuitis parentibus baptizari. In Durandi sententia, si rectè omnia expendantur, nihil est quod D. Thomæ meritò repugnare dicatur. hic enim perse, & quod frequentius accidit, vt oportet in morali doctrina, definiuit, filios scilicet à patria potestate separandos non esse, vt baptizentur, quia naturale ius violaretur: ille autem, quod aliquando accidere potest considerauit, in filiis nempè infidelium seruorum, quos à parentibus separare per venditionem nō est contra ius naturale. quare in his duabus sententiis diuersitas quædam esse videtur, sed nulla repugnantiâ.

26 Ad primum argumentum terciæ sententiæ, quæ est Sepuluedæ & aliorum, fate mur quidem esse quosdam homines natura seruos, & ad parèdum, non ad regendû natos, sed ea tantû ratione, vt sapientum consilio in suû bonû regantur, seruato etiâ in eorû gubernatione legitimo ordine, & non inducta ciuili seruitute, quia naturalis illa seruitus, ciuilem libertatem non tollit. vt enim natura dominis, & ad regendû natura conformatis, non licet aliena regna & imperia inuadere: sic neq; licebit imperare hominibus natura seruis, nisi seruato iuris ordine & constitutione. sic Victor. 1. relect. de Indis num. 23. Sot. lib. 4. de Iustit. q. & ar. 2. præterea Arist. in Politicis tantû affir

mat bellum esse natura iustū, aduersus eos natura seruos, qui palantes more ferarum, hominum societates & respub. perturbāt, si tamen adsit legitima principis autoritas, vt iidem etiam auctores affirmant. illud autem Luc. 14. compelle eos intrare, non est intelligendum de coactione, quia vtendum sit cum infidelibus negatiue, cū nullus eorum ad fidem suscipiendam compellendus sit: sed de efficacia diuini verbi, cuius annuntiatio eos, qui primo fidei repugnabāt, in istis motibus sic concutit, vt quasi compellere videatur, sed absolute nō compellit. infideles autem contrariē, vt hæretici, si dem, quam susceperunt, retinere cogendi sunt, vt ostendit D. Thom. 2. 2. q. 10. artic. 8. Ad secundum satis nobis esse debet respōsio glossæ in c. maiores de bapt. quæ diuino iudicio fiunt, in consequentiā trahi non debent. constat enim Deum sæpē poenas de peccatis sumere, vrbes euertere, regna mutare, quæ tamen plerumq; imitari non licet, quod diuini consilij ratio nobis occulta sit. illa autem Iureconsultorum sentētia, aut falsa est, aut de illis tātum est vera, qui ius naturæ violant in perniciem innocentium, vt in quarta conclus. explicatum est. Ad tertium, fateamur infideles ad fidem deducendos esse, sed per media accommodata, ex quibus non esse bellum, tertia conclus. ostendimus. Ad quartum in quarta conclus. responsum est. quare de hac disputatione satis dictum est.

QVÆSTIO LXIX.

De effectibus Baptismi, in decem articulos diuisa.

DEinde considerandum est de effectibus baptismi.

¶ Et circa hoc quærentur decem.

Primò, Vtrum per baptismū auferantur omnia peccata.

Secundò, Vtrum per baptismum liberetur homo ab omni poena.

Tertiò, Vtrum baptismus auferat poenaltates huius vite.

Quartò, Vtrum per baptismum conferantur homini gratia & virtutes.

Quintò, de effectibus virtutum, qui per baptismum conferuntur,

Sextò, Vtrum etiam paruuli in baptismo gratias & virtutes accipiant.

Septimò, Vtrum per baptismum aperiatur baptizatis ianua regni celestis.

Octauò, Vtrum baptismus æqualem effectum habeat in omnibus baptizatis.

Nonò, Vtrum fictio impediatur effectū baptismi.

Decimò, Vtrum recedente fictione, baptismus obtineat suum effectum.

ARTICVLVS I.

Vtrum per baptismum tollantur omnia peccata.

AD primum sic proceditur. Videtur, qd per baptismū non tollatur omnia peccata. Baptismus enim est quædam spiritualis regeneratio, quæ contra ponitur generationi carnali. Sed per generationem carnalem homo contrahit solum originale peccatum. Ergo per baptismum soluitur solum originale peccatum.

¶ 2. Præterea, Poenitentia est sufficiens causa remissionis actualium peccatorum. Sed ante baptismum in adultis requiritur poenitentia, secundum illud Act. 2. Poenitentia agere, & baptizetur vnusquisq; vestrum. Ergo baptismus nihil operatur circa remissionem actualium peccatorum.

¶ 3. Præterea, Diuersorū morborum diuersæ sunt medicinæ: quia sicut Hierony. * dicit, non sanat oculum, quod sanat calcaneū. Sed peccatū originale, qd per baptismū tollitur, est aliud genus peccati à peccato actuali. Ergo nō omnia peccata remittuntur per baptismum.

SED CONTRA est, quod dicitur Ezech. 36. Effundam super vos aquam mundā: & mūdabimini ab omnibus inquinamentis vestris.

2. dif. 3. 2. q. 1.
ar. 1. c. 4. d. 4.
q. 2. ar. 1. q. 1.
c. 17. q. 3.
ar. 5. q. 1. c. 4.
con. c. 19. c.
72. co. 2. c.
He. 6. co. 3. fin.

Mar. 9. super illud verbum, Hoc genus demoniorum non eruitur, nisi co mo 9.

D. Thom. tert. part.

RESPONDEO dicendum, quod sicut Apostolus dicit Rom. 6. Quicumque baptizati sumus in Christo IESU, in morte ipsius baptizati sumus. Et postea concludit. Ita & vos existimate vos mortuos quidem esse peccato uiuentes autem Deo in Christo IESU Domino nostro. Ex quo patet, quod per baptismum homo moritur vetustati peccati: & incipit uiuere nouitati gratiae. Omne autem peccatum ad pristinam vetustatem pertinet. Vnde consequens est, quod omne peccatum per baptismum tollatur.

AD PRIMUM ergo dicendum, quod sicut Apostolus dicit Rom. 5. Peccatum Adae non tantum potest, quantum potest donum Christi, quod in baptismo percipitur. Nam iudicium ex uno in condemnationem, gratia autem ex multis delictis in iustificationem. Vnde Aug.* dicit in lib. de Baptismo paruulorum, quod generante carne tantum modo trahitur peccatum originale: regenerante autem Spiritu, non solum originali, sed etiam voluntariorum fit remissio peccatorum.

AD SECUNDUM dicendum, quod nullius peccati remissio fieri potest nisi per virtutem passionis Christi: unde & Apostolus dicit Heb. 9. quod sine sanguinis effusione non fit remissio. Vnde motus humanae voluntatis, qui est in poenitere, non sufficeret ad remissionem culpae, nisi ad esset fides passionis Christi, & propositum participandi ipsam, vel suscipiendo baptismum, vel subiiciendo se clauibus Ecclesiae. Et ideo quando aliquis adultus poenitens ad baptismum accedit, consequitur quidem remissionem omnium peccatorum ex proposito baptismi, perfectius autem ex reali susceptione baptismi.

AD TERTIUM dicendum,

quod ratio illa procedit de particularibus medicinis. Baptismus autem operatur in virtute passionis Christi, quae est vniuersalis medicina omnium peccatorum. Et ideo per baptismum omnia peccata tolluntur.

ARTICVLVS II.

Utrum per baptismum liberetur homo ab omni reatu peccati.

AD secundum sic proceditur. Videtur, quod per baptismum non liberetur homo ab omni reatu peccati. Dicit enim Apostolus Rom. 13. Quae a Deo sunt, ordinata sunt. Sed culpa non ordinatur, nisi per poenam, ut Aug.* dicit. Ergo per baptismum non tollitur reatus poenae praecedentium peccatorum.

¶ 2. Preterea, Effectus sacramenti aliquam similitudinem habet cum ipso sacramento: quia sacramenta nouae legis efficiunt, quod figurant: ut supra dictum est.* Sed ablutio baptismalis habet quidem aliquam similitudinem cum ablutione maculae: nullam autem similitudinem habere videtur cum subtractione reatus poenae. Non ergo per baptismum tollitur reatus poenae.

¶ 3. Preterea, Sublato reatu poenae, aliquis non remanet dignus poena: & ita iniustum esset eum puniri. Si igitur per baptismum tollitur reatus poenae iniustum esset, post baptismum suspendere latronem, qui antea homicidium commisit: & ita per baptismum tolleretur rigor humanae disciplinae: quod est inconueniens. Non ergo per baptismum tollitur reatus poenae.

SED CONTRA est, quod Ambrosius.† dicit super illud Roman. 11. Sine poenitentia sunt dona Dei & vocatio. Gratia, inquit, Dei in baptismo

Sup. 68. art. 5.
¶ 13. d. 19. art.
3. q. 2. Et 4. d.
4. q. 2. ar. 1. q.
2. ¶ ar. 3. q. 1.
et d. 7. q. 1. ar.
1. q. 1. et 4. cōt.
c. 58. 59. et 72.
co. 2. ¶ Rom.
11. le. 4. col. 4.
¶ 5. Et He. 6.
co. 3. fin.
Li. 1. retrac. c.
9 ¶ li. 3. de li.
arb. c. 18. to. 1.

Q. 62. ar. 3.

Li. 1. de peccat.
do. meritis ¶ re
trac. c. 15. in fine
tam. 7.

Super illud ad
Rom. 11. 20. 5.

primo gratis omnia condonat.

Ar. pra. & q.
68. ar. 5. ad 1.
& artic. 2.

RESPONDEO dicendum, quod (sicut supra dictum est*) per baptismum aliquis incorporatur passioni & morti Christi, secundum illud Roman. 6. Si mortui sumus cum Christo, credimus, quia simul etiam vivemus cum eo. Ex quo patet, quod omni baptizato communicatur passio Christi ad remedium, ac si ipse passus & mortuus esset. Passio autem Christi (sicut dictum est†) est sufficiens satisfactio pro omnibus peccatis omnium, hominum. Et ideo ille, qui baptizatur, liberatur a reatu totius poenae, sibi debita pro peccatis, ac si ipse sufficienter satisfecisset pro omnibus peccatis suis.

q. 68. ar. 5.

AD PRIMUM ergo dicendum, quod quia poena passionis Christi communicatur baptizato, in quantum fit membrum Christi, ac si ipse poenam illam sustinuisset, ideo eius peccata remanent ordinata per poenam passionis Christi.

AD SECUNDUM dicendum, quod aqua non solum abluit, sed etiam refrigerat. Et ita suo refrigerio significat subtractionem reatus poenae, sicut sua ablutione significat emundationem a culpa.

AD TERTIUM dicendum, quod in poenis, quae iudicio humano inferuntur, non solum attenditur, quia poena sit homo dignus, quo ad Deum, sed etiam in quo sit obligatus, quo ad homines, qui laesi & scandalizati sunt per peccatum alicuius. Et ideo licet homicida per baptismum liberetur a reatu poenae, quo ad Deum, remanet tamen obligatus adhuc quo ad homines, quos iustum est aedificari de poena, sicut sunt scandalizati de culpa. Pie tamen talibus princeps posset poenam indulgere.

COMMENTARIUS.

Essentia baptismi in suscipiente, de quibus hactenus dictum est, effectus, & fructus consequuntur, de quibus statim dicendum est. Sententia generalis proponitur de omnibus effectibus primum, tum specialis & distincta singulorum. illa generalis, dogma catholicum hoc modo comprehendit. baptismus in parvulis culpam originale, in adultis originale & actuali mortale & venialem remittit: in utrisque vero omnis poenae, siue eterne, siue temporalis reatum. remissionem intelligimus vera emundationem & expiationem peccati, non autem, ut Protestantes fingunt, non imputationem. reum autem esse, unde reatus dicitur, vel peccato contaminatum esse significat, & inde reatus erit ipsa iniquitas & peccatum, vel obnoxium poenae, quae culpam ipsam consequitur, unde reatus erit ad poenam subeundam quaedam obligatio. sic colligitur ex sententia D. Aug. lib. 6. c. 6. Julian. c. 8. sed poena, quae culpam mortale consequitur, eterna est, sed plerumque ea remissa cum culpa, manet adhuc persolvenda aliqua temporalis, ut definitum est in concilio Tridentino, sess. 14. c. 8. affirmat igitur sententia proposita, baptismum omnem culpam suscipientis, & omnem poenam remitti, ut nulla amplius satisfactio persolvenda sit, sed liber pateat ad vitam aeternam aditus.

Baptismi effectus per se & proprius, remissio omnis poenae & culpa.

2. Id vero per se & proprium est baptismi: non alterius sacramenti. poenitentia enim legitime suscepta, siue ea virtus sit, siue sacramentum, remittit quidem omnem culpam & poenam eternam, temporalem vero pro intentione contritionis, non semper, neque per se, sed aliquando. reliqua vero sacramenta per se gratiam in bene preparatis infundunt, non tamen primam, qua peccata remittuntur, nisi ex accidenti, cum per se non sint mortuorum, qui per primam gratiam a peccatis excitantur ad vitam spirituales, sed viventium sacramenta, ut in eadem conferuntur & augeantur, ut de Eucharistia ostendit D. Thom. infra. q. 79. artic. 3. quod si intelligamus, divinam gratiam baptismi esse, per quam non solum fit peccatorum remissio, sed etiam animae interna innovatio, ac splendor quidam & lux, quae nos regenerando reddit divinae naturae consortes, intelligemus plane, gratiae infusionem, quam baptismus efficit, omnem culpam & poenam remitti, alioquin non esset animae innovatio & regeneratio totius hominis, ita ut nova creatura & Deo accepta ad hereditatem vitae aeternae.

Comment.in D Thom.tert.part.

*Sancta scriptura
testimonia.*

ne euadat. sed colligamus hanc sententiam ex verbo Dei, Patribus & conciliis.

3 Ezech. 36. de aque baptismi effectu predictum est: effundam super vos aquam mundam, & mundabimini ab omnibus iniquitatibus vestris: hanc verò baptismi aquam esse, Patres intelligunt, ex parte, scilicet totum, ut constat ex D. Hieron. & ideo multa de hac rescripta ad c. 47. eiusdem prophetę: ex imitatione certè Tertul. de bapt. & D. Cypr. Michę 7. sic ad Dñm oratio dirigitur, proiice in profundum maris omnia peccata nostra, idest in baptismum: sequitur enim de promissionibus per Christum impletis, dabis veritatem Iacob, misericordiam Abraham, quæ iurasti Patribus nostris à diebus antiquis. sic explicat Basil. hom. 1. in Psal. 28. & D. Hier. ad Oceanum in fine 2. tomi. Theodoretus autem demersionem intelligit, peccatorum perpetuam obliuionem, cui sit per similes peccatorum remissio per baptismum, Rom. 6. quicumque baptizati sumus in Christo IESU, in morte ipsius baptizati sumus: unde concludit, ita & nos existimate, mortuos quidem esse peccato, viuentes autem Deo in Christo IESU Domino nostro. vita hæc à gratia infusa deriuatur, & mortuus dicitur peccato, in quo plena eius remissio facta est, ut morte omnis ratio vitæ aboletur. sed adhuc apertius Colos. 2. exprimitur idem effectus baptismi, cum ait, consepulti ei in baptismo, in quo & resurrexistis per fidem operationis Dei, qui suscitauit illum à mortuis: & cum essetis vos mortui in delictis, & præputio carnis vestræ conuiuificauit cum illo, donans vobis omnia delicta: delens quod aduersum nos erat chyrographum decreti, quod erat contrarium vobis.

4 Vnde rectè ar. 2. concludit D. Thom. omni baptizato communicatur passio Christi ad remediū, ac si ipse passus & mortuus esset. & in responsione ad primum, poena passionis Christi communicatur baptizato, in quantum sit membrum Christi, ac si ipse poenam illam sustinisset. atque ideo baptismi remittitur omnis culpa & poena, & hoc est in morte Christi baptizari supra. q. 68. art. 5. præterea 1. Corint. 6. enumeratis multis peccatoribus, qui regnum Dei non possidebunt, subiungit, & hæc quidem fuistis, sed abluti estis, sed sanctificati estis, sed iustificati estis, in nomine Domini nostri IESU Christi. 1. Cor. 10. transitus maris

rubri est typus & figura baptismi: unde colligunt Patres, baptismi omnia peccata aboleri, ut in mari demersi sunt omnes Ægyptij. Cypr. lib. 3. ep. 7. D. Greg. lib. ep. 39. Hier. ad Oceanum, Theodoretus Michę 7. ad finem. similiter eadem ep. 39. intelligit illud Greg. Ioan. 13. qui lotus est, non indiget, nisi ut pedes lauet, ut lotio illa sit baptismi, & significet Dominus Apostolos baptismi fuisse ab omni peccato expiatis, & solum superesse lotionem pedum, idest affectuum leuiorum, quæ quotidie continentur, expurgationem. hæc ex sancta scriptura, unde Patres, ut solent, per similes sententias colligunt. D. Cypr. lib. 2. ep. 3. per baptismi Spiritus sanctus accipitur, & sic à baptizatis & Spiritum sanctum consecutis, ad bibendum Domini calicem peruenitur. & lib. 4. ep. 7. cum inquit, ad aquam salutarem, atque ad baptismi sanctificationem venitur, scire debemus & fidere, quia illis diabolus opprimitur, & homo dicatus diuina indulgentia liberatur. in sermone de ablutione de baptismi scribit, de abdito & secretissimo Spiritus sancti munere huius gratiæ liquor emanat, sic lauans quos parentalibus labes infecerat, ut nec actualis, nec originalis macula, aliqua sui post ablutionem illam vestigia derelinquat. & infra de fomitis expurgatione addit, hæreditarium onus à sobole remouens & misericorditer ablutione & unctione medicinali, corruptionis primitiæ fermentum expurgans. similia scribit lib. 3. ad Quirinum c. 65. D. Hieronimus multa etiā in eandem sententiam Ezech. 36. & 47. & ep. ad Oceanum in fine 2. tomi. D. Basil. hom. 1. in Psal. 28. ad illa verba, Dominus diluuium inhabitare facit. & hom. in Psal. 59. ad illud Moab lebes spei meæ, & hom. de baptismo, latissime explicans, quo modo baptizemur baptismi Christi, & lib. de Spiritu sancto ad Amphilochem c. 14. & 15. D. Amb. lib. 2. de sacram. c. 2. & 7. & ad Rom. 11. unde desumptus est c. sine poenitentia de cons. d. 4. de quo supra q. 68. art. 5. in argumento sed contra, & autor lib. de vocat. gent. D. Prosper. lib. 1. c. 5. scribit, unde autem posset probari, quod ad euacuandum originale peccatum, nulla idonea esset industria, nisi & impij & facinorosi per lauacrum Christi assumerentur in regnum: agnoscerentque, qui in sua iustitia gloriantur, quàm nihil digne agere possunt adoptione filiorum Dei, si ad regenerationis

Patres de eod.

rationis non peruenerint sacramentum, cū eadem, qua scelestissimi peccatores conditione teneantur: pares futuri in sanctificatione, si adfuerit regeneratio, simul perituri, si cessauerit ablutio. & infra, euacuaretur fides, quæ credit per baptismum omnia peccata dimitti. idem confirmat ex illo Apostoli 1. Timot. 3. saluos nos fecit per lauacrum regenerationis, id est per baptismum: saluum autem dicit, hæredem vitæ æternæ, sine aliquo impedimento. Chrysostomi plurima sunt ad eadem testimonia D. Pauli. persimiles sententiæ Cyrilli Hierosol. in catech. & aliorum Patrum ad illud Ioā. 3. nisi quis renatus fuerit ex aqua & Spiritu sancto, non potest introire in regnum Dei: ex quibus aliqua collegimus suprà q. 68. ar. 2. sed elegantissimè Nazianz. oratione in sanctū baptismum, Chrys. ad Neoph. & baptizandos, & hom. 24. in Ioan. Clemens Alexand. lib. 1. Pædag. c. 6. denique omnibus Patribus expressa sunt in eūdem sensum illa verba Domini Marc. 16. qui crediderit & baptizatus fuerit, salus erit: Act. 2. baptizantur multi in remissionem peccatorum, & ad recipiendum donum Spiritus sancti. Sed ne quis hæc ad alias à proposito Spiritus sancti sententias impie traducat, Conciliorum decreta adiungenda sunt.

Concilia.

5 Florentinum concil. in doctrina de sacramentis sess. vlt. effectus, inquit, baptismi est remissio omnis culpæ originalis & actualis, omnis quoque penæ, quæ pro ipsa culpa debetur, propterea baptizatis nulla pro peccatis præteritis iniungenda est poenitentia, vel satisfactio, sed morientes, antequam culpam aliquam committant, statim ad regnum cælorum & Dei visionē perueniunt. Trident. sess. 5. can. 5. si quis, inquit per I E S U Christi Domini nostri gratiam, quæ in baptismate confertur, reatum originalis peccati remitti negat, aut etiam asserit non tolli totum id, quod veram & propriam peccati rationē habet, sed illud dicit tantum radi, aut non imputari, anathema sit. Protestantes enim auferunt à baptismate efficaciam remittendi ipsa peccata, sed id tantum efficere, ne cū reuerā insint, imputentur ad damnationem. Caluinus verò, qui videtur efficaciam baptismi amplificare, dicens recordatione illius antè suscepti, deleri quæ post ipsum peccata cōmituntur, eleuat potius & extenuat.

volunt enim hi omnes, sua illa fide speciali nos iustificari: sacramenta verò, neque gratiam neque iustitiam conferre, sed esse signa fidei illius perse iustificantis, atq; ita baptismum esse signum & tessera militiæ Christianæ, vel quasi sigillum appendens gratiæ collatæ per illam fidem, neque aliū esse vsum & effectum baptismi: & idē recordationē baptismi delere peccata, quod illa recordatio excitet, & quasi deducat in actum fidem illam perse iustificantem. cōtra hanc sententiam, quæ ab omnibus sacramentis tollit vim conferendi gratiam, generaliter disputauimus suprà, ad q. 62. numero 25. & sequentibus, quod verò specialiter de baptismate asserunt, satis refutatum est ex sancta scriptura Patribus & cōciliis, à quibus nullus omnino Theologorum dissentit 4. sent. d. 4.

6 Sed colligamus ex his Theologicas rationes. Prima sit, quia baptismate regeneramur in nouā vitam spirituales, effecti mēbra Christi: ergo baptismus delet omnem peccati vetustatem: alioquin non esset vera regeneratio, quæ ablato veteri, esse nouū tribuat. quo modo enim nouū esse potest, quod cū vet⁹ sit, adhuc manet? Secūda, baptizatus cōmoritur Christo, & cōsurgit ad nouā vitam: ergo passio Christi illi applicatur, tū ad remissionem culpæ, tū ad satisfactiōnem pro pœna, vt D. Thom. art. 2. concludit. firmitus tamen & exactius sic ex sancta scriptura concludit Concil. Trident. eodem can. 5. cū enim decreuisset, baptismate auferri quicquid rationem peccati habet, subiūgit causam, in renatis enim nihil odit Deus: quia nihil est damnationis iis, qui verè consepulti sunt cum Christo per baptismum in mortem, qui non secundum carnem ambulant, sed veterem hominem exuentes, & nouum, qui secundum Deum creatus est, induentes, innocentes, immaculati, puri, innoxij ac Deo dilecti effecti sunt, hæredes quidem Dei, cohæredes autem Christi: ita vt nihil prorsus eos ab ingressu cæli remoretur. expendenda sunt illa verba, [in renatis nihil odit Deus:] significant enim renatos baptismate, ipsa regeneratio nō nouum esse, & spiritum Christi viuificatē indutos, nihil vetustatis peccati retinere, cū regeneratio conferat nouum esse, & vetus interimat.

7 Itaq; cū in salute, nobis per Christū exhibita, duo cōtineantur, & malorū remotio,

Theologica rationes.

Quare baptismate tribuantur tot & tam admirabiles effectus.

& bonorū spiritaliū cōmunicatio, & ea salus baptismo cōmunicetur plenē & perfectē, quia cōmortui Christo, regeneramur spiritu, necesse est asserere, per baptismum auferri quicquid rationē peccati habet, vt omne malum spirituale repellatur, & gratiam atq; dona Spiritus sancti nobis infundi, vt fiat bonorum spiritalium plena cōmunicatio. cōferunt quidem cetera sacramenta gratiam, ad specialem effectum & propriū cuiusq; sacramenti: sed quia gratiē baptismi propria est regeneratio, & noui hominis per Christū constitutio, ideo baptismi propriū est, omnē culpam & poenā auferre, quia hęc ad vetustatē peccati pertinent, qua omnino abolita, baptismus nouū hominē in spiritu, regenerādo efficit. vnde verissimē dicitur omnes effectus passionis Christi, per baptismū cumulatissimē cōmunicari. de his vero inquit Aug. lib. 1. de peccatis: & remissis, venit ille viuificare, saluare, liberare, illuminare, redimere à morte, infirmitate, à seruitute, captiuitate & tenebris, quę omnia in dignē suscipientibus baptismus efficit, quare cū in sacramentorum vñ sit Dei cultus, vt de sacramētis generaliter ostēdimus ad q. 60. nu. 12. qui baptismū suscipit, suscipiendū procurat, aut confert, fatetur nos ab ipso ortu & natiuitate immundos, peccato infectos, carentes vitæ Dei; expullos ab hereditate celesti, odibiles deniq; Deo, quę omnia baptismus auferat, filios Dei & heredes vitæ eternæ cōstituens. ad hoc idē illustrandum plurimum valēt definitiones baptismi ex eius effectibus compositæ, quas collegimus suprā q. 66. ar. 1. num. 1. & 2.

ARTICVLVS III.

Vtrum per baptismum debeant auferri poenalitates presentis vitæ.

AD tertiū sic proceditur. Videtur, quod per baptismū debeāt auferri poenalitates presentis vitæ. Vt enim Apost. dicit Ro. 5. Donū Christi potentius est, quā peccatū Adæ. Sed per peccatum Adæ (vt ibidē Apostolus dicit) mors in hūc mundū intrauit, & per consequens omnes aliæ poenalitates presentis

vitæ. Ergo multò magis per donū Christi, quod in baptismo percipitur, homo à poenalitatibus presentis vitæ debet liberari.

¶ 2. Præterea, Baptismus auferit & culpā originalem & actualē, sicut suprā dictū est. † Sic autē auferit actualem culpam, quod liberat ab omni reatu poenę consequēte actualem culpam. Ergo etiam liberat à poenalitatibus, presentis vitæ, quæ sunt poena originalis peccati.

¶ 3. Præterea, Remota causa, remouetur effectus. Sed causa harū poenalitatum est peccatum originale, quod tollitur per baptismum. Ergo non debent huiusmodi poenalitates remanere.

SED CONTRA est, quod super illud Ro. 6. Destruatur corpus peccati, dicit gl. * Per baptismū id agitur, vt verus homo crucifigatur, & corpus peccati destruarur: non ita, vt in ipso viuēte carnis concupiscētia respersa, & innata repente absumatur, & non sit, sed ne obsit mortuo, quæ inerat nato. Ergo pari ratione nec aliæ poenalitates per baptismum tolluntur.

RESPONDEO dicendum, quod baptismus habet virtutē auferendi poenalitates presentis vitæ, non tamē eas auferit in presenti vita, sed eius virtute auferētur à iustis in resurrectione, quādo mortale hoc induet immortalitatem, vt dicitur 1. Cor. 15. Et hoc rationabiliter. primò quidē: quia per baptismum homo incorporatur Christo & efficitur mēbrum eius, vt suprā dictum est. † Et ideo conueniens est, vt id agatur in membro incorporato, quod est actū in capite. Christus autem à principio suę conceptionis fuit plenus gratia & veritate, habuit tamē corpus

Ar. 1. huius q.

Est gl. Aug. lib. 1. de baptis. paruo. c. 39. inter prin. & medium, tom. 7.

q. 68. ar. 5. ad 1. & ar. præc.

2. d. 32. q. 1. ar. 1. q. 2. & d. 33. q. 1. ar. 2. & 3. d. 19. ar. 3. q. 2. & 4. d. 4. q. 2. ar. 1. q. 3. & 4. con. c. 52. si. & 55. ad 5. & 27. & c. 59. & quod. 6. ar. 15.

corpus passibile, quod post passionē & mortem est ad vitam gloriosam resuscitatū. Vnde & Christianus in baptismo gratiam consequitur, quantū ad animam, habet tamē corpus passibile, in quo pro Christo possit pati, sed tandem resuscitabitur ad impassibilem vitam. Vnde Apostolus dicit Rom. 8. Qui suscitauit IESVM Christū a mortuis, uiuificabit & mortalia corpora vestra propter inhabitantē spiritum eius in vobis & infra eodem, Heredes quidem Dei, coheredes autem Christi: si tamē cōpatimur, vt & simul glorificemur. Secūdo, hoc est conueniēs propter spirituale exercitiū, vt videlicet cōtra concupiscentiam & alias passibilitates pugnans homo, victorię coronā acciperet. Vnde super illud Rom. 6. Vt destruat corpus peccati, dicit gl. † Si post baptismū vixerit homo in carne, habet concupiscentiā, cum qua pugnet, eamq; adiuuante Deo superet. In cuius figurā dicitur Iudic. 3. Hæ sunt gētes, quas Dñs dereliquit, vt erudiret in eis Israël, & postea discerent filij eorū certare cū hostibus, & habere consuetudinē preliandi. Terriò hoc fuit conueniēs, ne homines ad baptismum accederēt propter impassibilitatē pręsentis vitę, & nō propter gloriā vitę eternę. Vnde & Apostolus dicit 1. Cor. 15. Si in hac vita tantum sperantes sumus in Christo, misera biliores sumus omnibus hominib⁹.

AD PRIMVM ergo dicendū, q (sicut gl. dicit Rom. 6. super illud, Vt vltra nō seruiamus peccato) sicut aliquis capiens hostē atrocissimū, non statim interficit eū, sed patitur eum cum dedecore & dolore aliquantulū viuere: ita & Christus

poenam prius alligauit, in futuro autem perimet.

AD SECVNDVM dicendū, quod sicut ibidē dicit gl. * duplex est poena peccati, gehēnalis & tēporalis. Gehennalem prorsus deleuit Christus, vt eā non sentiant baptizati & verē poenitentes. Temporalē verò nondū poenitus tolit, manet enim fames, sitis & mors, & huiusmodi. Sed regnū & dominium eius deiecit, vt scilicet hoc homo nō timeat, & tandē in nouissimo eandē poenitus exterminabit.

AD TERTIVM dicendū, quod (sicut in 2. parte dictū est) peccatū originale hoc modo processit, q primò persona infecit naturam, postmodū vero natura infecit personā. Christus verò conuerso ordine prius reparat id quod personę est, & postmodū simul in omnibus reparabit, id quod naturę est. Et ideò culpam originalis peccati, & etiam poenā carētię visionis diuinę, quę respiciunt personā, statim per baptismū tollit ab homine, sed poenalitates pręsentis vitę (sicut mors, fames, sitis, & alia huiusmodi) respiciunt naturā, ex cuius principiis causantur, prout est destituta originali iustitia. Et ideò isti defectus non tollentur, nisi in vltima reparatione naturę, per resurrectionem gloriosam.

gl. ordi. super illud ad Ro. 6. homo noster simul crucifixus.

12. q. 81. ar. 1.

Est Aug. li. 16 de Bap. paruit. c. 39. circa prim. tom. 7.

COMMENTARIVS.

CVM ostēsum sit baptismō auferri omnem culpam & poenam, quam peccatum primi parentis in homines naturaliter propagatos induxit, atque in his poenis numerentur cōcupiscentiæ contra rationem & legem Dei, perturbatio, labores, arūna, corporis imbecillitas, ad ægritudines & mortem quasi necessitas quædam: meritò dubitari potest, an hæc omnia baptismō auferri

Comment.in D. Thom.tert.part.

Conclusio.

ferri possint, præsertim cum omnes baptismo tincti, eisdem malis continuò implicentur. Sententia catholica respõdetur: huiusmodi mala, quas schola theologorũ pœnalitates vocat, baptismus quidem auferendi vim habet: sed in hac vita non auferet, in resurrectione tamẽ auferet. pœnã propriẽ theologo vocãt supplicium, quod iustẽ respondet culpæ, quã pœnam, siue temporalem, siue æternam baptismo auferri arti. 1. & 2. ostendimus. pœnalitates autẽ vocant, infirmitates & debilitatem animẽ & corporis, ex peccato quidem primi parentis exortas, sed sine vlla ratione peccati in renatis permanentes. essent sanẽ huiusmodi pœnalitates, naturẽ hominum insitẽ & naturales, si primus homo sine dono supernaturali originalis iustitiẽ à Deo conditus esset, nũc verò cũ propter peccatum, illud donum, idẽ homo sibi & omnibus posteris naturaliter propagatis amiserit, gratia infusa recõciliatur Deo per baptismũ, sed manent illẽ infirmitates, quæ essent in natura sine dono supernaturali producta: & idcirco cum dimissã culpa & pœna animẽ æterna & temporali, permaneant huiusmodi imbecillitates in renatis, dicuntur non omnino pœnæ, quæ cum ipsa culpa sint coniunctæ, sed pœnalitates, quæ ex antiqua culpa remissa in natura hominis permanent. vnde rectẽ D. Th. ad 3. pœnalitates, inquit, præsentis vitæ, sicut mors, fames, sitis & aliæ huiusmodi, respiciunt naturã ex cuius principiis causantur, prout est destituta originali iustitia.

Explicatio.

2 Catholica ergo sententia à nobis proposita, hũc habet sensum: etiam si gratia infusa per baptismum, & remissio omnis culpæ & pœnæ, hominẽ in Dei amicitiam restituant, & heredẽ vitæ æternæ efficiãt, non tamen restituitur cõcordia illa interior corporis & animẽ, nec illa corporis firma constitutio, quæ fuit in primo parente, restituta est vnquã secundum legem ordinariam in naturaliter propagatis. eius sententiẽ tres partes sunt, prima de vi & efficacia baptismi ad auferendas huiusmodi pœnalitates, quẽ sic cõfirmari potest. baptismus vim habet instrumentariã, quã Christo renati incorporantur, & idẽ proprietatibus corporis illius, quatenus ad salutẽ expedit, participant: corpus autẽ Christi prius passibile fuit & mortale, per resurrectionẽ autem impassibile & immortale: ergo similiter renatorũ corpora in hac vita passibilia erunt &

Confirmatio.

immortalia, per resurrectionẽ impassibilia & immortalia: idq; baptismi virtute, quia eo Christo primũ incorporamur, & induẽtes spiritũ eius, & anima innouamur, & ad corpus impassibile per resurrectionẽ accipiendũ apti efficiamur. deducitur hæc ratio ex illo Rom. 8. qui suscitauit IESVM Christũ à mortuis, viuificabit & mortalia corpora vestra, propter inhabitantẽ spiritum eius in vobis. Phil. 3. qui reformabit corpus humilitatis nostrẽ, configuratũ corpori claritatis sue, secundũ operationẽ, qua possit subiicere sibi omnia. 1. Cor. 15. sicut in Adã omnes moriũtur, ita in Christo omnes viuificabuntur. hoc est, si primus homo omnes hominẽs ad mortẽ damnauit, poterit sanẽ Christus omnes viuificare anima & corpore, viuificat autẽ baptismõ. præterea, quod baptismõ agitur exterius, id re ipsa spiritus Christi interius præstat: sed baptismõ, & aqua abluimur, & quasi immergimur, & ab eadẽ aqua educimur: immersionẽ comorimur Christo, & idẽ remissionẽ peccatorũ consequimur, quia traditus est Christus propter delicta nostra: emersione cõresuscitatur: & idẽ statim iustitiam induimus, quia resurrexit propter iustificationẽ nostrã, & vim resurgẽdi ad immortalẽ vitã accipimus, quia vt in morte ipsius baptizati sumus, & consepulti cũ illo per baptismũ in mortẽ, sic etiã cum illo resurgemus, vel ad similitudinẽ illius. si enim cõplantati facti sumus similitudini mortis eius, simul & resurrectionis erimus Rom. 6. & infra. si autẽ mortui sumus cũ Christo, credimus, quia simul etiam viuemus cum Christo.

3 Sed hic statim existũt duę dubitationes, prior de similitudine corporis Christi & nostri ad patiendũ & resurgendũ: eadẽ enim similitudo videtur efficere, vt nostrum corpus esset sine vllõ interiori dissidio carnis, rationis & spiritus, vt non fuit in corpore Christi. posterior, de efficacia & virtute baptismi, ad communicandũ corpori vim resurgendi ad immortalem vitã, quia hoc ipsum, vt effectum proprium Eucharistiæ tribuimus. ad priorem responsio est, Christum assumpsisse cum natura humana eos defectus, qui cum incarnationis sine congruerent, vt corporis infirmitatẽ, & imbecillitatẽ, quæ passibilitas dicitur: non autem eos, qui repugnarẽ perfectioni naturẽ assumptẽ: repugnat autem perfectissimis Christi virtutibus, in appetitu inferiori

Duarum obiectionum responsiones.

2.2. q. 8. ar. 5.

feriori collocatis, vt in eo sit fomes, vel motus ad peccandū impellens. suprà q. 15. ar. 2. qui vero Christo inseruntur per baptismū, passibilitate eidem similes sunt, non carnis fomite: vt sicut Christus pro nobis passus est, sic & nos compatiatur, vt cōglorificemur Rom. 8. Ad posteriorē dubitationem ex natura baptismi respōsio deducitur: est enim via ad cætera sacramēta legitimo tēpore percipiendā, præsertim Eucharistiæ, quā respicit, vt omnium sacramentorū perfectissimum: & ideo in ipsa baptismi perceptione est votum implicitū percipiēdi Eucharistiā, & ex eo voto vim habet auferendi præsentis vitæ penalitates in resurrectione. de quā vi Eucharistiæ & baptismi ad resurrectionē, vberior erit disputatio in frā q. 76. in q. de reali coniunctione Christi cum digne sumentibus Eucharistiā numero 13.

4. Ostendimus hæctenus in baptismo esse virtutem auferendi corporis pœnalitates, & inordinatos motus carnis & concupiscentiæ: quod verò non expediat eas auferri in hac vita, præcipua ratio est exercitatio spiritualis, vt cum internis hostibus decertantes spiritus Christi virtute, vincere, & triumphare possimus. sic Trident. sess. 5. can. 5. manere autem in baptizatis concupiscentiam, seu fomitem hæc sancta synodus fatetur & sentit, quæ cum ad agonem relicta sit, nocere non consentientibus, & viriliter per Christi Iesv gratiam repugnātibz non valet: quinimo, qui legitime certauerit, coronabitur. itaq; motus illi primi concupiscentiæ, veluti suapte natura ad proprium obiectum propensæ, peccati rationem non habent, nisi accedat cōsensus: & ideo non exigit à nobis præceptum non cōcupiscendi, ne insurgant huiusmodi motus, sed ne regnent contempta ratione & lege diuina. sic sanè exigit consensum Iacobus c. 1. ad peccatū. & Rom. 6. scriptū est, nō ergo regnet peccatum in vestro mortali corpore, vt obediatis cōcupiscentiis eius. peccatū enim vocat ipsam concupiscentiā, vel primos eius motus, non quod in renatis propriè peccatum sit, sed quod ex peccato exorta, ad peccatum inclināt, vt eodē can. 5. definitum est. dixit autem in renatis, quia in nondum renatis, propter coniunctam cū illa iustitiæ originalis priuationē, concupiscentia materialiter peccatū est siue vlla propria voluntate, cū ex illa adiun-

cta priuatione, hominē efficiat à Deo habitualiter saltē auersum, & dānationis reū. de hac tota ratione peccati in concupiscentia ante & post baptismum scribit D. Aug. copiose ad defensionē sententiæ catholicæ, quā ex cōcilio proposuimus lib. 1. de nupt. & concup. c. 23. & 25. lib. 1. cōt. duas ep. Pelag. c. 13. lib. 1. retract. c. 15. lib. 13. de Trinit. c. 16. lib. 1. de peccat. mer. c. 39. & lib. 2. c. 28 33. & 34. lib. 2. cont. Iulian. & lib. 5. c. 3. lib. 1. de ciuit. c. 5. Ex quibus cōcludit lib. 6. cōt. Iulian. c. 6. baptizatū carere omni peccato, non tamē omni malo. vocat autē malum, vitium siue defectum naturæ nondū plenè sanatē, & obliquitatē propensam ad repugnandū rectē rationi, & legi Dei. idem malū vocat aliquando S. Amb. iniquitatē: sed D. Aug. lib. 2. cōt. Iulian. versus mediū libri, sic eum exponit. istam, inquit, legē peccati, propterea vocauit iniquitatē, quia iniquum est, vt caro cōcupiscat aduersus spiritū, quamuis adsit in nostra regeneratione iustitia, quā iustum est, vt aduersus carnem spiritus cōcupiscat, vt spiritū ambulemus. hoc est, nō est moralis iniquitas, nec veri nominis peccatum, sed malū quodam & defectus, deficiens à plena perfectāq; iustitia, est enim triplex iustitiæ perfectio, vna carere criminibus, vel peccatis mortalibus; quæ huius vitæ propria est, de qua Aug. lib. 1. de natura & gratia c. 12. Altera est, liberari ab omnibus omninō peccatis mortalibus & venialibus, quā tribuit baptismus, idem Aug. lib. 6. cont. Iulian. c. 5. tertia est, non solum peccatis omnibus carere, sed etiam illecebris & desiderijs peccandi, quæ pertinet ad vitam beatā futuram. Itaq; concupiscentis potētiae natura, quā propensa in suū obiectum, repugnare potest rationi & legi Dei, quia iustitia originali amissa naturalis est, & naturaliter hominī inesset, baptismus nō minuitur nec ligatur: spiritū tamen regeneratione per baptismū, motus eius & desideria reprimuntur, ligantur & minuuntur, vt spiritus dominetur, caro subiecta sit & appetitus inferior: quatenus per gratiā sanata voluntas, legē implet, & liberatur à seruitute peccati. vnde prauitas illa, quā repugnatur legi mentis, carnis tantum est, non mentis: & ideo carnem tantum captiuam tenet in renatis, non mentem, vt ostendit D. Aug. lib. 1. de nupt. & concup. cap. 30. non est autem peccatum, nisi carni allicienti mens consentiat,

Pœna peccati originalis cur baptismo non auferuntur.

Iustitia nostra & sanctitatis triplex perfectio.

Concupiscentia in renatis non est peccatum.

D. Thom. tert. part.

ARTICVLVS IIII.

Virum per baptismum conferantur homini gratia & Virtutes.

Concupiscentia, quæ ratione peccatur.

consentiat, sed infirmitas & languor sanandus gratia & spiritu Dei: per quam fit quotidiana renouatio & vetustatis cōsumptio, idest concupiscentiæ diminutio, quæ est iustificacionis primæ incrementum, non prima. hæc enim momentanea est, vt post Aug. lib. 2. de pec. mer. c. 5. & ep. 29. docet D. Thom. 1. 2. q. 113. ar. 7. motus autem concupiscentiæ successiue minuuntur: quia mens, vt inquit D. Aug. in sanctitate proficit, cum magis magisque minuit eas, quibus non cōsentit, carnales cupiditates. Vnde in decalogo concupiscentia hominis, aut mētis, non carnis ille primus motus, aut potentia prohibetur: caro enim concupiscit & repugnat legi, mens autem renati non consentientis condelectatur legi & cōsentit, & ita feruat legem non concupiscendi, ex D. August. de verb. Apost. serm. 5. & de verb. Dom. ser. 43. & lib. 1. de nupt. & concup. c. 27. & multis aliis locis.

Concupiscentia, quæ in decalogo prohibetur.

Quare Protestantum sententia, quæ renatorum concupiscentiam verum peccatū censet, & reum damnationis hominē reddat, sed non imputari propter Christū, plane hæretica est, vt ex conciliis & Patribus de effectu baptismi aperte deduximus. eorum autem argumenta accurate proponit & refellit Stapletonus lib. 3. de iustific. c. 4. & sequentibus. Tertia pars sententiæ propositæ tribuit baptismi vim auferendi omnes poenalitates in resurrectione: quia nos Christo per regenerationem insertos, ad perfectam corporis Christi similitudinem in resurrectione deducet, consumpta omni mortalitate & passibilitate. sic D. August. lib. 15. de ciuit. c. 23. explicans illud Pauli 1. Corin. 15. sicut portauimus imaginē terreni, portemus & imaginem cælestis, inquit, hoc Apostolus ita posuit, vt nunc qui dem in nobis secundum sacramentum regenerationis fiat, sicut alibi dicit, quotquot baptizati estis, Christum induistis, re autē ipsa tunc perficietur, cum & in nobis quod est animale nascendo, spiritale factum fuerit resurgendo. vt enim eiusdē verbis vtar, spe salui facti sumus. præterea, Rom. 8. inquit, qui suscitauit IESVM Christum à mortuis, viuificabit & mortalia corpora vestra, propter inhabitantem spiritum eius in vobis, hunc autem ad regenerandum baptismus largitur.

Baptismi vi in resurrectione auferetur omnis infirmitas corporis.

Ad quartum sic proceditur. Videtur, quod per baptismū non conferantur homini gratia & virtutes. Quia sicut supra dictū est, sacramenta nouæ legis efficiunt, quod figurant. Sed per ablutionem baptismi significatur emundatio animæ à culpa, non autem informatio animæ per gratiam & virtutes. Videtur igitur quod per baptismum non conferantur homini gratia & virtutes.

Inf. q. 71. ar. 3. corp. et d. 3. ar. 1. q. 3. c. & q. 3. ar. 1. q. 2. ad 2. & d. 4. q. 2. art. 2. q. 2. & d. 9. ar. 1. q. 2. cor. & d. 18. q. 1. artic. 3. q. 1. cor. & q. 60. art. 2. & 62. ar. 3. et q. præc. art. 2.

¶ 2. Præterea, Illud, quod iā aliquis adeptus est, nō indiget iterum suscipere. Sed aliqui accedunt ad baptismum, iam habentes gratiam & virtutes, sicut Actor. 10. legitur: Vir quidam erat in Cæsarea, nomine Cornelius, Centurio cohortis, quæ dicitur Italica, religiosus & timens Deum: qui tamē postea à Petro baptizatus est. Non ergo per baptismum conferuntur gratia & virtutes.

¶ 3. Præterea, Virtus est habitus, ad cuius rationē pertinet, quod sit qualitas difficilē mouilis, per quam aliquis faciliter & delectabiliter operetur. Sed post baptismum remanet in hominibus pronitas ad malum, per quod tollitur virtus, & consequitur difficultatem quis ad bonum, quod est actus virtutis. Ergo per baptismum non consequitur homo gratiam & virtutes.

SED CONTRA est, quod ad Titum 3. dicit Apostolus, Saluos nos fecit per lauacrum regenerationis, (idest per baptismum) & renouationis Spiritus sancti, quem effudit in nos abunde, idest, ad remissionem

nem

*Glos. inter lib.
ibidem.*

*Lib. i. c. 26. d
med. tom. 7.*

nem peccatorum & copiam virtutum, ut glos. * ibi exponit. Sic ergo in baptismo datur gratia Spiritus sancti & copia virtutum.

RESPONDEO dicendum, quod (sicut Aug. dicit in lib. de Baptismo paruuloru) ad hoc baptismus valet, ut baptizati Christo incorporentur, ut membra eius. A capite autem Christo, in omnia membra eius, gratie & virtutis plenitudo derivatur, secundum illud Ioan. 1. De plenitudine eius nos omnes accepimus. Vnde manifestum est, quod per baptismum aliquis consequitur gratiam & virtutes.

AD PRIMUM ergo dicendum, quod sicut aqua baptismi per suam abluionem significat emundationem culpae, & per suum refrigerium significat liberationem a poena, ita per naturalem claritatem significat splendorem gratiae & virtutum.

AD SECVNDVM dicendum, quod sicut dictum est, * quod remissionem peccatorum aliquis consequitur ante baptismum, secundum quod habet baptismum in voto, vel explicitè, vel implicitè: & tamen cum realiter suscipit baptismum, fit plenior remissio quantum ad liberationem a tota poena. Ita etiam ante baptismum Cornelius & alij similes consequuntur gratiam & virtutes per fidem Christi & desiderium baptismi implicitè, vel explicitè, postmodum tamen in baptismo maiorem copiam gratiae & virtutum consequuntur. Vnde super illud Psalm. 22. Super aquas refectionis educavit me, dicit glos. * Per augmentum virtutis & bonae operationis educavit in baptismo.

AD TERTIVM dicendum, quod difficultas ad bonum, & pro-

nitias ad malum, inveniuntur in baptizatis, non propter defectum habitus virtutum, sed propter concupiscentiam, quae non tollitur in baptismo. Sicut tamen per baptismum diminuitur concupiscentia, ut non dominetur, ita etiam diminuitur vitiumque dictorum, * ne homo ab his superetur.

In ista sola

ARTICVLVS V.

Vivum convenienter attribuantur baptismus quidam actus.

AD quintum sic proceditur. Videtur, quod inconvenienter attribuantur baptismus pro effectibus quidam actus virtutum, scilicet incorporatio ad Christum, illuminatio, & foecundatio. Non enim baptismus datur adulto, nisi fideli, secundum illud Mar. ult. Qui crediderit & baptizatus fuerit, salvus erit. Sed per fidem aliquis incorporatur Christo secundum illud Ephes. 3. Habitare Christum per fidem in cordibus vestris. Ergo nullus baptizatur, nisi iam Christo incorporatus. Non ergo est effectus baptismi incorporari Christo.

*4. d. 4. q. 2. ar.
2. q. 3. 4. & 5.
d. 5. q. 2.
ar. 3. q. 2. cor.
arti. 3. ad 1. &
ar. 5. q. 1. cor.
& d. 18. q. 1.
ar. 1. q. 1. ad 1.
& quo. 6. ar.
4. cor.*

¶ 2. Præterea, Illuminatio fit per doctrinam secundum illud Eph. 3. Mihi omnium sanctorum minio data est gratia hæc illuminare omnes, &c. Sed doctrina præcedit baptismum in catechismo. Non ergo est effectus baptismi.

¶ 3. Præterea, Foecunditas pertinet ad generationem activam, sed per baptismum aliquis regeneratur spiritualiter: ergo foecunditas non est effectus baptismi.

SED CONTRA est, quod Aug. dicit in libro de Baptismo paruuloru, quod ad hoc valet baptismus, ut baptizati

*Ex glos. inter
lib. colligitur
ibid.*

baptizati, Christo incorporentur. Dion.* etiam 2.c. eccl. hier. illuminationem attribuit baptismo. Et super illud Psal. 22. super aquam refectionis, dicit glos. † quod anima, peccatorum ariditate sterilis, fecundatur per baptismum.

RESPONDEO dicendum, quod per baptismum aliquis regeneratur in spiritualē vitam, quæ est propria fidelium Christi: sicut Apostolus dicit Gal. 2. Quod autem nunc vivo in carne, in fide vivo filij Dei. Vita autem non est, nisi membrorum capiti unitorum, à quo sensum & motum suscipiunt, & ideo necesse est, quod per baptismum aliquis incorporetur Christo quasi membrum ipsius. Sicut autem à capite naturali deribatur ad membra sensus & motus: ita à capite spirituali, quod est Christus, deriuatur ad membra eius, sensus spiritualis, qui consistit in cognitione veritatis, & motus spiritualis, qui est per gratiæ instinctum. Vnde Ioan. 1. dicitur: Vidimus eum plenum gratiæ & veritatis, & de plenitudine eius nos omnes accepimus. Et ideo consequens est, quod baptizati illuminentur à Christo circa cognitionem veritatis, & fecundentur ab eo fecunditate bonorum operum per gratiæ infusionem.

AD PRIMUM ergo dicendum, quod adulti prius credentes in Christum, sunt ei incorporati mentaliter: sed postmodum cum baptizantur, incorporantur ei quodammodo corporaliter, scilicet per visibile sacramentum, sine cuius proposito nec mentaliter incorporari potuissent.

AD SECUNDUM dicendum, quod doctor illuminat exterius per mini-

sterium, catechizando: sed Deus illuminat interius baptizatos, præparans corda eorum ad recipiendam doctrinam veritatis, secundum illud Ioan. 6. Est scriptum in Prophetis: Erunt omnes docibiles Dei.

AD TERTIUM dicendum, quod effectus baptismi ponitur fecunditas, qua aliquis producit bona opera: non autem fecunditas, qua aliquis generat alios in Christo, sicut Apostolus dicit 1. ad Corint. 4. In Christo Iesus per Euangelium ego vos genui.

ARTICVLVS VI.

Utrum pueri in baptismo consequantur gratiam & virtutes.

AD sextum sic proceditur. Videtur, quod pueri in baptismo non consequantur gratiam & virtutes. Gratia enim & virtutes non habentur sine fide & charitate. Sed fides, ut August.* dicit, consistit in creditum voluntate, similiter etiam charitas consistit in diligentium voluntate, cuius usum pueri non habent, & sic non habent fidem & charitatem. Ergo pueri in baptismo non recipiunt gratiam & virtutes.

¶ 2. Præterea, Super illud Ioan. 14. Maiora horum faciet, dicit Aug.* quod ex impio iustus fiat in illo, sed non sine illo Christus operatur. Sed puer cum non habeat usum liberi arbitrij, non cooperatur Christo ad suam iustificationem, imò quandoque pro posse renititur. Ergo non iustificatur per gratiam & virtutes.

¶ 3. Præterea, Rom. 4. dicitur, Ei qui non operatur, credenti autem in eum, qui iustificat impium, reputatur fides eius ad iustitiam secundum propositum gratiæ Dei. Sed puer

non

2. 2. eccl. hier.
part. 1. & 2.

Est glo. Cassio.
super hunc locum.
Psal. 22.

22. q. 47. art.
14. ad 3. & 4.
d. 4. q. 2. art. 2.
q. 1. & d. 17.
q. 1. art. 3. q. 2.
cor. ad 3. & d.
18. q. 1. art. 3.
q. 1. cor.
Ep. 23. non rem
it à si. tom. 2.

Tract. 72. in
Ioannē, à med.
tom. 2.

non est credens in eum, qui iustificat impium. Ergo non consequitur gratiam iustificatorem neque virtutes.

¶ 4. Præterea, Quod ex carnali intentione agitur, non videtur habere spiritualem effectum. Sed quandoque pueri ad baptismum deferuntur carnali intentione, ut scilicet corporaliter sanentur. Non ergo consequuntur spiritualem effectum gratiæ & virtutum.

*Enchirid. c. 52
and med. 10. 3.*

SED CONTRA est, quod Augustinus dicit in Enchirid. Paruuli renascendo moriuntur illi peccato, quod nascendo contraxerunt. Ac per hoc ad illos etiam pertinet, quod dicitur, consepulti sumus cum illo per baptismum in mortem (subditur autem) ut quomodo Christus surrexit à mortuis, per gloriā Patris, ita & nos in nouitate vitæ ambulemus. Sed nouitas vitæ est per gratiā & virtutes. Ergo pueri in baptismo gratiam & virtutes consequuntur.

RESPONDEO dicendum, quod quidam antiqui posuerunt, quod pueris in baptismo non datur gratia & virtutes, sed imprimitur eis character Christi, cuius virtute, cum ad perfectam ætatem venerint, consequuntur gratiam & virtutes.

Sed hoc patet esse falsum dupliciter. Primo quidem quia pueri sicut & adulti, in baptismo efficiuntur membra Christi, unde necesse est, quod à capite recipiant influxum gratiæ & virtutis. Secundo, quia secundum hoc pueri decedentes post baptismum, non peruenirent ad vitam æternam, quia ut dicitur Roman. 6. Gratia Dei est vita æterna. Et ita non profuisset eis ad salutem, baptizatos fuisse. Causa autem erroris fuit, quia nescierunt distinguere inter habitum & actum. Et

sic videntes pueros inhabiles ad actus virtutum, crediderunt eos post baptismum nullatenus virtutem habere. Sed ista impotentia operandi, non accidit pueris ex defectu habituum, sed ex impedimento corporali: sicut etiam dormientes, quāuis habeant habitus virtutum, impediuntur tamē ab actibus propter somnum.

AD PRIMUM ergo dicendum, quod fides & caritas consistunt in voluntate hominū, ita tamen, quod habitus harum & aliarum virtutum requirunt potentiam voluntatis, quæ est in pueris, sed actus virtutum requirunt actum voluntatis, qui non est in pueris. Et hoc modo Augustinus dicit in lib. de Baptismo paruulorum, quod paruulum, etsi nondum illa fides, quæ in creditum voluntate consistit, iam tamē ipsius fidei sacramentū (quod scilicet causat habitū fidei) fidelē facit.

Epi. 23. ad Bonif. non procul à f. 10. 2.

AD SECUNDUM dicendum, quod (sicut Augustinus dicit in lib. de Charitate) nemo ex aqua & Spiritu sancto renascitur nisi volens. Quod non de paruulis, sed de adultis intelligendum est, Et similiter de adultis intelligendum est, quod homo à Christo sine ipso non iustificatur. Quod autē paruuli baptizandi, prout viribus possunt, reluctantur, non eis imputatur, qui in tantum nesciunt quod faciunt, ut nec facere videantur, ut Augustinus dicit in lib. de Præsentia Dei ad Dardanum.

Ep. 57. post meo 10. 2.

AD TERTIUM dicendum, quod (sicut Augustinus dicit) paruulis mater Ecclesia aliorum pedes accomodat, ut veniant: aliorum cor ut credant, aliorum linguam ut fateantur. Et ita pueri credunt, non per actum proprium, sed per fidem Ecclesiæ,

O

quæ

quæ eis communicatur. Et huius fidei virtute conferuntur eis gratia & virtutes.

AD QVARTVM dicendum, quod carnalis intentio deferentium pueros ad baptismum, nihil eis nocet, sicut nec culpa vnus nocet alteri, nisi consentiat. Vnde August. * dicit in Epistola ad Bonifacium. Non illud te moueat, quod quidam non ea fide ad baptismum percipiendū paruulos ferunt, vt gratia spiritali ad vitam regenerentur æternam, sed hoc eos putant remedio corporalem retinere vel recipere sanitatem. Non enim propterea illi non regenerantur, quia non ab istis hac intentione offeruntur.

ARTICVLVS VII.

Vtrū effectus baptismi sit apertio ianuæ regni celestis.

AD septimum sic proceditur. Videtur, quod effectus baptismi non sit apertio ianuæ regni celestis. Illud enim quod est apertum, non indiget apertione. Sed ianuæ regni celestis est aperta per passionem Christi, vnde Apocalyp. 4. dicitur. Post hæc vidi ostium magnum apertum in cælo. Non est ergo effectus baptismi apertio ianuæ regni celestis.

¶ 2. Præterea, Baptismus omni tempore ex quo institutus fuit, habet suum effectū. Sed quidā baptizati sunt baptismo Christi ante eius passionem (vt habetur Ioa. 3.) quibus si tunc decessissent, introitus regni celestis nondum patebat, in quod nullus ante Christum introiuit, secundum illud Mich. 2. Ascendit pandens iter ante eos. Non est ergo effectus baptismi apertio ianuæ regni celestis.

¶ 3. Præterea, Baptizati adhuc sunt obnoxij morti & aliis penalitibus vitæ præsentis, vt supra dictū est. Sed nulli est apertus aditus regni celestis, quandiu obnoxius est poenæ, sicut patet de his, qui sunt in purgatorio. Non ergo effectus baptismi est apertio ianuæ regni celestis.

SED CONTRA est, quod super illud Luc. 3. Apertum est cælum, dicit glo. * Bedæ. Virtus hic baptismatis ostenditur, de quo quisque cum egreditur, regni celestis ei ianuæ aperitur.

RESPONDEO dicendum, quod aperire ianuam regni celestis, est amouere impedimentū, quo quis impeditur regnum celeste introire. Hoc autem impedimentum est culpa & reatus poenæ. Ostensum est autem supra, * quod per baptismum omnis culpa & omnis reatus poenæ tollitur. Vnde consequens est, quod effectus baptismi sit apertio ianuæ regni celestis.

AD PRIMVM ergo dicendum, quod baptismus in tantum aperit baptizato ianuam regni celestis, in quantum incorporat eum passioni Christi, virtutem eius homini applicando.

AD SECVNDVM dicendum, quod quando passio Christi nondū erat realiter perfecta, sed solū in fide credentiū, baptismus proportio-
naliter causabat ianuæ apertionem non quidem in re, sed in spe. Baptizati enim tunc decedentes ex certa spe introitum regni celestis expectabant.

AD TERTIVM dicendum, quod baptizatus non est obnoxius morti, & poenalitibus vitæ præsentis, propter reatum personæ, sed propter

Ar. 3. huius q.

Bedæ Lu. 3. in c. 10. secundū suū ordin. to. 2.

Ar. 1. et 2. huius q.

De conse. d. 4.
c. Mater Eccl.
Ep. 23. parum
ante med. so. 2.
c. li. 1. de pec-
ca. meri. c. 25.
in fin. to. 7.

4 d. 3. ar. 1 q.
3. c. 4. d. 4.
q. 2. ar. 2 q. 6
c. 4. co. c. 19.
et 7. co. 3 c.
Ioa. 3. lec. 1.

propter statum naturæ. Et ideo propter hoc non impeditur ab introitu regni cælestis, quando anima separatur à corpore per mortē, quasi iā persoluto eo, quod naturæ debebatur.

ARTICVLVS VIII.

Vtrū baptismus habeat in omnibus æqualem effectum.

4. d. 4. q. 2. ar.
3. q. 1. c. 2. &
d. 18. q. 1. ar.
3. q. 1. cor.

AD octauum sic proceditur. Videtur, quod baptismus nō habeat in omnibus æqualem effectum. Effectus enim baptismi est remotio culpæ. Sed in quibusdam plura peccata tollit, quam in aliis. nam in pueris tollit solum peccatum originale, in adultis autem etiam peccata actualia, in quibusdam plura, in quibusdam verò pauciora. Non ergo æqualem effectū habet baptismus in omnibus.

¶ 2. Præterea, Per baptismum conferuntur homini gratia & virtutes. Sed quidam post baptismum videntur habere maiorem gratiam & perfectionem virtutum, quam alii baptizati. Nō ergo baptismus habet æqualem effectū in omnibus.

¶ 3. Præterea, Natura perficitur per gratiam, sicut materia per formam. Sed forma recipitur in materia secundum eius capacitatem. Cum ergo in quibusdam baptizatis etiam pueris, sit maior capacitas naturalium, quam in aliis, videtur, quod quidam maiorem gratiā consequantur, quam alij.

¶ 4. Præterea, Quidam in baptismo consequuntur non solum spirituales salutem, sed etiam corporalem, sicut patet de Constantino, qui in baptismo mundatus est à lepra. Nō autem omnes infirmi corporalem salutem consequuntur in baptismo. Baptismus ergo non ha-

bet æqualem effectum in omnibus.

SED CONTRA est, quod dicitur Ephe. 4. Vna fides, vnum baptisma. Vniiformis autem causæ est vniiformis effectus. Ergo baptismus habet æqualem effectū in omnibus.

RESPONDEO dicendum, quod duplex est effectus baptismi, vnus per se, & alius per accidens. Per se quidem effectus baptismi, est id, ad quod baptismus est institutus, scilicet ad regenerandum homines in spiritualem vitam. Et hunc effectum æqualiter facit in omnibus, qui æqualiter se habent ad baptismum. Vnde quia omnes pueri æqualiter se habent ad baptismum (quia non in fide propria, sed in fide Ecclesiæ baptizantur) omnes æqualem effectum percipiunt in baptismo. Adulti vero, qui per propriam fidem ad baptismum accedunt, non æqualiter se habent ad baptismum, quidam enim cum maiori, quidam cum minori deuotione ad baptismum accedunt, & ideo quidam plus, quidam minus de gratia nouitatis accipiunt. Sicut etiam ab eodem igne accipit plus caloris, qui plus ei appropinquat, licet ignis quantum est de se, æqualiter ad omnes suum calorem effundat. Effectus autem baptismi per accidens est, ad quem baptismus non est ordinatus, sed diuina virtus hoc in baptismo miraculosè operatur. Sicut super illud, Roman. 6. Vt ultra non seruiamus peccato, dicit glossa. * Non hoc præstatur in baptismo, nisi fortè miraculo ineffabili Creatoris, vt lex peccati, quæ est in membris, prorsus extinguatur. Et tales effectus non æqualiter suscipiuntur ab omnibus baptizatis, etiam si cū

Comment.in D.Tho.tert. part.

æquali deuotione accedant, sed dispensantur huiusmodi effectus secundum ordinem prouidentie diuinæ.

AD PRIMUM ergo dicendum, quod minima gratia baptismalis sufficiens est ad delendum cuncta peccata. Vnde hoc non est propter maiorem efficaciam baptismi, quod in quibusdam plura, in quibusdam autem pauciora peccata soluit, sed propter conditionem subiecti, quia in quolibet soluit quocunque inuenierit.

AD SECUNDUM dicendum, quod hoc, quod in baptizatis maior vel minor gratia apparet, potest dupliciter contingere. Vno modo quia vnus in baptismo percipit maiorem gratiam, quam alius propter deuotionem maiorem, ut dictum est.

In cor. ap.

*Alio modo, quia etiam si æqualem gratiam percipiant, non æqualiter ea utuntur, sed vnus studiosius in ea proficit, alius per negligentiam gratiæ Dei deest.

AD TERTIUM dicendum, quod diuersa capacitas naturalium in hominibus, non est ex diuersitate mentis, quæ per baptismum renouatur, cum omnes homines eiusdem speciei existentes, in forma conueniunt, sed est ex diuersa dispositione corporum. Secus autem est in angelis, qui differunt specie. Et ideo Angelis dantur dona gratuita secundum diuersam capacitatem naturalium, non autem hominibus.

AD QUARTUM dicendum, quod sanitas corporalis non est per se effectus baptismi, sed est quoddam miraculosum opus prouidentie diuinæ.

COMMENTARIUS.

1 CVM iustificationis, quæ baptismō effici diximus, due sint partes, remissio peccatorū, & diuinæ gratiæ infusio, per quā formaliter fit interior innouatio, Trident. sess. 6. cap. 7. & de remissione peccatorum dictum sit, de infusione gratiæ ex propositis articulis hæc sententia colligitur. baptismus confert suscipientibus digne, atque etiam paruulis gratiam & virtutes: vnde procedūt illuminatio interior, & honorum operum fecunditas: & tandem regni cælestis apertio. est vero hic effectus, gratiæ & virtutum infusio, per se quidem æqualis in omnibus, qui equalem habent ad suscipiendum præparationem, ex accidenti verò cōtingit effectus aliquis, qui in paucis, & non in omnibus suscipientibus repetitur.

2 Primum autem de infusione gratiæ & virtutum, tam in adultos quam paruulos, eadē ratio est collecta ex sancta Scriptura. omnes enim renati Christo incorporati, fiūt eius viua membra, & heredes vitæ eternæ: habent igitur ex vi baptismi gratiam & virtutes, quibus euadant filij Dei. gratiam quidem, quia de plenitudine eius, cui inferuntur, omnes accipiunt, Ioan. 1. virtutes autem Theologicas & dona Spiritus sancti, quia gratiam primam semper consequuntur, ut sit homo filius Dei perfectus secundum spiritum, & ad omne opus bonum instructus: quod in adultis statim exercetur, in paruulis verò cū ad vsum rationis peruenerint, interim vero sunt secundum habitum perfecti. ex his habitibus infusis, in intellectu est illuminatio ad cognitionem diuinæ & supernaturalis veritatis per fidē, & fecunditas bonorū operū in voluntate per charitatē, ipsa vero gratia nos Christo efficit concorporeos, id est mēbra corporis eius mystici. atq; ita, cū remissa sit per baptismū omnis culpa & pœna, ex prioribus articulis, & ex his posterioribus infusa gratia, adoptio filiorū, & ius ad obtinendū regnū cælorum, constat baptismō aperiri ianuā regni cælorū. tunc enim aperitur, cū impedimēta ad eum consequendū, remouentur, nempe culpa & reatus pœnæ, quæ proculdubio remouet baptismus Christi, præsertim post passionē, qua persolutū est pretiū nostræ redēptionis. Nā ante passionē remouebat quidē, sed in spe pretij illius persoluēdi, cuius virtute baptismus remo-

De infusione
gratiæ virtutū
& donorum
per baptismū.

uendi

uēdi omnē reatum pœnē vim habet, quate-
nus id efficit regenerādo & incorporādo cū
Christo, ac si suscipientis baptismū propria
esset illa passio, art. 2. huius q. circuncisio au-
tem etiam si in spe remoueret impedimen-
ta adeundi regnū cælōrū, non tamē remit-
tebat omnem reatū pœnē infra, q. 70. ar. 4.
ad 5. & ideo multo maior est vis baptismi.
3 In his probationibus ex D. Thoma col-
lectis, exactius expēdere oportet hanc gra-
tiā & virtutum infusionem per baptismū,
in adultis & paruulis, an sit omnino certum
dogma fidei. Et quidem in omni iustificati-
one siue baptismō in re aut voto fiat, siue
pœnitentię sacramento similiter, infundi
iustificatis in herentem iustitiam, id est, gra-
tiam iustificantiē formaliter, virtutes Theo-
logicas, dona Spiritus sancti, certū fidei do-
gma est, definitum in Conc. Tridēt. sess. 6.
c. 7. primo enim definit, iustificationē esse
non solam peccatorum remissionem, sed
etiā sanctificationem & innouationem in-
terioris hominis, per volūtariam susceptio-
nē gratiē & donorum. deinde vero addit,
simul hęc infusa accipit homo per I E S U M
Christum cui inseritur, fidē, spem & chari-
tatem. nam fides, nisi ad eam accedat spes
& charitas, neque vnit perfecte cū Chri-
sto, neq; corporis eius viuū membrum
efficit. Illa autē voluntaria susceptio in pa-
ruulis renatis, ad voluntatem offerentium,
quę paruulo tribuitur ex institutione Chri-
sti & Ecclesię paruulos baptizantis, referē-
da est. Colligitur autē idem dogma planē
ex sancta Scriptura, & Patribus consentien-
tibus. Apostolus inquit, nos induere Chri-
stum, Galat. 3. consēpultos cum Christo in
mortem, peccatorum scilicet Colos. 2. cō-
plantatos Rom. 6. vt sicut in illo vera mors
facta est, sic in nobis vera remissio pecca-
torum: & sicut in illo vera resurrectio, ita
in nobis vera iustificatio, vt colligit D. Au-
gust. in Enchir. c. 57. deniq; renati sunt tem-
plū Spiritus sancti, & ipsorū corpora, mem-
bra Christi. Similia sunt Patrum testimonia
iis locis, quos supra adnotauimus ad confir-
mandū baptismō remitti omnem culpā &
pœnam. Sed contra Protestantes accuratē
consideranda est D. Aug. disputatio cōtra
Pelagianos: ij enim negantes originale pec-
catum, cōcupiscentiam naturalem esse as-
seriebant omnino, & non ex peccato indu-
ctam, aut si ex peccato esset, laudabilem ta-
men, vt materiam exercēde virtutis, asserē-

bant pręterea ex D. Augustini sentētia, ba-
ptismū non auferre crimina, sed radere.
ipse tamen lib. 1. contra duas ep. Pelag. sic
respondet, constituens in renatis verā pec-
catorum remissionem, & penitus insitā iu-
sticiam & sanctitatem: dicimus baptismā
dare omnium indulgentiam peccatorum,
& auferre crimina, non radere. quę est ho-
die Protestantium opinio. & lib. 6. cont. Iu-
lian. cap. 5. sic cū eodem Iuliano loquitur,
dixisse me affirmas, quod gratia nō perfe-
ctē hominē nouum facit, nō hoc dico, attē-
de quod dico. gratia perfecte hominē no-
uū facit, quandoquidem & ad corporis im-
mortalitē, plenamq; felicitatē ipsa per-
ducit. nunc etiam perfecte innouat homi-
nem, quantū attinet ad liberationē ab om-
nibus omnino peccatis, non quantum atti-
net ad liberationē ab omnibus malis, & ab
omni corruptione. Hinc est quodd Patres
variis appellationibus exornant baptismi
gratiā, vt ostendant & remittere omne pec-
catū, & interius sanando inherere. Diony.
Areop. Eccl. hier. c. 2. vocat adoptionis ma-
trem. Basil. hom. 13. adoptionis gratiā. Cle-
men. Alex. lib. 1. Pedagogi, c. 6. medicamen-
tum pœonium, Ambr. lib. 1. de sacram. c. 4.
Pascha Christianorū, Chrys. in hom. ad ba-
ptizandos, purgatoriū huius vitę. infundit
ergo baptismus gratiam, dona, & virtutes
Theologicas renatis, & ipsis verē inherēt.
4 An verō sic inherēat, vt qualitates pro-
ductę per baptismū, atq; menti & volunta-
ti infixę, a quibus dicātur & sint renati for-
maliter & verē fideles & Deo dilecti, non
videtur ab eodē Trident. Conc. ex proposi-
to definitū. Proposuit enim sibi refutandū
Lutheranorū dogma, de imputata extrin-
secus iustitia Christi, a qua dicātur iusti re-
nati, reuera tamen non sint, quia iustitia il-
la Christi sit externa, & nullā renatis insitā
concedat, imo verō permanere in ipsis pec-
catū, quod tamen non imputetur, propter
iustitiam Christi, quā sibi extrinsecus appli-
cant, per fidē illam specialem, qua credunt
sibi ad salutē prodesse, licet nō insit. at Cō-
cil. Trid. renatos verē iustos definit per in-
herentē iustitiā, & non extrinsecus imputa-
tā. an verō ea iustitia, id est gratia & virtu-
tes infusę, sint habitus & qualitates produ-
ctę, vel sola animę ad Deū cōuersio, ablata
auersione, quę prius ex peccato inerat, non
expresse videtur definire. Sed quia qualita-
tū illa productio, magis consentit cū verbis

*Gratiam & vir-
tutes iustifican-
tes per baptis-
mum, nobis in-
herere recte si-
des docet.*

Concil.

*Patres & Scri-
ptura.*

*An sint ille vir-
tutes inheren-
tes, qualitates
productas*

Commen in D. Tho. tert. part.

inherēdi formaliter, infundendi, conferēdi dona, & pignus vitæ æternæ & similibus frequenter viurpatis à sancta scriptura, Patribus & Conciliis, censerem sanè, illas qualitates esse productas ad efficiendam iustificationem, & reipsa nobis inherere, cum iustificamur: & contrariam sententiam errorem esse, non heresim, quòd non videatur hætenus expressè ab Ecclesia de finita qualitatibus illa productio. an verò tot sint qualitates productæ, quot numerantur dona & virtutes, ad controuersiam scholasticam, salua fide catholica, pertinet, qualis est de distinctione gratiæ & charitatis, virtutum & donorum, de quibus disputare non est huius loci: sed illud tantum, esse illas virtutes baptismo infusas qualitates quasdam, in anima à Deo productas, per quas homo iustificetur. Primum autē ostendamus, qua via & ratione, ad hanc sententiam definiendam de formali iustitia inherente, per gratiam & virtutes in baptismo infusas, Ecclesia sit progressa, deinde propositam sententiam confirmemus.

*De habitibus
infusis Ecclesiæ
sæcra decreta.*

5 Primum igitur Innocentius III. cap. maiores de baptis. meminit controuersiæ Theologorum an paruulis infundantur gratia & virtutes, quibusdam asserentibus remitti peccata, sed gratiam non infundi aliis contrā & dimitti peccatum, & virtutum habitus infundi. & certè tantum erat controuersia de paruulis, quòd deesset illis & consensus ad recipiendas virtutes, & vsus & exercitatio, quòd nondum essent mētis compotes. De adultis verò nulla videtur tunc exorta dubitatio, nec rationes dubitandi in paruulis, vim vllam habent in adultis. Deinde in Concil. Viennē. quod refertur in Clement. de summ. Trinitat. & fide cathol. non solum referuntur illę diuersæ sententiæ, quod tantum fecerat Innocent. sed etiam lata de eisdem sententia, posterior priori præfertur. inquit enim: Nos autem attendentes generalem efficaciam mortis Christi, quæ per baptisma applicatur pariter omnibus baptizatis, opinionem secundam, quæ dicit tam paruulis quàm adultis conferri in baptismo informantem gratiam & virtutes, tamquā probabiliorē, & dictis sanctorum, ac doctorum modernorum Theologiæ magis consonam & concordem, sacro approbante Concilio, duximus eligendam. tandem in Concil. Trident. sess. 6. cap. 7. formalem

causam, à qua sumus & denominemur iusti, inquit esse iustitiam, quam recipimus à Deo, idest gratiam diffusam in cordibus, & nobis inherentem. & Can. II. anathema indicitur contrarium asserentibus, aut etiā gratiam, qua iustificamur, tantum esse fauorem Dei.

6 His positis, concludamus nostram sententiam, primo quidem de eo quod reipsa fit in paruulis & adultis, deinde de eo quod fieri potest. esse igitur gratiam & virtutes Theologicas, atque etiam dona Spiritus sancti, qualitates infusas & productas à Deo, dogma Tridentinum de iustificationis causa formali omnino euincit. Si enim paruuli renati, sunt formaliter iusti à iustitia sibi inherente, non ab extrinsecus imputata Christi iustitia, vt Protestantes impie asserunt, & ea paruulorum iustitia nō est actus, quo Deo placere possint, cū per ætatem hunc actum producere non possint, certè erit habitus & qualitas producta, quæ suo tempore in actum exire poterit. Si enim dicat aliquis rem illam, quæ sit huiusmodi actus, à Deo produci in anima paruulorum, profecto is non erit actus vitalis, quòd non sit à viuētis infuso principio productus: & cum suauius & aptius intelligatur habitus, & ita loquatur omnes Theologi, certè habitus erit iustitia paruuli renati. idem efficies de iustis adultis, & dormientibus aut non operantibus secundum inherentem iustitiam. Constat enim hos esse formaliter iustos per iustitiam sibi inherentem, quæ cum non sit actus, erit sanè habitus & qualitas producta. Præterea, hæc sententia omnino consentit cum sancta scriptura, Patribus & Concilio Trident. quæ iustitiam nobis inherere, infundi quæ affirmant, esse etiā donum Dei, & pignus æternæ hereditatis, in his vero aliquæ res intelligitur, diuina liberalitate nobis concessa. dicitur etiam semen, 1. Ioann. 3. & cap. 4. de suo, inquit, spiritu dedit nobis, 2. Petr. 1. maxima & pretiosa vobis promissa donauit, 2. Corinth. 1. vnxit nos Deus, qui & signauit nos, & dedit pignus spiritus in cordibus nostris. Ephe. 1. credentes signati estis spiritu promissionis sancto, qui est pignus hereditatis nostræ. eadem ratio dicendi de gratia, est etiam de fide & aliis virtutibus Theologicis, & donis Spiritus sancti. de fide constat Eph. 1. Corinth. 13. dicitur etiam charitas diffusa

*Rationes ex eis
de decretis collu-*

Scripturae

fusa in cordibus nostris. denique Roma. 8. Spiritus Dei dicitur habitare in nobis, & facta carnis mortificare: hic autem spiritus non tantum gratiam, sed etiam adiunctas virtutes Theologicas & dona Spiritus sancti comprehendit, vt facta carnis mortificentur. Sic etiam Patres ex imitatione sanctæ Scripturæ dicunt exornari à Deo animam iusti maximis & pretiosis donis, D. Cyril. Esai. 4. 4. vocat diuinam formam. Cyprianus, lib. 3. episto. 8. dona. D. Cyrill. lib. 1. in Ioan. cap. 15. & lib. 2. cap. 3. Hieron. in Prologo Threnorum.

Patres

Theologi.

7 Consentiant omnes Theologi contra Magistrum, 1. distin. 17. asserentem, quod charitas nō est, in anima, producta à Deo, sed ipsemet Spiritus sanctus mentem inhabitans, hoc est motus dilectionis in nobis, vt exponit D. Thom. 2. 2. q. 23. artic. 2. est ab Spiritu sancto immediate, & non mediante aliquo habitu. sed ea sententia ab omnibus scholasticis refutata est: & sancta Scriptura asserit Spiritum sanctum in nos diffundi, id est dona & virtutes Theologicas ex liberalitate Spiritus sancti. apud D. Thomam hæc disputatio magis est distincta: gratiam enim esse qualitatem animæ infusam, & à virtutibus distinctam, ostendit. 1. 2. q. 110. esse præterea habitus infusos siue virtutes siue dona Spiritus sancti. q. 51. ejus. p. de fide specialiter, 2. 2. q. 6. de spe. q. 18. de charitate, q. 23. artic. 2. huius autē diuinæ & suauis dispositionis in producendis in anima nostra his donis & virtutibus, rationes collegit, 3. lib. contra Gent. cap. 150. Albertus Magnus, 2. part. summæ tractat. 18. q. 98. quare rectè & ad huius sententiæ maximam confirmationem Catechismus Rom. de effectibus baptismi, sic habet. exponendum erit huius sacramenti virtute, nos non solū à malis, quæ verè maxima dicenda sunt, liberari; verum etiam eximiis muneribus & bonis augeri. animus enim noster diuina gratia repletur, qua iusti & filij Dei effecti, hæredes æternæ salutis instituimur. Nam, vt scriptum est, qui crediderit & baptizatus fuerit, saluus erit: mundatamque Ecclesiam lauacro aquæ in verbo Apostolus testatur. est autem gratia, quemadmodum Tridentina Synodus ab omnibus credendum, pœna anathematis proposita decreuit, non solum per quam peccatorum fit remissio, sed diuina qualitas in anima inhærens, ac

veluti splendor quidam & lux, quæ animarum nostrarum maculas omnes delet, ipsasque animas pulchriores & splendidiores reddit. atque id ex sacris literis aperte colligitur, cum gratiam infundi dicant, eaque Spiritus sancti pignus soleant appellare. Huic autem additur nobilissimus omnium virtutum comitatus, quæ in animam cum gratia diuinitus infunduntur. quare cum Apostolus ad Titum ait, saluos nos fecit per lauacrum regenerationis & renouationis Spiritus sancti, quem effudit in nos abundè per Iesum Christum Saluatorem nostrum. D. August. verba illa abundè effudit explanans, nimirum inquit ad remissionem peccatorum, & copiam virtutum. Hæc doceda populis Catechismus Romanus proponit.

Consentit etiam gratiæ definitio, & virtutis à Theologis recepta: illa quidem ex Præpositiuo, hæc autem ex D. Augu. Gratia est habitus infusus diuinæ bonitati & charitati per similes, gratum faciens habentem, & opus ipsius gratum reddens. Similiter de virtute Arist. lib. 2. Ethic. cap. 6. virtus bonum facit habentem & opus eius. Sed D. Augustini definitio colligitur, ex lib. 2. de liber. arbr. cap. 18. & 19. virtus est bona qualitas mentis, qua rectè viuatur, qua nullus male vitur, quam Deus in nobis sine nobis operatur. explicatur à D. Th. 1. 2. quæst. 55. artic. 4.

Gratiæ & virtutis definitio.

8 Sed cum hætenus ostenderimus virtutes Theologicas, dona Spiritus sancti & gratiam infundi, non video cur idem necessarium sit de virtutibus moralibus, quauis ea sententia probetur D. Thomæ eadem 1. 2. quæst. 63. artic. 3. & valde probabilis sit: id tamen affirmo, ex Concil. & Patribus non concludi, quod de aliis conclusum est. De his enim tantum concilia loquuntur, quæ ad iustificationem pertinent, in quorum numero non censentur morales. & Caiet. decretum Vienen. supra propositum, inuitum conatur trahere in sententiam D. Thomæ, de moralibus infusis, cum loquatur de reatorum iustificatione. Sed de his differendi pluribus, non est nunc locus, plura qui volet legere poterit apud Sor. lib. 2. de natura & gratia, c. 18. Vegam, lib. 7. in Trident. cap. 24. Ruard. ad art. 8. Louanien. Sed quid de eo, quod fieri possit, quod secundo loco in hac dubitatione proposuimus, dicendum est. Ref.

An virtutes morales baptismi infundantur.

Comment.in D.Tho.tert.part.

pondeo, omnino fieri posse à Deo, vt homo iustificetur sine his habitibus infusis, & à Deo productis, & sint amici Dei: cum similiter homines inter se amicitia copulentur sine qualitatis alicuius noua productione, quatenus rationem boni induentes, obiecta sunt dilectionis vicissim: similiter est auxilium Dei in nobis, sine qualitatis infusione. 1. 2. q. 110. art. 2. negat quidem id fieri posse D. Bonau. 2. dist. 26. q. & art. 1. sed non videtur firma ratione niti, vt explicat idem Vega, eod. cap. 24.

*An baptis-
mi effectus in om-
nibus sit aqua-
lis.*

Effectus perse.

9 Restat differendum de vltima parte conclusionis propositæ principio huius cõmen. ea pars asseruit effectũ baptismi perse, nempe gratiam & virtutes infusas, in omnibus æqualiter præparatis, æqualem esse: cum autem paruulorum æqualis sit præparatio & eadem, adutorum verò plerumque & magna ex parte inæqualis, quia non similiter gratiæ excitati & auxilio Dei cooperantur, fit sane vt effectus perse baptismi in paruulis æqualis sit, in adultis vero ratione inæqualis dispositionis, sit inæqualis (nisi in adultis minima dispositio accipiatur, quæ semper est æqualis, & ideo gratia quæ illi respõdet.) Generaliter enim de finitum est in Concil. Trident. sess. 6. ca. 7. pro ratione dispositionis & cooperationis iustitiam & gratiam infundi. verè inquit, iusti nominamur & sumus, iustitiam in nobis recipientes vnusquisque suam secundum mensuram, quam Spiritus sanctus partitur singulis prout vult, & secundum propriam cuiusque dispositionem & cooperationem. hæc Concilium. cum vero dicit dispositionem & cooperationem, intelligit planè eam, quæ exordium habet à gratia præueniente & excitante, cuius ratione & vi est nostra cooperatio ad recipiendam gratiam, vt ead. sess. 6. cap. 5. decretum fuerat. Sic etiam ex Patribus colligitur, Cyp. ep. 2. lib. 2. Hieron. lib. 2. cont. Iovin. August. lib. de gratia & lib. arb. cap. 9. & epist. 57. q. 1. & hanc inæqualem in adultis inæqualiter dispositis gratiam, intelligo virtute sacramenti: quia conferet sacramentum his gratiam regenerantem proportionalem dispositioni. de gratiæ verò equalitate in aliis, vt paruulis per baptismum, idem Cypria. lib. 4. epist. 7. sic scribit, planè eadem gratia spiritualis, quæ equaliter in baptismo accedentibus sumitur, in conuersatione atque actũ nostro postmodum vel minuitur, vel

augetur: vt in Euangelio Dominicum semen equaliter seminatur, sed pro varietate terræ aliud absumitur, aliud in multiforme copiam, vel tricesimi vel sexagesimi vel ceteri numeri fructu exuberante, cumulatur. hæc de effectibus per se baptismi. effectus autem ex accidenti sunt, ad quos baptismus non est institutus, sed diuina liberalitate renatis in baptismo conferuntur, adiuantibus etiam aliquando ministri orationibus, supra. q. 64. art. 1. ad 2. huiusmodi effectus sunt, fomitis imminutio aut extinctio, lepræ curatio vt in Constant. Imper. bonus gratiæ vsus, cum ad vsum rationis peruenit, aliquod donum & gratia gratis data, vt in D. Nicolao puero. hæc omnia in paruulis & adultis omnino certa sunt, sicut etiam remissionem peccatorum in omnibus eisdem plenè conferri, siue sint originalia tantum, siue mortalibus & venialibus coniuncta: quia minima gratia satis est ad delenda omnia peccata, & pœnas peccatorum, per baptismũ collata, quatenus cõstituit regni heredem, & aditum ad beatitudinem statim aperit, vt supra ostendimus. Sic D. Damasc. lib. 4. de fid. orthod. cap. 10. peccatorũ, inquit, remissio, omnibus equè per baptismum donata est, gratia verò Spiritus sancti secundum proportionem fidei, & puritatis.

*Effectus ex ac-
cidenti.*

10 Sed quamuis virtute sacramenti, pueris æqualem gratiam conferri Theologi affirmant. 4. d. 4. quod sacramenti cuiusque vt instrumenti, definita sit vis, & ea diuersa esse non possit nisi ex diuersa subiecti dispositione, quæ in pueris semper est æqualis: sunt tamen qui affirmant, ex diuina beneuolentia, licet non virtute sacramenti, inæqualem gratiam conferri paruulis per baptismum, idque ex prædestinatione diuina, & orationibus ministri & assistentium deducunt. vtrumque placet Scoto q. 7. eiusdem dist. & Gabr. q. 2. atque eorum sectatoribus: secundum verò placet Caietano, non tantum in paruulis, sed etiam adultis, sup. q. 64. art. 1. ad 2. itaque ex sententia Scoti, paruulis in baptismo confertur inæqualis gratia ratione prædestinationis, & meriti assistentium: & adultis præterea ratione inæqualis dispositionis. ex prædestinatione colligitur ratio, quia vt sunt ad inæqualem gloriam prædestinati, sic oportet inæquale gratiam recipere, vt gloriæ, sicut oportet, proportionem gratia respondeat. ex merito

*An paruulis
æqualis gratia
in baptismo.*

assi-

assistentium ratio est, quia potest quis alteri mereri augmentum gratiæ oratione & aliis piis operibus. Addit tertiam rationem Palud. q. 1. eiusdem dist. ex reparatione ruinæ angelorum: quia oportet æquales numero homines, fore ad gloriam assumendos, angelis qui ab ea deciderunt: & ideo etiam paruulos renatos decedentes ante usum rationis, inæqualem gratiam in baptismo accipere, ut ad inæqualem gloriam assumantur, sicut ab inæquali angeli deciderunt.

II Sed certè hæc leuia sunt, & recepta omnibus aliis Theologis sententia non possunt hos dimouere, illa enim ratio prædestinationis efficit quidem maiori gloriæ, ad quam aliquis prædestinatus sit, maiorem gratiam respondere, sed per media accommodata secundum legem ordinariam: quare non oportet confugere ad baptismum, quasi non sit alia via ad consequendam maiorem gratiam: aut quasi Deus destinatum ad maiorem gloriam non possit alia via suauiter deducere. Secunda autem ratio ex meritis assistantium collecta, in adultis admitti potest, in paruulis non potest: nullus enim præter Christum, potest alteri mereri de condigno gratiam, aut gratiæ augmentum, sed tantum de congruo, quod nulli iustitiæ nititur, sed liberalitati & misericordiæ Dei, 1. 2. q. 114. art. 6. id vero fit, cum quis alteri meretur bonum animi affectum, quo vel ad Deum conuersus recipiat primam gratiam, vel in gratia, quam habet, augeatur, quod paruulis accommodari non potest, cum sine rationis usu hunc bonum animi affectum habere non possint: nullus ergo potest illis mereri primam gratiam vel illius incrementum. & inauditum est, quod post primam gratiam baptismi, aliquis augeatur in gratia, & ex consequenti in gloria sine propriis operibus: efficeretur enim ut sicuti paruulis, sic & dormientibus posset aliquis gratiam primam, vel augmentum gratiæ aliquo modo mereri. Illa verò tertia ratio, quæ ex ruina angelorum deducta est, nullam omnino vim habet, quamuis enim homines assumantur ad sedes angelorum, qui ceciderunt de dignitate, in qua conditi sunt, non tamen necesse est in utrisque æqualem numerum constituere: neque est aliquod firmiter principium unde deduci possit hæc equalitas. Cæterum de illa assumptione hominum ad sedes angelorum, i. p.

q. 108. art. 8. in qua plerique homines ad æqualem gloriam, ut omnes paruuli renati: plerique verò ad inæqualem, & diuersas mansiones, quæ diuersis meritis respondet.

ARTICVLVS IX.

Vtrum fictio impediatur effectum baptismi.

AD nonum sic proceditur. Videtur, quod fictio non impediat effectum baptismi. Dicit enim Apost. Gal. 3. Quicumque in Christo baptizati estis, Christum induistis. Sed omnes qui baptismum Christi suscipiunt, baptizantur in Christo. Ergo omnes induunt Christum, quod est percipere baptismi effectum. Et ita fictio non impedit baptismi effectum.

4. di. 4. q. 2.
ar. 1. q. 1 ad 3.
q. 3. ar. 2.
q. 2. per 10. q.
4. 12. q. 2. ar.
1. q. 3. ad 3.

¶ 2. Præterea, In baptismo operatur virtus diuina, quæ potest voluntatem hominis mutare in bonum. Sed effectus causæ agentis non potest impediri per id quod ab illa causa potest auferri. Ergo fictio non impedit baptismi effectum.

¶ 3. Præterea, Effectus baptismi est gratia, cui peccatum opponitur. Sed multa sunt alia peccata grauiora, quam fictio, de quibus non dicitur, quod effectum baptismi impediunt. Ergo neque fictio impedit effectum baptismi.

SED CONTRA est, quod dicitur Sap. 1. Spiritus sanctus, disciplinæ effugiet fictum. Sed effectus baptismi est a Spiritu sancto. Ergo fictio impedit effectum baptismi.

RESPONDEO dicendum, quod (sicut Damasc. dicit) Deus non cogit hominem ad iustitiam. Et ideo ad hoc quod aliquis iustificetur per baptismum, requiritur quod voluntas hominis amplectatur baptismum, & baptismi effectum. Dicitur

1. ib. 2. orib. p. 2.
cap. 3. o.

D. Thom. tert. part.

tur autem aliquis fictus, per hoc quod voluntas eius contradicit vel baptismo, vel eius effectui. Nam secundum August. quatuor modis dicitur aliquis fictus. Vno modo ille qui non credit, cum tamen baptismus sit fidei sacramentum. Alio modo per hoc quod contemnit ipsum sacramentum. Tertio modo per hoc quod aliter celebrat sacramentum, non seruans ritum Ecclesie. Quarto modo per hoc quod aliquis inde uotè accedit. Vnde manifestum est. quod fictio impedit effectum baptismi.

AD PRIMVM ergo dicendum, quod baptizari in Christo, potest intelligi dupliciter. Vno modo in Christo, idest in Christi conformitate. Et sic quicumque baptizantur in Christo, conformantur ei per fidem & charitatem, induunt Christum per gratiam. Alio modo dicuntur aliqui baptizari in Christo, in quantum accipiunt sacramentum Christi. Et sic omnes induunt Christum per configurationem characteris, non autem per conformitatem gratie.

AD SECVNDVM dicendum, quod quando Deus voluntatem hominis de malo in bonum mutat, tunc homo non accedit fictus, sed non semper hoc Deus facit. Nec ad hoc sacramentum ordinatur, ut de ficto fiat aliquis non fictus, sed ut non fictus aliquis accedens iustificetur.

AD TERTIVM dicendum, quod fictus dicitur aliquis ex eo, quod demonstrat se aliquid velle, quod non vult. Quicumque autem accedit ad baptismum, ex hoc ipso ostendit se rectam fidem Christi habere, & sacramentum venerari, & velle se Christo conformari, & velle à peccato

recedere. Vnde cuicumque peccato vult homo inhaerere, si ad baptismum accedit, fictus accedit, quod est inde uotè accedere. Sed hoc intelligendum est de peccato mortali, quod gratie contrariatur, non autem de peccato veniali. Vnde fictio hic quodammodo includit omne peccatum.

ARTICVLVS X.

Virum fictione recedente, baptismus suum effectum consequatur.

AD decimum sic proceditur. Videtur, quod fictione recedente, baptismus suum effectum non consequatur. Opus enim mortuum, quod est sine charitate, non potest vnquam viuificari. Sed ille, qui fictus accedit ad baptismum, recipit sacramentum sine charitate. Ergo nunquam potest viuificari hoc modo, ut gratiam conferat.

¶ 2. Præterea, Fictio videtur esse fortior quam baptismus, cum impediat eius effectum. Sed fortius non tollitur à debiliore. Ergo peccatum fictionis non potest tolli per baptismum fictione impeditum. Et sic baptismus non consequetur suum effectum, qui est remissio omnium peccatorum.

¶ 3. Præterea, Contingit quod aliquis fictè accedat ad baptismum, & post baptismum multa peccata cum mittat, quæ tamen per baptismum non tolluntur, quia baptismus tollit peccata præterita, non futura. Ergo baptismus talis nunquam consequetur suum effectum, qui est remissio omnium peccatorum.

SED CONTRA est, quod Augustinus dicit in lib. de Baptismo, Tunc valere incipit ad salutem baptismus.

cum

4. d. 4. q. 3. ar.
2. q. 3. & d.
17. q. 3. ar. 4.
q. 1.

Lib. x. de baptis.
contra Doct.
na. c. 12. ante
med. so. 7. &
habetur de Cō-
sec. d. 4. c. 4.

*Alias ab obli-
tionem.*

2. 66. ar. 9.

cum illa fictio veraci confessione
recesserit, quæ corde in malitia vel
sacrilegio perseverante, peccatorū
*ablutionem non sinebat fieri.

RESPONDEO dicendum, quod
(sicut supra dictū * est) baptismus
est quædā spiritualis regeneratio.
Cum autem aliquid generatur, si-
mul cum forma recipit effectum
formæ, nisi sit aliquid impediens,
quo remoto forma rei generatæ
perficit suum effectum, sicut simul
cum corpus graue generatur, mo-
uetur deorsum, nisi sit aliquid pro-
hibens, quo remoto statim incipit
moueri deorsum. Et similiter quā-
do aliquis baptizatur, accipit chara-
cterem quasi formam, & consequi-
tur proprium effectum, qui est gra-
tia remittens omnia peccata. Impe-
ditur autem quandoque per fictio-
nem, unde oportet, quod remota
ea per poenitentiam, baptismus sta-
tim consequatur suum effectum.

AD PRIMVM ergo dicendum,
quod sacramentum baptismi est
opus Dei & non hominis. Et ideo
non est mortuum in fictio, qui sine
charitate baptizatur.

AD SECUNDVM dicendum,
quod fictio non remouetur per ba-
ptismum, sed per poenitentiam sub-
sequentem, qua remota, baptismus
aufert culpam & reatum omnium
peccatorum præcedentium baptis-
mum, & etiam simul existentium
cum baptismo. Vnde August. dicit
in lib. de baptismo paruulorū, Sol-
uitur hesternus dies, & quicquid
superest soluitur, etiam ipsa hora
momentumque ante baptismum &
in baptismo deinceps autem conti-
nuò reus esse incipit. Et sic ad ba-
ptismi effectum consequendū con-
currit baptismus & poenitentia, sed

baptismus sicut causa per se agens:
poenitentia sicut causa per accidēs,
id est, remouens, prohibens.

AD TERTIVM dicendum,
quod effectus baptismi non est tol-
lere peccata futura, sed præsentia
vel præterita. Et ideo recedente fi-
ctione, peccata sequentia remittun-
tur quidem, sed per poenitentiam,
non per baptismum. Vnde non re-
mittuntur quantum ad totum rea-
tum, sicut peccata præcedentia ba-
ptismum.

COMMENTARIUS.

CVM baptismi effectibus coniun-
cta est necessariò doctrina de im-
pedimentis, vt his remotis baptismi effica-
cia non impediatur. impedimēta vero om-
nia vno fictionis nomine continentur. Fi-
ctus autē hīc dicitur, qui vel ex animo re-
pugnat interius baptismi, quē exterius si-
mulat se velle recipere, vel repugnat effe-
ctui, id est regenerationi, quod in peccato
mortali vellit perseverare, etiam cum ba-
ptismum recipit: quare hoc tantum perti-
net ad adultos, cum paruuli nullum habe-
re possint peccatum nisi originale. Senten-
tia D. Thomæ est, fictio impedit effectum
baptismi: sed ea recedente per poenitentia,
baptismus statim consequitur suum effe-
ctum. Prior pars huius sententiæ, dogma
catholicum est. docet enim recta fides, ad
baptismum adulti, necessariam esse dispo-
sitionem poenitiæ, saltem attritionis etiā
cognitæ, vt nullo modo maneat in bapti-
zando affectus peccati mortalis, sup. q. 65.
art. 4. tunc autem recipiet effectum baptis-
mi. quod si simulet se velle baptismū, quē
tamē interius nolit omnino, nihil suscipit, &
iterū baptizari debet sup. q. 64. ar. 10. & 68.
art. 7. & cap. maiores de baptismo. Si deni-
que ex animo baptismum velit, sed adhuc
in peccato mortali perseverare, per ba-
ptismum recipit characterem, & fit Chri-
stianus, non tamen regeneratur: imo verò
suscipiendo baptismum, sacrilegium com-
mittit, quatenus indigne ad sacramentum
accedit. hæc omnia Theologis catholicis
recepta sunt, & nullam dubitationem ad-
mittere possunt.

*fictio qua im-
pedi effectum
baptismi.*

*Lib. 1. de bapt.
paruul. c. 12. in
in fi. to. 7. ha-
betur de conse.
ds. 4. c. 40. in
8vo.*

Comment. in D. Thom. tert. part.

*D. Augustini
sententia de ef-
fectu baptismi
recedente fictio-
ne.*

2 Posterior pars conclusionis non est à Conciliis definita, neque ab omnibus Patribus tradita, sed ex Augustino desumpta, omnium Theologorum deinceps consensus meruit. Videtur autē Aug. ex D. Cypriano desumpsisse vt alia multis enim in sermone de passione non longè à fine, si is sermo D. Cypriani est, vt certe videtur esse, vel auctoris Synchroni Cypriano, sic igitur scribit: licet indigni sint, qui accipiunt, sacramentorum tamen reuerentia, & propinquiore ad Deum parat accessum, & ubi redierint ad cor, constat ablutionis donum, & redit effectus munerum, nec aliàs queri aut repeti necesse est salutaris sacramentum. Hec Cyprianus. consentit D. Aug. lib. 1. de baptism. contra Donatistas, cap. 12. & refertur summam de consecr. d. 4. c. tunc valere, vt est in argumento sed contrā articulo 10. ea vero sententia planè significat, sacrilegium commissum in illa fictione suscipientis indignè baptismum, delendum esse, per poenitentiae sacramentum: eo vero ablato, redire statim omnem effectum baptismi, hoc est gratiam regenerantem, remissionem omnis culpæ & reatus ad poenam. firmamentum huius sententiae, videtur esse illud fidei decretum de nō iterando baptismo, in quo nihil essenziale omisum est, cum enim sine baptismō & eius effectu nemo salutem consequi possit, & susceptus cum fictione iterari non possit: videtur necessario asserendum esse, recedente fictione, effectum baptismi redire, vt ille salutem assequatur: effectus enim baptismi, nempe regeneratio, remissa omni culpa & omnis poenæ reatu, nullo alio sacramento confertur per se: remouet tamen poenitentia fictionis illud impedimentum, vt redeat per se effectus baptismi. Itaque cum disputaret D. August. de vnico baptismō contra Donatistas, hanc etiam viam iterandi baptismum ratione fictionis omnino præcludit, quod rediret effectus baptismi remota per poenitentiam fictione.

Explicatio illius.

3 De illius intelligentia & explicatione tres sunt Theologorum inter ipsos, salua fide catholica controuersia. prima de causa redeuntis effectus baptismi proxima & immediata. Secunda, an illa poenitentia, quæ tollit fictionem, exigit attritionem vel contritionem. Tertia, an idem sit de aliis sacramentis sic susceptis, atque de baptismō.

In priori controuersia habemus dissidentes sententias, quidam causam redeuntis effectus dicunt esse diuinam passionem, de efficienda regeneratione per baptismum, siue baptismō digne suscepto, siue remota fictione, sine baptismō, vt Scotus & Durand. Alij non tribuunt effectum baptismi, sed poenitentiae, vt Ioan. And. & alij apud Scotum, & post eum Gabr. exigens ad delendam fictionem, perfectam contritionem. sed quia hūc inuestigamus proximam & coniunctam causam, reicienda est prima sententia. & quia ea causa, vt retineatur propriè D. Augustini sententia proposita, debet esse baptismus vel aliquid ipsius, ideo secunda sententia omnino est aliena à proposito D. Augustini, tantum abest vt possit esse illius vera explicatio.

4 Tertia ergo sententia D. Thomæ duobus principiis nititur, vt accurate Caiet. expendit. vnum est, character baptismi & habet rationem dispositionis & formæ: vt forma est principalis effectus, non autem vt dispositio. baptismus enim & generat filios regni per adoptionem, & Christianos constituit, cum constituat fideles & membra Ecclesiæ. Primo modo, gratia regenerans est principalis effectus, & character est veluti dispositio quædam & signum. Altero modo, character habet vim principalis effectus, cū solo characterē efficiamur Christiani, & in Ecclesiæ mēbris numeremur, vt constat de fidelibus permanentibus in peccato mortali: gratia vero ex diuina misericordia, adiungitur characteri, nisi quid impediatur, vt characteris vsus perfectus sit, sicuti oportet. itaque character non est dispositio necessario ducens ad gratiam, & ei coniuncta, quod frustra plerique in D. Tho. reprehendunt, cum tamen is docuerit supra q. 64. art. 1. ad 1. non esse huiusmodi dispositionem ad gratiam, sed ex diuina misericordia eidem coniungi: cum plerūque imprimatur character sine gratia, vt in fictis baptizatis, plerumque gratia sine characterē, vt in adultis poenitēte & nō baptizato. Alterum principium ex ratione naturali desumptum: non potest aliquid efficere vt instrumentum, nisi ipsum reuera sit, vel aliquid ipsius: sic generans graue mouet, sed impressa grauitate, cū abest: sic animata vi seminis, sic proiecta impulso aere, sic & baptismō efficit Deus, & characterē baptismi non existentis, cum recedente fi-

D. Th. sententia

fictione,

*Vtrum Circuncisio fuerit preparatoria
& figuratiua baptismi.*

*Pœnitētia quæ
fictionem tollit*

ctione, baptismi effectus redire dicitur. Hæc est explicatio D. Thomæ de causa re deuntis effectus baptismi remota fictione. Ad alteram controuersiam respondendū est, fictionis illud peccatū materiā esse necessariā sacramenti pœnitētiæ, & ideo quæ requiritur contritio ad pœnitentiā, satis est ad delendā illam fictionem, satis autem est imperfecta, quæ dicitur attritio cum sacramento, & extra sacramentum perfecta contritio, ut in Concil. Trident. sess. 14. subiecta verò sacramento pœnitētiæ sunt in hoc fictè baptizato, & ipsa fictio, & peccatū vel peccata, quæ fictionem effecerunt, in quibus scilicet permanere voluit cū baptizaretur, ut furtum, adulterium &c. & quæ præterea secuta sunt baptismum susceptū: quæ vero antecesserunt nullo modo, cum ad baptismum neque requiratur in adultis confessio aut satisfactio. in his præterea remittitur culpa & poena, quia virtute baptismi, in illis semper culpa & poena æterna, poena vero temporalis proportionē contritionis. Ad tertiam controuersiam, certam aliquam sententiā non habemus: probabile tamē est quod de baptismo diximus, in cæteris sacramentis valere, saltem imprimētibz characterem, cum his ratio & explicatio D. Thomæ accommodari possit, & ea iterari non possint, cætera verò possint.

An eadem sententia in aliis sacramentis.

QVÆSTIO LXX.

De Circuncisione, quæ præcessit baptismum, in quatuor articulos diuisa.

DEinde considerandum est de preparatoriis ad baptismum. Et primò de preparatorio, quod præcessit baptismum, id est, de Circuncisione. Secundo, de preparatoriis, quæ concurrunt simul cū baptismo, scilicet de catechismo & exorcismo.

¶ Circa primum quærentur quatuor.

Primò, *Vtrum Circuncisio fuerit preparatoria & figuratiua baptismi.*
Secundò, *de institutione ipsius.*
Tertiò, *de ritu eius.*
Quartò, *de effectu ipsius.*

Sup. q. 68. ar. 1. ad 1. & 1. 2. q. 102. art. 5. cor. ad 1. & 3. & 4. di. 1. q. 2. ar. 1. q. 1. co. & di. 2. q. 1. ar. 2. ad 5. & Ro. 2. le. 2. co. & le. 4. co. 4.

AD primum sic proceditur. Videtur, quod circuncisio nō fuerit preparatoria & figuratiua baptismi. Omnis enim figura habet aliquam similitudinem cū suo figurato. Sed circuncisio nullam habet similitudinem cum baptismo. Ergo videtur, quod non fuerit preparatoria & figuratiua baptismi.

¶ 2. Præterea, Apostolus dicit, 1. Corint. 10. de Antiquis Patribus loquens, quod omnes in nube & in mari baptizati sunt. Non autem dicit, quod in circuncisione baptizati sint. Ergo protectio columnę nubis, & transitus maris rubri, magis fuerunt preparatoria ad baptismū & figuratiua ipsius, quàm circuncisio.

¶ 3. Præterea, Suprà dictum est, quod baptismus Ioannis fuit preparatorius ad Baptismum Christi. Si ergo etiam circuncisio fuit preparatoria & figuratiua baptismi Christi, videtur quod baptismus Ioannis fuerit superfluous, quod est inconueniens. Non ergo circuncisio fuit preparatoria & figuratiua baptismi.

2. 38. art. 2. & 3.

SED CONTRA est, quod Apostolus dicit Col. 2. Circuncisio estis circuncisione non manufacta, in expoliatione corporis carnis, sed circuncisione Christi, consepulti ei in baptismo.

RESPONDEO dicendum, quod baptismus dicitur sacramētum fidei, in quantum scilicet in baptismo fit quædam fidei professio, & per baptismum aggregatur homo congregationi fidelium. Eadem au-

D. Thom. tert. part.

rem est fides nostra & antiquorum Patrum, secundum illud Aposto. 2. Corinth. 4. Habentes eundem Spiritum fidei, credimus: Circuncisio autem erat quædam protestatio fidei. Vnde dicitur Roman. 4. quod Abraham accepit circuncisionem tanquam signaculum fidei: Vnde & per circuncisionem antiqui aggregabantur collegio fidelium. Vnde manifestum est, quod circuncisio fuit præparatoria ad baptismum & præfiguratiua ipsius, secundum quod antiquis Patribus omnia in figuram futuri contingebant (ut dicitur 1. Corinth. 10.) sicut & fides eorum erat de futuro.

AD PRIMVM ergo dicendum, quod circuncisio habebat similitudinem cum baptismo, quantum ad spirituale effectum baptismi. Nam sicut per circuncisionem auferebatur quædam carnalis pellicula, ita per baptismum homo expoliatur à carnali conuersatione.

AD SECUNDVM dicendum, quod protectio columnæ nubis, & transitus mari Rubri, fuerunt quædam figuræ nostri baptismi, quo renascimur ex aqua figurata per mare Rubrum, & Spiritu sancto significato per columnam nubis. Non tamen per hæc fiebat aliqua professio fidei, sicut per circuncisionem. Et ideo prædicta* duo erant tantum figure, & non sacramenta. Circuncisio autem erat etiam sacramentum præparatorium ad baptismum, minus tamē expressè figurans baptismum quantum ad exteriora, quā prædicta. Et ideo Apostolus potius fecit mentionem de prædictis, quā de circuncisione.

AD TERTIVM dicendum, quod baptismus Ioannis fuit præparatorius ad baptismum Christi, quantum

ad exercitium actus. Sed circuncisio quantum ad professionem fidei, quæ requiritur in baptismo, sicut dictum est.

In cor. 47.

ARTICVLVS II.

Vtrum circuncisio fuerit conuenienter instituta.

AD secundum sic proceditur. Videtur, quod circuncisio fuerit inconuenienter instituta. Sicut enim dictum est, * in circuncisione fiebat quædam fidei professio. Sed à peccato primi hominis nullus unquam saluari potuit nisi per fidem passionis Christi, secundum illud Roma. 3. Quem proposuit Deus propitiatorem per fidem in sanguine ipsius. Ergo statim post peccatum primi hominis, circuncisio institui debuit, & non tempore Abraham.

1. 2. q. 102.
ar. 5. ad 1. &
q. 103. ar. 1.
ad 3. & 4. d.
1. ar. 2. q. 4.
co. & q. 2. ar.
1. q. 3. per totum.

Art. præc.

¶ 2. Præterea, In circuncisione homo profitebatur obseruantiam veteris legis, sicut in baptismo proficitur obseruantiam nouæ legis. Vnde Apost. dicit, Gal. 5. Testificor omni homini circuncidenti se, quoniam debitor est vniuersæ legis faciendæ: Sed legalis obseruantia non est tradita tempore Abraham, sed magis tempore Moyse. Ergo inconuenienter instituta est circuncisio tempore Abraham.

¶ 3. Præterea, Circuncisio fuit figuratiua & præparatoria baptismi. Sed baptismus exhibetur omnibus populis secundum illud Matth. ult. Euntes docete omnes Gentes, baptizantes eos: Ergo circuncisio non debuit institui, ut obseruanda tantum ab vno populo Iudæorum, sed ab omnibus populis.

¶ 4. Præterea, Carnalis circuncisio debet respondere spirituali, sicut figura figurato. Sed spiritualis circuncisio, quæ fit per Christum, indiffe-

In ista soluti.
in arg.

indifferenter cōuenit vtriq; sexui, quia in Christo IESV non est masculus neque fœmina, vt dicitur Coloss. 3. Ergo inconuenienter est circumcisio instituta, quæ competit solis maribus.

SED CONTRA est, quod sicut legitur, Gen. 17. circumcisio est instituta à Deo, cuius perfecta sunt opera.

RESPONDEO dicendum, quod (sicut dictum est*) circumcisio erat præparatoria ad baptismum, inquam erat quædam professio fidei Christi, quam etiam nos in baptismo profitemur. Inter antiquos autem Patres primus Abraham promissionem accepit de Christo nascituro, cum dictum est ei, Gen. 22. In semine tuo benedicentur omnes gentes terræ. Ipse etiam primus se à societate infidelium segregauit, secundum mandatum Dei dicentis sibi: Egredere de terra tua & de cognatione tua. Et ideo conuenienter circumcisio fuit instituta in Abraham.

AD PRIMUM ergo dicendum, quod immediatè post peccatū primi parētis, propter doctrinā ipsius Adæ (qui plenè instructus fuerat de diuinis) adhuc fides & ratio naturalis in tantum vigeat in homine, quod non oportebat determinari hominibus aliqua signa fidei & salutis, sed vnusquisque pro suo libito fidem suam aliquibus signis protestabatur. Sed circa tempus Abraham, diminuta erat fides, plurimis ad idololatriam declinantibus, obscurata etiam erat ratio naturalis per augmentum carnis concupiscentiæ vsque ad peccatum contra naturam. Et ideo conuenienter tunc & non antè, fuit instituta circumcisio ad profitendum fidem, & ad minuē

dum carnalem concupiscentiam.

AD SECUNDUM dicendum, quod legalis obseruatiō tradi nō debuit nisi populo iam congregato, quia lex ordinatur ad bonum publicum, vt in secunda parte dictum est. * Populus autē fidelium cōgregandus erat aliquo signo sensibili, quod est necessarium ad hoc, quod homines in quacunque religione adunentur, sicut Aug. * dicit cōtra Faustum. Et ideo oportuit prius institui circumcisionem, quàm lex daretur. Illi autem Patres, qui fuerunt ante legē, familias suas instruxerunt de rebus diuinis, per modum paternæ admonitionis. Vnde & Dominus dicit de Abraham, Scio quod præcepturus sit filiis suis & domui suæ post se, vt custodiant viam Domini.

AD TERTIUM dicendum, quod baptismus in se continet perfectionem salutis, ad quam Deus omnes homines vocat, secundum illud, 1. Timoth. 2. Qui vult omnes homines saluos fieri. Et ideo baptismus omnibus populis proponitur. Circumcisio autem non cōtinebat perfectionem salutis, sed figurabat ipsam vt fiendam per Christum, qui erat ex Iudeorum populo nasciturus. Et ideo illi soli populo data est circumcisio.

AD QVARTUM dicendum, quod circumcisio instituta est vt signū fidei Abraham, qui credidit se patrē futurū Christi sibi repromissi, & ideo cōueniēter solis maribus cōpetebat. Peccatū etiā originale, contra quod specialiter circumcisio ordinabatur, à patre trahitur, nō à matre, vt in secunda parte dictū est. * Sed baptismus cōtinet virtutē Christi, qui est vniuersalis causa salutis omnium, & remissionis omnium peccatorū

A R.

Ar. præ.

1. 2. q. 90. ar. 2.

Lib. 19. c. 11. in fine to. 6.

1. 2. q. 81. ar. 3. ad 2. et ar. 19 ad 2.

ARTICVLVS. III.

*Virum ritus circumcisionis fuerit
conueniens.*

4. di. 1. q. 2. ar.
tic. 3. q. 1. &
ar. 3. q. 2. & 3
& 10. 7. le. 2.
col. 5 & Ro. 4.
le. 2. co. 3.
Art. 1. & 2. hu
ius q.

AD tertium sic proceditur. Vi
detur, quod ritus circumcisi
onis non fuerit conueniens. Circun
cisio enim (sicut dictum est*) fidei
quedā professio est. Sed fides in vi
apprehensiuā existit, cuius opera
tiones maximē apparent in capite.
Ergo magis debuit signum circun
cisionis dari in capite, quam in mē
bro generationis.

¶ 2. Prætereā, Ad vsum sacramē
torum assumimus ea, quorum est
communior vsus, sicut aquam ad
abluendum, & panem ad reficien
dum. Sed ad incidendum commu
nius vtimur cultello ferreo quā
petrino. Ergo circumcisio non de
buit fieri cultello petrino.

¶ 3. Prætereā, Sicut baptismus
instituitur in remedium originalis
peccati, ita etiam circumcisio, sicut
Beda dicit, * Sed baptismus non
differtur vsque ad octauum diē (ne
pueris periculum damnationis im
mineat propter originale peccatū,
si nondum baptizati decedant) quā
doque etiam traditur baptismus
post octauum diem. Ergo circunci
sionis non debuit determinari octa
uus dies, sed debebat quandoq; præ
ueniri, sicut etiam quandoque tar
dabatur.

SEDE CONTRA est, quod Rom. 4.
super illud: Et signum accepit cir
cuncisionis, determinatur in glos.
* prædictus circumcisionis ritus.

RESPONDEO dicendum, quod
(sicut dictū est*) circumcisio quod
dam signum fidei est, institutum à
Deo, cuius sapientiæ non est nume
rus. Determinare autem conueniē
tia signa, est sapientiæ opus. Et ideo

concedendū est, quod ritus circum
cisionis fuit conueniens.

AD PRIMVM ergo dicendum,
quod circūcisio cōuenienter fiebat
in mēbro generationis. Primò qui
dē quia signū erat fidei, qua Abrahā
credidit Christū ex suo semine nal
citurū. Secundò, quia erat in reme
diū peccati originalis, quod per a
ctum generationis traducitur. Ter
tiò, quia ordinabatur ad diminutio
nē carnalis concupiscētiæ, quæ præ
cipuē in mēbris illis viget, propter
abūdantiā delectationis venereorū

AD SECVNDVM dicendū, quod
cultellus lapideus non erat de ne
cessitate circumcisionis, vnde non
inuenitur tale instrumentū præce
pto diuino determinatum. Neque
etiā communiter tali instrumento
Iudæi vrebantur ad circuncidendū,
sicut neque modò vtūtur. Legūtur
tamen aliquę circuncisiones famo
sę cultello lapideo factę, sicut legi
tur Exo. 4. quod tulit Sephora acu
tissimā petram, & circuncidit præ
putium filij sui. & Iosue 5. dicitur:
Fac tibi cultellos lapideos, & circū
cide secundò filios Israël. Per quod
figurabatur circumcisiōnē spiritua
lem esse fiendam per Christum, de
quo dicitur, 1. Corint. 10. Petra au
tem erat Christus.

AD TERTIVM dicendū, quod
octauus dies determinabatur circū
cisioni, tū propter mysterium, quia
in octaua etate (quæ erit etas resur
gentiū) quasi in octauo die perficie
tur per Christū spiritualis circūci
sio, quando auferet ab electis non
solum culpam, sed etiā omnem poe
nalitatem: tum etiam propter tene
ritudinē infantis ante octauū diē.
Vnde etiam de aliis animalibus Le
uit. 22. præcipitur, Bos, ouis & ca
pra,

In ho. circunci
sionis inter prin
cip. & mo. in
hom. totius an
is reperis.

In glo. ord. su
per illud. Sig
nū accepit cir
cuncisionis.
Ar. præc. hu
ius quæst.

pra, cum genita fuerint, septē diebus erunt sub vbere matris suæ, die autem octauo, & deinceps offerri poterunt Domino. Erat autē octauus dies de necessitate præcepti, ita scilicet, quod octauum diem prætermittentes, peccabāt etiam si esset sabbathum, secundū illud Ioan.

7. Circumcisionem accipit homo in sabbatho, vt nō soluatur lex Moy si. Non tamen erat de necessitate sacramenti, quia si aliqui omittēbant octauum diem, postea poterāt circumcidi. Quidam etiam dicunt, quod propter periculum imminētis mortis, poterat octauus dies præueniri. Sed hoc nec ex autoritate Scripturæ, nec ex consuetudine Iudæorum haberi potest. Vnde melius dicendum est, sicut etiam Hug. t. de san Victor. dicit, quod octauus dies nulla necessitate præueniebatur. Vnde super illud Proverb. 4. Unigenitus eram corā matre mea. dicit gl. * quod alius Bersabee paruulus non cōputatur, quia ante octauum diem mortuus, nominatus nō fuit, & per cōsequēs nec circūcisus.

ARTICVLVS. IIII.

*Verūm circumcisio conferebat gratiam
non iustificantem.*

Ad quartū sic proceditur. Videtur, quod circumcisio non conferebat gratiam iustificantem, dicit enim Apostolus Gal. 2. Si ex lege est iustitia, Christus gratis mortuus est, id est sine causa. Sed circumcisio erat quidam obligatio legis implendæ: secundum illud Galat. 5. Testificor omni homini circumdenti se, quoniam debitor est vniuersæ legis faciendæ. Ergo si ex circumcisione est iustitia, Christus gratis, id est, sine causa, mortuus est.

Sed hoc est inconueniens. non ergo ex circumcisione erat gratia iustificans a peccato.

¶ 2. Præterea, Ante institutionem circumcisionis sola fides ad iustificationē sufficiebat, dicit enim Gregor. * in Mora. Quod apud nos valet aqua baptismatis, hoc egit apud vereres pro paruulis sola fides. Sed virtus fidei non est imminuta per mandatum circūcisionis: ergo sola fides paruulos iustificabat, & non circumcisio.

¶ 3. Præterea, Iosue 5. legitur, quod populus, qui natus est in deserto, per quadraginta annos incircuncisus fuit. Si ergo per circumcisionem auferebatur peccatum originale, videtur quod omnes qui in deserto mortui sunt, tam paruuli, quā adulti, fuerint damnati. Et eadē obiectio est de pueris, qui moriebantur ante octauum diem circūcisionis, qui præueniri nō debebat, vt dictum est. *

¶ 4. Præterea, Nihil impedit introitum regni celestis, nisi peccatum. Sed circūcisi ante passionem Christi impediēbantur ab introitu regni celestis. Non ergo per circūcisionem hominēs iustificabantur a peccato.

¶ 5. Præterea, Peccatum originale nō dimittitur sine actuali, quia impium est a Deo dimidiam sperare veniam, vt Aug. * dicit. Sed nusquam legitur quod per circumcisionem remitteretur actuale peccatum. Ergo etiam neq; originale per eā dimittebatur.

Sed contra est, quod Augustinus dicit ad Valerium contra Iulianum: Ex quo instituta est circumcisio in populo Dei, quæ erat signaculum fidei iustipæ Dei, ad san-

P tifica-

Pot. colligi ex
lib. 1. de sacra.
part. 12. c. 22.

Glos. ord. ibid.

Lib. 4. c. 2. circa
med.

Ar. præ. ad 32
argum.

Sup. q. 62. art.
6. ad 3. & 4.
d. 1. q. 1. ar. 4.
& veri. q. 23.
ar. 2. ad 12. &
eo. 4. le. 2. c. 13
& ca. 9. le. 5.
eo. 1. fin.

In lib. de veri.
& fals. c. 1. c.
9. non longe a
princ. to. 4.

Li. 2. de nuptiis
& concu. c. 11.
in fin. tom. 7.

ificationem purgationis valebat paruulis originalis veterisq; peccati, sicut & baptismus ex illo coepit valere tempore ad innouationem hominis, ex quo institutus est.

RESPONDEO dicendum, quod ab omnibus communiter ponitur, quod in circumcisione peccatum originale remittebatur. Quidam tamen dixerunt, quod non conferebatur gratia, sed solum auferebatur peccatum, quod Magister ponit in prima dist. 4. sentent. & Rom. 4. in glos. * Sed hoc non potest esse, quia culpa non remittitur, nisi per gratiam secundum illud Rom. 3. Iustificati gratis per gratiam, &c. Et ideo alij dixerunt, quod per circumcisionem conferebatur gratia quantum ad effectus remissionis culpæ, sed non quantum ad effectus positivos, ne cogerentur dicere, quod gratia in circumcisione collata sufficiebat ad implendum mandata legis, & ita superfluous fuerit aduentus Christi. Sec hæc etiam positio stare non potest. primo quidem, quia per circumcisionem dabatur pueris facultas suo tempore perueniendi ad gloriam, quæ est ultimus effectus positivus gratiæ. secundo, quia priores sunt naturaliter secundum ordinem causæ formalis, effectus positivi, quam priuatiui, licet secundum ordinem causæ materialis sit e conuerso, forma enim non excludit priuationem, nisi informando subiectum. Et ideo alij dixerunt, quod in circumcisione conferebatur gratia etiam quantum ad aliquem effectum positivum, qui est facere dignum vita æterna, sed non quantum ad omnes effectus: quia non sufficiebat reprimere concupiscentiam fomi-

tis, nec ad implendum mandata legis. Quod etiam aliquando mihi visum est. Sed diligenter consideranti apparet hoc non esse verum, quia minima gratia potest resistere cuilibet concupiscentiæ, & vitare omne peccatum mortale, quod committitur in transgressionem mandatorum legis: minima enim charitas plus diligit Deum, quam cupiditas millia auri & argenti. Et ideo dicendum est, quod in circumcisione conferebatur gratia quantum ad omnes gratiæ effectus, aliter tamē, quam in baptismo. Nam in baptismo confertur gratia ex virtute ipsius baptismi, quam habet in quantum est instrumentum passionis Christi iam perfectæ. † In circumcisione autem conferebatur gratia, non ex virtute circumcisionis, sed ex virtute fidei passionis Christi, cuius signum erat circumcisio, ita scilicet, quod homo qui accipiebat circumcisionem, profitebatur se suscipere talem fidem, vel adultus pro se, vel alius pro paruulis. Vnde & Apostolus dicit Roman. 4. quod Abraham accepit signum circumcisionis, signaculum iustitiæ fidei, quia scilicet iustitia erat ex fide significata, non ex circumcisione significante. Et quia baptismus operatur instrumentaliter in virtute passionis Christi, non autem circumcisio: ideo baptismus im-
primit characterem: incorporat enim hominem Christo, & copiosiore gratiam confert, quam circumcisio, maior enim est effectus rei iam præsentis, quam spei.

AD PRIMUM ergo dicendum, quod ratio illa procederet, si ex circumcisione esset iustitia aliter, quam per fidem passionis Christi.

*A. 1. in 5. penult.
Glos. ord. super
illud. Signum
accepit circum-
cisionis.*

*Alias circum-
cisio autem confo-
rebat gratiam
in quantum erat
signum fidei pas-
sionis Christi su-
perata.*

AD SECVNDVM dicendū, quod sicut ante institutionem circuncisionis, sola fides Christi futuri iustificabat tan pueros, quam adultos, ita etiam & circuncisione data. Sed antea non requirebatur aliquod signum protestationum huius fidei, quia nondum homines fideles, seorsum ab infidelibus coeperat adunari ad cultum vnius Dei. Probabile tamen est, quod parentes fideles pro parvulis natis, & maxime in periculo existentibus, aliquas preces Deo funderent, vel aliquam benedictionem eis adhiberent (quod erat quoddam signaculum fidei) sicut adulti pro seipsis preces & sacrificia offerebant.

AD TERTIVM dicendū, quod populus in deserto prætermittens mandatum circuncisionis, excusabatur: tum quia nesciebant quando castra mouenda erant, tum quia (ut Damasc. t. dicit) non necesse erat eos aliquod signum distinctionis habere, cum seorsum ab aliis populis habitabant. Et tamen, ut Aug. t. dicit, inobedientiam incurrebāt, qui ex contemptu prætermittebāt. Videtur tamen quod nulli incircuncisi mortui fuerint in deserto; quia, ut in Psalm. 104. dicitur, non erat in tribubus eorum infirmus: sed illi soli videntur mortui in deserto, qui fuerant in Ægypto circuncisi. Si tamen aliqui incircuncisi mortui sunt, eadem ratio est de his, & de his qui moriebantur ante circuncisionis institutionem: Quod etiā intelligendum est de pueris, qui moriebantur ante octauum diem tempore legis.

AD QVARTVM dicendū, quod in circuncisione auferebatur originale peccatum ex parte personæ,

remanebat tamen impedimentum intrandi in regnū cælorum ex parte totius naturæ, quod fuit sublatū per passionem Christi. Et ideo etiā baptismus ante passionem Christi non introducebat in regnum. Sed & circuncisio, si haberet locū post passionem Christi, introduceret in regnum.

AD QVINTVM dicendū, quod adulti, quando circuncidebantur, consequiebantur remissionem, non solum originalis peccati, sed etiam actualium peccatorum. Non tamē ita quod liberarentur ab omni reatu poenæ, sicut fit in baptismo, in quo confertur copiosior gratia.

COMMENTARIVS.

EX præparationibus baptismi, quedam antecesserant ipsius institutionem, ut circuncisio in veteri lege, & ante legem, & in nouæ exordio, Ioannis baptismus: quedam vero sunt cum ipsa baptismi administratione coniunctæ, ut catechismus, exorcismus. de baptismo Ioannis, quod eo tinctus sit Dominus, dictum est supra q. 38. de circuncisione & aliis præparationibus nunc dicendum est. in circuncisio enim est fidei professio, & umbra baptismi, cum fides nostra & veterum fuerit eadem, ut scriptum est 2. Corinth. 4. habentes eundem spiritum fidei, & Rom. 4. de Abraham, signum accepit circuncisionis, signaculum iustitiæ fidei. tota autem circuncisionis doctrina hac conclusione continetur. Circuncisionis sacramentum à Deo institutū: præceptū est primò Abrahæ & posteris eius: deinde in veteri lege populo Israëlítico, & externis in eundem adscitis: cōferebat gratiam iustificantis ad remissionem omnium peccatorum: & ritu accommodato ad effectū, & umbrā baptismi administratū est. Cōinet quatuor partes, quarū prima, quæ est de institutione, significat à Deo immediatē institutam, aut per angelum, loquente Deo, non autem per hominem, ut scriptum est Genes. 17. ubi pactum inter Deum & Abraham,

Ordinis ratio

Circuncisionis institutio

Damasc. li. 4. c. 36. circa prim.

In l. b. q. su. Io. Iuz. c. 5. a med. tom. 4.

ratq; illius posteros, data in signum circuncisione, his verbis sancitur. circuncidetur ex vobis omne masculinum, & circuncidetur carnem præputij vestri, vt sit in signum fœderis inter me & vos. & infra, masculus, cuius præputij caro circuncisa non fuerit, delebitur anima illa de populo suo, quia pactum meum irritum fecit. hoc verò Apostolus Rom. 4. & 8. exponit pertinere non ad filios carnis, sed promissionis: & hanc esse de consequenda benedictione per Christum Galat. 3. ostenditur.

2. Quare impia est & impudens Manichæorum hæresis, qui non à bono, sed à malo Deo, veteris testamenti autore, circuncisionem institutam affirmant: cum omnino constet ex nouo testamento, eundem autorem baptismo impleuisse, quod circuncisione prius adumbrauerat. sic enim Apostolus Rom. 4. de Abrahamo, cui data est circuncisio, vt sit inquit, pater circuncisionis, non iis tantum, qui sunt ex circuncisione, sed & iis, qui sectantur vestigia fidei, quæ est in præputio patris nostri Abrahamæ. Colos. 2. de Christo, in quo & circuncisi estis circuncisione non manufacta in expoliatione corporis carnis, in circuncisione Christi conscripti ei in baptismo. manifesta est etiam illa deductio Pauli Galat. 3. prius autem, quam veniret fides, sub lege custodiebamur, conclusi in eam fidem, quæ reuelanda erat. itaque lex pædagogus noster fuit in Christo, vt ex fide iustificemur, at vbi venit fides, iam non sumus sub pedagogo. omnes enim filij Dei estis per fidem in Christo Iesv, quicunque enim in Christo baptizati estis, Christum induistis. si enim ad legem pertinet circuncisio, fides Christi per baptismum circuncisionem perficit: & pertinere constat, quia cap. 5. eiusdem epist. testificor, inquit, rursus omni homini circuncidenti se, quoniam debitor est vniuersæ legis faciendæ. vt enim circuncisio, erat legis vet. professio, sic est baptismus fidei & religionis Christianæ. disputat contra eandem hæresim D. August. lib. 6. contra Faust. c. 3.

3. Cur autè circuncisio non fuerit à Deo ante Abrahamum instituta explicauit D. Thom. supra q. 60. ar. 5. ad 3. & q. 61. arti. 3. ad 2. & apertius ar. 2. huius q. in responsionibus ad argumenta, & nos supra explicauimus quædam de his ad quæstionis 61.

art. 1. & sequentes. num. 2. sed plenè & perfectè D. Th. 1. 2. q. 98. ar. 6. & q. 103. ar. 5. ad 1. D. A. ug. de spir. & lit. c. 15. & lib. 16. cōtra Faustū c. 19. & ex Patribus Græcis collegit sententias de eadem circuncisione Damasc. lib. 4. de fid. orthod. c. 26. de quibus etiam Chrysost. homil. 39. in Genes. Theodoret. q. 67. D. August. lib. 16. de ciuit. c. 26. est ergo circuncisio data Abrahamæ, quo tempore expediebat segregari populum ad verum Dei cultū, ex quo deinceps Christus nasceretur secundum carnem. Non enim circuncisio est propriè legis veteris sacramentū, cum Abrahamæ sit ante legem præcepta: sic Dominus Ioan. 7. Moyses, inquit dedit vobis circuncisionem, non quia ex Moysse est, sed ex Patribus.

4. Sed quæstio est, an teneretur Patres familias Iudæus, omnes qui in eadem domo essent etiam seruos, circuncidere? sic enim Abrahamæ præceptum est Gene. 17. infans octo dierum circuncidetur in vobis, omne masculinum in generationibus vestris, tam vernaculus, quam emptitijs circuncidetur, & quicunq; non fuerit de stirpe vestra, sic videmus circuncisum Ismaele, exclusum tamen à domo paterna Gen. 21. & Esau, separatam à familia Isaac: & Hierem. 9. circuncisi dicuntur Ammonite, Moabite, Egyptij: at contra seruum circuncidi parentibus inuitis, idem videtur, atque baptizari, quod ostendimus q. 68. omnino non licere. vt enim ad fidem nemo cogendus est, sic neque ad sacramentum, in quo est fidei professio. Respondeo in circuncisione duo esse, & remedium quo remitteretur originale peccatum, quatenus erat fidei de Christo venturo externa professio: & obligatio primū pacti & fœderis sanciti cum Abraham & eius posteritate: deinde legis veteris adimplendæ, cū per Moysen lata est: primo modo, vt constat, omnes gentes potuerunt vti circuncisione, vt alio externo signo, aut sacramento ad protestandam fidem Christi venturi: altero modo non obligauit circuncisio, nisi posteritatem Abrahamæ, aut eos, qui ex gentibus eidem coniungerentur. sicut Exod. 12. scriptum est, si quis peregrinorum in vestram voluerit transire coloniam, & facere Phasè Domini, circuncidetur prius omne masculinum eius. vnde, qui cum circuncisione veri Dei cultum non retinebant, reprehenduntur Hierem. 9. & in his

Judæi,

Figura baptismi circuncisio.

Quos obligaret circuncisio in eadem familia.

Gentes quomodo vti possent circuncisione.

Iudæi, quod interius non essent circumcisi, vt plerique ex gentibus. Circumcidere autem tenebatur pater familias omnes de Tua familia etiã seruos impios: & sic Abraham circumcidit Ismahelem & seruos. an vero teneretur circumcidere filiũ alienigenæ Caiet. ad c. 17. Gen. affirmat, Abulen. ibidem, & quæst. 56. ad Exodi c. 12. negat, quia eodem c. de alienigena & peregrino scriptum est, si voluerit. qui vero domi nati essent ex seruis, ideo circumcidi poterant, quia parentes erant ex eadem familia, & ideo circumcisi. in eadem sententia est Alexand. Alen. 4. p. quæst. 7. memb. 3. artic. 2. hæcenus dictum de circumcisionis institutione, præcepto & obligatione.

*Circumcisio an
conferat gratiam.*

5 De effectu circumcisionis varias sententias recenset D. Thom. artic. 4. & post eum adhuc plures exortæ sunt. Scotus enim quæst. 6. primæ dist. quarti sentent. secundum potentiam Dei absolutam remitti posse culpam affirmat, sine infusione gratiæ, non tamen sine infusione aliquius positiui: secundum tamen potentiam ordinariam & legem, nunquam remittitur, vel originale tantum, vt in paruulis, vel originale cum actualibus sine gratiæ infusione, vt in adultis: & ideo circumcisione remissum fuisse peccatum, & infusam gratiam. sed ne terminis velle videamur comprehendere absolutam Dei potentiam, quæ infinita est, ex principiis legis diuinæ sit nobis hæc certa sententia: Circumcisio remittebat peccatũ, & infundebatur gratia ratione perfectæ fidei, cuius professio erat circũcilio, non autem ex vi circumcisionis, & ex opere operato. sic deducitur ex illo Genes. 17. anima, cuius præputij caro circumcisa non fuerit, peribit de populo meo. hoc est, non erit numeranda in ea familia & Ecclesia, quæ per semen Abraham benedicenda est, id est per Christum, vt exponit Apostolus Galat. 3. quod si salus tantum est per Christum Act. 4. huiusmodi animam perituram, est non fore saluam. præterea si paruuli octauo die circumcidendi erant, & non circumcisi non poterant salui esse, efficitur necessariò, in eis fuisse aliquod peccatum originale, cum actuale per ætatem nullum esse posset: nemo enim à salute Christi repellitur, nisi propter peccatum, vel originale, vel actuale & mor-

tale. sic deducitur ex illo testimonio, circumcisione remitti peccatum originale in paruulis, & adultis: cum autem non fiat hæc remissio, nisi iustificatis, & iustificationis forma sit gratia, Tridentin. sess. 6. capit. 7. profecto circumcisione & remittebantur peccata, & gratia iustificans infundebatur. Sic deducit ex illo testimonio D. August. lib. 6. contra Iulian. capit. 6. Chrysost. hom. 39. in Genes. dicitur autem paruulus eodem capit. 17. irritum fecisse pactum Dei, si non circumcidatur, quia in illo, licet non ab illo dissipatum est. sic D. August. lib. 16. de ciuit. ad finem capitis 27. remitti autem omnia peccata in circumcisione, & gratiam collatam, aperitis scribit lib. 4. de baptis. cap. 24. & epist. 203. aliis locis remissa fuisse peccata plane fatetur, & certè intelligens à remissione huiusmodi nunquam gratiæ infusionem separari, vt lib. 2. de nupt. & concup. cap. 11. & refertur de consecratione dist. 4. cap. ex quo. In aliis Patribus legimus quidem circumcisionem datam in signum, nõ in salutem, sed certè intelligunt salutem, quam propria vi conferat: cum ea ratione à nostro baptismo distinguatur, & in signum tantum iustitiæ fidei, vt loquitur Apostolus Rom. 4. hæc autem fides Christi venturi, cuius professio erat circumcisio, satis erat ad remissionem peccatorum in paruulis & adultis, vt diximus ostensum esse suprà quæst. 6. sic loquitur Tertullianus lib. aduersus Iud. Chrysost. hom. 27. in Genes. Theodor. quæst. 67. Damas. lib. 4. de fid. orthod. cap. 26. Cuius rei inconsideratio effecit, vt Magister. 1. dist. 4. sentent. & alij pleriq; asseruerint, circumcisione peccata fuisse remissa, non tamen gratiam collatam. sed ea sententia exactè refutatur à D. Thom. artic. 4. explicata distinctione circumcisionis & baptismi, in gratia, & vi conferendi gratiam. De ritu circumcisionis, quod extrema p. conclusionis proposuimus, rectè D. Tho. art. 3.

& 1. 2. q. 102. art. 5. Patres ad c. 17.

Gen. & Exod. 12.

D. Thom. tert. part.

QVÆSTIO LXXI.

De præparatoriis, quæ simul concurrunt cum baptismo, in quatuor articulos diuisa.

Deinde considerandum est de præparatoriis, quæ simul concurrunt cum baptismo.

¶ Et circa hoc quaruntur quatuor.

Primò, Vtrum catechismus debeat præcedere baptismum.

Secundò, Vtrum baptismum debeat præcedere exorcismus.

Tertiò, Verum ea quæ aguntur in catechismo & exorcismo, aliquid efficiant, vel solum significant.

Quarò, Vtrum baptizandi debeant catechizari vel exorcizari per sacerdotes.

ARTICVLVS I.

Vtrum catechismus debeat præcedere baptismum.

4. d. 6. 2. q. 4r.
2. q. 1.

AD primum sic proceditur. Videtur, quod catechismus nõ debeat præcedere baptismum. per baptismũ enim regeneratur homines in vitã spiritualẽ. Sed prius homo accipit vitã, quã doctrinã. Non ergo prius debet homo catechizari, idest, doceri, quam baptizari.

¶ 2. Præterea, Baptismus exhibetur non solum adultis, sed etiam pueris, qui non sunt doctrinæ perceptibiles, eo quod non habent vsum rationis. Ergo ridiculum est eos catechizare.

¶ 3. Præterea, In catechismo cõfiteretur catechizatus suam fidem. Sed pueri non possunt suam fidem confiteri, neque per seipsos, neque etiam aliquis alius pro eis, tũ quia nullus potest alium ad aliquid obli-

gare: tum etiam quia non potest aliquis scire, vtrum pueri cũ ad legitimam ætatem peruenerint, assentiãt fidei. Nõ ergo debet catechismus præcedere baptismum.

SED CONTRA est, quod Rabanus de institutione clericali dicit: Ante baptismum, catechizandi debet hominem præuenire officium, vt fidei primum catechumenus accipiat rudimentum.

Lib. 1. ca. 25. a med. illius.

RESPONDEO dicendum, quod (sicut supra dictum est) baptismus est fidei Christianæ sacramentum, cũ sit quædã professio fidei Christiane. Ad hoc autẽ, quod aliquis fidẽ accipiat, requiritur, quod de fide instruatur, secundũ illud Rom. 10. Quomodo credent ei, quẽ non audierunt? quomodo autem audiet sine prædicante? Et ideo ante baptismum cõuenienter præcedit catechismus. Vnde & Dominus præceptũ baptizandi discipulis tradẽs, præmittit doctrinam baptismi dicens: Euntes docete omnes gentes, baptizantes eos, &c.

q. præced. ar. 14

AD PRIMUM ergo dicendum, quod vita gratiæ, in qua regeneratur aliquis per baptismũ, præsupponit vitam naturæ rationalis, in qua homo potest esse particeps doctrinæ.

AD SECUNDVM dicendũ, quod sicut mater Ecclesia (vt supra dictũ est*) accommodat pueris baptizandis aliorum pedes, vt veniãt: & aliorum cor, vt credant: ita etiã accommodat eis aliorum aures, vt audiãt, & intellectum, vt per alios instruãtur. Et ideo eadem ratione sunt catechizandi, quia sunt baptizandi.

q. 69. ar. 6. ad 3. arg. & 68. ar. 9.

AD TERTIVM dicendũ, quod ille qui pro puero baptizato respondet, Credo, non prædicat puerum crediturum

crediturum, cum ad legitimos annos peruenerit, alioquin diceret: Credo. Sed profiteretur fide Ecclesie in persona pueri, cui communicatur, cuius sacramentum ei attribuitur, & ad quam obligatur per alium. Non est enim inconueniens, quod aliquis obligetur per alium in his, quae sunt de necessitate salutis. Similiter etiam patrinus pro puero respondens promittit se operam daturum ad hoc, quod puer credat. Quod tamen non sufficeret in adultis, vsum rationis habentibus.

ARTICVLVS II.

Vtrum exorcismus debeat precedere baptismum.

*Inf. ar. 3. ad 3.
& 4. d. 6. q. 2.
arti. 3. q. 1. per
tot. & 2. ad 4.*

AD secundum sic proceditur. Videtur, quod exorcismus non debeat precedere baptismum. Exorcismus enim contra energumenos, id est, arreptitios ordinatur. Sed non omnes baptizandi sunt tales. Ergo exorcismus non debet precedere baptismum.

¶ 2. Præterea, Quandiu homo subiacet peccato, diabolus in eum habet potestatem, quia ut dicitur Ioann. 8. qui facit peccatum, seruus est peccati. Sed peccatum tollitur per baptismum. Non ergo ante baptismum sunt homines exorcizandi.

¶ 3. Præterea, Ad arcendum demonum potestatem introducta est aqua benedicta. Non ergo ad hoc oportebat aliud remedium adhiberi per exorcismos.

SED CONTRA est, quod Cælestinus Papa dicit: Siue paruuli, siue iuvenes ad regenerationis veniant sacramentum, non prius fontem vitæ adeant, quam exorcif-

mis & exufflationibus clerico- rum spiritus immundus ab eis abiciatur.

RESPONDEO dicendū, quod quicumque sapienter aliquod opus facere proponit, prius remouet impedimenta sui operis, vnde dicitur Hieron. 4. Nouate vobis nouale, & nolite serere super spinas. Diabolus autem hostis est humanæ salutis, quæ homini per baptismum acquiritur, & habet potestatem aliquam in hominē, ex hoc ipso quod subditur originali peccato, vel etiā actuali. Vnde conuenienter ante baptismum expelluntur dæmones per exorcismos, ne salutem hominis impediāt, quam quidem expulsionem significat exufflatio. Benedictio autem cum manus impositione, præcludit expulso viam, ne redire possit. Sal autem in os missum, & narium & aurium sputo linitio, significat receptionem doctrinæ fidei quantum ad aures, & approbationem quantum ad nares & confessionem quantum ad os. Olei verò inunctio significat aptitudinem hominis ad pugnandū cōtra dæmones.

AD PRIMUM ergo dicendum, quod energumeni dicuntur, quasi interius laborantes extrinseca operatione diaboli. Et quamuis non omnes accedentes ad baptismū corporaliter ab eo vexentur, omnes tamen non baptizati potestati dæmonum subiiciuntur, saltem propter originalis peccati reatum.

AD SECUNDUM dicendū, quod in baptismo per ablationem peccati excluditur potestas dæmonū ab homine, quantum ad hoc quod impedit eum a perceptione gloriæ. Sed exorcismi excludunt potesta-

*Cal. 1. in 1. epi.
ad Epif. Gallia
ca. 12. in princ.
to. 2. Concil. &
de Eccl. dogm.
c. 31. som. 3. in
ter opera Aug.*

tem dæmonis, inquantum impedit hominem à perceptione sacramenti.

AD TERTIVM dicendū, quod aqua benedicta datur contra impugnationes dæmonum, quæ sunt ab exteriori, sed exorcismus ordinatur contra impugnationes dæmonum, quæ sunt ab interiori. vnde & energumeni dicuntur, quasi interius laborantes, illi qui exorcizantur. Vel dicendum, quod sicut in remedium cōtra peccatum, secundo datur pœnitentia, quia baptismus non iteratur, ita in remedium cōtra impugnationes dæmonum, secundo datur aqua benedicta, quia exorcismi baptismales non iterantur.

ARTICVLVS III.

Utrum ea, quæ aguntur in exorcismo, aliquid efficiant.

4. dist. 6. q. 2.
ar. 3. q. 2.

AD tertium sic proceditur. Videtur, quod ea quæ aguntur in exorcismo, non efficiant aliquid, sed solum significant. Si enim puer post exorcismos moriatur ante baptismū, salutē non cōsequetur. Sed ad hoc ordinatur effectus eorum, quæ in sacramentis aguntur, ut homo consequatur salutem. vnde & Marc. ult. dicitur: Qui crediderit, & baptizatus fuerit, saluus erit. Ergo ea quæ aguntur in exorcismo, nihil efficiunt, sed solum significant.

9. 62^a artic. 1.
et 2.

¶ 2. Præterea, Hoc solum requiritur ad sacramentum nouæ legis, ut sit signum & causa, ut supra dictum est*. Si ergo ea quæ aguntur in exorcismo, aliquid efficiant, videtur, quod singula sint quædam sacramenta.

¶ 3. Præterea, Sicut exorcismus ordinatur ad baptismum, ita

etiam si aliquid in exorcismo efficitur, ordinatur ad effectū baptismi. Sed dispositio ex necessitate præcedit formam perfectam, quia forma non recipitur nisi in materia disposita. Sequeretur ergo, quod nullus posset consequi effectum baptismi, nisi prius exorcizetur, quod patet esse falsum. Non ergo, ea quæ aguntur in exorcismis, aliquem effectum habent.

¶ 4. Præterea, Sicut quædam aguntur exorcismo ante baptismū, ita etiam quædam aguntur post baptismū, sicut quod sacerdos baptizatum chrisinate ungit in vertice. Sed ea quæ post baptismum aguntur, non videntur aliquid efficere, quia secundum hoc effectus baptismi esset imperfectus. Ergo nec ea quæ ante baptismū aguntur in exorcismo, aliquid efficiunt.

SED CONTRA est, quod Augustinus dicit in lib. de Symbolo, Paruuli exufflantur & exorcizantur, ut pellatur ab eis diaboli potestas inimica, quæ decepit hominem. Nihil autem agitur frustra per Ecclesiā. Ergo per huiusmodi exufflationes hoc agitur, ut dæmonum potestas expellatur.

Lib. 1. de sym.
ca. 1. circa fi. to
mo 9. et li. 5:
Hypog. circa
fin. to. 7. et de
Nup. et cōsup.
li. 2. ca. 17. et
18. tom. 7.

RESPONDEO dicendum, quod quidam dixerunt, ea quæ in exorcismo aguntur, nihil efficere, sed solum significare. Sed hoc patet esse falsum, per hoc quod Ecclesia in exorcismis, imperatiuis verbis utitur ad expellendā dæmonis potestatem, puta, cum dicit: Ergo maledicte diabole exi ab eo, &c. Et ideo dicendum est, quod aliquem effectū habent, differenter tamen ab ipso baptismō. Nam per baptismū datur homini gratia, ad plenam remissionem culpārum. Per ea verò, quæ in exorcismo

exorcismo aguntur, excluditur duplex impedimentum salutaris gratiæ percipiendæ. Quorum vnum est impedimētum extrinsecum, prout dæmones hominis salutem impedire conātur. Et hoc impedimentū excluditur per exufflationes, quibus potestas dæmonis pellitur (vt patet ex inducta autoritate Aug. *) quantum scilicet ad hoc, quod non præstet impedimentum sacramento suscipiendo. Manet tamen potestas dæmonis in homine, quantum ad maculam peccati & reatum poenæ, quousq; peccatum per baptismum tollatur. Et secūdum hoc Cyprianus dicit: * Scias diaboli nequitiam posse remanere vsque ad aquā salutarem: in baptismo autem omnem nequitiam amittere. Aliud impedimētum est intrinsecum, prout scilicet homo ex infectione originalis peccati habet sensus præclusos ad percipiēda salutis mysteria. Vnde Rabanus de institutione clericorum dicit *, quod per saluam typicam & sacerdotis tactum, sapientia & virtus diuina salutem catechumēni operatur, vt aperiantur ei nares, ad percipiendum odorem notitiæ Dei, vt apperiātur ei aures, ad audiendum mandata Dei: vt aperiantur illi sensus in intimo corde, ad respondendum.

AD PRIMVM ergo dicendum, quod per ea quæ aguntur in exorcismo, non tollitur culpa, propter quā homo punitur post mortem, sed solum tolluntur impedimenta recipiendi remissionem culpæ per sacramentum, vnde post mortē exorcismus non valet sine baptismo. Præpositius tamē dicit, quod pueri exorcizati, si moriantur ante baptismum, minores tenebras patiun-

tur. Sed hoc non videtur verū, quia tenebræ illæ sunt carentia diuinæ visionis, quæ non recipit magis & minus.

AD SECVNDVM dicendū, quod de ratione sacramenti est, quod perficiat principalem effectum, qui est gratia remittens culpā, vel supplēs aliquem hominis defectum. Quod quidem non fit per ea quæ aguntur in exorcismo, sed solum huiusmodi impedimenta tolluntur. Et ideo non sunt sacramenta, sed sacramentalia quædam.

AD TERTIVM dicendū, quod dispositio sufficiens ad suscipiendam gratiam baptismalē, est fides & intentio, vel propria eius, qui baptizatur, si sit adultus, vel ipsius Ecclesiæ, si sit paruulus. Ea verò quæ aguntur in exorcismo, ordinantur ad remouendum impedimenta, & ideo sine eo potest aliquis cōsequi effectum baptismi. Non tamē sunt huiusmodi prætermittenda, nisi in necessitatis articulo. Et tunc cessante periculo, debent suppleri, vt seruetur vniformitas in baptismo. Nec frustra suppletur post baptismum, quia sicut impeditur effectus baptismi, antequam percipiatur, ita potest impediri postquam fuerit perceptus.

AD QVARTVM dicendū, quod eorum quæ aguntur post baptismū circa baptizatum, aliquid est, quod non solum significat, sed efficit, puta, iniunctio, quæ fit in vertice, quæ operatur conseruationem gratiæ baptismalis. Aliquid autē est quod nihil efficit, sed solum significat, sicut quod datur ei vestis candida, ad significandum nouitatem vitæ.

ARTICVLVS IIII.

*Verum sit officium sacerdotis, catechizare
re & exorcizare baptizandum.*

4. d. 6. q. 2. ar.
3. q. 3. c. 5. in ti.
de sacerdotibus
perfectionibus:
& in contemp.

Lopo citat.

*Refertur in di.
25. c. Perleſtis.
Et dicitur eſſe
in ep. ad Ludi-
ſedum.*

*Loco citato in
arg. 1.*

*Refertur de cō
ſec. d. 4. c. Cate-
chiſmi.*

AD quartum sic proceditur. Videtur, quod non sit sacerdotis, catechizare & exorcizare baptizandum. Ad officium enim ministrorum pertinet habere operationem super immundos, ut Dionys. * dicit 5. ca. Eccles. hier. Sed catechumeni, qui instruuntur in catechismo, & energumeni, qui purgantur in exorcismo, computantur inter immundos, ut ibidem Dion. † dicit. Ergo catechizare & exorcizare non pertinet ad officium sacerdotis, sed potius ministrorum.

¶ 2. Præterea, Catechumeni instruuntur de fide per sacram scripturam, quæ in Ecclesia per ministros recitatur, sicut enim per lectores in Ecclesia legitur verus Testamentum: ita etiam per diaconos & subdiaconos legitur nouum. Et sic ad ministros pertinet catechizare. Similiter etiam & exorcizare, ut videtur, ad ministros pertinet, dicit enim Isidor. † in quadam epistola, Ad exorcistam pertinet exorcismos memoriter retinere, manusq; super energumēnos & catechumenos in exorcismo imponere. Non ergo pertinet ad officium sacerdotis, catechizare & exorcizare.

¶ 3. Præterea, Catechizare idem est quod docere, & hoc idem est quod perficere. Quod ad officium Episcoporum pertinet, ut dicit Dion. * 5. c. Eccles. hierar. Non ergo pertinet ad officium sacerdotis.

Sed contra est, quod Nicol. * Papa dicit: Catechismi baptizandorum à sacerdotibus vniuscuiusque Ecclesie fieri possunt. Vnde

Gregor. etiam super Ezech. dicit: Sacerdotes, cum per exorcismi gratiam manus credentibus imponunt, quid aliud faciunt, nisi quod dæmonia eiiciunt?

RESPONDEO dicendum, quod minister comparatur ad sacerdotem, sicut secundarium & instrumentale agens ad principale, ut indicat ipsum nomen Ministri. Agēs autem secundarium non agit sine principali agente, sed cooperatur principali agenti in operando. Quāto autem potior est operatio, tanto principale agēs potioribus indiget instrumentis, seu ministris. Potior autem est operatio sacerdotis, in quantum confert ipsum sacramentum, quā in præparatoriis ad sacramentum. Et ideo supremi ministri, qui dicuntur diacones, cooperantur sacerdoti in ipsa collatione sacramentorum. dicit enim Isidor. * quod ad diaconem pertinet assistere sacerdotibus, & ministrare in omnibus, quæ aguntur in sacramentis Christi, in baptismo, scilicet in chrismate, patena, & calice. Inferiores autē ministri cooperantur sacerdotibus in his, quæ sunt præparatoria ad sacramentum, sicut lectores in catechismo, & exorcistæ in exorcismo.

AD PRIMUM ergo dicendum, quod super immundos ministri habent operationem ministerialem, & quasi instrumentalem, sed sacerdos principalem.

AD SECUNDUM dicendum, quod lectores & exorcistæ habent officium catechizandi & exorcizandi, non quidem principaliter, sed sicut in his sacerdoti ministrantes.

AD TERTIUM dicendum, quod multiplex est instructio, una cōuersua ad fidem, quā Dion. † tribuit Episcopo

*Greg. hom. 29.
in Euaug. ange-
medium.*

*Decof. d. 25. c.
Perleſtis, dicitur
eſſe in epif.
ad Ludif. edū.*

*ca. 2. eul. b. 2.
ar. 2.*

Episcopo in 2. Eccel. hier. & potest cōpetere cuilibet prædicatori, vel etiam cuilibet fidei. Secunda est instructio, qua quis eruditur de fidei rudimentis, & qualiter se debeat habere in susceptione sacramentorum, & hæc pertinet secundario quidem ad ministros, principaliter autem ad sacerdotes. Tertia est instructio de conversatione Christianæ vitæ, & hæc pertinet ad paternos. Quarta est instructio de profundis mysteriis fidei, & perfectione Christianæ vitæ, & hæc ex officio pertinet ad Episcopos.

COMMENTARIUS.

I DE cæremoniis & ritibus baptismi diximus quædam supra q. 66. artic. 10, nūc verò de iis differitur tantum, quæ cum solemnibus baptismi administratione coniunctæ sunt. de quibus hæc sententia, omnibus Theologis, Patribus recepta & probata, usu etiam & praxi Ecclesiæ catholicæ confirmata est. Pie & accommodatè in Ecclesia catholica institutum est, ut catechismus & exorcismus, baptismi administrationem præcedant, ministerio sacerdotis, cui in Catechismo lectores ministrant, in exorcismo exorcistæ. in sacramentorum administratione, ritus quosdam ac cæremonias religiose, atque decenter instituit Ecclesia catholica, ut testimonia & exercitationes interioris cultus, quibus excitatur mens nostra ad sacramenta & excipienda & veneranda: quæ à primis Ecclesiæ Patribus commendata, ad nos usque peruenierunt. sic in Trident. sess. 21. capit. 2. declarat synodus hæc potestatem perpetuò in Ecclesia fuisse, ut in sacramentorum dispensatione, salua illorum substantia, ea statueret, vel mutaret, quæ suscipientium utilitati, aut ipsorum sacramentorum venerationi, pro rerum, temporum & locorum varietate magis expedire iudicaret. has cæremonias in baptismi solemnibus administratione pie & de-

center institutas earum significatio & origo demonstrabit: in baptismi vero minus solemnibus, in casu necessitatis urgentis, eas omittit Ecclesia, ut observat D. Th. artic. 3. ad 3. sed repetit post baptismum in Ecclesia solemniter, si renatus euaserit mortis periculum. de quibusdam ex his diximus supra quest. 66. artic. 10. nunc autem apertius distinguendæ sunt, quædam enim præcedunt fontem baptismi, quædam ad ipsum pertinent, quædam denique baptismum sequuntur. præcedunt fontem multa, sed præsertim catechismus, & exorcismus: catechismus quidem ex præcepto Domini in adultis, & in paruulis ex Ecclesiæ Traditione, sic enim Dominus Matth. ultimo. Ite in mundum vniuersum, & docete omnes gentes, baptizantes eos in nomine Patris, &c. doctrina hæc præcedens baptismum, est catechismus. Philippus Act. 8. non prius baptizauit Eunuchum Candacis reginæ, quàm Euangelizaret illi Iesum, & ab eo exigeret fidem, cum enim peruenissent ad quædam aquam, ait Eunuchus, ecce aqua, quis prohibet me baptizari? dixit autem Philippus, si credis ex toto corde, licet. hæc sanè ad catechismum pertinent: deinde baptizatus est Eunuchus. eiusdem cæremoniæ frequens mentio & usus in tota antiquitate est. Dionys. cap. 2. Ecclesiæ hierar. Clemens Papa epist. 3. Tertullianus de corona militis, & alij plerique, quos ad verbum referunt omnes catechistæ huius temporis.

Distinctio in baptismo.

Catechismus.

2. Sequitur exorcismus & exufflationis repetitio, in quibus vis est etiam ex opere operato, tum ad pellendos dæmones, ne saluti baptizandi aliqua via impedimento sint: tum etiam ad aperiendos sensus, quibus mysteria salutis percipiuntur. quævis enim hæc sacramentalia sint, & ab Ecclesia instituta, hanc tamen vim habere, Ecclesiastica consuetudo & antiqua traditio docet, & Ecclesiasticæ orationes significant: quare sententia, quæ hanc vim minuit, nullo modo admittenda est. fatemur quidè exorcismos & adiurationes in energumenos, & à dæmonibus oppressos, non semper extra sacramentum esse efficaces: at in paruulos baptizandos semper efficiunt, quod significant, cum baptismus illis ex diuino & Ecclesiastico præcepto administratur,

Exorcismi vis.

Cæremoniarum utilitas.

Comment. in D Thom. tert. part.

nistretur, ex quo etiam illum administra-
tum solemniter, adiurationes præcedunt,
de quibus D. Thom. 2. 2. quæst. 90. est
enim data Apostolis potestas calcandi su-
pra serpentes, scorpiones, & supra om-
nem virtutem inimici: ita vt nihil illis no-
ceat. Luc. 10. & eiiciendi demones Marc.
ultimo, ex qua potestate dimanauit pro-
culdubio exorcismorum virtus, quia eos
retinet Ecclesia catholica ex institutione
& traditione Apostolica.

3. Deinceps in fonte baptismi aquæ be-
nedictio & consecratio fit, olei etiam cate-
chumenorū, & chrismatis commistio, qua
vntionem spirituale à Christo in renatos
diffusa, Ecclesia significat, eisdem au-
toribus & toti antiquitati receptissimam,
vt ex catechistis constat, ex quibus facile
est reliquarum significationes colligere:
quare concludamus hanc tractationem
Tridentino decreto sess. 7. capit. 13. vbi in-
quit: si quis dixerit receptos & approba-
tos Ecclesiæ catholicæ ritus, in solemnibus
sacramentorum administratione adhiberi
consuetos, aut contemni, aut sine pec-
cato à ministris pro libito omitti, aut in no-
uos alios per quemcunque ecclesiarum pa-
storem mutari posse, anathema sit. quare
impia est Protestantium sententia, quæ
non tantum caeremonias catholicas res-
puit, sed alias etiam suis dogmatis con-
gruentes fingit sine verbo Dei, & sine
ulla legitima potestate contra quos de ba-
ptismi caeremoniis differit. Feuardentius
in appendice Alphonsi Castrensis contra
hæreses, septima & octaua hæresi de ba-
ptismo, & Croquetius catechesi 113. & se-
quentibus.

Q V Æ S T I O LXXII. De sacramento Confirmationis, in duodecim articulos di- uisa.

Consequenter cōsiderandum est de
sacramento confirmationis.

Et circa hoc quaruntur duodecim.

Primò, verum confirmatio sit sacramen-
tum.

Secundò, de materia eius.

Tertiò, verum sit de necessitate sacramen-
ti, quod chrisma fuerit prius per Epis-
copum consecratum.

Quartò, de forma ipsius.

Quintò, verum imprimat characterem.

Sextò, verum character confirmationis
presupponat characterem baptismat-
lem.

Septimò, verum conferat gratiam.

Octauò, cui competat recipere hoc sacra-
mentum.

Nonò in qua parte.

Decimò, verum requiratur aliquis, qui te-
neat confirmandum.

Vndecimò, verum hoc sacramentum per
solos Episcopos detur.

Duodecimo, de ritu eius.

ARTICVLVS I.

Verum confirmatio sit sacramentum.

AD primū sic proceditur. ^{Sup. q. 65. art. 1. & 4. d. 2. q. 1. arti. 2. co. & d. 7. q. 1. arti. 14 q. 1. per 20. & 4. cont. cap. 58.}
Videtur, quod confirmatio
non sit sacramentum. Sacramen-
ta enim ex diuina institutione effi-
cacia habent, sicut supra dictum
est. * Sed confirmatio non legitur
à Christo instituta. Ergo non est sa-
cramentum.

¶ 2. Præterea, Sacramenta no-
uæ legis in veteri lege præfigurata
fuerunt. vnde Apostolus dicit 1.
Corinth. 10. quod omnes in Moyse
baptizati sunt, in nube & in mari, &
omnes eandem escam spiritualement
manducauerunt, & omnes eundem
potum spiritualement biberunt. Sed
confirmatio non fuit præfigurata
in veteri testamento. Non ergo est
sacramentum.

¶ 3. Præterea, Sacramenta or-
dinantur ad hominum salutem.
Sed sine confirmatione potest esse
salus, nam pueri baptizati, sine con-
firmatione decedentes, saluantur.

Ergo

Ergo confirmatio non est sacramentum.

¶ 4. Præterea, Per omnia sacramenta Ecclesiæ, homo Christo conformatur, qui est sacramentorum autor. Sed per confirmationem non videtur, homo Christo conformari, qui non legitur esse confirmatus. Ergo confirmatio non est sacramentum.

SED CONTRA est, quòd Melchiades Papa scribit * Hispaniarum Episcopis. De his, super quibus rogastis vos informari, vtrum maius sit sacramentum, manus impositio Episcoporum, an baptismus, scitote vtrunque magnum esse sacramentum.

RESPONDEO dicendum, quod sacramenta nouæ legis, ordinantur ad speciales gratiæ effectus, & ideo ubi occurrit aliquis specialis effectus gratiæ, ibi ordinatur speciale sacramentum. Quia verò sensibilia & corporalia gerunt spiritualium & intelligibilium similitudinem, ex his, quæ in vita corporali aguntur, percipere possumus, quid in spirituali vita gratiæ speciale existat. Manifestum autem est, quod in vita corporali specialis quædam perfectio est, quod homo ad perfectam ætatē perueniat, & perfectas actiones hominis agere possit. Vnde & Apost. dicit 1. Corinth. 13. Cum autem factus sum vir, euacuauit quæ erant paruuli. Et inde est etiā, quod præter motum generationis, quo aliquis accipit vitam corporalem, est motus augmenti, quo aliquis perducitur ad perfectam ætatē. Sic igitur & vitam spiritualem homo accipit per baptismum, qui est spiritualis regeneratio. In confirmatione autem homo accipit, quæ

si quandam perfectam ætatē spiritualis vitæ. Vnde Melchiades Papa dicit: * Spiritus sanctus, qui super aqua baptismi salutifero descendit lapsu, in fonte plenitudinem tribuit ad innocentiam, in confirmatione augmentum præstat ad gratiam, in baptismo regeneramur ad vitam, post baptismum confirmamur ad pugnam, in baptismo ablui mur, post baptismum roboramur. Et ideo manifestum est, quod confirmatio est speciale sacramentum.

AD PRIMUM ergo dicendum, quod circa institutionem huius sacramenti est duplex opinio. Quidam enim dixerunt, quod hoc sacramentum non fuit institutum nec à Christo, nec ab Apostolis, sed postea, processu temporis in quodam concilio. Alij verò dixerunt, quod fuit institutum ab Apostolis. Sed hoc non potest esse, quia instituere nouum sacramentum, pertinet ad potestatem excellentiæ, quæ competit soli Christo.

Et ideo dicendum est, quod Christus instituit hoc sacramentum, non exhibendo, sed promittendo, secundum illud Ioan. 16. Si non abiero, Paracletus non veniet ad vos, si autem abiero, mittam eum ad vos. Et hoc ideo, quia in hoc sacramento datur plenitudo Spiritus sancti, quæ non erat danda ante Christi resurrectionem & ascensionem, secundum illud Ioan. 7. Nondum erat Spiritus datus, quia IESVS nondum erat glorificatus.

AD SECVNDVM dicendum, quod quia confirmatio est sacramentum plenitudinis gratiæ, non potuit habere aliquid respondens in veteri testamento, quia nihil ad perfectum adduxit lex, ut dicitur Heb. 7.

In ep. ad Hispaniarum Episc.
à med. illius
to. 1. Concil.

Habetur de cõ-
sec. d. 5. c. 3. De
his & est parū
ante med. illius
ep. to. 1. Concil.
Aug. lib. 2. cõ.
lit. Petil. capit.
104. no. 7.

A D TERTIVM dicendum, quod (sicut supra dictum est) omnia sacramenta sunt aliquo modo necessaria ad salutem, sed quedam sunt sine quibus non est salus, quedam vero sunt, quae cooperantur ad perfectionem salutis. Et hoc modo confirmatio est de necessitate salutis, quamvis sine ea possit esse salus, dum tamen non praetermittatur ex contemptu sacramenti.

A D QVARTVM dicendum, quod illi qui confirmationem accipiunt, quae est sacramentum plenitudinis gratiae, Christo conformantur, in quantum ipse à primo instanti suae conceptionis fuit plenus gratiae & veritatis, ut dicitur Ioan. 1. Quae quidem plenitudo declarata est in baptismo, quando Spiritus sanctus descendit corporali specie super eum. Vnde & Luc. 4. dicitur, quod Iesus plenus Spiritu sancto, regressus est à Iordane. Non autem conveniebat dignitati Christi (qui est sacramentorum autor) ut à sacramento plenitudinem gratiae acciperet.

COMMENTARIUS.

Confirmationis sacramentum merito secundum locum in sacramenti obtinuit, cum eius effectus perficiat & confirmet gratiam baptismi susceptam, & ideo, si nihil obstat, usu succedit baptismi. hinc nomen confirmationis deductum esse, catechismus Romanus admonuit. Sed apud vereres Patres ex imitatione sanctae Scripturae alia etiam nomina eidem tribuuntur, ex ritu, effectu, & materia. sic dicitur in Actis Apostolorum manus impositio, cum eo ritu administraretur ab Apostolis. quamvis autem ea appellatio pateat, ad ordinis sacramenti administrationem, ut 1. Timot. 4.

noli negligere gratiam, quae in te est, quae data est tibi per prophetiam cum impositione manuum presbyterij, & cap. 5. manus cito nemini imposueris: aliquando vero ad reconciliationem & penitentiam, ut cum legimus apud veteres, renatos apud haereticos, & redeuntes ad Ecclesiam catholicam, rebaptizandos non esse, sed recipiendos cum manuum impositione: plerumque tamen eadem appellatio huius sacramenti propria est, idque significat adiunctus effectus recepti Spiritus sancti, hoc est abundanter infusi: sicut & illud à Patribus intelligitur, nondum erat spiritus datus, quia Iesus nondum erat glorificatus. sic intelligitur manus impositio, & adiunctus effectus Act. 8. cum vidisset autem Simon, quia per impositionem manus Apostolorum daretur Spiritus sanctus, obtulit eis pecuniam dicens, date & mihi hanc potestatem, ut cuicumque imposuero manus accipiat Spiritum sanctum. cap. 19. & cum imposuisset illis manus Paulus, venit Spiritus sanctus super eos, & loquebantur linguis & prophetaabant. Dyonis. de Ecclesiastica hierarchia cap. 4. vnguentum ex materia, chrisma, unctionem, perfectivam unctionem, perfectionem, operationis perfectionem, & aduentum Spiritus sancti vocat. D. Ambrosius de iis, qui myst. init. cap. 7. signaculum spiritale. D. Augustus. ut postea constabit, unctionem & manus impositionem. alij praeferunt traditionem Spiritus sancti, inuocationem. Cyprianus unctionem. nominum ratio ex sequenti doctrina de materia, forma & effectu constabit. nunc vero ostendendum est, sacramentum esse, à Christo Domino institutum, ut articulus propositus confirmat. Sacramentum quidem esse, illa ratio efficit, quod sit sensibile signum, ex verbis & propria materia constans, ad perficiendam gratiam renatorum: sed quia haec vim habent ex Christi institutione, ea primum stabilienda & confirmanda est.

2. In sancta scriptura per manus impositionem dari Spiritum sanctum, id est gratiam & dona illius, paulò ante ostendimus: & hanc impositionem fuisse huius sacramenti administrationem, Patres omnes affirmant: nusquam tamen expressum est, hac manuum impositione materiam

& for-

Nomina confirmationis.

Institutio, &
essentia sacra-
menti.

& formam huius sacramenti contineri, quod certè omnium sacramentorum commune est, vt eorum materiæ & formæ, Traditione & consuetudine iam inde ab Apostolis recepta potius constent, quàm Scriptura sacra. cuius rei causas explicauimus suprà in commentar. quæst. 60. num. 25. & 26. cum igitur sacramenta septem nouæ legis à Christo Domino sint instituta, & sacramentum instituere sit materiâ, formam & ministrum præscribere, & hæc sint omninò secundum rectam fidem certa, vt eodem commentario ex Patribus & conciliis deduximus, restat, vt idem de confirmatione ostendamus ex diuina & Apostolica traditione, cuius testis firmissimus est, Patrum consensus, & consuetudo Ecclesiæ catholicæ. Confirmationem igitur, siue manuum impositionem sacramentum vocant Dyonis. c. citato, Cyril. Hierosol. catech. tertia mystagog. D. August. lib. 2. cont. lit. Petil. cap. 104. tractatu 3. in epist. Ioan. lib. 15. de Trinit. cap. 26. Cyprianus epist. 70. & serm. de vnctione chrismatis. D. Hieron. aduersus Luciferianos, hanc esse, inquit Ecclesiarum consuetudinem, vt baptizatis manus imponantur ab Episcopo, idq; ex Traditione descendisse, Clementis Papa epist. 4. ad Iulium & Iulianum, Ambrosii lib. 3. de sacramentis cap. 2. & lib. de his, qui mysteriis initiantur c. 7. Fabianus epist. 2. ad Orientales Episcopos, Melchides epist. ad Hispan. Episcopos. reliqui patres eisdem consentiunt, quoties de hoc sacramento loquuntur. concilia similiter, Elibert. can. 38. Aurelian. cap. 3. teste Gratiano de consecratione d. 5. c. vt ieiuni. Laodice. can. 48. Melden. cap. 6. eadem dist. vt Episcopi, Florent. sess. vltima de sacramentis, Constantien. sess. 15. in condemnatione 8. artic. Ioannis Hus numerat confirmationem inter septem sacramenta, Trident. sess. 7. can. 1. de confirmat. ad idem pertinent omnia quæ confirmant eundem numerum sacramentorum suprà q. 61. num. 9. & sequentibus.

Contra Prote-
stantes.

3 Quare Protestantes, qui sacramentum confirmationis reiiciunt, institutione Christi, Traditione Apostolica retentam, praxi & vsu Ecclesiæ catholicæ receptam, confessionem Patrum in colligenda ex sancta scriptura confirmatione, & posteris commendanda, planè reiiciunt. affirmant ociosam esse ceremoniâ: olim nihil aliud fuisse,

quàm catechesim, qua adolescentiæ proximæ, fidei suæ rationem coram Ecclesia exponebant, vt refellit eodem can. sess. 7. concil. Trident. fuisse etiam temporariam, nõ habuisse vllum mysterium: adeoq; sine verbo & præcepto Dei in Ecclesia non esse retinendam, & fortasse Protestantibus occasionem dedit inconsultum Erasmi consilium, qui scripsit examinandos adolescentes in pueritia baptizatos, vellent nõ stare pactis baptismi. sed Erasmus huius rei autor haberi non voluit, nisi id Ecclesiæ visum fuisset, quam isti impudenter omninò contemnunt. sed refellamus eorum impudentiam antiquitatis testimoniis. in ea enim præsentem Episcopo, coniuncta erat baptismi & confirmationis administratio ex Clemente Papa epist. 4. ad Iulium & Iulian. & Melchiade cap. 6. ep. ad Episcopos Hispan. Cyril. Hierosol. catech. mystag. 3. quin etiam ipsi Protestantes affirmant baptismum & confirmationem non fuisse distincta in primitiua Ecclesia. quod si hæc vera sunt, quo modo hæc manuum impositio catechesis tantum fuit. nunquid paruuli egressi fontem baptismi ad catechesim accommodati sunt? certum est etiam olim baptizandos adultos à Catechistis ante baptismum fuisse instructos, nec aliter ad baptismum admissos: præterea in Concil. Vormatiens. can. 2. admonentur nutritij & præceptores, vt infantes confirmandos ad Episcopum deferant, qua ætate catechesis capaces non sunt. Denique receptum in tota antiquitate est, in confirmatione adhiberi solitos susceptores, quos patrinos vocamus, quibus catechesis confirmatorum committeretur: non est igitur ipsa catechesis confirmatio. Sed addit Calvinus, nostram confirmationem iterari non posse, manuum tamen illam veterum impositionem frequenter repetitam fuisse, & ideo dissimilem & non eandem. profert pro hac sententia D. August. lib. 3. contra Donatist. cap. 16. dicentem, manuum impositionem repeti posse, non baptismum. sed noluit hæresiarches animaduertere ambiguitatem nominis, & D. Augustini propositum. is enim contendit eo loco, baptizatos ab hæreticis, iterum in Ecclesia catholica baptizandos non esse, vt suo loco disseruimus & explicauimus: & ideo baptismum legitime administratum à quocunq;

repeti,

Comment. in D Thom. tert. part.

repeti non posse, sed pœnitentiam, quam ibi vocat manuum impositionem, vt sæpe vocarunt veteres Patres, repeti posse.

4. Quod si firmissimis testimoniis euicimus confirmationem esse sacramentum, planè constare statim debet, à Christo Domino immediatè, vt cætera, institutum fuisse, vt ostendimus suprà quæst. 61. numero 9. & sequentibus. non quidem hæc institutio ex sancta scriptura constat, sed ex diuina & Apostolica Traditione, cuius testes sunt veteres Patres suprà notati, præsertim Fabianus Papa, qui in vltima cœna confirmationem institutam à Domino affirmat, cum olei & balsami permissione, & cum præscripta verborum forma, atque id accepisse ab Apostolis Romanam, Antiochenam & alias ecclesias. cum qua institutione consentit illa Domini promissio Ioan. 16. qua missurum se pollicetur paracletum Spiritum veritatis, quod idem est, atque indui virtute diuina, & baptizari Spiritu sancto: qui enim aqua tinguntur, accipiunt quidem Spiritum sanctum, sed non dicuntur baptizari Spiritu sancto, idest cumalata & abundanti copia illius perfundi, quasi immergantur omnino ipsi Spiritui sancto. hanc vero abundantem gratiam Spiritus sancti: acceperunt Apostoli in die Pentecostes, & alij deinceps ministerio Apostolorum, descendente visibiliter Spiritu sancto: sed alij præterea vnctione olei & balsami cum præscripta verborum forma, deficientibus illis signis sensibilibus, ex speciali Dei dispensatione, ait Vvalden. de sacramentis c. 113. vt nunc plenè fide & religione nostra, miraculis confirmata, eadem signa deficient. quod sanè de Apostolis obseruauit, & ex Dyonisio Areopagita deducit D. Thom. artic. 2. ad 1. quare quod idem affirmat artic. 1. hoc sacramentum à Domino institutum, non exhibendo, sed promittendo, id de sancta scriptura est intelligendū, hoc est, eius institutio non est in ea descripta expressè, est tamen promissus eius sacramenti effectus. hoc enim erat in argumento, cuius est illa ad primum responsio: cum qua tamen sententia optimè consentit, Traditione constare institutum esse à Domino, & non tantum promissum, vt in scriptura. similiter ratio articuli ex effectu efficiens, confirmationem esse sacramentum, supponit numerum septe-

narium sacramentorum conclusum suprà quæst. 61. & concludit ex effectu proprio distinctū esse ab aliis. in sciētifica enim doctrina, nisi posteriores rationes ad priores reuocentur, vis demonstrationis non constabit.

5. Quod verò D. Thom. inquit eodem artic. 1. ad 2. sacramento confirmationis nihil in veteri testamento respondere, quodd sit sacramentum plenitudinis gratiæ, & nihil ad perfectum adduxit lex, sic est accipiendum, non fuisse in veteri testamento, quod responderet confirmationi, in conferenda plenitudine gratiæ, hoc enim noui proprium esse: vt quamuis plura sacramenta in veteri testamento conferrent gratiam eo sensu, quem de circuncisione explicauimus quæst. 70. nullum tamen conferret plenitudinem gratiæ, quæ propria est Christi & sacramentorum eius. cū hoc tamen rectè consentit, fuisse vmbra & typos confirmationis in veteri testamento, cuiusmodi fuisse prophetarum, regum & Aaronis sacerdotis vnctiones ex veteribus Patribus colligitur. etenim D. August. lib. 2. cont. lit. Petil. c. 104. & lib. 15. de Trinit. c. 26. vnguentum, quod descendit in barbam Aaron, designasse nostræ vnctionis in confirmatione effectum significat: quod videtur desumpsisse ex Ambros. lib. de initiandis c. 6. & Cyrillo Hierosol. Catechesi 3. mystagogica: Aaron enim sacerdos Exod. 29. cum sacerdotio initiaretur, prius lotus, deinde vnctus est. Salomon 3. Reg. c. 1. regiam vnctionē in Gihon non prius excepit, quàm mystica ablutione baptismi nostri specimen edidisset. sic etiam sacerdotium spirituale, & regia dignitas, quæ affectibus imperat, omnium Christianorum communis, ad offerendum spirituales hostias, vt inquit Petrus. 1. epist. cap. 1. & ad distinctionem sacerdotis publici, Christum substantialiter in missa offerentis, illud inquam sacerdotium spirituale, & regia dignitas, plenitudine gratiæ, quæ confertur confirmatione, perficitur & consummatur.

Figure confirmationis in veteri test.

ARTI

ARTICVLVS II.
Vtrum chrisma sit conueniens materia huius sacramenti.

Inf. q. 24. ar. 1.
ad 1. & 4. di.
7. q. 1. ar. 2. q.
1. & 2. Et 4.
cōt. c. 60.

Ar. præ. ad 1.
arg.

AD secundum sic proceditur. Videtur, quod chrisma non sit conueniens materia huius sacramenti. Hoc enim sacramentum (ut dictum est*) institutum est à Christo promittente discipulis Spiritum sanctum. Sed ipse misit eis Spiritum sanctum absque omni chrismatis inunctione. Ipsi etiam Apostoli hoc sacramentum conferebant per solam manus impositionem absque chrismate, dicitur enim Actor. 8. quod Apostoli imponebant manus super baptizatos, & accipiebant Spiritum sanctum. Ergo chrisma non est materia huius sacramenti, quia materia est de necessitate sacramenti.

Q. 65. ar. 4.

¶ 2. Præterea, Cōfirmatio quodammodo perficit sacramentum baptismi (sicut supra dictum est*) & ita debet ei cōformari, sicut perfectio perfectibili. Sed in baptismo est materia, simplex elementum, scilicet aqua. Ergo huius sacramenti non est conueniens materia chrisma, quod cōficitur ex oleo & balsamo.

¶ 3. Præterea, Oleum assumitur in materia huius sacramenti ad inungendum. Sed quolibet oleo potest fieri inunctio, puta oleo, quod fit ex nucibus, vel ex quibuscunque aliis rebus. Non ergo solum oleum oliuarum debet assumi ad huiusmodi sacramentum.

Q. 66. ar. 3.

¶ 4. Præterea, Supra dictum est, * quod aqua assumitur ut materia ad baptizandum, quia ubique de facili inuenitur. Sed oleum oliuarum non ubique inuenitur, & mul-

to minus balsamū. Non ergo chrisma, quod ex his conficitur, est cōueniens materia huius sacramenti.

SED CONTRA est, quod Greg. t̄dicit in Registro, Presbyteri baptizatos infantes signare in frontibus sacro chrismate, non præsumant. Ergo chrisma est materia huius sacramenti.

Lib. 3. ca. 9. d
medio illius.

RESPONDEO dicendū, quod chrisma est conueniens materia huius sacramenti. Sicut enim dictū est, † in hoc sacramento datur plenitudo Spiritus sancti ad robur spirituale, quod competit perfectæ ætati. Homo autem cum ad perfectam ætatem peruenit, incipit iam communicare actiones suas ad alios, antea verò quasi singulariter sibiipsi uiuit. Gratia verò Spiritus sancti in oleo designatur unde Christus dicitur esse vnctus oleo lætitię, propter plenitudinem Spiritus sancti, quam habuit. Et ideo oleum competit materiæ huius sacramenti. Admiscetur autē balsamū propter fragrantiam odoris, quæ redundat ad alios, unde Aposto. dicit, 2. Corinth. 2. Christi bonus odor sumus Deo, &c. Et licet multa alia sint odorifera, tamē præcipue accipitur balsamum propter hoc, quod habet præcipuum odorem, & quia etiam in corruptionem præstat. Vnde Eccles. 24. dicitur, quasi balsamum non mixtum odor meus.

Ar. præ.

AD PRIMVM ergo dicendum, quod Christus ex potestate excellentiæ, quam habet in sacramentis contulit Apostolis rem huius sacramenti, id est plenitudinem Spiritus sancti sine sacramento, eo quod ipsi primitias Spiritus sancti acceperunt, sicut dicitur Roma. 8.

Q Nihil-

D. Tho. tert. part.

Nihilominus tamen aliquod con-
forme materiae huius sacramenti,
exhibitum fuit Apostolis sensibi-
liter in collatione Spiritus sancti.
Quod enim sensibilibiter Spiritus san-
ctus super eos descendit in specie
ignis, ad eandem significationem
refertur, ad quam refertur oleum,
nisi quod ignis habet vim actiuam,
oleum autem habet vim passiuam,
inquantum est materia & fomen-
tum ignis. Et hoc satis compete-
bat: nam per Apostolos gratia Spi-
ritus sancti erat ad alios deriuan-
da. Super Apostolos etiam Spiritus
sanctus descendit in figura lin-
guae, quod ad idem significandum
refertur, quod significat balsamum,
nisi quod lingua per locutionem
est communicatiua ad alterum: bal-
samum vero per odorem, quia sci-
licet Apostoli replebantur Spiritu
sancto, ut fidei doctores: alij au-
tem fideles, ut operatores eorum,
quae pertinent ad aedificationem fi-
delium. Similiter etiam ad imposi-
tionem manus Apostolorum, &
etiam ad eorum praedicationem,
descendebat plenitudo Spiritus san-
cti super fideles sub visibilibus si-
gnis, sicut & a principio descende-
rat super Apostolos, unde Petrus
dicit Act. 1. Cum coepissem lo-
qui, cecidit Spiritus sanctus super
eos, sicut & in nos in initio. Et ideo
non erat necessaria sensibilis ma-
teria sacramentalis, ubi sensibilia
signa miraculose exhibebantur di-
uinitus. Vtebatur tamen Apostoli
communiter chrismate in exhibi-
tione sacramenti, quando huiusmo-
di visibilia signa non exhibeban-
tur. dicit enim Dionys. 4. cap. Ec-
clesiast. hierarch. Est quaedam per-
fectissima operatio, quam duces no-

stri (ideest Apostoli) chrismatis ho-
stiam nominant.

AD SECVNDVM dicendum, quod
baptismus datur ad spiritualem vi-
tam simpliciter consequendam, &
ideo competit illi sacramento ma-
teria simplex. Sed hoc sacramen-
tum datur ad plenitudinem conse-
quendam Spiritus sancti, cuius est
multiformis operatio, secundum il-
lud Sap. 7. est enim in illa Spiritus
intelligentiae, sanctus, vnicus, multi-
plex, & 1. ad Corinth. 12. Diuisio-
nes gratiarum sunt, idem autem Spi-
ritus. Et ideo conuenienter huius
sacramenti est materia composita.

AD TERTIVM dicendum, quod
proprietates olei, quibus significa-
tur Spiritus sanctus, magis inueniun-
tur in oleo oliuarum, quam in quo-
cunque alio oleo. Unde & ipsa oli-
ua super frondibus virens, virorem
& misericordiam Spiritus sancti
significat. Hoc etiam oleum proprie
dicitur oleum, & maxime habetur
in usu, ubi haberi potest. Quilibet
autem alius liquor, ex similitudi-
ne huius, oleum nominatur, nec est
in usu communi, nisi in supplemen-
tum apud eos, quibus deest oleum
oliuarum. Et ideo hoc oleum solu
assumitur in usu huius, & quorun-
dam aliorum sacramentorum.

AD QVARTVM dicendum, quod
baptismus est sacramentum abso-
luta necessitatis, & ideo eius ma-
teria debet inueniri vbique. Suffi-
cit autem, quod materia huius sacra-
menti, quod non est tanta necessi-
tatis, possit de facili ad omnia loca
terrarum deferri.

ARTI-

Utrum sit de necessitate huius sacramenti, quod chrisma fuerit prius per Episcopum consecratum.

4. d. 7. q. 1. ar. 1.
2. q. 3.

AD tertiū sic proceditur. Videtur, quod non sit de necessitate huius sacramenti, quod chrisma quod est materia huius sacramenti, fuerit prius per Episcopū cōsecratum. Baptismus enim, in quo fit plena remissio peccatorum, nō est minoris efficaciz, quā hoc sacramentum. Sed licet quædam sanctificatio adhibeatur aquæ baptismali ante baptismum, non tamen est de necessitate sacramenti, quia in articulo necessitatis præteriri potest. Ergo non est de necessitate huius sacramenti, quod chrisma fuerit prius per Episcopum cōsecratum.

¶ 2. Præterea, Idem non debet bis consecrari. Sed materia sacramenti sanctificatur in ipsa collatione sacramenti, per formam verborum, qua confertur sacramentum. unde & August. * dicit super Ioann. Accedit verbum ad elementum & fit sacramentum. Non ergo debet prius chrisma cōsecrari quā hoc sacramentum tradatur.

¶ 3. Præterea, Omnis consecratio, quæ fit in sacramentis, ad consecutionem gratiæ ordinatur. Sed materia sensibilis cōfecta ex oleo & balsamo, non est capax gratiæ. Ergo non debet ei aliqua consecratio adhiberi.

SED CONTRA est, quod Innocent. Papa * dicit, Presbyteris, cum baptizant, crismate baptizatos vngere liceat, quod ab Episcopo fuerat consecratum, non tamen frontem ex eodem oleo signare, quod solum debetur Episcopis, cum tra-

Tracta. 80. in
Ioann. 2. ad med.
10. 2.

Habetur de cō-
secrati. 4. cap.
Presbyteris.

dunt Paracletum. Quod quidem fit in hoc sacramento. Ergo ad hoc sacramentum requiritur chrisma per Episcopum consecratum.

RESPONDEO dicendum, quod tota sacramentorum sanctificatio à Christo deriuatur, vt supra dictum est. * Est autem considerandum, quod quibusdam sacramentis habentibus materiam corpoream, Christus est vsus, scilicet baptismo & etiam Eucharistia. Et ideo ex ipso vsu Christi, materiæ horum sacramentorum aptitudinem acceperunt ad perfectionem sacramenti. Vnde Chrysosto. * dicit, quod nunquam aquæ baptismi purgare peccata credentium, possent, nisi tactu Dominici corporis sanctificatæ fuissent. Et similiter ipse Dominus accipiens panem, benedixit, similiter autem & calicem, vt habetur, Matth. 26. & Luc. 22. Et propter hoc non est de necessitate horum sacramentorum, quod materia prius benedicatur, quia sufficit benedictio Christi. Si quæ verò benedictio adhibeatur, pertinet ad solennitatem sacramenti non autem ad necessitatem. Vnctionibus autem visibilibus Christus non est vsus, ne fieret iniuria inuisibili vnctioni, qua est vnctus præ consortibus suis. Et ideo tñ chrisma, quā oleum sanctum infirmorum, prius benedicuntur, quā adhibeātur ad vsum sacramenti.

264. ar. 31

Refertur de cō-
secrati. 4. c. 101
nunquā aquæ

AD PRIMVM ergo patet responsio ex dictis. *

In cor. ar. 3

AD SECVNDVM dicendum, quod vtrique consecratio chrismatis nō refertur ad idem. Sicut enim instrumentum virtutem instrumentalem acquirit dupliciter, scilicet quando-

D. Thom. tert. part.

quando accipit formam instrumenti, & quando mouetur à principali agente ad effectum, ita etiam materia sacramenti duplici sanctificatione indiget; per quarum vnā fit propria materia sacramenti, per aliam verò applicatur ad effectum.

AD TERTIVM dicendū, quod materia corporalis non est capax gratiæ quasi gratiæ subiectum, sed solum sicut gratiæ instrumentum, vt suprà dictum est. * Et ad hoc materia sacramenti consecratur, vel ab ipso Christo, vel ab Episcopo, qui gerit in Ecclesia personam Christi.

ARTICVLVS IIII.

Vtrum hæc sit conueniens forma huius sacramenti, Consigno, te signo crucis, &c.

Inf. q. 84. ar. 3. or. & 4. di. 7. q. ar. 3. q. 3. & op. 22. co. 1.

AD quartum sic proceditur. Videtur, quod hæc non sit conueniens forma huius sacramenti, Consigno te signo Crucis, & cōfirmo te chrismate salutis, in nomine Patris, & Filij & Spiritus sancti, Amen. Vfus enim sacramentorum à Christo & ab Apostolis deriuatur. Sed neque Christus hanc formam instituit, nec Apostoli ea vti leguntur. Ergo hæc non est conueniens forma huius sacramenti.

¶ 2. Præterea, Sicut sacramentum est idem apud omnes, ita & forma debet esse eadem, quia quælibet res habet vnitatem, sicut & esse à sua forma. Sed hac forma non omnes vtuntur, quidam enim dicunt, confirmo te chrismate sanctificationis. Ergo hæc non est conueniens forma huius sacramenti.

¶ 3. Præterea, Sacramentum hoc debet conformari baptismo, sicut perfectio perfectibili, vt suprà dictum est. * Sed in forma baptismi non fit mentio de consignatione characteris, nec etiam de cruce Christi (cū tamen per baptismum homo Christo commoriatur, vt Apostolus dicit, Romano. 6. nec etiam fit mentio de effectu salutis, cū tamen baptismus sit de necessitate salutis. In forma etiam baptismi ponitur vnus actus tantum, & exprimitur persona baptizantis, cū dicitur: Ego te baptizo. Cuius contrariū apparet in forma prædicta, * Non ergo est conueniens forma huius sacramenti.

Q. 65. ar. 4. or. ar. 1. huius q. 6. g. 25

In initio art. posita.

SED CONTRA est auctoritas Ecclesiæ, quæ hac forma communiter vtitur.

RESPONDEO dicendum, quod prædicta * forma est conueniens huic sacramento. Sicut enim forma rei naturalis dat ei speciē, ita forma sacramenti continere debet quicquid pertinet ad speciem sacramenti. Sicut autem ex suprà dictis patet. * In hoc sacramento datur Spiritus sanctus ad robur spiritualis pugnae.

Posita in initio art.

Ar. 1. huius q.

Et ideo in hoc sacramento tria sunt necessaria, quæ continentur in forma prædicta. * Quorum primum est causa conferēs plenitudinem roboris spiritualis, quæ est sancta Trinitas, quæ exprimitur, cū dicitur, In nomine Patris, &c. Secundū est ipsum robur spirituale, quod homini confertur per sacramentum materiæ visibilis, ad salutē. Quod quidem tangitur, cū dicitur, Cōfirmo te chrismate salutis. Tertium est signum, quod pugnatori datur,

Posita in l. argum.

datur, sicut & in pugna corporali milites insigniis ducum insigniuntur. Et quâ tum ad hoc dicitur: Cõsigno te signo crucis, in quo scilicet Rex noster triumphauit, vt dicitur Coloss. 2.

Ar. 2. huius q.
ad 1. arg.

AD PRIMVM ergo dicendum, quod (sicut supra dictum est) per ministerium Apostolorum quandoque dabatur effectus huius sacramenti, scilicet plenitudo Spiritus sancti, quibusdam visibilibus signis miraculosè à Deo effectis, qui potest effectum sacramenti sine sacramento conferre. Et tunc non erat necessaria nec materia nec forma huius sacramenti. Quâdoque autem tanquam ministri sacramentorum hoc sacramentum præbebant, & tunc sicut materia, ita & forma ex mandato Christi utebantur. Multa enim seruabant Apostoli in sacramentorum collatione, quæ in scripturis communiter propositis non sunt tradita. Vnde Dionys. * dicit in fine Eccle. hierarc. Cõsummatiuas inuocationes, id est, verba quibus perficiuntur sacramenta, non est iustum Scripturas interpretantibus neque mysticum earum, aut in ipsis operatas ex Deo virtutes, ex occulto ad cõmune adducere, sed nostra sacra traditio, sine pompa, id est, occultè eas edocet. Vnde & Apostolus dicit, loquens de celebratione Eucharistiæ, 1. Corint. 11. Cetera, cū venero, disponam.

Cap. 7. Eccles.
hier. par. 3. inter
med. & f.

AD SECVNDVM dicendū, quod sanctitas est salutis causa. Et ideo in idem redit, quod dicitur chrismate salutis & sanctificationis.

AD TERTIVM dicendū, quod baptis mus est regeneratio in spiri tualem vitam, qua homo viuunt in

seipso, & ideo nō ponitur in forma baptis mi, nisi vnus actus ad ipsum hominem sanctificandū pertinens. Sed hoc sacramentum non solum ordinatur ad hoc quod homo sanctificetur in seipso, sed exponitur cuidā pugnæ exteriori. Et ideo nō solum fit mentio de interiori sanctificatione cū dicitur, cõfirmo te chrismate salutis, sed etiam con signatur homo exterius quasi vexillo crucis ad pugnam spiritualem, quod significatur, cū dicitur, Cõsigno te signo crucis. In ipso autem verbo baptizandi, quod ablutionē significat, potest intelligi & materia, quæ est aqua abluens, & effectus salutis, quæ non intelliguntur in verbo cõfirmandi, & ideo oportuit hæc ponere. Dictum est autē supra* quod hoc quod dicitur, ego, non est de necessitate formæ baptismalis, quia intelligitur in verbo primæ personæ: apponitur tamen ad exprimendam intentionē. Quod non est ita necessarium in cõfirmatione, quæ non exhibetur, nisi ab excellenti ministro, vt infra* dicitur.

Q. 66. ar. 5.
ad 1.

Ar. 11. huius
quæst.

COMMENTARIVS.

INstitutionem confirmationis diuinam, sequuntur essentielles partes materia & forma: illa est chrisma consecratū ab Episcopo: hæc est illa oratio consueta, cū expressa diuinæ Trinitatis inuocatione, & si quid præterea additur, ex præcepto Ecclesiæ, nō vt essentialē, additur. chrisma est vnguentum ex oleo & balsamo permixtum, & obtinuit vsus, vt Græcis commune nomen illud vnguenti, huius materie in Ecclesia Catholica propriū factum sit, oleum etiam de oliuis expressum propriè à Philosophis & vulgo, non tantum à Theologis accipitur. Eam materiam & formā planè habemus ex diuina & Apostolica traditione, vt & ipsum sacramentū, vt

Confirmationis
materia.

Commen.in D.Thom.tert.part.

confirmauimus ex Patribus & Conciliis, art. 1. itaque qua necessitate & firmitate sacramentum hoc ex illa traditione habemus, eadem omnino retinemus materiam eandem, idque Epistola illa Fabiani Papæ ad Orientales Episcopos planè decernit. quare non licet dubitare, quod quidam Theologi fecerunt, an balsamum sit de necessitate sacramenti: quia quod habemus de oleo, id etiam de balsamo, & ex eisdem planè autoribus, & eadem diuina & Apostolica traditione: balsamo etiam Orientali aut Occidentali semper est vsa & vitur Ecclesia Catholica. atque Occidentale vere balsamum esse, naturales Philosophi de natura eius scribentes, planè euincunt. vt itaque aquam naturalem & oleū, ex naturali & physica ratione accipimus, cum ad vsum sacramēti adhibemus, sic omnino efficere oportet in balsamo.

An balsamum sit necessario consecrandum ab Episcopo.

2. An vero balsami ab Episcopo consecratio sit de necessitate sacramenti, ideo dubitari potest, quia Concilium Florent. sessione vltima, definit ordinarium confirmationis ministrum, Episcopum esse, sed ex dispensatione summi Pontif. simplici sacerdoti committi posse eius administrationem. Vt enim mutari hac ratione minister potest, sic etiam consecratio chrismatis poterit, & non aliter: quia consecratio est ministri actio. Tutior tamen & securior sentētia est, consecrandū esse chrismā ab Episcopo de necessitate sacramenti, quia idem concilium sacerdotem illum ex dispensatione confirmationis ministrū, vti debere, definit chrismate consecrato ab Episcopo: vt vtuntur sacerdotes oleo catechumenorum, & vñctionis extreme in administratione sacramentorum, quorū sunt ordinarij ministri, sed consecrato ab Episcopo. Vnde Concil. Carthag. 3. cap. 36 cui D. August. subscripsit, & refertur, 16. quæst. 6. cap. presbyter, in consulto Episcopo, virgines nō consecrēt, chrysmā vero nunquam conficiat; & in Toletan. 8. cap. 8. id dicitur esse eminentiæ Episcopalis diuina autoritate, quia videtur esse ius diuinum, quod mutare non licet, in essentialibus sacramentorum. de præceptis Ecclesiasticis, idem & alia similia prohibentibus sacerdoti, res est manifesta ex plurimis Conciliorum decretis, quæ collecta sunt ferè eisdem verbis, ex Leonis I. Epistola 88. quod verò in cap. Pastoralis, de

sacramentis non iter. respondet Innocent. in eo, qui oleo non balsamo fuerat in confirmatione vñctus, nihil esse iterandum, sed cautè supplendum quod fuerat omissum, quo videtur significari balsamum non esse de necessitate sacramenti, alioquin iterandum esset sacramentum, de ficiente scilicet parte aliqua essentiali: id inquam non potest antiquis decretis & traditioni præiudicare. cum enim respondeat Innocentius de solenni administratione confirmationis, vult planè suppleri omissum balsamum, non tamen solennia, ad vitandum scandalum, sed suppleri balsamum cū præscripta forma, vt fieri oportuit, id sanè est sacramentum integrum præstari, non tamen iterari, cum ante nullum fuerit sacramentum deficiente essentiali parte materiæ. Sic videtur Innocentius explicādus, vt cum veteribus Patribus & Apostolica traditione consentiat. Reliqua de significatione & congruentia eiusdem materiæ ex D. Thoma & Catechismo Romano petenda sunt.

3. De forma verò nihil est amplius quod obseruemus, quàm ex diuina & Apostolica traditione sensum illius legitimum dimanasse, licet verba sint aliquo modo immutata. Legimus enim Siluestrum Papam his verbis vsum in Constantini Imperat. confirmatione. Signet te Deus sigillo fidei suæ, in nomine Patris & Filij & Spiritus sancti, &c. in consignatione fidei, amen. Nam signum fidei Crux est, & fidei consignatio, chrismatis vñctio, vnde & ipsa confirmatio, signaculum à veteribus aliquando dicitur. forma autem nostra in Concilio Florentino, sess. vlt. de sacramentis sic expressa est. Secundum sacramentum est confirmatio, cuius materia est chrisma confectum ex oleo, quod nitorem significat conscientiæ, & balsamo, qui odorē significat bonæ famæ per Episcopum benedicto: forma autem est, signo te Crucis, & confirmo te chrismate salutis, in nomine Patris, & Filij, & Spiritus sancti. cætera ex D. Thoma & Catechismo Romano facile deduci possunt.

Forma huius sacramenti.

ARTI-

ARTICVLVS V.

Virum sacramentum confirmationis imprimat characterem.

4. d. 7. q. 2. ar.
1 q. 1. & q. 3.
art. 3. q. 3.

AD quintū sic proceditur. Videtur, quod sacramentum confirmationis non imprimat characterem. Character enim importat quoddam signum distinctiuum. Sed per sacramentum confirmationis non distinguitur homo ab infidelibus, hoc enim fit per baptismum, neque etiā ab aliis fidelibus, quia hoc sacramentum ordinatur ad pugnam spirituale, quæ omnibus fidelibus indicitur. Non ergo in hoc sacramento imprimitur aliquis character.

Q. 63. ar. 2.

¶ 2. Præterea, Suprà dictum est, quod character est quædam potentia spiritualis. Potentia autem non est nisi actiua vel passiua. Potentia autem actiua in sacramentis, confertur per sacramentum ordinis: potentia autem passiua siue receptiua per sacramentum baptismi. Ergo per sacramentum confirmationis nullus character imprimitur.

¶ 3. Præterea, In circuncisione, quæ est character corporalis, non imprimitur aliquis spiritualis character. Sed in hoc sacramento imprimitur quidam character corporalis: dum scilicet homo chrismate signatur signo crucis in fronte. Non ergo imprimitur in hoc sacramento character spiritualis.

Refertur de cō
sec. d. 5. c. 9. De
homine.

SED CONTRA, In omni sacramento, quod non iteratur imprimatur character. Sed hoc sacramentū non iteratur, dicit enim Greg. * de homine, qui à Pontifice confirmatus fuerit denuo, talis iteratio prohibenda est. Ergo in confirmatione imprimatur character.

RESPONDEO dicendū, quod

(sicut suprà dictum est *) character est quædam spiritualis potētis ad alias quas sacras actiones ordinata. Dictū est autem suprà, * quod sicut baptismus est quædam spiritualis regeneratio in vitam Christianam: ita etiam cōfirmatio est quoddam spirituale augmentum, promouēs hominem in spiritualem ætatem perfectam. Manifestum est autem ex similitudine corporalis vitæ, quod alia est actio hominis statim nati: & alia actio, quæ competit ei cum ad perfectam ætatem peruenierit. Et ideo per sacramentū confirmationis datur homini potestas spiritualis ad quasdam alias actiones sacras, præter illas ad quas datur ei potestas in baptismo. Nā in baptismo accipit homo potestatem ad ea agenda, quæ ad propriam pertinet salutē, prout scilicet secundū seipsum uiuit. Sed in cōfirmatione accipit homo potestatem ad agendū ea, quæ pertinent ad pugnam spirituale contra hostes fidei. Sicut patet ex exemplo Apostolorū, qui antequā plenitudinem Spiritus sancti acciperent, erant in coenaculo perseuerantes in oratione, postmodum uerò egressi, non verebantur publicè fidem fateri, etiam coram inimicis fidei Christianæ. Et ideo manifestū est, quod in sacramento confirmationis imprimatur character.

Q. 63. ar. 2.

Ar. 1. huius q.

AD PRIMVM ergo dicendum, quod pugna spiritualis contra hostes inuisibiles, omnibus cōpetit. Sed contra hostes visibiles, id est, contra persecutores fidei pugnare, nomen Christi publicè confitendo, est confirmatorum, qui iā sunt perducti spirit ualiter ad uirilē etatē, secuncum quod dicitur, 1. Io. 2. Scribo uobis iuuenes quoniam for

D. Thom. tert. part.

res estis, & verbum Dei in vobis manet, & vicistis malignum. Et ideo character confirmationis est signum distinctiuum, non infidelium à fidelibus, sed spiritualiter prouectorum ab his quibus dicitur, Sicut modo geniti infantes.

AD SECVNDVM dicendū, quod omnia sacramenta sunt quædam fidei protestationes. Sicut igitur baptizatus accipit potestatem spirituales ad protestandam fidem per susceptionem aliorum sacramentorum, ita confirmatus accipit potestatem publicè fidem Christi verbis profitendi, quasi ex officio.

AD TERTIVM dicendū, quod sacramenta veteris legis dicuntur iustitiæ carnis (vt patet Hebr. 9.) quia scilicet interius nihil efficiebant. Et ideo in circūcisione imprimebatur character solum in corpore, non autem in anima. Sed in confirmatione cum caractere corporali imprimitur simul character spiritualis, eò quod est sacramentum nouæ legis.

ARTICVLVS VI.

Vtrum character confirmationis præsupponat characterem baptismi.

4. di. 7. q. 2. ar.
tic. 1. q. 3. &
di. 24. q. 1. ar.
2. q. 3. & 4.

AD Sextum sic proceditur. Videtur, quod character confirmationis non præsupponat ex necessitate characterem baptismalem. Sacramentum enim confirmationis ordinatur ad confitendum publicè fidem Christi. Sed multi etiā ante baptismum sunt fidem Christi publicè confessi, sanguinem fundentes pro fide. Ergo character confirmationis non præsupponit characterem baptismalem.

¶ 2. Præterea, De Apostolis non legitur quod fuerint baptizati (præsertim cum dicatur Ioan. 4. quod

ipse Christus non baptizabat, sed discipuli eius) & tamen postea fuerunt confirmati per aduentum Spiritus sancti. Ergo similiter alij possunt confirmari antequam baptizentur.

¶ 3. Præterea, Acto. 10. dicitur, quod adhuc loquēte Petro, cecidit Spiritus sanctus super eos qui audiebant verbum, & audiebant eos loquētes linguis. Et postea Petrus iussit eos baptizari. Ergo pari ratione possunt alij prius confirmari, quàm baptizentur.

SED CONTRA est, quod Rabanus dicit in lib. * de instit. cleri. Nouissime à summo Sacerdote, per impositionem manus Paracletus traditur baptizato, vt roborētur per Spiritū sanctum ad prædicandum.

RESPONDEO dicendum, quod character confirmationis ex necessitate præsupponit characterem baptismalem, ita scilicet, quod si aliquis non baptizatus confirmaretur, nihil reciperet, sed oporteret iteratò ipsum confirmari post baptismum. Cuius ratio est, quia sicut se habet confirmatio ad baptismum, ita augmentum ad generationem, vt ex suprà dictis patet. * Manifestū est autem, quod nullus potest promoueri in etatem perfectā, nisi primò fuerit natus. Et similiter nisi primo aliquis fuerit baptizatus, non potest sacramentum confirmationis accipere.

AD PRIMVM ergo dicendum, quod virtus diuina non est alligata sacramentis. Vnde potest conferre homini spirituale robur ad confitendum publicè fidem Christi absque sacramēto confirmationis, sicut etiā potest consequi remissionem peccatorum sine baptismo. Sicut tamen nullus consequitur effectum baptismi

Lib. 1. c. 31. in
prin. & habetur
de cons. di.
5. c. 5.

Ar. 1. huius q.

baptismi sine baptisimo voto, ita nullus consequitur effectum confirmationis sine voto ipsius, quod potest haberi etiam ante susceptionem baptismi.

*Ep. 108. à me.
90. 2.*

AD SECVNDVM dicendum, quod sicut August. * dicit ad Seleucianum ex hoc quod Dominus dicit Ioann. 13. Qui lotus est, non indiget nisi ut pedes lauet, intelligimus, Petrum & alios Christi discipulos, fuisse baptizatos siue baptismo Ioannis (sicut nonnulli arbitrantur) siue, quod magis credibile est, baptismo Christi, neque enim renuit ministerium baptizandi, ut haberet & baptizatos seruos, per quos ceteros baptizaret.

*Art. 4. q. 2. ad
1. 478.*

AD TERTIVM dicendum, quod audientes prædicationem Petri, acceperunt effectum confirmationis miraculosè, non tamen confirmationis sacramenti. Dictum est autem, * quod effectus confirmationis potest alicui conferri ante baptismum, non autem sacramentum confirmationis. Sicut enim effectus confirmationis, qui est robur spirituale, præsupponit effectum baptismi, qui est iustificatio, ita sacramentum confirmationis præsupponit sacramentum baptismi.

ARTICVLVS VII.

Vtrum per sacramentum confirmationis conferatur gratia gratum faciens.

*4. d. 7. q. 2.
Art. 2.*

AD SEPTIMUM sic proceditur. Videtur, quod per hoc sacramentum gratia gratum faciens non conferatur. Gratia enim gratum faciens, ordinatur contra culpam. Sed hoc sacramentum (sicut dictum est *) non exhibetur nisi baptizatis, qui sunt à culpa mundati. Ergo per hoc sacramentum gratia gratum faciens non confertur.

Art. præc.

¶ 2. Præterea, Peccatores maxime indigent gratia gratum faciente, per quam solam iustificari possunt. Si ergo per hoc sacramentum gratia gratum faciens confertur, videtur quod deberet dari hominibus in peccato existentibus. Quod tamen non est verum.

¶ 3. Præterea, Gratia gratum faciens, speciem non differt; cum ad vnum effectum ordinetur. Sed duæ formæ eiusdem speciei non possunt esse in eodem subiecto. Cum ergo gratia gratum faciens conferatur homini per baptismum, videtur, quod per sacramentum confirmationis, quod non exhibetur nisi baptizato, gratia gratum faciens non conferatur.

SED CONTRA est, quod Melchisedes Papa dicit, * Spiritus sanctus in fonte baptismi, plenitudinè tribuit ad innocentiam, in confirmatione augmentum præstat ad gratiam.

*In Ep. ad Hispaniarum Episcopos.
à me. illius, 104
1. Concil.*

RESPONDEO dicendum, quod in hoc sacramento (sicut dictum est *) datur baptizato Spiritus sanctus ad robur. sicut Apostolis datus est in die Pentecostes (ut legitur Act. 2.) & sicut dabatur baptizatis per impositionem manus Apostolorum, ut dicitur Act. 8. Ostensum est autem in prima parte, quod missio seu datio Spiritus sancti non est nisi cum gratia gratum faciente. Vnde manifestum est, quod gratia gratum faciens confertur in hoc sacramento.

*Art. 1. 2. q. 3.
huius 7.*

1. 2. q. 4. 5. art. 3.

AD PRIMUM ergo dicendum, quod gratia gratum facientis primus effectus est remissio culpe. Habet tamen & alios effectus, quia sufficit ad hoc quod promoueat hominem per omnes gradus usque in

Commen.in D.Thom.tert.part.

vitam æternam, secundum illud Roman.6. Gratia Dei vita æterna. Vnde & Paulo dictum est 2. Corinth.12. Sufficit tibi gratia mea. Et ipse de se dicit 1. Corinth.15. Gratia Dei sum id quod sum. Et ideo gratia gratum faciens, non solum datur ad remissionem culpæ, sed etiam ad augmentum & firmitatem iustitiæ. Et sic confertur in hoc sacramento.

AD SECUNDVM dicendū, quod sicut ex ipso nomine apparet, hoc sacramentum datur ad confirmandum quod prius inuenerit: & ideo non debet dari his, qui non habent gratiam. Et propter hoc sicut non datur non baptizatis, ita non debet dari adultis peccatoribus, nisi per poenitentiam reparatis. Vnde dicitur in Aurelianensi Concilio, * Ut ieiuni ad confirmationem veniant, ut moneantur confessionem facere prius, ut mundi donum Spiritus sancti valeant accipere. Et tunc per sacramentum perficitur poenitiæ effectus, sicut & baptismi: quia per gratiam collatam in hoc sacramento, consequitur poenitens pleniorē remissionem peccati. Et si aliquis adultus in peccato existens, cuius conscientiam non habet, vel si etiam non perfectè contritus accedat, dummodo non fictus accedat, per gratiam collatam in hoc sacramento consequetur remissionem peccatorum.

AD TERTIVM dicendum, quod (sicut dictum est *) gratia sacramentalis addit super gratiam gratum facientem communiter sumptam, aliquid effectuum specialis effectus, ad quod ordinatur sacramentum. Si ergo consideretur gratia in hoc sacramento col-

lata, quantum ad id quod est commune: sic per hoc sacramentum non confertur aliqua alia gratia, quam per baptismum: sed quæ prius inerat, augetur. Si autem consideretur quantum ad illud speciale, quod superadditur, sic non est eiusdem speciei cum ipsa.

COMMENTARIVS.

1 **E**ssentiam confirmationis sequuntur effecta, character, & gratia perficiens & augens per se receptam in baptismo. de characterē dictum est supra pro catholica sententia, & contra hæreticos, quæst. 63. num. 1. & sequent. de gratia vero quæ sacramentis omnibus nouæ legis confertur ex opere operato, q. 62. nu. 7. & sequent. sed de characterē confirmationis illud addendum est, non suscipi nisi ab eo, qui characterē baptismi prius receperit: quia ut gratia huius sacramenti priorem baptismi perficit, sic character characterem baptismi præexistentem necessario requirit. de gratia verò an sit prima & iustificans, an augmentum prioris tantum, respondendum est quod de Eucharistia: per se quidem Confirmatione augeri gratiam præcedentem, sed ex accidenti primam aliquando conferri: quod supra explicatum est, & explicabitur infra quæstio. 79. art. 3. & in comment. quæst. 80. nu. 47. quare qui adulti ad confirmationem accedunt, hortandi sunt, ut prius confiteantur sacerdoti peccata sua: quia licet digne accedat verè contritus, tamen difficile est veram contritionē habere sine poenitiæ sacramento: & hoc cōfirmationis sacramentū per se viuendum est in gratia, ex accidenti mortuorum in peccato mortali: & ideo licet probabile sit, eo infundi primā gratiam, ut eadem quæst. 80. de Eucharistia explicabitur: tutius tamen est cum vera contritione ad sacramentum hoc accedere, ut fructum illius consequaris.

2 In responsione ad secundum art. 5. probabilius existimat D. Thom. Apostolos, viuentē ad huc Christo Domino, baptismō eius tinctos fuisse, non baptismō Ioannis, supra quæst. 38. artic. 6. ad 2. idem etiā confirmat, quod supra obseruauimus, quæst.

*Habetur de cō
sec. dist. 5. c. ut
ieiuni.*

2. 62. ar. 2.

*Apostoli bap-
tismo Christi ba-
ptizati.*

quæst. 66. ad artic. 2. Apostolos, Christi baptismo baptizasse, quare verisimile est se ipsos eodem baptizasse.

ARTICVLVS VIII.

Vtrum hoc sacramentum sit omnibus exhibendum.

AD octauum sic proceditur. Videtur, quod hoc sacramentum non sit omnibus exhibendum. Hoc enim sacramentum ad quandam excellentiam datur: ut dictum est.* Sed id quod ad excellentiam pertinet, non cōpetit omnibus. Ergo hoc sacramentū non debet omnibus dari.

Art. 2. huius
q. ad 2. & ar.
q.

¶ 2. Prætereā, Per hoc sacramentum augetur aliquis spiritualiter in perfectam ætatem. Sed perfecta ætas repugnat ætati puerili. Ergo ad minus pueris dari non debet.

In ep. ad Hisp.
Episc. à me. il-
lius. to. x. Conci.

¶ 3. Prætereā, Sicut Melchisedes Papa dicit, * post baptismum confirmamur ad pugnam. Sed pugnare non competit mulieribus, propter fragilitatem sexus. Ergo nec mulieribus hoc sacramentum dari debet.

Loco nunc
proximè citato
& habetur de
consec. di. 5. c.
Spiritus san-
ctus.

¶ 4. Prætereā, Melchisedes Papa dicit, * quod quamuis continuò trāsitus sufficiant regenerationis beneficia, victuris tamen confirmationis auxilia necessaria sunt: quia confirmatio armat & instruit ad agones mundi huius & prēlia referuandos. Qui autem post baptismū cum acquisita innocentia immaculatus peruenerit ad mortem, confirmatur morte: quia iam non potest peccare post mortem. Ergo statim morituris non debet hoc sacramentum conferri: & sic non debet omnibus dari.

SED CONTRA est, quod dicitur

Act. 2. quod Spiritus sanctus adueniens repleuit totam domum (per quam significatur Ecclesia) & postea subditur, quod repleti sunt omnes Spiritu sancto: Sed ad illam plenitudinem consequendam hoc sacramentum datur. Ergo est omnibus, qui sunt in Ecclesia exhibendum.

RESPONDEO dicendum, quod (sicut dictum est*) per hoc sacramentum promouetur homo spiritualiter in ætatem perfectam. Hoc autem est de intentione naturæ, ut omnis qui corporaliter nascitur, ad perfectam ætatem perueniat, sed hoc quandoque impeditur propter corruptibilitatem corporis, quod morte præuenitur. Multò autem magis de intentione Dei est, omnia ad perfectionem producere, ex cuius imitatione hoc natura participat, unde & Deute. 32. dicitur, Dei perfecta sunt opera. Anima autem, ad quam pertinet & spiritualis natiuitas, & spiritualis ætatis perfectio, immortalis est, & potest, sicut tempore senectutis spirituales natiuitatem consequi, ita tempore iuuentutis vel pueritiæ consequi perfectam ætatem, quia huiusmodi corporales ætates animæ non præiudicant. Et ideo hoc sacramentum debet omnibus exhiberi.

Art. 1. huius q.

AD PRIMUM ergo dicendum, quod hoc sacramentum datur ad quandam excellentiam, non quidem vnius hominis ad alium (sicut sacramentum ordinis) sed hominis ad seipsum, sicut idem perfectus vir existens, habet excellentiam ad se puerum.

AD SECUNDUM dicendum, quod (sicut dictum est*) ætas corpora-

In cor. ar.

D.Tho.tert.part.

lis non præiudicat animæ. Vnde etiam in puerili ætate nemo potest consequi perfectionem spiritualis ætatis, de qua dicitur Sap. 4. Senectus venerabilis est, non diuturna, neque numero annorum computata. Et inde est, quod multi in puerili ætate propter robur Spiritus sancti perceptum, usque ad sanguinē fortiter certauerunt pro Christo.

AD TERTIVM dicendum, quod sicut Chrysosto. * dicit in homilia de Machabæis, In mundanis agonibus, ætatis ac formæ, generisque dignitas requiritur, & ideo servis ac mulieribus, & senibus ac pueris ad eos aditus denegatur: In cælestibus autem, omni personæ & ætati ac sexui, in discreta facultate stadium patet. Et in homilia de Militia spirituali dicit. * Apud Deum fœmineus etiam militat sexus. Multæ namque fœminæ animo virili spirituales militem gerunt, quædam enim interioris hominis virtute, viros æquauerunt in agonibus martyrum: quædam etiam fortiores viris extiterunt. Et ideo etiam mulieribus hoc sacramentum conferendum est.

AD QVARTVM dicendum, quod (sicut dictum est*) anima, ad quam pertinet spiritualis ætas, immortalis est. Et ideo etiam morituris hoc sacramentum dandum est, ut in resurrectione perfecti appareant, secundum illud Ephes. 4. Donec occurramus omnes in virum perfectum, in mensuram ætatis plenitudinis Christi. Et ideo Hug. de sancto Vict. dicit, * Omnino periculum esset, si ab hac vita sine confirmatione migrare contingeret, non quia damneretur, nisi fortè propter contemptum, sed quia detri-

mentum perfectionis pateretur. Vnde etiam pueri confirmati decedentes, maiorem gloriam consequuntur, sicut & hîc maiorem obtinent gratiam. Autoritas autem illa * intelligitur, quantum ad hoc, quod morituris non est necessariū hoc sacramentum propter periculum pugnæ præsentis.

*Citata in argi
44*

ARTICVLVS IX.

Vtrum hoc sacramentum sit conferendū homini in fronte.

AD nonum sic proceditur. Videtur, quod hoc sacramentū non sit conferendum homini in fronte. Hoc enim sacramentum est perfectiū baptismi, ut supra dictum est. * Sed sacramentū baptismi confertur homini in toto corpore. Ergo hoc sacramentum non debet conferri solum in fronte.

¶ 2. Præterea, Hoc sacramentū datur ad robur spirituale, ut supra dictum est. * Sed spirituale robur maximè consistit in corde. Ergo hoc sacramentum magis debet conferri supra cor, quam in fronte.

¶ 3. Præterea, Hoc sacramentum datur homini ad hoc, quod liberè fidem Christi cōfiteatur. Sed ore fit confessio ad salutem, ut dicitur Romano. 10. Ergo hoc sacramentum magis debet conferri circa os, quàm in fronte.

SED CONTRA est, quod Rabanus dicit * in lib. de institutione clericorum, Signatur baptizatus christum in summitate capitis per sacerdotem, per Pontificem verò in fronte.

RESPONDEO dicendum, quod (sicut supra dictum est*) in hoc sacramento homo accipit Spiritum sanctum

*Inf ar. xi. ad
3. & 4. d. 7. q.
3. ar. 3. q. 2. et
4. cōt. c. 60. Et
quod. 11. ar. 7.
cor. Et Rom. 1
lec. 5. fi. & c. 10
lec. 2. cor. 1
Q. 65. ar. 4^o*

*Ar. 1. & 2. hu
ius q.*

*Lib. 1. c. 30. ar
ca princ.*

*Ar. 1. 2. et 4.
huius q.*

*Inter princ. &
med illius. &
habetur hac ho
mi 20. 1. in fine
illius.*

*Hom. 6. in nu
mero sexdecim
homil. a med.
to. 5.*

In cor. ar.

*Lib. 2. de sacr.
par. 7. c. 3. ar
ca princ.*

sanctū ad robur spiritualis pugne, ut fortiter etiam inter aduersarios fidei, Christi fidem confiteatur. Vnde conuenienter signatur chrismate signo crucis in fronte propter duo: primo quidem, quia insignitur signo crucis, sicut miles signo ducis. Quod quidem debet esse euidentis & manifestum: Inter omnia autem loca corporis humani, maximè frons manifesta est, quæ quasi nunquam obtegatur. Et ideo linitur confirmatus chrismate in fronte, ut in manifesto demonstret se esse Christianum, sicut & Apostoli post acceptum Spiritum sanctum se manifestauerunt, qui prius in cœnaculo latebant. Secundò, quia aliquis impeditur à libera confessione nominis Christi, propter duo, scilicet, propter timorem & propter verecundiam. Vtriusque autem horum signum, maximè manifestatur in fronte propter duo, scilicet, propter propinquitatem imaginationis, & propter hoc quod spiritus à corde directè ad frontem ascendunt. Vnde verecundari erubescunt, timentes autem pallescunt, ut dicitur in 4. Ethico. * Et ideo in fronte signatur chrismate, ut neque propter timorem, neque propter erubescentiam, nomen Christi confiteri prætermittat.

AD PRIMVM ergo dicendum, quod per baptismū regeneramur ad vitam spiritualem: quæ ad totum hominem pertinet. Sed in confirmatione roboramur ad pugnam, cuius signum ferendum est in fronte, quasi in euidenti loco.

AD SECUNDVM dicendum, quod principium fortitudinis est in corde: sed signum apparet in fronte. Vnde dicitur Ezechie. 3. Ecce de-

di frontem tuam duriorem frontibus eorum. Et ideo sacramentum Eucharistiæ, quo homo in seipso confirmatur, pertinet ad consecundum illud Psalm. 103. Panis cor hominis confirmet. Sed ad sacramentum confirmationis requiritur signum fortitudinis ad alios, & ideo exhibetur in fronte.

AD TERTIVM dicendum, quod hoc sacramentum datur ad liberè confitendum, non autem ad confitendum simpliciter, quia hoc fit etiam in baptismo. Et ideo non debet dari in ore, sed in fronte, ubi apparerent signa passionum, quibus libera confessio impeditur.

ARTICVLVS. X.

*Utrum ille qui confirmatur, debeat tene-
ri ab alio.*

AD DECIMUM sic proceditur. Videtur, quod ille qui confirmatur, non debeat ab alio tene-ri ad confirmationem. Hoc enim sacramentum non solum pueris, sed etiam adultis exhibetur. Adultus autem per seipsum stare possunt. Ergo ridiculum est, quod ab alio teneantur.

¶ 2. Præterea, Ille qui iam est de Ecclesia, liberum habet accessum ad Ecclesiæ principem, qui est Episcopus. Sed hoc sacramentum (sicut dictum est*) non exhibetur nisi baptizato, qui iam est membrum Ecclesiæ. Videtur ergo, quod non debeat per aliū exhiberi Episcopo, ad hoc sacramentum recipiendum.

¶ 3. Præterea, Hoc sacramentum datur ad robur spirituale, quod magis viget in viris, quam in mulieribus, secundum illud Prouerb. ult.

Mulie-

Li. 4. c. ult. cir-
ca prin. 10. 5.

4. d. 7. q. 3. ar-
tic. 3. q. 14

Ar. 6. b. m. 9.

D. Tho. tert. part.

Mulierem fortem quis inueniet?
Ergo ad minus mulier non debet
tenere virum ad confirmationem.

*Innoc. Exuperio
Toletano
Episc. Habetur
30. q. 4. c. Si
quis ex uno.*

SED CONTRA est, quod Innoc.
Papa³ dicit, & habetur in Decret.
30. quæst. 4. Si quis ex coniugio fi-
lium aut filiam alterius, de sacro
fonte susceperit, aut ad chrisma te-
nuerit, &c. Ergo sicut requiritur
quod aliquis baptizatum de sacro
fonte leuet, ita debet aliquis tene-
ri ad sacramentum confirmationis
accipiendum.

Ar. pres.

RESPONDEO dicendum, quod
(sicut dictum est*) hoc sacra-
mentum exhibetur homini ad robur pu-
gnæ spiritualis. Sicut autem aliquis
de nouo natus, indiget instructore
in his quæ pertinent ad conserva-
tionem vitæ (secundum illud Heb.
12. Patres quidem carnis nostræ ha-
buimus eruditores, & reuereba-
mur eos) ita illi, qui assumuntur ad
pugnam, indigent eruditoribus, à
quibus instruantur, de his quæ per-
tinent ad modum certaminis. Et
ideo in bellis materialibus consti-
tuuntur duces & centuriones, per
quos alij gubernentur. Et propter
hoc etiã ille qui accipit hoc sacra-
mentum, ab alio tenetur, quasi per
alium in pugna spirituali erudien-
dus. Similiter etiam, quia per hoc
sacramentum confertur homini
perfectio spiritualis etatis (sicut di-
ctum est*) ideo ille, qui ad hoc sa-
cramentum accedit, sustentatur,
quasi adhuc spiritualiter imbecil-
lis & puer.

*Ar. 2. q. 9.
hunc q.*

AD PRIMVM ergo dicendum,
quod licet ille qui confirmatur, sit
adultus corporaliter, nondum ta-
men est adultus spiritualiter.

AD SECVNDVM dicendum, quod
licet baptizatus sit effectus mem-

brum Ecclesiæ, nondum tamen est
ascriptus militiæ Christianæ. Et
ideo Episcopo tanquam duci exer-
citus, per alium exhibetur iam mi-
litiæ Christianæ scriptum. Non
enim debet alium ad confirmatio-
nem tenere, qui nondum est confir-
matus.

AD TERTIVM dicendum, quod
(sicut dicitur Colos. 3.) in Christo
IESV non est masculus & foemina.
Et ideo non differt vtrum masculū
vel foemina teneat aliquem in con-
firmatione.

ARTICVLVS XI.

*Vtrum solus Episcopus hoc sacramentū
conferre possit.*

AD vndecimum sic procedi-
tur. Videtur, quod non solū
Episcopus hoc sacramentum con-
ferre possit. Gregor.^{*} enim scribēs
Iannario Episcopo dicit, Peruenit
ad nos, quosdam scandalizatos fuisse,
quod presbyteros chrysmate
tangere eos, qui baptizati sunt, pro-
hibuimus, & nos quidem secundū
veterem vsum nostræ Ecclesiæ fe-
cimus, sed si omnino hac de re ali-
qui contristantur, vbi Episcopi de-
sunt, vt presbyteri etiam in fronti-
bus baptizatos chrysmate tangere
debeāt, cōcedimus. Sed illud quod
pertinet ad necessitatem sacramen-
torum, non est propter vitandum
scandalum immutandum. Ergo vi-
detur, quod non sit de necessitate
huius sacramenti, quod ab Episco-
po conferatur.

*4. d. 7. q. 3. ar.
11. 1. q. 2. & d.
13. q. 1. ar. 1. q.
2 & d. 25. q.
1. ar. 1. cor. &
4. cont. 6. 604
& quol. 10. ar.
7.
Lib. 3. Epist.
ep. 26. in fine.*

¶ 2. Præterea, Sacramētum ba-
ptismi videtur maioris efficaciæ,
quam sacramentum confirmatio-
nis, quia per baptismū fit plena re-
missio peccatorum, & quantum ad
culpam

culpam & quantum ad poenā, quod non fit in hoc sacramento. Sed simplex sacerdos ex suo officio potest tradere sacramentum baptismi, & in necessitate quilibet etiā non ordinatus potest baptizare. Ergo nō est de necessitate huius sacramenti, quod ab Episcopo conferatur.

¶ 3. Præterea, Summitas capitis, ubi secundum medicos est locus rationis, scilicet particularis (quæ dicitur virtus cogitativa) est nobilior fronte, ubi est locus imaginatiuæ virtutis. Sed simplex sacerdos potest baptizatos ungere chrismate in vertice. Ergo multo magis potest eos chrismate signare in fronte, quod pertinet ad hoc sacramentum.

SED CONTRA est, quod Euseb. Papa dicit, * Manus impositionis sacramentum magna veneratione tenendum est, quod ab aliis perfici non potest, nisi à summis Sacerdotibus, nec tempore Apostolorum ab aliis, quam ab ipsis Apostolis legitur aut scitur peractum esse, nec ab aliis, quam qui eorum locū tenent, vnquam perfici potest, aut fieri debet, nam si aliter præsumptum fuerit, irritum habeatur & vacuum, nec inter Ecclesiastica vnquam reputabitur sacramenta. Est igitur de necessitate huius sacramenti, quod dicitur sacramentum manus impositionis, quod ab Episcopo tradatur.

RESPONDEO dicendum, quod in quolibet opere vltima consummatio supremæ arti aut virtuti reseruat, sicut præparatio materiæ pertinet ad inferiores artifices superior autem dat formam, supremus autem est, ad quem pertinet vsus, qui est finis artificiatorum, &

epistola, quæ à notario scribitur, à domino Papa signatur. Fideles autem Christi sunt quoddam diuinū opus (secundum illud, 1. ad Corin. 3. Dei ædificatio estis) sunt etiam quasi quædā Epistola, Spiritu Dei scripta, sicut dicitur 2. Corin. 3. Hoc autem confirmationis sacramentum est quasi vltima consummatio sacramenti baptismi, ita scilicet, quod per baptismum ædificatur homo in domum spiritualem, & conscribitur quasi quædam spiritalis epistola, sed per sacramentū confirmationis quasi domus ædificata dedicatur in templum Spiritus sancti, & quasi epistola conscripta signatur signo crucis. Et ideo collatio huius sacramenti Episcopis reseruat, qui obtinent summam potestatem in Ecclesia, sicut & in primitiua Ecclesia, per impositionem manus Apostolorum, quorum vicē gerunt Episcopi, plenitudo Spiritus sancti dabatur, vt habetur Acto. 8. Vnde Urbanus Papa * dicit: Omnes fideles, per manus impositionem Episcoporum Spiritū sanctum post baptismum accipere debent, vt pleni Christiani inueniantur.

AD PRIMUM ergo dicendum, quod Papa in Ecclesia habet plenitudinem potestatis, ex qua potest quædam, quæ sunt superiorum ordinū, committere quibusdam inferioribus, sicut quibusdam presbyteris concedit conferre minores ordines, quod pertinet ad potestatem Episcopalem. Et ex hac plenitudine potestatis concessit beatus Gregor. * Papa, quod simplices sacerdotes hoc sacramentum conferrent, quandiu scandalum tolleretur.

Aug. lib. 4. super nonū Test. q. 42. & de Tri lib. 15. cap. 26. tomo. 3.

Urbanus 1. in epist. ad omnes Christianos: habetur de cōsec. dist. 5. cap. Omnes fideles.

Li. 3. Epistol. epist. 26. in f.

Epist. 3. ad Episcopos. Tuscia, & Capana: & habetur de consec. dist. 5. cap. 4. Urbanus quodamque. & Innoc. 80. 1. Conc. Epistol. ad Eugenium Episcopum, c. 3.

D. Tho. tert. part.

AD SECUNDUM dicendum, quòd sacramentum baptismi est efficacius, quàm hoc sacramentum quantum ad remotionem mali, eo quòd est spiritualis regeneratio, quæ est mutatio de nō esse in esse. Hoc autem sacramentum est efficacius ad proficiendum in bono, quia est quoddā spirituale augmentum de esse imperfecto ad esse perfectum, & ideo hoc sacramentum digniori ministro committitur.

AD TERTIUM dicendum, quod sicut * Rabanus dicit in lib. de institutione clericorum, signatur baptizatus chrismate in summitate capitis per sacerdotem, per Pontificem verò in fronte, vt in priori vñctione significetur super ipsum. Spiritus sancti descensio ad habitationem Deo consecrandam, in secunda quoque, vt eiusdem Spiritus sancti septiformis gratia, cum omni plenitudine sanctitatis & scientiæ & virtutis, venire in hominem declaratur. Nō ergo propter digniorem partem, sed propter potiorē effectum, hæc vñctio Episcopis reservatur.

ARTICVLVS XII.

Utrum ritus huius sacramenti sit conueniens.

AD duodecim sic proceditur. Videtur, quòd ritus huius sacramenti non sit conueniens. Sacramentum enim baptismi est maioris necessitatis quam hoc sacramentum, vt supra dictum est. * Sed baptismo deputantur certa tempora, scilicet Pascha & Pentecostes. Ergo etiam huic sacramēto aliquod certum tempus debet præfigi.

¶ 2. Præterea, sicut hoc sacramentum requirit deuotionem & dan-

tis & recipientis, ita etiam & sacramentum baptismi. Sed in sacramēto baptismi non requiritur quod à ieiunis sumatur vel conferatur. Ergo videtur, inconuenienter statutū in Concilio Aurelianensi, * vt ieiuni ad confirmationem veniant, & in Concilio Meldensi, vt Episcopi non nisi ieiuni, per impositionem manuum, Spiritū sanctum tradāt.

¶ 3. Præterea, Chrisma est quoddam signum plenitudinis Spiritus sancti, vt supra dictum est. * Sed plenitudo Spiritus sancti data est fidelibus Christi in die Pentecostes, vt habetur Acto. 2. Magis ergo debet chrisma confici & benedici in festo Pentecostes, quam in cœna Domini.

SED CONTRA est vsus Ecclesiæ, quæ à Spiritu sancto gubernatur.

RESPONDEO dicendum, quod Dominus Matth. 18. fidelibus suis promisit, dicens, Vbi fuerint duo vel tres cōgregati in nomine meo, ibi sum in medio eorum. Et ideo firmiter tenendum est, quòd ordinationes Ecclesiæ dirigantur secundum sapientiam Christi. Et propter hoc, certum esse debet, ritus quos Ecclesia obseruat in hoc, & in aliis sacramētis, esse conueniētes.

AD PRIMUM ergo dicendum, quod sicut Melchiades Papa * dicit, ita coniuncta sunt hæc duo sacramenta (scilicet baptismi & cōfirmationis) vt ab inuicē (nisi morte præueniente) nullatenus possint segregari, & vñum sine altero ritè perfici non possit. Et ideo eadem tempora sunt præfixa baptismo solenniter celebrando, & huic sacramento. Sed quia hoc sacramentum à solis Episcopis datur, qui non sunt semper præsentēs, vbi presbyteri

Cap. 3. & Conc. Mel. c. 6. referuntur hæc de cons. d. 5. ca. Vñctio ieiunii. Et, vt Episc.

Ar. 2. huius q.

Lib. 1. c. 31. cir. ca princ. referitur de cons. d. 5. cap. 5.

4. d. 7. q. 3. ar. 3. q. 2. ad 3. & in expositio ne litera.

Ar. 1. huius q. ad 3. & q. 65. ar. 4.

In fine

In Epist. ad Hispania. Episc. ante med. to. 1. Conc. & habetur de consec. di. 5. ca. de his.

teri baptizant, oportuit quantum ad communem usum, sacramentum confirmationis etiam in alia tempora differri.

AD SECVNDVM dicendum, quod ab illa prohibitione excipiuntur in firmi, & morte periclitantes, sicut in statuto Meldensis * Concilij legitur. Et ideo propter multitudinem fidei, & propter pericula imminetia, sustinetur ut hoc sacramentum (quod non nisi ab Episcopis dari potest) etiam a non ieiunis detur vel accipiatur, quia vnus Episcopus precipue in magna diocesi, non sufficeret ad tot homines confirmandos, si eis tempus arctaretur. Vbi tamen congrue obseruari potest, conuenientius est ut a ieiuniis detur & accipiatur.

AD TERTIVM dicendum, quod sicut ex Concilio Martini Papae * habetur, omni tempore licebat christiana conficere. Sed quia sollemnis baptismus, ad quem requiritur usus christismatis, in vigilia Paschae celebratur, congrue ordinatum est, ut per biduum ante ab Episcopo christiana benedicatur, ut possit per diocesim destinari. Dies etiam ille satis congruit ad materias sacramentorum benedicendas, in quo fuit Eucharistiae sacramentum institutum, ad quod omnia alia sacramenta quodammodo ordinantur, sicut supra dictum est. *

COMMENTARIVS.

DE suscipientibus sacramentum hoc, susceptore eorum ministro, atque sacramenti ministro, & ritu administrationis, his articulis postremo disseritur. Suscipientes de necessitate sacramenti, sunt omnes baptizati, quacunque aetate & tempore, atque etiam amentes; sed quia in more

iam est Ecclesiae, hoc sacramentum non conferre nisi ratione videntibus aliquo modo, ideo non expedit illud conferre, nisi aetate qua ratione uti possint: idcirco negandum amentibus, nisi aliquo tempore & per interualla ratione vrantur: concedendum vero surdis & mutis, si mente valent & ratione: pueris etiam egrotis, & de quorum salute incerta est spes, licet non ad salutem, quam ex baptismo consequuntur, ad vberiore tamen gratiam & respondentem illi gloriam, recte & prudenter administrabitur hoc sacramentum. qua vero aetate magis expediat, Catechismus Romanus recte definit.

2. De praepcepto autem suscipiendi, cum commoditas se offert, dubium non est, intelligendum esse illud Urbani Papae in Epistola ad omnes Christianos, & refertur de consecr. d. 5. c. omnes fideles per manus impositionem Episcoporum Spiritum sanctum post baptismum accipere debent, ut pleni Christiani inueniantur: quia cum Spiritus sanctus infunditur, cor fidele ad prudentiam & constantiam dilatatur. itaque, qui vel hoc praepceptum, vel sacramentum contemnit formaliter, vel interpretatiue, quod similiter se habet, ac si contemneret formaliter, is proculdubio peccat mortaliter: quia contemnit perfectionem Christianismi, & constantiam ad perseverandum in religione Christiana, quae constantia specialis effectus est huius sacramenti. hoc etiam consentaneum est testimonio veterum Patrum, & dignitati huius sacramenti. Dicunt enim supra notati Patres, sine hoc sacramento neminem esse perfectum Christianum, nec inter perfectos numerari posse, si voluntas, & non necessitas excludat: voluntaria autem omisio eius, quod necessarium est ad perfectionem gratiae & Christiani, non video, inquit Petrus Sot. de instit. sacerdot. lect. 2. de confirmat. quomodo non sit mortalis. quare & de nimia dilatione huius sacramenti, & de ommissione, exhortandi sunt fideles omnes ad poenitentiam. Tempus autem, quo suscipientes hoc praepcepto obligantur, est aetate rationis compos cum suscipiendi commoditate, non enim debet expendi obligationis tempus ex imminetibus contra fidem persecutionibus tantum, sed primum ex obligatione suscipiendi gratiae & Christianismi perfectione. Scio de hac re varias esse Theologorum sententias


De praepcepto confirmationis.

Ubi patet de consecr.
sec. di. 5. c. 17
Ep. 16.

Habetur de consecr.
sec. di. 4. c. Omnis
tempore.

2. 65. m. 8.

Susipientes.



D. THOM. A QVINA T.

Quaestio LXXIII. De Eucharistiæ sacramen- to secundum se.

*Commentariis & disputationibus analyticis Sebastiani
Episcopi Oxoniensis illustrata.*

¶ Præfatio de ratione ordinis.

1.



DE O, quæ in omnibus sacramentis præcipue spectantur, alterum ex Deo, beneficium sanctificationis, alterum ex nobis, Dei cultus, hæc sunt in hoc sacramento eximia: non solum enim nos sanctificat per gratiam, sed ipsum gratiæ autorem Christum in admirabilem escam & refectiorem spiritualem largitur: & quia in sacrificium nobis datur, offerimus Deo eximium illud sacrificium, in quo est omnium beneficiorum & donorum fecundissimum compendium, recapitulatio & summa: & proinde nõ habemus aliud sacrificium, quod Domino tribuamus, pro omnibus, quæ nobis retribuit. Huic autem sacramento, quamvis dignitate omniã præstantissimo, tertium locũ semper tribuit Ecclesia catholica, cõcilia et Theologi: quia oportet prius hominem baptismo regenerari, perfici confirmatione ad militiam Christianam, deinde cibo refici, alii & augeri, quod præstat cumulativè hoc sacramentum. Olim etiam in usu & praxi, & nunc, si legitimus ordo servetur, tertium locum obtinuit: quia Ecclesia multis locis consuevit, ut etiam constat ex libris Ambrosij de sacramentis, adultos saltem, prius baptismum ablueret, deinde confirmatione ungere, tertio sacra Eucharistia, simul cũ aliis sacramentis duobus collata, pascere, sic D. Hieron. ait contra Lucifer. baptismum sine Eucharistia non conferri: D. Tho. infra q. 80. art. 9. tertium. & Trident. sess. 21. capit. 4. fuisse, inquit, olim morem quibusdam locis conferendi paruulis sacram Eucharistiam, & paruulis etiam conferebatur confirmatio supra q. 72. ar. 8. ad 2. non tamen est necesse confirmationem prius suscipi, quàm Eucharistiam, ut constat, sicuti necesse est priorem esse baptismum confirmatione.

Eucharistia
præstantia.

Ordo.

1.

2.

2.

Vnus Vvicleffus voluit hũc ordinẽ invertere, ut refert Vvalden. de sacramẽtis c. 96. ut Eucharistia esset doctrina prior baptismõ, quod esset prius instituta, nempe ante passionem, baptismus autem post resurrectionem, illis verbis, Docete omnes gentes, baptizantes eos, &c. sed certè sententia falsa est, & ratio fallax: constat enim baptismum institutum, vel cum Dominus baptizatus est, vel Ioan. 3. cum dixit Nicod. nisi quis renatus fuerit ex aqua & Spiritu sancto, supra q. 66. art. 2. & alius est ordo conditoris, alius rei conditæ, quod Vvalden. observavit. Ordinem verò suscipiendi sacramenta à baptismo esse, Dominus ostendit Matt. Vlt. cum ait primum docendum esse mysterium redemptionis, deinde baptizandos, qui essent iam instituti: quod etiam in actis observauerunt Apostoli, & Philippus in baptismo Eunuchi. Constet igitur tertio loco de Eucharistia differendum esse, sicut differuit Ecclesia cathol. in concil. Florent. sess. Vltima, & Trident. sess. 7. tertio loco Eucharistiam constituit, ut omnes Theolog. 4. d. 8.

Cõtra Vviclef-
sum de ordine.

D. Thom. tert. part.

QVÆSTIO LXXIII.

De sacramento Eucharistiæ secundum se, in sex articulos diuisa.

Consequenter considerandum est de sacramento Eucharistiæ. Et primò, de ipso sacramento. Secundò, de materia. Tertiò, de forma. Quartò, de effectibus. Quintò, de recipientibus hoc sacramentum. Sextò, de ministro. Septimò, de ritu.

¶ Circa primum queruntur sex.

Primò, utrùm Eucharistia sit sacramentum.

Secundò, utrùm sit vnum vel plura.

Tertiò, utrùm sit de necessitate salutis.

Quartò, de nominibus eius.

Quintò, de institutione ipsius.

Sextò, de figuris eius.

ARTICVLVS I.

Utrùm Eucharistia sit sacramentum.

Infr. art. 4. q. 79. ar. 5. et 7.
Et 4. d. 8. q. 1, ar. 1. q. 1.

AD PRIMVM sic proceditur. Videtur, quod Eucharistia non sit sacramentum. Ad idem enim non debent ordinari duo sacramenta, quia vnūquodq; sacramentum efficax est ad suum effectum producendum. Cum ergo ad perfectionem ordinetur & confirmatio & Eucharistia (ut dicit Diony. * 4. Eccle. hier.) videtur Eucharistia non esse sacramentum, cum confirmatio sit sacramentum, ut prius habitum est. *

* c. 2. eccl. hier. var. ante med.
¶ c. 4. in prin.
* q. 65. art. 4.
¶ q. pra. ar. 1.

¶ 2. Præterea, In quolibet sacramento nouæ legis id quod visibiliter subiicitur sensui, efficit indiuisibile effectum sacramenti, sicut ablutio aquæ causat & characterem baptismalem, & ablutionem spiritua-lem, sicut supra dictum est. * Sed species panis & vini, quæ subiiciuntur sensui in hoc sacramento, non ef-

* q. 62. et 65. ar. 1.

ficiunt neque ipsum corpus Christi verum, quod est res & sacramentum, neque corpus mysticum, quod est res tantum in Eucharistia. Ergo videtur, quod Eucharistia non sit sacramentum nouæ legis.

¶ 3. Præterea. Sacramenta nouæ legis habentia materiam, in vsu materiæ perficiuntur, sicut baptismus in ablutione, & confirmatio in chrismatis consignatione. Si ergo Eucharistia sit sacramentum, perficeretur in vsu materiæ, non in consecratione ipsius materiæ. Quod patet esse falsum, quia forma huius sacramenti sunt verba, quæ in consecratione materiæ dicuntur, ut infra patebit.

* Ergo Eucharistia non est sacramentum.

q. 73. ar. 1.

SED CONTRA est, quod in collecta dicitur. Hoc tuum sacramentum non sit nobis reatus ad poenam.

RESPONDEO dicendum, quod sacramenta Ecclesiæ ordinantur ad subueniendum homini in vita spirituali. Vita autem spiritualis vitæ corporali conformatur, eo quod corporalia spiritualium similitudinem gerunt. Manifestum est autem, quod sicut ad vitam corporalem requiritur generatio, per quam homo vitam accipit, & augmentum, quo homo perducitur ad perfectionem vitæ, ita etiam requiritur alimentum, quo homo cōseruatur in vita. Et ideo sicut ad vitam spiritualem, oportuit esse baptismum, qui est spiritualis generatio: & confirmationem, quæ est spirituale augmentum: ita oportuit esse sacramentum Eucharistiæ, quod est spirituale alimentum.

A D PRIMVM ergo dicendum, quod duplex est perfectio. Vna, quæ est in ipso homine, ad quam perducitur

citur per augmentum : & talis perfectio cōpetit confirmationi. Alia autem est perfectio, quam homo consequitur ex adiunctione alicuius extrinseci, hominem conservantis, puta ex adiunctione cibi, vel indumenti, vel alicuius huiusmodi, & talis perfectio cōpetit Eucharistia, quæ est spiritualis refectio.

AD SECUNDUM dicendū, quod aqua baptismi nō causat aliquē spirituale effectū propter ipsam aquā, sed propter virtutē Spiritus sancti in aqua existentē. Vnde Chrys.* dicit super illud Io. 5. Angelus Dñi secundū tempus, &c. In baptizatis nō simpliciter aqua operatur : sed cum spiritus sancti susceperit gratiam, tunc omnia soluit peccata. Sicut autē se habet virtus Spiritus sancti ad aquam baptismi : ita se habet corpus Christi verū ad species panis & vini. Vnde species panis & vini non efficiunt aliquid nisi virtute corporis Christi veri.

AD TERTIUM dicendū, quod sacramentū dicitur ex eo quod continet aliquid sacrū. Potest autē aliquid esse sacrū dupliciter, scilicet, absolute, & in ordine ad aliud.

Hæc autē est differētia inter Eucharistiā & alia sacramenta habentia materiā sensibile, quod Eucharistia continet aliquid sacrū absolute, scilicet, ipsum Christū : aqua vero baptismi continet aliquid sacrū in ordine ad aliud, scilicet, virtutē ad sanctificandū, & eadem ratio est de chrismate & similibus. Et ideo sacramentū Eucharistiæ perficitur in ipsa consecratione materiæ, alia verò sacramēta perficiuntur in applicatione materiæ ad hominē sanctificandū.

Et ex hoc etiā cōsequitur alia dif-

ferentia, nā in sacramēto Eucharistia id quod est res & sacramentū, est in ipsa materia : id autē quod est res tantū, est in suscipiente, scilicet, gratia, quæ confertur : in baptismo autē utrunq; est in suscipiente, scilicet & character, qui est res & sacramentū, & gratia remissionis peccatorū, quæ est res tantū, & eadē ratio est de aliis sacramentis.

ARTICVLVS II.

Utrum hoc sacramentū sit vñū, vel plura.

AD SECUNDUM sic proceditur. Videtur, quod Eucharistia nō sit vñum sacramentum, sed plura. Dicitur enim in collecta, Purificent nos Dñe sacramenta, quæ sumpsimus. Quod quidē dicitur propter Eucharistiæ susceptionem. Ergo Eucharistia non est vñum sacramentum, sed plura.

Inf. q. 78. ar. 6. ad 2. Et 4. d. 8. q. 1. ar. 1. q. 2.

¶ 2. Præterea, Impossibile est multiplicato genere, non multiplicari specie, sicut quod vnus homo sit plura animalia. Sed signum est genus sacramenti, ut supra dictum est.* Cū igitur in Eucharistia sint plura signa, scilicet, panis & vinum, videtur consequens esse, quod sint plura sacramenta.

q. 60. ar. 12

¶ 3. Præterea, Hoc sacramentū conficitur in consecratione materiæ : sicut dictum est.* Sed in hoc sacramento est duplex materiæ cōsecratio. ergo est duplex sacramentū.

ar. præc.

SED CONTRA est, quod Apost. dicit I. Cor. 10. Vnus panis & vñū corpus multi sumus omnes, qui de vno pane & de vno calice participamus, ex quo patet, quod Eucharistia est sacramentum Ecclesiasticæ unitatis. Sed sacramentū similitudinē gerit rei, cuius est sacramentū. Er

go Eucharistia est vnū sacramentū.

Lib. 5. Met. a
sex. 9. usque ad
12. tomo 3.

RESPONDEO dicendum, quod sicut dicitur 5. Met. * vnum dicitur non solum quod est indiuisibile, vel quod est cōtinuum, sed etiam quod est perfectum: sicut dicitur vna domus, & vnus homo. Est autem vnū in perfectione, ad cuius integritatē concurrunt omnia, quę requirūtur ad finem eiusdem: sicut homo integratur ex omnibus mēbris necessariis ad operationem animæ, & domus integratur ex omnibus partibus, quę sunt necessariae ad inhabitandum: & sic hoc sacramentū dicitur, vnū ordinatur enim ad spirituale refectiōem, quæ corporali conformatur. Ad corporale autē refectiōem duo requiruntur, scilicet, cibus, qui est alimentū siccū, & potus, qui est alimentū humidum. Et ideo etiā ad integritatē huius sacramenti duo concurrunt, scilicet, spiritualis cibus & spiritualis potus, secundū illud Ioan. 6. Caro mea verē est cibus, & sanguis meus verē est potus. Ergo hoc sacramentum multa quidem est materialiter, sed vnum formaliter & perfectiue.

AD PRIMUM ergo dicendum, quod in eadē collecta & pluraliter dicitur primò. Purificet nos sacramenta, quę sumpsimus: & postea singulariter subditur. Hoc tuum sacramentū non sit nobis reatus ad peccatam, ad ostendendum, quod hoc sacramentum quodammodo est multa: simpliciter autem vnum.

AD SECUNDUM dicendū, quod panis & vinum materialiter quidē sunt plura signa: formaliter verò & perfectiue vnum, in quantum ex eis perficitur vna refectio.

AD TERTIUM dicendū, quod ex hoc, quod est duplex cōsecratio

materię huius sacramēti, nō potest plus haberi, nisi quod hoc sacramentum materialiter est multa, vt dictum est.*

In cor. 11.

¶ Sententia & conclusiones quast.

PRIMA cōclusio: Eucharistia est sacramentum: vnū, et distinctū ab aliis.

Ratio primi: quia sacramenta vitæ spiritualis subsidia sunt, et adiumenta: in qua, vt in corporali, non solū generationē & incrementū oportet esse, sed etiam alimentum: generationem baptismus, incrementum confirmatio efficit: alimentū est Eucharistia, quæ hominē fouet & reficit secundū spiritū, & ideo refectio dicitur.

Ratio secundi: quia refectio ex cibo & potu perficitur: & Eucharistia cibo & potu constat: est enim vnum sacramentum forma et perfectione, licet materia videatur duplex, panis, scilicet, & vinum: & ideo aliquando dicitur vnū sacramentū, aliquando plura, quia in duplici materia panis & vini, vel in duplici signo post cōsecrationem.

Secunda conclusio: Eucharistia perficitur consecratione materie, reliqua sacramenta vsu susipientis: quia Eucharistia cōsecratione, non tantum vim sanctificandi, sed Christum in se cōtinet. ad sanctificandum, cetera tantū vim illam: vnde in Eucharistia, sacramentum tantum sunt species & accidentia. panis & vini, gratia est res tantum, Christus est res & sacramentum.

COMMENTARIUS.

DE Eucharistia autem primò explicetur, quę sunt de ratione sacramēti, materia, forma, institutio, vnde colligitur necessitas: sed ne verbi ignorance decipiamur de ipso primū dicendum est. Hoc igitur sacramentum, quod in pane & vino conficitur cū sit etiam sacrificium ratione vtriusq; variashabet appellationes: vt enim est sacramentum dicitur, Eucharistia, cuius notatio licet bonā gratiā exprimat, Clement. li. 2. pedag. c. 2. Orig. li. 8. cōt. Cel. quia continet

Nomina huius sacramenti.

Guil. Alan. c. 1. de sacramētis in genere.

continet hoc sacramentū Christum gratiæ autorem, vel quia ad vitā æternam speciali quadā ratione nos perducit, & gratia Dei vita æterna Rom. 6. vel quia hoc sacramentū in sancta scriptura per antonomasiā dicitur gratia, vt quidā volunt Heb. 12. Regnū immobile suscipientes habemus gratiam. 1. Pet. 1. Sperate in eā, quæ vobis offertur gratia: quamuis, inquā, nominis huius notatio, quandā bonam gratiā exprimat: à Græcis tamē Patribus à verbo Eucharistéo deducitur, vt sit idem, quod gratiarum actio, aut grata beneficiorū recordatio. Huius autē appellationis triplex ratio colligi potest, vna ex ratione sacramēti, altera ex ratione sacrificij, tertia ex vtraq; coniunctē. Prima sit, quia in hoc sacramento accipimus omniū beneficiorum maximum, & eō modo, quo eximiā Dei erga nos dilectionē exprimat, in cibū, scilicet, & animæ spiritualē refectiōem, & idē debet nos excitare ad ingentes gratiarū actiones, & eximiā gratitudinem. Secunda est, quia huiusmodi donū oblatum à Deo, est perfectissimū sacrificiū propitiatoriū & eucharisticū, quo Deum peccatis offensum, nobis reddimus propitiū, & gratias agentes offerimus Deo pro omnibus beneficiis susceptis. sic D. August. significauit lib. 1. contr. aduers. leg. & proph. c. 8. & lib. de spiritu & lit. c. 11. & ep. ad Honoratum. Tertia causa est, quia Christus instituens in vltima cœna hoc sacramentum & sacrificium, à gratiarum actione & benedictione incepit, & sic panem & vinum consecrauit, vt non sit aliud Eucharistia, quā id quod gratiarum actione & benedictione speciali Christus instituit, & perfecit: vt narrant, excepto Ioanne, reliqui Euangelistæ, & Paulus 1. ad Corinth. c. 11. & eā re Iustinus in fine secundæ apolog. pro Christianis, vocat hostiam sacram, panem eucharistizatum, aut benedictum, idest, super quo gratiæ actus sunt. similiter vocat Irenæus lib. 4. cap. 34. Eucharistia quidem Polluci, Phauorino, Hefychio, non habet gratiæ significationem, sed vt aliæ similes voces, magnificentiæ potius & liberalitatis: sed illud prius ecclesiasticum est, & antiquum: vt sit Eucharistia, quasi consecratio & benedictio gratiarum actionem & recordationem acceptissimā Deo exhibens, cū Christus eius institutor dixerit, hoc facite in meam commemorationem.

2 Dicitur etiam ex materia, sacramentū panis, vel calicis, ex re contenta sacramentum corporis & sanguinis: ex ritu externo in eius administratione, fractio panis Act. 2. & 20. Ex vsu viaticum, quia tribuitur in subsidium his, qui hanc vitam viuunt, & in aliam transeunt: dicitur ex loco & sacrificio, cui dicatum est altare, sacramentum altaris. Græci per antonomasiā vocant hoc sacramentum, mysterium, vel mysteria absolutē, vel sancta, immaculata & tremēda mysteria: quod sit perfectio & cōsumatio aliorum, & idē cætera in se quodammodo cōtinens. vnde Dionysius vocat mysteria perfectissima, & diuina, & c. 2. eccles. hier. in sacris maximē perficiētem. quo autem sensu dicatur hoc sacramentum antitypō, vel anti typā, explicabitur in respō. ad obiect. contra realem præsentiam. de viatico prætereā, & sacrificio, infra suis locis. Dicitur ex effectu eximio arctissimæ vnionis fidelium cū Christo & inter se, synaxis, cōmunio, vel cōmunicatio, iuxta illud 1. Cor. 10. Calix benedictionis, cui benedicimus, nōne cōmunicatio sanguinis Christi est? & panis, quem frangimus, nonne participatio corporis Domini est? quoniam vnus panis, vnum corpus multi sumus, omnes qui de vno pane & de vno calice participamus. Ioan. 6. Qui manducat meam carnem, & bibit meum sanguinem in me manet, & ego in illo, & qui manducat me, ipse viuet propter me. Græcis etiam dicitur hoc sacramentum participatio, vel transumptio, quia diuinitatis I E S V nos reddit participes, & ad eam nos euehit. Damasc. lib. 4. de fide. c. 14. vnde ab effectu sanctificationis Græci vocāt sanctitatem. Dicitur etiam ex imitatione D. Pauli eod. c. 11. cœna dominica, ex tempore institutionis, conuenientibus, inquit, vobis in vnum, iam nō est dominicā cœnam manducare: reprehendit enim quedā Corinthiorū cōuiuia, ad quæ in domo Dei, & ecclesia cōueniebant, ad representandū cœnam Domini, in qua omnibus ex æquo distribuebatur cibus Eucharistiæ: illi autē minimē in his cōuiujs representabāt id, cuius gratia fuerāt instituta: quia, vt subiūgit apostolus, vnusquisq; suā cœnam præsumit ad manducandū, & alius quidē esurit, alius ebrius est: in cuius confirmationē subiūgit verā historiam & rationem cœnæ Dñi, ne ex ignorance illius, Corinthij errarēt. Huiusmodi cœnæ videntur fuisse, quas po-

Sacramentū panis: & vini, vel corporis & sanguinis Domini.

Fractio panis, viaticum.
 σὺν αἵματι
 cōmunio.

Sacramentum altaris.
 Damasc. lib. 4. c. 41. & Dion. c. 3. de eccles. hierar.

Cœna dominica

Turr. lib. 3. de dogmat. char.

Chrysost. ho. 26 in Matthe.

Comment. in D. Tho. tert. par.

stea agapas & charitates vocauerunt, & sternebantur in porticibus Ecclesie adiunctis, aut locis vicinioribus, vt colligitur ex Tertu. Apologetico, ex Clemetis pedagogo, & in natali Felicis martyris idem refert Paulinus. vtitur aliquando hoc nomine. cœnæ Dominicæ Ignatius, & Cypriani sermo extat de cœna Domini.

3 Hoc tamē nomine hac tēpestate parce vtendū esse videtur, quia hæretici præsertim sacramentarij, hoc nomine libentissime vtūtur, vt inde aliquā occasionem capēt suorum errorum: vt Lutherani, quod cœna multorum decubitū exigere videatur, dānant missas priuatas, in quibus vnus tantū communicat sacerdos, nolūt deferri ad ægrotos, volunt omnes sub vtraque specie cōmunicare, quia cœna nō sit perfecta nisi ex cibo & potu: nolunt Christū esse in Eucharistia, nisi cum sumitur, quia cœna sit huiusmodi actio. Sacramentarij autem nolūt Eucharistiā esse sacramentū corporis & sanguinis Dñi, sed cœnā distingūt, vt alia sit terrena & corporea actio in sumpptione panis & vini, alia sit cœlestis, qua mēs in celū rapta, Christum fide contingit. tot igitur errores cœnæ nomine occultant, cōtra quos suo loco differendum est, interim satis fuerit admonuisse, sub hoc nomine, quo olim piē & catholicē vti licebat, latere multos errores, & ideo parcē illo vtendū esse, ne videamur cum illis consentire. sic enim censet Ecclesia catholica, eas voces, ex quibus hæretici errandi occasiones captant, quādiu vigent illorum hæreses opinio vitare. Sic vigente hæresi Arriana, catholici vnicum aut singularem Deū, quasi pater tantum esset Deus, ne videretur filio cum Arrianis detrahere diuinitatem, non dicebāt, vt ex patribus obseruauit D. Tho. 1. p. q. 31. art. 2. aut cū Sabellio negare cōmunionem naturę in pluribus personis, & earum cōfusionem inducere, quasi vnus & singularis Deus esset non solum secundum essentiam, sed etiam secundum personā: quæ tamen locutiones, nisi esset erroris latens occasio, pium & catholicū sensum habēt. Hęc de nominibus huius sacramēti.

4 Deinde ostēdendū est esse propriū n. l. sacramentū, ab alijs distinctū & vnū. sacramentū esse sic apertē concludēs: est signū sensibile, efficax gratiæ sanctificantis: (cū materia panis & vini, & verba formæ, sensibilia sint, & de hoc sacramento dictū sit

illud Ioan. 6. Qui māducat me, viuet propter me, & illud 1. Cor. 10. Calix, cui benedicimus, nonne communicatio sanguinis Christi est? & panis quem frangimus, nonne participatio corporis Domini est?) quæ omnia fieri non possunt, nisi suscipiēs hoc sacramentū, sanctificetur, vt Christo vnatur: est igitur Eucharistia sacramentū n. l. Idē definitū est in Conc. Florent. & Tridē. Sess. 7. de sacramentis in genere, in quibus Eucharistia vnum ex septem sacramentis n. l. numeratur, & ab omnibus etiam Patribus confirmatur, sed præsertim Dionys. c. 3. de Eccles. hier. D. Aug. epist. 23. & 118. & lib. 3. de doct. Christiana. c. 19. Greg. 1. q. 1. c. multi, consentientibus omnibus Theologis & Christianis: imo verō non habemus in hoc dissentientes hæreticos, licet in explicanda ratione sacramenti, natura, vsu & effectibus, repugnantes maximē & aduersarios habeamus.

5 Sed distinctum esse sacramētum à reliquis, eadē cōcilia patres, Theologi, praxis & vsus Ecclesie catholicę apertē & studiose confirmant, quia habet specialem finē & effectū, à reliquis sacramentis distinctū, nempe gratiam reficientē nos, ad sustentandam, nutriendā & conseruandam diuinā illam vitā, quam ex baptismo accepimus. Habet etiā ex materiæ & formæ legitima applicatione, corpus & sanguinem Christi substantialiter, vnde profluit gratia illa refectionis spiritualis. Vnde conuenienter Theologi hanc definitionem Eucharistiæ constituunt: Eucharistia est sacramentum corporis & sanguinis Christi, quo vita spiritalis nutritur: & quia definitionem breuē & omnibus receptam esse oportet, cum sit principiū doctrine, non oportet alia addere, quę cum illis necessariō coniūcta sunt, vel in controuersia Theologorum posita sunt. Indicantur autē tria potissimū in hoc sacramento, mors Christi præterita. s. s. e. 1. Cor. 11. Quotiescūq; manducabitis, mortē Domini annuntiabitis: præsens gratia, qua pascitur & reficitur anima, & totus homo Christo & cum mēbris eius in vnū corpus coagmentatur: cœlestis vita, quam speramus, quatenus hęc sancta mensa prænuntiat cœnam illam æternam, in qua apertē fruemur Deo, cui nunc occultē per hoc sacramentū coniungimur. quāuis autē hęc tria hoc sacramētorepresententur, non tamen ex omnibus vendicat sibi propriam

cui. Alan. c. 2.

Distinctū ab alijs.

Eucharistia est sacramentum,

1. 73. ar. 1.

pria rationem sacramenti, sed ex secundo tantum: quia de ratione sacramenti est, significare gratiam ut sanctificantem suscipientes, & sacramenti nouæ legis est eandem efficere: quare ut gratia illam refectionis spiritualis Eucharistia significat & efficit, propriè & per se rationem sacramenti habet.

*Eucharistia est
vnum sacramen-
tum.*

3. p. 9. 73. ar. 2

6 Vnum autem esse, licet constet ex duplici materia, duplici etiam forma & benedictione, apertè colligitur ex sancta scriptura & patribus. Dicitur enim vnum sacramentum, ex vna significatione & vno effectu, licet ad eam significationem & effectum multa conueniant, ut in omnibus sacramentis nouæ legis materia, quæ dicitur, & forma, & in hoc sacramento omnia quæ pertinet ad perfectam rationem conuiuij: ut sicut conuiuium corporale, cibus & potus, etiâ in plura genera distinctus perficit, sic vnum sacramentum refectionis spiritualis, cibus & potus, sicut scriptum est Ioan. 6. Caro mea verè est cibus, & sanguis meus verè est potus, & 1. Cor. 10. vnum effectum ex utroque: sic exprimitur, vnus panis, vnum corpus multi sumus, omnes qui de vno calice, & de vno pane participamus. & c. 11. cõiunctio vtriusque significatur cum ait, similiter & calicem. quin etiâ mortis dñicæ cõmemoratio ad vtrumque refertur, & ideo ait, quotiescunque; māducabitis panem hunc, & calicem Domini bibetis, mortem Domini annuntiabitis. Dicitur quidem aliquando hoc sacramentum, sacramenta plurali numero, quasi plura sint, sed pluralitas nõ est in ratione sacramenti, sed in materia & consecratione, sic in oratione ecclesiæ, [sacramenta, quæ sumpsimus,] & in tremenda actione [hæc sancta sacrificia.] & à Cypriano in serm. de cœna Domini [dominica sacramenta,] & ab Ambrosio lib. 5. de sacramentis c. 1. [altaris sancta sacramenta.]

7 Sed quia in his omnibus vnitas nõ sumitur ex indiuisibilitate, ut in puncto, neque ex continuatione ut in linea, neque essentia, ut in simplicibus & compositis naturis, neque ex supposito, ut in subiecto & accidenti, sed ex perfectione & coniunctione multorum ad vnâ formam, effectum & finem, ut in domo, ideo illa plura vnum constituunt sacramentum, cum vna resectio spiritualis perfecte representetur cibi & potu panis & vini. Quod si obijcias, priuatur igitur laici, sub altera tantum specie communicantes, perfecta resectione spiritualis vitæ, si resectio in

utraq; specie perfecte à Domino instituta est, cum non sumant perfectum sacramentum? Respondeo, de hac re futuram esse propriam disputationem, interim satis est admonere, altera tantum specie huius sacramenti totum Christum contineri, & ideo perfectam resectionem spirituales suscipienti cõferre: sed non esse in vna tantum specie perfectam representationem & significationem sacramenti: ut in altera tantum specie, sit effectus totius sacramenti, sed non perfectum & integrum sacramentum, quantum ad significationem. Itaque laici nullo effectu sacramenti priuantur, quia efficientia perfecta est in quavis specie separatim, licet non sit perfecta significatio sacramenti, nisi in utraque, & constat in sacramentis nouæ legis esse significationem & efficientiam, quæ suscipientes sanctificantur.

8 Sed quæris statim, cur hæc sacramenti significatio in duplici materia, & signo vel specie posita est à Christo Dño? Respondeo triplicem esse causam, primam ratione sacrificij, ut representetur Christus quasi morietus pro nobis, cum ex vi consecrationis, seorsum existat sanguis, & seorsum corpus Christi: alteram ex parte sacramenti, ut integra resectio indicaretur, quam sensibilibus non perciperemus, ut oportet percipi signo sensibili sacramenti, nisi duplici signo cibi & potus: ut intelligatur provenire non tantum ex corpore Christi per incarnationem, sed etiam ex sanguinis effusione per mortem. Tertiam causam, ex eadem resectione per sacramentum hoc effecta, colligimus, & vnione Christi & membrorum eius. cibi enim species, corpus nostrum, vini species, animam indicat: & plena resectio est vtriusque, quatenus nostrum corpus per hoc sacramentum reformatur ad æternæ vitæ participationem conuenienter, & similiter anima nostra. Vnde D. Tho. in officio Eucharistiæ, [quibus sub bina specie carnem dedit & sanguinem, ut duplicis substantiæ, totum cibaret hominem.] præterea vinum exprimit vnionem Christi cum membris, panis membrorum inter se cum Christo. ut enim vinum expressione perficitur, sic Christus passionis torculari expressus, nobis se cõmunicat: & ut panis ex multis granis constat, sic nos ut vnum per charitatem cum Christo colligamur, iuxta illud 1. Cor. 10. Vnus panis, vnum corpus multi sumus, omnes qui de vno pane & de vno calice participamus.

Cur duplex signum Eucharistiæ.

Ut corporalis resectio ex cibo & potu, sic representatio perfectæ resectionis, in cibi & potus signo.

Comment. in D. Tho. tert. part.

¶ Questio prima. An ratio sacramenti Eucharistiae sit in accidentibus panis & vini post consecrationem?

In quo sit ratio sacramenti Eucharistiae.

Eucharistia distinguitur ab aliis sacramentis.

2.

3.

Alia est in Eucharistia materia, ut fiat sacramentum, alia ut factum sit & perfectum.

Oritur ex his difficilior questio, in qua nā ex multis, quae sunt de integritate huius sacramenti, posita sit ratio sacramenti: cū enim in hoc sacramento sint species panis & vini, sit cōsecratio vtriusq; materie, sit corpus & sanguis Dñi, sit sumptio & mādūcatio, & omnia hec significant aliquid, merito dubitatur, in quo nam ex his sit ratio sacramenti posita. cū illud sit sacramentum, quod significat, & vbi multa sunt, quae eandem rationem participāt, oporteat aliquid esse, cui primò cōueniat, ne sit cōfusio. Ad huius autē rei explicationē, sumenda est distinctio huius sacramenti ab omnibus aliis, vt ratio sacramenti illius propria inueniatur. prima autē & potissima distinctio est, quod cetera sacramenta ipso vsu & applicatione suscipiētis perficiuntur, hoc autē ipsa consecratione perficitur, quā deinceps vsus & applicatio suscipiētis consequitur. hoc est, forma huius sacramenti ad materiā applicata, conficitur sacramentū, non autē simul ad personā suscipiētem applicata, vt in ceteris sacramentis. v.g. applicando materiā sacramenti ad personā, dicimus ad eandē, ego te abluo, te vngo, te signo, te absoluo, te accipio, & ideo forma in his nō consecrat materiā, sed simul cū materiā suscipiētem sanctificat: in hoc autē sacramento, forma consecrat & transmutat materiā panis & vini, & ita cōficitur Eucharistia, quae postea recipitur, & ipsa receptione suscipiētem sanctificat. Ex his sequitur alterū discrimen, in aliis sacramētis virtute formae materia nō immutatur, sed suscipiēs per vtrāq; sanctificatur: in hoc autē sacramento, materia virtute formae mutatur, & trāsit in aliam substantiam, vt panis in corpus, vinū in sanguinem Christi: deinde facta Eucharistia immutat sanctificādo suscipiētem. Tertiū discrimen est: in hoc sacramento materia & forma sunt causae & principia, vt fiat sacramentū, nō autem partes permanentes, in ceteris sacramētis, materia & forma sunt partes ex quibus fit & cōstat sacramentū: quia in rebus fluctantibus, quae in motu cōsistunt, eedē sunt causae effectiois & cōstitutionis, cū in illis fieri & existere nō differant: in permanentibus autē alia sunt effectiois principia, alia cōstitutionis: & quia Eucharistia fit ex mate-

ria & forma, illae nō manent effecta Eucharistia, sed manēt accidentia panis & vini, cōtinentia corpus & sanguinē Christi, & idcirco in materia & forma nō manentibus, ratio sacramenti esse non potest, sed in accidentibus permanentibus, & in contentis corpore & sanguine Christi.

2. Sic docent omnes veteres theologi Eucharistiā constare ex permanentibus rebus, nō ex materia & forma trāseuntibus. D. Ireneus lib. 4. c. 34. expressit, ex quibus principis facta sit, & ex quibus Eucharistia constet, his verbis, qui est à terra panis percipiens vocationē Dei, non iam est cōmunis panis, sed Eucharistia ex duabus rebus cōstans, terrena scilicet & caelesti. Ambr. li. 4. de sacramētis c. 4. hoc sacramentū esse effectū formae, id est, ipsa cōsecratione materiae perfici, sic explicauit, sermo Christi hoc cōficit sacramentū. D. Aug. in lib. sent. prosperi allegatus de cōf. d. 2. sic inquit, sacrificiū, seu sacramentū Ecclesiae duobus constare dicimus, visibili elementorū specie & inuisibili Dñi nostri IESU Christi carne & sanguine. idē Aug. lib. 20. cont. Faustū. c. 13. non iter panis, inquit, & calix, certa consecratio ne sit nobis mysticus, & quod ita nō sit, nō est sacramentū religionis nostrae. idē scribit lib. de Catech. rud. c. 26. Quartū discrimen est, cetera sacramēta habent vim sanctificādi in motu positā, quia ipsa & applicatione sanctificāt & vsu tantum, Eucharistia vero vim sanctificandi permanentē habet, nempe Christum ipsum, licet ipsa sumptio & vsu suscipientes sanctificet, quia est corpus & sanguis filij, iuxta illud Ioā. 6. Spiritus est, qui viuificat, caro nō prodest quicquā. Cyprianus de cōena Dñi, hīc cibis, inquit, verus & sincerus per speciem & sacramentum, nos tactu sanctificat. Itaq; cetera sacramenta habent vim sanctificādi, instrumentaliter permanentē tantū, & existēte ipso vsu: Eucharistia etiā extra vsum, habet eādē vim & ipso vsu exercet: vt dicitur salubre medicamentū, antequam sumptū sanet: & æneus serpens in deserto Num. 21. habuit vim sanādi, antequā aspiceretur. Aliorū enim sacramentorū esse, est in actu significādi & sanctificādi, cū suscipienti applicātur: sed Eucharistia est sacramentū, quia significat & cōtinet actū Christū ipsum, non solū vt habet virtutem in se sanctificādi, sed ea de causa presentē, vt cōferat suscipienti gratiā. Symbola namq; nō significant & cōtinent Christum,

stum, simpliciter ut est in cælo, vel ut sit in terra, sed ut est cibus & potus, ad refectio- nem spiritualement & sanctificationem, sicut ex pressit Dñs illis verbis Ioã. 6. Caro mea ve- re est cibus, sanguis meus verè est potus, & illis, in cæna vltima, mādūcate & bibite. ne que certè potest esse illustrior analogia in- ter visibilem formā, & inuisibilem gratiā, (in quo ratio sacramenti cōsistit,) quā, quæ est inter species istas, & carnē Christi, ut ci- bum, & sanguinem ut potum.

Cur Eucharistia vis ad sanctificandum est permanentis.

3 Meritò autē diuino cōsilio factum est, ut hoc solū ex omnibus sacramentis habe- ret vim permanentē sanctificandi, quia nō tantū est sacramētum, sed etiā sacrificiū: hostia autē & sacrificiū nō potest esse ni- si in rebus mutatis, sanctificatis, oblatiis, & permanentibus, ut cū de sacrificij ratione egerimus, cōstabit. Hinc est, quòd ad cete- ra sacramenta populus concurrat cū exer- centur, ut ad signa efficacia diuinæ opera- tionis transeuntis: ad hoc autem sacramen- tum non solū cum sit, sed cū factum est, præcipuè, ut ei debitus cultus & obseruan- tia exhibeatur, quatenus re ipsa Christum cōtinet ad salutem & sanctificationem no- stram. Est autē, nō tantū in aliis sacra- mentis recepta illa distinctio, sacramenti tantū, rei tantū, rei & sacramenti, sed in hoc etiam sacramēto valde probata, & præ- cedenti doctrinā omnino congruēs. sacra- mentum tantum est, quòd tantum signifi- cat, ut species panis & vini in hoc sacra- mento. res tantū, est ipsa gratia sanctificans sus- cipientes, quæ est effectus dignæ sumptio- nis. res & sacramentum est Christus contē- tus sub accidentibus panis & vini. ut enim eisdem speciebus significatur, est res: ut au- tem significat vnionem & refectioem ani- mæ spiritualement, est sacramentum, licet non propriè, quia nō est signū sensibile, quòd ostendimus propriè esse sacramētū in ge- nerali definitione sacramenti, sed intelli- gibile per fidem, ut ostēdemus differētes de reali & substantiali Christi præsentia in hoc sacramēto. Christus igitur existens in hoc sacramento sub accidentibus panis & vini, cōtinetur, ut cibus & potus noster, & ideo est res contenta: & præterea, quia ut cibus cōtinetur significat vnionem nostram & refectioem, quā ut efficiat, in hoc sacra- mento sub illis accidentibus existit.

Consecratio, aut sumptio nō per- dunt ad ratio- nē sacramenti.

4 His positis, primò ostendendum est, ra- tionē sacramenti in Eucharistia, non consi-

stere, vel in ipsa cōfectione & consecratio- ne materiæ, vel in ipsa sumptione & mādū- catione. Primò quidē, quia nulla actio pro- ducens re permanentem, vel ipsam conse- quēs, potest essentialiter esse ipsa res, ut cō- stat: sed cōsecratio producit & efficit Eu- charistiā, sumptio vero consequitur, multo etiam tempore interiecto, ut ex proposita differētia cōstat, & ex doctrina transubstā- tiationis apertius constabit: consecratio igi- tur, aut sumptio, non est Eucharistiæ sacra- mentū. Secūdo, illud propriè habet ratio- nē sacramenti, cui propriè nomē Eucha- ristia tribuitur: sed nō tribuitur cōsecrationi aut sumptioni, sed rei cōsecratæ & sumptæ: non est igitur Eucharistia consecratio, aut sumptio, cū tamen Eucharistia sit nomē hu- ius sacramēti propriū. hinc Iustinus in fine 2. apolog. hic cibus, inquit, à nobis Eucha- ristia appellatur: actio verò consecrationis, aut sumptionis cibus esse nō potest. hinc il- le loquēdi formulæ vsitatæ à D. Hier. in cō- ment. 3. c. sophoniæ, & D. Ambr. in vita sa- tyri, facere Eucharistiā, portare Eucha- ristia. offerre Eucharistiā, manducare Eucha- ristia: quāuis autē consecratio efficiat Chri- stū contineri sub accidētibus panis & vini, & ideo ut cibū sacramentalem sanctifican- tē, non potest habere rationem sacramēti, quia constaret hoc sacramētū sola verbo- rū forma, per quā tantum sacramētū effi- citur & cōsecratio, & nullū haberet effectū gratiæ sanctificatis, quia nō applicatur susci- piētī, quòd tamen est de ratione sacramēti. in sacramēto verò, quòd nō in vsu & sum- ptione, sed ipsa consecratione perficitur, ma- teriā & formam in sacramenti cōfectione & cōsecratione distinguere oportet, nō au- tē in re cōfecta, quia ipsa cōsecratione mu- tatur & non manet materia, forma vero in- prolatione consistens, amplius permanere non potest. idē est de ministro, qui cōse- crationis minister est primo & perse, deinde vsus & applicationis: & fieri potest, ut dispē- sationis sit diaconus, qui cōsecrationis nul- lo modo esse potest, sed tantum sacerdos.

5 Ostēdimus sacramēti huius rationē nō esse, vel in consecratione, vel in sumptione positā, reliqua sunt duo, in quorū altero de- bet esse necessariò ratio sacramēti, cum nō sint plura in hoc sacramento, quā quatuor, nēpè in accidētibus, panis & vini cōtinenti- bus corpus & sanguinē Christi, vel in ipsis rebus cōtēntis. Sit igitur hæc certa sentētia,

Comment. in D. Tho. tert. part.

species siue figura panis & vini, quæ sunt accidentia, quæ permanent facta consecratione, primo & per se habent rationem sacramenti in Eucharistia, hoc est, species illæ vt significant & continēt realiter Christi corpus & sanguinem, vt cibum & potū ad nutriendam & fouendam, atque etiam amplificandam vitam spiritualem, sunt sacramentum Eucharistiæ. Prima ratio ex precedentibus sic deducitur: sacramentū est signum sensibile: (quia hæc est generalis sacramenti ratio, vt de sacramentis in genere principio ostensum est:) sed species tantū panis & vini in Eucharistia sunt signa sensibilia: species igitur tantū habent rationem sacramenti. sic videtur censere Concilium Trident. Sess. 13. cap. 3. cū ait, hoc esse commune Eucharistiæ cū ceteris sacramentis, vt sit visibilis forma inuisibilis gratiæ, non autem contrā inuisibilis gratia sub visibili forma. Constat autem sensibus, non esse in Eucharistia aliā formam & figuram visibilem, præter accidentia panis & vini. Quare vt est firma & constans argumentatio, qua ex superiori negatio inferioris negatio concluditur: sic erit hæc argumentatio necessaria, corpus & sanguis Christi contenta sub accidentibus panis & vini, non sunt signa sensibilia: non sunt igitur sacramentum: & quia ostēsum est, de illis quatuor rebus quæ ad Eucharistiam concurrunt, consecrationem & assumptionem, sacramenti rationem habere non posse, & de reliquis duobus, nempe accidentibus, & Christo sub illis contento, Christum non posse habere rationem sacramenti, efficitur necessariò, solas species, & accidentia panis & vini habere rationem sacramenti. Idem concluditur ex differentia sacramentorum nouæ legis, à veteribus, quæ est efficacia gratiæ instrumentalis deriuata ab humanitate Christi vt diuinitatis instrumento coniuncto, vt explicauimus in doctrina de sacramentis in genere, distinguētes noua sacramenta à veteribus. Ratio est hæc, species panis & vini sunt sacramentum Eucharistiæ propriè, vt modò concludimus, ergo sunt instrumenta gratiæ sanctificatiōis: alioquin non esset propriè sacramentum nouæ legis, quod suscipientem instrumentaliter sanctificat. Fatemur quidem Christum his speciebus contentum, esse gratiæ sanctificatiōis principalem causam vt Deus est, & in-

strumentum cōiunctum esse humanitatē, sed quia in neutro est ratio sacramēti, quia neutrum est signum sensibile, ideo efficiētia instrumentalis necessariò tribuenda est speciebus, vt illis tribuitur ratio sacramēti.

6 Est hoc præterea scripturæ & veteri Ecclesiæ valde consentaneum, species huiusmodi operari per corpus & sanguinē Christi, sub illis contenta, eo modo, quo dixit D. August. de baptismo, aquā habere vim per verbū, id est, formam vt est altera pars sacramenti: sic enim species sacramētales, ex Christo contento, vim accipiunt sanctificandi. Sic D. Cyrillus hanc externam & sacramentalem operationem lib. 4. in Ioānem his verbis significauit, oportet terrestrē hoc corpus nostrum, cognato sibi gustu & tactu, & cibo corporis Christi ad immortalitatem reduci: & Tertul. lib. de carnis resurrectione, caro, inquit, aqua abluitur vt anima emaculetur, caro vngitur vt anima cōsecratur, caro signatur, vt anima muniatur: caro corpore & sanguine Christi vescitur, vt & anima Deo saginetur. Ita que vt species panis & vini significāt Christum contentum, vt habet vim reficiendi & alendi animam nostram spiritu viuifico, & ipsam gratiam qua alimur ab eo dimanantem, sic sumptæ à nobis eandem efficiunt instrumentaliter. Sed quamuis species solæ habeant rationem sacramenti, quia tamen Christum verè & substantialiter continent vt cibum nostrum, non debet ratio huiusmodi sacramentalis: sic speciebus attribui, vt Christi contenti non habeatur ratio in hac consideratione. quamuis enim species tantum significant sensibilibus, significant tamen Christum ipsis contentum substantialiter.

7 Et idcirco veteres patres aliquādo vocant Eucharistiæ sacramentum, corpus & sanguinem Domini, aliquando dicunt constare ex terrena natura & cælesti, id est ex accidentibus panis & vini, & corpore & sanguine Christi, quæ cælestia dicuntur: quia virtute Spiritu sancti conformata in utero virginis, & habent sibi hypostaticè unitam ipsam diuinitatem, & ideo Christus contentus speciebus dicitur cælestis. Sic Ignatius, citatus à Theodoro Dialogo 3. Eucharistias, inquit, & oblationes nō admittunt, quod non confiteantur Eucharistiam esse carnem Saluatoris: sic D. August. annotat. in Iob, sacramentum hoc, inquit, esse

esse panem, qui de cælo descendit, idem etiam D. August. lib. 1. de pec. merit. & remiss. cap. 24. hoc sacramentum rectè à punice vocari vitam, scribit, quia est panis viuus, qui de cælo descendit, & dat vitam mûdo, & D. Greg. c. multi sæcularium 1. q. 1. vocat etiam ex re contenta nostrum sacramentum, corpus & sanguinem Domini, cui consentit vsus scripturarum & patrum penè omnium, appellantium hoc mysterium carnem, corpus, sanguinem, & communiter sacramentum corporis & sanguinis. Unde sunt illa sæpè repetita ab Augustino corpus existere, vel sumi sacramentaliter, & epist. 23. ad Bonifacium inquit, sacramentum corporis Christi secundum quendam modum corpus Christi esse, nempe quia non est sub forma panis & vini Christus in propria specie, sed sacramentali. Sed ipsas species panis & vini, vt re vera sunt, ita appellauit sacramentum Cyprianus de cœna Domini his verbis, illud visibile quod est in Eucharistia, est sacramentum latentis substantiæ diuinæ. & Aug. de Catech. rud. cap. 26. distinguit inter sacramentum, quod vocat signaculum visibile, & latentem diuinam substantiam in mysteriis contentam. hinc sunt illa, corpus Christi esse in sacramento, vel contineri sub sacramento.

8 Concludamus igitur, sacramenti rationem speciebus panis & vini propriè competere, sed quatenus significant & continent corpus & sanguinem Christi, & ideo sacramentum vocari ipsum corpus & sanguinem, vt contentum: propriè autem signa externa significantia & continentia. & certè hoc sacramentum perficitur consecratione materiæ, vt supra ostendimus, cõsecratione autem fit, vt corpus & sanguis Christi sit, non absolutè, sed sub speciebus panis & vini, vt in doctrina de transubstantiatione explicabitur. Cui sententiæ magnam lucè affert celebris & recepta Theologorum distinctio, in sacramentum tantum, rem tantum, sacramentum & rem: de qua distinctione paulo ante diximus, ex qua constiruit, ipsum corpus Christi appellari sacramentum impropriè, nempe vt significat fidelibus effectum huius sacramenti: & à quibusdam dicitur signum Christi in propria specie, vt est in cælo, vel fuit in terra, vt eleganter deducit Lanfrancus ex Aug. epist. ad Bonifacium, & D. Gregorio lib. 4. Dialog. afferens carnem carnis, &

sanguinem sanguinis dici sacramentum, cõtra Berengarium.

Quæstio secunda contra Protestantes,
an Eucharistia sit sacramentum?

1 **L**euia sunt hæreticorum argumeta, quibus hanc rationem sacramenti tollere conantur, cum enim ostenderimus, species, corpus & sanguinem Christi continentes, habere propriè rationem sacramenti, illi speciebus permanētibus sine substantia panis & vini, etsi contineant verè & substantialiter corpus & sanguinem Christi, vt recta fides docet, rationem sacramenti conuenire non posse, his argumentis concludunt. Primò, sacramentum Eucharistiæ representat vnionem corporis mystici cū Christo capite, vt apertè requirit D. Paulus 1. Cor. 10. in hoc sacramento, cū inquit, vnum corpus sumus, qui de vno pane, & de vno calice participamus: sed species sine substantia panis & vini hanc vnionem representare nō possunt: (quia illam representat coagmentatio multorum granorū & vuarum in vnum corpus, quæ solū reperitur in vero pane & vino, non item in speciebus:) species igitur rationem sacramenti Eucharistiæ habere non possunt. Secundò, in hoc sacramento debet esse analogia nutritionis corporalis, ad spiritualem animi pastum: sed in accidentibus panis & vini, non potest esse hæc analogia ad rationem huius sacramenti necessaria, quia nō nutriunt: accidentia igitur non habent rationem sacramenti. Tertio, sacramentum debet esse signum significans: sed species continentes Christum non significant, cū significatio sit rei absentis, presentē autem Christum contineant: ergo species non sunt sacramentum, si presentem continent Christum. confirmāt hoc modo, quia opposita simul esse non possunt: res autem significans & significata sunt opposita: non possunt ergo simul esse species significans Christum, & Christus ipse presens.

2 Ad primum, neganda est assumptio, quia species panis & vini significant, & representant illam vnionem, quatenus panē representant, licet eius substantia non subsistat in sacramento: neque enim oportet grana aut vvas existere, vt neque in pane & vino existunt, vt representetur illa

Obiectiones hæreticorum, negantium rationem sacramenti speciebus Christi continētibus, refelluntur.

1.

2.

3.

Species significant vnionem corporis mystici.

vnio

Summa præcedentis disputationis.

D. Thom. tert. part.

vnio & coagmentatio multorum in vnū, presertim cum substantia per se sensibilis non sit, & ideo neque signum sacramentale, quod oportet esse sensibile: eandem igitur vim habent representandi accidentia panis & vini, non existente substantia, atque existente. Ad secundum similiter neganda est assumptio: primò quidem, quia species panis & vini in hoc sacramento, etiam absente substantia vtriusque, id præstant ad agendum & patiendum, quod ipsa substantia, si permaneret, vt ostenditur ex sensu & ratione, in doctrina de huiusmodi accidentibus permanentibus sine subiecto: itaque verè nutriunt & afficiunt nostrum corpus vt ipsa substantia. Secundò, non oportet sumpto hoc sacramento, veram fieri nutritionem, vt si sumatur in minima quadā particula, vt vera sit illa analogia: cum satis sit permanere accidentia panis & vini, quæ pertinent ad nutritionem naturaliter, vt excitata mens huiusmodi signis, colligat huiusmodi analogiam. quæ admodū non erat necesse, vt serpens æneus, ignis in rubo ardens, columna nubis, linguæ igneæ & similia mysteria haberent in se vim naturalem respondentem virtuti, quam significabant rebus illis inesse, quarum gratia instituta sunt. Vnde D. August. epist. ad Ianuarium, nihil amplius requirit in sacramentis, quam similitudinem, quia vt inquit epist. 23. si sacramenta non haberent similitudinem earum rerum, quarum sacramenta sunt, propriè sacramenta non dicerentur: similitudo autem & significatio propriè est in accidentibus, quæ sensibus obiecta, non possunt nō deducere mentem in cogitationem substantiæ, cuius accidentia sunt, & in effecta eiusdem substantiæ: quare satis est, in hoc sacramento existere accidentia panis & vini, vt manere possit & comprehendere vera analogia effectuum panis & vini, cum effectibus huius sacramenti.

3 Ad tertium, cōstat assumptionem omnino falsam esse, non enim requirit ratio signi, vt rem absentem representet, sed potius vt occultam & latentem, siue presentē siue absentem, vt ad rubrum ardentē presens erat Deus, ad columbam & linguas Spiritus sanctus, ad arcam vete. test. maiestas Domini. Denique ad confir. respondetur, opposita non esse idem & secundū idem, in eodem tamen subiecto, non tamē

secundum idem esse posse: presertim cum signum & res significata relatiue tantum opponatur, ex quibus alterum, absentiam alterius non requirit.

ARTICVLVS III.

Vtrum Eucharistia sit de necessitate salutis.

AD tertium sic proceditur. Videtur, quod hoc sacramentū sit de necessitate salutis. Dicit enim Dominus, Ioan. 6. Nisi manducaueritis carnem Filij hominis, & biberitis eius sanguinem, non habebitis vitam in vobis. Sed in hoc sacramento māducatur caro Christi, & bibitur sanguis eius. Ergo sine hoc sacramento non potest homo habere salutē spiritualis vitæ.

¶ 2. Prætereā, Hoc sacramentū est quoddam spirituale alimētum. Sed alimentum corporale est de necessitate corporalis salutis. Ergo etiam hoc sacramentum est de necessitate spiritualis salutis.

¶ 3. Prætereā, Sicut baptismus est sacramentum Dominicæ passionis, sine qua non est salus: ita & Eucharistia: dicit enim Apostolus, 1. Cor. 11. Quotiescunque manducabitis panem hunc, & calicem bibetis: mortem Domini annuntiabitis, donec veniat. Ergo sicut baptismus est de necessitate salutis, ita etiam hoc sacramentum.

SED CONTRA est, quod August. scribit Bonifacio contra Pelagianos, Nec illud cogitetis, paruulos vitam habere nō posse, qui sunt expertes corporis & sanguinis Christi.

RESPONDEO dicendum, quod in hoc sacramento duo est considerare, scilicet ipsum sacramentum & rem sacramenti. dictum est autē, quod res huius sacramenti est vni-

Infr. q. 80. ar. 2.
11. & 4. dist. 9.
ar. 1. q. 2. & di.
12. q. 3. ar. 2.
q. 1. et lo. 6. le.
7. co. 1.

In speciebus re-
ametur analo-
gia mutationis
corporalis.

Num. 21.
Exod. 3.
Exod. 13.
Acto. 2.

Ratio signi nō
requirit rem,
quam represen-
tat, absentiē esse

Lib. 4. contra
duasepis. Pela.
c. 2. 2. in med.
to. 7.

tas corporis mystici, sine qua non potest esse salus: nulli enim patet aditus salutis extra Ecclesiam, sicut nec in diluvio absq; arca Noë, quæ significat Ecclesiam, ut habetur 1. Pet. 3. dictū est* autem supra, quod res alicuius sacramenti haberi potest ante perceptionem sacramenti, ex ipso voto sacramenti percipiendi. Vnde ante perceptionē huius sacramenti, potest homo habere salutē ex voto percipiendi hoc sacramentum: sicut & ante baptismū ex voto baptismi, ut supra dictū est. * Est tamen differentia quantū ad duo. Primo quidē, quia baptismus est principii spiritualis vitæ, & ianua sacramentorū: Eucharistia verò est quasi consumatio spiritualis vitæ, & omnium sacramentorū finis (ut supra dictū est*) per sanctificationes enim omnium sacramentorum, fit præparatio ad suscipiendā, vel consecrandam Eucharistiam. Et ideo perceptio baptismi est necessaria ad inchoandam spiritualem vitam perceptio autē Eucharistiæ est necessaria ad consummandam ipsam: nō ad hoc quod simpliciter habeatur, sed sufficit eam habere in voto, sicut & finis habetur in desiderio & intentione. alia differentia est: quia per baptismum ordinatur homo ad Eucharistiam: & ideo ex hoc ipso, quod pueri baptizantur, ordinantur per Ecclesiam ad Eucharistiam, & sic sicut ex fide Ecclesiæ credūt, sic ex intentione Ecclesiæ desiderant Eucharistiam, & per cōsequens recipiūt rem ipsius. Sed ad baptismū non ordinantur per aliud præcedēs sacramentū. Et ideo ante susceptionem baptismi, nō habent pueri aliquo modo baptismū in voto, sed soli adulti: vnde rem sacramenti non

possunt percipere sine perceptione sacramenti. Et ideo hoc sacramentum non hoc modo est de necessitate salutis, sicut baptismus.

AD PRIMUM ergo dicendum, quod sicut Aug.* dicit, exponēs illud verbū Ioan. Hunc cibum & potum, scilicet carnis suæ & sanguinis, societatem vult intelligi corporis & membrorum suorum, quod est Ecclesia in prædestinatis, & vocatis, & iustificatis, & glorificatis sanctis, & fidelibus eius. Vnde sicut ipse dicit in Episto.* ad Bonifacium, Nulli est aliquatenus ambigendum, tunc unumquemque fidelium corporis sanguinisq; Dñi participem fieri, quando in baptismo membrum corporis Christi efficitur, nec alienari ab illius panis calicisq; cōsortio, etiam si antequam panem illum comedat & calicem bibat, de hoc seculo in unitate corporis Christi cōstitutus abscedat.

AD SECUNDUM dicendum, quod hæc est differentia inter alimentum corporale & spirituale, quod alimentum corporale conuertitur in substantiam eius, qui nutritur, & ideo non potest homini valere ad vitæ cōservationem alimentū corporale, nisi realiter sumatur. Sed alimentum spirituale conuertit hominem in seipsum, secundum illud quod Aug.* dicit in lib. Cōf. quod quasi audiuit vocem Christi dicentis sibi: Nec tu me mutabis in te, sicut cibum carnis tuæ, sed tu mutaberis in me. Potest autem aliquis in Christum mutari, & ei incorporari voto mentis, etiam sine huius sacramenti perceptione. Et ideo nō est simile.

AD TERTIUM dicendū, quod baptismus

q. 68. ar. 2.

q. 68. ar. 2.

q. 65. ar. 3.

Trac. 26. in Ioan. 10. 9.

Refertur de cōsec. d. 4. c. Nulli.

Li. 7. confes. c. 10. à medio, 10. 1.

D. Th. tert. part.

baptismus est sacramentum mortis & passionis Christi, prout homo regeneratur in Christo virtute passionis eius, sed Eucharistia est sacramentum passionis Christi, prout homo perficitur in vnione ad Christum passum. Vnde sicut baptismus dicitur sacramentum fidei, quæ est fundamentum spiritualis vitæ, ita Eucharistia dicitur sacramentum charitatis, quæ est vinculum perfectionis, vt dicitur Col. 3.

ARTICVLVS III.

Vtrum conuenienter hoc sacramentum pluribus nominibus nominetur.

AD QVARTVM sic proceditur. Videtur, quod inconuenienter hoc sacramentum pluribus nominibus nominetur. Nomina enim debent respondere rebus. Sed hoc sacramentum est vnum, vt dictum est. *Ergo non debet pluribus nominibus nominari.

¶ 2. Præterea, Species non notificatur conuenienter per id, quod est commune toti generi. Sed Eucharistia est sacramentum nouæ legis. Omnibus autem sacramentis commune est, quod in eis confertur gratia, quod significat nomen Eucharistiæ, quod est idem quod bona gratia. omnia etiam sacramenta remedium nobis afferunt in via presentis vite, quod pertinet ad rationem viatici. In omnibus etiam sacramentis fit aliquid sacrum, quod pertinet ad rationem sacrificij. Et per omnia sacramenta sibi inuicem communicant fideles, quod significat hoc nomen synaxis in Græco, vel communio in Latino. Ergo hæc nomina non conuenienter adaptantur huic sacramento.

¶ 3. Præterea, Hostia videtur esse idem quod sacrificium. Sicut ergo non proprie dicitur sacrificium, ita

nec proprie dicitur hostia.

SED CONTRA est, quod vsus fidelium habet.

RESPONDEO dicendum, quod hoc sacramentum habet triplicem significationem. Vnam quidem respectu præteriti, in quantum, scilicet, est commemoratiuum Dominicæ passionis, quæ fuit verum sacrificium, vt supra dictum est, * & secundum hoc nominatur sacrificium. Aliam autem significationem habet respectu rei presentis, scilicet, ecclesiasticæ unitatis, cui homines aggregantur per hoc sacramentum. Et secundum hoc nominatur communio vel synaxis, dicit enim Damasc. * 4. lib. quod dicitur communio, quia communicamus per ipsam Christo, & quia participamus eius carne & deitate, & quia communicamus & vni mur ad inuicem per ipsam. Tertiam significationem habet respectu futuri, in quantum, scilicet, hoc sacramentum est præfiguratiuum fruitionis Dei, quæ erit in patria. Et secundum hoc dicitur viaticum, quia hinc præbet nobis viam illuc perueniendi. Et secundum hoc etiam dicitur Eucharistia, id est, bona gratia, quia gratia Dei vita æterna (vt dicitur Rom. 6.) vel quia realiter continet Christum, qui est plenus gratia. Dicitur etiam in Græco metalepsis, id est, assumptio, quia vt Damasc. * dicit, per hoc filij deitatem assumimus.

AD PRIMUM ergo dicendum, quod nihil prohibet idem pluribus nominibus nominari, secundum diuersas proprietates, vel effectus.

AD SECUNDVM dicendum, quod id quod est commune omnibus sacramentis, attribuitur antonomastice ei propter eius excellentiam.

AD TERTIVM dicendum, quod hoc

Infr. q. 79. ar. 2. ad. 1. Et 4. d. 8. q. 1. ar. 1. q. 3.

ar. 2. huius q.

q. 48. ar. 3.

li. 4. ortho. fid. c. 14. ad medium

li. 4. ortho. fid. c. 14.

hoc sacramentum dicitur sacrificiū, inquantum repræsentat ipsam passionem Christi. Dicitur autem hostia, inquantū continet ipsum Christum, qui est hostia salutaris, vt dicitur Ephes. 5.

ARTICVLVS V.

Verū institutio huius sacramenti fuerit conueniens.

AD QVINTVM sic proceditur. Videtur, quod non fuerit conueniens institutio istius sacramenti. Vt enim Philosophus * dicit in 2. de generatione. Ex eisdem nutritur, ex quibus sumus. Sed per baptismum, qui est spiritualis regeneratio, accipimus esse spirituale, vt Dionys. * dicit 2. c. eccles. hier. Ergo per baptismū etiam nutritur. Nō ergo fuit necessarium instituere hoc sacramentum, quasi spirituale nutrimentum.

¶ 2. Præterea, Per hoc sacramentum homines Christo vniuntur, sicut mēbra capiti. Sed Christus est caput omnium hominum, etiā qui fuerunt ab initio mundi, vt supra dictum est. * Ergo non debuit institutio huius sacramenti differri vsque ad coenam Domini.

¶ 3. Præterea, Hoc sacramentū dicitur esse memoriale Domini & passionis secundum illud Luc. 22. Hoc facite in meā commemoratiōe, sed memoria est præteritorum. Ergo hoc sacramentum nō debuit institui ante Christi passionem.

¶ 4. Præterea, Per baptismū aliquis ordinatur ad Eucharistiā, quæ non nisi baptizatis dari debet. Sed baptismus institutus fuit post Christi passionē & resurrectionē, vt patet Matt. vlt. Ergo inconuenienter hoc sacramentum fuit ante passionem Christi institutum.

SED CONTRA est, quod hoc sacramentū est institutū a Christo, de quo dicit Mar. 7. Bene omnia fecit.

RESPONDEO dicendū, quod cōueniēter hoc sacm institutum fuit in coena, in qua, scilicet, Christus, vltimō, cū suis discipulis fuit cōuersatus. Primō quidē, ratione continentie huius sacramenti. Continetur enim ipse Christus in Eucharistia sicut in sacramēto. Et ideo quādo ipse Christus in propria specie a discipulis discessurus erat, in sacramēto li specie seipsum eis reliquit, sicut in absentia Imperatoris exhibetur venerāda eius imago. Vnde Euseb.

Emiss. * dicit: Quia corpus assumptū ablaturus erat ab oculis, & illaturus fideribus necesse erat, vt die coenæ sacramentū corporis & sanguinis sui cōsecraret nobis, vt coleretur iugiter per mysteriū, quod semel offerebatur in pretiū. Secūdō, quia sine fide passionis Christi nunquā potuit esse salus, secundū illud Rom. 3. Quē proposuit Deus propitiatorē per fidē in sanguine ipsius. Et ideo oportuit omni tēpore apud homines esse aliquid representatiuū Dñice passionis. Cuius in veteri quidē Testamēto præcipuum sacramentū erat agnus Paschalis, vnde & Apostolus dicit 1. Cor. 5. Pascha nostrū immolatus est Christus. Successit autē & in nouo Testamento Eucharistia sacramentū, quod est rememotatiuū præterite passionis, sicut & illud fuit præfiguratiuū future. Et ideo conueniens fuit, vt imminente passione, celebrato priori sacramēto, nouū sacramentū institueret. Vnde Leo * Papa dicit, quod vt vmbre cederēt corpori, antiqua obseruantia nouo excluditur sacramento, hostia in hostiā trāsit, sanguine

Inf. q. 74. ar. 4. co. & ad 1. & q. 80. ar. 8. ad 1. & 4. d. 8. q. 1. ar. 3. & 2. Corp. 11. le. 4. co. 4. & le. 5. col. 1. fin. * li. 2. text. 50 tom. 2.

* c. 2. eccl. hier. par. 1. am. dio.

* quest. 8.

Habetur de cōsec. d. 4. c. quia corpus assumptū hom. 4. in Pascha Domini, non longe à principio.

In ser. 7. de passione Dñi, inter principium & medium.

Comment.in D.Tho.tert.part.

Prophetia.

ex patribus colligemus. ad prophetiā per-
tinent vete. testa. testimonia, quę Eucharis-
tiam instruendam in nouo testamento
prædixerunt. huiusmodi est illud Genes.
49. Lauabit in vino stolam suam, & in san-
guine vix amictum suum, sic Tertul. lib.
4. contra Marcionem, & Cyprian. lib. 2.
epist. 3. sanguinem vix intelligunt, sangui-
nem calicis Dominici. Tertu. etiam in can-
dem sententiam adducit illud Hierem. 11.
Mittamus lignum in panem eius. Cypria-
nus etiam eadem epist. de hoc sacramen-
to prophetice dictum existimat illud Pro-
uerb. 9. Sapientia mactauit hostias suas,
miscuit in cratere vinum suum, excelsa vo-
ce predicans: Venite & edite de panibus
meis, & bibite vinum, quod miscui vobis.
D. August. illud Psal. 21. Manducauerunt
& adorauerunt omnes pingues terrę, præ-
dictum esse vult de mēsa Domini, vbi ac-
cipiunt corpus & sanguinem Domini. de
eodem sacramento accipit illud Psal. 98.
Adorate scabellum pedum eius, & D. Am-
bros. lib. 3. de Spiritu sancto, cap. 12. & ad
Titulum Psal. 33. illud, quod legitur iux-
ta septuaginta, ferebatur in manibus suis,
D. Aug. ait de Christo tantū posse intelligi,
quādo commendans corpus suum in Cce-
na dixit: Hoc est corpus meum.
2. Hebrei qui Christum præcesserunt ex
illo Iudicum 9. non possum deferere vi-
num, quod lætificat Deū & homines, col-
ligebant sacramentum in vino futurum: &
totum Psal. 72. ad Mesiam referentes,
vbi nos legimus, Erit firmamentum in ter-
ra in summis mōtium, illi vel legentes ad
Hieronymi interpretationem accommo-
datē, erit memorabile tritum in terra in
capite montium, vel ad recentiorum inter-
pretationem, placenta frumenti erit in ca-
cumine montium, ad prædictionem huius
sacramenti referebant: quibus consentit
Chaldaica translatio referente Paulo Bur-
gen. cum ait, erit placenta frumenti in ca-
pitibus sacerdotum. rectē igitur inquit D.
Ambros. in Psal. 38. eorum, quę hoc sa-
cramento celebrantur, vetustissimam præ-
dictionem fuisse in sermonibus propheta-
rum. Dicitur etiam hoc sacramentū conui-
uium pinguiū, Esai. 25. ex Guir mūdo lib.
1. dicitur Malach. 1. Oblatio munda, quę
omni loco offertur, & à patribus intelli-
gitur de hoc sacramento, vt sacrificium est.
Hier. Theo. Iren. lib. 4. c. 32. Iustinus cōtra

Iud. Cypr. lib. 1. cōtra eosdem, c. 16. Euseb.
lib. 1. de dem. c. 6. Aug. lib. 18. de Ciuit. c. 35.
& lib. 19. c. 23. lib. cōtra aduer. leg. & Proph.
c. 20. & 22. Chryso. oratione 2. contra Iud.
tom. 5. Damasc. lib. 4. cap. 14. D. Tho. 1. 2.
q. 102. art. 3. citantur etiam Rabbini in ean-
dem sententiam, qui Christum præcesse-
runt, Moyses Hadarfan. Psal. 136. Cahana,
Gen. 49. Iudas num. 28. Simeon lib. de in-
uestig. sacramentorum. Bezachias in Ec-
clesiasten, Ionathas lib. collectionū, Abra-
ham, Psal. 130. hæcenus de prophetiis.

3. De ceremoniis statis, solennibusque *Figura vt sa-
actionibus, adumbrātibus hoc sacramen-
crisi. ij.*
tum apertius differetur, si in Eucharistia
rationem sacrificij & sacramenti distinxe-
rimus: quędam enim sunt figure & vmbrę
vt sacrificij, quędam vt sacramenti. Nullū
autem fuit ab orbe condito sacrificiū pla-
cens Deo, quod nostrum non præfiguraue-
rit, vt veritatem & complementum, vt in-
quit D. Aug. lib. 1. contra aduers. leg. & pro-
phet. cap. 18. & D. Leo in serm. de passione
Domini, & expressit Ecclesia in secreta
oratione Dominicę septimę post Pente-
costem his verbis: Deus qui legalium om-
nium hostiarum differentias, in vnus sacri-
ficij perfectione sanxisti. Sic ante legem
Abelis sacrificium & sanguis, nostrum sa-
cificium præfigurauit, vnde elegantissime
D. August. lib. 12. cōtra Faust. cap. 10. sicut
inquit, vox sanguinis olim clamauit de ter-
ra, sic nunc habet magnam vocem Chri-
sti sanguis, cum eo accepto ab omnibus
gentibus responderetur, amen. Quę respon-
sio fuit olim solennis accipientium sacrā
Eucharistiam. idem docet D. Ambros. de
incarnat. Dominicę sacramento, cap. 1. Idē
vniuersaliter de aliis sacrificiis, quę Deo an-
te legem placuerunt, sentiendum est: cum
enim omnia præfigurarent Christum, per
quę solum placere poterant Deo, & Chri-
stus hoc sacramento verē contineatur, præ-
figurabant etiam hoc sacramentum, sed
sub ratione sacrificij, quatenus Christum
morientem pro peccatis nostris adumbra-
bāt. Christus autē licet verē in Cruce mor-
tuus sit, tamē in cœna vltima hoc sacramē-
tum instituens, seipsum in mortē obtulit,
& cū in hoc sacramento offertur incruen-
tē, tamē per modū morientis offertur, qua-
tenus idem, qui cruce seipsum obtulit, re-
presentato seorsum sanguine immolatur
& sumitur. In lege autē omnis sacrificiorū
ratio

*Ex his fuit sa-
cificium expia-
tionis solennissi-
mū. 1. 2. q. 101
ar. 4. ad 10. &
num. 29.*

*Vide 3. p. q. 47
art. 2. ad 1. &
Aug. cōtra ad-
uers. leg. & pro-
phet. c. 20.*

ratio diuina est in holocaustū, victimam & hostiam pacificā, quæ omnia in sacrificio Eucharistiæ præcipue & perfecte reperiuntur, vt constabit, cum de hac tota ratione sacrificij exactius differuerimus.

Figura vt sacramenti.

4 Eucharistiæ vt sacramenti, figuræ distinguendæ sunt. quædam enim ad materiā & species, quædam ad corpus contentum, quædam ad gratiam, quam effecit in dignè sumentibus, pertinet. Primum igitur, quoad materiā & species panis variè præfiguratum fuit hoc sacramentū in sex generibus panū, panibus propositionis Exod. 40. Nō solū propter sacrā & perpetuā in altari custodiā, sed propter singulārē sanctitatem, quam requirebant in comedentibus, sic Damasc. lib. 4. de fide. c. 14. Secundō, propter excellentiam, præfiguratum est hoc sacramentum panibus primitiarū, Leuit. 23. quod intuens Irenæus, lib. 4. c. 32. appellat hæc alimenta sancta, primitias diuinorum munerum in nouo testamento. Tertiō, quantum ad efficaciam sustentationis, & vt est viaticum peregrinationis, qua in cælum tendimus, significatur idem sacramentum in pane Helix. 3. Reg. 19. in cuius fortitudine ambulauit propheta quadraginta dies in montem Dei Oreb. Quartō, propter summam vim, quam habet ad arcendos hostes nostri spiritus, significatur Iud. 7. pane, quem vidit Gedeon impetu euerterentem castra Madian. Idem etiam volunt præsignificatum in subcineritiis panibus ex tribus purissimæ similæ satis confectis, & angelis ab Abrahamo propositis. Vltimō, quia hoc nostrum sacramentum paratur ad gratiarum actionem, oblationem, manducationem & in omne officiū religionis, exactissimè significatur in pane & vino Melchisedec. Genes. 14. Vnde D. Ambro. lib. 4. de sacram. c. 3. Melchisedec, inquit, primus autor horum sacramentorum. Nec ab aliquo Patrum hæc sententia ferè prætermissa est, vt constat ex Arnobio. in Psal. 109. ex Cypria. lib. 2. epist. 3. ad Cæcilium, D. Hieron. ep. ad Euagriū, Chrysost. hom. 35 in Genes. Damasc. lib. 4. c. 14.

5 Fuerunt alia, quæ Christum in hoc sacramento latetem, immolatum & ad escā paratum præfigurarūt, quod omnium amplissimè præstitit agnus ille masculus, anniculus, tenerrimus, immaculatus, è reliquo grege ad Pascha selectus, in vna domo, quartadecima luna, coniunctus cum

Gen. 18.

pane azimo, sine offiū comminutione integer comedendus. præcipua enim illius agni religio fuit in modo, non tantū immolandi, sed multo magis comedēdi, s. f. e. de illo, Mar. 14. Vbi est refectio mea? vbi Pascha cum discipulis meis manducem. & Luc. 22. Desiderio desiderauī hoc Pascha manducare vobiscum, antequam patiar. Hinc est quod Christus à Cœa veteris agni, in cœnam noui testamenti transiuit, admonens se postremū comedere & bibere de veteri paschate & poculo, & statuere de illo implendo, & nouo modo comedendo in regno Dei. Hinc etiam D. Paulus 1. Cor. 5. appellat Christum Pascha nostrū, non tam ad occisionem alludēs, qua significabatur immolatus in Cruce, quā ad epulum in azimis veritatis, quomodo significabatur veteri Paschate; vt in sacramento omnes etiam Patres consentiunt, & Euangelistæ testantur, typicum agnum prius fuisse manducatū, deinde instituto hoc sacramēto, fuisse implētum. Sic Chrysost. hom. de proditiōe Iudæ, Tertul. lib. 4. cōtra Marcionem, Isychius in 23. Leuit. Paschasius lib. de corpore & sanguine Domini, D. Leo. ser. 7. de Pass. D. August. lib. 2. contra Petil. cap. 37. & Epist. 86. ad Casulanum, Origenes ad illud, proximum erat Pascha Iudæorum. D. Gregor. homil. 22. in Euangel.

6 Aliæ fuerunt figuræ, quæ vel mirabiles huius sacramenti effectus, vel singulārē rationem existentia, vel varia circa ipsam miracula præfigurarunt. Ex his est manna de cælo, panis angelorum dictū Psal. 77. representabat autem nostrum sacramentum in præparatione seu cōfectione, quatenus de cælo venit, & verbo Dei formatū est, cum de eo scriptū sit Deu. 8. Non in solo pane viuit homo, sed de omni verbo quod procedit de ore Dei. Erat etiam simile nostræ Eucharistiæ in colligēdo & sumēdo, quatenus neque, qui plus collegerat amplius habebat, neque, qui minus paruerrat, minus reperiēbat, Exod. 16. Habebat etiam gustum similæ & mellis dulcissimi, & tamen ita varium, vt cuiusque appetitui, & volūtati satisficeret. Hinc est quod Christus Dominus Ioan. 6. Confert hoc sacramentū cum manna, cū ait, Patres vestri manducauerunt māna, & mortui sunt; qui manducat hunc panē viuet in æternū. Paulus etiā, 1. Cor. 10. Non tantū manna Patrū,

Comment. in D. Tho. tert. part.

sed etiam aqua ex petra fluente, Exod. 17. ad Christi manducatione & potu in hoc sacramento pertinuisse, aperte docet: cum ait, omnes hanc escam spirituales manducauerunt, & omnes eundem potum spirituales biberunt. de qua re multa D. Ambr. in Psal. 38. lib. 5. de sacr. c. 1. lib. de iis, qui mysteriis initiantur c. 8. & 9. Aug. tract. 11. in Ioan. explicat, quod sit manna Christianorum. Recte autem obseruauit Ruper. lib. 9. de gloria & honore filij hominis, in manna & aqua de petra fluente, etiam prefiguratas fuisse dubitationes & hereses futuras de hoc sacramento, quatenus etiam contigerunt circa illa irrationes, & perfimiles dubitationes. Mirati Iudaei cum quoddam fastidio dicebant. Quid est hoc? alij excitabant sibi nauseam de cibo leuissimo. Alij tentauerunt Deum in cordibus suis dicentes, Psal. 77. Nunquid panem poterit dare, aut parare mensam populo suo? tanta denique fuit omnium prauiacatio ferè, ut memorabili appellatione dicta sit aqua contradictionis. Ex hac perfidia, magna hominum strages facta est à Deo, quae omnia si conferantur cum seditionibus, quas Sacramentarij excitauerunt, valde consentire intelligemus.

7. Alij sunt figure, quauis non ut priores celebres & illustres, à grauissimis tamen scriptoribus adductae. Rabanus, c. 16. de Euchar. vasculum farinae non deficiens. 3. Reg. 17. vult esse figuram nostri sacramenti inconsummabilis, quod, licet omnium sit esca, nunquam tamen imminuitur, ut inquit Cypr. de coena Domini. Paschasius etiam ante 800. annos asseruit lib. de corpore & sang. Domini, lignum vite in paradiso constitutum, fuisse sacramentum & figuram nostrae Eucharistiae, id est, Christi praebentis vim vitalem, ex carne sua manducata, qua animae & corpora nostra à morte & tabe peccati reuiuiscant. Aug. autem lib. 13. de Ciuit. c. 20. asseruit, idem lignum esse sacramentum Christi, & in lib. Prouerb. c. 3. idem scriptum est. Addit Rupertus comestioni vetiti pomi, notatum fuisse iam tum à Deo consentaneum remedium in hoc cibo celesti. haec sunt vetera & magna: sed hoc multo maius est, ipsum sanguinem de latere Christi dormientis in Cruce fluentem, fuisse typum & testimonium sanctissimae Eucharistiae, sicut aqua inde etiam fluens, vel permissionem calicis vel baptismum designat. quod enim D. Aug. tracta. 5. in Ioan. & in comment. Psal. 138. inquit sacramenta fluxif-

se de latere Christi dormientis in Cruce, illud imprimis significat, duo illa praecipua religionis nostrae mysteria, ad mortem Domini magis pertinentia, indicata esse, tanquam quae aeternam vim habitura essent à passione seruatoris; & ut intelligamus inquit Cypr. ep. ad Caecilium: nos non bibere sanguinem nisi calcatum & expressum de latere Christi. Haec tenus de figuris.

8. Precessit postremo Eucharistiae institutione promissio, non quidem in vet. testamento tantum in quo omnia Christi mysteria promissa sunt, sed in nouo etiam facta à Christo, cum exhortatione ac preparatione ad tantum sacramentum suscipiendum. solebat autem Dominus, maiora & creditu difficiliora mysteria praedicere & promittere. sic toties praedicat mortem & resurrectionem, promittit Spiritum sanctum; idem igitur in hoc sacramento contigit, cum Ioan. 6. inquit, Panis, quem ego dabo, caro mea est, quam ego dabo pro mundi vita. & multis verbis discipulorum animos preparauit, ut in vltima coena crederent, hoc esse corpus suum, quod panis esse videbatur. Quauis autem ad illum sermonem de carnis suae manducatione, Ioan. 6. infirmi & increduli retrorsum abierint: Petrus tamen & collegae hac diuina doctrina confirmati sincere confitentur, Christum habere verba vitae, & permanent, usque ad institutionem & participationem eiusdem sacramenti. Hec dicta sint de preparationibus institutionem Eucharistiae antecedentibus.

9. Cause eiusdem institutionis deinceps explicandae sunt, ut summa Dei sapientia, qua instituit, quae magis ad nostram salutem conducere, illustretur & manifestetur. Prima causa est, ut esset nobis contra peccatum excellens quoddam & singulare remedium, ut sicut prauiacante gustu primi parentis commissum est, sic salutari manducatione corporis Domini, resarci posset, & unde mors oriebatur, inde vita resurgeret: & sicut dictum est Genes. 2. Quaecumque die comederis mortem morieris, sic de Eucharistia dicitur Ioan. 6. Qui manducauerit ex hoc pane, viuet in aeternum. Altera causa est, ut esset fidelium inter ipsos & cum Christo summa & arctissima quedam vnio, qua anima & corpus nostrum ad immortalem vitam viuificaretur, ut constabit exactius, cum de reali & substantiali Christi praesentia in hoc sacramento egerimus, confirmantes eam ex huiusmodi vnione: modò satis sit ad hanc reserpsuandam ad-

Cause institutionis Eucharistiae.

Innocent. III. lib. 4. de mysterio altaris, ca. 44.

Tres illae causae praecipue considerentur: passionis & beneficiorum Christi representatio, praesertim quod est sacrificium: vnio fidelium arctissima cum Christo: refectio spiritualis ad vitam huiusmodi nas alacriter perferendas.

Exod. 16.

Num. 11. & 22

dam adnotare cū D. Cyrillo lib. 11. in Ioā. hac sola via inuentū esse modum, quo qui māducat Christū, uiuat propter eum, quomodo ipse Christus uiuit propter Patrem: cuius vnionis signū est, quod Eucharistia ex omnibus sacramentis sola intra viscera reconditur, cætera sacramenta exterius ad ministrātur. Tertia causa, est cōmendatio diuinę charitatis, quæ dicitur nimia, hoc est, excellens, quia sic dilexit mūdum, ut filium suum vnigenitū daret, non solum in mortē, sed etiā, quod est Chrysostomo mirabilius, in cibum. Sic enim inquit, homil. 24. 1. Cor. Iob ut seruorum amorem in se ostēderet, dicebat, eos nimia in se dilectio ne dixisse, quis det de carnibus eius, ut saturemur? quod Christus fecit, non se tantū videri permittens, sed & tangi, sed & dentes carni suę infigi, & desiderio sui omnes impleri. De eadem incredibili dilectione, qua Christus suos pascēs carne & sanguine suo, omnibus parentibus & pastoribus antecellit, suauissime differit Chrys. hom. 55. & 60. ad popul. Antioch. & hom. 45. in Ioan. ob eandē causam vocatur ab Aug. Eucharistia sacramentū pacis & charitatis, tract. 26. in Ioan.

10 Quarta causa est, ut sit pignus perma- nens, & memoriale omnis amoris diuini, & omnium mysteriorū, quę Christus in carne perfecit, ut verē dicatur, quod fecit Dñs hanc escā, memoriā mirabiliū suorum, ut dū abest in propria specie, eo frui possim⁹: quod innuit Chrysost. cū eam comparat pallio Helix, hom. 2. ad popul. Antioch. & Euseb. Emil. hom. 5. in Pascha. Quinta causa est, ut habeat Ecclesia catholica Dei permanens aliquod miraculū & quotidianū, in quo omnia nostrę religionis dogmata perspicimus, & cōtra hæreticos defendamus. Sic Chrysost. hom. 83. in Matth. eui- cendā esse, inquit, hæresim Manichæorū, Valentinianorū, & Marcionitarū, qui omnes siue verā mortē, siue verā carnem, siue reliquā vitę dispēsationē negent, hoc sacra- mento refutantur. Negantes etiā carnis resurrectionē, Irene⁹ lib. 4. c. 35. ex hoc sacra- mento redarguit, dicens, aut sententiā mu- tent, aut abstineāt ab Eucharistia. Et Igna- tius citatus à Theodoro to ep. ad Smyrnen- ses Dialog. 3. quoniā cōmunicat nobis vim resurgendi ad vitam immortalem Cyril- lus etiā ex veritate Eucharistię & reali etiā conjunctione Christi per eā sumptā à no-

bis, refellit Arrianos lib. 11. in Ioan. Sexta causa est, ut sit in hoc sacramēto mysteriū ad probationem fidei nostrę, non infideli- bus, qui ex visibilibus miraculis ad inuisibi- liū fidem perducuntur, sed fidelibus, qui per hoc sacramentū continuō in merito fidei de sua religione exerceantur; cū ha- beant sibi quotidie propositā in altari Eu- charistiā, circa quam sensus & ratio certāt contra obedientiā, quā fidei & verbo Dei debemus, cum non sit aliud miraculū huic simile nisi in ipso Christo per incarnatio- nē: hæc enim sensu nunquā percipi potuit, sicuti neque Christus in sacra Eucharistia, ut eleganter prosequitur Algerus, lib. 2. cō- tra Berēgar. c. 3. ut quod dictum est à Dño de seipso propter incarnationē: beatus est, qui non fuerit scandalizatus in me, idē ve- rē dici possit de hoc sacramento. Septima causa, est humilitatis cōmendatio, quę ma- ximē fuit accōmodata ad medendum no- strę superbię. Hęc enim humilitas ipsa in- carnatione & crucifixione commendatur: sed illa fuit profundissima, quando creatu- rarum speciebus inseparabiliter se coniu- nit, nō dedignatus se comedi & deglutiri: de cuius rei consideratione eleganter dif- ferit D. Aug. Conc. 1. in Psal. 33. nōs autem ex hoc discamus humilitatē, dum ad has infimas panis & vini species latentem diui- nitatem adorare tenemur. quia enim ratio- ne superbia sanari potuit, si hac filij Dei hu- militate sanari non potest? Hęc de causis institutionis.

11 Nunc de ipsa Eucharistię institutione dicēdum est. est autē institutio nihil aliud, quā materię certę designatę, & conceptę verborum formę, vim tribuere sanctificā- di per signum sensibile & vsum eiusdem. omnia verō sacramenta à Christo imme- diate fuisse instituta, in doctrina de sacra- mētis in genere ostendimus, & definitum est in Conc. Trid. sess. 7. can. 1. de sacramen- tis in genere: sed Eucharistiam à Dño in- stitutā, cum euangelia apertissimē testētur Matth. 26. Mar. 14. Luc. 22. & Paulus, 1. Cor. 10. admonens se ita accepisse à Dño, nullus est, qui dissentiat: præsertim cū ab- rogatio veteris testamenti, & noui consti- tutio, quæ in hoc sacramento facta est, pro- pria sit Christi autoris noui testamenti & sanguine suo conditoris, quia lex per Moy- sen, gratia & veritas per I E S V M Christum facta est. Ex præcedenti etiā institutionis sa-

*Institutio Eu-
charistię. 3. p.
q. 73. 44. 5.*

*De tempore hu-
ius institutio-
nis infra in dis-
putatione de
pane azymo.*

Comment.in D.Tho.tert.part.

cramentorū definitione, apertè confirmatur, quia materiā Christus præscripsit panē & vinū, formam designauit, cū eadē confecrauit subiectā materiā: vis sanctificādi expressa est Ioan.6.illis verbis: *Qui māducat hunc panē, uiuet in æternū: autoritas autē & potestas data est Ecclesię ad cōficiendū hoc sacramentū, illis verbis, [hoc facite.]* nullo igitur modo dubitari potest Christū fuisse autorē & institutorē huius sacramenti. Res autē gesta colligitur ex eisdē Euāg. Paulo & sacro canone: ab his omnibus narratur, Christū Dñm accepisse gratias agēs panē, benedixisse, fregisse, dedisse, illis verbis prolatis, [hoc est corpus meū:] & ita dedisse similiter vinum, præcedēte illa benedictione, & prolatis illis verbis similiter: hic est calix sanguinis mei, hoc factū præcepto Apostolis præsentibus cōmendasse, etiā scriptū est ab eisdem, cū dixit: [Hoc facite in meam cōmemorationē] atq; panē hoc modo & præcepto, similiter & vinum, ad perpetuā huius sacramēti cōfectionē dedicauisse, vt ab omnib⁹ Patribus deinceps in Ecclesia catholica semper explicatum est, & repetitum à Conc. Tridēt. Sess.13.c.2. legendus est Iræneus lib.4.c.32. & Cyprianus lib.2.epist.3.

*Institutionem
huius sacramē-
ti & circumstātia:*

12 Circumstantię etiā huius institutionis, quia valdē exprimunt huius sacramenti dignitatē, cōsiderādę à nobis sunt. Primo igitur cōsiderabis animum & intimū affectū Christi, quo parturiēs illud, quod prophetarū & figurarū antecedentiū oraculis prænuntiabatur, tantopere gestiret ad veteris testamēti impletionē, & noui designationē, hoc sacramentū & sacrificium instituire. Hunc affectū illa verba exprimūt Luc. 22. Desiderio desiderauī hoc Pascha manducare vobiscū, antequā patiar. Neq; enim tā vehementer cōcupiuit carnem agni legalis, vt obseruauit Tertul. lib.2. cōtra Marcionem, quā suū Pascha, expleto priori, cōsummāre. Propterea agni Paschalis tā accuratē fit mentio ab Euāgelistis, quoniā illius impletionē secuta est noui sacrificij & fœderis institutio. Magnū igitur & excellens beneficiū esse oportuit in hoc sacramēto, cuius institutionem Christus tātopere expetiuerat. Secundò, cōsiderabis etiā quem affectum gesserit Christus erga suos in eadem institutione: hunc enim significauit Ioānes, c.13. dicens: Sciens I E S V S, quia venit hora eius, vt trāseat de hoc mundo ad

Patrem, cum dilexisset suos, qui erāt in mūdo, in finem dilexit eos, &c. Significās proculdubio, vt inquit Conc. Trid. Sess. 13. c. 2. in hoc sacramento effudisse Dñm diuitias diuini sui erga homines amoris, memoriā faciens mirabilium suorum. Tertiò, ad magnitudinem rei efficiēde exprimendā, suā auctoritatem & potestatem demōstrat. Sic enim scriptum est eod. c.13. Sciens quod omnia dedit ei Pater in manus, & quia à Deo exiuit, & ad Deum vadit. Similiter declarauit suā potestatem instituturus, vel promulgaturus baptismum, Matth. vlt. his verbis: Data est mihi omnis potestas in cælo & in terra. & in institutione sacramenti poenitentię, docet se à Patre missum esse, & eius rei facultatē accepisse, Ioā. 20. his verbis: Sicut misit me Pater, & ego mitto vos: & cum hoc dixisset, insufflauit, & dicit eis: Accipite Spiritum sanctum, quorum remiseritis peccata, remittuntur eis, &c. Quartò ad præstantiā sacramenti instituti, pertinet cēremoniæ plures & insolitæ adhibitæ in ipso opere, suspexit in cælum, singulares Patri gratias egit, lauit pedes discipulorū, quibus docuit humilitatem, charitatem, mundiciem futuro sacramento, quod meditabatur, accommodatam.

13 Quintò, vim & dignitatem sacramēti declarat diuina illa oratio, quā habuit Dñs Ioan. 13. & sequētibus capitibus, aut in ipsa cœna, aut certè perfecta cœna, ex occasione inchoati noui testamenti in sacramenti huius institutione. ad hoc pertinent illa: Nunc cognouerunt, quia omnia, quæ dedit mihi, dedi eis, & ipsi acceperunt: & nunc clarificatus est filius hominis: & Pater venit hora, clarifica filium tuum: & ego pro ipsis sanctifico meipsum. Sanctificari enim dicuntur ea, quæ offeruntur, & ideo hæc sanctificatio ad oblationē cœnæ pertinet. Ex quibus cōstat, quā sit hoc intimū Christianę religionis mysterium, cū, eo cœpto, totus iā erat Christus in ipsa mortis meditatione, licet ante mortem, & in ipso prius dedicauit nouū testamentum in sanguine suo, quā sanguis ipse funderetur: & idcirco iam cōmemorat de regno, iam dicit se non esse de hoc mūdo, & iam ferè omnia cōsummāre. Sextò, ipsum tempus reddit sacramentum institutum illustrius. Tempus enim erat vltimum vitæ Christi, vt esset instar testamēti, vltimum ferè ex suis operibus, quo tenacius mentibus fidelium infi-

geretur

geretur, & vehementius commendaretur mysterij altitudo, inquit D. August. epist. ad Ianuarium. Si vero tempus anni & festiuitatis expectes, erat prima dies azymorum feria quinta, decima quarta luna, ad vesperam, vt actio sacra & noua omnino immolationi & mädicationi agni Paschalis responderet. quod si spectes opportunitatem rei gerendæ, videbis hoc insigne opus peregrisse Dominum, post inchoatâ passionem, quasi in tertio ordine eorum, quæ facta notantur circa mortem Christi. passio enim Christi quibusdam veluti gradibus peracta est. in primo fuit traditio, in secundo venditio, in tertio sacramenti institutio & dispensatio, vt inquit D. Tho. 3. p. q. 85. art. 5. ad 3. hanc opportunitatem tēporis significauit Dominus, Matth. 26. illis verbis, tempus meum propē est, apud te facio pascha.

14. Septimò, ad locum sacramenti instituti pertinet electa ciuitas Hierosolymorum; vnde Dominus ite in ciuitatē, Matt. 26. domus & hospes, hunc enim fidelem esse oportuit, & taciturnum, & fortassis nō ignarum diuini consilij, vt videntur illa verba innuere, quibus per discipulos eum Dominus admonet, tempus suum propē esse. Nisi fortē dicamus, in hunc hominem & domum eius vsum Dominū sua potestate, vt inclinaret eius animum ad faciendam, quæ Dominus vellet; quemadmodum paulò ante fuerat vsum in abducendo afino ad Dominicum vsum, Matt. 21. ciuitas princeps, in qua templum, & sacrificia, nouo sacrificio instituendo fuit valdē accommodata: in domo etiam fuit cenaculum grande, stratum Luc. 22. ad secretam illam institutionem, mysteria, & sermonem habitum valde congruentia, vt latissimē explicat Origen. hom. 35. in Matth. Octauo & ultimo, mysterij magnitudinem declarāt adhibiti testes, Apostoli rātum, neque mater ipsa aut alij fideles admissi, quia suprema noui cultus instituendi administratio & dispensatio, ad eos tantum deinceps pertinere debebat. an verò Iudas mysteriorum institutioni presens fuerit, in doctrina

de vfu sacramenti per Christum, commodius disseremus.

QVÆSTIO LXXIIII.
De materia Eucharistiæ quantum ad speciem, in octo articulos diuisa.

DEinde considerandum est de materia huius sacramenti. Et primò, de specie materiæ: secundò, de conuersione panis & vini in corpus Christi: tertio de modò existendi corpus Christi in hoc sacramento: quartò, de accidentibus panis & vini, quæ in hoc sacramento remanēt.

¶ Circa primum quærentur octo. Primò, vtrum panis & vinum sint materia huius sacramenti.

Secundò, vtrum ad materiā huius sacramenti, requiratur determinata quātitas.

Tertio, vtrum materia huius sacramenti sit panis triticeus.

Quartò, vtrum sit panis azymus, vel fermentatus.

Quintò, vtrum materia huius sacramenti sit vinum de vite.

Sextò, vtrum sit admiscenda aqua.

Septimò, vtrum aqua sit de necessitate huius sacramenti.

Octauò, de quantitate aquæ, quæ apponitur.

ARTICVLVS I.

Vtrum materia huius sacramenti sit panis & vinum.

AD primū sic proceditur. Videtur, quod materia huius sacramenti non sit panis & vinū. Hoc enim sacramentū perfectius debet repræsentare passionem Christi, quàm sacramēta veteris legis. Sed carnes animalium, quæ erant materiæ sacramentorum veteris legis, expressius repræsentant passionē Christi, quàm panis & vinum. Ergo materia huius sacramenti magis debet esse carnes animalium, quàm panis & vinum.

¶ 2. Præterea, Hoc Sacramentū est vbique celebrādum. Sed in mul-

4. dist. 17. q. 2.
ar. 1. q. 1. & 2.
& 4. contrā c.
61. & 62. 1.
cor. 11. le. 5. co.
2. & 3.

D.Tho.tert.part.

tis terris non inuenitur panis triticeus, & in aliquibus non inuenitur vinum: ergo panis & vinum nō sunt cōueniēs materia huius sacramēti.

¶ 3. Præterea, Hoc sacramentū competit sanis & infirmis. Sed vinum nocet quibusdam infirmis. Ergo videtur, quod vinum nō debeat esse materia huius sacramenti.

SED CONTRA est, quod Alex. † Papa dicit, In sacramentorū oblationibus panis tantum & vinum aqua permixtum, in sacrificium offerantur.

RESPONDEO dicendum, quod circa materiam huius sacramenti aliqui multipliciter errauerunt. Quidam enim, qui dicuntur Arto-tyritæ (vt August. dicit in lib. de hæresibus) offerunt panem & caseū in hoc sacramento, dicentes à primis hominibus oblationes de fructibus terræ & ouium fuisse celebratas. Alij verò, scilicet Cataphrygæ, & Pepuziani, de infantis sanguine, quem de toto eius corpore minutis punctiōum vulneribus extorquent, quasi Eucharistiam suā conficere perhibentur, miscentes eum farinæ, panemque inde facientes. Quidā verò, qui dicuntur, Aquarij, aquam solam sub specie sobrietatis in hoc sacramento offerunt. Omnes autem hi errores, & similes excluduntur, per hoc quod Christus hoc sacramentum sub specie panis & vini instituit, vt patet Matt. 26. Vnde panis & vinum sunt materia conueniēs huiusmodi sacramēti. Et hoc rationabiliter. Primò quidem, quantum ad vsum huius sacramenti, qui est māducatio. Sicut enim aqua assumitur in sacramento baptismi ad vsum spiritualis ablutionis, quia corporalis ablutio

communiter fit in aqua, ita panis & vinum, quibus cōmunius homines reficiuntur, assumuntur in hoc sacramento ad vsum spiritualis manducationis. Secundò, quantum ad passionem Christi, in qua sanguis est à corpore separatus. Et ideo in hoc sacramēto, quod est memoria le Dominicæ passionis, seorsum sumitur panis vt sacramentum corporis, & vinum vt sacramentū sanguinis. Tertio, quantum ad effectū consideratum in vnoquoque summentium, quia vt Ambr. † dicit super Epist. ad Cor. hoc sacramentū valet ad tuitionem animæ & corporis. Et ideo corpus Christi sub specie panis pro salute corporis, sanguis verò sub specie vini pro salute animæ offertur, sicut dicitur Leui. 17. quod anima carnis in sanguine est. Quartò, quantum ad effectum respectu totius Ecclesiæ, quæ constituitur ex diuersis fidelibus, sicut panis conficitur ex diuersis granis, & vinum fluit ex diuersis vuis, vt dicit † glo. super illud 1. Cor. 10. Multi vnum corpus sumus, & c.

AD PRIMVM ergo dicendum, quod licet carnes animalium occisorū expressius representent Christi passionem: tamen minus competunt ad communem vsum huius sacramenti, & ad Ecclesiasticam vnitatem significandam.

AD SECVNDVM dicendum, quod licet non in omnibus terris nascatur triticum vel vinum: tamē de facili ad omnes terras deferri potest, quantum sufficit ad vsum huius sacramenti. Nec propter defectum alterius est vnum tantum sine altero consecrandum, quia non esset perfectum sacramentum.

AD TERTIVM dicendum, quod vi-

Alex. I. in ep.
ad omnes orth.
à med. Illius,
fo. 1. Cont.

Lib. de hæres.
2. 28. tom. 6.

1. ad Cor. II. In
per illud hoc po-
culum nouum
testamentū est
tom. 5.

Id habet Beda
in hunc locum
ex Aug. ex ser-
mo. 2. Pasche,
tom. 3.

vinum in modica quantitate sumptum, non potest multum ægrotanti nocere. Et tamen si nocumentum timeatur, non est necesse quod omnes accipientes corpus Christi etiã accipiant sanguinem, vt infra dicitur.†

2. 30. art. 12.

ARTICVLVS II.

Vtrum requiratur determinata quantitas panis & vini ad materiam huius sacramenti.

4. di. 1. q. 2. ar. 1. q. 3.

AD secundum sic proceditur. Videtur quod requiratur determinata quantitas panis & vini ad materiam huius sacramenti. Effectus enim gratiæ non sunt minus ordinati, quã effectus naturæ. Sed sicut dicitur* in secundo de anima, omnium natura constantium, positus est terminus & ratio magnitudinis & augmenti. Ergo multo magis in hoc sacramento (quod dicitur Eucharistia, id est, bona gratia) requiritur determinata quantitas panis & vini.

Lib. 2. de anima. text. 4. 1. 10. 2.

¶ 2. Præterea, Ministris Ecclesiæ non est à Christo data potestas ad ea, quæ pertinent ad irrisionem fidei & sacramentorum eius, secundum illud 2. Corint. 10. Secundum potestatem quã dedit nobis Deus in ædificationem, & non in destructionem. Sed hoc esset ad irrisionem sacramenti, si sacerdos vellet consecrare totum panem, qui venditur in foro, & totum vinum, quod est in cellario. Ergo hoc facere non potest.

¶ 3. Præterea, Si aliquis baptizetur in mari, non tota aqua maris sanctificatur per formam baptismi: sed solum aqua illa, qua corpus baptizati abluitur. Ergo nec in hoc sacramento superflua quantitas panis, & vini consecrari potest.

Sed contra est, quod mul-

tum opponitur paucis, & magnum paruo. Sed nulla est ita parua quantitas panis aut vini, quæ non possit consecrari. Ergo etiam nulla est ita magna, quæ consecrari non possit.

RESPONDEO dicendum, quod quidam dixerunt quod sacerdos non posset consecrare immensam quantitatem panis aut vini, puta totum panem, qui venditur in foro, aut totum vinum, quod est in dolio. Sed hoc non videtur esse verum, quia in omnibus habentibus materiam, ratio determinationis materiæ sumitur ex ordine ad finem, sicut materia ferræ est ferrum, vt sit apta sectioni. Finis autem huius sacramenti est usus fidelium. Vnde oportet quod quantitas materiæ huius sacramenti determinetur per cõparationem ad usum fidelium. Non autem potest esse quod determinetur per cõparationem ad usum fidelium, qui nunc occurrunt: alioquin sacerdos paucos parochianos habens, non posset consecrare multas hostias. Vnde relinquitur, quod materia huius sacramenti determinetur per cõparationem ad usum fidelium absolute. Numerus autem fidelium est indeterminatus. Vnde non potest dici, quod quantitas materiæ huius sacramenti sit determinata.

AD PRIMUM ergo dicendum, quod cuiuslibet rei naturalis materia accipit determinatam quantitatem secundum comparisonem ad formam determinatam. Sed numerus fidelium, ad quorum usum ordinatur hoc sacramentum non est determinatus. Vnde non est simile.

AD SECUNDUM dicendum, quod potestas ministrorum Ecclesiæ ad duo ordinatur. Primum quidem ad effectum proprium. Secundum, ad

finem effectus. secundū autem non tollit primum. Vnde si sacerdos intendat consecrare corpus Christi propter aliquem malū finem (puta ut irrideat, vel beneficia faciat) propter intentionem mali finis peccat, nihilominus tamē propter potestatem sibi datā perficit sacramentū.

AD TERTIVM dicēdum, quod baptismi sacramentum perficitur in vſu materiæ, & ideo per formā baptismi non plus de aqua sanctificatur, quam quantū venit in vſum. Sed hoc sacramentum perficitur in consecratione materiæ. Et ideo non est simile.

ARTICVLVS III.

Utrum requiratur ad materiam huius sacramenti, quod sit panis triticeus.

AD tertium sic proceditur. Videtur, quod non requiratur ad materiā huius sacramenti quod sit panis triticeus. Hoc enim sacramentum est rememoratiuum Dominicæ Passionis, sed magis videtur esse consonum Dominicæ Passionis panis ordeaceus, qui est asperior, & de quo etiam Christus pavit turbas in monte (ut dicitur Ioa. 6) quā panis triticeus. Ergo panis triticeus nō est propria materia huius sacramenti.

¶ 2. Præterea, Figura est signum speciei naturalibus rebus. Sed quedam frumenta sunt, quæ habent similem figuram grano tritici, scilicet, far, & spelta, de qua etiam in quibusdam locis panis conficitur ad vſum huius sacramenti: ergo panis triticeus non est propria materia huius sacramenti.

¶ 3. Præterea, Permixtio speciei soluit: sed vix inuenitur farina triticea, quæ alterius frumēti permixtionem non habeat, nisi for-

tē de electis granis, studiosè fiat. Non ergo videtur, quod panis triticeus sit propria materia huius sacramenti.

¶ 4. Præterea, Illud quod est corruptum, videtur esse alterius speciei. Sed aliqui conficiunt ex pane corrupto, qui iam non videtur esse panis triticeus. Ergo videtur, quod talis panis non sit propria materia huius sacramenti.

SED CONTRA est, quod in hoc sacramento continetur Christus, qui se grano frumenti comparat Ioan. 12. dicens: Nisi granum frumenti cadens in terram, mortuum fuerit, ipsum solum manet. Ergo panis frumenti, siue triticeus est materia huius sacramenti.

RESPONDEO dicēdum, quod sicut dictum est ad vſum sacramentorum assumitur talis materia, quæ communius apud homines in talē vſum venit. inter alios autem panes communius homines vtuntur pane triticeo: nam alij panes videntur esse introducti in huius panis defectum. Et ideo Christus creditur in huius panis specie hoc sacramentū instituisse: qui etiam panis magis confortat hominem, & ita convenientius significat effectum huius sacramenti. Et ideo propria materia huius sacramenti, est panis triticeus.

AD PRIMUM ergo dicendum, quod panis ordeaceus cōpetit ad significandā, tū duritiē veteris legis propter duritiē panis, tum etiā quia ut Aug. t dicit in lib. 83. Questionū, ordeum medulla, quæ tenacissima palea tegitur, vel ipsam legē significat, quæ ita data erat, ut in caviale animę alimentū corporalibus sacramētis obtegeretur, vel ipsum populum

4. di. 11. q. 2.
arti. 2. q. 1. &
di. 19. q. 1. ar.
2. q. 3. ad 1. &
4. contra c. 63
et. 1. co. 11. le.
7. in princ.

Art. 1 huius q.
& q. 66. ar. 2.

2. 61. arca prim
cipio. 60. 41

populum nondum expoliatū carnali desiderio, quod tanquam palea cordi eius inhērebat. Hoc autē sacramentum pertinet ad suauē iugū Christi, & ad veritatē iam manifestatam, & ad populū spiritualē. Vnde non esset materia conueniēs huius sacramēti, panis ordeaceus.

AD SECVNDVM dicendū, quod generans generat sibi simile in specie: fit tamen aliqua dissimilitudo generantis ad genitum quātum ad accidentia, vel propter materiam vel propter debilitatē virtutis generatiuē. Et ideo si qua frumenta sunt, quę ex semine tritici generari possunt (sicut ex grano tritici seminato in malis terris, nascitur filigo) ex tali frumento panis confectus, potest esse materia huius sacramēti. Quod tamen nō videtur habere locū neque in ordeo, neque in spelta, neque etiam in farre, quod inter omnia est grano tritici similis. Si similitudo autem figurę in talibus, magis videtur significare propinquitatem, quā identitatem speciei; sicut ex similitudine figurę manifestatur, quod canis & lupus sunt propinquę speciei, non autem eiusdem. Vnde ex talibus frumentis, quę nullo modo possunt ex semine grani generari, non potest cōfici panis, qui sit debita materia huius sacramēti.

AD TERTIVM dicendum, quod modica permixtio nō soluit speciem, quia id, quod est modicū, quodam modo absumitur a plurimo, & ideo si sit modica admixtio alterius frumēti ad multō maiore quantitatem tritici, poterit exinde cōfici panis, qui est materia huius sacramēti. Si verō sit magna permixtio (puta ex æquo vel quasi) ta-

lis permixtio speciem mutat. Vnde panis exinde confectus, non erit debita materia huius sacramēti.

AD QVARTVM dicendū, quod aliquādo est tanta corruptio panis, quod soluitur species panis, sicut cum continuitas soluitur, & sapor, & color, & alia accidentia mutantur: vnde ex tali materia non potest confici corpus Christi. Aliquando verō non est tanta corruptio, quę speciem soluat, sed est aliqua dispositio ad corruptionem, quod declarat aliqualem immutatio saporis. Et ex tali pane potest confici corpus Christi: sed peccat conficiens propter irreuerentiam sacramēti.




Et quia amidum est ex tritico corrupto, non videtur quod panis ex eo confectus, possit fieri corpus Christi; quamuis quidam contrarium dicant.

ARTICVLVS IIII.

Vtrum hoc sacramentum debeat cōfici ex pane azymo.

AD QVARTVM sic proceditur. Videtur, quod hoc sacramentum nō debeat cōfici ex pane azymo. Debemus enim in hoc sacramento imitari institutionem Christi. Sed Christus videtur hoc sacramētum instituisse in pane fermentato, quia sicut legitur Exod. 12. Iudæi secundum legem incipiebāt vtī azymis in die Paschæ (quod celebratur decima quarta luna) Christus autem instituit hoc sacramentum in cœna, quam celebrauit ante diem festum Paschæ, vt habetur Ioan. 13. Ergo & nos debemus hoc sacramentum celebrare in pane fermentato.

¶ 2. Præterea, Legalia non sunt obser-

4. dist. 11. q. 2.
ar. 2. q. 3. 
4. c. 6. 68. 
ophs. 1. ca. 61.
 Ioan. 6. col. 2.

D. Tho. tert. part.

obseruāda tēpore gratiē. Sed vti a-
zymis, fuit quēdā legalis cæremoni-
a, vt patet Exod. 12. Ergo in hoc
sacramento gratiē, non debemus
azymis vti.

Quest. 73. ar. 3.
ad 3.

Glo. interlinea
res ibi.

¶ 3. Præterea, Sicut supradictū est
† Eucharistia est sacramentū chari-
tatis, sicut baptismus fidei: vt supra
dictū est. Sed feruor charitatis, sig-
nificat per fermentū vt pater in glo.
† Super illud Matt. 13. Simile est re-
gnū cēlorum fermento, &c. Ergo
hoc sacramentum debet cōfici de
pane fermentato.

¶ 4. Præterea, Azymū & fermē-
tatum sunt accidentia panis, nō va-
riatā ei⁹ speciē. Sed in materia ba-
ptismi nulla discretio adhibetur
circa differentiā accidentiū aquæ,
puta si sit salsa vel dulcis, calida vel
frigida. Ergo in hoc sacramēto ali-
qua discretio adhiberi non debet,
vtrū panis sit azym⁹ vel fermentatus

In decret. lib. 3.
tit. 41. c. literas
est ultimū
illius tituli.

SED CONTRA est, quod extra
de celebratione † missarū, c. literas
punitur sacerdos, qui in pane fer-
mentato & scypho ligneo missarū
solennia celebrare præsumpsit.

An. præc.

RESPONDEO dicēdum, quod
circa materiā huius sacramēti duo
possunt cōsiderari, scilicet quid sit
necessariū, & quid conueniens. Ne-
cessariū quidē est, vt sit panis triti-
ceus (sicut dictū est*) sine quo non
perficitur sacramentū. Nō est au-
tē de necessitate sacramenti, quod
sit azymus vel fermentatus, quia in
vnoquoq; cōfici potest. Conueniēs
autē est. vt vnusquisq; seruet ritum
suę Ecclesię in sacramēti celebra-
tione. Super hoc autē sunt diuersę
Ecclesiarum consuetudines. Dicit
enim beatus Greg. in registro: Ro-
mana Ecclesia offert azymos pa-
nes, propterea quod Dñs sine vlla

cōmixtione suscepit carnē, sed Gre-
cę Ecclesię offerūt fermentatū, pro
eo quod verbum Patris indutū est
carne, sicut fermentū miscetur fari-
nē. Vnde sicut peccat presbyter in
Ecclesia Latinorū, celebrās de pa-
ne fermentato, ita peccaret presby-
ter Gręcus in Ecclesia Gręcorū ce-
lebrans de pane azymo, quasi per-
uertēs Ecclesię suę ritū. Et tamen
cōsuetudo de pane azymo celebrā-
di, rationabilior est. Primò quidē
propter institutionem Christi, qui
hoc sacramētū instituit prima die
azymorū (vt habetur Matth. 26. &
Mar. 14. & Luc. 22.) qua die nihil
fermentatū in domibus Iudeorum
esse debebat, vt habetur Exo. 12. Se-
cundò, quia panis est propriē sacra-
mentū corporis Christi (quod sine
corruptione conceptū est) magis
quā diuinitatis ipsius, vt infrā pate-
bit.* Terriò, quia hoc magis cōpe-
rit synceritati fideiū, quę requiri-
tur ad vsum huius sacramēti, secū-
dū illud, 1. Cor. 5. Pascha nostrum
immolatus est Christus, itaq; epu-
lemur in azymis synceritatis & ve-
ritatis. Habet tamen hęc consuetu-
do Gręcorū aliquā rationē, & pro-
pter significationē quā tāgit Gręg.
† & in detestationē heresis Nazareo-
rū, qui legalia Euāgelio miscebāt.

Q. 76. ar. 11

Loco citato ip-
somet ar.

AD PRIMVM ergo dicendum,
qđ sicut legitur Exo. 12. solēnitas
Paschalis incipiebat in vespers
quartædecimæ lunæ, & tunc Chri-
stus post immolationē agni Pascha-
lis hoc sacramentū instituit. Vnde
hęc dies à Ioāne dicitur præcede-
re diē Paschę, & à tribus aliis Euā-
gelistis dicitur prima dies azymo-
rū, quando fermentatū in domibus
Iudeorum non inueniebatur, vt di-
ctū est.* Et de hoc suprā notatum

In cor. ar.

est ple-

246. ar. 2. ad
arg.

est plenius in tractatu Dominicæ
Passionis.

AD SECVNDVM dicendū, quod
cōficientes ex azymo, non intēdūt
cæremonias legis seruare, se cōfor
mare se institutiōi Christi. Et ideo
non iudaizant alioquin & celebrā
tes in pane fermentato, iudaizarēt,
quia Iudei panes primitiarū, ferme
tatos offerebant.

AD TERTIVM dicēdum, quod
fermentum significat charitatem
propter aliquem effectum, quia sci
licet panem facit sapidiore & ma
iorem. sed corruptionē significat
ex ipsa ratione speciei.

AD QVARTVM dicendū, quod
quia fermentum habet aliquid cor
ruptionis, & ex pane corrupto non
potest confici hoc sacramentū (vt
dictum est) ideo magis attēditur
circa panem differentia azymi &
fermentati, quā circa aquā baptis
mi, differentia calidi & frigidi. Pos
set enim tanta esset corruptio fer
menti, quod ex eo non posset confici
sacramentum.

Sententiæ & conclusiones quæst.

Prima conclusio: Panis & vinū
est accommodata materia huius sa
cramenti. Primò, quia cū in his sit præci
pua corporis refectio, significant animæ
spiritualem refectiōem. Secundò, quia
cum ex multis granis coniunctis efficiū
tur, aptè significant vnionē fidelium in
ter se & cum Christo, quæ est huius sa
cramenti effectus.

Secunda conclusio: Panis ad neces
sitate sacramenti sit triticeus, & quacū
que quantitate, modò retineat naturam pa
nis, azymū autem aut fermentatū esse, ad
eandē necessitatem nihil refert, cū vter
que sit panis. Seruet tamen sacerdos ritū
sue Ecclesiæ, Græcus cōsecrandi in fer
mentato, Latinus in azymo.

COMMENTARIVS.

EX hac institutione colligitur mate
ria, forma & minister huius sacra
menti, de quibus deinceps dicendū est. Pri
mū autē de materia, deinde de forma, effe
ctibus illius & adiunctis, tandē de ministro.
materia constat ex institutione Dñi, Cōci
liorū decretis, Patribus, vsu & praxi Ecele
siæ, esse panē & vinum: quia Dñs sumptū
panē, benedixit & consecrauit, dicens: hoc
est corpus meū: similiter & calicē vini. Cō
ciliorū decreta plurimā deinceps refere
mus contra hæreticos peruenientes mate
riā huius sacramēti, in quibus conciliis san
citū est, in altari tantū esse offerēda Dño pa
nē & vinū, vt ex his mutatis in corpus & san
guinē Dñi, fiat verū & perfectū nostrū sa
crificium & sacramentū, ipse Christus sub
specie panis & vini. vnde ex hac materia
vocatū diximus hoc sacramentū principio
huius doctrine de Eucharistia, sacramentū
panis & vini aut calicis. in Actis etiā Apo
stolorum sæpē dicitur fractio panis, & ab
aliis benedictio calicis. Est autē accommo
data & conueniens materia huic sacramē
to: tum ratione significationis, quæ est pri
ma in sacramētis, tum ratione vsus & effe
ctus proprii, quem significat atq; efficit. Si
gnificat enim hoc sacramentum animæ ro
bur, recreationē & refectiōem: panis autē
cor hominis confirmat, vinum spiritum vi
tæ recreat, Psal. 103. Hec autē duo panis &
vinū, integrā per se refectiōem continēt,
naturę humanę valdē accōmodatā, qua so
la sine cæteris sufficiēter & salubritēr viuī
tur: sine ipsa autē reliqua omnia solidā refe
ctiōem non efficiunt, & ideo hec panis &
vini refectio, ad omnē partem vitæ latissi
mē patet. Vnde recte inquit Irenæus lib. 4.
c. 32. quod sunt primitiæ ex creaturis Dei.
Sūt valde mūdę & tractābiles ad ritū noui
testamēti, & cōmodiores rerū species, quā
carnes animalīū occisorū, quę sine summa
sorditie tractari nō possunt. Significat etiā
valde accōmodatē vnitatē ecclesiasticā,
quā efficit hoc sacramentū, quatenus sūt
panis & vinum ex granorum & vuarū con
iunctione: vnde D. Aug. tract. 26. in Iohā.
inquit, Dñm cōmendasse corpus & sangui
nē suum, in his rebus, quę ad vnū redigun
tur. Præterea, congruēter passionē Dñi si
gnificant, cuius memoriale est hoc sacra
mentū, quatenus sub specie vini cōtinetur
in proprio signo sanguis, vt representetur
effusus

Materia huius
sacramenti est
panis & vinū.

Ar. 3. huius q.
ad 4. arg.

Comment. in D. Tho. 3. part.

effusus ex corpore, sicut in passione effusus est, & sub specie panis corpus seorsum: quamuis ratione cōcomitantia, vt postea ostendetur, totus Christus sub quauis specie integer contineatur: quare in vtraque materia, & post consecrationem in specie vtriusq; imago Christi morientis in cruce nobis obiiicitur. Representatur denique eiusdē, effectus huius sacramēti, in corpore, repressa eius cōcupiscētia, & in anima infusa gratia, quia species panis salutē corporis, species vini salutē animę significat, quatenus anima carnis in sanguine est, vt dicitur Leuit. 17. & species vini post consecrationē sanguinē Christi continet, vt quauis totius sumptionis huius sacramenti, vnus sit perse effectus, is tamen diuersis speciebus distinctē representetur.

2 Sed quoniā multa sunt genera panis & vini, & vinū purum aut aqua dilutū potest intelligi, distinguenda est eadē materia panis & vini, vt intelligatur, quæ sit requirenda ex necessitate sacramēti, & Christi institutione, & quæ ex necessitate præcepti ecclesiastici, sine priori sacramentū non conficitur, sine posteriori sine peccato nō conficitur, sed conficitur tamen verū sacramentum. De priori est hæc sententia, panis triticeus & vinū vitis est materia Eucharistiæ. credidit enim semper Ecclesia in huiusmodi pane & vino Christum cōsecrasse, in huius sacramenti institutione nec in solēnitate Paschali aliū panē appositū fuisse credere quis prudenter potest: & vinū vitis expressit Euangelista appellās genimē vitis, atq; etiā panis appellatio, in vulgari & populari sermone, vnde verborū vsus sumendus est, triticeo tantū attribuitur. Vnde veteres Theologi simpliciter & indistinctē affirmant materiā huius sacramenti panē & vinū, vt constat ex Cypriano lib. 2. ep. 3. Damasc. lib. 4. c. 14. & alijs. & vinū quodcūque, modō sit vitis, vt dixit Euangelista, & panē similiter ex quouis tritico, quauis sint eius diuersę species, quia panis & vinū simpliciter dicūtur ex tritico & vite, cuiuscūq; speciei sint. Scholastici Theologi pro suo more & instituto, exactius de his disputantes, subtilius ista distinguūt, nos ea in quibus consentiūt proponemus primū, deinde de eorū cōtrouerhijs cōmodius diiudicabim⁹.

3 Omnes igitur primō consentiunt, in eo quod nō sit propriē panis, sacramentū non cōfici, vt in farina, similia, massa incocta, aut

elixa, aut si farina, ex qua panis fit, fuerit, aliquo alio humore, quā elementalī aqua temperata, vt lacte, vino, aqua rosacea, aliove succo herbarū, vel saltem si in panis confectione, maior sit istorum, quā in aquæ, aut æqualis, vel prope æqualis copia: idē dicendū est de permissione aliarum rerū cū tritici farina: sic enim vulgaris panis species mutatur, & ex cōsequenti ad consecrationē inepta redditur. idē asserere oportet, si id adhibeatur, quod mucore aut vetustate planē corruptū esse constet, aut villo modo perspicuū sit, non esse aut nunquā fuisse panem. Neque est opus hic subtilius disputare, an massa farinæ sit eiusdē vel alterius speciei à pane, & an cōcoctio ab igne sit tantū accidens panī, non immutans aut conficiens naturā rei. Satis enim nobis esse debet, quod Christus vulgarem panem accepit humanę conditioni, arte & igne præparatū. Secundō, consentiūt omnes, panē ex leguminibus cōfectum, si is panis dicendus est, nō esse materiā huius sacramenti, quia neq; propriē sit panis, vt ex fabis, pis, cicere, lēte, siliquis, & similibus, nedū ex radicibus herbarū aut fructibus arborū, vt amigdalīs, castaneis, nucibus & huiusmodi. Ac proinde neq; in amylo, quod à quibusdā corrupto & populari vocabulo, amydu dicitur, consecrari potest: quoniā ad illud conficiendū, non cōminuitur mola triticū, vnde nomē habet, sed arte & vehemēti in aqua maceratione, soluitur tritici substātia in lactēū quendam cremorem, vnde fiunt cibi delicatissimi. De amyli præparatione Dios. lib. 2. c. 94. Gal. lib. 1. de alimē. facult. c. 8. vnde si ex farina amyli exiccati panis fiat, nō cōsebitur materiā huius sacramēti, quia non est ex tritico, sed ex corrupto prius in amyllum.

4 Tertiō cōsentiunt omnes à materiā huius sacramēti prorsus excludi hordeū, auenā, milium, quia ex his, panis humanus, qui simpliciter & propriē panis dicatur, nō fit. Sed in eo dissentiunt Theologi scholastici, an ex genere, quo cōtinetur triticū, vel potius ex speciebus tantū tritici, panis materiā huius sacramēti, diiudicari debeat. quidā satis esse putant panē ex frumento confectum, frumentū autem esse, quod ex se emittit aristas, vt speltam, siliginem: sed quia Concilium Florentinum, in doctrina de sacramentis, praxis & vsus Ecclesiæ, panem triticeum tantum assumit ad consecratio-

Dissentio eorū dem.

Alb. 4. d. 121 ar. 7. Gab. 9. 2 ex frumento. Durā. D. Th. 4 in tritico.

3. p. 9. 74. ar. 2. & 3. aliqui 3.

Panis triticeus

Consensio Theologorum.

crationem, hanc sententiam necessario sequi oportet, & hic panis propriè & vulgari sermone dicitur, quo Euageliâ de his reb⁹ loquuntur. Sed quæ sint species tritici ex ratione naturali, & proprio vsu hominû, colligendum est. Quare obseruandum est fruges à phycis de natura stirpium differantibus diuidi in legumina & frumenta. frumeti species sunt, far adorea, triticum, siligo, quia frumentum dictum Grecis sitos, est quicquid ex se emittit spicâ & aristas, quibus carent legumina, filiginem veteres vocant delicias tritici, & ad eas species frumenti referunt, hordeum, Zeam, tipham, vt constat ex Plinio, lib. 18. cap. 7. & 8. & ex Theoph. lib. 8. de hist. plant. c. 4. Ruelio lib. 1. de plâtis, c. 20. & lib. 2. c. 13. refert autem idem autor eod. c. 20. triticum post tertiam sationem, in solo vliginoso, verti in filiginem. quod solû D. Tho. 3. p. q. 74. ar. 3. ad 2. vocat malas terras. Vnde ad iudicandum, quæ nam sit eadem species tritici, nõ est necessaria probatio, quod generetur ex alio tritico, nisi cetera adsint ad generationem similis in eadẽ specie. vt enim constat, ex animalibus generari aliquando specie dissimilia, & monstra: sic sæpè contingit in frugibus & seminibus earum. tiphe semen si pistum seratur in triticum vertitur, triticum sæpè in lolium degenerat ex Theoph. lib. 4. de causis plantarum c. 6. Ruel. lib. 1. de plant. c. 15. non mutata vero specie, argumenta necessaria sunt, effecta propria panis de quibus Gal. lib. 1. de aliment. facult. c. 8. Ruel. lib. 2. de plant. cap. 14.

Desilagine, far
re, spelta.

5 Vnde imperite quidẽ dicunt, filiginem esse quæ Hispani à multiplicatione seminis cetero vocare videntur, hic enim potius est corruptio tritici, vt effecta docet, quæ delicias tritici, quod veteres omnes de filigine affirmant, & à nobis ex cãdore dicitur triticum Candial. ex eo autem videntur decepti quod apud Galecos triticum vitio soli, vertitur in centenum, quasi hæc esset generatio similis in eadẽ specie, & nõ potius corruptio, quæ in his seminibus plerumque accidit vt prius obseruauimus. Est etiã dubitatio de farre & spelta, an sint species tritici. certe far adorea idẽ videtur esse quod siligo, quæ Astures scanda vocant, diuersam ab scãdia, quæ saginatur equi in Bethica. Spelta nũc vocari ab Italis, quæ olim dicta sit Zea affirmat Ruelius lib. 2. de plâtis c. 19. & Plinius olim absolutè vocatã semen lib.

Far aliquando
est semen. ali-
quando arte pa-
ratur vt halica
Pisana, Ruel.
lib. 2. c. 17. Ma-
thiol. lib. 1. epi-
sto. 5.

18. c. 8. & Galen. lib. de atten. victus ratione c. 6. eandẽ esse putat cum tipha cereali, quæ videtur centeno quibusdã, cum alia sit tipha quæ quibusdam videtur espadaña ex Theophr. lib. 1. de hist. plant. c. 13. & Diosc. lib. 3. c. 116. Quod si Zea, sit semen illud atopere à veteribus laudatum, vnde etiã & terra laudatur, quod Zea ferat ab Homero, videtur sanè idẽ esse, quod siligo. Vnde de filigine, spelta & farre, quorũ meminit D. Hiero. ad c. 4. Ezech. maior pars Theologorũ consentit, esse accommodatã huius sacramenti materiã, quod pertineat ad species tritici, & ex eis fiat optimus & delicatissimus panis, quãuis D. Th. responsione citata omnino neget, quod existimet non esse tritici species.

Diosc. tipham
cerealem vocat
farraginem &
secalem.

6 Vbi autem de materia sacramenti necessaria, aliqua probabilis dubitatio inciderit, grauissimum peccatum est, materia dubia vt, & ab ea potius esset abstinendum, quã committere vt ad rem diuinissimam, incertã materiã adferas. & idẽ de vino dicendum est, & de vtraq; materia, cũ prudenter dubitatur, an sit corrupta. in qua re examinãda, sicut moderata diligentia requiritur, & non minus studiũ, quam in res graues conferri solet: ita non expedit cuiquã sibi excitare scrupulos, cũ suspicionis aut dubitationis graues causæ non extiterint. ex ineuitabili enim ignotãtia efficietur, vt ne tũ quidem peccemus, cũ nihil conficimus. In iudicanda autem materia huius sacramenti, plurimum sinceris & integris sensibus tribuendum est, & nunquã committendum est, vt materia visu aut alio sensu nõ explorata consecratur. quia opus quod in orbe geri potest optimũ & sanctissimum, si negligentia nostra non ritè & ex dignitate transigatur, graue iudicium adferet. Hactenus de pane altera parte materiæ huius sacramenti.

Dubia existens
te materia sa-
cramenti quid
agendum sit.

ARTICVLVS V.

*Vtrum vinum vitis sit propria materia
huius sacramenti.*

AD quintũ sic proceditur. Videtur, quod non sit propria materia huius sacramenti vinũ vitis. Sicut enim aqua est materia baptismi, ita vinũ est materia huius sacramenti. Sed in qualibet aqua potest fieri baptismus. Ergo in quolibet vino (puta malorum, granatorum, vel

4. di. 11. q. 2.
ar. 3. q. 1. c. 1.
Cor. 11. c. 7.
prin.

vel mororum, aut huiusmodi) potest confici hoc sacramentum, praesertim cum in quibusdam terris, vites non crescant.

Innuatur lib. 20. Etymol. 6. 3. circa med.
¶ 2. Præterea, Acetum est quædam species vini, quod de vite sumitur, ut Isido.† dicit: sed de aceto non potest cōfici hoc sacramentū: Ergo videtur quod vinum vitis nō sit propria materia hui⁹ sacramēti.

In 6. syno. can. 28. & habetur de cons. di. 2. c. Didicimus.
¶ 3. Præterea, Sicut de vite sumitur vinum deputatum, ita etiam agresta & mustum. sed de his non videtur posse confici hoc sacramentū, secundū illud† quod in sexta synodo legitur, Didicimus, quod in quibusdam Ecclesiis sacerdotes sacrificio oblationis coniungant vuas, & sic simul vtraque populo dispensant: præcipimus igitur, ut nullus sacerdos hoc ulterius faciat. Et Iulius Papa† reprehendit quosdam, qui expressum vinum in sacramento Dominici calicis offerunt. Ergo videtur, quod vinum vitis non sit propria materia huius sacramenti.

Iulius I. in decret. 7. à medio illius, & est Decretū. 7. in eius decretal. 10. quæ sunt ab alijs separata.

SED CONTRA est, quod sicut Dominus se cōparauit grano frumenti, ita etiam se comparauit viti, dicēs Io. 15. Ego sum vitis vera. Sed solus panis de frumento, est materia huius sacramenti, ut dictū est. * Ergo solum vinum de vite, est propria materia huius sacramenti.

Art. 3. huius quest.

RESPONDEO dicendum, quod de solo vino vitis potest cōfici hoc sacramentum. Primò quidem propter institutionem Christi, qui in vino vitis hoc sacramentum instituit, ut patet ex eo quod ipse dicit Matth. 26. circa institutionem huius sacramenti: Non bibam amodo de hoc genimine vitis. Secundò, quia sicut dictum est, † ad mate-

Ar. 3. huius q.

riam sacramentorum assumitur id quod propriè & communiter habet talem speciem. Propriè autē vinum dicitur quod de vite sumitur, alij verò liquores, vinum dicuntur secundum quandam similitudinem ad vinum vitis.

Tertiò, quia vinum vitis magis competit ad effectū huius sacramēti, qui est spiritualis lætitia, quia scriptum est, quod vinum lætificat cor hominis.

AD PRIMVM ergo dicendum, quod illi liquores non dicuntur propriè vinum, sed secundum quandā similitudinem. Potest autem verū vinum ad terras illas deferri, in quibus vites non crescant, quantum sufficit ad hoc sacramentum.

AD SECVNDVM dicendum, quod vinum fit acetum per corruptionē, vnde non fit reditus de aceto in vinum, ut dicitur 8. Meta. † Et ideo sicut de pane totaliter corrupto non potest confici hoc sacramentum, ita nec de aceto. Potest tamen cōfici de vino aciescenti, sicut & de pane, qui est in via ad corruptionem, licet peccet conficiens, ut prius dictum est. *

Lib. 8. meta. tex. 14. fo. 3.

AD TERTIVM dicendum, quod agresta est in via generationis, & ideo nondum habet speciem vini & propter hoc de ea nō potest confici hoc sacramentum. Mustum autem iam habet speciem vini, nā eius dulcedo attestatur digestioni, quæ est completio a naturali calore, ut dicitur in 4. Mete. † & ideo de musto potest confici hoc sacramentum. Non tamen debent vuæ integræ huic sacramento misceri, quia iam esset ibi aliquid præter vinum.

Ar. 3. huius q. ad 4. arg.

Prohibetur etiam ne mustū statim

Lib. 4. c. 3. parum à primo.

Eod. loco in ar
gu. citat. & ha
betur de conse.
d. 2. c. cū omne
crimen, in me.
& in Conc. 3.
Brac. ca. 1.

tim expressum de vua, in calice of-
feratur, quia hoc est indecens pro-
pter impuritatem musti. Potest ta-
men in necessitate fieri. dicitur *
enim ab eodē Iulio Papa: si neces-
se fuerit, botrus in calice compri-
matur.

ARTICVLVS VI.

Virum aqua sit vino permiscenda.

4. dist. 11. q. 2.
ar. 4. q. 1. Et 1.
Cor. 11. le. 6. c.
3.

AD SEXTVM sic proceditur:
Videtur, quod aqua non sit vi-
no permiscenda. Sacrificium enim
Christi figuratum fuit per oblatio-
nem Melchisedec, qui Gene. 14.
non legitur obtulisse nisi panem &
vinum. Ergo viderur, quod in hoc
sacramento non debeat adiungi
aqua.

¶ 2. Præterea, Diuersorum sa-
cramentorum diuersæ sunt maté-
riæ. Sed aqua est materia baptismi.
Ergo non debet assumi ad materiã
huius sacramenti.

¶ 3. Præterea, Panis & vinum
sunt materia huius sacramenti. Sed
pani nihil adiungitur. Ergo nec vi-
no debet aliquid adiungi.

SED CONTRA est, quod Alex.*
Papa scribit. In sacramentorū obla-
tionibus, quæ inter missarum solen-
nia Domino offeruntur, panis tan-
tū & vinum aqua permixtum, in
sacrificium offerantur.

Alex. r. in ep.
ad omnes fide-
les à medio il-
lus, to. 1. Cōcil.

RESPONDEO dicendum, quod
vino, quod offertur in hoc sacramē-
to debet aqua misceri. Primò qui-
dem propter institutionem: proba-
biliter enim creditur, quod Domi-
nus hoc sacramentum instituerit in
vino aqua permixto, secundum mo-
rem illius terræ. Vnde & Prouer-
biorū 9. dicitur: Bibite vinū, quod
miscui vobis. Secundò, quia hoc cō-

uenit representationi Dñicæ passio-
nis. Vnde dicit Alexand.* Papa:
Non debet in calice Domini, aut
vinum solum, aut aqua sola offerri,
sed vtrunque permixtum: quia vtrū-
que ex latere eius passione sua pro-
fluxisse legitur. Tertiò, quia hoc
conuenit ad significandum effectū
huius sacramenti, qui est vnio popu-
li Christiani ad Christum, quia vt
Iulius Papa dicit, * videmus in aqua
populū intelligi, in vino verò osten-
di sanguinem Christi: ergo cum in
calice vino aqua miscetur, Christo
populus adunatur. Quartò, quia
hoc competit ad vltimum effectum
huius sacramenti, qui est introitus
ad vitam æternam. vnde Ambros.*
dicit in lib. de sacramentis: Redun-
dat aqua in calicem, & salit in vitam
æternam.

Alexand. i. in
epist. ad omnes
orth. à medio il-
lus, to. 1. Conc.

* Habetur de
cōf. d. 2. c. Cum
omne crimen
circa medium.

li. 5. de sacra.
c. 1. à me. to. 4.

AD PRIMVM ergo dicendum,
quod sicut Ambros.* dicit ibidem,
sicut sacrificium Christi signifi-
catum est per oblationem Melchi-
sedec, ita etiam significatū est per
aquā, quæ in eremo fluxit de petra,
secundum illud, 1. Corin. 10. Bi-
bebant autē de spiritali consequē-
te eos petra.

Eod. li. 5. c. 12
to. 4.

AD SECVDVM dicendum,
quod aqua assumitur in baptismo
ad vsum ablutionis. In hoc autem
sacramento assumitur ad vsum re-
fectionis, secundum illud Psalm.
22. Super aquam refectionis edu-
cauit me.

AD TERTIVM dicendū, quod
panis ex aqua & farina cōficitur. Et
ideo cum vino aqua miscetur, neu-
trum sine aqua existit.

D. Th. tert. part.

ARTICVLVS VII.

*Verum permixtio aquæ sit de necessitate
huius sacramenti.*

*Inf. q. 83. art.
6. ad 4. & 6.
& 4. d. 11. q. 2.
art. 4. q. 2. &
3. & 1. cor. 11.
le. 6. c. 5.
Lib. 2. epist. 3.
inter finem &
med. Innuitur
de cõs. 4. 2. c. 7*

AD SEPTIMUM sic procedi-
tur. Videtur quod permixtio
aquæ sit de necessitate huius sacra-
menti. Dicit enim Cyprian. * ad
Cæciliū. Sic calix Domini non est
aqua sola & vinū solū, nisi vtrunq;
misceatur, quomodo nec corpus
Domini potest esse farina sola, nisi
vtrunq;, scilicet, farina & aqua, fue-
rit adunatum. Sed admixtio aquæ
ad farinam est de necessitate huius
sacramenti. Ergo pari ratione ad-
mixtio aquæ ad vinum.

¶ 2. Præterea, In passione Do-
mini, cuius hoc sacramentum est
memoriale, sicut de latere eius exi-
uit sanguis, ita & aqua. Sed vinum,
quod est sacramētum sanguinis, est
de necessitate huius sacramenti: er-
go pari ratione & aqua.

¶ 3. Præterea, Si aqua non es-
set de necessitate huius sacramen-
ti, non referret quæcunq; aqua huic
sacramēto apponeretur, & ita pos-
set apponi aqua rosacea, vel quæcū-
que alia huiusmodi aqua. Quod non
habet vsus Ecclesiæ: Aqua ergo est
de necessitate huius sacramenti.

*Li. 2. epist. 3. in
ter finem & me-
dium.*

SED CONTRA est, quod Cy-
pria. dicit: Si aliquis de antecesso-
ribus nostris, vel ignorāter, vel sim-
pliciter non obseruauit, vt, scilicet,
aquam vino misceret in sacramen-
to, potest simplicitati eius venia
concedi. Quod non esset, si aqua
esset de necessitate sacramenti, si-
cut est vinum, vel panis. Non ergo
aquæ admixtio est de necessitate sa-
cramenti.

RESPONDENDO dicendum, quod
iudicium de signo sumēdum est ex

eo, quod significatur. Appositio
autem aquæ ad vinum refertur ad si-
gnificandam participationem hu-
ius sacramenti à fidelibus, quantum
ad hoc, quod per aquam mixtam vi-
no, significatur populus adunatus
Christo, vt dictum est. * Sed & hoc
ipsum, quod de latere Christi pen-
denti in cruce aqua profluxit, ad
idem refertur, quia per aquam sig-
nificatur ablutio peccatorum, quæ
fiebatur per passionem Christi. Di-
ctum est * autem supra, quod hoc
sacramentum perficitur in conse-
cratione materiæ, vsus autem fide-
lium non est de necessitate sacra-
menti, sed est aliquid consequens ad
sacramentum. Et ideo consequens
est, quod appositio aquæ, non sit de
necessitate sacramenti.

ar. præc.

*q. 73. art. 1. ad
3.*

AD PRIMUM ergo dicendum,
quod verbum illud Cypriani est in-
telligendum, secundum quod dici-
tur illud esse non posse, quod conue-
nienter esse non potest. Et sic simili-
tudo illa attenditur quantum ad id,
quod debet fieri, non autem quan-
tum ad necessitatem: nam aqua est
de essentia panis, nō autem de essen-
tia vini.

AD SECUNDUM dicendū, quod
effusio sanguinis directè pertine-
bat ad ipsam Christi passionem, est
enim naturale corpori humano vul-
nerato, quod ex eo profluat sanguis.
Sed effusio aquæ non fuit de necessi-
tate passionis, sed ad demonstnan-
dum effectū passionis, qui est ablu-
tio à peccatis, & refrigerium cōtra
ardorem concupiscentiæ. Et ideo
aqua non seorsum offertur à vino in
sacramento, sicut vinum offertur se-
orsum à pane. Sed aqua offertur
vino permixta, vt ostendatur, quod
vinum per se pertinet ad hoc sacra-
mentum,

mentum, tanquam de eius necessitate existens; aqua autem secundum quod adiungitur vino.

AD TERTIVM dicendū, quod quia admixtio aquæ ad vinum non est de necessitate sacramenti, non refert quantum ad sacramenti necessitatem, quæcunque aqua miscetur vino, siue naturalis, siue artificialis, ut rosacea. Quamvis quantum ad convenientiam sacramenti, peccet qui aliam aquam miscet, nisi naturalem & veram, quia de latere Christi pendētis in cruce aqua vera profluxit, non humor phlegmaticus, ut quidam dixerunt, ad ostendendum, quod corpus Christi erat verè compositum ex quatuor elementis, sicut per sanguinem fluentem ostendebatur, quod erat compositum ex quatuor humoribus, ut Innocent. III. dicit in quadam decretal. * Quia verò admixtio aquæ ad farinam, est de necessitate huius sacramenti, ut pote constituens substantiam panis, si farinæ admisceretur aqua rosacea, vel quicunque alius liquor, quàm vera aqua, non posset ex eo confici sacramentum, quia non esset verus panis.

ARTICVLVS VIII.

Verum aqua debeat in magna quantitate apponi.

AD OCTAVVM sic proceditur. Videtur, quod oporteat aquam in magna quantitate apponi. Sicut enim sanguis de latere Christi sensibilibiter fluxit, ita & aqua. unde dicitur Ioan. 19. Qui vidit, testimonium perhibuit. Sed aqua non posset sensibilibiter esse in hoc sacramento, nisi in magna qua-

ritate poneretur ergo: videtur, quod aqua debet apponi in magna quantitate.

¶ 2. Præterea, Parua aqua multo vino admixta corrumpitur. Quod autem corruptum est, iam non est. Ergo idem est apponere parum de aqua in hoc sacramento, & nihil apponere. Sed non licet nihil apponere. Ergo non licet parum apponere.

¶ 3. Præterea, Si sufficeret parum apponere, per consequens esset sufficiens, quod gutta aquæ in totum dolium proliceretur. Sed hoc videtur ridiculum. Ergo non sufficit, quod parua quantitas apponatur.

SED CONTRA est, quod extra de celebratione missarum dicitur.

* Perniciosus in tuis partibus inolebit abusus, videlicet, quod in maiori quantitate de aqua in sacrificio ponitur, quàm de vino, cum secundum rationabilem consuetudinem Ecclesiæ generalis, plus in ipso sit de vino, quàm de qua ponendum.

RESPONDEO dicendū, quod circa aquam adiunctam vino, sicut Innocent. III. * dicit in quadam Decreta. triplex est opinio. Quidam enim dicunt, quod aqua adiuncta vino per se manet, vino conuerso in sanguinem. Sed hæc opinio stare non potest, quia in sacramento altaris post consecrationem nihil est nisi corpus & sanguis Christi (sicut enim Ambros. * dicit in lib. de Officiis, Ante benedictionē alia species nominatur, post benedictionem corpus Christi significatur) alioquin non totum adoraretur veneratione latriæ. Et ideo alij dixerunt, quod sicut vinum conuertitur in sanguinem, ita aqua con-

Cc 2 uertitur

In decr. lib. 3.
ti. 41. c. 8.

In decr. lib. 3.
ti. 41. c. Perni-
ciosus.

De celeb. miss.
c. cum Marth.
9. Quasi in sti.

4. d. 11. q. 2. a
4. q. 4. c. 1.
co. 11. de 6. co. 5

In li. de his, qui
mysteriis initiā-
tur, c. 9. à med.
to. 4. c. habet-
tur, de cōf. d. 2.
c. 40.

Comment.in D. Tho. tert. par.

uertitur in aquam, quæ de latere Christi fluxit. Sed nec hoc rationabiliter dici potest, quia secundum hoc, aqua seorsum consecraretur à vino, sicut vinum à pane. Et ideo sicut ipse dicit, aliorum opinio probabilior est, qui dicunt aquam conuertere in vinum, & vinum in sanguinem. Hoc autem fieri non posset, nisi adeo modicum apponeretur de aqua, quod conuerteretur in vinum. Et ideo semper tutius est parum de aqua apponere, & præcipue si vinum sit debile: quia si tanta fieret appositio aquæ, ut solueretur species vini non posset perfici sacramentum. Vnde Iulius Papa * reprehendit quosdam, qui pannum lineum musto intinctum, per totum annum seruant, & in tempore sacrificij, aqua partem eius lauant, & sic offerunt.

AD PRIMVM ergo dicendum, quod sufficit ad sacramenti huius significationem, quod sentiat aqua, cum apponitur vino, non autem oportet, quod sit sensibilis post mixtionem.

AD SECVNDVM dicendum, quod si aqua omnino non apponeretur, totaliter excluderetur significatio. Sed cum aqua in vinum conuertitur, significatur, quod populus Christo incorporatur.

AD TERTIVM dicendum, quod si aqua apponeretur dolio, non sufficeret ad significationem huius sacramenti. Sed oportet aquam vino apponi circa ipsam celebrationem sacramenti.

¶ Sententia & conclusiones quæst.

Conclusio est, vinum vitis est materia huius sacramenti altera pars: sed uno modicissima aqua permiscenda

est, non quidem ad necessitatem sacramenti, sed ad imitationem Christi, qui sic creditur probabiliter permiscuisse: ad significationem coniunctionis populi fidelis cum Christo: & ad consentiendum præcepto Ecclesiæ.

COMMENTARIVS.

Vinum vitis altera materie pars est ad consecrationem aptissima: dico autem vinum vitis, ut ab his vinis distinguatur, quæ improprie hanc appellationem retinent, ut dicitur vinum mali granati, aut mori, aut alterius succi. est autem dubitatio de musto, aceto, agresta, & vino congelato, quia à natura vini non multum abesse videntur, sed de his ita censent Theologi. Mustum ex vuis maturis, vel in dolia, vel in ipsum calicem recentissime expresse, verè vinum est & consecrabile: quia concoctum est, cum dulcedo sit concoctionis signum, 4. lib. meteor. cap. 3. & ita definitur. de consecrat. dist. 2. capit. cum omnes, et c. didicimus. ratio tamen sine peccato fit, ut in vino non defecato, quale est mustum, conficias, & urgente quidem maxima necessitate tantum licet, inquit Iulius I. epist. 7. in decreto septimo: quia feces, quæ in fundo calicis quam citissime subsistunt, non sunt consecrationi subiectæ, nec Christi sanguinem vnquam continent. si verò diffusæ per totam vini substantiam, & non separata, consecrationem subierint, posteaque substituerint, iam per corruptionem definit esse vini species, & corrupta vini forma definit esse sanguis: quæ omnia non contingunt sine magna irreuerentia sacramenti.

2. Acetum si intelligatur vinum acescens consecrabile est, si verò intelligatur acetum proprie, consecrari non potest: quia illud non mutauit vini naturam, hoc autem mutauit: & consecratio illius, ut panis, qui iam incipit corrumpi, non fit sine peccato, propter irreuerentiam sacramenti. Agresta est succus vuarum plane immaturus. & indigestus, quia nondum attingit vini speciem, & ideo in ea nulla consecratio fieri potest. Vltimum est gelu solidum ex vino, in quo est ma-

De vino altera pars materia huius sacramenti.

Mustum.

Acetum.

Agresta.

Vinum congelatum.

Iulius I. scribendo Episc. per Aegyptum. Et habetur de conf. d. 2. c. Cuius omne crimen.

ior difficultas, & ideo sapius in eo errari potest, sed hæc firmiora & certiora videntur. vinum, quod vergit ad glaciem & concretionem, & adhuc humor est potabilis, consecrari potest, vt de vino acefcenti dictum est: quia nondum soluta est vini species. quod si solidum gelu sit, nec vllō modo potabile, quod est esse ineptum ad vsum sacramenti, summum sacri legum esset pro vino consecrare. & idem dicendum est de vino, quod ex gelu solidum liquefactum est: quod sit maxima dubitatio, an vinum ex duriorē illa concretione, naturam vini amittat, vt plerūq; colorem & saporem.

3 Sed quid faciendum est de vino, quod post consecrationem in gelu solidum concreuerit, putandum ne est, ex ea immutatione fieri, vt desinat esse sanguis? ita sanè videtur, sicut desinit esse corpus, cum panis species defecerint. Vnde liquefacto iam ad sumptionem vino, non redit sanguis, & ex cōsequenti, neque adorari potest: debet tamen in sacrario condi, aut à sacerdote reuerenter, post sumptum sacramentum, consumi. Cum autem in regionibus Septentrionalibus, non raro sint vina variis modis adulterata, & omnibus etiam locis, variis rebus iniectis, permisceantur, & sint impura, magnam in eligendo vino consecrabili curam & studium sacerdotum esse oportet. Illud vero vinum, quod ex vuis iterum, aut tertio pressis, magna aquæ copia iniecta conficitur, omnino ad consecrationem adhiberi non debet: quia de quantitate admixtæ aquæ constare non potest. si enim æqualis sit aquæ copia, aut ferè æqualis, aut maior, licet colorem, aut saporem vini retinere videatur, vinum tamen non est: & ideo ad consecrationem ineptum. illa verò, quæ vini accidentia esse videntur, sunt ex mutatione aliorum similia effecta: cum hoc verè sit quoddam ex aqua & vino permixtum; in quo, eorum, quæ permisceantur, similia quædam accidentia sunt: sed natura mistorum & essentia non remanet, secundum probabiliorē physicorum sententiam. hæc dicta sint de materia panis & vini. deinceps hæreses de eadem exortas facilius refutabimus.

4 Dæmon igitur, veri cultus Dei, ho-

stis implacabilis, variis modis hoc studium religionis, in hoc sacramento ritè conficiendo omnibus sæculis infectatus est. primum quidem excitauit alienos homines, qui Christianos accusarent, quasi Cæceris & Bachi cultores, inquit Augustinus apolōg. 2. pro Christianis, his verbis: in mythræ mysteriis dæmones nostrum sacramentum imitari conati sunt, & panem & poculum cum quibusdam incantationibus, initiandis apponere solebant. sed cum hac ratione ille non assequeretur, quod erat in animo, nostrum sacrificium omnino abolere, in conspurcanda materia, & in deprauandis aliis partibus huius sacramenti, diligentissime versatus est. Primum hoc studuit per Cataphrygas, vt inquit August. hæresi 26. ad Quodvult, qui panem sacramentalem ex farina permixta infantis anniculi sanguine, quem de toto corpore minutis punctationibus extorquebant: quod si infans moreretur, colebatur vt martyr, si viveret, habebatur pro summo sacerdote. Deinde Peputiani, vel Quintiliani, farinam cum caseo permiscebant; vnde artotyritæ dicti sunt, quod ex caseo & farina panem conficiebant, vel vt inquit Epiphanius quia panem & caseum offerebant. Tertio Manichæi panem sacramentalem in suis nefandis mysteriis horribiliter profanarunt, miscentes ad mundationem farinæ, quam impuram esse volebant, semen humanum, vt ita execrabilis fieret materia Eucharistiæ. Ophytæ vero, à serpentum cultu; ita dicti, alebant colubrum, eumq; emittebant è spelunca altari propinqua, vt lambendo panem mundaret, & in vsum sacramenti formaret. sic August. hæresi 17. An verò hæc materiam planè corruerint; incertum est, licet cæteris sceleratiorēs esse viderentur: priores tamen, quia apertè corrumpebant materiam à Christo præscriptam, nihil profus conficiebant. Omnes autem huiusmodi hæreses, & institutione Christi supra propofita, & decretis Pontificum, & Conciliorum apertè refutantur: quæ referuntur de consecr. d. 2. c. non oportet, & in sacramento corporis, & deinceps plura

Refutatio?

Vinū ex vuis
pressis sapius
aqua iniectæ

Hæreses de pā
materia sa
cramenti.

Comment. in D. Thom. tert. part.

ra referemus, propositis erroribus de altera parte materiæ.

Hæreses de vino.

5 Vinum igitur ad confectionem huius sacramenti necessarium Manichæi & Priscillianistæ reiciebant, quia vinum omne, vt fel principis tenebrarum abominabantur. de qua superstitione manauit, vt dimidiatum sacramentum & facerent, & fumerent, hoc sacrilegium sepè D. August. in lib. contra Faustum refellit, & Gelasius in epist. ad Maioricum & Ioannem, & D. Leo serm. 4. de Quadrages. Altera fuit hæresis Aquariorum, aquam tantum offerentium in poculo sacramenti, & non illud, quod omnis Ecclesia, vt inquit D. August. hæresi 64. hos appellant Epiphanius hæresi 46. & Theodoret. lib. 1. heret. Fab. Eucratistas & hydroparastatas, quasi temperatos & solam aquam offerentes. meminit etiam eorum D. Chrys. hom. 83. in Matth. Fuerunt præterea sectatores cuiusdam Marci, ab eo dicti Marcosiani, quorum meminit Iren. lib. 1. cap. 9. & Epiphanius hæresi 34. horum poculum Eucharisticum fuit aqueum, vino albo permixtum, quod murmure magico, & incantatione rubicundum redebant, vt ita proponeretur in sacrificium. Concilium etiam Braccaren. 3. in præfatione meminit quorundam, offerentium lac vini loco, contra diuinam ordinationem: & aliorum, qui expressum, vel contusum botrum in calice pro vino apponerent, vt ita ipsa comminuta vuarum grana, populo sæpè sine succo tribuerent. itaq; hi grana musto expresso in calice permiscebant: sed alia est ratio musti ex vuis expressi, vt supra ostendimus. Alius etiam error, ibidem commemoratur, eorum, qui pannum lineum musto intinctum, & toto anno reſeruatum, tempore celebrationis aqua lauarent, vt ita aqua ex intincto panno saporem & colorem vini contrahens, in sacrificium offerretur.

Refutatio.

6 Hos omnes errores damnavit Concilium Cartagine. 3. c. 24. ex quo colligi potest vnde hi errores irrepperint. cum enim populus in ea parte sacrificij, quæ offertorium dicitur, panem & vinum ad huius sacramenti materiam offerre soleret: & peculiari deuotione alia quædam cibaria ad benedictionem sacerdotalem proponeret, effectum esse videtur, impietate, aut

negligentia quorundam, vt in ipsum sacrificium transirèt. sed non longè progressus est hic error, damnatus in eodem c. 24. citato Concil. Carth. & sexto generali can. 32. & tandem concilium Florent. in doctrina de sacramentis. & Trident. sess. 13. panem tantum & vinum pro materia huius sacramenti assumunt. de celebr. miss. c. cum Marthæ. & de sum. Trinit. & fid. c. firmiter.

7 Vnde in lectione conciliorum distinguere oportet, ea quæ in altari offerenda sunt in sacrificium, ab his, quæ fideles ad altare offerunt, vt benedicantur à sacerdote, vel cedant in illius & aliorum clericorum vsum. sic distinguit Canon 3. & 4. Apost. illa sunt panis & vinum ex Domini instituto, modicissima aqua permixtum, vt est in Vormacien. c. 1. Altisiodoren. can. 8. sexta Synod. generali c. 28. & 57. Braccaren. 3. can. 1. & Florët. de Eucharistia sess. vltima: in his autem omnibus prohibetur, ne quis præterea offerat lac, mel, mellitum, vel pro vino vitis ficeram, aut confecta, aut alia quædã, vel animalia, vel legumina: & qui secus fecerit, deponitur. Canon vero ille 28. præcipit vuas oblatas à fidelibus priuatim benedici, vt primitias quasdã, & distribui pœnitentibus, ad laudem datoris fructuũ. similiter can. 4. Apost. præter vuas, ait, offerri posse ad altare nouas spicas, oleum ad luminaria, & thimiam, id est incensum, tempore, quo sancta celebratur oblatio. aliarũ verò rerum primitias can. 5. Apostol. præcipit mitti Episcopo & presbyteris domũ, & non offerri ad altare, vt inter eos, diaconos, & alios clericos diuidantur. Ostendimus panem triticeũ, & vinum vitis, necessariam esse huius sacramenti materiam ex necessitate sacramenti: deinceps quædam eiusdem materiæ adiuncta explicanda sunt. vnum est commune, nempe quantitas: duo verò sunt propria, panis quidem, an oporteat esse azimum, vel fermentatum, vini autem an debeat aqua permisceri.

8 De quantitate igitur panis & vini consecrandi, quamuis ex ratione sacramenti nihil sit definitum & constitutum, sed pro numero fidelium, qui sacris mysterijs debent communicare, sit definienda à sacerdote consecrante: determinatur tamẽ præsentia & intentione consecrantis: quia for-

Offerenda in altari ad sacrificium, & ad altare, vt benedicantur.

Quantitas panis & vini præsentia, & intentione sacerdotis tantum determinantur.

3. p. q. 74. ar. 2.

ma

Consecratio nõ attingit, nisi præsentem materiam: quia fit per formam cõstantem ex pronomine demonstratio: & demonstratio tantum est rei præsentis: ex necessitate sacramenti: sed ex necessitate precepti, & consuetudinis Ecclesiasticæ, illa tantum materia consecrabitur, quæ ad usum fidelium necessaria est.

ma efficit, quod verè & propriè significat: demonstratiua autem pronomina forme panis & vini, verè non dicuntur, nisi de præsentibus: non igitur cõsecratur, nisi ea materia, quæ loco & situ sacerdoti cõsecrati præsens esse dicatur, secundum cõmunem intelligentiam: cum de re non præsentis verè dicere non possis, hoc est corpus, aut hic est calix sanguinis. quare potest sacerdos, quantamcunq; materiã, modò præsentem consecrare, quia virtus cõsecrandi nullã definitur quantitate, etiam si ad usum fidelium sit accommodanda, cū sit eorū numerus incertus & indefinitus: & licet certus sit alicui cõsecranti, potest absolute quantã velit materiã consecrare, quia præsens potest esse, & nihil amplius veritas forme requirit, quæ veritate forme existente cū legitima intèntione, perficietur sacramentũ. Sed quia potestas cõsecrandi, sacerdotibus concessa est in ædificationem, & non in destructionem, peccaret grauiter sacerdos, qui ex negligentia, malitia, aut culpabili ignorantia plus materiæ consecraret, quàm esset ad usum fidelium accommodatum & necessarium: itaq; vtrouis modo firma est & rata consecratio, sed posteriori modo caret peccato, non autem priori. Similiter si in malum finem sacerdos dirigat consecrationem, vt in veneficiũ, aut iriusionem, erit tamen vera consecratio: quia potestas ipsius, est ad effectum absolute, non autem huius, aut alterius finis gratia.

9 Potestatem autè intelligo ordinis & characteris, non iurisdictionis, cum sit illa de necessitate sacramenti, non autem hæc. illa autem nulla mali finis intèntione, nulla suspensione, aut prohibitionè superioris impediri posse, ostensum est in doctrina de ministro sacramentorum generali ex D. Th. 3. p. q. 64. ar. 5. & ar. 9. ad 3. Altera verò potestas iurisdictionis in inferioribus ministris Ecclesiæ, si suspendatur, vel tollatur à superiori, nullum potest effectum habere: sic excommunicatio suspensi, aut interdicti iudicis non tenet: neque absolutio sacerdotis in referuatis, præterquam in discrimine vite, Trident. sess. 14. c. 7. de pœnitentia: si verò hæc potestas consideretur in sum. Pontif. distinguendus est vsus illius. Nam circa ea, quæ sunt iuris positivi, naturalis & diuini, si non subsit legitima causa

dispensandi, aut explicandi, peccat: sed in illis tenet & valet dispensatio, in his non tenet, vt in dispensatione voti, iuramenti, residentie pastorum Ecclesiæ: neque idè is, cui dispensatio concessa est, coram Domino excusari potest, vt colligitur ex Theologi 4. sent. d. 18. & 19. & Ruard. ad art. 3. Louaniens. potestas igitur ordinis, quia in caractere indelebili sita est, nullo pacto aboleri potest, etiam si male quis ea utatur, vt in consecranda maxima aliqua panis, aut vini materia, modò sit præsens.

10 Hæc verò præsentia materiæ consecrandæ, vt aliarum rerum, quæ nobis secundum sensum & intelligẽtiam communem præsentem dicuntur, prudentia humana diiudicari debet, pro ratione circumstantiarum. sæpè enim, quod alicui propter visum perspicacitatem præsens est, alteri est absens. sic duos, aut sex cophinos panis alicui dices esse præsentem, omnes qui sunt in magnâ platea non dices: similiter ad 50. passus aliquid verè dicitur præsens, non autem ad 100. ad 70. vero dubium est. ea verò, de quibus probabilis incidisset dubitatio, in sacrarium recondenda essent, vt paulatim post sumptionem Eucharistiæ à sacerdotibus, vel laicis cõsummerentur. Vnde constat, quod præsentia materiæ huius, tactu non iudicatur, vt quod quis tetigerit, illud præsens esse dicatur, cum manens possit consecrare: & parochi sæpè plures materias, quas non tangunt, consecrent. & Christus in institutione huius sacramenti, accipiens panem & calicem vini, non instituit tactum esse de necessitate sacramenti. Neque etiam visu iudicatur eadem præsentia, cum cæcus possit consecrare, licet consecrando peccet: nisi forte ex dispensatione, qualem Antistitè cæcũ doctiss. Sotus refert se vidisse Trid. qui sæpè consecraret ex dispensatione. nullo deniq; sensu externo, aut interno præsentia huius materiæ debet iudicari: quia illa pro nomina in vtraque forma panis & calicis, quæ requirunt ex vi demonstrationis præsentiam, non demonstrant accidentia sensibilia, de quibus sensus certi iudices sunt: sed substantiam, quæ per se intelligibilis est, vt ostendit D. Thom. 3. part. quæst. 78. art. 5. ad 2. Quod igitur demonstrari potest, id prudenter alicui consecranti præsens dicitur, quia demonstratio illorum pronomi-

De præsentia materiæ consecrandæ, quæ ratione & regulâ estimanda sit.

Comment. in D. Tho. tert. par.

num, præsentiam requirit: quod est in pos-
sica hominis parte, nullo modo præsens
est, quod est ad anticā partem, etiā si visu,
aut alio sensu non percipiatur, modò de-
monstrari possit, præsens esse dicitur. sic
sacerdos plures, ut vocant, hostias qua-
rum aliæ aliis impositæ, visum impe-
diant, plures calices vini in altari, vel co-
ram se positos, si ad omnes dirigatur in-
tentio proferentis formam, consecrabit:
quamvis peccet cōsecrans amplius, quā
requirat vsus fidelium, vel sit in more &
consuetudine Ecclesiæ.

*Pars determi-
nata consecra-
re potest, inde
terminata non
potest, quia il-
la præsens esse
potest, hæc ve-
rò non potest.*

11 Cum autem præsentia hæc, rem præ-
sentem determinatam efficiat, rectè asse-
runt Theologi, nihil efficere sacerdo-
tem, qui medietatem materiæ oblata
confuse, & indeterminatè consecrare in-
tendat: quia neque totam, quam non
intendit, neque partem, quod ea non
determinetur, consecrare potest. quod
si determinetur illa pars signo aliquo sen-
sibili, situ, sensu, imaginatione, vel in-
tellectu, omninò consecrabitur, quia ni-
hil deest ad essentiam sacramenti. vnde
duo sacerdotes eandem materiam par-
tialiter consecrare possunt, si cuiusque in-
tentio in vnam partem separatim fera-
tur: ut ea non consecratur, in quam ne-
que habitu dirigitur intentio, ut gutta vi-
ni extra calicem, vel fundum calicis, vel
pars panis à toto abscissa & separatim exi-
stens. Dico autem consecrari posse par-
tem materiæ determinatam, quia si fe-
ratur intentio indeterminatè, in partes
tercias, vel quartas secundum diuisionem
continui in infinitum, omissis, vel ex-
clusis aliis partibus ab eadem intentione,
nulla sanè pars consecrabitur, quia nulla
est determinata: quoniam illæ partes pen-
dent ex diuisione continui, quæ est secun-
dum potentiam infinita, & idèd actu de-
terminata constitui non potest. Similiter,
qui minorem minima parte, in qua pa-
nis, aut vini natura conseruari potest, vel-
let consecrare, nihil omninò efficeret:
quia neque esset panis, aut vinum, ut ex
physica constat, & nulla alia materia con-
secrabilis est. & quamvis omnes partes pa-
nis, aut vini post consecrationem cōtinua-
tæ, Christum contineant, pars autem mi-
nor minima à toto diuisa, quia desineret
esse panis ante consecrationem, desinet

etiam post consecrationem Christum cō-
tinere, cum neque accidentia panis con-
seruare posset. hæc subtilius, quā par
esset in re grauissima distinximus, propter
scrupulosas, vel otiosas quorūdam Theo-
logorum disputationes, qui physica quæ-
dam in doctrinam theologicam, importu-
nè & alieno loco induxerunt.

¶ *Quæstio. An panis azimū sit com-
modior materia huius sacramenti?*

12 **H**Actenus dictum sit de quantita-
te materiæ consecrandæ, siue ea
sit panis, siue vinum: nunc qualitas quæ-
dam panis propria examinanda est, nem-
pe an oporteat esse azimum, vel fermenta-
tum panem. in qua disputatione non
tam, quid sit necessarium, quā quid
deceat inquirimus, hoc est, non tam quid
requirat necessitas sacramenti, quā
quid necessitas præcepti Ecclesiastici. Cō-
stat enim vtrumuis panem, siue azimum,
siue fermentatum aptam consecrationi
materiam esse, cum vterque substantiam
& naturam panis triticeī retineat, & ad-
uentitia tantum qualitate differant, ma-
nente eadem natura & specie: & Latinis
panis, Græcis artos, de fermentato &
azimo simpliciter dicitur, ut Exod. 12. &
Num. 6. pro azimo vsurpatur: quare ex
vtriusque verum conficitur sacramentum.
probat etiam indifferentiā eandem Chri-
sti vsus: post suam enim resurrectionem
frangebat panem communem, ut in ca-
stello Emaus, & hæc fractio plerisque di-
citur sacramentalis panis distributio, id est,
panis conuersi in suum corpus. Quare
hæreticum esset, negare in alterutro pa-
ne verum esse sacramentum Eucharistiæ,
cum ita sit definitum in Concilio Florent.
sess. vltima, consentientibus Græcis &
Latinis: & impositum est præceptum Ec-
clesiasticum presbyteris & sacerdotibus,
ut seruent suæ ecclesiæ ritum & consue-
tudinem: Græci ecclesiæ Græcæ in fer-
mentato consecrantis, Latini autem La-
tinæ Ecclesiæ in azimo. vnde materia
per se indifferens ad veritatem sacramen-
ti, facta est necessaria ex necessitate hu-
ius præcepti Ecclesiastici, ut sacerdos la-
tinus consecrans in fermentato pane, ve-
rum quidem sacramentum conficiat, ex
legitima

*Conclusio cano-
lica fidei.*

legitima, scilicet, materia panis triticeï: sed conficiendo peccet contra præceptum Ecclesiasticum: & similiter Græcus sacerdos consecrans in azimo pane. Hæc omnia constant ex regula D. Augustini de Adiaphoris in epistola ad Ianuarium, vt fidelis quisq; suæ Ecclesiæ consuetudinem sequatur, & ex cap. literas de celebratione missæ. & ex literis vnionis in sess. vltima concilij Florentini.

13 Itaque Ecclesia Latina amans pacis & concordia, Græcis suum morem permisit, & proprium retinuit, nullo damnato. veteres etiam Patres Græci, vel Latinorum vsum secuti sunt, vel ita vnusquisque morem suæ Ecclesiæ probauit, vt alienum non damnauerit: cum apud nullum ex veteribus mentio sit de hac controuersia azimi & fermentati. Græci autem recetiores contentionis magis cupidi, quam veritatis, vsum & morem latinum consecrandi azimum panem, in Florentino concilio probauerunt, vno, aut altero excepto: sed postea, sicut & priusquam cogeretur concilium, adeo damnauerunt, vt sua altaria sacrificio Latini sacerdotis & pane azimo profanari assererent, asserente Guidone Carmelita & aliis: Græcos secuti sunt Armeni & Rutheni. Vnde ex hac contentione facta est hæresis illorum, asserentium necessitatem huius sacramenti requirere panem fermentatum, & in azimo nihil confici: quam tanta animorum contentione defenderunt, vt assererent errasse tres priores Euangelistas in narrando tempore cœnæ vltimæ, & à Ioanne fuisse correctos, vt autor est D. Anselmus in epistola de fermento & azimo. nec ante Gregorium, Bedam, & Anselmum, vlla est de hac controuersia mentio in Latinis Patribus. Est autem huius controuersia duplex pars, prior sit de decetia, altera de necessitate sacramenti. ad prioris explicationem ponimus: vtrumq; panem, vel azimum, vel fermentatum, consecrabilem esse: quærimus autem in quo decentior sit consecratio. Olim quidem vtraque ecclesia Græca & Latina, vt refert Leo IX. in epistola ad Imperator. Constantinop. & Innocent. III. lib. 4. de offic. missæ capit. 4. in azimo consecrauit: sed postea propter Ebionitas Iudaizantes, vtraque Ecclesia in fermenta-

to confecit. cessante verò illa hæresi, Latina Ecclesia rediit ad azima, Græca fermentum retinuit, non sine contumelia Latinorum, quos azimitas appellabant.

14 Pro decentia igitur suæ materiæ vtræque Ecclesia suas rationes excogitauit, sed firmiores latina. Græca quidem duas habet rationes: vna est ad vitandum Iudaismum Ebionitarum & Nazoræorum, legalia cum Euangelio retinentium, vt referunt Irenæus lib. 1. capit. 26. Epiphanius. hæresi 29. Eusebius lib. 3. ecclesiast. hist. cap. 27. Theodor. principio libri 2. hæret. Fab. Nicephor. lib. 3. ecclesiast. hist. cap. 13. & lib. 5. cap. 12. distinguit autem Epiphanius Nazaræos à Nazoræis & Naziræis, sed hæc distinctio nihil nostro proposito conducit, satis est hanc hæresim refutatam ab Apostolis in primo concilio, à D. Paulo in epistola ad Rom. Galat. & Hebr. Altera causa est commodioris significationis, quia fermentatus panis diuinam Christi naturam in humana delitescentem, apertius exprimit, quam azimus, in quo non est fermentum, quod diuinæ naturæ signum esse possit.

15 Latina verò Ecclesia, extincta iam hæresi Ebionitarum, & damnata Iudæorum perfidia de lege vet. retinenda, & ideo non ex imitatione veteris ceremoniæ, sed certa ratione mysterij & commodioris significationis, & ex traditione Petri & Pauli, vt inquit idem Innocent. c. citato, azima retinet in hoc sacramento: vt habet etiam multa similia veteribus ceremoniis, sed non eadem ratione Ecclesia catholica: verbi gratia, vestes sacerdotales, decimas, consecrationem altaris, inunctiones regum & sacerdotum, & alia. Commodior autem significatio azimi panis colligitur ex D. Paulo 1. Cor. 5. vbi significare, inquit, azima, sinceritatem & vitæ puritatem, quæ vt est in agno immaculato, quem hoc sacramento contentum manducamus, sic requiritur in manducantibus. Præterea, vt est hic cibus sacramentalis, à prophanis cibis distinguendus, 1. Corinth. 11. sic etiam ipse panis azimus non vulgaris, accommodatè representat hanc distinctionem à cæteris cibis, cum sit purissimum quoddam in hoc genere panis. sic etiam in vet. lege Leuit. 24. Panes

Panis azimus commodior materia huius sacramenti.

Comment.in D. Thom.tert.part.

propositionis, cum essent figura huius sacramenti, fiebant ex simila, quæ est farinæ defecatæ generosissima pars. Et certè plurimum valet in omnem partem, vt quod pertinet ad religionis cultum, distinguatur à communi: cum videamus hereticos, hoc solo dignitatem sacramenti incredibiliter minuisse, quod in communi pane & poculo, ea quæ dicunt mysteria, proponunt. multum enim facit locus celebrationis, vt Paulus innuit eodem cap.ii. tempus, qualitas panis, forma distincta, & cetera huius generis minimè vulgaria.

1. Cor. ii. An
Ecclesiam Dei
contemnitis?

An requiri-
ratur panis
fermentatus
ex necessi-
tate sacra-
menti.

16 Sed quia vtraque Ecclesia, exemplo Christi instituentis hoc sacramentum, suum morem tueri vult: Græca, quia existimat Christum in fermentato confecisse: latina, quia in azimo, & Græca ex facto Christi colligit præceptum, & hereticum asserat in azimo consecrare, ad examinandum alteram dubitationem, an fermentatus panis, vel azimus sit de necessitate sacramenti, diligenter disputandum est: vtrum Christus in azimo, vel fermentato fecerit hoc sacramentum. Quamuis enim, vt supra ostendimus, & vsus veteris Ecclesie, & Concilij Florentini decretum, confirmant indifferentem esse vsum fermentati, vel azimi panis, ad necessitatem sacramenti, & sacerdotes præcepto Ecclesiastico teneri ad obseruandum morem sue Ecclesie: tamen quum recentiores Græci ex facto Domini velint colligere, ad Eucharistiæ confectionem, azimum panem requiri ex necessitate sacramenti, de hoc facto Domini exactius disserere oportet: vt si constiterit Dominum consecrasse azimum panem, nullum in facto Domini patrociniū Græci habere possint, vt ipsi volunt. Nobis tamen asserendum est, vtrumque panem consecrationi aptum esse, etiā si constaret, in altero tantum Christum Dominum confecisse hoc sacramentum: quia Ecclesia catholica ab Apostolis edocta, vtrumque panem consecrabilem esse definiuit, vt supra ostendimus. Vt autem exactior sit disputatio, argumenta Græcorum primum consideremus, vt nostra deinde sententia, his refutatis, illustrior sit. Cum igitur constet ex lege vet. in agni typici manducatione panes azimos asflumendos esse, & proximis diebus consequenti-

Exod. xii.

bus, nunquam licuisse pane fermentato vesci, quia esset festum azimorum, eo dirigitur omnis Græcorum argumentatio, vt ostendant Christum non eodem die fecisse Pascha (quo licebat tantum vt pane azimo) sed eo die, quo licebat vt fermentato, & ideo in eo Eucharistiam instituisse. Latini autem contendunt eo die, quo lege præscriptum erat, fecisse Pascha, & idcirco in pane azimo primum confecisse hoc sacramentum.

17 Argumenta Græcorum hæc sunt: Primum, quia Ioannes cap. 13. scribit hanc rem gestam fuisse ante diem festum Paschæ. Vnde colligunt Christum antequer- tisse diem vulgarem, in quo Iudæi lege, & more maiorum Pascha faciebant, vt quod alij facerent Luna decimaquarta primi mensis, à Christo factum dicant, quadam præoccupatione, Luna decimatertia. Secundum argumentum est, ex c. 18. eiusdē, vbi inquit, ipsos Iudæos in ipso die mortis Dominicæ non ausos fuisse ingredi prætorium, ne contaminarentur, sed vt manducarent Pascha: nondum igitur Iudæi fecerant suum Pascha. Tertium est, ex Luc. 23. vbi mulieres parauerunt aromata, vt venientes vngerent I E S U M: oportuit igitur mortuum fuisse ante diem festum, quia in ipso die non licuisset illis parare aromata, neque aliis sepelire. His addunt illud Mar. 14. Erat autem Pascha & azima post biduum: hoc verò dictum affirmant pridie cœnæ Dominicæ, & idcirco Iudæorum Pascha adhuc biduum abfuisse. Præterea, itinera & opera facta sunt in die passionis Dominicæ, quæ non licebat peragere in ipso festo Paschæ: cum alij flagellarent Christum, alij clavis affigerēt, alij alia facerent: & Simon etiam de villa iter fecerit, & Domino in cruce portanda cooperatus fuerit. Tandem concludunt ex Ioan. 19. Diem passionis Dominicæ, Parasceuen Paschæ appellari, hoc est, profestum futuri Paschatis. Ex latinis plerique existimant, se causa cadere, & Græcos efficere quod volunt, si Christus Luna decima tertia Pascha fecisse statuatur: quasi verò non sit in lege præceptum, Pascha, quocumque die celebretur, cum azimis panibus comedendum esse: & ideo quocumque die Christus fecerit Pascha, habere potuit & debuit

& debuit azimos panes : nisi dicamus legem violasse tum ; cum tam studiosè implere curauit : & si non fecit Pascha iuxta legis præceptum, neq; fecisse quidem Pascha dicendus est, vt omnes Euangelistæ testantur.

18 Sed ostendamus distinctè, quo die mensis primi Christus fecerit Pascha, positis quibusdam principiis, quæ ex præceptis veteris legis colliguntur. Primò igitur accipiendum est, Iudæis menses fuisse lunares, & idè inæquales, quia Lunæ cursus viginti nouem diebus & semisse, hoc est duodecim horis, constat & perficitur, primùm autem mensem & caput anni duobus modis computabant præcipuè, vno ad festorum celebrationem, altero ad cōtractus ciuiles. initium vtriusque computationis ab æquinoctio, illius à vernali, huius ab autumnali : vt esset computatio anni exacta, redeunte sole, ad idem punctum. Computatio anni ad contractus ciuiles sumebatur ab æquinoctio autumnali, quod in mensem Septembrem incidit, sic Leuit. 25. præcipit Dominus numerari annos Iubilei, sabbathi, & omnium contractuum à decima die mensis septimi, qui dicitur Hebr. Thisi. Vernale autem æquinoctium, eodem primo puncto arietis semper contingit, sed non eodem die, & idè licet esset principium anni Iudæis firmum & certum, non tamen dies idem mensis primi. Initium autem mensis constituiebant in proxima vernali æquinoctio Solis cum Lunæ coniunctione, & ab ea deinceps reliquos dies mensis computabant, secundam, tertiam, & sic deinceps, Lunam vocantes. Tempore autem Iulij Cæsaris, quo digestum & correctum est calendarium Romanū, contigit æquinoctium vernale vigesima quinta die Martij, & tempore natiuitatis Christi inter vigessimam quartam & vigessimam quintam diem Martij : quia experimento compertum est centesimo quoque anno præoccupari diem vnum, vel circiter : & ita nostra ætate contingit, inter decimam & vndecimam diem Martij.

19 Cum autem in cenario Ecclesiastico, fixum permaneat hoc æquinoctium vigesima prima die Martij, & tempus celebrandi Pascha Iudaicum, ab ipso ve-

ro æquinoctio computari deberet, & nostrum consequenti proxima die dominica celebrandum sit, cum eadem Christus resurrexerit, sit necessariò, vt erremus in tempore celebrandi nostrum Pascha, si exactè computandum est proxima die dominica post tempus Paschatis Iudaici, vt primum celebratum est nostrum Pascha, cum Christus resurrexit. Hic verò primus mensis anni in celebratione festorum, Chaldaico vocabulo dictus in sancta scriptura Nissan, si prima lunatio, vel coniunctio solis & Lunæ antecedit æquinoctium vernale, incidit in Martium mensem : si autem consequatur, plerunque in Aprilem, secundum quod annus embolismicus proprius, aut remotius contigerit. fuit autem olim Romanis Martius mensis anni principium, vt ostendit appellatio Septembris & consequentium mensium, quæ à Martio, vt primo mense desumitur. Sed quoniam primum festum Iudæorum, fuit Phase, vel Pascha, quod ab illo nomine Græci deflectentes vsurpauerunt, & illud celebrandum esset decima quarta Luna ad vesperam, velut quidam Hebræi legunt, inter duas vespas, vt præceptum est Exod. 12. Leuit. 23. Num. 9. & 28. Deut. 16. & hæc Lunæ computatio esset à coniunctione illius, vernali æquinoctio proxima desumenda, illud nunc disputatur, vtrum Christus celebrauerit Pascha Iudaicum eadem Luna decima quarta, iuxta legis præscriptum, an potius celebrauerit Luna decima tertia, præoccupando diem à lege præfixum.

20 Consensus quidem Ecclesiæ catholice pro certo habet ex diuina scriptura, post manducationem agni Paschalis, Christum instituisse suum Pascha, vt complementum veteris, hoc est Eucharistiam : idque cōtigisse feria quinta nocte, qua Christus tradebatur, deinde feria sexta, quæ fuit Parasceue sabbathi, (quia in eadem præparabantur necessaria ad diem sabbathi, in quo ab illis operibus cessandum esset,) passum fuisse Dominum : & ad vesperam feriæ sextæ, sepultum, & in sepulchro quieuisse, reliquam huius feriæ sextæ partem, totum sabbathum, & partem incipientis dominici, & valde diluculo resurrexisse. quota autè Luna fue-

Comment.in D. Thom.tert.part.

ut hæc feria quinta, non exprimit sancta scriptura, reliqua omnia vsus Ecclesiæ confirmat in celebrandis huiusmodi mysteriis eodem ordine, quo contigisse diximus. Cum autem nox Lunæ decimæ quartæ, quæ nocte Pascha immolandum esset, & manducandum, possit intelligi, vel principium Lunæ decimæ quartæ, quæ à vespera in vesperam computabatur, vel terminus eiusdem, in celebratione Iudæi Paschatis, non potest intelligi nisi ea nox, quæ esset terminus Lunæ decimæ quartæ, & principium decimæ quintæ: lex enim Exod. 12. præcipit, ut noctem, in qua manducaretur Pascha, proximè consequeretur festum azimorum septem diebus continuatis: quod si nox manducationi Paschatis dicata, esset principium Lunæ decimæ quartæ, necessario efficeretur, Lunam eandem decimam quartam ad festum azimorum pertinere, & non ad festum Paschatis: quod sanè repugnat sanctæ scripturæ, cum ait eodem c. 12. primo mense quarta decima die mensis ad vesperam comedetis azima, vsq; ad diem vicesimam primam eiusdem mensis ad vesperam: hoc est, à vespera quartæ decimæ diei, quæ est initium decimæ quintæ, vsque in vigesimumum primum diem, nempe, septem diebus integris à vespera in vesperam computatis, azima manducandum est. illa igitur vespera, quæ erat initium Lunæ decimæ quintæ, manducandum erat Pascha, & septem deinceps diebus azima comedendum: adeo ut nulla in domo remaneret fermentum, adiuncta illa comminatione, quicunque comederit fermentum, peribit anima illa de Israel, à primo die, vsque ad diem septimum: sed prima tantum dies, & vltima erat festiuitas venerabilis, in quibus nihil operis faciendum esset: exceptis his, quæ ad vescendum pertinerent, sicut eod. c. 12. scriptum est. Vnde constat hanc vesperam Lunæ decimæ quartæ, & eidem, & Lunæ decimæ quintæ posse adnumerari, quod esset illius finis, & huius principium.

*Vespera Luna
14. immolatio
in agni typicis
dicata.*

*Leuis. 23. à
vespera in ves
peram celebra
bis sabbatha
vestra.*

*De duabus
vesperis.*

21 Quod autem diximus pro eo, quod nos legimus, agnum esse immolandum [ad vesperam] quosdam Hebr. legere [inter duas vespervas] Rabbini quidam & Iosephus sic distinguunt, ut prima vespera

sit, à tertiâ hora pomeridiana ad vesperam, altera verò ad noctem intemptam: sed scripturæ intelligentia à nobis proposita, non patitur has argutias in diuidendo, cum simpliciter dicat [ad vesperam.] quod si adhuc legamus duas vespervas, erit prima vespera cum totus orbis solis tenet Orizontem, & altera, cum nihil superest de radiis solaribus supra Orizontem, ut quidam exponunt, ut sit altera vespera, quod nos crepusculum vocamus.

C. & Lipom.

22 Deinde lex immolandi agnum Paschalem & typicum, ex eodem c. 12. Exodi proponenda est. decima die mensis primi tollat vnusquisque agnum per familias & domos suas: si autem minor est numerus, ut sufficere possit ad vescendum agnum, assumet vicinum suum, qui coniunctus est domui suæ, iuxta numerum animarum, quæ sufficere possunt ad esum agni. Erit autem agnus absque macula, masculus, anniculus. seruabitis eum vsque ad quartam decimam mensis huius, immolabitq; eum vniuersa multitudo filiorum Israel ad vesperam. edent carnes nocte illas assas igni & azimos panes cum lactucis agrestibus. non comedetis ex eo crudum quid, nec coctum aqua, sed assum tantum igni: caput cum pedibus eius & intestinis vorabitis. nec remanebit quicquam ex eo vsque mane: si quid residuum fuerit, igne comburetis. Sic autem comedetis illum: renes vestros accingetis, & calceamenta habebitis in pedibus, tenentes baculos in manibus, & comedetis festinantes: est enim Phase, id est, transitus Domini. hæc sunt, quæ sancta scriptura proponit de immolatione agni legalis, & manducatione: alia verò, quæ ad alterum ex his duobus non pertinent, cōsultò prætermisimus, quod essent à nostro proposito aliena.

*Ceremonia im
molationis ag
ni legalis.*

23 His positis ad explicandam hanc cōtrouerſiam præter sententiam Gregorum, supra propositam, quæ asserit, non Luna decima quarta, ut lege præscriptum erat, sed decima tertia præoccupauisse Christum agni legalis immolationem: est alia sententia, cuius meminit D. Thom. 3. p. q. 46. ar. 9. & in Catena super Lucam eam tribuit Eusebio, Iudæos furorē & odio peritios, distulisse contra legem Pascha suum in diem

*Diuersa sentē
tia de tempore,
quo Dominus
agnum typicū
immolauit.*

in diem sequentem, vt liberius incumbere-
rent in condemnationem & necem Chri-
sti. Sed hæc coniectura sua absurditate
iacet, nec quemquam hodie defenso-
rem habet: & Mar. 14. scriptum est, primo
die azimorum, quando Pascha immola-
bant, discipuli, &c. hic enim & mos Iu-
dæorum, secundum legis præceptum, &
Christi immolatio Paschatis, eodem die
facta significatur. Tertia sententia est quo-
rundam recentiorum, qui ad vitandam
apparentem discrepantiam Euangelista-
rum, de tempore Paschatis à Domino ce-
lebrati, non dubitant asserere, Christum
nunquam fecisse Pascha Iudaicum, atque
ea omnia, quæ de Paschate in Euangelio
commemorantur, ad sui ipsius, vel in
cruce, vel in cœna, immolationem re-
ferri debere. Sed hæc omnia, quia aper-
tam vim faciunt Euangelistis, tam studio-
sè describentibus celebratum à Domino
Pascha, quod cæteri immolabant, vt pau-
lo ante ex Marco retulimus, nec aliud erat,
quod tunc Pascha vocaretur, nõdum Chri-
sti Paschate instituto, ampliori refutatione
sunt indigna.

24 Quarta sententia est Pauli Burgen-
sis in additionibus, quam plerique ex re-
centioribus sequuntur, constituentis duos
legitimos dies celebrandi Paschatis, eo
anno, in quem passio Christi incidit: vnum
Exod. 12. præscriptum, quem Dominus
tenuerit: alterum traditione inductum,
quem Iudei obseruauerunt; nempe po-
stiridie eius diei, in quo Christus diuino
mandato Pascha suum fecerat. Existima-
uit enim Burgen. festa, quæ inciderent in
Parasceuen sabbathi, in ipsum sabbathum
transferenda esse: quod duo festa, in qui-
bus nihil operis simul fieri licebat, conti-
nuò non potuissent celebrari: neque li-
cuisse cibos præparare in solemnitatibus
azimorum. Hac ratione putat etiam fa-
cile componi omnem apparentem Euan-
gelistarum repugnantiam: vt, quæ Ioannes
facta esse dixit ante festum Paschatis, om-
nia intelligantur de festo à Iudæis ser-
uato per translationem: & quæ à cæteris
Euangelistis primo die azimorum facta
narrantur, de eo die, quem ex legis præ-
scripto Christus obseruauit. Nos autem,
his omnibus omisiss, eam sententiam se-
quamur, quam omnes ferè Theologi, &
sensus totius penè Ecclesiæ comprobauit:

Christum scilicet, eodem à lege præscri-
pto die, Pascha cum reliquo fideli popu-
lo fecisse. ea primùm ex narratione Euan-
gelistarum confirmatur. Matthæus in-
quit cap. 26. prima die azimorum acce-
serunt discipuli ad Iesum, vbi vis pa-
remus tibi comedere Pascha? hic vides
ex tempore præscripto Paschati Iudaico,
ad eiusdem celebrationem excitari Do-
minum. apertius Marcus cap. 14. primo
die azimorum, inquit, quando Pascha
immolabant, dicunt discipuli, &c. constat
enim hic significari tempus, in quo cæte-
ri Pascha immolarent. Lucas omnium ma-
nifestissimè cap. 22. venit dies azimorum,
in qua necesse est occidi Pascha: hæc ne-
cessitas est præcepti, in quo iuxta legem
oportebat Pascha immolari. de hoc au-
tem legitimo die paulò ante Dominus
Apostolis dixerat, vos scitis, quia post
biduum Pascha fiet: neque enim aliud tem-
pus nouerant celebrandi Paschatis, nisi à
lege præscriptum.

25 Consentiant etiam Patres veteres,
Chrysost. hom. 82. in Matth. apertè scri-
bit, Christum ea die, quam lex præscripsit,
seruasse cæremoniam, vt vsque ad vlti-
mum diem ostenderet, se non esse legi cõ-
trarium. Hieronym. etiam Matth. 26. hic
dies, inquit, azimorum est decimus quar-
tus primi mensis, quando agnus immola-
tur, & Luna plenissima est, & fermentum
omne abiicitur. August. ep. 86. ad Casu-
lanum, Matthæus, inquit, Euangelista
vocat quintam sabbathi primum diem azi-
morum, quia in eius vespere sequente, si-
tura erat cœna Paschalis, in qua incipie-
bat azimum & quis immolatio: idem om-
nes alij veteres Patres sentiunt. quare hæc
anticipatio Paschatis, quam Græci ad tuen-
dum fermentum fingunt, & Christo Do-
mino tribuunt, his testimoniis Euangel.
& Patrum plane explosa est. eisdem etiam
refutatur translatio eiusdem festi, ex Pau-
lo Burgenfi supra commemorata.

26 Reliquum est, vt obiectionibus &
argumentis Græcorum & Burgenfis re-
pondeamus: optimè inter se & cum no-
stra sententia Euangelistas consentire. id
vero fiet apertius, si ex veteribus Patribus,
Innocentio III. lib. 4. de myster. capit.
4. & D. Thom. 3. part. q. 46. art. 9. vo-
cabulum Paschæ distinxerimus. Primùm
enim vsurpatur pro agno, quem immo-
labant

Vera sententia
colligitur ex
Euang. & Pa-
tribus.

Theodoret. q.
24. in Exodum.

Refutatio obie-
ctionum.

Comment.in D. Thom.tert.part.

*Paschatis di-
stinctio ad con-
cordiā Euāg.*

immolabant Iudæi, vt Luc. 22. Occidi Pascha, & parare tibi Pascha. Deinde Pascha dicitur ipsa festiua immolatio & manducatio agni, vt Leuit. 23. & Numer. 28. mense primo quartadecima die mensis Phase Domini erit. Tertiò, pro præcipuo festo & solemnitate Paschali, quæ obseruabatur non eò die, quo agnus immolabatur, sed sequenti, nempe decima quinta Luna: sic enim expressè legitur eod. c. 23. mense primo, decima quarta mēsis, ad vesperum Phase Domini est: & decimo quinto die mensis solemnitas azimorum Dñi est. qua vna distinctione omnia, quæ in speciē pugnare videtur, facillè cōciliari possunt: prefer tim illud Ioan. 13. antediem festum Pasche, quo testimonio Græcorum sententia præcipuè nititur: non enim dixit, ante diem Paschæ, vel ante Pascha, Phase, aut agni immolationem, aut ante primum diem azimorum, vt Græci exponunt recentiores: sed ante festum, id est, solemnitatem, Paschæ, quæ sequenti post die obseruabatur, decima quinta Luna, qua Christus crucifixus est. Luna decima quarta ad vesperam, immolato agno typico, & instituta Eucharistia post habitum illum sermonem, quæ solus Ioannes scribit, & post orationem in horto traditus est Dominus à Iuda Iudæis. & Luna decima quinta, id est, primo die azimorum crucifixus est in Parasceue sabbathi, contra Onuphr. lib. 2. fast. p. 306.

27 Vnde dicebant Iudæi Matth. 26. Nō in die festo, ne forte tumultus fiat in populo: cum tamen vicerit furor, opportunitas rerum gerendarum, autore Iuda, & Dei prouidentia, vt etiam in magna sollemnitate, contradicentibus multis, necem Dñi operarentur. loquitur ergo Ioannes, non de quouis die præcedente festum Paschæ, sed de ipso profesto, quem proinde vocat diē ante festum: & idcirco est idem dies, quæ ceteri Euangelistæ appellant primum azimorum, quia ad vesperam, id est, secundis vesperis eius diei, agnus occidebatur, & introducebatur azima: nec amplius septem diebus continuis licebat Iudæis habere fermentum. Quarta, dicitur Pascha ipsum festum azimorum, quod immediatè consequebatur agni immolationem. sic Ioan. 18. cap. vsurpat, cum ait, Iudæos non ingressos prætorium, ne contaminarentur, sed vt manducarent Pascha, hoc est, azimos pa-

nes, quibus vesci oportebat septem diebus ab agni immolatione, sicut scriptum est Exod. 12. Cauetur autem legalis contaminatio toto tempore Paschali ad manducationem azimorum, non minus, quàm ad agni immolationem: quod Burgenfis immeritò negat, contra sententiam D. Augustini, tractat. 114. in Ioannem, cum ait, dies iam agere coeperant azimorum, quibus diebus contaminatio erat illis, in alienigenæ habitaculum introire. Vnde constat Pascha dici totum festum azimorum, vt Act. 12. dicitur de Petro, volens post Pascha eum producere populo, cum tamen paulò ante scriptum sit, erant tum dies azimorum.

28 Sed id vrgent aduersarij plurimum, non potuisse mortem Domini incidere in ipsum festum azimorum, hoc est primum diem, in quo nihil operis fieri licebat: & Ioannes inquit, illum diem fuisse Parasceuen Paschalis festi: tum quia religio festi impediēbat omnia iudicia, accusationes, & opera sepulturæ, quæ eo die & à bonis, & à malis, non solum Domino, sed & furibus impensa sunt. Ad hæc respondemus Parasceuen Paschæ non esse profestum, aut vigiliam, cum nullum festum Iudicum habuerit Parasceue præter sabbathum, propter mysterium summæ quietis in eo obseruatum. hanc vero Parasceuen fuisse sabbathi profestum, ceteri Euangelistæ aperte contestantur: sic enim Marcus de eodem die loquens, quia erat Parasceue, quod est ante sabbathum, & Luc. c. 23. dies erat Parasceues, & sabbathum illuscibat: & Ioannes seipsum explicans ait, quia Parasceue erat, ne manerent in cruce corpora sabbatho. Vnde ad alterum respondetur, quod opera iustitiæ & iudicij, quibus se obsequium Deo præstare putabant, fieri potuerunt in festo quocunque, sabbatho solo, vel traditione, vel diuino præcepto excepto. concilium autem Iudæorum Matth. 26. necem Christi volens differre, religionem festi non expectauit, sed tantum populi tumultum. affirmari etiam potest Gētilēs præfides non habuisse eā rationem dierum, cum videamus latrones in eodem festo publico iudicio condemnatos: reliquorum autem, illud fuit præcipuū studium, ne in sabbatho corpora in cruce remanerent, & vt sepelirentur ante sabbathum: neque de alio festo fuit vlla cura. Sic

responsum

Obiectio prima.

Secunda.

*Ad primā.
Parasceue in
qua Christus
passus est.*

Ad secundā.

responsum sit Græcorum obiectionibus. Pauli verò Burgenfis & aliorum fundamēta perabsurda sunt, quibus volūt tueri translationē illā immolationis agni. primū, quia falsum est non posse duo festa continuo celebrari, cum præceptum sit festum azimorum, consequens agni immolationem septem diebus continuis, nulla sabbathi exceptione proposita. illud deinde cōfictum est, non licuisse parare cibos in solemnitatibus azimorum, expiationis, tabernaculorum & similium, magis quā in ipso sabbatho: cum Exod. 12. apertē concedatur paratio ciborum in festo azimorū. sed de responsionibus ad argumenta aduersariorum iatis dictum est.

29. Ex his constat distinctē & partite tēpus institutę Eucharistię, nempe 14. Luna, immolato legali agno ad vesperam, quod erat principium Lune 15. vnde Concilium Tridēt. sess. 22. c. 1. celebrato veteri Pascha, quod in memoriā exitus de Ægypto multitudo filiorum Israel immolabat, nouum instituit Pascha, seipsū ab Ecclesia per sacerdotes sub signis visibilibus immolandum, in memoriā transitus sui ex hoc mundo ad Patrem, quando per sui sanguinis effusionem nos redemit, eripuitq; de potestate tenebrarum, & in regnum suum transtulit. Itaq; tres Christus Luna 14. ad vesperam cœnas celebravit, vnā legalem, in qua manducatus est agnus typicus: alterā communem, ex qua surgens lauit pedes Apostolorum: & tertio sedēs cum eisdem mysticā cœnam perfecit, instituens hoc sacramentum, & sacrificium. Illa sententia Domini, desiderio desideravi hoc Pascha manducare vobiscum, si accipiatūr post agni typici manducationem, de Christi tantum Paschate intelligitur. Eusebius Emisē. citante catena D. Thomæ. Hieron. Matth. 26. Tertul. lib. 4. in Marc. Chrysost. ho. 83. Illichius lib. 2. in Leu. c. 22. si verò priusquā manducaretur agnus typicus, desiderium refertur ad Pascha Iudaicum, vt præparatorium Paschatis Christi, & non propter se. Quod si ab immolatione agni, nēmini licebat vesci fermentato pane, neque domi habere fermentum, certē non potuit Christus hoc sacramentum instituere, nisi in pane azimo: quod erat nobis propositum in hac disputatione, ad confirmandum vsum Ecclesiæ Latinæ, quę consecrat panem azimum, & refutandam hærēsim recentium

Græcorum, qui fermentatum panem tantum volunt esse materiam huius sacramenti, non azimum: nos verò: vt runque, modò triticeum, sed decentius azimum, vt ostendimus.

30. Constat etiam ex his, vnde orta fuerit olim tempore Victoris I. controuersia de tempore celebrationis nostri Paschatis, vt refert Eus. lib. 5. eccl. hist. à c. 33. ad finē libri, Niceph. li. 4. c. 36. & li. 6. c. 18. asserentibus Oriētalibus quibusdā 14. Luna mensis Martij celebrandum esse, quocunque die ea Luna incidisset, & quocunque die septimana, incidentē Luna 14. ieiunium quadragesimæ soluendum esse, quod eo die Christus Pascha celebrauerit. Contrā sentiebant alij Orientales & omnes Occidentales. tandem definitum est in Concilio Nicæno, vt eodem die celebraretur Pascha ab omnibus ecclesiis: & Iudaicum esse obseruare lunam 14. hoc decretum non habetur modò in Concilio Nicæno, sed extat epistola Constantini Imperat. referens huiusmodi decretum apud Nicephorum lib. 8. cap. 25. & lib. 12. c. 32. & sequentibus, apud Socratē lib. 5. c. 22. nō videtur tamen hoc decretū ab omnibus receptū, quia eadem contentio de tempore celebrandi nostri Pascha durauit ad tempora Leonis I. vt constat ex illius episto. 64. 65. & 95. imò verò & tempore Gregorij I. vt constat ex lib. 7. ep. 8. indict. 2. extat autē decretū Pij ep. 1. de cōf. d. 2. c. nosse vos volumus: & Victoris ad Theophilum Alexā. Episcopum ead. dic. celebritatem, vt die tantum Dominico celebretur Pascha & soluat ieiunium Quadragesimę. de eodē sunt decreta Aureliani. 4. c. 1. Carthagen. 4. cap. 65. Toletani 4. can. 4. quare asserere in Euangelio celebrādum esse nostrum pascha Luna 14. hereticum est dogma, eorum qui dicti sunt Tessarescedaditæ; id est, quartadecimani, vt inquit Epiphanius. hærēsi 50. August. de hær. c. 29. quia constat ex epist. D. Pauli ad Rom. Galat. Hebr. abrogatam esse legem veterem, & ideo in Euangelio hæc tēpora. obseruare, Iudaicum est, vt inquit Paulus Galat. 4.

Cōtrouersia antiqua de tempore celebrandi nostri pascha.

Quæstio.

Comment.in D. Thom.tert.part.

¶ Questio. An vinum sit aqua in calice Domini permiscendum?

Reliqua est dubitatio pertinet ad vinū, alterū partem materię huius sacramenti, sit ne aqua permiscendum? & quidem ad necessitatem sacramenti, aquę permissionem non esse necessariam, hoc est, sine ea verum confici sacramentum: necessariam tamen esse ex præcepto, vt sine gratui peccatō administrātis sacramentum omitti non possit, certa est & aperta Ecclesię catholicę sententia: quę vinum & panem triticeum necessaria assumit ad sacramenti confectionem, aquam nō ad necessitatem sacramenti permiscet, sed quia ita creditur, Dominum, temperatum vinum, vt temperatis hominibus moris est, sumpsisse & consecrasse, & ad significandam populi fidelis cum Christo capite vnionē: quia aqua populum representet, vt definitum est in Concil. Florent. in doctrina de sacramentis sess. vlt. & in Trident. sess. 22. cap. 7. & quia ē latere Christi pendens in Cruce aqua simul cum sanguine prodierit, hoc autem mysterium effusi sanguinis, cōsecratione vini separatim, representatur. Sed quia recentiores Gręci vitantes hæresim aquariorum, occasione immeritō accepta ex Chrysost. hom. 83. in Matt. vt in Cōcilio generali sexto legimus, negāt in calice apponendam aquam, & post consecrationem aquam calidam iniiciunt, vt accepimus ex Nicolao Cabasila in comment. ad Gręca liturgica, quos Eugen. III. post Florentinum concilium ad ecclesiasticum morem reuocare conatus est: & quia Caluini stę obseruationem Ecclesię contemnunt, non quia per se illicitam, sed quod neq; necessariam iudicent, neque expressē cōmendatam in Euangelio, idēd obseruationem Ecclesię catholicę, ex antiqua & veteris Ecclesię decretis, Patribus, praxi & vsu cōfirmabimus. Decreta igitur conciliorū plurima sunt, quę præcipiunt, non offerri vinum, nisi aqua permixtum, Carthagenen. 3. c. 24. Braccaren. 3. c. 1. sexta Synodus generalis can. 32. Triburiē. concilium c. 19. Florentinum in doctrina de sacramentis, Trident. sess. 22. c. 7. Decreta Pontificum referuntur de cons. d. 2. in quibus primus habetur, qui hoc definierit, vt receptū in Ecclesia Alexander V. à Petro in ep. ad omnes orthodoxos, Iulius in epist. ad Episc. Ægypti,

pti, Martinus Papa ead. dist. c. non oportet, Innocentius III. c. cum Marthæ de celebrat. miss.

2 Alij etiam Patres eisdem consentiunt, Iustinus martyr in apol. 2. Christianos, inquit, offerre panem & calicem aqua dilutum. Irenæus ob hanc aquę permissionem calicem eucharisticum vocat temperamentum lib. 4. c. 57. & initio libri quinti appellat vinum mixtum. D. Cyprianus ep. 3. li. 2. de hac re scripsit, ostendens, quod aduerse tur Christi institutioni, aut aquā solam, aut vinum solum in sacrificium offerre: idem probat. D. Ambr. lib. 5. de sacramentis c. 1. D. Aug. lib. 20. de dogmat. eccles. c. 75. li. 4. de doct. christiana c. 21. Damasc. lib. 4. c. 14. Beda super 14. Marci, Paschasius lib. de corp. & sanguine Domini, nec quisquā est, qui contrarium docuit, aut data occasione idem non docuit. Consentiant ritus missarum Gręcarum & Latinarum: in Liturgia enim D. Iacobi in sacra actione dicitur, Christus accepit calicem permiscens ex aqua & vino: in Liturgia Basilij sic, accipiens & miscens calicem in missa Chrysostomi, mittens vinum & aquam in calicem. sic in Ambrosiano officio, quod nunc Mediolani obseruatur: sic in Gregoriano, quo Romana Ecclesia vtitur, & in omnibus aliis formulis ab Ecclesia catholica & Romana probatis.

3 Rationes eiusdem permissionis facile colliguntur ex eisdem Patribus & conciliis. Prima ex imitatione Domini, quod sic calicem vini aqua temperauerit, & eius exemplo ad Apostolos primum, ab his ad vniuersam peruenisse Ecclesiam, sic aperte testatur Cyprianus ep. citata, & ritus Liturgici, quos citauimus, in ipsa consecrationis actione insinuant. Altera ratio est, vt ex apposita aqua fiat magis expressa representatio sanguinis Dominici effusi, quod ille cruor fuerit aqua permixtus, vt Ioannis 19. scriptū est, cōtinuū exiuit sanguis & aqua, quā sententiam Euangelicam, Diaconus in Liturgia Chrysostomi, cum aquam vino infundit, solemnī ritu pronuntiat. eandem rationem sequitur Ambr. lib. 5. de sacramentis c. 1. illud addens, per aquę admixtionē grande mysterium peragi, & figurā fluentis aquę de petra, & bibentis plebis impleri, dum aqua redundat fideli populo ē calice in vitam æternam. Tertia causa est, ad repræsentandam cōiunctionem fidelis populi

Rationes eiusdem permissionis. Flor. cōc. Trid.

Alexand. I.

Conciliorum et Patrum decreta de aqua vino in calice permiscenda.

Conc. Brac. Tri-
dent.

Vis eandem
rationem.

puli cum Christo capite, quia aque populū designant Apoc. 17. de qua multa Cypria. ead. ep. adeo vt asserat, si vinum tantū quis offerat, sanguis Christi incipit esse sine nobis: si verò aqua sit sola, plcbz incipit esse sine Christo: quod non est de existentia reali intelligendum, sed de representatione. Huiusmodi autem rationes nō euincunt, aquam esse de necessitate sacramenti, sed iustis causis ex maiorum traditione ab Ecclesia præceptam esse. Prima enim ratio ex imitatione Christi nō efficit, hoc similiter præcepisse nobis ad necessitatem sacramenti: quia multa fecit Christus in sacramentorum institutione, quæ non sunt de necessitate sacramenti, vt multa verba adhibuit, sine quibus tamen sacramentū perficitur: & vno genere panis & vini vsus, nō exclusit cætera, etiam si nō essent de eadē specie. Similiter vt supra ostendimus, vinū vitis præcepit vt materiam necessariam, secundum Patrum & Ecclesiæ catholicæ interpretationem, aquam permisceri voluit, sed vt necessariam ad veritatem sacramenti non præcepit. Aliæ verò duæ rationes ex maiori & expressiori significatione deductæ, non possunt necessitatē sacramenti cōcludere, quia significatio expressior nihil ad eam facit: vt baptismus trina immersio ne celebratus expressius significat, sed nō pertinet ad necessitatem sacramenti, cum satis sit vnica, vel saltem aque aspersio.

Permistio a-
que in calice
est præcepti Ec-
clesiastici.

3 Sic definitum est. permistionem aque in calice, ex præcepto Ecclesiæ, non ex necessitate consecrationis inductam esse, in Concilio Florentino his verbis: calix Dominicus iuxta canonum præceptum vino & aqua permixtus debet offerri. & apertius in Concil. Trident. c. 7. Sess. 22. præceptum est, inquit, ab Ecclesia sacerdotibus, vt aquam vino in calice offerendo misceant, &c. idem etiam olim apertè docuit Innocent. lib. 4. de sacr. alt. myst. cap. 33. & omnes Theologi cōsentiunt. quorum hæc ratio est: si aqua esset de necessitate sacramenti, ob id tantum esset, quod esset de essentia materiæ Eucharistiæ: constat autem secundum rectam fidem, tantum esse panem triticeum & vinum vitis: aquæ igitur permistio non est de necessitate sacramenti. Vnde de quantitate aque in calicem infundendæ præceptum est, vt ea, proportionē vini infundatur, quæ facile in aquam cōverti possit. Sic Honorius Pontifex c. perni-

Quæritur aqua
permiscenda.

ciosus. de celeb. miss. tantam aquam vult adhiberi, vt lōgè plus vini in calice existat, vt semper possit, aut statim, aut ante consecrationem saltem in vinum commutari: & Concil. Florent. ne quid in hac permistione erroris contingere possit, modicissimā aquam iubet infundi. etenim si plus aquæ, aut æqualis vino aqua permisceatur, permistio & confusio vnde prodiret, tertium quoddam efficeretur, non autem conuersio in vinum, (quod tamē est de necessitate sacramenti,) vt docent omnes physici, de mistione differentes. illud ergo tutissimū est, vt modicissima aqua calici infundatur ad representationē mysterij, & ad facilem cōuersionem in vinum, quod necesse est suam veram naturam retinere, vt consecrari possit. Hoc significauit ex omni antiquitate vnus D. Cypria. epist. 3. sæpe citata, cum ait, copulatio & coniunctio aquæ & vini sic fit in calice Domini, vt commisceantur, & coadunatione confusa sibi inuicem copulentur, vt non possit esse separatio. quamuis igitur aquæ admiscendæ adeo graues causæ sint, vt eam sine mortali peccato præterire non liceat, ea tamē si desit, & adsint cætera necessaria, verū sacramentū constabit. In hūc sensum accipienda sunt, quæ Cyprianus vehementius in Aquarios inuectus, eadem Epist. 3. scribit, etiam si necessitatem sacramenti continere videantur, vt cum ait, non posse solum vinum offerri, hoc est bene & legitimè sine peccato, & aliqua offensione expressionis significationis: & cum ait, sic non fieri sacrificium ex solo vino, sicut neque ex sola aqua, aut sola farina. Intelligendum est enim non esse absolutam comparisonem per omnia, sed in eo tantum consistere, quod sicut vnum non committitur sine grandi scelere, ita neque alterum sine grauissimo peccato. Sunt autem, qui existiment D. Cypriano visam esse aquam de necessitate sacramenti: sed eum ab hac sententia D. Tho. & ceteri Theologi vindicare conantur.

4 Verū in hac permistione aque duo errores cauendi sunt, resutati in c. cum Martha de celebr. miss. vnus eorum, qui cōtendunt aquam calici infusam permanere in sua specie, tam in vino ante consecrationem, quàm in sanguine post consecrationem, & ita sit aliqua substantia in calice Domini, non subiecta conuersioni & trans-

Cypriani sensus explicatur.

Comment. in D. Tho. tert. part.

substantiationi. Refutatur facillè ex forma calicis, quæ de toto eo, quod continet, verè pronuntiat: hic est calix sanguinis mei, quod non esset verum, si contineretur aqua in sua natura, & populus consuetudine recepta, totum quod est in calice, adorat. quod adeò verum est, vt si pro aqua naturali, alius succus in ea, quæ nunc aqua quantitate permisceretur, vt rosea, non minus conficeretur sacramentum, quàm si nihil admistum esset: quia modica illa aqua, vel succus in vinum conuertitur, & vinum vi consecrationis in sanguinem. Alter error est eorum, qui volunt aquam seorsum verti in aquam, quæ manauit ex latere Domini, & vinum seorsum in sanguinem. Sed facillimè refutatur, cum non habeat Ecclesia formam, qua possit aquam conuertere, sed vinum in sanguinem, neque forma efficere potest aliud, quàm quod significat, & constat formam calicis tantum significare sanguinem Christi, & nullo modo aquam, quæ de latere illius fluxit. Hæc dicta sunt de materia huius sacramenti.

Quæstio de forma huius sacramenti cum catholicis.

DE forma huius sacramenti, hic necessario nobis differendum fuit, quod ea sit conuersionis causa & consecrationis, & hæc præsentia Christi substantialis in Eucharistia, & de causis vt natura prioribus prius dicendum est. De forma autem multiplex est doctrina, quæ quatuor partibus contineri posse videtur, esse aliquam formam certis & conceptis verbis comprehensam, quæ materie subiectæ applicetur, non per sonam recipienti sacramentum: quæ sint huiusmodi formæ verborum, panis & vino accommodandæ: quis sensus verborum legitimus: quæ denique in materiam subiectam efficacia. In his autem omnibus habemus totam Ecclesiam catholicam circa essentialia sacramenti consentientem, repugnantes autem Calvinianos in omnibus, & Protestantes in quibusdam. De omnibus nostro more sententias breuiter comprehendere proponemus. Prima sit, necesse est in hoc sacramento esse formam definitam. Ratio prima est, quia hoc positum est omnium sacramentorum nouæ legis commune, vt materia & forma consentiant, &

hanc definitis verbis contineri, vt accedente forma ad materiam fiat sacramentum, quod D. August. tractat. 80. in Ioann. de baptismo sic expressit, accedat verbum ad elementum, & fit sacramentum. ea verò sententia à Conciliis Florent. & Trident. atque tota deinceps posteritate, ad reliqua sacramenta traducta est. Quod si aduersarij certam materiam in baptismo, & præscriptam formam admittunt, cur similiter in hoc sacramento non admittent? aut si materiam esse definitam credunt, cur non formam. cum vtrique ex Christo instituyente hoc sacramentum plane deriuetur.

2. Consentiunt Patres, D. August. lib. 20. contra Faust. cap. 23. noster panis, inquit, & calix, certa consecratione fit mysticus nobis, & non nascitur, proinde, quod ita non fit, alimentum est refectionis, non sacramentum religionis. Cyprian. de Cæna Domini, ante verba ille cibus nutriendis corporibus commodus erat, & vite corporalis subsidium ministrabat, at postquam est solenni benedictione sacratus, ad totius hominis vitam, salutemque proficit. Iustinus Apolog. 2. pro Christianis, eleganti similitudine incarnationis, idem sic explicat. non vt vulgarem panem, aut vulgare poculum hoc sumimus, sed quæ admodum per verbum Dei caro factus Christus, sic per verbum precationis sacrari ab ipso alimoniam. Irenæus lib. 4. cap. 34. panis, qui est ex terra percipiens vocationem Dei, iam non est communis panis, sed Eucharistia. ita D. Ambros. lib. 4. de sacramentis, cap. 4. & lib. 5. cap. 4. fermone & verbis Domini, hoc sacramentum confici accuratè docet. Neque cuiquam patrum venit in mentem, fide sola, perceptione, concione aut historia institutionis huius sacramenti recitata, Eucharistiam fieri. quare Patrum vestigiis inherens Ecclesia Catholica, sic semper administravit, & confecit hoc sacramentum, certa verborum forma subiectæ materie applicata, vt in Concilio Florentino definitum est, & praxis Ecclesiæ catholicæ retinet. Quocirca hæreticum est quod olim asseruerunt Manichæi, vt eodem cap. 13. refert D. August. panem sacramentalem non fieri, sed nasci, & ideo reiciebant benedictionem vel consecrationem, quæ verbis fit.

E. huius sacramenti definitio verborum formæ.

Recentiores autem aduersarij, quia negant Christum adesse in sacramento realiter & substantialiter, verborum consecrationem tollunt: quia per eam verentur præsentiam induci & confirmari. qua verborum consecratione reiecta, quidam ex illis concione habita ad populum de usu ac institutione cœnæ, alij præce quacunque libera & indifferente, alij historiæ tantum recitatione, præsertim ex diui Pauli, 1. Corinth. 11. quod in ea hoc sacramentum, panis sæpè dicatur, quo verbo illi volunt transubstantiationem tollere, præsertim Protestantes. alij fide recipientis, & mentis designatione, qua separatur panis Eucharisticus à cæteris cibis non mysticis. alij denique manducatione, fractione & usu, hoc sacramentum confici volunt. Quæ omnia illo fundamento falsò nituntur, sacramenta tantum pertinere ad instructionem & doctrinam fidei, & nihil effici ex vi sacramenti, quod dicunt ex opere operato: contra quam sententiam de sacramentis in genere supra disseruimus. Eam verò formam materiæ sacramenti applicandam esse, non solum illa ratione generali concludere volumus, quod in omni sacramento nouæ legis, materiam formæ coniungi oporteat, ut perfectum sit sacramentum, sed ex propriis, quæ Christus in institutione huius sacramenti effecit, & nos similiter facere præcepit. Christus igitur, ut referunt tres priores Euangelistæ, & D. Paulus 1. Corinth. 11. dicitur, gratias egisse, benedixisse, & fregisse panem, & calicem distribuisse. Aduersarij autem, benedictionem & gratiarum actionem idem esse volunt, gratias autem egisse Deo, & benedixisse, non panem aut vinum, sed Deum: & ideo nullam ex verbis materiæ mutationem concludi posse, cum non sint materiæ applicata, sed ad Deum tantum relata: nos autem contendimus, siue sit idem benedicere, & gratias agere, siue sint actiones diuersæ, benedictionem esse subiectæ materiæ panis & vini, quam prius Dominus benedixerit, deinde benedictam Apostolis distribuerit.

4 Id verò primùm probatur ex Marco, qui expresse inquit, accepit panem, benedixit & fregit, quæ omnia constat referri ad eundem panem. Confirmatur, quia ex omnibus constat, non prius benedixisse,

quàm materiam in manus sumpserit, quasi benedictio ad eam esset omnino referenda. Diuus etiam Paulus, 1. Corinthio. 10. poculum, inquit, quod benedicimus, ubi benedictio vinum afficit. Quod si gratias agere Euangelistis, est idem quod benedicere, vtrumque ad subiectam materiam pertinebit, ut veteres Patres significant, appellantes hoc sacramentum, panem eucharistizatum, hoc est, gratiarum actione confectum. & certè si Euangelistarum & Pauli loca inter se conferantur, videbitur sanè idem esse gratias agere & benedicere. De pane enim Marcus dixit benedicere, de calice gratias agere; sed illa benedictio panis, dicitur à Matthæo, Luca, & Paulo gratiarum actio, & 1. Corinth. 14. vnum pro altero usurpatur. Quare non oportebat aduersarios fraudulenter pro his duobus semper vnum dicere, quod est gratias agere, quasi hoc sit magis accommodatum, ut in Deum referatur, quàm benedicere, quod rem subiectam videtur afficere: nostri autem pro duobus Græcis: Eucharistein, & Eulogein, duo etiam æqualia Latinis reddunt, gratias agere & benedicere. Cur igitur, si pro eodem videtur sumi ab Euangelistis, & alterum rei subiectæ applicatur, nempe benedicere, quia casus rei subiectæ, applicationem istam requirit, quia dicitur benedixisse Dominus panem, non similiter intelligitur alterum materiæ subiectæ applicari? si quidem ex manifestioribus, obscura debent illustrari. Cur etiam, si idem valent, ut aduersarij placet, omissa hac applicatione expressa, benedictio accipietur pro gratiarum actione, & hæc ad Deum referetur, ut ea ratione in nullam materiam benedictionem transisse fraudulenter concludatur? repugnante præsertim antiquitate, quæ benedictionem & gratiarum actionem ad res subiectas accommodat.

5 Scio valdè probabile esse, ut gratiarum actio, & benedictio, duæ actiones Christi diuersæ sint, & illam referri ad Deum, hæc ad materiam subiectam, & quod sæpè accidit in Euangelistis, ut vna actio ab vno explicetur, altera ab alio: verbi gratia, hic narret Christum gratias egisse Patri, ille benedixisse panem. Quam sententiā probabilem facit usus omnium Ecclesiarum, & antiquissimorum Patrum, in quorum Græ-

*Iustinus & Ire-
infra de transubstant.*

An gratias agere & benedicere sint idē.

Prima sententia probabilis.

Altera sententia etiā probabilis.

Benedictio Christi instituentis hoc sacramentum, respicit subiectam materiam panis & vini.

Comment.in D.Tho.tert.part.

cis Liturgiis, ita Christus in sacram actionem inducitur, ut & gratias egisse Deo Patri, & benedixisse proposita dona dicatur. Iustinus etiam, & Dionysius. cap. 3. Ecclesiasticus. hierarch. meminit gratiarum actionis siue hymnologiae, & benedictionis circa ritum Synaxis. Graeci in sua anaphora. i. diuini ore parte missae, dicunt Christum gratias agentem aspexisse, & simul panem eleuasse, & nomen & virtutem Dei super eum inuocasse. Similiter nostrae missae diuinissima actio, quam ex Apostolorum traditione conseruatam retinemus, refert Christum eleuatis oculis in caelum ad Deum Patrem, ipsi gratias egisse, deinde benedixisse; quae eleuatio inuocationem aut postulationem aliquam indicare videtur, ut Ioannes. 11. in resuscitatione Lazari, caelum prius aspexit, & gratias egit Patri, ut accipiens ab eo potestatem efficiendi rem admirabilem & stupendam. Hac autem gratiarum actionis & benedictionis distinctione retenta, erit illa veluti praeparatio, qua Christus Deum Patrem collaudasse & pro eximio dono gratias egisse dicatur, benedictio autem ad panem ipsum referenda est.

Si sunt duae actiones, altera ex his, siue una tantum, ea respicit subiectam materiam sacramenti.

6. Itaque siue illae sint duae actiones, altera earum, siue una tantum, ea subiectam materiam panis & vini debet respicere, ut retineamus intelligentiam & sensum Marci Euangelistae supra explicatam. Quod autem aduersarij benedictionem referunt ad hymnum & gratiarum actionem, quae nostras & Iudaeorum refectiones precedere aut sequi solet, nulla probabilitate nititur; quia illa benedictio ad panem refertur, & gratiarum actio hymnus dicitur ab Euangelistis, cum dicunt hymno dicto, Christum a coena surrexisse. Et quis vnquam legit hanc pro cibis gratiarum actionem, seorsum pani & seorsum vino fuisse accommodatam, in eadem coena? & res sic benedicendas solenni ritu in manus sumi? Nos autem existimamus hanc gratiarum actionem, non esse nudas laudes, sed quales diximus, inuocationem, orationem, & benedictionem ipsius panis & vini complecti; & hoc totum continuata & eadem actione comprehensum physice & re ipsa: habuisse tamen plura rationibus & morali consideratione distincta, omnia tamen ad eandem panis benedictionem relata. quae autem sit vis & efficacia huius benedictionis, & quod non

Tertia sententia, quae attribuitur, quae praecedenti non repugnat.

sit sola dedicatio symbolorum ad usum sacrum, in doctrina de transubstantiatione ostendemus.

7. Sed restat explicandum, quo modo Christus benedixerit panem & vinum, verbo ne an sola voluntate, aut impositione manuum, ut Mar. 10. videtur. pueros benedixisse: aut quomodo nunc Ecclesia benedicit, signo Crucis. Respondeo Christum verbis benedixisse, quia hoc ratio nominis declarat, & consuetudo sanctae scripturae verbis exprimit Dei benedictionem, ut Gen. 1. Crescite & multiplicamini, generi nostro dictum esse legitur, ut vim propagationis acciperet; Christus igitur verbis effectum exprimentibus aliquem benedixisse dicendus est. Quod si antiquis Patribus consecrare & benedicere sunt idem, ut in eadem doctrina de transubstantiatione ostendemus, & consecrationis in Ecclesia catholica praescripta & definita sunt verba, tam super panem, quam super calicem, certe eisdem verbis Dominum consecrasse colligitur, siquidem quod nos facere precepit, id ipsum prius fecit. sed quia plerique etiam catholici, non eisdem verbis Christum & nos consecrare asseruerunt, examinandae sunt a nobis omnium de hac re sententiae, ut constet quibus verbis Christus consecrauerit, ut inde colligatur, quibus nos consecrare oporteat.

Benedictio Christi quibus verbis facta sit.

8. D. Thom. q. 78. art. 1. ad primum, quatuor proponit sententias de forma consecrationis Christi & nostra. Prima est Innocentij III. lib. 4. de myst. cap. 6. asserentis, Christum virtute diuina confecisse hoc sacramentum, tum cum benedixit, vtrumque potestate excellentiae, ut sine forma illud faceret, quod nos nisi praescriptis verbis facere non possumus: & postquam sic confecisset, tradidisse nobis illa verba, quibus consecramus. Haec sententia proponitur ab illo, sed non affirmatur, neque affirmari aut defendi potest. Primum, quia illud benedocere, nec intelligi quidem potest sine verbis, ut nominis ratio ostendit. Secundum, quia hoc esset miraculum operari, non autem instituere sacramentum; cum haec institutio sit formae & materiae applicatio: praesertim cum Christus non solum instituerit applicationem illam docendo, sed etiam ministrauerit & confecerit, praecipiens ut similiter Apostoli facerent, illis verbis, hoc facite; ut igitur praecipit nos verbis conficere,

cere, sic etiam ipse confecit verbis & non potestate tantum excellentiæ. Altera sententia vult quidem Christum verbis, tum cū benedixit, confecisse, sed non eisdē quibus nos conficimus. Sed facillē refellitur eodem argumento, quia nos ad imitationē Christi hoc sacramentum conficimus, quare ut ille eadem materia vsus est: nec aliam nobis præscripsit, cur non eadē etiam forma vsus esse dicitur? præsertim cū hæc verborum forma melius quadret in Christi personam, quam sacerdotis ministri, cum sacerdos formam proferens, gerat personā Christi. Vnde Concilium Florent. sess. vlt. in doctrina de sacramentis decernit, formam huius sacramenti esse verba Saluatoris, quibus ipse confecit. quare sententiæ quæ ab hoc decreto dissentiunt, vix iam possunt ab hæresi excusari. Tertia sententia asserit Christum bis protulisse eadem verba, semel secretò ad consecrandum, & iterum apertè & publicè ad instructionem nostram, quomodo in Euangelio recitantur. Sed est absurda sententia & carens omni probabilitate, quia Ecclesia non vitur his verborum formis, nisi ut à Christo adhibitis ad sacramenti consecrationem, non quia prius secretò illas protulerit, sed quia ex testimonio Euangelistarum cōstet eas Christum super materiā protulisse. Deinde si Christus bis protulit, certè secunda repetitio non fuisset effectiua, sed historica, vel demonstratiua rei consecræ: quare cum nos imitemur secundam, hoc est publicam prolationem, sequeretur historicè tantum à nobis pronunciari; quod esset tollere rationem sacramenti, & non applicari subiectæ materiæ, ut postea apertius intelligetur.

Christus benedixit & consecrauit eisdē verbis, quibus nos consecramus.

9 Quarta sententia communis, & sine cōtrouerfia catholica, asserit benedictione Christum consecrasse, & eisdem verbis semel pronuntiatis, quæ Euangelistæ referunt. Sed quando fuerint prolata, non constat expressè ex Euangelistis, vtrum ante fractionem & dationem, vel inter frangendum & distribuendum, quod D. Thomas magis congruere cum Euangelio existimat. ut Dominus benedicens, frangens & diuidens panem, atque etiam distribuens Apostolis, diceret, hoc est corpus meum, similiter porrigens calicem. Adhuc tamen negari non potest, esse in narratione Euangelistarum hysterolo-

giam, idest, sermonis ordinem inuersum & permutatum: quia Marcus inquit, accepto calice gratias agens, dedit eis, & biberunt ex illo omnes, & ait eis, hic est sanguis meus; cum alij Euangelistæ atque Paulus, & ipsa ratio huius ordinis euincat, priorem fuisse pronuntiationem verborum super calicem ipsa sumptione, & consequenter ipsa distributione calicis inter omnes. Ut enim Ecclesia nunquam fregit nedum dedit panem ante prolata verba, quibus cōsecratio fit, sic neq; Christus Dominus, cum ex imitatione Domini, Ecclesia distribuatur. neque illud etiam probabile est, Christum fregisse panem in tot particulas, quot erant percepturi, antequam proferret verba, ut quidam coniiciunt: & quod de micis cadentibus dicitur, si post consecrationem diuideretur, non tam difficile est ad soluendum, quam curiosum. quoniam is panis esse potuit, cum azymus esset, & minimè vulgaris, ad festi nempe celebrationem consecutus, ut ex diuisione, micæ non defluerent; præsertim cum eam curam Domini fuisse credendum sit, ut nec deciderent, nec perirent. Fractio igitur & distributio proximè consecuta est; verborum & consecrationis prolationem, vel saltem dum verba Christus proferebat, distributio facta est: sed prius factam consecrationem, & non inter frangendum, significare videtur Marcus illis verbis: & cum benedixisset, hoc est postquam benedixit fregit. Vt cumque sit, illa sententia communis & catholica vera sit oportet, Christum consecrasse eisdem verbis prolatiis, quibus nos in Ecclesia catholica consecramus. Primum, quia Apostolos instituens noui testamenti sacerdotes, illis verbis [hoc facite] simul etiam præcepit, efficere eodem omnino modo, quo ipse effecerat; ipse autem accipiens panem & calicem vini, protulisse dicitur illa verba super eandem materiā: & hoc ipsum tāquam à Domino factum, imò verò in persona Domini, per suos ministros Ecclesia catholica frequentat: consecrauit igitur Christus eisdem verbis, quibus nos consecramus. Idem omnino docent omnes veteres Patres, quorum testimonia proferemus paulò post ad ostendendum, quæ sit forma panis & calicis determinata ex necessitate sacramenti, asserentes non aliis verbis fieri consecrationem, quam

An consecratio præcesserit distributionem.

Comment.in D.Tho.tert.part.

Forma huius
sacramenti ex
necessitate sa-
cramenti, 3. p.
q. 78. art. 2. et
3.

quibus Christus benedixit & consecrauit.
10 De quatuor propositis in hac doctrina
de forma huius sacramenti, duo priora ab-
soluimus, esse formā aliquam materię ap-
plicandam, vt fiat sacramentum, & eā cer-
tis & prescriptis verbis constare: tertium
proximē explicandum consequitur, quæ
nam sit huiusmodi forma, tam panis quam
vino applicanda ad confectionem sacra-
menti. De hoc igitur tertio sit hæc conclu-
sio. Forma super panem ad necessitatem
sacramenti simpliciter necessaria est hæc,
[hoc est corpus meum:] similiter super vi-
num hæc, hic est sanguis meus, vel hic est
calix sanguinis mei: cæterę omnes partes,
quæ in formis Græcis aut Latinis propo-
nuntur, sunt necessariae ex præcepto Ec-
clesiastico; neque vlla earum sine graui
scelere prætermitti potest. sensus cōclusio-
nis exclusionē explicari debet, hoc modo:
tantum hæc est forma, &c. cuius proposi-
tionis prior exponens scilicet, hæc forma
est de necessitate sacramenti, prius expli-
catur: deinde probabitur altera exponens,
scilicet nihil aliud pertinet ad eandem for-
mam ex necessitate sacramenti. Probatur
primò, quia D. Paulus 1. Corinth. 11. refe-
rens, quæ de hoc mysterio à Domino ac-
cepit, significanter refert, illa verba, hoc
est corpus meum & hic calix nouum te-
stamentum est in meo sanguine, quod
idem est, atq; hic calix est sanguinis mei:
ergo hæc est legitima panis & calicis for-
ma. Cætera autem verba addita ab Euan-
gelistis & D. Paulo non pertinere ad essen-
tiam sacramenti, postea ostendemus: nūc
verò tantum ostendimus, illa esse de ne-
cessitate sacramenti, hoc est corpus meū,
hic est sanguis meus, quibuscunque ver-
bis idem sensus exprimi possit. Ostendi-
mus enim in doctrina de sacramentis in
genere, eandem esse formā verborum in
sacramentis, quibuscunque verbis con-
sistat & dictionibus, & quocumque idio-
mate proferatur, modò sensus idem ma-
neat. Sic ergo ex Euang. & Paulo constat,
illas formas esse de necessitate sacra-
menti, vt sicut referunt accepisse materiā ad ve-
ritatem sacramenti: ita intelligātur illa ver-
ba ad eandē veritatē pertinere, quę super
materiā Christus protulit: hoc est corpus
meum, hic est sanguis meus. Probatur se-
cundò, ex testimonio omniū Theologorū
vtriusq; Ecclesię Gręcę & Latine. Iustinus

in fine Apologię 2. inquit Eucharistiā cōse-
crari per verbū Dei, sicut Christus factus.
est homo per verbū Dei: sed illud verbum
nō potest esse, nisi quod omnes Euāgelistę
cōmemorant Christū dixisse, hoc est cor-
pus, hic est sanguis meus: illa igitur verbo-
rū forma est de essentia sacramenti. Tert.
lib. 4. cōtra Marc. panē inquit acceptū Chri-
stus fecit corpus suum dicēdo, hoc est cor-
pus meū. Similiter Cypr. de cœna inquit,
sacerdos panē profert & vinum, hoc est,
inquit, corpus meum, anteverba illa cibis
erat cōmunis: at postquam à Dño dictum
est, & quotiescunq; his verbis & hac fide
actum est, panis iste substātiā solēni be-
nedictione sacrauit, ad totius hominis vi-
tā & salutem proficit. idē apertē Ambr. lib.
4. de sacramētis, c. 4. de myst. c. 9. D. Aug.
serm. 28. de verbis Domini, Euseb. Emiss.
ser. 5. de Paschatæ, Paschasius, lib. de corp.
& sang. Domini. cap. 12. Chrysost. homil.
2. in 2. epist. ad Timot. quemadmodum in-
quit, verba sunt eadē, quæ olim Christus
dixit, & quæ nunc sacerdotes pronun-
tiant: ita oblatio est eadem. & homil. de
proditione Iudæ, sacerdotis, inquit, ore
verba proferuntur, & Dei virtute conse-
crantur & gratia: hoc est, ait, corpus meū,
hoc verbo proposita dona consecrantur.
Gregor. Nyssē. in oratione catechi. panis,
nō quia comeditur corpus Christi euadit,
sed statim per verbum in corpus mutatur,
& à verbo hoc, hoc est corpus meum. Idē
Germanus Constantinop. in Theoria
Ecclesiastica, & Damasce. lib. 4. de fid.
cap. 14.

11 Denique idem definitum est ab In-
nocent. cap. cum Marthæ, de celebr. miss.
Florentinum Concil. in decreto de sacra-
mentis sess. vltim. & aliis multis decretis
de conse. dist. 2. vt iam sine crimine hære-
seos, dubitari de hac re non possit. Proba-
tur tertio ex praxi & vsu Ecclesię, quia om-
nes liturgię & missę, quamuis in aliis
sit aliqua diuersitas, omnes tamen pro for-
ma consecrationis proponunt illa, hoc
est corpus meum, super panem, & hic est
sanguis meus, vel calix sanguinis mei, su-
per vinum. Quartò, ratio Theologica idē
confirmat hoc modo: hæc forma panis &
calicis, effectū sacramenti cōgruentissimē
significat: est igitur illa forma huius sacra-
menti: cū omnis forma sacramēti nouæ le-
gis effectum sacramenti debeat exprime-

Decret. Eccle-
siastica de for-
ma huius sacra-
menti necessa-
ria.

re. Cōfirmatur antecedēs, quia per hāc formā debet fieri corpus Christi accōmodatē ad manducationem, & sanguis accōmodatē ad potū, quod vtraque forma conuenienter exprimitur: quia, hoc, significat substantiam sub accidentibus panis, & hic, in forma calicis, significat contentum sub accidentibus vini, vt postea explicabitur. Cū autem cōuersio ista, sit quædam mutatio, & in hac sit terminus à quo, & terminus ad quem, etiā si momentanea est, verē dicitur esse, quod fit; & hæc tria sint in his formis, terminus à quo demonstratus pro nominibus, hoc, & hic, terminus vero ad quem sit, corpus meum, & sanguis meus: rectē sane illæ formæ huic sacramento accommodantur. Cōfirmatur, quia vt in aliis sacramētis ea est forma conueniēs, quæ significat effectum proprium sanctificationis insusciπiente; cum in solo vsu & applicatione consistat: ita in hoc sacramento, quod non primō in vsu sed in materiæ cōsecratione cōsistit, illa forma cēseri debet legitima, quæ effectum consecrationis, hoc est realē corporis & sanguinis Christi præsentiā significat. Hactenus cōfirmata sit prior pars propositæ conclusionis, nempe illa esse de necessitate sacramēti, hoc est corpus meum, hic est sanguis meus, de qua nullus vnquam Theologorum dubitauit: deinceps posterior pars confirmāda est, nempe nullam aliam vocem, aut sententiā accedētē huiusmodi præscripta verba, interiectā, aut consequentē, ad necessitatē sacramēti pertinere, sed meritō ab Ecclesia aliis adiuncta esse.

Nulla alia verba præter comprehensa formis propositis, esse de necessitate sacramēti.

12 Referunt igitur Euāgelistæ & D. Paulus quædam ante illa verba præscripta pro forma huius sacramēti, vel in persona ipsorum, vel Christi, vt quod Christus, benedixerit & fregerit, quod dixerit, accipite, & manducate, accipite & bibite. ipsis formis quædā etiā sunt interiecta, præter illa quæ diximus, vt in vtraque panis & vini forma, hæc particula, enim, & in forma vini, calix, vel nouum testamentum, apud Paulum. sunt denique alia, quæ illa verba præscripta ad necessitatem sacramēti consequuntur: vt ad formam panis descriptā cōsequitur statim, quod pro vobis datur, & ad formam calicis, addit Matthæus, qui pro vobis effundetur in remissionem peccatorū: & missæ Latine forma his omnibus propo-

sitis addit, æterni, & iterum, mysteriū fidei: itaque cætera omnia, ex quibus formæ missæ Latine contexta est, ex Euāgelistis & Paulo inter se collatis desumpta sunt: illa verò tria, æterni, mysteriū fidei, à nullo scripta sunt. Quare cū tot verba sint præter illa præscripta in 1. p. conclusionis ad necessitatē sacramēti, probandum est, nullū ex his ad necessitatē sacramēti pertinere. Primum igitur antecedentia illa verba, si sint Euangelistarū propria, ad cōsecrationem pertinere non possunt, quia nos consecramus eisdē verbis, quibus Christus, ipse autē fuis est vsus non Euangelistarū: nos igitur eisdem non oportet consecrare. Si autē illa verba sint Christi, sed vsum exprimētia, cuiusmodi sunt, manducate, bibite, illa nō possunt pertinere ad necessariam huius sacramēti cōsecrationem, cum hoc sacramētum non consistat, vt cætera, in vsu, sed in materiæ consecratione, & ideo ante vsum, iā est perfectum sacramētum. Protestantes autem vehementer vrgent illa verba pertinere ad essentiam sacramēti, quia putāt consistere in vsu, & extra vsum re ipsa non existere Christum, sed ea sententia apertissimē refutabitur in doctrina de transubstantiatione, in qua ostendetur ex verbo Dei prolata formæ consecrationis statim existere Christum in hoc sacramento verē & substantialiter, & non tantum in vsu & sumptione. Secundō ostēdendum est, verba alia, quæ consequuntur formas suprā præscriptas, ad essentiam sacramēti non pertinere, in forma calicis, cum in forma panis, nihil præterea addatur in Ecclesia Latina ad consecrationem.

13 Ratio potissima est, quia nō minor est vis in his verbis, hic est sanguis meus, ad cōsecrandum vinum, quam in illis, hoc est corpus meum, ad cōsecrandū panem: sed illa satis sunt ad consecrationem panis, ex receptissima totius Ecclesiæ sententia, de qua nullus vnquam Theologus dubitauit, quia efficiunt quod significant; ergo hæc descripta ad cōsecrationem vini satis sunt, cum significant, quod efficiunt, nempe de substantia vini, sanguinem Christi factum esse: quare si prolatis his verbis tantū, alia addideris, nihil est, quod præterea efficias, cum iam sit vini in sanguinem facta cōuersio, aut illa verba, hic est sanguis meus, non efficiunt, quod significant, quod im-

Ratio Theologica concludens verba consecrationis necessaria.

Comment. in D. Tho. tert. part.

pium est asserere de vlla forma sacramen-
ti nouę legis, accōmodata à legitimo mini-
stro suę materię, cum debita intētione. Cō-
firmatur, quia sicuti Euāgelistę formę pa-
nis pręscriptę addiderunt illa verba, quod
pro vobis datur, & sine his tota Ecclesia
sentit perfici panis consecrationem, ita for-
mę pręscriptę calicis, addiderunt illa, qui
pro vobis effundetur: ergo hęc similiter
ad necessitatem consecrationis sacramen-
ti non pertinent: vt enim his determinat-
ur prędicatum, sanguis, sic illis prędicatū,
corpus. Pręterea, si hęc omnia quę for-
ma calicis Latina comprehendit, pertine-
rent ad veritatem & essentiam sacramen-
ti, Patres omnes Gręci, qui in suis liturgiis
illa non apponunt, nunquam omnino con-
secrassent calicem, & idcirco dicendum es-
set, nunquam Patres illos sanctissimos &
doctissimos, Basilium, vtrumque Grego-
rium, Chrysostomum & alios, verum Ec-
clesię & perfectum sacramentum ac sa-
crificium confecisse, quod impium & te-
merarium esset cogitare. Particulas alias
interiectas verbis necessariis ad consecra-
tionem, vt in vtraque forma, particulam
enim, & in forma calicis, æterni, & my-
sterium fidei, non esse de necessitate sa-
cramenti, eadem argumenta concludunt:
cum sint similiter determinationes quę-
dam non pertinentes ad necessariam si-
gnificationem effectus, quem forma ex
subiecta materia efficit.

14. Valdē autem vtile est ad horum ex-
actionem intelligentiam adnotare, in ser-
mone Christi instituentis hoc sacramen-
tum, non solum fuisse verba operatoria,
sed etiam narratoria & instructiora, vt
quę ad vsum sacramēti & ipsius effectus,
finem & alias circumstantias pertinent: vt
pręceptum de comedendo & bibendo,
de morte sua commemoranda, vt in ea-
dem sermonis complexione comuni-
tio illa, se non bibiturum amplius de ge-
minibus vitis, &c. quę tam diuersa, licet
compræhensa eadem sententia Domini,
etiam tenentis calicem in manibus, nul-
lus hæreticorum aut catholicorum vnquā
asseruit, ad necessitatem consecrationis
pertinere: separare autem ex vario illo
sermone, quod est operatorium conse-
crationis, Ecclesię catholicę proprium
fuit ex instinctu Spiritus sancti, vt sit illud

tantum, quod subiectę materię sacramē-
talem mutationem significabat: reliqua
verò de ipso sacramento dicta, non ta-
men super panem, ad sacramenti formam
necessariam non pertinere. Fuit autem ne-
cessarius ille varius sermo Domini in hu-
ius sacramenti institutione, quia multa alia
fecit & docuit, quę nos consecrantes nō fa-
cimus. Ille enim sacramentum instituit, po-
testatem dedit Apostolis consecrandi, di-
cens, hoc facite, quare hęc omnia non erūt
ad consecrationem necessaria. Sicut insti-
tuendo sacramentum pœnitentię, Ioa. 20.
dixit Dominus, accipite Spiritum sanctū,
quod non pertinet ad formam sacramen-
ti, quam tamen insinuauit cum subiunxit,
quorum remiseritis peccata, &c. Postremò
restat probandum, hęc omnia, quę in for-
mis consecrationis cōtinentur, & non sunt
de necessitate sacramenti, non sine grauif-
simo peccato omitti posse ex pręcepto Ec-
clesię, quia edocta ab Spiritu sancto illa
omnia ad cōmodiorem explicationem hu-
ius mysterij addidit, vel ex ipsis Euāgelistis
desumpta, vel ex traditione Apostolorum
Petri & Pauli, à quibus Latina Ecclesia cre-
ditur has formas accepisse, & pręcepisse
vt similiter atque accepit exprimerētur, vt
autor est Innocent. III. lib. 4. de myster. c.
5. & c. cum Marthę. de celebr. miss. & Flo-
rent. Conc. sess. vltima de sacramentis, prę-
cepit sacerdotibus eisdem formis conse-
crare. & D. Dionysius de Ecclesiast. hier.
asserit verba, quibus mysteria conficiun-
tur, occulta traditione contineri; quod etiā
confirmat D. August. regula de consuetu-
dine Ecclesiastica. lib. 5. contra Donatist.
cap. 32. qua docet, generalem Ecclesię
consuetudinē incertę originis ad Aposto-
los esse referendam. quod confirmabis,
si obserues has formas panis & calicis, in
omnes Ecclesias, quę religionē ab Eccle-
sia Romana sumplerūt, vna cū fide intro-
ductas fuisse. Pręceptū igitur in re tātū mo-
menti violare, grauissimū peccatum esset:
imò verò tenentur sacerdotes, vt est mos
Ecclesię Romane, integras formas cū intē-
tione ipsius proferre. Ex significatione au-
tem intelligetur meritò illas particulas &
interiectas & adiectas esse in forma cali-
cis, quia in forma panis, non est necessa-
riis verbis consecrationis interiecta: sed
illa particula, enim, formam pręceden-
tibus

Forma Eccle-
się Latinę ori-
gō.

tibus connectit, vt proferri intelligatur in persona Christi, vt præcedentia prolata sunt.

*Explicatio for-
ma calicis.*

15 In forma igitur calicis, non dicimus, hic est sanguis meus, vt scribit Marcus, sed hic est calix sanguinis mei, vt ferè Lucas & Paulus, ad significandam conuersionem vini in sanguinem potabilem, cum calix sit poculum: vel ad exprimendum passionis mysterium, qua sanguis effusus est, iuxta illud, Matth. 26. Transeat à me calix iste. Dicitur noui testamenti, quatenus per illum sanguinem, nouum testamentum sancitum, & dedicatum est, cum remissio peccatorum, & interior sanctificatio, quæ pertinet ad nouum testamentum, per passionem Christi nobis concedatur: in cuius sanguine est veritas veteris testamenti, quod etiam in sanguine ininitum & constitutum est. additur, æterni, vt æternam vim eius, ex sacerdotio Christi æterno promanatem intelligamus & diffusam in omnes homines, qui omni tēpore Deo placuerūt. Deniq; illud postremum, quod pro vobis & pro multis effundetur, significat hic existere effusum per modū hostiæ pro peccato, sed accommodatè ad inflammandū animos suscipientium, cū credunt pro ipsis effusum. vt autem intelligatur ad alios absentes pertinere, & non tantum ad præsentēs, dicitur, pro multis: & sanguinis fructus, licet pro omnibus effusus, non tamen participabitur ab omnibus, sed à certis, licet valdè multis, vt Hebræo. 9. ad multorum exhauriendā delicta: licet aliquando multi dicantur in scriptura, omnes, vt ad Roma. 5. per vnum hominem peccatores constituti sunt multi. his omnibus est interiectum, mysterium fidei, vt significetur, in huius sanguinis efficacia esse occultissimum, & sola fide penetrabile mysterium de effectu sacerdotij Christi in sacrificio crucis; de quo, absoluta ratione huius sacramenti, disserendum nobis est. Sensus autem principalis & necessarius huius formæ calicis varie exprimitur ab Euangelistis & Paulo, sed eadem intelligentia. sed cum dicitur sanguinis, in obliquo, non potuit completa significatio esse, nisi adderetur calix, vel nouum testamentum in sanguine, vel aliquid simile: tunc autem illa concurrunt ad principalem significationem, quæ per se sumpta ad eam significatio-

nem non pertinerent, si sanguis in recto adhiberetur, ex quo diiudicari debet, quid pertineat ad significationem sacramentalem, quid non pertineat, secundum diuersam rationē exprimēdi eundē sensum. 16 Ex his intelligimus, omnia quæ his formis addita sunt, sanctissime & accommodatissime apposita esse: atque ideo nullum hominem priuatum ea posse vel minimum violare, omnesque peccare in Christum & in Ecclesiam grauitè, qui his quicquam addunt, detrahunt, immutant, licet etiam sensus seruetur. ac delictum quidem est, si vel negligentia vel incogitantia, aliquid hic committatur: grauius est si prudens & sciens feceris: at si ex contemptu fiat, scelus est. Sed omne huiusmodi crimen est in genere sacrilegij, quatenus est violatio & corruptio rei summo cultui Dei dicatæ: essetque fortasse lōge minus mille calices vel altaria profanare, quam verba calicis semel contemnendo corrumpere. Accuratè igitur cauendum est ab omni permutatione; & ab ea præcipuè, qua sensus immutatur, & ideo sacramentum corrumpitur, vel de qua probabiliter poteris suspicari, quod sensum immutaret, vt si dicas, hæc est caro mea, pro hoc est corpus meum. eadem debet esse cautio in his particulis, quæ possunt hæresim inducere, vt si Zuinglianus diceret, hoc est quodammodo corpus meum, vel Lutheranus, hic panis est corpus meum, & summum sacrilegium committerent, & nihil facerent. Duo præterea diligenter à sacerdote sacrificante obseruanda sunt. Primum, vt sacra verba distinctè, grauitè & expressè pronuntientur: non quod ex omiſſa aliqua finali littera, vel permutatione, vitio linguæ, deficiat sacramentum: sed quod negligentia hic sepe habeat periculum, & nunquam careat irreuerētia. Alterum est, vt secundum morem & traditionem maiorum Ecclesiæ Latine sacra verba submissa voce pronūciat: sic olim Dionysius in fine Ecclesiæ hier. prohibet, ne quis in publicum præces efficientes consecrationem proferat: & nuper Conc. Trident. sess. 22. can. 9. de sacrificio missæ, damnauit eos, qui hunc morem Ecclesiæ improbant. Cuius obseruationis causa est, verborum summa maiestas, atq; Deo dicata sanctitas: quia si clara recitatione populo innotescerēt, variis modis nō solū pro-

*Peccatum in
mutatione for-
mæ huius sacra-
menti.*

*Obseruanda à
sacerdote in
proferenda for-
mæ huius sacra-
menti.*

pietate. Tertium consecrariū, orationes & preces, quibus vel in Ecclesia Græca vel Latina, post formam sacramenti prolatam petimus vel dona oblata immutari, vt in Ecclesia Græca, vel perferri in conspectū Dei vt in Latina: quasi virtute illius tunc immutentur, nihil omnino ad consecrationem efficiunt.

19 Fuerunt quidam Græci recentiores, præscriptas formas huius sacramenti necessarias ad consecrationem asserētes, sed etiā adiunctis illis precibus perfici cōsecrationē magna animorum cōtentione defendētes, vt Marcus Ephesius & Nicolaus Cabasila in Liturgicis commētariis, quib⁹ doctissimè respōdit Bessario præsul Nicenus lib. de Eucharistia, & certè his precibus cōsequentibus consecrationem, tantū petimus mutationem donorum, quæ facta sit virtute verborum Christi, nobis fieri vtilē, & salutarem, non autē absolutē fieri, cum prius facta sit: quod etiam petunt Latinae preces, siue antecedentes siue consequentes consecrationē. Ratio tertij consecrarij est, quia secundū rectam fidē virtute verborū Christi, vt supra ostēdimus, consecratio fit, nec Ecclesia potest aliquid ad formā essentialem sacramēti pertinēs instituire, vt instituit illas preces, quæ proinde nō sunt in Liturgia, cuius meminit Iustinus martyr, aut Dionys. neq; in missa Ambrosiana: non possunt igitur ad consecrationē pertinere, cum eam efficiant tantū verba illa à Domino præscripta.

Quæstio de forma huius sacramenti cum hæreticis.

1 **S**Vperest ad hui⁹ doctrinæ perfectionē, vt aduersariorū, & dissidentium sententiā obiectiones resellamus. Prima obiectio est, quia verba sacramentalia debēt exprimere actionē ministri, vt in baptismo: Ego te baptizo, dicūt Latini, & Græci, baptizetur seruus Christi: ego te confirmo, absoluo, &c. in forma autē huius sacramēti præscripta, nulla est mentio ministri, sed verbis quasi à Christo prolatis sacramentū perficitur, sic autem verba nō vidētur subiectę materię accommodari quod requirit sacramēti cōfectio, sed materialiter sumi & historicè: cū dicat sacerdos in persona Christi, hoc est corpus meū. Respōdetur, dignitatem huius sacramenti, & conuersionem in Christi substantiam,

exigere vt verba dicātur à ministro in persona Christi, quāuis ministrum concurrere ad effectū formę & sacramēti negari nō possit, vt de ministro dictū est in doctrina generali de sacramētis. Sed verba trifariā proferri possunt, vel materialiter vt nihil significant, vt accipiūtur in exēplis dialecticę & aliarum disciplinarū, vel recitatiuē vt in aliena persona dicuntur in comœdiis, & historicis narrationibus, vel significatiuē, vt habeant propriā significationē præfenti rei accommodatam. Verba igitur cōsecrationis nō dicuntur materialiter, quia nihil efficiunt, cū id efficiant, quod significant, & materialiter sumpta nihil significant: sed sumuntur recitatiuē, & significatiuē simul. recitatiuē quidē, quia in persona Christi dicūtur, & rem gestā à Christo exprimunt: significatiuē autem, quia ad res propositas accommodantur, & nō ad panem & vinum, quę olim Christus in manū accepit hoc sacramentū instituens. Exemplum accommodatū est hominis legem nomine regis promulgantis, aut bellū ex alieno edicto indicentis. recitantur enim simul à ministro regia verba, & obligandi vim habent. Fuit autē accommodata hæc forma Christi, ex persona ipsi⁹ prolata, vt intelligeretur sacerdotij æterni, quod habet secundum ordinem Melchisedec efficacia, quæ semper conficit hoc sacramentum, quod & sacrificium est, virtute ab illo deriuata. Quāuis autē in his propositionibus, hoc est corpus meum, hic est sanguis, subiecta & attributa pro eodem accipiantur sub diuersa ratione, non tamen sunt identicę propositiones: quia in his res eadem nomine eodem, vel synonymo & eadem ratione de se dicitur: in illis autem commune attributum in significando dicitur de subiecto singulari, licet vtrumque sit eadem res, vt cum genus de specie, species de indiuiduo, accidens de subiecto dicitur. etenim licet Christus plura habuisset corpora, verē de omnibus diceretur, hoc est corpus meum, vt de pluribus digitis, hic est digitus meus. manēte autem propria significatione verbi [est] qua substantialitatē vel aliud rei gen⁹ esse denotat, quędā sunt propositiones verę, quia asserūt quod est vel fuit, quędā quia significāt, quod fit, & ea in rētionē proferūtur, vt efficiāt, quod significāt, & ideo in termino, plationis res fit, & ppositio est vera. vt si quis demonstrato agro proprio

Contra Græcos recentiores de precibus quas adiungunt verbis consecrationis.

3.p. q. 78. ar. 1

Verba consecrationis cur in persona Christi

Obiectiones ad aduersariorum resutantur.

Comment. in D. Tho. tert. part.

fanarentur, sed nōnunquam etiā ad horrēdas superstitiones & actiones ludicras traherentur. Vnde grauiā quādamolim secuta esse, narrat Innocent. III. lib. 3. de myst. missæ. cap. 1. & alij, qui huius cæemonie rationem reddunt. Et certè illud altum silentium in sacra actione, summā rei sacre reuerentiā & auctoritatē conciliat: æquumque est, vt, quod à ministro ore profano recitari nō debet, nec ab aliis aure communi audiatur: nec iustiores sunt causæ, propter quas plebs à tactu rerum cōsecratarum, quam ab auditione sacratissimorum verborum prohibeatur.

17. Ex hac tota de necessaria forma huius sacramenti, doctrina, efficiēs quædam cōsecratoria, ad cauendos plures errores valde accommodata. Primum sit, licentia dubitandi, & ignorandi certas & præscriptas formas huius sacramenti, nullo modo est admittenda, est contra virum maximū ingenij Ioannē Scotum, qui 4. sent. d. 8. nō solum in hoc sacramento, sed in aliis asserit licitum esse dubitare, quæ sint præcisè formarum verba, & ideo concedit fieri quidem consecrationem per assueta verba, sed non per ea sola, quare consulit sacerdoti vt legat totum canonem distinctè, & consecrationis intentionem referat, non ad hæc vel illa verba determinate, sed indefinite, ad ea quæ Christus præscripserit. Addit non est adorandā Eucharistiā illis solis verbis cōsecratam, hoc est corpus meū, nisi sub cōditione, si cōsecrata sit: adiūgi enim oportere illa antecedētia verba, quæ pridie quā pateretur, ne ipsa forma ad corpus sacerdotis cōsecratis & non Christi referatur, cum ait, hoc est corpus meū. Probatur cōsecrariū, primò, quia ignorata forma sacramenti propria, necesse est nos nihil certi habere de vi & effectu sacramenti, cū is potissimū pendeat à forma. Secūdo, quia vt materiā certam esse oportet, similiter & formā, cum ex vtraque veritas & essentia sacramenti cōstet, & vtramque eodē modò definierint Patres & concilia, de quibus supra. Tertiò, quia valde periculosum esset, in tā prolixa oratione canonis, legitimā retinere intentionem cōsecrādi, si nescires quibus verbis præcisè esset illa accommodanda. quod si velit significare, totū canonē non esse de essentia forme, esse tamē ad cōfectionē sacramenti necessariū, respōdimus, nihil Ecclesiā catholicam

necessarium nosse ad essentiā sacramenti, præter materiā, formā, & rectè intendētē ministrum. Præsertim cū Apostoli dicatur cōsecrasse sola recitatione orationis Dominicæ, vt refert D. Grego. & maiores nostri cōsecrauerint, cum nondū hic canon compositus esset, quem asserit Conc. Trident. sess. 22. cap. 4. constare ex verbis Domini, Apostolorum traditionibus, & sanctorum Pontificum piis institutionibus.

18. Alterū cōsecrarium est, Christus tradidit Apostolis & Ecclesiæ formā verborū præscriptā, quibus hoc sacramentū perficeretur. est contra quosdā rerū ecclesiasticarū valde imperitos, qui non solū ausi sunt scribere, non constare quibus verbis Christus cōsecrauerit: sed etiā non cōstare de pacto nobiscum inito, vt referentes aliena verba cōsecremus, cum illa verba Christi, hoc est corpus meū, hic est sanguis meus, potius sint porrigentis cōsecratum, quā cōsecrantis. Quali verò idē sit ignorare quibus verbis Christus cōsecrauerit, quod Ecclesia non definiuit, nec ab Evangelistis expressum est, & ignorare quibus verbis Ecclesia cōsecret, quod semper in Ecclesia catholica definitum fuisse, supra ostēdimus, licet de aliquot particulis, à nō nullis dubitatū sit, vt ostēdimus, an pertinerent ad essentiam formæ: de illis autem, de quibus hi autores dubitāt, nempe prolatis à Christo, hoc est corpus meum, hic est sanguis meus, à nemine vnquam dubitatum fuisse, paulo antè probauimus. Hanc sententiā Luthero placuisse Clichtoueus asserit, lib. 2. de officio missæ, cap. 24. Sed probatur cōsecrarium, primò, quia, si Christus instituens hoc sacramentum, non præscripsisset certam formā verborum, eius prouidentia deesset in re omnium maxima, quæ ad præstantissimi sacramenti & vnici sacrificij Christiani, deberet esse certissima, & sine qua effectus eius incertus: atque vt semel dicam, si formam certam non designauit, neque hoc sacramentum instituit, cum eius potissima pars sit forma. Secūdo, si Ecclesia nō potest essentialē partem sacramenti instituere, vt ostēdimus de autore sacramentorū in doctrina de sacramētis in genere, neque Christus formam certam præfixit, certè nec haberemus hoc sacramentū, neque sacrificium, quæ habent summā impietatem.

Non licet dubitare de certis formis sacramentorum.

Christus præscripsit formam huius sacramenti.

Christus formam huius sacramenti instituit.

pietate. Tertium consecrariū, orationes & preces, quibus, vel in Ecclesia Græca vel Latina, post formam sacramenti prolata, petimus vel dona oblata immutari, vt in Ecclesia Græca, vel perferri in conspectū Dei vt in Latina: quasi virtute illius tunc immutentur, nihil omnino ad consecrationem efficiunt.

19 Fuerunt quidam Græci recentiores, præscriptas formas huius sacramenti necessarias ad consecrationem asserentes, sed etiā adiunctis illis precibus perfici cōsecrationē magna animorum cōtentione defendentes, vt Marcus Ephesius & Nicolaus Cabasila in Liturgicis commentariis, quib⁹ doctissimē respondit Bessario præsul Nicenus lib. de Eucharistia, & certē his precibus cōsequenter consecrationem, tantū petimus mutationem donorum, quæ facta sit virtute verborum Christi, nobis fieri vtilē, & salutarem, non autē absolutē fieri, cum prius facta sit: quod etiam petunt Latine preces, siue antecedentes siue consequentes consecrationē. Ratio tertij consecrarij est, quia secundū rectam fidē virtute verborū Christi, vt supra ostēdimus, consecratio fit, nec Ecclesia potest aliquid ad formā essentialē sacramēti pertinēs instituire, vt instituit illas preces, quæ proinde nō sunt in Liturgia, cuius meminit Iustinus martyr, aut Dionysius: neq; in missa Ambrosiana: non possunt igitur ad consecrationē pertinere, cum eam efficiant tantū verba illa à Domino præscripta.

Quæstio de forma huius sacramenti cum hæreticis.

1 **S**upere est ad hui⁹ doctrinæ perfectiōnē, vt aduersariorū, & dissidentium sententiā obiectiōnes refellamus. Prima obiectio est, quia verba sacramentalia debēt exprimere actionē ministri, vt in baptismo: Ego te baptizo, dicūt Latini, & Græci, baptizetur seruus Christi: ego te confirmo, absoluo, &c. in forma autē huius sacramēti præscripta, nulla est mentio ministri, sed verbis quasi à Christo prolatis sacramentū perficitur, sic autem verba nō vidētur subiectæ materiæ accommodari. quod requirit sacramēti cōfectio, sed materialiter sumi & historicē: cū dicat sacerdos in persona Christi, hoc est corpus meū. Respondetur, dignitatem huius sacramenti, & conuersionem in Christi substantiam,

exigere vt verba dicātur à ministro in persona Christi, quāuis ministrum concurrere ad effectū formæ & sacramēti negari nō possit, vt de ministro dictū est in doctrina generali de sacramētis. Sed verba trifariā proferri possunt, vel materialiter vt nihil significant, vt accipiūtur in exēplis dialecticæ & aliarum disciplinarū, vel recitatiuē vt in aliena persona dicuntur in comœdiis, & historicis narrationibus, vel significatiuē, vt habeant propriā significationē præsentis rei accommodatam. Verba igitur cōsecrationis nō dicuntur materialiter, quia nihil efficiunt, cū id efficiant, quod significant, & materialiter sumpta nihil significant: sed sumuntur recitatiuē, & significatiuē simul. recitatiuē quidē, quia in persona Christi dicūtur, & rem gestā à Christo exprimunt: significatiuē autem, quia ad res propositas accommodantur, & nō ad panem & vinum, quæ olim Christus in manū accepit hoc sacramentū instituens. Exemplum accommodatū est hominis legem nomine regis promulgantis, aut bellū ex alieno edicto indicentis. recitantur enim simul à ministro regia verba, & obligandi vim habent. Fuit autē accommodata hæc forma Christi, ex persona ipsi⁹ prolata, vt intelligeretur sacerdotij æterni, quod habet secundum ordinem Melchisedec efficacia, quæ semper conficit hoc sacramentum, quod & sacrificium est, virtute ab illo deriuata. Quāuis autē in his propositionibus, hoc est corpus meum, hic est sanguis, subiecta & attributa pro eodem accipiantur sub diuersa ratione, non tamen sunt identicæ propositiones: quia in his res eadem nomine eodem, vel synonymo & eadem ratione de se dicitur: in illis autem commune attributum in significando dicitur de subiecto singulari, licet vtrumque sit eadem res, vt cum genus de specie, species de indiuiduo, accidens de subiecto dicitur. etenim licet Christus plura habuisset corpora, verē de omnibus diceretur, hoc est corpus meum, vt de pluribus digitis, hic est digitus meus. manēte autem propria significatione verbi [est] qua substantialitatē vel aliud rei gen⁹ esse denotat, quædā sunt propositiones veræ, quia asserūt quod est vel fuit, quædā quia significant, quod fit, & ea in tentione proferūtur, vt efficiat, quod significat, & ideo in termino, plationis res fit, & propositio est vera. vt si quis demonstrato agro proprio

3. p. q. 78. ar. 5

Verba consecrationis cur in persona Christi

Contra Græcos recentiores de precibus quas adiungunt verbis cōsecrationis.

Obiectiōnes ad aduersariorum refutantur.

Commen. in D. Tho. tert. part.

proprio, intēdēs vt alteri^o efficiatur, dicat, hic est ager tuus: quibus verbis apud Iurecōsultos aliquando fit translatio dominij c. requisisti de testament. Similes sunt illæ propositiones, Luc. 5. & 7. homo remittuntur tibi peccata tua, & remittuntur ei peccata multa, &, filius tuus viuit. Hæc enim omnia non prius fuerunt, sed ipsis verbis prolatis effecta sunt. Huius generis sunt huiusmodi formæ, vt pronomina, hoc, & hic, non referantur ad panem & vinum, quæ fuerant, sed ad corpus & sanguinem Christi, quæ ex illis effecta sunt; quasi dicat Christus, hoc, quod ex hoc pane intendo facere & facio, est corpus meum, & quod ex hoc vino facio, est sanguis meus. Vnde illa verba Christi, [manducate, bibite] non sunt referenda ad panem & vinum vsitatum, sed ad corpus & sanguinem, quæ ex pane & vino facta sunt à Christo. Similiter, I. Corinth. 10. panis, quem frangimus, dicitur corpus Christi, ex pane factum: & dicitur frangi, licet integrum permaneat, ratione accidentium, quibus fractis & diuisis, idem corpus Christi est in pluribus partibus sacramenti: & constat in nullo alio vno pane esse fidelium communicationem, vt ibidem Paulus ait. Vt igitur Dominus gloriæ ratione humanitatis dicitur crucifixus, sic corpus Christi ratione formæ panis, à qua continetur sacramentaliter, frangi dicitur. quare licet facta sit mutatio panis & vini per formas huius sacramenti, subiectōrū tamē significata nō mutātur, quia sunt corp^o & sanguis Christi, quæ nō mutātur, sed mutatione panis & vini sacramentaliter existunt. Dicitur autē in hoc pane, idest corpore Christi, ex pane esse communicatio, quia participatione, illius fit, vt multi simus vnum corpus, vt seipsum Paulus explicat, & Paulum Cypria. epist. 76. ad Magnum, cuius verba refert D. August. lib. 7. contra Donatist. cap. 50. & tract. 26. in Ioan. vbi declarat analogiam huius vnionis, etiam si in hoc sacramēto, quo vnimur, nulla remaneat substantia panis & vini. Neque verò oportet vt hæc verba, licet habeant vim factiuam, vt ipsam formaliter exprimant, vt illa, Lazare veni foras: puella surge: quia satis esse debet fidei intelligere hæc esse verba sacramentalia, quæ virtute institutionis id efficiunt, quod significant. Si-

milia sunt illa effectiua & narratoria, non imperatiua: Mulier, fides tua te saluam fecit, & illa paralytico dicta, remittuntur tibi peccata: & illa Regulo, vade filius tuus viuit, quibus Dominus operatus est absentis filij sanitatem. Vt autem hæc subiectis personis accommodata sunt: sic verba sacramentalia materiæ sacramenti accommodantur, quia sacramentalia sunt, cum ex forma & materia coniunctis, veritas sacramenti constet.

2 Altera obiectio est ex autoritate veterum Patrum, qui omnes scribunt precibus confici hoc sacramentum, in hac autem forma præscripta siue illa sit historica siue operatoria, nihil est deprecatorium. Sic Iulianus Apolog. 2. inquit oratione cōfici Eucharistiam, Irenæus. lib. 4. cap. 57. inuocatione nominis Dei. Cyril. hierosol. catech. mystag. 3. & 4. inuocatione Spiritus sancti: Hieron. epist. ad Euag. sacerdotum precibus. August. lib. 3. de Trinita. cap. 4. & alias sæpè prece mystica. Similiter Diony. cap. vltimo Eccles. hierar. formam huius sacramenti vocat preces efficientes cōsecrationis. Respondeo verba cōsecratoria deprecationem & inuocationem dici, quatenus per illa vis diuina ad cōsecrationē impetratur, licet formam deprecatoriam non habeant: & ideo generaliter omnem formam cuiusvis sacramenti, preces vocare videtur D. August. lib. 5. contra Donatist. cap. 20. Solent etiam aliquid addere, ex quo intelligatur diuersam esse hanc deprecationem à communi, vt August. dixit mysticas preces, Diony. perfectiuas & consecratiuas, alij orationem, vel gratiarū actionem super panem, vt D. Iacobus cap. 5. orationem dixit super infirmum, formā sacræ vnctionis, & orationem fidei, quasi dicat, non carmen aliquod magicum, sed nostræ religionis propriam inuocationem. Appellant igitur veteres Patres verbum sacramentale, precem, sed non pro aliquo homine, vel re, sed super hominem vel rem subiectam, quæ est materia sacramenti.

3 Tertia obiectio est ex autoritate D. Th. qui 3. p. q. 78. artic. 1. asserit omnes partes, quas eodem tenore super calicem sacerdos profert, quæ sequuntur voces illas [sanguis mei,] pertinere ad sacramētū sub stātiā. sine quibus sacramētū non possit consistere, quod sint eiusdem sanguinis deter-

Cur à veteribus Patribus forma sacramētorum dicitur preces.

De sententia D. Th. circa formam calicis.

determinationes, & ideo pertinentes ad eiusdem formæ essentialem significationem: quare non erit tantum illa forma ad sacramenti necessitatem pertinens, [hic est sanguis meus] vel hic est calix sanguinis mei. Respondeo à plerisque etiam interpretibus diui Thomæ hanc sententiam impugnari, à quibusdam hac distinctione defendi: vt dicatur esse de substantia formæ, quod est de integritate, licet non sit de essentia: vt partes animalis sunt de integritate, sed non de essentia, cum ablatis quibusdam, perfecta maneat essentia: ita ablatis illis particulis, essentialem formam permanere, illis appositis, esse integram, eandem tamen essentiam.

4 Sed certè D. Thomæ in doctrina de sacramentis, quod est de substantia sacramenti, est etiam de essentia, & contrà: & ratio illa, quod illæ particulæ sint determinationes illius prædicati, sanguinis, voluit efficere, omnes illas partes ad essentiam formæ pertinere: & quod eodem tenore super calicem à sacerdote proferantur. Quare hanc sententiam D. Thomæ omnino probare non possum, propter eas rationes, quibus ostendi, tantum esse de essentia sacramenti illa verba: hic est sanguis meus, vel quod est idem, calix sanguinis mei. Sequeretur etiam veteres Patres Græcos, nunquam consecrauisse, cum in eorum Liturgiis in forma calicis huiusmodi voces non apponantur, neque habuisse veram formam huius sacramenti; vnde multa absurda efficerentur, homine Christiano indigna. Nos verò constanter asserimus illos consecrauisse suis formis, & habuisse verum & perfectum sacrificium, quod sine forma consistere non potest. Similiter quacunque forma ab Euangelistis, vel D. Paulo expressa, 1. Corinth. II. consecrari posse, quia omnes continent, quod pertinet ad necessitatem sacramenti, licet variis modis expressum: sed sacerdos Latinus aliquam partem formæ omittens, grauiter peccaret contrà præceptum Ecclesiasticum, quauis nihil deesset ad necessitatem sacramenti. Neque rationes D. Thomæ necessariò concludunt, quod vult: quia illæ determinationes posterius adiectæ, non sunt necessarie ad essentialem formæ significationem, sed utiles ad expressiorem, vt supra ostendimus. proferuntur autem eodem tenore

à sacerdote, non quod sint de essentia sacramenti, sed quia insensu pendent à prioribus, non contrà.

5 Ostendimus esse huius sacramenti certas & præscriptas formas, super calicem & panem, de veritate earum & legitimo sensu deinceps dicendum est. esse igitur veras constat, quia habent vim instrumentalem efficiendi quod significant, & hæc est veritas formæ sacramentalis: quia sacramenta nouæ legis sunt instrumenta, & sacramenti potissima pars est forma verborum: quare cū efficit quod significat, est vera. est enim duplex veritas, vna speculatiua, quæ pendet à rebus significatis: altera practica & factiua rei quam significat, quæ ab ipso effectu pendet. Vnde hæc veritas tunc primum est, cum res significata effecta est. cum autè omnis causa effectu sit prior saltem natura, & hæc causa instrumentalis formæ sacramentalis sit in significando, quatenus efficit quod significat, necesse est prius natura perfectam esse totius formæ significationem, quod est in momento prolationem terminante, quæ effectum ipsum existere. Effectum verò est cōuersio panis in corpus, & vini in sanguinem Christi, vt constabit in doctrina de transubstantiatione. quid autem sit hæc vis instrumentalis dictum est, cum ostendimus sacramentum nouæ legis esse gratiæ instrumentum in vsu sacramenti: sed quia hoc sacramentū ante vsum consistit, sola materiæ per formam consecratione, ideo vis ista instrumentalis ad immutandam materiam, in ipsis verbis sita est. Sic generaliter veritas in his formis debet expendi. specialiter autem vnaqueq; significat suum effectum ab altera independentem. forma quidē panis, hoc, id est, singularem substantiam presentem & sub accidentibus contentam, esse corpus Christi. similiter, hic calix continēs sub specie vini singularē substantiā, est sanguis Christi, nā [hoc] significat præsentem substantiā sub accidentibus, quæcūq; illa sit, similiter [hic.] Et quia momentanea mutatio tota simul momento perficitur, & hæc panis & vini cōuersio momentanea est. tū quia substantia, illius terminus nō suscipit magis & minus, tū quia subiectū non præparatur successiue: denique quia sit virtute Dei infinita, cum primum est actio instrumenti perfectæ, quæ est significatio integra formæ in termino

Veritas forma panis & vini, 3. p. q. 78. ar. 4. & 5.

Conuersio panis & vini momento perficitur. ead. q. ar. 7.

3. p. q. 75. ar. 7.

Comment. in D. Tho. tert. part.

termino prolationis & momento, necesse est effectum vtriusque formæ existere, hoc est, corpus Christi sub figura panis, & sanguinem Christi sub specie vini. Effectum autem vnius formæ ab altera non pendere, sed panem separatim consecrari propria forma, deinde vinum, ex actione Christi, ex formarum significatione, ex vsu Ecclesiæ catholicæ apertè colligitur.

6 De actione Christi constat ex Evangelistis, separatam fuisse & absolutam ad vnamquamque speciem perse consecrandam: & ex Luca & Paulo idem apertius constat, quatenus referunt primam speciem confectam fuisse inter cœnandum, alteram verò postquam cœnatū est, adeo ut certum sit moram aliquam inter sumptionem corporis & sanguinis fuisse interiectam: quod si certum est corpus Christi sumpsisse factum ex pane per consecrationem, certum etiam esse debet, panis consecrationem absolutam fuisse & independentem à vini consecratione: quod idem de sacerdotibus consecrantibus dicendum est, cum similiter faciendo potestatem accipiant à Christo, & in verbis formarū eadem insit vis operatiua consecrationis. Deinde, significatio cuiusvis formæ est absoluta & indepēdens ab altera, ut constat: ergo & efficientia: cum ostensum sit formas efficere, quod significant. Tertiò idem confirmat vsus vtriusque Ecclesiæ Græcæ & Latinæ, quæ vnāquamque speciem seorsum proponit & repræsentat populo adorandam, & priorem panis, ante consecrationē vini. quod si quis vel ex hæresi vel ex negligentia vinum prius consecraret, certa esset similiter consecratio, quamuis grauiter peccaret, quia vna non pendet ab altera. Vnde in Concil. Tolet. 7. cap. 2. decretum est, quod nunc regula Ecclesiastica tenet, sacerdote defuncto vel ægritudine impedito statim à prima consecratione, secundam consecrationem ab alio sacerdote absolui debere, sine prioris iteratione. Quod si ex apertis obscura illustrari oportet, ut admonuit diuus August. de scriptura, lib. 2. de Doctr. Christia. cap. 9. certe huius sententiæ, hic calix nouum testamentum est in meo sanguine. i. Corint. 11. idem sensus est, atque illius, hic est calix sanguinis mei noui testamenti, neque

pro testamento hoc loco, ut aliis multis, licet scædus collocare, quia vox Hebrea Berith, & Græca, diathice, cum morti vel sanguini iungitur propriè testamentum significat, ut ostenditur Galat. 3. & Hebr. 9. quia scædus Christi morte & sanguine ipsius sancitum est.

7 Sed quoniam aduersarij veritatem his formis expressam, figuratam & impropriam locutionem in illis asserentes, conantur peruertere, proprium sermonem in illis contineri, primò confirmemus, deinde obiectiones illorum refutemus. Asserimus igitur verba vtriusque formæ panis & calicis propriè vsurpari, sine tropo & figura, ut planè significant in sacramento, quod illis perficitur, contineri realiter & substantialiter corpus & sanguinem Christi, cum ex illius persona dicitur, hoc est corpus meum, hic est calix sanguinis mei. Primum ergo argumentum, quo proprietates cōfirmatur in vtraque forma, sit huiusmodi. In articulis fidei & dogmatis necessariis ad salutem, nunquam Spiritus sanctus improprium vsurpauit sermonem: sed in his formis articulus fidei & dogma necessarium continetur, quod alibi non ita planè expressum est: propriè igitur verba vtriusque formæ accipienda sunt. Propositio inductione constat, si quis considerat mysteria fidei, nobis ad credendum proposita, in nullo enim reperitur impropria & abusiua locutio. vnde Ecclesia Manichæos detestata est, quòd illud Ioannis. i. Verbum caro factum est, quo mysterium incarnationis continetur, ad imaginariam & impropriam carnem constituendam detorsissent: quibus nostri aduersarij Caluinistę persimiles sunt, corpus & sanguinem Christi in formis huius sacramenti impropriè vsurpantes. Damnavit etiam Ecclesia Nestorianos & Arrianos, quòd illud Patris æterni dictū: hic est filius meus dilectus, quo planè consubstantialitas Patris & Filij exprimitur, impropriè explicauerint non de filio naturali, sed de nūcupatiuo & adoptiuo secundum affectū. Assumptio, quæ in eisdem formis, articulum fidei, & maximum religionis mysterium constituit, catholicis & veteribus Theologis notissima est: tum quia per eas sancitum & initum est nouum testamentum & pactum, quod est religionis Christianæ firmamentum, ut in forma calicis

Verba vtriusque formæ, propriè accipienda esse, non autem tropicè aut figuratè,

Forma vnaqueque est absoluta & indepēdens ab altera.

Fidei mysteria propriis verbis semper exprimuntur.

licis apertis verbis proponitur apud Paulum & Lucam, cum dicitur vel sanguis novi testamenti, vel nouum testamentum in meo sanguine: vt explicatur infra in doctrina de sacrificio noui testamenti. percurrere omnia foedera & pacta Dei cum veteribus Patribus inita, videbis certè omnia pacta conuenta, apertis verbis & asperabilibus rebus constituta. idem est in omnibus sacramentis vete. leg. in verbis Moyfi ad populum: impium est ergo asserere, quod in verbis dedicatoriis noui & æterni testamenti, nihil apertè sincere & simpliciter gestum sit à Domino. Essemus certè miserabiles omnibus hominibus, si in re tanti momenti, imò in fundamento religionis Christianæ, Christus Dominus vteret omnia perficiens & consummans, perspicuè nobiscum non egisset.

8. Esse autem in hoc sacramento realè Christi existentiam, quæ pendet ex verborum proprietate, fidei articulum & necessarium religionis dogma, sine cuius fide ne rusticus quidem salutem assequi possit, Theologi ostendunt, cum ad aliquem ex communibus articulis fidei pertinere ostendunt. D. Thom. vt sacramentum est Eucharistia, realiter continens Christum, ad articulum de Ecclesia reuocat: vt autem presentem continet Christum, ad articulum de omnipotètia. Thomas Vvaldensis effectum illius præcipuè considerans, ad sanctorum communionem. quidam denique totum. hoc mysterium ad articulum de Ecclesia, vt cumque sit, constat consensu omnium Theologorum, hoc mysterium in eo genere credibilem contineri, quæ omnibus expressè credenda, vt ad salutem necessaria, proponuntur. Secundum argumentum sit, institutio sacramenti admittere non potest figuratum & improprium sermonem: sed formæ prolatæ à Christo, ad institutionem huius sacramenti pertinent, (cum instituere sacramentum, sit formæ & materiæ designatæ coniunctionem ad sanctificandū representare & sancire:) formæ igitur huius sacramenti prolatæ, non possunt improprium sermonem continere. Propositio, in qua vis argumentationis consistit, constat: quia sermo sacramentalis habet visibilem actionem, & præceptum rei agendæ: non potest ergo improprius esse aut figuratus: verbi gratia, in concione & sermone

communi potuit Christus, & sæpe vsus est figuris, tropis, vt cum se appellat ostium, viam, vitem: at si accepisset vitem, vel panem & vinum cum magna & sacra caeremonia, instituens aliquam actionem super eam, & præterea iussisset, vt similiter faceremus, tunc sanè figuratiua locutio esse non posset: alioquin sequeretur maxima religionis perturbatio & incertitudo diuini cultus.

9. Quod si dicas, sacramenti in rebus visibilibus institutionem, figuratam non esse, sed effectum sacramenti instituti & finem, figurato sermone ex primi posse, & hoc expressum esse illis formis, cum dicitur, hoc est corpus meum, & hic est sanguis meus. Respondeo, has formas ad institutionem sacramenti pertinere, quia sunt de illius essentia: & ideo proprio sermone exprimi oportuisse: quia voluit Christus Apostolos similiter facere, formas subiectæ materiæ applicando: hoc est, conficere sacramentum, & sacrificare: & quia in nouo testamento non est sacrificium, nisi in ipso corpore & sanguine Christi, ideo expressit propriè, hoc esse suum corpus & sanguinem, in quibus sacrificium consisteret: alienum est igitur ab institutione tanti sacramenti & sacrificij figurato & improprio sermone vti. Confirmatur, quia non congruit diuinæ sapientiæ Christi, quæ cuncta scandala circa hoc præcipuè sacramentum, & vltimam voluntatem suam præuidebat; nec bonitati & amoris, quo fideles vsque in finem dilexit, dedisse perpetuam occasionem falsæ sententiæ, falsi cultus, atque adeò idololatriæ: cum ex hac tam aperta & minimè suspiciosa sententia, vbi extat nullum signum figuratæ & improprie locutionis, inducta sit vniuersa Ecclesia ad credendum & adorandum Christum presentem in hoc sacramento: & ex consequenti Christus ipse, horribile dictu, data opera in summo amoris sui pignore, & in suo testamento constituisset damnationem maximæ parti fidelium. Tertium argumentum sit, ex determinationibus, quas idem Dominus verbis adiunxit sacramentalibus, quæ omnino prohibet, huiusmodi formas figuratæ & improprie accipi posse. Non solum enim asseuerauit, quod panis, quæ manibus teneat, esset suum corpus, & esse poculum sanguinis sui, sed adiunxit verba determinatiua

Hoc sacramentum continens Christum presentem, pertinet ad fidei articulum.

Commen. in D. Tho. tert. part.

apertissimè, quod nā esset corpus, & quis sanguis dicens, [quod pro vobis tradetur, quod pro vobis datur.] Sanguis, qui pro multis effundetur, sanguis noui testamēti. & Ioā. 6. de hoc sacramēto, vt postea ostēdetur, inquit: panis quē ego dabo, caro mea est, quā ego dabo pro mundi vita, vt legunt pleraque exemplaria Græca.

10 Idem cōfirmat illa sententia D. Pau. 1. Cor. 11. Manducās indignē, hoc sacramētum, reus fit corporis & sanguinis Domini: quod nullo modo verum esse potest, ni reuera corpus Domini percipiatur. Ad eādem sententiam pertinet illud cap. 10. eiusdem epist. calix benedictionis, cui benedicimus, nonne communicatio sanguinis Christi est? & panis, quem frangimus, nonne participatio corporis Domini est? Quartum argumentum sit à personis narrantiū Euangelistarum, & audientium Apostolorum. illi enim eisdem verbis propriis eandem sententiā exprefferunt, cum tamē posteriores, si quid à prioribus obscurè dictum sit, planius proponant, vel ipsimet ad præcindendam occasionem falsæ intelligentiæ & erroris, aliquid adiungunt, ad explicationem obscuræ sententiæ. vnus Euangelista dixit: Si ego in digito Dei eiicio dæmonia: alius apertius, si ego in spiritu Dei eiicio dæmonia. Dominus dixit, Soluite templum hoc, & in tribus diebus reedificabo illud, addit Ioannes ad explicationem, ille autem dicebat de templo corporis sui. dixit etiam Dominus, qui credit in me, flumina de ventre eius fluent aquæ viuæ: addit Ioannes, hoc autem dicebat de spiritu, quem accepturi erant credentes. In verbis autem sacramentalibus, vbi summa cura esse debuit, nihil tale fit, quia Spiritus sanctus propriè intelligi voluit. Solent etiam Apostoli obscuriorum explicationem à Domino petere, cum vel figuratè vel tropicè proponuntur. Matth. 13. dicunt edissere nobis parabolam zizaniorum: Matth. 15. Petrus inquit, edissere nobis parabolam istam. interrogauerunt etiā Dominum Matth. 19. circa difficilem questionem de diuortio & matrimonio. & in sermone proximè consecuto huius sacramenti institutionem, quum quædam dixisset obscurè Ioan. 16. dicūt inter se Apostoli, nescimus quid loquitur, quod cum Dominus explicuisset, dixerunt illi: ecce nunc palam loqueris, & prouerbiū nullum di-

cis. Sed nihil simile factū legimus, cum verba sacramentalia protulit Dñs, quia proculdubio edocti à Domino veritatem huius mysterij, non stupebant tanquam ad figuram, & nūquam auditum orationis genus, vt optimè considerauerunt Cyril. lib. 4. in Ioan. cap. 14. & Chrysost. homil. 83. alioquin, qua ratione verū esset, quod inquit Dominus, Luc. 8. vobis datū est nosse mysterium regni Dei, cæteris autem in parabolis.

11 Atque hæc quidem argumenta euincunt, non esse vllam figuram aut tropum, sed omnia propriè vsurpari in formis huius sacramenti; illa autem concludunt, nullam esse metaphoram aut parabolam. In sermone enim metaphorico repugnans repugnanti attribuitur, quod idem esse alteri nulla omnino potentia efficere possit, vt cum dicitur Apostolis: Vos estis sal terræ, Ioannes est Helias: & ideo ad metaphoram confugiendum sit, vt sermonis veritas constet: at in formis huius sacramenti nulla repugnantia continetur, cum significatur esse corpus Christi sub figura panis, & sanguinem sub vini figura: nulla est igitur metaphorica in his locutio. Præterea, in sermone metaphorico semper adhibetur aliquid vulgare, ad illustrandum, quod obscurum est. sic natura salis notior in condiendo, ad condimentum Apostolorum: nihil autem simile est in eisdem formis: non sunt igitur metaphoricæ locutiones. Neque etiam parabolicæ, in quibus continens est & perpetua metaphora, quia sublata de singulis verbis metaphora, tollatur necesse est de toto sermone parabola illæ vero parabolarum explicationes, ager est mundus, semen est verbum Dei, multo minus hîc locum habent, quia nulla in sacramenti institutione parabola. præcessit, cuius explicationes sint illæ formæ, hoc est corpus meum, hic est sanguis meus.

12 Tandem concludamus, hanc esse omnium Patrum Ecclesiæ catholicæ consentientem sententiam: in his verbis formarū, nihil esse improprium aut figuratum, sed planè significari, corpus Christi substantiale, & verum sanguinem in hoc sacramēto contineri, & ideo his verbis firmari fidem nostram de reali Christi existentia in hoc sacramento, vt solis verbis Christi credatur: non autem sensibus, qui de subiecta

*Obscura aut
Dominus aut
Euangelista se
pè explanare so-
lent.*

accidentibus substantia, certò & verè iudicare non possunt. vnde verborum illorum proprietas & realis Christi præsentia, adeò sunt coniuncta, vt qui vnã tollit, alteram non possit retinere: sed ratione & tractatione prior est proprietas verborum, de qua proinde prius nobis differendum fuit. quare omnia Patrum testimonia, quæ postea citanda sunt ad confirmandam realè Christi præsentiam, eadem similiter valent ad confirmandam verborum proprietatè, ex qua, illa præsentia concluditur. Quapropter Synodus Trident. sess. 13. c. 1. secuta Patrum, & vniuersalis Ecclesiæ sententiã, sic definit de verbis formarũ huius sacramenti. quæ verba à sanctis Euangelistis commemorata, & à D. Paulo postea repetita, cum propriam illam & apertissimam significationem præferant, secundum quã à Patribus intellecta sunt, indignum sanè flagitium est, ea quibusdam contentiosis & prauis hominibus, ad fictitios & imaginarios tropos, quibus veritas carnis & sanguinis Christi negatur, contra vniuersum Ecclesiæ sensum detorqueri: quæ tanquam columna & firmamentum veritatis, hæc ab impiis hominibus excogitata commenta, velut fatanica, detestata est.

*Aduersarij
sententia, de
impropriate
verborum Do-
mini, in hoc sa-
cramento.*

13 Sed vt facilius catholica hæc sententiã ab impugnationibus hæreticorum defendi possit, illorũ obiectiones refutandæ sunt. aduersarij igitur, tum vt horum verborum efficaciam, vt Lutherani, tũ etiam vt omninò tollat de hoc sacramento realè Christi præsentiam, vt Sacramentarij, præsertim Caluinistæ, induxerunt impropriatẽ, vel in illis verbis constituentes metaphoram, vel heterosin, vel synecdochen continentis pro cõtento, vt Lutherani. quidam per heterosin sic explicantes illa verba, hoc significat corpus meum: per metaphoram, hæc est figura corporis mei: per synecdochem, in vel sub pane, vel cũ pane, est corpus meum. itaq; omnibus Lutheranis pronomen [hoc] demonstrat panem, vt sit idẽ, hoc est corpus meũ, quòd hic panis est corpus meũ: & quia hoc esset omninò falsum, cũ repugnans dicatur de repugnanti, ad improprium sermonem confugiunt, & omnibus illis modis sermonem Domini verum esse interpretantur, ad suum errorem accommodatè, quo scilicet, cum panis substantia, in ipsa sacramenti receptione, corpus Christi substantiale coniungunt, simili-

ter explicant formam calicis. Sacramentarij verò, qui cœlo Christum concludentes, nullo modo in hoc sacramento substantia-liter, nec in ipsa sumptione admittũt Christum præsentem: & idè impropriatẽ sermonis aliis modis retinentes, à metonymia præsidium petunt, vt signo nomen signati attribuat, corpus nempe, pro pane significatẽ corpus ipsum, quasi dixerit Dominus, manducate panem, vt instrumentũ, symbolum, aut signum efficax, quo Christus vobis virtutẽ corporis mei communico per fidem in spiritu. itaq; hoc sacramentum sit signum participationis & cõmunionis spiritus Christi, à suo corpore vero realiter, tanquam per canalem quendã per panem sacramentalem defluentis. quare nihil aliud erit Caluino manducare hoc sacramentũ, quã virtute defluente à corpore Christi realiter pasci, & fide, spiritu, mète haurire gratiam ex corpore Christi. Hinc est quòd Caluiniani sic formas huius sacramenti impiè exponunt, hoc est corpus meum, nõ substantia, sed significatione & representatione fidei: similiter hic est calix sanguinis mei.

14 Scio à recentioribus, varias expositiones verborum Domini ad octoginta quatuor, connumerari: sed plures ex illis, hæc vna Caluini continentur, & omnes ad eandem propositas facillè reuocari possunt, & his refutatis, cætere omninò refutatur. His igitur & pluribus aliis similibus præiigijs verborum, aduersarij suos mirificè ludificantur: & vnus Caluinus his inuentis adeò gloriatur, vt catholicos vocet literales magistros, reliquos sacramentarios, tanquam nimis humiliter de hoc mysterio sentientes, præ se cõtēniat. Et quoniam heretici, vt inquit Hier. ad Pãm. & Oceanũ de erroribus Orig. sic verba temperant, sic ordinẽ vertunt, vt & nostram & aduersariorũ cõfessionem teneant, vt aliter hæreticus, aliter catholicus audiat. vocant Caluinistæ suam cœnam, substantialem & realem participationẽ corporis Christi. Sed intelligũt obiecto tenus, quatenus de corpore Christi in cœlo tantum, vt illi volunt, existenti, dimanat doni spiritalis efficaciac per symbola panis & vini: quò sanè modo imaginaria, & intellectualis sumptio, substantiales dici possent, quia sunt circa substantiam corporis Christi. Præterea sequitur, quòd nullus verum Christi corpus indignè sume-

*Claud sanct. re-
petitione pri-
ma c. ult.*

Comment. in D. Thom. tert. part.

ret, quod affirmant Paulus 1. Cor. II. quia nullus indignus efficaciam illam doni celestis per Eucharistiam participare potest.

15 Simile fuit cōmentum Valentini, Nestorij & Arrij, vt verū Christi corpus, personā filij Dei, naturalem filiū tollerent, sermones scripturæ proprios de his rebus, ad improprios & figuratos transferentes. sed consideremus argumēta, quibus proprietatem verborū tollere, & improprietatem inducere conantur. Primū est, quia verbum sacramentale semper figuratum est, nunquā proprium: atq; ita Christus dixerit, corpus meū, & sanguinem sacramentaliter, hoc est figuratē & improprie: cum in sacramētis sit rei significatē similitudo, ex qua signo nomē signati accommodatur: atq; ita dici sacramētum corporis & sanguinis Christi, nō reipsa, sed quodāmodo, & secundū similitudinē, vt videtur etiam asserere D. Aug. ep. 23. lib. 3. cōtr. Maximin. c. 22. & in Leuit. q. 58. & vt veteribus māna fuit etiā sacramentalis panis. Confirmant etiā ex ipsis formis, cum in forma calicis, calix pro vino calicis per metonymiam vsurpetur, testamentum etiā sumatur improprie in eadē forma apud Lucā & Paulum. Secundū argumētum est ex Patribus, qui hoc sacramētū non proprie dicunt esse corpus & sanguinē Christi, sed signum, figurā, memoriale, symbolum, imaginem, similitudinē, representationem, antitypum: quæ omnia proprietate corporis & sanguinis coexistere & cōuenire nō possunt. Tertium argumentū desumunt ex ratione naturali, quæ volunt finē prescribere omnipotētiae Dei: quod fieri nō possit, vt Dñs proprie significet, suum corpus & sanguinem esse in hoc sacramento, si fidei articulus est, quod sedet ad dexteram Patris, & vnum corpus multis locis simul esse non potest.

16 Ad primū respondetur, sacramentale locutionē eam esse, quæ sacramenti naturā describit, hæc verò ex propria cuiusq; institutione petēda est. suprā autē ostendimus, omnis sacramēti institutionē in verbis propria esse, & in significatione eatenus dici posse figuratā, quatenus significant, quod testū est & occultū, sed proprie, vt in verbis sit proprietas: sit autem in rebus figura & occulta significatio. sic in vet. test. occidebantur in sacrificiis animalia, sed in figurā Christi sola fide percepti. sic in formis huius sacramēti est corpus & sanguis Christi

verē & substantia liter secundū propriā verborū significationē, sed in figura & specie panis & vini occultus, & sola fide, id est, nō sensibus perceptus. quare in sacramētis agnoscimus rerū occultarum figuras, nō tamen in verbis essentialia sacramenti cōtinentibus. de sanctorum explicatione paulo post dicemus. Ad confirmationē huius primi argumēti respondetur, figurā & improprietatē nō admitti in principalibus partib; vtriusq; forme, vel in principali sensu, vt sensus intētus incertus reddatur, vt in his verbis, corpus, sanguis, est: in aliis partibus idē admitti, quia ex principalibus propriis faciliē determinatur: & sunt illæ figuratæ locutiones adeò tritæ & vulgares, vt nullam incertitudinē in sensu loquentis ingenerent, & idē pro natiuis & propriis habēantur. vt calicem, aut poculū aquæ dare, aut bibere, pro aquā ē poculo. Sic Iudei testamentū in sanguine, apertē & sine figura secundū phrasim Hebr. fœdus initū in sanguine & cruore confirmatū, significat, vt exposuerūt Marcus & Matthæus, quod obscure & more Hebr. dictū est à Luca & Paulo: cū illi dicant, sanguis meus noui testamenti, hi autem, testamentum in meo sanguine.

17 Fatemur itaq; in quibusdā verbis cœne tropum, aut figurā reperiri, sed nūquid propterea in ceteris proprietas abiicienda est? bibere in regno Patris, figuratē intelligi potest secundum quosdā, perfundi manifesta Dei & Christi Dñi visione: aut proprie secundum alios de vera & reali cōiunctione cum Christo, quæ huius sacramēti perceptione perficitur. in illis verbis, hic calix noui testamenti est in meo sanguine, & in illis, iudiciū sibi māducat & bibit, traductio est causæ & effectus, & cōtrā: sed nunquid propterea erit in ipsismet verbis formarū? quæ omnes successores Apostolorū semper propria esse intellexerunt? & inducta impropria & figurata locutione, induci necesse est, nouū & insolitum dogma, ab hoc sacramēto realē Christi præsentiā expellēs. In præcipuis etiā religionis mysteriis, si quid figuratē & improprie dictū sit, solet statim scriptura aliquid apponere, ad explicandā improprietatē. vocauit scriptura agnū Phasē, sed addidit signū fœderis, transitus monumentū, vel victimam transitus. Christus dicitur pastor, sed cuius nos sumus oues: dicitur vitis, sed cuius nos

simus

Hæreticorū argumenta cōtra verborum proprietatem.

Sacramentalis locutio non excludit proprietatē sermonis.

In verbis principalibus huius sacramenti. & in præcipuis Christi mysteriis, proprietas sermonis retinetur.

simus palmites: ostium, sed quo nobis ingressus ad Patrē pateat: petra, sed spiritualis: Leo, sed de tribu Iuda: locus etiam & altare dicitur Dñs, sed quatenus in ipso videtur & colitur. Quare ex his exēplis velle in formas huius sacramenti figurā inducere, valde alienū est: cū nihil sit additum, quod nō confirmet proprietatē sermonis, tantū abest, vt impropriatē explicet. dicitur enim de corpore, quod pro vobis traditur, quod datur, de sanguine, qui pro vobis effundetur, quæ nō possunt verē attribui nisi corpori & sanguini Christi, verē & substantia liter existenti in sacramento, cui illa attribuantur. Similia sunt exēpla, quæ pro se aduersarij de nouo testamento depromunt: colūba, aut linguæ igneæ sunt Spiritus sanctus, Ioānes est Helias, Petra erat Christus. dicitur enim spiritus visus, sed tāquam colūba: Ioannes dicitur Helias, sed in spiritu & virtute: Petra dicitur Christus, sed spiritualis: nihil igitur ex his locis constanter concludi potest.

*Explicantur
Patres, cū vo-
cant hoc sacra-
mentum figu-
ram corporis
Christi.*

18 Ad secundum, ne in sanctorum lectio ne offendere possis, considerabis primo calūniatoris esse, ex paucis & obscuris, velle officere lumini pluriū & manifestorū, cū contrā potius ex manifestis obscura illustrāda sint: nihil autē manifestius & sapius proponitur ab omni antiquitate, quā verborum huius sacramenti proprietates, & quæ illi necessario coheret, realis & substantialis Christi in eodem presentia. Secundō animaduertes, à Patribus, quæ aliās ad literā propriē dicuntur, spiritualiter nonnunquam exponi, ex hoc autē sensu spirituali & mystico, nō debet præiudicium adferri sensui literali & proprio, cū spiritualis sensus in literali fundetur, & ideo illi repugnare non possit. sic Orig. ad c. 26. Matth. hoc sacramentū vocat, verbum nutritoriū animarū. Tertiō obseruabis, omnes voces ab antiquis vsurpatis, quæ videntur corporis Christi verā presentiam, manducationem, aut oblationē imminuere, & pro illa velle, vmbaticā, spiritualement, metonymicā, & tropicā inducere, ad rationē tantum & modū existendi, māducandi, immolandi, qui est occultus & sacramentalis, pertinere: & ideo identitatē substantiæ, rei aut actionis veritatē tollerē non posse. Hoc sensu dixit D. Aug. quod Christus quodāmodo se portabat manibus suis, in Psal. 33. & ep. 23. sacramentum corporis Christi, secundum quē-

dam modum corpus Christi esse, vt sacramentū fidei in paruulis per characterē manens, dicitur sacramentum fidei & illorū fides quodammodo, licet reuera per illud paruuli sint in numero fidelium. sic etiā exprime Aug. Psal. 98. inquit Dñs, nō hoc corpus, quod videtis māducaturū estis, & bibiturū sanguinē, quē effusuri sunt, qui me crucifigēt hoc enim intelligitur, nō de substantia simpliciter, sed cum modo naturali existēdi, quo modō nō essent Christū māducaturū, sed potius sacramentaliter. ex hac obseruatione, vsurpatur à quibusdā illa triplicis corporis Christi distinctio, verū, mystici, sacramentalis, cuius meminit Paschasius in fine ep. de corp. & sang. Dñi, quam propter latentem errorē quorundā sub illa, nō probāt. Ratione eiusdē modi existēdi mysticē & sacramentaliter Christum in Eucharistia, & non in propria specie, accipiendū sunt illę voces, memoriale, signum, &c. quæ quidā tribuunt huic sacramēto, dicētes esse signū & memoriale Christi: quoniam licet realiter Christū contineat, cōtinet tamen mysticē, & nō in propria specie: vt ipsa figura panis & vini, non tantū sit signū Christi realiter cōtenti, & effectus, quē illius sumptio efficit, sed ipsius etiā Christi, vt existentis in propria natura & forma. Sic Aug. cōt. Adimantum c. 12. & in Psal. 3. Ambr. lib. 1. offic. c. 48. vocat hoc sacramentum, figuram & imaginem corporis & sanguinis Dñi. Sic Greci appellant symbola, & antitypa, vel ante consecrationem, vt explicauit 2. Nicēna Synodus disputate Epiphānio, & Damasc. lib. 4. de fide c. 14. vel post consecrationē eodem sensu, quo diximus Aug. & alios Patres vocare hoc sacramentum figurā corporis & sanguinis Dñi.

19 Mihi tamen videtur idē esse Græcis antitypō, ex imitatione Petri 1. epist. c. 3. & Pauli Hebr. 9. vsurpatū, quod representatio dicitur D. Hier. cum ait, Christū sacramēto panis veritatem sui corporis & sanguinis representasse: quia representare, est re presentem exhibere, vt dicunt iureconsulti, representari pretiū agri. Illud est prætereā in antitypo, quod cōtinet typi & figure veteris rem & veritatē, sed in imagine occultā & tectā, vt inquit D. Paul. de rebus noui testamenti Hebr. 10. & ideo antitypon est res vera, quæ relatiuē respōdet antiquę prænuntiationi & vmbre, quamuis non habeat extrinsecus manifestam & cō-

*Antitypon &
representatio,*

Comment. in D. Tho. tert. par.

spiciam existentiam, ut erit in se & in beatitudine. Sic ergo Eucharistia dicitur anti-typō Christi, quia licet realiter Christum contineat, continet tamen tectum figura panis & vini. Tertul. etiam lib. 4. cōt. Marc. inquit, hoc est corpus meū, id est, figura corporis mei, sed hoc additur ad expositionē pronominis, hoc, quasi dicat in noua lege illud fecit Christus corpus suū, quod erat figura corporis in veteri, qui sensus ex antecedentibus & cōsequentibus colligitur. Ad tertium argumentum respondetur, nihil in hoc sacramento ratione naturali, sed fide inuestigandum esse: nihil autem in eo esse, quod rationi naturali repugnet, cum explicauero modum existentie sacramentalis, omnino constabit.

QVÆSTIO LXXV.

De conuersione panis & vini in corpus & sanguinem Christi, in octo articulos diuisa.

DEinde considerandum est de conuersione panis & vini in corpus & sanguinem Christi.

¶ Et circa hoc queruntur octo.

Primo, Vtrum in hoc sacramento sit corpus Christi secundū veritatē, an solum secundum figuram, vel sicut in signo.

Secundo, Vtrum in hoc sacramento remaneat substantia panis & vini post cōsecrationem.

Tertio, Vtrum substantia panis, vel vini, post consecrationem huius sacramenti annihilatur, aut in pristinam materiam resoluatur.

Quarto, Vtrum panis possit conuertere in corpus Christi.

Quinto, Vtrum in hoc sacramento post conuersionem remaneant accidentia panis & vini.

Sexto, Vtrum facta consecratione, remaneat in hoc sacramento forma substantialis panis.

Septimo, Vtrum ista cōuersio fiat in instāti.

Octauo, Vtrum hæc sit falsa, ex pane fit corpus Christi.

ARTICVLVS I.

Vtrum in hoc sacramento sit corpus Christi secundum veritatem.

AD PRIMVM sic proceditur. Videtur, quod in hoc sacramento non sit corpus Christi secundum veritatem, sed solum secundū figuram, vel sicut in signo. Dicitur enim Ioā. 6. quod cum Dñs dixisset, nisi manducaueritis carnē filij hominis, & biberitis eius sanguinē, &c. multi ex discipulis eius audiētes, dixerunt: Durus est hic sermo, quibus ipse dixit: Spiritus est, qui viuificat, caro non prodest quicquā, quasi diceret, secundū expositionē Aug.* super Psal. 98. Spiritu liter intelligite, quod locutus sum, nō hoc corpus quod videtis māducaturi estis, & bibitori illū sanguinē, quem fusuri sunt, qui me crucifigent, sacramentum aliquod vobis commendauit, spiritaliter intellectum viuificabit vos, caro autē non prodest quicquam.

¶ 2. Præterea, Dñs dicit Matt. vlt. Ecce ego vobiscum sum omnibus diebus vsq; ad consummationē seculi. Quod exponēs Aug.* dicit: Donec seculū finiatur, sursum est Dñs, sed tamē & hic nobiscum est veritas Dñi: corpus enim in quo resurrexit, in vno loco oportet esse, veritas autem eius ubiq; diffusa est. Non ergo secundum veritatem est corpus Christi in hoc sacramento, sed solum sicut in signo.

¶ 3. Præterea, Nullū corpus potest esse simul in pluribus locis, cū nec angelo hoc conueniat, eadem enim ratione posset esse ubiq;. Sed corpus Christi est verū corpus, & est in cælo. Ergo videtur, quod non sit secundum veritatem in sacramēto

Sup. q. 65. ar. 3. cor. prim. & infr. q. 76. per totū. ¶ 4. dist. 10. ar. 1. ¶ 4. 11. prim. & 4. cor. c. 71. ¶ 1. Cor. xi. le. 5. col. 2. & 4.

* In Psal. 98. non procul a medio expositionis, to. 8. refertur hoc, de cōs. d. 2. c. 45.

to altaris, sed solum sicut in signo.

¶ 4. Præterea, Sacramēta Eccle siæ ad vtilitatē fidelium ordinantur.

*De regulo id
habet Gregor.
hō. 20. in euā-
gel.*

Sed secundū Greg. * in quadam ho mil. regulus reprehenditur, quod querebat corporalē Christi præsen tiā. Apostoli etiā impediēbātur re cipere Spiritū sanctū, propter hoc quod affecti erāt ad eius præsentia corporālē, vt Aug. * dicit super il lud Ioā. 16. Si non abiero, paracle tus nō veniet ad vos. Nō ergo Chri stus secundum præsentiam corpo ralem est in sacramento altaris.

*Tracta. 94. in
Ioā. à med. 10.
9. lib. 8. inter
princ. & med.
lib.*

*Lib. 8. ca. 1. in
princ. to. 4.*

SED CONTRA est, quod Hilar. * dicit in 8. de Tri. de veritate car nis & sanguinis Christi, nō est reli ctus ambigēdi locus: nūc enim & ipsius Dñi professione & fide no stra caro eius verè est cibus, & san guis eius verè est potus. Et Amb. * dicit 6. de sacramētis. Sicut verus Dei filius est Dñs I E S V S Chri stus, ita verā Christi caro est, quam accipimus, & verus sanguis eius est potus.

RESPONDEO dicēdum, quod verū corpus Christi & sanguinem esse in hoc sacramento, neq; sensu neq; intellectu deprehendi potest, sed sola fide, quæ autoritati diuinæ innititur. Vnde super illud Luc. 22 Hoc est corpus meū, quod pro vo bis tradetur, dicit Cyrillus: Nō du bites, an hoc verū sit, sed potius sus cipe verba Saluatoris in fide, cum enim sit veritas, nō mentitur. Hoc autē conueniens est. Primò quidē perfectioni nouę legis. Sacrificia enim veteris legis illud verū sacri ficiū passionis Christi continebāt so lū in figura, secundū illud Heb. 10. Vmbrā habens lex futurorū bono rū, non ipsam rerum imaginem. Et ideo oportuit, vt aliquid plus habe

ret sacrificiū nouę legis à Christo institū, vt scilicet, cōtineret ipsum Christū passum, non solū in signifi catione, vel figura, sed etiā in rei ve ritate. Et ideo hoc sacramentum, quod ipsum Christū realiter conti net (vt Dio. dicit 3. c. eccl. hier.) est perfectiū omniū aliorum sacra mentorū, in quibus virtus Christi participatur. Secundò hoc compe tit charitati Christi, ex quā pro sa lute nostra, corpus verum nostrę naturę assumpsit. Et quia maximè propriū amicitie est cōuiuere ami cis (vt Phil. * dicit 9. Ethi.) sui præ sentiā corporalē nobis repromit tit in præmiū, dicens Matt. 24. Vbi fuerit corpus, illuc cōgregabuntur & aquilę. Interim tamē nec sua præ sentia corporali nos in hac peregri natione destituit, sed per veritatē corporis & sanguinis sui, nos sibi coniungit in hoc sacramēto. vnde ipse dicit Io. 6. Qui manducat meā carnē, & bibit meum sanguinē, in me manet, & ego in eo. Vnde hoc sacramentū est maximè charitatis signū, & nostrę spei subleuamentū, extā familiari cōiunctione Chri sti ad nos. Tertiò, hoc cōpetit per fectioni fidei, quæ, sicut est de diui nitate Christi, ita est de eius huma nitate, secundū illud Io. 14. Credi tis in Deū, & in me credite. Et quia fides est inuisibiliū, sicut diuinitatē suam nobis exhibet Christus in uisibiliter, ita & in hoc sacramento carnē suam nobis exhibet inuisibi li modo. Quæ quidā non attenden tes, posuerunt corpus & sanguinem Christi nō esse in hoc sacramento, nisi sicut in signo, quod est tāquam hereticum abiiciēdum, vtpote ver bis Christi cōtrarium. Vnde & Be rengarius, * qui primus huius erro

*Lib. 9. c. 4. &
li. 8. c. 5. to. 5.*

*Habetur de cō
sec. d. 2. c. Ego
Berengarius.*

D. Tho. tert. part.

ris autor fuerat, postea coactus est suum errorem reuocare, & veritatem fidei confiteri.

AD PRIMVM ergo dicendum, quod ex hac autoritate predicti heretici * occasione errandi sumpserunt, malè verba Aug. intelligentes.

Cū enim Aug. * dicit: Nō hoc corpus, quod videris, māducaturi estis, nō intēdit excludere veritatē corporis Christi, † sed quod nō erat māducandū in hac specie, in qua ab eis videbatur. Per hoc autē quod subdit. Sacramentū quod vobis commendavi spiritualiter intellectū, vi uificauit vos, nō intendit quod corpus Christi sit in hoc sacro solum secundum mysticā significationē, sed spiritualiter dici, idest inuisibiliter, & per virtutē Spiritus sancti.

Vnde super Ioā. * exponēs id quod dicitur: Caro nō prodest quicquā, dicit: Sed quomodo illi intellexerunt, carnē quippe sic intellexerunt manducandā, quomodo in cadauere dilaniatur, aut in macello venditur, non quomodo spiritu vegetatur, accedat spiritus ad carnem, & prodest plurimum. Nam si caro nihil prodesset, verbum caro non fieret, vt habitaret in nobis.

AD SECVNDVM dicendū, quod verbū illud Aug. * & omnia similia sunt intelligenda de corpore Christi, secundū quod videtur in propria specie (secundū quod etiā ipse Dñs dicit Mat. 26. Me autē non semper hōbebitis) inuisibiliter tamen sub speciebus huius sacramēti est, vbi-
cunq; hoc sacramētum perficitur.

AD TERTIVM dicendū, quod corpus Christi non est eo modo in hoc sacramento, sicut corpus in loco, quod suis dimētionibus loco cō-

do, qui est proprius huic sacramento. Vnde dicimus, quod corp⁹ Christi est in diuersis altaribus, nō sicut in diuersis locis, sed sicut in sacramento. Per quod non intelligimus, quod Christus sit ibi solū sicut in signo, licet sacramentū sit in genere signi: sed intelligimus corpus Christi hīc esse (sicut dictum est *) secundum modum proprium.

AD QVARTVM dicendū, quod ratio illa procedit de prēsencia corporis Christi, prout est prēsens per motum corporis, idest, prout est in sua specie visibili, non autē prout est spiritualiter, idest, inuisibili modo & virtute spiritus. Vnde Aug. * dicit super Ioā. Si intellexisti spiritualiter verba Christi de carne sua, spiritus & vita tibi sunt, si intellexisti carnaliter, etiam spiritus & vita sunt, sed tibi non sunt.

ARTICVLVS II.

Vtrum in hoc sacramento remaneat substantia panis & vini post consecrationē.

AD SECVNDVM sic proceditur. Videtur, quod in hoc sacramento remaneat substantia panis & vini post consecrationem. Dicit enim Dam. * in 4. li. Quia cōsuetudo est hominibus comedere panē, & vinū bibere, cōiugauit Deus diuinitatē, & fecit ea corpus & sanguinē suum, & ita panis cōmunionis nō panis simplex est, sed vnitus diuinitati. Sed cōiugatio est rerū actu existentium. Ergo panis & vinum simul sunt in hoc sacramento cum corpore & sanguine Christi.

¶ 2. Præterea, Inter Ecclesiæ sacramenta debet esse conformitas. Sed in aliis sacramentis, substantia materiæ manet, sicut in baptismo substantia aquæ, & in cōfirmatione substantia chrismatis. Ergo & in hoc

Præciue citatus in fine cor.

In expositione Psal. 98. to. 8.

7. patet ex verbis precedentiibus locū citat.

Trac. 27. in Euang. Ioan. inter principia & med. illius, to. 9.

Citatu in ar. 2.

In cor. ar. 2.

Trac. 27. in Ioan. parū ante mediū to. 9.

*Inf ar. 8. cor. 1. q. 77. ar. 1. 1. q. 5. & 4. di. 11. q. 1. art. 1. q. 1. & d. 12. q. 1. ar. 1. q. 3. & 4. cōtra ea. 63. in pri. & quo. 7. ar. 9. et quo 9. arti. 5. ad 3. q. 1. cor. 11. le. 4. col. 6. & le. 5. col. 5. * Li. 4. c. 14. in med tract. 2. 6. in Ioā. intermedium & finem to. 9. colligitur ex li. 4. c. 4. q. li. 6. c. 1. to. 4. refertur de cons. d. 2. c. Omnia.*

hoc sacramento substantia panis & vini manet.

¶ 3. Præterea, Panis & vinū assumuntur in hoc sacramēto, inquantū significāt ecclesiasticā vnitatē, pro ut vnus panis fit ex multis granis, & vnū vinū ex multis racemis, vt August.† dicit in lib. de Symbolo. Sed hoc pertinet ad ipsam substantiam panis & vini. Ergo substantia panis & vini remanet in hoc sacramēto.

SED CONTRA est, quod Amb.* dicit in li. de sacramē. Licet figura panis & vini videatur, tamen nihil aliud, quā caro Christi & sanguis post consecrationē credenda sunt.

RESPONDEO dicendū, quod quidā posuerunt post consecrationē, substantiā panis & vini in hoc sacramento remanere. Sed hæc positio stare nō potest. Primò quidem, quia per hāc positionē tollitur veritas huius sacramenti, ad quā pertinet, vt verū corpus Christi in hoc sacramento existat, quod quidē ibi nō est ante cōsecrationē. Nō autē aliquid potest esse alicubi vbi prius nō erat, nisi vel per loci mutationē, vel per alterius conuersionē in ipsum, sicut in domo aliqua de nouo incipit esse ignis, aut quia illuc deferretur, aut ibi generatur. Manifestū est autē, q̄ corpus Christi non incipit esse in hoc sacramento per motū locale. Primò quidē, quia sequeretur, q̄ desineret esse in cælo, nō em̄ quod localiter moueri peruenit de nouo ad aliquem locū, nisi deferat priorē. Secūdò, quia omne corpus localiter motum, pertransit omnia media, qđ hic dici nō pōt. Tertiò, quia impossibile est, quod vnus motus eiusdē corporis localiter moti terminetur simul ad diuersa loca, cū tamē in pluribus locis corpus

Christi sub hoc sacramento simul esse incipiat, & ideo relinquitur, q̄ nō possit aliter corpus Christi incipere esse de nouo in hoc sacramento, nisi per conuersionē substantiæ panis in ipsum. Quod autē cōuertitur in aliquid facta cōuersione non manet. Vnde relinquit, q̄ salua veritate huius sacramēti, substantia panis post cōsecrationem remanere nō possit. Secūdò, quia hæc positio cōtrariatur formę huius sacramenti, in qua dicitur, hoc est corpus meū, quod nō esset verū, si substantia panis ibi remaneret: nunquam enim substantia panis est corp⁹ Christi, sed potius esset dicendū, hic est corpus meū. Tertiò, quia cōtrariatur venerationi huius sacramēti, si aliqua substantia creata esset ibi, quæ non posset adoratione latitiæ adorari. Quartò, quia contrariatur ritui Ecclesiæ, secundum quē post corporalem cibū nō licet sumere corpus Christi, cū tamen post vnā hostiam consecratam liceat sumere aliam. Vnde hæc positio vitanda est tanquam hæretica.

AD PRIMVM ergo dicendum, quod Deus cōiungauit diuinitatem suā, id est, diuinā virtutem, pani & vino, nō vt remaneant in hoc sacramento, sed vt faciat inde corpus & sanguinem suum.

AD SECVNDVM dicendum, q̄ in aliis sacramētis nō est ipse Christus realiter, sicut in hoc sacramēto. Et ideo in aliis sacramentis manet substantia materię, nō autē in isto.

AD TERTIVM dicendū, quod species, quę remanent in hoc sacramento (vt infra dicitur)† sufficiūt ad significationem huius sacramēti, nam per accidentia cognoscitur ratio substantiæ.

9.87. ar. 3. q̄

D. Thom. tert. part.

ARTICVLVS III.

Utrum substantia panis, vel vini post consecrationem huius sacramenti annihiletur.

4. d. 11. q. 1. ar.
2. q. 4. cōt. c.
63. q. 1. q. 5.
ar. 11. q. 1. q. 5.
9. arti. 5. ad 3.
1. cor. 11.
lec. 5. col. 5.

Ar. prae

AD tertiū sic proceditur. Videtur, q̄ substantia panis post consecrationē huius sacramēti, annihiletur, aut in pristinā materiam resoluator. Quod enim est aliquid corporale, oportet alicubi esse. Sed substantia panis, quē est quidā corporale non manet in hoc sacramēto (ut dictū est*) nec etiā est dare aliquē locum ubi sit, ergo nō est aliquid post consecrationē. Igitur, aut est annihilata, aut in praeiacentem materiam resoluta.

¶ 2. Præterea, Illud quod est terminus à quo in qualibet mutatione non remanet, nisi fortē in potentia materiē, sicut quū ex aere fit ignis, forma aeris nō manet nisi in potentia materiē, & similiter quando ex albo fit nigrū. Sed in hoc sacro substantia panis, aut vini se habet sicut terminus à quo, corpus autē vel sanguis Christi sicut terminus ad quē, dicit enim† Amb. in li. de offic. ante benedictionē alia species nominatur, post benedictionem corpus Christi significatur. Ergo facta cōsecratione, substantia panis, vel vini non manet, nisi fortē resoluta in suam materiam.

¶ 3. Præterea, oportet alterū contradictoriū esse verum. Sed hæc est falsa, facta cōsecratione, substantia panis, vel vini est aliquid. Ergo hæc est vera, substantia panis, vel vini est nihil.

SED CONTRA est, quod† Aug. dicit in li. 83. questionum. Deus nō est causa tendendi in non esse. Sed hoc sacramentū diuina virtute per

ficatur. Ergo in hoc sacramēto nō annihilat substantia panis, aut vini.

RESPONDEO dicendum, quod quia substantia panis, vel vini nō manet in hoc sacramēto, quidā impossibile reputātes, q̄ substantia panis vel vini in corpus, vel sanguinem Christi cōuertatur, posuerūt quod per consecrationē substantia panis, vel vini, vel resolutur in praeiacentē materiam, vel quod annihiletur. Præiacēs autē materia, in quā corpora mixta resolui possūt, sunt quatuor elemēta. Non enim potest resolutio fieri in materiā primā, ita q̄ sine forma existat, quia materia sine forma esse nō potest. Cū autē post consecrationē, nihil sub speciebus sacramenti remaneat nisi corpus & sanguis Christi, oportebit dicere quod elemēta, in quē resoluta est substantia panis vel vini, inde discedant per motum localem, quod sensu perciperetur.

Similiter etiā substantia panis vel vini manet vsq; ad vltimum instans cōsecrationis. In vltimo autē instāti cōsecrationis ibi est in substantia corporis vel sanguinis Christi, sicut in vltimo instāti generationis, iā inest forma. Vnde non erit dare aliquod instans, in quo sit ibi præiacēs materia. Nō enim potest dici, q̄ paulatim substantia panis vel vini resoluator in praeiacentē materiā, vel successiuē egrediator de loco specierū, quia si hoc inciperet fieri in vltimo instāti suę consecrationis, simul sub aliqua parte hostiē esset corpus Christi cū substantia panis, quod est contra prædicta.† Si verò hoc incipiat fieri ante consecrationē, erit dare aliquod tēpus, in quo sub aliqua parte hostiē neq; erit substantia panis, neq; erit corpus

In lib. de his, qui mysteriis initiantur. c. 9. à med. to. 4. refertur de cōsec. d. 2. c. ante.

lib. 83. q. 2. q. 1. 2. in me. to. 4.

In isto arti. & praeo.

pus Christi, quod est incōueniens, & hoc ipsum et perpendisse videtur. Vnde posuerūt aliud sub disūctio-
ne, scilicet, quod vel annihiletur, vel in præiacentē materiā resoluatur. Sed nec hoc potest esse, quia nō est dare aliquē modū, quo corpus Christi verū esse incipiat in hoc sacramēto, nisi per conuersionē substantiæ panis in ipsum, quæ quidē cōuersio tollitur, posita vel annihilatio-
ne substantiæ panis, vel resolutione in præiacentē materiā. Similiter etiam nō est dare, vnde talis resolutio, vel annihilatio in hoc sacramēto causetur, cū effectus sacramenti significetur per formā, neutrum autem horum significatur per hæc verba formæ, hoc est corpus meū. Vnde patet prædictam positionem esse falsam.

AD PRIMVM ergo dicendum, quod substantia panis vel vini facta consecratione, neq; sub speciebus sacramēti manet, neq; alibi. Nō tamē sequitur, quod annihiletur, conuertitur enim in corpus Christi. Sicut non sequitur. Si aer ex quo generatus est ignis, non sit ibi vel alibi, quod sit annihilatus.

AD SECVNDVM dicendū, quod forma, quæ est terminus à quo, non cōuertitur in aliā formam, sed vna forma succedit alteri in subiecto, & ideo prima forma non remanet nisi in potētia materiæ. Sed hic substantia panis conuertitur in corpus Christi, vt supra dictum est.† vnde ratio non sequitur.

AD TERTIVM dicendum, quod licet post consecrationē hæc sit falsa, substantia panis est aliquid, id tamen in quod substantia panis est cōuersa, est aliquid. Et ideo substantia panis non est annihilata.

AD quartū sic proceditur. Videtur, quod panis non possit conuerti in corpus Christi, conuersio enim quædam mutatio est. Sed in omni mutatione oportet esse aliquid quod subiectum, quod prius est in potentia, & postea est in actu, vt enim dicitur 3.† Physic. motus est actus existentis in potentia. Nō est autem dare aliquod subiectum substantiæ panis & corporis Christi, quia de ratione substantiæ est, quod sit non in subiecto. vt dicitur in prædicamentis.* Non ergo potest esse quod tota substantia panis conuertatur in corpus Christi.

¶ 2. Præterea, Forma illius, in quod aliquid conuertitur, de nouo incipit esse in materia eius, quod in ipsum conuertitur, sicut cū aer conuertitur in ignem prius non existentē, forma ignis incipit de nouo esse in materia aeris, & similiter cum cibus conuertitur in hominē prius non existentem, forma hominis incipit esse de nouo in materia cibi. Si ergo panis conuertitur in corpus Christi, necesse est, quod forma corporis Christi, de nouo incipiat esse in materia panis, quod est falsum. Non ergo panis conuertitur in substantiam corporis Christi.

¶ 3. Præterea, Ea quæ sunt secundum se diuersa, nunquā vnum eorū fit alterum, sicut albedo nunquam fit nigredo, sed subiectū albedinis fit subiectū nigredinis, vt dicitur in 1.† Phy. Sed sicut due formæ cōtrariæ sunt secundum se diuersæ (vt pote principia formalis differentiæ exi-

Ec 5 stentes)

*Inf. art. 6. cōd.
¶ ar. 8. cor. cōd.
ad 3. & 4. di.
11. q. 1. ar. 1. q. 2.
2. ad 1. & q. 2.
3. ad 3. & ar. 3.
q. 1. per to. &
4. contra c. 63.
¶ quo. 5. art. 11.
Et opus. 2. ca. 3. & 1. cor. 11. lec. 4. cor. 6. & lec. 5. col. 3.
* Li. 3. text. 6. to. 2.*

** In ca. de substantia, to. 1.*

In corp. ar. 6. in præce.

Lib. 1. text. 42. & seq. to. 2.

D. Thom. tert. part.

Itētes) ita duę materię signatę sunt secundū se diuersę, vt pote existen- res principia materialis distinctio- nis. Ergo nō potest esse, q̄ hęc ma- teria panis fiat hęc materia, qua in- diuiduatur corpus Christi. Et ita non potest esse, quōd substantia hu- ius panis conuertatur in substantiā corporis Christi.

Ex Hō. 10. R̄
fertur de cōsec.
d. 2. c. 15.
Quia corpus af-
sumptum.

SED CONTRA est, quod* Euse-
Emiss. dicit. Nouū tibi, & impossibi-
le esse nō debet, quōd in Christi
substantiā terrena & mortalia con-
uertuntur.

In med. ar. 1.
huius q.

RESPONDEO dicēdum, quod
sicut supra dictū est,* cū in hoc sa-
cramento sit verū corpus Christi,
nec incipiat ibi esse de nouo per
motū localem, cū etiā nec corpus
Christi sit ibi sicut in loco (vt ex di-
ctis patet*) necesse est dicere, q̄ in-
cipiat ibi esse per conuersionē sub-
stantię panis in ipsum. Hęc tamen
conuersio nō est similis cōuersio-
nibus naturalibus, sed est omnino
supernaturalis, sola Dei virtute ef-
fecta. Vnde* Ambr. dicit in lib. de
sacramētis. Liqueat, quōd pręter na-
turę ordinem, Virgo generauit, &
hoc, quōd conficimus, corpus ex
Virgine est, quid ergo queris natu-
rę ordinē in Christi corpore, cū
pręter naturā sit ipse Dñs IESVS
partus ex Virgine? Et super illud
Io. 6. Verba, quę ego locutus sum
vobis (scilicet, de hoc sacramēto)
spiritus & vita sunt. dicit* Chryso-
id est spiritualia sunt, nihil habētia
carnale, neq; consequentiā natura-
lem, sed eruta sunt ab omni tali ne-
cessitate, quę in terra, & à legibus,
quę hic positę sunt. Manifestum est
enim, q̄ omne agēs agat inquantū
est actu. Quodlibet autē agēs crea-
tū est determinatū in suo actu, cū

sit determinati generis, & speciei,
& ideo cuiuslibet agentis creati
actio fert sup aliquē determinatū
actū, determinatio autē cuiuslibet
rei in esse actuali, est per eius for-
mā. Vnde nullū agens naturale, seu
creatū potest agere, nisi ad immu-
tationē formę, & propter hoc om-
nis cōuersio, quę sit secundū leges
naturę, est formalis. Sed Deus est
actus infinitus (vt in prima parte ha-
bitū est*) vnde eius actio se exten-
dit ad totā naturā entis. Nō igitur
solū potest perficere conuersionē
formalē, vt scilicet diuersę formę
sibi in eodē subiecto succedāt, sed
cōuersionem totius entis, vt. s. tota
substantia huius cōuertatur in totā
substantiā illius. Et hoc agitur diui-
na virtute in hoc sacramēto, nā to-
ta substantia panis cōuertitur in to-
tā substantiā corporis Christi, & to-
ta substantia vini, in totā substantiā
sanguinis Christi. Vnde hęc cōuer-
sio nō est formalis, sed substantialis,
nec continetur inter species motus
naturalis, sed proprio nomine po-
test dici transubstantiatio.

Quest. 7. ar. 1.
¶ q. 25. ar. 2.

AD PRIMVM ergo dicendum,
quod obiectio procedit de mutatio-
ne formali, quia formę propriū est
in materia, vel subiecto esse. Non
autē habet locū in conuersione to-
tius substantię. Vnde cū hęc conuer-
sio substantialis, importet quen-
dam ordinem substantiarum quarū
vna cōuertitur in alteram, est sicut
in subiecto in vtraq; substantia, si-
cut ordo & numerus.

AD SECVNDVM dicendum,
quod illa obiectio procedit de con-
uersione formali, seu mutatione,
quia oportet, sicut dictum est,† for-
mam esse in materia, vel subiecto.
Nō autē habet locū in cōuersione
totius

In cor. 6. ar. 3.

In lib. de his,
qui mysteriis
iniciantur, c. 9.
parum a med.
to. 4.

Hom. 46. in
Ioan. nō mul-
tum ante med.
to. 3.

totius substantię, cuius non est acci-
pere aliquod subiectum.

AD TERTIVM dicendum, quod
virtute agentis finiti nō potest for-
ma in formā mutari, nec materia in
materiā. Sed virtute agētis infiniti
(q̄ habet actionem in totū ens) po-
test talis cōversio fieri quia vtriq;
formę & vtriq; materię est cōmu-
nis natura entis, & id quod est enti-
tatis in vna, potest actor entis con-
vertere in id quod est entitatis in al-
tera, sublato eo, per quod ab illa di-
stinguebatur.

ARTICVLVS V.

Verū in hoc sacramento remaneant acci-
dentia panis & vini, post cōversionem.

AD QVINTVM sic procedi-
tur. Videtur, q̄ in hoc sacra-
mēto non remaneāt accidentia pa-
nis, & vini. Remoto enim priori re-
mouetur & posterius. Sed substan-
tia est naturaliter prior accidente,
vt probatur 7. Metap. Cū igitur fa-
cta cōsecratione, nō remaneat sub-
stantia panis in hoc sacramento: vi-
detur, quod non possint remanere
accidentia eius.

¶ 2. Præterea, In sacramēto ve-
ritatis non debet esse aliqua dece-
prio. Sed per accidentia iudicamus
de substantia. Videtur ergo quod de-
cipiatur humanū iudiciū: si rema-
nētibus accidentibus, substantia pa-
nis nō remaneat. Non ergo hoc est
conueniens huic sacramento.

¶ 3. Præterea, Quāuis fides no-
stra non sit subiecta rationi, non ta-
mē est contra rationē, sed supra ip-
sam, vt in principio huius operis di-
ctū est*. Sed ratio nostra habet or-
tū a sensu, ergo fides nostra non de-
bet esse cōtra sensum. Est autē cō-
tra sensum dum sensus iudicat esse
panē, & fides credit esse substantiā

corporis Christi. Non ergo hoc est
conueniēs huic sacramēto, q̄ acci-
dentia panis subiecta sensibus ma-
neāt, & substantia panis nō maneat.

¶ 4. Præterea, Illud quod manēt
cōuersione facta, videtur esse sub-
iectū mutationis. Si ergo acciden-
tia panis manēt cōuersione facta,
videtur quod ipsa accidentia sint cō-
uersionis subiectū, quod est impos-
sibile, nā accidentis nō est accidēs.
Nō ergo in hoc sacramento debēt
romanere accidentia panis & vini.

SED CONTRA est, quod Aug.
*dicit in lib. sent. Prosperi. Nos in
specie panis & vini, quā videmus,
res inuisibiles, id est, carnem & san-
guinem, honoramus.

Refertur de cō
sec. d. 2. c. Nos
autem,

RESPONDEO dicendum, quod
sensu apparet, facta cōsecratione,
omnia accidentia panis & vini rema-
nere. Quod quidem rationabiliter
per diuinā prouidentia fit. Primò
quidē, quia nō est consuetū hominī
bus, sed horribile carnē, hominis
comedere, & sanguinem bibere. Et
ideo proponūtur nobis caro & san-
guis Christi sumēda sub speciebus
illorum, quę frequētius in vsum ho-
minis veniunt, scilicet, panis & vi-
ni. Secundò, ne hoc sacramentū ab
infidelibus irrideretur, si sub spe-
cie propria, Dñm nostrum mandu-
caremus. Tertiò, vt dum inuisibili-
ter corpus & sanguinē Domini no-
stri sumimus, hoc proficiat ad me-
ritum fidei.

AD PRIMVM ergo dicendum,
quod sicut dicitur in li. † de causis,
effectus plus dependet à causa pri-
ma, quam à causa secunda. Et ideo
virtute Dei, qui est causa prima o-
mnium, fieri potest, vt remaneant
posteriora prioribus sublatis.

In propos. 1. Ha-
betur hic liber
inter opera
Arist. tom. 3.

AD SECVDVM dicendū, quod
in hoc

Sup. artic. 2.
ad 3. & inf. q.
76. ar. 1. ad 3.
¶ 4. d. 12. q. 1.
arti. 1. q. 2. Et
d. 12. q. 1. arti.
1. q. 2. & 1. co.
31. le. 5. co. 2. ¶
f. & col. 6.
Lib. 7. lex. 4.
tom. 3.

2. 2. q. 10. ar.
1. ad 1.

D. Thom. tert. part.

in hoc sacramento nulla est deceptio, sunt enim ibi secundū rei veritatē accidentia, quę sensibus diiudicantur, intellectus autem, cuius est proprium obiectum substantia (ut dicitur in 3. de anima*) per fidem à deceptione præservatur.

Lib. 3. text. 2.
to. 2.

Et sic patet responsio AD TERTIVM. Nā fides nō est contra sensum, sed est de eo, ad quod sensus non attingit.

AD QVARTVM dicendū, quod hæc cōversio nō proprè habet subiectū, ut dictū est*, sed tamen accidentia, quæ remanent, habent aliquam similitudinem subiecti.

Arti. 4. huius
q. ad 1. & 2.

ARTICVLVS VI.

Vtrum facta cōsecratione, remaneat in hoc sacramento forma substāialis panis.

AD SEXTVM sic proceditur. Videtur, quod facta cōsecratione, remaneat in hoc sacramento forma substāialis panis. Dictū est enim*, quod facta cōsecratione, remanent accidentia. Sed cū panis sit quoddā artificiale, etiā forma eius est accidens. Ergo remanet facta consecratione.

Inf. q. 77. ar. 1.
& 6. cor. &
4. d. 11. q. 1.
art. 1. q. 3. &
d. 12. q. 1. art.
2. q. 3. cor. &
quod. 9. art. 5.
ad 3. & 1. cor.
11. le. 4. si.
* Arti. preced.

¶ 2. Præterea, Forma corporis Christi est anima: dicitur enim in 2. de ani.* quod anima est actus corporis Physici, potētia vitā habēris. Sed nō potest dici, quod forma substāialis panis conuertatur in animā. Ergo videtur, quod remaneat facta consecratione.

* Lib. 2. text. 4.
& 6. to. 2.

¶ 3. Præterea, Propria operatio rei sequitur formā substantialem eius. Sed illud, quod remanet in hoc sacramento, nutrit, & omnē operationem facit, quam faceret panis existens. Ergo forma substāialis panis remanet in hoc sacramento facta consecratione.

SED CONTRA, Forma substan

cialis panis est de substantia panis. Sed substātia panis conuertitur in corp⁹ Christi, sicut dictū est*. Ergo forma substāialis panis nō manet.

ar. 2. & 4. huius
q.

RESPONDEO dicendum, quod quidā posuerunt, quod facta consecratione non solū remanēt accidentia panis, sed etiā forma substāialis eius. Sed hoc esse nō potest. Primò quidē, quia si forma substāialis panis remaneret, nihil de pane cōuerteretur in corpus Christi, nisi sola materia. Et ita sequeretur quod nō cōuerteretur in corpus Christi totū, sed in eius materiā, quod repugnat formę sacramenti, qua dicitur, hoc est corpus meū. Secundò, quia si forma substāialis panis remaneret, aut remaneret in materia aut à materia separata. Primū autē esse nō potest, quia si remaneret in materia panis, tūc tota substātia panis remaneret, quod est contra prædicta.* In alia autē materia remanere nō posset: quia propria forma nō est nisi in propria materia. Si autē remaneret à materia separata, iam esset forma intelligibilis actu, & etiā intelligens: nā omnes formæ à materia separate, sunt tales. Tertiò esset inconueniēs huic sacramento. Nam accidentia panis in hoc sacramento remanēt, ut sub eis videatur corpus Christi, nō autē sub propria specie, sicut suprā dictum est*. Et ideo dicendū est, quod forma substāialis panis non remanet.

ar. 2. huius q.

Ar. preced.

AD PRIMVM ergo dicendum, quod nihil prohibet arte fieri aliquid, cuius forma non est accidens, sed forma substāialis: sicut arte possunt produci ranę & serpentes, talem enim formā nō producit ars virtute propria, sed virtute naturalium principiorum. Et hoc modo producit

prodrexit formam substantialē panis virtute ignis decoquentis materiam ex farina & aqua confectam.

A D S E C U N D U M dicendum, quod anima est forma corporis, dās ei totum ordinē esse perfecti, scilicet, esse, & esse corporeum, & esse animatum, & sic de aliis. Conuertitur igitur forma panis in formā corporis Christi, secundū quod dat esse corporeū, nō autē secundū quod dat esse animatū tali anima.

A D T E R T I U M dicendū, quod operationū panis, quædā consequuntur ipsum ratione accidentiū, sicut immutare sensum. Et tales operationes inveniuntur in speciebus panis post consecrationē, propter illa accidentia, quæ remanent. Quædam autē operationes consequuntur panē, vel ratione materiæ, sicut quod conuertatur in aliquid, vel ratione formæ substantialis, sicut est operatio consequens speciem eius, puta quod confirmat cor hominis. Et tales operationes inveniuntur in hoc sacramento, non propter formam, vel materiam, quæ remaneat, sed quia miraculosē conferuntur ipsis accidentibus, ut infra dicetur.*

ARTICVLVS VII.

Vtrum ista conuersio fiat in instanti.

A D S E P T I M U M sic proceditur. Videtur, quod ista cōuersio nō fiat in instanti, sed sit successiua. In hac enim cōuersione prius est substantia panis, & postea substantia corporis Christi. Nō ergo vtrūque est in eodem instāti, sed in duobus instātibus. Sed inter quælibet duo instātia est tēpus mediū. Ergo oportet quod hæc conuersio fiat secundū successionem tēporis, quod est inter vltimum instans, quo ibi

est panis, & primum instās, quo ibi est corpus Christi.

¶ 2. Præterea, In omni cōuersione est fieri & factum esse. Sed hæc duo nō sunt simul, quia quod fit, nō est, quod autē factum est, iā est. Ergo in hac conuersione est prius & posterius, & ita oportet quod non sit instantanea, sed successiua.

¶ 3. Præterea, Ambr. dicit in lib. de Sacri. quod istud sacramentū, Christi sermone cōficitur: Sed sermo Christi successiue proferē. Ergo hæc conuersio fit successiue.

S E D C O N T R A est, quod hæc cōuersio perficitur virtute infinita, cuius est subito operari.

R E S P O N D E O dicendum, quod aliqua mutatio est instāanea triplici ratione. Vno quidē modo ex parte formæ, quæ est terminus mutationis. Si enim sit aliqua forma, quæ recipiat magis & minus, successiue acquiritur subiecto, sicut sanitas. Et ideo quia forma substantialis nō recipit magis & minus, inde est quod subito fit eius introductio in materia. Alio modo ex parte subiecti quod quandoq; successiue preparatur ad susceptionem formæ, & ideo aqua successiue calefit. Quando verò ipsum subiectū est in vltima dispositione ad formā, subito recipit ipsam, sicut diaphanum subito illuminatur. Tertio modo ex parte agentis, quod est infinita virtutis. Vnde statim potest materiā ad formā disponere, sicut dicitur. Mar. 7. quod cum Christus dixisset: Ephētha, quod est aperire, statim apertæ sunt aures hominis, & solutum est vinculū lingue eius. Ex his tribus rationibus hæc conuersio est instantanea. Primo quidem, quia substantia corporis Christi, ad quā termi-

natur

Lib. 4. c. 4. p. 4.
rum. a principi-
pio tom. 4.

Supr. art. 3. c. 1.
50. & infr. q. 78. ar. 2. & 5.
cor. & 4. d. 11
q. 1. ar. 2. cor.
& ar. 3. q. 2.
per to. Et 4.
cōt. c. 73.

D. Thom. tert. part.

natur ista cōuersio, nō suscipit magis, neq; minus. Secundò, quia in hac cōuersione nō est aliquod subiectū, quod successiuè præparetur. Terriò, quia agitur Dei virtute infinita.

AD PRIMVM ergo dicendum, quod quidā non simpliciter concedunt, quod inter quolibet duo instātia sit tēpus medium. Dicunt enim quod hoc habet locū in duobus instantibus, quæ referuntur ad eundē motū, non autē in duobus instantibus, quæ referūtur ad diuersa, vnde inter instans, quod mensurat finem quietis, & aliud instans, quod mēsurat principiū motus, non est tēpus medium. Sed in hoc decipiuntur, quia vnitas temporis & instātis, vel etiam pluralitas eorum, non accipitur secūdum quoscunq; motus, sed secundum primū motum cæli, qui est mensura omnis motus & quietis. Et ideo alij hoc cōcedunt in tēpore: quod mensurat motū dependentē ex motu cæli. Sūt autem quidā motus, ex motu cæli non dependentes, nec ab eo mensurati, sicut in Prima parte dictum est * de motibus angelorū: vnde inter duo instātia illis motibus respondētia, non est tēpus medium. Sed hoc nō habet locū in proposito, quia quāuis ista cōuersio secūdū se nō habeat ordinē ad motum cæli, consequitur tamen prolationē verborū, quā necesse est motu cæli mensurari. Et ideo necesse est inter quolibet duo instātia circa istā cōuersionē signata, esse tempus medium. Quidā ergo dicunt, quod instans, in quo vltimo est panis, & instans in quo primo est corpus Christi, sunt quidē duo per cōparationē ad mēsurata, sed sunt vnū per cōparatio-

nē ad tempus mensurās, sicut cū duæ lineæ se cōtingunt, sunt duo pūcta ex parte duarum linearū, vnum autem punctum ex parte loci continētis. Sed hoc nō est simile, quia instans & tēpus, particularibus motibus non est mensura intrinseca, sicut linea & pūctus corporibus, sed solum extrinseca, sicut corporibus locus. Vnde alij dicunt, quod est idē instans re, sed aliud ratione. Sed secūdū hoc sequeretur, quod realiter opposita essent simul, nam diuersitas rationis non variat aliquid ex parte rei. Et ideo dicendū est, quod hæc cōuersio* (sicut dictū est*) perficitur per verba Christi, quæ à sacerdote proferūtur, ita quod vltimum instans prolationis verborum, est primum instans, in quo est in sacramento corpus Christi, in toto autem tempore præcedente est ibi substantia panis, cuius temporis non est accipere aliquid instans, proximo præcedens vltimum, quia tempus non componitur ex instantibus cōsequenter se habentibus, vt probatur 6. Phys.* Et ideo est quidem dare primū instans, in quo est corpus Christi: non est autem dare vltimum instans, in quo sit substantia panis, sed est dare vltimum tempus. Et idem est in mutationibus naturalibus, vt patet per Philos. in 8. Phys.*

AD SECVNDVM dicendum, quod in mutationibus instantaneis simul est fieri & factum esse. sicut simul est illuminari & illuminatū esse. Dicitur enim in talibus factū esse, secundum quod iam est, fieri autē, secundum quod ante nō fuit.

AD TERTIVM dicendū, quod ista cōuersio (sicut dictū est*) fit in vltimo instāti prolationis verborū tunc

In cor. art.

Lib. 6. Phys. a princ. li. per 10. text. 10. 2.

Lib. 8. text. 72. tom. 2.

In solutione ad 1. in isto articulo.

1. p. q. 53. ar. 3

tūc enim cōpletur verborum signi-
ficatio, quæ est efficax in sacramen-
torū formis. Et ideo non sequitur,
quòd ista conuersio sit successiua.

ARTICVLVS VIII.

*Vtrum hæc sit falsa, ex pane fit cor-
pus Christi.*

4. di. ii. q. 3.
ar. 4.

AD OCTAVVM sic procedi-
tur. Videtur, quod hæc sit fal-
sa, ex pane fit corpus Christi. Om-
ne enim id, ex quo fit aliquid, est id
quod fit illud, sed non conuertitur:
dicimus enim quod ex albo fit ni-
grū, & q̄ albū fit nigrū, & licet di-
camus quod homo fiat niger, nō ta-
men dicimus quod ex homine fiat
nigrū, vt patet in 1. Phys. * Si ergo
verū est, quod ex pane fiat corpus
Christi, verū erit dicere, quod pa-
nis fiat corpus Christi. Quod vide-
tur esse falsum, quia panis nō est sub-
iectū factionis, sed magis est termi-
nus. Ergo nō verè dicitur, quod ex
pane fiat corpus Christi.

lib. 1. c. 5.

¶ 1. Præterea, Fieri terminatur
ad esse, vel ad factū esse; sed hæc nū-
quā est vera, panis est corpus Chri-
sti, vel panis est factus corpus Chri-
sti, vel etiā, panis erit corpus Chri-
sti. Ergo videtur quod nec etiā hæc
sit vera, ex pane fit corpus Christi.

¶ 3. Præterea, Omne id, ex quo
fit aliquid, conuertitur in id quod
fit ex eo. Sed hæc videtur esse fal-
sa, panis cōuertitur in corpus Chri-
sti, quia hæc conuersio videtur esse
miraculosior, quā creatio mūdi,
in qua tamen nō dicitur, quod non
ens cōuertitur in ens. Ergo videtur
quod etiam hæc sit falsa, ex pane
fit corpus Christi.

¶ 4. Præterea, illud ex quo fit ali-
quid, potest esse illud: sed hæc est
falsa, panis potest esse corpus Chri-

sti. Ergo. & hæc est falsa, ex pane
fit corpus Christi.

SED CONTRA est, quod* Am-
bro. dicit in lib. de Sacramētis, Vbi
accedit cōsecratio, de pane fit cor-
pus Christi.

Lib. 4. c. 4. cō-
ca pri. tom. 45

RESPONDEO dicendū, quod
hæc cōuersio panis in corpus Chri-
sti, quātum ad aliquid, conuenit cū
creatione, & cum transmutatione na-
turali, & quātum ad aliquid, differt
ab vtroq;. Est enim commune his
tribus ordo terminorū, scilicet, vt
post hoc sit hoc (in creatione enim
est, esse post non esse, in hoc sacra-
mento, corpus Christi post substan-
tiā panis, in transmutatione natura-
li albū post nigrum, vel ignis post
aerem) & quod prædicti termini
nō sint simul. Conuenit autē cōuer-
sio, de qua nunc loquimur, cū crea-
tione, quia in neutra earum est ali-
quod commune subiectum vtriq;
extremorum, cuius contrarium ap-
paret in omni transmutatione natu-
rali. Conuenit verò hæc conuersio
cū transmutatione naturali in duo-
bus, licet non similiter, Primo qui-
dem, quia in vtraq; vnum extremo-
rum transit in aliud (sicut panis in
corpus Christi, & aer in ignem) nō
autem, non ens conuertitur in ens.
Aliter tamen hoc accidit vtrobiq;,
nam in hoc sacramento tota substā-
tia panis trāsit in totū corpus Chri-
sti, sed in trāsmutatione naturali ma-
teria vnius suscipit formā alterius,
priori forma deposita. Secūdo cō-
ueniūt in hoc, quod vtrobiq; rema-
net aliquid idem, quod non accidit
in creatione. Different tamen,
nam in transmutatione naturali re-
manet eadem materia, vel subie-
ctum, in hoc autem sacramento re-
manent eadem accidētia. Et ex his
potest

D. Thom. tert. part.

potest accipi qualiter differenter in talibus loqui debeamus. Quia enim in nullo prædictorum trium extrema sunt simul, ideo in nullo eorum potest vnum extremum de alio prædicari per verbum substantium præsentis tēporis, non enim dicimus, non ens est ens, vel panis est corpus Christi, vel aër est ignis, vel album est nigrum. Propter ordinē verò extremorum possumus uti in omnibus hac præpositione, ex, quæ ordinē designat, possumus enim verè & propriè dicere, quod ex non ente fit ens, & ex pane corpus Christi, & ex aère ignis, vel ex albo nigrum. Quia verò in creatione vnum extremorum non transit in alterū, non possumus in creatione uti verbo conuersionis, ut dicamus, quod non ens conuertitur in ens. Quo tamē verbo uti possumus in hoc sacramento, sicut & in transmutatione naturali. Sed quia in hoc sacramento tota substantia in totam substantiam mutatur, propter hoc hæc conuersio propriè transsubstantiatio vocatur. Rursus, quia huius conuersionis non est accipere aliquod subiectum, ea quæ verificantur in cōuersione naturali ratione subiecti, non sunt concedenda in hac cōuersione. Et primo quidem manifestū est, quod potēria ad oppositum, cōsequitur subiectum, ratione cuius dicimus, quod albū potest esse nigrum, & aër potest esse ignis, licet hæc non sit ita propria, sicut prima. Nam subiectum albi (in quo est potentia ad nigredinē) est tota substantia albi, nō enim albedo est pars eius, subiectum autē formæ aëris, est pars eius: vnde cū dicitur, aër potest esse ignis, verificatur ratione partis per synecdo-

chen. Sed in hac conuersione, & similiter in creatione, quia nullū est subiectū, non dicitur, quod vnū extremū possit esse aliud, sicut quod non ens possit esse ens, vel quod panis possit esse corpus Christi. Et eadem ratione non potest propriè dici, quod de non ente fiat ens, vel quod de pane fiat corpus Christi, quia hæc propositio, de, designat causam consubstantialē, quæ quidem consubstantialitas extremorum in transmutationibus naturalibus attenditur penes convenientiā in subiecto. Et simili ratione non conceditur, quod panis erit corpus Christi, vel quod fiat corpus Christi, sicut neque conceditur in creatione, quod non ens erit ens, vel quod non ens fiat ens, quia hic modus loquēdi verificatur in transmutationibus naturalibus ratione subiecti, putacum dicimus, quod albū sit nigrum, vel album erit nigrum. Quia ramen in hoc sacramento, facta cōuersione, aliquid idem manet, scilicet, accidentia panis (ut supra dictum est*) secundum quandā similitudinem aliquæ harum locutionum possunt concedi, scilicet, quod panis fit corpus Christi, vel panis erit corpus Christi, vel de pane fit corpus Christi, ut nomine panis nō intelligatur substantia panis, sed in vniuersali, hoc, quod sub speciebus panis cōtinetur, sub quibus prius cōtinetur substantia panis, & postea corpus Christi.

AD PRIMVM ergo dicendum, quod illud, ex quo aliquid fit, quandoq; quidem importat simul subiectum cum vno extremorum transmutationis, sicut cū dicitur, ex albo fit nigrum, & sic etiam dici potest, hoc fit illud, id est, album fit nigrum.

art. 5. huius q.

grum. Quâdoque verò importat solum oppositum vel extremum, sicut cum dicitur, ex mane fit dies, & sic non conceditur, quod hoc fiat illud, id est, quod mane fiat dies. Et ita etiam in proposito, licet propriè dicatur, quod ex pane fiat corpus Christi, non tamen propriè dicitur, quod panis fiat corpus Christi, nisi secundum quandam similitudinem, ut dictum est.†

In cor. ars.

AD SECVNDVM dicendum, quod illud, ex quo fit aliquid, quâdoque erit illud propter subiectum, quod importatur. Et ideò cum huius conuersionis non sit aliquod subiectum, non est similis ratio.

AD TERTIVM dicendum, quod in hac conuersione sunt plura difficiliora, quàm in creatione, in qua hoc solum difficile est, quod aliquid fit ex nihilo, quod tamen pertinet ad proprium modum productionis primæ causæ, quæ nihil aliud præsupponit. Sed in hac conuersione non solum est difficile, quod hoc totum conuertitur in illud totum, ita quod nihil prioris remaneat (quod non pertinet ad communem modum productionis alicuius causæ) sed etiam habet hoc difficile, quod accidentia remaneant, corrupta substantia, & multa alia, de quibus in sequentibus agetur.† Tamen verbum conuersionis recipitur in hoc sacramento, non autem in creatione, sicut dictum est.†

Quæst. 77.

In cor.

AD QVARTVM dicendum, quod sicut dictum est, potentia pertinet ad subiectum, quod non est accipere in hac conuersione. Et ideo non conceditur, quod panis possit esse corpus Christi: non enim hæc conuersio fit per potentiam

passiuam creaturæ, sed per solam potentiam actiuam creatoris.

Sententiæ & conclus. quæst.

Prima conclusio: Recta fides catholica docet Christum verum & substantialiter esse in hoc sacramento, non autem ut in signo tantum, quod hereticum est: quia verba Domini in formis huius sacramenti id apertè & propriè significant: quia hoc exigit perfectio Evangelij, ut id reipsa contineat, quod olim in figura: quia hoc sacramentum, quod Christo nos reipsa coniungat, hoc propriè sibi vendicat.

1.

2.

3.

Secunda conclusio: In hoc sacramento post consecrationem, non remanet substantia panis & vini, nec annihilatur, sed tota conuertitur in corpus & sanguinem Christi: & ideo rectè dicitur hæc conuersio transsubstantiatio, & est momentanea: atque etiam verè dicitur, ex pane fit corpus Christi.

Ratio primi: quia conuertitur tota substantia vtriusque materiæ in Christum, neque aliter essent veræ formæ: neque Eucharistia adorari posset latría.

Ratio secundi: quia conuersio non est annihilatio, cum terminus sit aliquid.

Ratio tertij: quia virtuti Dei infinita nihil resistere potest, & ideo momento terminante prolationem fit illa conuersio.

Ratio quarti: quia transsubstantiatio est conuersio totius substantiæ.

Tertia conclusio: facta consecratione remanent accidentia panis & vini, quia sub his signis sacramentalibus Christus continetur.

COMMENTARIVS.

Explicata proprietate verborum in formis huius sacramenti, de conuersione, quâ efficiunt, necessariò dicendum est: ut deinde realis & substantialis Christi præsentia in eodem sacramento confirmetur.

De conuersione qua dicitur transsubstantiatio, virtute verborum huius sacramenti effectus.

Ff

ut enim

Comment.in D. Tho. tert. part.

ut enim transubstantiatio tollit substantiā panis & vini & vim operatiuā verborū retinet; sic verborum proprietates, Christum cōstituit presentem verē & substantialiter, & non in signo tantum. Transubstantiatio, Lutheranos panem cum Christo coniungentes redarguit, verborū autem proprietates sacramentarios Christum calo sic concludentes, ut in hoc sacramento asserāt existere ut in signo tantum, & non substantialiter: quo circa utriq; transubstantiationi, quę est veluti via ad realem presentiam, vehementer repugnant. Quāvis itaque D. Tho. coniunxerit eadem q. doctrinam de presentia Christi in hoc sacramento, cū doctrina de conuersione & consecratione, & accidentiū panis & vini consecratione: à nobis tamē via & ratione, vti sit apertior distinguetur in tres partes: vnā de transubstantiatione, quod est proprium nomen huius conuersionis: alterā de reali & substantiali presentia Christi in hoc sacramento: tertiā de accidentibus sacramentalibus panis & vini. ad secundā partē pertinet modus existentie, de quo q. 76. ad tertiā verō pertinet q. 77. & ideo suis locis proponitur, collectis earū conclusionibus. Hęc de ratione ordinis dicta sint.

2. Transubstantiatio autem primū nobis est confirmanda ex verbo Dei, deinde ex Patrū consensione ecclesiasticis definitionibus & decretis: & tandē ex eisdem refutanda sunt aduersariorum argumenta. Primum ergo tres Euangelistę Ioanne excepto, & Paulus 1. Cor. tria referunt de Christo in huius sacramenti institutione, quę sacerdotes similiter efficiunt ex illius precepto, quod exprimitur illis verbis, hoc facite in meā commemorationē. Primò, gratias egit siue benedixit, deinde protulit illa verba: hoc est corpus meum, hic est sanguis meus: & tandem fractū distribuit simul discumbentibus panē, & calicē propinavit, ut ex eo omnes biberent. Hęc tria hoc ordine distinguenda sunt, ut ratio rei gestę ostendit, quamuis Euangelistę, ut in plerisque aliis, seriem gestę rei in narratione nō seruent. Gratias autem agere & benedicere in his idem valent: quia quod est Matthæo & Marco benedicere, id est Lucę & Paulo gratias agere, & 1. Cor. 14. ubi nos legimus, super tua benedictione, Gręcę legitur, super tua Eucharistia, vel gratiarum actione, & prius vocauerat benedictionē, quā postea Eucharistiā vocat. Gratias ve-

ro agere siue benedicere, nō accipitur absolute & intransitiue, ut volunt aduersarij, sed transitiue, ut intelligatur benedictio cadere in subiectam materiam panis & vini: quia Matthæus & Marcus aperte scribunt, benedixisse panem acceptum, & Lucas & Paulus Eucharistizasse, hoc est gratiarum actione affectisse panē: vnde Iustinus Martyr in apologia ad Antoninum vocat hoc sacramentum cibum gratiarum actione affectum & immutatum: quare licet alibi hęc verba intransitiue sumatur, in his tamen locis, & ferē in Euangelistis ut Luc. 9. & Matth. 5. transitiue accipiuntur, & res, in quam transit benedictio, accusandi casu exprimitur. Gręci Patres hęc benedictionem, sanctificationem vocant, ut constat ex missis Basilij & Chrysostomi: Latini consecrationem. Consecrare autem in hoc sacramento non est tantum, ut Latinis autoribus prophanis dicitur, rem prophanam ad sacrum vsum religionis segregare & deputare, sed præterea rem subiectam vi quadam supernaturali afficere & immutare, ut statim constabit. Hęc igitur quatuor, gratias agere, benedicere, sanctificare, consecrare, idem sunt reipsa, licet propriis & specialibus rationibus subtiliter distingui possint. Quamuis enim vnica videtur fuisse Christi Domini actio in cœna in Eucharistię institutione: eius tamen multiplex vis & ratio pluribus verbis exprimitur. Dicitur benedictio, quia verbis dictis & prolatis, facta est materię subiectę mutatio, ut Dei ppria intelligatur & dicitur benedictio, quia dicere Dei est benefacere. Dicitur gratiarū actio, quia pro beneficiis à Deo acceptis, ut homo Christus seipsum obtulit, & voluit à nobis offerri, & sanctum esse voluit noui fœderis nouum sacrificiū: Quare Christus seipsum offerendo, in gratiarum actionem benedixit & consecrauit panem & vinum illis verbis, hoc est corpus meum, hic est sanguis meus noui testamenti, & discipulis distribuit. aduersarij hęc omnia non in eandem rem tantum, sed in eandem actionis rationem confundunt: omnes quidem retinēt gratiarum actionem, ut negēt missam esse sacrificium propitiatorium, sed tantum gratiarum actionis. negāt autem efficaciam benedictionis omnes, ut tollant transubstantiationem: sed Lutherani concedunt, ut Christus sit præsens cum sumitur Eucharistia

ευχαριστη
θειον τρο
φην

Sanctificare, cō
secrare

Gratias agere,
& benedicere.

*Benedictio Dei
& Christi effi-
cax.*

charistia, Caluiniani vt semper negēt realem & substantialem Christi præsentiam. 3. Benedicere verò Dei & Christi, in sancta scriptura non solum est verbis bona præcari & laudare, sed etiam bonum efficere & præstare: & idcirco sine mutatione aliqua eius rei, in quam cadit benedictio, intelligi non potest. Sic ex benedictione Dei, Genes. 2. accipit homo & omne animal vim generandi: contrà ex maledictione, terra profert tribulos & spinas: deniq; verbi Dei virtute accipit res subiecta verbo & benedictioni, virtutem aliquam, & ita immutatur: vt serpens æneus exaltatus in deserto vim sanandi istos à serpētibus, virtute illius verbi Dei, qui percussus asperxit eū, viuēt. quin etiā homines vt Dei ministri eandē in rebus immutationē efficiunt, vt Moyses coram Pharaone præcipiente Domino, conuertit virgam in colubrum, aquas in sanguinem, & in deserto rupem in fontes aquarum. An verò tota substantia sit conuersa in alteram in his mutationibus, ex scriptura non constat, cum satis sit ad rationem cōuersionis, quā expressit, formarum in eadē materia mutatio. Quare licet fieri potuerit secundum substantiam totam, & id factum non negemus, verisimilius tamen videtur factum secundum formam, cum hoc satis sit ad conuersionem vnius substantiæ in aliam. Eadem est efficacia vocationis Dei & benedictionis, quia vocat ea, quæ non sunt, tamquam ea, quæ sunt, & sine pœnitentia sunt dona & vocatio Dei, & ex nomine, quo vocat creaturā, quid effecerit vocatio Dei, intelligitur. Vt cum Dominus inquit: vocabo non plebem meam, plebē meam, & non dilectam, dilectam, significatur Dominus effecisse de infideli plebe plebem fidelem, & de abiecta acceptam, non substantiam mutans, sed voluntatem conuertens. hæc ex vete. testamento. in nouo autem primum ex benedictione Dei virgo concipit Christum, & in nuptiis benedictione Christi aqua in vinum conuertitur, maledictione ficus est arefacta, benedictione etiam panes & pisces multiplicantur. Quare constat, Dei & Christi benedictione, subiectas res in melius immutari siue secundum accidens, siue secundum substantiam, vt proposita exempla euidenter ostendunt. Nam vt est in cæteris sacramentis virtus effectiua in-

*Vocatio Dei ef-
ficax.*

strumentalis ipsius effectus sacramenti, nempè gratiæ, sic est in forma huius sacramenti virtus effectiua consecrationis vel transubstantiationis, quod ex diuina scriptura colligitur, accommodata ratione 3. part. q. 78. art. 4. 4. Ex his concludes apertè, substantias panis & vini mutari secundum se totas in corpus & sanguinem Christi, hoc modo. Benedictio Dei & Christi, subiectas res affecit & immutat, vel secundum accidens vel secundum substantiam, vt verbo Dei benedicentis exprimitur: sed in Eucharistia Christus per ministrum ex præcepto ipsius, sicut ipse fecit, benedicit panem & vinum, & verbo suo testatur factam immutationem in corpus & sanguinem: ergo in Eucharistia virtute verborum facta est panis conuersio in corpus Christi, & vini in sanguinem. Propositio ex vñu & exemplis veteris & noui testamenti confirmata est: assumptio ex benedictionis Christi efficacia, quam verbis effecit, & eisdem benedicere præcepit sacerdotibus, vt similiter facerent, est manifesta, retenta proprietate verborum, quam suprà probauimus in vtraque forma huius sacramenti, vt sit per verba illa benedictionis & consecrationis, verum corpus & verus sanguis Christi. Ex hac enim simplici & plana verborum intelligentia, primum Ecclesia catholica semper intellexit, in hoc sacramento verè esse corpus & sanguinem Christi virtute verborum: deinde nullā aliā substantiam nec panē sub illo signo sensibili existere, quia de nulla verè dici posset, quod sit corpus aut sanguis Christi: tertio, quod desinat esse panis, non absolute, sed vt pro eo & sub eius accidentibus existat corpus Christi, & similiter sanguis sub vini specie, & accidentibus, sicut fuit prius panis & vinum. Et quia desinere esse in ordine ad corpus & sanguinem Christi, vel cedere corpori ad existendum, est propriè conuerti in hæc ipsa, tandem collegit Ecclesia catholica, veram panis & vini in corpus & sanguinem Christi factam esse mutationem: & quum tota substantia hac ratione colligatur in totam conuersa, vocata est hæc antiqua veritas Ecclesiæ catholicæ, nouo & accommodato nomine transubstantiationis, cū hæc sit totius substantiæ in totam conuersio, vt. apertiori nomine refutarentur

Transubstantiatio ex verbo Dei scripto colligitur.

Comment.in D.Tho.tert.part.

aduersarij Ecclesiæ catholicæ, qui varios errores de existentia Christi in hoc sacramento, & de verborum illius intelligentia disseminarunt, de quibus statim disse- retur. Remanere autem accidentia & spe- ciem panis & vini externam, ex promif- sione Christi de exhibenda carne sua in cibum, & sanguine in potum proposita Ioan. 6. aperte colligitur: quia hæc acciden- tia cibi & potus omnium hominum com- munis, nempe panis & vini, ostēdunt Chri- stum esse in hoc sacramento propositum: vt eo, veluti cibo viuificante, anima reficia- tur, vt corpus pane & vino, & vniamur eo- dem cibo capiti nostro: arctissima coniu- ctione, vt qui eodem cibo & potu vtūtur, eodem modo in corpore afficiuntur.

§ Sic autem Ecclesiam catholicam tran- substantiationem ex verbis & benedictio- ne Domini collegisse, adductæ ratiocina- tiones ostendunt, & testis est Concilium Trident. sess. 13. cap. 4. cum inquit, quoniā Christus corpus suum id quod sub specie panis offerebat, verē esse dixit, ideo per- suasum semper in Ecclesia Dei fuit, per consecrationem panis & vini, conuersio- nem fieri totius substantiæ panis, in substā- tiam corporis Christi, & totius substan- tiæ vini in substantiam sanguinis eius, quæ conuersio conuenienter & propriē à san- cta catholica Ecclesia, transubstantiatio est appellata. Est igitur transubstantiatio, illa via & ratio, quā diuina sapientia inue- nit, ad faciendum Christum cibum & sacrificium corporale & visibile, sicut incar- natio est illa via, qua Deus factus est ho- mo. vt quærenti nunc quomodo possit Christus dare nobis suam carnem ad mā- ducandum, & sanguinem ad bibendum, respondendum sit, per transubstantiatio- nem, & certē videtur D. Thom. in ea fuisse sententia, non fuisse aliam viam possi- bilem, qua id fieri possit à Deo. Quam sen- tentiā, licet plerique eius sectatores non probent, putantes idem confici potuisse eo modo, quo Lutherani volunt factum esse, vel alio quopiam: ea tamen non ca- ret sua probabilitate, & certum est nullam aliam nobis commodiorem esse potuisse, cum Deus semper efficiat, de his, quæ fie- ri possunt, quod melius est: quare non tan- tum Eucharistia efficit aliquid in suscipiē- te, vt cætera sacramenta, nempe gratiam sanctificantem, sed ipsa etiam verba for-

ma, immutant subiectam materiam pa- nis & vini, vt possit esse Christus cibus no- ster sacramentalis: quia hoc sacramentum consistit in consecratione, & ea perficitur, non autem consistit in vſu, vt cætera sacra- menta. Hactenus de probatione transub- stantiationis ex verbo Dei.

6 Consensu Patrum Ecclesiæ catholicæ, deinde confirmatur eadē transubstātiatio: eorum innumera sunt testimonia, quibus ex verbis huius sacramenti euidenter asse- runt se colligere eandem conuersionem, quam variis modis, sed eadem intelligen- tia exprimunt. Irenæus, Nyssenus, Cypria- nus, Ambros. August. Gaudētius, ex ter- ræ frugibus, ex siue de pane & vino, fieri, confici, conflari, constitui, creari, & esse corpus Christi: Christum panē fecisse suū corpus, atque ita confessum esse & confir- māsse, appellans corpus suum, & panem percipiendō vocationem Dei fieri Chri- sti corpus. Irenæus, Tertulianus, Ambros. Cyril. Hieros. promiscuē tradunt. Latini, mutari, immutari, transponi, transforma- ri, transfigurari, conuerti, verti, transfer- ri, transelementari: quia elementum & materia huius sacramenti est panis & vi- num: quæ omnes rationes dicendi apertē ostendunt conuersionē totius substantiæ in corpus & sanguinem Christi. Vnde Cy- prianus ait panem non effigie, sed natura mutari, & omnipotentia verbi panem mutatum, Nyssenus, rerum, quæ videntur, naturam in Christi corpus mutari, & san- ctificatum panem in Dei verbi carnem im- mutari. Ambr. benedictione naturā panis mutari, vt non hoc sit, quod natura forma- uit, sed quod benedictio consecrauit. Hy- sychius, res sensibiles in intelligendas trans- ferri. Emisſenus terrenas creaturas in Do- minici corporis transire substantiam, & in uisibilem sacerdotem visibiles creaturas, in substantiam corporis & sanguinis sui, se- creta potestate conuertere. Chrysost. ali- quando ait, hoc verbum res propositas transmutat, aliquando vero scribit, panem corporis præsentia consumi. Damascē. in- quit, transmutari & conuerti. Theophyla. transelementari. Isidorus panem transire in carnem. Anselmus panem in corpus mi- grare: eius æqualis Fulbertus panem trans- fundi in corpus. Algerus transire & trans- ferri in corpus. Remigius panem transire in corpus Christi, neque esse duo corpora;

*Græci dicunt
μεταποιε-
σθαι μετα
βάλλεσθαι
μεταστοι-
χεύεσθαι.*

3. p. q. 79. ar.
2. 4. lib. contra
Gent. 5. 63.

sed

sed vnum corpus. quare nihil apertius à Patribus omnibus, de vilo nostræ religionis. mylterio, dictum est, neque frequentius repetitum, quàm de transubstantiatione huius sacramenti. Testimonia Patrū distinctè hæc sunt, Iren. lib. 4. cap. 32. 57. & lib. 5. Nyssen. in oratione catech. Cyprianus de coena Domini. Ambros. lib. 4. de sacr. cap. 4. & lib. 4. de fide. cap. 5. August. lib. 3. de Trinit. cap. 4. Origen. lib. 8. in Celsum. Tertul. lib. 4. in Marc. & in Iudæos. Cyril. hieros. catechesi 4. Cyril. Alexand. ad Calosyrium, Hyfich. lib. 2. in Leuit. Emiss. hom. 2. de Paschate & 3. Gaudent. tract. 2. de Pasche. Chrysost. hom. de proditiōe Iudæ, & in encaniis, & Liturgia. Remig. 1. Corinth. 10. Damasc. lib. 4. de fide. cap. 14. Theophylact. ad cap. 14. Marci, Isidor. lib. 1. de offic. Anselm. in epist. de corpor. & sanguine Domini. Fulbertus in epist. ad Berengarium. Algerus contra eundē. Recentiores appellant conuersionem substantiæ panis, & Innocentius III. & Conciliū Lateranen. sub eo transubstantiationē, quam omnes Theologi scholastici consentientes concedunt; licet in explicandā ratione illius, salua & integra fide catholica dissentiant, vt deinceps constabit. Hanc consentientem Ecclesiæ catholicæ doctrinam, exprimit etiam Canon missæ Latinæ, appellans hanc conuersionem, benedictionem & creationem, hoc est, vt Latini elegantiores loquuntur, productionem viuifici corporis Christi in hoc sacramento, & sanctificationem: vt cū dicitur, per quē hæc omnia Domine semper bona creas, sanctificas, benedixis, & præstas nobis. quem etiam modum videtur Cyprianus imitari (nam Canō Cypriano antiquior est) cum inquit in serm. de coena Domini, qui vsque hodie hoc sanctissimum ac veracissimum corpus suū creat, sanctificat, benedicit, & diuidit nobis.

8 Sed quoniam aduersarij clarissimum testium tantam lucem ferre non possunt, ad eleuandam vim eorum, meras nugas & inanes distinctiones fingere non verentur, ad decipiendum simplices & incautos. ne quis autē hæc testimonia peruertere & in alienam sententiam detorquere possit, expēdenda sunt quædam, quibus Patres vtrō videntur occurrisse huiusmodi distinctionibus, & ostendisse, se planē as-

firmare, panis & vini veram & substantialem conuersionem in corpus & sanguinem Domini. Primò enim ad confectionem huius sacramenti amplificant vim diuinæ omnipotentiae, & benedictionis siue sermonis diuini, quo vniuersa condita sunt, effecta transformantur, & de sua natura in aliam vertuntur. Quæ sanè amplificatio inepta esset & aliena, si non assererent constanter perfimilem & admirabilem panis & vini conuersionem. Imò verò Irenæus ex ea probat Christum veri Dei creatoris verum filium, qui cum Patre omnia creat, & vt granum in spicam conuertit, ita aquam in vinum, panem in suum corpus, & vinum in sanguinem. Secundò, Patres conferūt hanc trās substantiationem, cum productione substantiarum ex nihilo: cum multarum rerum in alias conuersione, cuius exempla supra ex veteri testa. collegimus, quod si panis & vino non conuenit realis mutatio, qua ratione huiusmodi collatio cohærere posset? Tertio, plerique Patres asserunt, tam verè fieri hanc panis & vini conuersionem, quam verè à Christo cibus in substantiam sui corporis conuertebatur, & à nobis quotidie conuertitur. Præterea esse perfimilem formationi corporis Christi, ex purissimo sanguine Deiparæ: & mutationi veteris hominis in nouum, in quibus omnibus, prioris rei fit in posteriorem conuersio. Ex quibus Patres rectè colligunt, Christi sermonem, qui ad formas huius sacramenti pertinet; operatorium esse & substantiarum commutatum, quod est receptum ab omnibus Theologis & Ecclesia catholica, asserentibus formas huius sacramenti, id efficere quod significant.

9 Quidam etiam Patres eandem conuersionem, & panis ac vini defitionem, planius ad huc explicantes, repugnantium substantiarum oppositionem efficiunt, eius scilicet, quæ ante consecrationem fuerat, & quæ fit per consecrationem. Sic August. Serm. 28. de verbis Domini super Lucam, simul, inquit, verba proferuntur, iam non panis, sed corpus Christi appellatur. Ambros. lib. 4. de sacramentis, cap. 4. panis iste, panis est ante verba sacramentorum, vbi accefferit consecratio, de pane fit caro Christi, & in Psalm. 134. vt refertur de consecr. dist. 2. cap. omnia. licet figura panis & vini videatur: nihil

Iren. Nyssen.
Ambr. Chrysost.
Aug. Damasc.

Iren. Cyrillus
duo, Nyssen. Ambr.
Chrysost. Gauden. Damasc.
Theoph.

Iustin. Nyssen.
Emiss. Damasc.
Theoph.

Iustin. Iren.

Iren. Ambros.
Emiss. Gelas.

Nyssen. Ambros.
Chrysost.

Comment.in D. Tho. tert. part.

Similitudo trā
substantiatio-
nis

tamen aliud, quam corpus Christi, & sanguis, post consecrationem credendum est. Vnde quamuis ex his Patribus, varia exempla, & similitudines huius transubstantiationis proposita sint; nullum tamen videtur magis accommodatum, quam cibi, quē Christus in suam substantiam conuertebat. vt enim, qui prius erat panis; manducatus à Christo & per nutritionem conuersus, verē erat caro Domini viuificatrix: sic panis in hoc sacramento prius est, sed facta consecratione, est corpus Christi. omnino autem accommodatum exemplum transubstantiationis, in natura reperiri non potest, sicuti neque diuinæ Trinitatis aut incarnationis: quia per transubstantiationem tota substantia panis & vini, secundum materiam & formam, manentibus accidentibus, in corpus & sanguinem Christi conuertitur: in omnibus autem siue naturalibus, siue miraculosis conuersionibus vnius substantiæ in alteram, permanente materia, fit tantum formarum conuersio; & nullum accidens idem numero, est in re corrupta, & genita aut producta.

Decreta Eccle
siastica pro trā
substantiatio-
ne

10. Reliquę sunt, ad confirmandam transubstantiationem, Conciliorum definitiones. Constat autem in primis illis generalibus Conciliis de illa fuisse disputatum, & definitum, quamuis decreta ad nos integra non peruenierint. In Concilio tamen Nicæno definitum legimus in codic. m. s. Græcis, in diuina mensa, non panem & vinum, sed agnum Dei à sacerdotibus sine maculatione immolari: & in Ephesini Concilij epist. ad Nestorium, in hoc sacramento manducari carnem Christi verē viuificatricem & verbi propriā factam; quæ Patres illius ætatis asserunt per transubstantiationem facta esse in hoc sacramento, vt ex vtroque Cyrillo paulo ante citauimus: cū Hierosolymitanus, qui Nicæno primo interfuit, ita expresserit catechesi mystag. 4. & Alexandrinus, qui vicem Romani Pontif. in primo Ephesino tenuit, in epist. ad Calosyrium. apertiora sunt decreta Lateranen. Concilij sub Innocent. III. Vienne. Lugdunen. c. cum Marthæ. de celeb. Miss. & Clemēt. vnica de reliq. & venerat. sanct. Constantien. contra Vicleffum, & Trident. sess. 13. contra omnes huius ætatis aduersarios Ecclesiæ catholicæ. Turpiter igitur errauit Pet. Aliacen. 4. sent. q. 2.

de Euchar. asserens facilius intelligi hoc mysterium, si manens substantia panis sit sacramentale signum, & id non repugnare rationi aut sacris Bibliis. ostendimus enim repugnare omnino, & ideo nō debuit hæc esse occasio errandi Lutherō, nec hunc sequi autorem oportuit, relicta antiquitate, & Ecclesia catholica. Denique Berengarij sententia negantis transubstantiationem, & realem Christi præsentiam in hoc sacramento, damnata est à septem ordine Pontificibus Leone IX. Victore, Stephano, Benedicto, Nicolao, Alexandro, Gregorio: à quibus habitæ sunt quinque synodi pro transubstantiatione & reali Christi præsentia. Romana sub Leone IX. Vercellensis, sub eodem: Turonen. sub Victore II. Romana sub Nicolao II. & iterum Romana, sub Gregorio VII. in omnibus autem Berengarius damnatus est: sed in Turonen. hæresim eiurauit, & in vltima Romana hanc eiurationem confirmauit. Confessionis autem Berengarij formula refertur de consecr. dist. 2. Ego Berengarius, vbi confitetur, panem & vinum conuerti in veram ac propriam & viuificatricem carnem, & sanguinem Domini nostri IESV Christi. hanc definitionem secuti sunt deinceps Theologi, vt constat ex Vghone Victorino, & ex Magistro sent. & Lateranen. generale sub Innocent. III. transubstantiationis vocem vsurpauit, cuius notationē & vim Tridentinum, sess. citata, cap. 4. sic expressit, vt sit conuersio totius substantiæ panis & vini, in totam substantiam corporis & sanguinis Domini. dogma igitur de transubstantiatione, etiam si à multis hæreticis impugnatum, semper Ecclesia catholica retinuit, vt formis huius sacramenti à Domino comprehensum.

*Hæreses contra transubstantiationem,
coniungentes panis & vini substantiam,
cum corpore & sanguine Christi.*

II Confirmato hoc dogmate catholico, hæreses aduersæ & repugnantes distinguendæ sunt, & earum argumenta refutandæ. Ex his igitur, qui realem Christi præsentiam in hoc sacramento concedunt, & negant transubstantiationem, asserentes cum Christo simul esse panis substantiam, vnde impanatores, & companatores à multis dicti sunt, primus Valerianus

Valerianus.
rianus

rianus quidam, vt refert Vvalden. de sacramentis, cap. 93. suppositum panis cum supposito Christi coniunxit, vt in Eucharistia essent hæc duo supposita mirè implicata & se inuicè immanentia & confundentia, vt Nestorius finxit in Christo duo supposita, hominis & Dei. Denique hæc sententia, inquit Algerus, placuit multis, nec ab ea Berengarius abhorruit, vt inquit Guitmundus. Deinde non longè ante Vvicleffum Ioannes quidam Parriliens. refutata priori impanatione, asseruit, corpus panis, depositum, & amisso proprio supposito, assumi ad suppositum corporis Christi, & ideo in Eucharistia verbū Dei in tribus naturis subsistere, diuinitatis, corporis humani, & panis. Ea sententia plausibilior fuit, & facilius visa multis ad tollendas plurimas dubitationes, quas transubstantiatio secum adferre videtur, vt esset cōmunicatio idiomatum panis & corporis Christi. Tertiam sectam excitauit Luthærus, primæ quàm secundæ magis affinem: constituit enim corpus Christi cum pane vel sub pane, vel ad panem ineffabili modo, præsens & colligatum: vt licet vtriusque supposita distincta existerent, de se tamen inuicem prædicarentur: quod omnem rationem & stultitiam superat, vt verè dicatur panis est corpus Christi, vinum est sanguis; & in eum sensum exponit formas huius sacramenti, vt pronomina demonstrent substantias panis & vini. Hoc errore Germanorū Protestantium, & Sacramentariorum dissidium factum est; in quo plerique Lutherani ita porro progressi sunt, vt corpori Christi diuinitatis proprietatem tribuant, docentes vbique ad omnem creaturam intima præsentia adesse, vnde hos Lutheranos, Vbiquistas appellant: & ideo si constare sibi velint, fateri debent Christi corpus nō fieri præsens per verba sacramentalia, cū ratione diuinitatis sibi vnitæ præsens esse dicāt ad reliquas omnes creaturas. Sic paulatim, negata transubstantiatione, eo ventum est, vt nullum sit sacramētum Eucharistiae, sed similiter dicatur esse Christus præsens in eo, atque in cæteris rebus ratione diuinitatis, vt copiosius differetur, cum ostenderimus an corpus Christi sit in hoc sacramento, vt in loco.

12 Omnes verbo Luthero addicti, licet Vbiquitati non consentiant, cōcedunt illas propositiones, panis est corpus Christi, vi-

nūm est sanguis, etiam si diuersa habeāt in hoc sacramento supposita (nā si vnum esset, probabilius, id appareret, ex similitudine incarnationis, quæ ex vnitæte suppositi efficit mutuā Dei & hominis prædicationem:) esse tamen veras propositiones: sed illarū veritatē ex regulis dialecticorū metiendā non esse, sed ex altiori philosophia, quam Christus in operibus suæ omnipotentie ad nos detulit: in quibus cōstat, quod ex vnione duarum rerū, altera cēlesti & inuisibili, altera terrena & visibili, etiam si vtraque integra maneat, vna tamen dicitur esse altera, non ad identitatē nature declarandam: sed ad exprimendā maximā & ineffabilē vnionē vtriusque; per Dei omnipotentiam effectā. sic per vnionē incarnationis, Deus dicitur homo, & contrā, & nō dicitur, in hoc homine est Deus: quæ prædicatio tantū significat intimā & inusitatā vnionē vtriusque rei. Sic igitur censent Lutherani, Christum esse in Eucharistia simul cum substantia panis & vini, & hanc admirabilem vnionē significari illis propositionibus, panis est corpus, vinū est sanguis, nō autē quod vna res sit eadē alteri. Itaque res illæ, extra illā vnionē, de se vicissim nullo modo prædicentur, vnitæ prædicentur verè, ad exprimendā earū vnionem, vt nihil aliud sit, panis est corpus Christi, quàm, panis & corpus Christi admirabili vnione in hoc sacramento coniunguntur: & vera siue physica cōmixtio panis & vini reiiciatur, ne corpus Christi vt Valerianus voluit, impanetur. & similitudo ignis & ferri per commissionē ad declarandam vnionem corporis Christi & panis nihil omnino valent: quia cōmiscet duo corpora in eodem subiecto. Protestantes autē vnionē admirabilē panis & corporis Christi concedentes, commissionem aut impanationem negant.

Aduersariorum contra transubstantiationem argumenta.

13 Sed opere preciiū erit omniū aduersariorū, siue Protestantium, siue Sacramentariorū argumenta referre, vt cōmodius refellātur. Primū, Euangelistæ & Paulus ante & post consecrationē panem vocant: semper igitur manet substantia panis. Matth. inquit: accepit Iesus panē, benedixit, fregit & dedit discipulis. 1. Cor. 10. quotiescunque manducabitis panē hunc: &, quicumque manducauerit panem, & biberit calicem Dñi:

Lutheranorum testimonia refert Sæst. repetit. 7. c. 7.

Ioan. Parrisi.

Luthærus.

Vbiquista.

Comment.in D.Tho.tert.part.

2 & sic de pane illo edat:& panis quem frangimus:& vnus panis,& vnū corpus multi sum⁹. in Act. etiā.c.2.dicitur,cōmunicatio & fractio panis. Similiter dicitur genimen vitis à Luca & aliis Euangelistis excepto Ioāne,hoc autē genimen cōstat, esse vinū.

3 Alterum argumentum est, quia signum sacramentale permanere debet in sacramēto, vt rem spiritualem, cuius est signum representet: sed panis & vini substantia, quatenus ex multis coalescunt, significant animę refectionē in vnione Christi positam: manēt igitur in hoc sacramento, vt possint testari Christū esse nostrum cibū, quo coniungimur alioquin periret omnis sacramentalis significatio. Hoc dicunt significari à Paulo cū ait, vnus panis,& vnū corpus omnes sumus, qui de pane vno participamus: & iterū, panis quē frangimus, nōne participatio corporis Domini est. Tertiū argumentum est ex Patribus, quos putant affirmare, in hoc sacramento manere panis & vini substantiam: vt Irenæum, cū ait lib.4. Eucharistiam cōstare ex duabus rebus terrena, & cælesti: Concilij Nicæni canonem asserentem in sancta mensa propositum panem & poculum, esse agnum Dei: Cyprianum epist.ad Magnum, cū ait, quando Dominus corpus suum panē vocat, & sanguinē suum vinum: Fulgentiū etiam citāt, qui ad Monimum vocat sacramentum panis. Possent etiā citare Gelasium in lib.de duabus naturis in Christo, cum ait, sacramenta quæ sumimus corporis & sanguinis Domini diuina res est, propter quod & per eadem, diuinę efficiamur consortes naturæ, & tamen esse non definit substantia vel natura panis & vini. Theodoretus etiam similem habet rationem dialogo primo, vbi orthodoxus inquit, qui enim quod natura corpus est, triticū & panem appellauit, & vitem rursus seipsum nominauit, is symbola & signa, quę videntur, appellatione corporis & sanguinis honorauit, non naturam quidem mutans, sed naturæ gratiam adiiciens. Citatur etiam in eandem sententiā Ioannes Constantinop.epist.ad Cæsarium monachum, cuius hæc sunt verba, ad explicandum non esse in Christo naturarum cōfusionē: sicut enim antequam sanctificetur panis, panē nominamus, diuina autē illud sanctificāte gratia, mediāte sacerdote, liberatus est quidē ab appellatione panis, dignus autē habitus est diuini corporis ap-

pellatione, etiā si natura panis in cōpermāsit, & non duo corpora, sed vnū filij corpus predicatur: sic & hac diuina firmāte naturā corporis, vnū filiū, vnā personam vtraque hæc fecerūt. His igitur testimoniis videtur negari transubstantiatio, cū dicatur remanere natura & substantia panis post sanctificationem & consecrationem: præsertim cū in his tribus posterioribus refellantur Eutychitę consulationē naturarū in Christo Dño constituētes hac ratione, vt in Eucharistia cōmunicatur appellatio corporis & sanguinis Dñi, ipsi naturis panis & vini permanentibus, cū tamen nulla earū facta sit inter ipsas permixtio aut confusio: sic in Christo Dño est cōmunicatio predicationū Dei, cū homo dicatur Deus; & tamē diuinę & humanę naturæ nulla est facta confusio.

4 14 Quartū argumētū aduersariorū est, ex proprietatibus panis & vini: si enim manere omnes catholici fatentur, & sensibus ipsis & actionibus panis & vini experimur, dubiū non debet esse manere etiā ipsas substantias: tū quia Dñs sic ex proprietatibus & actionibus naturę humanę se verū hominē, qui passus esset, post resurrectionē ostēdit dicens, palpite & videte, quoniā spiritus carnē & ossa non habet, sicut me videtis habere: & Apostoli sic de Christo fidē faciūt, quod vidimus, quod manus nostrę contrectauerūt de verbo Dei, annūtiamus vobis. Sic cōcluditur tota Patrū disputatio contra Marcionē, Manichæū, Eutychen, atq; alios, adeo vt 6. Synodus generalis cōcludat ex sententia Basilij, Ambrosij, & Cyrilli, horum esse vnā naturam & substantiā, quorū inueniatur vna & eadē operatio: & ideo in Christo duas operationes & duas voluntates esse, quod sint duæ naturę, & contrā: sic ergo probant manere in Eucharistia post consecrationē substantiam panis & vini, quia manēt illius accidētia propria, actiones, effecta & proprietates: tum etiā, quia in scriptura insolitū est, vt res aliqua per miraculū in aliam cōuertatur, & tamē sensibus appareat eadē quę fuit, quia Deus homines non deludit, sed ipsi res tales exhibet, quales reddiderit, quare si exhibet nobis facta consecratione panem & vinū, re vera panis & vini substantia est. cum omnia corporalia Christi miracula, quæ scriptura prædicat, sensibilibus apparuerint: sic ergo si esset in Eucharistia factum miraculum

culum transubstantiationis, ita apparere oportuisset. Sic apparuit vinum ex aqua factum in nuptiis, sic mortuos Christus ad vitam excitauit, ægros sanauit, &c. sed quia miraculum corporale factum non est, ideo non apparet: vt insufflante in discipulos Christo, & dicente, accipite Spiritum sanctum, nec Spiritus sanctus, qui dabatur, in illum halitus fuit transpositus, corporaliter, neque halitus in Spiritum sanctum transubstantiatus.

5 Consentit etiam noui testamēti perfectioni; non dari nobis Christum sub corporalibus signis vel symbolis, quia in nouo testamento oportuit nos ab elementis mundi ad superna & spiritualia subuehi: quare, inquit, non consonat cum analogia fidei nostræ & aliorum mysteriorum, mentem nostram miraculoso pani affigere, quæ potius iuxta Paulum, debet in memoria mortis eius occupari. Consentunt etiā verba Christi, qui in cœna non dixit, panem conuerti in suum corpus, aut vinum in sanguinem, sed panem & corpus, quod demonstrabat, esse suum corpus & sanguinem, cum illis admirabiliter coniuncta, vt supra aduersarij explicauerunt. Addunt postremo, naturis rerum repugnare hanc transubstantiationem, per quam maneant accidentia sine subiecto, quod eorum definitioni, qua dicuntur subiecto inesse, omnino repugnat, & in potentia Dei positum non sit, hoc efficere. Candidè & sincerè aduersariorum argumenta proposuimus, candidè etiam postulamus responsiones nostras expendi, non studio factionis & sectæ, sed veritatis ab Apostolis ad nos vsque deriuatæ.

6 16 Ad primum ergo respondetur, corpus Christi, post consecrationem, panem, & vinum similiter, sanguinem vocari, quia ex conuersione panis & vini corpus & sanguis Christi in hoc sacramento facta sunt: & cōsuevit in sancta scriptura res conuersa in alteram, etiam post conuersionem priorē appellationem, quā habuit ante conuersionem, retinere, ad significationem diuinæ omnipotentis, per quam effectum est, vt non omnino perierit, sed in aliam commutata permanferit. Sic homo factus in animam uiuentem dicitur terra, cinis, lutum: mulier formata dicitur os de ossibus Genes. 2. serpētes enati ex virgine dicuntur virgine, Exo. 7. cū virga Moysis, virgas Magorum deuorasse scribitur: vinum haustum dicitur aqua:

Matthæus post conuersionem Publicanus appellatur, meretrices & peccatores iustis præire in regno Dei dicuntur: cæci etiam videre, claudi ambulare, surdi audire, Matthæi. 11. Verba autem scripturæ sunt accipienda in significatione propria & grammatica, nisi aliter nos compellat circumstantia, tunc enim locus est tropis & figuris, inquit D. August. lib. 3. de doctrina Christiana, cap. 10. post consecrationem autem panem & vinum non accipi pro substantia panis & vini, ipsa præcedens Domini benedictio & consecratio euincit, cū ea immutet illas substantias in corpus & sanguinem Christi, vt supra ex efficacia benedictionis ostendimus.

17 Secundo respondeo, panem & vinum appellari post consecrationem, quia manent accidentia & proprietates panis & vini, ex quibus proprietatibus constat desumi plerumque rerum appellationem: sic etiam omniscibus solidus, panis vocatur, & vinum non appellauit Paulus aut ullus Euāgelista post benedictionem, vt statim ostendetur, cum non sit omnis potus commune nomen, vt est panis nomen commune omnis cibi solidi. Sic angeli dicuntur viri, & angelus vir Macedo. & 1. Reg. 14. præcipitur ne ullus homo panem vsq; ad vesperam comedat, & Ionathas, gustato melle, dicitur hoc præceptum violasse. 4. Reg. 6. panem iussit apponi Hælis. i. cibum, similiter Matth. 5. cur discipuli non lauant manus antequam panem manducent? quia igitur Eucharistia retinet panis & vini proprietates, & quia cibus est & potus noster, rectè dicitur panis & vinum: præsertim cum ratione harum proprietatum dispensetur, & distribuatur, ac si verè panis esset & vinum. Sunt etiam qui ad hanc responsionem confirmandam asserant, nihil quidem singularis substantiæ panis per consecrationem in Eucharistia remanere, sed generalem quandam rationem panis aut substantiæ ad nutriendum accommodatæ, quacumq; ex natura cibus constet, & hanc rationem generalem permanentem, vocari ab illis Patribus argumento tertio citatis, naturam vel substantiam panis. sed certè quauis horum autorum responsio catholici sensum habeat, vt intelligatur non omnino aboleri aut in nihilum redigi panis & vini substantiam, sed conuersam in aliam sublimiorē cibum, nempe Christi corpus & sanguinem:

Ff 5 tamen

Quæ post consecrationem dicitur panis & vinum de hoc sacramento.
Rossen. contra Capt. c. 4. & cōtra Oecolamp. lib. 2. c. 12. & 32.

Hessels de Euchar. Sanct. repetition. 7. c. 1. Guil. Alanus, lib. 1. de Euchar. c. 35.

Comment.in D.Tho.tert. part.

tamen non omnino cōsentit cum ratione transubstantiationis, manere aliquid de panis aut vini substantia, cum transubstantiatio sit totius substantiæ conuersio: neque etiā veræ philosophiæ consentit mutari rem in speciali, & manere eius, quod mutatū est, aliquid cōmune, nisi secundum operationē intellectus, cum omnia communia in re singulari sint determinata. ideo mutata & cōuersa re singulari, omnia quæ illius propria sunt, mutari est necesse, & communia fiunt illius propria: vt animal hominis, cum pars sit naturæ humanæ.

18 Exactius D. Tho. ex Patribus, de pane, inquit, in fine conuersionis nec est aliquid, nec abiit in nihilum, sed cōuersus est in corpus Christi, idem de vino in sanguinē Christi dicendum est. Sic Iustinus ad Anton. Cyril. Hieros. mystag. 3. Irenæus lib. 4. cap. 34. & lib. 5. Cyprianus de cœna. Ambros. sæpē de sacramentis, August. cap. nos autem, de consecr. d. 2. post consecrationē, non iam communem & vsitatum panem esse aut vinum, quia mutata sint in carnem & sanguinem Domini: non quia manentibus substantiis panis & vini, adiūgatur corpus & sanguis Domini, vt volunt Lutherani. Retineamus igitur hanc secundam responsionem, vinum & panem vocari post consecrationem, quia manent panis & vini proprietates, & quia panis generali ratione dicitur cibus, & hac ratione Christus ipse dicitur panis, Ioan. 6. propter vim nutriendi animas nostras. quo sensu plerique Patres vocant Eucharistiam, sacramentū panis & vini, vel quia ex illis per conuersionem facta est, vel quia est cibus & potus noster.

19 Sed quia hæc appellatio panis pro quocunq; cibo solido, vsui scripturæ cōsentit, vt supra ostendi: vinū autem & genimē vitis appellari omnem potū, non est in vsu scripturæ, & ita Dñs apud Euāgelistas post consecrationem videtur appellare, quasi maneant vini substantia in Eucharistia: obseruare oportet ad explicationem & consensionem Euangelistarum, triplicem ab illis vini aut geniminis vitis potionē distinguī: primā vini naturalis in cœna typica & legali, cum prædictione potionis mysticæ & nouæ, id est sanguinis Christi in regno Dei: cuius potionis vini naturalis, in cœna legali, Lucas tātum meminit his. verbis, accepto calice gratias egit & dixit, accipite, di-

uidite inter vos: dico enim vobis quod nō bibā de generatione vitis, donec regnum Dei veniat. Similiter autē dixerat de cœna legali, desiderio desideravi hoc Pascha māducare vobiscū antequā patiar: dico enim vobis, quod ex hoc nō māducabo illud, donec impleatur in regno Dei. hæc autē omnia pertinuisse ad cœnā agni typici & legalis constat, quia postea fregit panē dicens, hoc est corpus meū, & calicem diuisit dicens, hic est calix noui testamenti in meo sanguine. Alterā vini noui, quæ cōplet legale, potionē, proponunt Mattheus & Marcus. nā propōita forma calicis, vterque inquit, non bibā à modo de hoc genimine vitis donec, vel vsque ad diē illum, quo bibā illud nouū vobiscum in regno Patris mei, vel vt alij legunt, quo bibo illud: regnū autē Christi dicitur incepisse in cœna, quia ibi obtulit se in redemptionē, perficiendā in cruce per sanguinē, & ideo in cœna sancitū est regnū Christi oblatione sanguinis in redēptionē hominū. Itaq; illud, nouum, indicat mutatū vinū in sanguinem, quo regnū Dei sanciretur. Sed quatenus Euangelistæ adhuc de futura quadā potionē distulerunt, eam tertiam distinguimus, vt ea sit fruitio corporis & sanguinis Dñi, & quasi inebriatio & perfecta possessio in beatitudine. itaq; vt secunda vini noui potio, est veritas primæ, sic tertia est complementū secundæ: secunda est sub velamine, tertia erit in aperto & conspicuo, & ideo innouāda dicitur. De hac vltima potionē promissa, Lucas inquit, & ego dispono vobis, sicut disposuit Pater meus regnū, vt edatis & bibatis super mensam meā in regno meo, & sedetis super thronos duodecim, iudicantes duodecim tribus Israel. Ex hac triplicis potionis vini distinctione constat, significari apertē & materiam huius sacramenti ad potionē, esse vinum, & eam benedictionē & sanctificationē, fieri nouū vinū, id est sanguinem Christi: quare hæc appellatio geniminis vitis, si rectē expendatur cum sanctis Patribus, verbis Euangelistarum congruenter, confirmat transubstantiationem, tantum abest vt illi repugnet.

20 Tertiō respondemus, post consecrationē non dici simpliciter panē, sed cū additione & articulo connotatiuo, vt panem hunc, panem quem frangimus, similiter calicem Domini, vt intelligas per emphasim & agnominationem istam, non vulga-

vulgare panem dici, sed Domini, hoc est corpus Christi, & calicé Domini, quod est poculum sanguinis: & olim hoc mysteriū propter ethnicorū calumnias, occultè tradebatur, ne ab illis profanari villo modo posset.

21 Ad secundum constat ex præcedentibus responsio, quia accidentia panis & vini, cum sint sensibilia per se, sunt signa sacramentalia, & idem repræsentant, etiam absente substantia panis & vini. D. autem Paulus communicationem corporis Christi sacramentalem, sub eisdem accidentibus, vocat panis communicationem, eadem ratione, qua diximus vocari panem post consecrationem: & in sola eiusdē corporis Christi participatione efficimur vnū, vt corpus vnum est.

22 Ad tertium argumentum ex his patet responsio: Patres enim eodem sensu atque sancta scriptura vocant panem & vinum post consecrationem, & eodem modo potest affirmari Eucharistiam constare ex duabus rebus, terrena & cælesti, vt terrena sint accidentia panis & vini: & ideo rectè admonemur à canone Nicæno, ne panem scilicet, qui apparet in altari, vulgarem & vñtatum panem esse existimemus, sed agnum Dei immolatum. similiter Patres dicunt Dominum vocasse panem suum corpus, non vt simul coniunxerit vero pani verum suum corpus, vt volunt Protestantes, sed quod sua benedictione & vocatione panem in corpus cōmutauerit, vt ostendimus suprà de efficacia benedictionis & vocationis Dei & Christi.

De Gelasio.

23 Ad testimonium Gelasij respondetur primò, hunc Gelasium non censi à viris doctis summum illum Pontificem, cuius est canon, sancta Romana: autor enim libri de duabus naturis, vnde illud testimonium desumptum est, honorificè meminit Eusebij Cæsariensis, cuius tamen omnia opera præter historiam Ecclesiasticam, Gelasius Papa damnauit. præterea in concilio Chalcedonensi sumuntur testimonia ex libris Gelasij contra Eutychem & Nestorium: nullum tamen profertur ex huiusmodi libro, cum sit contra easdem hereses conscriptus. quidam igitur hunc librum Gennadio tribuunt auctori libri de scriptoribus Ecclesiasticis, in quo sunt etiā alij errores: quidam autem probabilius tribuunt Gelasio Palestino Cæsariensi, non

autem Romano Pōtifici, cuius Gelasij Cæsariensis meminit D. Hieron. & Theodoret. honorificè in Polym. vnde plurima in suos dialogos transtulisse videtur. Acce-

San. 7. repetia
8. 6. 4

dit his, quod autor idem plurimum commendat Eusebium Cæsariensem, quasi eiusdē vrbs aut regionis sibi notum antistitem. quamuis autem is liber sit Gelasij summi Pontif. non repugnat transubstantiationi: inquit enim eodem libro de duabus natur. in Christo, panem & vinum in diuinam substantiam transire, sancto spiritu perficiente, permanente tamen proprietate naturæ: & ideo, cum hæc sententia sit manifesta pro transubstantiatione, ex ea debuit illustrari illa altera obscura, quæ nobis obiecta est: sic est enim naturæ hominum consentaneum, vt ex manifestis obscura illustrentur, non autem contrà, ex obscuris manifesta deprauentur, & in alienum sensum trahantur: quod tamen plerumque aduersarij faciūt, non solum in libris Patrum & Conciliorum, sed etiam sanctæ scripturæ. quam igitur his verbis Gelasius proprietatem naturæ vocat, & asserit facta consecratione manere, id est accidentia panis, eandem prius vocans substantiam panis, dixit non desinere. hoc autem, non desinere, sæpè in Patribus differentibus de Eucharistia, nihil aliud est, quam non omnino perire, nec in nihilum redigi, quia manet prior substantia conuersa in corpus Christi, tantum abest vt omnino esse desierit.

24 Eodem sensu Theodoretū exponere oportet, vt naturā panis manere dicat, id est proprietates & accidentia: & ita sensus argumentationis ab vtroque conclusæ contra Eutychem permiscentem & cōfundentem naturas in Christo, hic erit, ex huius sacramenti similitudine. opinabatur Euthyches, naturā humanam in diuinam transisse, quia proprietates naturæ humanæ Deo tribuerentur, vt natum esse, crucifixum, & c. Responsio Gelasij & Theodoretī est, nihil hac ratione effici, quia inter symbola & corpus Christi est proprietatū communicatio, cum per symbola dicatur corpus Christi tangi, frangi, & māducri, & nō tolluntur tamē proprietates vtriusque naturæ, licet vna substantia in aliā cōmutetur. Præterea nō mirū est, Theodoretī alienā sententiam esse à recepta doctrina de transubstantiatione: quia is primum

De Theodoretū

Commen. in D. Tho. tert. part.

consentit Nestorio in Concilio Ephesino præside Cyrillo Alexandrino, deinde pœnitens receptus est à Chalcedonensi, & restitutus in pristinam dignitatem: & in explicanda realipræsentia Christi in Eucharistia videtur Nestorizare, nisi vt explicauimus intelligatur. Vt enim Nestorius in Christo duas personas asseruit, vnâ hominis, alteram Dei: ita inquit in Eucharistia esse panis & corporis Christi substantias: vt sicut accessione filij Dei ad hominem, & non vnione personali, constituebat Christum, sic accessione corporis ad panem. Sed ipse Theodoretus non dissimulat, quæ nam fuerit communis de hac re Ecclesiæ catholicæ sententia, cum ait, hanc explicationem, cōgruentem s. heresi Nestorianæ, à se inuentam & excogitam, contra communem fidem Christianorum. Nos verò communem hanc fidem retinere oportet: & ita transubstantiatio antiquitatis, & receptæ Christianorum doctrinæ testimonio a Theodoro, etiamsi velit repugnare, confirmatur. Et certè Ephesini Patres nō aliam rationem concesserunt euincere, communicationē idiomatum in Christo, quàm assumptionem humanitatis in personam filij Dei. cum autem ventum est ad inuestigandam causam, ob quam esset proprietatum panis & corporis communicatio, eo tantum modo, quō explicatum est, neque Ephesini illi Patres, neque his priores aut posteriores, ad illam causam vnitatis personalis in Christo manentibus integris, diuinitate & humanitate, sibi notam & probatam confugerunt, aut aliquam similem, quæ retineret substantiam panis facta consecratione: sed tantum ad conuersionem substantiæ panis, & vini, in corpus & sanguinem Christi, quod hæc tantum verbis Christi congrueret, vt supra ex illis deduximus.

25 Ex his constat responsio ad testimonium adductum, ex Ioanne Constantino. asserit enim in Eucharistia permanere naturam panis, hoc est proprietatem, quæ sæpe à physicis dicitur natura, & à medicis stirpium & animalium nature, proprietates dicuntur: permanere autem dicit vnum tantum corpus Christi, quia non manet substantia panis, sed corporis Christi.

26 Ad quartum respondetur, argumen-

tum ex sensibus & rerum proprietatibus firmum esse & constans, cum res perseuerat in sua natura: quod si verbo Dei assermetur, non manere naturam & essentiam rei, licet maneant accidentia, quæ per se sensibus percipiuntur, argumentum ex sensibus & rerum proprietatibus nihil efficit, quia verbo Dei repugnat. Primo modo vsi sunt hoc argumento Christus Dominus & Apostoli locis in obiectione citatis: altero modo argumentantur aduersarij contra transubstantiationem, repugnante verbo Dei & asserente, esse in Eucharistia corpus Christi, per benedictionem Christi, qua conuersa est substantia panis in corpus Christi, vt supra ex eodem verbo Dei conclusimus.

27 Ad quintum respondetur, in miraculis, quæ nunc dicimus cum aduersariis omnia opera supra naturalia, etiamsi ordinaria potestate fiant, (quam miraculum exactè sumptum Theologis excludit:) in his inquam miraculis, Dei autoris propositū & intentio primo inspicienda sunt: quæ enim fiunt ad fidem confirmandam, & inferendam animis non credentium, ea sensibilibiter apparent, vt possint conuincere non credentes, & huiusmodi sunt in obiectione citata: alia sunt fidelibus accōmodata ad vsum fidei & confirmandos credentes in via Domini, & hæc non sunt sensibilia aut visibilia, quia fide tantum creduntur, & in his oportet numerare omnia effecta sacramentorum. Hanc distinctionem duplicis propositi miraculorum, ex verbo Dei colligimus. quæ enim facta sunt à Christo ad prædicationem Euāgelij, & ab Apostolis, visibilibiter sunt populo ostensa, vt cæcis restitutus visus, claudis de ambulatio, ægrotis denique sanitas: quin etiam dæmonum expulsio sensibilibiter, quantum fieri poterat, ostendebatur. cum autem quis adultus baptismo iustificatur, præcedit fides, sicut scriptum est, Act. 8. Si credis ex toto corde, licet te baptizare; vt credat purgationem internam à peccato baptismo fieri: idem de transubstantiatione dicendum est, quæ à fidelibus creditur, & sensibus admonemur credendum non esse in huiusmodi occultis miraculis. quare, qui ex quibusdā miraculis, quæ sensibilibiter apparere oportet, idē omnib⁹ volūt vniuersaliter cōcludere, planē volūt, ex speciali vniuersale occludere,

Argumentum ex sensibus in scriptura

Ruard, art. 19.

Miracula quæ sensibilibiter apparent,

quæ

quæ est infirma & incôstans argumētatio. 28 Ad sextum respondetur, hæc mysteria supra naturalia stultum esse viribus & rationibus naturalibus metiri velle; cū sint omni ratione naturali superiora: in illis autem, quæ pertinent ad hoc sacramentum, nihil esse contra naturam, neque alienum ab omnipotentia Dei, omnia autem esse supra naturam speciatim intelligitur, cum ostēderimus an Christus sit in hoc sacramēto vt in loco, an moueri possit, an existere in pluribus locis simul, & alia his coniuncta. Quare autem oportuerit nobis sub elementis huiusmodi dari Christum, & gratiam sanctificantem, & generaliter diximus differentes de efficacia sacramentorum nouæ leg. & formis huius sacramenti significari conuersionem panis & vini in corpus & sanguinem Christi, in principio huius disputationis de transubstantiatione ostendimus.

Disputatio Scholastica de termino per se primo transubstantiationis.

Scot. 4. d. 11. 2
9. 1. ad 4. 6
2. 10.

29 Sed quoniam hæreticorum tollentium transubstantiationem argumenta refutauimus, de controuersis scholasticis in explicanda transubstantiatione paucis differendum est. quidam enim nobiles Theologi volentes hanc conuersionem admirabile, ad principia physice mutationis expendere, & ad aliquā mutationem physicam secundum analogiam aliquam reuocare, censent primo impossibilem esse mutationem in terminum præexistentem & manentem secundum esse antiquum: & ideo quamuis sit in præexistente terminum, oportere tamē ad retinendam rationē nouę mutationis & conuersionis, accipere aliquid nouū per ipsam mutationē: quia noua mutatio & noua conuersio sine aliquo per eam producto ne intelligi quidem potest, cū id, quod mutatur, aliter se habeat nunc quam prius. neque verò satis est, quod per hanc conuersionem substantiæ panis corpus Christi succedat, quod hoc non sit succedere in ratione termini. Sic enim sol potest dici succedere cuicunque corrupto inferius, cum maneat in suo esse, altero definente esse. Secūdo asserunt hanc conuersionem ad eam posse reuocari, quæ est ad vbi, quia licet sit transubstan-

tatio, tamen substantia succedit substantiæ in noua præsentia ad species: sicut corporū est successio in nouo vbi. Vnde retenta appellatione transubstantiationis, ratione eius, quod nouum acquiritur in corpore Christi extrinsecus, eam adductiuā vocauerunt, quia adducat Christum ad nouā præsentiam specierum sacramentalium.

30 Alij Theologi, quia legebant in Patribus in hoc sacramento panem fieri corpus Christi, asseruerunt illorum sententiis congruenter, terminum transubstantiationis esse Christum, non absolutē, sed vt de illo verē dicitur, quod prius erat panis: quia in huiusmodi conuersione ponere oportet momentum vnum, quod sit primum non esse substantiæ panis, & primum esse substantiæ corporis Christi sub speciebus panis. Itaque in momento terminante prolationem formæ, verum est dicere, nunc nō est panis, qui tamen fuit immediatē ante hoc, id est, toto tempore præcedenti hoc momentum: similiter verū est dicere in eodem momento, nunc est corpus Christi, quod prius erat panis, & immediatē ante hoc, id est, toto tempore præcedenti hoc momentum, non erat corpus Christi, quod erat panis per conuersionem. non tamen licet idē verē dicere de corpore Christi absolute, nempe nunc est corpus Christi, & immediatē ante hoc non fuisse, cum fides recta doceat præstitisse idē numero corpus, sed nō ex conuersione panis in ipsum. In hac autem sententiā illud relatiuū, quod, cum dicitur, nūc est corpus Christi, quod prius erat panis, idē omnino refert, quod demonstrat pronomen, hoc, in forma consecrationis panis, id est, substantiā sub accidentibus panis contentam. itaque licet illa sententia, quod erat panis, nunc est corpus Christi, possit vel idem subiectum numero manens sub vtroque termino significare, vt idem subiectū manens prius per formam panis, deinde per aliam formam corpus Christi sit: vel conuersionē prioris substantiæ in posteriorem significare, quasi dicatur, panis factus est per conuersionem totius substantiæ, corpus Christi: à Patribus tamē & Theologis sic explicātibz terminum transubstantiationis, in hoc secundo sensu vsurpatur, quia cōgruit transubstantiationi, quā defendunt, nō in primo, quia non congruit, cū significetur manere sub vtroque termino conuersionis

C. immerito reprehensus à Soto & Ledesma. 3 p. q. 75. art. 7. ad 1.

idem

Comment. in D. Tho. tert. part.

idem subiectum, vel eandem materiam, & nihil substantiæ manere, & ideo neque materiam exigit ratio & natura transubstantiationis.

Patrum sententia.
214.

31. Hanc sententiam sic explicatam Patres antiqui exprimunt sæpè, Cyrill. Hierosol. Catech. 3. panis Eucharistiæ post inuocationem Spiritus sancti, non amplius est panis nudus & simplex, sed corpus Christi. Irenæus lib. 5. non longè à principio, quando mixtus calix, & factus panis percipit verbum Dei, fit Eucharistia sanguinis & corporis Christi. Ambros. lib. 4. de sacramentis, cap. 4. qui panis est, corpus est Christi consecratione, & infra, non erat corpus Christi ante consecrationem, sed post consecrationem, dico tibi, quod iam est corpus Christi. Vt igitur Dominus accipiens panem confitebatur suum corpus, & dicens hoc est corpus meum, vt ponderauit Iren. eod. lib. 4. cap. 57. sic Patres eodem sensu dicunt, quod erat panis, est corpus, intuentes ad imitandum illa verba Domini. Hæ sunt scholasticorum explicationes, quæ potissimum examinandæ sunt, quia ex his facillè deducetur, quid sit de aliis sentiendum.

32. Ad eligendam ex his probabiliorē explicationem, & magis cum doctrina catholica congruentem, ponenda est in primis ratio & essentia transubstantiationis, vt sit conuersio totius substantiæ panis & vini in substantiam corporis & sanguinis Christi, & termini huius conuersionis designentur ad hanc rationem conuersionis accommodatè. Et de termino quidem à quo, nulla potest esse dubitatio, cum omnino constet, esse substantiam panis & vini: de termino autem ad quem, quia præexistit, & nihil nouum in se admittere potest, cum corpus Christi post resurrectionem nulla qualitate externa affici possit, & ratio nouæ conuersionis, nouitatem requirat in termino ad quem, vnde est natura conuersionis & mutationis, magna dubitatio est. Deinde ponendum est, in Eucharistia duas esse nouitates, priorem conuersionis, quia ante consecrationem, non erat: posteriorem continentiæ Christi, quia Christus facta cōsecratione, ab speciebus panis & vini continetur. Termini huius posterioris nouitatis facillè explicantur, quia cum species habeant rationem subiecti actiue vt continentis, & corpus Christi passiue vt contentum, termini distinguuntur:

vel passiue, contineri, & non contineri, vel actiue continere, & non contineri: & ipsa conuersio explicatur, vt fiens, vt autem factum, corporis Christi esse sub speciebus sacramentaliter.

33. De terminis autem conuersionis per se primo nunc est suscepta disputatio, non autem ipsius continentie præcisè, cum hæc sit posterior natura quam conuersio: quare conuersionis per se primo ponendi sunt termini, vt vera ratio conuersionis retineatur: sicut in natura ex termino per se primo, mutationis & motus ratio desumitur, non ex cōsequentibus terminum per se primo: alioquin esset motus per se primo ad relationem, quod omnes physici negant. Accipimus autem hic ex certa Theologorum & conciliorum traditione, in & sub speciebus, seu ad species panis, corpus Christi esse: quia Viennen. Cōcilium dixit, Christum existentem in propria substantia esse sub alia forma in sacramento: sed Lateranen. Florentinum, & Tridentinum, idem nomine continentie exprimunt: dicunt enim corpus & sanguinem veraciter contineri sub speciebus. Non autem sic contineri dicuntur, quia per hæc accidentia, representantur tū esse presentia, sicut per fumum representatur ignis; aut quomodo demon non nunquam ex pacto adest anulo, & ita verè diceretur ibi contineri vt in signo sine alia coniunctione & vnione contenti & continentis. neque rursus corpus & sanguis Christi concluduntur speciebus tamquam locis, vasis, vestibus aut operculis, aliisue quibus cumque rebus excedentibus vel extrinsecus circumstantibus ipsorum substantias. quamuis enim non sint sub speciebus circumscriptiue, aut definitiue, improprie tamen tegi aut velari dicerentur ipsis speciebus, sicut neque substantia panis eisdem tegebatur. Neque etiam dicendum est, sic assummi à Christo has species, vt à Deo interdum assumuntur corporeæ similitudines, cum se aspectabilè præbuit Abraham, Moyse & Patribus, vel in ardente rubo, vel in columna nubis, vel in specie columbæ: aut quomodo angeli & boni & mali, & ipse Dominus post resurrectionem, in externa specie sæpè se præbuerunt: licet D. August. semel ac iterum lib. 3. de Trinit. cap. 10. hanc Christi exhibitionem in sacramentalibus speciebus, cōparet Dei & angelorum apparitionibus, præsertim propter

Christum contineri in hoc sacramento sub accidentibus.

Guil. lib. 1. de Euch. c. 37.

Qualis sit contentia Christi sub accidentibus

pter hæc tria: quod sicut hæc formæ, in quibus apparitiones fiunt, naturæ non sunt, & genuinam speciem occultant, nec permanentes videntur, sed deponendæ, dispensationis peracto officio: ita etiam sacramentales species, & alienæ, & occultrices, & non duraturæ circa corpus Christi, sed ipsa perceptione deponendæ sunt & consumendæ.

34 Sed est in his illud potissimum discrimen, quod hic corpus Christi adeo intimè accidentibus coniungitur, ut prius substantia panis, excepta subiectione & inhærentia, & prædicationibus subiectionem & inhærentiam consequentibus. præterea, in apparitionibus illis, præsentia Dei ex voluntate Dei apparentis immediatè pendet: præsentia autem corporis Christi pēdet in hoc sacramento immediatè, ab illa coniunctione & continentia specierum, ut inseparabile sit ab eis, quandiu manent integræ, aut quandiu panis substantia naturaliter permanisset: at Spiritus sanctus verbi gratia, cum in specie columbæ apparebat, pro sua voluntate poterat non apparere, sine aliqua necessaria coniunctione cum specie columbæ: est igitur hæc coniunctio specierum cum corpore & sanguine Christi, arctissima, & adeo ineffabilis & admirabilis, ut sit eorum inter se quædam idiomatum & proprietatum alterna prædicatio & communio: licet ex alia causa quam in mysterio incarnationis, in hoc enim est communicatio idiomatum propter unionem hypostaticam in nostro autem sacramento propter intimam coniunctionem cum accidentibus, ut sicut panis substantia dicebatur esse in superficie panis sic facta consecratione, dicitur verè esse corpus Christi.

35 Itaque per hæc accidētia ut ante panis, sic in Eucharistia corpus & sanguis verè à nobis cōtrectatur, māducatur, circumgestatur, carni nostræ per manducationē remotis imperfectionibus verè coniungitur, ut postea explicabitur, dētibz teritur, in hoc aut illo vase collocatur, demonstratur illis particulis hīc & nunc, sensibilibz sacrificatur, eleuatur ad adorationem: quæ omnia siue per accidens siue per se corpori Christi in sacramento competant, nihil nunc refert, & deinceps suo loco explicabitur: modò certa fide credamus, hæc verè & propriè fieri circa corpus Christi, non mi-

nus, quàm si in propria specie esset; & non minus, quàm fierent in ipso pane: & nō minus verè, quàm crucifixio, fames & similia attribuantur Deo, propter humanitatis in eadem hypostasi coniunctionem. Et sicut nō dicitur humanitas crucifixa, & multo minus diuinitas, sed Deus aut homo: sic species non manducantur, franguntur aut videntur solummodo, sed propriè & verè hæc omnia competunt corpori & sanguini, licet per species. quatenus autem dicendum sit, Christum existere in hoc sacramento sensibilibz, postea disputabitur: nunc constet Christum contineri ab speciebus panis & vini, & inde esse mutuam quandam idiomatum communionem inter corpus & species siue accidentia, sine inhærentia, & sine his prædicationibus, quæ inhærentiam consequuntur, & hanc admirabilem coniunctionem Christi & specierum, vocari sacramentalem. Tertiò accipiendum est, nihil aliud esse conficere hoc sacramento, quam conuertendò virtute verborum substantiā panis & vini, efficere hanc cōiunctionem: quia sic manet Christus substantiāliter ut cibus & potus ad refectionē animæ, & hoc sacramento tū est perfectum, cum hic cibus effectus est, quia hoc sacramento in consecratione consistit, & non in usu.

36 His positis ad illustrandā propositam controuersia sit prima conclusio, corpus & sanguis Christi nō sunt in hoc sacramento per aliquam mutationē in ipsis: sed omnis mutatio est in substantia panis & vini. sic ab omnibus Theologis conceditur, & contraria sententia errorē in fidē inducit: quoniā recta fides docet idem numero corpus, quod gloriosum sedet ad dexteram Patris, omnino impassibile, quacūq; mutatione aut motu, esse in hoc sacramento realiter & substantiāliter, iuxta illud Rom. 6. Christus resurgēs ex mortuis, iā non moritur, neq; vllō modo extrinsecus ab aliquo pati potest in seipso: itaque ut Deus incipit esse in aliquo per gratiam, mutato homine, qui gratiam recipit, non tamen Deo: sic in hoc sacramento, panis & vini substantia cōuertuntur in corpus & sanguinem Christi, quæ omnino in se immota & inalterata manent, sicut ante conuersionem ut sit transubstantiatio: quia panis & vini tota substantia canuertitur & mutatur, non quia corpus & sanguis Christi mutantur in se, & sicut

Communicatio
idiomatum in
Eucharistia.

Ex hoc sacra-
mento nulla in
Christo muta-
tio.

Commen. in D. Tho. tert. part.

& sicut natura humana per incarnationē mutata est, & assumpta ad verbi diuini substantiam, quod tamen verbum mansit omnino immutabile, licet assumptionem terminauerit: sic corpus & sanguis Christi terminant quidem conuersionem panis & vini, sed in seipsis nullo modo moueri aut mutari possunt extrinsecus ab aliquo post resurrectionem.

In transubstantiatione est actio unica.

37 Secunda conclusio: definitio panis & vini, & realis existentia corporis & sanguinis Christi, quæ succedit, nō sunt due actiones per accidēs se cōsequētes, sed vna tātū numero, actio enim & mutatio habēt vnitatem numericam & simpliciter à termino ad quem, à subiecto, ab vnitatem temporis. 5. phys. cap. 4. seruata igitur eadem prō portione, erit hæc actio vna: quia terminus ad quem primo & per se vnus est, & eodem momento terminante prolationē verborum, & definit esse substantia panis & vini, & existit corpus & sanguis Christi. subiectum autem, licet propriē hic nō sit, quia mutatur tota substantia, tamen species eadem quæ habent aliquam rationē subiecti, numericam retinēt identitatem; est igitur vna actio tantum & mutatio. Itaque definitio panis non potest dici anihilatio, quia non habet terminū per se primo ipsum nihil, vel negationē omnis entis, sed ipsum corpus Christi, vt in natura, licet præcedens forma corrumpatur, non dicitur tamen corruptio, sed ratione alterius inducta generatio, quia per se primo intenditur inductio huius. quin etiam, vbi plura ad eundem numero finem per se primo referuntur, vnum censetur fieri ex omnibus, & nullo modo plura.

Contra Scot.

38 Tertia conclusio, non vere dicitur, Christum esse in hoc sacramento per conuersionem tantum adductiuam nouæ præsentia: vt enim definitio panis anihilatio esse aut dici non potest, quia est conuersio per se primo in totam substantiam Christi, ita existentia termini ad quem non potest dici successio in noua præsentia; quia non esset transubstantiatio, sed potius transaccidentatio: cum illa successio ad nouam præsentiam, tantum sit successio accidentis, nempe relatio quædam. Fatemur hanc nouam præsentiam consequi statim ex ipsa conuersione in corpus Christi, sed vt nomen & ratio transubstantiationis, quæ defumitur ex termino ad quē, retineri pos-

sit, vt oportet, necesse est pro termino ad quem primo & per se constitui substantiam corporis Christi, non autem accidēs, quod est noua præsentia: sicut generatio naturalis, quamuis ipsam consequatur paternitas & filio, ex substantia per se primo terminante, rationem & appellationē accipit. quare cum adductiuā illa conuersio non terminetur per se primo ad substantiam, non potest consentire cum transubstantiatione: & si retinenda est secundum fidem catholicam transubstantiatio, non potest sanē defendi adductiuā cōuersio: siquidem illa ad substantiam, hæc ad accidens nouæ præsentia: per se primo terminatur. neque pro terminis huius conuersionis designari possunt, præsentia & non præsentia, sed potius non substantia panis & vini, atque substantia corporis & sanguinis Christi. Eodem modo refutatur sententia, quæ asserit, terminum ad quem conuersionis, esse corpus Christi, non secundum esse absolutum substantiale, sed secundum illud esse in altari: cum hoc similiter sit accidens. Illam autem sententiam, quæ materiam panis per hanc conuersionē, inquit, forma corporis Christi informari, non auderem ab errore vendicare, quia tollit transubstantiationem definitam ab Ecclesia catholica, cum sit totius substantia: conuersio; hæc autem sententia affirmat, de substantia panis manere materiā, & conuerti in corpus Christi virtute consecrationis; vt cibum Christus resurgens ex mortuis in suam substantiam conuertebat, manente materia, per nouam informationem.

Contra Palud.

Contra Durā.

39 Quarta conclusio, terminus ad quem per se primo transubstantiationis, est substantia corporis & sanguinis Christi, vt eā consequitur noua continentia sacramentalis: hoc est, licet per hanc conuersionem nihil nouum in se admittat substantia corporis & sanguinis Christi, vt in prima conclusione ostensum est, ipsa tamen per se primo terminat transubstantiationem panis & vini: sed quia in ipsa nihil nouum ex hac conuersione aduenit, vt neque verbo Dei per incarnationem, licet terminet personaliter humanitatem assumptam, & antecedit substantia corporis & sanguinis Christi omnem transubstantiationem, ex posteriori continentia, quæ consequitur explicamus, cur per consecrationem sit

Transubstantiationis terminus per se primo.

Hæc noua præsentia, cum sit relatio realis cōsequitur ipsam continentiam actiuam specierum sacramentalium. & in ea fundatur.

in Christi

in Christi substantiā facta conuersio. quod nihil aliud est, quā dicere terminum esse Christum sacramentaliter existentem: sed quia transubstantiationis per se primo debet esse substantia, & hæc præexistebat ante conuersionem, non dicimus Christū absolutē esse terminum per se primo, sic enim existit ante omnem transubstantiationem, sed ut ipsum consequitur sacramentalis continentia: ut intelligamus, substantiam quidem corporis & sanguinis Christi per se primò transubstantiationem terminare, sed ex posteriori continentia sacramentali colligitur terminasse transubstantiationem. Ut si quis quærat, cur Christus, ut existens in cælo, non terminet, transubstantiationem, respondendum sit, quia non habet adiunctam continentiam sacramentalem. Quod autem dicebant alij, terminare Christum, ut de illo verificatur, quod prius erat panis, ad sensum supra explicatum, vere dicitur, sed explicatur terminus ad quem ex termino à quo, qui est alienus, nos autem sic explicamus, ex adiuncta necessariò ipsi termino ad quem, continentia sacramentali. sic etiā Deus est verè creator & Dominus, cum nihil reale nouum acceperit. ita videtur Deus suo corpori propter vnionem hypostaticam concessisse, ut esset realis terminus transubstantiationis, sine noua mutatione reali in seipso.

40 Fateor hunc modum transubstantiationis & rationem termini, ecclesiasticæ definitioni congruentem, esse intellectu valde difficilem, quia nihil simile reperiri potest in natura, sed cum Ecclesia catholica, quā dirigit Spiritus sanctus, & omnes Patres, hanc conuersionē dicant transubstantiationem, quod tota substantia in totam conuertatur: & præterea definiant, nihil noui in seipso admittere Christum posse post resurrectionem, contineri tamen realiter, & substantialiter virtute consecrationis in hoc sacramento, non possumus, si hæc omnia consentienter retineamus, alium terminum per se primo assignare, quā substantiam corporis & sanguinis Christi, ut eam consequitur necessariò secundum legem & potentiam ordinariam continentia sacramentalis certè. quia omnis conuersio naturalis, actio quædam est, quæ in natura semper solet terminari ad aliquid ipsamet productum, ut generatio ad substantiam,

calefactio ad calorem, ideò videtur difficile, terminum transubstantiationis esse substantiam præexistentem, quæ ipsa conuersione nihil in se nouum admittat. sed considerandum est, hæc ipsa ratione effici hanc conuersionem esse admirabilem, & supra vires naturæ, cui proinde non repugnat terminari ad substantiam præexistentē: & omnes rationes naturales, quæ sumunt de ratione conuersionis esse terminari ad aliquid ipsa productum, de naturalibus concludunt: absolutè tamen non repugnat conuersioni habere terminum præexistentem, ut transubstantiatio ostēdit, quā vera fides docet terminari ad substantiam præexistentem, & in seipsa immutabilem. Ratio conclusionis sic explicatæ theologicè sic deducitur: Christus in hoc sacramento per transubstantiationem panis & vini, datur nobis in cibum & potum sacramentaliter: ergo terminus per se primò transubstantiationis, est Christus sacramentaliter contentus: quia ipsa immet substantiam sui corporis & sanguinis promissit Christus in cibum & potum Ioan. 6. & in cœna vltima proponens verba, quorum virtute datur nobis substantialiter, seipsum exhibuit sub specie panis & vini, id est, sacramentaliter contentum: hic erit ergo terminus transubstantiationis. Quare nihil nouum reale fieri in hoc sacramento, negādum est: sed nihil nouum per se primò acquiri in termino ad quem transubstantiationis omnino concedendum est: ratio primi est, quia fit noua panis conuersio: ratio secundi, quia terminus per se primò est substantia Christi præexistens, sine mutatione, & sine noua alicuius rei acquisitione in seipso: quoniam continentia, & præsentia, denique esse sacramentale, consequuntur terminum per se primò, & cum sint accidentia, non possunt specificare transubstantiationem, quæ primo est ad substantiam corporis & sanguinis Christi: licet possint specificare conuersionem, ut sacramentalem, sed non ut substantialem. primo autem secundum fidem catholicam debet poni substantialis, deinde & consequenter sacramentalis: nec aliter propriè esset transubstantiatio, & idcirco non existeret per eā Christus verè & substantialiter, sed mysticè tantū & sacramentaliter, ut volunt Sacramentarij. Hactenus de verborum huius sacramenti proprietate, & efficacia ad transubstantiationem.

D. Tho. tert. part.

QVÆSTIO LXXVI.
De modo, quo Christus est in hoc
Sacramento in octo articu-
los diuisa.

DEinde considerandum est de mo-
do, quo Christus existit in hoc sa-
cramento.

¶ Et circa hoc queruntur octo.

Primo, Vtrum totus Christus sit sub hoc
sacramento.

Secundo, Vtrum totus Christus sit sub
vtraq; specie sacramenti.

Tertio, Vtrum totus Christus sit sub quali-
bet parte specierum.

Quarto, Vtrum dimēſiones corporis Chri-
sti totæ sint in hoc sacramento.

Quinto, Vtrum corpus Christi sit in hoc sa-
cramento localiter.

Sexto, Vtrum corpus Christi moueatur
ad motum hostiæ, vel calicis post con-
secrationem.

Septimo, Vtrum corpus Christi prout est
in hoc sacramento, possit videri ab
aliquo oculo saltem glorificato.

Octauo, Vtrum verum corpus Christi re-
maneant in hoc sacramento, quando
miraculosè apparet sub specie pueri,
vel carnis.

ARTICVLVS I.

Vtrum totus Christus contineatur sub
hoc sacramento.

AD PRIMVM sic proceditur.
Videtur, quod nō totus Chri-
stus contineatur sub hoc sacramē-
to Christus enim incipit esse in
hoc sacramento per cōuersionem
panis & vini, sicut dictum est. * Sed
manifestum est, quod panis & vi-
num non possunt conuerti, neq; in
diuinitatem Christi, neque in eius
animam. Cū ergo Christus exi-
stat ex tribus substantiis, scilicet di-
uinitate anima & corpore (vt suprā

habitu est*) videtur, quod totus
Christus nō sit sub hoc sacramēto.

¶ 2. Præterea, Christus est in hoc
sacramento, secundum quod com-
petit refectiōi fidelium, quæ in ci-
bo & potu consistit, sicut suprā di-
ctum est. * Sed Dñs dicit Ioan. 6. 1.74. ar. 1.
Caro mea verè est cibus, & sanguis
meus verè est potus. Ergo solum
caro & sanguis Christi continen-
tur in hoc sacramēto. Sunt autem
multæ aliæ partes corporis Chri-
sti, puta nerui, ossa, & alia huiusmo-
di. Non ergo totus Christus conti-
netur sub hoc sacramento.

¶ 3. Præterea, Corpus maioris
quantitatis, non potest totum conti-
neri sub minoris quantitatis men-
sura. Sed mensura panis & vini con-
secrati est multo minor, quàm pro-
pria mensura corporis Christi. Nō
potest ergo esse, quod totus Chri-
stus sub hoc sacramēto cōtineatur.

SED CONTRA est, quod Amb.
* dicit in lib. de offic. in illo sacra-
mento Christus est.

RESPONDEO dicendum, quod
omnino necesse est confiteri secun-
dum fidem catholicā, quod totus
Christus sit in hoc sacramento.
Sciendū tamen, quod aliquid Chri-
sti est in hoc sacramento duplici-
ter. Vno modo quasi ex vi sacramē-
ti, alio modo ex naturali concomi-
tantia. Ex vi quidem sacramēti est
sub speciebus huius sacramenti id,
in quod directè conuertitur substā-
tia panis & vini præexistens, prout
significatur per verba formæ, quæ
sunt effectiua in hoc sacramento: si-
cut & in cæteris mutationibus, pu-
ta, cū dicitur, hoc est corpus meū,
vel hic est sanguis meus. Ex natu-
rali autem concomitantiā est in hoc
sacramēto illud, quod realiter est
coniun-

Refertur de cō
sec. d. 2. c. Ante
benedictionē:
& c. in sacra-
mento. Et ha-
betur de his,
qui mysteriis
mutiātur, c. 9.

Inf. q. 97. ar. 1.
ad 3. & 4. di.
10. artic. 2. &
quo. 7. ar. 8. et
10. 6. lec. 6. fin.

* quest. 75. ar.
4.

coniunctū ei, in quod prædicta cōuerfio terminatur. Si enim aliqua duo sunt realiter coniuncta, vbicūque est vnum realiter, oportet & aliud esse. Sola enim operatione animæ discernuntur, quæ realiter sunt coniuncta.

AD PRIMVM ergo dicendum, quod quia conuersio panis & vini non terminatur ad diuinitatem, vel animam Christi, consequens est, quod diuinitas, vel anima Christi non sit in hoc sacramento ex vi sacramenti, sed ex reali concomitantia. Quia enim diuinitas corpus assumptum nunquā deposuit, vbicūque est corpus Christi, necesse est & ei⁹ diuinitatē esse: & ideo in hoc sacramento necesse est esse diuinitatem Christi, concomitantē eius corpus. Vnde in Symbolo Ephesino * legitur: Participes efficimur corporis & sanguinis Christi, non vt communem carnem percipientes, nec viri sanctificati & verbo coniuncti secundum dignitatis unitatem, sed verē viuificatricē, & ipsius Verbi propriā factam. Anima verò realiter separata fuit à corpore, vt supra dictum est. * Et ideo si in illo triduo mortis fuisset hoc sacramētū celebratū, non fuisset ibi anima Christi, nec ex vi sacri, nec ex reali cōcomitātia. Sed q̃a Christus resurgens ex mortuis, iam non moritur (vt dicitur Rom. 6.) animā eius semper est realiter corpori eius vnita. Et ideo in hoc sacramēto corpus quidē Christi est ex vi sacramēti, anima autem Christi ex reali concomitantia.

AD SECVNDVM dicendū, quod ex vi sacramēti sub hoc sacramento continetur quantum ad species panis, non solū caro, sed totum cor

pus Christi, scilicet, ossa, nervi, & alia huiusmodi. Et hoc apparet ex forma huius sacramēti in qua non dicitur, hæc est caro mea, sed hoc est corpus meū. Et ideo cū Dñs dixit Ioa. 6. Caro mea verē est cibus, caro ponitur ibi pro toto corpore, quia secundū consuetudinem humanā videtur esse magis manducationi accommodata, prout, scilicet, homines carnibus animalium vescuntur communiter, non autem ossibus, vel aliis huiusmodi.

AD TERTIVM dicendū, quod (sicut supra dictū est *) facta cōuerfione panis in corpus Christi, vel vini in sanguinē, accidentia vtriusq; manent. Ex quo patet, quod dimensionēs panis vel vini non conuertuntur in dimensionēs corporis Christi, sed substantia in substantiam. Et sic substantia corporis Christi vel sanguinis, est sub hoc sacramento ex vi sacramēti, non autē dimensionēs corporis, vel sanguinis Christi. Vnde patet, quod corpus Christi est in hoc sacramento per modum substantiæ, & nō per modū quantitatis. Propriā autē totalitas substantiæ cōtinētur indifferēter in parua, vel magna quantitate, sicut tota natura aëris in magno, vel paruo aëre, & tota natura hominis in magno vel paruo homine. Vnde & tota substantia corporis & sanguinis Christi continetur in hoc sacramēto post consecrationē, sicut ante consecrationē continebatur ibi tota substantia panis & vini.

ARTICVLVS II.

Verū totus Christus cōtineatur sub vtraq; specie huius sacramēti.

AD secundū sic procedit. Videtur, q̃ nō sub vtraq; specie huius sacramēti totus Christus cō

Gg 2 tincatur

Habetur in cōcil. Ephesino 1. in epist. ad Nestorium à medio illius. Et refertur de consecratia.

Quæst. 50. art. 1. 3. 3. 4.

2. 75. ar. 5.

Inf. q. 78. art. 6. ad 2. & q. 79. ar. 1. ad 3. & q. 80. ar. 12. ad 3. & 4. d. 11. q. 2. arti. 1. q. 1. ad 1. Et 10. 6. lect. 7. 2. & 1. Cor. 11. lect. 6. cor. 2.

D. Thom. tert. part.

tineatur. Hoc enim factum ad salutem fidei ordinatur non virtute specierum, sed virtute eius, quod sub speciebus continetur, quia species erant etiam ante consecrationem, ex qua est virtus huius sacramenti. Si ergo nihil continetur sub una specie, quod non contineatur sub alia, sed totus Christus continetur sub utraque, videtur, quod altera illarum superfluat in hoc sacramento.

Artic. preced.

¶ 2. Præterea, dictum est* quod sub nomine carnis omnes alię partes corporis continentur: sicut ossa, nervi, & alia huiusmodi. Sed sanguis est una partium humani corporis: sicut patet per* Arist. in lib. de anim. Si ergo sanguis Christi continetur sub specie panis, sicut continentur ibi alię partes corporis, non deberet seorsum sanguis consecrari, sicut neque seorsum consecratur aliqua alia pars corporis.

Lib. 3. de generatione animalium
ca. 2. fo. 4.

¶ 3. Præterea, Quod iam factum est, iterum fieri non potest. Sed corpus Christi iam incepit esse in hoc sacramento per consecrationem panis. Ergo non potest esse, quod de nouo incipiat esse per consecrationem vini. Et ita sub specie vini non continebitur corpus Christi, & per consequens nec totus Christus. Non ergo sub utraque specie totus Christus continetur.

Et coram super illud Accipite & manducate.

SED CONTRA est, quod 1. Cor. 11. Super illud. Et calicem, dicit* gl. quod sub utraque specie. scilicet panis & vini, idem sumitur. Et ita videtur sub utraque specie totus Christus esse.

RESPONDEO dicendum, certissimè tenendum esse, quod sub utraque specie sacramenti totus est Christus, aliter tamè & aliter. Nam sub speciebus panis, est quidè corpus Christi ex vi sacramenti, sanguis autè ex

reali concomitantia, sicut supra dictum est de anima & diuinitate Christi. * Sub speciebus vero vini, est quidè sanguis Christi ex vi sacramenti, corpus autè Christi ex reali concomitantia, sicut anima & diuinitas, eo quod nunc sanguis Christi non est ab eius corpore separatus, sicut fuit tempore passionis & mortis. Vnde si tunc fuisset hoc sacramentum celebratum sub speciebus panis, fuisset corpus Christi sine sanguine, & sub speciebus vini sanguis sine corpore, sicut erat in rei veritate.

Ar. præc. d. 12

AD PRIMUM ergo dicendum, quod quauis totus Christus sit sub utraque specie, non tamè frustra. Nam primo quidè hoc valet ad representandam passionem Christi, in qua seorsum fuit sanguis à corpore separatus. vnde & in forma consecrationis sanguinis, fit mentio de eius effusione. Secundo, hoc est, cõueniens vsui huius sacramenti, vt seorsum exhibeatur fidelibus corpus Christi in cibum, & sanguis in potum. Tertiò, quantum ad effectum, secundum, quod supra dictum est, * quod corpus ex-

2. 74. ar. 1.

hibetur pro salute corporis & sanguis pro salute animæ. AD SECUNDUM dicendum, quod in passione Christi (cuius hoc sacramentum est memoriale) non fuerunt alię partes corporis ab inuicè separate, sicut sanguis, sed corpus indissolutum permansit, secundum quod legitur Exod. 12. Nec os illius confringetis. Et ideo in hoc sacramento seorsum consecratur sanguis à corpore, non autem aliqua alia pars ab alia.

AD TERTIUM dicendum, quod sicut dictum est, * corpus Christi non est sub specie vini ex vi sacri, sed ex reali concomitantia. Et ideo per consecrationem

In cor. artic.

secratio.

secrationem, vini nō. fit ibi corpus Christi per se, sed concomitanter.

ARTICVLVS III.

Vtrum sit totus Christus sub qualibet parte specierum panis vel vini.

4. d. 10. art. 3.
q. 3. & d. 12.
q. 1. ar. 3. q. 2.
ad 3. & 4. sex.
ca. 67. Et quo.
4. art. 8. corp.
fin.

AD tertiū sic proceditur. Videtur, qd nō sit totus Christus sub qualibet parte specierū panis vel vini. Species enim illæ diuidi possunt in infinitum. Si ergo Christus totus est sub qualibet parte specierū predictarū, sequeretur quod infinities esset in hoc sacramento, quod est inconueniens, nam infinitum repugnat non solū naturæ sed etiam gratiæ.

¶ 2. Præterea, Corpus Christi cū sit organicū, habet partes determinatē distātes est enim de ratione organici corporis determinata distātia singularū partiū ab inuicem, sicut oculi ab oculo, & oculi ab aure. Sed hoc nō posset esse si sub qualibet parte specierū esset totus Christus, oporteret enim quod sub qualibet parte esset quælibet pars, & ita ubi esset vna pars, esset & alia. Non ergo potest esse, quod totus Christus sit sub qualibet partē hostiæ, vel vini contenti in calice.

¶ 3. Præterea, Corpus Christi semper verā retinet corporis naturā, nec vnquā mutatur in spiritum. Sed de ratione corporis est, vt sit quātitas positionē habens, vt patet in predicamētis. Sed ad rationem huius quātitatis pertinet, quod diuersę partes in diuersis partibus loci existant. Nō ergo potest esse (vt videtur) quod totus Christus sit sub qualibet parte specierum.

SED CONTRA est, quod * Aug. dicit in quodam sermone, Singuli accipiūt Christum Dñm, & in singulis portionibus totus est, nec per

singulas minuitur, sed integrum se præbet in singulis.

RESPONDEO dicēdum, quod sicut ex suprā dictis patet, * quia in hoc sacramēto substantia corporis Christi est ex vi sacramēti, quantitas autē dimensiuā ex vi realis concomitantiæ, ideo corpus Christi est in hoc sacramento per modū substantiæ, id est, per modū quo substantia est sub dimētionibus, nō autem per modū dimensionum, id est, non per modū illum, quo quantitas dimensiuā alicuius corporis, est sub quantitate dimensiuā loci. Manifestū est autē, qd natura substantiæ tota est sub qualibet parte dimensionū, sub quibus continetur sicut sub qualibet parte aeris est tota natura aeris, & sub qualibet parte panis est tota natura panis. Et hoc indifferēter, siue sint dimēsiones actu diuise (sicut cū aer diuiditur, vel panis secatur) vel etiā sint actu indiuisę, diuisibiles verō potentia. Et ideo manifestum est, qd totus Christus est sub qualibet parte specierū panis, etiā hostia integra manente, & non solū cū frangitur, sicut quidā dicunt, ponentes exemplum de imagine, quæ apparet in speculo, quæ apparet vna in speculo integro, in speculo autē fracto, apparent singule in singulis partibus. Quod quidē non est omnino simile, quia multiplicatio huiusmodi imaginū accidit in speculo fracto propter diuersas reflexiones ad diuersas partes speculi, hic autem non est nisi vna consecratio propter, quam corpus Christi est in hoc sacramento.

Ar. 1. huius q.
& art. preced.

AD PRIMVM ergo dicendum, qd numerus sequitur diuisionem. Et ideo quandiu quantitas manet indiuisa actu, neque substantia alicuius

In e. de quantitate, to. 1.

Refertur de cōsec. d. 2. & 4. Singulis.

D. Tho. tert. part.

rei est pluries sub dimensionibus propriis, neque corpus Christi sub dimensionibus panis, & per consequens, neque infinities, sed toties, in quot partes diuiditur.

A D S E C V N D V M dicendum, quod illa determinata distantia partium in corpore organico, fundatur super quantitate dimensionum ipsius: ipsa autem natura substantie, precedit etiam quantitatem dimensionum. Et ideo, quia conuersio substantie panis, directe terminatur ad substantiam corporis Christi, secundum cuius modum proprie & directe est in hoc sacramento corpus Christi, talis distantia partium est quidem in ipso corpore Christi vero, sed non secundum hanc distantiam comparatur ad hoc sacramentum, sed secundum modum sue substantie, sicut dictum est.*

A D T E R T I V M dicendum, quod ratio illa procedit de natura corporis, quam habet secundum quantitatem dimensionum. Dictum est autem,* quod corpus Christi comparatur ad hoc sacramentum non ratione quantitatis dimensionum, sed ratione sue substantie, sicut dictum est.*

ARTICVLVS IIII.

Verum tota quantitas dimensionum corporis Christi sit in hoc sacramento.

AD quantum sic proceditur. Videtur, quod non tota quantitas dimensionum corporis Christi sit in hoc sacramento. Dictum est enim,* quod totum corpus Christi continetur sub qualibet parte hostie consecrate. Sed nulla quantitas dimensionum tota continetur in aliquo toto, & in qualibet parte eius. Ergo est impossibile quod tota quantitas dimensionum corporis Christi contineatur in hoc sacramento.

¶ 2. Præterea, Impossibile est, duas quantitates dimensionum esse simul, etiam si una sit separata, & alia in corpore naturali, ut patet per Phil. in 3. Metaph. Sed in hoc sacramento remanet quantitas dimensionum

panis, ut sensu apparet. Non ergo est ibi quantitas dimensionum corporis Christi.

¶ 3. Præterea, Si duæ quantitates dimensionum inæquales iuxta se ponantur, maior extenditur ultra minorem. Sed quantitas dimensionum corporis Christi, est multo maior, quam quantitas dimensionum hostie consecrate, secundum omnem dimensionem. Si ergo in hoc sacramento sit quantitas dimensionum corporis Christi cum quantitate dimensionum hostie, quantitas dimensionum corporis Christi extendetur ultra quantitatem hostie, quæ tamen non est sine substantia corporis Christi. Ergo substantia corporis Christi erit in hoc sacramento etiam præter species panis. Quod est inconueniens, cum substantia corporis Christi non sit in hoc sacramento, nisi per consecrationem panis, ut dictum est. Impossibile ergo videtur, quod tota quantitas dimensionum corporis Christi sit in hoc sacramento.

S E D C O N T R A est, quod quantitas dimensionum corporis alicuius, non separatur secundum esse à substantia eius. Sed in hoc sacramento est tota substantia corporis Christi, ut supra habitum est. Ergo tota quantitas dimensionum corporis Christi est in hoc sacramento.

R E S P O N D E O dicendum, quod (sicut supra dictum est) dupliciter aliquid Christi est in hoc sacramento. Vno modo ex vi sacramenti, alio modo ex reali concomitantia. Ex vi quidem sacramenti, quantitas dimensionum corporis Christi non est in hoc sacramento. Ex vi enim sacramenti est in hoc sacramento illud, in quod directe conuersio terminatur. Conuersio autem, quæ fit in hoc sacramento directe terminatur ad substantiam corporis Christi, non autem ad dimensiones eius. Quod patet ex hoc, quod quantitas dimensionum panis remanet facta consecratione, sola substantia panis transiente. Quia tamen substantia corporis Christi realiter non diuiditur à sua quantitate dimensionum, & ab aliis accidentibus, inde est, quod ex vi realis concomitantie, est in hoc sacramento tota quantitas dimensionum corporis Christi & omnia accidentia eius.

A D P R I M V M ergo dicendum, quod modus essendi cuiuslibet rei determinatur secundum id, quod est ei per se, non autem secundum id, quod est ei per accidentia, sicut corpus est in visu, secundum quod est album, non autem secundum quod est dulce, licet

Ar. I. huius q. 1

Ar. preced.

Ar. I. huius q. 2 ad 1.

In corp. art.

In cor. & art. huius quest.

In corp. art.

4. d. 10. ar. 2.
q. 3. & 4. &
d. 12. q. 1. ar. 2.
q. 1. corp. 4. &
con. c. 63. & 4.
c. 67. Et quo.
7. ar. 8. cor.
Art. preced.

Phil. text. 9.

ce, licet idem corpus sit album & dulce: unde & dulcedo est in visu secundū modū albedinis, nō secundū modū dulcedinis. Quia igitur ex vi huius sacramēti est in altari substantia corporis Christi, quātitas autē dimensiuā eius est ibi cōcomitanter, & quasi per accidens, ideo quantitas dimensiuā corporis Christi est in hoc sacramento, nō secundum propriū modum (vt scilicet sit tota in toto, & singulæ partes in singulis partibus) sed per modū substantiæ, cuius natura est tota in toto, & tota in qualibet parte.

AD SECVNDVM dicendū, quod duæ quātitates dimensiuæ non possunt naturaliter simul esse in eodem: ita quod vtraq; sit ibi secundū propriū modum quantitatis dimensiuæ. In hoc autē sacramento quantitas dimensiuā panis est secundum propriū modum, scilicet, secundū commensurationē, quandam, non autē quantitas dimensiuā corporis Christi, sed est ibi per modum substantiæ, vt dictum est.*

In corp. art. &
ar. 1.

AD TERTIVM dicendum, quod quātitas dimensiuā corporis Christi non est in hoc sacramento secundum modum commensurationis, qui est proprius quantitati, ad quem pertinet, quod maior quantitas extendatur ultra minorem, sed est ibi per modum iam dictum.†

In corp. ar.

COMMENTARIUS.

3. p. 7. 76.
Totus Christus
est in toto sacra-
mento & qua-
vis parte illius.

I EX hac benè fundata transubstantia-
tione sequuntur multa consecratoria,
quæ recta fides confitetur. Primum sit, to-
tum & integrum Christum, facta cōsecra-
tione, sub alterutra panis, aut vini specie, &
quacūq; particula contineri: sed ex vi cō-
secrationis corpus sub specie panis, sangui-
nem sub specie vini, animam propter natu-
ralem cum corpore connexionē, diuinitatem
propter vnionem verbi hypostaticā: vt corpus & sanguis sint in hoc sacramento
ex vi verborum, cætera ex naturali conco-
mitatiā, vel animæ cum corpore, vel diuini-
tatis cū humanitate assumpta. Prima p. de
continentia ex vi verborū corporis & san-
guinis, sic apertè deducitur: verba vtriusq;
formæ panem & vinum cōuertunt in cor-
pus & sanguinem Christi, quia efficiunt,
quod significant: ergo ex vi verborum cō-
tinetur in hoc sacramēto corpus & sanguis

Art. i. & 2.

Christi, & ideo appellata est, vt latissimè
probauimus, hæc conuersio, transubstantia-
tio, quia cōmutat substantiam panis & vini
in substantiam corporis & sanguinis Chri-
sti. Altera p. de existenti anima & diuinita-
te ratione concomitantiæ sic concluditur:
Christus resurgens ex mortuis, iam nō mo-
ritur, Rom. 6. hoc est nihil extrinsecus pati
potest, neq; anima amplius à corpore sepa-
rabitur, cum corpus per resurrectionem sit
impassibile: ergo vbicūq; fuerit corpus
necesse est animam esse, & contrā, quia ex
coniunctis reipsa, qui vnū ponit, & alterū,
ratione connexionis realis, ponat necesse
est: cū autē verbum diuinum semel as-
sumptam humanitatē ad vnionem hypo-
staticam, amplius non dimiserit, sed in tri-
duo etiā mortis, licet diuisis animæ & cor-
pori, vnitum permanserit secundum rectā
fidem, vbicūq; fuerit corpus, aut sanguis
Christi, necesse est verbi diuinam hyposta-
sim existere: quare si ex vi verborū in hoc
sacramento sunt corpus & sanguis Christi,
necesse est esse etiam diuinitatem ratione
vnionis hypostaticæ, & animā ratione con-
iunctionis cū corpore, atq; ita animā, &
diuinitatem ratione cōcomitantiæ. Quare
certissima fides incarnationis efficit, vt nō
sit caro sine diuinitate: fides autem resurre-
ctionis, ne sit corpus sine anima, aut sine
sanguine, & ideo existentiam corporis se-
quitur semper, quod ad personam Chri-
sti pertinet. De accidentiū vērō coexi-
stentia, licet quidam dubitauerint, certissi-
ma tamen sententia est, & contraria hære-
tica habetur: quia non existeret idem cor-
pus Christi: quoniā ablata quātitate ac di-
mensione, aufertur naturalis effigies, ordo,
situs & distinctio partium, potentiæ orga-
nicæ, vitæ omnes operationes, & inducitur
monstruosi corporis, constitutio, & pertur-
batissima existentia contra diuinam sapien-
tiam & corporis Christi excellentiam.

2 Itaq; cum sit Christus in hoc sacramē-
to, qui est in se & secundum propriam spe-
ciem, si in se nullam habet suarum partiū
diuisionē, neq; habebit in hoc sacramēto:
post resurrectionē autem nullam potest
habere in se: ergo neq; in hoc sacramēto.
in triduo autē mortis, quia facta est diuisio
animæ & corporis, quia alioquin nō esset
vera mors, neq; per mortē effecta nostra
redemptio, si tunc esset hoc sacramentum
consecratum, esset corpus sine anima, &

Comment.in D. Thom. tert. part.

sanguis effusus sine corpore & anima, omnia tamen hypostaticè verbo Dei vnita: quia similiter fuerunt in Christo, quandiu mortuus permanfit.

Art. 3.

3 Tertia p. eiusdè cōsecrarij, quod in quavis parte alterutrius speciei totus Christus existat, non solū est intelligenda, diuisa sacramenti specie, sed etiam ante diuisionem: vt sit verū dicere de quavis parte designata, in ea totum Christum contineri, sicut in quavis parte corporis tota animæ substantia. ratio ex præcedentibus sic deducitur: Christus existit in hoc sacramento ad modum substantiæ, quia per transubstantiationem, qua substantia in substantiam cōuertitur, & accidentia omnia cōsequuntur suā substantiā cum qua re ipsa sunt coniuncta, nec ab ea post resurrectionem diuelli possunt per aliquem motum, vt ostensum est, quia corpus resurgit impassibile: sed substantia existit tota in quavis parte dimensionū, vt tota substantia aeris in toto & parte: ergo substantia corporis Christi existit in hoc sacramento toto, & in quavis eius parte, ante & post diuisionem. Quamuis autē quantitas panis & vini, & cetera accidentia, quæ remanent in hoc sacramento, facta consecratione, non inhæreant corpori & sanguini Christi, vt paulò post constabit: quia tamen verè & realiter continent corpus & sanguinem Christi ad modum substantiæ, efficitur necessariò, vt similiter contineant, atq; idem, in toto, quod in partibus, ratione transubstantiationis: cuius terminū ostēdimus esse Christum eisdem accidentibus sacramentaliter contentum. Vnde ex præcedentibus fidei dogmatis sic concludit: Christus, qui est in se, est in hoc sacramento, in se quantus: ergo in hoc sacramento, præterea est in tota hostia consecrata, & singulis partibus: ergo non est coextensus dimensionibus sacramentalibus, sed ad modum substantiæ indiuisibiliter. Quod si Christus totus & integer hoc sacramento, sub parua panis & vini quantitate continetur: necesse est asserere, quantitatem & dimensionem Christi corpori inhærentem, non existere in hoc sacramento ad modum quantitatis, sed ad modum substantiæ, hoc est, vt non sit tota quantitas corporis Christi propria, coextensa quantitati panis, aut vini, tota, scilicet, in tota, & partes in singulis partibus, cum sit altera maior, altera minor, & idèò repugnet huius-

modi coextensio: sed vt potius sit ad modum substantiæ, tota quantitas Christi propria, sicut tota substantia in quavis parte dimensionis panis, aut vini. Cuius causa est, quia modus essendi cuiuscunq; rei, sequitur quod est perse, & non quod ex accidenti: cum illud sit prius, quod ad esse primum pertinet, hoc autem posterius: vt corpus est in visu, nō quā dulce, sed quā albū: sed in hoc sacramento, corporis Christi substantia & sanguinis perse existit: quia virtute cōsecrationis, per quam conficitur hoc sacramentū, cum nō sit in visu, vt cetera sacramenta, sed in cōsecratione materie: quantitas verò corporis Christi, vt cetera accidentia, est ratione concomitantiæ, & quasi ex accidenti, & per aliud: ergo sequitur modū essendi substantiæ. Ex hac distinctione respondetur Scoto Duran. & aliis: & ceteris Theologis errat, qui asserit non existere in sacramento quantitatem Christi ad modum substantiæ. Alber. d. 13. art. 10. Ricard. d. 10. art. 1. q. 2. Gab. in can. lect. 43. & ceteris d. 10.

4 Neq; verò hæc ratio existendi quantitatis naturæ, quæ requirit diuisionem & distinctionem partium, aliquo modo repugnat, & idèò impossibilis censenda est. Quoniam duplex est positio & distinctio partium, vna in toto, alia in loco, per quā locus & locatum equaliter coaptantur: prima positio est de ratione quantitatis, & idèò non potest à quantitate auferri sicuti neque ab homine rationale: altera vero extrinsecus accedit quantitati, nempe quatenus loco circumscribitur. sed corpus Christi, vel eius quantitas & accidentia, non continentur sub figura panis & vini, tanquam à loco, vt constat, cum hæc continentia supernaturalis sit, & idèò dicta est à theologis sacramentalis, quia est accidentium, quæ sunt signa sacramentalia: non repugnat igitur naturæ quantitatis corporis Christi, eam existere in Christo ad modum substantiæ. Quod si Christus secundum rectam fidem totus & integer existit in toto sacramento, & quavis illius parte: qui voluerit sibi constare in eadem, asserat necesse est, non contineri, aut existere ad modum quantitatis, cum non possit minori quantitati coextendi: erit igitur ad modum substantiæ. itaque, vt generationis naturalis terminus est, substantia naturalis, quàm consequuntur accidentia secundum

Quantitati nō repugnat contineri indiuisibiliter.

Art. 4.

Christi corporis quantitas est in hoc sacramento ad modum substantiæ, ratione concomitantis, & non ex verborū, quia his directo & per se non significatur quantitas, sed substantia corporis & sanguinis Christi.

dum naturalem existentiam: ita transubstantiationis terminus est substantia Christi existens sacramentaliter, sub quantacunque figura panis & vini, & ideo omnia Christi accidentia sequuntur necessariò eundem modum existendi sacramentaliter: cum is per se conueniat substantiæ, vt est transubstantiationis terminus.

5 Idem consecrarium, cuius partes singulatim confirmauimus, definitum est in Concil. Florent. sess. vltima. in doctrina de sacramentis, cum ait, totus Christus continetur sub specie panis, & totus sub specie vini, &c. in Constantien. sess. 13. his verbis, à laicis tantummodo nunc sub specie panis percipitur, cum firmissimè credendum sit, & nullatenus dubitandum, integrum Christi corpus & sanguinem, tam sub specie panis, quam sub specie vini veraciter contineri. similiter omnino Basilien. sess. 30. & Trident. sess. 13. c. 2. qua propter, inquit, verissimum est, tantundè sub alterutra specie, atque sub vtraque contineri. totus enim & integer Christus sub panis specie, & sub quauis ipsius speciei parte, totus item sub vini specie, & sub eius partibus existit. idem repetit sess. 21. cap. & can. 3. quibus omninò consentit D. Paulus 1. Corinth. 11. cum ait, qui manducat & bibit indignè, iudicium sibi manducat & bibit, non diiudicans corpus Domini. significat ergo in bibendo diiudicari debere corpus Domini, quòd in calice reuera existat. Præterea Christus de seipso existente in hoc sacramento, inquit Ioan. 6. Ego sum panis viuus, & iterum, qui manducat me: quibus verbis planè significat, ipsum in hoc sacramento hypostaticè existentem, hoc est, omnibus suis partibus perfectum māducari, & non alteram eius partem. Similiter dicunt veteres omnes Patres Deum & Dominum, Christum natum, crucifixum, &c. quæ ad perfectā eius hypostasim pertinent, in hoc sacramento sumi, siue de altera, siue de vtraque specie loquantur. eorum testimonia sunt eadem, quæ inferius proponuntur, ad probandam realem Christi præsentiam in hoc sacramento. Hanc regulam concomitantie, quidam Theologi ab ipso verbo consecrationis deduxerunt, quatenus exprimitur corpus directè, cætera verò omnia indirectè in verbo, meum, & meus, hoc enim est corpus Christi, quod diuinitati vnitum, est

impassibile post resurrectionem. sed colligitur etiam ex hoc notissimo principio: si duo aliqua semper sint coniuncta, vbiunque vnum est, necesse est reliquum esse, quod principium intelligitur hoc modo, vt vbi minus existit, necesse sit maius existerere, non contrà: vt vbi corpus, ibi est anima, & diuinitas: non tamen vbi est diuinitas, cætera esse oportet, vt inferius constabit contra Vbiquistas.

6 Plurima denique ex contraria sententia absurda sequuntur. Primum, si non existeret ratione concomitantie Christus integer in quauis specie separatim, Christus contra scripturas adhuc mortalis esset, & non tantum, vt in mysterio, sed re vera per separationem animæ, sanguinis & corporis, passim mactaretur in sacramento, cū esset corpus planè mortuū sine anima & spirite: nec esset idè corpus in Eucharistia, atq; in cælo. Præterea si tantum esset corpus & sanguis ex vi verborum, & nihil amplius esset ex vi concomitantie, non esset ibi spiritus Christi, sine quo tamè, vt inquit Dñs, Io. 6. Caro & sanguis nō prodest quicquā. Quare hereticū est asserere, Christū in hoc sacramento dissectū esse in duas partes, vt Capernaite intellexerūt, Christi carnem māducandā esse Ioā. 6. vt in altera specie contineatur tantū corpus, in altera sanguis. Tribuitur autè hæc heresis à recentioribus Nestorio, & certè cum illius opinione consentit, quatenus asseruit corpus Eucharistia contentum, esse meri hominis cōmunem carnem, vt testatur epistola concilij Ephesini ad eundè Nestorium: nō est autem necessaria cōcomitantia, animæ, sanguinis & diuinitatis cum meri hominis carne, sed cū carne & corpore Christi veri Dei & hominis. vnde videtur Ecclesia ob hanc etiā causam populū vnica tantū specie cōmunicasse, vt ipso facto, de integritate Christi sub alterutra specie, institueretur. Hac etiā ratione vulgus Boëmorum tā impotenter calicē petiuit, cū in cæteris catholicè sentirèt, etiam de reali Christi præsentia in sacramento, quòd existimarèt se priuari sanguine Christi, quali sub specie panis non existeret.

7 Eundè errorē (si Petro Comestori, & Thome Vvaldeni credimus) secuti sunt, quidā à Iulio Papa in ep. ad Epōs Aegypti, dānati, quòd nō communicarent nisi pane vino intincto, appellantes hoc communio

Ratio concomitantie in hoc sacramento.

Comment. in D. Thom. tert. part.

cōmunio, quę sola panis specie constaret. dicta est olim hęc cōmunio Iudę, propter buccellā intinctā, quā in cœna à Dño accepit. ecclesia verò in ipso sacrificio permiscet species paulò ante cōmunionem, sed non ad cōmunionem complendam, vt hæretici existimauerunt, sed planè ad refutandū hunc errorem, diuidentū corpus à sanguine in hoc sacramento, quatenus illa permixtione significat, præter alia, per resurrectionē Christi, sanguinis ad corpus reuersionē, & vtriusq; deinceps in perpetuū veram & realē coniunctionem. In eodem errore fuisse Lutherum affirmat eKius hō mil. 32. de sacramētis, constituentem alterā tantū partē Christi, sub alterutra specie: sed eum errorem Lutherani non sequuntur. refert etiam Alex. Aleñ. quosdam monachos, existimantes cum corpore in specie panis non esse sanguinem, miraculo sanguinis abundē ex specie panis profluentis, fuisse diuinitus admonitos. Sed omnes hæretici negantes realē Christi præsentia in hoc sacramento, si sibi consentiant, non possunt in vlla parte sacramenti ponere, nisi quod eadem tantum significatur, cum asserant Christū esse in hoc sacramento, vt in signo tantū. contra hunc errorem satis dictū est, & abundē confirmatū, Christū totū sub alterutra specie cōtineri, & sub quauis parte, vt praxis & vsus Ecclesię catholice ostēdit, cum ex diuina panis specie, plures cōmunicent, totū Christū sumētes, quę omnia primò cōsecrario cōprehendimus.

8 Alterum consecrariū sit, transubstātiatio sola virtute diuina fieri potest, non autē alicuius agentis creati. omne enim agēs naturale tantū potest efficere conuersionē formālē, id est, vnius formę in alterā, manēte eodē subiecto, mutationē: quia cū sit finitē virtutis, & agat per actū & formā, ad determinatā tantum formā eius actiō definiri potest: Deus autē cum sit infinitę virtutis, totum ens mutare & conuertere potest, in aliud ens: talis autē est transubstātiatio, cui proinde nihil simile in natura reperiri potest: est igitur solius Dei operatio propria virtute: licet forma huius sacramenti sit instrumentū, quod virtute participata attingens terminum à quo, conuertit in substantiam corporis & sanguinis Christi. Et licet cōuersio fiat in corpus Christi impassibile & immutabile post resurrectionē, & Deus possit omne ens in quoduis aliud conuer-

tere, etiam corpus in angelum, vel contrā, vt potest ex nihilo producere secundum potentiam ordinariam angelum, cum non sit ex aliqua materia, secundum tamen absolutā possit ex quouis ente per conuersionē efficere: quauis inquam hæc vera sint, non tamē fieri potest, vt in Deum aliquid cōuertatur, quia est purus actus, cui repugnat omnis potētia, vt fiat ex alio, vel aliud ex ipso. Est autē vtriusq; cōuersionis, formalis, scilicet, & totius entis, quædam similitudo, quatenus, vt in illa manet aliquid reale cōmune vtriq; termino, nēpē materia prima: sic in hac, licet nihil maneat de termino à quo vel materię, vel formę, cū tota substantia conuertatur, manet tamen cōmunis appellatio entis, sed nō determinati & proprii, quia cū totum ens sit mutatum in alterum totū, vt panis tota substantia, in corpus Christi, nihil materię, aut formę panis manet in se, vel in simili & eiusede specie: sed cū terminus cōuersionis sit ens & substantia, verē dicitur manere eadē appellatio entis, quatenus manet aliud ens, in quod facta est cōuersio. hęc autē consideratio entitatis cōmunis vtriq; termino huius cōuersionis, vtilis est ad intelligendum cur Dei infinita vis totū aliquod ens, in aliud totū cōuvertere possit: quia vt definita vis agētis naturalis secundū formā & actū, potest efficere formālē conuersionem: sic vis infinita respicit totum ens, & ideo potest ipsum totū conuertere in aliud ens, ita vt nihil de prioris entis substantia maneat, nisi appellatio entis ratione termini, in quē facta est cōuersio. vtriq; enim est cōmunis natura entis, & ideo autor, & causa toti⁹ entis, potest quod est entitatis in vno termino cōuvertere in entitatem alterius, sublato eo, quo distinguebatur, id est, de natura propria entis prioris nihil permanēte in posteriori, licet vtrūq; sit ens, & ideo ab vno in alterū virtute diuina secundū totā substantiam fiat cōuersio. Omnes etiā Patres, quorū testimonia notabimus in cōfirmatione realis præsentie Christi in hoc sacramento, in hac cōuersione diuinā potentia admirantur, cui admirabilis ista conuersionis attribui potest, & non vlli virtuti creatę.

9 Vnde ex diuinis operibus, quatuor excellūt, incarnatio, impij iustificatio, creatio, transubstātiatio: simpliciter & absolute omnium maximum est incarnatio, quia per eā datur creature ipsi et esse diuinum in-

Ad 3. cōf. ar.

§. p. q. 75. art. 4.
Transubstātiationem sola virtus diuina potest per se efficere, & instrumentum verbum.

Quatuor opera Dei maxime admirabilia.

creatum,

D. Tho. 3. sent.
d. 3. q. 6. art.
2. 4. lib. contr.
gēt. c. 27. 1. 2.
q. 113. art. 9.

creatus, quod cōsequitur gratia capitis, quæ omnium iustificationē meruit: ex cæteris, præstat iustificatio impij, quia terminatur ad bonū æternum diuinæ participationis: creatio verò ad bonū naturę mutabilis: & licet gloria præstet gratiæ iustificati magnitudine doni, proportionē tamē præstat gloriæ gratia iustificas, quatenus donū gratiæ amplius excedit dignitatem impij, qui erat pœna dignus, quā donū glorię dignitatē iusti, qui ratione gratiæ iustificantis, gloria dignus est. Creatio verò, ipso modo efficiendi est maximū opus, quia per eā ex nihilo fit aliquid. deniq; inter omnes cōuersiones vnius rei in alterā, omnium maxima est transubstantiatio, quatenus totū ens in aliud cōmutat, reliquæ partē tantum entis, nempe formā, & quatenus in substantiā præexistētem, quæ ex ipsa cōuersione nihil nouū in se acquirit, vt suprà explicatum est.

3. p. q. 75. art. 3
Panis & vinū
consecratione
non abeunt in
nihil.

10 Tertiū confectariū sit, substantia panis & vini post consecrationē, neq; resoluitur in præiacentē materiā, neq; annihilatur. ratio cōmunis ad vtrāq; partē sic ex præcedentibus concludi potest. virtute verborū cōsecrationis nō potest effici illa resolutio aut annihilatio, sed tantū conuersio in corpus & sanguinē Christi, vt ostēsum est: nullo igitur modo fit resolutio, aut annihilatio, nihil enim fit per consecrationē, nisi virtute verborū, & hæc efficiunt, quod significat, & ostēsum est propriè significare corpus & sanguinem Christi: nihil igitur aliud fit. sed cōtra resolutionē illam sunt hæc specialia ex Theologia, adiūcta ratione naturali, repetita. Primū, si substantia panis & vini resolveretur in præiacentē materiā, vel primā, vel proximā, vt elementa: nō primū, quia nullo modo sine forma esse potest: non elementa: aut enim manentia cū corpore Christi, aut egrediētia de substantia panis adueniēte corpore Christi: sed primum repugnat rationi huius sacramēti, in quo nihil de priori substantia panis & vini omninō manet: secundū autem repugnat sensui: quia non sentitur ille elementorum egressus, cū tamen elementa sensibilia sint: nō fit igitur resolutio in præiacentē materiā. Secūddō, quia materia præiacēs nullo mōtō cū corpore Christi permanere potest: cū toto tēpore, vsq; ad instans vltimū consecrationis maneat substantia panis, & in ipso instāti est corpus Christi line aliqua parte substantiæ panis: quare nunquā facta est

illa resolutio. Tertiō, si hæc resolutio fieret, vel materia præiacēs successiue & paulatim egrederetur de cōtinentia specierū, vel in vltimo instāti cōsecrationis, vel ante illud: sed nullo modo fieri potest. non quidē primo, quia esset simul in aliquo instāti substantia panis cū corpore Christi: neq; etiā secūdo modo, quia cū dicatur fieri ante vltimū instans cōsecrationis, & inter quolibet duo instātia sit tēpus, in eo certē sub aliqua parte specierū, nec esset panis, nec corpus Christi: quoniā ipsum mobile, idest, præiacēs materia, successiue egrediēs de speciebus, prius esset in vna parte, quā in alia, & ex cōsequenti fieret, vt simul in aliqua parte, neq; esset substantia panis, cū ex ea parte iam esset egressa præiacēs materia, neq; corpus Christi, quia non potest simul esse cū panis substantia, quæ adhuc in alia parte permaneret, à qua nondū esset egressa præiacēs materia. Itaq; secundū argumentum valet cōtra resolutionē in materiam remanentem cum corpore Christi. tertium autem contra materiam successiue egredientem de cōtinentia specierum.

11 Contra annihilationē panis, aut vini à quibusdā assertam, est ipsa cōuersio in corpus & sanguinē Christi: repugnat enim annihilatio cōuersioni, cū illius terminus per se primo, sit purū nihil, huius autē, substantia corporis & sanguinis Christi. itaq; licet per consecrationē de panis substantia nō remaneat aliquid, neq; ratione formæ, neq; ratione materiæ, absolutē tamē panē annihilari falsum est, quia annihilatio est desitio in purū nihil: panis autē desitio terminatur ad corpus Christi: quare nō congruēter recte fidei dici potest annihilatio.

12 Quartum Confectarium est, hæreticum est asserere facta consecratione remanere in hoc sacramēto substantiam panis aut vini, vel ratione materiæ, vel ratione formæ. Hoc primò probāt omnia, quæ ad probandam transubstantiationem concludimus, cum de ratione illius sit, totā substantiā ex materia & forma constantē, cōuerti in corpus & sanguinē Christi, vt tantū existat Christus in sacramēto, vt primò confectario ostēsum est, sine vlla parte substantiæ panis & vini, sed sub accidentibus vtriusq;: vi autem verborum fit conuersio materiæ panis in materiam corporis Christi, & formæ panis in animā Christi, quatenus dat esse corporeū, & nō quatenus

Desitio panis,
nō est terminatio
annihilationis,
licet spāsi-
ficē nihil de eo ro-
maneat, neque
determinate.
itaque licet, facta
consecratione
non sit alia
quid panis, nō
tamen redactū ē
in nihilum,
sed totum ē
conuersum, &
ideo nō est ali-
quid eius.
Nulla pars sub-
stantiæ panis et
vini in hoc sa-
cramēto remanet.

Comment. in D. Tho. tert. par.

tenus dat esse animatū, hoc est, in corpus anime rationalis propriū susceptiū, & suis organis distinctū, quod esse corporeū, habere cōstat ab eadē anima informante, licet in genere causæ materialis prius sic dispositū intelligatur, quā informetur. Vnde si in triduo mortis Christi panis consecraretur, fieret sanē conuersio in corpus Christi, anima carens, cū esset verē mortuū, & ideo formā cadaueris informatum: quia fit conuersio vi verborum in corpus Christi, vt verē existit in seipso, quare si esset mortuū, in idē cōuersio fieret: sed quia in mortuo permanet eadē hypostasis, eadē materia, idē esse actualis existētiæ, ideo concedendū est esse idē numero corpus, atq; viuū. Hęc autē sententia, quāuis nō sit fidei dogma, verē tamē Philosophiæ cōsentit, quē vnica animam singulis viuētibus tribuit, etiā hominibus, quæ sit principrū totius esse animati, corporei, scilicet viuētis, sensitiui & rationalis. Secundō cōfirmatur cōsecratiū, quia remanere panis substantiā repugnat formæ huius sacramēti, quā propriē significare diximus corpus Christi & sanguinē, non autē verē dicitur, panē esse corpus Christi, aut vinū esse sanguinem. Tertiō, quia ex præcepto Ecclesiæ catholicæ hoc sacramentū ieiunii sumere tenemur: & tamē si cū corpore Christi esset sustātia panis, sanguis à ieiuno sacerdote sumi nō posset, neq; idē sacramentū sepius eodem die. sentit igitur Ecclesia catholica, cui⁹ est illud præceptū, nihil substantiæ panis, aut vini perfectæ cōsecratione, in hoc sacramento remanere. Quartō, sic theologi concludūt, corpus Christi in hoc sacramento existit, & nō per lationē: ergo per conuersionē panis & vini: quod autē conuertitur in aliud, nō manet: quare nō manet in hoc sacramento panis, aut vini substantia.

13 Per lationem autem nō peruenire corpus Christi in hoc sacramentū hęc ostendūt. Primō quidē, quia delineret esse in cælo, cōtra articulum fidei de sessione Christi ad dexterā Patris: cū id, quod latione mouetur, nō possit ad locū peruenire, nisi priorē deferat, quia est ab vno in alterū locum cōmigratio. Secundō, quia latione motū, omnia media pertransit, cū est corpus, quod de corpore Christi, vt in hoc sacramento existat, verē dici non potest. Tertiō, quia fieri nō potest, vt id, quod latione mouetur, simul ad plura loca perueniat: quod

tamē de corpore Christi necessariō asserendum est, cū simul incipit esse in pluribus sacramentis. quare si corpus Christi nō incipit esse in hoc sacramēto per lationem, necesse est incipiat esse per cōuersionem panis in ipsum: cū secundum potentiam ordinariā nihil incipiat esse alicubi, nisi vellatione, vel cōuersione alterius in ipsum, vt cū in domo aliqua ignis incipit esse. Posset quidē corpus Christi secundū potentiam Dei absolutā, nō incipere esse per conuersionē, sed posita lege & institutione huius sacramenti, necessariō dicendū est corpus Christi nō esse alicubi, vbi prius nō erat, nisi per lationē, aut cōuersionem alterius in ipsum. Christū autem post ascensionē aliquando visum in propria specie Patres asserūt, Origenes à Paulo vt refertur 1. Cor. Ambrosius 1. Cor. 9. hom. 38. Chrysostomus in eandē ep. Augustinus in tractatu super illud, modicum videbitis me. celebris est etiā historia de Christo viso à Petro Roma discedēti via Appia, vbi constructū est oratoriū cū hac intercriptione, Dñe, quō vadis? vt refert Hegesippus. de Excid. Hieros. & Orig. to. 21. in Ioā. Athanasius in Apolog. de fuga: Ambrosius. contrā Auxentiū de Basilicis tradēdis p. ximē post ep. 32.

14 Quintū cōsecratiū est, hęc transubstantiatio cōsentit aliquo modo cum naturali mutatione & creatione, atq; ab omnibus dissentit. est enim horū trium cōmune, ordo terminorū à quo & ad quē: & distinctio, ex qua simul esse nō possunt, cū in omnibus post terminum à quo, cōsequatur terminus ad quē, & ideo simul in eodē nō sunt: quia inductio vnius, est alterius expulsio, quāuis eodem momento, vt in subitis mutationibus constat. Cōmune autē creationis & trāsubstantiationis, est nō habere cōmune subiectū vtriusq; termini, vt habet omnis naturalis mutatio: quoniā creatio caret omni subiecto ex quo, & tota substantia, in transubstantiatione, etiā secundum materiā conuertitur in aliā. Cōmune verō transubstantiationis & mutationis naturalis est, tum cōuersio vnius in alterū, tum etiā cōseruatio & permanētia vnius rei in vtroque, sed diuersa ratione. in transubstantiatione enim tota substantia prior in posteriorē cōuertitur, in naturali tamē mutatione manēte eodē subiecto. fit conuersio secundum formā, & ideo formalis cōuersio appellari solet: qualis est vnius elemēti in alterum. in transubstantiatione præterea manēt eadem

accidentia,

3. p. q. 75. art. 6
ad 2.

E ad. p. q. 75.
art. 2.

An Christus
post ascensionē
visus sit in pro-
pria specie.

3. p. q. 75. art.
8.

Cōsensio & dis-
sensio transub-
stantiationis ab
aliis mutatio-
nibus.

Quod incipit
esse vbi non
erat, vel latio-
ne deferatur, vel
conuersione fit.

De exacta
ratione loquendi
de hoc mysterio

accidētia, in mutatione naturali, eadē materia prima, & idē accidentia in hoc sacramento, materie, proportionē respondent. 15 Ex his ratio propriē & catholicē fidei cōgruenter loquendi, informari potest his regulis. Prima sit, in nulla prædictarū trium mutationū, vnum extremū de alio verē affirmari potest, quia simul esse dicerētur, quē simul esse nō possunt: vt aer est ignis, non ens simpliciter est ens, panis est corpus Christi. Secūda est, in eisdē cōuersionibus ordo & successio extremorū verē significatur hac præpositione, ex, vt si dicas ex non ente fit ens, ex aere ignis, ex pane corpus Christi: vt significemus posteriores terminos prioribus succedere, vt dicimus ex nocte fieri diem, quod si præpositio, ex, subiectū exprimat, in creatione & transubstantiatione verē nō dicitur, in mutatione naturali verē dicitur: quia in illis nō est subiectū, vel materia ex qua, vt est in omni naturali mutatione. Tertia regula, in creatione, verbo cōuersionis vtī nō possumus, sed in mutatione naturali, vel transubstantiatione possumus: quia in creatione vnū extremū non cōueritur in alterū, in aliis cōueritur, vt aer in ignē, panis in corpus Christi: licet illa sit formalis conuersio, hac totius substantiæ, & idē vocata est transubstantiatio. Quarta regula, quod verē dicitur de conuersione naturali ratione subiecti, de creatione, aut transubstantiatione dici non potest, quia vtraq; caret subiecto. ratione v.g. subiecti est potētia ad oppositū, vt albū potest esse nigrū, quatenus tota substantia subiecta accidentibus, ab vno in alterū cōmutatur, & aer potest esse ignis ratione partis substantiæ, nēpē materie prime, quæ formæ substantiali immediatē subiicitur: sed deficiente subiecto, nō dicitur in creatione, nō ens potest esse ens, neq; in transubstantiatione panis potest esse corpus Christi ratione subiecti permanētis in vtroq; cum nulla pars substantiæ panis in hac cōuersione permaneat. eadē ratione in creatione dici verē non potest, nō ens fit ens, neq; in transubstantiatione panis erit corp⁹ Christi, vt verē dicimus albū erit, aut fit nigrū: quia hæc vera sunt ratione subiecti, quod nō est in creatione, vel transubstantiatione. eadē etiā ratione in creatione & transubstantiatione vtī nō possumus præpositione, de, vt in naturali mutatione, quia hæc præpositio denotat cōsubstantialitatē, saltem ratione

materiæ: sic dicitur de aere fit ignis, de albo nigrum, sed nō verē dicitur, de nō ente fit ens, de pane fit corpus Christi. Sed quia accidētia panis & vini, quatenus manēt eadem cū vtroq; termino cōuersionis, habēt quandā rationem materie, secundū quandā similitudinē concedi hæc possunt, panis fit corpus Christi, vel erit: de pane fit corpus Christi: vt nomine panis nō intelligatur substantia panis, sed indefinitē & vniuersaliter, hoc quod speciebus & accidētibus panis cōtinetur, nēpē primò substantia panis, deinde corpus Christi.

16 Hæc de exacta ratione loquēdi theologi adnotauerūt, quæ tamē plerunq; à Patribus aliter vsurpantur, sed ea ad sensum his regulis cōprehensum, examināda sunt & expendenda. Semper autē cauendi sunt duo errores. vnus est, ne propter magnā à ceteris dissimilitudinē, conuersionem propriē ab hoc sacramento tollas, vt faciunt hi, qui panē annihilant: quod genus defectio- nis nec natura nouit, nec Deus vnquā exerceuit. Alter error est eorū, qui propter huius cōuersionis cū ceteris mutationibus similitudinē, & ad luculētius vitandam annihilationē, asserunt in transubstantiatione eandē materiam permanere, & subire formā substantialē corporis Christi, hoc est, illius anima informari. quæ sentētia explosa est à cōc. Trid. definiēte, vt suprà obseruauimus, totā substantiā panis in corpus Christi conuerti. sequeretur præterea ex ea sentētia, alicuius rei externæ cū Christo, vt Algeri verbo vtar, impersonatio, eadē absurditate, qua impanatio, de qua suprà disseruimus. Deinde haberēt accidentia panis pro subiecto eandē materiā panis informata anima Christi, cū tamē recta fides doceat, manere illa accidentia sine subiecto, vt definitū est in conc. Cōstant. cont. Vicleffū sess. 8. vt latius postea explicabitur.

¶ Sacramentorum historia.

1 Hæc omnia, quæ de transubstantiatione disseruimus, plurimum valent ad cōfirmandam realem & substantialem Christi præsentiam in hoc sacramento, cum ostēsum sit, ex vi verborum esse corpus & sanguinem Christi, & animam atq; diuinitatem ratione concomitantia, vt verē totus Christus sub quauis specie, & parte illius existat: sed quia à veteribus & recentioribus hæreticis hæc realis Christi præsentia acerrimē

Comment. in D. Thom. tert. part.

acerrimè impugnatur, & ex ea factum est quoddam dissidium Sacramentarium à Lutheranis: de eadem, propositis primum erroribus aduersariorum, exactius hoc loco differendum nobis est. Vt igitur à principio aduersariorum historiam plenè repetamus, & appareat non solù summam fuisse confessionem in Ecclesia catholica de reali Christi præsentia in sacramento, sed etiam contrariam sententiā, vt verbis Domini repugnantem, ab omnibus refutatam fuisse, à prima Christi promissione, de exhibēdo seipsum in cibum & potum, exordiamur. Capernaite Christo promittenti suum corpus & sanguinem in cibum & potum, vt in vltima cœna reipsa præsstitit, quali id fieri non posset Ioan. 6. c. restiterunt dicentes, quomodo potest hic carnē suam dare nobis ad manducandū. nec ob id tamen quicquā Christus de suo verbo & promissione remisit, sed potius illos increpauit: inter eos Iudas censetur, vt ipsum videtur Dñs perstringere, cū ait, verba, quę ego locutus sum vobis, spiritus & vita sunt: sed sunt quidā ex vobis, qui non credunt, addit Euangelista, sciebat enim, qui essent non credētes, & quis traditurus esset eum. numeratur igitur Iudas inter huiusmodi non credentes. vnde Theoph. ad c. 26. Matthæi antecessorum suorum sententiam amplectitur, quod Iudas sacramentum acceptum de manu Christi in vltimā cœna occultauerit & nō comederit: poculū autem inuitus biberit, quod occultare nō posset. Deinde Corinthij, hoc sacramentum non aliud esse opinabantur, quā panē quendā sacrum: & ideo redarguuntur ab Apost. 1. Cor. 10. & 11. & instituūt de veritate Christi in hoc sacramento existentis, vt inquit D. Cyril. li. 4. Pentabibli referēte Turriano li. 1. pro canonibus Apost. c. 24. Iudei & Gentiles initio nascentis Ecclesię Christianę, nō intelligentes aliud de hoc mysterio, quā quod extrinsecus figura panis & vini repræsentabat, finxerūt quendā infantē farre vestiri, & Christianos hoc modo humana carne vesci, quidā autē ab illis coli Bacchū & Cererē, vt refert D. Aug. lib. 20. cont. Faustum c. 13.

2 Gnostici à Valentino & Marcione exortū, nō credentes veritatē naturę humanę in Christo, sed externā tantum eius figuram & similitudinē, vbicunq; legebant in sancta scriptura carnē, corpus & sanguinem

Christi, figurā & inanem imaginem intelligebāt, & ex consequenti in hoc sacramento verū corpus, carnē & sanguinem negabant, & figuram tantū illorum inducebāt: & ideo asseriebant datū à Christo corpus suū, non tamē carnē, sed panaceū. & alij nō corp⁹, quod Christus gefisset, sed quod de carne, & pane finxisset, vel quod panī aliūde supposuisset. vnde quasi ad imitationē Christi, barbara, Cyclopica de infanticidio, & nefanda de multis etiā aliis abscœnitatib⁹ mysteria & sacra cōficiēbāt, magia etiā vtētes, vt caro appareret, vt refert D. Epiphanius, & Irenęus de Marco heretico. Paulus Samosatenus quęstionē postea mouit de corruptione corporis Christi in ipsa Eucharistia. Ex Gnosticis exorti Manichæi, hæresim de incarnatione Christi & turpitudinē in mysteriis retinuerunt, nihil carnis & sanguinis Christi, inesse huic sacramēto affirmātes, & ideo à catholicis puras creaturas adorari, vt colliges ex D. August. lib. 20. cōt. Faust. c. 13. 15. 16. & vt asserit, Leo Papa serm. 6. de Ieiuniō septimi mēsis proprietatē verborū Christi de Eucharistia calumniabātur. Origenistę à Manichæis existimātur accepisse, indignū esse res celestes in elementis terrenis haberi & percipi, vt colligitur ex Theophilo Alexandrino, & priano cōcilio Nicēno: sed in scriptis Origenis, huiusmodi errores non reperiuntur.

3 Arriani nō tantum Christo diuinitatē detraxerunt, sed etiā præsentiā humanitatis ab Eucharistia, in ea tantū participari gratiā spirituale defendētes, & ideo verba Christi de Eucharistia peruertebāt, vt auctor est Greg. Naz. & Cyr. li. 10. in Ioā. c. 13. & notissimū est Arrianos Christū filiū asseruisse Patris secundum gratiā & affectum, non secundū naturā: & eadem vnione affectus nos per summationē Eucharistię Christo coniungi non autē reipsa, vt cū de hac cōiunctione disseruerimus apertius cōstabit. vnde Arriani nō verebantur mysteria pedibus cōculcare, & indignis modis cōtaminare. Sub Aug. vt cōstat ex eius ep. 89. Vrbicius quidā asseruit sic vetera omnia trāsisse, vt in Christo ara cederet altari, pecus panī, sanguis poculo, adeo vt panem & vinum, vel figuram vtriusque in sacra Eucharistia carne & sanguine vacare affirmaret. respondet August. quanto melius & congruentius vetera trāsisse,

& noua

Capernaite &
Iudas predi-
tor.

Corinthij.

Iudei & gen-
tes.

Gnostici.

Paulus Samo-
satenus.

Manichæi.

Origenistę

Arriani.

Naz. serm. de
Pascha.

Vrbicius

Messaliani.

& noua in Christo esse sic doceret, vt cederet altare altari, panis pani, pecus pecori, sanguis sanguini: videmus enim in his omnibus carnalem vetustatem, spiritali cedere nouitati. Messaliani, de Gnostico- rum & Manichæorum hypocrisis pluri- ma, de dogmatibus aliqua retinentes, vt refert Theodor. lib. 4. histor. cap. 10. asse- ruerunt, spiritalia dona nullis elementis alligari, Eucharistiam esse indifferentem, neque cuiquam prodesse, aut obesse, & eam, vt communem cibum de cuiusque manu sumebant. D. Anselmus non con- siderans, quæ hæcenus de his erroribus commemorata sunt cap. 18. de sacra- mentis, asserit ante Nestorium nullam de Eu- charistia quæstionem ortam fuisse, in qua catholicis obiebat anthropophagiam, cui respondens Cyrillus anathem. 2. num- tu, inquit, hominis comestionem & an- thropophagiâ nostrum hoc sacramentum pronuncias, & religiose ad crassas cogita- tiones virges eorum mentem, qui credide- runt? & attentas humanis cogitationibus tractare, quæ sola pura & in exquisita fi- de accipiuntur? In Nicæna Synodo 2. Act. 6. accusantur Iconomachi, quod asse- rerent Eucharistiam esse viuificæ carnis imaginem, non veritatem, tametsi gra- tiam afferret accessione Spiritus sancti. Simile est, quod inquit Damascen. quem vixisse referunt circa annû septingentesi- mum, quosdam deprauasse verba illa Do- mini, hoc est corpus meum, in figuram corporis.

Nestorius.

Iconomachi.

Lib. 4. c. 14.

Pauliciani.

Armenij.

Cedren. anno 640.

Bogomili. Euth. Panop. ut. 23.

4. Pauliciani, ex Paulo & Ioanne suis du- cibz conflati Imperat. Constante Hera- clij Nepote, asseriebant Dominum verba sua Apostolis dedisse, & iussisse accipere, edere, bibere: sed panem & vinum adhi- benda negabant, quasi forma sine mate- ria in sacramentis quicquam possit effi- cere. Armenij referente Euthymio Pa- nop. titulo 21. arbitrantes carnem Christi in diuinitatem transisse, negabant in sacri- ficio esse corpus carnis Christi, sed potius corpus diuinitatis. in Paschatis etiam ce- lebritate sacramentum non suscipiebant, sed agnum, quem immolabant more Iu- daico assum igni comedentes, existima- bant se sanctificari, & veniam peccato- rum consequi. Bogomili Messalianorum quædam propago, hoc est, Bulgarorum lingua, misericordiæ imploratores, sacra-

menta corporis & sanguinis Domini com- munionē dæmonum, quos in templis ha- bitare mentiebantur, sacrificium appella- bant. Imper. Alexio Comneno. commune est Sacramentarium cum Sarracenis ca- tholicis exprobare, quod in altari Deum suum comedant.

5. Sed adhuc hæresis Sacramentarium nondum inualuerat, licet sæpè fuisset exor- ta, & semper à catholicis repressa: postquã autem contraria fides & religio vera ste- tisset 800. annis, & Ecclesia ab Arrianismo & aliis antiquis hæresibus pacem adepta esset: Ioannes quidam Scotus multo anti- quior theologo subtili, Caroli Magni præ- ceptor, Alcuini æqualis, male sentire de Eucharistia & scribere cœpit. eius librum de Eucharistia, Lanfrancus damnatum re- fert in concilio Vercellenfi cum Berenga- rio. ob eam impietatem Gaguini Annales Gallici referunt eum reuersum ex Gallia in Angliã, à discipulis graphiis confoissum, & seculum interemptum. Paulò post Ber- tramus presbyter vir doctus & disertus scripsit opus offensionis & falsitatis plenû ad Carolum Crassum de sacramento cor- poris Dominici, docēs subobscurè & cal- lide ipsum corpus, quod de virgine natum est, non esse in Eucharistia, quamuis à qui- busdam asseratur alienus fuisse ab hoc er- rore, & huic libro, quem index Tridenti- nus damnat, falsò nomen Bertrami impo- situm fuisse. sed eum librum catholici ita- tim refutauerunt vt S. Paschasius, Raba- nus, & alij: atque ab eo tempore scriptores Græci & Latini propter errorem tum nas- centem ceperunt cautius & pressius lo- qui de hoc sacramento, quàm vnquam an- te, & omnem figuram remouere ab in- terpretatione verborum Sacramentaliû, vt constat ex Theophylacto eius temporis scriptore Matth. 26. 1. Corinth. 11. & Da- masceno lib. 4. de fide capit. 14. item ex Alcuio. Haymo. Amalario, & aliis, qui aper- tius locuti sunt de presentia corporis Chri- sti in hoc sacramento.

6. Hec catholicorum diligentia aliquã- diu hunc errorem repressit, præsertim cû autores nominati non viderentur in eccle- siam cõtumeliosi, nec multû contentiosi. multo post tẽpore Armenos hãc heresim suscepisse, autor est Guido hæresi 16. sed falsò, cû in cæteris erroribus eorum, conciliorum decretis, damnatis, hic error

Ioannes Scotus tempore Caroli Magni.

Gagu. lib. 53

Bertramus.

Oecolamp. & Va- dian. Bertra- mum sui erro- ris autorem fa- ciunt, & ideo Oecolamp. li- brum edidit in lucẽ titulo Ber- trami.

Comment.in D. Tho. tert. par.

non numeretur. Illud autem est omnium testimonio certum, post 200. annos maiore contentione, quam vnquam antea excitatum fuisse à Berengario præsbytero & Archidiacono Andegauensi, circa annum Domini 1060. hic ergo cum hæresim ex libro illo Ioannis Scoti, cuius summus fuit admirator, imbibisset, atq; animi pertinaciam adiunxisset, primum clādestinis colloquiis imperitos plerofq; traxit in suam sententiam, tum egenos quosque scholasticos, præsertim Theologiæ studiosos, quotidiana stupe, cum opulentus esset ita sollicitauit, vt eorū opera omnis pene gallia ac vicinæ gentes eo malo quancitissimè laborarēt. eum adhuc iuuenem Fulbertus iam moriturus, spiritu diuino permotus, prædixit futurum veteris disciplinæ & religionis immanem perturbatorem, & ideo à suo conspectu, vt cacodæmonem arceri iubebat. eūdem primū admonuit Adelmanus Episcopus Brixienfis doctissima epistola ad eum de Eucharistia scripta, rogans per Christum & veterem familiaritatem, communisq; præceptoris sanctissimam memoriam, ne rebus nouis tantopere studeret, & Ecclesiæ matri sanctissimæ perniciem pararet: obtestatur etiam, vt de Arrij, Manichæi, & similium pestium horribili exitu, & execrabili memoria pertimescat. At Berengarius his nihil permotus, sed scelere & superbia inflammatus, doctissimos quosq; Episcopos ad certamen prouocat, de affulgente sibi luce veritatis gloriatur, & sanctissimos viros, Humbertum, Paschasium, Lanfrancum, errore & stupiditate vulgi teneri clamat, cum ipse parum eruditus, vt Guilmundus eius æqualis testatur, dialecticis captiunculis deditus, artium optimarum & ignarus, & osor acerrimus esset. Admonitus deinde Hugonis Lingonienfis, cuius autoritas plurimum apud illum ponderis habitura putabatur, grauissimis, consilij ac doctrinæ plenis literis, quibus & eius opinionem potenter expugnat, & catholicam sententiā de præsentia corporis Christi in Eucharistia confirmat: priuatis etiam ac publicis congressibus sæpè superatus, cum adhuc non desisteret, sed ad schisma & seditionē accenderetur magis valdè eminenti in Ecclesia pulpito constructo, vnde noua illa oracula maiori cum plebis admiratione funderet.

7 Lanfrancus & Guilmundus ille Cantuarienſis in Anglia, hic Auerſanus in Apulia Episcopus, & Paulo post Algerus, doctissima contra eum scripta ediderunt. his autem ita sententiam illius confutant, vt magister impietatis, omnibus præſidiis destitutus, etiam discipulis caruiſſet, nisi homines impij, qui peccatorum potius, quā rationū pondere ruunt præcipites in hæresim, eum adhuc magisq; insipientem cōſectati eſſent, vt ita Berengarij ſentētia, ad ſclerum licentiam cōſicta eſſe videatur. Cum igitur res ad manifestum schisma iā spectaret, delata est ad sedem Apostolicā, vt summa autoritate, vel probaretur, vel damnaretur. sed tandem damnata est à septem ordine Pontificibus Leone, Victore, Stephano, Benedicto, Nicolao, Alexandro, Gregorio, & ab hoc vltimo tempore etiā Leonis, disputatione publica Turone habita, conuictus fuerat: vocabatur autem hic Gregorius VII. prius cum illum conuicit, Hildebrandus. Sed quia nec summo iudicio adhuc cedebat, Leo IX. conciliū Vercellis congregat, cui præſidens, Berengarium, cum ſua ſententia & ſectatoribus anathemate damnat, quod vocatus venire contempſerat. cum verò adhuc perſiſteret & in conciliū & pontificem inueheretur: mortuo Leone aliud conciliū Turone iuſſu Victoris Papæ coactum eſt, vbi præſens auditus, & conuictus, reiecta ſua ſententia catholicam complectitur, & cōcepto per ſanctam & homouſiam Trinitatem iuramento, ſe nunquam aliter docturum promittit. Sed vix à conſpectu Concilij diſceſſerat, nihil moratus religionem ſacramenti relabatur, partim cauſatus coactionem, partim ambiguitatem verborū, partim alium ſenſum, quem ſua temeritate conſinxerat.

8 Quare à Nicolao II. Romam ad generale conciliū 113. Episcoporum vocatur. ibi cū acriter vtrinq; diſputatū eſſet, aliquot etiā Episcopis totū triduū aduerſariā ſentētiā defendentibus, tandem Berengarius cum ſua ſactione veritati ceſſit, & corā Synodo, præſente Nicolao, ſua manu libros, quos de ſua hæreſi ſcripſerat, combuſſit, & prius illud iuramentum renouauit, verāq; fidem apertius profeſſus eſt, vt reſertur, de conſecr. d. 2. c. ego Berēgarius. Sed adhuc tertio relapſus, & non tam, vt ita dicā abiurus, quā periurus, quarto & vltimo

Romam

Scripta contra Berengarium.

Damnatur Berengarius à ſeptem Pontif. et quatuor concilijs.

1 Vercellenſis.

2 Turonenſis.

3 Romano ſub Nicolao II.

De Berengario.

Fulberti prædictio.

Adelmani admonitio.

Hugonis.

4. Romano,
sub Greg. VII.

Romam vocatus ad aliud Conciliū à Gregorio VII. celebratum, scripturarum Conciliorum, & ecclesiarum omnium auctoritate, ratione, ipsoque pudore, & æterni supplicij metu, ingrauescente iam ætate superatus, dicitur verè & ex animo hæresim deposuisse, supplexque à Pontifice petiisse veniam & obtinuisse, sancteque promississe, se omnibus modis curaturum, vt à se decepti ad veram fidem reuocarentur.

Berengarij confessio.

9 Fidei autem formula, quam tunc confessus est, sic habet. Ego Berengarius corde credo & ore confiteor, panem & vinū conuerti in veram ac propriam & viuificantem carnem & sanguinem Domini nostri IESU Christi: & post consecrationem esse verum corpus, quod de virgine natū est, & verum sanguinem Christi, qui de latere effluxit: non tantum per signum & virtutem sacramenti, sed etiam in proprietate naturæ & veritate substantiæ: sicut in hoc Breui continetur, & sicut ego lego, & sicut vos intelligitis. Tādē vnus Gaguinus refert in vita Henrici, & Gulielmus Bibliothecarius Malmes Buriensis lib. 3. de gestis Anglorum, pœnitens, quod nescio an alij vnquam hæresiarchæ contigerit, & bona sua in pauperes distribuens, ipso die Epiphaniæ agens animam, & ex recordatione grandis schismatis & deceptionis multorū alta ducens suspiria, hodie, inquit, in die apparitionis suæ apparebit mihi Dominus meus IESUS Christus, propter pœnitentiam, vt spero ad gloriā: vel propter alios, vt timeo, ad pœnam æternam. Nos iam sanè credimus, post benedictionem illa mysteria esse verum corpus & sanguinem Saluatoris, adducti & veteris Ecclesiæ auctoritate, & multis nouiter ostensis miraculis. Hæc igitur hæresis contradictionem à tota Ecclesia passa est, à doctis viris refutata, à septem summis Pōtif. anathemate notata, à quatuor Conciliis damnata: eius auctor miraculo primum deprehensus est, & prædictione prophetica ad futuram Ecclesiæ calamitatem designatus, ter proprio iudicio & iuramento pro hæretico damnatus: qui iuuenis sic vixit, vt magistros suos & communem disciplinarum viam conerneret, sectam pretio constitueret, sectatores sceleribus contaminatos solum haberet: contra baptismum & matrimonium noua alia dogmata adiungere studeret: irrisor denique & contemptor religionis &

Sin dem moribus extremaverba.

omnis potestatis à Deo, constituta.

10 His modis cum esset à suo autore deferta hæresis, refrixit, sed planè sublata nō est, nondum enim centum anni intercesserāt, cum iterum excitata est à Petro Buffianis & Henricianis à nescio quo Petro de Brui & Henrico cognominatis, atque etiam ab Albigenibus, Vvaldensibus, qui pauperes de Lugduno & Picardi vocati sunt. Hi ergo negauerunt veritatem corporis & sanguinis Domini in Eucharistia. quæ reseffecit vt doctissimi viri in confirmationem catholicæ sententiæ vehementius incumberent, vt D. Bernardus, qui etiā de eadem hæresi suspectum reddit Petrū Abelardum, sed catholicum decessisse Petrus venerabilis scribit, lib. 5. epist. 3. & 20. Hugo Victorinus, Anselmus Cantuariensis, Innocentius III. & alij complures. Begardi etiam cum Beguinis mulieribus in eodem errore fuisse dicuntur, addētes imperfectionis esse, & ab altitudine contemplationis tantum descendere, vt circa sacramentum Eucharistiæ, vel passionem humanitatis Christi, aliqua cogitarent.

11 Ducentis plus minus post Berengarium annis Nicetas Choniates, lib. 3. annal. refert in Græcia, in dubium vocatum esse, vtrum corpus Christi, quod in Eucharistia à nobis sumitur, incorruptibile esset, quale est post resurrectionem: an corruptibile vt fuit ante passionem, ac diuisos Græcos in contrarias factiones. Eodem fere tempore D. Anselmi cœptum est etiā passim à magistratu ciuili in hoc genus hæreticorū gladio & igni animaduerti. Ioannes rex Anglorum flammæ nonnullos tradidit: & anno Domini 1155. aliquot Germani iussu Henrici Londini combusti sunt, alij candenti ferro ad æternam infamiam in frontibus notati. Vnde hac omnium ordinum diligentia hæresis hæc vel extincta vel oppressa, ducentis penè consequentibus annis iacuit. quod tempore Theologia scholastica, quæ via & ratione de rebus diuinis differit, coli cœpta est, & maximè exulta & amplificata à viris doctissimis, Alberto Magno, Alexand. Alens. DD. Thoma & Bonauentura & aliis.

12 Ad annum verò Domini, 1380. Ioannis Vvicleffus Anglus, magno ingenio & scholastica facultate valdè superbus, tertio iam infaustum de corporali Christi præsentia certamen renouat, aliquot alias im-

Hh puden-

Petro Buffiani, Henriciani, Albigenes & alii.

Epi. 187.

Animaduersio ciuili magistra tus in sacramentariis.

Ioannes Vvicleffus.

Comment. in D. Tho. tert. part.

puidentissimas assertiones contra Ecclesiā adiungens, vt ludum dicas fuisse Berengarij conatum, præ vt huius rabies quæ dedit, opportunitas etiam sectæ amplificandæ non defuit: incidit enim in schisma illud immane, tempore Sigismundi Imper. tribus magnæ potentia & gratiæ viris se pro summis Pontificibus simul gerentibus. Disputauit acerrimè, scripsit expeditè ducenta volumina, vt refert Aeneas Siluius, de origine Bohemorum, cap. 35. prouocauit omnes Theologos eius ætatis ad singulare certamen propositis thesibus de Eucharistia, & Papæ antichristianismo, vt impius homo loquebatur. Habuit eandem sententiam de Eucharistia, quam Berengarius, sed verbis subdolis ita conceptam & variegatam, vt vix cognoscas eandem esse: eum verò vt parum doctum, & multiplici condemnatione infamem noluit magistrum agnoscere, se autem cum Patribus primi millenarij sentire: suamque sententiam magis mysticam & diuinam iactabat, quam vt à Prælati Cæsareis intelligi posset, sic enim Episcopos catholicos appellabat. Vnde primum Christianismi millenarium Christi esse dicebat, proximum vique ad finem sæculi diaboli.

*Bint sententia
de Eucharistia*

*Damnatur ab
Academis &
Concilio Angli-
cano, atque Ro-
mano, & Con-
stantiensi.*

13 Huic malo nascenti restitit Academia Oxoniensis. & Theologorum iudicio pestilentem hominem vt hæreticum damnauit, & eius dogmata explosit, sed cum eò accenderetur magis, iussu Gregorij Pontificis, secundò cum suis sequacibus à Theologis damnatus est, iusiuraturæ ab illis exigentibus ne impias assertiones numero 160. tueantur. Idem fecerunt Parisiensis & Pragensis Academiae. Tum verò ad synodum nationalem Londinum deductus, omnium iudicio damnatus, sed non emendatus, dimittitur. deinde in Concilio Romano similiter damnatus, & omnes eius libri de hac hæresi conscripti, cremari iubentur: in autorem autem viuum nihil grauius statuitur. Venerunt his temporibus studiorum causa Oxonium Hieronymus Pragensis, & alius ex familia Pisciputrianorum, nobilis Bohemus, teste Aeneas Siluius, & haustum huius impuri fontis venenum, in patriam vnà cum libris istius hæresiarchæ, alacres detulerunt: & communicatis rebus nouis cum Ioanne Hussò flagitioso sacerdote, totam gen-

*Hier. Prag.
Ioannes Hus.*

tem Bohemicam insanabili vulnere percusserunt, denique conculcata sacra Eucharistia, & mimicis actionibus irrisa, & ludibrio exposita, resistentes duodecim doctores doctrina & sanctitate celebres in fornace calcis ardentis suffocauerunt, & in cæteros catholicos grauissimè saeuierunt. Tandem colligente se Ecclesia in Concilio Constantien. memoria Vvicleffi iam mortui damnatur, & explorata eius impenitentia ossa illius exhumata cremantur, & art. eius 47. quorum tres primi sunt contra realem Christi præsentiam in Eucharistia, anathemate feriuntur, viui exuruntur Hussus, & Hieronymus. quo exemplo catholici principes omnes, Sacramentarium furorem sanctissimis legibus, & exquisitis suppliciis represserunt. Martinus vero totius Ecclesiæ consensu ad tollendum schisma electus, eorundem articulorum condemnationem ratam esse voluit. His hæreticis restiterunt plurimi viri doctrina præstantes, sed longè omnibus in hac palæstra excellens Thomas Vvalden. impugnato tribus voluminibus tam potenter Vvicleffo, vt nihil desiderari possit. Scripserunt etiam hac ætate ad defensionem communis fidei Græci, Nicolaus Methonen. Germanus Constantinopolit. Nicolaus Cabasilas: Marcus Ephesius, doctissimus Beslaris, etiam tum cum Græci infelici schismate à nostris separati essent: sed tandem vnitis & consentientibus Græcis & Latinis in Concilio Florentino, fides catholica de præsentia Christi in Eucharistia, confirmata est. accefferunt sententiæ Academicarum, & Prouincialium Conciliorum.

14 Quare cum centum & amplius annis, hæresis aduersa inter Hussitas tantum delitesceret in Bohemia, tandem nostra ætate Andreas Carolstadius Germanus, impius & insanus homo, eandem excitauit anno Domini, 1522. eū secuti sunt Ioannes Oecolapadius Brigittanus apostata, Vdalricus, Zuinglius, Martinus Bucerus apostata Dominicanus, Petrus martyr, ex canonico regulari irregularis apostata Italus, Philippus Melancthon Germanus, Ioannes Calvinus Picardus, Theodorus Beza Burgundus: multos eiusdem erroris spiritui subiectos, quibus se adiungerunt Anabaptistæ, Trinitarij, Athei, omnesque multarum gentium facinorosi homines,

*Sacramentarij
recentiores.*

mines, præter adulescentulorum & grammaticulorum turbam ingentem. His vero se opposuerunt non tantum Academicæ vniuersitates, Italiæ, Hispaniæ, Germaniæ, & Galliæ, sed etiam doctissimi homines Ekius, Cochleus, Pighius, Ruardus, & alij, atque his omnibus eruditione & sanctitate longè præstans Roffensis Martyr, cuius diuinum contra Oecolampadium, de corpore & sanguine Domini opus ipsi hæretici pertimescunt: sed etiam Concilia prouincialia, Senense, Coloniense, Treurense, Moguntinum, Augustanum, & alia plurima, & tandem generale Concilium Tridentinum, quo nullum vnumquod fuit sanctius, doctius & vberius, editis grauissimis decretis de sacra Eucharistia, session. 13. & 22. præcesserant etiam alia similia, cap. firmiter de Summ. Trinit. cap. ad abolendam de hæret. & Clement. vnica de reliquiis & venerat. sanct. Patrum etiam testimonia plurima referuntur, de consecra. d. 2. vt autem hæc omnia veram Christi in Eucharistia præsentiam confirmant, sic omnes Sacramentarij, quibuscunque verbis ludant, sentiunt corpus Christi & sanguinem non esse in hoc sacramento, adeò vt non puduerit Bezam in celebri colloquio Possiaco exclamare, Christum tam longè abesse ab Eucharistia, quam longè abest cælum à terra.

*Calvinus de exi
stentia Christi
in hoc sacramen
to.*

15 Sed in hac impietate defendenda, omnes suos facile superat Calvinus: alij enim hoc sacramentum figuram, symbolum aut signum tantum Christi esse dicunt: Calvino hæc omnia putida videntur, & ab ipso noua finguntur. iam inquit Eucharistia est pignus, est instrumentum, energia, vis & substantia corporis: est confirmatio diuinorum promissionum in corpore, est veritas coniuncta signo per fidem, est signaculum eorum beneficiorum, quæ nobis ex Christi corpore proueniunt. Primus etiam hanc viam inuenit, vt substantia panis præsens, & corpus Christi absens, fiant vnum symbolum mirificè per fidem coniuncta. docet fidem posse rem quamlibet longissime absentem, re ipsa præsentem sistere, vt fide & in cælum & in corpus Christi per hoc sacramentum te transferas. hinc fictitiæ existentiae consentaneam manducationem exprimit: vt nihil aliud sit manducare, quam pendere ex ore concionatoris explicantis cœnæ institutionem, pas-

ci corpore Christi per fidem, fide, spiritu, mente haurire gratiam ex corpore Christi, corpus Christi esse alimentum animæ, non corporis, sacramentum spiritui, non corpore manducari: & huius generis infinitis verborum præstigiis suos mirificè ludificatur; catholicos vocans crassos comestores, anthropomorphitas, literales magistros: reliquos vero Sacramentarios, vt nimis humiliter de sacramento sentiētes præ se contemnit, adeò vt audeat iactare suam sententiam & explicationem verborum Domini, tam esse excelsam & miraculi plenam, vt sua difficultate omnem captum humanum excellat.

16 Lutherani in Sacramentariis non numerantur, quia concedūt realē Christi præsentiam saltem in sumptione Eucharistiæ, sed simul cum ipsa panis substantia, & hac ratione, in doctrina de transubstantiatione refutati sunt: quatenus verò negant Christum verè & realiter in Eucharistia existere post consecrationem, extra sumptionem, eisdem argumentis refutantur atque Sacramentarij, cum illa concludant, Christum semper in Eucharistia substantialiter existere, perfectā consecratione, quamdiu species panis & vini permanserint. Id autem Patres ex his quatuor argumentis efficiunt, ex sacrificio & immolatione ante vsum: ex asseruatione ad varias necessitates: ex delatione ad ægrotos, ad hospites pro tessera concordiæ & unitatis, ad domum vt postea, sumeretur: ex adoratione, cum omnis semper adorauerint ante vsum. Sed potissimum argumentum est, efficacia formæ huius sacramenti ante vsum, & verba Domini asserentis ante sumptionem, hoc est corpus meum, hic est sanguis meus. Nissen. in Catech. cap. 37. Trident. sess. 13. cap. 6. testimonia horum Patrum & Concilia de asseruanda Eucharistia congeffit Claud. Sanct. repet. 4. de Euchar. cap. 12. ex quibus dissoluntur aduersariorum argumenta, ex actione & vfu in Eucharistiæ institutione, ex relatione ad vsum, ex cæteris sacramentis, quæ vfu tantum perficiuntur, de quibus idē Claud. repetit. 10. cap. 2.

17 Hæc est Sacramentariorum historia, à primis temporibus ad nostra, deducta: quæ satis arguit & demonstrat impietatem huius erroris, cui nempè ab vniuersis catholicis tam accerrimè semper repugna-

*Historia Eccle-
siastica de ha-
resibus vtilitas*

Comment.in D.Tho.tert.part.

rum fit. Vnde ita concludet veritatis catholica studiosus: omnis in religione sententia, quæ cum primum nata & audita est, notatur & refutatur ab his, qui in pace Ecclesiæ eodem tempore viuunt: certissime est erronea in fide: huiusmodi autem semper fuit sententia contra veram corporis Christi præsentiam in Eucharistia: est igitur erronea in fide. Ratio maioris propositionis est, quia si fuisset vera, non fuisset noua, si fuisset communis non excitasset admirationem, si autem vetus, nemo se illi opposuisset consentiente Ecclesia catholica. Huic rationi coniuncta debet esse obseruatio & nōminatio personarum & temporum, in quibus communi sententia aduersa, exorta sunt. Ad hoc examen exigit Irenæus Valentinum & Cerdonē, lib. 3. cap. 4. Epiphanius Aerium in Anacephal. Tertulianus atque Vincentius Lyren. omnes hæreticos in libris, quos aduersus eosdem ediderunt.

Quæstio de præsentia Christi in hoc sacramento: an existat in eo realiter & substantialiter?

Argumenta pro reali Christi præsentia in Eucharistia.

Primum ex verbis Domini.

I Sed tempus est, vt propius accedamus ad confirmandam realem & substantialem Christi præsentiam in Eucharistia: primum autem & firmissimum argumentum, ex præcedenti doctrina de proprietate verborum Domini & transubstantiatione concludamus. Christus in vltima cœna asseruit esse corpus & sanguinem suum in hoc sacramento propriè, & ea verba, vt ex scriptura & Patribus colligimus, habent vim transubstantiandi panem in corpus Christi, & vinum in sanguinem ex vi verborum, & ratione concomitantia, à corpore & sanguine post resurrectionem anima nullo modo separari potest, neque ab his omnibus diuinitas ab incarnatione vmquam separata est: existit igitur sub alterutra specie post consecrationem totus Christus verè & substantialiter. Hoc autem argumentum, quia ex verbo Dei expresso deducitur, maximum pondus apud catholicos habere debet. testimonia verò Patrum simplicis asseuerationis, etiamsi per se obuia sint, quoniam tamen eadem facilitate, qua scripturæ, & maiori audacia, figurarum causatione

peruertuntur ab aduersariis, hyperbolem etiam verbis apertissime asserentibus realem Christi præsentiam affigentibus, rationes ex eisdem Patribus, & ex antiqua Ecclesiæ praxi, accuratè concludam.

2 Sit ergo secundum argumentum pro eadem reali existentia, contra figuratiuam præsentiam aut in signo, vt aduersarij affirmant. Præsentia figuratiua aut in signo nullum prorsus requirit miraculum, nec talis est, vt propter eam res vna cum stupore & admiratione dicatur esse in diuersis locis, non est tanta, vt cum admiratione asseratur idem se portare, comedere, offerre, aut quicquam simile: sed hæc omnia dicuntur de Christi præsentia in hoc sacramento: non est ergo figuratiua aut in signo, sed realis & substantialis. Idem efficitur, si comparemus præsentiam Christi in hoc sacramento, ad præsentiam naturalem in cælo vel in terra: vnde concludatur simul in pluribus locis esse, & idem corpus integrum in variis altaribus, siue eodem, siue diuersis temporibus: de his omnibus sunt plura sanctorum testimonia. Chrysost. lib. 3. de sacerdotio, o miraculum, inquit, qui cum Christo sursum sedet, eodem temporis articulo omnium manibus pertractatur. idem hom. 2. ad pop. Antioch. & homil. de diuitiis & paupertate. Bernar. serm. de cœna Domini, de existentia in pluribus altaribus, Chrysost. 1. Cor. homil. 24. in episto. ad Hebr. homil. 17. his verbis, in multis locis offertur, non plures Christi, sed vnus vbique Christus, hic & illic plenus existens, vnum corpus, & non multa corpora. Eadem omnino Ambros. ad cap. 10. Hebr. & Primasius horum penè æqualis. Ex hac reali existentia Christi in hoc sacramento concludit D. Aug. Cóc. 1. ad titulum Psalm. 33. verum esse, quod legebat iuxta septuaginta, ferebatur in manibus suis, quando commendans ipsum corpus suum, ait, hoc est corpus meum, quod solum fideles nosse ait, Cóc. 2. quod si hæc existentia esset in signo tantum, inanis esset & superuacanea hæc Augustini inquisitio, cum nemo sit omnium, qui non possit sui corporis memoriale signum portare. eadem ratione verè dicitur Christus sanguinem suum bibisse, Chrysost. hom. 83. in Matth. & D. Hieron. ad q. 2. Hedibic Dominus, inquit, Iesus ipse conuiua & conuiuium, ipse comedens & qui comeditur,

Secundum. ex miraculis, quæ ad existentiam Christi realem in Eucharistia necessario adiunguntur.

ditur, & Nyssen oratione. 1. in diem 3. Paschæ. Idem etiam confirmat summum miraculum, quod in manducatione sacramenti contingit. Christus enim in hoc sacramento sumptus non consumitur, non digeritur, non egeritur, non imminuitur, diuiditur aut corrumpitur. Sic D. Andreas ad crucem ductus dixisse fertur, immaculatum agnum in altari offero, cuius carnem postquam omnis populus credentium manducauerit, agnus integer perseverat & vitus. Unde D. Cyprian. de cœna Domini appellat cibum inconsumptibilem, quo utique consumpto, inquit, interiret omnis religio. & infra, nulla panem hunc multitudo consummit, nulla antiquitate veterascit. Idem ex Augustino refert Beda, 1. Corinth. 10. siue sumatur Christus in toto sacramento, siue in quavis particula, & Emissen. homil. 5. de Pascha. Cyril. Hierosoly. mystag. 5. panis, inquit, hic non in ventrem descendit, aut in secessum mittitur, sed per te totum ad corporis & animæ utilitatem distribuitur. Ad idem pertinent omnia loca, in quibus comparatur Christus. existens in sacramento, ad species panis & vini, aut ad sensum nostrum, aut ad existentiā, quam habet in cœlo, de quo refert Beda pluri- ma ex Augustino cap. citato, qui de eodē disserit. lib. 3. de Trinitat. cap. 10. D. Epiphani. in anchorato, Chrysosto. homil. 83. in Matth. Ambros. lib. 4. de sacramentis, cap. 4. de consecrat. distin. 2. cap. omnia, Cyrillus referente D. Thoma in Cate- na, Lucæ, 22. Theophil. Marc. 14. Omnis igitur hæc veterum disputatio de propria Christi & aliena specie, de causis tunc se in sacramento occultauerit, de quæ dubitatione aut desiderio plebis eum visibiliter conspiciendi, vanissima esset, si non aliam quā figuratiuam præsentiam aut in signo intelligerent: quare certum est realem & substantialem intellexisse.

*Tertium, ex hypo-
statica natura
vari Christi in
hoc sacramento
existentia.*

4 Tertium argumentum sit, ex hypo- statica naturarum Christi subsistentia in Eucharistia, hoc modo conclusum. existit in hoc sacramento caro & corpus Christi viuificum, ex coniuncta sibi hypostaticè diuinitate: existit igitur Christus realiter & substantialiter, & non figuratè & in signo tantum. antecedens deduci po-

test: ex variis Patrum testimoniis, Conci- lium Ephesinum in Episto. synodica ad Nestorium, damnat eum, quod diceret, sanctificatam tantum puri hominis com- munem carnem esse in Eucharistia, & non carnem ipsius Dei, quia aliter non esset viuifica, nec sanguis eius esset Christi Redemptoris. Theodoretus dialogo, 2. docet, in Eucharistia ipsam personā Chri- sti duplici natura constantem existere. Idem confirmat ex D. Ignatio, dialogo 3. Theophil. ad cap. 6. Ioannis, Cyrillus lib. de fide ad Theodosium, lib. de recta fi- de ad reginas, lib. 4. in Ioann. cap. 15. Hil- lar. lib. 8. de Trinitat. verè inquit, verbum caro factum est, & nos verè carnem ver- bam cibo Dominico sumimus. idem con- firmant nomina verè hypostatica, qui- bus Christus præsens in hoc sacramento exprimitur, cum non possint ad figura- lem existentiam, & in signo tantum acco- modari. Bernardo dicitur præsens sponsus Ecclesiæ: Chrysostomo, Christus crucifi- xus, sursum sedes, quod summum est, Do- minus, re deceptor, sanctus sanctorum: Au- gustino ipse Iesus, pretium nostrum, is qui deleuit chirographum decreti, pec- cus, ouis noui testamenti: Cyrillo Em- manuel, verbum caro factum: Cypria- no sanctum Domini, sanctum Dei no- stri: Basilio agnus Dei: toti denique Ec- clesiæ Deus & homo est in hoc sacramen- to. Quædam etiam corpori & sanguini Domini ab antiquitate in hoc sacramen- to attribuuntur, quæ nullo modo conueni- re possunt nisi existentia Christi reali & substantiali, Optatus lib. 6. inquit, altare est sedes corporis Domini, calices porta- tores sanguinis. Ambrosio in oratione de- fat. corpus Christi inuoluitur in orario, id est, stola: Hieronymo ad Rusticum, cor- pus est in vimineo canistro, sanguis por- tatur in vitro: Cypriano de lap. iacet in arca, contrectatur manibus, concluditur puellæ visceribus: toti denique Ecclē- siæ seruatur in pixide. ex quibus planè in- telligitur, Patres non aliam Christi præsen- tiam in Eucharistia agnouisse, quā verā realem & substantialem.

5 Quartum argumentum sit, ex omni- potentia Dei, quæ in existentia Christi in hoc sacramento à Patribus obseruatur. Si enim ad existentiam Christi in hoc sa-

*Quartum, ex
omnipotentia
Dei, quæ in hoc
sacramento de-
prehenditur.*

Comment.in D.Tho.tert.part.

ramento, necessaria est Dei omnipotentia, certè non est in signo tantum, ad quã non indigemus Dei omnipotentia. Sic D. Ambros. cap. 9. de his qui myst. init. adducit maxima quæque miracula veteris & noui testamenti, vt conuincat, Christum omnipotentia sua potuisse verè secundum rem se nobis præsentem sistere. D. Iustin. in 2. Apolog. comparat hoc miraculum incarnationi, quod vtrunque fit ab eodem verbo Dei effectum. Cyrillus Hierosolym. mystag. 3. aquam, inquit, aliquando mutauit in vinum, quod est sanguini propinquum, & non erit dignum, cui credamus, quod vinum in sanguinem mutauerit? Cyprianus de cœna ait, ineffabiliter infundi diuinam essentiam, & omnipotentia verbi factam carnem proficitur. Vnde Chrysost. homil. 83. in Matth. inquit non esse virtutis humanæ hæc opera, quæ Christus in cœna fecit. Sed optimè diuus Irenæus, lib. 4. cap. 34. probat contra Valentinum, quod Deus creator mundi, fit Pater Christi, hoc ipso fundamento, quod Christus fecerit carnem suam ex pane, quomodo, inquit, constabit eis Valentini sectatoribus, illum panem, in quo gratiæ actæ sunt, esse carnem Domini sui, si non ipsum fabricatoris mundi filium dicant, id est, verbum eius per quod lignum fructificat, & defluunt fontes. Multa de hac re Emisenus, homil. 5. de Pascha, & Damascenus, lib. 4. de fide, cap. 14. Ad idem argumentum plurimum valet, quod Patres admonent, tantum miraculum sola fide percipi posse, non sensus aut intelligentiæ nostræ facultate. Itaque maximè laborant, vt omnes hic suis sensibus diffidant, soli Christo affirmanti fidant, omnem incredulitatem longè amoueant, omnem dubitationem circa mysteria prorsus abiciant: sæpe inculcant longè abesse ab obedientia & professione Christianorum, perspicuam Domini asseuerationem ambiguum facere, vel aliorum trahere, quam ipse dixit. Quæ omnia Cyrill. mystag. 4. vno penè verbo complectitur, cum ait, quamuis sensus tibi suggerat panem, tamen corpus est secundum ipsius verba: fides te confirmet, ex sensu ne iudices: nulla tibi post Domini verba subeat dubitatio. Epiphanius in Ancorato, qui non credit esse verum,

sicut dixit, is excidit à gratia & salute. Chrysost. homil. 83. in Matth. credamus vbi que Deo, nec repugnemus ei, etiam si cogitationi absurdum esse videatur, superetque & sensum & rationem. Nam verbis eius defraudari non possumus, nec falsa esse possunt: at sensus deceptus est facillimus. Hilarius, lib. 8. de Trinitat. sic Dominus ait, caro mea verè est esca, & sanguis meus verè est potus: de veritate ergo carnis & sanguinis non est relictus ambigendi locus. Ipsius enim Domini professione, & fide nostra verè caro est & sanguis. an hæc veritas est? contingat planè iis verum non esse, qui I. E. S. V. M. Christum verum Deum esse negant. Eadem sententia est in D. Aug. sermo. 2. de verb. Apost. in D. Leone, sermo. 6. de ieiunio septimi mensis, in D. Cyrill. Alexand. lib. 4. in Ioann. cap. 13. in Damasc. lib. 4. cap. 14.

6 Quintum argumentum est præcedenti de omnipotentia valde coniunctum, ex miraculis, quæ ad huius rei confirmationem Deus variis Ecclesiæ temporibus operatus est: iis præsertim, quibus de reali Christi præsentia in Eucharistia dubitatum est, antiquissima primum & pauca referam, deinde recentiora. Apud Cyprianum sermo. 5. de lapsis sacra sanguis de ore infantis & visceribus gentilicis sacrificiis pollutis mirabiliter erumpit: maiorem natu puellam ad furorem & mortem adigit: alteri indignè accedenti hostia mirabiliter inflammatur: alteri propter simile scelus vertitur in cinerem. Apud Petrum Diaconum in vita Gregorij Magni, dubitanti sceminæ mutatur in lapidem, ipso Gregorio administrante. idem accidit mulieri sectæ Macedoniæ sub Chrysostomo, vt refert Sozom. lib. 8. capite 5. & Nicephor. lib. 13. cap. 7. histor. Ecclesiast. apud Ambrosium, fit Satyro fratri in sacra hostia collo appensa salutare miraculum. Apud Prosperi. lib. 4. prædicti. cap. 6. perceptus sacer sanguis puellam immundo spiritu liberat. posteriora miracula, quæ post contrariam hæresim in Ecclesia exortam, & populi maiorem dubitationem, à Deo ostensa sunt, longum esset enarrare. referuntur à Paschasio, cap. 14. lib. de corpor. & sanguine Domini, à Guitmundo, lib. 3. Algero lib. 1. cap.

Quintum argumentum ex miraculis realem Christi in Eucharistia præsentiam confirmantibus.

In hoc sacramēto fides & verbo Dei, nō ratio nō sensus humani aut sensus fi-

ad hoc, multo tē

cap. 13. ubi refert miracula, quibus Berengarius conuictus est. Illustria etiam fuerunt miracula tempore Vvicleffi, ex quibus Vvaldens. tomo. 2. cap. 63. vnum hoc refert. Quidam Vvicleffi sectator, coram regni cancellario, iubetur suam fidem de Eucharistia profiteri, pariterque adorare: respondente autem blasphemo, vere dignior est aranea reuereri, statim de alto culmine tecti descendens ingens & horrida visu aranea, ad os blasphemi directo filo peruenit, & ut intraret per polluta labia mirum in modum laborauit, & multorum manibus vix potuit prohiberi.

Sextum ex complemento figurarum & dignitate Eucharistiae.

7. Sextum argumentum est ex comparatione huius sacramenti, vel ad præcedentes de eo in veteri testamento figuras, vel ad reliqua noui testamenti sacramenta. Si enim Christus non sit in Eucharistia, nisi ut in signo, figuræ non fuissent veritate inferiores; manna non minoris efficaciam, quam panis, quem dedit Dominus, contra quam ipse asserit Ioann. 6. panis Heliae fortior cibo Christi, esca Moyse non minus vera, quam panis Patris celestis, quod scripturis & Patribus planè repugnat. Deinde nulla esset causa, cur Eucharistia diceretur sanguinis & corporis sacramentum, & non alia noui testamenti sacramenta, cum omnia vim & virtutem passionis corporis & sanguinis Domini representent, ut illius signa instrumentalia: nullus autem Euangelista, Concilium aut Theologus, aliquod ex aliis sacramentum corpus & sanguinem Domini vocauit, aut sumendo aliud sacramentum, dicitur bibere sanguinem aut crucifixum, ut loquitur D. August. in Psalm. 33. vnde D. Thom. lib. 4. contra Gent. cap. 61. rationem reddit, cur Eucharistia ex omnibus sacramentis vere sit & vocetur corpus Domini: quia neque aliter generans generato, aliter nutrimentum nutrito coniungitur: generans virtute & similitudine, nutrimentum substantia: illo modo coniungitur nobis Christus in baptismo, hoc autem modo, in Eucharistia.

Septimum argumentum ex adiunctis & consequentibus.

8. Septimum argumentum, ex variis adiunctis, & consequentibus necessario realem Christi præsentiam in Eucharistia, cuiusmodi sunt, realis Christi existentia in altari post consecrationem, extra omnem

usum & sumptionem: grauitas peccati indignæ sumptionis, de qua Chrysost. homil. 83. in Matth. & 45. in Ioan. Hefych. lib. 6. in Leuit. cap. 26. Ambro. ad Ro. cap. Hebr. Orig. in Psalm. 37. Basil. cap. vlti. de baptismo, Hiero. contra Iovinian. lib. 2. & in cap. 1. Malach. Cyprian. lib. 3. epist. 15. idem confirmat illa vera sententia, quod mali accipiant etiam corpus Christi, de qua D. August. lib. 2. contra Iulian. Petilian. cap. 47. & epist. 162. & lib. 1. contra Crescon. cap. 25. & post collationem, cap. 7. huc etiam pertinet catholica de sacrificio nostro sententia, cuius ratio soli vero corpori Christi in nouo test. attribui potest, ut suo loco plenius ostendatur. Pertinet etiam antithesis veteris & noui testamenti, quod in illo potus sanguinis prohibetur, in hoc præcipitur, ut inquit Cyprianus de cena Domini, & D. August. epist. 88. ad Casulan.

9. Octauum & vltimum argumentum, habet vtilem & pernecessariam summe rei doctrinam de admirabili effectu huius sacramenti, in corpus & animam hominis, qui percepta dignè Eucharistia, non solum spiritu, affectuque animi, Christo mirabiliter coniungitur, sed etiam corpori Christi, suo corpore, vere & realiter vnitur & coniungitur, non quidem hypostatica vnione, aut cõfusione vtriusque corporis, sed reali contactu, ut vere caro Christi nostræ carni secundum rem coniungatur, & ea ratione omnes qui hoc sacramentum percipiunt, propter hoc tertium, cui coniunguntur, vnum corpus esse dicantur.

Octauum ex cõiunctione reali corporis Christi cum nostra carne per contactum.

Quæstio, an Christus sumentibus hoc sacramentum reipsa coniungatur.

1. Sed ut hoc argumentum apertius & exactius concludatur, explicare oportet, quæ nã sit hæc corporis Christi & nostri per Eucharistiae sumptionem vera & realis coniunctio, distincta ab spiritali, quæ fit per gratiam infusam virtute huius sacramenti. Primum igitur animaduertatur tria esse corporum genera, vnum quod vno spiritu & forma cõtinetur, ut sunt omnia naturalia & continua, vnde vocatur. 1. Alterum est quod ex

Substantiarum vno, & corporum multiplex.

ἡ νομενον.

Comment. in D. Th. tert. part.

συνημένον.

Arist. 5. lib. met. c. 6. Sen. lib. 17. ep. 2. Plut. lib. de cō- nub. praeceptis, i. veris mix- tura D. de usu capion. l. 24. s. item ea D. de rei vend.

se contingentibus & coherentibus con- stat & ipsa iunctura sunt & dicuntur vnū, vnde Græcè dicitur, vt ædificium, nauis. tertium est quod ex distantibus & solutis componitur, officio tamen & iure cohæ- rentibus, vt populus, legio, senatus, grex. Hec igitur tria vnum dicuntur, sed primū perse est vnū, quia partes coalescūt & cō- ueniunt in vnam naturam, reliqua quodā modo sunt vnum, quia aliquid vnum vel habent, vel agunt & patiuntur, vel ad ali- quid vnum pertinet. Ad huius distinctio- nis similitudinē in Theologia plures per- sonæ dicuntur vnum, ex consubstantiali- tate & vnitatē substantiæ, & duæ naturæ vnum in persona filij Dei, per incarnatio- nem: nos verò sumentes Christum sacra- mentaliter efficimur vnū cohærentia & cōnexionē reali carnis, vel vtriusq; corpo- ris contactu, quamuis mediis accidenti- bus sacramentalibus, sine confusione ta- men nostræ substantiæ cū Christi substan- tia, & sine assumptionē nostræ naturæ ad personā & hypostasim verbi Dei. effici- mur etiam vnum cum Christo dignè su- mentes Eucharistiam ad similitudinem eius, quod vnū tertio modo. esse diximus per infusionem gratiæ. primò modo ef- ficimur vnum cum Christo, vt homo est, reali coniunctione & contactu substan- tiarum: secundo verò modo efficimur vnum spiritualiter.

Patrum testi- monia infra no- tātur.

Idcirco Patres illam vnionem vocāt corporale, naturalem, substantialem, car- nalem, quia fit inuicem coherentibus cor- poribus, naturis, substantiis, & vtraq; car- ne, Christi, scilicet & nostræ: alteram verò vnionē vocant spiritualement, per habitudi- nem & concordiam affectuum, animo- rum, voluntatum, non autem substantia- rū. Ex priori dicunt nos concorporeos & consanguineos, & commistos cum carne Christi: ex posteriori affirmāt nos consti- tuere mysticum Christi & Ecclesiæ cor- pus, cum autem vsurpant commissionē, non intelligunt propriē confusionē Chri- sti & nostræ carnis in tertiam aliquam, quia hoc impium est, cū caro Christi post resurrectionem sit omnino impassi- bilis, Rom. 6. sed intelligūt veram & rea- lem vtriusque carnis coniunctionem & cohærentiam, mediis tantum accidenti- bus sacramentalibus. Sic etiam incarna- tio dicitur aliquādo à D. Augustino com-

mistio, & à Græcis, vt constat ex Damas- ceno, lib. 4. de fide. cap. 19. cum tamen negent esse confusionem naturarum, & affirmant tantum esse vnionem hyposta- ticam & personalem.

μίσξις & ἁρμό- σις.

In hunc sensum accipiendæ sunt simi- litudines Patrum, explicantes eandem vtriusque carnis coniunctionem per Eu- charistiæ manducationem. Prima est D. Cyrilli ex cera liquefacta, quæ alteri ce- ræ liquefactæ permiscetur. Altera est Nysseni Chrysostomi, Cyrilli, ex ferme- to, quod farinæ prius commiscetur, vt illi vim suam impertiat. Tertia est sanctæ scri- pturæ, & à Patribus repetita, de coniun- ctione maris & sceminæ, quatenus prodit vna caro. Quarta est Cypriani & Nysseni ex antidoto & malagmate, quo inuetera- tus morbus curatur. Sic enim morbus no- stræ carnis inueteratus, malagmate car- nis Christi pellitur.

Similitudines reals vnionis Eucharisticæ.

His igitur positis, secundum rectam fidem asserendum est, per dignam Eucha- ristie sumptionem non tantum nos Christo coniungi spiritualiter per gratiā, sed etiam corporaliter, per realem con- tactum & cohærentiam carnis Christi cum nostra, qui propriè dici potest realis contactus & viuificus. Prima p. de vnione spirituali per gratiam spirituale infusam, nullam admittit dubitationem, vel apud hæreticos, vel apud catholicos: vnde effe- ctus proprius huius sacramenti, est gratia vnionis, id est, quæ nos vnū gratiæ infusio- ne cum Christo efficit, vt constabit aper- tius infra in doctrina de effectibus huius sacramenti. Altera vero p. de corporali contactu & viuifico explicanda est: ex confessione catholica Berengarij, quæ re- fertur de consecr. d. 2. cap. ego Berenga- rius, quatenus inquit, à sumentibus hoc sa- cramentum corpus & carnem Christi at- trectari, tangi, atteri, frangi, per aliena pa- nis & vini accidentia sensibilibiter, vt substā- tia naturalis per propria accidentia. qua- re vt contactu, substantia substantiæ cohæ- ret, & coniungitur, lic etiam caro & san- guis Christi sacramentaliter sumptus, no- stræ carni cohæret & coniungitur, nec aliter tactus carnis cum carne potest es- se. Itaque hic contactus non est conuer- sio aut mutatio vnus carnis in alteram: neque est vnio nostræ carnis, quæ termi- netur ad substantiam verbi diuini: sed tantum

Sententia catho- lica, de cōtactu carnis Christi & nostræ per Eucharistiam dignè sumptiæ.

Explicatio sen- tentiæ.

tantum viuificans carnis Christi coheren-
tia & coniunctio cū nostra carne, quæ vi-
uificatur. cū enim caro Christi post resur-
rectionem sit impassibilis, vt colligitur ex
c. 6. Rom. & humana natura verbo Dei
vnita, sit singularis, fieri non potest, vt hic
contactus sit per aliquam mutationē car-
nis Christi, vel per nouā vnionē personā-
lē cū verbo Dei. sed quia indigni & pec-
catores sumunt etiam realiter & substan-
tialiter carnem Christi in Eucharistia, at-
trectant & tangunt: & hic contactus, de
quo agimus, tantum conuenit dignē Eu-
charistiam sumētibus, ideo viuificus à no-
bis appellatus, nempe per quem efficitur
vt caro nostra promptē obediēs spiritui,
carni Christi persimilis efficiatur, & ad
immortalem vitam resurgere possit, quæ
sunt duo effecta huius viuifici contactus.
Sensus igitur sententiæ propositi est,
nos copulari, atque corporaliter Christi
carni coniungi quomodo duo distincta
corpora maris & fœminæ; permanentia
in sua indiuidua natura & hypostasi di-
stincta, propter intimam mixtionem &
contactum ad generationem vnus pro-
lis, dicuntur vnum & idem corpus: aut
quomodo ferrum & stannum in vnā
massam coacta, vel ligna diuersa clauis
coniuncta, & similia, propter firmam ex
contactu contiguitatem, vnum esse dicū-
tur: aut qualis inter infantem & nutricē,
dum ita ille hanc attingit corporaliter, vt
eius natiuo & interno humore nutriatur,
est societas & coniunctio. sed corporum
humanorum ad sobolem procreandam
intimo naturæ voluntatisque vinculo
initus contactus atque coniunctio est pla-
nē simillima; vt statim apertius cōstabit;
nisi quod nostra hæc Eucharistica cum
Christo copulatio tanto arctior est, & na-
turæ magis intima, quanto maior existit
vnio cibi & eo vrescentis; quam eorum,
qui procreationis causa commiscuntur.
Vnde Cypria. de cœna Domini, hæc, in-
quit, coniunctio seu vnitas per Eucharis-
tiam, non quidem vsquē ad consubstan-
tialitatem Christi, sed tamē vsquē ad ger-
manissimam quandam societatem perue-
nit. Hanc igitur sententiam sic explicatā,
veteres Patres dogma fidēi censent esse,
aded vt D. Cyrill. lib. 10. in Ioan. c. 13. alie-
num à fide existimet contrā sentientem,
& Hilar. lib. 8. de Trin. in atheis numeret.

6 Confirmatur autē primū ex sancta
scriptura, Ephes. 5. viri diligite vxores vō-
stras, sicut Christus dilexit Ecclesiā, & tra-
didit semetipsum pro ea. viri debēt dilige-
re vxores suas vt corpōra sua: nemo vni-
quā carnem suam odio habuit, sed eam
fouet & nutrit, sicut & Christus Ecclesiā,
quia mēbra sumus corporis eius, de carne
eius & ossibus eius; propter hoc relinquet
homo patrē & matrem suā, & adherēbit
uxori suæ, & erunt duo in carne vna. Cō-
parat Apostolus coniugiū Christi & Ec-
clesiæ, Adami & Eux primo matrimonio,
aut cuicumque alteri, quatenus in eo sit
vna caro per cōmisionē. Adami autē &
Eux fuit præterea vna caro origine, quia
ex carne Adami, Eux caro formata est. Sic
igitur ad reformationem & instauratio-
nē carnis nostræ, oportet nos carni Chri-
sti coniūgi, vt efficiamur vna caro secun-
dū contactum, & ex contactu ad simili-
tudinē carnis Christi reformata nostra
carne. sic veteres Patres, præsertim Irenæ,
necessarium esse concludunt, carnis Chri-
sti cū nostra contactum, quod nisi per di-
gnam Eucharistiæ sumptionem fieri ne-
quit, vt ad immortalē vitam vegetemur.

7 Vnde constat non conuenire propo-
sito D. Pauli explicationem de matrimo-
nio sola fide & consensu contracto, vt in-
de concludatur nos similiter vnum effici
cū Christo sola vnione spiritali: quia ca-
ro & ossa, quorū coniūctionē D. Paulus
proponit, non possunt de matrimonio, so-
la promissione & consensu, contracto, in-
telligi; per hanc enim promissionē vt scri-
ptum est, 1. Cor. 7. mulier sui corporis po-
testatem non habet, sed vir: & ideo ante
consummatū matrimonium potestate tā-
tum est vnū corpus & vna caro: in cōsum-
matione verò, actu & re ipsa, quomodo D.
Paulus loquitur, vt similiter Christi & Ec-
clesiæ consummatum & perfectum ma-
trimonium intelligatur: recedat procul
omnis turpitudine & inhonestas ab hū-
iusmodi comparatione, & remaneat
sola vnitatis carnis per contactum cō-
sideratio, vt à diuo Paulo proponitur.
quod si quis contendat, D. Paulum lo-
qui de vnitāte matrimonij, quæ fit per cō-
sensum: & ideo ex ea similitudine tantū
cōcludi vnitātē spiritus per Eucharistiā,
non autē per corporum contactum: is ha-
bet sibi repugnantem eundem Paulum,

Confirmatio en-
scriptura.

Christi & Ec-
clsiæ perfectum
& consumma-
tum matrimo-
nium per dignā
Eucharistiæ sū-
ptionem.

Vnio matrimo-
nij persimilis
vniōis Eucha-
risticæ.

Commen.in D.Tho.tert. part.

1. Corinth. 6. vbi ostendit vnam carnem fieri ex duobus in coniunctione, vbi non est legitima illa potestas per consensum, propter corporum permutationem, ostendens etiam scortatorem fieri membrum meretricis, & vnum cum ea corpus, propter eadem realem commixtionem. hæc igitur est coniunctissima vnio, quæ efficit, vt Ecclesia dicatur corpus Christi, sponsa Christi, & nos membra corporis eius, de carne eius & de ossibus eius, & ideo signum eius accommodatissimum est coniugium.

8 De eadem arctissima vnione, est illud, 1. Corinth. 10. calix benedictionis cui benedicimus, nonne communicatio sanguinis Christi est? & panis quem frangimus, nonne participatio corporis Christi est? quoniam vnus panis, vnum corpus, multi sumus omnes, qui de vno pane participamus. cuius loci in hunc sensum præclarissimus est commentarius peruetusti scriptoris Haimonis. & quidem panis nomine carnem Christi sub figura panis intelligi antecedentia de calice & sanguine euincunt. de pane enim comuni solum dici posset, quod nos efficit vnum specie, id vero mirabile & insolitum non esset, vt D. Paulus concludere voluit: loquitur ergo de carne Christi, quæ vna numero existens, nos omnes in eadem connectit, & admirabilem sanctorum communionem efficit. Cyrill. lib. 4. pentabibli, referente Turriano lib. 1. pro canon. Apost. cap. 24. Ad idem valet illud 1. Corinth. 15. Sicut in Adam omnes moriuntur, ita in Christo omnes viuificabuntur. non enim quia spiritu credimus nos ex Adam propagatos, mortem contraximus; sed quia reipsa & secundum substantiam, carnem nostram de illius carne deriuamus: quare vt similitudo retineatur, non viuificamur in Christo secundum spiritum tantum, sed etiam reali contactu suæ carnis nostra caro exiit mortalitatem, & ad immortalitatem instauratur. Sic expendunt hanc similitudinem Ignatius, Cyprianus, Nyssenus, Chrysost. Cyril. Alexand. vt sicut manducatione vetiti cibi, Adam interitum sibi comparauit, & ad posteros naturali generatione transmisit, sic cibo vitali carnis Christi manducato, reuocandam esse carnem nostram ad immortalitatem: & caro quæ fuit sedes mortis, sit se-

des immortalitatis, per carnis Christi participationem.

9 In eundem sensum Patres ponderant hæc testimonia, Ioann. 6. Qui manducat meam carnem, & bibit meum sanguinem, habet vitam æternam, & ego resuscitabo eum in nouissimo die, id est corpus, quod comedet, resuscitabit eum; & amen amen dico vobis, nisi manducaueritis carnem filij hominis, & biberitis eius sanguinem, non habebitis vitam in vobis, id est in corpore vestro, inquit Cyrillus. Similiter exponunt illud Ephes. 3. gentes esse concorporales & comparticipes, & illud 2. Pet. 1. vt efficiamur diuinæ naturæ cōsortes: denique illud Ioann. 15. Ego sum vitis, vos autem palmites. Ex his verò omnibus hoc argumentum confici potest pro reali Christi præsentia in Eucharistia; cum comedimus Eucharistiam, non tantum anima spiritu Christi pascitur, sed corpus corpore Christi vescitur: ex qua manducatione per naturæ instrumenta realiter intra nos recipitur, atque substantiæ nostræ coniungitur, vt cæteri cibi, sine tamen vlla mutatione: sed hæc fieri non possunt per præsentiam figuratiuam & in signo tantum: realiter igitur & substantialiter exhibetur in Eucharistia, propositionis partes omnes, Patres excitatis testimoniis colligunt. Chrysost. hom. 45. in Ioannem, inquit Christum per corpus suum vnum fieri reipsa nobiscum, & non tantum per dilectionem, tangi à nobis, manducari, & carni suæ dentes infigi. eandem vnitatem, Cyril. lib. 10. in Ioann. cap. 13. vocat naturalem, & eam secernit ab ea, quæ fit per dilectionem. sed D. Hilarius lib. 8. de Trinitat. sublimiorem Theologiam de eadem vnione tradit, conferens eam ineffabili inmeationi aut mutæ inexistentiæ diuinarum personarum, quam nostri Theologi circinceptionem interpretantur. per hanc enim vt inquit August. lib. 6. de Trinitat. cap. vlt. & D. Tho. explicat, 1. p. q. 42. art. 5. singula existunt in singulis, & omnia in singulis, & omnia in omnibus, & vnum omnia. habet autem perichoresis hæc & distinctionem personarum; & intimam conjunctionem essentiæ: sic verò Christus Ioannis 6. tradit hanc mutuam coexistentiam ipsius & nostri per huius sacramenti manducationem, his verbis, qui manducat meam

Argumentum pro præsentia reali Christi in Eucharistia ex coniunctione reali.

περιχώρησις
σε.

meam carnem & bibit meum sanguinem, in me manet, & ego in illo. Deinde eandem intimam coniunctionem vnâ cum eius effectu, suæ & Patris communis vitæ & existentiae secundum diuinitatem ita confert, sicut misit me viuens Pater, & ego viuo propter Patrem, & qui manducat me, ipse viuet propter me.

ro Hæc considerans diuus Hilarius, Eucharisticam Christi nobiscum coniunctionem in similitudinem accepit, ad informandam aliquo modo consubstantialitatem Patris & Filij, & contra hæreticos Arrianos defendendam: vt hoc exemplo intelligas, coniunctionem, de qua agimus, adeo fuisse veteribus Patribus receptam & probatam, vt eam solidissimum fundamentum constituerint: ad maxima quæque fidei mysteria explicanda & defendenda. Concludit igitur Hilarius lib. 8. his verbis: interrogo istos, vtrum per naturæ veritatem Christus hodie in nobis sit, an per concordiam voluntatis? Si enim verè verbum caro factum est, & verè cibo Dominico verbum carnem sumimus, naturamque carnis suæ sub sacramento nobis admiscuit, tunc vnum sumus, quia & in Christo Pater, & Christus in nobis est. quisquis ergo naturaliter Patrem in Christo negabit, neget prius non naturaliter vel se in Christo, vel Christum sibi inesse. Si verè igitur sub mysterio carnem corporis sumimus, & per hoc vnum sumus, quia Pater in eo est, & ille in nobis, cum naturalis per sacramentum proprietas, sit sacramentum perfectæ vnitatis. & inferius, hæc, inquit, à nobis idcirco commemorata sunt, quia voluntatis tantum inter Patrem & Filium vnitatem hæretici mentientes, vnitatis nostræ ad Deum utebantur exemplo, quasi nobis ad Filium, & per Filium ad Patrem, voluntate tantum religionis vnitis, nulla per sacramentum carnis, naturalis communionis proprietas indulgeretur.

His verbis exprimitur admirabilis vnio & communio Christianorum inter ipsos & cum Deo, cuius vinculum & nexus est caro Christi in Eucharistia sumpta, vt per hanc manducationem, omnia nostra ad vnâ numero diuinitatem recapitulentur: sumpta enim digne Eucharistia coniungimur reipsa carni Christi, in

qua subsistit persona filij Dei, in quo est Pater, & in vtroque Spiritus sanctus: & ideo necessariò, omnibus diuinitatis personis reipsa, mediis accidentibus sacramentalibus, coniungimur. Vnde in nostram carnem admirabiles effectus deriuantur. Cum enim per incarnationem facta sit caro humana Christi viuificatrix, & non vt in nobis, morti & peccato obnoxia, cum manducata Eucharistia carnem nostram attingit, eandem instaurat ad similes vitæ immortalis proprietates, vt sit omnis caro humana vnitæ similitudinis proprietatum vna. Vnde verbum Dei assumptam ex nobis carnem reddit & exhibet nobis infinitis partibus meliorem: & quia non decuit omnem carnem in vnitatem personæ assumi à verbo Dei, per hanc assumptæ carnis cum nostra coniunctionem, reuocatur omnis caro ad obedientiam spiritus, & ad immortalem vitam, à qua peccato primi parentis deciderat, sed perfectius & vberius. Nostra enim substantia carni Christi in sancta communionem secundum contactum concorporata, vitæ diuinæ quasi quoddam semine donatur, vnde resurrectionis ac immortalitatis capax fiat: illius nimirum sancti corporis propria energia, quod propter vnitum verbum, prius ad vitam excitatum est. quod significatur illis verbis Ioann. 6. qui manducat meam carnem, & bibit meum sanguinem, habet vitam æternam, & ego resuscitabo eum in nouissimo die: hoc est, inquit Cyrillus, corpus, quod comedit, resuscitabit eum. quod amplius exponens lib. 4. in Ioann. cap. 14. & 15. & sequent. affirmat Christum vt ad hanc rem carne sua vt instrumento diuinitatis, non aliter quàm fecit in resuscitatione filie principis synagogæ, Matth. 9. aut vnici filij viduæ, Luc. 7. quos tactu corporis sui ad vitam restituit. quam disputationem his verbis concludit: quamuis propter naturam carnis corruptibiles simus, tamen participatione vitæ, ad vitæ proprietatem reformamur. oportuit enim certè, vt non solum anima per Spiritum sanctum in beatam vitam ascenderet, verum etiam vt rude atque terrefre hoc corpus, cognato sibi gustu, tactu, ac cibo, ad immortalitatem reduceretur, sic ille. Tertullianus

Effectus vni-
onis Eucharisti-
cæ.

Communio san-
ctorum admi-
rabilis inter se
& cum Deo,
per Eucharistia
manducatione.

Commen. in D. Tho. tert. part.

tul. verò lib. de resurrect. car. de eadem re aperte inquit, caro nostra corpore & sanguine Christi vescitur, vt & anima de Deo saginetur. non possunt ergo separari in mercede, hoc est resurrectione, quas opera coniungit. Hinc etiam Gregor. Nyss. in oratione Catech. magna, sapienter differit, quomodo contra illud venenum mortis, per primum peccatum in nos intimè transfusum & infixum, hoc singulare medicamentum in ipsa viscera nostra traiectum, rursus vitam immortalem donet, mortemque repellat.

72 Irenæus etiam eandem sententiam mirabili sapientia considerans, potenter conuicit veteres Saducæos, Valentinianos & alios hæreticos super carnis resurrectione ex manducata carne Christi in Eucharistia, eiusque cum nostra substantia incorporatione. Sic enim ait lib. 4. c. 34. quomodo dicunt carnem in corruptionem deuenire, & non percipere vitam, quæ à corpore Domini & sanguine alitur? ergo aut sententiam mutant, aut abstineant offerendo, quæ prædicta sunt. Nostra autem consonans est sententia Eucharistia, & Eucharistia rursus confirmat sententiam nostram. & lib. 5. non longe ab initio, quomodo carnem negant capacem esse donationis Dei, quæ est vita æterna, quæ sanguine & corpore Christi nutritur, & membrum est eius, quem admodum Apostolus ait, de carne eius, & de ossibus eius. Non enim de spiritali aliquo homine loquitur aut inuisibili, sed de eo, qui ex carne & ossibus est, qui corpore & sanguine eius nutritur ac augeatur. Dicitur autem nostra caro, Christi carne sibi cōiuncta nutriri & augeri, sine vlla mutatione, quæ carni Christi post resurrectionem omnino conuenire non potest: sicut dicitur Christus Ephes. 5. fouere & nutrire Ecclesiam. remouet itaque mutationem, & remanet perfecta nutritio & cōseruatio. Si cui autem suboriatur dubitatio de illis, qui nunquam perceperunt corpus Christi, decedunt tamen in gratia baptismali, vel in gratia per pœnitentiam, quomodo illi dicantur vnum corpus cum Christo, & quomodo resurgent ad immortalem vitam: cum tamen recta fides doceat omnes in gratia Christi decedentes ad immortalem vitam resurre-

cturos, duplex responsio adhiberi potest: vna, quòd in voto Eucharistiam percipiunt, & cum necessitas excludit realem sacramenti sumptionem, confert Deus effectum sacramenti per se sine sacramento, quia voluntas tunc pro facto habetur. cum autem gratia alterius sacramenti, sit inchoatio & via per se ad gratiam perfectam, quæ hoc sacramento confertur: quicumque in gratia decedit sine hoc sacramento, virtuale habet votum ad hoc sacramentum vt in gratia perficiatur.

13 Idem dicendum est de vi resurgendi ad immortalem vitam, quam vim diximus tribui hoc sacramento, nempe quod à Deo tribuetur cuicumque decedenti in gratia, per votum implicitum huius sacramenti, cum necessitate constringitur, ne actu sacramentum hoc percipere possit. Præterea ex scriptura potest altera responsio colligi. Triplex enim in sancta scriptura assignatur causa resurrectionis nostræ & immutationis ad immortalem vitam: prima est, potentia Dei & vox filij Dei excitantis & segregantis pios ab impiis: altera est virtus Spiritus sancti, qui nobis donatur, sicut scriptum est Romano. 8. qui suscitauit I. E. S. V. M. à mortuis, suscitabit & mortalia corpora vestra propter inhabitantem spiritum eius in vobis. Ille itaque fouet membra nostra ad immortalem vitam, & etiam sine reali manducatione corporis Christi in Eucharistia. Tertia causa est homogenea & coniuncta cum carne nostra reali contactu, & hæc tantum est caro Christi in Eucharistia manducata, hoc autem modo, huiusmodi contactus est causa nostræ resurrectionis ad immortalem & æternam vitam. Si quis præterea quærat, sit ne prior natura contactus hic realis sumpta Eucharistia, quam gratiæ habitualis & Eucharisticæ infusio: respondendum videtur esse priorem naturam vt causam: quia manducatio Eucharistiæ est causa gratiæ, vt est omnibus Theologis receptum, cum hæc sit actio sacramentalis & vsus, per quem suscipienti sacramentum gratia cōfertur: sed in ipsa manducatione est ille realis carnis Christi & nostræ contactus: ergo est prior natura ipsa gratiæ habitualis infusione.

14 Idem euincunt Patrum adducta testimonia, si accuratè expendantur, cum illum

Resurrectionis ad immortalē vitam triplex causa.

Contactus realis Eucharisticus prior naturæ quam gratiæ infusio.

Ephes. 5.

Effecta Eucharistia conferuntur dispositis, per votum sacramenti.

illum contactum affirmant, esse instrumentum effectuum ipsius Eucharistiae: omnis autem causa, & ideo instrumentum, est prior natura suo effectui. Ut enim caro Adami totum hominem inficit, propagatione vnus tantum particulæ, nempe feminis, sic caro Christi in Eucharistia, vni parti nostræ carnis & corporis digne manducantis coniuncta, totam nostram carnem afficit & reddit conformem carni Christi: hoc est, in hac vita iustitiæ instrumentum, & in futura participem vitæ immortalis cum Christo.

Contactus idem non. imp. im t corpoream qual. tem. nostra carni.

Neque verò oportet ex huiusmodi contactu carnis Christi & nostræ, qualitatem aliquam corpoream nostræ carni imprimi, quæ habeat vim reprimendi concupiscentiam, & reddendi nos participes vitæ immortalis: quia ut caro Adami sine qualitate impressa nos peccato afficit, sic caro Christi nostram contingens illis modis afficit: & sicut sacramentum est causa gratiæ sine alicuius præuiæ qualitatis impressione, ut in doctrina generali de sacramentis ostensum est, sic caro Christi, carnem nostram instaurat ad immortalitatem vitæ æternæ, sine qualitatis corporeæ impressione: ut sicut in Adam omnes moriuntur, sic in Christo omnes viuificentur. Ut autem caro Christi, interiectis accidentibus sacramentalibus, nostrâ contingit, & his effectibus exornat: sic eisdem accidentibus consumptis, omnino manet eiusdem contactus efficacia & virtus, licet non maneat contactus, quia neque caro Christi in nobis: cum huiusmodi virtus carnem nostram ad immortalem vitam restaurans; nisi per contrariū peccatum aboleri non possit.

Idem expressus est in omni genere, doctrina veterū Patrū.

15 Quare hæreticum planè est, hunc contactum corporalem & viuificatiuum nostræ carnis, per Eucharistiæ manducationem, figuratè & improprie intelligere, non autem substantialiter & reipsa: quia sumptio & manducatio carnis Christi in Eucharistia non est figurata, impropria aut in signo tantum, & hic contactus & vnio ipsa manducatione perficitur, ut supra ostensum est, quatenus manducata caro Christi, nostram mediis accidentibus sacramentalibus contingit. Hinc est quod in veteribus fidei catechismis, hæc sententia fidelibus omnibus credenda proponitur, ut constat ex Nysseni catecheti-

co maiore, ex Cyrilli Hierosol. oratione mystag. 4. quem morem recentiores Catholici secuntur, atque etiam is, qui iussu Pij quinti, editus est, ut nullum sit genus doctrinæ, in quo non sit expressa, nempe in expositione sanctæ scripturæ, in refutatione hæresum, in catechesi fidelium: quo triplici genere Patrum monumenta continentur. Idem etiam posteriores Theologi docuerunt, ut D. Thom. opus. 58. de Eucharistia, cap. 14. his verbis, manducantem se Dominus sui corporis mystici membrum facit: & sibi incorporans cum suo corpore, quod de virgine sumpsit, quodammodo vnum facit. 1. Corint. 12. vnum corpus multi sumus, qui de vno pane participamus, vos estis corpus Christi, & membra de membro. Augustinus, commédauit Christus in hoc sacramento corpus & sanguinem suum, quod & fecit nos ipsos, nam & nos ipsi sumus facti corpus eius: caro enim nostra, carni eius vnita & incorporata, vnum cum illo efficitur. hæc D. Thom. in quibus expressit duplicem vnionem, vnā spiritus, quæ ad corpus mysticum pertinet, alteram substantialem, cum ait aperte nos sumpta Eucharistia corpori Christi, quod de virgine sumpsit, incorporari. hoc autem corpus vera est & substantialis caro hominis, ut recta fides docet, cap. etiam 6. eiusdem opusculi. effecta expressit eiusdem substantialis vnionis & contactus, cum ait, vnus cibus toti homini, id est vtrique naturæ conueniens spiritualis simul & corporalis, scilicet, verbum caro factum, quem simul sub quodam sacramento comedant: cuius virtute anima de præsentī miseria, ad vitam æternæ beatitudinis perueniat, & corpus ad modicum tempus seruatur in terra, ut tandem gloriose resurgat. De hoc cibo, Ioannis 6. caro mea, id est caro Dei, caro humana vnita Dei verbo, verè est cibus, scilicet totius hominis valens animæ & corpori. Eadem igitur est D. Thomæ sententia, & eisdem testimonis sacræ scripturæ, quibus à veteribus Patribus confirmata est. consentiunt periti Iuriscanonicali interpretes, ut constat ex Turrecremata ad cap. in Christo Pater, de consecrat. distinct. 2.

Recentiorum pro eadē vnione & contactu testimonium.

16 Restat aliud genus scriptorum, quod in refutandis hæreticis occupatum est, eorum

Comment. in D. Tho. tert. part.

Veterum de eodem testimonio

eorum autem diligens fuit studium in asserenda eadem vnione reali carnis Christi & nostre per Eucharistiæ sumptionem, vt constat ex Vvalden. c. 95. Roffens. contra Oecolampa. lib. 4. à cap. 20. Hessel. lib. de reali Christi præsentia in Eucharistia, cap. 16. & 17. Claud. Sanct. repetit. 5. de Eucharistia, cap. 1. & 2. Guil. Alano de Eucharistiæ sacramento, cap. 28. Sed quia hi omnes testimonio veterum Patrū vtuntur, eorum testimonia non erit alienum notare, vt qui voluerit vberiore de hac re, illis ponderatis, disputationem efficere possit. Dionys. cap. 3. de Eccles. hierarch. propter hanc realem vnionem affirmat Eucharistiam vocatam esse à veteribus communionem, vt explicauit Damasc. lib. 4. de fide, cap. 14. Irenæus, lib. 4. cap. 34. & lib. 5. multa de hac vnione contra hæreticos scripsit. Cyril. hierosol. catechesi, 4. mystag. propter hanc vnionem nos vocat cōcorporeos & consanguineos Christo. Cyril. Alexā. locis supra citatis nempè, lib. 10. in Ioan. cap. 13. lib. 11. cap. 26. & 27. lib. 4. cap. 14. & lib. 1. dialog. de Trin. Chrysost. hom. 45. in Ioan. & hom. 60. & 61. ad Pop. Antioch. hom. 83. in Matt. 1. Cor. hom. 24. D. Aug. lib. 2. contra aduers. leg. & proph. cap. 9. explicans illud Eph. 5. erunt duo in carne vna. Theodoret. ad idem cap. 5. & Cant. 1. Leo Primus, serm. 14. de pass. & epist. 23. Theophl. ad cap. 6. Ioan. Photius apud Oecumen. 1. Cor. 10. Nyssen. in Catechet. cap. 37. Clem. Alex. lib. 2. pædag. c. 2. Hilar. lib. 8. de Trinit. & refertur, de conse. d. 2. cap. in Christo Pater.

Alia argumenta pro reali Christi præsentia in Eucharistia.

17 **H**Actenus octo argumenta conclusa sunt, pro reali & substantiali Christi præsentia in Eucharistia: his adiici potest aliud, à stabili Christi existentia in altari ac pixide, acquisita per consecrationem, extra omnem vsum & perceptionem. Aliud etiam ex gravitate peccati indignæ sumptionis, quod illustrabunt Chrysost. homil. 83. in Matth. & 45. in Ioan. Hesych. lib. 6. in Leuit. cap. 26. Ambros. ad cap. 10. epist. ad Hebr. Origen. in Psalm. 37. Basil. cap. ultimo de baptismo. Hieron. lib. 2. contra Iouin. &

in cap. 1. Malach. Cyprian. lib. 3. epist. 15. in quo etiam argumento asserendum est, malos etiam Christi corpus sumere, vt explicat D. August. lib. 2. contra lit. Petil. cap. 47. & epist. 162. lib. 1. contra Crescon. cap. 25. & post collat. cap. 7. Eandem etiam præsentiam ratio propria sacrificij noui testamenti concludit, quod non potest esse aliud, quam verum & substantiale corpus Christi, vt suo loco ostendetur. Denique D. August. epist. 88. ad Casul. & Cyprian. de cœna Domini, proprium esse ostendunt noui testamenti, bibere sanguinem, cuius potum seuerè vetus testamentum prohibuit, hunc autem sanguinem constat tantum esse corporis Christi.

18 Superest aliud genus argumentorū, quod ex vſu & praxi Ecclesiæ deducitur, eo superioribus firmitus & potentius, quo maius est totius populi fidelis, quam cuiusvis vel doctissimi hominis iudicium: & eo certius, quo vniuersi orbis vsus difficilius peruerſi, quam Theologorum testimonia possunt: præsertim cum generalis consuetudo fundetur in Traditione Apostolica, teste Augustino ad Ianuariū. Prima igitur ratio in hoc genere ex cultu, omnium Ecclesiarum iudicio, probato, deducitur. semper enim in Ecclesia cultu latriæ Eucharistia adorata est. August. Epist. 116. scribit Eucharistiam discerni à cæteris cibis, veneratione singulariter debita: & Epist. 120. ad Honor. illud Psalmi 21. manducauerunt & adorauerunt, ad cultum huius sacramenti refert. eandemque expōsitionem constanter sequitur in commentariis eiusdem Psalmi, & ad illud Psalmi 38. Adorate scabellum pedum eius, inuentum esse ait, quomodo adoretur scabellum pedum eius, quod est terra, quia caro Christi ex terra est, & nemo eam manducat, nisi prius adoret; tantumque abesse vt eò peccet aut idololatra sit, vt peccemus potius non adorando. Sumpsit hoc ex Ambrosio Augustinus, qui lib. 3. de Spiritu sancto, cap. 12. per scabellum terra inquit, per terram caro Christi intelligitur, quam hodie quoque in mysteriis adoramus, & quam Apostoli in Domino Iesv adorauerunt, neque enim diuisus est Christus. Theodoretus etiam in Polymorpho, intelliguntur, inquit, mystica symbola, quæ tacta sunt, & creduntur, & adorantur, tanquam

Praxis vniuersæ Ecclesiæ eandem confirmat.

1. Ex adoratione asserta ab omnibus Patribus in Ecclesia catholica.

tamquam ea existentia, quæ creduntur. Cyrillus hierosolym. mystag. 5. inquit, post communionem corporis Christi accede ad sanguinem illius, non extendens manum, sed pronus adorationis in modum & venerationis, dicens cum accipis, Amen. Chrysostomus verò populum suum paulo negligentiores in cultu sacramenti, ita hortatur, homil. 24. in 1. Ep. ad Cor. hoc corpus in præsepe reueriti sunt Magi, & barbari longo itinere confecto, cum timore & tremore plurimo adorauerunt. imitemur saltem barbaros, illi in præsepe, tu verò non in præsepe, sed in altari. lib. autem 6. de sacerdotio summa fide narrat, cuidam diuino seni in visione concessum esse, ut oculis conspiceret angelorum multitudinem Christo in mysteriis capita inclinantium, & nos homunciones hoc non faciemus?

19 Sed maxime memorabilis est locus Gregorij Nazianzeni in Epitaphio Gorgoniæ sororis, cum ait, eam morbo vrgente, ad altare cum fide confugisse, eumque, qui super illud colitur obtestans, omnibus Dei nominibus compellasse, commonefaciens omnium rerum, quas vniquam mirifice gesserat. Deinde maximum argumentum ducitur, ex precibus Eucharistiæ factis semper in Ecclesia catholica, præter adorationem mente aut gestu exhibitam. Sic Dionys. de Eccles. hierar. in theorica synaxeos, o, inquit, diuinissimum sacramentum, perspicue nobis fac appareas, reuelatis operimentis ænigmatum, quæ te symbolice circumdant, & intelligentiæ oculos tuo lumine comple. idem fit in liturgiis Basilij & Chrysostomi, vbi donum consecratum statim populo ostenditur, adoratur à sacerdote & diacono, & his verbis compellatur, Deus propitius esto mihi peccatori, simulque à tota plebe cum reuerentia adoratur. In eadem etiam liturgia Chrysost. verbis Centurionis Dominum in Eucharistia sic alloquitur, Domine non sum dignus ut intres sub tectum meum. Quam sententiam Origenes etiam ad cultum Eucharistiæ accommodat, homil. 5. in diuersos, & August. epist. ad Ianuarium, verè agnoscetes, Dominum substantialiter ingredi os corporis nostri, sicut olim intraturus erat domum Centurionis. quo sensu, idem Centurionis dictum, in missam Latinam trans-

latum est. itaque cum his precibus Ecclesia Christum in Eucharistia compellat, credit Christum ibi reipsa præsentem, & ut præsentem alloquitur, non autem ut in signo aut imagine, sicuti alloquitur eundem in Cruce in Dominica passionis, & in die Parasceues. Eodem modo illud de Zachæo dictum, accepit illum gaudens in domum suam, sumentibus Eucharistiam accommodatur. omnes etiam liturgiæ præsentem Dominum ita precantur, agnus Dei, qui tollis peccata mundi, miserere, dona pacem, dona requiem. Vnde D. Basil. lib. de Spiritu sancto, cap. 27. inter traditiones Apostolicas numerat Eucharistiam his verbis, inuocationis verba, cum ostenditur panis Eucharistiæ & poculum benedictionis, quis sanctorum nobis in scripto reliquit? sunt autem ea verba, ut coniicio, quæ in liturgia eiusdem Basilij commemorantur, partim illa sacerdotis panem consecratum exaltantis, sancta sanctis: partim populi respondentis, vnus Sanctus, vnus Dominus, vnus Iesus Christus in gloria Dei Patris. item ad eandem eleuationem sæpius repetitam, Chyrie eleison, & benedictus qui venit in nomine Domini, o fanna in excelsis. quæ omnia ad Eucharistiam dicta paulo ante communionem apud Antiquos, nunc apud Latinos in priorum partem missæ translata sunt, sed non obscure significatur etià apud nos, ea maxima ex parte dici propter mox futurum præsentem Saluatorem.

20 Aliud præterea argumentum sumitur ex summa religione in Eucharistia sumenda, contrectanda, conspicienda, nominanda, circumferenda, referuanda, præ omnibus aliis rebus sacris. propter præsentiam enim Domini realem & substantialem, Eucharistiæ perceptionem præcedere debet, ut inquit Paulus, 1. Corinth. 10. probatio & examen conscientie, non accipitur nisi à ieiuniis inquit August. Epist. ad Ianuarium, præmittitur exomologesis lib. de Eccles. dogmat. cap. 53. vnde falsò accusatus Chrysost. de his ita pro se respondet Epist. ad Cyriacum, confingunt contra me, quod ad communionem non ieiunos receperint: & si quidem hoc feci, expungatur nomen meum, ex albo Episcoporum, & ex libro orthodoxæ fidei, & abiiciat etiam me Christus à regno suo. & hom. 83. in Matt. omnibus palà denun-

2. Ex precibus

3. Ex religione & reuerentia, qua Eucharistiam contrectamus

Commen. in D. Tho. tert. part.

denuntiat. se effusurum suum sanguinem, potius quam indignum aliquem ad Dominicum sanguinem admissurum, generalemque mundiciem & animi & corporis exactam requirit, lib. 6. de sacerdotio, cū ait, quantam integritatem exigemus ab eo, qui communem Dominum manibus pertrectat, quales manus, qualem linguā, qualia verba, qualem animam esse oporteat? Cum autem olim laici manibus sumerent Eucharistiam, quanta, Deus bone, religio in contrectanda, quanta cura ne aliquid sacramenti, scelere aut negligētia in terram caderet, aut ad Ethnicos perueniret, aut quouis modo profanaretur? præclara sunt de hac re testimonia Cyrilli Hierosol. mystag. 5. & Origenis. homil. 13. in cap. 25. Exodi. Augustini, homil. 26. lib. 50. hom. & serm. 252. de tempore. Hinc est quod Chrysost. in priori epist. ad Innocent. grauissimum facinus iudicet militis impij, qui sacratissimum cruorem in Ecclesia Constantin. effuderit, & in pauimenta asperferit. hinc etiam Dionys. Eccles. hierarc. cap. 7. & D. Tho. longo post tempore. 3. part. q. 80. art. 4. ad quartū, admonet ab ethnicis hoc sacramentum conspiciendum non esse, & ne illis ostenderent, grauiā sæpe fideles passi sunt, vt refert Beda, lib. 2. hist. gentis Angl. c. 5. & in martyrologio, 18. Calen. Septemb. sæpe etiam profanatores Iudæi grauius sunt perculsi, & aliquo prodigio perterrefacti.

21 Eadem fuit nostrorum maiorum religio, & cautio, ne à fidelibus non baptizatis tangeretur, aut expressa illius doctrina eisdem innotesceret. Vnde celebratur illud Augustini dictum, tracta. 11. in Ioann. corpus Christi esse manna absconditum à catechumenis, quia I. E. S. V. adhuc non se credit illis. Hinc olim recepta distinctio inter missam catechumenorum & fidelium, cum ab intimis sacris illi semper repellentur: hinc locus in antiquissimis quibusque templis, actionibus liturgicis separatim accommodatus: hinc occulti illi veterum sermones, siue in dicendo, siue in scribendo de hoc sacramento, ne alienis, mysteriorum doctrina diuulgaretur. cuiusmodi sunt illi, vt prudentibus loquor: norunt fideles, norunt qui mysteriis imbuti sunt: norunt qui initiati sunt: norunt qui sacrorum doctrina digni sunt, & alia huius generis. hinc secretiora etiam nomina pro

apertis corporis & sanguinis appellationibus, apud Græcos, antitypa, symbola, mysteria, apud Latinos signa, sacramenta, figura. Hinc denique in popularibus scriptis raro exacta huius sacramenti institutio: quod cum non considerauerint nostri aduersarij, cum in cæteris, tum maximè in Augustini scriptis turpiter errauerunt.

22 Eadem sacra huius mysterij, religio effecit, vt totus ille mos antiquus priuatim tractandi hoc sacramentum, & consuetudo seipsos communicandi, quam persecutio infidelium, occlusio templorum, & inopia ministrorum olim fecit, vt inquit Basil. in Epist. ad Cæsaream Patritiā, haberi legitimam, sublatu sit: Cæsaraugustani, Toletani primi, Braccarensis tertij, Remensis & Moguntini Conciliorum decretis. quibus etiam temporibus ad maiorem huius sacramenti venerationem, tutiorem custodiam, populique necessitatem, primum in Episcopo, hoc est, in oratorio ædium Pontificiarum, quæ tum semper Ecclesiis quam proximè coniunctæ erant, deinde in templi sacrario, postea super summum altare in firmiter cōclusa arcula, iubente Concilio Lateranen. & aliis plurimis, referuata est: de qua re & vniuerso cultu sacræ hostiæ extat decretum Honorij III. cap. sanè de celebr. miss. & de cōsecr. dist. 2. cap. peruenit. Vtus etiam vniuersi orbis Christiani confirmavit, in hoc vno sacramento positum esse viaticum, idest cibum itinerariū, vel subsidium corporum & animorum, non solum in hac peregrinatione, sed in illo maximè difficili & formidabili transitu, quo in aliud sæculum emigramus. quo præcipue tempore confirmandus est & erigendus totus homo ad immortalitatem beatam.

23 Narrat autem D. Chrysost. lib. 6. de sacerdot. se audiuisse à sanctissimo viro, qui ipse diuina benignitate viderat, quod qui de hac vita emigraturi sunt, si corporis Christi purè participes fuerint, cum spiritum efflaturi sunt, ab angelis eorum corpora more satellitum stipantibus, propter huiusmodi sacramentum assumptum, recta hinc in cælum abducantur. De eiusdem viatici necessitate & religione Dionys. Alexan. apud Euseb. lib. 6. hist. Eccles. cap. 34. & Concil. Nicæn. cap. 13. Paulinus in vita Ambrosij, referens quam magno miraculo Deus effecerit ne sine viatico suus Am-

brof.

De cultu huius sacramenti quæ maioris nostri consue- tudines.

*De consecratio-
ne templorum, &
aliorum ad cul-
tum Eucharis-
tiae, quod in ea
Christus vere
sit praesens.*

brof. de hac vita discederet. Ad cultū eiuf-
dem sacramenti, propter existētem in eo
re ipsa Christum, confirmandum facit con-
secratio templorum, altarium, vestium, lin-
teorū, calicum, operimentorum, omniūq;
quibus Ecclesia ad sacram actionem uti-
tur. hæc enim omnia; ut inquit Hieron. ad
Theop. Alexand. propter consortium cor-
poris ac sanguinis Domini magna venera-
tione coluntur, & contaminata, ut auctor
est Optatus lib. 6. cont. Parmenianum sa-
cristilegos faciunt. & quod caput est, ipsa sa-
cerdotum, ministrorumq; omnium sancti-
ficatio, inunctio, mandata castitas, & to-
tius vitæ sanctitas non ob aliam certe cau-
sam, ut ait S. Siricius ep. ad Imerum cap. 7.
eiufq; æquales Hieron. cont. Iovin. & Am-
brof. 1. Tim. 3. tradunt. quā ut sanctè tra-
ctent sanctissima sacramenta: & ipsi pro-
pter honorem corporis Domini, magnā
apud omnes fideles venerationem conse-
cuti sunt. vnde D. Hieron. ep. ad Heliod. ni-
hil de his audet dicere, quia Christi cor-
pus sacro ore conficiunt: & Greg. Nazian.
propter idem corpus asserit suum sacerdo-
tium non tantum hominibus, sed ipsis etiā
angelis esse formidabile: vnde cum vehe-
mentius apud regem pro suis ciuib; inter-
cederet: ego, inquit, princeps fundo ad te
preces has eodem ore, quo perago salutis
meæ mysteria.

*Eiusdem sacra-
menti venera-
tio.*

24 Plurimum etiam iuuabit ad eandem
rem, intueri, quo modo ab illo tempore,
quo hæresis & profanatio huius sacramen-
ti per Berengarium & posteriores hæreti-
cos cœpta est, & quanto studio Ecclesia ca-
tholica illis se opposuerit, & elaborauerit,
ne quicquam dignitati summi sacramenti
& maiestati decederet, quin potius, ut ex
contraria hæresi aliquid etiam veneratio-
nis accederet. circūgestatur enim in pu-
blico, ut olim arca testamenti Iosue 6.
1. Reg. 4. quæ huius rei figuram continue-
rat: defertur per vicos & templa solemni &
religiosa pompa, ad memoriā ingressus
Domini ouantis in Hierusalem paulo ante
passionem, & ad recordationem omnium
beneficiorum in illo corpore exhibitorū,
ad pacem & misericordiam procurādā,
ad debitum cultum exhibendum, ad pro-
testationem fidei nostræ, omniumq; fide-
lium circa Eucharistiam contra hereticos,
& perfidos Iudeos. Cœpit autem, ut existi-
matur, hæc res primum solemniter fieri in

ipsa vrbe Andegauē. ut hac religionis pu-
blica obseruantia confunderetur eiufdem
loci Archidiaconus Berengarius: sicut ho-
die in corporis festo, & eiufdem sacræ so-
lemnis supplicationis maiestate ac splendo-
re, populiq; deuotione, illa Ecclesia longe
omnibus dicitur antecellere. Non multo
post ab Urbano III. ad eundem Eucha-
ristiæ cultum amplificandū, & hæresim
extinguendam, instituitur festum corporis
Christi celeberrimum miris gratis dona-
tum, cuius officium D. Thom. eiufdē Pon-
tif. iussu & Spiritus sancti afflatu conscri-
psit, quo nihil vnquam venit in sacrū offi-
cium doctius, aut sanctius. passim etiā san-
cto sacramento sunt vota, eriguntur alta-
ria, applicantur donaria, acceduntur cerei,
soluuntur orationū pensa nocturna & diur-
na, exhibentur sacræ comœdiæ, instituun-
tur societates, & collegia, & reliqua innu-
mera pietatis officia: ut planè constet om-
nem noui testamenti religionem corporis
& sanguinis cultu maxime contineri.

25 Vnde inconsideratè quidā huius sa-
cramenti cultum ad autorem Honorium
Pontificē referunt, & multo minus referri
potest ad concilium Tridētinum. quam-
uis in eo clarum extet in adorationis ho-
stes anathema, cum tam illustris fuerit an-
tiquitatis circa Eucharistiam religio, ut D.
August. tempore parētis Christiani infan-
tes, suos hoc primum in Deum obsequio
imbuerent, illorum oculos in sacramentū
dirigentes, & grauissima autoritate docen-
tes, cuius corpus & sanguis esset, ut constat
ex D. Aug. lib. 3. de Trinit. c. 10. Ad eandē
rem oportet memoriā repetere calicū, ci-
boriorum, fistularum, aliorumq; instrumē-
torum, auro, aut argento confectorum va-
rias formas, ad tutiorem & honoratiorem
corporis ac sanguinis asseruationem, osten-
sionem, administrationem, vsq; ad nostra
tempora deductorum. Duo ciboria argen-
tea fecit Symachus Pont. temporibus Ana-
stasij Imperat. in quibus asseruabatur Eu-
charistia super altaria Siluestri & Andreæ
Romæ. alterum posuisse argenteum Gre-
goriū primum super altare Apostolorum
Petri & Pauli, narrat Petrus diaconus in vi-
ta eiufdem Pontif. Gregorius etiam Turo-
nē. in passione Polycarpi meminit turris
argenteæ ad circūgestionem Eucharis-
tiæ: Ambrosius calicis aurei lib. 2. de off.
c. 28. dicens infusum auro sanguinem. qua-

Seff. 13. cap. 6

*Instrumenta ad
Eucharistia ad
ministrationē.*

Comment. in D. Th. tert. part.

lis etiā relictus ante mille annos in Ecclesia Rhemenſi à S. Remigio narratur, cum hac adſcriptione, hauriat hinc populus vitam de ſanguine ſacro. denique in plurimis Germaniæ antiquiſſimis monaſteriis fatentur, quidam cānas, ſeu fiſtulas aureas ac argenteas antiquiſſimas adhuc extare, quibus è ſacro calice ad maiorem cautelā ſanguinem haurire ſolebant. ex eodem receptiſſimo Eucharistiæ cultu ingenerabatur quedam religio, teſte Tertulliano animis Chriſtianorum, quæ ad noſtra uſque tempora in catholicis permaſit, ne quid etiam uſitati panis, aut calicis communis, in terram laberetur.

Obiecta Chriſtianis propter eximium Eucharistiæ cultum.

26 Vnde etiam effectum est, ut ab ethnicis propter Eucharistiæ eximium cultum, exiſtimarentur Chriſtiani Cereris & Bacchi cultores, inquit Aug. lib. 20. cōt. Fauſt. c. 13. & apud Prudētium gentilis præfectus in hymno D. Laurentij exprobat Chriſtianis ſacrificia ex ſanguine humano, & antiquiores obiciebant infanticidium, ut inquit Tertullianus c. 7. apologetici, & apud Euleb. lib. 5. c. 1. thyestæa conuiuia, & anthropophagiam. ad quas accuſationes depellendas, Iuſtinus martyr in poſteriori apologia neceſſarium eſſe exiſtimauit, omnem noſtrum religioſum Eucharistiæ cultum, clare & breuiter, quod ante eum fecerat nemo, ipſis etiam prophanis principibus & gentibus indicare. Valet etiam ad cultum eundem exprimendū eſſe hoc ſacramentum, quod Dei in eo præſentia, uſa ſit antiquitas ad effugandos dæmones. non ſolū à perſonis, ſed ab agris, ædibus & fundis, ut conſtat ex D. Auguſt. lib. 22. de ciuit. c. 8. D. etiam Gregorius lib. 2. dialog. c. 24. refert D. Benediſtū hoc ſacramento miracula quæq; maxima operatum, & alia eius generis infinita. Hactenus dictum ſit de testimoniis patrum, quæ, argumenta vel praxim continent, ad realē Chriſti præſentiam in Eucharistia conſtituendam, ut omnibus perſpicuū ſit, nihil eſſe in omni religione Chriſtiana à maioriſus noſtris, aut exactius traditum, aut firmitus creditum, aut illuſtrius explicatum.

Miracula per Eucharistiā effecta.

Obiectiōes aduerſariorū contra realē Chriſti præſentiā deinceps diſſoluuntur.

27 R Eliquum est, ad perfectionem, & conſumationem huius doctrinæ, ut aduerſariorum argumenta refella-

mus. ſunt enim in ſcripturis nonnulla, quædam in Patribus, quædam in ratione & argumentatione poſita, quæ ſi verborum ſpeciem ſpectes, catholico dogmati, quod confirmauimus, aliquo modo aduerſa videntur, his præſertim hominibus, qui vel totos ſe contentioni dederunt, vel ita ad id, quod præſens eſt, ſe accommodant, ut diſputationum cauſas, progreſſus, anteceſſiones, conſequentia, omneſq; temporum ac perſonarum circumſtantias conſiderare, vel nolint, vel non poſſint: cum nulla pars ſit Theologiæ, quæ vacet hac difficultate, neque quicquam in omni diſciplina tam certum ſit, quod contrariis argumentis non impetatur. Quod quidem à paſtoribus apud plebem ſæpè in culcandum eſt, ne putet hoc ſingulare eſſe in Eucharistia, & ideò eius doctrinam dubitabilem, & indifferentem eſſe. ſic quædam in Patribus ſpecie tenus pro Arianismo, quædam pro Caluinismo & Pelagianis reperiuntur, quæ ſi diligenter & accuratè ponderentur, doctrinam catholicam potius confirmant. Ex hoc igitur triplici capite, ſcriptura, Patribus, ratione naturali, colligamus omnes aduerſariorum obiectiōes.

Prima obiectio

28 Ex ſcripturis primum eſt illud Ioan. 6. Spiritus eſt, qui uiuificat, caro non prodeſt quicquam: quod ſi non prodeſt, neque uere igitur, aut realiter datur in ſacramentum, cum hoc ſit ad noſtram ſalutem inſtitutum. Ad hoc argumentum, primum aſſerimus, quæ ex hoc c. Ioannis petuntur nihil hæreticis valere ad doctrinam Eucharistiæ, vel confirmandam, vel refellendam, cum illi conſtanter negēt, quicquam hīc de ſacramentali manducatione tractari: ex ipſis etiam catholicis permulti ſunt, qui totum illum ſermonē ad ſpiritualem manducationem referunt, quare, ut uera conſtet explicatio, de intelligentia totius capitis ſecundò diſſerendū nobis eſt,

¶ Ioannis c. 6. explicatur.

29 Ex recentioribus igitur Caiet. Ioann. Heſſelſ, & ante hos Gabriel, D. Auguſtinū in ſuam ſententiam pertrahentes aſſerunt, c. 6. Ioannis tantum eſſe intelligendum de ſpiritualem manducationem, quibus accedit Ianſenius in concordia c. 59. ſed Caiet. ad D. Thom. 3 p. q. 80. ar. 12. hāc manducationem ſpiritualem abſolutè intelligit, præciſam à ſacramentali, & ſpiritualem de ipſo ſacramento,

cramento, vt manducare spiritualiter, sit fide formata de morte; deq; sanguine Christi pro nobis effuso, Christo adhærere: sed postea in opusculo quo refutauit errores cuiusdã libri de cœna Domini, asseruit non quidẽ haberi sermonem de sacramentali manducatione, sed de sacramento, illis verbis, panis quẽ ego dabo, caro mea est, quam ego dabo pro mundi vita, & ita significauerit Dominus, ad salutem necessarium esse credere sacramentum Eucharistiæ. haberi etiam sermonem, ait, de manducatione spirituali sacramento cũ suo effectu, & hoc Ioannẽ voluisse accuratẽ explicare præter alios Euangelistas. itaq; quãuis semper affirmet Caiet. sermonem illũ tantũ esse de spirituali mäducatione, prius tamen intellexit illam spiritualement absolutam, postea autem alteram spiritualement sacramenti huius propriam. Probat autẽ ex illis verbis, nisi mäducaueritis carnem filij hominis, & biberitis eius sanguinem, nõ habebitis vitam in vobis, de sacramentali mäducatione nullam eo. c. mentionem fieri: quia recta fides docet, paruulos solo baptismo salutem consequi, quod si hæc sententia de sacramentali mäducatione intelligeretur, esset hæc sententia fidei falsa, cũ generaliter significaretur necessitas sumendi Eucharistiã omnibus ad salutem: sicut illis verbis, nisi quis renatus fuerit, &c. significatur baptismi necessitas. Accedit Caiet. Ruardus in ar. 15. Louaniens. afferens Ioannem locutum esse de pura spirituali manducatione, sine respectu ad sacramentũ in re, vel in voto, quẽ manducatio spiritualis incorporatione in Christum, & vnitate corporis mystici perficitur. adducitur in eam sententiã testimonij Innocentij I. & Aug. & illis verbis Dñi, qui manducat meã carnem, habet vitã in se. loquitur enim Dominus de præsentis manducatione, nõ de futura: tunc autẽ cum habitus est ille sermo, nõ fuit possibilis alia manducatio, nisi spiritualis, cũ nondum esset Eucharistia instituta. Oppositam sententiam acerrimẽ defendit Rossensis cõtra Oecolampadiũ: caput nẽpẽ 6. Ioãnis intelligi de sacramentali mäducatione, non excludendo spiritualement, sed nullo modo intelligi de sacramentali tantũ. 30 Media sententia, inter has duas extremas, tutissima est, priori quidem p. capitis illius, sermonẽ esse de spirituali mäducatione, præcisã à sacramentali, ad illa vsq; verba

panis quẽ ego dabo: ab his autẽ ad finẽ capituli, de sacramentali, quẽ continet posteriorem p. capitis, vt illa prior p. sit veluti præparatio ad posteriorem, & vt perfecta sacramenti mäducatio cõtinere intelligatur spiritualẽ animã & salutarem effectũ. Priorẽ igitur partem capituli, de illa spirituali mäducatione accipiendam esse, ex verbis Dñi in ead. p. aperte euincitur, hoc est, inquit, opus Dei, vt credatis in eũ, quẽ misit ille, & qui credit in me nõ sitiet vnquã, & hæc est autẽ voluntas eius, qui misit me Patris, vt omnis qui videt filium & credit in eũ, habeat vitã eternam, & ego resuscitabo eũ in nouissimo die: tandem ait, amen dico vobis, qui credit me habet vitã eternã. Ab hac autẽ spirituali mäducatione, tanquã a præparatione ad futurũ sermonẽ de sacramentali, transitionem factã esse à Dño, plurima cõcludere videntur. Primum quidem cõsuetudo Dñi, qui solet captare cõmoditatẽ & occasionẽ, vt seruata analogia quadam, orationem ad res proprias noui testamenti trãsserat. disputat cũ Samaritana Ioã. 4. de aqua Sichẽ, & statim transit ad aquã gratiẽ salientẽ in vitã eternã: siue ea sit aqua baptismi, vt placet Cypr. ep. 3. lib. 3. siue gratia iustificans, qua efficiuntur vitæ eternæ hæredes, vt omnes theologi exponunt. de excidio vrbs Hierusalẽ differens, ad orbis euersionẽ transit, & eodem sermonis cõtextu Mat. 24. se ad vtrũq; accommodat. sic propheta ordinatur sæpẽ à ieiunio corporali, & definit in spirituale: incipiunt à sacrificio externo, & statim transeunt ad spirituale & internũ. Fiunt autẽ huiusmodi transitiones diuini nẽ & accommodatiuimẽ, quando connectuntur, quẽ natura, vel præcepto ita sunt coniuncta, vt vnũ includat alterũ. sic sacramentalis mäducatio includit spiritualement, ieiunium Ecclesiæ ieiunium à peccatis: sacrificiũ corporis, sacrificiũ cordis: baptismus aquæ, baptismus spiritus. sic etiã in Patribus præsertim D. Aug. frequentes sunt huiusmodi transitiones, cũ id, quod est corporale officiũ religionis, ad spirituale transferunt, præcipue si sit spirituali cõnexum, quod ex sua natura est magis præclarũ & salutare, quam alterũ, cũ eius causa alterũ institutum sit: sic eisdẽ verbis etiam literaliter intellectis, præcipitur spiritualis & sacramentalis mäducatio, tanquã duo cõplentia perfectã & vtilem cõmunionem, cuius fructus est vita eterna.

Prior p. capitis de spirituali manducatione, posterior de sacramentali intelligitur.

Transitiones à corpore ad spiritum, à rebus uerbis, ad res non testamenti.

Comment. in D. Thom. tert. part.

31. Hinc intelligitur, quàm conuenienter assumantur Ioan. 6. illę metaphorę, panis, cibi, potus, mädicationis. quāuis enim ali- quādo sumātur pro bene viuēdi p̄ceptis, vt in illo, operamini non cibū, qui perit, ali- quādo pro fide incarnationis, vt in illo, ego sum panis viuus, qui de cēlo descēdi: tamē ex his deinde ad Eucharistiā, siue carnē Christi manducatam accommodatur. vt in illis verbis, panis, quem ego dabo, caro mea est, quam ego dabo pro mundi vita. Itaq; ideo illę metaphorę ad exprimendā fidem incarnationis, aut Christum incar- natū, ad animorum vitam & sustentationē assumuntur: quia caro Christi re vera futu- ra erat mäducabilis sub specie panis in sa- cramēto. sicut olim Hier. 11. propter ean- dē causā corpus Christi in cruce dicitur panis, cū ait, mittamus lignū in panē eius: & Genes. 49. sanguis effusus in cruce, pro- pter speciē vini sanguinē Christi sacramē- taliter continētē, dicitur sanguis vix, cū inquit, lauit in sanguinē vix amictū suū. eadem ratione, quę dicuntur eod. c. 6. de māna, de vitę sinceritate, de tractu Dei, de necessitate credēdi, de incarnatione, de vi- ta, de spiritu, & similia accōmodatē nos p̄- parant, ad sermonis difficillimi de Eucha- ristiā intelligentiā. Sic etiam, quia sacramē- talis perceptio ex p̄cepto Christi, habet al- terā manducationem coniunctā spiritualē, sepē D. Aug. vt lib. 21. de ciu. c. 25. & in Ioā. tract. 25. 26. & 27. eadē verba seruatoris ex Ioā. 6. c. ad vnitatē ecclesiasticā, incorpora- tionem, mansionē in Christo, & fidē in ip- sum, & quē atq; ad sacramentum refert: ad vtrumq; autē pertinere eisdem locis osten- dit: imō, quia spirituale illud principalius est, alterū, quod est corporale, more sacro- rū scriptorū, ita deprimit aliquando, vt nō omnino requiri aut nō omnino necessariū esse videatur: cū tautum velit non propter se, sed propter spirituale, quod per se ne- cessariū est, expetendum esse. hoc sensu in- quit, tract. 25. in Ioannē, quid paras dētem & ventrē crede & māducasti, quasi dicat, in re p̄cipua maior cura adhibenda est, quā in corporali, quę minus p̄cipua est: propter alterā tamen necessaria est. Simili- phrasi dixit Dñs Osee 6. Misericordiā vo- lo, & non sacrificiū. non enim prohibet sa- crificiū ext. rnum, quod sepē p̄cepit, sed p̄fert misericordiā, hoc est, sacrificium in- ternum. Eodem modo spiritualiter tractat

D. Aug. tract. 26. in Ioan. verba D. Pauli 1. Cor. 11. quę tamē nullus vnquā dubitauit, aut dubitare potest, ad sacramentum perti- nere. similiter etiā Theophylactus ipsa con- secrationis verba Luc. 22. c. quare vehemē- ter errant, qui propter hanc spiritualē man- ducationē, vel à Dño, vel ab ipsis Patribus maximē cōmendatam, negari existimant sacramentalem, aut corporalem.

32. Quod vt apertius intelligatur, spiritua- lis mäducatio distinguēda est: quinq; enim modis vsurpari potest. primò per fidē ve- rā & perfectā incarnationis, line vilo r. s. p̄- pectu ad Eucharistiā: quomodo manduca- uerūt Iudei & fideles omnes ante institu- tionē Eucharistię, nisi alicui esset reuelata à Deo. Hęc mäducatio nunquā intelligitur ab Aug. cū tractat aliquem locū pertinen- tē ad Eucharistiā, nisi fortē per allusionē, & accōmodationem verborū. Altero mo- do caro Christi mäducatur spiritualiter, li- cet re vera, quia nō in carnis specie & ideo est spiritualis secundū modum manducan- di, respectu eius, quē Capharnaite sibi fin- xerūt Ioan. 6. vnde hoc secūdo modo nō differūt sacramētalis, & spiritualis mäduca- tio. Tertio modo manducare spiritualiter est fide, & desiderio ferri in hoc sacramen- tū, ac per illud re, vel voto acceptū, incor- porari Christo: vt fit cum vel digni suscipi- mus ipsi, vel adistamus & comunicamus sa- cerdoti ministranti. Quartus modus est, cū quis fertur in hoc sacramentū desiderio & voto implicito. sic percipitur ab infantibus in baptismo, quatenus ex eo ius acquirunt ad verū corpus Christi, & eius participatio- nē: quia baptismus est professio nostrę reli- gionis, vt Christo perfectē vniamur, quod fit per hoc sacramentū, vt supra explicaui- mus. itaq; desiderāt corpus Christi verū in- fantes per baptismū, vt eidē corpori perfe- ctē vniantur, non aliter nec minus propriē, quām dicuntur credere & diligere: & ideo per huiusmodi votū implicitū incorporan- tur Christo, & is effectus prouenit à baptis- mo non p̄cisē, sed vt habet ipsius susce- ptio, coniunctū & implicitū votum Eucha- ristię. de qua re ita disseruit D. Aug. cōt. Pe- lagianos, vt plerisq; existimaretur dicere, pueris ad salutē necessariam esse Eucha- ristiā: quod est per se falsum, & à cōci. Trid. sess. 13. condemnatū, atq; Aug. doctrine cō- trarium. ipse enim li. 3. de peccat. mer. c. 4. & serm. ad infantes citato à Beda. 1. Cor. 11.

Spiritualis mäducatio distinguitur.

1.

2.

3.

4.

D. Aug. expli- catio de mäducatione Eucha- ristię in parua- lis.

expresse

Sanguis vix, dicitur sanguis Christi, & panis dicitur eius caro.

Explicatur D. Aug. cū lo- quitur de spiri- tuali manduca- tione, quia ratio- ne non exclu- dat sacramen- tale.

Ex Aug. lib. 10. de ciu. c. 5.

expresse asserit, eos participare carnem & sanguinē Dñi ad vitā in baptismo, nō quod illud proficiscatur ex baptismo, vt tali p̄cise, aut quod sub p̄cepto manducandi carnē & bibendi sanguinem, nihil aliud iubeatur, quā baptisumus, vt quidā incōsideratē asseruerūt: sed quia illud sacramentū primū ordinat infāntē de spiritu Christi iam incipientē viuere, in perfectā & in corporālē coniunctionem cū Christo, vt diximus, & ideo votū Eucharistiæ in ipso implicitū inferit, vnde pascatur de altari, non minus, quam adulti, qui proprio desiderio in illud feruntur, & virtutē Eucharistiæ cōsequatur, licet statim à baptismo moriatur: hæc videtur esse D. Aug. sententia lib. 1. de peccat. merit. c. 20. vbi p̄ceptum māducandi & bibēdi sanguinem, ex hoc c. 6. ad infāntes pertinere, & esse aliud, quam mandatū de baptismo, & propriē spectare ad sacramētum sanctæ mensæ, ad quod nemo accedat, nisi baptizatus, perspicuē tradit: quia vbicunq; sacramenti fructus ex sacramēti voto percipitur, est quidē spiritualis perceptio, sed ad sacramentū propriē pertinens, & cōmendatur nobis iisdem locis, quibus sacramentum p̄cipitur. Quintus modus manducandi hoc sacramentum spiritualiter est falsus, à sacramentariis tantum vsurpatus, quo fingunt se in hoc sacramento fide comedere Christum absentem, & sibi p̄sentem sistere, vt supra in histōria Sacramentariorum explicauimus.

33 Hactenus ostendimus, priorem partem 6. c. Ioannis esse, de manducatione illa spirituali primi modi, intelligendam: & ab ea transitionem factam esse à Domino, ad alteram sacramentalem, cū qua est coniuncta, quæ secundo modo spiritualis dicta est. restat confirmandum, posteriorem p. eiusdem cap. ab illis verbis, panis quem ego dabo, de sacramentali manducatione accipiendam esse. Primum autem argumentum sit ex verborum proprietate iuxta regulam D. Aug. lib. 3. de doct. Christi. c. 10. & 11. cum ait, quod perspicuē sonat, nō est ad aliud referendum, quasi figuratē dictū sit, nisi facinus, aut flagitium aliquod p̄cipi videatur, vt explicant Tertullianus de carne Christi, Basil. ho. 9. in Hexaem. Epiphani. hæresi 61. proprietas verō sermonis expendenda nobis, ex v̄sitata & recepta loquendi consuetudine, sed dare in cibum & potum carnem & sanguinem, propriē

intelligimus de eā datione, quæ est in manum, & de manducatione & potu, quæ oris officio perficitur: & nullum inde sequitur flagitium: quia c. illo 6. promittitur danda caro, datur autem in cœna vltima sub specie panis & vini sine vllo flagitio: & ideo flagitium conceptum à Capharnaitis, de manducanda Christi carne membratim dissecta, Dominus exclusit eod. c. 6. debet igitur illa omnia propriē intelligi. Cōfirmatur ex Christi cōsuetudine, qui semper p̄dicere solebat, quæ viderentur magis insculta, & difficilia creditu. sic tōties p̄dicitur mors & resurrectio Christi, aduentus Spiritus sancti, regnum celorū, vt obseruauit D. Chryl. hom. 83. in Matt. & D. Cyril. in Ioā. lib. 3. c. 37. affirmantes c. 6. p̄dictā fuisse sacramentalem manducationem, ne re noua & inaudita discipulos in vltima cœna obstupesceret. Præterea caro eadem promittitur danda in cibum, quam daturus esset pro mūdi vita: quod neq; intelligi, neq; cōpleri potest nisi in manducatione sacramentali. itaq; exprimit Dñs duplicem dationem, vnā in cibum, alteram pro mundi vita: sed vtrāq; vnius carnis, & modum eius, qui est in cibum non exprimit Ioā. 6. sed in vltima cœna instituit & compleuit.

34 Eandem proprietatem verborū confirmat collatio & antithesis vltimæ cœnæ, cum iis, quæ 6. c. Ioannis de hoc sacramento p̄monuit, c. 6. inquit, panis, non quem ego accipiam, sed quem ego dabo, caro mea est, in cœna accepit panē, dedit autem factum corpus & carnem suam. illic promittitur in cibū caro, quā daturus erat pro mundi vita: hīc autē offertur corpus, quod pro nobis datur: ibi dicitur caro mea verē est cibus: hīc additur consequens, manducate, hoc est corpus meū: ibi sanguis meus verē est potus: hīc adiungitur consequens, bibite ex eo omnes. est etiam vtrōq; in personis consensio. Capharnai turbis recedentibus, soli duodecim cū Christo remanserūt, in cœna soli duodecim cū Christo recumbunt: ibi dictum est vnus ex vobis diabolus est: in cœna sathanas introiit in Iudam vnum ex duodecim. hoc igitur est primum argumentum ex verborum proprietate deductum.

35 Alterum est ex ætiologia, dictū enim & ratio omnino de eodem esse oportet, vt conclusio & ratio conclusionis. cum igitur Christus dixisset, panis quem ego dabo ca-

Proprietas verborum in sancta scriptura.

Christus perfectiora mysteria solet prædicere.

Collatio cœnæ & 6. cap. Ioā.

Guil. Alan. lib. de Eu. har. sacramento c. 31.

Posterior part. eiusdem cap. de manducatione sacramentali.

Comment. in D. Th. tert. part.

ro mea est, videretq; Iudæos intellexisse de carne sua in cibum accipiendam, nihil de ea intelligentia immutavit, sed eam confir-
mans, maxima asseueratione causam subiunxit dicens, amen amen dico vobis, nisi manducaveritis, &c. & caro mea verè est cibus. quasi ita apertius concludat: quod verè cibus est, verè manducatur, caro mea verè est cibus: ergo verè manducatur. quæ manducatio, cum Christus post resurrectionem sit omnino impassibilis in se, non potest cadere nisi in Eucharistiam ab ipso institutam in cibum & potum. dixit autem verum cibum, excludens metaphoricum cibum & spiritualem per fidem perfectam in ipsum, de quo prius fuerat locutus: est etiam verè cibus & vera manducatio, quia naturæ nostræ, quæ ex carne & spiritu constat, valde congruens, vt manducemus similiter corpore & spiritu, & totus homo impleat manducationis officium. Confirmat eandem explicationem Domini similitudo & exemplum, sicut misit me viuens pater, & ego viuo propter Patrem, & qui manducat me, ipse viuet propter me: sed Christus viuit propter substantiam Patris in ipso manentem: ergo nos viuere affirmat propter Christum verè & substantialiter in nobis manentem: quod tantum fit manducatione sacramentali, de hac igitur loquitur Dominus. si enim tantum dicas nos spiritu viuere propter Christum, vt dicere conuincuntur, qui totum illud 6. c. intelligunt de de spirituali tantum manducatione, conuinceris etiam cum Arrianis etiam dicere, Christum esse vnum cum Patre, spiritu & affectu voluntatis, & non consubstantialitate naturæ, vt recta fides docet. Tertium argumentum desumitur ex adiunctis per collationem panis, quem Christus promittit, cum pane, quem dedit pater: de hoc enim pane sunt hæc, non Moyse dedit, sed Patrem, Christum in carne missum, esse hunc panem, eum, qui credit in Christum, manducare ex hoc pane: sic manducantem viuere in æternum. de pane autem suo prius dixerat Dominus, operamini cibum, quem filius hominis dabit vobis, postea vero nomen cibi huius sic expressit, & panis, quem ego dabo, caro mea est pro mundi vita, & qui manducat hunc panem, viuet in æternum. cum igitur Pater iam det, Christus filius promittat se daturum per manducationem

suæ carnis, & hæc non possit manducari, nisi in sacramento, necessariò efficitur, sermonem Domini esse de manducatione tantum sacramentali in illa posteriore p. capitis.

36 Quartum argumentum est Patrum consensus: omnes enim Græci & Latini, quicunque hoc c. fusius exposuerunt, vel obiter attigerunt, sacramento Eucharistiæ accommodarunt. non solum autem cum ad populum concionem habent, in qua solent multa adduci in sensu spirituali & moralis, sed etiam cū seriò exponunt sacrâ scripturam, cum hæreticos refellunt, cum fidei dogmata confirmant: quæ omnia constat in solo sensu literalis esse firma & solida. sic Origen. hom. 16. in Num. exponit carnem Dei esse verum cibum. Cyprianus de oratione Dominica illud, nisi manducaveritis carnem filij hominis, & lib. 3. ad Quirin. cap. 25. & 26. Athanas. in synopsi sacræ histor. inquit eodem c. agi de mysterijs, quo nomine Græci Patres vocant Eucharistiam. Athanasium sequitur Hilar. lib. 8. de Trinit. Basil. in regulis, regula 21. Ambros. lib. 6. de sacramentis cap. 1. lib. 4. de fide cap. 5. de his, qui myst. initiantur cap. 9. in eandem sententiam adducit Algerus lib. 1. cap. 17. D. Hieronymus, & huius sententiæ fuisse patet q. 2. ad Hedibram, & ad Ephes. cap. 1. Leo primus serm. 6. mensis 7. Chrysost. Cyril. Theophil. Euthim. similiter exponunt de sacra Eucharistia. Theophil. Alexand. apud Hieron. lib. 2. Paschal. Theodoret. lib. 4. histor. cap. 11. ex hoc c. refutat Mes-
salianos negantes fructum aliquem percipi ex eadem. Cyprianus etiam lib. 1. contr. Iud. cap. 21. ex eodem c. probat præceptum de sumenda Eucharistia: lib. autem de coena, ostendit ex eodem, quantus sit fructus perceptæ Eucharistiæ. Consentiunt eisdem Theologi scholastici vtentes testimonij ex hoc c. petitis ad doctrinam de hoc sacramento 4. sentent. dist. 11. & 12. neque ante Lutherum, quisquam ausus est negare in eodem c. differi de sacramentali manducatione comprehendente spiritualem, aut de spirituali tantum, exclusa sacramentali, vt intelligatur à quibus initiis hæc dissensio protecta sit.

37 Quintum argumentum sit ex concilijs, in Ephesino primo in epist. Cyrilli ad Nestorium, quam idem concilium probauit,

Patrum consensus de explicatione capitis 6. Iohannis.

De sententia D. Aug. supra dictum est.

Theologi

Concilia

Sot. 4. d. 12. q. 2. ar. 11.

Sand. ad c. 6. Ioh.

bauit: cum Nestorius verbis huius 6. capituli ad suam hæresim abuteretur, quasi significaretur caro filij hominis manducanda, non diuinitas: & ideo impiè concluderet alium esse Christum Deum, aliū Christum hominem. respondent Patres vtrò confitentes illic agi de Eucharistia, quam vocat mysticam benedictionem, cum tamen facilis esset illa responsio, ibi tantum esse sermonē de spiritali manducatione, si hoc verum esse existimarent; & ostendētes præterea carnem Christi manducari in Eucharistia, non vt cōmunem, sed vt verbi propriam effectū, & viuificatricē, propter hypostaticam cū verbo vnionem. Nicenum etiam secundū concil. ad probandū reipsa & substantialiter cōtineri Christū, non vt in signo, adducit illa ex Ioan. 6. c. nisi manducaueritis carnē filij hominis, &c. atq; illa, qui māducat carnē meam, & bibit meū sanguinem: & illud ex cœna Domini, accipite, edite, hoc est corpus meū, vt apertò significaret, vtrōq; agi de eadē sacramentali māducaatione. si similiter adducunt multa ad Eucharistiā ex eod. 6. c. Cabilonen. secundū, Senonen. Colonien.

38 Tridentinū verò sess. 21. c. 1. definit cōtra Lutheranos, laicos & clericos non cōficiētes, ex præcepto Dñi non adstringi ad sumptionē vtriusq; speciei, vt illi colligebant, nō ex 6. c. Ioānis, quod illi de spiritali tantū manducatione intelligūt, sed ex institutione Eucharistię. deinde cōtra Hussitas ex eisdem verbis Ioan. 6. c. colligentes vtriusq; speciei sumptionē omnibus esse in præcepto, sic definit: sed neq; ex sermone illo apud Ioā. 6. rectè colligitur vtriusq; speciei cōmunionem à Dño præceptā esse: ytcumq; iuxta varias sanctorum Patrū, & doctorū interpretationes intelligatur. quibus verbis licet nō sit definitum, quē nam sit intelligētia eiusdē c. non tamē negauit in eodē agi de sacramentali māducaatione: imò verò in eodē sensu explicat quædam pertinētia ad hoc sacramentū, vt cū inquit sess. 13. c. 2. sumi autē voluit sacramentū hoc inquam spiritalē animarum cibum, quo alatur & confortentur viuentes vita illius, qui dixit, qui manducat me, ipse viuet propter me, quod testimonium desumptum esse cōstat ex eod. 6. c. Postremò cōcludamus cū D. Aug. lib. 2. de doct. christ. c. 8. vt eligamus hanc explicationē, quam omnis vel penē omnis frequētat Ecclesia. Primū,

quia non habet theologi aliud fundamentū ad celeberrimā disputationē de ysu; finibus, fructibus ac effectis sacre communionis, quā ex hoc c. aut enim nunquā, aut hoc cide hac re differunt sacri scriptores. Deinde si eod. c. nō extat præceptū cōmunionis sacramentalis, nō extat certē alibi de omnibus fidelibus expressum. Præterea nō est probabile, præceptū manducandi per fidē, quod est præceptū credēdi, per se tam planū, & aliās tā sēpē inculcatum, tā opēro se tradi, tot verbōrū inuolucris, tot metaphoris, tā alienis & tā duris sermonibus inuolui, tāta obscuritate implicari, vt tā graues offensiones in animis discipulorū excitaretur. Deniq; nunquā abiissent retrò discipuli, si de spiritali māducaatione, aut de credendo tantū sermo esset habitus. Quæ omnia necessariò euincere vidētur, totū illum sermonē sic licet præcisē nō sit de Eucharistia, ad Eucharistiā tamen tēdere, & ab illis verbis, panis quē ego dabo, præcisē in Eucharistiā delinere.

39 His positis de explicatione c. 6. Ioā. ad obiectionē ex eo petitam, contra realē Christi præsentia in Eucharistia, quia in eo inquit Dñs, spiritus est, qui viuificat, caro non prodest quicquā: respondendū est primo, Christū nō esse locutum de sua carne, sed carnē appellasse crassā, animale, & carnalē Capharnaitarum intelligentiā, quā nō poterāt ad tanta mysteria assurgere, & ideo spiritu op^o esse, quo sensu dicitur Ioā. 3. quod natū est ex carne, caro est, quod natū est ex spiritu, spiritus est, & Mat. 16. Caro & sanguis nō reuelauit tibi. sic Tert. lib. de resurre. car. respōdet ad eos, qui ex hoc loco negabāt carnis resurrectionē: sic Origenes ad illud, nō iustificabitur in conspectu tuo omnis caro. si militer Cyp. de cœna Dñi, Chrys. ho. 4. 6. in Ioā. Cyr. Hieros. catec. myst. 4. apud quos carnē nō prodesse, est, sensum hominis animalis inutile esse ad mysteria perscrutanda, & proinde rationi & spiritui captiuandū. eundē sensum cōfirmat, quod Capharnaitas ibidē Dñs infidelitatis arguit, quodq; carnali intelligētia verba sua opponit, quę spiritus & vita sunt, hoc est plena mysteriorū, vitalia & spiritalia, non accipienda secundū occidentē literā, sed secundum viuificantē spiritū. Secundo respōderi potest, ipsam etiā carnē Christi nō prodesse affirmari, modo illo carnali, quo Capharnaitæ manducandā intelli-

Caro Christi, quo sensu dicitur non prodesse.

Comment. in D. Thom. tert. part.

xerunt, hoc est elixam, assam ve, & in partes dissectā, sic intellexit Cypr. de cœna, & D. Aug. tract. 27. in Ioa. Tertiò dici potest, caro etiā Christi in sacramēto non prodesse, vt caro est p̄cise, sed vt spiritui & diuinitati vnita: quē sensum fere semper Cyril. sequitur lib. 4. in Ioan. & D. Aug. lib. 10. de ciu. c. 24. & in Psal. 38. vt si diceret, aquam perse nō prodesse in baptismo, sed spiritū, cuius aqua instrumentū est. ex quibus omnibus constat, nec carnalem intelligentiā, nec modū manducandi, quē infideles conceperunt, nec ipsam perse carnem sine spiritu ac diuinitate quicquam prodesse.

40. Illud autē, quod Dñs eidem sententię preposuit, hoc vos scādalizat? si ergo videritis filiū hominis ascendentē vbi erat prius: nō prodest aduersariis ad refutandam eandē Christi præsentiā in Eucharistia. hoc enim sensu aduersarij accipiūt, nō hoc corpus comedetis, quia illud mecum in cēlū deferam. At vero licet hunc sensum videatur etiā D. Aug. significare, cōgruenter tamen ad priorē sententiā, & carnalem illam intelligentiā: vt affirmetur, nō esse illud Christi corpus sic manducandum, vt in frustra diuidatur, cū in eā specie integrū corpus deferendū esset in cēlum: hæc autē existentia corporis Christi in cēlo in propria specie, nō repugnat existentie eiusdē sacramentali in terris. Sed melior est explicatio D. Chrysost. cuius hæc sunt verba: vos offensionem accepistis à meis verbis, quòd dixi me daturū vobis carnem & sanguinem: sed cum hoc vos tantopere scandalizet, quid dicetis, quando videbitis filiū hominis ascendentem vbi erat prius? duo enim hoc cōmentario innuit, & minus mirum hoc esse, quod dicit & facit in dando corpore suo in cibum, quā in ascendendo in cēlum: & hæreticos, atq; infideles tunc magis offensos fore de præsentiā corporis in Eucharistia, cum viderint totū Christum sublatum in cēlum. vnde hæretici in hunc vsq; diem illud habent in ore, ascendit in cēlum: ergo non est in altari: vt ita Dñs notet propheticē perfidorū perpetuū futurū scandalum circa hoc sacramentū, idq; ex articulo ascēSIONIS desumendū.

41. Altera obiectio aduersariorū colligitur ex 10. c. 1. Cor. quatenus significat, non aliud nos māducare in Eucharistia, quā veteres in māna, verba illius sunt: omnes eandē escām spirituale manducauerūt, & om-

nes eundē potū spiritale biberunt: bibeāt autē de spiritali consequēte eos petra, petra autē erat Christus: sed illi nō comederunt Christū re vera, sed in figura tantum: ergo neq; vos. respōdetur primò, collationē nō fieri ipsoꝝ ad nos, sed ipsoꝝ inter se in ipsa manducatione: vt ipsi omnes siue boni vt Moyses, Aaron, Phinees: siue mali, vt murmuratores, qui prostrati sunt in deserto, eūdem Christum spiritaliter māducauerint. Secundò, etiā si fiat ipsoꝝ ad nos collatio, in Christo manducato conuenimus, in modo autem minimè: quare, qui ex illo infert hoc, decipitur fallacia figuræ dictio nis, à re ad modum rei: illi enim alio modo quam nos, eodē Christo pasti sunt. alio quin sequeretur eadem esse vetera & nostra sacramenta. eodem sensu quidam veterum asseruerunt, eundem esse cibum hominum & angelorum: inde tamen non efficietur angelos corporaliter, vel sacramentaliter Christum in Eucharistia manducare, sicut nos. Reliqua sanctę scripturę testimonia, quæ ab aduersariis cōtra realē præsentiā afferuntur, minutiora sunt: & quę ex præcedētibus pro catholica sententiā facile explicari possunt, vel ex sequētibus, quæ ad testimonia sanctorum obseruanda sunt.

42. Alterum igitur genus argumentorū ducunt aduersarij ex patrum testimoniis, quibus illis videtur realis præsentiā omnino negari: sed vt exactè intelligātur, quędā documenta obseruabimus. Primū est, quæ de hoc sacramento in mystico & spiritali sensu dicūtur, quęq; ad fidē, deuotionem, & interiorē affectū pertinere videntur, nullo modo repugnare posse reali & verę præsentię, quæ secundū literalem sensum asseritur & cōfirmatur. cōstat enim, ex his, quę dicta sunt 1. p. q. 1. ar. 10. mystici & spiritalis sensus fundamentū esse literalem: quare imperitè aliquis ex affirmatione spiritalis sensus, conabitur tollere præsentiā realē, quę in literali fundetur. sic ex Origene scribente ad c. 26. Matth. panis iste, quē Deus corpus suum esse fatetur, verbū est nutritorium animarum: inferunt aduersarij, nihil aliud esse manducare corpus Christi, quam audire verbum illius: hinc igitur Origenes spirituale sensum sectatur, qui literalem non euerit, vt ex eodem loco colligi potest, & ex ho. 16. super Num. vbi literale & mysticū his verbis coniunxit, bibere dicimur sanguinē Christi, & ritu sacramentorum,

Christus idem, cibus noster & veterū, sed alio modo.

Ex D. Aug. tractat. 26. in Ioan.

Ascensio Christi non tollit veritatem corporis Christi in Eucharistia.

*Qua Patres
mystice dicunt
de corpore Chri-
sti in hoc sacra-
mento, ad mo-
dum existendi,
non ad rem ip-
sam existentē,
referenda sunt.*

mentorū, & cū sermones eius recipimus.
43 Alterum documentum sit, quæ in Pa-
tribus spiritualem & umbraticam præsen-
tiam Christi in hoc sacramento constitue-
re videntur, non autem realem & substan-
tialē, ea non ad rem existentē, sed ad mo-
dum existendi referenda sunt: modus autē
est occultus & sacramentalis, & idēd my-
sticus. sic intelligendū est illud Augusti. ad
Psal. 33. Christus cum corpus suum comen-
daret discipulis, quodammodo portabat
se manibus suis. inquit enim [quodammo-
do] non ad tollendam substantiæ veritatē,
sed ad inuisibilem modum exprimendū.
simile est illud eiusdem ep. 23. ad Bonifac.
secundum quendam modum sacramentū
corporis Christi, corpus Christi est, sicut
sacramētum fidei fides est. significat enim
Aug. quod sicut sacramentum fidei susce-
ptum ab infantibus, & in illis per characte-
rem manens, dicitur illorum fides, & re ve-
ra est, cū m inferat fidem, per quam consti-
tuuntur fideles, licet fidei adultorum com-
parata, dicatur fides quodammodo. sic cor-
pus Christi in sacramento ad corpus in
propria specie collatū, dicitur quodammo-
do corpus Christi, non quod non sit idem
re ipsa substantialiter, sed quod non sit eo-
dem modo, quo aliquid in propria specie
dicitur esse idem. Hinc etiam sit, ut vna &
eadem res substantialiter permanens, pro-
pter modum existendi diuersum, dicatur
non ipsa. sic D. Aug. in Psal. 98. cū corporis
Christi realem præsentiam in Eucharistia
adorationis iudicata necessitate satis decla-
rasset, tandem dicit, non hoc corpus, quod
videtis, manducaturi estis, & bibituri illum
sanguinē, quem fufuri sunt, qui me crucifi-
gent. sacramentū vobis cōmendo, spiritua-
liter intellectū viuificabit. hæc Augustinus,
in quibus, illa, [hoc corpus, illum sangui-
nem] nō substantiam simpliciter denotat,
sed vna cum modo & naturali conditione
existendi, & ita dicatur spirituale, & nō hoc
ipsum, quod fuit, quia nō est idē cum om-
nibus suis proprietatibus. Sic etiā D. Paul.
eo ipso loco, quo conatur ostēdere eiusdē
numero corporis resurrectionē, 1. Cor. 15.
cōparans tamē hoc mortale ac corruptibi-
le corpus eidē postea futuro immortalī, in
corruptibili, & spirituali, appellat corpus fu-
turū, spirituale: atq; etiā asserit nō quod fu-
turū est seminari, id est, in terrā cadere, sed
Deū daturū esse corpus, sicut vult, constat

autē secundum rectā fidem de resurrectione,
nō significari diuersam substantiā, sed
mirificā in existendi cōditione differentiā.
cōsonat etiam hæc ratio dicendi vlitato &
vulgari sermone, quo vt nobis accōmoda-
to plurimū vti solet sancta scriptura. vulgo
enim nomina rebus attribui non solēt, nisi
vulgari & vilitata cōditione existāt. sic, quia
cōditiones & qualitates corruptibiles car-
ni nostrę cōgenitę in celo nō manent, dici-
tur ibidem ab Apostolo, caro & sanguis re-
gnū Dei nō possidebunt: & Mat. 26. me nō
semper habebitis, & 23. a modo nō videbi-
tis mortuū tamen haberēt & viderēt post re-
surrectionē plane substantia eundem, sed
existēdi cōditione diuersum. Lucæ etiā vl-
timo colloquens cū discipulis & verē præ-
sens, ait tamen, cū essem vobiscū. si igitur
ex huiusmodi differentia cōditionis in exi-
stentia & conuersatione, significatur tunc
nō esse præsens, aut non esse is, qui fuerat,
quanto magis ex longē maiori differentia
existentiæ in sacramento dici poterit non
esse idem, qui prius fuerat visibiliter.

44 Ex hac obseruatione, orta videtur illa
distinctio triplicis corporis, veri, mystici,
& sacramentalis: quā tamen propter latens
impiū dogma, vitandā monet Pasch. in lib.
de corp. & sang. Dñi. sicut hæc ipsa ratio di-
cendi, quā in D. Aug. & aliis explicamus, &
quę olim fuit sine offensione recepta, mo-
dō ne videamur fouere & alere Sacramē-
tariorū impiū dogma, vsurpanda nō est.
Ex hoc etiā modo existēdi in specie aliena
panis & vini Christū in hoc sacramēto, di-
citur esse signū, figura, imago, sūmbolum,
memoriale, representatio, similitudo: ip-
sum enim corpus, vt modo mystico exi-
stēs, duplici ratione dicitur sacramentū, &
respectu gratiæ sacramentalis, quā significat
& efficit, vt re sacramēti, & respectu sui ip-
sius existētis in forma & specie naturali &
visibili: nomē autē antitypi frequēter à Pa-
tribus Græcis Eucharistiæ attributū, realē
Christi præsentia perfectē exprimit: cū an-
titypō sit res ipsa, quæ umbræ veteris legis
respondet, vt veritas, & significat re eandē
in celesti patria perfectius existentē. cōstat
autē, Christi vt existētis in hoc sacramēto,
plures umbras fuisse, & esse signū Christi
existētis in celo in propria specie, vtrobq;
vero secundū substantiam eādem: oēs enim
circa corpus Christi actiones inter cōsecrā-
dū, administrandū, diuidendū, offerendū,

*Christus qua
ratione realiter
in Eucharistia
existēs dicatur
signū, figura,
sūmbolum, &c.*

Antitypon.

*Quo sensu dica-
tur corpus Chri-
sti substantiale,
mysticum & spi-
rituale;*

*D. Aug. expli-
catio.*

Comment. in D. Thom. tert. part.

latenter & mysticè in hoc sacramèto per-
actè, representât fractû, oblatum atq; mor-
tuû in cruce Dñm visibiliter. Vnde Lan-
francus contra Berengarium citat Augu-
stinum & Gregorium, asserentes carnè car-
nis, & sanguinè sanguinis esse sacramentû,
hoc est sacrû signû. quin etiâ D. Aug. hoc
sensû ausus est ipsum Christum, in propria
hominis specie existètem, appellare sacra-
mentû filij Dei, li. qq. 83. q. 42. propter latè-
tem modû existètiè diuinitatis in humani-
tate, sicut etiâ Ambr. li. de fide c. 4. ait, filiû
passum per sacramentû corporis: & transfi-
guratus Dominus in monte hac ratione
erat figura & representatio sui ipsius, vt in
gloria Patris existentis.

45 Quare non est cur offendat illud D.
Aug. cõt. Adim. c. 12. nõ dubitauit Dñs di-
cere, hoc est corpus meû, cum signû daret
corporis sui: hoc est non dubitauit appella-
tionè corporis existètis in naturali cõditio-
ne, tribuere eidè existenti sub sacramentali
cõditione & specie: illud autè [non dubita-
uit] significat verè hanc appellationè eidè
corpori competere, quod sit substantialiter
idè, licet alio modo existens. Neq; illud itè
offendere potest eiusdè in Psal. 3. Iudâ ad-
hibuit Dñs ad conuiuî in quo corporis &
sanguinis sui figurâ discipulis cõmendauit,
& tradidit: figurâ appellans propter modû
existèdi non propter rē. Eodè sensu Græcè
Liturgiè sepè vocant corpus & sanguinem
Christi, symbola, mysteria, & antitypa. li-
cet enim Nicæna synodus secunda, & Da-
mas. li. 4. c. 14. apertè doceât his nominibus
apud Græcos appellata esse panè & vinum
ante cõsecrationè, quomodo certè Amb.
li. 4. de sacr. c. 5. dixit, panè & vinum ante
cõsecrationè, illasq; actiones oblationem
antecedentes, figuras corporis & sanguinis
Dñi: tamè indubiè apud veteres Græcos
eodè appellationes attributè post cõsecra-
tionè, vt apertè apud Nazia. in oratione ad
Funus Gorgoniæ sororis, iuxta interpreta-
tionè propositam, rectissimè, & cõmodissi-
mè vsurpatè sunt. * vnde in hoc argumèto,
quo frequèter sacramentarij vtuntur: est si-
gnû sacrum, figura, exèplar Christi Eucha-
ristia: ergo nõ est Christus, cõsecutio negã-
da est: quia ista non opponuntur secundû
rē & substantiã contentam. sed tantû secun-
dum modû existentiè, vt explicauimus. Si-
cut etiâ non repugnat cõsubstantialitati fi-
lij Dei, quod Hebr. 1. appelletur character

& figura substantiæ Patris, aut quod Colo. 1.
imago Dei dicatur: vt neq; tollit humanita-
tè, quod Phil. 2. dicatur specie ac habitu in-
uentus vt homo, & in forma Dei, & in for-
ma serui: quãuis Marcio & Apollinaris ex
his locis impiè suam hèresim defenderint.
46 Vnus est locus Tertul. li. 4. cõt. Marc.
qui secundû regulam propositam non est
necessariò explicandus, licet possit. inquit
enim, panè acceptum ac distributû discipu-
lis, corpus suum illum fecit, dicèdo, hoc est
corpus meû, idest figura corporis mei. ex
adiunctis autè constat, illâ exegeticam ad-
ditionè, vel exponentem particulâ, cum ait
[hoc est,] esse expositionè illius pronomi-
nis [hoc,] vt is sit sensus, illud fecit Chri-
stus corpus suû in noua lege, quod figura
erat corporis in veteri, nõ autè referri pos-
se ad [corpus meû.] conatur enim ostède-
re contra hereticû, veteris & noui testamè-
ti firmâ esse cõsensionem, & veteris figu-
ras in nouo impletas: atq; idè Christû ve-
rû habuisse corpus, tam in sacramento, quã
in cruce, & vtrobiq; verû sanguinem: quia
vtriusq; existentie, panis & vinû figuræ fue-
rint, quæ nisi veritatis figuræ esse nõ poterât.

*Tertulliani lo-
cus explicatur,*

Obiectiones sacramentariorum ex ra- tione naturali.

1 R Eliquû est tertium genus argumè-
torum, Christi realè præsentiam in
Eucharistia tollere contèdens, quod sensu
& naturali ratione nititur: quod licet locû
nõ habeat in ea rē, quæ sola fide percipitur,
& sola omnipotètia miraculosè perficitur,
expendendû tamè est singulatim, ad huius
doctrinæ perfectionè. Obiiciunt igitur ad-
uersarij. primò ex ipsa existètia Christi sa-
cramentali, quod impossibile sit Deo, vt illi
volût, quantitate minori sacramèti, magnâ
Christi molè includere, quasi locum possit
nõ occupare corpus, aut per spatia nõ ex-
tendi: cû tamen id Philosophi negèt, & D.
Aug. ep. 57. ad Dard. asserat, idè sic esse cor-
porum proprium, vt ab eis nulla potètia rē
moueri possit: tolle, inquit, spacia locorum
corporibus, & nusquã erût, & quia nusquã
sunt, nec erût, idest omnino nõ erût. Deinde
obiiciunt ex pluralitate locorû, fieri enim
nõ posse, vt corpus aliquod simul & eodè
tèpore plura loca occupet: quod si Christû
integer est in Eucharistia, necesse est cor-
pus illius simul in pluribus locis existere, cû
in pluribus hostiis consecratis & altaribus,
existat,

*Expositio alio-
rum Patrum.*

* Sic etiâ eod.
c. Damas. &
illa prior expli-
catio videtur
ab aliquo adie-
cta Francf.
Turr in annos.
defensor. ad c.
13. li. 5. Apost.
cõstitut. D. Cle-
ment.

1.

2.

existat simul, & eodem tempore. Plura alia ex ratione naturali & sensibus deducta obijciunt, sed his adeo similia & cognata, ut his explicatis & refutatis, reliqua explicari & refutari sit necesse.

2. Ut autem apertius explicentur, primo repetenda sunt illa fidei catholicæ dogmata, quæ supra consecrariis quibusdam comprehendimus, totum nempe Christum existere in toto sacramento, & in quavis eius particula, quæ accidentia panis & vini retineat, licet quædam Christi sint in sacramento directò, ex vi sacramenti, aut verborum: quædam autem sint ratione coniunctionis & cõcomitantie, ut ibidè explicatũ est. Ex quibus constat, omnia quæ sunt in Eucharistia, siue vi sacramenti, siue cõcomitantie, siue ponantur in ratione sacramenti, siue non, existere tamen sacramentaliter: ut non tantum diuinitas, sed humanitas Christi, cum omnibus eius accidentibus, ut quantitate, colore, nativa effigie, apta membrorum interse collocatione, sacramentaliter existant. accidentia autem omnia sacramentaliter existere nihil est aliud, quam existere ad modum eius substantiæ, in quam panis conuersus est, quemq; substantia panis prius habebat. Cum enim accidentia illa consequuntur substantiã, quæ per se primò est transubstantiationis terminus, & idèd sunt in hoc sacramento, quasi per accidens, hoc est per aliud, & quod est huiusmodi, ad id quod est primò & perse, reuocari debeat, necesse est existere sacramentaliter, eo modo quo substantia existit. substantia autem sic perse existit, ut non magis in magno, quam in paruo contineatur, sicut tota substantia aeris, aquæ, vini, aut panis, non minus est in singulis particulis, quam in tota mole: & id circò accidentia corporis Christi propria, & ipsi inherencia, nullam habent habitudinem, nisi per substantiam, neq; ad species sacramentales, neq; ad corpora circumstantia: ut per ipsa accidentia, neq; videri corpus, nec tangi, deniq; neque sentiri, neque circumscribi, neque mensurari magno, aut paruo, sed sit ibi Christus in suo colore & specie inuisibilis, in suis dimensionibus indiuisibilis, in tota quantitate, ut ita dicam, illocatus, incircumscriptus, indefinitus. quæ tamen omnia, si haberent suum modum existendi, efficerent sanè substantiam Christi & videri per ipsa, tangi, sentiri, & lo-

ci spatiis distendi: quare non modò substantia corporis Christi, sed vniuersa quantitas ad modum substantiæ existit, tota scilicet, in tota hostia consecrata; & tota in quauis parte.

3. Quod si obijcias, hoc non esse naturæ consentaneum, cum in generatione naturali terminus perse primò sit ipsa substantia, & tamen accidentia, quæ ipsam consequuntur, non sequuntur modum existendi substantiæ, sed potius ipsa quantitas, & cætera accidentia, quæ quantitatem requirunt, diuisibiliter existunt ad modum quantitatis: respondeo, ex diuersis causis vtriusque conuersionis, concludi diuersam existentiam accidentium. transubstantiatio enim fit virtute verborum sacramentalium in substantiam Christi immediatè, ut ea existat sacramentaliter sub accidentibus panis & vini, & idèd necessariò existunt accidentia corporis Christi ad modum substantiæ: causa verò generationis substantiæ, naturalis est, ad similes productionem naturaliter destinata, & idèd terminatur primò ad substantiam, quæ naturaliter existat: quare accidentia existunt naturali modo & sibi proprio, non autem modo substantiæ indiuisibiliter.

4. Hanc verò accidentium Christi existentiam ad modum substantiæ, antiqui Patres docuerunt, ut constat ex Eusebio hom. 5. de Pascha, & Augustino citato à Beda 1. Corinth. 10. D. Ambros. in præparatione ad missam, alijsq; omnibus assentientibus, totum & integrum Christum sumi ab omnibus in singulis partibus, tantumq; esse in exiguo, quantum in toto. in huiusmodi autem existentiam redigi posse quàm cunq; molem corpoream per Dei omnipotentiam, sine contradictionis implicatione, & sine interitu sui, facile credemus, si neque de proposita existentia sacramentali, neque de omnipotentia Dei dubitemus, per quam, quæ apud nos impossibilia sunt, apud Deum possibilia sunt, vnde in hoc ipso genere, de quo agimus, posset Deus trahere camelum, mole & quantitate integrum per foramen acus, cum in hoc ipso sancto Christi corpore similia fecerit. clauso enim vtero matris sue, traduxit corpus omnibus membris integrum: sepulchro obserato, penetrauit inmeabilem lapidem: ianuis clausis, vniuersam quantitatem ac membrorum distin-

Eadem accidentium Christi existentia cõfirmatur testimonio Patrum, & alijs miraculis similibus.

3. p. 97. art. 5. & 4. lib. cõtra gent. c. 64. Quare accidentia corporis Christi existent in Eucharistia ad modum substantiæ.

ctionem

D. Tho. tert. par.

tionem retinens, per solidum lignum ingreditur: ipsumq; tandē cœlū, quod est, vt Philosophis placet, solidum, eadem mole corporis penetrat. in his autem omnibus locis & rebus ita extitit, vt cum omnia corporis membra integra habuerit, nullamq; quantitatem deposuerit, nulla tum loci spacia occuparit. quare si hæc omnia vera sunt, vt recta fides docet, efficitur necessarium, diuinæ omnipotentiae impossibile non esse, ita in sacramento suum corpus constituere, cum omni mole & recta membrorum collocatione, vt tamen locum non occupet, nec per spacia extendatur. quemadmodum etiam in propositis miraculis, quantitas Christi existentis in ligno & lapide, manet distincta à quantitate ligni & lapidis, nec in ipsam versa, nec ipsam annihilas, vt imperitè asserit Beza: sic existit tota corporis Christi quantitas cum dimensionibus panis, ab eiusdem tamen verè distincta, nec se, nec ipsas interimens. de hac Dei omnipotentia contra impios & incredulos asserenda differit D. Ambr. lib. 10. in Lucā c. 24. August. ep. 3. ad Volusianum, lib. 22. de ciuit. c. 8. D. Cyrill. lib. 10. in Ioan. cap. 35. D. Hieron. lib. 1. contra Iouinianum.

ARTICVLVS V.

Verum corpus Christi sit in hoc sacramento sicut in loco.

Inf. art. 6. cor.
ad 1. q. 4.
d. 10. art. 1. ad
3. 6. 7. q. 8
et art. 3. q. 2.
ad 2. q. 4. cō.
cap. 64. si. Et
quo. 1. art. 22.
ad 2.

AD QUINTVM sic proceditur. Videtur, quod corpus Christi sit in hoc sacramento sicut in loco. Esse enim in aliquo definitiue, vel circumscriptiue, est pars eius quod est esse in loco. Sed corpus Christi videtur esse definitiue in hoc sacramento (quia ita est vbi sunt species panis vel vini, quod nō est in alio loco altaris) videtur etiā ibi esse circumscriptiue: quia ita cōtinetur superficie hostiæ consecratę, quod nec excedit nec exceditur. Ergo corpus Christi est in hoc sacramento sicut in loco.

¶ 2. Præterea, Locus specierum panis non est vacuus (natura enim non patitur vacuum) nec est ibi substantia panis, vt supra habitum est,

* sed est ibi solū corpus Christi. Ergo corpus Christi replet locum illum. Sed omne quod replet locū aliquem, est in eo localiter. Ergo corpus Christi est in hoc sacramento localiter.

2. præ. art. 1.
2. q. 5.

¶ 3. Præterea, Sicut dictum est, * in hoc sacramento est corpus Christi cum sua quantitate dimensiuā, & cum omnibus suis accidentibus. Sed esse in loco, est accidens corporis: vnde & ibi connumeratur inter nouem genera accidentium. Ergo corpus Christi est in hoc sacramento localiter.

Ar. præ. q. 3.
huius q.

SED CONTRA est, quod oportet locum & locatum esse æqualia, vt patet per * Philosopho. in 4. Physic. Sed locus, vbi est hoc sacramentū, est multo minor, quā corpus Christi. Ergo corpus Christi non est in hoc sacramento, sicut in loco.

Lib. 4. Physic.
tex. 3. q. 2.

RESPONDEO dicendum, quod (sicut iam dictū est *) corpus Christi non est in hoc sacramento secundum proprium modum quantitatis dimensiuæ, sed magis secundū modum substantiæ. Omne autem corpus locatum est in loco secundum modum quantitatis dimensiuæ, in quantum, scilicet, commensuratur loco secundum suam quantitatem dimensionum. Vnde relinquitur, quod corpus Christi non est in hoc sacramento sicut in loco, sed per modum substantiæ: eo scilicet modo, quo substantia continetur à dimensionibus. Succedit enim substantia corporis Christi in hoc sacramento substantiæ panis: vnde sicut substantia panis non erat sub suis dimensionibus localiter, sed per modū substantiæ, ita nec substantiæ corporis Christi, nō tamen substantia corporis Christi est subiectū illa-

ar. 3. huius q.

rum

rum dimensionū, sicut erat substantia panis. Et ideo substantia panis ratione suarū dimensionum localiter erat ibi: quia cōparabatur ad locū illū mediātibz propriis dimensionibus. Substantia autem corporis Christi cōparatur ad locum illum mediātibz dimensionibus alienis, ita q̄ è conuerso dimensiones propriæ corporis Christi cōparantur ad locū illum mediante substantia, quod est cōtra rationem corporis locati. Vnde nullo modo corpus Christi est in hoc sacramento localiter.

AD PRIMVM ergo dicendum, q̄ corpus Christi nō est in hoc sacramento definitiue, quia sic nō esset alibi, quā in hoc altari, vbi cōficitur hoc sacramentū: cū tamen sit & in cēlo in propria specie, & in multis aliis altaribus sub specie sacramēti. Simiter etiā patet, q̄ non est in hoc sacramento circumscriptiue: quia nō est ibi secundū commensurationem proprię quantitatis: vt dictū est. * Quod autē non est extra superficiē sacramēti, nec est in alia parte altaris, non pertinet ad hoc, quod sit ibi definitiue, vel circumscriptiue, sed ad hoc, quod incepit ibi esse per consecrationem & cōuersionem panis & vini, vt suprà dictum est. *

AD SECUNDVM dicendum, q̄ locus ille in quo est corpus Christi, nō est vacuus, neq; tamen propriè est repletus substantia corporis Christi, quæ nō est ibi localiter, sicut dictū est. * Sed est repletus speciebus sacramentorum: quę habēt replere locum, vel propter naturā dimensionum, vel saltem miraculose, sicut & miraculose subsistunt per modum substantiæ.

AD TERTIVM dicendū, quod accidētia corporis Christi sunt in hoc sacramento (sicut suprà dictum est *) secundū realem concomitantia. Et ideo illa accidētia corporis Christi, sunt in hoc sacramento, quę sunt ei intrinseca. Esse autē in loco, est accidens per cōparationē ad extrinsecum continens. Et ideo non oportet, quod Christus sit in hoc sacramento sicut in loco.

Ar. præced.

ARTICVLVS VI.
Vtrum corpus Christi sit mobiliter in hoc sacramento.

AD SEXTVM sic proceditur. Videtur, q̄ corpus Christi sit mobiliter in hoc sacramento. Dicit enim * Philosophus in 2. Top. quod motis nobis, mouētur ea, quę in nobis sunt. Quod quidē est verū etiā de spiritali substantia animæ. Sed Christus est in hoc sacramento, vt supra habitum est. * Ergo mouetur ad motum ipsius.

4. d. 10. ar. 9.
2. 4. Et opus
11. ar. 3. 4.

* Lib. 2. c. 3. in
declaratione
24. loci, tom. 1.

ar. lxxviii.

¶ 2. Præterea, Veritas debet respondere figurę. Sed de agno Pascha li, qui erat figura huius sacramēti, nō remanebat quicquā vsq; mane, sicut præcipitur Exo. 12. Ergo neq; etiā si hoc sacm referuetur in crastinū, erit ibi corpus Christi. Et ita non est immobiliter in hoc sacramento.

¶ 3. Præterea, Si corpus Christi remaneat sub hoc sacramento etiā in crastino, pari ratione remanebit, & per totum sequens tempus: non enim potest dici quod desinat ibi esse cessantibus speciebus: quia esse corporis Christi non dependet à speciebus illis. Non autem remanet sub hoc sacramento Christus per totum tempus futurum.

Videtur

Ar. 3. & 4. huius q.

2. præced. art.
3. & 4.

In cor. ar.

Videtur ergo, quod statim in crastino, vel post modicum tempus, desinat esse sub hoc sacramento. Et ita videtur, quod Christus mobiliter sit in hoc sacramento.

SED CONTRA, Impossibile est idē esse motū & quietum: quia sic contradictoria verificaretur de eodem. Sed corpus Christi in cælo quietum residet. Non ergo est mobiliter in hoc sacramento.

RESPONDEO dicendum, quod cū aliquid est vnū subiecto, & multiplex secundū esse, nihil prohibet secundū aliquid moueri, & secundū aliquid immobile permanere: si cut corpori est aliud esse album, & aliud esse magnū: vnde potest moueri secundū albedinē, & permanere immobile secundū magnitudinē. Christo autē non est idē esse secundū se, & esse sub hoc sacramento: quia per hoc quod dicimus ipsum esse sub hoc sacramento, significatur quedā habitudo eius ad hoc sacramentū. Secundum igitur hoc esse nō mouetur Christus per se secundū locū, sed solū per accidens: quia Christus non est in hoc sacramento sicut in loco, sicut prædictum est. * Quod autē nō est in loco, non mouetur per se in loco, sed solū ad motū eius, in quo est. Similiter autē neq; per se mouetur secundū esse, quod habet in hoc sacramento, quacūq; alia mutatione: puta, quātum ad hoc, qd desinat esse sub hoc sacramento: quia illud, quod de se habet esse indeficiens, nō potest esse deficiēdi principiū: sed alio deficiēte, hoc desinit esse in eo, sicut Deus, cuius esse est indeficiens & immortale, desinit esse in aliqua creatura corruptibili per hoc, quod creatura corruptibilis desi-

nit esse. Et hoc modo cū Christus habeat de se esse indeficiens, & incorruptibile, nō desinit esse sub sacramento: neq; per hoc, qd ipsum desinat esse, neq; etiam per motū localem sui (vt ex dictis patet*) sed solū per hoc, quod species huius sacramenti desinunt esse. Vnde patet, quod Christus per se loquendo, immobiliter est in hoc sacramento.

AD PRIMUM ergo dicendum, qd ratio illa procedit de motu per accidens, quoad motum nostri mouentur, ea quæ in nobis sunt. Aliter tamē, ea quæ per se possunt esse in loco sicut corpora, & aliter, ea quæ per se nō possunt esse in loco, sicut formæ, & spirituales substantiæ. Ad quē modum potest reduci, quod dicimus Christū moueri per accidens secundū esse quod habet in hoc sacramento; in quo non est sicut in loco.

AD SECUNDUM dicendū, quod hac ratione moti videtur fuisse quidā, ponentes, qd corpus Christi non remanet sub hoc sacramento, si in crastinum reseruetur. Contra quos Cyrillus dicit: Insaniunt quidā, dicentes mysticam benedictionem cessare à sanctificatione, si quæ eius reliquiæ remanserint in diem subsequentem, non enim mutatur sacramentum corpus Christi, sed virtus benedictionis & viuificatiua gratia, iugis in eo est. Sicut etiam omnes alia consecrationes immobiliter manent, permanentibus rebus consecratis, propter quod non iterantur. Veritas autem licet figuræ respondeat, tamen figura non potest eam adæquare.

AD TERTIUM dicendū, quod corpus Christi remanet in hoc sacramento, non solum in crastino, sed

Ar. præc.

Ar. præc.

sed etiã in futuro quousq; species sacramentales manent. Quibus celsantibus definit esse corpus Christi sub eis: nō quia ab eis depēdeat, sed quia tollitur habitudo corporis Christi ad illas species, per quem modū Deus definit esse dominus creaturæ desinentis.

ARTICVLVS VII.

Vtrum corpus Christi prout est in hoc sacramento possit videri ab aliquo oculo, saltem glorificato.

*Inf. ar. 8. co. et
4. d. 10. ar. 2.
q. 2. ad. 3. &
arti. 4. q. 1. per
10. & q. 4. ar.
2. & in expo.
lib. ad 1. 2. &
4.*

AD septimum sic proceditur. Videtur, quod corpus Christi, prout est in hoc sacramento possit videri ab aliquo oculo, saltē glorificato. Oculus enim noster impeditur à visione corporis Christi in hoc sacramento existentis, propter species sacramentales ipsum circumuelantes. Sed oculus glorificatus non pōtest ab aliquo impediri, quin corpora quælibet videat prout sunt. Ergo oculus glorificatus potest videre corpus Christi, prout est in hoc sacramento.

¶ 2. Præterea, Corpora gloriosa sanctorū erunt configurata corpori claritatis Christi: vt dicitur Phil. 3. Sed oculus Christi videt se ipsum prout est in hoc sacramento. Ergo pari ratione quilibet alius oculus glorificatus potest ipsum videre.

¶ 3. Præterea, Sancti in resurrectione erunt æquales angelis: vt dicitur Luc. 20. Sed angeli vidēt corpus Christi, prout est in hoc sacramento: quia etiam dæmones inveniuntur huic sacramento reuerentiam exhibere: & ipsum timere. Ergo pari ratione oculus glorificatus potest Christum videre, prout est

in hoc sacramento.

SED CONTRA, Nihil idem existēs, potest simul ab eodē videri in diuersis speciebus. Sed oculus glorificatus semper videt Christū, prout est in sua specie, secundum illud Isa. 33. Regem in decore suo videbūt. Ergo videtur, quod nō videat Christum, prout est sub specie huius sacramenti.

RESPONDEO dicendum, quod duplex est oculus, scilicet corporalis proprie dictus, & intellectualis, qui per similitudinē dicitur: à nullo autem oculo corporali corpus Christi potest videri, prout est in hoc sacramento. Primò quidē, quia corpus visibile per sua accidētia immutat mediū. Accidētia autē corporis Christi sunt in hoc sacramento mediāte substantia, ita scilicet, quod accidentia corporis Christi nō habent immediatā habitudinē, neq; ad hoc sacramentum, neq; ad corpora, quæ ipsum circumstant. Et ideo nō possunt immutare mediū, vt sic ab aliquo corporali oculo videri possint. Secundò, quia sicut supra dictū est, * corpus Christi est in hoc sacramento per modū substantiæ. Substantia autē inquantū huiusmodi, nō est visibilis oculo corporali, neq; subiacer alicui sensui, sed nec etiā imaginationi, sed soli intellectui, cuius obiectū est quod quid est: vt dicitur in 3. de ani. * Et ideo propriē loquēdo, corpus Christi secundū modū essendi, quē habet in hoc sacramento, neq; sensu, neque imaginatione perceptibile est, sed solo intellectu, qui dicitur oculus spiritualis. Percipitur autē diuersimodē à diuersis intellectib⁹. Quia enim modus essendi, quo Christus est in hoc sacro, est penitus supernaturalis,

Ar. 1. huius q. ad 3.

Li. 3. de anim. tra. 26. fo. 2.

D. Tho. tert. par.

turalis, à supernaturali intellectu, scilicet diuino, secundum se visibilis est, & per consequens ab intellectu beato, vel angeli, vel hominis: qui secundum participatam claritatem diuini intellectus videt, ea quæ supernaturalia sunt, per visionem diuinæ essentiae: ab intellectu autem hominis viatoris non potest conspici nisi per fidem, sicut & cætera supernaturalia. Sed nec etiam intellectus angelicus secundum sua naturalia sufficit ad hoc intuentum. Vnde dæmones non possunt videre per intellectum Christum in hoc sacramento nisi per fidem, cui non voluntarie assentiunt, sed ad eam cuius dæmonum signorum cōuincuntur: prout dicitur Iac. 2. Quod dæmones credunt, & contremiscunt.

AD PRIMVM ergo dicendum, quod oculus noster corporeus per species sacramentales impeditur à visione corporis Christi sub eis existentis, non solum per modum tegumenti, sicut impedimur videre id quod est velatum quocunque corporali velamine: sed quia corpus Christi non habet habitudinem ad medium, quod circumstat hoc sacramentum, mediantibus propriis accidentibus, sed mediantibus speciebus sacramentalibus.

AD SECVNDVM dicendum, quod oculus corporalis Christi, videt seipsum sub sacramento existētem: non tamen potest videre ipsum modum essendi, quo est sub sacramento, quod pertinet ad solum intellectum. Nec tamē est simile de alio oculo glorioso: quia etiam ipse oculus Christi est sub hoc sacramento, in quo non conformatur ei alius oculus gloriosus.

AD TERTIVM dicendum, quod

angelus bonus, vel malus non potest aliquid videre oculo corporeo. sed solum oculo intellectuali. Vnde non est similis ratio, ut ex dictis patet.*

In cor. ar. 2.

ARTICVLVS VIII.

Vtrum quando in hoc sacramento apparet miraculosè caro vel puer, sit ibi verè corpus Christi.

AD OCTAVVM sic proceditur. Videtur, quod quando in hoc sacramento miraculosè apparet caro vel puer, non sit ibi verè corpus Christi. Corpus enim Christi definit esse sub sacramento, quando desinunt esse species sacramentales: ut dictum est.* Sed quando apparet caro vel puer, desinunt esse species sacramentales. Ergo non est ibi verè corpus Christi.

4. d. 10. ar. 2.
9. 2. ad 3. &
ar. 4. q. 2. &
3. Et opusc. 58.
6. 11.

Ar. prae. ad 3.
ar. 3.

¶ 2. Præterea, Vbiq; est corpus Christi, vel est ibi sub specie propria, vel specie sacramenti. Sed quando tales apparitiones fiunt, manifestum est, quod non est ibi Christus sub specie propria (quia in hoc sacramento totus Christus continetur, qui permanet integer in forma, qua ascendit in cælum: cum tamen id, quod miraculosè apparet in hoc sacramento, quandoq; videatur, ut quædā parua caro, quandoq; autem, ut paruus puer) manifestum est etiam, quod non est ibi sub specie sacramenti, quæ est species panis vel vini. Ergo videtur, quod corpus Christi nullo modo sit ibi.

¶ 3. Præterea, Corpus Christi incipit esse in hoc sacramento per consecrationem & conuersionem, ut supra dictum est.* Sed caro & sanguis miraculosè apparens, non sunt consecrata nec conuersa in verum corpus

2. 75. ar. 2.

corpus & sanguinem Christi. Non ergo sub his speciebus est corpus vel sanguis Christi.

SED CONTRA est, quod tali apparitione facta, eadem reuerentia exhibetur ei, quod apparet, quæ etiam primo exhibebatur. Quod quidem non fieret, si verè non esset ibi Christus, cui reuerentiæ latriæ exhibemus. Ergo etiam tali apparitione facta, Christus est sub hoc sacramento.

RESPONDEO dicendum, quod dupliciter cōtingit talis apparitio, qua quandoque in hoc sacramento miraculosè videtur caro aut sanguis, aut etiam aliquis puer. Quandoque enim hoc contingit ex parte videntium, quorum oculi immutantur tali immutatione, ac si expressè viderēt exterius carnem vel sanguinem vel puerum, nulla tamē immutatione facta ex parte sacramenti. Et hoc quidem videtur contingere, quando vni videtur sub specie carnis vel pueri, aliis tamen videtur sicut & prius sub specie panis: vel quando eidem ad horam videtur sub specie carnis vel pueri, & postmodū sub specie panis. Nec hoc tamen pertinet ad aliquam deceptionem, sicut accidit in Magorum præstigiis, quia talis species diuinitus formatur in oculo, ad aliquam veritatem figurādam, ad hoc scilicet quod manifestetur verè corpus Christi esse sub hoc sacramento, sicut etiam Christus, absq; deceptione apparuit discipulis euntibus in Emaus. Dicit enim Augustinus in lib. de quæstio. Euāgelist. quod cū fictio nostra refertur ad aliquā significationem, non est mendacium, sed aliqua figura veritatis. Et quia per hunc modum nulla immu-

tatio fit ex parte sacramenti, manifestum est, quod non desinit Christus esse sub hoc sacramento tali apparitione facta. Quandoque verò contingit talis apparitio non per solum immutationem videntium, sed specie, quæ videtur, realiter exterius existente. Et hoc quidem videtur esse, quando sub tali specie ab omnibus videtur, & non ad horam: sed per longum tempus ita permanet. Et in hoc casu quidam dicunt, quod est propria species corporis Christi: nec obstat quod quādoque non videtur ibi totus Christus, sed aliqua pars carnis, vel etiam videtur nō in specie iuuenili, sed in effigie puerili: quia in potestate corporis gloriosi est, quod videatur ab oculo non glorificato, vel secundū totum, vel secundum partem, & in effigie vel propria vel aliena: vt infra t dicetur. Sed hoc videtur esse inconueniens, primò quidem, quia corpus Christi non potest in propria specie videri, nisi in vno loco, in quo definitiuè continetur. Vnde cū videatur in propria specie, & adoretur in cælis, sub propria specie, nō videtur in hoc sacramento.

Secūdo: quia corpus gloriosum quod apparet vt vult, post apparitionem cū voluerit disparet, sicut dicitur Luc. ultimo, quod Dominus ex oculis discipulorū euauit. Hoc autē quod sub specie carnis in hoc sacramento apparet, diu permanet: quinimo legitur quandoque esse inclusum, & multorum episcoporum cōsilio in pixide reſeruatū, quod nephas esset de Christo sentire secundū propriam speciem. Et ideo dicendum est, quod manentibus dimensionibus, quæ prius fuerant, fit miraculosè quædā immutatio cir-

*Non absoluit
morte præn-
tans, sed vide in
Sent. lib. 2. di.
44. q. 2. ar. 4.*

*Lib. 2. c. ult. nō
procul à prim.
to. 4.*

Comment. in D. Tho. tert. part.

ca alia accidentia (puta figuram & colorem, & alia huiusmodi) ut videatur caro vel sanguis aut etiam puer. Et sicut prius dictum est, * hoc non est deceptio, quia fit in figuram cuiusdam veritatis, scilicet, ad ostendendum per hanc miraculosam apparitionem, quod in sacramento est verè corpus & sanguis Christi. Et sic patet quod remanentibus dimensionibus, quæ sunt fundamenta aliorum accidentium, ut infra * dicitur, remanet verè corpus Christi in hoc sacramento.

AD PRIMUM ergo dicendum, quod facta tali apparitione species sacramentales quandoque quidè totaliter remanent in seipsis, quandoque autem secundum id quod est principale in eis: ut dictum est. *

AD SECUNDUM dicendum, quod in huiusmodi apparitionibus (sicut dictum est *) non videtur propria species Christi, sed species miraculosè formata vel in oculis intuentium, vel etiam in ipsis sacramentalibus dimensionibus, ut dictum est. *

AD TERTIUM dicendum, quod dimensiones panis & vini consecrati manent, immutatione circa eas miraculosè facta, quantum ad alia accidentia, ut dictum est. *

Sententia & conclusiones quest.

Prima conclusio: Christus non est in hoc sacramento ut in loco, quia neque sub accidentibus sacramentalibus continetur circumscriptione, aut definitione, sed ad modum substantiæ.

Consecrarium ex hac conclusione, Christus ut existens in hoc sacramento non movetur per se in loco, sed ex accidenti, motis eisdem accidentibus: quia quod non est

in loco per se, neque loco per se moveri potest.

Secunda conclusio: Christus in hoc sacramento sentiri non potest sensu viatoris, sed fide tantum potest cognosci, & à beato visione diuinæ essentiae. cum autem in sacramento apparet caro, sanguis, puer, id fit accidentium immutatione, & non sunt illa de substantia Christi, qui semper latet sub dimensionibus permanentibus, de quo differetur q. 77. de reliquis statim.

COMMENTARIUS.

EX his primo efficitur necessarium, corpus Christi non esse in sacramento, ut in loco, cum sit admodum substantiæ indiuisibiliter: neque ratione dimensionum panis aut vini, à quibus continetur, in loco esse potest. Ratio primi est, quia corpus est in loco dimensionè ratione quantitatis, per quam totum à toto loco, & pars à parte continetur & circumscribitur: sed corpus Christi, ut probatum est, non est in Eucharistia dimensionè, cum sit totum in toto, & totum in quavis particula: non est igitur in sacramento, ut in loco. Ratio secundi est, quia substantia panis aut vini ante consecrationem erat sub dimensionibus ad modum substantiæ, tota in toto, & tota in quavis parte, & non ut in loco: sed per transubstantiationem substantia corporis Christi succedit substantiæ panis & vini sub eisdem dimensionibus, sine inhaerentia, ut postea constabit: est igitur sub illis dimensionibus ad modum substantiæ, & non ut in loco. Vnde poteris concludere, corpus est in loco ratione dimensionum quantitatis, quibus loco circumscribitur: sed corpus Christi in Eucharistia neque ratione dimensionum panis, cum corpori Christi non inhaereant: neque ratione propriarum, cum sequantur modum existendi substantiæ, ut probatum est, comparatur ad locum: corpus igitur Christi in Eucharistia existens, nullo modo potest esse in loco. Sed quia hæc ratio euincit, Christum in Eucharistia non esse loco circumscriptum, facile etiam constabit, neque loco definiti posse, ut est in eadem: quia secundum fidem constat simul esse in pluribus altaribus, in quibus immola-

Corpus Christi non est in sacramento ut in loco

In ipsomet art.

Quæst. ar. 2.

In cor. ar.

In cor. ar.

Ibidem.

Quæst. ar. 3. & 6.

molatur, & in cælo simul est in propria specie: quod autem est in loco definitiue, simul alibi esse non potest. qua igitur ratione existit in pluribus hostiis consecratis? sacramentaliter certe per transubstantiationem panis & vini, & non per lationem, ut supra conclusum est.

*Christus nō est
vbique ut vo-
lunt Brentiani*

2 Scio à quibusdam Lutheranis, Christū vbique etiam affirmari existere, quia diuinitas Christi sit vbique, vnde & Vbiq̃istæ dicti sunt, sed imperitè & impudèter: quāuis enim Dei proprium sit vbique existere, & Christus sit Deus, non inde sequitur necessario Christum vbique existere: quia Christus est nomen diuinæ personæ filij subsistentis in duabus naturis diuina & humana: & licet humanitatē nunquam dimiserit, diuinitas tamen tribuēs subsistētiam humanitati, non concludit in se diuinitatē, ut necessariò sit illi vbique coniuncta. itaque in Christo semper est diuinitas & humanitas, & humanitas vbicunq; est, habet sibi hypostaticè vnitā diuinitatem: sed nō contrā, vbicūque est diuinitas, est etiā humanitas, cum illa sit infinita, & ideo vbique: hæc autem finita, & ideo vel in sacramento, vel in propria specie sedens ad dexterā Patris, & interpellans pro nobis. Consequitur autem corpus Christi quantū & existēs in propria specie, externus locus, illud definiens & circumscribens: non sequitur autē existens in sacramento, quia nō est in sacramento ut in loco, neque locus est accidens intrinsecū: accidentia vero intrinseca sunt, quæ ratione concomitantia, corpus Christi in sacramento Eucharistiæ consequuntur.

*Corpus Christi
in aliena, & in
propria specie.*

3 Efficitur secundo, corpus Christi secundum rectam fidem & in aliena specie, in sacramento Eucharistiæ: & in propria specie & figura in cælo esse. Primū euincit presentia realis Christi in hoc sacramento supra demonstrata. Secundū verò, articulus ascensionis & sessionis ad dexterā Patris. In aliena specie sacramentaliter existens, etiā ante resurrectionē, pati & ledi non poterat: in propria potuit, ut articulus passionis ostendit. Dico autē in sacramento pati non posse, ut passio inferatur corpori Christi, dum in sacramento existit: licet id ab hereticis & Iudæis sua perfidia & ignoratione nostræ doctrinæ sæpè tentatum sit, sed ut in sacramento, existit impassibiliter, & insensibiliter. Ut enim sentio omnis, atq; etiā visio requirit contactū corporis cum medio inter-

iecto ad obiectum vsque visibile: ita in passionē requiritur contactus agentis & patientis: contactus autem fit secundum proprias dimensiones. Sed corpus Christi sacramentaliter existens, ad medium externum propriis dimensionibus comparari nō potest, sed dimensionibus panis & vini, quibus continetur: non igitur corpus Christi, ut existit in sacramento sentiri aut pati potest: sed ipsæ species panis & vini sunt, quæ sentiuntur & patiuntur. quæ ideo efficit etiam, Christū in sacramento existentem nihil externum sentire posse, ita ut qua ratione existit sacramentaliter, neque videt, neque audit: quia ab externis sensibilibus immutari nō potest, sed tantum mediis accidentibus sacramentalibus hæc dicuntur cōuenire Christo, quatenus eisdē, quibus cōtinetur Christus, illa conuenire possunt, Christo cōtento non possunt. oculus autem Christi videt seipsum in sacramento existentem, modū tamen existendi non videt, neque etiam oculus beati: quia is modus solo intellectu percipi potest, quū sit ad modū substantiæ, hæc verò per se intelligibilis est, non sensibilibus. sed quoniam est modus supernaturalis à viatore per fidē cognoscitur, à demone euidētia miraculorum, à beatis verò per claritatem, qua vident diuinam essentia, & omnia fidei mysteria. Sed licet Christus ut existens in sacramento pati aut sentiri non possit: quicquid tamen in propria specie ante resurrectionem & mortem passus est, si esset Eucharistia ante mortem, ibidem similiter pateretur, cum sit omnino idem corpus secundum substantiam, modo tantum existendi diuersum. Potest autē corpus Christi deficere secundū existētiā sacramentalē, deficientibus accidentibus à quibus cōtinetur: quia quod in se deficere non potest, deficiente alio in quo est, in eo definit esse necessario, ut Deus definit esse in creatura, cum ea corrumpitur: sic & Christus in sacramento definit esse, cum in se post resurrectionem nullo modo desinere possit esse, deficientibus accidentibus sacramenti, à quibus continetur. 3. p. q. 76. art. 6.

*Corpus Christi
in sacramento
sentiri aut pati
non potest, ne-
que sentire aut
agere in re ex-
ternam.*

3. p. q. 76. art. 7.

2. 81. art. 4.

4 Fuit autem consistentaneum, hunc duplicem modum existendi Christo conuenire, ut sicuti erat, ita ratione vnius naturæ seipsum mortale, ratione alterius immortalem repræsentaret, sic quidē pro sua voluntate ante mortem, nunc eas qualitates

Kk 2 subiit,

3. p. q. 81. art. 3.
¶ 4.

Comment. in D. Th. tert. part.

subiit, quæ ad corruptionem & ignobilitatē, nunc eas, quæ ad gloriā & immortalitatem. Sic Luc. 4. ad indicium passibilitatis comprehensus est à Nazarenis, & vi abductus in montis supercilium: & rursus ibidē, per medium eorum intractabilis & inuisibilis, ne præcipitaretur, transiuit. Cap. verò 9. in transfiguratione, corpore gloriosus apparuit: quare mirandum non est, Dominum in sua specie mortalem extitisse, in aliena sacramenti, pati non posse. quæ autē sententia, à quibusdā veteribus ex his collecta est, Christum mortuum in cruce, viuere potuisse in sacramento, nec ibi quicquā tristitiæ ex crucifixione sensurum fuisse, visa est illis probabilis, vt Vgoni Victorino lib. 2. p. 9. cap. 2. de sacramentis, sed nō omnibus: nam illi se opposuit Iuo Carnotensi epistola ad Hamericum, & Innocent. III. lib. 4. de mysterio altaris. cap. 12. & plerique alij tempore Berengarij, quos omnes penē scholastici Theologi nunc secuntur, sequi autem solent semper, vbi fides non repugnat, quod est rationi maximē consentaneum. Viderunt enim intelligentiæ imprimis repugnare, vt idem corpus secundum substantiam, simul sit mortale & immortale: & quod absurdius videtur, eodem tempore mortuum & viuum existat. quamquam eorum nemo sit, qui neget, id diuinę potentiæ possibile esse, præsertim cum est diuersus modus existendi.

¶ Vnde Theologi omnes nunc hanc sententiā sequuntur, corpus Christi in Eucharistia quoad omnia interna substantia & accidentalia, sequitur conditionē eiusdem corporis existentis in naturali forma: & idcirco in huius sacramenti institutione Christo adhuc mortale corpus gerere, fuit etiā in sacramento mortale corpus, & verē moriturus in Eucharistia, si referatur vel consecratū fuisset tempore passionis: & cum eodē resurgente ad vitam similiter rediturum: reliquo verò toto Ecclesię tempore post resurrectionem, semper fuisse in Eucharistia exhibitū corpus immortale, quia Christus resurgens ex mortuis, iam nō moritur: cum ad rationem sacramenti, & ad formā verborū perinde sit, passibile an impassibile fuerit. & certē ad veritatem sacramenti realiter Christū continētis, plurimū refert credere, Christum in sacramento viuere, intelligere, vt in cælo: quāuis vt in sacramento existit, per ipsas species sacramentales ne-

que sentire neque pati possit, quia modus existendi sacramentaliter, est omnino impassibilis, vt supra ostensum est, licet in se eadē habeat, intelligat, eodem gaudio atque beatitudine perfruatur, atq; in propria specie in cælo existens. Vnde cum à Patribus dicitur Christum in sacramento mori & pati, id ex modo consecrationis, & vi sacramentalis significationis intelligendum est, quatenus mors & passio Dñi ipsa actione sacramentali, & modo immolationis representantur, vt in doctrina de sacrificio apertius constabit. Ea verò representatio verbis Domini congruit, quia in verbis institutionis, mortis ac passionis conditiones expressit dicens, quod pro vobis tradetur, qui pro vobis effundetur. hoc sensu scribit Chrysost. Dominum multa pati in sacramento, quæ in cruce perferre noluit.

6. Ex his facile deducitur responsio ad illas duas obiectiones, propositas ex vi rationis naturalis. ad priorem quidem fatemur eum esse naturę ordinem, vt corpora in locis sint, & per quantitatem suā ad loci spacia extendantur, & hoc voluit August. illo testimonio citato, & hoc modo corpora secundum existentiam naturalem, habitudinem ad sua loca & coextensionem habent: cū tamen existunt ad modum substantiæ supra naturam, his naturę legibus subiecta non sunt: ineptissimum autem est, illud non concedere omnipotentiæ, vt possit ea separare sine cuiusvis interitu, quę nec definitione nec vlla interiori propinquitate coniunguntur: & quorum proinde separatio conceptioni nostrę minime repugnat. locus enim extrinsecus adiungitur substantiæ, ad quem corpora secundum naturalem habitudinem ad existentiam naturalem coaptari necesse est: non tamen Deus his naturę legibus sic se obstrinxit, vt aliud extraordinaria potentia facere non possit. imò verò nec illud in omnibus corporibus naturaliter seruatur, vt non nisi in loco cōferuentur, cum cælum supremum in loco non sit, & corpus Christi supra cælum in naturali & propria specie existens, non habet illam habitudinem ad corpus circumstantis, vt illius extremitate circumfusa, tamquam loco, cōtineatur. Ad posteriorem obiectionem de locorum pluralitate, Dei omnipotentiæ impossibili, si ad idem numero corpus referatur, vt nos ponimus Christum simul in cælo & innumeris præ-

Solutio prioris obiectionis.

Locus contineri & coextendi quomodo corporibus cōueniat.

Solutio posterioris obiectionis.

Corpori Christi in sacramento conueniunt, quæ cumque corpori ei eodem intrinsecus auentur, in specie propria & naturali.

Supra in se est collectis ex doctrina transubstantiationis.

Que conuenire possunt corpori Christi existenti in sacramento

terea locis, ex præcedentibus constat etiã solutio. cætera enim corpora non habent nisi vnum existendi modum, in quo per suam propriam quãtatem locum vnum occupant: sed Christi corpus præter naturalem existentiam in cælo, qua secundum nativas dimensiones in vno tantum loco existit, habet aliam existentiam supernaturalem, hoc est sacramentalem, per quam ad alienam quantitatem innumeris in locis potest existere, sicut alienæ dimensiones, quibus contineri potest, innumeræ possunt esse. nec enim aliena loca sic occupat Christi corpus, nec illis adæquatur, aut cõmensuratur, vt pars parti, & totum toti respondeat, vt extra esse non possit. Vnde constat, Christum verè & realiter in sacramento existentem, in eo non existere vt in loco, quo modo tantum in cælo existit, & idcirco recta fides eum vere præsentem statuit ad species sacramentales plures, non autem ad plura loca: quare aliena est quæstio de existentia in loco à præsentia Christi in sacramento.

7 Vtrum autem per eas species & cum eis propriè in loco existat, Theologi scholastici negant, sicuti prius diximus, neque sentiri posse Christum per easdem species, sed existere in hoc sacramento insensibiliter, & sine loco. Patrum igitur & Theologorum semper fuit vna sententia, Christum existentem in sacramento in se quidem & propria specie non sentiri aut videri: sed per species sacramentales verè ipsum corpus tangi, videri, manducari. Prior pars huius sententiæ sensibus ipsis deprehenditur & recta fides docet, existentem Christi substantiam sacramentaliter, accidentibus panis & vini testam esse: & ideo hæc tantum per se sentiri, non autem accidentia Christi corpori inhærentia. Vnde August. de consecrat. distinct. 2. sacrificium nostrum, inquit, constare visibili specie elementorum, & inuisibili Domini carne & sanguine. Altera p. significat, sic corpus Christi verè post consecrationem tangi & videri, manducari & attrahi, sicut ante consecrationem ipsa panis substantia: vtrumque nempe per eadem accidentia, illud naturali iudicio rationis nostræ, hoc autem fidei directione & admonitione verbi Dei. Philosophis autem receptum est, substantiam non esse per se sensibilem, sed per accidentia: verè tamen per illa dicitur videri sub-

stantia & sentiri: & idcirco nihil refert ad veritatem sermonis sentiri substantiam per propria, vel aliena accidentia: præsertim cum hæc accidentia sacramentalia, excepta inhærentia, tam intimè sint coniuncta corpori Christi, quàm erant prius substantiæ panis & vini. Sic etiam in natura omnia corpora diaphana vt cælum, sol, non per qualitatem propriam sed per externam videntur. Hæc sententia confirmatur primo, quia est consentanea præcepto Domini, alioquin esset valde improprium, cum iubet discipulos manibus accipere, ore manducare, bibere, diuidere, demonstrando ad omnes sensus: & præsertim ad visum, hoc est corpus meum, id est hoc quod videtis, quod percipitis, quod bibitis ad hæc ipsa accidentia. Sicut absurdum esset negare Magdalenam, & alios discipulos vidisse Dominum, licet in aliena specie, vt scriptura planè affirmat Ioann. 20. Ioannes Baptista dicitur Ioan. 1. vidisse Spiritum sanctum, specie tamen columbæ: Deus verè dicitur visus in Christo, licet humana specie, & Deus in aliena forma sæpe in veteri testamento, mulieres sanctæ, Luc. vlti. dicuntur vidisse eadem ratione visionem angelorum.

8 Tota antiquitas eandem rationem dicendi sine exceptione secuta est. Chrysost. hom. 47. 1. Cor. 10. ait regium corpus nobis inuendum proponi & Christum permittere, vt dentes carni suæ infigamus, & pati confectionem in altari, quam nolebat pati in cruce. & 3. lib. de sacer. hæc omnia, inquit, sine vllis prestigiis, sed intuitibus omnium circumstantium oculis, & homil. 83. in Matt. ipsum vides, ipsum tãgis, ipsum comedis. D. August. serm. 2. de verb. apost. quod in sacramento visibiliter sumitur, in ipsa veritate spiritualiter &c. (id est mysticè sub aliena specie) manducatur. Cyrill. lib. 12. in Ioan. cap. 58. iure, inquit, congregationes sunt die octauo, & foribus clausis, visibiliter simul atque inuisibiliter Christus omnibus apparet: inuisibiliter quidem vt Deus, visibiliter autem in corpore: præbet enim nobis carnem suam tangendam. Gregor. homil. 22. in Euang. & refertur de consecrat. dist. 2. cap. quid sit sanguis, vno inquit, eodemque tempore rapitur in cælum ministerio angelorum, & ante oculos sacerdotis in altari ab omnibus videtur. Victorinus lib. 2. de sacramentis,

Christus in hoc sacramento non existit sensibiliter.

3. p. q. 80. art. 4. ad 4.

Vald. tom. 2. c. 55.

Comment.in D.Tho.tert.part.

3

p.9.cap.13. quando, ait, in manibus sacramentum eius tenemus, corporaliter tecum est, quādo ore suscipis, corporaliter habes: quando manducas & gustas, corporaliter tecū est. Præterea contraria doctrina, quæ negat hæc propriè pertinere ad ipsum corpus Christi, plurimum iuuat hæreticos, adeo vt Bertramus antiquissimus huius veritatis impugnator, cū non auderet adhuc apertè facere quæstionem, vtrū Christi corpus realiter esset præsens, de eo tamen fecit, an corpus Christi esset sensibilibiter in sacramento, vel sola fide percipere tur. contra quem ita Paschasius in lib. de corp. & sang. Dñi, isti, qui negant hoc esse visibile atque palpabile, non ob aliud faciunt, nisi ne credant, & ne sit quod veritas ait, hoc est corpus meū. Hac etiam de causa fecit Ecclesia Dei, Berengarium hæreticum confiteri in Cōcilio Romano, Nicolao Papa præside, manducationem, fractionem, visionem, reliquamque actionem sensibilem circa corpus Christi in sacramento, nō constitui solūm propter motū, fractionem, aut visum signorum, sed quia hæc admirabili modo fiunt in ipso corpore: non quidem purè & nude & in se primo, sed vt in sacramento existit, propter admirabilem coniunctionem & continentiam accidentium sacramentalium & corporis Christi. Corpus enim Christi verum frangi & diuidi post resurr. impossibile est: Primò, quia est impass. Rom. 6. Secundò, quia totum est sub quauis parte, quod est cōtra rationem eius, quod frangitur. quare fractio est in quantitate panis & vini vt in subiecto, & ideo illa fractio Christi, debet referri ad speciem sacramentalem, sub qua verè existit corpus Christi, 3. p. q. 77. art. 7.

Confectarium de proprietate confessionis Berengarii.

2. Vnde cōstat, contra vulgares sciolos & doctiores quosdam scriptores, illam confessionem Berengarij non esse improprie, & vehementius quam oportuit conceptam, cum non abhorreat à ratione loquendi Philosophorum, vt prius admonuimus, nec etiam à populari & vsitata in Ecclesia catholica. Dicunt enim fideles se vidisse Dominum in manibus sacerdotum, vel altari: & temporibus D. Augustini, sicut & nostris, matres grauissima autoritate docebat infantes conijcere oculos in corpus Dñi positum in altari. Eadem ratione deligimus loca, vnde cōmodius hostiā intuea-

mur, variaq; amouemus vidēdi impedimēta: & ad sacra loca veluti ad stationes studiosè imus adoratū corpus Christi: & in via huc atque illuc gestatū, cernere, pedibus ac oculis appropinquare certatim contendimus: non minus religiosè quam pusillus Zachæus conscensa arbore Christum olim mortalem videre cupiuit. Neque hūc quicquam valet argumentum ex sensibus, qui in sacramento Christum nō possunt dignoscere, non enim discretio & iudicium de sensibili substantia sensibus concedi debet, cum non sit sensibile per se & propriū, sed ex accidenti. sic in reliqua plebe, Ioannem & Petrum sæpè videas, licet eos non discernas. Sic Samaritana & cæcus natus, Ioan. 4. & 9. locuti cum IESV videbāt eum, nesciebant tamen quis esset: inquit enim Dominus, & vidisti eū, & qui loquitur tecum ipse est: ergo antequam fide quicquam de Christo intellexissent, corporeis oculis eum videbant. Similiter Hæreticus & Iudæus videntes hostiam consecratam, verè vident corpus Christi, licet nec credant, nec intelligant, ipsum esse Christum: sicut cum mortalis esset ab eisdem videbatur, nec tamen agnosci poterat.

Iudiciū sensus.

Præstet fides supplementum sensuum defectus. 3. p. q. 75 art. 5. ad 2.

10. Ostendimus quō modo Christus sit in hoc sacramento sensibilibiter, idem atq; eodem sensu de existentia in loco, mediis accidentibus sacramentalibus sentiendum est. Cum enim à dimensionibus panis & vini, post consecrationem corpus Christi contineatur ad modum substantiæ, vt supra ostensum est, & omne quod est in loco, per dimensiones proprias loco circūscribatur, efficitur necessariò, per easdē continentes dimensiones, & non per proprias, esse in loco, & ideo ex accidenti & non per se: quod autem est per aliud & non per se in loco, per aliud etiam loco moueri potest, & non per se: sic motis speciebus sacramentalibus, moueri Christum eisdē contentū oportet. Hoc sensu Patres scribunt Christū in hoc sacramento in pluribus locis esse, & in pluribus altaribus, in cælo & in manibus sacerdotū, vt ait Chrysost. lib. 3. de sacerdotum hom. 17. in Epist. ad Heb. & hom. 24. 1. Cor. 10. quod in multis locis offeratur, plenus hic, & plenus ibi, vt inquit Ambros. in idem c. & Greg. hom. Paschali, sicut, inquit, diuinitas implet mundum, & tamen vna est, ita innumerabilibus & multis locis consecratur, & tamen vnum corpus est. Vnum igitur

Christus sacramentaliter existens per accidentia sacramentalia est in loco & mouetur.

3. p. q. 76. art. 6.

igitur numero corpus, licet per alienâ quâ-
titate. Deus in diuersis locis constituit in
hoc sacramento. Vnde probabile argumē-
tum deducitur, etiâ omnipotentiae Dei ne-
gandum non esse, quod possit secundum
propriam quantitatem, idem numero cor-
pus in diuersis locis sistere, vt præclare in-
quit Victorinus, lib. 2. de sacramentis, p. 8.
c. 11. his verbis. dices mihi, quomodo cor-
pus vnum eodem tempore in diuersis lo-
cis esse potest? hic est, ibi est, totum vtrobi-
que est, & in multis locis similiter: noli mi-
rari, qui fecit terram, fecit corpus, & fecit
locū in corpore, & corpus in loco: sed qui
fecit vt vnum corpus in vno loco esset, fe-
cit sicut voluit: & si voluisset aliter, facere
potuisset: nam & quando vult, aliter nunc
facit, & est semper, sicut ipse vult, &c. id
certè probabile efficit, & minime repug-
nans, quod naturæ non minus repugnare
videatur, vnum corpus esse in pluribus lo-
cis, quàm duō occupare vnum locum: hoc
tamen in pluribus miraculis effectū esse
supra ostendimus, vt in natiuitate Christi
clauso, vterō virginis in resurrectione clau-
so sepulchro, in ingressu ad discipulos post
resurrectionem ianuis clausis.

QVÆSTIO LXXVII.
De remanentibus in sacramento
accidentibus in octo articulos
diuisa.

DEinde considerandum est de acci-
dentibus in hoc sacramento.

- ¶ Et circa hoc quærentur octo.
Primò, Vtrum accidentia quæ remanent,
sint sine subiecto.
Secundò, Vtrum quantitas dimensiuâ sit
subiectum aliorum accidentium.
Tertiò, Vtrum huiusmodi accidentia pos-
sint immutare aliquod corpus extrin-
secum.
Quartò, Vtrum possint corrumpi.
Quinto, Vtrum ex eis possit aliquid gene-
rari.
Sextò, Vtrum possint nutrire.
Septimò, de fractione panis consecrati.
Octauò, Vtrum vino consecrato possit ali-
quid permisceri.

ARTICVLVS I.
Vtrum accidentia remaneant sine subie-
cto in hoc sacramento.

AD primū sic proceditur. Vi-
detur, quod accidentia non
remaneant in hoc sacramento sine
subiecto. Nihil enim inordinatum
aut fallax debet esse in hoc sacra-
mento veritatis. Sed accidentia esse
sine subiecto, est contra rerum
ordinem, quem Deus naturæ indi-
dit: videtur etiam ad quandam fal-
laciā pertinere, eū accidentia
naturaliter sint signa naturæ subie-
cti. Ergo in hoc sacramento non
sunt accidentia sine subiecto.

¶ 2. Præterea, Fieri non potest
etiam miraculosè, quod definitio
rei ab ea separetur, vel quod vni rei
conueniat definitio alterius rei (pu-
ta quod homo manēs homo; sit ani-
mal irrationale) ad hoc enim sequē-
retur contradictoria esse simul: hoc
enim quod significat nomē rei, est
definitio, vt dicitur in 4. Metaph.
* Sed ad definitionem accidentis
pertinet, quod sit in subiecto: ad de-
finitionem verò substantiæ, quod
per se subsistat non in subiecto. Nō
ergo potest miraculosè fieri, quod
in hoc sacramento sint accidentia
sine subiecto.

¶ 3. Præterea, Accidens indiui-
duatur ex subiecto. Si ergo acci-
dentia remanent in hoc sacramen-
to sine subiecto, non erunt indiui-
dua, sed vniuersalia: quod patet ef-
se falsum quia sic non essent sensi-
bilia, sed intelligibilia tantum.

¶ 4. Præterea, Accidentia per cō-
secrationem huius sacramenti, nō
adipiscuntur aliquam compositio-
nem. Sed ante consecrationem nō
erāt composita, neque ex materia

Suprà q. 75.
art. 5. Et 1. di.
47. ar. 4. co.
Et 4. di. 12. q. 1
art. 1. & 4.
contra c. 63. et
65. Et quol. 3.
ar. 1. Et quol.
4. art. 5. Et o-
pus. 2. et 8. &
1. Cor. 21. let.
3. co. 5.

Lib. 4. Meta-
tex. 28. s. 3.
in 4. di. 12.
q. 1. art. 1.

D.Tho. tert. part.

& forma, neque ex quo est, & quod est. Ergo etiam post consecrationem non sunt composita altero horum modorum: quod est inconueniens: quia sic essent simpliciora, quam angeli: cum tamen hæc accidentia sint sensibilia. Non ergo accidentia remanent in hoc sacramento sine subiecto.

Refertur de cōsecr. dist. 2. c. Species.
SED CONTRA est, quod Greg. * dicit in homil. Paschali, quod species sacramentales sunt illarum rerum vocabula, quæ ante fuerunt, scilicet panis & vini. Et ita cum non remaneat substantia panis & vini, videtur, quod huiusmodi species remaneant sine subiecto.

Q. 75. ar. 3. 6.
RESPONDEO dicendum, quod accidentia panis & vini, quæ sensu depræhenduntur in hoc sacramento remanere post consecrationem, non sunt sicut in subiecto in substantia panis & vini, quæ non manet (vt supra * habitum est) neque etiam in forma substantiali, quæ non manet: & si remaneret, subiectum esse non posset, vt patet per Boetium in lib. de Trinitat. Manifestum est etiam, quod huiusmodi accidentia non sunt in substantia corporis & sanguinis Christi sicut in subiecto, quia substantia humani corporis nullo modo potest his accidentibus affici: neque etiã est possibile, quod corpus Christi gloriosum & impassibile existens, alteretur ad suscipiendas huiusmodi qualitates.

In lib. de Trinitat. ante med.
Dicunt autem quidam, quod sunt sicut in subiecto in aëre circumstante. Sed nec hoc esse potest. Primò quidem, quia aër non est huiusmodi accidentium susceptiuus. Secundò, quia huiusmodi accidentia non sunt ubi est aër: quinimo ad

motum harum specierum aër depellitur. Tertiò, quia accidentia non transeunt de subiecto in subiectum: vt. scilicet idem accidens numero, quod primò fuit in vno subiecto, postmodum fiat in alio: accidens enim numerum accipit à subiecto: vnde nō potest esse, q̄ idē numero manens, sit quandoq; in hoc, quandoque in illo subiecto. Quartò, quia cum aer non spoliatur accidentibus propriis, simul haberet accidentia propria & aliena. Nec potest dici, quod hoc fiat miraculosè virtute consecrationis, quia verba consecrationis hoc non significant: quæ tamen non efficiunt nisi suum significatum. Et ideo relinquitur, quod accidentia in hoc sacramento, manent sine subiecto. Quod quidem virtute diuina fieri potest. Cum enim effectus magis dependeat à causa prima, quam à causa secunda, Deus, qui est prima causa substantiæ & accidentis, per suam infinitam virtutem conseruare potest in esse accidens, subtracta substantia, per quã conseruabatur in esse sicut per propriam causam: sicut etiam alios effectus naturalium causarum potest producere sine naturalibus causis: sicut humanum corpus formauit in vtero Virginis sine virili semine.

AD PRIMUM ergo dicendum, quod nihil prohibet aliquid esse ordinatum secundum communem legem naturæ, cuius tamen contrarium est ordinatum secundum speciale priuilegium gratiæ: vt patet in resuscitatione mortuorum, & in illuminatione cecorum: prout etiã in rebus humanis quædam aliquibus conceduntur ex speciali priuilegio præter legem communem.

Et ita

Et ita etiam, licet sit secundum cōmunem naturæ ordinem, quod accidens sit in subiecto, ex speciali tamen ratione secundum ordinem gratiæ accidentia sunt in hoc sacramento sine subiecto, propter rationes supra inductas.†

In cor. ar.

AD SECVNDVM dicendū, quod cū ens non sit genus, hoc ipsum quod est esse, non potest esse essentia substantiæ vel accidentis. Non est ergo definitio substantiæ, ens per se sine subiecto: nec definitio accidentis, ens in subiecto: sed quidditati seu essentiæ substantiæ cōpetit habere esse non in subiecto: quidditati autē siue essentiæ accidentis competit habere esse in subiecto. In hoc autem sacramento nō datur accidentibus, quod ex vi suæ essentiæ non sint in subiecto, sed ex diuina virtute sustentate. Et ideo non desinunt esse accidentia, quia nec separatur ab eis definitio accidentis, quæ est aptitudo ad subiectum, quæ semper manet in iis, non actualis inherētia: nec competit eis definitio substantiæ.

AD TERTIVM dicendū, quod huiusmodi accidentia acquisierunt esse indiuiduum in substantia panis & vini, quæ conuersa in corpus & sanguinem Christi, remanent virtute diuina accidentia in illo esse indiuiduato, quod prius habebant. Vnde sunt singularia & sensibilia.

AD QVARTVM dicendū, quod accidentia huiusmodi, manente substantia panis & vini, non habebant ipsa esse nec alia accidentia, sed subiecta eorum habebant huiusmodi esse per ea: sicut nix est alba per albedinem. Sed post consecrationem ipsa accidentia, quæ remanent, habēt esse, vnde sunt com-

posita ex esse, & quod est (sicut in prima parte de angelis dictū est*) & cum hoc habent compositionē partium quantitatarum.

1. p. q. 51. a
2. & 3.

ARTICVLVS II.

Vtrum in hoc sacramento quantitas dimensionis panis vel vini, sit aliorum accidentium subiectum.

AD secundum sic proceditur. Videtur, quod in hoc sacramento quantitas dimensionis panis vel vini non sit aliorum accidentiū subiectum. Subiectum enim accidentis non est accidens, nulla enim forma potest esse subiectum, cū subiici pertineat ad proprietatem materiæ. Sed quantitas dimensionis est quoddam accidens. Ergo quantitas dimensionis nō potest esse subiectum aliorum accidentium.

4. di. 12. q. 12
ar. 1. q. 3. & 4
co. c. 2. co. 2.
& c. 64. & 13
Cor. 11. le. 4.
co. 5. in fin.

¶ 2. Præterea, Sicut quantitas indiuiduatur ex substantia, ita etiā & alia accidentia. Si ergo quantitas dimensionis panis aut vini remanet indiuiduata secundum esse prius habitum, in quo conseruatur, pari ratione & alia accidentia remanēt indiuiduata secundum esse, quod prius habebant in substantia. Non ergo sunt in quantitate dimensionis sicut in subiecto, cū omne accidens indiuiduetur per suum subiectum.

¶ 3. Præterea, Inter alia accidentia panis & vini, quæ remanēt, deprehenduntur etiā sensu rarū & densum, quæ nō possunt esse in quantitate dimensionis præter materiā existentē, quia rarū est, quod habet parum de materia sub magnis dimensionibus, densum autē, quod habet multū de materia sub paruis dimensionibus, ut dicitur 4. Physico. ¶ Non ergo videtur, quod quantitas dimensionis possit esse subiectū accidentiū, quæ

Lib. 4. text. 84
10. 2

remanent in hoc sacramento.

¶ 4. Præterea, Quantitas à subiecto separata, videtur esse quantitas mathematica, quæ non est subiectum qualitarum sensibilium. Cū ergo accidentia, quæ remanent in hoc sacramento, sint sensibilia, videtur, quod non possint esse in hoc sacramento sicut in subiecto in quantitate dimensua panis & vini remanente post consecrationem.

SED CONTRA est, quod qualitates non sunt diuisibiles nisi per accidens, scilicet ratione subiecti. Diuiduntur autem qualitates, remanente in hoc sacramento per diuisionem quantitatis dimensue, sicut patet ad sensum. Ergo quantitas dimensua est subiectum accidentium, quæ remanent in hoc sacramento.

RESPONDEO dicendum, quod necesse est dicere accidentia alia, quæ remanent in hoc sacramento, esse sicut in subiecto in quantitate dimensua panis, vel vini remanente. Primo quidem per hoc, quod ad sensum apparet aliquid quātum esse ibi coloratum, & aliis accidentibus affectum, nec in talibus sensus decipitur. Secundò, quia prima dispositio materiæ est quantitas dimensua, vnde & Plato posuit primas differentias materiæ, magnum & paruum. Et quia primum subiectum est materia, consequens est, quod omnia alia accidentia referantur ad subiectum mediante quantitate dimensua (sicut & primum subiectum coloris dicitur esse superficies) ratione cuius quidam posuerunt dimensiones esse substantias corporum: vt dicitur in primo Metaphys. Et quia subtracto subiecto, remanent accidentia secundū

esse, quod prius habebant, consequens est, quod omnia accidentia remaneant fundata super quantitatem dimensuam. Terriò, quia cum subiectum sit principium indiuiduationis accidentium, oportet id quod ponitur aliquorum accidentium, subiectum, esse aliquo modo indiuiduationis principium. (Quantitas autem dimensua est quoddam indiuiduationis principium.) Est enim de ratione indiuidui, quod non possit in pluribus esse. Quod quidem contingit dupliciter. Vno modo, quia non est natum esse in aliquo, & hoc modo formæ immateriales separatae, per se subsistentes, sunt etiam per se ipsas indiuidua. Alio modo ex eo, quod forma substantialis vel accidentalis est quidem nata in aliquo esse, non tamen in pluribus: sicut hæc albedo, quæ est in hoc corpore.

Quantum igitur ad primum, materia est indiuiduationis principium omnibus formis inherētib; quia cū huiusmodi formæ, quantum est de se, sint natae in aliquo esse, sicut in subiecto, ex quo aliqua earū recipitur in materia, quæ non est in alio, ideo nec forma ipsa sic existēs potest in alio esse.

Quantum autem ad secundum, dicendum est, quod indiuiduationis principium est quantitas dimensua. Ex hoc enim aliquid est natum esse in vno solo, quod illud est, in se indiuisum, & diuisum ab omnibus aliis. Diuisio autē accedit substantiæ ratione quantitatis: vt dicitur in 1. Phys. Et ideo ipsa quantitas dimensua est quodā indiuiduationis principium huiusmodi formis in quātū, si diuersæ formæ numero, sūt in diuersis partib; materiæ. Vnde &

Apud Aristot.
lib. 1. Met. tex.
6. & 7.

Li. 1. phy. tex.
25. tomo 2.

Lib. 1. tex. 19.
& seq. som. 3.

de & ipsa quantitas dimensua secū dum se habet quandam indiuidua- tionem: ita quod possumus imagi- nari plures lineas separatas eiusdē speciei, differentes positione, quæ cadit in ratione huius quantitatis: conuenit enim dimensionī, quod sit quantitas positionem habens. Et ideo potius quantitas dimensua po- rest esse subiectum aliorum acci- dentium, quam econuerso.

AD PRIMVM ergo dicendum, quod accidens per se non potest es- se subiectum alterius accidentis, quia per se non est. Secundum verò quod est in alio, vnum accidens di- citur esse subiectū alterius, inquā- rum vnū accidens recipitur in sub- iecto, alio mediante, sicut superfi- cies dicitur esse subiectū coloris. Vnde quando accidenti datur diui- nitus vt per se sit, potest etiam per se alterius accidētis subiectū esse.

AD SECVNDVM dicendum, quod alia accidētia etiam secundū quod erant in substantia panis, indi- uiduabantur, mediante quantitate dimensua, sicut dictū est. * Et ideo potius quantitas dimensua est sub- iectum aliorum accidentium re- manentium in hoc sacramento, quàm econuerso.

AD TERTIVM dicendū, quod rārum & densum sunt quædam qua- litates cōsequētes corpora, ex hoc quod habent multum vel parum de materia sub dimensionibus, si- cut etiam omnia alia accidentia consequuntur ex principiis substan- tiæ. Et ideo sicut subtracta substan- tia, diuina virtute cōseruantur alia accidentia, ita subtracta materia, diuina virtute cōseruantur quali- tates materiam consequentes, si- cut rārum & densum.

AD QVARTVM dicendum, quod quantitas mathematica non abstrahit à materia intelligibili, sed à materia sensibili, vt dicitur 7. Metaph. * Dicitur autem materia sensibilis ex hoc, quod subiicitur sensibilibus qualitatibus. Et ideo manifestum est, quod quantitas di- mensua, quæ remanet in hoc sacra- mento sine subiecto, nō est quanti- tas mathematica.

ARTICVLVS III.

Vtrum species, quæ remanēt in hoc sacra- mento, possint immutare aliquid extrinsecum.

AD tertium sic proceditur. Vi- detur, quod species, quæ re- manent in hoc sacramento, non possint immutare aliquid extrinse- cum. Probatum enim 7. phys. quod formæ quæ sunt in materia, sunt à formis, quæ sunt in materia, non au- tem à formis, quæ sunt sine mate- ria, eò quod simile agit in sibi simi- le. Sed species sacramentales sunt species sine materia, quia remanēt sine subiecto, vt ex dictis patet. * Non ergo possunt immutare mate- riam exteriorem inducēdo aliquā formam.

¶ 2. Præterea, Cessante actione principalis agētis, necesse est quod cesset actio instrumēti, sicut quies cēte fabro, nō monetur martellus. Sed omnes formæ accidentales agunt instrumentaliter in virtute formæ substantialis tanquam prin- cipalis agentis. Cum ergo in hoc sacramento non remaneat forma substantialis panis & vini (sicut su- prà habitū est *) videtur quod for- mæ accidentales remanentes, age- re non possint ad immutationē ex- terioris materiæ.

¶ 3. Præterea, Nihil agit ultra suā spe-

Lib. 7. c. 35.
tex. 3.

4. d. 12, q. 1.
ar. 2. q. 1. & 2.

Ar. 1. huius q.

2. 75. ar. 2. &
6.

D. Tho. tert. part.

speciem, quia effectus non potest esse potior causa. Sed species sacramentales omnes sunt accidentia. Non ergo possunt exteriorem materiam immutare, ad minus ad formam substantialem.

SED CONTRA est, quod si non possent immutare exteriora corpora, non possent sentiri. Sentitur enim aliquid per hoc, quod immutatur sensus à sensibili, ut dicitur, 2. de anima.†

Lib. 2. sec. 51.
74. 12. 10. 2.

Artis. 1. huius
quest. ad 3.

RESPONDEO dicendum, quod quia unumquodque agit, inquantum est ens actu, consequens est quod unumquodque sicut se habet ad esse, ita se habeat ad agere. Quia igitur secundum prædicta, * speciebus sacramentalibus datum est divina virtute, ut remaneant in suo esse, quod habebant, substantia panis & vini existente, consequens est quod etiam remaneant in suo agere, & ideo omnem actionem quam poterant agere substantia panis & vini existente, possunt etiam agere, substantia panis & vini transiente in corpus & sanguinem Christi. Unde non est dubium quod possunt immutare exteriora corpora.

AD PRIMUM ergo dicendum, quod species sacramentales licet sint formæ sine materia existentes, retinent tamen idem esse, quod habebant prius in materia. Et ideo secundum suum esse assimilantur formis, quæ sunt in materia.

AD SECUNDUM dicendum, quod ita actio formæ accidentalis dependet ab actione formæ substantialis, sicut esse accidentis dependet ab esse substantiæ. Et ideo sicut divina virtute datur speciebus sacramentalibus, ut possint esse sine substantia, ita datur eis ut possint

agere sine forma substantiali, virtute Dei, à quo sicut à primo agente dependet omnis actio formæ & substantialis & accidentalis.

AD TERTIUM dicendum, quod immutatio quæ est ad formam substantialem, non fit à forma substantiali immediate, sed mediantibus, qualitatibus actiuis & passivis, quæ agunt in virtute formæ substantialis. Hæc autem virtus instrumentalis conservatur in speciebus sacramentalibus divina virtute, sicut & prius erat. Et ideo possunt agere ad formam substantialem instrumentaliter. Per quem modum aliquid potest agere ultra suam speciem, non quasi virtute propria, sed virtute principalis agentis.

ARTICVLVS IIII.

Utrum species sacramentales possint corrumpi.

AD quartum sic proceditur. Videtur, quod species sacramentales corrumpi non possint. Corruptio enim accidit per separationem formæ à materia. Sed materia panis non remanet in hoc sacramento, sicut ex supradictis patet. * Ergo huiusmodi species non possunt corrumpi.

Infr. art. 5. coi
Et 4. d. 12. q.
1. art. 2. q. 3.
Et 4. contra. 6.
66.

2. 75. ar. 2. 6.

¶ 2. Præterea, Nulla forma corrumpitur nisi per accidens, corrupto subiecto, unde formæ per se subsistentes, incorruptibiles sunt, sicut patet in substantiis spiritalibus. Sed species sacramentales sunt formæ sine subiecto, ergo corrumpi non possunt.

¶ 3. Præterea, Si corrumpuntur, aut hoc erit naturaliter aut miraculose. Sed non naturaliter quia non est ibi assignare aliquod corruptionis

ptionis subiectū, quod maneat corruptione terminata: similiter etiā nec miraculosè, quia miracula, quæ sunt in hoc sacramento, fiunt virtute consecrationis, per quam species sacramentales conseruantur: non est autem idem causa conseruationis & corruptionis. Ergo nullo modo species sacramentales corrumpi possunt.

SED CONTRA est, quod sensu deprehenditur hostias cōsecratas putrefieri & corrumpi.

RESPONDEO dicendum, quod corruptio est motus ex esse in non esse. Dictum est autē suprā, quod species sacramentales retinent idē esse, quod prius habebant, substantia panis & vini existente. Et ideo sicut esse horum accidentium poterat corrumpi, substantia panis & vini existente: ita etiam potest corrumpi, illa substantia abeunte. Poterant autem huiusmodi accidentia primo corrumpi dupliciter. vno modo per se, alio modo per accidens. Per se quidem sicut per alterationem qualitarum, & augmentum vel diminutionem quantitatis. Non quidem per modum augmenti vel diminutionis, qui inuenitur in solis corporibus animatis (qualia non sunt substantia panis & vini) sed per additionem vel diuisionem. Nam sicut dicitur, 3. Met. per diuisionem vna dimensio corrumpitur, & fiunt duæ; per additionem autem econuerso, ex duabus fit vna. Et per hunc modum manifestè possunt corrumpi huiusmodi accidentia post consecrationem, quia & ipsa quantitas dimensiuā remanens, potest diuisionem & additionem suscipere: & cum sit subiectum qualitarum sensibi-

lium (sicut dictum est*) potest etiā esse subiectū alterationis earum, puta, si alteretur color aut sapor panis aut vini. Alio modo poterant corrumpi per accidens per corruptionem subiecti. & hoc modo possunt corrumpi etiam post consecrationem. Quamuis enim subiectum non remaneat, remanet tamen esse, quod habebant huiusmodi accidentia in subiecto, quod quidem est proprium & conformē subiecto. Et ideo huiusmodi esse potest corrumpi a contrario agente, sicut corrumpebatur substantia panis vel vini, quæ etiam non corrumpebatur nisi præcedente alteratione circa accidentia.

Distinguendum tamen est inter vtrumque modum harum prædictarum corruptionum: quia cum corpus Christi & sanguis succedant in hoc sacramento substantiæ panis & vini, si fiat talis immutatio ex parte accidentium, quæ non suffecisset ad corruptionem panis & vini, propter talem immutationem non desinit corpus & sanguis Christi esse sub hoc sacramento, siue fiat immutatio ex parte qualitatibus (puta, cum modicum immutatur color aut sapor panis vel vini) siue ex parte quantitatis, sicut cum diuiditur panis aut vinum in tales partes, quod adhuc in eis possit saluari natura panis aut vini.

Si verò fiat tāta immutatio, quod fuisset corrupta substantia panis & vini, non remanent corpus & sanguis Christi sub hoc sacramento. Et hoc siue ex parte qualitarum, sicut cum ita immutatur color & sapor & aliæ qualitates panis & vini, quod nullo modo possent compati naturam panis aut vini, siue

Ar. 2. huius q.

Art. præc.

siue etiam ex parte quantitatis, puta si puluerizetur panis, vel vinum in tam minutas partes diuidatur, vt iam non remaneat species panis vel vini.

AD PRIMUM ergo dicendum, quod ad corruptionem per se pertinet, quod auferat esse rei, vnde in quantum esse alicuius formæ est in materia, consequens est quod per corruptionem separetur forma à materia. Si verò huiusmodi esse non esset in materia, simile tamen ei quod est in materia, posset per corruptionem auferri, etiam materia non existēte, sicut accidit in hoc sacramento, vt ex dictis patet.

In cor. ar.

AD SECVNDVM dicendū, quod species sacramentales licet sint formæ non in materia, habent tamen esse quod prius in materia habebant.

AD TERTIVM dicendū, quod corruptio illarum specierum non est miraculosa, sed naturalis. Pre-supponit tamen miraculum, quod est factum in consecratione, scilicet, quod illæ species sacramentales retineāt esse sine subiecto, quod prius habebant in subiecto, sicut & cæcus miraculosè illuminatus, naturaliter videt.

ARTICVLVS V.

Vtrum ex speciebus sacramentalibus aliquid possit generari.

Inf. ar. 8. ad secundum. Et d.
4. 1. q. 1. ar. 2
q. 4. Et 4. contra cap. 60. Et
quod. 9. ar. 5.
ad 3. Et 1. co.
11. sec. 4. fin.

AD quintum sic proceditur. Videtur, quod ex speciebus sacramentalibus nihil possit generari. Quod enim generatur, ex aliqua materia generatur, ex nihilo enim nihil generatur, quamuis ex nihilo fiat aliquid per creationem. Sed speciebus sacramentalibus non subest aliqua materia nisi corporis Christi, quod est incorruptibile.

Ergo videtur quod ex speciebus sacramentalibus nihil possit generari.

¶ 2. Præterea, Ea quæ non sunt vnius generis, non possunt ex se inuicem fieri: non enim ex albedine fit linea. Sed accidens & substantia differunt genere. Cum ergo species sacramentales sint accidentia, videtur quod ex eis non possit aliqua substantia generari.

¶ 3. Præterea, Si ex eis generetur aliqua substantia corporea, illa substantia non erit sine accidente. Si ergo ex speciebus sacramentalibus, generetur aliqua substantia corporea, oportet, quod ex accidente generetur substantia & accidens, duo scilicet ex vno, quod est impossibile. Ergo impossibile est, quod ex speciebus sacramentalibus aliqua substantia corporea generetur.

SED CONTRA, est, quod ad sensum videri potest ex speciebus sacramentalibus aliquid generari, vel cineres, si cōburātur vel vermes, si putrefiāt, vel pulueres, si cōterātur.

RESPONDEO dicendum, quod cum corruptio vnius sit generatio alterius, vt dicitur in primo de generatione, *necesse est quod ex speciebus sacramentalibus, aliquid generetur, cum corrumpantur, vt dictum est. † Non enim sic corrumpuntur, vt omnino dispereant, quasi in nihilum redigantur, sed manifestè aliquid sensibile eis succedit. Quomodo autē ex eis aliquid generari possit, difficile est videre. Manifestū est enim quod ex corpore & sanguine Christi, quæ ibi veraciter sunt, non generatur aliquid, cum sint incorruptibilia. Si autem substantia panis, aut vini remaneret in hoc sacramento, vel eorum materia,

Lib. 1. tit. 17.
to. 2.

Ar. præc.

q. 75. ar. 2. 6.

teria; facile esset assignare quod ex eis generatur illud sensibile quod succedit, ut quidam posuerunt. sed hoc est falsum, ut supra habitum est. * Et ideo quidam dixerunt, quod ea, quæ generantur, non fiunt ex speciebus sacramentalibus, sed ex aere circumstante. Quod quidem multipliciter apparet esse impossibile. Primo, quia ex eo generatur aliquid, quod prius alteratum & corruptum apparet. Nulla autem alteratio vel corruptio prius apparuit in aere circumstante, unde ex eo vermes vel cineres non generantur. Secundo, quia natura aeris non est talis, quod ex eo per tales alterationes talia generentur. Tertio, quia potest contingere in magna quantitate hostias consecratas comburi vel putrefieri, nec esset possibile tantum de corpore terreno ex aere generari, nisi magna & valde sensibili inspissatione aeris facta. Quarto, quia idem potest accidere corporibus solidis circumstantibus (puta ferro aut lapidibus) quæ integra remanent post prædicatorum generationem. Unde hæc positio stare non potest: quia contrariatur ei, quod ad sensum apparet. Et ideo alij dixerunt, quod redit substantia panis & vini in ipsa corruptione specierum, & sic ex substantia panis & vini redeunte, generantur cineres, aut vermes, aut aliquid huiusmodi. Sed hæc positio videtur esse impossibilis. Primum quidem, quia si substantia panis & vini, conuersa est in corpus & sanguinem Christi (ut supra habitum est) non potest substantia panis aut vini redire, nisi corpore aut sanguine Christi iterum conuerso in substantia panis vel vini, quod est impossibile, sicut si aer sit conuersus in ig-

nem, non potest aer redire, nisi iterum ignis conuertatur in aerem. Si verò substantia panis aut vini sit annihilata, non potest iterum redire, quia quod in nihilum decidit, non redit idem numero, nisi forte dicatur redire prædicta substantia, quia Deus de nouo creat aliam nouam substantiam loco primæ. Secundo videtur hoc esse impossibile, quia non est dare quando substantia panis redeat. Manifestum est enim ex supra dictis, * quod manentibus speciebus panis & vini, manet corpus & sanguis Christi, quæ non sunt simul cum substantia panis & vini id hoc sacramento, secundum præhabita. * Unde substantia panis & vini non potest redire, speciebus sacramentalibus manentibus. Similiter etiam nec eis cessantibus, quia iam substantia panis & vini esset sine propriis accidentibus, quod est impossibile: nisi forte dicatur, quod in ipso ultimo instanti corruptionis specierum redit non quidem substantia panis & vini (quia illud idem instans est, in quo primo habent esse substantiæ generatæ ex speciebus) * sed materia panis & vini, quæ magis de nouo creata diceretur, quam rediens, proprie loquendo. Et secundum hoc posset sustineri prædicta positio. Verum quia non rationabiliter videtur dici, quod miraculosè aliquid accidat in hoc sacramento, nisi ex ipsa consecratione, ex qua non est quod materia creetur vel redeat, melius videtur dicendum, quod in ipsa consecratione miraculosè datur quantitati dimensuæ panis & vini, quod sit primum subiectum subsequentium formarum. Hoc autem est proprium materię & ideo

Ar. 4. huius q.
& q. 76. ar. 6.
ad 3.

2. 75. ar. 2.

Al. sed materia
terris panis materia
gis quasi de nouo
creata, &c.

2. 75. artic. 4.
& 2.

D. Tho. tert. part.

ex consequenti datur prædictæ quãtitati dimensiuæ omne illud quod ad materiam pertinet. Et ideo quicquid posset generari ex materia panis vel vini, si adesset, totum potest generari ex prædicta quantitate dimensiuæ panis vel vini, non quidem nouo miraculo, sed ex vi miraculi prius facti.

AD PRIMVM ergo dicendum, quod quamuis non sit ibi materia, ex qua aliquid generetur, quãtitas tamen dimensiuæ supplet vicem materię, vt dictum est. †

In cor. ar.

AD SECVNDVM dicendum, quod illæ species sacramentales, sunt quidem accidentia, habent tamen actum & vim substantię, vt dictum est. †

Ibidem.

AD TERTIVM dicendum, quod quantitas dimensiuæ panis & vini retinet naturam propriam, & accipit miraculosè vim & proprietatē substantię. Et ideo potest transire in vtrumque, id est, in substantiam & dimensionem.

ARTICVLVS VI.

Vtrum species sacramentales possint nutrire.

AD sextum sic proceditur. Videtur, quod species sacramentales non possint nutrire. Dicit enim Ambrosius. * in lib. de sacramentis: Non iste panis est, qui vadit in corpus, sed panis vitæ æternæ, qui animæ nostræ substantiam fulcit. sed omne quod nutrit, vadit in corpus. ergo panis iste non nutrit. Et eadem ratio est de vino.

¶ 2. Prætereà, Sicut dicitur, 2. de Generatione, ex eisdem nutri- mur, ex quibus sumus: Species autem sacramentales sunt acciden- tia, ex quibus homo nõ constat, nõ

enim accidens est pars substantię. Ergo videtur, quod species sacra- mentales nutrire non possunt.

¶ 3. Prætereà, Phil. 2. * de ani- ma dicit, quod alimentum nutrit prout est substantia quædam, auget autem prout est aliquid quantum. Sed species sacramentales nõ sunt substantia. Ergo non possunt nu- trire.

Li. 2. text. 47.
to. 2.

SED CONTRA est, quod Apost. 1. Corinth. 11. loquens de hoc sacra- mento, dicit, Alius quidem esurit, alius autem ebrius est. Vbi dicit glo. * quod notat illos, qui post ce- lebrationem sacri mysterij & con- secrationē panis & vini, suas obla- tiones vendicabant, & aliis non cõ municantes, soli sumebant, ita vt inde etiã inebriarentur. Quod qui- dem non posset contingere, si sacra- mentales species non nutrirent. Er- go species sacramentales nutriunt.

Glos. ord. ibid.

RESPONDEO dicendum, quod hæc quæstio difficultatem non ha- bet, præcedenti quæstione soluta. Ex hoc enim (vt dicitur 2. de Ani- ma *) cibis nutrit, quod conuerti- tur in substantiam nutriti. Dictum autem, * quod species sacramenta- les possunt conuerti in substantiam aliquam, quæ ex eis generatur. Per eandem autem rationem possunt conuerti in corpus humanum, per quam possunt conuerti in cineres vel in vermes, & ideo manifestum est quod nutriūt. Quod autem qui- dam dicunt, quod nõ verè nutriūt, quasi in corpus humanum conuer- tantur, sed reficiunt & confortant quadam sensuum immutatione (si- cut homo confortatur ex odore ci- bi, & inebriatur ex odore vini) ad sensum patet esse falsum. Talis enim resectio non diu sufficit ho- mini,

Lib. 2. de ani-
ma, text. 45. et
46. to. 2.
Ar. præq.

4. di. 12. q. 1.
ar. 2. q. 5. c. 4.
contra ca. 66.
Et 1. Cor. 11. la.
A. fi.
Lib. 5. de sacr.
q. 4. in me. to. 4

Lib. 2. text. 50.
to. 2.

mini, cuius corpus propter continuam deperditionem restauratione indiget, & tamen homo diu sustentari posset, si hostias & vinum consecratū sumeret in magna quantitate. Similiter etiam non potest stare quod quidam dicūt, quod species sacramentales nutriunt propter formam substantialem panis & vini, quæ remanet: tum, quia non remanet, vt supra* habitum est, tū quia non est actus formæ nutrire; sed magis materiæ, quæ accipit formam nutriti, recedente forma nutrimenti. Vnde dicitur* in 2. de anima, quod nutrimentum in principio est dissimile, in fine autem simile.

AD PRIMVM ergo dicendum, quod facta consecratione dupliciter potest dici panis in hoc sacramento esse. Vno modo ipsæ species panis, quæ retinent nomen prioris substantiæ, vt Greg.* dicit in hom. Paschali. Alio modo potest dici panis ipsum corpus Christi, quod est panis mysticus de cælo descendens Ambr.* ergo cum dicit, quod iste panis non transit in corpus, accipit panem secundo modo, quia scilicet corpus Christi non conuertitur in corpus hominis, sed reficit mentem eius, non autem loquitur de pane primo modo dicto.

AD SECVNDVM dicendum, quod species sacramentales etsi nō sint ea, ex quibus corpus hominis constat, tamen in ea conuertuntur, sicut dictum est.*

AD TERTIVM dicendū, quod species sacramentales, quāvis non sint substantia, habent tamen virtutem substantiæ, sicut dictum est.*

AD septimum sic proceditur. Videtur quod species sacramentales non frangantur in hoc sacramento. Dicit enim Phil.* 4. Me teor. quod corpora dicuntur frangibilia propter determinatam dispositionem pororum, quod non potest attribui sacramentalibus speciebus. Ergo sacramentales species non possunt frangi.

¶ 2. Præterea, Fractionem sequitur sonus. Sed species sacramentales non sunt sonabiles. Dicit enim Philos.* 2. de anima, quod sonabile est corpus durum, habens superficiem lenem. Ergo species sacramentales non franguntur.

¶ 3. Præterea, Eiusdem videtur esse manducari, frangi & masticari. Sed verum corpus Christi est quod manducatur, secundum illud Ioan. 6. Qui manducat meam carnem, & bibit meum sanguinem: ergo corpus Christi est quod frangitur & masticatur. Vnde in confessione Berengarij † dicitur, Confessio sanctę Romanę Ecclesię, & corde & ore profiteor panem & vinū, quæ in altari ponuntur, post consecrationem verum corpus & sanguinem Christi esse, & in veritate manibus sacerdotum tractari, frangi, & fidelium dentibus atteri. Non ergo fractio debet attribui sacramentalibus speciebus.

SED CONTRA est, quod fractio fit per diuisionem quanti. Sed nulum quantum ibi diuiditur, nisi species sacramentales, quia neq; corpus Christi, quod est incorruptibile, neque substantia panis, quæ non

LI manet,

q. 75. ar. 6.

Lib. 2. de ani.
sec. 45. som. 2.

† fertur de cō
sec. d. 2. c. Species.

Loco cit. in ar.

In cor. ar.

Ibid.

4. d. 10. ar. 1.
ad 1. c. d. 12.
q. 1. ar. 3. q. 1.
c. 2. Et 4. c. 6.
c. 67. Et op. 2.
c. 8. Et 1. co. 11.
le. 5. co. 6.
Lib. 4. in summa
3. ca. 2. an
te med.

Lib. 2. ex tex.
77. c. 78. s. 2

De cōse. d. 2. c.
Ego Berengarij
tini.

D. Th. tert. part.

manet, neque substantia vini. Ergo species sacramentales franguntur.

RESPONDEO dicendum, quod apud antiquos circa hoc multiplex fuit opinio. Quidam enim dixerunt, quod non erat in hoc sacramento fractio secundum rei veritatem, sed solum secundum aspectum inuentium. Sed hoc non potest stare, quia in hoc sacramento veritatis sensus non decipitur circa ea, quorum iudicium ad ipsum pertinet, inter quæ est fractio, per quam ex vno fiunt multa, quæ quidem sunt sensibilia communia, ut patet in lib. 1. de anima. Vnde alij dixerunt, quod erat quidem ibi vera fractio, sine subiecto existente. Sed hoc etiam sensui contradicit. Apparet enim in hoc sacramento aliquid quantum prius vnum existens, postea in multa partitum, quod quidem oportet esse subiectum fractionis. Non autem potest dici, quod ipsum corpus Christi verum frangatur. primo quidem, quia est incorruptibile & impassibile. Secundo, quia est totum sub qualibet parte (ut supra habitum est) quod quidem est contra rationem eius, quod frangitur. Vnde relinquitur, quod fractio sit sicut in subiecto in quantitate dimensiu panis, sicut & alia accidentia. Et sicut species sacramentales sunt sacramentum corporis Christi veri, ita fractio huiusmodi specierum est sacramentum Dominicæ passionis, quæ fuit in corpore Christi vero.

AD PRIMUM ergo dicendum, quod sicut in speciebus sacramentalibus remanet rarum & densum (ut supra dictum est) ita etiam remanet ibi porositas, & per consequens frangibilitas.

AD SECUNDUM dicendum, quod

densitatem sequitur duritia. Et ideo ex quo in speciebus sacramentalibus remanet densitas, consequens est quod remaneat ibi duritia & per consequens sonabilitas.

AD TERTIUM dicendum, quod illud quod manducatur in propria specie, ipsum & frangitur & masticatur in sua specie. Corpus autem Christi non manducatur in sua specie, sed in specie sacramentali. Vnde & super illud Ioan. 6. Caro non prodest quicquam, dicit August. * Hoc est intelligendum secundum illos, qui carnaliter intelligebant: carnem quippe sic intellexerunt, quomodo in cadauere dilaniatur, aut in macello venditur. Et ideo ipsum corpus Christi non frangitur, nisi secundum speciem sacramentalem. Et hoc modo intelligenda est confessio * Berengarij, ut fractio & attritio dentium referatur ad speciem sacramentalem, sub qua verè est corpus Christi.

ARTICVLVS VIII.

Vtrum aliquis liquor possit vino consecrato commisceri.

AD octauum sic proceditur. Videtur, quod vino consecrato non possit aliquis liquor misceri. Omne enim, quod permiscetur alicui, recipit qualitatem ipsius. Sed nullus liquor potest recipere qualitatem sacramentalium specierum, quia accidentia illa sunt sine subiecto, ut dictum est. + Ergo videtur, quod nullus liquor possit permisceri speciebus sacramentalibus vini.

¶ 2. Præterea, Si aliquis liquor permisceatur illis speciebus, oportet quod ex his fiat aliquid vnum.

Sed

Lib. 2. tit. 64
c. 33. to. 2.

q. 76. ar. 3.

ar. 1. huius q.
ad 3.

Tract. 27. in
102. inter prim.
c. me. to. 9.

Posita in arg.
3.

4. dist. 12. q. 1.
arti. 2. q. 6. c.
quo. 10. arti. 3.

art. 1. huius q.

Sed non potest fieri aliquid vnum neque ex liquore (qui est substantia) & speciebus sacramentalibus, quæ sunt accidentia, neque ex liquore & sanguine Christi, qui ratione suæ incorruptibilitatis, neque additionem recipit neque diminutionem. Ergo nullus liquor potest admisceri vino consecrato.

¶ 3. Præterea, Si aliquis liquor admisceatur vino consecrato, videtur quod etiam ipsum efficiatur consecratum, sicut aqua, quæ admiscetur aquæ benedictæ, efficitur benedicta. Sed vinum consecratum est verè sanguis Christi. Ergo etiam liquor permixtus esset sanguis Christi. Et ita aliquid fieret sanguis Christi aliter, quàm per consecrationem, quod est inconueniens. Non ergo vino consecrato potest aliquis liquor permisceri.

¶ 4. Præterea, Si duorum vnū totaliter corrumpatur, non erit mixtio, vt dicitur in 1. * de generatione. Sed ad permixtionem cuiuscunque liquoris, videtur corrumpi totalis species sacramentalis vini, ita quod sub ea desinat esse sanguis Christi, tum quia magnum & paruum sunt differentia quantitaris, & diuersificant ipsam, sicut album & nigrum colorem tum etiam, quia liquor permixtus, cum non habeat obstaculum, videtur vndique diffundi per totum, & ita desinit ibi esse sanguis Christi, qui non est ibi simul cum alia substantia. Non ergo aliquis liquor potest permisceri vino consecrato.

SED CONTRA est, quod ad sensum patet, alium liquorẽ vino permisceri posse post consecrationem, sicut & ante.

RESPONDEO dicendum, quod

istius quæstionis veritas manifesta est ex præmissis. * Dictum est enim ^{ar. 1. & 2. l. 1. q. 1.} supra quod species in hoc sacramento remanentes, sicut adipiscuntur virtute consecrationis modum essendi substantiæ, ita etiam consequuntur modum agendi & patiendi, vt scilicet agere & pati possint quicquid ageret, vel pateretur substantia, si ibi præsens existeret. Manifestum est autem, quod si effectus ibi substantia vini, liquor aliquis posset ei permisceri. Huius tamen permixtionis diuersus esset effectus, & secundum formam liquoris, & secundum quantitatem. Si enim permisceretur aliquis liquor in tanta quantitate, quod posset diffundi per totum vinum, totum fieret permixtum. Quod autem est commixtum ex duobus, neutrum miscibile est, sed vtrumque transit in quoddam tertium ex his compositum. Vnde sequeretur, quod vinum prius existens, non remaneret, sed si liquor permixtus esset alterius speciei (puta, si permisceretur aqua) solueretur species vini, & esset liquor alterius speciei, si autem esset eiusdem speciei liquor adiunctus (puta, si vinum permisceretur vino) remaneret quidem eadem species, sed non remaneret idem numero vinum, quod declarat diuersitas accidentium, puta, si vnum vinum esset album, & aliud rubrum. Si verò liquor adiunctus esset rariæ parua quantitatis, quod non posset perfundi per totum, non fieret totum vinum permixtum, sed aliqua pars eius. Quæ quidem non remaneret eadem numero propter permixtionem extraneæ materiæ, remaneret tamen eadem specie, non solum si parvus

D. Tho. tert. par.

liquor permixtus esset eiusdē speciei, sed etiam si esset alterius speciei, quia gutta aquæ multo vino permixta, transit in speciem vini, ut dicitur in 1.^a de generatione. Manifestum est autē ex prædictis, * quod corpus & sanguis Christi remanēt in hoc sacramento, quandiu illę species manent eadem numero: consecratur enim hic panis, & hoc vinū. Vnde si fiat tanta permixtio liquoris cuiuscunque, quod pertingat ad totum vinum consecratum, & fiat permixtum, erit aliud numero, & non remanebit ibi sanguis Christi. Si verò fiat tā parua alicuius liquoris adiunctio, quod nō possit diffundi per totum, sed vsq; ad aliquā partem specierū, desinet esse sanguis Christi sub illa parte vini consecrati, remanebit tamen sub alia.

AD PRIMVM ergo dicendum, quod Innoc. III. * dicit in quadam Decret. quod ipsa accidentia vinū appositū videntur afficere, quia si aqua fuerit apposita, vini saporem assumit: contingit igitur accidentia mutare subiectum, sicut & subiectum contingit accidentia permutare. Cedit quippe natura miraculo, & virtus supra consuetudinem operatur. Hoc tamen non est sic intelligendū, quasi idem numero accidens, quod prius fuit in vino ante consecrationem, postmodū fiet in vino appposito, sed talis permutatio fit per actionem. Nam accidentia vini remanentia, retinent actionem substantię secundum prædicta: * & ita immutando, afficiunt liquorem appositum.

AD SECVNDVM dicendū, quod liquor appositus vino cōsecrato, nullo modo miscetur substantię sanguinis Christi, miscetur tamē spe-

ciebus sacramentalibus. Ita tamē quod permixtione facta, corrumpuntur prædictę species, vel in toto, vel in parte, secundum modum quo supra dictum est, * quod ex speciebus illis potest aliquid generari. Et si quidem corrumpatur in toto, nulla iam remanet questio, quia iam totum erit vniforme. Si autem corrumpatur in parte, erit quidem vna dimensio secundum continuitatem quantitatis, non tamen vna secundum modum essendi, quia vna pars eius erit sine subiecto, alia erit in subiecto, sicut si aliquod corpus cōstituatur ex duobus metalis, erit vnum corpus secundum rationem quantitatis, non tamen vnum secundum speciem materię.

AD TERTIVM dicendū, quod sicut Innoc. III. dicit in Decretali prædicta, † si post consecrationem calicis aliud vinum mittatur in calicem, illud quidem non transit in sanguinem, neq; sanguini commiscetur, sed accidentibus prioris vini commixtum, corpori quod sub eis latet, vndiq; circūfunditur non madidans circumfusum. Quod quidem intelligendum est, quando non fit tanta permixtio liquoris extranei, quod sanguis Christi desinat esse sub toto, tunc enim dicitur vndiq; circūfundi, nō quia tangat sanguinem Christi secundum eius proprias dimensiones, sed secundū dimensiones sacramentales, sub quibus continetur. Nec est simile de aqua benedicta, quia illa benedictio nullam immutationem facit circa substantiam aquę, sicut facit consecratio vini.

AD QVARTVM dicendū, quod quidam posuerunt, quod quantumcunque parua fiat extranei liquoris per-

Li. i. text. 34.

39. & 38. 10.

2.

Ar. 4. huius q.

& q. 76. ar. 6.

ad 3a

In decret. li. 3.

tit. 41. c. Cum

Martha. 9.

Quęstio 11.

Ibidē

Loco citat. in
fil. i. arg. 1

Ar. 2.

In argum.

permixtio, substantia sanguinis Christi definit esse sub toto, & hoc ratione inducta. * Quæ tamen non cogit, quia magnum & paruum diuersificant quæritatem dimensionis, non quantum ad eius essentiam, sed quantum ad determinationem mensuræ. Similiter etiam liquor appositus adeo potest esse parvus, quod sua paruitate impeditur, ne diffundatur per totum, & non solis dimensionibus, quæ licet sint sine subiecto, tamen obstant alteri liquori, sicut & substantia, si ibi adesset secudum ea, quæ præmissa sunt.

¶ Sententiæ & conclusiones quæst.

Prima conclusio; quamvis accidentia panis & vini post consecrationem permaneant sine subiecto virtute diuina: quantitas tamen vicem habet subiecti reliquorum accidentium.

Ratio primi, quia sensibus certo cognoscimus manere hæc accidentia & fide non manere subiectas illis substantias: necesse est ergo manere accidentia sine proprio subiecto. idque virtute diuina, quæ per se ipsam accidentibus præstare potest, quod subiecta substantia præstitit.

Secunda conclusio, hæc accidentia & species sacramentales id omne efficere & pati possunt, quod in subiecto proprio efficerent & paterentur, quia virtute diuina in suo esse conseruantur: itaque afficiunt sensus, corrumpi possunt, & ex eis aliud generari, nutriri, frangi etiam quæ sunt panis, et quæ sunt vini, commisceri aliis liquoribus & alteri vino, & semper manebit Christus, quoadiu manserint sine corruptione species panis, aut vini consecrati.

COMMENTARIUS.

De accidentibus sacramentalibus.

Hæcenus essentiam, huius sacramenti, materiam, formam: efficaciam formæ in transubstantiatione, & ex ea consequentem realem & substantialem

Christi præsentiam, refutatis aduersariorum obiectionibus, confirmauimus. deinceps de accidentibus panis & vini Christum sacramentaliter continentibus, dicendum est. de his autem est hæc recepta sententia, perfecta transubstantiatione, remanent eadē numero accidentia panis & vini, ut quantitas, color, sapor, & omnes proprietates sine subiecto sed quantitas aliorum accidentiū subiectum est. Primam p. huius sententiæ, quæ asserit remanere omnia illa accidentia, sensus ipsi, qui circa propria sensibilia decipi non possunt, indicant: & ideo nulla prætereā probatio necessaria est. cur autem oportuerit illa manere, his rationibus ostēdi solet: primum ut occultaretur nobis carnis humane forma, propter horrorem; quem ex eius perceptione caperemus. sic Theophylactus & alij in c. 6. 10. a. Secundò, quia caro Christi gloriosa ex immodico splendore intuentium oculos offenderet, & ne capi quidem posset: sic Aug. ad Orisum. Tertio, ut esset fidei exercitium; dum in summo mysterio alia species obiceretur sensibus, alia credenda proponeretur: & idcirco Inno. III. in c. Marthe de cel. miss. vult hoc sacramentū propriè vocari mysterium fidei. Quarto, ut res pretiosissima, sub vilitatissimis formis, ab irratione & profanatione infidelium, occultaretur, ex Aug. de cōf. d. 2. c. vtrū. Quinta ratio, & præcipua est; ut corpus Christi ac sanguis, quæ siue mortalia, ut olim, siue gloriosa & immortalia, ut nunc, non essent apta per se, vel genuinas species, ad sacramentum & sacrificiū quotidianum, neque ad cōestionem, fractionem, motionem, visionem, & reliquū vsum; per illa quidem aliena accidentia illis mirifice coniuncta, omnibus vlibus suauissime accommodantur.

Accidentia panis & vini manent in hoc sacramento; imò verò sunt ipsum sacramentum.

2. Altera p. eiusdē sententiæ de existentia accidentiū sine subiecto, definita est in cōcil. Const. sess. 8. cōt. Vnicū, & ex præcedentibus fidei dogmatis sic aperte colligitur. hæc accidentia, neque substantiæ panis, aut vini, quæ post consecrationem non manent; neque corpori Christi, quod post resurrectionem, mutari, subici, aut alterari non potest, neque circūiecto aeri, qui sua retinet, & alienis; quæ ab vno in aliud subiectū minimè præparatū non commigrant, inherere possunt, sicuti, neque cuius alteri substantiæ manent igitur sine subiecto, Deo ipsa conseruante in suo esse idem definitum est in aliis

Eadem accidentia manent sine subiecto.

Comment. in D. Tho. tert. part.

conciliis, non tamen adeo expresse: in c. cum Marthæ de celebr. miss. dicitur sacramentum tantum esse species panis & vini, siue forma & imago, quæ cernuntur. c. firmi ter de sum. Trin. §. vna verò est, inquit, corpus & sanguis in sacramento altaris sub speciebus panis & vini veraciter continentur. idè est in Flor. in doctrina de Eucharistia, cõcil. Tridè. sess. 13. can. 2. quicumq;, inquit, negauerit mirabilè illam & singularè conuerfionè totius substantiæ panis in corpus, & totius substantiæ vini in sanguinem, manentibus duntaxat speciebus panis & vini, anathema sit. pòderandè sunt in his decretis illæ exclusiones, [tantum, & duntaxat,] quia excludunt substantiã & subiectum panis & vini, & idcirco necessariò intelliguntur manere accidentia sine subiecto, cum corpori Christi sine alteratione & passione inherere non possint: corpus autè Christi post resurrectionè pati, aut alterari extrinsecus nõ potest: manere igitur necesse est illa accidentia sine subiecto. Cum autem quicquid causa secunda efficit, possit & prima immediatè efficere, cum non implicatur contradictio, quod erat substantiæ panis & vini ante consecrationem, nempe sustentare in suo esse accidentia, quæ nõ sunt, nisi in substantia existat, id sanè Deus post consecrationem per seipsum immediatè efficit, eadem in suo esse conseruando. An verò ita conseruet, vt maneat tantum antiquum esse, sed sine subiecto, cuius vim suppleat Deus per seipsum immediatè, vel prætereà accipiat diuina virtute nouum modum essendi substantiæ, & sicut prius fuerat quo est, modò sit quod est, nihil certè refert ad dogma fidei de manentibus accidentibus in hoc sacramento sine subiecto.

3 Manere autè proprietates & affectiones eorundem accidentium, sensibus ipsis deprehēdimus: color enim afficit visum, sapor gustatum, quantitas eandem partium extētionem retinet: imò verò, quia manet idem esse antiquum sine subiecto, & id quod est, agere & pati potest, idè eisdem accidentibus retinentibus esse, quod prius tribuebat substantia panis & vini, conueniunt eadem operationes, vt nutrire, alterare, augere: eadem etiam passiones, vt eis corruptus possit generari aliquid, possint diuidi & frangi ratione quātitatis. in quibus omnibus, quādiu manent vera panis & vini accidentia, manet etiam verum Christi

corpus, quia manet sacramentum Eucharistiæ: quod si non manent illa accidentia, neque Christus manet sacramentaliter, cum non maneat sacramentum. Sentētia verò, asserentium has actiones nutriendi, & alterandi corpus nostrum esse à corpore Christi, vtente illis accidentibus ad illas operationes, sine sui tamen mutatione, cum admirabili tamen illorum accidentium vnione & vinculo, nobis non probatur. primò, quia noua est & Theologis inaudita: secundò, quia esse accidentium, quod retinet vi diuina, satis est ad omnem illorum actionem & passionem, vt ostendimus. Multò minus probabitur nobis, illa accidentia assumi à Christo ad vnionè hypostaticam, etiã si illa dimittat: sicut viuens hanc vitam mortalem, noua accidentia assumpsit & repulit, vt varias corporis qualitates, letitiam, gaudium, tristitias, lachrymas, splendore trāsfugurationis: & quidam veteres, vt Gelasius & Theodor. incarnationem explicant ex hoc sacramento, quatenus eius accidentia corpus Christi videtur assumere: sed non placet hæc sentētia, quia noua, & quia Christus hypostaticè diceretur efficere per accidentia huius sacramenti, atq; etiam inebriare aliquem, quod per species fieri posset dubium non est. Sed ex his accidentibus quantitas aliorum subiectum idè verè dicitur, quia vt erant prius in substantia, media quantitate, quæ est omnium accidentium materialium primum, sic modò sine substantia manent extensa per quantitatē, vt quantitas cætera sustentet & recipiat: quantitatē nullū aliud sustentet, aut recipiat. cum enim diuinitus datum sit quantitati, vt perse sit ad modum substantiæ, & mediante ipsa, cætera accidentia existant, datur etiam consequenter, vt aliorum accidentium subiectum esse possit: & idcirco media quantitate cætera accidentia sustentantur in antiquo esse, quantitatē Deus immediatè & perse sustentat.

4 Sed his cõstitutis, tria sunt, quæ exactiorè explicationem exigunt: qua ratione ex accidentibus sacramentalibus aliquid gigni possit, cum nulla sit materia ad constitutionē eius, quod sit omninò necessaria: quò modo eisdem externus liquor admisceri possit: qua denique ratione caro humana, sanguis in eisdem accidentibus apparere & vere representari possit. Ad primam ergo dubitationē responderetur, eā sententiam vide

ri pro-

2. Alanus An
glus lib. de Eu
char. sacramen
to c. 36 priorè
istā sententiā,
cū subiectione
& elefæ asserit,
posteriorem re
fellit.

C. i. inquit esse
Scoti, 2. D. Tho
ma, sed eadem
videtur esse
vtriusque sen
tentia.

Proprietates eo
rondè acciden
tium manent.
3. p. q. 77. ab
ar. 3. ad 8.

Quantitas est
aliorum accide
ntium subiectum.

Generatio ali
cuius rei ex ac
cidentibus sacra
mentalibus.

3. p. q. 77. ar. 5

ri probabiliorem, quæ efficaciam consentit consecrationis magis accommodatè. constat autè ex precedentibus post consecrationem effectum esse, ut quantitas aliorum accidentium panis & vini sit vice materie, & loco subiecti: quare ut materia varie præparatur, donec forma substantialis inducatur: sic quantitas præparatur ad formam inducendam accommodatè, quia vicè materie habet virtutem consecrationis, quandiu manet sacramentum. in primo autè non esse sacramenti, conuertitur diuina virtute in materiam, quæ suscipit formam, cui accommodata fuerat præparatio: atque ita ex accidentibus sacramentalibus gigni potest aliquid, cum primò definit esse sacramentum. cõsentit hæc sententia, cum generatione naturali. in hac enim agens usque ad momentum generationis agit in quantum: in eo autè momento attingit nudam essentiam materiam, educendo de illius potentia formam substantialem, ut substantia composita fiat.

Permissio liquoris alicuius cum vino consecrato.
Ead. q. ar. 8.

5 Ad alteram dubitationem de permissione liquoris alicuius cum vino consecrato, adhibenda est hæc distinctio. Aut enim magna quantitas externi liquoris permiscetur, eiusdem, vel alterius speciei, ut vinum vino, vel aqua vino: aut exigua quantitas. primo modo non manet amplius sanguis, neque sacramentum: quia cum species vini ad efficiendam permissionem, eandem vim habeat, atque substantia vini, si permaneret: & cum duo permiscerentur secundum se tota, utrumque periret, & prodiret tertium ab utroque diuersum, necesse est primo modo fieri tertium, diuersum à primo, id est accidentibus vini: specie quidem, si liquor admixtus sit alterius speciei ut aqua: numero verò, si sit eiusdem speciei: sed cum primò desinunt esse eadem numero accidentia vini consecrati, desinit in illis esse sanguis Christi: hoc igitur primo modo facta permissione non amplius erit sacramentum. Altero modo, si liquor admixtus a deo exiguus sit, ut totam dimensionem vini consecrati permeare non possit, ea quidem parte, qua diffundi non poterit, permanebit eadem numero species vini, & ideo sanguis Christi: ea vero parte qua liquor diffunditur, non manebit, quia neque eadem species, cum ex permissione eius partis factum sit aliquid tertium, numero saltè à vino consecrato distinctum. itaque licet liquor appositus nullo modo sanguini Christi permisceatur, quia mixtio non est sine actione & passionem, & sanguis Christi post resurrectionem

non est omnino impassibilis, permiscetur tamè speciebus sacramentalibus, ita ut permissione facta, corrumpantur species, vel omnino, vel quadam ex parte: si omnino, erit totum vniuersum, & eiusdem esse: si autè ex parte, erit quidem una dimensio secundum continentiam quantitatis, non tamè una secundum modum essendi, quia una pars erit cum subiecto, alia sine subiecto: ut si fiat vnum corpus ex duobus metallis, erit vnum secundum quantitatem, non tamen secundum speciem.

6 Ad tertiam dubitationem propositam, de his, quæ miraculose in hoc sacramento apparent, ut caro in propria figura, sanguis, puer, ex distinctione respondendum est. aliquando enim hoc apparet, ex immutatione tantum videntis, non sacramenti: cuius signum est, illud quibusdam apparere, quibusdam autè minimè. aliquando vero ex immutatione sacramenti, cuius signum est, quod idè omnibus, & longiori tempore apparet, & cõseruatur in multis locis. tunc autè licet maneant eadem dimensiones, figura tamè, color, effigies mutantur, & ex ea mutatione miraculose fit, quod apparet, caro, sanguis, aut puer, ea ratione, qua diximus ex accidentibus sacramentalibus aliquid fieri posse: & idcirco non est id quod sic apparet, Christus, vel aliquid Christi: quia constat secundum rectam fidem, corpus Christi, vel esse definitiuè in celo in propria specie, vel in aliena cum existit sacramentaliter: id verò quod apparet, ad neutrum horum pertinere potest. adhuc tamen, licet hæc in sacramento sic mutato verè existant, manet in eodem Christus sacramentaliter, quia manet quandiu manent accidentia sacramentalia, in quibus potissimè sunt dimensiones: quare his manentibus, corpus Christi sacramentaliter manere necessario concedendum est. Fiunt autè huiusmodi apparitiones, siue ex immutatione videntis & non sacramenti, siue etià ex immutatione sacramentalium accidentium, sine deceptione & mendacio, ut ostendatur corpus Christi verè & substantialiter in hoc sacramento existere, ad nostræ fidei confirmationem. cum autem aliquid apparet, vel fingitur, etiam si non existat, & refertur ad aliquam significationem, non est mendacium, sed figura veritatis: sicut Dominus sine deceptione & mendacio, coram discipulis in Emaus, finxit se longius ire.

De his, quæ in hoc sacramento apparent.

D. Tho. tert. par.

QVÆSTIO LXXVIII.

De forma sacramēti Eucharistiæ,
in sex articulos diuisa.

DEinde considerandum est de for-
ma huius sacramenti.

¶ Et circa hoc queruntur sex.

Primo, quæ sit forma huius sacramenti.

Secundo, vtrum sit conueniens forma cō-
secrationis panis.

Tertio, vtrum sit conueniens forma con-
secrationis sanguinis.

Quarto, de virtute vtriusq; formæ.

Quinto, de veritate loquutionis.

Sexto, de comparatione vnius formæ ad
aliam.

ARTICVLVS I.

Vtrum hæc sit forma huius sacramenti,
hoc est corpus meum, & hic est ca-
lix sanguinis mei.

4. d. 8. q. 2. ar.
2. & 3.

AD primū sic proceditur. Vi-
detur, quod hæc nō sit forma
huius sacramenti, hoc est corpus
meum, &, hic est calix sanguinis
mei. Illa enim verba videntur per-
tinere ad formam huius sacramen-
ti, quibus Christus corpus suum &
sanguinem consecrauit. Sed Chri-
stus antè benedixit panē acceptū,
& postea dixit: Accipite & comedi-
te, hoc est corpus meū (vt habetur
Matth. 26.) & similiter fecit de ca-
lice. Ergo prædicta verba non sunt
forma huius sacramenti.

Refertur de cō-
sec. d. 2. c. Quia
corpus assum-
ptum.

¶ 2. Præterea, Eusebius Emisse-
nus dicit, † quod inuisibilis sacer-
dos, visibiles creaturas in suū cor-
pus conuertit, dicens: Accipite, &
comedite, hoc est corpus meū. Er-
go totum hoc videtur pertinere ad
formam huius sacramenti. Et ea-
dem ratio est de verbis pertinenti-
bus ad sanguinem.

¶ 3. Præterea, In forma baptis-

mi exprimitur persona ministri &
actus ei⁹, cū dicit: Ego te baptizo.
Sed in præmissis verbis nulla sit mē-
tio de persona ministri, nec de actu
eius. Ergo non est conueniens for-
ma sacramenti.

¶ 4. Præterea, Forma sacramen-
ti sufficit ad perfectionē sacramen-
ti, vnde sacramentum baptismi quā-
doq; perfici potest solis verbis for-
mæ prolatis, omnibus aliis, præter-
missis. Si ergo prædicta verba sunt
forma huius sacramenti, videtur,
quòd aliquādo possit hoc sacramē-
tū perfici his solis verbis prolatis,
& omnibus aliis prætermisissis, quæ
in missa dicuntur. Quod tamen vi-
detur esse falsum, quia vbi verba
alia præmitterentur, prædicta
verba t acciperentur ex persona sa-
cerdotis proferentis, in cuius cor-
pus & sanguinem panis & vinū non
conuertuntur. Non ergo prædicta
verba sunt forma huius sacramēti.

In argu. 1. pos-
ta.

Ibidem.

SED CONTRA est, quod Amb.
* dicit in lib. de sacramentis: Con-
secratio fit verbis & sermonibus
Domini IESV: nam per reliqua o-
mnia, quæ dicuntur, laus Deo de-
fertur, oratione petitur pro popu-
lo, pro regibus, pro cæteris. Vbi au-
tem venit, vt conficiatur venera-
bile sacramentum, iam nō suis ser-
monibus sacerdos vtitur, sed vtitur
sermonibus Christi. Ergo sermo
Christi hoc conficit sacramētum.

Li. 4. c. 4. pan-
lo a prim. 10. 4.

RESPONDEO dicendum, quod
hoc sacramentum ab aliis sacramē-
tis differt in duobus, primò quidē,
quantū ad hoc, quod hoc sacramen-
tum perficitur in cōsecratione ma-
teriæ: alia verò sacramenta perfi-
ciuntur in vsu materiæ consecratæ.
Secundò, quia in aliis sacramentis
consecratio materiæ consistit solū

in quadam benedictione, ex qua materia consecrata accipit instrumentaliter quandam spiritualementem, quæ per ministrum, qui est instrumentum animatum, potest ad instrumenta inanimata procedere. Sed in hoc sacramento cōsecratio materiæ consistit in quadam miraculosa conuersione substantiæ, quæ à solo Deo perfici potest. Vnde minister in hoc sacramento perficendo non habet alium actum nisi prolationem verborum. Et quia forma debet esse conueniens rei, ideo forma huius sacramenti differt à formis aliorum sacramentorum in duobus, primò quidē, quia formæ aliorum sacramentorum importāt vsum materiæ, puta baptismationem, vel consignationem: sed forma huius sacramenti importat solam consecrationem materiæ, quæ in trāssubstantiatione consistit: puta cū dicitur, hoc est corpus meum, vel, hic est calix sanguinis mei. Secundò, quia formæ aliorum sacramentorum proferuntur ex persona ministri, siue per modum exercentis actum: sicut cū dicitur: Ego te baptizo, vel, Ego te confirmo: siue per modum imperantis, sicut in sacramento ordinis dicitur: Accipe potestatem, &c. siue per modum deprecantis, sicut cū in sacramento extremæ vnctionis dicitur: Per istam vnctionem, & nostram intercessionē, &c. Sed forma huius sacramenti profertur quasi ex persona ipsius Christi loquentis, vt detur intelligi quod minister in perfectione huius sacramenti nihil agit, nisi quod profert verba Christi.

AD PRIMVM ergo dicendum, quod circa hoc est multiplex opinio. Quidam enim dixerunt, quod

Christus, qui habebat potestatem ex cellētiæ in sacramētis, absq; omni forma verborū hōc sacramentum perfecit, & postea verba protulit, sub quibus alij postmodū cōsecrarent. Quod videntur sonare verba Innocē. III. * dicentis: Sane dici potest, quod Christus virtute diuina cōfecit, & postea formā expressit, sub qua posteri benedicerent. Sed cōtra hoc expressē sunt verba Euāgelij, in quibus dicitur, quod Christus benedixit, quæ quidem benedictio aliquibus verbis facta est. Vnde prædicta verba Inno. sunt opinatiue magis dicta, quā determinatiue. Quidā autem dixerūt, quod benedictio illa facta est quibusdā aliis verbis nobis ignotis. Sed nec hoc stare potest, quia benedictio consecrationis nunc perficitur per recitationē eorum, quæ tunc acta sunt. Vnde si tūc per hæc verba nō est facta cōsecratio, nec modò fieret. Et ideo alij dixerunt, quod illa benedictio eisdē etiā verbis facta est, quibus modo fit, sed Christus ea bis protulit. Primò quidē secretē ad consecrandū, secūdò manifestē ad instruendum. Sed nec hoc stare potest, quia sacerdos consecrat, proferens hæc verba, non vt à Christo in occulta benedictione dicta, sed vt publicē prolata. Vnde cū non habeant vim huiusmodi verba, nisi ex Christi prolatione, videtur quod etiam Christus manifestē ea proferēs consecrauerit. Et ideo alij dixerunt, quod Euāgelistæ non semper eundem ordinē in recitando seruauerunt, quo res sunt gestæ, vt patet per Augustinum * in lib. de cōsensu Euangelistarum. Vnde intelligendum est ordinē rei gestæ sic exprimi posse: Accipiens panem benedi-

*Id habet in li.
4. de sacro altaris mysterio, c.
6. circa fin.*

*Li. 2. colligitur
ex c. 30. & 31.
Q. 44. tom. 42*

D. Thom. tert. part.

sit, dicēs, hoc est corpus meum, & deinde fregit, & dedit discipulis suis. Sed idē sensus haberi potest, etiam verbis Euangelij non mutatis, nam hoc participiū, dicens, cōcomitantiam quandam importat verborum prolatorū ad ea, quę præcedunt. Non autem oportet quod hæc concomitantia intelligatur solum respectu vltimū verbi prolatis, quasi Christus tunc ista verba protulerit, quādo dedit discipulis suis. Sed potest intelligi concomitantia respectu totius præcedentis, vt sit sensus, dum benediceret, frangeret, & daret discipulis suis, hæc verba dixit: Accipite, &c.

AD SECUNDVM dicendū, quod in his verbis: Accipite & comedite, intelligitur vsus materię consecrata: qui non est de necessitate huius sacramenti (vt suprà habitum est) & ideo nec hæc verba sunt de substantia formę. Quia tamen ad quandam perfectionem sacramenti pertinet materię cōsecrata: vsus (sicut operatio non est prima, sed secunda perfectio rei) ideo per omnia ista verba exprimitur tota perfectio huius sacramēti. Et hoc modo Eusebius intellexit *his verbis confici sacramentum, quantum ad primam & secundam perfectionem ipsius.

AD TERTIVM dicendum, quod in sacramento baptismi minister aliquem actum exercet circa vsum materię, qui est de essentia sacramenti, quod non est in hoc sacramento. & ideo non est similis ratio.

AD QVARTVM dicēdum, quod quidam dixerunt, hoc sacramētum perfici non posse, prædictis verbis prolatis, & aliis prætermisissis, præ-

cipue quę sunt in canone missę. Sed hoc patet esse falsum, tum ex verbis Ambrosii *suprà inductis, tum etiam, quia canon missę non est idē apud omnes, nec secundum omnia tempora, sed diuersa sunt à diuersis appposita. Vnde dicendum est, quod si sacerdos sola verba prædicta proferret cum intentione conficiendi hoc sacramentum, perficere hoc sacramentum, quia intentio faceret, vt hæc verba intelligeretur quasi ex persona Christi prolata, etiam si verbis præcedentibus hoc non recitaretur. Grauius tamen peccaret sacerdos sic conficiens hoc sacramentum, vtpote tantum Ecclesię non seruans. Nec est simile de baptismo, quod est sacramentum necessitatis, defectum autem huius sacramēti potest supplere spiritualis manducatio, sicut Augustinus *dicit.

ARTICVLVS II.

Vtrum hæc sit conueniens forma consecrationis panis, hoc est corpus meum.

AD secundum sic proceditur. Videtur, quod hæc non sit conueniens forma consecrationis panis, hoc est corpus meum. Per formam enim sacramenti debet exprimi sacramenti effectus. Sed effectus, qui fit in consecratione panis, est cōuersio substantię panis in corpus Christi, quę magis exprimitur per hoc verbum, sit, quā per hoc verbum, est. Ergo in forma consecrationis deberet dici, hoc sit corpus meum.

¶ 2. Præterea, Ambrosius † dicit in lib. de sacramentis, Sermo Christi hoc cōficit sacramētū, quis sermo

In arg. sed tōtra.

Tract. 28. 1da. to. 9. Colligitur etiā ex eo quod ex Aug. refertur de cons. d. 4 c. Nullū.

q. 74. ar. 7.

Loco citato in arg.

Sap. q. 60 art. 8. cor. et q. 85. artic. 2. cor. ¶ inf. q. 83. ar. 4 ad 1. ¶ q. 84. ar. 3. cor. Et 4. d. 8. q. 2. ar. 1. q. 1. ¶ 2. cor. ar. 4. q. 3. et 1. to. 11. lec. 5. cor. 4.

* Lib. 4. ca. 43 nō procul a p̄tē to. 4.

mo

mo Christi? hic, quo facta sunt omnia, Iussit Dominus & facta sunt cæli & terra. Ergo & forma huius sacramenti conuenientiior esset per verbum imperatiuū, vt diceretur, hoc fit corpus meum.

¶ 3. Præterea, Per subiectū huius locutionis importatur illud quod conuertitur, sicut per prædicationem importatur cōuersionis terminus. Sed sicut est determinatū id, in quod fit cōuersio (nō enim fit cōuersio, nisi in corpus Christi) ita est determinatū id quod conuertitur, nō enim cōuertitur in corpus Christi, nisi panis. Ergo sicut ex parte prædicati ponitur nomen, ita ex parte subiecti debet poni nomen, vt dicatur, hic panis est corpus meum.

¶ 4. Præterea, Sicut id, in quod terminatur conuersio, est determinatæ naturæ (quia est corpus) ita etiam est determinatæ personæ. Ergo sicut ad determinandū naturā, dicitur corpus, ita ad determinandam personam, deberet dici, hoc est corpus Christi.

¶ 5. Præterea, In verbis formæ non debet poni aliquid, quod nō sit de substantia eius. Inconuenienter ergo additur in quibusdā libris hæc coniunctio, enim, quæ nō est de substantia formæ.

SED CONTRA est, quod Dominus hac forma in consecrando est usus, vt patet Matth. 26.

RESPONDEO dicendum, quod hæc est cōueniens forma consecrationis panis. Dictū est enim, * quod hæc consecratio consistit in cōuersione substantiæ panis in corpus Christi. Oportet autem formam sacramenti significare id, quod in sacramento efficitur. Vnde & forma consecrationis panis debet signifi-

care ipsam conuersionem panis in corpus Christi. In qua tria considerantur. s. ipsa cōuersio, & terminus à quo & terminus ad quē. Cōuersio autē pōt cōsiderari dupliciter. Vno modo, vt in fieri, alio modo, vt in facto esse. Non autem debuit significari conuersio in hac forma, vt in fieri, sed vt in facto esse. Primò quidē, quia hæc conuersio non est successiua (vt suprā dictum est*) sed instantanea. In huiusmodi autem mutationibus fieri, nō est nisi factū esse. Secundò, quia ita se habēt formæ sacramentales ad significandū effectum sacramenti, sicut se habēt formæ artificiales ad repræsentandum effectum artis. Forma autem artificialis, est similitudo ultimi effectus, in quem fertur intērio artificis, sicut formā artis in mente ædificatoris est forma domus ædificatæ principaliter, ædificationis autem per consequens. Vnde & in hac forma debet exprimi conuersio, vt in facto esse ad quod fertur intentio. Et quia ipsa conuersio exprimitur in hac forma, vt in facto esse, necesse est, quod extrema conuersionis significantur, vt se habent in facto esse conuersionis. Tunc autē terminus ad quem, habet propriā naturam suæ substantiæ, sed terminus à quo, non manet secundum suā substantiam, sed solum secundum accidentia, quibus sensui subiaceret, & ad sensum determinari potest. Vnde conuenienter terminus conuersionis à quo, exprimitur per pronomen demonstratiuum relatū ad accidentia sensibilia, qua manent: terminus autem ad quem, exprimitur per nomen significans naturam eius, in quod fit conuersio. Quod quidem est totum corpus Christi, & non

q. 75. ar. 72

q. 76. art. 1. ad 2. & non sola caro eius, vt dictū est†. Vnde hæc forma est conuenientissima, hoc est corpus meum.

In cor. ar.

AD PRIMVM ergo dicendum, quod fieri non est vltimus effectus huius cōsecrationis, sed factū esse: vt dictum est†. Et ideo hoc potius exprimi debet in forma.

AD SECVNDVM dicendum, quod sermo Dei operatus est in creatione rerum, qui etiam operatur in hac cōsecratione, aliter tamen & aliter. Nam hic operatur effectiue & sacramentaliter, id est, secundum vim significationis. Et ideo oportet in hoc sermone significari vltimum effectum cōsecrationis per verbum substantiuum indicatiui modi & præsentis temporis. Sed in creatione rerum operatus est solum effectiue, quæ quidem efficientia est per imperium suæ sapientiæ. Et ideo in creatione rerū exprimitur sermo diuinus per verbū imperatiui modi secundū illud Genesi. Fiat lux, & facta est lux.

AD TERTIVM dicendū, quod terminus à quo in ipso facto esse conuersionis, non retinet naturam suæ substantiæ, sicut terminus ad quem, & ideo non est simile.

AD QVARTVM dicendum, quod per hoc pronomen, meum, quod includit demonstrationē primæ personæ (quæ est persona loquētis) sufficienter exprimitur persona Christi, ex cuius persona hæc proferuntur, vt dictum est.†

ar. 1. ad 2.

AD QVINTVM dicendū, quod hæc coniunctio, enim, apponitur in hac forma secundum consuetudinem Romanæ Ecclesiæ, à beato Petro Apostolo deriuatam, & hoc propter continuationem ad verba præcedentia. Et ideo non est de

forma, sicut nec verba præcedentia formam.

ARTICVLVS III.

Utrum hæc sit conueniens forma cōsecrationis vini, hic est calix sanguinis mei, &c.

AD tertium sic proceditur. Videtur, quod hæc non sit conueniens forma cōsecrationis vini, hic est calix sanguinis mei, noui & æterni testamēti, mysterium fidei, qui pro vobis & pro multis effundetur in remissionem peccatorū. Sicut enim panis conuertitur in corpus Christi ex vi cōsecrationis, ita & vinum in sanguinem Christi, sicut ex prædictis patet*. Sed in forma cōsecrationis panis ponitur in recto corpus Christi, nec aliquid aliud additur. Inconuenienter ergo in hac forma ponitur sanguis Christi in obliquo, & additur calix in recto, cum dicitur, hic est calix sanguinis mei.

4. d. 8. q. 2. ar. 2. q. 2. & 3. Et 1. co. 11. le. 6. co. 3. 4. et. 5.

q. 76. art. 1. & 2.

¶ 2. Præterea, Non sunt maioris efficacix verba quæ proferuntur in cōsecratione panis, quam ea, quæ proferuntur in cōsecratione vini, cū vtraq; sint verba Christi. Sed statim dicto, hoc est corpus meū, est perfecta cōsecratio panis. Ergo statim cū dictum est, hic est calix sanguinis mei, est perfecta cōsecratio sanguinis, & ita ea quæ sequuntur, non videtur esse de substantia formæ, præsertim cū pertineat ad proprietates huius sacramenti.

¶ 3. Præterea, Testamentum nouum pertinere videtur ad internā inspirationē, vt patet ex hoc quod Apostolus ad Hebr. 8. introducit verba, quæ habentur Hierem. 31. Cōsummabo super domum Israël testamentum.

testamentum nouum, dando leges meas in mentem eorum. Sacramentum autem exterius visibiliter agitur. Inconuenienter ergo in forma sacramenti dicitur, noui testamenti.

¶ 4. Præterea, Nouum dicitur aliquid ex eo quod est propè principium sui esse. æternum autem nō habet principium sui esse. Ergo inconuenienter dicitur, noui & æterni, quia videtur contradictionē implicare.

¶ 5. Præterea, Occasionēs erroris sunt hominibus subtrahende, secundum illud Isai. 57. Auferte offendicula de via populi mei. Sed quidam errauerunt, æstimantes mysticè solū esse corpus & sanguinem Christi in hoc sacramēto. Ergo in hac forma inconuenienter ponitur mysterium fidei.

¶ 6. Præterea, Suprà dictū est, ^{q. 73. ar. 2. ad 3.} quod sicut baptisumus est sacramentum fidei, ita Eucharistia est sacramētum charitatis. Ergo in hac forma magis debet poni charitas, quàm fides.

¶ 7. Præterea, totum hoc sacramentum & quantum ad corpus, & quantum ad sanguinem, est memoriale Dominicę passionis, secundū illud 1. Corinth. 11. Quotiescunq; manducabitis panem hunc, & calicem bibetis, mortem Domini annuntiabitis. Non ergo magis debuit in forma cōsecrationis sanguinis fieri mentio de passione Christi & eius fructu, quàm in forma cōsecrationis corporis, præsertim cū Luc. 22. Dominus dixerit, hoc est corpus meum, quod pro vobis tradetur.

¶ 8. Præterea, Passio Christi (ut ^{q. 43. ar. 2. ad 49.} suprà habitum est*) ad sufficientiā

profuit omnibus, quantum verò ad efficientiam, profuit multis. De buit ergo dici: Qui effundetur pro omnibus, aut pro multis, sine hoc quod adderetur, pro vobis.

¶ 9. Præterea, verba quibus hoc sacramentum conficitur, efficaciam habent ex institutione Christi. Sed nullus Euangelista recitat Christū hæc omnia verba dixisse. Ergo hæc non est conueniens forma cōsecrationis vini.

SED CONTRA est, quod Ecclesia ab Apostolis instructa, ^{De celebra missarum c. Cum Martha.} vtitur hac forma in consecratione vini.

RESPONDEO dicendum, quod circa hanc formam est duplex opinio. Quidam enim dixerunt, quod de substantia formæ huius est hoc solū quod dicitur, hic est calix sanguinis mei, non autē, ea quæ sequuntur. Sed hoc videtur inconueniens, quia ea, quæ sequuntur, sunt quedā determinationes prædicati, idest sanguinis Christi: vnde pertinent ad integritatem eiusdem locutionis. Et propter hoc sunt alij, qui melius dicunt, quod omnia sequentia sunt de substantia formæ vsq; ad hoc quod postea sequitur: Hoc quotiescunque feceritis, quod pertinet ad vsum huius sacramenti: vnde nō est de substantia formæ. Et inde est, quod sacerdos eodem ritu & modo, scilicet tenendo calicem in manibus, omnia hæc verba profert. Luc. etiam 22. interponuntur verba sequentia verbis præmissis, cum dicitur: Hic calix nouum testamentum est in meo sanguine. Dicendū est ergo, quod omnia prædicat verba sunt de substantia formæ. Sed per prima verba, cū dicitur, hic est calix sanguinis mei, significatur ipsa conuersio vini in sanguinem,

De celebra missarum c. Cum Martha.

Posita in arg. 1.

D. Thom. tert. part.

Ar. præc.

nem, eo modo, quo dictum est[†] in forma consecrationis panis. Per verba autem sequentia designatur virtus sanguinis effusi in passione, quæ operatur in hoc sacramento. Quæ quidem ad tria ordinatur. Primo quidem & principaliter ad adipiscendam æternam hæreditatem, secundum illud Hebræ. 10. Habentes fiduciam in introitu sanctorum in sanguine Christi. Et ad hoc designandum dicitur novi & æterni testamenti. Secundò ad iustitiam gratiæ, quæ est per fidem secundum illud Romæ. 3. Quem proposuit Deus propitiatorem per fidem in sanguine ipsius, ut sit ipse iustus & iustificans eum, qui ex fide est IESU Christi, & quantum ad hoc subditur, mysterium fidei. Tertiò autem ad remouendum impedimenta vtriusque prædictorum, scilicet, peccata, secundum illud Hebræ. 9. Sanguis Christi emundabit conscientiam nostram ab operibus mortuis, id est, à peccatis. Et quantum ad hoc subditur: Qui pro vobis & pro multis effundetur in remissionem peccatorum.

AD PRIMUM ergo dicendum, quod cum dicitur, hic est calix sanguinis mei, est locutio figuratiua. Et potest dupliciter intelligi. Vno modo secundum metonymiam, qua ponitur continens pro contento, ut fit sensus: Hic est sanguis meus contentus in calice, de quo fit hic mentio, quia sanguis Christi in hoc sacramento consecratur, in quantum est potus fidelium, quod non importatur in ratione sanguinis, & ideo oportuit hoc designari per vas huic vsui accommodatum. Alio modo potest intelligi secundum metaphoram, prout per calicem si

multitudinariè intelligitur passio Christi, quæ ad similitudinem calicis inebriat (secundum illud Threnor. 3. Repleuit me amaritudinibus: inebriauit me absynthio. unde & ipse Dominus passionem suam calicem nominat, Matth. 26. dicens: Transeat à me calix iste.) Ut sit sensus, hic est calix passionis meæ, de qua fit mentio in sanguine seorsum à corpore consecrato, quia separatio sanguinis à corpore fuit per passionem.

AD SECUNDUM dicendum, quod quia (ut dictum est[†]) sanguis seorsum consecratus, expressè passionem Christi repræsentat, ideo potius in consecratione sanguinis fit mentio de effectu passionis, quàm in cōsecratione corporis, quod est passionis subiectum. Quod etiam designatur in hoc quod Dominus dicit: Quod pro vobis tradetur, quasi diceret: Quod pro vobis passioni subiicietur.

*In cor. arti. 6.
q. 76. ar. 2. ad
1.*

AD TERTIUM dicendum, quod testamentum est dispositio hæreditatis. Hæreditatem autem cælestem disposuit Deus hominibus dandam per virtutem sanguinis IESU Christi, quia ut dicitur Hebræ. 9. Vbi est testamentum, mors necesse est intercedat testatoris. Sanguis autem Christi dupliciter est hominibus exhibitus. primo quidem in figura, quod pertinet ad vetus testamentum. Et ideo Apostolus ibidem concludit. Vnde nec primum testamentum sine sanguine dedicatum est. Quod patet ex hoc, quod sicut dicitur Exod. 24. Lecto omni mandato legis à Mose, omnem populum asperxit, dicens: Hic est sanguis testamenti, quod mandauit ad vos Deus. Secundò autem est exhibitus in rei veritate.

veritate. quod pertinet ad nouum testamentū. Et hoc est, quod Apostolus ibidē prēmittit dicens: Ideo noui testamēti mediator est Christus, vt morte intercedente, re promissionē accipiant, qui vocati sunt æternæ hæreditatis. Dicitur ergo hic sanguis noui testamenti, quia iam nō in figura, sed in veritate exhibetur. vnde subditur, qui pro vobis effundetur. Interna autem inspiratio ex huius sanguinis virtute procedit secundum, quod passionē Christi iustificamur.

AD QVARTVM dicēdum, quod hoc testamentum est nouū ratione exhibitionis. Dicitur autem æternum tam ratione æternæ Dei præordinationis, quam etiam ratione æternæ hæreditatis, quæ per hoc testamentum disponitur. Ipsa etiam persona Christi, cuius sanguine testamentum disponitur, est æterna.

AD QVINTVM dicēdū, quod mysterium hic ponitur, non quidē ad excludendam rei veritatem, sed ad ostendendam occultationem, quia & ipse sanguis Christi occulto modo est in hoc sacramento, & ipsa passio Christi occultē fuit figurata in veteri testamento.

AD SEXTVM dicendum, quod dicitur mysterium fidei, quasi fidei obiectum, quia quod sanguis Christi secundum veritatem sit in hoc sacramento, sola fide tenetur: ipsa etiam Christi passio per fidem iustificat. Baptismus autem dicitur sacramentum fidei, quia est quædā fidei protestatio. Hoc autem est sacramentum charitatis, quasi figuratum & effectiuum.

AD SEPTIMVM dicendum, (quod sicut dictū est *) sanguis seorsum consecratus à corpore, ex-

pressius repræsentat passionē Christi. Et ideo potius in consecratione sanguinis fit mentio de passione Christi & fructu ipsius, quàm in cōsecratione corporis.

AD OCTAVVM dicendū, quod sanguis passionis Christi, non solū habet efficaciam in Iudæis electis, quibus exhibitus est sanguis veteris testamenti, sed etiam in gentilibus: nec solū in sacerdotibus, qui hoc conficiunt sacramentum, vel aliis, qui sumunt, sed etiam in illis pro quibus offertur. Et ideo signanter dicit, pro vobis Iudæis, & pro multis, scilicet Gentilibus: vel pro vobis manducantibus, & pro multis pro quibus offertur.

AD NONVM dicendum, quod Euangelistæ non intendebant tradere formas sacramentorum, quas in primitiua Ecclesia oportebat esse occultas, vt dicit Dionys. ^{e. 7. eccle. hier.} in fine Ecclesiast. hierar. ^{par. 3. inter me} sed intenderunt historiam de Christo ^{dium & finē.} texere. Et tamen hæc omnia ferè verba ex diuersis scripturæ locis accipi possunt. Nam quod dicitur, hic est calix, habetur Luc. 22. & 1. Corinth. 11. Matth. autem 26. dicitur, hic est sanguis meus noui testamēti, qui pro multis effundetur in remissionem peccatorum. Quod autem additur, æterni, & iterum mysterium fidei, ex traditione Domini habetur, quæ ad Ecclesiam per Apostolos peruenit, secundū illud 1. Corinth. 11. Ego accepi à Domino quod & tradidi vobis.

ARTI-

D. Tho. tert. par.

ARTICVLVS IIII. Vtrum prædictis verbis formarum insit aliqua vis creata, effectiua con- secrationis.

In f. arti. 5. cor.
Et 4. d. 1. q. 1.
arti. 4. q. 2. c.
d. 8. q. 2. ar. 3.
c. d. 10 in ex
pos. lit. ad 6.
c. 7.
Ar. 2. c. 3.
Lib. 4. ortho.
fid. c. 14. circa
medium.

AD QVARTVM sic procedi-
tur. Videtur, quod prædictis
verbis tformarum non insit aliqua
vis creata, effectiua cōsecrationis.
Dicit enim Damasc. * in 4. lib. Sola
virtute Spiritus sancti fit conuersio
panis in corpus Christi, sed virtus
Spiritus sancti est virtus increata.
Ergo nulla virtute creata horū ver-
borum conficitur hoc sacramentū.

1. p. q. 110. arti.
4.

¶ 2. Præterea, Opera miraculo-
sa non fiunt aliqua virtute creata,
sed sola virtute diuina, vt in prima
parte habitum est. * Sed conuersio
panis & vini, in corpus & sanguinē
Christi, est opus non minus miracu-
losum, quā creatio rerum, vel etiā
formatio corporis Christi in vtero
virginali, quæ quidem nulla virtu-
te creata fieri potuerunt. Ergo ne-
que hoc sacramētum consecratur
aliqua virtute creata dictorum ver-
borum.

Posita in ar. 2.
c. 3. in arg. 1.

q. 75. ar. 7.

¶ 3. Præterea, Prædicta verba *
nō sunt simplicia, sed ex multis cō-
posita, nec simul, sed successiue pro-
feruntur. Conuersio autem prædi-
cta (vt supra dictum est) fit in instā-
ti. vnde oportet, quod fiat per sim-
plicem virtutem. Non ergo fit per
virtutem horum verborum.

li. 4. c. 4. ante
medium, s. 4.

SED CONTRA est, quod Amb.
† dicit in lib. de Sacramentis. Si tan-
ta est vis in sermone Domini IESV,
vt inciperent esse, quæ non erant,
quantò magis operatorius est, vt
sint quæ erant, & in aliud commu-
tentur? Et sic quod erat panis ante
consecrationem, iam corpus Chri-
sti est post consecrationē, quia ser-

mo Christi in aliud creaturam
mutat.

RESPONDEO dicendum, quod
quidam dixerunt nullam virtutem
creatam esse nec in prædictis ver-
bist ad transubstantiationem faciē-
dam, nec etiam in aliis sacramento-
rum formis, vel etiam in ipsis sacra-
mentis ad inducendos sacramento-
rum effectus. Quod (sicut suprā ha-
bitum est) & dictis sanctorū repu-
gnat, & derogat dignitati sacramē-
torum nouæ legis. Vnde cū hoc
sacramentum sit præ cæteris dig-
nius (sicut suprā dictum est) conse-
quens est, quod in verbis formalib-
us huius sacramenti sit quædā vir-
tus creata ad conuersionem huius
sacramenti faciendam: instrumen-
talis tamē, sicut & in aliis sacramē-
tis, sicut supra dictum est †. Cū
enim hæc verba ex persona Chri-
sti proferantur, ex eius mandato cō-
sequuntur virtutem instrumentālē
à Christo, sicut & cætera eius facta
vel dicta habent instrumentaliter
salutiferam virtutem, vt suprā di-
ctum est.

Ar. 2. c. 3. po-
sitis in arg. 1.

q. 62. arti. 1. 2.
3. 4.

q. 65. ar. 3.

q. 62. arti. 1. c.
4.

q. 62. arti. 4.

AD PRIMVM ergo dicendum,
quod cū dicitur sola virtute Spi-
ritus sancti panem in corpus Chri-
sti conuerti, non excluditur virtus
instrumentalis, quæ est in forma hu-
ius sacramenti, sicut cū dicitur,
solus faber facit cultellum, non ex-
cluditur virtus martelli.

AD SECVNDVM dicendum,
quod opera miraculosa, nulla crea-
tura potest facere, quasi agens prin-
cipale, potest tamen ea facere in-
strumentaliter, sicut ipse tactus ma-
nus Christi sanauit leprosum. Et
per hunc modum verba Christi cō-
uertunt panem in corpus Christi.
Quod quidem fieri non potuit in
con-

conceptione corporis Christi, qua corpus Christi formabatur, ut aliquid à corpore Christi procedens haberet instrumentalem virtutem ad ipsius corporis formationem. In creatione etiam nō fuit aliquod extremum, in quod instrumentalis actio creaturæ posset terminari, unde non est simile.

AD TERTIUM dicendum, quod prædicta verba* quibus fit cōsecratio, sacramentaliter operantur. Unde vis conuersiua, quæ est in formis horum sacramentorum, consequitur significationem, quæ in prolatione ultimæ dictionis terminatur. Et ideo in ultimo instanti prolationis verborum, prædicta verba consequuntur hanc virtutem, in ordine tamen ad præcedentia. Et hæc virtus est simplex ratione simplicis significati, licet in ipsis verbis exterius prolatis, sit quædam cōpositio.

ARTICVLVS V.

Vtrum prædictæ locutiones sint veræ.

4. dist. 8. q. 2.
Or 3. in argu.

AD quintū sic proceditur. **V**idetur, quod prædictæ locutiones non sint veræ. Cum enim dicitur, hoc est corpus meū, ly hoc, est demonstratiuum substantiæ. Sed secundum prædicta, * quando proferetur hoc pronomen, hoc, adhuc est ibi substantia panis, quia trās substantiatio fit in ultimo instanti prolationis verborum. Sed hæc est falsa, panis est corpus Christi, ergo & hæc est falsa, hoc est corpus meū.

Artic. 2.

¶ 2. Præterea, Hoc pronomen, hoc, facit demonstrationem ad sensum. Sed species sensibiles, quæ sunt in hoc sacramento, neque sunt ipsum corpus Christi neque accidentia corporis Christi. Ergo hæc locutio non potest esse vera, hoc est corpus meum.

¶ 3. Præterea, Hæc verba (sicut dictum est*) sua significatione efficiunt cōuersionem panis in corpus Christi. Sed causa effectiua præintelligitur effectui. Ergo significatio horum uerborum præintelligitur cōuersioni panis in corpus Christi. Sed ante conuersionem hæc est falsa, hoc est corpus meum. Ergo simpliciter est iudicandum quod sit falsa. Et eadem ratio est de hac locutione, hic est calix sanguinis mei, &c.

Art. præc.

SED CONTRA est, quod hæc verba proferuntur ex persona Christi, qui de se dicit Ioan. 14. Ego sum veritas.

RESPONDEO dicendum, quod circa hoc multiplex fuit opinio. Quidam enim dixerunt, quod in hac locutione, hoc est corpus meū, hæc dictio, hoc, importat demonstrationem ut conceptam, & non ut exercitam, quia tota ista locutio sumitur materialiter, cum recitatiuè proferatur. Recitat enim sacerdos Christum dixisse, hoc est corpus meum. Sed hoc stare non potest, quia secundū hoc verba hæc non applicarētur ad materiam corporalem præsentem, & ita non perficeretur sacramentum: dicit enim August. * super Ioann. Accedit verbum ad elementum, & fit sacramentum. Et præterea ex hoc totaliter non euitatur difficultas huius questionis, quia eadem rationes manent circa primam prolationem, qua Christus hæc verba protulit, quare manifestum est, quod nō materialiter sed significatiuè sumebatur. Et ideo dicendum est, quod etiā quādo proferuntur à sacerdote, significatiuè & non tantum materialiter sumuntur. Nec obstat quod

Traît. 80. in
Ioan. à med.
to. 9

Mm sacer

D.Tho.tert.part.

sacerdos ea recitativè profert, quasi à Christo dicta, quia propter infinitam virtutē Christi, sicut ex contactu carnis sue, vis regeneratiua peruenit nō solū ad illas aquas, quæ Christum tetigerunt, sed ad omnes vbique terrarū, per omnia futura secula: ita etiam ex prolatione ipsius Christi, hæc verba virtutē consecratiuam sunt consecuta, à quocunque sacerdote dicantur, ac si Christus ea præsentialiter proferret. Et ideo alij dixerunt, quod hæc dictio, hoc, in hac locutione facit demonstrationem, non ad sensum, sed ad intellectum, vt sit sensus, hoc est corpus meum, idest, significatū per hoc, est corpus meū. Sed nec hoc stare potest, quia cū in sacramentis hoc efficiatur, quod significatur, nō fieret per hanc formam, vt corpus Christi sit in hoc sacramento secundum veritatem, sed solum sicut in signo, quod est hæreticum, vt supra dictum est.† Et ideo alij dixerūt, quod hæc dictio, hoc, facit demonstrationem ad sensum, sed intelligitur hæc demonstratio non pro illo instanti locutionis, quo profertur hæc dictio, sed pro vltimo instanti locutionis, sicut cum aliquis dicit, nunc taceo, hoc aduerbium, nunc, facit demonstrationem pro instanti immediata sequenti locutionem, est enim sensus, statim his verbis dictis, taceo. Sed nec hoc stare potest, quia secundum hoc, huius locutionis esset sensus, corpus meū est corpus meum. Quod prædicta locutio non facit, quia hoc fuit etiam ante prolationem verborū, vnde nec hoc prædicta locutio significat. Et ideo aliter dicendum est, quod sicut prædictum est,† hæc

locutio habet virtutem factiuam conuersionis panis in corpus Christi. Et ideo comparatur ad alias locutiones, quæ habent solum vim significatiuam, & non factiuam, sicut comparatur conceptio intellectus practici, quæ est factiua rei, conceptioni intellectus nostri speculatiui, quæ est accepta à rebus, nam voces sunt signa intellectuum secundum Philosophum.† Et ideo sicut conceptio intellectus practici non præsupponit rem conceptam, sed facit eam, ita veritas huius locutionis non præsupponit re significatā, sed facit eā, sic enim se habet verbū Dei ad res factas per verbum. Hęc autem conuersio non fit successiue, sed in instanti, sicut dictum est. * Et ideo oportet quidem intelligere prædictam locutionem secundum vltimum instans prolationis verborum, non tamen ita quod præsupponatur ex parte subiecti id quod est terminus conuersionis, scilicet, quod corpus Christi, sit corpus Christi, neque etiam illud quod fuit ante conuersionem, scilicet panis, sed id quod communiter se habet quantum ad vtrumque, scilicet contentum in generali sub istis speciebus. Nō enim faciūt hęc verba quod corpus Christi sit corpus Christi, neque quod panis sit corpus Christi, sed quod contentum sub his speciebus, quod prius erat panis, sit corpus Christi. Et ideo signanter non dicit Dominus, hic panis est corpus meum, quod esset secundū intellectū secundę opinionis: neq, hoc corpus meū est corpus meum, quod esset secundum intellectum tertię opinionis, sed in generali, hoc est corpus meū nullo nomine appposito à parte subiecti

Li. 1. peribere
I. lib. to. 1.

Ar. 2. huius q.
¶ 1. 75. ar. 74

275. ar. 1.

In isto ar. in ar.
qu. 3. ar. præ
sed. ad 3.

iecti, sed solo pronomine, quod significat substantiam in communi, sine qualitate, idest forma determinata.

AD PRIMUM ergo dicendum, quod hæc dictio, hoc, demonstrat substantiam, sed absque determinatione propriæ naturæ, sicut dictum est.*

In cor. ar.

AD SECUNDUM dicendum, quod hoc pronome, hoc, non demonstrat ipsa accidentia, sed substantiã sub accidentibus contentam, quæ primo fuit panis, & postea est corpus Christi. Quod licet nõ informentur his accidentibus, tamen sub eis cõtinetur.

AD TERTIUM dicendum, quod significatio huius locutionis præintelligitur rei significatæ ordine naturæ sicut causa naturaliter est prior effectu. Non tamen ordine temporis, quia hæc causa simul habet secum suum effectum. Et hoc sufficit ad veritatem locutionis.

ARTICVLVS VI.

Vtrum forma consecrationis panis, consequatur suum effectum, antequam perficiatur forma consecrationis vini.

4. d. 8. q. 2. ar.
4. q. 2. @ d.
11. q. 2. ar. 1. q.
1. ad 4. Et 1.
co. 11. le. 6. co.
1.

AD sextum sic proceditur. Videtur, quod forma consecrationis panis, non consequatur suum effectum, quousque perficiatur forma consecrationis vini. Sicut enim per consecrationem panis incipit esse corpus Christi sub hoc sacramento, ita per consecrationem vini incipit esse sanguis. Si ergo verba consecrationis panis haberent suum effectum ante consecrationem vini, sequeretur quod in hoc sacramento inciperet esse corpus Christi* sine sanguine, quod est inconueniens.

Alias ex agne.

¶ 2. Præterea, Vnum sacramentum, vnum habet complementum, unde licet in baptismo sint tres immersiones, non tamen prima immersio cõsequitur suum effectum, quousque tertia fuerit terminata. Sed totum hoc sacramentum est vnum vt supra dictum est.* Ergo verba quibus consecratur panis, non consequuntur suum effectum sine verbis sacramentalibus, quibus consecratur vinum.

2. 73. ar. 2.

¶ 3. Præterea, In ipsa forma consecrationis panis, sunt plura verba, quorum prima non consequuntur effectum, nisi prolato ultimo, sicut dictum est.* Ergo pari ratione nec verba, quibus consecratur corpus Christi, habent effectum, nisi prolatis verbis, quibus sanguis Christi consecratur.

ar. 4. huius q.
ad 3.

SED CONTRA est, quod statim dictis verbis consecrationis panis, hostia consecrata proponitur populo adoranda. Quod non fieret, si nõ esset ibi corpus Christi, quia sic ad idololatriam pertineret. Ergo verba consecrationis panis, suum effectum consequuntur, antequam proferantur verba consecrationis vini.

RESPONDEO dicendum, quod quidam doctores dixerunt, quod hæc duæ formæ, scilicet, cõsecratio panis & vini, se inuicem expectant in agendo, ita scilicet quod prima non perficit suum effectum antequam proferatur secunda. Sed hoc stare non potest, (quia sicut dictum est*) ad veritatem huius locutionis, hoc est corpus meum, requiritur præter verbum præsentis temporis, quod res significata simul tempore sit cum ipsa significatione locutionis, alioquin si in futurum expectaretur res significata, appone-

Ar. 2. @ 5. huius q.

retur verbum futuri temporis, non autem verbum presentis; ita scilicet quod non diceretur, hoc est corpus meum; sed hoc erit corpus meum. Significatio autem huius locutionis completur statim; completa locutione horum verborum; & ideo oportet rem significatam statim adesse. Quæquidem est effectus huius sacramenti: alioquin locutio non esset vera. Est etiã hæc positio contra ritum Ecclesiæ, quæ statim post prolationem verborum, corpus Christi adorat. Vnde dicendum est, quod prima forma non expectat secundam in agendo, sed statim habet suum effectum.

Positam initio corp.

AD PRIMVM ergo dicendum, quod ex hac ratione videntur fuisse decepti illi, qui prædictam[†] positionem posuerunt. Vnde intelligendum est, quod facta consecratione panis, est quidẽ corpus Christi ibi ex vi sacramenti, & sanguis ex reali concomitantia: sed postmodum per consecrationem vini, fit ibi econverso sanguis Christi ex vi sacramenti: corpus autem ex reali concomitantia. Ita quod totus Christus est sub utraque specie, sicut supra dictum est. *

2. 78. ar. 1. 2.

AD SECVNDVM dicendum, quod hoc sacramentum est vnum perfectione (sicut supra dictum est*) in quantum scilicet constituitur ex duobus, scilicet cibo & potu, quorum vtrumque per se habet suam perfectionem. Sed tres immersiones baptismi ordinantur ad vnum simplicem effectum. Et ideo non est simile.

AD TERTIVM dicendum, quod diuersa verba, quæ sunt in forma consecrationis panis, constituunt veritatem vnius locutionis, non au-

tem verba diuersarum formarum. Et ideo non est simile.

Sententia & conclusiones quæst.

PRIMA conclusio: Forma consecrationis panis est hæc, hoc est corpus meum: vini autem hæc, hic est calix sanguinis mei, &c. Primo, quia Christus Dominus hoc sacramentum instituens eisdem verbis consecrauit, & eisdem præcepit sacerdotes consecrare, dicens [hoc facite.] Secundo, quia hæc verba significant quod efficiunt in termino prolationis & significationis, & ideo [hoc] est substantia accidentibus reecta, quæ in eodem termino est corpus vel sanguis Christi.

Secunda conclusio: In eisdem formis, quæ omnino & proprie veræ sunt, inest vis instrumentalis effectiua transubstantiationis; quia virtute diuina efficiunt quod significant.

Tertia conclusio: Effectus vnius forme non pedit ab alterius forme effectui. quia significatio vnius, per quam efficiunt, non pendet ab alterius significatione. de hac q. partite & distincte dictum est supra q. 74. quia materia & forma sacramenti coniuncta est doctrina: & transubstantiatio est effectus forme, de qua q. 75. & ideo causa, id est forma doctrina debuit precedere.

QVÆSTIO LXXIX.

De effectibus sacramenti Eucharistiæ, in octo articulos diuisa.

DEINDE considerandum est de effectibus huius sacramenti.

Et circa hoc queruntur octo.

Primo, vtrum hoc sacramentum conferat gratiam.

Secundo, vtrum effectus huius sacramenti sit adeptio gloriæ.

Tertio, vtrum effectus huius sacramenti sit remissio peccati mortalis.

Quar-

Quartò, Vtrum per hoc sacramentum remittatur peccatum veniale.

Quintò, Vtrum per hoc sacramentum tota poena peccati remittatur.

Sextò, Vtrum hoc sacramentum homines præseruet à peccatis futuris.

Septimò, Vtrum hoc sacramentum profit aliis, quàm sumentibus.

Octauò, de impedimento effectus huius sacramenti.

ARTICVLVS I.

Vtrum per hoc sacramentum conferatur gratia.

Inf. art. 4. rōn
tra & 4. d. 12
q. 2. art. 2. q.
1. ad 2.

AD primū sic proceditur. Videtur, quod per hoc sacramētū non cōferatur gratia. Hoc enim sacramentum est nutrimentū spirituale. Nutrimentum autē nō datur nisi viuenti. Cū ergo vita spiritualis sit per gratiā, non competit hoc sacramentum nisi habēti gratiam. Non ergo per hoc sacramentum confertur gratia, vt primo habeatur: similiter etiā nec ad hoc quod augeatur, quia augmentum spirituale pertinet ad sacramentum confirmationis, vt dictum est. Non ergo per hoc sacramentum gratia confertur.

Q. 72. ar. 1. c.
7. p. 1. q. 1.

¶ 2. Prætereā, Hoc sacramentū confertur vt quædam spiritualis refectio. Sed refectio spiritualis magis videtur pertinere ad vsum gratiæ, quàm ad gratiæ collationem. Ergo videtur, quod per hoc sacramentum gratia non conferatur.

Q. 74. ar. 2. et
76. ar. 2. ad 2

¶ 3. Prætereā, Sicut supra dictū est, in hoc sacramento corpus Christi offertur pro salute corporis, sanguis autem pro salute animæ. Sed corpus non est subiectum gratiæ, sed anima, vt in secunda parte * habitū est. Ergo ad minus quan

2. 2. q. 110. ar.
1.

tum ad corpus per hoc sacramentū gratia non confertur.

SED CONTRA est, quod Dominus dicit Ioann. 6. Panis quem ego dabo, caro mea est pro mundi vita. Sed vita spiritualis est per gratiam. Ergo per hoc sacramentum gratia confertur.

RESPONDEO dicēdum, quod effectus huius sacramēti debet cōsiderari, primo quidem, & principaliter ex eo quod in hoc sacramēto continetur, quod est Christus. Qui sicut in mundum visibiliter veniens contulit mundo vitam gratia (secundum illud Ioann. 1. Gratia & veritas per IESVM Christum facta est) ita in hominem sacramentaliter veniens, vitam gratiæ operatur, secundum illud Ioan. 6. Qui mē ducat me, viuet propter me. Vnde & Cyrill. † dicit: Viuificatiū Dei verbum, vniēs seipsum propriæ carni, fecit ipsam viuificationem, decebat enim cum nostris quoddammodo vniri corporibus per sacrā eius carnem & pretiosum sanguinem, quæ accipimus in benedictionem viuificatiuam in pane & in vino. Secundo, consideratur ex eo quod per hoc sacramentum repræsentatur, quod est passio Christi, sicut supra dictum est. † Et ideo effectum, quem passio Christi fecit in mundo, hoc sacramentum facit in homine. Vnde super illud, Ioann. 19. Continuo exiuit sanguis & aqua, dicit Chrysosto. * Quia hinc suscipiunt principium sacramysteria cum accesseris ad tremendum calicem, vt ab ipsa bibiturus Christi costa, ita accedas. Vnde & ipse Dominus dicit Matth. 26. Hic est sanguis meus, qui pro vobis effundetur in remissionē peccatorum.

Lib. 4. in Ioh.
6. 12. & 14.

Q. 76. ar. 2.
ad 1. & 2. c.
q. 74. ar. 1.

Ho. 24. in Ioh.
circa me. 10. 30

D.Tho.tert.part.

Tertio consideratur effectus huius sacramenti ex modo, quo traditur hoc sacramentum, quod traditur per modum cibi & potus. Et ideo omnem effectum, quem cibus & potus materialis facit, quantum ad vitam corporalem (quod scilicet sustentat, auget, reparat, & delectat) hoc totum facit hoc sacramentum quantum ad vitam spiritualem. Vnde de Ambros. * dicit in lib. de sacramentis: Iste panis est vitæ æternæ, qui animæ nostræ substantiam fulcit. Et Chrysosto. * dicit super Ioann. Præstat se nobis desiderantibus & palpare, & comedere, & amplecti. Vnde & ipse Dominus dicit Ioann. 6. Caro mea verè est cibus, & sanguis meus verè est potus. Quarto consideratur effectus huius sacramenti ex speciebus, in quibus traditur hoc sacramentum. Vnde August. * ibidem dicit, Dominus noster corpus & sanguinem suum in eis rebus commendauit, quæ ad unum aliquid rediguntur ex multis: namque aliud, scilicet panis, ex multis granis in unum constat, aliud scilicet, vinum, in unum ex multis acinis confluit. Et ideo ipse alibi dicit super Ioann. * O sacramentum pietatis, o signum unitatis, o vinculum charitatis. Et quia Christus, & eius passio est causa gratiæ & spiritualis refectio, & charitas sine gratia esse non potest, ex omnibus præmissis manifestum est, quod hoc sacramentum gratiam confert.

AD PRIMUM ergo dicendum, quod hoc sacramentum ex seipso virtutem habet gratiam conferendi, nec aliquis habet gratiam ante susceptionem huius sacramenti, vel nisi ex aliquo voto ipsius, vel per seipsum, sicut adulti, vel voto Ec-

clesiæ sicut paruuli, sicut supradictum est. * Vnde ex efficacia virtutis ipsius est, quod etiam ex voto ipsius aliquis gratiam consequatur, per quam spiritualiter viuificetur. Restat igitur, ut cum ipsum sacramentum realiter sumitur, quod gratia augeatur, & vita spiritualis perficiatur. Aliter tamen quam per sacramentum confirmationis, in quo augetur & perficitur gratia ad persistendum contra exteriores impugnationes inimicorum Christi. Per hoc autem sacramentum augetur gratia, & perficitur spiritualis vita, ad hoc quod homo in seipso perfectus existat per coniunctionem ad Deum.

AD SECUNDUM dicendum, quod hoc sacramentum confert gratiam spiritualiter cum virtute charitatis. Vnde Damasc. * comparat hoc sacramentum carboni, quem Isaias vidit, Isai. 6. Carbo enim lignum simplex non est, sed unitum igni: ita & panis communionis non simplex panis est, sed unitus diuinitati. Sicut Grego. * dicit in Hom. Pentec. Amor Dei non est otiosus: magna enim operatur, si est. Et ideo per hoc sacramentum quantum est ex sui virtute, non solum habitus gratiæ & virtutis confertur, sed etiam excitatur in actum, secundum illud 2. Corinthio. 5. Charitas Christi urget nos. Et inde est quod ex virtute huius sacramenti anima spiritualiter reficitur per hoc quod anima spiritualiter delectatur, & quoddammodo inebriatur dulcedine bonitatis diuinæ, secundum illud Can. 45. Comedite amici, & bibite, & inebriamini charissimi.

AD TERTIUM dicendum, quod quia sacramenta operantur salutem, quam

Lib. 7. ca. 4. in me. to. 4.

Ho. 45. in Io. 2. a me. illius to. 3.

Tract. 26. in Io. non multis remotis a. s. 9.

Tract. 26. in Io. inter p. & me. illius to. 9.

273. ar. 33

Lib. 4. ortho. fid. c. 14. a me.

Hom. 30. in Evan. non longe a princ.

quam significant: ideo secundum quandam assimilationem dicitur, quod in hoc sacramento corpus offertur pro salute corporis, & sanguis pro salute animæ, quāuis utrūque ad salutē vtriusque operetur, cum sub vtroque totus sit Christus: vt suprà dictum est. * Et licet corpus non sit immediatum subiectū gratiæ, ex anima tamē redundat effectus gratiæ ad corpus, dum in presenti membra nostra exhibemus arma iustitiæ Deo (vt habetur Romano. 6. & in futuro corpus nostrū fortietur in corruptionem & gloriam animæ.

ARTICVLVS II.

Vtrum effectus huius sacramenti sit adeptio gloriæ.

AD secundum sic proceditur. Videtur, quod effectus huius sacramenti non sit adeptio gloriæ, effectus enim proportionatur suæ causæ. Sed hoc sacramentum competit viatoribus, vnde & viaticum dicitur. Cum igitur viatores nondum sint capaces gloriæ, videtur quod hoc sacramentum non causet adeptionem gloriæ.

¶ 2. Præterea, Posita causa sufficienti, ponitur effectus. Sed multi accipiunt hoc sacramentū, qui nūquam peruenient ad gloriam: vt patet per August. * 21. de Ciuit. Dei. Non ergo hoc sacramētum est causa adeptionis gloriæ.

¶ 3. Præterea, Maius non efficitur à minori, quia nihil agit ultra suam speciem. Sed minus est accipere Christum sub specie aliena, quod fit in hoc sacramento, quā frui eo in specie propria, quod pertinet ad gloriam. Ergo hoc sacramentum non causat adeptionem gloriæ.

SED CONTRA est, quod dicitur Ioan. 6. Si quis manducauerit ex hoc pane, viuet in æternum. Sed vita æterna est vita gloriæ. Ergo effectus huius sacramenti est adeptio gloriæ.

RESPONDEO dicendum, quod in hoc sacramento potest considerari & id, ex quo habet effectū, scilicet ipse Christus contentus, & passio eius repræsentata, & id per quod habet effectum, scilicet vsus sacramenti, & species eius. Et quantum ad vtrumque competit huic sacramento, quod causet adeptionē vitæ æternæ. Nam ipse Christus per suam passionem aperuit nobis aditum vitæ æternæ, secundum illud Hebr. 9. Noui testamenti mediator est, vt morte intercedente, qui vocati sunt, accipiant repromissionem æternæ hæreditatis. Vnde & in forma huius sacramenti dicitur, Hic est calix sanguinis mei noui & æterni testamenti. Similiter etiam refectio cibi spiritualis, & vnitas significata per species panis & vini, habentur quidē in presenti, sed imperfectè, perfectè autē in statu gloriæ. Vnde Aug. * dicit super illud, Ioann. 6. Caro mea verè est cibus, Cum cibo & potu id appetant homines, vt non esuriant, neque fiant, hoc veraciter non præstat nisi est cibus & potus, qui eos, à quibus sumitur, immortales & incorruptibiles facit in societate sanctorum, vbi pax erit & vnitas plena atque perfecta.

AD PRIMUM ergo dicendum, quod sicut passio Christi, in cuius virtute hoc sacramētum operatur, est quidem causa sufficiens gloriæ, nō tamē ita, quod statim per ipsam introducatur in gloriā, sed oportet.

Q. 76. art. 1.
¶ 2.

Inf. q. 30. art.
2. ad 1. & 10.
6.

Lib. 21. c. 25.
in fi. 10. 5.

Tracta. 26. in
Euan nō multum
remotè à
fi. 10. 9.

D. Tho. tert. part.

et vt prius simul compatiatur, vt postea simul glorificemur (sicut dicitur Romano. 8.) ita hoc sacramentum non statim nos in gloriam introducit, sed dat nobis virtutē perueniendi ad gloriam, & ideo viaticum dicitur. In cuius figuram legitur. 3. Reg. 19. quod Elias comedit & bibit, & ambulabit in fortitudine cibi illius quadraginta diebus & quadraginta noctibus, vsque ad montem Dei Oreb.

AD SECVNDVM dicendū, quod sicut passio Christi non habet suū effectum in his, qui se ad eam non habent, vt debent: ita & per hoc sacramentum non adipiscuntur gloriā qui indecenter ipsum suscipiūt. Vnde Aug.† dicit super Ioan. exponēs illa verba: Aliud est sacramentum, & aliud virtus sacramēti. Multi de altari accipiunt, & accipiēdo moriuntur. Panem ergo cālestem spiritualiter manducate, innocentiam ad altare apportare. Vnde nō est mirum, si illi, qui innocentiam non seruant, effectum huius sacramenti non consequuntur.

AD TERTIVM dicendum, quod hoc quod Christus sub aliena specie sumitur, pertinet ad rationem sacramenti, quod instrumentaliter agit. Nihil autē prohibet causam instrumentalem producere potiorē effectū, vt ex supra dictis *pater.

ARTICVLVS III.

Vtrum effectus huius sacramenti sit remissio peccati mortalis.

AD tertium sic proceditur. Videtur, quod effectus huius sacramenti sit remissio peccati mortalis: dicitur enim in quadam Collecta, Sic hoc sacramentum ablutio scelerum. Sed scelera dicuntur peccata mortalia. Ergo per hoc

sacramentum peccata mortalia abluuntur.

¶ 2. Præterea, Hoc sacramentū agit in virtute passionis Christi, sicut & baptismus. Sed per baptismum dimittuntur peccata mortalia, vt supra† dictum est. Ergo & per hoc sacramentum, præsertim cum in forma huius sacramenti dicatur, Qui pro multis effundetur in remissionem peccatorum.

¶ 3. Præterea, Per hoc sacramentum gratia cōfertur vt dictum est.

* Sed per gratiam iustificatur homo à peccatis mortalibus, secundum illud Rom. 3. Iustificati gratia per gratiā ipsius. Ergo per hoc sacramentum remittuntur peccata mortalia.

SED CONTRA est, quod dicitur, 1. Corinthio. 11. Qui manducat & bibit indignē, iudicium sibi manducat & bibit. Dicit autem glos. ibidem, quod ille manducat & bibit indignē, qui in crimine est vel irreuerenter tractat, & talis manducat & bibit, sibi iudicium, * id est damnationem. Ergo ille qui est in peccato mortali, per hoc quod accipit hoc sacramentum, magis accumulatur sibi peccatum, quā remissionem sui peccati consequatur.

RESPONDEO dicendum, quod virtus huius sacramēti potest considerari dupliciter. Vno modo secundum se, & sic hoc sacramentum habet virtutem ad remittendū quæcūque peccata ex passione Christi, quæ est fons & causa remissionis peccatorum.

Alio modo potest cōsiderari per cōparationē ad eū, qui recipit hoc sacramentum, prout in eo inuenitur vel non inuenitur impedimentum percipiendi huius sacramenti effectum.

Tract. 26. in Ioan. parum a med. to. 9. ¶ glos. ord. super illud. 1. Cor. 11 Probet.

277. ar. 3. ad 3. arg.

4. di. 9. ar. 3. q. 2. cor. fi. ¶ 4. 12. q. 2. ar. 3. q. 2.

269. ar. 1.

Ar. 1. huius

Glos. inter 2. near. 161.

effectum. Quicumque autem habet conscientiam peccati mortalis, habet in se impedimentū percipiendi effectum huius sacramēti, eo quod non est conueniēs susceptor huius sacramenti, tum quia non uiuit spiritualiter, & ita non debet spirituale nutrimentum suscipere, quod nō est nisi uiuentis: tum quia nō potest uniri Christo (quod fit per hoc sacramentum) dum est in affectu peccādi mortaliter. Et ideo, ut dicitur in lib. * de Ecclesiasticis dogmatibus, si mens in actu peccādi est, grauatur magis Eucharistię perceptio, quā purificetur. Vnde hoc sacramentum in eo, qui ipsum percipit in conscientia peccati mortalis, nō operatur remissionem peccati. Potest tamen hoc sacramentum operari remissionem peccati dupliciter. Vno modo non perceptum actu, sed voto, sicut cum quis primo iustificatur à peccato. Alio modo etiam perceptum ab eo, qui est in peccato mortali, cuius conscientiam & affectum nō habet. Fortē enim primò nō fuit sufficienter contritus: sed deuotē & reuerēter accedens, consequetur per hoc sacramētum gratiam charitatis, quæ contritionem perficiet, & remissionem peccati.

AD PRIMVM ergo dicendum, quod perimus ut hoc sacramentum sit ablutio scelerum, vel eorū, quorum conscientiam non habemus (secundum illud Psal. 18. Ab occultis meis munda me Domine) vel ut cōtritio in nobis perficiatur ad scelerum remissionem, vel etiam ut nobis robur detur ad scelera vitanda.

AD SECVNDVM dicendum, quod baptismus est spiritualis generatio, quæ est mutatio de non esse

spirituali in esse spirituale, & datur per modum ablutionis. Et ideo quantum ad utrumque, non inconuenienter accedit ad baptismum, qui habet cōscientiam peccati mortalis. Sed per hoc sacramentum homo sumit in se Christum per modum spiritualis nutrimentū, quod nō competit mortuo in peccatis. Et ideo non est similis ratio.

AD TERTIVM dicendum, quod gratia est sufficiens causa remissionis peccati mortalis, non tamen actu remittit peccatum mortale, nisi cum primò datur peccatori. Sic autem non datur in hoc sacramento. Vnde ratio non sequitur.

ARTICVLVS IIII.

Vtrum per hoc sacramentum remittantur peccata venialia.

AD quartum sic proceditur. Videtur, quod per hoc sacramentum non remittantur peccata venialia. Hoc enim sacramentum, ut August. * dicit super Ioann. est sacramentum charitatis. Sed venialia peccata non contrariantur charitati: ut in secunda parte † habitum est. Cum ergo contrarium tollatur per suum cōtrarium, videtur, quod peccata venialia per hoc sacramentum non remittantur.

¶ 2. Præterea, Si peccata venialia per hoc sacramentum remittantur, qua ratione remittitur vnū, remittuntur & omnia. Sed non videtur, quod omnia remittantur, quia sic frequenter aliquis esset absque omni peccato veniali, cōtra id quod dicitur 1. Ioan. 1. Si dixerimus quia peccatū non habemus, ipsi nos seducimus. Non ergo per hoc sacramētum remittitur aliquod peccatum veniale.

Inf. q. 87. ar. 3. cor. & 4. d. 12. q. 2. ar. 1. q. 1. cor. & ar. 2. q. 1. per totū

Tract. 26. in Ioan. à me. to. 9. Et refertur de Consec. dist. 1. c. Hoc sacramentum. 1. 2. q. 88. ar. 1. & 2.

Ca. 53. parum à prin. to. 3. in ser opere Aug.

D.Tho.tert. part.

¶ 3. Præterea, Contraria mutuò se expellunt. Sed peccata venialia non prohibēt à perceptione huius sacramenti, dicit enim August. * super illud Ioan. 6. Patres vestri manducauerūt māna in deserto, & mortui sunt. Innocentiam, inquit, ad altare apportate, peccata, etsi sint quotidiana, non sint mortifera. Ergo neque peccata venialia per hoc sacramentum tolluntur.

SED CONTRA est, quod Innoc. III. * dicit, quod hoc sacramētum venialia delet, & cauet mortalia.

RESPONDEO dicendum, quod in hoc sacramento duo possunt cōsiderari, scilicet ipsum sacramentum, & res sacramenti. Et ex utroque apparet, quod hoc sacramentum habet virtutem ad remissionē venialium peccatorum. Nam hoc sacramētum sumitur sub specie cibi nutrientis. Nutrimētum autem cibi est necessarium corpori ad restaurandum id, quod quotidie perditur per actionem caloris naturalis. Spiritualiter autem quotidie aliquid in nobis perditur ex calore concupiscentiæ per peccata venialia, quæ diminuant feruorem charitatis, vt in secunda parte * habitū est. Et ideo competit huic sacramento, vt remittat peccata venialia. Vnde & Ambro. † dicit in libro de sacramentis, quod iste panis quotidianus sumitur in remedium quotidianæ infirmitatis. Res autem huius sacramenti est charitas, non solum quantum ad habitū, sed etiam quātum ad actum, qui excitatur in hoc sacramēto, per quod peccata venialia soluuntur. Vnde manifestū est, qd virtute huius sacramēti remittuntur peccata venialia.

AD PRIMVM ergo dicendum,

quod peccata venialia, & si non contrariantur charitati quantum ad habitum, contrariantur tamen ei, quātum ad feruorem actus, qui excitatur per hoc sacramentum, ratione cuius peccata venialia tolluntur.

AD SECUNDVM dicendum, quod illud verbum non est intelligendum, quin aliqua hora possit homo esse absque omni reatu peccati venialis, sed quia vitā istam sancti non ducūt sine peccatis venialibus.

AD TERTIVM dicendū, quod maior est virtus charitatis, cuius est hoc sacramentum, quā venialium peccatorum. Nam charitas tollit per suum actum peccata venialia, quæ tamen non possunt totaliter impedire actum charitatis. Et eadem ratio est de hoc sacramēto.

ARTICVLVS V.

Virum per hoc sacramentum tota pœna peccati remittatur.

AD quintū sic proceditur. Videtur, quod per hoc sacramentum tota pœna peccati remittatur. Homo enim per hoc sacramentum suscipit in se effectum passionis Christi (vt dictum est *) sicut & per baptismum. Sed per baptismum percipit homo remissionem omnis pœnæ, virtute passionis Christi, quæ sufficienter satisfecit pro omnibus peccatis, vt ex suprā dictis * patet. Ergo videtur, quod per hoc sacramentum homini remittatur totus reatus pœnæ.

¶ 2. Præterea, Alexander Papa dicit, * Nihil in sacrificiis maius esse potest, quam corpus & sanguis Christi. Sed per sacrificia veteris legis, homo satisfaciebat p peccatis suis, dicitur enim Leuit. 4. & 5. Si peccauerit homo, offeret hoc vel illud pro peccato suo, & remitte-

tur

Tracta. 26. in Ioan. parum à me. 8. 9.

In lib. 4. de sacro mysterio altaris, c. 44. ante med.

2. 2. q. 24. ar. 10.

Lib. 5. c. 4. 2. med. 4.

4. d. 4. q. 2. artic. 1. q. 2. ad 3. & d. 12. q. 2. ar. 2. q. 3.

Ar. 1. & 2.

Q. 69. ar. 2.

Alex. I. in ep. ad omnes orthodoxos. post med. illius.

tur ei. Ergo multò magis hoc sacramentum valet ad remissionem omnis poenæ.

¶ 3. Præterea, Constat quod per hoc sacramentum aliquid de reatu poenæ dimittitur, unde & in satisfactione, aliquibus iniungitur, quod pro se Missas faciât celebrari. Sed qua ratione una pars poenæ dimittitur, eadem ratione & alia: cum virtus Christi, quæ in hoc sacramento continetur, sit infinita. Ergo videtur, quod per hoc sacramentum tota poena tollatur.

SED CONTRA est, quod secundum hoc non esset homini alia poena iniungenda, sicut nec baptizato iniungitur.

RESPONDEO dicendum, quod hoc sacramentum simul est sacrificium & sacramentum. Sed ratione sacrificij habet, in quantum offertur, rationem autem sacramenti, in quantum sumitur. Et ideo effectum sacramenti habet in eo, qui sumit, effectum autem sacrificij in eo, qui offert, vel in his, pro quibus offertur. Si igitur consideretur ut sacramentum, habet effectum dupliciter. Vno modo, directe ex vi sacramenti, alio modo quasi ex quadam concomitantia, sicut & circa continentiam sacramenti dictum est. * Ex vi quidem sacramenti directe habet illum effectum, ad quæ est institutum. Non est autem institutum ad satisfaciendum, sed ad spiritualiter nutriendum per unionem ad Christum & ad membra eius, sicut & nutrimentum vnitur nutritio. Sed quia hæc vnitas fit per charitatem, ex cuius feruore aliquis consequitur remissionem non solû culpæ, sed etiâ poenæ, inde est quod ex consequenti per quandâ concomitan-

tiam ad principale effectû, homo consequitur remissionem poenæ, non quidem totius, sed secundum modum suæ deuotionis, & feruoris. In quantum verò est sacrificiû, habet vim satisfactiuâ. Sed in satisfactione magis attenditur affectus offerentis, quàm quantitas oblationis. Unde & Dominus dicit, Luc. 21. de vi dua, quæ obtulit duo æra, quod plus omnibus misit. Quamuis ergo hæc oblatio ex sui quantitate sufficiat ad satisfaciendum pro omni poena, tamē sit satisfactoria illis, pro quibus offertur, vel etiam offerentibus, secundum quantitatem suæ deuotionis, & non pro tota poena.

AD PRIMUM ergo dicendum, quod sacramentum baptismi directe ordinatur ad remissionem poenæ & culpæ, non autem Eucharistia, quia baptismus datur homini quasi commorienti Christo: Eucharistia autem quasi nutriendo & perficiendo per Christum. Unde nō est similis ratio.

AD SECUNDUM dicendum, quod alia sacrificia & oblationes non operabantur remissionem totius poenæ, neque quantum ad quantitatem oblatis, sicut hoc sacrificiû, neque quantum ad deuotionem hominis, ex qua contingit, quod etiâ hic non tollitur tota poena.

AD TERTIUM dicendû, quod hoc, quod tollitur pars poenæ, & nō tota poena per hoc sacramentum, non contingit ex defectu virtutis Christi, sed ex defectu deuotionis humanæ.

ARTICVLVS VI.

Utrum per hoc sacramentum præseruetur homo à peccatis futuris.

AD sextum sic proceditur. Videtur, quod per hoc sacramen-

4. d. 12. q. 2.
ar. 2. q. 2. ad
1. & d. 45. q.
2. ar. 3. q. 1. ad
3.

tum

D. Tho. tert. part.

rum non præseruetur homo à peccatis futuris. Multi enim dignè sumentes hoc sacramentum, postea in peccatum cadunt. Quod non accideret, si hoc sacramentum præseruaret à peccatis futuris. Non ergo effectus huius sacramenti est, à peccatis futuris præseruare.

¶ 2. Præterea, Eucharistia est sacramentum charitatis, vt supra * dictum est. Sed charitas non videtur præseruare à peccatis futuris, quia semel habita potest amitti per peccatum, vt in secunda parte * habitum est. Ergo videtur, quod nec hoc sacramentum præseruet hominem à peccato.

¶ 3. Præterea, Origo peccati in nobis, est lex peccati, quæ est in membris nostris, vt patet per Apost. Roman. 7. Sed mitigatio fomicis, qui est lex peccati, non ponitur effectus huius sacramenti, sed magis baptismi. Ergo præseruare à peccatis futuris, non est effectus huius sacramenti.

SED CONTRA est, quod Dominus dicit Ioan. 6. Hic est panis de caelo descendens, vt si quis ex ipso manducauerit, non moriatur. Quod quidem manifestum est non intelligi de morte corporali. Ergo intelligitur, quod hoc sacramentum præseruet à morte spirituali, quæ est per peccatum.

RESPONDEO dicendum, quod peccatum est quædam spiritualis mors animæ. Vnde hoc modo præseruatur aliquis à peccato futuro, quo præseruatur corpus à morte futura. Quod quidem fit dupliciter. Vno modo, in quantum natura hominis interius roboratur contra interiora corruptiua: & sic, præseruatur à morte per cibum & medici-

nam. Alio modo per hoc quod munitur contra exteriores impugnationes, & sic præseruatur per arma, quibus munitur corpus. Vtroque autem modo hoc sacramentum præseruat à peccato. Nam primo quidem per hoc quod Christo coniungit per gratiam, roborat spirituales vitam hominis, tanquam spiritualis cibus & spiritualis medicina, secundum illud Psalm. 103. Panis cor hominis confirmat. & Aug. * dicit super Ioann. Securus accede, panis est, non venenum. Alio modo, in quantum est quoddam signum passionis Christi, per quam victi sunt demones, repellit omnem demonum impugnationem. Vnde Chrysostomus.† dicit super Ioann. Vt leones flammam spirantes, sic ab illa mensa discedimus terribiles effecti diabolo.

AD PRIMUM ergo dicendum, quod effectus huius sacramenti recipitur in homine secundum hominis conditionem, sicut contingit de qualibet causa actiua, quod eius effectus recipitur in materia secundum modum materiæ. Homo autem in statu viæ est huius conditionis, quod liberum arbitrium eius potest flecti in bonum & malum. Vnde licet hoc sacramentum quantum est de se, habeat virtutem præseruatiuam à peccato, non tamen aufert homini possibilitatem peccandi.

AD SECVNDVM dicendum, quod etiam charitas, quantum est in se, præseruat hominem à peccato, secundum illud Roman. 13. Dilectio proximi, malum non operatur. Sed ex mutabilitate liberi arbitrij contingit quod aliquis post habitam charitatem peccat, sicut & post

Ar. 4. huius
q. ad 3.

2. 2. q. 24. Ar.
21.

Tract. 26. in
Ioan. à me d. 10
mo. 9.

Homil. 45. in
Ioan. à me d. 10
lus, to. 3.

post susceptionem huius sacramenti.

AD TERTIVM dicendū, quod licet hoc sacramentum nō directē ordinetur ad diminutionem fomitis, diminuit tamen fomitem ex quadam consequentia, inquantum auget charitatem. quia sicut August. *dicit in lib. 83. Quæstionum, Augmentum charitatis est diminutio cupiditatis. Directē autem confirmat cor hominis in bono, per quod etiā præservatur homo à peccato.

ARTICVLVS VII.

Virum hoc sacramentum proffit aliis, quā sumentibus.

AD septimum sic proceditur. Videtur, quod hoc sacramentum non proffit nisi sumentibus. Hoc enim sacramentum est vnus generis cum aliis sacramentis, utpote aliis conditum, sed alia sacramenta non prosunt nisi sumentibus, sicut effectum baptismi non suscipit nisi baptizatus. Ergo nec hoc sacramentum prodest aliis nisi sumētibus.

¶ 2. Prætereā, Effectus huius sacramenti est adeptio gratiæ & gloriæ, & remissio culpæ ad minus venialis. Si ergo hoc sacramentum haberet effectum in aliis, quā in sumentibus, posset cōtingere, quod aliquis adipisceretur gratiā & gloriā & remissionem culpæ, absq; actione & passionē propria, alio sumente vel offerente hoc sacramentum.

¶ 3. Prætereā, Multiplicata causa, multiplicatur effectus. Si ergo hoc sacramentum prodesset aliis, quā sumētibus, sequeretur quod magis prodesset alicui, si multi sumerent hoc sacramentum, multis hostiis in vna Missa consecratis. Quod non habet Ecclesiæ consue-

tudo, ut scilicet multi cōmunicent pro alicuius salute. Non ergo videtur, quod hoc sacramentum proffit nisi sumentibus.

SED CONTRA est, quod in celebratione huius sacramēti fit pro multis aliis deprecatio. Quod frustra fieret, nisi hoc sacramentum aliis prodesset. Hoc ergo sacramentum non solū sumentibus prodest.

RESPONDEO dicendum, quod (sicut prius dictum est) hoc sacramentum non solum est sacramentum, sed etiam est sacrificium. Inquantum enim in hoc sacramento representatur passio Christi, qua Christus obtulit se hostiam Deo (ut dicitur Ephes. 5.) habet rationem sacrificij, inquantum verò in hoc sacramento traditur inuisibilis gratia sub visibili specie, habet rationem sacramenti. Sic ergo hoc sacramentum, sumentibus quidem prodest & per modum sacramenti, & per modum sacrificij, quia pro omnibus sumentibus offertur. Dicitur enim in canone Missæ: Quotquot ex hac altaris participatione sacrosanctum filij tui corpus & sanguinem sumpserimus, omni benedictione cælesti & gratia repleamur. Sed aliis, qui non sumunt, prodest per modum sacrificij, inquantum pro salute eorum offertur. Vnde & in Canone Missæ dicitur, Memento Domine famulorum famularūque tuarum, pro quibus tibi offerimus, vel qui tibi offerunt, hoc sacrificium laudis, pro se suisque omnibus, pro redemptione animarum suarum, pro spe salutis & incolunitatis suæ. Et vtrumque modum proficiendi Dominus expressit, dicens Matth. 26. & Luc. 22. Qui pro vobis, scilicet sumentibus, & pro multis

Q. 36. paulo a
prim. 10. 4.

Suprà q. 78.
ar. 1 ad 8. &
presenti q. ar.
5 corp. Et 4.
d. 12. q. 2. ar.
2. q. 2. ad 4. &
d. 45. q. 2. ar.
3. q. 1. ad 3. &
Ro. 6. lxx. 6. fi.

Ar. 5. huius q.

multis, scilicet aliis, effundetur in remissionem peccatorum.

AD PRIMVM ergo dicendum, quòd hoc sacramentum præ aliis habet, quod est sacrificiū. Et ideo non est similis ratio.

AD SECUNDVM dicendum, quod sicut passio Christi prodest quidem omnibus, quantum ad sufficientiam, & ad remissionem culpe, & adeptionem gratiæ & gloriæ, sed effectum non habet nisi in illis, qui passioni Christi coniunguntur per fidem & charitatem, ita & hoc sacrificium, quod est memoriale Dominicæ passionis, non habet effectum nisi in illis, qui coniunguntur huic sacramento per fidem & charitatem. Vnde & August. * dicit ad Renatum: Quis offerat corpus Christi nisi pro his, qui sunt membra Christi? Vnde & in Canone Missæ non oratur pro his, qui sunt extra Ecclesiā, illis tamen prodest plus vel minus secundum modum deuotionis eorum.

AD TERTIVM dicendum, quòd sumptio pertinet ad rationē sacramenti, sed oblatio pertinet ad rationem sacrificij. Et ideo ex hoc quod aliquis sumit corpus Christi, vel etiam plures, non accrescit aliis aliquod iuuamētum. Similiter etiā ex hoc quod sacerdos plures hostias consecrat in vna Missa, non multiplicatur effectus huius sacramenti, quia non est nisi vnum sacrificium. Nihil enim plus est virtutis in multis hostiis consecratis, quam in vna, cum sub omnibus & sub vna non sit nisi totus Christus. Vnde nec si aliquis simul in vna Missa multas hostias consecratas summat, participabit maiore effectum sacramenti. In pluribus verò Missis

multiplicatur sacrificij oblatio. Et ideo multiplicatur effectus sacrificij & sacramenti.

ARTICVLVS VIII.

Virum per veniale peccatum impediatur effectus huius sacramenti.

AD OCTAVM sic proceditur. Videtur, quod per veniale peccatum non impediatur effectus huius sacramenti. Dicit enim Aug. * super illud Ioan. 6. Patres vestri manducauerūt māna, &c. Panē cælestem spiritualiter manducate, innocentiam ad altare apportate, peccata, etsi sunt quotidiana, non sint mortifera. Ex quo patet quod venialia peccata, quæ quotidiana dicuntur, spiritualē manducationem non impediunt. Sed spiritualiter māducantes, effectum huius sacramenti percipiunt. Ergo peccata venialia non impediunt effectum huius sacramenti.

¶ 2. Præterea, Hoc sacramentū nō est minoris virtutis, quā baptismus. Sed effectū baptismi (sicut supra dictū est) impedit sola fictio: ad quā non pertinent peccata venialia: quia sicut Sap. 1. dicitur, Spiritus sanctus discipline effugiet fictū. Qui tamen per peccata venialia nō fugatur. Ergo neque effectum huius sacramenti impediūt peccata venialia.

¶ 3. Præterea, Nihil quod remouetur per actionem alicuius causæ, potest impedire eius effectum. Sed peccata venialia tolluntur per hoc sacramentum. Ergo non impediūt eius effectum.

SED CONTRA est, quod Damasc. * dicit in 4. lib. Ignis eius, quod in nobis est desiderij assumens eā quæ ex carbone, id est ex hoc sacramento ignitionem, comburet nostra peccata, & illuminabit corda nostra.

4. dist. 12. q. 2
art. 1. q. 3. &
ar. 2. q. 1. ad
2.

Tract. 26 in
Ioan. post. med.
to. 9. & habetur
de consec.
d. 2. c. 64.

2. 69. art. 9.

Lib. 4. ortho.
fid. c. 14. à me

stra, vt participatione diuini ignis, igniamur & deificemur. Sed ignis nostri desiderij vel amoris impeditur per peccata venialia, quæ impediunt feruorē charitatis: vt in secunda parte habitum est. Ergo peccata venialia impediunt effectum huius sacramenti.

RESPONDEO dicendum, quod peccata venialia dupliciter accipi possunt. Vno modo, prout sunt præterita, alio modo, prout sunt actu exercita. Primo quidē modo peccata venialia nullo modo impediūt effectum huius sacramenti. Potest enim contingere, quod aliquis post multa peccata venialia commissa, deuotē accedat ad hoc sacramentum, & plenariē huius sacramenti consequatur effectum. Secundo autem modo peccata venialia non ex toto impediunt huius sacramenti effectum, sed in parte: dictum est enim, * quod effectus huius sacramenti non solum est adeptio habitualis gratiæ vel charitatis, sed etiā quædam actualis refectio spiritualis dulcedinis. Quæ quidem impeditur, si aliquis accedat ad hoc sacramentum per peccata venialia mente distractus. Non autem tollitur augmentum habitualis gratiæ vel charitatis.

AD PRIMVM ergo dicendum, quod ille, qui cū actu venialis peccati ad hoc sacramentum accedit, habitualiter quidem manducat spiritualiter, sed non actualiter. Et ideo habitualement effectum huius sacramenti percipit, nō autē actualē.

AD SECVNDVM dicendum, quod baptismus non ita ordinatur ad actuale effectum, id est, feruorem charitatis, sicut hoc sacramentum. Nam baptismus est spiritua-

lis regeneratio: per quam acquiritur prima perfectio, quæ est habitus vel forma. Hoc autē sacramentum est spiritualis māducatio, quæ habet actuale delectationem.

AD TERTIVM dicendū, quod illa ratio procedit de venialibus præteritis, quæ per hoc sacramentum tolluntur.

Sententia & conclusio quæst.

CONCLUSIO quæst. effecta Eucharistiæ sunt, gratia qua spiritualiter reficimur, & Christo vnimur, adeptio gloriæ, remissio peccati mortalis peccati ex accidenti, venialis per se, poenæ remissio pro deuotione suscipientis, præseruatio à futuris peccatis: & hæc quidem in suscipiente: aliis autem prodest vt sacrificiū. Sed illa effecta non impediuntur peccatis venialibus, etiam actu exercitiis, nisi quantum ad spiritualement dulcedinem. de hac q. & singulis eius partibus commodius differetur sequenti q. 80. vt ibidem apertius constabit.

QVÆSTIO LXXX.

De vsu seu sumptione huius sacramenti in communi, in duodecim articulos diuisa.

DEINDE considerandum est de vsu siue sumptione huius sacramenti. Et primo quidem in communi, secundo, quomodo Christus est vsus hoc sacramenti. Circa primū querūtur duodecim.

Primò, vtrum sint duo modi manducandi hoc sacramentum, scilicet sacramentaliter & spiritualiter.

Secundò, vtrum soli homini cōueniat māducare spiritualiter hoc sacramentū.

Tertiò, vtrum solius hominis iusti sit māducare sacramentaliter.

Quartò, vtrum peccator manducans sacramentaliter peccet.

Quintò, de quantitate huius peccati.

Sextò, vtrum peccator accedens ad hoc sacra-

1. 2. q. 81. art.
4. & 2. 2. q.
24. 47. 10.

Ar. 1. & 2. huius q.

D. Tho. tert. part.

sacramentum sit repellendus.

Septimo, Vtrum noturna pollutio impediat hominem à sumptione huius sacramenti.

Octauo, Vtrum sit solum à ieiunis sumendum.

Nono, Vtrum sit exhibendum non habentibus vsum rationis.

Decimo, Vtrum sit quotidie sumendum.

Vndecimo, Vtrum liceat omnino abstinere.

Duodecimo, Vtrum liceat percipere corpus sine sanguine.

ARTICVLVS I.

Vtrum distingui debeant duo modi manducandi corpus Christi.

*Infr. ar. 2. ¶
3. cor. ¶ 4. d.
9. ar. 1. q. 1. ad
1. ¶ q. 3. per
totū. Et Io. 6.
le. 7. col. 1. ¶
2. ¶ 1. cor. 11
ic. 7. c. 3. fi. Et
opus. 58. c. 17.
18. 19. ¶ 20.*

AD primum sic proceditur. Videtur, quod non debeant distingui duo modi manducandi corpus Christi, scilicet sacramentaliter & spiritualiter. Sicut enim baptismus est spiritualis regeneratio (secundum illud Ioann. 3. Nisi quis renatus fuerit ex aqua & Spiritu sancto, &c.) ita etiā hoc sacramentum est spiritualis cibus, vnde Dominus de hoc sacramento loquens, dicit Ioann. 6. Verba, quæ ego locutus sum vobis, spiritus & vita sunt. Sed circa baptismum non distinguitur duplex modus sumendi, scilicet sacramentalis & spiritualis. Ergo neque circa hoc sacramentum debet hæc distinctio adhiberi.

¶ 2. Prætereā, Ea, quorum vnum est propter alterum, non debent ab inuicem diuidi, quia vnum ab alio speciem trahit. Sed sacramentalis manducatio ordinatur ad spirituales, sicut ad finem. Non ergo debet sacramentalis manducatio contra spirituales diuidi.

¶ 3. Prætereā, Ea, quorū vnū nō potest esse sine altero, non debent

contra se diuidi. Sed videtur, quod nullus possit manducare spiritualiter, nisi etiam sacramentaliter manducet, alioquin antiqui Patres hoc sacramentum spiritualiter manducaissent, frustra etiam esset sacramentalis manducatio, si sine ea spiritualis esse posset. Non igitur conuenienter distinguitur circa hoc sacramentum duplex manducatio, scilicet sacramentalis & spiritualis.

SED CONTRA est, quod super illud, 1. Corint. 11. Qui manducat & bibit indignè, &c. dicit glos.* Duos dicimus esse modos manducandi, vnum sacramentalem, & aliū spirituales.

*Glo. ordinē
ibid.*

RESPONDEO dicendum, quod in sumptione huius sacramenti duo sunt consideranda, scilicet ipsum sacramentum & effectus ipsius, de quorum utroque iam supra* dictū est. Perfectus igitur modus sumendi hoc sacramentum, est quando aliquis ita hoc sacramentum suscipit, quod percipit eius effectum: contingit autem quandoque (sicut supra dictum est*) quod aliquis impeditur à percipiendo effectum huius sacramenti. Et talis sumptio huius sacramenti est imperfecta. Sicut igitur perfectum cōtra imperfectum diuiditur: ita sacramentalis manducatio, per quam sumitur solum sacramentum sine effectū ipsius, diuiditur cōtra spirituales manducationem, per quā quis percipit effectum huius sacramenti, quo spiritualiter homo Christo cōiungitur per fidem & charitatem.

Q. præced.

*Q. præc. ar. 9.
7. ¶ 8.*

AD PRIMUM ergo dicendum, quod etiam circa baptismū & alia huiusmodi sacramenta similis distinctio adhibetur. Nam quidam suscipiunt tantum sacramentum, quidam

quidam verò sacramentum & rem sacramenti. In hoc tamen differunt, quia cum alia sacramenta perficiantur in usu materiae, percipere sacramentum, est ipsa perfectio sacramenti, hoc autem sacramentum perficitur in consecratione materiae, & ideo uterque usus est consequens hoc sacramentum. In baptismo etiam & in aliis sacramentis characterem in primetibus, illi qui accipiunt sacramentum, recipiunt aliquem spirituales effectum, scilicet characterem, quod non accidit in hoc sacramento. Et ideo magis in hoc sacramento distinguitur usus sacramentalis à spirituali, quam in baptismo.

AD SECUNDUM dicendum, quod sacramentalis mäducatio, quæ pertingit ad spirituales, non dividitur contra spirituales, sed includitur ab ea. Sed illa sacramentalis manducatio contra spirituales dividitur, quæ effectum non consequitur: sicut in imperfectum, quod non pertingit ad perfectionem speciei, dividitur contra perfectum.

AD TERTIUM dicendum, quod (sicut supra dictum est*) effectus sacramenti potest ab aliquo percipi, si sacramentum habeat in voto, quâvis non accipiat in re. Et ideo sicut aliqui baptizantur baptismo fluminis propter desiderium baptismi, antequam baptizentur baptismo aquæ: ita etiam aliqui manducant spiritualiter hoc sacramentum antequam sacramentaliter sumant. Sed hoc contingit dupliciter. Vno modo propter desiderium sumendi ipsum sacramentum, & hoc modo dicuntur baptizari & manducare spiritualiter & non sacramentaliter, illi qui desiderant sumere hæc sacramenta iam instituta. Alio modo pro-

pter figuram: sicut dicit Apostolus 1. Cor. 10. Quod antiqui patres baptizati sunt in nube & in mari, & quod spirituales escam manducauerunt, & spirituales potum biberunt. Nec tamen frustra adhibetur sacramentalis mäducatio: quia plenius inducit sacramenti effectum ipsa sacramenti susceptio, quam solû desiderium: sicut supra circa baptismum dictum est.

q. 69. ar. 4. ad 2. q. 66.

ARTICVLVS II.

Vtrum solius hominis sit hoc sacramentum spiritualiter sumere.

AD secundum sic proceditur. Videtur, quod non solius hominis sit hoc sacramentum spiritualiter sumere, sed etiam angelorum. Quia super illud Psal. 77. Panem angelorum mäducauit homo, dicit gloss. id est corpus Christi, qui est verè cibus angelorum. Sed hoc nõ esset, si angeli spiritualiter Christum non manducarent. Ergo angeli spiritualiter Christum manducant.

ar. 11. q. 12. 4. d. 9. ar. 1. q. 1. q. 5. Et 1. co. 11. lect. 7. co. 3.

¶ 2. Præterea, Aug.* dicit super Ioan. Hunc cibum & potum, societatem vult intelligi corporis & membrorum suorum, quod est Ecclesia in predestinatis. Sed ad istam societatem nõ solû pertinent homines, sed etiam sancti angeli. Ergo sancti angeli spiritualiter manducant.

Tract. 26. in Ioan. 10. 9.

¶ 3. Præterea, August.* in lib. de verbis Domini dicit: Spiritualiter manducandus est Christus, quoniã ipse dicit: Qui manducat meam carnem & bibit meum sanguinem, in me manet, & ego in eo. Sed hoc cõtenit non solû hominibus, sed etiam sanctis angelis: in quibus per charitatem est Christus, & ipsi in eo. Ergo videtur, quod spiritualiter man-

Non ducare,

q. 66. artic. 11.
q. 63. ar. 2.
q. 73. ar. 3.

D. Tho. tert. part.

ducare, nō solum sit hominum, sed etiam angelorum.

*Tra. 25. in 10.
pariū post med.
tom 9. refertur
de conse. d. 2. c.
Panē de altari.*

SED CONTRA est, quod Aug.* dicit super Io. Panem de altari spiritualiter māducare, innocentiam ad altare portare. Sed angelorū nō est accedere ad altare tanquam ali quid inde sumpturi. Ergo angelo- rū nō est spiritualiter manducare.

RESPONDEO dicēdum, quod in hoc sacramento continetur ipse Christus, nō quidem in specie pro- pria, sed in specie sacramenti. Du- pliciter ergo contingit manduca- re spiritualiter ipsum Christum. Vno modo prout in sua specie con- sistit. Et hoc modo angeli mandu- cāt spiritualiter ipsum Christum, inquantū ei vniuntur fruitione cha- ritatis perfectæ, & visione manife- sta (quem panem expectamus in pa- tria) non per fidem, sicut nos ei hic vnumur. Alio modo contingit spi- ritualiter manducare Christum, prout est sub speciebus huius sacra- menti: inquantum, scilicet, aliquis credit in Christum cum desiderio sumendi hoc sacramētum. Et hoc non solum est spiritualiter mandu- care Christum, sed etiam spiritua- liter māducare hoc sacramentum, quod nō competit angelis. Et ideo licet angeli spiritualiter mandu- cent Christum, non tamen conue- nit eis spiritualiter māducare hoc sacramentum.

AD PRIMVM ergo dicendum, qd sumptio Christi sub hoc sacra- mēto ordinatur, sicut ordinatur ad fruitionem patriæ sicut ad finē eo modo, quo angeli eo fruuntur. Et quia ea, quæ sunt ad finem, deriuan- tur à fine: inde est quod ista mandu- catio Christi, qua eū sumimus sub sacramento quodammodo deriua-

tur ab illa manducatione, qua ange- li fruūtur Christo in patria. Et ideo dicitur homo māducare panem an- gelorum, quia primo & principali- ter est angelorum, qui eo fruuntur in specie propria: secundo autē est hominum, qui Christum sub sa- cramento accipiunt.

AD SECVNDVM dicendum, quod ad societatem corporis my- stici pertinent quidem & homines & angeli, sed homines per fidē, an- geli autem, per manifestam visio- nem. Sacramēta autem proportio- nantur fidei, per quam veritas vide- tur in speculo & in enigmate. Et ideo propriē loquēdo, non angelis, sed hominibus conuenit manduca- re spiritualiter hoc sacramentum.

AD TERTIVM dicendū, quod Christus manet in hominibus se- cundum præsentem statum per fi- dē, sed in angelis beatis est per ma- nifestam visionem. Et ideo non est simile, sicut dictum est t.

*In sol preced.
arg. 1. q. 2. 110
isto ar.*

ARTICVLVS III.

Vtrum solus homo iustus possit Christum sacramentaliter manducare.

AD tertium sic proceditur. Vi- detur, quod nullus possit mā- ducare Christum sacramentaliter nisi homo iustus. Dicit enim Aug.* in lib. de remedio poenit. Vt quid paras dentem & ventrem, crede, & māducasti: credere enim in eū, hoc est panē viuū manducare. Sed pec- cator non credit in eū, quia non ha- ber fidem formatam, ad quam per- tinet credere in Deum: vt in secun- da parte habitum est.* Ergo pecca- tor non potest māducare hoc sacra- mentum, quod est panis viuus.

¶ 2. Præterea, Hoc sacramentū maximè dicitur esse sacramentum

charitatis,

*4. d. 9. ar. 2. q. 1
& 2. q. 1. ar. 1.
3 q. 2. c. fin. Et
d. 12. q. 1. ar. 2.
q. 2. co.*

*Tra. 25. in 10.
pariū ante med.
tom 9. refertur
de conse. d. 2. ca.
Et quid paras.*

2. 2. 7. 4. ar. 1.

q. præ. 24.
ad 3. arg.

charitatis, vt supra dictum est.† Sed sicut infideles priuantur fide: ita omnes peccatores priuantur charitate. Infideles autē non videntur posse sacramentaliter sumere hoc sacramentum, cū in forma huius sacramenti dicatur mysterium fidei. Ergo pari ratione, neq; aliquis peccator potest corpus Christi sacramentaliter manducare.

¶ 3. Præterea, Peccator magis est abominabilis Deo, quā creatura irrationalis: dicitur enim in Psal. 48. de homine peccatore, Homo, cū in honore esset, non intellexit, comparatus est iumentis insipientibus, & similis factus est illis. Sed animal brutum (puta mus, aut canis) non potest sumere hoc sacramentum: sicut etiam non potest sumere sacramentum baptismi. Ergo videtur, quod pari ratione, neq; peccatores hoc sacramentum manducant.

SED CONTRA est, quod super illud Ioā. 6. Patres vestri māducauerunt manna in deserto, & mortui sunt, dicit Aug.† Multi de altari accipiunt, & accipiēdo moriūtur: vnde dicit Apo. Iudiciū sibi māducat & bibit. Sed non moriuntur sumēdo, nisi peccatores. Ergo peccatores corpus Christi sacramentaliter manducant, & non solum iusti.

RESPONDEO dicendum, quod circa hoc quidā antiqui errauerūt, dicentes quod corpus Christi nec etiam sacramentaliter a peccatoribus sumitur, sed quam cito labiis peccatoris contingitur, tā cito sub speciebus sacramentalibus desinit esse corpus Christi. Sed hoc est erroneum, derogat enim veritati huius sacramenti, ad quam pertinet (sicut supra dictum est†) quod ma-

nentibus speciebus corpus Christi sub eis esse non desinat. Species autem manent, quandiu substantia panis maneret, si ibi adesset, vt supra dictum est.* Manifestum est autem quod substantia panis assumpta a peccatore, nō statim esse desinit, sed manet quandiu per calorem naturalem digeratur. Vnde rādiu corpus Christi sub speciebus sacramentalibus manet a peccatoribus sumptis. Vnde dicendum est, quod peccator sacramentaliter corpus Christi manducare potest, & non solum iustus.

AD PRIMUM ergo dicendum, quod verba illa & similia sunt intelligenda de spiritali manducatione, quæ peccatoribus non cōuenit. Et ideo ex prauo intellectu horum verborum videtur prædictus error processisse, dum nescierunt, distinguere inter corporale & spirituale manducationem.

AD SECUNDUM dicendū, quod etiam, si infidelisumat species sacramentales, corpus Christi sub sacramento sumit. Vnde manducat Christum sacramentaliter, si ly sacramentaliter determinat verbum ex parte māducati. si autem ex parte māducantis. tunc propriē loquēdo, non manducat sacramentaliter: quia non vritur, eo quod accipit, vt sacramēto, sed vt simplici cibo: nisi fortē infidelis intēderet recipere illud quod Ecclesia confert, licet nō haberet fidē veram circa alios articulos, vel etiam circa hoc sacm.

AD TERTIUM dicendum, quod etiam si mus, vel canis hostiā consecratam manducer, substantia corporis Christi nō desinit esse sub speciebus, quandiu species ille manent: hoc est, quandiu substantia pa-

q. 77. ar. 1. co
8. & aut. inf-
deni q.

Tra. 2. 6. in Io.
parū a medio;
super illud:
Ego sum panis
vita, io. 9.

q. 76. ar. 6. ad
3. & q. 77. ar.
3.

D. Tho. tert. par.

COMMENTARIUS.

nis maneret sicut etiam si proiicere-
tur in lutum. Nec hoc vergit in de-
trimentū dignitatis corporis Chri-
sti, qui voluit à peccatoribus cruci-
figi absq; diminutione suæ dignita-
tis, præsertim cum mus, aut canis
non tangat ipsum corpus Christi,
secundum propriam speciem, sed
solum secundum species sacramen-
tales. Quidam autē dixerunt, quòd
statim, cum sacramētum tangitur
à mure, vel cane, desinit ibi esse cor-
pus Christi. Quod etiam derogat
veritati sacramenti, sicut supra di-
ctum est.*

In cor. ap. 1

Nec tamen dicendum est, quod
animal brutū sacramentaliter cor-
pus Christi manducet: quia non est
natum uti eo, ut sacramento. Vnde
non sacramentaliter, sed per acci-
dens corpus Christi manducat, si-
cut māducaret ille, qui sumeret ho-
stiam consecratam, nesciens eam
esse consecratam. Et quia id quod
est per accidens, non cadit in diui-
sione alicuius generis: ideo hic mo-
dus māducandi corpus Christi, nō
ponitur tertius præter sacramenta-
lem & spiritualementem.

¶ Sententiæ & conclusiones quæst.

Prima conclusio, perfecta man-
ductio Eucharistiæ est, qua sacra-
mentum cum effectu: sed sacramentalis,
qua sacramentū tantum sine effectu: spi-
ritualis, qua effectū sine sacramento. qui-
dam enim digne sumūt: quidam indigne:
quidam desiderant suscipere, & non sus-
cipiunt. ad primos pertinet perfecta: ad
secundos sacramentalis: ad reliquos spi-
ritualis.

Secunda conclusio, solus homo per-
cipit sacramētum spiritualiter: angeli &
beati Christum: sed homo iustus & verè
contritus.

His explicatis, quæ ad essentiam sacra-
menti pertinent, siue ex materia, siue
ex forma, eius efficacia ad transubstantia-
tionem, remanentibus accidentibus panis
& vini sine subiecto in quibus tamen, reali-
ter Christum continentibus, ratio huius sa-
cramēti posita est, de vsu & sumptione ip-
sius, quæ catholicis communicatio dicitur,
sicut ipsum sacramentum communio, di-
cendum nobis est. sed quia sumptionē præ-
paratio debet præcedere, & sumptionem
effecta sacramenti in sumente consequun-
tur, primò de preparatione, deinde de sum-
ptione, tertio de effectis differendum est.
Sumptionem autem Theologi distinguunt
in spiritualementem & sacramentalem: spiritualis
est, qua effectus sacramenti percipitur, vel
ex voto & desiderio implicito, ut per bap-
tismū etiā paruulorū, vel ex voto explici-
to & expresso: in figura quidē in vet. test.
sicut scriptum est, 1. Corin. 10. quod omnes
veteres eandem escam spiritualementem mādu-
cauerunt: in nouo autē, propter deside-
rium non figuræ Christi, aut Christi in fi-
gura significati, sed ipsius sacramenti iam
instituti, & realiter Christum continentis.
sicut māducant Christum spiritualiter, qui
verè & ex animo contriti, Christo coniun-
gi desiderant: non tamen coniunguntur
per realem sacramenti sumptionem, vel
quia impediuntur, ut quidam ægroti, vel
quia non vacat, aut non tenentur ex præce-
pto. diximus de aliis modis spiritualis man-
ductionis supra, cum responderemus ad
argumenta aduersariorum contra realem
Christi præsentiam in Eucharistia. Sacra-
mentaliter manductio est realis huius sacra-
menti sumptio, quæ aliquando est perfe-
cta, quia inducit suum effectum, in dignè
susipientem: aliquando imperfecta, quæ
non inducit, ex impedimento peccati sus-
cipientis: ideo illa dicitur digna manduca-
tio, hæc indigna: nobis autem agendū est
de præparatione ad dignā manductionē.
Sed māducari Christū in patria à beatis an-
gelis & hominibus, metaphoricè dicitur,
quia eodem reficiuntur spiritualiter & sa-
tiantur, sicut scriptū est. Luc. 22. & ego dis-
pono vobis, sicut disposuit mihi pater me-
regnum, ut edatis & bibatis super mensam
meā in regno meo. Sed hi beati aliter man-
ducant spiritualiter, quā viatores: illi quia

Ordinis ratio

Manductio
spiritualis.

Sacramentalis

fatiantur,

fatiantur, & nihil aliud expetunt: hi verò, quia desiderant, & spiritu per charitatem Christo coniunguntur.

*De præparatione
ne ad dignam
Eucharistiam
manducationem.*

2. De præparatione ergo ad dignam huiusmodi manducationem, quædam Domini facta & dicta rectè accomodantur. Ex institutione enim Dñi Ioã. 13. ad hoc sacramentum accedere non licet, nisi lotis pedibus, idest, affectibus & perturbationibus mûdis & moderatis. ex parabola regis inuitantis ad nuptias Matt. 22. nō licet accedere, nisi ornatū veste nuptiali, idest, charitate, & spiritus innouatione. præcepto etiam Dñi Matt. 5. nō licet offerre munus ad altare, nisi deponamus odiū fraternū, reconciliationē expetamus: idq; confirmat hoc sacramentum, quatenus est pacis & amoris pignus. Deinde expressum est præceptum Dñi à D. Paul. 1. Cor. 11. probet autem seipsum homo, & sic de pane illo edat, & de calice bibat: qui enim manducat & bibit indigne, iudiciū sibi manducat & bibit, non diiudicans corpus Dñi. hoc est, vt exponit D. Aug. tract. 62. in Ioan. discernamus ab aliis cibis veneratione singulariter debita. Sed apertius & exactius conc. Trid. sess. 13. c. 7. ecclesiastica consuetudo declarat, eam probationem necessariam esse, vt nullus sibi conscius mortalis peccati, quantumvis sibi contritus videatur, absq; præmissa sacramentali confessione ad sacram Eucharistiam accedere debeat. Quod à Christianis omnibus, etiā ab his sacerdotibus, quibus ex officio incubuerit celebrare, hæc sancta synodus perpetuò seruandum esse decreuit: modò non desit illis copia cōfessoris: quod si necessitate urgente, sacerdos absq; præuia cōfessione celebrauerit, quamprimum confiteatur. hæc concil. ex quibus constat damnari eorum sententiā, qui existimauerunt contritionem sufficere cum proposito confitendi.

3. Excipitur tantum is, qui celebraturus ex necessitate pastoralis officij, vel ingressus celebrationem diuini sacrificij, cū propter scandalum sacrificium inceptum intermittere non debeat, & illi non sit copia sacerdotis, potest sola contritione & confitendi proposito, cum primū dabitur occasio, complendo, sacram communionem sumere & ministrare. Si enim non decet ad vilius sacramēti administrationem, vel susceptionē accedere cum voluntate peccandi, certè quò maior est sanctitas & diu-

initas huius sacramenti, eò diligentius cauendum est, ne absq; magna reuerentia & sanctitate ad id percipiendum accedamus. Nam præter rationem sacramenti violati, si cum peccati mortalis conscientia accedatur, vnde sacrilegij reatum incurrimus, hoc est profanationis rei sacræ & diuinæ, in ipsam Christi personā corporaliter præsentem, sicut Iudas, cū tradidit, & crucifixores cū occiderunt, iniqui sumus & scelerati. quare Apostolus eod. c. 11. ab hoc sacrilegio fideles terret exemplis multorum: quos iam tum, vel graui ægitudine, vel etiam morte per diuinam vltionē narrat affectos, cū ait, idē inter vos multi infirmi & imbecilles, & dormiunt multi. ex horum similitudine idē cēsent theologi de la. co, quem conscientia, aut scrupulus peccati mortalis grauat, cū proximē ad sumptionem Eucharistiæ accedit, nisi recepta sit consuetudo, tunc etiam præmittendi confessionem sacramentalem, vel sine scandalo confiteri possit, vt si pauci inter sint. Vnde cōstat huiusmodi Patulinam probationem & diseussionem conscientiæ, non solum esse fidei nostræ probationem, vt Lutherus & Calvinus docent, sed etiam veram de mortalibus peccatis pœnitentiā & confessionem, vt omnes Patres docuerunt. Cypr. lib. 1. ep. 3. lib. 3. ep. 5. 14. 15. & sequentibus. Chrysost. hom. 10. in Matth. & hom. 30. in Gen. & hom. de Saulo. August. ep. 118. vt alios omnes prætermittam, qui licet non semper de confessione loquantur, tamen de reconciliatione ac pœnitentiā, quæ sine confessione nunquam fuit, agunt aperte. quare conc. Trid. sess. 13. can. 11. primū cōtra Protestantē & sacramētarios sic definit: Si quis dixerit solam fidē esse sufficientem præparationem ad sumendum sanctissimæ Eucharistiæ sacramētum, anathema sit. Deinde contra existimantes, factis esse consciū peccati mortalis habere contritionem, neque confessionem sacramentalem esse necessariam, adiūgit: Declarat sancta synodus illis, quos conscientia peccati mortalis grauat, quantumcunque etiam se contritos existiment, necessariò præmittendā esse confessionem sacramentalem: si quis autē contrarium docere, prædicare, vel pertinaciter asserere, seu etiam publicè disputando defendere presumpserit, eo ipso excommunicatus existat. Conscientia peccati mortalis dicitur, vel certa,

Cypr. etiam de laps. reprehendit communicantes ante expiata delicta, & ante exomologesin factam.

C. 6. Adr. q. 3. de confess. fuerunt in hac sententia dissensientes ab his omnibus alijs Theologis 4. sent. d. 9. c. 17.

D. Tho. tert. part.

vel probabiliter dubia, ut sciat, vel dubitet se commisisse peccatum mortale, de quo sacramentalis confessio necessaria sit. & ideo digne accedit, qui probabiliter existimat, se contritum & confessum, quamvis re vera contritus non sit. digne autem dico, quatenus accedendo non peccet. digne autem simpliciter accedit, qui iustificatus est.

ARTICVLVS IIII.

Verum peccator sumens corpus Christi sacramentaliter peccet.

*Infra art. 7. q. 2.
8. car. & 4. d.
9. ar. 3. q. 1. &
2. q. 4. q. 2.
cor. Et 1. Cor.
11. lect. 7. co. 2.*

AD quartum sic proceditur. Videtur, quod peccator sumens corpus Christi sacramentaliter non peccet. Non enim est maioris dignitatis Christus sub specie sacramenti, quam sub specie propria. Sed peccatores tangentes corpus Christi sub specie propria, non peccabant, quin etiam veniam peccatorum consequerentur, sicut legitur Luc. 7. de muliere peccatrice, & Matt. 14. dicitur: Quicumque tetigerunt simbriam vestimenti eius, salui facti sunt. Ergo non peccant, sed magis salutem consequuntur, sacramentum corporis Christi sumendo.

¶ 2. Præterea, Hoc sacramentum, sicut & alia, est quædam spiritualis medicina. Sed medicina datur infirmis ad salutem: secundum illud Mat. 9. Non est opus valentibus medicus, sed malè habentibus. Infirmi autem, vel malè habentes spiritualiter, sunt peccatores. * Ergo hoc sacramentum absque culpa sumere possunt.

Al. Ergo sacramentum corporis valiter, absque culpa sumi potest.

Li. 2. c. 19. non loq. à pri. 10. 1.

¶ 3. Præterea, Hoc sacramentum, cum in se Christum contineat, est de maximis bonis. Maxima autem bona (secundum Aug.† in li. de libe. arbi.) sunt, quibus nullus malè potest uti. Nullus autem peccat, nisi per abusum alicuius rei. Ergo nullus peccator sumens hoc sacramentum peccat.

¶ 4. Præterea, sicut hoc sacramen-

tum sentitur gustu & tactu, ita & visu. Si ergo peccator ex eo, quod sumit hoc sacramentum, peccet, videtur etiam quod peccaret videndo. Quod patet esse falsum, cum ecclesia omnibus hoc sacramentum videndum & adorandum proponat. Ego peccator non peccat ex hoc quod manducat hoc sacramentum.

¶ 5. Præterea, Contingit quandoque, quod aliquis peccator non habet conscientiam sui peccati, nec tamen talis peccare videtur, corpus Christi sumendo: quia secundum hoc omnes peccarent, qui sumunt, quasi periculo se exponentes, cum Apostolus dicat 1. Cor. 4. Nihil mihi conscius sum, sed non in hoc iustificatus sum. Non ergo videtur, quod peccatori cedat in culpam, si hoc sacramentum sumat.

SED CONTRA est, quod Apostolus dicit 1. Cor. 11. Qui manducat & bibit indignè, iudicium sibi manducat & bibit, id est, condemnationem. Dicit autem glossa ibidem, quod indignè manducat & bibit, qui in crimine est, vel irreuerenter tractat. Ergo qui est in peccato mortali, si hoc sacramentum accipiat, damnationem acquirit mortaliter peccans.

RESPONDEO dicendum, quod in hoc sacramento sicut in aliis, id quod est sacramentum, est signum eius, quod est res sacramenti. Duplex autem est res huius sacramenti, sicut supra dictum est. * Una quidem, quæ est significata & contenta, scilicet ipse Christus, alia autem est significata & non contenta, scilicet corpus Christi mysticum, quod est societas sanctorum. Quicumque ergo hoc sacramentum sumit, ex hoc ipso significat se esse Christo unitum, & membri eius incorporatum.

973. ar. 6.

ratum. Quod quidem fit per fidem formatā, quam nullus habet cum peccato mortali. Et ideo manifestū est, quod quicumq; cū peccato mortali hoc sacramentum sumit; falsitatem in hoc sacramento committit, & ideo incurrit sacrilegiū, tanquā sacramenti violator, & propter hoc mortaliter peccat.

AD PRIMVM ergo dicendum, quod Christus in propria specie apparens, non exhibebat se tangendū hominibus in signū spiritualis vnionis ad ipsum, sicut exhibetur sumēdus in hoc sacramēto. Et ideo peccatores eū in propria specie tangētes, nō incurrebant crimen falsitatis circa diuina, sicut peccatores sumētes hoc sacramentum. Et præterea Christus adhuc gerebat similitudinē carnis peccati, & ideo conueniēter se peccatoribus tangendū exhibebat. Sed remota similitudine carnis peccati per gloriā resurrectionis, se tāgi prohibuit à muliere, quæ defectum fidei circa ipsum patiebatur, secundū illud Ioan. 20. Noli me tangere, nondū enim ascēdi ad Patrē meum, scilicet in corde tuo: vt Augus.* exponit. Et ideo peccatores, qui defectū fidei formatē patiūtur circa Christū, repelluntur à contactu huius sacramēti.

AD SECVNDVM dicendū, quod nō quēlibet medicina cōpetit secundū quēlibet statum infirmitatis. Nā medicina, quæ datur iā liberatis à febre ad confortationē, noceret, si daretur adhuc febricitantibus. Ita etiam baptismus & poenitentia sunt quasi medicinæ purgatiuæ, quæ datur ad tollendā febrem peccati. Hoc autē sacramentum est medicinalis confortatiua, quæ non debet dari, nisi liberatis à peccato.

AD TERTIVM dicendum, quod maxima bona intelligit Aug. virtutes animæ, quibus nullus malebitur, quasi principiis mali vsus. Vtitur tamē eis aliquis malē, quasi obiectis mali vsus: vt patet in his, qui de virtutibus superbunt. Ita & hoc sacramētum quantū est ex se, nō est principiū mali vsus, sed obiectū. Vnde Aug.† dicit: Multi indigne accipiunt corpus Christi, per quod docemur, quā cauendū sit male accipere bonum. Ecce enim per bonū factū est malū, dum malē accipitur bonū: sicut ē cōtra Apostolo per malū factum est bonū, cū bene accepit malū, scilicet, cū stimulum satanæ patienter portauit.

AD QVARTVM dicendū, quod per visum nō accipitur ipsum corpus Christi, sed solū sacramentum eius, quia scilicet non pertingit visus ad substantiā corporis Christi, sed solū ad species sacramentales, vt supra dictū est,* Sed ille, qui manducat non solū sumit species sacramentales, sed etiā ipsum Christum, qui est sub eis. Et ideo à visione corporis Christi nullus prohibetur, qui sit sacramentū Christi cōsecutus, scilicet baptismū. Nō baptizati autē non sunt admittendi etiā ad inspectionē huius sacramēti, vt patet per Dion.* in li. Eccle. hier. Sed ad manducationē non sunt admittēdi, nisi soli illi, qui non solum sacramentaliter, sed etiam realiter sunt Christo coniuncti.

AD QVINTVM dicendū, quod hoc quod nō habet aliquis consciētiam sui peccati, potest cōtingere dupliciter. Vno modo per culpam suā, vel quia per ignorantiam iuris, quæ nō excusat, reputat nō esse peccatū, quod est peccatum, puta, si ali-

Loco in ar. 6.†

Tracta. 62. in loā. circa prim. & tract. 6. ad c. 1. Ioan. 10. 9. de cons. di. 2. c. 66.

q. 76. ar. 7.

c. 7. Eccle. hier. par. 3. pau. o. à principio.

Tract. 121. in Ioan. à medio illius innuitur, tom. 9.

D. Tho. tert. par.

quis fornicator reputaret simplicē fornicationē non esse peccatū mortale) vel quia negligēs est in examinatione sui ipsius, contra id quod Apostolus dicit 1. Cor. 11. Probet autem seipsum homo, & sic de pane illo edat, & calice bibat. Et sic nihilominus peccat peccator sumēs corpus Christi, licet nō habeat conscientia peccati, quia ipsa ignorantia est ei peccatum. Alio modo potest cōtingere sine culpa ipsius: puta cū doluit de peccato, sed non est sufficienter contritus. Et in tali casu nō peccat sumēdo corpus Christi: quia homo per certitudinē scire non potest, utrū sit verē contritus. Sufficit enim si in se signa cōtritionis inueniat, puta si doleat de pręteritis, & proponat cauere de futuris. Si verō ignorat hoc quod fecit, esse actū peccati, propter ignorantiam facti, quæ excusat (puta si accessit ad non suam, quā credebatur suā) non est ex hoc dicendus peccator. Similiter etiam si totaliter est peccatum oblitus, sufficit ad eius deletionem generalis cōtritio; vt infra dicetur. † Vnde iam non est dicendus peccator.

ARTICVLVS V.

Utrum accedere ad hoc sacramentum cū conscientia peccati, sit grauiſſimum omnium peccatorum.

AD quintū sic proceditur. Videtur, q̄ accedere ad hoc sacramentum cum cōscientia peccati, sit grauiſſimum omnium peccatorū. Dicit enim Apostolus 1. Cor. 11. Quicumq; manducauerit panem & biberit calicem Domini in dignē, reus erit corporis & sanguinis Domini. glos. ibidē. * Hoc est, ac si Christum occiderit, punietur.

Sed peccatum Christum occidentium, videtur fuisse grauiſſimū. Ergo & hoc peccatum, quo aliquis cū cōscientia peccati ad mēsam Christi accedit, videtur esse grauiſſimū.

¶ 2. Præterea, Hier. dicit in quadam epistola: Quid tibi cum faminis, qui ad altare cū Deo fabularis? dic sacerdos, dic clerice, qualiter eisdem labiis filiū Dei oscularis, quibus osculatus es labia meretricis: Cum Iuda, osculo filium hominis tradis. Et sic videtur fornicator ad mensam Christi accedēs peccare, sicut Iudas peccauit, cuius peccatū fuit grauiſſimum. Sed multa alia peccata sunt grauiora, quā peccatum fornicationis, & præcipuē peccatum infidelitatis. Ergo cuiuslibet peccatoris ad mensam Christi accedentis peccatum est grauiſſimum.

¶ 3. Præterea, Magis est abominabilis Deo immunditia spiritalis, quā corporalis. Sed si quis proiiceret corpus Christi in lutum, vel sterquilinum, grauiſſimum reputaretur eius peccatum. Ergo grauius peccat, si ipsum sumat cum peccato, quod est immunditia spiritalis. Ergo hoc peccatū est grauiſſimū.

SED CONTRA est, quod super illud Ioā. 15. Si non venissem, & locutus eis nō fuisset, peccatū non haberēt. dicit Aug. * hoc intelligendum esse de peccato infidelitatis, quo tenentur cūcta peccata. Et ita videtur, hoc peccatum non esse grauiſſimum, sed magis peccatum infidelitatis.

RESPONDEO dicendum, quod (sicut in 2. parte dictū est) dupliciter aliquod peccatū potest dici grauius alio: Vno modo per se, alio modo per accidens. Per se quidem secūpudum

*Non completis
morte præuenis*

2. d. 9. ar. 3. q.
3. Eccl. Cor. 10.
10. 5. 69. 3.

*Glos. inter line.
ibidem sententia.*

*Trac. 89. in 10.
inter medium,
& princ. 10. 9.*

1. 2. q. 73. ar.
6. & 2. 2. q.
73. ar. 3.

cundum rationem suæ speciei, quæ attenditur ex parte obiecti. Et secū dū hoc, quāto id, cōtra quod peccatur, est maius, tāto peccatum est grauius. Et quia diuinitas Christi est maior humanitate ipsius, & ipsa humanitas est potior, quā sacramēta humanitatis, inde est qđ graui-
sima peccata sunt, quæ cōmittuntur in ipsam diuinitatē: sicut est peccatū infidelitatis & blasphemix. Secundariō autē sunt graua peccata, quæ cōmittuntur in humanitatem Christi. Vnde & Matth. 12. dicitur: Qui dixerit verbū contra filium hominis, remitteretur ei: qui autē dixerit verbum cōtra Spiritū sanctum, nō remitteretur ei, neq; in hoc seculo, neq; in futuro. Tertiō autē loco sunt peccata, quæ cōmittuntur contra sacramēta, quæ pertinent ad humanitatē Christi. Et post hęc sunt alia peccata cōtra puras creaturas. Per accidens autē vnum peccatum est grauius alio ex parte peccantis, puta, peccatū, quod est ex ignorantia, vel infirmitate, est leuius peccato, quod est ex contēptu, vel ex certa sciētia. Et eadē ratio est de aliis circumstātiis. Et secundū hoc istud peccatū in quibusdā potest esse grauius, sicut in his, qui ex actuali contēptu, cum conscientia peccati ad hoc sacramentum accedunt. in quibusdam vero minus graue: puta in his, qui ex quodā timore, ne deprehendantur in peccato, cū conscientia peccati ad hoc sacramentū accedunt. Sic ergo patet, quod hoc peccatum est multis aliis grauius secundum suam speciē, non tamen est omnium grauissimum.

AD PRIMVM ergo dicendum, quod peccatum indignē sumentū hoc sacramentum, cōparatur pec-

cato occidentium Christum, secū- dum similitudinem (quia vtrunque cōmittitur contra corpus Christi,) nō tamen secundum criminis quantitātē. Peccatum enim occidentiū Christum, fuit multo grauius. Primō quidem, quia illud peccatū fuit cōtra corpus Christi in specie propria: hoc autē peccatum est contra corpus Christi, in specie sacramenti. Secundō, quia illud peccatū processit ex intentione nocendi Christo, non autem hoc peccatum.

AD SECVNDVM dicendum, quod fornicator accipiens corpus Christi, cōparatur Iudæ Christum osculanti, quantū ad similitudinem criminis (quia vterq; ex signo charitatis Christū offendit) non tamē quantum ad criminis quantitātē, sicut etiā prius dictum est. * Hęc tamen criminis similitudo nō minus competit aliis peccatoribus, quā fornicatoribus. Nam & per alia peccata mortalia agitur cōtra charitatem Christi, cuius signum est hoc sacramentum, & tanto magis, quanto peccata sunt grauiora. Secundum quid tamen peccatum fornicationis magis reddit hominem ineptum ad perceptionem huius sacramēti, inquantū, scilicet, per hoc peccatū spiritus maximē carni sub iicitur, & ita impeditur feruor dilectionis, qui requiritur in hoc sacramento. Plus tamen ponderat impedimentū ipsius charitatis, quā feruoris eius. Vnde & peccatū infidelitatis, quod funditus separat hominē ab Ecclesiæ vnitate, simpliciter loquendo, maximē hominē ineptū reddit ad susceptionē huius sacramēti, quod est sacramentū Ecclesiasticæ vnitatis, vt supra dictū est.

† Vnde & grauius peccat infidelis accipiens

In sol. preced.

q. 73. ar. 1. q.
q. 73. ar. 4.

accipiens hoc sacramentum, quam fidelis peccator, & magis contēnit Christum, secundum quod est sub hoc sacramēto, præsertim si nō credat Christū verē sub hoc sacramēto esse, quia quantum est in se, dimittit sanctitatem huius sacramēti, & virtutē Christi operantis in hoc sacramento, quod est contēnere ipsum sacramentū in seipso. Fidelis autē, qui cum consciētia peccati sumit, contemnit hoc sacm non in seipso, sed quantū ad vsum, indignē accipiens. Vnde & Apostolus 1. Corinth. 11. assignans rationem huius peccati dicit: Non diiudicans corpus Domini, id est, non discernens ipsum ab aliis cibis, quod maximē facit ille, qui non credit Christum esse sub hoc sacramento.

AD TERTIVM dicendū, quod ille, qui proiiceret hoc sacramentū in lutum, multo gravius peccaret, quā ille, qui cum cōscientia peccati mortalis ad hoc sacramentū accedit. Primō quidem, quia ille hoc faceret ex intentione iniuriā faciēdi huic sacramento, quod non intendit peccator indignē corpus Christi accipiens. Secundō, quia homo peccator est capax gratiē, vnde etiā magis est aptus ad suscipiendū hoc sacramentū, quā quācūq; alia irrationalis creatura. Vnde maximē in ordinatē vteretur hoc sacramento, qui proiiceret ipsum canibus ad manducandum, vel qui proiiceret in lutum conculcandum.

ARTICVLVS VI.

Utrum sacerdos debeat denegare corpus Christi peccatori petenti.

AD sextum sic proceditur. Videtur, quod sacerdos debeat denegare corpus Christi peccato-

ri petenti. Non enim est faciendum contra Christi praeceptum propter vitandum scandalum, vel infamiam alicuius. Sed Dominus praecepit Matt. 7. Nolite sanctum dare canibus. Maximē autem datur sanctum canibus, cum hoc sacramentū peccatoribus exhibetur. Ergo neque propter vitandum scandalum, neque propter vitandam infamiam alicuius, debet hoc sacramentum peccatori petenti dari.

¶ 2. Præterea, De duobus malis minus malum est eligendum. Sed minus malum esse videtur, si peccator infametur, vel etiā si ei hostia non cōsecrata detur, quā si sumens corpus Christi, mortaliter peccet. Videtur ergo hoc potius esse eligendum, quod vel infametur peccator petēs corpus Christi, vel etiā quod detur ei hostia non cōsecrata.

¶ 3. Præterea, Corpus Christi interdum datur suspectis de crimine, ad eorum manifestationem: legitur enim in Decret. 2. q. 4. Sæpē contingit, ut in monasteriis monachorum furta perpetrentur, idcirco statuimus, ut quando ipsi fratres de talibus expurgare se debent. Missa ab Abbate celebretur, vel ab aliquo ex præsentibus fratribus, & sic expleta Missa, omnes communicentur in hæc verba: Corpus Domini sit tibi hodie ad probationem. & infra. * Si Episcopo, aut presbytero aliquod maleficium fuerit imputatum, pro singulis Missam celebrare debet & communicare, & de singulis sibi imputatis, innocentem se ostendere. Sed peccatores occultos non oportet manifestari, quia si frōtē verecūdiē abiecerint, liberius peccabunt, ut Aug. dicit in lib.

In decret. 2. q. 4. ca. 24. Sæpē contingit,

Cap. 27.

Inf. q. 81. ar. 2. cor. 11. ad 2. q. 4. d. 9. ar. 5. q. 1. per 10. q. 2. corp. Et quod 5. ar. 1. 2.

lib. de verbis Domini. Ergo peccatoribus occultis non est corpus Christi dandum, etiam si petant.

SED CONTRA est, quod super illud Psa. 21. Māducauerunt, & adorauerunt omnes pingues terræ, dicit Aug.† Non prohibeat dispensator pingues terræ, id est, peccatores, mensam Domini manducare.

Refertur de cō
sec. d. 2. c. Non
prohibeat, to. 9

RESPONDEO dicendum, quod circa peccatores distinguendū est. Quidam enim sunt occulti, quidā verò manifesti, scilicet per euidentiā facti, sicut publici vsurarij, aut publici raptores: vel etiam per aliquod iudicium ecclesiasticum, vel seculare. Manifestis ergo peccatoribus non debet etiam petentibus sacra communio dari. Vnde Cypr.

Lib. 1. ep. 10. in
prime.

*Scribit ad quendam: Pro dilectione tua cōsulendum me existimasti, quid mihi videatur de histrionibus, & mago illo, qui apud vos constitutus adhuc in artis suę dedecore perseuerat, an talibus sacra communio cū cæteris Christianis debeat dari: puto nec maiestati diuinę, nec Euangelicę disciplinę congruere, ut pudor & honor Ecclesię tan turpi & infami contagione fœdetur. Si verò non sunt manifesti peccatores, sed occulti: non potest eis petentibus sacra cōmunio denegari. Cū enim quilibet Christianus ex hoc ipso, quod est baptizatus, sit admisus ad Dominicam mensam, non potest ei ius suum tolli, nisi pro aliqua causa manifesta. Vnde super illud 1. Corinth. 5. Si is, qui frater nominatur inter vos, &c. dicit glos. August.† Nos à cōmunionem quemquam prohibere non possumus, nisi aut sponte confessum, aut in aliquo iudicio ecclesiastico, vel seculari nominatum, atq; cōuictum. Potest

In li. de medic
na penitentia,
c. 3. in med. to.
9.

tamen sacerdos, qui est cōsciū criminis, occultè monere peccatorem occultū, vel etiam in publico generaliter omnes, ne ad mensam Dñi accedant, antequā de peccatis poeniteant, & Ecclesię reconcilietur. Nā post poenitentia & reconciliatōnē, etiam publicis peccatoribus non est communio deneganda, præcipuè in articulo mortis. Vnde in concilio Carthagin.† legitur: Scenicis, atque histrionibus, cæterisq; huiusmodi personis, vel apostatis conuersis ad Deum, reconciliatio non negetur.

In conc. Carth.
can. 35.

AD PRIMVM ergo dicendum, quod sancta prohibentur dari canibus, id est, peccatoribus manifestis. Sed occulta non possunt publice puniri, sed sunt diuino iudicio reservanda.

AD SECVNDVM dicendum, quod licet peius sit peccatori occulto peccare mortaliter, sumēdo corpus Christi, quā infamari, tamen sacerdoti ministrāti corpus Christi, peius est peccare mortaliter infamando iniuste peccatorem occultū, quā quod ille mortaliter peccet, quia nullus debet peccatum mortale cōmittere, ut aliū liberet à peccato. Vnde Aug.† dicit in li. Q. super Gen. periculosissimè admittitur hæc cōpensatio, ut nos faciamus aliquid mali, ne alius grauius malū faciat. Peccator tamen occultus potius deberet eligere infamari, quā indignè ad mensam Dñi accedere. Hostia tamē non consecrata nullo modo debet dari loco consecratæ, quia sacerdos hoc faciēs quantū in se est, facit idololatrare illos, q. cre dūt esse hostiā cōsecratā, siue alios presentes, siue etiā ipsum sumentē, quia ut Aug.† dicit, nemo carnem

In q. 42. to. 4o

In Psal. 98. cir
ca me, expositio
nis Ioan. 8.

Christi

D. Thom. tert. part.

Christi māducet, nisi prius adoret. Vnde extra de celebratione missarū,* c. de homine dicitur: Licer is, qui pro sui criminis conscientia reputat se indignum, peccet grauitur, si se ingerat irreuerenter ad illud, grauius tamen videtur offendere, qui fraudulenter illud præsumpsit simulare.

AD TERTIVM dicendū, quòd decreta illa sunt abrogata per contraria documenta Romanorū Pontificum. Dicit enim Stephanus Papa,* Ferri candentis, vel aquæ feruētis examinatione, confessionem extorqueri à quolibet sacri canones non concedunt, Spōtanea enim cōfessione, vel testium approbatione, publicata delicta commissa sunt regimini nostro iudicare, occulta verò & incognita, illi sunt relinquenda, qui solus nouit corda filiorū hominum. Et idem habetur extra de purgationibus* c. extuarum. In omnibus enim talibus esse videtur Dei tentatio, vnde sine peccato fieri nō possunt. Et grauius videretur, si in hoc sacramento, quod est institutum ad remedium salutis, aliquis incurreret iudicium mortis. Vnde nullo modo corpus Christi debet dari alicui suspecto de crimine, quasi ad examinationem.

ARTICVLVS VII.

Vtrum nocturna pollutio aliquem impediat à sumptione huius sacramenti.

AD septimum sic proceditur. Videtur, quod nocturna pollutio non impediat aliquem à sumptione corporis Christi. Nullus enim impeditur à sumptione corporis Christi, nisi propter peccatū. Sed nocturna pollutio accidit sine

peccato: dicit enim Augus.* 12. super Gen. ad literam, ipsa phantasia, quæ fit in cogitatione sermocinantis, cū expressa fuerit in visione somniantis, vt inter illā & verā conjunctionem corporū non discernatur, continuo mouetur caro, & sequitur quod eū motū sequi solet, cū hoc tā sine peccato fiat, quā sine peccato à vigilantibus dicitur, quod vt diceretur, proculdubio cogitatum est. Ergo nocturna pollutio non impedit hominem ab eius sacramenti sumptione.

¶ 2. Præterea, Greg.* dicit in ep. ad Aug. episcopum Anglorum: Si quis sua coniuge non cupidine voluptatis captus, sed tantū procreandorū liberorum gratia vritur, ille profecto, siue de ingressu Ecclesiæ, siue de sumendo corporis Domini mysterio, suo est iudicio relinquendus, quia prohiberi à nobis non debet accipere, qui in igne positus, nescit ardere. Ex quo patet quod carnalis pollutio etiam vigilantis, si sit sine peccato, non prohibet hominem à sumptione corporis Christi. Multo igitur minus prohibet nocturna pollutio dormientis.

¶ 3. Præterea, Nocturna pollutio videtur solā immunditiam corporalē habere. Sed aliæ immunditiæ corporales, quæ secundū legem impediabant ab ingressu sanctorū, in noua lege non impediunt à sumptione huius sacramenti, sicut de muliere pariēte, vel mēstruata, vel fluxū sanguinis patiēte, scribit beatus Gre.* Aug. Anglorū episcopo. Ergo videtur, quod neq; etiam nocturna pollutio impediat hominē à sumptione huius sacramenti.

¶ 4. Præterea, Peccatum veniale non impedit hominē à sumptione

Li. 12. c. 15. in med. tom. 3.

In Decr. li. 3. tit. 41. ca. 7. in fin.

Refertur de 2. q. 4. c. 21. Con soluti.

In Decr. lib. 5. tit. 34. c. 8. Extuarum.

In fin. lib. 12. Registri ad 10. u. interrogatōe. Aug. ca. 10. nō longè à fin. & habetur 33. q. 1. c. 7. post modum.

2. 2. q. 154. ar. 5. & 4. d. 9. ar. 4. q. 2. Et ver. q. 28. ar. 3. ad 6.

Loco nunc dicto parum antè medium, c. 10.

ne huius sacramenti, sed nec etiam peccatū mortale post poenitentia. Sed dato quod nocturna pollutio prouenerit ex aliquo peccato præcedenti (siue crapulæ, siue turpium cogitationū) plerunq; tale peccatum est veniale: & si aliquando sit mortale, potest cōtingere, quod de mane poenitet, & peccatum suum confitetur. Ergo videtur, quod non debeat impediri à sumptione huius sacramenti.

¶ 5. Præterea, Grauius peccatū est homicidij, quā fornicationis. Sed si aliquis de nocte somniet se homicidium perpetrare, aut furtū, aut quodcunq; aliud peccatum, nō propter hoc impeditur à sumptione corporis Christi. Ergo videtur, quod multo minus fornicatio somniata cū pollutione subsequere, impediat à sumptione huius sacri.

SED CONTRA est, quod *Leuit. 15.* dicitur: Vir, de quo egreditur semen coitus, immūsus erit vsq; ad vesperū. Sed immundus non parerit aditus ad sacramēta. Ergo videtur, quod propter pollutionem nocturnam aliquis impediatur à sumptione huius sacramenti, quod est maximum sacramentum.

RESPONDEO dicendum, quod circa pollutionem nocturnam duo possunt considerari. Vnū quidē, ratione cuius ex necessitate impedit hominem à sumptione huius sacramenti. Aliud autem, ratione cuius non ex necessitate impedit hominē ab huiusmodi sacramenti perceptione, sed ex quadam congruentia. Ex necessitate quidem impedit hominem ab huius sacramenti perceptione solum peccatū mortale. Et quāuis nocturna ipsa pollutio secundū se cōsiderata, peccatū mortale

esse non possit, nihilominus tamen ratione suæ causæ quandoq; habet peccatū mortale annexū. Et ideo consideranda est causa pollutionis nocturnæ. Quandoq; enim prouenit à causa extrinseca spiritali, scilicet, ex dæmonū illusione, qui sicut in r. parte habitū est*, phāsmata eō mouere possunt, ex quorū apparitione pollutio interdū subsequitur. Quandoq; verò prouenit pollutio ex causa intrinseca spiritali, scilicet, ex præcedentibus cogitationibus. Aliquando autem ex causa intrinseca corporali, vel ex superfluitate siue debilitate naturæ, siue etiam ex superfluitate cibi, vel potus. Quælibet autē harum triū causarum potest & sine peccato & cū peccato veniali, vel mortali existere. Et si quidem sit sine peccato, vel cū peccato veniali, nō ex necessitate impedit sumptionē huius sacramenti, ita scilicet, quod homo sumēdo sit reus corporis & sanguinis Dñi. Si verò sit cum peccato mortali, impedit ex necessitate. Illusio enim dæmonum quandoq; prouenit ex præcedenti negligentia preparationis ad deuotionem, quæ potest esse & mortale & veniale peccatū. Quandoq; verò prouenit ex sola nequitia dæmonū, volentiū impedire hominē à sumptione huius sacramenti. Vnde legitur in collationibus patrū, quod cū quidam frater pateretur pollutionem semper in festis, in quibus erat communicandum, seniores cōperito, quod nulla causa ab ipso præcesserat, decreuerūt quod propter hoc à communione non cessaret: & ita cessauit illusio dæmonū. Similiter etiā præcedentes cogitationes lasciuæ, quandoq; possunt esse omnino sine

peccato,

q. iiii. art. 3.

Alias, deuotionem & orationem.

D. Thom. tert. part.

peccato, puta, cū aliquis causa le-
ctionis, vel disputationis cogitur
de talibus cogitare. Et si hoc sit si-
ne concupiscentia & delectatione,
non erunt cogitationes immundæ,
sed honestę. ex quibus tamen pollu-
tio sequi potest, sicut patet ex auto-
ritatē Aug.* supra inducta. Quan-
doq; verò præcedētes cogitationes
sunt ex concupiscentia & delecta-
tione: & si adsit consensus, erit pec-
catum mortale, si autē desit, erit ve-
niale. Similiter etiā, & causa corpo-
ralis, quandoq; est sine peccato, pu-
ta, cū est ex infirmitate naturę. Vn-
de & quidā etiā in vigilando absq;
peccato fluxum seminis patiuntur.
Vel etiā si sit ex superfluitate natu-
rę, sicut enim contingit sanguinem
fluere absq; peccato, ita & semen,
quod est superfluitas sanguinis, se-
cūdum Philosophū.* Quandoq; ve-
rò est cum peccato, puta, cū proue-
nit ex superfluitate cibi, vel potus,
& hoc etiā potest esse peccatum ve-
niale, vel mortale, licet frequētiū
peccatū mortale accadat circa tur-
pes cogitationes propter facilitatē
consensus, quā circa sumptionē ci-
bi & potus. Vnde & Greg.* scribēs
Aug. Anglorū Episcopo dicit, ces-
sandū esse à cōmunionē, quando ex
turpibus cogitationibus prouenit,
non autē quando prouenit ex super-
fluitate cibi vel potus, præsertim si
necessitas adsit. Sic igitur ex causa
pollutionis cōsiderari potest, utrū
nocturna pollutio impediat ex ne-
cessitate sumptionem huius sacra-
menti. Ex quadam verò congruen-
tia impedit quātum ad duo, quorū
vnum semper accidit, scilicet, quę-
dam foeditas corporalis, cū qua
propter reuerentiā sacramenti, nō
debet ad altare accedere (vnde &

volentes tangere aliquid sacrū, ma-
nus lauant) nisi fortē talis immūdi-
tia sit perpetuo, vel diuturna, sicut
est lepra, vel fluxus sanguinis, vel
aliquid huiusmodi. Aliud autē est
euagatio mētis, quę sequitur pollu-
tionem nocturnā, præcipuē quando
cū turpi imaginatione contingit.
Hoc tamen impedimentū, quod ex
congruitate prouenit, postponi de-
bet propter aliquam necessitatem,
puta, vt Gregor.* dicit, cū fortas-
sē, aut festus dies exigit, aut exhibe-
re ministerium pro eo quod sacer-
dos alius deest, ipsa necessitas com-
pellit.

Loco iam nunc
dicto ad inter-
rog. II. Augu-
c. II.

AD PRIMVM ergo dicendum,
quod ex necessitate quidem nō im-
peditur homo à sumptione huius
sacramenti, nisi propter peccatum
mortale, sed ex quadam conuenien-
tia potest homo impediri propter
alias causas, sicut dictum est.†

In cor. ar:

AD SECVNDVM dicendū, quod
coitus coniugalis si sit sine peccato
(puta, si fiat causa proles generadæ,
vel causa reddendi debitū) non alia
ratione impedit sumptionē huius
sacramenti, nisi sicut dictum est* de
pollutione nocturna, quæ accidit si-
ne peccato, scilicet, propter immū-
ditiam corporalē & mentis distra-
ctionē. Ratione cuius Hier.* dicit
super Matt. Si panes propositionis,
ab his qui vxores tetigerant, come-
di non poterant, quanto magis ille
panis, qui de cēlo descendit, nō po-
test ab his, qui coniugalibus paulō
ante hæere complexibus, violari,
atq; cōtingi? nō quod nuptias cōdē-
nemus, sed quod eo tempore, quo
carnes agni māducaturi sumus, va-
care à carnalibus operibus debea-
mus. Sed quia hoc secundum con-
gruitatē, & nō secundū necessitatē
est

In cor. ar:

Refertur. 33:
q. 4. c. Scitis.

In arg. 1o

Li. 1. de gener.
animaliū c. 18.
à med. & c. 19.
parā à princ.

Loco citato in
ar. 1. & 2. c. 11
& habetur 33.
q. 4. c. Vir cum
propria.

Loco citato in
argu. & habe-
tur 33. q. 4. c.
Vir cū propria.

est intelligendū, Greg. t̄dicit, quod
talis est suo iudicio relinquendus.
Si verò non amor procreāda sobo-
lis, sed voluptas dominatur in ope-
re (vt ibidem Gregor. subdit) tunc
prohiberi debet, ne accedat ad hoc
sacramentum.

In fi. registri
ad interrogat.
10. a med.

AD TERTIVM dicendū, quod
sicut Greg. * dicit in epistola supra
dicta ad August. Anglorum episco-
pū in veteri testamento aliqui pol-
luti dicebātur figuraliter, quod po-
pulus nouæ legis spiritualiter intel-
ligit. Vnde huiusmodi corporales
immunditiæ, si sint perpetuæ, vel
diuturnæ, non impediunt sumptio-
nem huius sacramenti salutaris, si-
cut impediēbāt accessum ad sacra-
menta figuralia. Si verò citò trans-
eant (sicut immunditia pollutionis
nocturnæ) ex quadam congruentia
impediunt sumptionē huius sacra-
menti, per illum diem, quo hoc ac-
cidit. Vnde & Deuter. 23. dicitur:
Si fuerit inter vos homo, qui noctur-
no pollutus sit somnio, egredietur
extra castra, & nō reuertetur prius-
quam ad vesperam lauetur aqua.

AD QVARTVM dicēdum, quod
licet per cōtritionem & confessio-
nem auferatur reatus culpæ, nō ta-
men auferitur corporalis immundi-
tia, & distractio mentis ex pollutio-
ne consecuta.

AD QVINTVM dicendū, quod
somnia homicidij non inducit
corporalem immunditiam, nec
etiā tantam distractionem mentis,
sicut fornicatio somniata propter
delectationis intentionem. Si ta-
mē somnium homicidij proueniat
ex causa, quæ est peccatum, præser-
tim mortale, impedit à sumptione
huius sacramenti, ratione sue causæ.

ARTICVLVS VIII.
Vtrum cibus, vel potus præassumptus im-
pediat sumptionem huius sacra-
menti.

AD OCTAVM sic proceditur. Vi-
detur, quod cibus vel potus
præassumptus non impediāt sum-
ptionem huius sacramenti. Hoc
enim sacramentum est à Domino
institutum in cœna. Sed Dominus
postquam cœnauit, hoc sacra-
mentū discipulis suis tradidit, sicut pa-
tet Luc. 22. & 1. Cor. 11. Ergo vide-
tur quod etiam post alios cibos as-
sumptos nos debeamus sumere
hoc sacramentum.

¶ 2. Præterea, 1. Cor. 11. dicitur:
Cum conuenitis ad manducandū,
scilicet corpus Domini, inuicē ex-
pectate, si quis autem esurit, domi
manducet. Et ita videtur quod post
quam aliquis domi manducauerit,
possit in Ecclesia corpus Christi
manducare.

¶ 3. Præterea, In cōci. Carthag.
legitur, & habetur de conf. dist. 1. *
Sacramenta altaris non nisi à ieiun-
nis hominibus celebrentur, exce-
pto vno die anniuersario, quo cœ-
na Domini celebratur. Ergo saltē
illa die aliquis potest corpus Chri-
sti post alios cibos sumere.

¶ 4. Præterea, Sūptio aquæ vel
medicinæ, vel alterius cibi, vel po-
tus in minima quantitate, vel reli-
quiarum cibi in ore manētium, ne
quæ ieiunium. Ecclesiæ soluit, neq;
sobrietatem tollit, quæ exigitur ad
hoc quod aliquis reuerenterumat
hoc sacramentum. Ergo per prædi-
cta nō impeditur aliquis à sumptio-
ne huius sacramenti.

¶ 5. Præterea, Quidam de nocte
profunda comedunt, aut bibunt, &
forte

Inf. art. 9. cor.
Et 2. 2. q. 174.
art. 6. ad 2. Ep
4. d. 8 q. 1. ar.
4. q. 1. & 2.
Et 1. co. 11. lec.
4. co. 4.

In conc. 2. Car-
tha. can. 29, &
habetur de con-
sec. d. 1. c. Sacra-
menta altaris.

D. Thom. tert. part.

fortè totam noctem infomnem ducentes, de mane percipiunt sacra mysteria nōdum plenè digesti. Minus autem impediretur sobrietas hominis, si in mane parum comederet, & postea circa nonam sumeret hoc sacramentum, cū etiā sit quandoq; maior distātia temporis. Ergo videtur, quod talis cibi præassumptio non impediat hominem ab hoc sacramento.

¶ 6. Præterea, Non minor reuerentia debetur huic sacramento iā sumpto, quā ante sumptionē. Sed sumpto sacramento licet cibū, aut potum sumere. Ergo & ante sumptionem.

SED CONTRA est, quod Aug. * dicit in lib. respōsionum ad Ianuarium, Placuit Spiritui sancto, vt in honorem tanti sacramenti, prius in os Christiani corpus Dominicum intraret, quā cæteri cibi.

RESPONDEO dicendum, quod aliquid impedit sumptionem huius sacramenti dupliciter. Vno modo secundum se: sicut peccatum mortale, quod habet repugnantiam ad significatum huius sacramenti, vt supra dictum est *. Alio modo propter prohibitionē Ecclesiæ. Et sic impeditur aliquis à sumptione huius sacramenti post cibum & potū assumptum, triplici ratione. Primò quidem, sicut Aug. † dicit in honorem huius sacramenti, vt scilicet in os hominis intret, nondum aliquo cibo, vel potu infectum.

Secundò propter significationē, vt scilicet detur intelligi, quod Christus (qui est res huius sacramēti) & charitas eius, debet primò fundari in cordibus nostris, secundum illud Matth. 6. Quærite primum regnum Dei. Tertiò, propter pericu-

lum vomitus & ebrietatis, quæ quādoq; cōtingunt, ex hoc quod homines inordinatè cibis vtūtur, sicut & Apostolus dicit 1. Corin. 11. Alius quidem esurit, alius autem ebrius est. Ab hac tamen generali regula excipiuntur infirmi, qui statim cōmunicandi sunt etiam post cibum, si de eorum periculo dubitatur, ne sine communione decedant: quia necessitas legem non habet. Vnde dicitur de cons. * dist. 2. Presbyter infirmum statim communicet, ne sine communione moriatur.

AD PRIMUM ergo dicendum, quod sicut Aug. * in eodē lib. dicit: Neq; quia post cibos Dominus dedit, propterea prāsi, aut cœnati fratres ad hoc sacramentum accipiendum cōuenire debent, aut mensis suis miscere. sicut faciebant quos Apostolus arguit & emēdat. Nāq; Saluator, quo vehementius cōmendaret mysterij illius altitudinē, vltimum hoc voluit arctius infigere cordibus & memoriæ discipulorū. Et ideo nō præcepit, quod deinceps tali ordine sumeretur, vt Apostolis, per quos Ecclesias dispositurus erat, seruaret hunc modum.

AD SECUNDUM dicendum, quod illud verbum in glos. sic exponitur: † Si quis esurit, & impatiens non vult expectare alios, māducat domi cibos suos, id est, pane terreno pascatur, nec post Euchariſtiamumat.

AD TERTIUM dicendum, quod capitulum illud loquitur secundum consuetudinem aliquando apud aliquos obseruatam, vt in representationem Dominicæ cœnæ illo die à non ieiunis corpus Christi sumeretur. Sed nunc hoc abrogatum est, nam sicut August. * in lib. prædicto dicit:

De cōf. 1. 2. ca. Presbyter.

Epi. 118. c. 6. in med. tom. 2.

Epist. 118. ca. 6. ante med. to. 2.

Ar. præced. q. 4. huius q.

Epi. 118. ca. 6. ante med. to. 2.

Ex glo. inter libri colligatur.

In epi. 118. c. 6. ante med. to. 2.

dicat, per vniuersum orbem mos iste seruatur, vt scilicet corpus Christi à ieiuniis sumatur.

2. 2. q. 147.
ar. 6. ad 2.
arg.
In cor. ar.
A D Q V A R T V M dicendū, quod (sicut in secūda parte habitū est*) duplex est ieiunium. Primum est ieiunium naturæ, quod importat priuationem cuiuscunque præassumpti per modum cibi vel potus, & tale ieiuniū requiritur ad hoc sacramentū propter prædicta.* Et ideo neque post assumptionem aquæ vel alterius cibi aut potus, vel etiā medicinæ, in quantumcumque parua quantitate, licet hoc sacramentum accipere. Nec refert utrū aliquid huiusmodi nutriat vel non nutriat, aut per se, aut cum aliis, dummodo sumatur per modum cibi vel potus. Reliquiæ, tamen cibi remanentes in ore, si causaliter transglutiantur, non impediunt summptionē huius sacramenti, quia non trahuntur per modum cibi, sed per modum saluæ. Et eadem ratio est de reliquiis aquæ vel vini, quibus os abluitur, dummodo non trahantur in magna quāritate, sed permixtæ saluæ, quod vitari non potest. Aliud autem est ieiunium Ecclesiæ, quod instituitur ad carnis macerationem. Et tale ieiunium per prædicta non impeditur, quia prædicta non multū nutriunt, sed magis ad alterandum sumuntur.

A D Q V I N T V M dicendū, quod cum dicitur, quod hoc sacramentum prius, quàm alij cibi, debet in os Christiani intrare, non est intelligendum absolutè respectu totius temporis: alioquin qui semel comisset vel bibisset, nunquam posset postea hoc sacramentum accipere, sed est intelligendum quantum ad eundem diem. Et licet princi-

pium diei secundum diuersos diuersimodè sumatur, nam quidam à meridie, quidam ab occasu, quidam à media nocte, quidam ab ortu solis, diem incipiunt: ecclesia tamen Romana diem à media nocte incipit. Et ideo si post mediā noctē aliquis sumpserit aliquid per modum cibi vel potus, nō potest eadem die hoc sumere sacramentum: potest verò, si ante mediam noctem: Nec refert utrum post cibum vel potum assumptum dormierit, aut etiā digestus sit, quantum ad rationem præcepti: refert autem quantum ad perturbationem mentis, quam patiuntur homines propter insomnitatem vel indigestionē. Ex quibus si mēs multum perturbetur, homo redditur ineptus ad summptionem huius sacramenti.

A D S E X T V M dicendum, quod maxima deuotio requiritur in ipsa summptione huius sacramenti, quia tunc percipitur sacramenti effectus, quæ quidem deuotio magis impeditur per præcedentia, quam per sequentia, & ideo magis est institutum quod homines ieiunēt ante summptionem huius sacramenti, quam post. Debet tamen esse aliqua mora inter summptionem huius sacramenti & reliquos cibos. Vnde & in Missa, oratio gratiarū actionis post communionem dicitur, & communicantes etiam suas priuatas orationes dicunt. Secundum tamen antiquos canones statutum fuit à Papa Clemente (vt habetur de consecr. dist. 2. *) Si mane Dominica portio editur, vsque ad sextam ieiunēt ministri, qui eam sumpserunt, & si 3. vel quarta hora acceperint, ieiunent vsque ad vesperrum. Antiquitus enim rarius Mis-

Oo farum

De consecr. d. 2.
c. Tribus gradibus.

farum solennia celebrantur, & cū maiori pręparatione, nunc autem qui oportet frequentius sacra mysteria celebrare, non posset de facili obseruari, & ideo per cōtrariam consuetudinem est abrogatum.

ARTICVLVS IX.

Virum non habentes vsum rationis, debeant suscipere hoc sacramentum.

4.d.3.ar.5.q.
3.¶ 4. & d.
23.q.2.ar.2.
¶ 4. cor. & lo.
6.lect.7. co. 1.

AD nonum sic proceditur. Videtur, quod nō habētes vsum rationis, non debeant hoc sacramētum suscipere. Requiritur enim quod aliquis ad hoc sacramentum cum deuotione, & pręcedenti sui examinatione accedat, secundum illud 1. Cor. 11. Probet seipsum homo, & sic de pane illo edat, & de calice bibat. Sed hoc nō potest esse in his, qui carent vfu rationis. Ergo non debet eis hoc sacramentum dari.

6.3.Eccle.hie.
par.3.

¶ 2. Pręterea, Inter alios qui carent vfu rationis, sunt etiam arreptitij, qui energumeni dicuntur. Sed tales etiam ab inspectione huius sacramenti arcentur, secundum Dionys. * in lib. Eccl. Hierarc. Ergo carentibus vfu rationis, hoc sacramētum dari non debet.

¶ 3. Pręterea, Inter alios carentes vfu rationis, maximē pueri videntur esse innocentes. Sed pueris hoc sacramentum non exhibetur. Ergo multo minus aliis carentibus vfu rationis.

In Arausica-
no Conc. can. 3
habetur de cō-
sec. d. 2. c. Qui
procedunt.

SED CONTRA est, quod legitur in Concilio Arausicano* (& habetur in Decret. 26.q.6.c. qui recedunt.) Amentibus, quęcunq; pietatis sunt, conferenda sunt. Et ita est eis conferendum hoc sacramentum, quod est sacramentū pietatis.

RESPONDEO dicendum, quod aliqui dicuntur non habere vsum rationis dupliciter. Vno modo quia habent debile vsum rationis, sicut dicitur non videns, qui male videt. Et quia tales possunt aliquam deuotionem huius sacramenti concipere, non est eis hoc sacramentum denegandum. Alio modo dicuntur aliqui non habere totaliter vsum rationis. Aut igitur nunquam habuerunt vsum rationis, sed sic à natiuitate permanserunt. Et sic talibus non est hoc sacramentum exhibendum, quia in eis nullo modo pręcessit huius sacramenti deuotio. Aut non semper caruerunt vfu rationis & tunc si prius, quando erant compotes suę mentis, apparuit in eis deuotio huius sacramenti, debet eis in articulo mortis hoc sacramentū exhiberi, nisi fortē timeatur periculum vomitus vel expuitionis. Vnde in Concilio Carthaginensi legitur * (habetur in Decret. 26.q.2. is qui in infirmitate si poenitētiā petit, si casu, dum ad eum sacerdos inuitatus venit, oppressus infirmitate obmutuerit, vel in phrenesim conuersus fuerit, dent testimonium, qui eum audierunt, & accipiat poenitentiam, & si continuō creditur moriturus, reconcilietur per manus impositionem, & infundatur ori eius Eucharistia.

In Conc. 4. Car-
thag. c. 76. &
habetur 26.q.2
6.ca. 1. qui in
infirmitate.

AD PRIMUM ergo dicendum, quod carentes vfu rationis possunt deuotionem ad sacramētum habere, quantum ad aliquos quidē pręsentem, quantum ad alios autem pręteritam.

AD SECUNDUM dicendum, quod Dion. * loquitur ibi de energumenis nondum baptizatis, in quibus scilicet, nondum est vis demonis

Loco citato in
arg.

damonis extincta, quæ viget in eis per originale peccatum. Sed de baptizatis, qui corporaliter ab immundis spiritibus vexantur, est eadem ratio, & de aliis amentibus. Vnde Cassianus dicit, Eis qui ab immundis vexantur spiritibus, communio nem sacrosanctam à senioribus nostris nunquam meminimus interdiciam.

AD TERTIUM dicendū, quod eadem ratio est de pueris recenter natis, & de amentibus, qui nunquā habuerunt vsum rationis, vnde talibus non sunt sacra mysteria danda. Quamuis quidam Græci contrariū faciant, propter hoc quod Dion. 2.

Cap. 2. in par.
2. in fin.

* Cælest. hierar. dicit, baptizatis esse sacram communionem dādam, non intelligentes quod Dion. ibi loquitur de baptismo adultorū. Nec tamen per hoc aliquod detrimentum vitæ patiuntur, propter hoc quod Dominus dicit, Ioann. 6. Nisi manducaueritis carnem filij hominis, & biberitis eius sanguinem, nō habebitis vitam in vobis, quia sicut Augst. * scribit Bonifacio: Tunc vnusquisque fidelium, corporis & sanguinis Domini particeps fit, scilicet spiritualiter, quando in baptismo mate membrum corporis Christi efficitur. Sed quando iam pueri incipiunt aliqualem vsum rationis habere, vt possint deuotionem concipere huius sacramenti, tūc potest eis hoc sacramentum conferri.

Refertur de cō
sec. d. 4. c. Nul
li.

Sententiæ & Conclusiones quæst.

Prima cōclusio: Licet peccator indignus sumens Eucharistiā, nē peccatus peccati mortalis, de quo non est contritus, graue peccatum committat, & nō omnium grauissimum: sacerdos tamen peccatori petenti & occulto negare non

potest, publico potest & debet.

Ratio primi: Quia is peccator sacrilegium committit, cū significet se Christo vniri per sumptionem, cui tamen vniri nolit propter affectum peccati.

Ratio secundi: Quia ex obiecto grauius peccatū est blasphemiam & infidelitas

Ratio tertij: Quia Christianus iure petit hoc sacramentum, & occultus peccator detegendus non est: & publicus prius poenitere tenetur.

Secunda conclusio: Nocturna pollutio, cibus & potus præassumptus, amicitia, sunt aliquando impedimenta sacrae communionis, aliquando non sunt: quod ex sequenti disputatione apertissime constabit.

COMMENTARIVS.

IHæc igitur est necessaria præparatio ad dignā Eucharistiæ sumptionem, recta fides de omnibus credendis, & specialiter de hoc sacramento, nullius peccati mortalis consciētia: quia hoc modo cibus eucharisticus discernitur ab aliis cibis prophanis, vt D. Paulus præcepit: in peccato autē mortali continetur etiā nocturna pollutio, si ex causa mortali prouenerit, potest enim ex veniali tantū aut nulla culpa prouenire: quibus modis non necessario, sed ex quadā decetia impedit, nisi ex impugnatione demonis volentis prohibere sumptionē huius sacramenti, contingat: vt de quodā monacho in collationibus Patrum, apud Cassianū legitur. Ratio illius decetie est euagatio mentis, & foeda cogitatio, quæ ex nocturna pollutione excitari solet, atq; etiā fœditas, & immundities corporis, qua etiā ratione voluerūt Patres, vt debitum coniugale prestitum impediret sumptionem huius sacramenti, etiā si contingeret sine peccato, vt ostendit D. Hieron. in Matth. ex panibus propositionis veteris test. quos manducare non poterāt, qui vxores tetigerāt. quod si ex necessitate præcepti aliquis ad sumptionem huius sacramenti teneatur, vt sacerdos ex debito pastoralis officij sacrificaturus, vel laicus in Pascha te communicaturus, vel imminente probabili mortis periculo, non debent propter

Preparatio ad
sumptionē Eu-
charistia ex de-
cetia quadā

Infra cum dis-
seritur de effe-
ctibus huius sa-
cramenti, exa-
minatur, an de-
uotio & dilec-
tio actualis sit
necessaria præ-
paratio ad con-
sequendum ef-
fectus huius sa-
cramenti.

Commen.in D.Tho.tert.part.

huiusmodi decentiam, quæ in se aut nullū aut veniale peccatum est, à sacra communione abstinere, vt colligitur ex D. Gregorio in Epist. ad Augu. Anglorū Episcopū.

*Impedimenta
sacrae commu-
nionis.*

2 Impedit etiam necessariū sumptionē huius sacramenti, cibus aut potus præassumptus, ex præcepto Ecclesiastico. est enim ab Ecclesia præceptum (quod olim non fuit in vsu, cum plerique semper post coenam ex imitatione Domini communicarent: quidā in die anniuersario, quo cœna Domini celebratur,) vt sacra communio à ieiunis naturæ ieiunio, vt loquuntur, tantum sumatur. ieiunium autem Ecclesia computat quotidie à media nocte, in alterius diei mediā noctē, & ideo indigestio, aut infomnem fuisse, ex necessitate præcepti, Eucharistiæ sumptionem non impedit: quare nulla vrgens necessitas debet impellere sacerdotem, ad conficiendum hoc sacramentum post prandiū. Et quia sumptio cibi aut potus impedit eodē die sumptionem sacramēti huius, reliquæ cibi aut aquæ & vini assumptæ non impediunt, quia non ad modum cibi aut potus, vt cum saluā deglutimus, vel os abluimus. Quin etiam post sumptam Eucharistiā debet aliqua mora intercedere, ad refectiōnem vique corporalem: nō quidem ex necessitate alicuius præcepti, sed ex reuerentia corporis Domini assumpti, & proinde in Missæ celebratione post communionē dicuntur quædam orationes, quas etiam in more habent omnes laicē communicantes.

Amentia

3 Hinc etiam amentibus, qui nunquam habuerūt vsum rationis, vel si aliquādo cū haberent, non erat in eis huius sacramenti deuotio, etiā in periculo mortis non debet dari hoc sacramentū: illis quidem, quia cibum Eucharisticum ab aliis discernere nō possunt: his autē propter periculū indignæ sumptionis, quod si in his deuotio præcesserit, conferendum est hoc sacramentū in periculo mortis imminenti, nisi probabiliter timeatur vomitus aut expuitionis periculū. Sic definit Concil. Carthagin. vt refertur 26. q. 2. de his, qui in ægitudine obmutuerint, vel in phrenesim inciderint, si deuotionis illius ad hoc sacramentum, & pœnitentiæ dederint testimoniū n, qui eum audierunt. Itaque si constet de signis contritionis & deuotionis huius sacramenti, etiā si ægrotus non fuerit sacramentaliter confessus, neque possit confiteri, recipiet tamen

sacram Eucharistiā. an verò sacramentaliter sit absolueundus, ad doctrinā de sacramento Pœnitentiæ, definire pertinet. & constat sine cōfessione alicuius peccati venialis aut mortalis voce aut signo expressā, impendi non posse sine magno sacrilegio sacramentalem absolutionē: cum non possit forma sacramentalis coniungi, nisi propriæ materiæ: sacramenti autem Pœnitentiæ materia, sunt peccata confessā, contrita & satisfactioni exposita. Satis autem fuerit in discrimine & periculo mortis constitutis, aliquod peccatum confiteri veniale aut mortale, vt plena ab omnibus peccatis absolutio conferatur, si cætera confiteri non possint. Eadem ratio seruari debet in paruulorum cōmunicatione ante vsum rationis, ne illis scilicet detur sacra Eucharistia, nisi ea ætate & iudicio, qua possint cibum hūc sacramentalem ab aliis cibis discernere, vt præcepit D. Paulus. iudicium autem de hac ætate, quæ non est in omnibus eadem, prudenter fieri debet à parentibus & confessariis, quibus ingenia & mores puerorum notī & explorati esse debēt.

Actus paruulorum.

4 Ab hac regula & præcepto Ecclesiastico, de ieiunio necessario ante sumptionem Eucharistiæ, excipiuntur ægroti, qui statim cōmunicandi sunt etiam post cibum aut potum, si de eorum periculo dubitatur, ne sine viatico decedant: quia maior est obligatio & necessitas præcepti de sumendo hoc viatico, quam præcepti Ecclesiastici de huiusmodi ieiunio: sic præceptum est de conf. d. 2, presbyter infirmum statim communicet, ne sine cōmunionē moriatur. Existimat autem D. August. epist. 118. cap. 7. ex traditione Apostolica dimanasse, non nisi ieiunos admittendos esse ad sacram communionem, & veteres quidam triduanum ante ieiunium requirerebant. Neque enim quia post cibos Dominus dedit, propterea pransi aut cœnati fratres ad hoc sacramentum accipendum conuenire debent, aut mensis suis miscere, sicut faciebant, quos Apostolus arguit & emendat. namque saluator, quo vehementius commendaret mysterij illius altitudinem, vltimum hoc voluit infingere cordibus, & memoriæ discipulorum: & ideo non præcepit quod tali ordine deinceps sumeretur, vt Apostolis, per quos Ecclesias dispositurus erat, seruaret hunc locum. In antiquis etiam longior

De ieiunio præcedente & sequente sacram communionem apud antiquos

mora

*De infantum
communione.*

mora intercedebat, post sumptam Eucharistiam, ad corporalem refectionem, quam modo sit in usu. Statutum enim legimus à Clemente Papa, de cons. d. 2. vt qui mane Dominicam portionem ederent, vsque ad sextam ieiunent: qui autem tertia vel quarta hora, ieiunent ad vespertum. Olim præterea multis fuit in usu infantes communicare, vt constat de temporibus Dionysij Areopagitæ, cap. 7. Eccles. Hier. & Cypriani serm. 5. de lapsis, atque etiam Augustini. Græci quidam & Armeni, vt D. Thomæ & Vvaldensi placet, id necessarium iudicauerunt ad salutem infantum, quod & Boemi Hussitæ in hunc diem sequuntur: & ideo pane & vino temperatam Eucharistiam paruulis administrant, ex illo testimonio Ioann. 6. decepti, nisi manducaueritis carnem filij hominis, & biberitis eius sanguinem, non habebitis vitam in vobis. Sed de legitimo sensu huius loci, & sententia D. Augustini de paruulorum communione, dictum est à nobis supra, cū responde remus ad obiectiones aduersariorum contra realem Christi præsentiam.

5. Antiquitas tamen, quæ communicauit infantes, nunquam existimauit hanc communionem esse illis ad salutem necessariam, vt definiuit Conc. Trid. sess. 21. c. 4. & ideo Can. 4. eiusd. sess. anathemate damnat asserentes, paruulis, antequam ad annos discretionis peruenerint, necessariam esse Eucharistiæ communionem. Aliam itaque sanctissimi illi Patres sui facti probabilem causam pro illorum temporū ratione habuerunt, vt dicitur eod. c. 4. vel quia incredibiliter affecti dulcedine illius cibi, nolebant paruulos propter innocentiam ex baptismo vere mundos, maiore gratia sacramentali carere, quam ex sacra communione proculdubio perciperent: sicut & nunc, si aliquis minister, vel sua, vel Ecclesiæ voluntate vellet administrare, vel vt suos à mensa demoniorum abduceret: quia tunc temporis partē idolothytici, etiam infantibus in os, impij ingerebant. Iustiores tamen & maiores causas, tum ex natura sacramenti & reuerentia, tum ex longiori rerum Christianarum obseruatione, secuta est nostra Ecclesia, quæ aliquot sæculis vetuit dari infantibus: morionibus aut infans; aliisque similibus, qui aut se dignè probare, aut corpus Domini rectè iudicare non possunt. Sacra etiā scriptura magis prohibet, quam præcipit

communione infantum: tum quia in his elementis hoc sacramentum instituit, quæ recens nati magna ex parte percipere non possunt: tum quia probare se non possunt, vt sic de illo pane edant, vt scriptum est, 1. Corinth. 11. & præsertim, quia non indigent eo cibo, quibus spiritualis virtutis nihil ex carnis & spiritus pugna perit, quod sumptione sacri cibi reparandum sit.

6. De peccato autem accedentium ad hoc sacramentum indignè, hoc est, cum conscientia peccati mortalis, vel cum tanta negligentia in probatione sui, vt non poenitere de peccato sibi imputari possit, grauissima est illa sententia D. Pauli proposita, iudicium sibi manducat & bibit. vnde colligunt omnes Patres & Theologi, esse grauissimum peccatum sacrilegij, quia res sacratissima prophanatur, & sic indignè sumens mendacem se Christo Domino exhibet, dum ipsa sumptione, se per hoc sacramentum velle vniri & incorporari Christo profitetur, interius tamen, peccatum, cuius sibi conscius est, eidem vnioni præfert: cum repugnet Christi membrum esse, & in peccato mortali perseverare. & idcirco veteres Patres hoc peccatum, peccato quidem crucifigentium Christum comparauerunt: quia vtrumque in ipsum corpus Christi sanctissimum committitur: sed hoc longè grauius est, quia in ipsum Christum in propria specie, ex nocendi intentione commissum esse constat. hoc sensu accipienda sunt Patrum de hac re testimonia. Cyprianus de lapsis inquit, vis infertur corpori eius & sanguini, & plus modò in Dominum, manibus atque ore delinquant, quam cum Dominum negauerunt. Basil. lib. 2. de baptismo, cap. 3. ita ad sancta accedamus, vt iudicium eorum, qui Dominum occiderunt, sumamus; propterea quod quisquis ederit panem & biberit poculum Domini indignè, iudicium sibi manducat & bibit. Chrysostomus. Homil. 45. in Ioan. & 61. ad populum Antiochi. qui immunda conscientia corpus Domini accipiunt, idem supplicium subeunt, quod qui eum clavis cruci affixerunt. Similiter Theodoretus exponit illud, 1. Corinth. 11. reus erit corporis & sanguinis Domini: vt enim Iudas tradidit ipsum, & ipsi insultarunt, opprobriis & conuiciis affecerunt Iudæi, ita cum ignominia & dedecore afficiunt, qui sanctissimū eius corpus immundis manibus accipiunt,

Peccatum indignè accedentis ad sacramentum Eucharistiæ.

3. p. q. 80. ar. 4. & 5.

Ex Patribus

*Infantibus quæ
re prohibita
sacra communio.*

Commen.in D.Tho.tert.part.

& in pollutum & in cestum os immittunt. plurima alia huius generis leguntur in Patribus, quæ omnia significant, & crucifixo res Christi, & indignè sumentes sacram Eucharistiam in ipsummet Christi corpus peccare: quamuis illi, vt ostensum est, grauius peccent.

Ex obiecto.

7 Quod si ex obiectis, vt oportet, grauitatem peccatorum expendamus, blasphemiam in ipsam diuinitatem, omnium grauisimum est; deinde in ipsam Christi humanitatem, tertio in ipsa sacramenta, quæ virtutem Christi nobis communicant. quare qui indignè sumit sacram Eucharistiam, per se his modis videtur peccare, cum ea verum Christi corpus contineat, in ipsa verbi diuini persona subsistens. Habet etiã hoc peccatũ & illud grauius cæteris, quod licet omnia charitatem violent, hoc tamẽ specialius, quia in ipsummet charitatis & vnionis Christiane signum efficax; & ideo si quis cũ peccato infidelitatis implicatur, hoc sacramentum sumit, grauisimè peccat: quia infidelitas omnino separat hominem ab vnitate Ecclesiæ, quam tamẽ vnitatem hoc sacramentum perficit. infidelis autem vt hæreticus, ineptum maximè se constituit ad participationem huius vnitatis, præsertim si non credat Christum verè præsentem esse in hoc sacramento. Vnde qui ipsum bestiis conculcandum & comedendum, vel in locum immundum pedibus conterendum exponeret, omnium grauiusimè peccaret in hoc sacramentum: & multò grauius quàm indignè sumentes: quia hæc omnia ex intentione inferendi iniuriam sacramento deriuantur. Ex cæteris autem peccatis; hoc habet fornicatio, & omnis immundicia proprium, quod ex spiritu carni subiecto reddit hominem valde ineptum, ad innouationem spiritus, quæ hoc sacramento, cohibitis carnis immoderatis perturbationibus, perficitur.

Preparatio ad digniorem sacramenti sumptionem.

8 Sed hætenus de præparatione necessaria ad dignam huius sacramenti sumptionem, quæ solum impeditur necessariò conscientia peccati mortalis. Est alia præparatio ad melius percipiendum fructum huius sacramenti: cuius contemptus paulatim solet deducere ad indignam illam sumptionem. expedit igitur per pias meditationes & preces, ad hoc tantum sacramentum seipsum præparare: attenta præsertim consideratione charitatis Christi, qua seip-

sum in mortem, sacrificium, & cibum dedit: vt eidem arctissima quadam vnione copulati, eius membra effecti, vitam & sanctitatem capitis nostri semper representaremus. Hinc est, quod olim Ecclesia decreuit, dæmoniacos & publicè penitentes, nunc etiam publicos vsurarios, meretrices, histiones, omnesque excommunicatos arcere à sacra cõmunione. Publicos autem dico peccatores, quia occultos admonere poteris & debes vniuersaliter, ne crimen detegatur, ne ad sui perniciem accedant. repellere tamen non licet, quoniam ex baptismo suscepto ius habet petendi, & sacerdos repellendi vim non habet, nisi ex crimine mortali, quod tamen quandiu occultum est, ex iure naturæ detegi non potest. repellitur igitur sine detecciónem criminis secreta admonitione, precibus, suasionem. in publico autem conuentu, & sacramenti administratione publica repelli non potest, & parochus ipsi petenti etiã soli, ex debito pastoralis officij negare non potest: alius sacerdos, quia non tenetur, negare poterit. euidenti autem & publico peccatori etiã parochus negare tenetur: tum ne mini strando fiat particeps criminis indignè sumentis, tum etiã vt sit fidelis sacramentorũ dispensator, iuxta præceptum Dñi, qui indignos prohibuit suo præcepto & admonitione à sacra cõmunione: Iudam tamen publicè non prohibuit, si vera est sententia asserentium, cum sacris mysteriis in vltima cœna, cum cæteris Apostolis participasse.

9 Quis autem sit publicus peccator, si quis erret, sic intelligendum est. publicũ in iure, idem est quod notorium. hoc autem à fama & manifesto sic distinguunt iuris pontificij doctores, vt fama sit illæ dignitatis status, moribus & vita comprobatus: manifestum autem quod ex scientia & certo autore procedit, & probari potest. Notoriũ autem facti duplex est, vel facti, quod ita in oculos omnium vel plurimum incurrit, vt nulla tergiuerfatione celeri possit: vel facti, quod indicatum est & conuictum in iudicio: quodue aliquis in eodem confessus est. Est etiam notorium, quod secundum iurispræsumptionem cõuincitur, vt paternitas, filiatio. in notorio facti, plures illos certo numero personarũ describunt: sed certè id potius debet expendi iudicio prudentis iuxta populi frequentiam, & rei vel criminis manifestacionem.

Sacra cõmunio quibus ab Ecclesia interdicitur.

De cõf. d. 2. 2. pro dilectione tua, & c. non prohibeat.

De peccatore, accedente ad sacram cõmunione.

Peccator publicus.

c. vestra de co hab. cleric. verbo notorium. c. tua nos, & c. quæstion.

Q. 82. ar. 9.
Sectio 3. p.

Omnes Theolo
g. 4. d. 9.

Ser.

Alen. 4. q. 49
memb. 2. ar. 1.
Ricard. 4. d. 9.
ar. 6. q. 3.

An peccatum
veniale effectū
huius sacramē-
ti impedire pos-
sit.
3. p. q. 79. ar.
3.

nem. D. Thomas, utitur regula & verbis iuris, ut id dicatur publicum & notorium, quod nulla tergiversatione celari possit propter facti euidentiam. quamobrem crimen aut factum testibus probari posse, autrumore & infamia diuulgatum esse, non facit peccatorem publicum vel notorium: sed ius tantum inquisitionis tribuit, ut is qui laborat infamia, vel conuincatur, vel purgetur, ut constat ex titulo depurgat. can. quamuis autem non faciat contra iustitiam, qui confessum aut conuictum de crimine in iudicio, alibi ubi illud notum non est, diuulgat, quia iuste priuatus est bono nomine, & ideo non tenebitur sic diuulgans ad restitutionem: facit tamen contra charitatem, quia fieri potest ut sic conuictus respiciatur: sed neq; faceret contra iustitiam, qui non conuictum iudicio, sed euidētia facti, alibi diuulgaret. Et ideo hic videtur à sacris repelli non posse quibusdam, eo loco ubi factum & crimen non est euidentis: quod si crimen alibi euidentis est, vel ubi notum non est, poenitentia non sit emendatum, & sit contagiosum, videtur ob eam causam plerisque à sacris repellendus: sed aliis non videtur, hoc secundum.

10 Concludamus igitur publicos peccatores vel euidētia facti, vel iuris, à sacra mensa repellendos esse, donec publicè satisfecerint toti populo, quem malo exemplo offenderant, & omne scandalum vitetur. Sit autem satisfactio secundum iuris regulas, non autem his, qui iure prohibentur modis, ut constat ex titulo de purgato. neque vnquam detur publico peccatori hostia non consecrata pro consecrata tum quia peccatum sumētis indignè, non prohibetur: tum quia erit occasio idololatriæ, cū adoretur prius Eucharistia, quam sumatur ex veteri more Ecclesiæ. Quod autē dictū est de peccatore publico expellēdo à sacra cōmunionē, idē intelligatur de publicè suspecto de mortali crimine: non quidē suspicionē temeraria, nec ut cumq; probali, sed quæ dicitur violenta & maximè conuincēs.

11 Hec de peccato mortali, quod absolute indignum constituit eū, qui ad hoc sacramentū accedit. de peccato veniali dubitatio est, non quidē de preterito, quod multis modis expiari potest, & sola deuotione & feruore charitatis, quo accedētes ad hoc sacramentū incenduntur, expellitur, sed de presenti, quo nempe inficitur accedens, cū

vel ex negligentia, vel mentis euagatione non accedit attēte ad sacra mensam, sicuti decebat. Est autem non leuis illa ratio dubitandi, quod idem actus humanus simul esse bonus & malus in eodē, aut meritorius & demeritorius non potest, ut ostensum est. 1. 2. q. 20. ar. 6. bonus autē actus non potest esse, qui non benè sit secundū omnes circumstātiās: quod si actus accedētis ad sacra mensam, peccato veniali inficitur, non bene sit, ut cōstat: quare bonus esse non potest aut meritorius, & ex consequenti peccatū veniale impedit effectū huius sacramēti, nēpè gratiæ infusionē. Et certè si peccatū veniale sit ex fine illicito actionis, ut vanagloria, dubium esse non potest, quin illi actioni nullum premiū respondere possit, & idcirco neque gratia, cui primum gloriæ necessariò respondet, cū eidem potius respondeat supplicium, sicut scriptū est. Matt. 6. attendite ne iustitiā vestram faciatis corā hominibus, ut videamini ab eis, alioquin mercedē non habebitis. Si verò ex affectu charitatis illa actio procedat, & propter bonum finem, sed ex negligentia vel mentis distractione adiungatur peccatum veniale, melioribus Theologis visum est, non esse impedimentum gratiæ sacramentalis & habitualis, licet actualis illa refectio spiritalis, ex feruore charitatis proueniēs, peccato veniali ut sibi cōtrario extincta, sentiri non possit. itaq; sic accedens augmentum gratiæ recipiet, non autem actualē charitatis dulcedinem: quoniā peccatum veniale actuali charitatis feruori contrariū est, non autē gratiæ & charitati habituali, & cōstat nullum contrariū expelli nisi à suo contrario. Idem etiā confirmari potest ex efficacia sacramēti. non enim hæc gratia habitualis sic accedenti confertur ex opere operantis, sed ex opere operato, id est virtute sacramēti, cui peccatum veniale non opponit obicem, sicut etiam accedens ad baptismum propter vanam gloriā, quæ sit peccatū veniale, nihil omnino ex ea meretur apud Deum, ut ex verbis Dñi probatū est, recipit tamē effectū sacramēti, & regneratur, quia hic effectus non repugnat peccato veniali: cū solum mortale efficaciam sacramēti impedire possit. de quo erit propria consideratio in doctrina de effectibus huius sacramēti: sed prius, posita præparatione sumptionis sacramentalis, de eadem sumptione nobis differendum est.

D. Th. ar. dist.
to, dissentienti-
bus Bonau. Du-
rando, Pa'uda
no, 4. d. 12. &
Caietano.

ARTICVLVS. X.

*Utrum liceat quotidie hoc sacramen-
tum suscipere.*

4. d. 12. q. 3.
ar. 1. Et 1. Cor.
11. 16. 7. co. 5.

AD decimum sic proceditur
Videtur, quod nō liceat quo-
tidie hoc sacramentum suscipere.
Sicut enim baptismus repræsentat
Dominicam passionem ira & hoc
sacramentum. Sed non licet pluries
baptizari, sed semel tantum, quia
Christus semel tantum pro pecca-
tis nostris mortuus est, vt dicitur
1. Petr. 3. Ergo videtur quod non li-
ceat hoc sacramentum quotidie
suscipere.

2. 73. ar. 6.

¶ 2. Præterea, Veritas debet re-
spondere figuræ. Sed agnus Pascha-
lis, qui fuit figura præcipua huius
sacramenti (vt supra dictum est*)
non manducabatur nisi semel in an-
no. Semel etiam in anno Ecclesia
celebrat Christi passionem, cuius
hoc sacramentum est memoriale.
Ergo videtur quod non liceat quo-
tidie sumere hoc sacramentum, sed
solum semel in anno.

¶ 3. Præterea, Huic sacramento,
in quo totus Christus continetur,
maxima reuerentia debetur. Ad re-
uerentiam autem pertinet, quod ali-
quis ab hoc sacramento abstineat.
Vnde & laudatur Centurio, qui di-
xit Matth. 8. Domine non sum dig-
nus, vt intres sub tectum meum: &
Petrus, qui dixit Luc. 5. Exi à me,
quia homo peccator sum, Domi-
ne. Ergo nō est laudabile, quod ho-
mo quotidie hoc sacramentum
suscipiat.

¶ 4. Præterea, Si esset laudabile,
frequenter hoc sacramentum acci-
pere, quantò frequentius sumere-
tur, tanto esset laudabilius. Sed ma-
ior esset frequentia, si homo plu-
ries in die sumeret hoc sacramen-

tum. Ergo esset laudabile, quod ho-
mo pluries in die communicaret.
Quod tamen non habet Ecclesiæ
consuetudo. Nō ergo videtur esse
laudabile, quod aliquis quotidie
hoc sacramentum accipiat.

¶ 5. Præterea, Ecclesia intendit
suis statutis fidelium vtilitati proui-
dere. Sed ex statuto Ecclesiæ fide-
les tenentur solum semel commu-
nicare in anno, vnde dicitur * extra
de pœnit. & remis. Omnis vtriusq;
sexus fidelis suscipiat reuerenter,
ad minus in Pascha Eucharistiæ sa-
cramentum, nisi fortè de proprii sa-
cerdotis consilio ob aliquam ratio-
nabilem causam, ad tēpus ab eius
perceptione duxerit abstinendum.
Non ergo est laudabile, quod quo-
tidie hoc sacramentum sumatur.

SED CONTRA est, quod Aug.
* dicit in lib. de verbis Domini: Iste
panis quotidianus est, accipe quo-
tidie, vt quotidie tibi prosit.

RESPONDEO dicendum, quod
circa vsum huius sacramenti duo
possunt considerari. Vnum quidem
ex parte ipsius sacramēti, cuius vir-
tus est hominibus salutaris. Et ideo
utile est quotidie ipsum sumere, vt
homo quotidie eius fructum perci-
piat. Vnde Ambros. * dixit in lib. de
Sacramentis, Si quotiescunque ef-
funditur sanguis Christi, in remis-
sionem peccatorum effunditur, de-
beo semper accipere, qui semper
pecco, debeo semper habere medi-
cinam. Alio modo potest conside-
rari ex parte sumentis, in quo requi-
ritur, vt cum magna deuotione &
reuerentia ad hoc sacramentum ac-
cedat. Et ideo si aliquis se quoti-
die ad hoc paratum inueniat, lau-
dabile est quod quotidie sumat.
Vnde August. * cum dixisset, Ac-
cipe

In decre. lib. 5.
di. 38. c. Om-
nis vtriusque
est c. 8.

In serm. 28. pa-
rum ante me.
tom. 10.

Lib. 4. c. 8. a
med. to. 4. de
conf. di. 2. c. 4.

In serm. 28. de
uer. dom. parū
ante me. to. 10.

cipe. quotidie ut quotidie tibi proficit, subiungit, sic vine, ut quotidie merearis accipere. Sed quia multoties in pluribus hominum, multa impedimenta huius deuotionis occurrunt, propter corporis indispositionem vel animæ non est utile omnibus hominibus quod die ad hoc sacramentum accedere, sed quotiescunque se ad illud homo inuenerit præparatum. Vnde in lib. de Ecclesiasticis dogmatibus † dicitur, Quotidie Eucharistiæ communionem accipere, nec laudo, nec vitupero.

AD PRIMUM ergo dicendum, quod per sacramentum baptismi configuratur homo morti Christi, in se suscipiens eius characterem. & ideo sicut Christus semel mortuus est, ita solum semel debet homo baptizari. Sed per hoc sacramentum non recipit homo Christi characterem, sed ipsum Christum, cuius virtus manet in æternum. Vnde Heb. 10. dicitur, Vna oblatione consumauit in sempiternum sanctificatos, & ideo quia quotidie homo indiget salutifera Christi virtute, quotidie potest laudabiliter hoc sacramentum suscipere. Et quia præcipue baptismus est spiritualis regeneratio, ideo sicut homo semel carnaliter nascitur, ita debet semel spiritualiter renasci per baptismum, ut Aug. † dicit super illud Ioã. 3. Quo modo potest homo nasci, cum sit senex. Sed hoc sacramentum est cibus spiritualis, unde sicut cibus corporalis quotidie sumitur, ita & hoc sacramentum quotidie sumere laudabile est. Vnde Dñs Luc. 11. docet perere, Panem nostrum quotidianum da nobis hodie. In cuius expositione Aug. † dicit in lib. de verbis Domini, Si quotidie accipis, scilicet

hoc sacramentum, quotidie tibi est hodie, tibi quotidie Christus resurgit, hodie enim est, quando Christus resurgit.

AD SECUNDUM dicendum, quod agnus Paschalis præcipue fuit figura huius sacramenti, quantum ad passionem Christi, quæ representatur per hoc sacramentum. Et ideo semel tantum in anno sumebatur, quia Christus semel mortuus est, & propter hoc etiam Ecclesia celebrat semel in anno memoriam passionis Christi. Sed in hoc sacramento traditur nobis memoriale passionis Christi per modum cibi, qui quotidie sumitur. Et ideo quantum ad hoc significatur per manna, quod quotidie dabatur populo in deserto.

AD TERTIUM dicendum, quod reuerentia huius sacramenti habet timorem amoris coniunctum (unde timor reuerentiæ ad Deum, dicitur timor filialis, ut in secunda parte † dictum est) ex amore enim prouocatur desiderium sumendi, ex timore autem consurgit humilitas reuerendi. Et ideo utrumque pertinet ad reuerentiam huius sacramenti, & quod quotidie sumatur, & quod aliquando abstineatur. Vnde Aug. † dicit. Si dixerit quispiam non quotidie accipiendam Eucharistiam, aliis contra, faciat unusquisque, quod secundum fidem suam pie credit esse faciendum. Neque enim litigauerunt inter se Zaccheus, & ille Centurio: cum alter eorum gaudens suscepit Dominum, alter dixit, Non sum dignus, ut intres sub tectum meum, ambo Salvatorem honorificantes, quamuis non uno modo. amor tamen & spes, ad quæ semper Scriptura nos prouocat, præferuntur timori. Vnde & cum Petrus dixisset, Exi à me Dñe, quia

Oo 5. homo

Ca. 53. in prin.
habetur liber
hic inter opera
Aug. tom. 3.
habetur de con
sec. dist. 2. cap.
13.

Trat. 9. in Euã
ge. Ioann. non
multum ante
med. 10. 9.

In serm. 28. de
verb. do. à me.
tom. 10.

1. 2. q. 87. ar.
4. ad 2. q. 2.
2. q. 19. ar. 9.
Gal. 3.

Ep. 118. m. 37.
to. 2.

D. Tho. tert. part.

homo peccator sum, respondit IESVS. Noli timere.

A D Q V A R T V M dicendū, quod quia Dominus dicit, Panem nostrū quotidianum da nobis hodie, non est pluries in die communicandū, vt saltem per hoc quod aliquis semel in die communicat, repræsentetur vnitas passionis Christi.

A D Q V I N T V M dicendū, quod secundum diuersum statum Ecclesiæ, diuersa circa hoc statuta emanauerunt. Nam in primitiua Ecclesia, quando magna vigeat deuotio fidei Christianæ, statutum fuit, vt quotidie fideles communicarent.

Vnde Anaclerus Papa * dicit, Peracta consecratione, omnes communicent, qui noluerint Ecclesiasticis carere liminibus: sic enim & Apostoli statuerunt & sancta Romana tenet Ecclesia. Postmodum verò diminuto fidei feruore. Fabianus Papa * indulgit, vt si non frequentius, saltem ter in anno, omnes cōmunicent, scilicet in Pascha, Pentecoste, & Natali Domini. Soter. * etiam Papa in cœna Domini dicit esse communicandum, vt habetur in Decret. de consecra. dist. 2. Postmodum propter iniquitatis abundantiam refrigescēte charitate multorum, statuit Innocentius III. * vt saltē semel in anno, in Pascha fideles communicent. Consultitur tamen in lib. de Ecclesiasticis dogmatibus, * omnibus diebus Dominicis esse communicandum.

ARTICVLVS XI.

Vtrum liceat omnino à communione cessare.

A D vndecimum sic proceditur. Videtur, quod liceat cessare omnino à communione. Laudatur enim Centurio de hoc quod

dicit Matthæi, 8. Domine non sum dignus, vt intres sub tectum meū. Cui comparatur ille, qui reputat à communione sibi esse abstinendū, vt dictum est. * Cum ergo nunquā legatur Christum in eius domum venisse, videtur quod liceat alicui toto tēpore vitæ suæ à communione abstinere.

¶ 2. Præterea, Cuilibet licet abstinere ab his, quæ nō sunt de necessitate salutis. Sed hoc sacramentū non est de necessitate salutis, vt supra dictū est. * Ergo licet à sūprie hui⁹ sacramēti omnino cessare.

¶ 3. Præterea, Peccatores nō tenentur cōmunicare. Vnde Fabianus Papa * cū dixisset, Ter in anno omnes cōmunicent, adiunxit, nisi forte quis maioribus criminibus impediatur. Si ergo illi, qui non sunt in peccato, tenentur cōmunicare, videtur quod melioris conditionis sint peccatores, quā iusti, q̄ est inconueniens. Ergo videtur, q̄ etiā iustis liceat à cōmunione cessare.

S E D C O N T R A est, quod Dominus dicit Ioan. 6. Nisi manducaueritis carnē Filij hominis, & biberitis eius sanguinem, non habebitis vitam in vobis.

R E S P O N D E O dicendum, quod (sicut supra + dictum est) duplex est modus percipiēdi hoc sacramentū, scilicet spiritualis & sacramentalis. Manifestum est autem, quod omnes tenentur saltem spiritualiter manducare, quia hoc est Christo incorporari, vt supra + dictum est. Spiritualis autē manducatio includit votū seu desiderii percipiēdi hoc sacramentū, vt supra + dictū est. Et ideo sine voto percipiēdi hoc sacramentū, nō potest homini esse salus. Frustra autem esset votum,

Ar. pre. in ar. q. 73.

Q. 73. ar. 3.

Habetur de cōse. d. 2. c. Et si non frequēius

In ep. sua 1. in med. illius, & habetur de cōse. d. 1. c. Episcopus.

De cōse. d. 2. c. Et si non frequēius.

In ep. ad Episc. Italia, de cōse. d. 2. c. In cœna

Inn. III. in cōcil. Late. 6. 2.

Cap. 59. circa princ. habetur lib. hic inter opera Aug. 19. 3.

4. d. 12. q. 3. art. 2.

Ar. 1. huius q. & q. 73. ar. 3. ad 1.

Q. 73. ar. 3.

Ibidem.

tum, nisi impleretur, quando oportunitas adesset. Et ideo manifestū est, quod homo tenetur hoc sacramentum sumere, non solum ex statuto Ecclesiæ, sed ex mandato Domini dicentis. Luc. 22. Hoc facite in meam commemorationem. Ex statuto autem Ecclesiæ* sunt determinata tempora exequendi Christi præceptum.

Ca. Omnis v-
triusque sexus.

In 1. p. c. 6. cir-
ca princ.

AD PRIMUM ergo dicendum, quod sicut Gregor.* dicit in pastorali, Illa est vera humilitas, cum ad respondendum quod utiliter præcipitur, pertinax non est. Et ideo non potest esse laudabilis humilitas, si contra præceptum Christi & Ecclesiæ aliquis omnino à communione abstineat, neque enim Ceteriioni præceptum fuit, ut Christum in sua domo reciperet.

AD SECUNDUM dicendum, quod hoc sacramentum dicitur non esse necessitatis sicut baptismus, quantum ad pueros, quibus potest esse salus sine hoc sacramento, non autem sine sacramento baptismi: quantum verò ad adultos, utrumque est necessitatis.

AD TERTIUM dicendum, quod peccatores magnum detrimentum patiuntur, ex hoc quod repelluntur à perceptione huius sacramenti, unde per hoc non sunt melioris conditionis. Et licet in peccatis permanentes non excusentur propter hoc à transgressione præcepti, peccantes tamen, qui, ut Innocen.* dicit, secundum consilium sacerdotis abstinent excusantur.

Inn. in Coc. 24
tera can. 21. et
habetur lib. 1.
decret. 1. p. 38.
v. 12.

ARTICVLVS XII.

Utrum liceat sumere corpus Christi sine sanguine

Inf. q. 82. art.
4. q. 4. d. 12.
q. 3. ar. 1. q. 2

AD duodecimum sic proceditur. Videtur quod non liceat

sumere corpus Christi sine sanguine. Dicit enim Gelasius Papa,† & habetur de consecrat. distinct. 2. Comperimus, quod quidam sumpta tantummodo corporis sacri portione, à calice sacrati cruoris abstinent, qui proculdubio, quoniā nescio qua superstitione docentur astringi, aut integra sacramenta percipiant, aut ab integris arceantur. Non ergo licet sumere corpus Christi sine eius sanguine.

De conf. d. 2. c.
Comperimus.

¶ 2. Præterea, Ad perfectionem huius sacramenti concurrit & manducatio corporis & potatio sanguinis, ut supra habitum est.* Si ergo sumatur corpus sine sanguine, erit sacramentum perfectum, quod ad sacrilegium pertinere videtur. Unde ibidem Gelas.* subdit, Quia diuino vnus eiusdemque mysterij sine grandi sacrilegio prouenire non potest.

Q. 74. ar. 1. q.
76. ar. 2. ad
arg. 1.

Loco cit. in ar.
q. 1.

¶ 3. Præterea, Hoc sacramentum celebratur in memoriam Domini cæ passionis (ut supra dictum est*) & sumitur pro animæ salute. Sed passio Christi magis exprimitur in sanguine quam in corpore, sanguis etiam pro salute animæ offertur, ut supra habitum est.* Potius ergo esset abstinendum à sumptione corporis, quam à sumptione sanguinis. Ergo accedentes ad hoc sacramentum, non debent sumere corpus Christi sine eius sanguine.

Q. 74. ar. 1. q.
76. ar. 2. ad 2

Q. 76. ar. 1. q.
ad 1.

SED CONTRA est, multarum Ecclesiarum usus, in quibus populo communicanti datur corpus Christi sumendum, non autem sanguis.

RESPONDEO dicendum, quod circa usum huius sacramenti duo possunt considerari. Vnum ex parte ipsius sacramenti, aliud ex parte sumētium. Ex parte quidem ipsius sacra-

sacra-

sacramenti conuenit, quod utrunq; sumatur, scilicet & corp⁹ & sanguis, quia in utroque consistit perfectio sacramenti. Et ideo, quia ad sacerdotem pertinet hoc sacramentum consecrare, & perficere, nullo modo debet corpus Christi sumere sine sanguine. Ex parte autem summentium requiritur summa reuerentia, & cautela, ne aliquid accadat quod vergat ad iniuriam tanti mysterij. Quod præcipuè posset accidere in sanguinis sumptione, qui quidem si incautè sumeretur, de facili posset effundi. Et quia creuit multitudo populi Christiani, in qua continentur senes & iuuenes & paruuli, quorum quidam non sunt tantæ discretionis, ut cautelam debitam circa usum huius sacramenti adhibeant, ideo prouidè in quibusdam Ecclesiis obseruatur, ut populo sanguis sumendus non detur, sed solum à sacerdote sumatur.

AD PRIMUM ergo dicendum, quod Gelasius loquitur quantum ad sacerdotes, qui sicut totum consecrant sacramentum, ita etiam toti communicare debent. Ut enim legitur in Cōcilio Toletano, *Quale erit sacrificiū, cui nec ipse sacrificans particeps esse dignoscitur.

AD SECVNDVM dicendū, quod perfectio huius sacramenti non est in usu fidelium, sed in consecratione materiæ. Et ideo nihil derogat perfectioni huius sacramenti, si populusumat corpus sine sanguine, dum modo sacerdos consecransumat utrunque.

AD TERTIVM dicendū, quod representatio Dominicæ passionis agitur in ipsa consecratione huius sacramenti, in qua non debet corpus sine sanguine cōsecrari. Potest

autem à populo corpus sine sanguine sumi. Nec exinde sequitur aliquod detrimentum, quia sacerdos in persona omnium sanguinem offert, & sumit, & sub utraque specie totus Christus continetur, ut supra habitum est.

Sententia & conclusiones quæst.

Prima conclusio: Si quis quotidie dignè accedere possit ad hoc sacramentum, utile esset quotidie communicare: ecclesia autem varia tempora definiuit communicandi, & tandem semel saltem quotannis in Paschate. Nec enim ex præcepto Domini licet à communione omnino abstinere, sed Ecclesia tempus præscripsit.

276. ar. 2.

Secunda conclusio: Sacerdotes non consecrantes, & populus cōmunicare debent sub vna tantum specie panis: consecrantes verò sub utraque, panis scilicet & vini.

COMMENTARIVS.

IN his sententiis tria contineri video de sacra cōmunionem, species sub qua comunicandum sit, tempus, præceptum. de primo primum, de reliquis postremo differemus. Est autè duplex hæc sacramentalis sumptio, ut est duplex species sub vna specie panis, qua nunc laici utuntur, & sacerdotes non sacrificantes, altera sub utraque specie panis & vini, sacrificantium propria: cū horū inter sit sacramentum perficere & sacrificare, sacramenti autè perfectio & sacrificij, ex utroque necessario cōstat: quia vna sine altera consecrari non potest: illis autè satis est totum Christum sumere ad refecutionem spirituale, totus autem Christus, sub alterutra continetur specie.

3. p. 9. 30. ar. 12.

Quæstio Prima, An sit necessaria & in præcepto diuino toti populo communicatio sub utraque specie.

Sed quia aduersarij hoc tempore, utriusque speciei sumptionem, omnibus etiā laicis contendūt ad salutē necessariā esse, quod sit omnibus à Dño præcepta, de hac re productis etiā illorū argumentis, vberius & exactius hoc loco differendū est.

Conc. Tolet. 12.
c. 5. de cons. di.
2. c. 6. Relatum.

est. Argumenta igitur illorū, ad confirmandam sumptionem vtriusque speciei omnibus esse necessariam ad salutem, hæc sunt. Primum ex verbis institutionis huius sacramenti colligunt. Christus enim instituta Eucharistia, præcepit, accipite, manducate, bibite ex eo omnes, item hoc facite in meam commemorationem: quod non tantum conuenire vni, sed vtrique etiā speciei, colligitur ex D. Paulo, 1. Cor. 11. cum ait, quotiescumque enim manducabitis panem hunc, & calicem Domini bibetis, mortem Domini annuntiabitis, donec veniat. Adiungunt etiā illa ex Ioan. 6. nisi manducaueritis, nisi biberitis, non habebitis vitam in vobis: quia in his exprimi videtur necessitas vtriusque speciei. Non obscurè etiam Paulū significare vsum vtriusque speciei apud Corinthios, & illum semper à veteri Ecclesia retentum: & si quando vnius tantū, vt panis fiat mentio, per synecdochē vtramque intelligi: cū aliter propriè non intelligatur Eucharistia, quæ vtraque specie constat. ad hæc ferè reuocantur alia argumenta, quæ à plerisque congeruntur. Deinde ostendunt ex alterius speciei sumptione, non parè neque æqualem fructū provenire, & ideo vtramque populo administrandā esse, ne defraudetur fructu integro Eucharistiæ. Efficacit enim in animā Eucharistia, quod cibus corporalis in corpus, potus etiā aliud efficit, vt hic sitim, ille famē sedat. Præterea, non minus est efficax Christus in sanguine suo sub vini forma, quā in corpore sub panis specie: & cū sacramentū gratiam conferat ex opere operato, erit suus effectus calicis, & augebit gratiā acceptam ex corpore in forma panis. quamuis enim sub quauis specie sit totus Christus, operatur tamen in vnaquaque secundum propriam eius significationē: quia sacramentū nouæ legis confert gratiā, quā significat; quare vbi maior est & plenior significatio, necesse est pleniorē esse & maiorē effectum, alioquin inutiliter esset institutus sanguinis potus, sub vini specie. Hæc sunt aduersariorū argumenta, contra receptam Ecclesiæ catholicæ consuetudinem, de administranda populo Eucharistia sub panis tantum figura.

2 Sed vt omnis hæc cōtrouersia apertius explicetur, ponēda sunt duo. vnū de Ecclesiæ potestate in sacramentorū administratio-
ne, salua eorū substantia: alterū est de vso veteris Ecclesiæ in sumptione Eucharistiæ, sub

altera vel vtraque specie. De primo est hæc sententia Concilij Trident. sess. 21. c. 2. in Ecclesia semper fuit potestas, vt in sacramentorum dispensatione, salua eorum substantia, ea statueret, vel mutaret, quæ fucipientiū vtilitati, seu ipsorum sacramentorū venerationi, pro rerū, temporū & locorum varietate, magis expedire iudicaret. quæ sententiā colligitur à Patribus ex illo 1. Cor. 4. sic nos existimet homo: vt ministros Christi, & dispensatores mysteriorū Dei, id est œconomos administrationis sacramentorum. qua potestate Apostolus in multis aliis, & in hoc sacramēto, ordinatis nonnullis circa illius vsum, cetera inquit, 1. Cor. 11. cū venero disponam. Causas verò, quibus adducitur Ecclesia ad vsum huius potestatis, expēdam⁹. Prima est necessitas, cui omnia iura cedunt. ex eā Christus in Sabbato curauit egrotos, Apostoli vellebant spicas, David panes propositionis manducauit, cū eorū esus laicis esset interdictus. Sic olim sancitū fuit Can. 50. Apost. vt trina meritione omnes baptizarentur: & deponitur Episcopus aut presbyter aliter baptizās, vt professiōni trium personarum diuinitatis, trina meritiō responderet. Vnde etiā Pelagius de cons. d. 4. c. multi sunt, ait esse Euangelicū præceptum. & tamen D. Cypr. lib. 4. ep. 7. baptismum sola aspersione aquæ administratū, ratū habet, & id frequenti vso Ecclesiæ probatū & receptū est, propter eos, qui vt personas, sic diuinitatē diuidebant. Toletan. 4. Can. 5. Gregor. lib. 1. epist. 41. ad Leandrum.

3 Altera causa est heresis, cū enim rectā fidē profiteri oporteat, non solum verbis ad Ecclesiæ catholicæ sensum cōceptis, sed etiā factis, ne videretur Ecclesia factis externis cōuenire cū hereticis, receptos ritus externos plerūque mutauit: ne sit Christi cōuentio cum Belial, aut lucis cū tenebris, aut esse videatur. Sic Christus neglexit manuum lotionē ante prandium, & congressum peccatorū non vitauit, vt factis duos pharisæorū errores redargueret, quia existimabant se peccatorum consortio contaminari, & manuum lotionē expiari. Paulus Galat. 2. arguit Petrum, quod eo tempore, quo Iudæi vrgebant legis obseruantiam, vitaret ipse cibum & consortium Gentilium, & circumcisionem defenderet: propter tamen falsos fratres & hæreticos noluit Titum circūcidere, cū aliqui Timotheū cir-

Potestas Ecclesiæ in sacramentorum dispensatione, salua eorum substantia.

Roffen c. 3. cōtra capt. Babil. Toletan in Trident. sess. 13.

circūcidi

Commen.in D.Tho.tert. part.

credi voluisset. Similiter, quoniam Tatiani Manichei & Priscilliani omnino à carnibus abstinebant, & die Dominico ieiunabant: & in Domini natiuitate Ecclesia prohibuit, ne quisquam his diebus ieiunaret: cū tamen prius plerique Christiani totam vitam à carnibus abstinerent, & semper ieiunarent, vt colliges ex D. August. Epist. 86. ad Casulanum. Tertia causa. est periculum & scandalum. sic Apostoli principio nascentis Ecclesiæ Christianæ, à sanguine suffocato & idolothytis abstinebāt. Moyses concessit Libellum repudij: Ezechias serpentem Aeneum, iussu prius Domini conflatum, comminuit: Paulus iuniores viduas nubere vult, quamuis dicat melius esse continere. Infinita sunt huius generis ab Ecclesia sancita & statuta. quare constat semper fuisse in Ecclesia potestatem ad disponendum externam sacramentorum administrationem, salua eorum substantia, vt est in omni repub. bene instituta potestas disponendi omnia, quæ pro ratione circumstantiarum magis expedire videntur.

De consuetudine veteris Ecclesiæ in communione alterius vel vtriusque speciei.

4 Deinde accipiendum est, quæ nam fuerit consuetudo veteris Ecclesiæ de communione sub altera vel vtraque specie, ea vero colligenda est ex sacra scriptura, & probatis historiis. colligetur autē hæc sententia: vetus Ecclesia sensit semper, indifferenter esse alterius vel vtriusque speciei sumptionem, & neutram esse à Domino omnibus fidelibus præceptam cum exclusionem alterius: & ideo interdum altera species, interdum vtraque fuit in vsu. primum ex his definitum est in Conc. Trident. sess. 21. cap. 1. cum asserit, ex nullis verbis Domini concludi posse, omnes fideles adstringi ad communionem sub vtraque specie: quia neque ex illis, hoc facite, neq; ex illis Ioā. 6. nisi manducaueritis, nisi biberitis, non habebitis vitam in vobis: quamuis ex primo illud Lutherani concludant, ex secundo Calixtini: quæ omnia erunt manifesta in futura disputatione. nunc ostendamus alterum, quod proposuimus, de more & consuetudine veteris Ecclesiæ, quod erit sequentis doctrinæ accommodatum principium. asseritur autem eadem sess. 21. cap. 2. olim non infrequentem fuisse vtriusque speciei sumptionem & alterius tantum.

5 Primò igitur legimus, Christum, Luc.

ultimo, fregisse panem Cleophae & socio, paulò post resurrectionem, in Emaunte, & ex ea fractione agnitum Dominum à discipulis, quibus verbis significatur dispensatam à Domino Eucharistiam, in vna tantum panis specie, vt colligitur ex verbis contextus, & veterum Theologorum explicatione. ex verbis quidem Euangelij constat, omnem illam actionem Christi Eucharisticæ consecrationi simillimā fuisse. inquit enim Euangelista, accepit panem, benedixit, fregit, porrexit illis. in his autem verbis non fuisse vulgarem mensæ benedictionem, ex his colligitur. Primū, quia nusquam hunc morem benedicendi mensam à Christo Domino seruatum constat: cum tamen frequentissimè & inimicorū Iudeorum, & fidelium amicorum, sanctarūque sceminarum & discipulorū conuiuuiis interesset. Luc. 5. 7. 10. 14. 19. Ioann. 2. 12. 21. Marc. ultimo. apud Ioannem quidem & Marcum, cap. 6. vtriusque Euangelij in miraculum panum & piscium multiplicatorum, simili fere benedictione vsus est: sed in cōmuni mensæ benedictione nihil tale reperitur. Præterea, si benedictio mensæ esset, cū primum accumberet, fieri debuit indifferenter super omni cibo & potu proposito, idq; more Iudaico à Patrefamilias, non à peregrino. itē non fuisset tam memorabile, vt ab Euangelista tam seriò narratum esset. Insueta est etiam in medio cœnæ talis benedictio, & super panem tantū: inquit enim Lucas, factum est, dum recuberent, accepit in manus panem, & cum benedixisset, fregit solenniter, quod adeo proprium est actionis sacramentalis, præsertim apud Lucam, vt is non solum hoc loco, sed etiam in Actis Aposto. dispensationem huius sacramenti fractionem vocet. & Paulus 1. Cor. 11. panis quem frangimus, dixit. Accedit his, quod Dominus sua manu fractum panem presentibus distribuebat: quæ solet esse prærogatiua panis sacramentalis, cū cætera cibaria de mensa sumantur, vt obseruauit autor operis imperf. in Matt. hom. 17. inter opera Chrysof.

Christus dispensat Eucharistiā sub specie panis tantum.

6 Denique veteres benedictionem intelligunt sacramentalem consecrationem. Aug. lib. 3. de consens. Euang. c. 25. & in sermon. ser. 2. & 3. festi Paschalis, Epist. 59. ad Paulinum, & ipse Paulinus Epist. præcedenti. Beda ad eundem locum Lucæ: autor imperfecti, homil. citata, Theophil. vnde Beda

Beda colligit, neminem posse cognitionē Christi habere, nisi in corporis sui, hoc est Ecclesiæ unitate, cuius hoc est sacramentum. & ideo mirum non est, tam multas sectas hodie summa cæcitate laborare, cum omnes hoc sacramentum repudiant, in quo totius religionis lux & sensus continetur. faxit Deus, ut omnes recte sentiamus, ne tandem pluribus reddatur Christus ignotus. Aduersariorum autem expositiones de fractione panis, neque cum phrasibus scripturæ, neque secum consentiunt. quidam accipiunt pro conuiuio, quidam pro tenui victu, quidam pro vulgari refectio-
ne, quidam pro singulari Christi modo, quo nemo alius vteretur, in frangendo pane, & aliis distribuendo. Denique quidam volunt, fractionem panis esse elemosynam, & ideo discipulos ex fractione panis agnouisse Christum, quod propter misericordiam, quam in peregrinum conuiuio. exceptum effecerant, ab ipso vicissim oculorum apertione compensati sunt. quasi verò dubium esse possit, fractionem istam non fuisse actionem Cleophræ, aut socij recipientis Dominum, sed ipsius Domini inuitati. videntur captasse occasionem huius fraudulentæ expositionis ex eo, quod Beda & alij laudent in his discipulis charitatem & hospitalitatem, cuius merito factum sit, ut Dominus se illis manifestauerit, quod fecit quidem, sed per corpus suum in sacramento exhibitum, ut iidem auctores affirmant. Quod si dicat aduersarius, ex his non posse constanter concludi, Dominum sub vna tantum specie panis Eucharistiam dispensasse, quia in eadem mensa vinum consecrare potuit, licet id non legatur: ex testimonio enim negatè nihil efficitur: certè vinum non fuisse consecratum ex Euangelio constat, quia cum primum fractione panis cognitus est, statim euauit: & ubi sensus est adeò planus, figuræ & tropi admittendi non sunt, quasi nomine panis, per synecdochem intelligatur vtriusque speciei sacramentum.
5 Idem etiam vsus Eucharistiæ sub vna panis specie colligitur ex Actis Apostolicis, cap. 2. 20. 27. inquit enim scriptura, primos illos Christianos perseverantes in doctrina Apostolorum, communicasse in fractione panis & orationibus: idque potissimum vna Sabbathi, idest die Dominico, & noctu siue tempore antelucano, &

*Fraçtio panis
quid sit aduer-
sarius.
Claud. Sanct.
repet. 10. c. 1.*

*Fraçtio panis
in Act. Apost.*

per domos. communicatio enim illa, vel est eadem cum fractione panis, vel est bonorum oblatio ad indigentium alimenta, olim fieri solita: vnde tractum est nomen & consuetudo offertorij. Fractionem vero panis fuisse Eucharistiæ dispensationem sub specie panis, multa ostendunt. primum, dies Dominicus, quo offerebatur sacrificium, & quo fiebat coetus Christianorum ad frangendum panem. si enim communis panis esset fractio illa panis, quid oporteret narrasse Lucam, primos Christianos solitos fuisse die Dominico vesci pane communi in priuatis domibus? idè amplius confirmant adiunctæ orationes, hoc est pro seuxæ, quas Aug. ep. ad Paulinum, 59. vult ex vsu Ecclesiastico propriè pertinere ad illud genus precum & votorum, quo Ecclesia in consecratione huius sacramenti uti solet. Deinde, si vsus D. Pauli in describenda Eucharistia consulerimus, illa certè communicatio non potest, nisi de hoc sacramento intelligi: cum dicat D. Paulus, 1. Corint. 11. panis quem frangimus, nonne communicatio est corporis Christi? solitos autem fideles congregari die Dominico, testis est Iulianus Apol. 2. & Act. 21. legitur Paulum mansisse Troade septem diebus, expectantem vnam Sabbathi, ut in ea multò ante lucem, fideles conuenirent in magno cenaculo lampadibus copiosissime illustrato, ad frangendum panem, & institutionem mysteriorum fidei nostræ. Vnde D. August. Episto. 86. ad Casulanum, Paulus, inquit, hic frangebat panem in Dominica, sicut frangitur in sacramento corporis Christi: habuitque, & ante & post celebrata sacramenta, sermonem ad populum.
6 Eiusdem consuetudinis testes sunt Tertul. in Apolog. c. 39. & lib. ad uxorem: minutius Felix in Octatio, Athenag. in legat. ad Antoninum. solebant etiam in eisdem antelucanis cœtibus, post Eucharistiæ sumptionem, commune cœuiuium instruere, quod deinceps agapis & charitatis nomen retinuit: quod ad charitatem retinendam & agendam, plurimum valeret. id videtur significari Acto. 2. illis verbis, frangentes circa domos panem, sumebant cibum cum exultatione & simplicitate cordis. quamuis autè aliquândo nomine panis frugalitas notetur, cum tamen additur illæ circumstantiæ dici Dñici, precum, cœuentus fidelium,

*Cœuentus ante
qui Christiano-
rum antelu-
cani, ad fran-
gendum panem,
& institutio-
nem religionis.*

Commen. in D. Tho. tert. part.

fideliū, certē non potest nisi ad Eucharistiæ dispensationem, sub specie panis referri. fractio igitur panis, erit Eucharistiæ in figura panis communicatio, cibus autē est communis. quamuis enim fractio panis ad totam actionem sacramentalem, quæ consecrationem & distributionem complectitur, referri videatur: propriē tamen distributionem, non consecrationem significat. nec est, quod ex hac dispensatione sub vna tantum specie, concludat aliquis, & tunc sacrificium sub vna tantum specie perficere, mōris fuisse recepti: quoniam licet vtraque specie conficeretur, populo tamen sub vna distributum significatur. Videtur etiam antiqui Patres sæpius pluribusque in locis, hoc sacramentum dispensasse, quā consecrasset: in tanto præsertim communicantium numero, & ministrorū paucitate, cum præter Apostolos nulli ferē sacerdotes essent, atque ideo in specie panis reseruatum fuisse, & fractionem panis fuisse vel sacramenti tunc confecti, vel ante consecrati. vnde dimanasse videtur consuetudo Græcorū vtentium præsanctificatis, tēpore præsertim quadragesimæ. Ab antiquis autem, cū dicitur fractio panis, intelligitur corpus Christi sub vna tantum specie quia sacramentum retinet nomen rei consecrata.

Alteri species sumptio indifferens fuit antiquis.

7 Eiusdem sumptionis sub vna tantum specie, & sub vtraque indifferentis, plurima reperiemus exempla, in reliquis Ecclesiæ ætatibus, post Apostolorum tempora, vt constet falsissimum esse, quod aduersarij fingūt, cōmunionis sub altera tantum specie mille primis Ecclesiæ annis, nullum monumentum extitisse: imō verō constabit, nusquam esse memoriæ proditum vbi hoc genus cōmunionis ab aliquo Ecclesiastico fuerit reprehensum, eo tantum nomine quod vnius speciei esset. Pro vnius cuiusque igitur Ecclesiæ, in qua aliquis versaretur, more, pro personarum ac temporū ratione, vel altera, vel vtraque species commen datur: & idcirco harum variarum consuetudinum origines semper ignotæ fuerunt, nec ad certum aliquē autorem referri possunt. quod firmissimum argumentum est liberæ traditionis Apostolicæ, circa rem indifferentem, pro sapientia Ecclesiæ alterutro modo constituendam. Antiquorum igitur hæc indifferentia hoc primū modo colligatur. In omnibus pene Ecclesiis

veterum reseruatum fuisse sacramentum, vel quia superesset aliquid extra sacrificiū ad fideliū communionem, obseruamus Can. 14. Concil. Nic. vel ad ægrotantium & morientium viaticum: 13. Can. eiusdem, vel ad priuatam & domesticam communionem, cum plerique fideles sacramenti partem domi reseruarent, præsertim tēpore persecutionis, cum Ecclesias tutō adire non poterant, vt autor est Tertul. lib. de orat. & lib. 2. ad vxorem: Cypria. ferm. 5. de laps. Hieron. in Apol. pro libris suis contra Iovinianum, & permansit hic mos ad Bedæ tempora, vt constat ex eius lib. 4. histor. Anglorum, c. 24. reseruatum etiam legimus Eucharistiā ab his qui solitariā vitā ab Ecclesiis & vrbibus remotissimā debebant, vt quando vellent, sumerent: vt inquit Basil. in Episto. ad Cæsaream Patritiani, multos in Egypto sacramenti plurimum semper domi habuisse. Seruabatur etiam ad deferendum vt tutamen in periculis itinerum, terra marique faciēdorum, vt colligitur ex historia Satyri fratris Ambrosij ab ipso Ambrosio descripta, & Tharsitij Martyris à Beda in Martyrologio ad 15. August. legimus etiam reseruatum ad communionem publicam siue sacerdotū, siue laicorum, certis quibusdam ieiuniorū diebus, quibus ex more Ecclesiastico sacrificium peragi non solebat, & ideo neque consecrari: quia sacrificium est actus lætitiæ, & idcirco temporibus publici luctus non fiebat. Præterea de asseruatis Eucharistiæ particulis Matiscon. 2. Can. 6. & Euag. lib. 4. cap. 35. Niceph. lib. 17. cap. 25. Euseb. lib. 6. cap. 35. in quibus nulla est calicis mentio.

8 Vnde Græci in Quadragesima nō cōsecrabant, nisi duobus septimanæ diebus, Dominica & Sabbatho, reliquis diebus sumebant de præsanctificatis, & appellabatur liturgia proigiasmenon, præsanctificatorū, vt colligitur ex Can. 52. Constāt. Conc. Hierosolymitani etiam, teste Leone IX ad Michaelē Imper. Constantinop. si quid Eucharistiæ superfuisset, reseruabant in pixide ad proximæ diei communionem. Latina in super Ecclesiæ omnes, teste Innocētio I. Episto. ad Eugub. Episcopum, id ex apostolica traditione obseruant, ne illo bi duo parasceues & Sabbathi Sancti, cū Apostoli in mōrōre fuerint, sacramenta celebrent: sed ex præsanctificatis communent,

Eucharistia reseruata ad varios fidelium vsus.

Laica communio & peregrina, olim sub specie tantum panis, Agathen. cap. 1. & 5.

Reservatio Eucharistiae in qua specie.

nicent, quod in hunc vsq; diem seruari videmus. Afferuabatur etiam olim in Rom. Eccles. teste Euseb. lib. 5. hist. cap. 24. vt in symbolum pacis & communionis ecclesiasticæ, solemniter transmitteretur externis Episcopis, & presbyteris catholicis, ad urbem religionis iuuandæ causa venientibus. Deniq; ad cultum, ad solemnes supplicationes, ad miraculorum & sanitatû operationes, ad abigendos dæmones, aliisq; plurimis de causis, aliquot sæculis afferuatam Eucharistiam, omnium ecclesiarum monumenta testantur.

9 Per se etiam indifferens est, nec quicquam interest, in qua specie afferuatur: apud Chrysost. in epist. priori ad Innocentium legimus afferuatam in Ecclesia Constantinop. in specie sanguinis. apud Hieronymum in epist. ad Rusticum, seruata & gestata in vtraq; specie, cum ait, nihil illo ditius, qui corpus Domini in canistro vimineo, sanguinem portabat in vitro. narrat etiam Iustinus apol. 2. aliquid de pane & calice absentibus delatum. Frangebantur etiam olim particulæ sacramenti ad communicandum, vt de Serapione apud Euseb. lib. 6. c. 36. quod nisi de specie panis intelligi non potest. Sed afferuatio in vna specie panis multo communior inuenitur, quæ ad sacramenti reuerentiam semper commodior visa est. siue enim domi diutius seruabatur, sicut in persecutione, siue ad longa itinera, siue ad vsum eremitarum, siue ad communionem Græcâ quadragesimaliæ, quæ quinq; continuis diebus ex præsanctificatis fiebat, non nisi in panis specie esse potuit: eum vinû modicum consecratum facillimè, vel estu, vel frigore, vel motione corrumpi, & variis ex causis effundi possit, nedû ad multos menses, quod eremitæ faciebât, vel aliquot dies afferuari possit.

10 Deniq; mos ille Græcorum in quadragesimaliæ vtentium præsanctificatis in vna tantum specie panis, aliis autem diebus in vtraque, apertè conuincit indifferentiam communionis sub altera, vel vtraque specie. Mos etiam Latinorum biduo illo hebdomadæ sanctæ vtentium præsanctificatis euincit, reservatam ab illis esse vnam tantum panis speciem, licet ad sacrificandum adiungant alteram. Idem confirmant Patrum testimonia citata, quæ vel exprimunt solum corpus reservatum, vel

necessariò de eo tantum intelligi possunt, vt ostendi. sic à D. Hieron. quod afferuatur à fidelibus domi, dicitur corpus Christi: à Cypriano, dicitur sanctum Domini in arca: ab Ambrosio, quod circumferebatur à Satyro fratre, dicitur inuolui in orario, & ad collum alligari: à Beda, quod portabatur à Tharsytio martyre, sic dicitur committi in eius veste, vt reperi ab ethnicis non potuerit. quæ omnia & alia pleraq; intelligi non possunt, nisi de specie panis. Obseruamus etiam in primitiua Ecclesia tantam fuisse libertatem & indifferentiam in vsu specierum, vt cum propter ariditatem oris, aut imbecillitatem, ab his, qui in extremis erant, Eucharistia sicca percipi, aut deglutiri non potuerit, tum madefacta, vel communi vino, vel consecrato, ori infunderetur, vel admodum offusæ perciperetur: sic enim concil. Carthaginens. 4. c. 76. præcipit ori ægrotantis infundi Eucharistiam, Tolet. 11. c. 11. talibus haustum sacri calicis ad salutem sufficere definit. Difficile autem est diiudicare in antiquitate, an hæc infusa, quæ legitur Eucharistia, sit species sanguinis, vel panis potius infuso aliquo externo liquore, vel vino consecrato, vt commodius perciperetur. sed quicquid sit, satis est non fuisse vtranque speciem sub specie cibi & potus: quam vrgent aduersarij, vt necessariam ex diuino Domini præcepto: præsertim, cum madefieret non propter alterius speciei necessitatem, sed propter deglutienti commoditatem. sic accipiendum est, quod legimus apud Euseb. lib. 6. c. 44. Serapioni seni parum Eucharistiæ transmissum, vel infusum, puer, qui detulit, præbere, vt ori eius instillaret: quibusdâ enim species panis madefacta cõcedebatur, aliis sanguis reservatus est propter huiusmodi deglutendi difficultatem. sic etiam intelligimus, quod narrat Prosper. lib. 4. prædict. dimid. temp. c. 6. Eucharistiam tinctam in ecclesia Carthaginens. datam puellæ demoniacæ, cuius guttur ita obsederat Satan, vt 82. dies corpore sano & valido, nihil omnino deglutire potuerit, vbi etiam appellatur eadem Eucharistia tincta, pars sacrificij, & salutari calice admoto per pontificem, puella transglutiuit sacramentum, quod adhuc ore gestabat.

De Eucharistia madefacta.

In sumptione Eucharistia, quædam vetera abrogata.

Comment.in D. Thom.tert.part.

vel alteram, simul vel seorsum, mixtim vel separatim species sacramentales sumere, in orientali, vel occidentali Ecclesia; cū ex vtraq; exempla produxerimus, siue cōferret Eucharistiam & administraret presbyter, diaconus, laicus, aut fœmina sibi, aut aliis, vel etiam puer deferens. quod tamen postea abrogatum est, vt constat ex Remensi conc. de cons. d. 2. c. peruenit. in Cæsaraugustano etiam decretum est, ne aliquis extra ecclesiam à seipso sumendā deferat Eucharistiam; vt prius in vsu fuerat. similiter hodie non valentibus siccam Eucharistiam deglutire, non madescit à ministrante, sed infusa ori aqua, aut vino, siccam Eucharistiam prius sumptam madescit, vt commodius deglutiri possit.

Publica antiquitatis cōmunio sub vna tantū specie,

12. Leuia sunt, quæ aduersarij ad hæc antiquitatis testimonium respondent, se non posse diffiteri, quin aliquando communio sacra peracta sit vnica tantum specie, sed in extraordinariis cōmunionibus, vt in priuatis edibus, in mari, in cryptis, in siluis: at publicè in ecclesiis, id vnquam factū fuisse pernegāt: & ideo hoc sacramentū à Græcis mysteria pluraliter dici, quod duplici tantum specie eius vsus ordinarius cōstare debeat. Sed certè his respōderi potest verbis D. Hieron. in apolog. contra Iouinianum, an alius in publico, alius in domo Christus est? quod in ecclesia non licet, nec domi licebit. sacramenta enim, quæ olim Apostoli per domos administrabant, non fuerunt alia, quàm quæ postea in ecclesiis publicè dispensata sunt. diuini etiam præcepti obligatio eadem manet priuatim & publicè: aut oportet saltem huius discriminis expressionem factam esse ab ipso met præcepti autore Deo, vel scripto, vel traditione. sic videmus iuris diuini esse materiam & formam sacramēti, & proinde nihil de his publicè, aut priuatim mutare licet. quare cū Christus non destinauerit aliud sacramentū priuato, aliud publico vsu, constat hanc responsionem aduersariorū fingi, sine vlla probabili ratione, si sibi ipsis velint constare, asserentes diuino præcepto omnes fideles teneri ad sumptionem vtriusq; speciei. hoc autem sacramentum pluraliter dicitur mysteria, etiam de altera specie, quia continet Christum, in quo est omnis thesaurus scientiæ & mysteriorum Dei. & in hoc sacramento conficiendo, plura miracula fiunt, vt transubstantiatio, existentia Chri-

sti sub accidentibus sacramentalibus, Christus vt cibus & potus, & alia his coniuncta. Præterea, antiquitatis plurima sunt exempla de cōmunionē ordinaria & publica sub altera specie. Vnum est quod ex Prospero retulimus. id enim factum dicit in ecclesia Carthagenen. in publico conuentu, in ecclesia S. Stephani in matutino & summo sacrificio: in eō tamen exemplo primū cōmuni more puellæ data est Eucharistia in specie panis: sed postea propter imminentem necessitatē transglutienti, pontifex dicitur admouisse calicem salutarem. Alterum exemplum est Cypriani, ferm. de lapsis, vbi refert, in suæ vrbis publica ecclesia solum sanguinem administratum, seipso præsentē. ex eodem loco, & aliorum monumentis constat, in ecclesiis per Africam diutissimè infantibus administratam Eucharistiam: & manifestum videtur esse, non alia quàm sanguinis specie administrari potuisse.

13. Hic rursus hæretici tergiversantur, id infantibus concessum fuisse, non autem toti populo: quasi verò ex hoc publico vsu non concludatur, quid licitum fuerit in huius sacramenti administratione. videtur etiam manifestum plures ecclesias vna tantum specie olim publicè communicasse, & ea panis, vt colligitur de Anglicana ex Beda lib. 2. histor. Angl. c. 5. de Constantinopolitana ex Sozomeno lib. 8. c. 5. & Niceph. lib. 13. c. 7. hist. ecclesiast. in cōmunionē mulieris sectæ Macedonianæ. Guilielmus Abbas idem factum esse insinuat lib. 1. de vita Bernardi in monasterio Clauallensi. Quod etiam ratione colligere licet manifesto: quēnim fieri potuit, vt omnes commodè sub specie vini communicarent in vna vrbe amplissima? cū ferè non esset, nisi vna ecclesia, & in ea penè non nisi vnum sacrum, vt placet etiam aduersariis: qui priuatas, seu minores missas, in primitiua Ecclesia non agnoscunt: præsertim cū fuerit ingens communicantiū numerus, & cōmunicationis ad singula sacra quotidianus ferè & frequentissimus vsus. quo modo igitur vna consecratione tanta sanguinis copia efficeretur, quæ posset numerosæ plebi sufficere? & quo vase debuit consecrari? certè in omni historia ecclesiastica, non nisi ex calice manibus tractabili, vnde & bibi honeste posset, vnquam confectum sanguinem legimus.

neque

neque enim decuit, neque licuit, neque institutioni Christi, aut mori ecclesiastico congruebat, vt ex doliis, aut aliis similibus vasis vinariis conficeretur.

Calices antiqui

14. Superfunt adhuc in quibusdam Germaniæ monasteriis, primorum eius gentis Apostolorum calices valde parui, ex quibus aliquot millia hominum, vel tantillum degustare non poterant. Calices etiam aurei & argentei à Constantino ecclesiæ donati, pendebant singuli libram vnam, vt ex vita S. Siluestri apud Damasum constat, pocula certè valdè minuta, & ad ingentem multitudinem communicandam, omnino inepta. neque solebant duo, aut plura pocula consecranda in vno altari collocari, quod acceperimus, cum id Christi institutioni & verbis non conueniat. Et cum id primum alicubi fieri cœptum est, à Gregorio III. epistola ad Bonifacium, vt Christi exemplo repugnans, qui vnum tantum calicem accepit, castigatum & reprehensum est. multo minus licuit bis in vno sacro consecrare, vt ita priori calice exhausto nouus propinaretur. Denique nos non assequimur, neque hæretici ostendere possunt, quo modo religione nostra amplificata, in maximis parochiis, populus vniuersus, festis præsertim solemnibus, vt Paschatis, in quibus ex præcepto maiores ad communicandum conuentus fiebant, potuerit commodè ex sanguine communicare: cum præsertim Innocent. III. cap. ex parte, de celebrat. miss. dicat, decens non esse, tantum sanguinem conficere, vt vel in vno amplo monasterio, qui libet religiosus de mero calice bibat. Adhuc tamen, quid aduersarij ponderet testimoniorum & rationum victi, liberè comminiscantur, dicam. calices, inquit, licet tam parui essent, & in singulis altaribus singuli, nec repeti consecratio in eodem sacro posset, hac ratione omnibus satis esse potuerunt, si semel euacuatum poculum, iterum, & tertio & ita deinceps impleteret. nec opus esse vt vinum secundo infusum consecraretur, quia omne vinum eo ipso, quod in cœna dominica sumitur, verbo Domini in eius sanguinem, consecratum sit. sic illi. Sed hæc responsio ipsa sui absurditate refellitur: & ex præcedenti doctrina de consecratione & transubstantiatione exactè reicitur: cum ostensum sit ex verbo Domini hoc sacra-

Aduersarij nō consecrant, sed ipso usu volunt perfici consecrationem.

mentum consecratione perfici, id est, dominicorum verborum ad ipsa clementa applicatione, vsum autem & sumptionem sacramento sic confecto extrinsecus omnino accidere.

15. Obiiciunt tandem decretum Gelasij, ex epistola ad Maioricum & Ioannem Episcopos, relatum de consecratione d. 2. his verbis: comperimus quosdam, sumpta tantummodo corporis sacri portione, à calice sacratu cruoris abstinere, qui proculdubio, quoniam nescio qua superstitione docentur adstringi, aut integra sacramenta percipiant, aut ab integris arceantur: quia diuisio vnius eiusdemque mysterij, sine grandi sacrilegio non potest prouenire: hæc tenet decretum. D. Thomas respondet intelligi hoc de solis sacerdotibus conficientibus, iuxta illud concilij Tolet. 12. quale erit sacrificium, cui nec ipse sacrificans particeps esse dignoscitur: putatque sacerdotem teneri ad sumptionem sacramenti sub vtraque specie, non autem alium. quo etiam sensu Gratianus idem decretum cum hac inscriptione proposuit: corpus Christi sine sanguine sacerdos non debet accipere. Sed recentiores, causas huius decreti, ex antiquitate inuestigantes, sic respondent, decretum factum esse contra sectatores Manichæorum Priscillianistas, qui tunc passim vigeant per Africam, Hispaniam, & reliquas vicinas prouincias. hi autem, autore D. Augustino hæresi 46. cum execrarentur vinum, & ab eo in vniuersum abstinere, tanquam à felle principis tenebrarum, nedum in vsum religionis & sacramenti admitterent, & ideo à pastoribus & populo notati essent, quod poculum dominicum recusarent, non solum in perceptione, sed etiam in sacrificio, si qui sacerdotes essent, cum adhuc frequens esset & libera populo sanguinis perceptio, iubentur à pontifice, aut integra sacramenta sumere, aut nullam eorum partem attingere. Vt intelligatur, hic eos tantum damnari, qui ex hac hæresi & superstitione calice abstinuerunt: non autem eos, qui nulla falsa persuasione imbuti, ad maiorem sacramenti honorem ab eodem abstinebant. illi in vniuersum calicem in hoc mysterio damnabant, quem tamen Christus instituit: catholici vtramque speciem agnoscunt, & in vtraque Christum adorant: sed pro-

Gelasij decretū de cons. d. 2. c. comperimus eos ponitur.

3. p. q. 80. art. 12. ad 1. Can. 5. Tol. 12.

Comment. in D. Tho. tert. par.

temporum ratione, & ecclesię præscriptio-
ne, vel alterā, vel vtramq; religiosè & paci-
ficè sumunt. Voluit itaq; Gelasius omnem
populum Christianum vtramq; speciem
sumere, vt ea ratione impij illi & supersti-
tiosi Abstemiij discernerentur, & pro Mani-
chæis damnarentur. hæc etiam est expres-
sa Leonis I. contra eosdem sententia serm.
4. de quadragesima. est etiam in eos ad-
huc in Hispania perseuerantes canon. i. cō-
cilij III. Braccaren.

16. Neque verò hoc nouum est in Eccle-
sia catholica, sed in multis aliis receptum,
vt quæ perse licita sunt, fiant ex prohibi-
tione propter coniunctum aliquando er-
rorem illicita: & idèò damnantur multa à
Patribus, non quòd fiant, sed quia ex su-
perstitutione, aut hæresi fiant. sic olim lice-
bat, vt ostendimus, intinctam Eucharistiā
sumere, postea prohibitam legimus eod.
can. i. propter Priscillianistas, qui vt vitarēt
ex sua hæresi vinum, intinctam Eucharis-
tiam sumebant. & rectè quidem, ne sacra-
mentum, quod vnitatis & pacis symbol-
um est, dissidiij & perturbationis, propter
quorundam superstitionem, occasio sit.
Ostendimus apud antiquos indifferētem,
& liberam fuisse alterius, vel vtriusque spe-
ciei sumptionem, pro consuetudine cuius-
que ecclesię: tempore etiam D. Thomę
in multis ecclesiis vna, in aliis vtraq; com-
municatum esse ipse testis est 3. p. q. 80. ar.
12. his verbis, prouidè in quibusdam eccle-
siis obseruatur, vt populo sanguis sumen-
dus non detur, sed solūm à sacerdote su-
matur. perfectio enim huius sacramenti,
vt inquit, eod. art. ad 2. non est in vsu fide-
lium, sed in consecratione materię: & idèò
nihil derogat perfectioni huius sacramen-
ti, si populus sumat corpus sine sanguine,
dummodo sacerdos consecrans sumat
vtrumq;: & quia in ipsa consecratione est
repræsentatio dominicę passionis, idèò
non debet corpus sine sanguine consecra-
ri: & quia hunc sacerdos sumit & offert in
persona omnium, non sequitur aliquod
detrimentum, præsertim cum sub quauis
specie totus Christus contineatur. deinde
post tempora D. Thomę, consuetudine
immemorabili, cuius nullus auctor extat,
confirmatus est alterius speciei tantū vsus,
longè ante Basiliensē & Constantiē. Con-
cilia, vt ex decretis latinorum constat.

17. Tempore autem horum Conciliorū,

vnus speciei sumptio cœpta est repræhen-
di à Vvicleffo, Hieronymo Pragenfi, &
Husso, vel à Petro Dresensi, & Iacobello,
vt scribit Æneas Silvius de Origine Bohe-
morum. sed hi omnes damnati sunt in Ba-
silien. sess. 30. in Constantien. sess. 13. & pro-
pter eundem errorem renouatum Luth-
erus, Calvinus, & cæteri similes, in conc. Tri-
dent. sess. 13. c. 2. Confirmauimus hæcenus
duo illa, quæ in explicatione huius contro-
uersiæ posuimus firma esse oportere, Ec-
clesiæ potestatem in dispensatione sacra-
mentorum salua eorum substantia: & vsum
vnus, vel duplicis speciei indifferentem &
liberum fuisse in tota antiquitate, vt nun-
quam ecclesia senserit, alterutrā esse à Do-
mino præceptam. Oportebit etiam hîc me
minisse expositionis supra à nobis proposi-
tæ in 6. c. Ioannis, cū responderemus ad
obiectiones contrā realem Christi præsen-
tiam in hoc sacramento. Ad explicationē
propositæ controuersiæ, his statutis, ponam-
us, morè nostro, quasdam conclusiones.
Prima sit, sacerdos sacrificans, & conficiens
hoc sacramentum, iure diuino tenetur
vtramq; speciem panis & vini consecrare
& sumere: non sacrificans autem sacerdos,
alij clerici & laici non tenentur eodem iure
diuino sumere vnquam vtramque spe-
ciem: sed positiuo & ecclesiastico tenen-
tur seruare ritum suæ ecclesię, nempe, vt
in Ecclesia catholica receptum est, sub vnā
tantum specie panis Eucharistiā sumere.
Prior pars huius sententię, de commu-
nionē sacerdotis sacrificantis confirma-
tur ex verbis Domini instituentis hoc sa-
cramētum: inquit enim, hoc facite in meā
commemorationem: quibus verbis ex re-
cepta patrum interpretatione dedit ipsis
Apostolis potestatem similiter offerendi
& consecrandi, atque ipse obtulit & con-
secrauit. referunt autem Euangelistæ &
D. Paulus, se ipsum sub vtraq; specie panis
& vini obtulisse & consecrassē: & ipsis
consecratum manducandum & bibendū
dedisse: & quia omnibus sacerdotibus ea-
dem datur offerendi & consecrandi pote-
stas, omnes sanè eodem diuino præcepto
sub vtraq; specie offerre & consecrare te-
nentur. Sic can. 9. Apost. præceptum est, vt
facta oblatione, presbyter communicet: si-
militer Tole. 12. c. 5. iuxta illud. i. Cor. 10.
nōne qui edūt hostias, participes sunt alta-
ris. idem potest etiam confirmari ex Basi-
lien.

*Hæretici cōtra
sumptionem
vnus speciei*

*Manichei &
Priscillianista
superstitiosi Ab-
stemii.*

*Licita propter
errorem adiun-
ctum sunt illi-
cita.*

Prima conclusio

*Sacerdos confi-
ciens hoc sacra-
mentum vtram-
que speciem su-
mere tenetur.*

lien. sess. 30. Cōstantien. sess. 13. Trid. sess. 21. c. 1. vbi definitur laicos & clericos non conficientes; non adstringi iure diuino ad sumptionem vtriusque speciei. Videtur enim innuere, clericos conficientes eodem iure teneri ad vtramq; speciem sumendam.

18 Accedit his ratio D. Thomæ theologica, quæ sic concludi potest: perfectio huius sacramenti consistit in vtraque specie: quia sic est institutum, & tunc perficitur, cum suæ institutioni consentit, cum inde habeat vim suam & substantiam: sed sacerdotibus conuenit sacramenti perfectio: quia debent esse institutioni conformes: sacerdotum igitur est propria vtraque species, non tantum, vt offerant in memoriam passionis Christi, sed vt oblata percipiant, cum oporteat eos esse altaris participes. Tota hæc argumentatio institutione Christi nititur, quare & iure diuino, ad quod institutio pertinet. Scio quibusdam theologis olim visum esse, non esse iuris diuini consecrationem & sumptionem calicis, etiam sacerdoti offerenti, vt Alexand. Aleñ, in cōpendio theologiæ, quem sequitur Biel in canon. lect. 53. & Alberto Magno, quem sequitur Adrianus q. 6. de Eucharistia: quia altera tantum specie panis recolitur & significatur passio Domini, & ad id tantum teneri sacerdotes conficientes hoc sacramentum. eosdem sequuntur alij recentiores. Osius & Hessels de communione sub altera specie meminerunt sententiæ Alberti nec improbat. Claud. sanct. de Euch. repet. 10. c. 3. Guilel. Alan. de Euch. sacramento c. 45. licet non audeat asseuerare. Adde tes se moueri exemplis Christi & Apostolorum, quos consecrasse vnam tantum speciem, & Luc. 24. & in Actis, nihil vetat, & facto Innocentij III. quem Raph. Volaterr. refert dispensasse cum Noruegis, vt panem tantum consecrarent, quia ob nimium frigus, vinum neq; apud se natum habent, neque aliunde allatum ab accedine liberare possunt. Confirmant etiam ex eo, quod apud nos sine vini specie verè fit, licet non rite sacramentum: vt si sacerdos ex inadvertentia aquam in calice pro vino posuerit, aut si graui errore putet se calicem consecrasse, quem non consecravit: aut si repererit aquam pro vino in calice, cum vinum ad complendum calicem & sacrificium nullo modo haberi possit, quæ omnia sæpè accidere possunt. Hæc tamen senten-

tia nobis non probatur, neque dispensatio nis: hæc historia certa videtur: neque Christi & Apostolorum exemplum conuincit: quia Christus legibus ordinariis de administratione sacramentorum, non obligauit se ipsum: & Apostoli, suggerente Spiritu sancto, potuerunt efficere, quod nobis non licet, contra legem communem, & præceptum, ecclesiastica consuetudine receptum de consecranda simul vtraque specie. sic enim plerisque etiam videtur, Apostolos ex quadam dispensatione, in nomine tantum Christi baptizasse, sine aliarum personarum expressione, quod tamen nobis nullo modo licet. sic apud Indos occidentales, nunquam permixtum est, sacrificium confici sine calicis consecratione, licet in ea regione nullum esset vinum. ex his autem, quæ non rectè fiunt, non licet argumentum firmiter ducere: esset enim tunc imperfectum sacrificium quantum ad modum institutum à Christo, licet res oblata Christus esset eadem sub altera tantum specie, cum vnius speciei consecratio, non pendeat ab alterius consecratione.

19 Altera p. conclusionis de laicorum & clericorum non conficientium communionem sub altera tantum specie, expressè definita est eisdem conciliis, & à nobis supra praxi & vsu Ecclesiæ omnino confirmata. Teneri autem vnumquemque suæ ecclesiæ ritum seruare in sacramenti administratione, & receptione constat, quia aliter pax Ecclesiæ perturbaretur. si quis autem voverit contentiosus esse, nos talem consuetudinem non habemus, neq; Ecclesia Dei, vt inquit D. Paulus: sic de fermentato & azimo vltima sess. cōcilij Florentini, vt ecclesia vnaqueq; suam consuetudinem retineat, Ecclesiam autem ex iustissimis causis sustulisse illam veterum indifferentiam in communionem vnius, vel duplicis speciei, confirmata secunda conclusione, commodius explicabitur, quoniam ex vtraq; deducendæ sunt illæ causæ.

20 Sit ergo secunda conclusio. sacramenti æqualis est gratia perse in sumptione alterius, atque vtriusque speciei. Perse intelligo ex opere operato sacramenti, posita æquali & sufficienti dispositione subiecti: quæ autem gratia prouenit ex maiori subiecti dispositione, ea non est sacramenti perse, quia neque ex opere operato, sed ex opere operantis. Quamuis autem plus

Comment. in D. Thom. tert. part.

*Ex sumptione
vnius tantum
speciei populus
non priuatur
gratia ad salu-
tem necessaria.*

gratiæ consequeretur ab vtraq; , quàm ab altera specie, nō tamē esset iusta querimonia plebis de altera specie denegata: quia ex illa vnica specie non defraudatur gratia sufficiēti & necessaria ad salutē, præsertim cum hoc quicquid esset abundantioris gratiæ, cōpensaretur reuerentia quadam Christo & sacramento inde exhibita : quia id quod fit in bonū superioris, nūquam cedit in iniuriam inferioris. vt Ecclesia non finit hoc sacramentum conferri homini patiēti vomitū , vnde fit vt hac sacramenti gratia sepē priuetur: id tamē non est vnquam ab aliquo Christiano reprehēsum, quia cedit in honorem sacramēti & Christi, quōd homini Christiano defuit. Quare sapientissimē Concil. Trid. sess. 21. c. 1. definiuit, dubitari non posse salua fide, quin alterius speciei communio ad salutē sufficiat, & apertius c. 3. nulla gratia necessaria ad salutem eos defraudari, qui vnā speciē solā accipiunt. idq; confirmauit ex verbis Domini, qui Ioan. 6. vt dixit de vtraque specie, nisi manducaueritis carnē & biberitis sanguinem, nō habebitis vitam, (hoc est gratiam, per quā anima viuit Deo): ita dixit de altera specie, si quis manducauerit hoc pane, viuet in æternū. rursus, qui dixit, qui māducat meam carnē, & bibit meum sanguinē, habet vitam æternam, dixit etiam de solo pane, panis quē ego dabo , caro mea est pro mundi vita. deniq; , qui dixit, qui manducat meam carnem , & bibit meum sanguinem, in me manet & ego in eo, dixit nihilominus de vno, qui manducat hunc panem viuet in æternum.

21 Hæc autē verba huius capituli de hoc sacramento intelligenda esse, supra ostendi, cum responderem ad obiectiones contra realem Christi præsentiam in hoc sacramento, & apud aduersarios plurimum yrgentes communionem sub vtraque specie ex eodē c. 6. magnam vim habere debent, si sibi constare velint. Sed nunc illud alterum , quōd sancta synodus tacuit , & nos tamen hac secunda conclusione comprehendimus , confirmandum est, æqualem nempe gratiam conferri vnā atque vtraque specie , ne plebs , aduersariorum suāsu, male secum agi putet, si vlla commo-
ditate spiritali ex diuino sacramento priuetur. Argumentum est huiusmodi , sacramenta nouæ legis semper significando efficiunt, tantumq; efficiunt quantum si-

Æqualis gratia ex sumptione alterius, atque vtriusque speciei.

gnificant: sed idem & totum, panis specie, atque vini significatur, & in quauis , quod in vtraq; , licet expressius in vtraque, quàm in vna : idem est ergo vtriusque effectus, æqualis gratia. Tota enim resectio spiritalis, vel cibo, vel potu distinctē representatur, licet expressius in vtraq; specie exprimitur: neque eo maior est gratia, quo est significatio expressior: quia sacramenta cōferunt gratiam, quam significant ex institutione Christi, & non maiorem ex significatione manifestiori : vt constat ex baptismo, cuius æqualis est gratia perse, siue fiat trina, siue simplici mersione, fluminis, fontis, aut aque perfusione, & tamē expressior est significatio in trina quā in simplici, fluminis quā aquæ perfusione. alioquin quo aliquis esset acutior & doctior ad rerū similitudines percipiendas, eo maiorem gratiā signis sacramentalibus perciperet. sed in Eu-
charistia idem apertē sic ostenditur. Tria præcipuē præter corpus Christi & sanguinē in hoc sacramento representantur, commemoratio mortis Dominicæ, vnio fidelium inter se & cū Christo, animarum resectio, atq; nutritio: hæc autē omnia vna tantū specie representari ex Euangelio deducitur. Lucas enim Euāgelista ad primā solam specie mortis suæ memoriā instituisse narrat, hoc est, inquit, corpus meū, quod pro vobis datur, hoc facite in meam cōmemorationē. & Paul. 1. Cor. 10. vtriq; parti separatim passionis significationē adiūgit: & c. 10. ex vnius panis participatione, fideles vnū corpus fieri cū Christo docet, quæ erat secūda significatio: calicis ad eā rem, nec in nostra vulgata editione, nec in plerisque aliis, vlla mētiōe habita. Nā illud c. 10. mortem Dñi annuntiare, debet separatim referri ad manducationē panis, & potū calicis Domini. Et in dominica oratione, constat pane omne alimentū & totam corporis resectionē significari: quod in hoc sacramēto ad tertiam illam significationē pertinet. & vnaqueq; species quaten⁹ effecta ex diuersis cōiunctis, panis ex granis, & vinum ex vuis, vnionē populi fidelis cū Christo significat. In vet. etiā test. totum hoc sacramentum sæpissimē vna tantum similitudine adumbratum est, vt mannæ, panum propositionis, agni Paschalis, panis Eliæ, duplici autē panis & vini oblato à Melchisedech. Vt igitur particula quauis sacrificij olim oblato, reddebatur quisque totius sacrificij

1.
Sacramenti maior & apertior significatio non confert maiore sacramenti effectum.

2.

3.

etiam

etiam ex variis rebus constantis particeps: vt inquit Paulus eod. c. 10. sic nostræ Eucharistiæ & perfectissimi sacrificij, qui alteram tantum illius speciem sumit, sicuti de manna dictum est Exod. 16. qui plus parauerat, non habuit amplius, neque qui minus, plus reperit. idem videtur significare Cyprianus lib. de cœna his verbis, potus & elus ad eandem rationem pertinent, quibus sicut corporea nutritur substantia & viuit, ita vita spiritus hoc proprio alimento nutritur. Denique si Christus idem in vna atque in duplici specie offertur, licet expressius in duplici, modus oblationis in cruce representetur: erit sane idem effectus summentis vnâ speciem, atq; duas: quia eundem recipit oblatione vnica representatū. 22. Hæc dicta sunt, si signa solum in hoc sacramento considerentur: eadē vero apertius confirmantur, si res ipsa contenta consideretur, hoc est Christus Dominus, diuinitate, anima, corpore, & sanguine, ac ceteris partibus integer & viuus, sub quauis specie existens, vt supra ostensum est: quare si hæc omnia, neque re, neque operatione à quauis specie separantur, sequitur planè eundem esse effectum sumptionis Christi in vna, atque in vtraq; specie. Neque verò si vt sacramēto, ita re vera separata essent, vel sic variam gratiam producerent: siquidem, nec in cruce aliā vim habuit meriti, aut satisfactionis, aut efficiētiae corpus mortuum, aliam sanguis effusus, cum vtrumq; esset diuinitati hypostaticè coniunctum. Neque enim, vt aduersarij fingunt, ea sola in hoc sacramento operantur, quæ adsunt ex vi sacramenti & virtute verborum dictō, & nihil efficiunt, quæ adsunt per concomitantiam: quia Dominus contrarium affirmat Ioan. 6. tribuens plus spiritui, quē dicit viuificare in hoc sacramento, quā carnī, cum ait, spiritus est, qui viuificat, caro non prodest quicquam: cum tamen spiritus adsit per concomitantiam, siue diuinitatem, siue animam significet: caro verò ex vi sacramenti, quam sine spiritu ad gratiam sacramenti nihil conferre denuntiet. Idem etiam constat ex decretali epistola Ephesini Concilij contra Nestorium, quæ docent plurimum interesse ad vim sacramenti, vt fideles confiteantur, corpus existens in sacramento esse vnitum verbo, & non esse meri hominis carnem: at si ea, quæ per concomitantiam adsunt, nihil effice-

rent, cuius hominis corpus, aut sanguis esset nihil, referret. Denique omnes veteres Theologi metiuntur effectus & fructus huius sacramenti potius ex cōcomitantibus, quā ex ipso corpore & sanguine, in quibus ratio sacramenti propriè existit. Cyril. lib. 4. in Ioan. c. 23. corpus hoc, inquit, non est Petri, aut Pauli, aut cæterorum, sed ipsius vitæ, Saluatoris nostri IESU: & hoc corpus viuificat, quia in ipso plenitudo diuinitatis inhabitat. quamuis enim corpus & sanguis immediatè & directò hinc existant sacramentaliter: tamen actus, operationes & effectus sunt personæ diuinæ, quæ corpore vt instrumento coniuncto, & specie sacramenti vt separato, ad effectum sacramenti vitur.

23. Vnde si aliquis obiiciat, operari quidem personam verbi per species sacramentales instrumentaliter, & cum vnaqueque propriè habeat rationem sacramenti, erit etiā cuiusq; proprius effectus, & ideo maior vtriusq;, quā vnus tantum speciei: alioquin inaniter sacerdotes posteriōrē speciem fumerent, cum ex priori totum effectum consequuntur: respondendum erit, illas quidem esse sacramentum, sed vnā cum re cōtenta gratiam conferre, & cum hæc deriuetur ex Christo contento, repetitione signi & speciei, non datur noua gratia: quia in duabus speciebus non sunt duo sacramēta, sed in vtraque vnū integrum & completū. Quum autem à sacerdote nō compleatur actio sacramentalis & sumptio, nisi in posteriori specie percepta, tunc videtur conferri effectus sacramenti, licet quidam affirmant in priori, & possit contingere in posteriori, si in priori fortassis non erat suscipientis accommodata preparatio: sed hoc ex accedenti euenire potest, per se vero effectus sacramenti est in completa actione sacramentali: sicuti cum vnus speciei sumptione completur, statim sacramenti effectus consequitur. simile est, cum trina meritione, vel vnica tantum, sacramentum baptismi perficitur. Quin etiā Christus in plurimis operibus nunc vno tantū, nunc pluribus instrumentis vsus est: Lazarū voce tantū excitauit à mortuis Ioan. 11. verbo & tactu filiam Iairi Marc. 5. & Lucæ. 8. cæco restituit visum sputo & luto Ioan. 9. aliis alio modo. sic igitur eadem actione sacramentali, licet duobus signis completa, idem est gratiæ effectus, atque vno tantum: sa-

*Sacerdos ex
pluri specie
equalem gra-
tiam quando
percipiat.*

ramenta vero integra repetita augent, aut renouant gratiam.

24. Quare concludamus in diuersis sacramentis esse diuersa signa formaliter & materialiter: quia & res & significatio diuersa sunt, & ideo representantur & efficiuntur diuersi gratiæ effectus. in Eucharistia autem sunt diuersa signa materialiter non formaliter, quia vnumquodque representat Christum pro nobis oblatum, & perfectam refectionem nostri. Quin etiã sancta scriptura eadem effecta tribuit corpori & sanguini Christi. dicitur enim Christus peccata nostra tulisse super lignum in corpore suo: dicimur sanati liuore corporis eius: dicitur vulneratus in corpore propter iniquitates nostras: attritus propter scelera nostra: dicitur etiam lauasse nos in sanguine suo à peccatis: dicitur sanguis eius emundare conscientiam nostram: erit igitur idem effectus corporis sub vna specie panis, & sanguinis sub specie vini, siquidem idem tribuitur vnicuique; perse. Præterea, in effectû spirituali, nō differunt cibus & potus, odoratus, tactus, vt Euangelij prædicatio dicitur à D. Paulo potus, odor, fulgor, lumen: & sapiens nunc vocat sapientiã panem, cum ait, cibauit illum pane vitæ & intellectus: nunc præterea aquam, subiungens, & aqua sapientiæ salutaris potauit illum: vt obseruauit D. Aug. tract. 99. in Ioãnem. recte igitur externa signa cibi & potus in hoc sacramento ad eundem effectû spirituales significandum accommodantur. Denique vt in vet. lege pluribus signis eadem populi ex Ægypto liberatio representata est, vt phasæ, oblatione primitiarum & esu: sic etiam Christus Dominus, duo signa eiusdem redemptionis factæ in cruce, in hoc sacramento instituit, ad eundem omnino & æqualem effectum, sumptione alterius participandum. sic D. Aug. lib. 20. contra Faust. c. 18. inquit, Christianos sacrificij, quod in cruce Christus obtulit, memoriã celebrare sacrosancta oblatione, & participatione corporis & sanguinis Christi. & Concil. Ephes. in ep. ad Nestor. annuntiantes mortem vnigeniti filij Dei inuentam celebramus in ecclesijs sacrificij seruitutē, & sic ad mysticas benedictiones accedimus, & sanctificamur participes effecti pretiosi corporis & sanguinis Christi.

25. Hec igitur omnia quæ diximus, & adhuc multo plura atque grauiora Ecclesia

Dei animaduertens: sciens verũ sacramentũ alterutra specie percipi, & integrũ Christũ sub quauis particula existere, idẽ vtroque signo significari, nō maiorem gratiam ex vtraque, quã ex altera dari, vtrumque cõmunificandi ritũ, & sacramenti institutioni, Christi, Apostolorum ac Patrũ exemplis ecclesiarumque omnium vsui consentire: videns re esse perse liberã, & proinde ad substantiam sacramenti non pertinere: memoria tenens se esse dispensatricẽ mysteriorũ Dei, & in hoc in primis sacramento autore D. Aug. ad Ianuar. quo deinceps ordine sumeretur moderatricẽ constitutã, suggestionẽ Spiritus sancti, & longo rerum vñ animaduertens, quanta pericula, scãdala, errores, contẽptus, prophanationesque rei omnium sacratissimæ ex calice promiscuẽ concessio oriri queant: videns in populo numerosissimo, & magis ac magis fide labascente, in deuoto, grauissimos casus in dies necessariò accidere, vsque etiam ad effusionem, dum trãsiunditur, aut bibitur, sepissimeque, aut humi, aut vestibus, aut barbis, aut mappis aspergi, vel necessariò accipi, cum vix ac ne vix quidem in summa, præ reliqua multitudine, celebrantium sacerdotum paucitate, seuerissimis legibus summaque obseruantia satis caueri possint huiusmodi: videns præterea plurimos non nisi magno nausæ periculo vnquam bibere vinum: videns aliquot gentes, & maxima regna vinum non habere, & vix importatum posse seruari: reliquaque, quæ infinita sunt, sapientissimẽ obseruans, tandem posteriorum conciliorum decretis statuit, vt cum alterius, vel vtriusque speciei sumptio libera esset, in posterum plebi, atque etiam clero non celebranti, in vna tantum panis specie dispensaretur, quod & eternum esse voluit, nisi illud rursus eadem ecclesiastica autoritas, probabili ratione rerum ac temporum, quibusdam remitteret.

26. Scimus hæc omnia aduersariis ridicula videri, qui vtrumque aliquid rei consecratæ dilabatur, aspergatur humi, aut euomat, conculcetur, aut à canibus lingatur, nihil tamen in corpus, aut sanguinem Domini committi dicunt. sed hoc illi suo errori congruenter faciunt. Lutherani quidem, quia Christum tantum volunt esse presentem, cum sumitur, Sacramentarij autem nunquam. Ecclesia verò ex vera & indubitata

Cur Ecclesia catholica sustulerit indifferentiam vtriusque speciei, & populo vnã tantum, sacerdoti sacrificanti duas concesserit.

dubitata Christi præsentia in hoc sacramento statim post consecrationem, cuncta moderatur, & ideo semper exquisitissimam curam adhiberi voluit in huius sacramenti administratione. Scimus etiam olim his locis, ubi sanguis distribuebatur plebi & non conscientibus, quibusdam rationibus & modis, his periculis effusionis & irreuerentiæ occursum esse: ut fistulis argenteis & aureis, quibus hauriri posset sanguis de calice sine effusione, quibus etiam sum. Pontif. in missa solemni vitur, ubi ministri cardinales, aut illustriores personæ communicant sub utraque specie. Sed ad totam plebem impedita valde & minimè accommodata videtur hæc instrumenta: & ideo neque videtur fuisse in usu, nisi in sacris Cardinalium, canonicorum, monachorumq; conventibus, cum hodie etiam in antiquioribus monasteriis Præmonstratensis ordinis reperiantur: & verisimile est consuetudinem communicandi sub utraque specie, magis inter religiosos & illustres clericos, quàm cæteros laicos extitisse. Longo igitur rerum usu & animaduersione Ecclesia iudicauit, propter populi Christiani multitudinem, & irreligiositatem multo proliuiorem ad hæc pericula gignenda, his scandalis hac vnus speciei sumptione occurrendum esse. olim in vitro & ligno consecratum est, nunc nullo modo licet. olim infantibus hoc sacramentum dispensatum est, sed notata tandem ex effusione & vomitu, qui frequens & facilis in illa ætate est, magna irreuerentia, & opinione necessitatis penitus sublata, illa omnis consuetudo sanctissimè in posteriori ecclesia cessauit. hæcenus de secunda conclusione.

27 Tertia conclusio. expedire potest, ut alicui populo, aut nationi, usus calicis concedatur: constat enim ex præcedentibus, indifferentem esse alterius, vel vtriusque speciei sumptionem, & in Ecclesia esse potestatem ad instituendum, quod magis expedire iudicauerit, cum neutra sumptio vnus, vel duplicis speciei, sit à Domino præcepta: sic sanè significat Concilia supra citata Constantien. & Basilien. & apertius Trident. in fine sess. 22. hoc refert ad prudentiam summi Pontif. Admonent autem Theologi prudentiores à petentibus calicem illa sex fideliter credenda & seruanda esse. Primo, communio

nem sub utraque specie non esse omnibus præceptam à Domino: secundò, laicos communicantes sub vna tantum specie, non peccare: tertio, nihil amplius sub duplici, quàm sub vna tantum specie sumit: quarto, sub vna tantum specie Christum totum contineri & sumi: quinto, laico petenti vnâ tantum speciem, neganda non esse, ne scilicet videantur ministri ipsâ negatione profiteri vtriusque speciei sumptionem ad salutem necessariam esse: sexto, ut maxima cura adhibeatur per vtramq; potestatem ecclesiasticam & facularem, nequa sacramento irreuerentia fiat. quæ omnia eo spectant, ne usus calicis, erroris fomentum & causa sit: his præsertim, qui huiusmodi erroribus prius infecti fuerat, ut Calixtinis. his cautionibus Pius IIII. calicis usum illis concessit: sed plerique ex illis malunt in veteri errore perseverare, quàm calicis usum cum erroris detestatione admittere. Reliquum est, ut argumenta aduersariorum principio huius controuersie proposita, quibus videntur sibi efficere communionem vtriusque speciei, omnibus esse ad salutem necessariam, paucis dissoluamus, ne aliquid sit, quod veritati catholicæ repugnare videatur. Ad primum ergo desumptum ex institutione Christi in vtraq; specie, ut ex institutione, vtriusq; usus similiter concludatur, respondemus longe illa esse diuersa, neq; usum ex institutione constanter concludi secundum usum sanctæ scripture: res omnes primo Deus condidit, sed non præscripsit omnibus earum usum: vinum efficiendum curauit, vini usum non omnibus mandauit. in lege etiam plurimis sacrificiis vinum adiungitur, sed vini usus non præcipitur: matrimonium instituit, sed noluit omnes matrimonio copulari, imò verò ipsis etiam coniugatis licet de comuni consensu continere. Deinde licet usus vtriusque speciei præceptus esset, non tamen omnibus iuxta regulam D. Augustini lib. 3. de doctrina christiana cap. 17. alia communiter in sancta scriptura omnibus præcipi, alia singulis quibusq; generibus personarum. quare licet esset præceptus vtriusque speciei usus, satis esset à quibusdam præstari, ut sacerdotibus sacrificantibus: & ideo, licet Christus promiserit se cum fidelibus bibiturum in regno Patris & Ecclesia genimen vitis, id est, vinum con-

Plura prouidentur Claud. sanct. repet. 10. c. 6.

Ad primam objectionem aduersariorum principio huius controuersie propositam.

Institutio & usus sacri sunt longe diuersa, præsertim cum Eucharistia non sit sacramentum ex usu, sed ex consecratione.

De concessione calicis.

Reard. ar. 15.

Comment. in D. Thom. tert. part.

secratum Luc. 22. satis est à quibusdam in cœtu Christianorum id fieri, vt promissio impleatur.

28 Sed vrgent præterea aduersarij eandem rem illis verbis, manducate & bibite ex eo omnes, quæ vim præcepti habent. fa-
teor, sed hic iussus ad præsentem tantum Apostolos pertinuit, & non ad alios Christianos, neq; præsentem, neq; futuros. Lucas enim exposuit, quod alij Euangelistæ dixerunt, bibite, illis verbis, diuidite inter vos: & Marcus, inquit, biberunt ex eo omnes, nempe, quos bibere præceperat. Confirmatur necessarium hæc explicatio, quia illa verba [bibite omnes] præcedunt institutionem cœnæ & Eucharistiæ permanens in tota ecclesiæ Christianæ posteritate; non igitur potuit præcepisse prius posteris calicis usum, cuius consecrandi potestatem nondum concesserat, donec subiungeret [hoc facite.] quod si non esset additum, tantum constaret in præcedentibus priuatum quoddam factum & colloquium cum Apostolis habitum, qualia multa leguntur familiariter cum Apostolis transacta. Sed instant adhuc aduersarij ex eisdem verbis [hoc facite:] quia debent apponi vtrique speciei, vt apponuntur 1. Corint. 11. & ideo eisdem præcipi vtriusque speciei usum: inquit enim Paulus de corpore primum, hoc facite in meam commemorationem: deinde de calice, hoc facite, quotiescunq; bibetis in meam commemorationem.

29 Sed respondetur, non semper in sancta scriptura verbis imperantibus contineri præcepta omnibus imposita, sed aliquando potestatem, vt in illis, crescite & multiplicamini: aliquando collationem doni, vt in illis, accipite Spiritum sanctum: aliquando permissionem, aut exhortationem, vt in illis, vade, vende omnia, quæ habes, vouete, & reddite, sic ergo verbum [facite] continet potestatem datam Apostolis, & eorum in sacerdotio successoribus ad consecrandum, & administrandum populo Eucharistiam, sed nihil de usu populi præceptum est. hæc est sententia Conc. Trid. sess. 22. c. 1. vbi loquens de verbis Domini ad Apostolos in vltima cœna inquit: quos tunc nou. test. sacerdotes instituebat, & eisdem eorundemq; in sacerdotio successoribus, vt offerrent, præcepit per hæc verba, hoc facite in meam commemorationem, vt semper catholica Ecclesia intellexit & docuit. id

verò sic apertius constabit. in illis verbis, hoc facite, continetur & factum Christi & Apostolorum, quasi dicat Dominus, facite vos deinceps, quod ego & vos ipsi fecistis: Christus autem consecrauerat panem, & vinum in corpus & sanguinem suum, Deo Patri obtulerat gratias agens, sumpserat & Apostolis distribuerat: Apostoli verò manducauerant & biberant distributa à Domino, sicut in phase veteris immolatione, erat oblatio & manducatio agnitione, primi quod Christus gessit, verbum, facite, tantum pertinet ad Apostolos & futuros sacerdotes: ratione secundi, quod Apostoli gesserunt, pertinet ad omnes Christianos. in illo primo, verbum, facite, pro offerre intelligunt Dionys. c. 3. ecclesiasti; hierar. Cyprian. lib. 2. epist. 3. Ambr. lib. 4. de sacramentis. Chrysost. hom. de prodictione Iudæ, Damascen. lib. 4. de fid. c. 14. ad secundum alludunt Basil. in regul. moral. c. 3. Cyril. lib. 12. in Ioan. c. 58.

30 Quod si assumas, in illo primo non præcipit omnibus, essent enim omnes similiter sacerdotes ad consecrandum instituti, vt impiè Lutherus fingit, & iis, qui verè sunt sacerdotes, solet Ecclesia potestatis ad consecrandum usum inhibere & suspendere: poteris sanè de secundo concludere: ergo similiter poterit Ecclesia potestatem datam sumendi corpus & sanguinem sub ytraque specie moderari, & aliquando vnius, aliquando vtriusque speciei sumptionem concedere, vt pro ratione temporum & personarum viderit expedire. similiter 1. Corint. 11. cum inquit, hoc facite, quotiescunq; bibetis, intelligitur concessa potestas ad sumendum: at non præcipitur usus, sed modus, vt fiat in commemorationem Domini. Quod verò quidam asserunt de panis specie absolute dictum esse, hoc facite, quasi ad omnes pertineret sub ea specie manducare corpus Domini: de vini autem specie non absolute, sed sub illa restrictione, quotiescunq; bibetis, quasi non sit præcepta omnibus, sed bibentibus, vt bibant in commemorationem Domini, nobis non probatur, similis enim determinatio vtrique speciei apponi potest, & non est magis præceptum de sumenda panis specie, sed tantum vt in memoria fiat, quando sumitur. Illud etià quod subiungitur eod. c. 11. quotiescunq; manducabitis & bibetis, & probet seipsum homo, & sic de pane illo

Facere in commemorationem

Manducate, bibite.

Verba imperantia in sacra scriptura.

Manducate & bibite in commemorationem.

illo edat, & de calice bibat, quamuis copulatè dicatur, disiunctè tamen intelligi oportere ipsemet Paulus significat, cum subiungit, qui enim manducauerit panem hunc, vel biberit calicem Domini indignè, reus erit corporis & sanguinis Domini, quia ratio hæc præcedentis sententiæ, in eodem sensu, atque ipsa sententia accipienda est: quem sensum disiunctum Ecclesia catholica probauit, vsum indifferentem alterius, vel vtriusque speciei admittens olim, vt supra ostensum est. vel certè loquitur D. Paulus de vfu vtriusque speciei apud Corinthios recepto, sed non omnibus præcepto, vt ostendimus.

Ad secundam
obiectionem.

31 Ad alteram obiectionem desumptâ ex illo Ioan. 6. nisi manducaueritis, & biberitis, respondeo aduersarios nihil planè efficere, cum nolint eodem 6. cap. sermonem haberi de sacramentali manducatione, vt dictum est, cum illud cap. explicaremus, respondentes ad obiectiones contra realem Christi præsentiam in hoc sacramento. neque etiam apud catholicos eadem obiectio quicquam efficit, cum asseramus in qualibet specie corpus & sanguinem sumi. hîc autem non agitur de signis & formis continentibus Christum sacramentaliter, sed de rebus contentis: & non semper cum de sacramento, aut re sacramenti sumenda, sermo est, statim de sacramentali modo, seu in vna, seu in vtraque specie fiat, cogitandum est. Alioquin infantes baptizati, non haberent vitam, nisi bibendo & comedendo in suis speciebus. ista verò perceptio coniuncta comminationi, cum sit generalis, implenda est: quod sæpè docet D. August. in infantibus, qui tamen neutram speciem sumunt: impletur autem per baptismum, quatenus eius perceptio, est votum implicitum Eucharistiæ recipiendæ, & hoc est illis manducare carnem & bibere sanguinem Christi, quod mysticè Christo incorporari, qui est huius manducationis effectus. Quod si de sacramentali manducatione illa sententia intelligatur, designatur res contenta caro & sanguis Christi, idest, Christus in cruce immolatus, sumi ad vitam & refectionem spiritualem: modus autem sumendi sub altera vel vtraque specie nõ designatur. sub qua uis autem specie carnem & sanguinè, idest Christum immolatum sumimus, vsque ad participationem, & refectionem spiritus

quæ nómine manducationis & potus ideò exprimitur, quia ex vtroque corporalis refectionio perficitur, & ideò designat perfectam spiritus refectionem. sic D. Aug. tract. 27. in Ioan. edere etiam tribuit sanguini, cū ait, hoc totum ad hoc nobis valeat dilectissimum, vt carnem & sanguinè Christi, nõ edamus tantū in sacramento, quod & multi mali faciūt, sed vsq; ad spiritus participationem manducemus & bibamus. Hinc est quod Dominus manducare carnem & bibere sanguinem, conuertit in manducare tantum: sicut enim dixerat, nisi manducaueritis, nisi biberitis, sic postea addit, qui manducat me, ipse viuet propter me. deniq; cibus iste hac ratione est potus, & potus est cibalis, vt de lacte inquit Paul. 1. Cor. 3. quòd datur in potū, & c. 9. in cibū, cū ait, qui pascit gregem, de lacte gregis manducat. Quamuis etiam eiusdem verbis, māducandi sub vtraque specie, obligatio imposita esset, non tamen esset omnibus, vt supra ostēdimus ex D. Augustino, lib. 3. de doct. Christ. c. 17.

32 Ad tertium, de vfu veteris ecclesiæ & Corinthiorum, & quòd non semper locū habeat synecdoche, vt ex vna panis specie vtraque intelligatur, sed semper fuerit varius & indifferens vfus satis suprà dictū est. Ad quartum & quintum de efficacia alterius & vtriusque speciei, dictum est ad confirmationem secundæ conclusionis. Vnde conficitur, non omnia seruanda esse in legitima huius sacramenti administratione, quæ in eius institutione & vfu Dominus in vltima cœna fecit. Dominus enim ministravit hoc sacramentum non ieiunis, quod nobis non licet, nedum necessarium sit. Christus consecrauit in pane azimo, vt supra probauimus, postea Ecclesia vniuersa aliquādiu confecit in fermentato, ad Iudaicę superstitionis condemnationem. Christus etiam in communibus ædibus, in vulgaribus vestibus, in prophana aliorum ciborum mensa, ad vespèrum diei, post pocula & epulas, in vno pane, postea in particulas frangendo, cū numero discipulorum certo, idest, duo denario, exclusis aliis familiaribus, mulieribus atq; etiā matre, consecrauit. Christus præterea inter panis & calicis consecrationem, aliquam partem cœnæ, & iustum temporis interuallum, gratiarumq; actionem, vt videtur, aut sermonem interposuit. Christus distribuit priorem speciem, antequam alteram cōsecraret; Christus cōmunicauit, cum

Nõ omnia, quæ
Christus in vltima
cœna fecit,
nobis in exemplum
proposita
sunt.

Ioan. 6. nisi manducaueritis, nisi biberitis.

Comment. in D. Thom. tert. part.

cum consecrauit simul omnes presentes. quæ omnia nunc nobis non licent, quia actione continua utramque speciem consecramus, & peracto sacrificio aliis quibusdam, non omnibus, aut nulli omnino dispensamus.

33 Cur autem, quæ Christus gessit, nobis non liceat, ex persona Christi, loco & aliis adiutis, colligi potest. res tum postulauit, ut ad legis impletionem & immutationem, sacramentum corporis sui continuo post esum agni Paschalis institueretur & distribuere-tur, id verò in Ecclesia locum non habet. Apostolis, qui de sacrificio & usu instituebantur, utramque speciem dari oportebat, ne iudicarent illum calicem ad potum non parari, aut sacrificium rite peragi, sine communionem rerum oblatarum. Præterea, nos tantum conficimus & percipimus hoc sacramentum, Christus autem instituit & sacramentum, dedicauit etiam atque instituit sacerdotum noui testamenti, & ipso opere fecit communicantes sacerdotes. quare ubi diuersitas tam multiplices rationes extant, non est exemplis solis nitendum. Imò vero de omnibus sacramentis administrandis non eadem ratio, aut idem modus teneri potest, neque constat qualis fuerit institutionis: quia origines sacramentorum ad ministratiōis ex scriptura non omnino constant, sed in usu Ecclesiæ catholice vera administratio polita est. Quis enim de-

*Origō admini-
strationis sacra-
mentorum &
modus, ex sa-
cra scriptura
non constat.*

monstrauerit, quomodo Apostoli & reliqui discipuli confirmati sint? quomodo ipsi alios confirmarint? quo modo Christum Ioannes, quo modo, & quibus verbis baptizarint discipuli Christi, cum plures baptizarunt, quam Ioannes? quo modo Philippus Eunuchum, Petrus Cornelium? tincti ne fuerint, an aspersi tantum, sicut nunc passim, an etiam planè immersi ac loti? nam Ioannes non baptizabat, nisi ubi erat copiosa aqua, nec isti baptizabantur, nisi cum descenderant in aquas.

34 De confectiōe chris-matis materięq; multiplicis vinctiōis variorum sacramentorum nihil dico. nihil de illo, quod incertum sit, an ipsi Apostoli post præscriptam iam baptismi formam ab ipso Christo, illam tamen ad tempus opportunè mutarint. Sunt alia innumera, quæ in sacramentorum administratione ad rei substantiam non pertinent, sed accidentaria sunt, & propterea à Christo, vel Apostolis usitata, posteris

exempli, aut præcepti necessitatem non inducunt. Vnde de his, quæ ad Eucharistiam pertinent, Paulus apud Corinthios multa abrogauit, & Ecclesiā catholicā multa, ut nunc sunt mores, mutauit, ut sæpè in præcedentibus obseruauimus. quæcunque igitur fuerit Ecclesiæ circa usum varietas, non attingit substantiam sacramenti, & idcirco facta veterum in exemplum proponere non licet in administratione sacramentorum, & ritibus, quæ temporibus, locis & personis variè accommodata esse ab eodem Spiritu sancto Ecclesiā catholicā gubernante, animaduertimus. Hactenus de sumptione huius sacramenti sub altera vel utraq; specie dictum sit.

35 De adiuncto tempore statim dicendum est, ut constet, quo tempore teneantur fideles ad huius sacramenti perceptionem. est autem duplex consideratio: una communis omnium fidelium, alia sacerdotum propria: de priori constat, præcepto diuino omnes fideles ad huius sacramenti sumptionem teneri: tum quia verbum illud Domini, hoc facite, ut paulò ante ostendimus, & pertinet ad sacerdotes conficientes, ut ipsi sumant, & aliis distribuant, quare simul alij obligantur ad recipiendum: tum etiam, quia Ecclesiā catholicā semper definiuit tempora huius sumptionis, sentiens diuini præcepti executionem aliquo tempore præscribendam esse, ut de aliis sacramentis statuisset, nempè baptismo, poenitentia. Deinde, hoc sacramentum ex Domini institutione est cibus animæ, ut ostendimus in explicatione 6. cap. Ioannis supra posita: tenemur igitur diuino præcepto sumere, ut cibi ad vitam corporalem sumptio necessaria est. Vnde præceptum diuinum de communionem huius sacramenti colligunt Patres, ex illo Ioan. 6. nisi manducaueritis, nisi biberitis, & ex illis Matth. 26. hoc facite in meam commemorationem: quia licet pertineant maxime ad potestatem sacerdotalem ad conferendum & sacrificandum: tamen 1. Cor. 11. refertur ad sumptionem, siue laicorum, siue sacerdotum, ut refert Cyril. in Ioan. lib. 12. cap. 58. & Basil. in regul. moral. Reg. 21. cap. 3. simile mandatum est, de faciendo Phasce Num. 9. Exod. 12. pertineans ad oblationem & esum agni Paschalis, & in utroque est signum Eucharistiæ. Præterea, si in huius sacramenti digna perceptione,

3 p. q. 80. ar. 11

ceptione, propter effectum ex ea consequentem vnionis perfectæ cum Christo Domino, religionis Christianæ perfectio posita est: & idem in baptismi susceptione est eius votum implicitum, vt D. Augustinum asseruisse paulò ante admonuimus: certè negari nō potest de eo esse diuinum Christi præceptū, quo omnes fideles obligatur: alioquin liceret homini, quod implicitè vouet, explicitè, & nunquā adimplere. Idem confirmat Ecclesiæ cōsuetudo, quæ semper ab aduentu Spiritus sancti in Apostolos frequentes ad sumptionem huius sacramenti, & sacrificium peragendum, conuentus habuit, etiam ante lucanos, cum ab infidelibus crudeliter vexarentur. Sic etiā meliores theologi censent, vt D. Tho. 3. p. q. 80. artic. 11. si enim spiritualis manducatio, qua Christo incorporamur, est homini ad salutem necessaria, & ea includit votum sacramentalis manducationis, certè si ne huiusmodi voto homo saluus esse non potest: votum autè cōstat superuacaneum esse, nisi tempore aliquo opportuno impleretur.

Viaticū ex præcepto Domini.

36. Constat ergo de sumptione huius sacramenti esse diuinum præceptum. Sed de tempore exequendi diuinum præceptum, nisi imminente periculo mortis, nullum Domini præceptū Ecclesia habet. de hoc autem habere, traditio Ecclesiæ confirmat; quæ hoc sacramentum viaticum necessarium semper sensit esse discessuris ex hac vita, vt appellat Concilium Nicenum c. de iis 26. q. 6. & ita receptum est in vsu Ecclesiæ. quæ idem neque existentibus in publica poenitentia, in articulo mortis hoc sacramentum negat c. quod in te, de poenit. & rem. Improbè igitur aduersarij fidelibus in firmis negant Eucharistiam, nisi commoditas celebrandi sacrum in ipsorum edibus existat, iubentes eos esse contentos sola memoria communionis publicæ: quasi in eorum potestate sit firmam Ecclesiæ consuetudinem ad salutem fidelium conuelleret, vt suum errorem, de non deferenda Eucharistia solemniter, confirmet, & in aliorum perniciem defendant. idem sentit Innocent. III. lib. 4. de myster. missæ c. 42. necessariò, inquit, sumendus est agnus, vt à vastante angelo protegamur: neque exire possumus de Ægypto, nisi celebrando Phase, Paschalem agnum edamus. quod etiam confirmat historia Serapionis apud

Euseb. lib. 6. histor. c. 34. cum sensit se detineri, ne mori posset, quod sacrum viaticum non sumplisset, effectus etiam huius sumptionis ad demōnis impugnationes repellendas, admirabilis est, & plerunque hominem in gratiam primam restituit, vt cōstabit in doctrina de effectibus illius. quare probari non potest ea consuetudo, quæ damnatis ad mortem sacrum viaticum denegat, cum nulla fiat irreuerentia faciame to, si à dignis suo tempore & loco, quales hi possunt esse, Eucharistia sumatur, intelligimus autem obligari ad hoc sacramentum in articulo mortis suscipiendum, omnes adultos rationis compotes: vel qui paulò ante fuerint, etiam si postea in amentia, vel phrenesim inciderint, modò nullum adsit periculum vomitus, aut expuitionis, vt supra admonuimus. ij. verò, qui præ ætate imbecilla, aut perpetua amētia, hunc sacrum cibum à prophanis discernere non possunt, neque diuino præcepto ad sumendū obligantur.

37. Extra periculum probabile mortis, tempus exequendi diuinum præceptum de sumptione huius sacramenti, variis modis definiuit Ecclesia catholica, vtens sua illa potestate circa dispensationem sacramentorum salua illorum substantia, ad edificationē fidelium. Primis Ecclesiæ temporibus omnes etiā laici quicunq; præsentés aderant sacrificio, communicabant, idque quotidie: sæpè etiam ad absentes, tempore præsentia persecutionis, diaconi, postquā præsentés percepissent, sacramentum deferrebant, vt D. Iustin. apol. 2. commemorat. idem significatur illis verbis Act. 2. perseuerantes quotidie in communione fractionis panis, & temporibus Dionysij Areopagitæ, vt constat c. 3. ecclesiast. hierar. ad singula sacra omnes his verbis inuitabantur, [venite fratres ad cōmunionem:] & in epi. Ignatij ad Ephes. [festinate fratres ad communionem.] deinde, fidelibus nō ita feruentibus, aut temporum necessitate, & morum ratione, non aliud postulante, variis decretis Ecclesia catholica ad frequentem vsum communionis fideles excitauit. etenim can. 10. Apost. omnes fideles conuenientes in solemnibus sacris, si non cōmunicauerint, & vsq; ad missam peractā in oratione perseuerauerint, cōmunionē priuantur. idem statuit de iis, qui Episcopo sacrificanti ministrant, Anaclet. epist. 1.

Tempora definita ab Ecclesia ad sacram cōmunionem

Comment. in D. Thom. tert. part.

sed Fabianus epist. 3. ad Hilarium illa solemnia sacra contrahit ad Pascha, Pentecostem, natalem Domini. idem repetitum est in concil. Eliber. ad finem, & refertur de consecrat. dist. 2. cap. omnis homo. in concilio Antiocheno can. 2. omnis, qui ingreditur Ecclesiam, & audit sacram historiam præcipitur communicare. hinc est, quod diaconi iubentur ad altare ieiuni semper accedere cap. 19. Altisiodoren. concil. vnde profectum est, quod hodie Romæ, vbi vestigia plurima antiquitatis sanctæ seruantur, Papa solemni-ter celebrante, Cardinales etiam assistentes & ministri communicent. hinc etiã socordiores factos plerôsque omnes sic Chrysost. arguit hom. 61. ad popul. Antioch. homil. 3. ad Ephes. & oratione in martyrem Philogonium, quotidianum sacrificium in casum fit, nemo accedit, & quæ sequuntur. Vnde tandem ab Innocent. III. in concilio generali tempus sacrae cõmunionis ad tempus Paschatis contrahitur.

3. p. q. 80. art. 10.

Frequens cõmunionis an laicis expediat.

38 An verò expediat sæpius laicos communicare, ex parte quidem sacramenti, semper promouentis refectionem spiritualem dubium non est, ex parte summentium si digni sint, & impedimenta deuotionis retinendæ ad hoc sacramentum, nõ vrgeant, etiam vtile esse nemo dubitat. sed quia de his, vt nunc sunt mores, certa regula præscribi non potest, ideò neque de frequentiori communione, vnum & commune consilium retineri potest. veteres quidem frequenter admonent, quotidianum esse panem, & ideò non esse, nec post menses accipiendum. Ambros. lib. 4. de sacramentis cap. 4. accipe, inquit, quotidie, quod quotidie prodest. August. serm. 28. de verbis Domini, quotidie peccas? quotidie sume, & rursum, sic viue, vt quotidie possis sumere. Tertullianus lib. de oratione, Cyprian. serm. 6. de oratione, & epist. 6. lib. 4. Hieron. contra Pelagianos ex verbo, quotidianum, in oratione Dominica communionem frequentem plebi commendarunt. Nõ quòd iudicatum sit vnquam necessarium, quotidie percipere, sed quòd natura huius sacramenti in alimento animorũ positi, ita videatur exigere quotidianam sumptionem ad cibum spiritus, sicut corporale nutrimentum, ad corporis necessariam refe-

ctionem frequentissimè expeti. videmus. licet similitudo vndiquaque non quadret: quia non sic animus hoc vno viuit sacramento, sicut ordinariè corpus solo alimento. Cauendum est etiam ab alia extrema illorũ sententia, qui vnica sumptione in tota vita illi præcepto satisfieri putant, nisi manducaueritis, &c. sicut præcepto simili de baptismo Ioan. 3. vnico baptismo satisfacimus: quoniam verborum xtriusque præcepti eadem est forma, sed rerum, de quibus agitur natura, magnũ discrimen inducit: cum semel nasci, vt simus, satis sit, sæpius autem comedere, vt viuiamus, necessariũ sit. Vt autẽ nunc sunt res, fortassis generaliter non esset consentaneum quotidie communicare, cum temporibus suis August. multo melioribus illud in totum, nec laudet, nec reprehendat, vt refertur de cons. d. 2. c. quotidie.

39 Sed certum est, consultius multò esse sæpius communicare, quàm ex lege illa ecclesiastica tenearis, licet eius obseruatio populum laicũ ab omni peccato mortali liberet, non imminente probabili mortis periculo. vtrum autem singulis mensibus, hebdomadibus, vel diebus id magis expediat, certa omnibus regula præscribi non potest. Fortè religio & sacerdotes minime implicati negotiis sæcularibus, quotidie commodissimè possent: studiosi & benè informati omnes, qui in liberalibus scientiis educantur, & in ocio honesto in vrbibus cœlibes viuunt, singulis festis possent: homines negotiosi, vt mercatores, coniugati, & id genus alij, singulis opinor mensibus: stupidiore, vt rustici, qui hæc mysteria perfectè capere nõ possunt, deberent diutius abstinere. de coniugatis autem præceptum est ad finem concilij Elibertini, tres dies ante sacram communionem minimum à suis vxoribus abstinere, cùm huiusmodi etiam licita coniunctio, à rebus spiritualibus maximè hominem auocet, sicut etiam sæcularium negotiorum occupatio. Qui verò cum concupiscentia & peccatis adhuc colluctantur, & interdũ superantur, interdum superant, & vincunt, quos Philosophi morales incõtinentes vocat, viri pij & prudentis cõsilio renouantes continendi propositũ, sepè accedere ad sacram cõmunionem oporteret, diligentius seipso probantes & examinantes, vt ex animo peccatis abstinere velint. est etiã

hic

hic facer cibis sapissimè sumendus, etiam tum, cum te, vel tepiditate, vel spiritus torpore laborare sentieris: etiam tum, quando non tantopere expetis, quantum expetere deberes: etiam nonnunquam, cum vel timiditate tua, vel demonis arte aduersi scrupuli iniecti videntur: quoniam hoc alimentum neque habet ex nimio usu fastidium, sicut corporalis cibus, sed quò frequentius & attentius sumis, eò ardentius expetis: vitaq; erit tibi magis vitalis, & gustus Domini in dies magis ac magis suavis, & conscientia multò pacatior: hæc de laicorum frequenti communione.

Laica & peregrina communio.

40 Clerici autem & populi cõmunione, ab ipsis Apostolorum temporibus, quædã distinctio cœpit esse. populi enim communionem, laicam appellant, non quòd fuerit semper vnius speciei, vt modò est, sed quòd populus extra locum sacratiorem sacrificij, vbi solus sacerdos, cum ministris conficiens, vel clero communicabat, separatim percipiebat. quæ loci in communione distinctio adeo tum pertinebat ad clericorum dignitatem, vt in grauib; pœnis censeretur, expelli ab illo loco sacratori, ad eum, in quo plebs communicabat: & ideo laica communio dicta est, de qua Eusebius, lib. 6. histo. c. 34. Cœcilia, Ancyranum, Elibertinum, Sardicēse & Toletan. 4. Eadem videtur dici aliquando peregrina, cū ad eam aliquādo præsbyteri relegati sint, vt constat ex c. 2. conc. Agathen. Sed vtraq; siue populi, siue cleri communio, semper potuit esse loco & tempore separata à sacrificio, vt constat ex communione presanctificatorum in quadragesima apud Græcos, ex continua reseruatione, ex delatione ad absentes, ad ægrotos, ad morietium viaticum. sed de clero in vniuersum satis.

§. p. 9. 82. art. 20.
Sacerdoti communio.

41 Sacerdotum autem conficientiũ hoc sacramentum, non est simplex perceptio: quidam enim sunt parochi, quibus animarum cura commissa est: alij verò sunt sacerdotes, quibus nulla huiusmodi pascendi gregem cura committitur. illos verò cõstat teneri ad sacrificandũ pro populo, & sacramenta ministrandum: quare quibus diebus populus sacris interesse, vel cõmunicare tenetur, eisdem parochi Eucharistiam conficere, & vtrinq; speciem sumere tenentur. omnes enim sacerdotes conficientes, iure diuino quoties consecrant cõmunicare tenentur: vt ostensum est in dis-

putatione de communione sub altera specie. sed etiam sacerdotes, qui pastores non sunt, ex potestate consecrandi & sacrificandi, tenentur sæpius quàm laici cõmunicare: quia acceperunt potestatem, quam non exercere, est in vacuum recepisse, contra illud D. Pauli 2. Cor. 6. hortamur ne in vacuum gratiam Dei recipiatis. præterea, sacerdotis est sacrificium offerre, & sacrificio cõmunicare: tenetur igitur sæpius cõmunicare, quàm populus. hoc autem [sæpius] quidam contrahunt ad festa præcipua, quibus populus olim cõmunicare solebat, alij ad plura: sed in his certa ratio teneri & præscribi non potest. illud vehementius est, consuetudinis ecclesiasticæ, quæ est optima legum interpretis, semper fuisse, vt sacerdotes ab altaris sacrificio paucis diebus abstinerent: & aliter suo munere non rectè fungi censentur. si enim in vet. lege reprehenduntur sacerdotes, qui sacrificia contemnunt, vt constat 2. Machab. 4. quid censendum est de sacerdotibus noui test. quos constat veteribus perfectiores esse oportere? Vnde sacerdotum peccata eò ipso grauiora redduntur, quòd ad sacrificandũ apti nõ sunt. quod si ob crimen aliquod, absolutè, vel ad tempus per sententiam Ecclesiæ, sacerdos executione ordinis priuetur, sacrificandi obligatio tollitur. eandem executionem ægritudo, aut debilitas superueniēs aufert: vel omninò, vt si priuetur oculis, digitis, aut vsu linguae: vel saltem propter imminens periculum, vt si patiatur morbum caducum, vel quantumq; aliam mētis alienationem: vel denique propter fœditatem, vel turpitudinē, vt si lepra inficiatur: is enim publicè saltem celebrare non debet, occultè poterit: nisi fortè ex eis membris impotens ad sacrificandum reddatur. c. dolentes de celebrat. miss. sacerdotibus, qui missam quater in anno vix celebrant, suspensionis pœna imponitur, quod est signum peccati mortalis. Cum autem constet, Episcopum & pastorem esse gregis sibi commissi, & in statu sacerdotum perfectiori, vt doctrina & moribus ceteris præluere possit, erit certè maior eius, ratione vtriusque, ad sæpius cõmunicandũ & sacrificandũ obligatio: vnde c. vltimo de priuileg. lib. 6. dicitur de missa celebranda, vel audienda ab Episcopis: sine qua eos transire non decet absque causa rationabili vllam diem.

Sacerdotis impedimenta ad sacrificandum.

Comment. in D. Thom. tert. part.

Effecta sacra-
mentum.

42. Sumptionē huius sacramenti, de qua hactenus dictum est, sumptionis effecta tādē consequuntur, quę hac sententia continentur. Eucharistia in summentibus perse efficit vnionis gratiam, & glorię eternę adeptiōem: venialia peccata, & pœnā temporalem peccatis respondentem remittit: pręseruat à futuris peccatis: ex accidenti aliquando primam gratiam infundit & iustificat. Prima p. sententię de effectibus perse, ex vi sacramenti, & secundum eius institutionem. primum effectum recenser gratiam vnionis, idest, qua intimē Christo capiti cōiungimur: & quia hęc gratia est vita, quę cibo reficitur, conseruatur & augetur, Dominus sępē huic sacramento vitam, vt proprium effectum attribuit Ioā. 6. Panis quem ego dabo, caro mea est pro mundi vita: & rursum, qui manducat me, viuēt propter me. Si enim omnia sacramenta nouę legis, vtcūq; in vilissimis ac in firmissimis perse elementis constituta, vel eo solo nomine, quod facta sint, singulari quadam ratione, passionis Dominicę instrumenta, gratia conferunt rectē accipientibus, quāto magis hoc diuinissimum sacramentum ipsum Christum omnis gratię fontem continens, omni benedictione celesti & gratia participātes imbuet ac replebit? aduentus namq; Christi in mundum per incarnationem effectus, est gratia & veritas, vt ait Ioannes c. 1. & ex vnione verbi facta est eius caro viuificatiua: ea igitur in hoc sacramento sumpta gratiam communicando viuificabit, vt inquit Conc. Ephesin. in ep. ad Nestorium. Deinde, si passio Christi dedit mundo vitam, & huius passionis vera representatio est hoc sacramentum, cōtinens ipsummet Christum immolatum, illud certē nobis ad participationē eiusdem vitę & gratię confertur. Sed hactenus gratiam conferri hoc sacramento, ex speciali & propria ratione ostendimus. eam verō gratiam esse vnionis, qua mirabiliter nos Christo coniungit, ex signis sacramentalibus & modo sumptionis aperte colligitur. Hęc enim signa vnū aliquid representant, quod ex multis constat, vt panem ex multis granis, vinum ex multis uis: quare cum sacramenta efficiāt, quod significant, efficient proculdubio in nobis eximiam quandam cum Christo capite, & aliis membris vnionem: de qua diximus in disputatione de reali pręsentia Christi in

hoc sacramento. Modus autem sumptionis est cibi & potus: quod enim facit in corporali vita alimentum, quod fecit in deserto, deficienti populo, manna, quod mel de petra, quod subcineritius panis Elię, quod lignū vitę in paradiso, quod aqua vitę Samaritanę indicata, quod panes propositiōnis esurienti Dauidi: quicquid illa omnia prestabant in corpore roborando, viuificando, sustentando, reparando, confirmando, augendo, recreando, exhilarando, hoc totum & incomparabiliter maius quiddam, & excellentius operatur hic cibus in spiritali vita ac gratia procuranda, atq; amplificanda. imō cogitet quisque secum, quid & quantum capiant animę & angeli in cęlo beati ex pręsentia ac fruitione verbi diuini, & humanitatis vnitę personaliter: quantum Ecclesia ex passione Christi, resurrectione, ascensione, tantum profecto pro ratione huius status, in quo adhuc permitemus, à sanctissimo hoc sacramento percipimus, vt sit plane cęlum vtriusq; Ecclesię, sit cuiq; passio dominica applicata & attemporata, sit resurrectionis nostrę semen, sit manna absconditum, sit certissimum pacis, atq; reconciliationis nostrę signum & pignus, sit vita, vt loquitur D. August. sit omne bonum, vt Chrysost. sit deniq; planē nobiscum Deus. Concil. Trident. sess. 13. c. 2. de effectibus sacrae communionis, inquit, in illius sumptione colere nos sui memoriam, pręcepit, suamq; annuntiare mortem, donec ipse ad iudicandum mundum veniat. Sumi autem voluit sacramentum hoc tāquam spiritualem animarum cibū, quo alantur & confortentur viuētes vita illius, qui dixit, qui manducat me, & ipse viuet propter me: & tanquam antidotū quo liberemur à culpis quotidianis, & à peccatis mortalibus pręseruemur: pignus prętereā id esse voluit futurę nostrę glorię, & perpetuę scēlicitatis: adeoq; symbolum vnus illius corporis, cuius ipse caput existit, cuiq; nos tāquam membra, arctissima fidei, spei & charitatis cōnexionē astrictos esse voluit: vt id ipsum omnes diceremus, nec essent in nobis schismata. Florēt. etiam concil. sess. vlt. in doctrina de sacramentis, effecta huius sacramenti in dignē sumēte, inquit esse, adunationem hominis ad Christū, & membra eius per gratia, eiusdē gratię augmentū: & omne illud spiritualiter, quod corporalis cibus in corpore efficit.

3. p. q. 79. ar. 1.
& sequētib.

Gratia vnio-
nis.

1.

2.

3.

4.

5.

43 Sed quia hanc vnionis gratiam, effectum per se huius sacramenti diximus, intelligendum est, hoc sacramentum viuentiū per se sacramentum esse ex vi sue institutionis, cū sit cibus & potus, quæ nisi viuētibz prodesse non possunt: & ideo de præparatione, vt dignè & sine conscientia peccati mortalis sumatur, plura dicta sunt ex sententia D. Pauli. illa verò gratia vnionis per se effecta ab hoc sacramēto, est gratiæ augmentum, cum hoc speciali effectu admirabiliter nos vniendi Christo: quia gratia cuiusque sacramenti propria habet specialem quendam effectum in vita spiritali, vt explicatum est in doctrina generali de effectu speciali sacramentorum nouæ legis, & specialis effectus huius sacramenti est hæc admirabilis vnio & cōiunctio, de qua diximus probantes realem Christi præsentiam in hoc sacramento. Vnde colligitur excellentia huius sacramenti supra alia omnia. res enim contenta, idest Christus, ex se vim habet gratiæ collatiuam, cuius proinde instrumēta gratiæ sunt reliqua sacramēta, & ea ratione fons est & origo omnis gratiæ sacramentalis; & quicumque aliud sacramētū suscipit, hoc ipsum saltem vōto implicito suscipere conuincitur, sicuti appetētiuulum aquæ, multò magis appetere conuincitur fontem vnde riuulus manat & de-
riuat.

Effectum per se huius sacramenti & ex accidenti, in augmento gratiæ.

44 Hanc autē gratiā vnionis per se efficit hoc sacramentum ipsa sumptione: quia huic à Domino tribuitur effectus, cū ait Ioan. 6. nisi manducaueritis, non habebitis vitā in vobis: & qui manducat me, viuet in æternum: itaque sumptionis, quæ manducatione & potu exprimitur, proprius est hic effectus per se. ex accidenti autē, nempe propter maiorem recipientis dispositionem fieri posse multi existimāt, vt sumptū hoc sacramentum, vberiore adhuc gratiam producat: quia Christus manēs sacramentaliter semper operabitur pro subiecti dispositione, & ipsum excitabit, vt maiori affectu Christo coniungatur, vt si sumpto sacramento, sancta meditatione, fide & amore circa Christi Domini mortē, eiusque erga nos charitatē occuperis, & ex eo accendaris desiderio iustitiæ Dei plenius participandæ. quod autē quidam affirmāt, sacramētū, quod ipsa sumptione ex indispōsitione subiecti non confert gratiā, consequenti tempore, quo manēt sumptus spe-

cies sacramentales, gratiā per se conferre, si illis manentibus, subiectū perfectè disponatur, & existimata ante cōtritio fiat vera cōtritio, quia sumptio Eucharistiæ nō solū sit ipsa māducatio aut potus, sed ipsa sacramēti perseverantia, manētibus signis sacramētalibus. hæc inquā sentētia nulla probabili ratione iniri videtur, cū sancta scriptura manducationi tantū & potui huius sacramenti effectū tribuat; & inauditū est manducationem vocare permanentiam sacramenti, postquam manducatum est.

45 Alterum effectum per se huius sacramenti, est adeptio vitæ æternæ, id verò cōstat, quia Christus immolatus, qui sacramētaliter sumitur, aperuit nobis & aperit adiutū vitæ æternæ, sicut scriptum est, Heb. 9. & ideo noui testamenti mediator est, vt morte intercedente, qui vocati sunt, accipiant repromissionē æternæ hereditatis: & ideo dicitur calix noui & æterni testamenti, ipsa etiam refectio & vnio effecta ab hoc sacramento imperfecta quædam est participatio æternæ vitæ, quam perfici post mortem speramus. Idem etiam confirmat quod ostendimus de vnione effecta per hoc sacramentum, confirmantes realem Christi præsentiam in hoc sacramento, nempe esse in nobis semen & vim quandam ad resurgendum in vitā immortalem. vnde & viaticum dicitur, quia confert virtutem perueniēdi ad vitam, sicut Elias. 3 Reg. 19. comedit & bibit & ambulauit in fortitudine cibi illius, vsque ad montē Dei Oreb. Dicitur tertio, hoc sacramentum remittere peccatum veniale, & pœnas temporales peccatis respondentes: quia illud peccatū feruorem charitatis minuit, quem sacramētū accendit, & auget non solū habitum, sed etiam actum charitatis, vt sicut cibo corporali reficimus, quod continua caloris naturalis actione amissum fuerat, sic hoc sacramento accēditur feruor charitatis, quæ peccata venialia imminuerant. ideo Patres vocāt hoc sacramētū panē quotidianum, quia quotidianæ infirmitatis, quam inducunt peccata venialia, medicamentum est. Ex eodē effectu accendendi charitatē, remittit etiam pœnas peccatorū: quia feruor charitatis nō solū remittit culpā, sed etiam pœnam, non quidem totam, sed deuotioni & feruori charitatis proportionalem. De remissione autem, quam efficit vt sacrificium est, ratione satisfaci-

Eucharistia remittit venialia & pœnas peccatorum temporales per se

Ruar. in ar. 15
Lohan.

Commen.in D.Tho.tert.part.

tionis, in doctrina de sacrificio commo-
dius differetur.

*Præseruat a
peccatis.*

46 Dicitur quarto hoc sacramentū pre-
seruare à peccatis, quia cibus est & refectio
spiritualis, cibus autem præseruat corpus à
cōtrariis lædentibus. itaque hoc sacramen-
to fortiores amplificata gratia effecti, faci-
lius cupiditati, & externis impugnationi-
bus resistimus, ipsa etiam innata carni cupi-
ditas noxia, comprimitur cōtactu sacramē-
tali carnis Christi, & ea ratione necesse est
nos præseruari à peccatis. vnde D. Chryso-
stomus super Ioan. vt leones, inquit, flammam spi-
rantes, ab illa mensa discedamus, terribiles
effecti diabolo. Concludamus igitur, hoc
sacramento conferri gratiam vnionis, pœ-
cata venialia remitti, fomitem & cupidita-
tē imminui, pœnas etiam debitas vel ex se,
vt est satisfactorium sacrificium, vel ex ad-
iuncto deuotionis feruore, exoluere.

*Quæstio secunda, An sacra communio
primam gratiam conferat?*

47 **A**N verò sancta etiam communio-
ne prima gratia tribuatur, obicem
non apponenti, & remittatur peccata mor-
talia, si quæ fortè oblita, vel ex præce-
dente confessione propter insufficientem
dispositionem non remissa extiterint, vel
ex attritione, quæ probabiliter sit existima-
ta contritio, etiam in eo, qui debet sacrum
facere, cum non est copia confessoris,
non est certum ex verbo Domini, vel ex
huius sacramenti institutione, cum per se
sit viuendum vitam charitatis: meliores ta-
men Theologi non dubitauerunt asse-
re, in his casibus, hoc sacramento & omni-
bus aliis ex accidenti, cōferri primam gra-
tiam. Quare affirmandum est, conferre ex
accidenti primam gratiam, vt Ecclesia in
quadam prece Ecclesiastica post commu-
nionem, his verbis innuit, sit ablutio sce-
lerum, sit fortitudo fragilium, &c. Itaque
omnia sacramenta nouæ legis per se confe-
rant gratiam preparatis accommodatè, sed
quædam per se primam & iustificantem,
quòd sint mortuorum sacramenta, vt ad
vitam, quam gratia confert, adducantur:
quædam per se præexistentem gratiam
augeant, illa sunt Baptismus, Pœnitentia:
hæc autem sunt reliqua: omnia tamen ex
accidenti, aliquando conferre primam gra-

tiam Theologis valde probabile est: quia
fieri potest, vt aliquis accedat ad sacramē-
tum cum affectu peccati mortalis, & ali-
quando sine affectu, sed sine sufficienti cō-
tritione, quam tamen probabiliter existi-
mat sufficientem esse. Primo modo nouū
peccatum sacrilegij committit, qui ad hoc
sacramentum accedit, quia indignè rem
sacratissimam contingit, & iudicium sibi
manducat, vt inquit D. Patulus: altero mo-
do ex efficacia sacramenti perfectam con-
tritionem assequetur, & infusa gratia iu-
stificabitur. idem dicendum est de confir-
matione, Ordine, Extrema vnctione, &
Matrimonio.

48 Ad Baptismum & Pœnitentiam, alia
distinctio præterea adhibenda est. quam-
uis enim ad Baptismum satis sit non esse in
affectu peccati, vt quis per eum iustifice-
tur, etiam si paruum dolorem de peccatis
cognoscat se concepisse: ad pœnitentiam
tamen maior dolor requiritur, & discus-
sio conscientie, vt vel existimet pœnitens
se contritum, vel saltem tantum dolorem
de peccatis concepisse, vt proximè ad cō-
tritionem accedat, vt per sacramentum
perfici & iustificari possit. itaque nullum
sacramentum confert gratiam apponen-
ti obicem insufficientis preparationis: sed
affectus peccati mortalis est obex in om-
nibus sacramentis: in baptismo satis est
exuere ex animo hunc affectum, in pœ-
nitentia oportet præterea perfectè conte-
ri, vel proximè ad contritionem accede-
re, in Eucharistia & aliis requiritur per se
quidem contritio, & ex accidenti attri-
tio quæ probabiliter existimetur vera con-
tritio: denique in Eucharistia debet præ-
cedere confessio sacramentalis, si adsit co-
pia confessorij vt supra de præparatione di-
ximus: & idcirco obex gratiæ in cæteris
sacramentis præter baptismum, est non so-
lū affectus peccati mortalis, sed etiā defe-
ctus attritionis vel existimatæ veræ cōtriti-
onis post discussionem conscientie, vt in
Eucharistia, Ordine, Matrimonio, Con-
firmatione, vel non existimatæ, proximè
tamen accedentis ad contritionem, vt in
Pœnitentia. quicumque autem nullum hu-
iusmodi obicem apponit sacramentis no-
uæ legis vel per se, vel ex accidenti, reci-
pit gratiam & iustificatur, vt explicatum
est: & idcirco anathema indicitur in Con-
cil. Trident. Sessio. 7. Can. 6. asserenti-
bus

*Præparatio suf-
ficiens ad sacra-
menta dignè
percipienda.*

3. p. 9. 72. ar.
3.

bus sacramenta uouæ legis, non conferre gratiam non ponentibus obicem.

Quæstio tertia, An possit aliquis Eucharistiam sine peccato, & sine illo gratiæ effectu recipere.

C. & Bonan.

49 **S**ed quæstio statim existit, fieri Sine possit, ut aliquis accedat ad sacram Eucharistiam ea præparatione, ut nec consequatur gratiam, nec nouum peccatum in accedendo propter insufficiẽtem præparationem committat? Quidam existimant hoc medium plerumque contingere posse, quia magna est in discutienda conscientia latitudo, & de diuina liberalitate & misericordia sperandum est, illa media dispositione posita, noui peccati mortalitate non induci, sed potius per eam paulatim deduci hominem ad veram contritionem, & verum diuinę iustitię desiderium, ut tandem alia deinceps consequenti communione, gratiam iustificantem cõsequatur. pia quidem sententia, sed nulla ratione, vel in speciem probabili, cõfirmata. Est enim expressum Domini illud præceptum, probet seipsum homo, & sic de pane illo edat: subiungit autem, qui accedit indignè, iudicium sibi manducat: ut intelligatur, eam probationem eo pertinere, ut dignè accedat: qui autem accedendo ad tantum sacramentum, neque ex accidenti iustificatus est, non videtur seipsum iuxta præceptum Domini probasse: & ideo, si neque virtute sacramenti perfectè cõtritus est, fictè videtur accedere: quare indignè accedendo, nouum peccatum committere. itaque licet media illa dispositio ex parte hominis distingui & contingere possit, non tamen videtur ex parte sacramenti admittenda: cum illud vel per se augeat gratiam præexistentem, vel ex accidenti primam infundat. tertium illud, in quo neutrum fiat, & nullum accidentis sit peccatum, Patribus & Theologis pluribus inauditum est, & sua nouitate suspectum. Præterea, si ex diuino iure tenetur accedens ad hoc sacramentum, seipsum accuratè examinare, ne accedat indignè, vel vincibili ignorantia, vel inuincibili non discutit seipsum: si primo modo, constat accedendo peccare, cū sit ipsa ignorantia culpabilis: si altero modo, constat sufficientè esse discussio-

nẽ, & ex consequenti recepta prima gratia iustificabitur: ut igitur non est mediũ inter ignorantia vincibilẽ & inuincibilẽ: sic neque mediũ esse potest inter eũ, qui accedendo ad hoc sacramentum, vel recipit augmentum gratiæ per se, vel ex accidenti, recepta prima gratia iustificatur. Recipiet ne tãdẽ omnes huiusmodi effectus per se, reliquos nempe, excepta prima gratia, quæ ex accidenti quibuscũque confertur, is qui verè contritus est, etiam si in ipsa sacramenti perceptione mente distrahatur, veniali distractione & euagatione: an præter illam contritionem veram requiratur actualis quædam deuotio & feruor charitatis? quidam affirmant sine hac deuotione actuali nullum esse effectum, cum sumitur hoc sacramentum, postea verò accedente deuotione redire omnes effectus: & idem esse de attrito recipiente sacram communionem, quam probabiliter existimauit contritionem esse, redire scilicet omnes effectus accedente contritione. Sicut affirmant omnes Theologi, recedente fictione eius, qui fictus baptizatur, redire omnes baptismi effectus. Confirmant hanc sententiam primò, quia adulti nõ sanctificantur nisi per proprium actum liberi arbitrij, ex D. Tho. 3. p. q. 34. ar. 3. qualis actus in hoc sacramento erit illa deuotio actualis, dilectio & amor erga Christum sibi ad salutem & refectiõem animæ concessum. Secundò, quia hoc sacramentum est cibus & potus animæ: actione igitur vitali, hoc est actuali deuotione tantum prodesse poterit, ut asseruit D. Tho. 4. d. 12. q. 2. art. 1. Tertiò, quia sacerdotum quotidie ferè communicantium magnum esset gratiæ incrementum, quod non deprehendimus in eorum actionibus: cum tamen charitas Dei, quæ simul cum gratia augetur, ociosa esse non possit, sed si magna est, operatur etiam magna. De phreneticis autem, quibus hoc sacramentum conferri debere supra ostendimus, aliam rationem esse asserunt, ideoque in illis actualem deuotionem exigendam non esse: nempe quia datur illis ut viaticum ad repellendam vim dæmonis, qui positos in discrimine vite vehementius impugnare solet, nõ autem ad refectiõem spiritualement, ut cæteris.

50 Cum verò D. Th. 3. p. q. 79. art. vltim. asserit veniali peccato, qualis esset in deuotio actualis, non impedire augmentum gratiæ secundum habitum, sed secundum actum:

An sit necessaria actualis deuotio ad consequendum effectum huius sacramenti.

vel significat, dicunt iudē autores, non quidem augeri habitum gratiæ & charitatis, sed potius esse in huiusmodi suscipiente habitum consequendi effectum sacramenti, eo tamen tempore; quo per actualem deuotionem accommodatē disponatur. Vel significat eum, qui ad hoc sacramētum accedit, deuotē erga quædā, & erga alia mente distractus per peccatum veniale, & ideo partim deuotē, partim indeuotē, sēper quidē recipere augmentū gratiæ habitualis, nō tamē semper refectionē spiritualis dulcedinis: sicut in Christo sumēte hoc sacramentum in vltima cœna fuit resectio spiritualis sine gratiæ augmento. Sed hæc sentētia ab aliis Theologis refellitur: quia sacramentū nouæ legis confert gratiam omnibus non apponentibus obicem: peccatū autem veniale non est obex gratiæ, cum illi non repugnet contrariē: alioquin, qui recipit sacramentū cum peccato veniali, peccaret mortaliter, quia teneretur non apponere huiusmodi obicem gratiæ sacramentali. Et certē D.Tho. illo articulo vltimo, sententiam priorem quarti sententiarū recantauit, planē asserens, vt explicauimus suprà de præparatione ad hoc sacramētum differētes, in sumentibus hoc sacramētū cum peccato veniali, augeri quidem habitum gratiæ & charitatis, non autem actum. & de phreneticis certum est, illis conferri hoc sacramentum ad eadem effecta, quibus cæteris confertur: neque ratio viatici arguit in illis specialem effectum, sed tantū esse subsidium discessuris ex hac vita, vt resecti spiritualiter, constantiores sint in dilectione Dei & fide. Illud verò accuratē considerandum est, quod D. Basilius scribit de sumentibus hoc sacramentum sine actuali recordatione passionis Christi. Nō solum, inquit, horrendam conditionem habet is, qui inquinamēto carnis & spiritus indignē accedit, accedens autem fit reus corporis & sanguinis Domini: sed etiam qui otiosē & inutiliter manducat, & bibit, propterea quod non per memoriam Domini nostri Iēsu Christi, qui pro nobis mortuus est, & resurrexit, manducat & bibit. Videtur autem hæc sententia colligi ex illis verbis Domini, hoc facite in meam commemorationem, vt cum præcepto faciendi & sacrificandi, voluerit Dominus coniunctam passionis eius commemorationem, non tantum ipsa sacrificali actione, sed

ipsa etiam actione interna sacrificantis.

51. Argumenta alterius sententiæ facile refutantur: Primum quidem quia D. Tho. loquitur de sanctificatione & iustificatione adulti sine sacramēto. constat enim, adultū hominē sine affectu peccati mortalis, etiāsi actu veniali peccato implicatū, baptismo iustificari, & tamē cū baptizatur, nullū actum habet, quo iustificaretur sine sacramēto, sed satis est prius exuisse affectum peccati mortalis, cum proposito suscipiendi sacramentum religionis Christianæ. Secundum etiam argumentum refellitur, quia nutritio animæ spiritualis, quam efficit sacra communio, duplex est, habitualis & actualis, & alterutram semper recipit, vel vtramque, qui digne accedit ad hoc sacramentum. Tertium denique, quia si illi sacerdotes dignē sumunt hoc sacramentū & sæpē, magnum proculdubio gratiæ augmentū consequentur, & apparebit in officiis, quæ exercent, effecturi maiora si occasio daretur: sed in accedentibus indeuotē minus est gratiæ incrementum: & quotidianis venialibus constat in his feruorem charitatis imminui, & ideo non apparet in illis tanta charitatis amplificatio. Hactenus de communione huius sacramenti & eius effectibus, tam per se, quàm ex accidenti.

QVÆSTIO LXXXI.

De modo quo Christus vsus est hoc sacramento, in quatuor articulos diuisa.

DEinde considerandum est de vsu huius sacramenti, quo Christus vsus est in prima sui institutione.

¶ Et circa hoc quærentur quatuor.

Primò, Vtrum Christus sumpserit suum corpus & sanguinem.

Secundò, Vtrum Iudæ dederit.

Tertiò, quale corpus sumpserit aut dederit, Vtrum scilicet passibile vel impassibile.

Quarò, quomodo se habuisset Christus sub hoc sacramento, si fuisset in triduo mortis reseruatam, aut consecratam.

ARTI-

ARTICVLVS I.

*Virum Christus sumpserit suum corpus
& sanguinem.*

*Inf. q. 84. ar.
7. ad 4. & 4.
II. q. 3. ar. 1.*

AD primum sic proceditur. Vi-
detur quod Christus nō sum-
pserit corpus suum & sanguinem.
Non enim de factis Christi & di-
ctis afferri debet, quod autoritate
sacræ Scripturæ non traditur. Sed
in Euangelis non habetur, quod
Christus corpus suum manducaue-
rit, aut sanguinem suum biberit.
Non ergo est hoc asserendum.

*Lib. 4. tit. 34
§ 1. 2.*

¶ 2. Præterea, Nihil potest esse in
seipso, nisi fortè ratione partium:
prout scilicet vna pars eius est in
alia, vt habetur. * 4. Phys. Sed illud
quod manducatur & bibitur, est in
manducate & bibente. Cum igitur
totus Christus sit sub vtraque spe-
cie sacramenti, videtur impossi-
bile fuisse, quod ipse sumpserit hoc
sacramentum.

*Lib. 4. tit. 34
§ 1. 2.*
*Lib. 4. tit. 34
§ 1. 2.*
*Lib. 4. tit. 34
§ 1. 2.*
*Lib. 4. tit. 34
§ 1. 2.*

¶ 3. Præterea, Duplex est sum-
ptio huius sacramenti, scilicet spi-
ritualis & sacramentalis. Sed spi-
ritualis non competebat Christo
(quia nihil à sacramento accepit)
& per consequens nec sacramenta-
lis, quæ sine spirituali est imperfe-
cta, vt supra habitum est. Ergo
Christus nullo modo hoc sacramen-
tum sumpserit.

*Q. 2. ad Hadi
b. 1. to. 4. refer
tur de conf. d.
2. 6. Nec mo-
ratur.*

¶ 4. SED CONTRA est, quod Hier.
* dicit ad Lesbiam, Dominus Ie-
sus Christus ipse conuiuia & con-
uiuium, ipse comedens, & qui co-
meditur.

RESPONDEO dicendum, quod
quidam dixerunt, quod Christus in
coena corpus & sanguinem suum
discipulis suis tradidit, non tamen
ipse sumpserit. Sed hoc non videtur
conuenienter dici, quia Christus
ea, quæ ab aliis obseruanda instituit,

ipse primitus obseruauit. Vnde &
ipse prius baptizari voluit, quàm
aliis baptismū imponeret, secundū
illud Actuum 1. Coepit Iesus face-
re, & docere. Vnde & primo ipse
corpus suū & sanguinem sumpserit,
& postea discipulis sumendum tra-
didit. Et hoc est quod Ruth. 3. super
illud, Cumq; comedisset & bibis-
set, &c. dicit gl. * quod Christus co-
medit & bibit in coena, cū corpo-
ris & sanguinis sui sacramentū dis-
cipulis tradidit. Vnde quia pueri
communicauerunt carni & sangui-
ni, & ipse participauit eisdem.

Glo. ord. ibid.

AD PRIMUM ergo dicendum,
quod in Euangelis legitur, quod
Christus accepit panem & calicē,
non est autem intelligendum quod
accepit solum in manibus, vt quidā
dicunt, sed eo modo acceperit, quo
aliis accipiendum tradidit. Vnde
cū discipulis dixerit, Accipite, &
comedite, & iterum, Accipite & bi-
bite, intelligendum est, quod ipse
accipiēs comederit & biberit. Vn-
de & quidam metricè dixerūt, Rex
sedet in coena, turba cinctus duode-
na, Se tenet in manibus, se cibatur
ipse cibis.

*Lib. 4. tit. 34
§ 1. 2.*
*Lib. 4. tit. 34
§ 1. 2.*
*Lib. 4. tit. 34
§ 1. 2.*

AD SECUNDUM dicendum, quod
(sicut supra dictum est) Christus,
secundum quod est sub hoc sacra-
mento, comparatur ad locum, non
secundum proprias dimensiones,
sed secundum dimensiones specie-
rum sacramentalium, ita quod in
quocunque loco, vbi sunt illæ spe-
cies, est ipse Christus. Et quia spe-
cies illæ potuerūt esse in manibus,
& in ore Christi, ipse totus Chri-
stus potuit esse in suis manibus, &
in suo ore. Nō autem hoc potuisset
esse, secundum quod cōparatur ad
locum per proprias dimensiones.

2.79.47.1.

AD TERTIVM dicendum, quod (sicut supra * dictum est) effectus huius sacramenti est nō solum augmentum habitualis gratiæ, sed etiam quædam actualis delectatio spiritualis dulcedinis. Quāvis autē Christo gratia non fuerit augmentata ex susceptione huius sacramēti, habuit tamen quandam spiritua-lem delectationem in noua institu-tione huius sacramenti Vnde ipse dicebat Luc. 22. Desiderio deside-raui hoc Pascha manducare vobis-cum, quod Eusebius exponit de no-uo mysterio noui Testamēti, quod tradebat discipulis. Et ideo spiri-tualiter manducauit, & similiter sa-cramentaliter, in quantum corpus suum sub sacramēto sumpsit, quod sacramentum sui corporis intelle-xit & disposuit. Aliter tamen quam cæteri sacramentaliter & spiritua-liter sumant, * qui augmentum gra-tiæ suscipiunt sub sacramentalibus signis, quibus indigent ad veritatis perceptionem.

Alii, qui an-gm-ntum gra-tiæ suscipiunt, & sacramenta libus signis in-digent, &c.

ARTICVLVS II.

Utrum Christus dederit Iudæ corpus suum.

4. d. 11. q. 3.
ar. 2. q. 1. & 2.
Ex 10. 33. le. 3.
co. 4. h. & le. 4.
co. 3. fi.

AD secundum sic proceditur. Viderur quod Christus Iudæ non dederit corpus suum. Vt enim legitur Matth. 26. Postquam dedit Dominus corpus suum, & sangui-nem discipulis, dixit eis, Non bibā amodo de hoc genimine vitis, vsq; in diem illum, cum illud bibam vo-biscum nouū in regno Patris mei. Ex quo videtur, quod illi quibus corpus suum & sanguinem dede-rat, cum eo essent iterum bibituri. Sed Iudas postea cum ipso non bi-bit. Ergo non accepit cum aliis dis-cipulis corpus Christi, & sanguinē

¶ 2. Præterea, Dñs impleuit q

præcepit, secundū illud Act. 1. coe-pit Iesus facere & docere. Sed ip-se præcepit Matt. 7. Nolite sanctū dare canibus. Cū ergo ipse cognos-ceret Iudam esse peccatorem, vide-tur quod ei corpus suū & sanguinē non dederit.

¶ 3. Præterea, Christus speciali-ter legitur Iudæ panem intinctum porrexisse, Ioan. 13. Si ergo corpus suum ei dedit, videtur quod sub buc-cella ei dederit, præcipuē cū lega-tur ibidē, quod post buccellam in-troiuit in eum Satanasi Vbi Augu. * dicit, Hinc nos docemur, quam sit cauēdum malè accipere bonum: si enim corripitur qui non diiudicat, id est nō discernit corpus Domini à cæteris cibis, quomodo non dam-nabitur, qui ad eius mensam fingēs se amicum, accedit inimicus? Sed cum buccella intincta non acce-pit corpus Christi, vt enim August. * dicit super illud Ioan. 13. Cum in-tinxisset panem, dedit Iudæ. Simo-nis Iscariotæ: non vt putant quidam negligenter legentes. Tunc Iudas corpus Christi accepit.

Tract. 62. in 10. circa prim.

Tract. 6. in 10. in med. 5. 9.

SED CONTRA est, quod Chry. * dicit, Iudas particeps existens my-steriorum, conuersus non est. Vnde fit scelus eius vtrinq; immanis, tum quia tali proposito imbutus adiit mysteria, tum quia adiens me-lior factus non fuit, nec metu, nec beneficio, nec honore.

Homil. 46. in 10. non reme-tē ante fi. 10. 36.

RESPONDEO dicendum, quod Hilarius * posuit super Matthæum, quod Christus Iudæ corpus suū & sanguinē non dedit. Et hoc qui-dem conueniens fuisse, cōsiderata malitia Iudæ. Sed quia Christus no-bis debuit esse exemplum iustitiæ, non conueniebat eius magisterio, vt Iudam occultū peccatorem, siue

Homil. 46. in 10. non reme-tē ante fi. 10. 36.

Canone 30. in Math. circa med.

accu-

accusatore & evidenti probatione ab aliorū communione separaret, ne per hoc daretur exēplum Prelatis Ecclesiæ, similia faciendi, & ipse Iudas exasperatus, inde sumeret occasionem peccandi. Et ideo dicendum est, quod Iudas cum aliis discipulis corpus Domini & sanguinem suscepit, ut dicit Dionys. * in lib. Eccles. Hier. & Aug. super † Ioann.

AD PRIMVM ergo dicendum, quod illa est ratio Hilar. * ad ostendendum quod Iudas corpus Christi non sumpsit. Non tamē cogit, quia Christus loquitur discipulis, à quorū collegio Iudas se separavit, non autem Christus eum exclusit. Et ideo Christus, quātum est in se, etiā cum Iuda vinum in regno Dei bibit, sed hoc conuiuium ipse Iudas repudiavit.

AD SECUNDVM dicendū, quod Christo nota erat Iudæ iniquitas, sicut Deo, non autem erat sibi nota per modum, quo hominibus innotescit. Et ideo Christus Iudam nō repulit à cōmunionē, ut daret exemplum, tales peccatores occultos non esse ab aliis sacerdotibus expellendos.

AD TERTIVM dicendum, quod sine dubio Iudas sub pane intincto corpus Christi nō sumpsit, sed simplicem panem. Significatur autem fortassis (ut Aug. * ibidē dicit) per panis intinctionem fictio Iudæ: ut enim inficiantur nonnulla intinguntur. Si autem bonum aliquid hic significat intinctio (scilicet dulcedinē bonitatis diuinæ, quia panis ex intinctione sapidior redditur) idem bonum ingrātū non immerito est secuta damnatio. Et propter hanc ingratiitudinē id quod est bonum, fa-

ctum est ei malum, sicut accidit circa sumentes corpus Christi indignē. Et sicut Aug. * ibidem dicit, intelligendum est, quod Dominus iā antea distribuerat omnibus discipulis suis sacramentum corporis & sanguinis sui, ubi & ipse Iudas, erat, sicut Lucas narrat. Ac deinde ad hoc ventum est, ubi secundū narrationē Ioannis Dominus per buccellam tinctam atque porrectam suam exprimit proditorem.

ARTICVLVS III.

Utrum Christus sumpserit & discipulis dedit corpus suum impassibile.

AD tertium sic proceditur. Videtur, quod Christus sumpserit, & discipulis dedit corpus suū impassibile. Quia super illud Matt. 17. Trāsfiguratus est ante eos, dicit quædam glos. * Illud corpus quod habuit per naturam, dedit discipulis in cœna non mortale & passibile. Et Levit. 2. super illud, Si oblatio tua fuerit de sartagine, dicit glos. * Crux super omnia fortis, carnem Christi, quæ ante passionem non videbatur esui apta, post aptā fecit. Sed Christus dedit corpus suū ut aptum ad manducandum. Ergo dedit tale quale habuit post passionem, scilicet impassibile, & immortale.

¶ 2. Præterea, Omne corpus passibile, per contactum & manducationē patitur. Si ergo corpus Christi erat passibile, per contactum & commestionem discipulorum passum fuisset.

¶ 3. Præterea, Verba sacramentalia non sunt modò maioris virtutis, quando proferuntur à sacerdote in persona Christi, quàm tunc quando fuerūt prolata ab ipso Chri-

Q q 4 sto.

Dion. 6. 3. Eccl. hier. par. 3
non longè à
prim.
Aug. tract. 62
in Evang. Io.
20. 9.
Loco citato in
art. 47.

Tract. 62. in
Io. circa me. 20.
2.

113d.

4. d. 11. q. 37
art. 3. q. 12.
q. 1. ar. 3. q. 1.
cor.

Glo. ordi. ibid.

Ibidem.

D.Tho.tert.part.

sto. Sed nunc virtute verborum sacramentalium, in altari consecratur corpus Christi impassibile & immortale. ergo multo magis tunc.

In lib. 4. de sacro myste. altaris c. 12. post med.

SED CONTRA est, quod sicut Innoc. III. * dicit, tale corpus tunc dedit discipulis, quale habuit. Habuit autem tunc corpus passibile & mortale. Ergo corpus passibile & mortale discipulis dedit.

RESPONDEO dicendum, quod Hugo de sancto Vict. posuit, quod Christus ante passionem diuersis temporibus quatuor dotes corporis glorificati assumpserit scilicet subtilitatem in natiuitate, quando exiuit de clauso utero Virginis, agilitatem, quando ambulauit siccis pedibus super mare, claritatem in transfiguratione, impassibilitatem in coena, quando corpus suum discipulis tradidit manducandum, & secundum hoc dedit discipulis suis corpus suum impassibile & immortale. Sed quicquid sit de aliis (de quibus supra dictum est, * quid sentiri debeat) circa impassibilitatem tamen impossibile est esse quod dicitur. Manifestum est enim, quod idem verum corpus Christi erat quod a discipulis tunc in propria specie videbatur, & in specie sacramenti infumebatur. Non autem erat impassibile, secundum quod in propria specie videbatur, quinimo erat passioni paratum. Vnde nec ipsum corpus Christi, quod in specie sacramenti dabatur impassibile erat. Impassibili tamen modo erat sub specie sacramenti, quod in se erat passibile, sicut inuisibiliter quod in se erat visibile. Sicut enim visio requirit contactum corporis, quod videtur, ad circumstans medium visionis, ita passio requirit contactum

corporis, quod patitur, ad ea quae agunt. Corpus autem Christi secundum quod est sub sacramento (ut supra dictum est *) non comparatur ad ea quae circumstant, mediatis propriis dimensionibus, quibus corpora se tangunt, sed mediatis dimensionibus specierum panis & vini. Et ideo species illae sunt quae patiuntur & videntur, non autem ipsum corpus Christi.

Q. 76. ar. 4. § 6.

AD PRIMUM ergo dicendum, quod Christus dicitur in coena non dedisse corpus suum mortale & passibile, quia non dedit mortali & passibili modo. Crux autem fecit carnem Christi aptam manducationi, in quantum hoc sacramentum representat passionem Christi.

AD SECUNDUM dicendum, quod ratio illa procederet, si corpus Christi sicut erat passibile, ita fibili modo fuisset sub sacramento.

AD TERTIUM dicendum (quod sicut supra dictum est *) accidentia corporis Christi sunt in sacramento ex reali concomitantia, non autem ex vi sacramenti, ex qua est ibi substantia corporis Christi. Et ideo virtus verborum sacramentalium ad hoc se extendit, ut sit sub sacramento corpus Christi, scilicet quibuscumque accidentibus realiter in eo existentibus.

Q. 76. ar. 4.

ARTICVLVS IIII.

Verum si hoc sacramentum tempore mortis Christi fuisset seruatum vel consecratum, ibi moreretur.

AD quartum sic proceditur. Videtur, quod si hoc sacramentum tempore mortis Christi fuisset seruatum in pixide, vel ab aliquo Apostolorum consecratum, non ibi moreretur. Mors enim Christi acci-

4. d. 16. ar. 2.
q. 1. co. & d.
11. q. 3. contra
c. 64. Et quod
5. m. 11. ad 1.
& 10. 6. lec. 66
fi. & 1. cor. 11
lec. 6. c. 1. fin.

dit

dit per eius passionem. Sed Christus impassibili modo etiam tunc erat in hoc sacramento. Ergo non poterat mori in hoc sacramento.

¶ 2. Præterea, In morte Christi separatus fuit sanguis eius à corpore. Sed in hoc sacramento simul est corpus Christi & sanguis. Ergo Christus in hoc sacramento non moreretur.

¶ 3. Præterea, Mors accidit per separationem animæ à corpore. Sed in hoc sacramento continetur tamen corpus quàm anima Christi. Ergo in hoc sacramento non poterat Christus mori.

SED CONTRA est, quod idem Christus, qui erat in cruce, & fuisset in sacramento. Sed in cruce moriebatur. Ergo & in sacramento conservato moreretur.

RESPONDEO dicendum, quod corpus Christi idem in substantia est in hoc sacramento & in propria specie, sed non eodem modo. Nam in propria specie, contingit circumsstantia corpora per proprias dimensiones, non autem prout est in hoc sacramento, ut supra dictum est. * Et ideo quicquid pertinet ad Christum secundum quod in se est, potest attribui ei & in propria specie & in sacramento existenti, sicut vivere, mori, dolere, animatum vel inanimatum esse, & cætera huiusmodi. Quæcunque verò conveniunt ei per comparisonem ad corpora extrinseca, possunt ei attribui in propria specie existenti, non autem prout est in sacramento, sic irrideri, conspui, crucifigi, flagellari, & cætera huiusmodi. Vnde & quidam metricè dixerunt, fixide servato poteris sociare dolorē, Innatum, sed non illatus convenit illi.

AD PRIMUM ergo dicendum, quod (sicut dictum est*) passio convenit corpori passio per comparisonem ad agēs extrinsecum. Et ideo Christus, secundum quod est sub hoc sacramento, pati non potest, potest tamen mori.

AD SECUNDUM dicendum, quod (sicut supra dictum est*) sub specie panis est corpus Christi ex vi consecrationis, sanguis autem sub specie vini. Sed nunc qui dem, quando realiter sanguis Christi non est separatus ab eius corpore, ex reali concomitantia & sanguis Christi est sub specie panis simul cum corpore, & corpus sub specie vini simul cum sanguine. Sed si tempore passionis Christi, quando realiter sanguis fuit separatus à corpore Christi, fuisset hoc sacramentum consecratum, sub specie panis fuisset solum corpus, & sub specie vini fuisset solum sanguis.

AD TERTIUM dicendum, quod (sicut supra dictum est*) anima Christi est in hoc sacramento ex reali concomitantia, quia non est sine corpore, non autem ex vi consecrationis. Et ideo si tunc fuisset hoc sacramentum consecratum vel peractum, quando anima erat à corpore realiter separata, non fuisset anima Christi sub hoc sacramento, non propter defectum virtutis verborum, sed propter aliam dispositionem rei.

Conclusio quæstionis.

Christus suum corpus & sanguinem in cœna sumpsit sacramentaliter. Apostolis & Indæ distribuit passibile quidem in se, sed modo impassibili & inuisibili. & ideo si conservaretur consecratum, ad triduum usque mortis, in sacramento similiter atque in cruce moreretur.

Commen.in D.Tho.tert. part.

Ratio primi: Quia Christus actione prius expressit, quod aliis faciendū præcepit: & percepto sacramento, spirituale delectationē admisit, non gratia augmentū.

Ratio secundi: quia corpus quod videbatur exterius, illud idem percipiendū Apostolis dedit, ut omnino daret corpus suum, quod erat passibile: & Iudas peccator occultus repelli non debuit à communione publica.

Ratio tertij: Quia cum dederit Christus suum corpus, quacumq; eidem ut est in se conueniunt, eadem conueniunt existenti in hoc sacramento, non verò quæ conueniunt ratione corporum extrinsecus adiacentium, cum hic cōtineatur modo sacramentali, & ideo impassibile & insensibili ab externis. illius exempla sunt, mori, dolere, animatum esse aut inanimatum, huius irrideri, conspui, flagellari, crucifigi.

COMMENTARIUS.

I EX his autem omnibus colligitur, Christum Dominū in vltima cœna, seipsum sacramentaliter sumpsisse, mortalem & passibilem sub vtraq; specie; & si militer dedisse Apostolis, quos instituit noui testamenti sacerdotes, ut deinde similiter conficerent, & distribuèrent hoc sacramentū. Prior pars huius cōsecrarij constat, quia huiusmodi exemplo Christi sæpè vsi sumus in præcedentibus, ad confirmanda multa de communione huius sacramenti præsertim in sacerdotibus: & eadem partē colligunt Patres ex illis verbis, Luc. 22. desiderio desiderauī hoc Pascha manducare vobiscum antequam patiar. loquebatur enim de suo Paschate & sacramento sui corporis, cum legalia non esset cur tā vehementer expeteret. & supra ex illis verbis Marc. 14. iam non bibam de hoc genimine vitis vsque in diem illum, cum illud bibam nouum in regno Dei: manducauerat igitur & biberat Christus seipsum sacramentaliter, cum de vtraque sacramenti specie realiter ipsum continente, loqueretur. Quamuis autem modus existendi sacramentaliter sit impassibilis respectu

rei contentæ, ut ostendimus differentes de corpore Christi in propria, & in aliena sacramenti specie, Christus tamen existens in hac aliena specie, cum sit idem atque existens in propria, eadem vtroque agat & patiatur necesse est: quare cum in vltima cœna fuerit mortalis, & seipsum ad mortem obtulerit, necesse est etiam in sacramento extitisse mortalem & passibilem, & nunc impassibilis existat, ut in cælo, ut ostendimus in consecr. deductis ex doctrina transubstantiationis. Confirmatur eadem Christi cōmunio: quia nisi ipse prius fumeret non allicerentur Apostoli ad potum sanguinis lege prohibitum; & multò minus ad manducationem carnis humanæ, etiam sub aliena specie: neque esset verum quod sæpè Patres & Ecclesia vsurpāt, in illa Christi cœna, eundem fuisse conuiuium & conuiuium, ut inquit Hier. ad Hedibiam, q. 2. Chrysost. Hom. 83. in Matth. Illichius, lib. 2. in Leuit. cap. 8. appellans sanguinem intelligibilem, ratione modi sacramentalis, id est mysticū sub figura & specie vini. Solemne etiam erat sacrificanti sacerdoti hostia oblata participare: Christum autem in vltima cœna verè seipsum sacrificasse recta fides docet, ut statim constabit. Consuevit etiam Christus semper non solum doctrina, sed etiam exemplis & factis alios instituere, sicut scriptum est, Act. 1. cœpit Iesus facere & docere: sic prius voluit baptizari, quam baptismi præceptum imposeret, & prius sacramentum à se institutum sumpsit, quam aliis distribuere, signa quidem sacramentalia ipsi sumentis signa fuerunt, sed non tecta & velata, ut nobis, cum apertè videret modum existendi in sacramento, de quo supra disseruimus.

2 Apostolos verò à Christo accepisse hoc sacramentum, adeò ab Euangelistis expressum est, ut nullo modo dubitare liceat. referunt enim omnes excepto Ioanne, tradidisse Dominum post prolata verba consecrationis, corpus suum & sanguinem, vel ipsa simul proferendo, & præcipiendo dixisse, manducate & bibite: Marcus autē ait, & biberunt ex illo omnes: & idem semper sensit Ecclesia catholica, ut Patrum testimonij cōsentientibus constat. ipsos autē Apostolos cōsecrandi potestatem à Dño accepisse illis verbis, hoc facite in meā cōmemorationē, omnes etiā affirmāt, & concilia definiunt,

Quomodo Christus hoc sacramentum sit usus.

Theologi omnes 4. Sens. d. 9. II. & 12. Allen 4. p. 94 44. mīm. II & 2.

An Iudas pro
ditor sacræ Eu
charistiæ à Do
mino, cum ce
teris Apostolis,
sumpserit.

4. Sed nobis probatur magis sententia Chrysoſt. & Auguſt. quam etiam exiſtiamus eſſe Dionyſij, vt illa ſacra, quę dicit cōcēnaſſe Iudam, ſint mēſteria corporis & ſanguinis Domini. Primum quidem, quia cēna illa typica agni præceſſit lotionē pedum, cū ab illa peracta ſurgens Dominus, pedes Apoſtolorum abluerit, deinde ſedēs inſtituerit & diſtribuerit Apoſtoliſ Eucharīſtiam, tandem cēnam communem perfecērit. quod ſi Iudas, vt omnes affirmant, ablutioni pedum interſuit, & buccella accepta, vt conſtat ex narratione Euangelīſtæ, non fuit Eucharīſtia, vt etiam ſcribit Iulius Pontif. & Concil. III. Bracaren. c. 1. certē non accepit buccellam in cēna typica, ſed in ipſa Eucharīſtiæ inſtitutione, vel paulo antē: & ideo cum aliis ſacram Eucharīſtiam Apoſtoliſ ſumpſit, vt omnes Euangelīſtæ narrant excepto Ioanne; qui tantum meminit buccellæ. qua accepta continuō de cēna exiſſe, non eſt antē Eucharīſtiam inſtitutam, ſed antē ſermonem: quoniam ſtatim exorſus eſt Dominus, & cū ceteri Apoſtoli interfuērunt.

5 Accedit testimonium Eugenij Pontif.
in cap. Sacerdos de offic. ordin. vbi præci-
pit sacerdoti non remouere nominatim à
sacra communione, quem secretò scit reū
esse, quia non vt iudex scit, sed vt Deus:
quia, inquit, neque Christus Iudam à com-
munionē remouit. quod verò alij dicunt,
hoc non dixisse Pontificem vt iudicem,
sed vt interpretem, leuissima depulsio est
grauissimi testimonij: cum totū Pontificis
decretū huic interpretationi nitatur, quare
si hæc firmā non est, neque esset ipsum
decretum: præsertim cum decreta Pontifi-
cū ex diuinæ scripturæ interpretationibus
colligantur. Neque sanè decebat occultū
peccā-

D.Tho.tert.part.

3.p.q.81.ar.2
 & 4.sent.d.11
 Alē.4.p.mēb.
 4.q.44.

peccatorem, & paucis à Domino secreto detectum, ab aliorum communione separare, vt concludunt omnes Theologi, quibus nostra sententia probatur: idem enim liceret ceteris huius sacramenti dispensatoribus exemplo Christi, quod tamen non licet, vt ab Eugenio Pontif. diximus definitum esse.

QVÆSTIO LXXXII.

De ministro huius sacramēti, in decem articulos diuisa.

DEinde considerandum est de ministro huius sacramenti.

¶ Et circa hoc quærentur decem.

Primò, Vtrum consecrare hoc sacramentum sit proprium sacerdotis.

Secundò, Vtrum plures sacerdotes simul possint eandem hostiam consecrare.

Tertiò, Vtrum dispensatio huius sacramēti pertineat ad solum sacerdotem.

Quartò, Vtrum liceat sacerdoti consecrati à communione abstinere.

Quintò, Vtrum sacerdos peccator possit cōficere hoc sacramentum.

Sextò, Vtrum Missa mali sacerdotis minus valeat quàm boni.

Septimo, Vtrum hæretici schismatici vel excommunicati possint conficere hoc sacramentum.

Octauo, Vtrum degradati.

Nono, Vtrum peccent, à talibus communionem recipientes.

Decimo, Vtrum liceat sacerdoti omnino à celebratione abstinere.

ARTICVLVS I.

Vtrum consecratio huius sacramenti sit propria sacerdotis.

4.d.13.2.7.1
 ar.1.q.1. &
 d.17.q.3.ar.3
 q.1.cor. & di.
 24 q.2 ar.1.
 q.2.cor.co.2.
 & ar.3. ad 2.
 2.78.ar.4.

AD primum sic proceditur. Videtur, quod consecratio huius sacramenti non sit propria sacerdotis. Dictum est enim * supra quod sacramentum cōsecratur vir

tute verborum, quæ sunt forma huius sacramenti. Sed illa verba non mutantur, siue dicantur à sacerdote, siue à quocunque alio. Ergo videtur, quod non solus sacerdos, sed etiam quilibet alius possit hoc sacramentum consecrare.

¶ 2. Præterea, Sacerdos hoc sacramentū conficit in persona Christi. Sed laicus sanctus est vnitus Christo per charitatem. Ergo videtur quod etiam laicus possit hoc sacramentum conficere. Vnde & Chrysost. * dicit super Matt. quod omnis sanctus est sacerdos.

¶ 3. Præterea, Sicut baptismus ordinatur ad hominū salutem, ita & hoc sacramentum, sicut ex supra dictis pater. * Sed etiam laicus potest baptizare, vt supra dictum est. * Non ergo est proprium sacerdotis conficere hoc sacramentum.

¶ 4. Præterea, Hoc sacramentū perficitur in consecratione materiæ. Sed alias materias consecrare, scilicet chrisma & oleum sanctum, & oleum benedictum, pertinet ad solum Episcopum, quātū tamē consecratio non est tantæ dignitatis, sicut consecratio Eucharistiæ, in qua est totus Christus. Ergo non est proprium sacerdotis, sed solius Episcopi, hoc sacramentū conficere.

SED CONTRA est, quod Isidor. * dicit in quadam Epistola, & habetur in Decret. dist. 25. ad presbyterum pertinet hoc sacramentū corporis & sanguinis Domini in altari Dei conficere.

RESPONDEO dicendum, quod (sicut supradictum est *) hoc sacramentum est tantæ dignitatis, quod non conficitur nisi in persona Christi. Quicumque autem aliquid agit

Chrys. ho. 43
 in Matt. in opere imperf. non remotè à prin.
 80.2.

279.

267.ar.

In decret. d.25
 c. Per b. etis. &
 dicitur Isidor.
 id habere in ep.
 ad Ludifredū.

278.ar.1. &
 4.

agit in persona alterius, oportet hoc fieri per potestatem ab illo concessam. Sicut autem baptizato conceditur à Christo potestas sumendi hoc sacramentum, ita sacerdoti, cum ordinatur, confertur potestas hoc sacramentum consecrandi in persona Christi. Per hoc enim ponitur in gradu eorum, quibus dictum est à Domino: hoc facite in meam commemorationem. Et ideo dicendum est, quod proprium est sacerdotum conficere hoc sacramentum.

AD PRIMUM ergo dicendum, quod virtus sacramentalis in pluribus consistit, & non in uno tantum, sicut virtus baptismi consistit in ipsis verbis, & in aqua. Unde & virtus consecratiua non solum consistit in ipsis verbis, sed etiam in potestate sacerdoti tradita in sua consecratione & ordinatione, cum ei dicitur ab Episcopo, accipe potestatem offerendi in Ecclesia sacrificium, tam pro uiuis quam pro mortuis. Nam & illa virtus instrumentalis in pluribus instrumentis consistit, per quæ agit principale agens.

AD SECUNDUM dicendum, quod laicus iustus vnitus est Christo vnione spiritali per fidem & charitatem, non autem per sacramentalem potestatem. Et ideo habet spirituale sacerdotium ad offerendum spirituales hostias, de quibus dicitur in Psalm. 50. Sacrificium Deo spiritus contribulatus & Rom. 12. Exhibeatis corpora uestra hostiam uiuentem. Unde & 1. Petri. 2. dicitur: Sacerdotium sanctum, offerre spirituales hostias.

AD TERTIUM dicendum, quod perceptio huius sacramenti non est tantæ necessitatis, sicut per

ceptio baptismi, ut ex supradictis patet. * Et ideo licet in necessitatis articulo laicus possit baptizare, non tamen potest hoc sacramentum conficere.

AD QVARTUM dicendum, quod Episcopus accipit potestatem ut agat in persona Christi super corpus eius mysticum, idest super Ecclesiam. Quam quidem potestatem non accipit sacerdos in sua consecratione, licet possit eam habere ex Episcopi commissione. Et ideo ea, quæ non pertinent ad dispositionem corporis mystici, non reseruantur Episcopo, sicut consecratio huius sacramenti. Ad Episcopum uero pertinet tradere non solum populo, sed etiam sacerdotibus, ea, ex quibus possunt propriis officiis uti. Et quia benedictio chrisimatis & olei sancti, & olei infirmorum, & aliorum, quæ consecratur (puta altaris, Ecclesiæ, vestium, & vasorum) præstat quandam idoneitatem ad sacramenta perficienda, quæ pertinent ad officium sacerdotum, ideo tales consecrationes Episcopo reseruantur, tanquam principi totius Ecclesiastici ordinis.

ARTICVLVS. II.

Vtrum plures sacerdotes possint vnā & eandem hostiam consecrare.

AD secundum sic proceditur. Videtur, quod plures sacerdotes non possint vnā & eandem hostiam consecrare. dictum est enim supra, * quod plures non possunt simul vnum baptizare. Sed non minor vis est sacerdotis consecrantis, quam hominis baptizantis. Ergo etiam non possunt simul plures vnā hostiam consecrare.

¶ 2. Præterea, Quod potest fieri per vnum, superfluum sit per multos.

In

*S. præc. art. 11
ad 2. q. 73.
ar. 3.*

*4. d. 13. q. 15
ar. 2. q. 2.*

2. 67. ar. 6.

In sacramentis autem nihil debet esse superfluum. Cū ergo vnus sufficiat ad consecrandū, videtur, quod plures non possint vnā hostiam consecrare.

Traffa. 26. in Ioan. 6. 9.

¶ 3. Præterea, Sicut dicit Augu. * super Ioann. hoc sacramētum est sacramentum vnitatis. Sed contrarium vnitati esse videtur, multitudine. Ergo non videtur conueniens esse huic sacramento, quod plures sacerdotes eandē hostiā consecrēt.

SED CONTRA est, quod secundum consuetudinē quarundam Ecclesiarum, sacerdotes, cū de nouo ordinātur, cōcelebrant Episcopo ordinanti.

Ar. prae.

RESPONDEO dicendum, quod (sicut dictum est*) sacerdos cum ordinatur, constituitur in gradu eorum, qui à Domino acceperunt potestatem consecrandi in coena. Et ideo secundum consuetudinē quarundam Ecclesiarum, sicut Apostoli Christo cōcenari concenauerūt, ita noui ordinati, Episcopo ordinati cōcelebrāt. Nec propter hoc iteratur consecratio super eandē hostiam, quia sicut Innocent. III. * dicit, omnium intentio debet ferri ad idem instans consecrationis.

Lib. 4. de sacro altaris mysterio. c. 25. circa med.

AD PRIMVM ergo dicendum, quod Christus non legitur simul baptizasse cum Apostolis, quando iniunxit eis officium baptizandi. Et ideo non est similis ratio.

AD SECVNDVM dicendū, quod si quilibet sacerdotum operaretur in virtute propria, superfluerēt alij celebrantes, vno sufficienter celebrante. Sed quia sacerdos non consecrat nisi in persona Christi, multi autem sunt vnum in Christo, ideo non refert vtrum per vnum aut per multos hoc sacramētū consecre-

tur, nisi quod oportet ritum Ecclesiae seruari.

AD TERTIVM dicendum, quod Eucharistia est sacramētum vnitatis Ecclesiasticæ, quæ attenditur secundum hoc, quod multi sunt vnū in Christo.

ARTICVLVS III.

Vtrum dispensatio huius sacramenti pertineat solum ad sacerdotem.

AD tertium sic proceditur. Videtur, quod non pertineat solum ad sacerdotem dispensatio huius sacramenti. Sanguis enim Christi non minus pertinet ad hoc sacramentum quā corpus. Sed sanguis Christi dispensatur per diaconos, vnde & beatus Laurent. * dixit beato Sixto, Experire vtrum idoneum ministrum elegeris, cui commissi Dominici sanguinis dispensatio nē. Ergo & pari ratione dispensatio corporis Christi, non pertinet ad solos sacerdotes.

4. d. 11. q. 2. ar. 1. q. 1. ad 3. Et d. 13. q. 1. ar. 3. q. 1. 2. 3.

Ut habetur in eius legenda.

¶ 2. Præterea, Sacerdotes constituitur ministri sacramentorū. Sed hoc sacramētū perficitur in consecratione materie, nō in vsu, ad quē pertinet dispensatio. Ergo videtur quod non pertineat ad sacerdotem corpus Domini dispensare.

¶ 3. Præterea, Dion. * dicit in lib. Eccles. hier. quod sacramētū habet perfectiūnam virtutem, sicut & chrisma. Sed signare chrismate baptizatos, nō pertinet ad sacerdotē, sed ad Episcopum. Ergo etiam dispensare hoc sacramentum, pertinet ad Episcopum, non ad sacerdotem.

C. 3. Eccl. hier. pars. 1. c. 4.

SED CONTRA est, quod dicitur * de cōsec. dist. 2. Peruenit ad notitiam nostram, quod quidā presbyteri laico aut foeminæ corpus Dñi tradūt ad deferendū infirmis: igitur

De cons. d. 2. c. 6. Peruenit.

igitur interdicat synodus, ne talis præsumptio ulterius fiat: sed presbyter per semetipsum infirmos cōmuniceat.

RESPONDEO dicendum, quod ad sacerdotem pertinet dispensatio corporis Christi, propter tria. Primò quidem, quia (sicut dictum est*) ipse cōsecrat in persona Christi. Ipse autem Christus sicut consecrauit corpus suum in cœna, ita & aliis sumendum dedit. Vnde sicut ad sacerdotem pertinet consecratio corporis Christi, ita ad eum pertinet dispensatio. Secundo, quia sacerdos constituitur medius inter Deum & populum. Vnde sicut ad eum pertinet dona populi Deo offerre, ita ad eum pertinet dona sanctificata diuinitus, populo tradere. Tertiò, quia in reuerentiam huius sacramenti, à nulla re contingitur nisi consecrata. Vnde & corporale & calix consecrantur, & similiter manus sacerdotis, ad tangendum hoc sacramentum. Vnde nulli alij tãgere licet, nisi in necessitate, puta si caderet in terram, vel in aliquo alio necessitatis casu.

AD PRIMVM ergo dicendum, quod diaconus quasi propinquus ordini sacerdotali, aliquid participat de eius officio, ut scilicet, dispense sanguinem, non autem corpus, nisi in necessitate iubente Episcopo, vel presbytero. Primo quidem, quia sanguis Christi continetur in vase: unde non oportet quod tangatur à dispensante, sicut tangitur corpus Christi. Secundo, quia sanguis designat redemptionem à Christo in populum deriuatam: unde & sanguini admiscetur aqua, quæ significat populum. Et quia diaconi sunt inter sacerdotem & populum, ma-

gis conuenit diaconibus dispensatio sanguinis, quã dispensatio corporis.

AD SECUNDVM dicendum, quod eiusdem est, hoc sacramentum dispensare & consecrare ratione iam dicta.*

In cor. ar.

AD TERTIVM dicendum, quod sicut diaconus in aliquo participat illuminationem virtutem sacerdotis, in quantum dispensat sanguinem, ita sacerdos participat perfectiã dispensationem. Episcopi, in quantum dispensat hoc sacramentum quo perficitur homo secundum se per comparisonem ad Christum. Alię autẽ perfectiones: quibus homo perficitur per comparisonem ad alios, Episcopo referuntur.

ARTICVLVS IIII.
Utrum sacerdos consecrans teneatur sumere hoc sacramentum.

AD quartum sic proceditur. Videtur, quod sacerdos consecrans non teneatur sumere hoc sacramentum. In aliis enim consecrationibus, ille qui consecrat materiam, non utitur ea, sicut Episcopus consecrans chrisma, non linitur eodem. Sed hoc sacramentum consistit in consecratione materie. Ergo sacerdos perficiens hoc sacramentum, non necesse habet uti eodẽ, sed potest licitè à sumptione eius abstinere.

Sup. q. 30. ar. 12.
Et 4. d. 12
q. 3. ar. 2. q. 2

¶ 2. Prætereà, In aliis sacramentis minister non præbet sacramentum sibi ipsi, nullus enim baptizare potest seipsum ut supra dictum est.* Sed sicut baptismus ordinatè dispensatur, ita & hoc sacramentum. Ergo sacerdos perficiens hoc sacramentum, non debet ipsum sumere à seipso.

Q. 66. ar. 5. ad 4. arg.

¶ 3. Prætereà, Cōtingit quãdoq; quod miraculosè corpus Christi in

Art. huius q.

D.Tho.tert.part.

in altari apparet sub specie carnis, & sanguis sub specie sanguinis, quæ non sunt apta cibo & potui: unde (sicut supra * dictum est) propter hoc sub alia specie traduntur, ne sint horrore sumētib. Ergo sacerdos consecrans, non semper tenetur sumere hoc sacramentum.

S E D C O N T R A est, quod in Concilio Toletano legitur, & habetur * de consec. dist. 2. c. Relatum. Modis omnibus tenēdū est, ut quotiescunque sacrificans corpus Christi & sanguinem Domini nostri IESU Christi in altari immolat, totiens perceptionis corporis & sanguinis Christi participem se prebeat.

R E S P O N D E O dicendum, quod (sicut supra * dictum est) Eucharistia non solum est sacramentum, sed etiam sacrificium. Quicumque autem sacrificium offert, debet sacrificij fieri particeps, quia exterius sacrificium quod offertur, signum est interioris sacrificij, quo quis se ipsum offert Deo: ut August. * dicit 10. de Civitat. Dei. Unde per hoc quod participat sacrificio, ostendit ad se sacrificiū interius pertinere. Similiter etiā per hoc quod sacrificium populo dispensat, ostendit se esse dispensatorem diuinorū, quorum ipse primò debet esse particeps, sicut Diony. * dicit in lib. Eccl. Hierar. Et ideo ipse ante sumere debet, quam populo dispenseret. Unde & in prædicto ca. * legitur, Quale est sacrificium, cui nec ipse sacrificans particeps esse dignoscitur? Per hoc autem fit particeps, quod de sacrificio sumit, secundum illud Apostoli, 1. Corinth. 10. Nōne qui edunt hostias participes sunt altaris? Et ideo necesse est qd sacerdos quotiescunque cōsecrat,

sumat integrè hoc sacramentum.

A D P R I M U M ergo dicendum, quod consecratio chris-matis vel cuiuscunque alterius materie non est sacrificium sicut consecratio Eucharistia. Et ideo non est similis ratio.

A D S E C U N D U M dicendū, quod sacramentum baptismi perficitur in ipso usu materie. Et ideo nullus potest baptizare seipsum, quia in sacramento nō potest esse idem agēs & patiens. Unde nec in hoc sacramento sacerdos cōsecrat seipsum, sed panem & vinum. In qua consecratione perficitur sacramentum, usus autem sacramenti est consequenter se habens ad hoc sacramentum. Et ideo non est simile.

A D T E R T I U M dicendū, quod si miraculose corpus Christi in altari sub specie carnis appareat, aut sanguis sub specie sanguinis, non est sumēdum. Dicit enim Hier. * super Leuit. De hac quidem hostia, quæ in Christi commemoratione mirabiliter fit, edere licet: de illa vero, quam Christus in ara crucis obtulit, secundum se nulli edere licet. Nec propter hoc sacerdos transgressor efficitur, quia ea quæ miraculose fiunt, legibus non subduntur. Consulendum tamen esset sacerdoti, quod iteratò corpus & sanguinem Domini consecraret & sumeret.

ARTICVLVS V.

Vtrum malus sacerdos Eucharistiam cōsecrare possit.

A D quintum sic proceditur. Videtur, quod malus sacerdos Eucharistiam consecrare non possit. Dicit enim Hiero. * super Soph. sacerdotes qui Eucharistia seruiunt, & sanguinem Domini populi

Q. 75. ar. 5. ob.
q. 76. ar. 8.

In Conc. Toles.
5. can. 5. de cō-
sec. d. 2. c. Re-
latum.

Q. 79. ar. 5. ob.
7.

Lib. 10. c. 5. 10.
3.

Ca. 3. Eccl. hie-
rar. declinan-
do ad fi.

Eod. can. 5. 12.
Conc. Toles.

Refertur de cō-
sec. d. 2. c. De
hac. Ex Orig.
hom. 7. sup. Le-
uit.

4. d. 18. q. 2.
ar. 2. q. 3. ad 2.

Super illud
Soph. 3. Sacer-
dotes polluerūt
sanctū. 10. 6.

pulis diuidunt, impiè agunt in lege Christi putâtes Eucharistiam precantis facere verbâ nō vitam, & necessariam esse solennem orationē, & sacerdotis merita: de quibus dicitur: Sacerdos in quacunq; fuerit macula, non accedat offerre oblationes Domino. Sed sacerdos peccator cū sit maculosus, nec vitam habet nec merita huic conueniētia sacramento. Ergo sacerdos peccator non potest consecrare Eucharistiam.

Li. 4. orth. fid.
c. 14. non longe
à medio.

¶ 2. Præterea, Damas. * dicit in 4. lib. quod panis & vinum per aduentum sancti Spiritus, supernaturaliter transit in corpus & sanguinem Domini. Sed Gelasius Papa dicit (sicut habetur * in Decr. 1. q. 1. c. sacrosancta) quomodo ad diuini mysterij consecrationem, cælestis Spiritus inuocatus adueniet, si sacerdos, qui eū adesse deprecatur, criminosis plenus actionibus comprobetur? Ergo per malum sacerdotem non potest Eucharistia consecrari.

In decr. 1. q. 1.
c. Sacrosancta

¶ 3. Præterea, Hoc sacramentum sacerdotis benedictione cōsecratur. Sed benedictio sacerdotis peccatoris non est efficax ad consecrationem huius sacramenti, cū scriptum sit Malach. 2. Maledicam benedictionibus vestris. & Dionys. * dicit in epistola ad Demophilum monachum: Perfectè cecidit à sacerdotali ordine, qui non est illuminatus, & audax quidē nimium mihi videtur talis, sacerdotalibus manum apponens, & audet immūdas infamias (non enim dicam orationes) super diuina symbola Christi formiter enunciare.

Circa mediū illi.

Refertur. 1. q.
1. c. intra catho-
licā. Et de cōse-
d. 2. c. Vtrum
sub: ex lib. de
corpo. domini.

SED CONTRA est, quod Aug. † dicit in lib. de corpore Domini:

Intra Ecclesiam catholicā, in mysterio corporis & sanguinis Domini, nihil à bono maius, nihil à malo minus perficitur sacerdote, quia non in merito consecrantis, sed in verbo perficitur creatoris, & virtute Spiritus sancti.

RESPONDEO dicendum, quod (sicut suprā dictum est *) sacerdos consecrat hoc sacramentū non virtute propria, sed sicut minister Christi, in cuius persona cōsecrat hoc sacramentum. Non autem ex hoc ipso definit aliquis minister esse Christi, quod est malus: habet enim Dominus bonos & malos ministros, seu seruos. Vnde Matt. 24. dicit: Quis putas est fidelis seruus & prudens, &c. postea subdit: Si autē dixerit malus ille seruus in corde suo, &c. Et Apostolus dicit 1. Corint. 4. Sic nos existimet homo, vt ministros Christi, & tamen postea subdit: Nihil mihi conscius sum: sed nō in hoc iustificatus sum. Erat ergo certus se esse ministrum Christi: tamen nō erat certus se esse iustum. Potest ergo aliquis esse minister Christi, etiam si iustus nō sit. Et hoc ad excellentiam Christi pertinet, cui sicut vero Deo seruiunt non solum bona, sed etiā mala, quæ per ipsius prouidentiam in eius gloriam ordinantur. Vnde manifestum est, quod sacerdotes etiā si non sint iusti, sed peccatores, possunt Eucharistiam consecrare.

Ar. 1. c. 2. huius
quest.

AD PRIMUM ergo dicendum, quod Hieronym. tper illa verba im-
probat errorem sacerdotum, qui credebant se dignè posse Eucharistiam consecrare, ex hoc solo, quod sunt sacerdotes, etiam si sint peccatores. Quod improbat Hieronym. per hoc, quod maculosi ad altare

Loco citato in
arg.

Rr accedere

D. Thom. tert. part.

accedere prohibentur. Non tamen remouetur, quin si accesserint, sit verum sacrificium quod offerunt.

*In princ. c. circa
et in ar.*

AD SECVNDVM dicendum, quod ante illa verba Gelasius Papa præmittit: Sacrosancta religio, quæ catholicam continet disciplinam, tantam sibi reuerentiam vendicat, vt ad eam quilibet (nisi pura conscientia) nō audeat peruenire. Ex quo manifestè apparet eius intentionem esse, quod peccator sacerdos non debet ad hoc sacramentum accedere. Vnde per hoc quod subdit: Quomodo cælestis Spiritus inuocatus adueniet, intelligi oportet, quod non aduenit ex merito sacerdotis, sed ex virtute Christi, cuius verba profert sacerdos.

AD TERTIVM dicendum, quod sicut eadem actio, in quātum fit ex praua intentione ministri, potest esse mala, bona autem, in quantum fit ex bona intentione Domini, ita benedictio sacerdotis peccatoris, in quantum ab ipso indignè fit, est maledictione digna & quasi infamia, siue blasphemia, & non oratio reputatur: in quantum autem profertur ex persona Christi, est sancta & efficax ad sanctificandum. Vnde signatè dicitur: Maledicam benedictionibus vestris.

ARTICVLVS VI.

Vtrum missa mali sacerdotis minus valeat, quàm missa sacerdotis boni.

*4. dist. 13. q. 1.
ar. 1. 2. 3.*

AD sextum sic proceditur. Videtur, quod missa sacerdotis mali non minus valeat, quam missa sacerdotis boni. Dicit enim Greg. in Registro: Heu in quam magnū laqueum incidunt, qui diuina & occulta mysteria, plus ab aliis sancti-

ficata posse fieri credunt: cum vnus idemq; Spiritus sanctus ea mysteria occultè, atq; inuisibiliter operando sanctificet. Sed hæc occulta mysteria celebrantur in missa. Ergo missa mali sacerdotis nō minus valet, quàm missa boni.

¶ 2. Præterea, Sicut baptismus traditur à ministro in virtute Christi, qui baptizat, ita & hoc sacramentum in persona Christi consecratur. Sed non melior baptismus datur à meliori ministro, vt suprà dictum est. Ergo etiam neque melior missa est, quæ celebratur à meliori sacerdote.

*q. 64. ar. 5. &
q. 67. ar. 5. &
aliis.*

¶ 3. Præterea, Sicut merita sacerdotum differunt per bonum & melius, ita etiam differunt per bonum & malū. Si ergo missa melioris sacerdotis est melior, sequitur, quod missa mali sacerdotis sit mala. Quod est incōueniens, quia malitia ministrorum non potest redundare in Christi mysteria, sicut August. * dicit in lib. de Baptismo. Ergo neq; missa melioris sacerdotis est melior.

*Li. 2. contra li-
teras Petiliani
c. 47. circa fin.
aliis verbis, t. 7.*

SED CONTRA est, quod habetur in Decretis 1. quæst. 1. * Quanto sacerdotes fuerint digniores, tātō facilius in necessitatibus pro quibus clamant, exaudiuntur.

*In decre. 1. q. 1.
c. 92. ipsi sacer-
dotes.*

RESPONDEO dicendum, quod in missa duo est cūsiderare, scilicet ipsum sacramentum, quod est principale, & orationes, quæ in missa fiunt pro viuis & mortuis. Quātū ergo ad sacramentū, non minus valet missa sacerdotis mali, quàm boni, quia vtrōque idem conficitur sacramentum. Oratio etiam, quæ fit in missa, potest considerari dupliciter. Vno modo in quantum habet efficaciam ex deuotione sacerdotis orantis,

*Refertur hoc in
decre. 1. q. 1. c.
Multi ante me
dium.*

orantis. Et sic non est dubiū, quod missa melioris sacerdotis magis est fructuosa. Alio modo in quantum oratio in missa profertur a sacerdote in persona totius Ecclesiæ, cuius sacerdos est minister. Quod quidē ministerium etiā in peccatoribus manet, sicut suprā dictū est* de ministerio Christi. Vnde etiam quantum ad hoc est fructuosa non solū oratio sacerdotis peccatoris in missa, sed etiam omnes eius orationes, quas facit in Ecclesiasticis officiis, in quibus gerit personā Ecclesiæ, licet orationes eius priuatæ nō sint fructuosæ secundū illud Prou. 28. Qui declinat aures suas, ne audiat legem, oratio eius erit execrabilis.

AD PRIMVM ergo dicendum, quod Greg.* loquitur ibi quantum ad sanctitatem diuini sacramenti.

AD SECVNDVM dicendū, quod in sacramento baptismi non sunt solennes orationes pro omnibus fidelibus sicut in missa. Et ideo quantum ad hoc non est simile. Est autē simile quantum ad effectum sacramenti.

AD TERTIVM dicendū, quod per virtutē Spiritus sancti (qui per unitatē charitatis communicat in uicem bona membrorum Christi) fit quod bonum priuatum, quod est in missa sacerdotis boni, est fructuosum aliis. Malū autē priuātū vnius hominis non potest alteri nocere, nisi per aliquē consensum, vt Aug. dicit in lib. contra Parmenianum.

ARTICVLVS VII.

Verū hæretici, schismatici, & excommunicati possint consecrare.

AD septimum sic proceditur. Videtur, quod hæretici, schis-

matici & excommunicati, Eucharistiam cōsecrare nō possint. Dicit enim Aug.† quod extra Ecclesiam catholicam non est locus veri sacrificij. Et Leo Papa dicit,† & habetur in Decretis i. q. Aliter, scilicet quam in Ecclesia, quæ corpus Christi est, nec rara sunt sacerdotia, nec verā sacrificia. Sed hæretici, schismatici & excommunicati sunt ab Ecclesia separati. Ergo nō possunt verum sacrificium conficere.

¶ 2. Præterea, Sicut ibidem legitur. Innoc.† Papa dicit Arrianos ceterasq; eiusmodi pestes, quia laicos eorum sub imagine poenitentiæ suscipimus, non videtur clerici eorum cum sacerdotij, aut cuiuspiā mysterij suscipiendi dignitatē esse, quibus solum baptisma ratum esse permittimus. Sed nō potest aliquis consecrare Eucharistiam, nisi sit cum sacerdotij dignitate. Ergo hæretici & ceteri huiusmodi, nō possunt Eucharistiam consecrare.

¶ 3. Præterea, Ille qui est extra Ecclesiam, nō videtur aliquid posse agere in persona totius Ecclesiæ, sed sacerdos consecrans Eucharistiā, hoc agit in persona totius Ecclesiæ: quod patet ex hoc, quod omnes orationes proponit in persona Ecclesiæ. Ergo videtur, quod illi qui sunt extra Ecclesiam, scilicet hæretici, schismatici & excommunicati, non possint consecrare Eucharistiam.

SED CONTRA est, quod Aug.* dicit in 2. contra Parmenianum. Sicut baptismus in eis, scilicet hæreticis, schismaticis & excommunicatis, ita ordinatio mansit integra. Sed ex vi ordinationis sacerdos potest consecrare Eucharistiā. Ergo hæretici, schismatici & excommu-

Rr 2 nicati,

In lib. sent. ex Aug. collectarum. c. 15. to. 3. Leo in epi. 38. habetur i. q. 1. cap. In Ecclesia Dei.

i. q. 1. cap. 74. Arrianos.

Art. præc.

Loco citato in arg.

Li. 2. ex. c. 13. dom. 7. & ex tract. 5. in loc. tom. 9. 4. dist. 13. q. 1. ar. 1. q. 3. & in expo. in princ. & d. 18. q. 1. arti. 2. q. 3. ad 2. & d. 19. q. 1. ar. 2. q. 3. ad 1. Et quo. 12. ar. 16.

Li. 2. c. 13. 7.

D. Tho. tert. par.

nicati, cum in eis maneat ordinatio integra, videtur quod possint consecrare Eucharistiam.

RESPONDEO dicendum, quod quidam dixerunt, quod hæretici, schismatici & excommunicati, quia sunt extra Ecclesiam, non possunt conficere hoc sacramentum. Sed in hoc decipiuntur: quia sicut Augustinus† dicit in 2. contra Parmenianum, aliud est aliquid omnino non habere, aliud autem non recte habere, & similiter etiam est aliud non dare, & aliud non recte dare. Illi igitur, qui intra Ecclesiam constituti, receperunt potestatem consecrædi Eucharistiam in ordinatione sacerdotij, recte quidem habent potestatem, sed non recte eam utuntur, si postmodum per hæresim, aut schisma, vel excommunicationem, ab Ecclesia separentur. Qui autem sic separati ordinantur, nec recte habent potestatem, nec recte utuntur. Quod tamen utrique potestatem habeant, patet per hoc quod (sicut Augustinus† ibidem dicit) cum redeunt ad unitatem Ecclesiæ, non reordinantur, sed recipiuntur in suis ordinibus. Et quia consecratio Eucharistiæ est actus consequens ordinis potestatem, illi qui sunt ab Ecclesia separati per hæresim, aut schisma, vel excommunicationem, possunt quidem consecrare Eucharistiam, quæ ab eis consecrata verum corpus & sanguinem Christi continet, non tamen hoc recte faciunt, sed peccant facientes. Et ideo fructum sacrificij non percipiunt: quod est sacrificium spirituale.

AD PRIMVM ergo dicendum, quod autoritates illæ & similes intelligendæ sunt quantum ad hoc, quod

non recte extra Ecclesiam sacrificium offertur. Vnde extra Ecclesiam non potest esse spirituale sacrificium, quod est verum veritate fructus, licet sit verum veritate sacramenti: sicut etiam supra dictum est,† quod peccator sumit corpus Christi sacramentaliter, sed non spiritualiter.

AD SECUNDVM dicendum, quod solus baptismus permittitur esse ratus hæreticis & schismaticis, quia possunt licite baptizare in articulo necessitatis. In nullo autem casu licite possunt Eucharistiam consecrare, vel alia sacramenta conferre.

AD TERTIVM dicendum, quod sacerdos in missa in orationibus quidem loquitur in persona Ecclesiæ, in cuius unitate consistit. Sed in consecratione sacramenti loquitur in persona Christi, cuius vicem in hoc gerit per ordinis potestatem. Et ideo si sacerdos ab unitate Ecclesiæ præcisus, missam celebret, quia potestatem ordinis non amittit, consecrat verum corpus & sanguinem Christi, sed quia est ab Ecclesiæ unitate separatus, orationes eius efficaciam non habent.

ARTICVLVS VIII.

Utrum sacerdos degradatus possit hoc sacramentum conficere.

AD OCTAVVM sic proceditur. Videtur, quod sacerdos degradatus non possit hoc sacramentum conficere. Nullus enim conficit hoc sacramentum, nisi per potestatem consecrandi, quam habet. Sed degradatus non habet potestatem consecrandi, licet habeat potestatem

Lib. 2. c. 13. an
q. med. tom. 7.

q. 80. ar. 3.

Lib. 2. contra
Parmenianum
c. 13. ar. 7.

4. dist. 13. q. 2.
arts. 1. q. 4. ff.
quo. 12. ar. 164.

Habetur in decretis l. 1. q. 1. c. Quod quidam, cur, medium.

testatem baptizandi, ut dicit Canon i. quest. i. cap. quidam. * Ergo videtur, quod presbyter degradatus non possit Eucharistiam consecrare.

¶ 2. Præterea, Ille qui aliquid dat, potest etiam auferre. Sed Episcopus dat presbytero potestatem consecrandi, ordinando ipsum. Ergo etiam potest ei auferre, degradando eum.

¶ 3. Præterea, Sacerdos per degradationem, aut amittit potestatem consecrandi, aut solam executionem. Sed non solam executionem, quia sic non plus amitteret degradatus, quam excommunicatus, qui etiam executione caret. Ergo videtur, quod amittat potestatem consecrandi. Et ita videtur, quod non possit conficere hoc sacramentum.

Li. 2. c. 13. p. 7.

SED CONTRA est, quod Augustinus in 2. contra Parmenianum probat, quod apostata à fide non carent baptismo, per hoc, quod per poenitentiam redeuntibus non restituitur, & ideo amitti non posse iudicatur. Sed similiter degradatus, si reconcilietur, non est iterum ordinandus. Ergo non amisit potestatem consecrandi. Et ita sacerdos degradatus potest conficere hoc sacramentum.

RESPONDEO dicendum, quod potestas consecrandi Eucharistiam, pertinet ad characterem sacerdotalis ordinis. Character autem qui liber, quia cum quadam consecratione datur, indelebilis est, ut supra dictum est, † sicut & quaruncunque rerum consecrationes perpetuæ sunt, nec amitti, nec reiterari possunt. Vnde manifestum est, quod potestas consecrandi non amittitur per degradationem. Dicit enim Augustinus in 2. contra Parmenianum.

q. 63. ar. 5.

Lib. 2. c. 13. d. med. co. 7.

Utrumque, scilicet baptismus & ordo, sacramentum est, & quadam consecratione utrumque homini datur, illud, cum baptizatur, istud, cum ordinatur, ideoque non licet à catholicis utrumque iterari. Et sic patet, quod sacerdos degradatus potest conficere hoc sacramentum.

AD PRIMUM ergo dicendum, quod Canon ille non loquitur asserit, sed inquit, sicut ex circumstantia literæ haberi potest.

AD SECUNDUM dicendum, quod Episcopus non dat potestatem sacerdotalis ordinis propria virtute, sed instrumentaliter, sicut minister Dei, cuius effectus per hominem tolli non potest, secundum illud Matth. 19. Quos Deus coniunxit, homo non separet. Et ideo episcopus non potest hanc potestatem auferre, sicut nec ille qui baptizat, potest auferre characterem baptismalem.

AD TERTIUM dicendum, quod excommunicatio est medicinalis. Et ideo excommunicatis non auferitur executio sacerdotalis potestatis, quasi in perpetuum, sed ad correctionem usque ad tempus. Degradatis autem auferitur executio quasi in perpetuum condemnatis.

ARTICULVS IX.

Utrum liceat ab excommunicatis, vel hæreticis, seu peccatoribus, communionem recipere, & eorum missam audire.

AD nonum sic proceditur. Videtur quod aliquis licite possit communionem recipere à sacerdotibus hæreticis, vel excommunicatis, vel & peccatoribus & ab eis missam audire. Sicut enim Augustinus contra Petilianum dicit:

Supra q. 64. ar. 9. ad secundum & tertium. Et 4. d. 13. q. 1. ar. 3. q. 3.

Referitur hoc in decre. l. 1. q. 1. c. Neque in primo

Rr 3 Neque

D. Thom. tert. part.

Neque in homine bono, neque in homine malo aliquis Dei fugiat sacramenta. Sed sacerdotes quamuis sint peccatores & hæretici, vel excommunicati, verum conficiunt sacramentum. Ergo videtur, quod non sit vitandū ab eis communione accipere, vel eorū missā audire.

¶ 2. Præterea, Corpus Christi verū, figuratiuum est corporis mystici, sicut supra dictum est. * Sed à prædictis sacerdotibus verum corpus Christi consecratur. Ergo videtur, quod illi, qui sunt de corpore mystico, possint eorum sacrificiis communicare.

¶ 3. Præterea, Multa peccata sunt grauiora, quā fornicatio. Sed non est prohibitum audire missas sacerdotū aliter peccantiū. Ergo etiam nō debet esse prohibitū audire missas sacerdotū fornicatoriū.

SED CONTRA est, quod Canon dicit 32. * distinct. Nullus missam audiat sacerdotis, quem indubitanter concubinam nouit habere. Ex t Gregor. dicit in 3. dial. quod pater perfidus Arrianum episcopum misit ad filium, vt de eius manu sacrilegæ consecrationis communione perciperet, sed vir Deo deditus Arriano Episcopo venienti exprobrauit, vt debuit.

RESPONDEO dicendum, quod (sicut supra dictū est*) sacerdotes si sint hæretici, vel schismatici, vel excommunicati, vel etiam peccatores, quamuis habeāt potestatem consecrandi Eucharistiam, non tamen ea rectē vtuntur, sed peccant vtentes. Quicunq; autem communicat alicui in peccato, ipse participes peccati efficitur. Vnde & in 2. Canon. * Ioā. dicitur, quod qui dixerit ei, aue (scilicet hæretico) cō-

municat operibus illius malignis. Et ideo non licet à prædictis cōmunionē accipere, aut eorum missam audire. Differt tamen inter prædictas sectas. Nam hæretici & schismatici & excommunicati, sunt per sententiam Ecclesiæ, executione consecrandi priuati, & ideo peccat quicunq; eorum missam audit, vel ab eis accipit sacramenta. Sed non omnes peccatores sunt per sententiam Ecclesiæ executione huius potestatis priuati. Et sic quamuis sint suspensi quantum ad se ex sententia diuina, non autem quantum ad alios ex sententia Ecclesiæ. Et ideo vsq; ad sententiam Ecclesiæ licet ab eis communionem accipere, & eorū missam audire. Vnde super illud 1. Cor. 5. Cū huiusmodi nec cibū sumere, dicit glos. t Aug. Hoc dicēdo, noluit hominem ab homine iudicari ex arbitrio suspicionis, vel etiā extraordinario vsurpato iudicio, sed potius ex lege Dei secundū ordinē Ecclesiæ, siue ultro confesum, siue accusatum & conuictum.

AD PRIMVM ergo dicendum, quod in hoc, quod refugimus audire missas talium sacerdotium, aut ab eis communionem recipere, nō refugimus Dei sacramenta, sed potius ea veneramur. Vnde hostia à talibus sacerdotibus consecrata est adoranda, & si reseruetur, licitē potest sumi à sacerdote legitimo. Sed refugimus culpam indignē ministrantium.

AD SECVNDVM dicendū, quod vnitas corporis mystici est fructus corporis veri percepti. Illi autem qui indigna percipiunt, vel ministrāt priuātur fructu, vt supra dictū est. t Et ideo non est sumendū ex eorū dispensatione sacramentum, ab eis

Est Aug. in li. de utilitate pœni. à med. to. 9. habetur etiam hic lib. tom. 10. inter 50. hom. & est vltima

q. 80. ar. 4.

d. 32. c. Nullus

Gregor. lib. 3. Dial. c. 31. partem à princip.

arti. 5. 6. 7. & huius q.

Circa suum illud

q. 80. ar. 4. & art. 7. huius q.

eis qui non sunt in vnitatē Ec-
clesiæ.

AD TERTIUM dicendum, quod
licet fornicatio nō sit grauior cæte-
ris peccatis, tamē ad eā proniores
sunt homines propter carnis concu-
piscētiā. Et ideo specialiter hoc
peccatū sacerdotibus prohibitum
est ab Ecclesiā, & ne aliquis audiat
missam concubinarij sacerdotis.
Sed hoc intelligendum est de noto-
rio, vel per sententiā, quæ fertur in
conuictum, vel per cōfessionem in
iure factam, vel per euidentiam fa-
cti, quando non potest peccatū ali-
qua tergiuersatione celari.

COMMENTARIUS.

De ministro Eu-
charistiæ con-
ficendæ, & di-
stribuendæ.

DE vsu & communione Euchar-
istiæ tam nostra, quā Christi &
Apostolorū dictum est, nunc de ministro
communions & sacramenti dicendū est:
est autem de ministris hæc sententiā catho-
lica. Solus sacerdos ritē & canonicē institu-
tus, hoc sacramentum, consecrando panē
& vinū, conficere potest: etiā si multis pec-
catis contaminatus, hereticus, excommunicatus
& degradatus sit: sed peccat, qui ab huius-
modi sacramentum sumit, nisi aliqua ra-
tione probabili excusetur: possunt etiā plu-
res sacerdotes simul eandem materiā con-
secrare, & idem conficere sacramentum.
Prima p. huius sententiæ solis sacerdotibus
ritē ordinatis, potestatem consecrandi conce-
dit: quia cōficiunt in persona Christi dicē-
tes super panē, hoc est corpus meum, & su-
per vinū, hic est calix sanguinis mei: qui au-
tē aliquid in persona alterius efficit, ab eo
debet accipere potestatem: sed eā tantū ac-
cipiunt sacerdotes in sua ordinatione, vt si-
cut Apostolos Dñs instituit sacerdotes di-
cens, hoc facite in meā cōmemorationem,
sic Ep̄s presbyteros dicens, accipite pote-
statem offerendi: & sicut Christus misit
Apostolos, sic Ep̄s dicitur in sua ordinatio-
ne, vade & prædica populo tibi cōmisso: so-
li igitur sacerdotes potestatem habent con-
secrandi, id est conficiēdi hoc sacramentū.
Inde etiā constat, solius sacerdotis esse, hoc
sacramentū aliis dispēfare: tum quia Chri-

stus cuius sacerdotes ministri sunt, prius cō-
secrauit, deinde Apostolis distribuit: signi-
ficās proculdubio eius esse distribuere, cu-
ius est cōsecrare: tū etiā quia sacerdos cōsti-
tuitur in his quæ ad Deū sunt, vt offerat dō-
na & sacrificia. Heb. 5. quare ad eundē etiā
debet pertinere, donā diuinitus sanctifica-
ta dispēfare, cui etiā munerī congruit cōse-
cratio sacerdotis, cū nihil hoc sacramentū
contingere possit, nisi consecratū, vt altare,
corporale, calix & patena, & eadē ratione
sacerdotis manus olei sancti vnctione con-
secrantur. vnde nullus, nisi vrgēte neces-
sitate, Eucharistiā contingere potest, vt si ab-
sente sacerdote cōtingat in terrā decidere.
Præterea, si iure diuino ad sacerdotē perti-
neret examināre, an digni sint, qui ad hoc sa-
cramentū accedunt, ad eundē etiā perti-
nebit legitima eiusdē sacramenti distribu-
tio, cū debeāt tantū dignis distribuere. Vn-
de, diaconū dispensare sanguinem, vt olim
fuit in vsu, vel laicū ex necessitate aliis, vel
sibi alio tēpore sumendum deferre, quod
olim aliquādo factum legimus, vt narra-
uimus ex probatis historiis supra in doctri-
na de cōmunionē sub altera specie, non
est propriē dispēfare hoc sacramentū: cū
nullus præter sacerdotem possit accēdes
ad hoc sacramentum discernere, quod est
proprium ordinarij dispensatoris, sed illud
erat dispensanti sacerdoti ministrare. Ita
constat ex Cypriano ser. de lapsis, sacerdo-
tes vfos esse diaconis vt ministris, quod ip-
sorum nōmini & munerī congruit, ad di-
stribuendum sanguinem, cū aliqui ex po-
pulo ytraq; specie communicarent. cōstat
etiā ex D. Ambrosio lib. 1. de offic. cap. 4.
& diaconos detulisse absentibus sacra-
mentum Eucharistiā, autor est Iustinus in fine
ap. 2.

2.

3.

Solus sacerdos
dispensare po-
test hoc sacra-
mentum.

4.

Diaconis quid
olim cōcessum.

3. p. 9. 82. ar. 1.

Art. 3.

1.

2. Vnde cū tempore Concilij Nicæni,
quidā diaconi ausi essent presbyteris hoc
sacramentum dispensare, & ante ipsos cō-
municare, can. 14. eiusdem Concilij repræ-
henduntur, & definitur, diaconos suo loco
post Ep̄scopos & presbyteros communi-
care, & non nisi absentibus presbyteris, se-
ipsis, vel aliis distribuere: & ideo, quia in so-
lemnibus sacris primitiis Ecclesiæ, poste-
riorem partem sacramenti dispensabant,
dicebantur cōfirmatores, cōfirmato-
res, ac semel apud Ambros. consecratores
sacramenti, si non est vitium in lectione
eiusdē c. 41. similiter in Arelaten. 2. can. 15.

Rr 4 diacono

Comment. in D. Thom. tert. par.

diacono nō licet, præsente presbytero, aut sedere, aut corpus Dñi distribuere. & Carthagin. 4. c. 38. diaconus, presente presbytero, Eucharistiam corporis Christi, si necessitas cogat, iussus populo erogat: quæ decreta referuntur 93. d. c. non oportet, & c. præsente presbytero.

3 Ex his deprehenditur error Vvicleffi & Lutheri, totam hierarchiam ecclesiasticam perturbantium: cū munus consecrandi & dispensandi hoc sacramentum, omnibus fidelibus promiscuè concedunt, asserentes quemcunque fidelem, ex ipso baptismo, institutum & factum esse sacerdotem: & præter eam baptismi institutionem, solam plebis, aut magistratus civilis nominationem, aut electionem necessariam esse, vt pro ordinatione Ecclesiastica & catholica, sit huiusmodi electio. Confirmant autem hanc impiam sententiam 1. Petr. 2. cum ait, vos autem genus electum, regale sacerdotium, gens sancta, populus acquisitionis: quæ cū omnibus fidelibus dicantur, videntur omnes in sacerdotibus numerari. Addunt illud Hebr. 9. Neque per sanguinem hircorum, aut vitulorum, sed per proprium sanguinem introiuit semel in sancta, æterna redemptione inuenta, & paulo post, non enim in manu facta sancta I E S V S introiuit exemplaria verorum, sed in ipsum cælum, vt apparuit nunc vultui Dei pro nobis: neque vt sæpè offerat semetipsum, quemadmodum pontifex intrat in sancta per singulos annos in sanguine alieno: alioqui oportebat eum frequenter pati ab origine mundi: nunc autem semel in consummatione sæculorum, ad destitutionem peccati, per hostiam suam apparuit. quibus verbis contendunt, nulla alia esse sacrificia in nouo testamento, sed vnum illud Christi in cruce semel oblatum fuisse, nec amplius iterandum. Vnde concludunt, cū nulum sit externum & visibile sacrificium, vt ipsi affirmant in Euangelio, neque esse externos & visibiles sacerdotes à cæteris fidelibus distinctos: sed omnes esse sacerdotes ad offerendum spirituales hostias, quæ solæ supersunt in nouo testamento.

4 Ecclesia autem catholica semper sentit & docuit, esse externum & visibile sacrificium, cui conficiendo, destinati sunt spirituali ordinatione & institutione Chri-

sti, sacerdotes à reliquo populo segregati, quorum sit legitima potestas conficiendi hoc sacramentum: quod idem sacrificium esse, magnis testimoniis euincemus deinceps: nunc quod est huius loci, esse sacerdotes proprios ministros huius sacramenti concludamus. Primò quidem ex ordine hierarchico Ecclesiæ, in quo ex sententia sæpè repetita à D. Paulo, sunt ministri distinctis muneribus accommodati, vt membra in corpore, sunt pastores & doctores, sacerdotes etiam presbyteri, quorum institutio & sacra ordinatione propria est Episcoporum. sic ad Titum cap. 1. huius rei gratia reliqui te Crete, vt ea quæ desunt corrigas, & constituas per ciuitates presbyteros, sicut & ego disposui tibi. & de potestate accepta per impositionem manuum in ordinatione est illud. 1. Timot. 4. Noli negligere gratiam, quæ in te est, quæ data est tibi per prophetiam cum impositione manuum presbyterij. Secundò idem confirmat praxis, & vsus Ecclesiæ catholicæ, quæ ab ipsis Apostolis deriuata, semper habuit in hierarchia ecclesiastica sacerdotes & Episcopos ad dispensandum populo sacramenta & verbum Dei. Sic etiam Dominus Ioan. 20. Sicut misit me Pater, & ego mitto vos, missus est autem Dominus, vt dissolueret opera diaboli 1. Ioan. 3. & nos Deo reconciliaret, sicut scriptum est Esai. 61. Spiritus Domini super me, eo quod vnixerit Dñs me: ad annūtiandum mansuetis misit me, vt mederer cōtritus corde, & prædicarem captiuis indulgentiam, & clausis apertionem. ideo eodem ca. 20. dedit etiam Apostolis potestatem hierarchicam iudicandi dicens, quorum remiseritis peccata, remittuntur eis: & ad eam exercendam confert spiritum sanctū, Telespharicon, præsidē sacramentorum. vnde, qui missos cum huiusmodi potestate non audit, mittentem non audit. iuxta illud, qui vos audit, me audit, & qui vos spernit, me spernit.

5 Cū autem Pater miserit filium suū, vt maneret nobiscum vsque ad consummationem sæculi, similiter missi à Christo semper manere debent in Ecclesia, cū sint ministri mysteriorum Christi. ipsi verò, cū morte prohiberentur, permanere non poterant: necessariò igitur acceperunt potestatem mittendi alios pro seip-
stolos,

Non omnes fideles ex baptismo factos esse sacerdotes.

Sunt in nouo testamento sacerdotes ex sua ordinatione, à cæteris fidelibus diuino iure distincti.

stolos, & ipsi potestatem concesserit mittendi alios, vt ecclesiastica hierarchia permaneret: illis sanè dedit potestatem ordinandi ministros sacramentorum Episcopos & presbyteros, nō autem politicis magistratibus: qui tantum mittuntur ad vindictam malorum, laudem verò bonorum 1. Pet. 2. & idcirco potestati sæculari, qui cōcedunt potestatem mittēdi sacerdotes, vt Protestantes & Calviniani, ex caudis volūt capita oriri & nasci. Sic Ecclesia catholica in ordinatione Episcopi ait, vadē & prædica populo tibi commissio, vt dictum est à Domino Apostolis, ite docete omnes gentes: & presbytero, accipe potestatem offerendi, vt dixit Dominus Apostolis, hoc facite in meam commemorationem.

6 Ad argumenta vero hæc, quæ aduersarij desumpserunt ex D. Petro & Paulo, facilis est responsio. Fatemur enim commune esse omnium christianorum sacerdotium illud spirituale tantum, ad offerendum, vt idem Petrus inquit, spirituales hostias: sed asserimus præterea ex diuina Christi institutione esse in Ecclesia aliud sacerdotium Liturgicū, idest ministeriale, ad offerendū visibile & externum nou. test. sacrificiū, & supplicandum pro populo, sicut etiam in veteri lege fuit vtrumque sacerdotium. de spirituali est illud Exod. 19. dictam veteri populo, vt dicitur postea perfectiori modo de nouo, eritis mihi populus acquisitionis, regale sacerdotium, gens sancta: cum voluerit Dominus, vt essent omnes populus electus, qui corpora sua exhiberēt Deo hostiam viuēte, & seruiret iustitiæ in sanctificationem: licet per circumcisionem spiritualem & baptismi regenerationē, hoc sit in nou. test. perfectius.

7 De altero sacerdotio ministeriali, est omnium sacerdotum in veteri lege institutio in tribu Leuitica. quod si, vt inquit D. Paulus Hebr. 9. sacerdotes veteres sunt vmbra cælestium, quæ noui testamenti propria sunt, & vetera transferunt, & facta sunt omnia noua 2. Corinth. 5. & in veteri lege præter sacerdotium illud spirituale totius populi, fuit aliud publicum & ministeriale in electis à Domino ministris, oportet etiam, vt vmbra veteri veritas noua respondeat, esse in Euangelio ministeriales sacerdotes ad publica sacrificia offerenda: sicut prædictum fuerat Esai. 61. vos autem sacerdotes Domini vocabimini, &

Liturgi, idest ministri Dei nostri, quos institutos esse ad offerendum & supplicandum pro populo, ipsa verbi vis ostendit: cum nihil aliud sit Liturgin, quā offerre & supplicare pro populo. sunt in vtroque testamento externa quædam, vt sacramenta, & eorum ministri, & idcirco non possunt omnia noui testamenti interna esse: quæ tamen sunt externa in Euangelio, interiore in sanctificationem per se efficiunt: quæ fuerunt in veteri lege, efficere non poterant, cum essent infirma & egena elementa: & idcirco nouum testamentum id habet propriū, vt sanet à vitio vetustatis: vetus autem nos huiusmodi sanitate indigere ostendit, eam verò præstare non poterat. similiter vetus præcepit, quid fieri & cauere oporteat, vim faciendi & cauendi conferre non poterat, vt nouum confert, quia gratia & veritas per IESVM Christum facta est, Ioan. 1.

8 In electione autem ministrorum Ecclesiæ, vt sacerdotum, est duplex suffragium, vnum autoritatis, quo charisma & potestas spiritualis datur, & est alterum petitionis: illud tantum est Episcopi, qui ordinando confert characterem & potestatem ministerij per manus impositionem, hoc autem populo cōcessum est. itaq; populus & ciuilis magistratus ad eligendum sacerdotem, nihil aliud asserre possunt, nisi desiderium, petitionem, consensum & testimonium: ordinationem & institutionem solus habet Episcopus. Sic legimus in Actis populum considerasse septem viros boni testimonij, sicut iussu ei fuerat: deinde statuerunt eos ante conspectum. Apostolorum, vt ipsi per manus impositionem eos in ministerio diaconorum constituerent: sic etiam Cypr. lib. 1. epist. 3. inquit, vt sacerdos sub omnium oculis deligatur, hoc est plebe præsentem, non tamen eligentem, aut ordinantem. sic Anaclet. epist. 2. de electione Episcopi, & Synodus Nicæna can. 4. & Nicæna 2. can. 3. & Leo magnus epist. 84. cap. 6. Hæc ad prius testimonium ex D. Petro.

9 Ad alterum ex D. Paulo Hebr. 9. respondetur, aduersarios non considerantes propositum & vim sententiæ D. Pauli, maxime deceptos esse, pro eodē accipientes vnitatem rei oblatæ, siue victimæ, & vnitatem oblationis & modum offerendi. factemur enim in sacrificio noui testamenti

In electione ministrorum Ecclesiæ, quid populus & laici concedatur, & quid sit Episcopi proprium.

In veteri & nouo testamento est duplex sacerdotium, vñ spirituale, alterum ministeriale & publicum in electis à Deo ministris. Clem. lib. 3. c. 15. in fine

Comment. in D. Thom. tert. part.

*D. Paulus in
ep. ad He. cōclu-
dit res oblate.
et uictine uni-
tatem, non au-
tem oblationis,
aut modi offerē-
di.*

vnam tantum rem, & vnum corpus offerri, quod & in cruce primum oblatum est, & quotidie in Ecclesia offertur, & in cælo à Christo pro nobis Patrem interpellante: & hanc victimæ unitatem Paulus sacrificiis veteribus opponit in epist. Hebr. Ex qua non licet, vel unitatem oblationis, vel modi offerendi concludere: cum eadem victima & olim in mortem & satisfactionem pro peccatis, & reconciliatione generis humani oblata sit: & in cælo reuelata facie, & in propria specie gloriosa, ut prius in propria passibili & mortali, & in Ecclesia in aliena panis & vini specie offeratur. sic dicitur Hebr. 7. Christus apparere nunc vultui Dei pro vobis, & sempiternum habere sacerdotium ad interpellandum pro nobis, & c. 8. talē habemus pontificē, qui consedit in cælo, sanctorum minister, & tabernaculi veri, quod fixit Deus & non homo, hoc est consedit, ut ministerio offerendi sanctum tabernaculum corporis sui fungeretur. De modo autem offerendi eandem victimam in aliena specie, & in mysterio est illud Pauli eodem capit. 9. necesse est ipsa cælestia melioribus hostiis mundari. Cælestia enim dicit nostram Ecclesiam, quæ est eadem cum Hierusalem cælesti, ut inquit Augustinus lib. 3. contra Donatistas: sed aliter nunc, aliter postea futura: constat autem in cælo nihil indigere expiatione & mundatione. quare sunt in nostra Ecclesia meliores hostiæ, quibus mudemur à peccatis, applicando satisfactionem Christi in cruce perfectam, non quidem hostiæ spiritualis, quia loquebatur de sacrificio externo perfectiori, quam fuerit illud veteris legis. de qua tota ratione sacrificij & sententia D. Pauli in epistola ad Hebr. paulo post exactius differemus, nunc satis sit breuiter argumentationem aduersariorum refutauisse. ibidem etiam explicabitur hoc sacrificium Ecclesiæ ipsa consecratione huius sacramenti perfici.

Sequitur in eadem sententia, malitiam ministri, excommunicationem, & aliud quodcunque impedimentum, sacrificij & veritatem sacramenti non tollere, aut imminuere: quod licet generaliter de omnibus sacramentis suo loco dictum sit, nunc tamen de sacerdotis munere specialiter probandum est. Omnium autem ministrorum, siue in peccato mortali tantum existant, siue præterea excommunica-

ti sint, degradati, aut suspensi, communis hæc ratio est. manente caractere, manet potestas consecrandi, per quam vera fit consecratio, cum hæc potestas ad characterem pertineat: sed character semper manet, neque peccato mortali, aut aliqua pœna, vel censura Ecclesiastica aboleri potest: ut in doctrina de caractere ostendimus: ergo semper erit vera consecratio quocunque peccato & censura existente. Fatemur quidem in peccatoribus malum esse huius potestatis usum: sed aliud est non habere potestatem, aliud non recte illa uti. hinc est quod baptizati, vel sacerdotes redeuntes ab hæresi non rebaptizantur, nec iterum ordinantur, sed per penitentiam & maius impositionem recipiuntur. hoc etiam ratio ministri confirmat: consecrat enim sacerdos, ut minister Christi, habet autem Christus bonos & malos ministros, ut constat Matth. 24. & 1. Corinth. 4. quare semper conficiet, ut minister verum sacramentum, quod est Dei proprium, qui mala conuertit in bonum, & gloriam sui, ut explicatum est i. p. in doctrina de prouidentia. Excommunicatio itaque, suspensio & degradatio, executionem potestatis auferunt, non autem potestatem: excommunicatio & suspensio ad tempus, degradatio & aliquando suspensio in perpetuum.

Unde colliguntur duo: Primum, quod missa mali sacerdotis, tum ratione sacramenti, tum ratione sacrificij, ut est in persona Ecclesiæ, æqualem valorem habet, & efficaciam, atque boni sacerdotis: quoniam ab utroque idem conficitur sacramentum, & idem sacrificium: & idem est de omnibus orationibus, quas perficit malus sacerdos, ut minister gerens personam Ecclesiæ: priuatæ autem eius orationes fructuosæ non sunt aliis, ipsi quatenus ex auxilio Dei per eas præparari potest ad iustificationem, fructuosæ & vtilis esse possunt. Alterum consecrarium est: à præcis per sententiam Ecclesiæ, nempe hæreticis, schismaticis, & excommunicatis, vel suspensis, sacramentum recipere, vel eorum missam audire non licet, sed peccat mortaliter, qui recipit, vel audit: ab aliis peccatoribus, non tamen sic præcis, licet. Ratio prioris p. est, quia communicans peccato alterius, eiusdem peccati fit particeps, sicut scriptum est 2. can. Ioan-

*Malitia, vel cō-
sura ministri,
non tollit veritatem sacramē-
ti, vel sacrificij*

*Valor missæ mali sacerdotis.
art. 6. eiusd. q.*

*art. 9. eiusd. q.
A præcis non
licet sacramen-
ta recipere,
vel eorum sa-
cris interesse,
ab aliis peccato-
ribus licet.*

nis de hæretico, qui dixerit ei aue, commu-
nicat operibus eius malignis: sed accipiens
sacramenta, vel audiens missam præcis, cõ-
municat peccato illius: cum sit ipsa sacra-
menti administratio in præcis peccatum
mortale: non licet igitur ab eis sacramen-
tum recipere, vel sacris illorum interesse.
Itaq; non solum vitare tenemur horũ pec-
catorum consortia ex præcepto iuris posi-
tũ, quo excommunicatis interdicitur alio-
rum fidelium communiõ: sed ex iuris natu-
ralis obligatione: quatenus prohibet alie-
nis peccatis consentire, iuxta illud Rom. 1.
Digni sunt morte, non solum, qui ea fa-
ciunt, sed etiam, qui consentiunt facienti-
bus, vitare scandala, & bono nomini con-
sulere, atque idẽ peccatorum consuetu-
dinem declinare, & illos corrigere frater-
no animo: quibus modis fit, vt à peccatis
auocemur.

12 Sed ex indulgentia Concilij Constan-
tiẽ. eos tantum excommunicatos vitare
tenemur, qui vel sint manifesti clericorum
percussores, vel nominatim excommuni-
cati ob alia crimina, aut proprio nomine
expresso, aut dignitatis, quæ vnus propria
fit, vt prætor vrbs, ecclesiæ decanus. Cau-
tum etiam fuit olim, ne quis audiret mis-
sam sacerdotis publicè concubinarij d. 32.
cap. nullus, quod is esset excommunicatus:
est autem publicus concubinarius, vel sen-
tentia publica huius criminis damnatus,
vel conuictus, vel vtrò confessus, vel deni-
que, qui nulla tergiversatione celari possit.
Sed hic canon abiit in desuetudinẽ, quod
videretur occasionẽ delinquendi præbe-
re multis: & peccatoribus corrigendis non
esset hac ratione, vt nunc sunt mores, be-
nè consultum. Quando verò liceat, & quæ
sacramenta ab excommunicatis & præci-
sis sumere, explicatum est à nobis in do-
ctrina generali de ministris sacramen-
torum.

13 Superest de proposita sententia, illa
tantum pars explicanda, & confirman-
da, quod possint plures sacerdotes ean-
dem materiam consecrare, vt Hispanis
Episcopis plures presbyteros ordinan-
tibus, moris est, cum omnes super eandem
materiam eandem verborum formã pro-
ferunt. constabit verò ex hac distinctione:
aut omnes illi sacerdotes intendunt ean-
dem partem, vel diuersas consecrare, easq;
distinctas & designatas, vt cuiusq; intentio

ad suam partem determinatè feratur: vel
intendunt consecrare eandem materiam
totam complexè, hoc est coniunctè, vt in-
tentio vnus pendeat ab altero: vel absolu-
tè quisque perse totam, licet eodem tem-
pore. Si intendunt consecrare diuersas &
designatas partes, dubium non est ratam
cuiusque perse consecrationem esse, quia
nihil deest ad substantiam sacramenti, cū
adint materia, forma & minister cum in-
tentione faciendi, quod Ecclesia fieri vult,
idest conficiendi sacramentum: si autem
intendunt diuersas partes consecrare inde-
terminatè, nullius fit consecratio: quia for-
marũ illa pronomina demonstratiua [hoc]
& [hic] nõ possunt, nisi determinatè mate-
riæ conuenire. Si denique intendunt vnã
& eandem partem consecrare eadem ra-
tio est, atque si intendere totam simul:
tunc autem, si alterius intentio conditiona-
lis sit, vt nisi intendente altero, nolit conse-
crare, nihil omninò conficitur: quia in sa-
cramentorum collatione requiritur abso-
luta intentio, sicuti est materia & forma:
quare si absoluta sit, ex duobus simul ean-
dem materiam consecrantibus, si alter præ-
ueniat alterum prolatione formæ, is solus
consecrabit, quia nihil deest ad essentiam
sacramenti: posterior vero nihil efficiet,
quia deest materia, cum tota sit ab altero
prius consecrata. quod si omnes eodem
tempore absoluant formæ prolationem,
quod est valde difficile, omnes simul ean-
dem materiam consecrabunt, cum nihil
desit ad essentiam sacramenti. Non proba-
tur autem plerisque theologis hæc consue-
tudo multorum simul consecrantium ean-
dem materiam in ordinatione presbyte-
rorum: quia difficile est, omnes consen-
tire in eodem tempore terminante prola-
tionem formæ, vt omnes verè dicantur
consecrare, & non sit, qui proferat formã
frustrã, nulla existente materia ad excipie-
dam illius efficaciam, cum possit ab alijs
prius esse consecrata: nisi omnium in-
tentio ad eundem terminum pro-
lationis omnium, refe-
ratur.

Duran. & C.

*De pluribus
eandem mate-
riam simul con-
secrantibus.
3. p. q. 82. ar.
2.*

A R T I.

D. Thom. tert. part.

ARTICVLVS X.

Vtrum liceat sacerdoti, omnino à consecratione Eucharistiæ abstinere.

4. d. 12. q. 3.
art. 2. q. 3. &
d. 13. q. 1. art.
1. q. 1.

AD decimum sic proceditur. Videtur, quod liceat sacerdoti, omnino à consecratione Eucharistiæ abstinere. Sicut enim ad officium sacerdotis pertinet Eucharistiam consecrare, ita etiam baptizare, & in aliis sacramētis ministrare. Sed sacerdos non tenetur ministrare in aliis sacramentis, nisi propter curam animarum susceptam. Ergo videtur, quod nec etiam teneatur Eucharistiam consecrare, si curam non habeat animarum.

ar. 7. huius q.

¶ 2. Præterea, Nullus tenetur facere, quod sibi non licet, alioquin esset perplexus. Sed sacerdoti peccatori, vel etiam excommunicato, non licet Eucharistiam consecrare, vt suprà dictum est. * Ergo videtur, quod tales non teneantur ad celebrandum. Et ita nec alij, alioquin ex sua culpa commodum reportarent.

Gelas. Palladio
Episcopo scriben.
Habetur in decretis d.
35. c. Præcepta
canonica, in
princ.

¶ 3. Præterea, Dignitas sacerdotalis non perditur per subsequētem infirmitatem, dicit enim ^tGelasius Papa, & habetur in decretis dist. 55. Præcepta canonica, sicut non patiuntur venire ad sacerdotium debiles corpore, ita si quis in eo fuerit constitutus, ac tunc fuerit fauciatus, amittere nō potest, quod tempore suæ sinceritatis accepit. Contingit autem quandoq; , quod ordinati in sacerdotes, incurrunt aliquos defectus, ex quibus à celebratione impediuntur, sicut est lepra, vel morbus caducus, vel aliquid aliud huiusmodi. Nō ergo vi-

detur, quod sacerdotes ad celebrandum teneantur.

SED CONTRA est, quod Ambr. dicit in quadam oratione: Graue est, quod ad mensam tuam mundo corde, & manibus innocentibus non venimus, sed grauius est, si dum peccata metuimus, etiā sacrificiū non reddamus.

RESPONDEO dicendum, quod quidam dixerūt, quod sacerdos potest omnino à consecratione licite abstinere, nisi teneatur ex cura sibi commissā celebrare populo, & sacramēta præbere. Sed hoc irrationabiliter dicitur, quia vnusquisq; tenetur vti gratia sibi data, cum fuerit opportunum, secundum illud 2. ad Corinth. 6. Exhortamur ne in vacuum gratiā Dei recipiatis. Opportunitas autem sacrificium offerendi, non solum attenditur per cōparationem ad fideles Christi, quibus oportet sacramenta ministrari, sed principaliter per cōparationem ad Deum, cui consecratione huius sacramēti sacrificium offertur. Vnde sacerdoti, etiam si non habeat curam animarum, non licet omnino à celebratione cessare, sed saltē videtur, quod celebrare teneatur in præcipuis festis, & maxime in illis diebus, in quibus fideles communicare consueuerunt. Et hinc est quod 2. Mach. 4. contra quosdam sacerdotes dicitur, quod iam non circa altaris officia dediti erant contempto templo, & sacrificiis neglectis.

AD PRIMUM ergo dicendum, quod alia sacramenta perficiuntur in vsu fidelium. Et ideo in aliis ministrare non tenetur, nisi ille, qui super fideles suscipit curam. Sed hoc sacramentum perficitur in consecratione

eratione Eucharistiæ, in qua sacrificium Deo offertur, ad quod sacerdos obligatur Deo ex ordine iam suscepto.

AD SECVNDVM dicendum, quod sacerdos peccator, si per sententiam Ecclesiæ sit executione ordinis priuatus, vel simpliciter, vel ad tempus, redditus est impotens ad sacrificium offerendum, & ideo obligatio tollitur. Hoc autem credit sibi in detrimentum spiritualis fructus, magis quam in emolumentum.

Si verò non sit priuatus potestate celebrandi, non soluitur obligatio: nec tamen perplexus est, quia potest de peccato pœnitere, & celebrare.

AD TERTIVM dicendum, quod debilitas, vel ægrotudo superueniens ordini sacerdotali, ordinem non tollit, executionem tamen ordinis tollit quantum ad consecrationem Eucharistiæ. Quandoque quidem propter impossibilitatem executionis, sicut si priuaretur oculis, aut digitis, aut usu lingue. Quandoque autem propter periculum, sicut pater de eo, qui patitur morbum caducum, vel etiam quamecumque alienationem mentis. Quandoque propter abominationem, sicut pater de leproso, qui non debet publicè celebrare. Potest tamen missam dicere occultè, nisi lepra adeo inualuerit, quod per corrosionem membrorum eum ad hoc reddiderit impotentem.

Sententia & conclusio quæst.

Conclusio est, sacerdoti non licet omnino à consecratione cessare: sed tenetur sacrificare præcipuis festis, & iis

diebus, quibus fideles communicare consueverunt: quia non licet in vacuum recipere gratiam sacerdoti collatam, ad dignè sacrificandum.

COMMENTARIVS.

I Diximus de usu Eucharistiæ in sacra communione, & de ministro eiusdem, dicendum statim est de ritibus & cæremoniis Ecclesiasticis eiusdem sacre communionis. In ea certè antiquitas & nunc, illud seruatum est, ut primum sacerdos se communicaret ipse, quam ratione, cum nonnulli improbarent, eam confirmavit Concil. Trident. sess. 13. can. 10. his verbis, si quis dixerit non licere sacerdoti celebranti seipsum communicare, anathema sit. idque iustissimè, cum supra ostendimus Christum seipsum communicasse, licet à se baptizatus non fuerit: neque rationi sacramenti repugnat, ut idem sit minister & percipiens, ut in matrimonio, quamquam & hoc singulare est huius sacramenti, quod alium possit habere ministrum consecrationis, alium dispensationis, cum distributor possit esse alius à consecrante, & olim etiam celebrior ritus dispensationis fuit, ut sacerdos daret corpus, diaconus verò sanguinem, ut supra ex antiquis Patribus ostendimus. Iam verò paulò ante dispensationem clamatum est, sancta sanctis: dum autem porrigebatur, sacerdos ad primam speciem dicere solebat, corpus Christi, & diaconus ad posteriorem, sanguis Christi, calix vitæ: utrobique autem à percipientibus respondebatur, Amen. Interim recitabatur Psalm. 33. dum ceteri omnes communicarent, inquit Clemens lib. 8. constitut. Apost. ca. 13. Ambros. lib. 4. de sacrament. Cyril. Hierosol. Mystag. 5. Ordo autem communicantium hic erat, inquit, eodem cap. Clemens, primum Episcopus, deinde presbyteri, diaconi, hypodiaconi, lectores, cantores, ascetici: ex fœminis diaconisse, virgines, viduæ, postea pueri, tandem cunctus populus ordine cum pudore & reuerentia, sine tumultu & strepitu. vnde August. serm. 244. de tempore, reprehendit insolentiam multorum, quod in modeste, sordida conscientia & pollutis manibus tractant, & quasi

De ritibus & cæremoniis sacre communionis

Comment. in D. Thom. tert. part.

& quasi inuolarint in corpus Domini. alia vero de sacerdotum frequentiori communione supra explicauimus, differentes de tempore sacrae communionis. Reliquiae post communionem nonnunquam dabantur innocentibus infantibus consummenda, nonnunquam cremabantur igne; sepiissime deferebantur in pastophorium, vel tabernaculum, vt colligitur ex c. citato Clementis, & Hesychio lib. 2. in Leuit. c. 8. Nunc autem post longam rerum & periculorum omnium obseruationem, & Spiritus sancti suggestionem, sapientissima mater communis Ecclesia, optimam & diuinissimam rationem reseruandi & communicandi plebem tenet, quae omnibus notissima est.

QVÆSTIO LXXXIII. De ritu huius sacramenti, in sex articulos diuisa.

Deinde considerandum est de ritu huius sacramenti.

¶ Et circa hoc quaeruntur sex.

Primò, Vtrum in celebratione huius mysterij Christus immoletur.

Secundò, de tempore celebrationis.

* Alias aptitudinem.

Tertiò, de loco & aliis, quae pertinent ad apparatus huius celebrationis.

Quartò, de his quae in celebratione huius mysterij dicuntur.

Quintò, de his quae circa celebrationem huius mysterij fiunt.

Sextò, de defectibus, qui circa celebrationem huius sacramenti occurrunt.

ARTICVLVS I.

Vtrum in hoc sacramento Christus immoletur.

Inf. ar. 2. corp.
& ad 1. & 2.

AD primum sic proceditur. Videtur, quod in celebratione huius sacramenti, Christus non immoletur. Dicit enim Hebr. 10. Quod Christus vna oblatione consummauit in sempiternum sanctifica-

tos. Sed illa oblatio fuit eius immolatio. Christus ergo non immolatur in celebratione huius sacramenti.

¶ 2. Præterea, Immolatio Christi facta est in cruce, in qua tradidit semetipsum oblationem & hostiam Deo in odore suauitatis, vt dicitur Ephes. 5. Sed in celebratione huius mysterij Christus non crucifigitur. Ergo nec immolatur.

¶ 3. Præterea, Sicut * August. dicit in 4. lib. de Trinit. in immolatione Christi idem est sacerdos & hostia. Sed in celebratione huius sacramenti non est idem sacerdos & hostia. Ergo celebratio huius sacramenti non est Christi immolatio.

Lib. 4. c. 14. in
fi. & cap. 7. in
prin. to. 3.

SED CONTRA est, quod * Aug. dicit in lib. sent. Prosperi, Semel immolatus est in semetipso Christus, & tamen quotidie immolatur in sacramento.

Habetur de cōs.
d. 2. cap. Semel
immolatus.

RESPONDEO dicendum, quod duplici ratione celebratio huius sacramenti dicitur immolatio Christi. Primò quidem, quia sicut dicit * Augustinus ad Simplicium, solent imagines earum rerum nominibus appellari, quarum imagines sunt, sicut cum iotuentes tabulam, aut parietem pictum, dicimus, ille Cicero est, & ille Salustius. Celebratio autem huius sacramenti (sicut supra dictum est *) imago quædam est representatiua passionis Christi, quæ est vera eius immolatio. Et ideo celebratio huius sacramenti dicitur Christi immolatio. Vnde * Ambros. dicit super epistolam ad Hebræos. In Christo semel oblata est hostia, ad salutem sempiternam potes, quid ergo nos, nonne per singulos dies offerimus,

In lib. ques. ad
Simplicium, q.
3. parum ante
medium, to. 4.

q. 79. ar. 1. &
3. & 73. ar. 6.

In e. 10. ad Hebræos.
non procul à prin. to. 5.

mus: sed ad recordationem mortis eius. Alio modo quantum ad effectum passionis Christi, quia scilicet, per hoc sacramentum participes efficiamur fructus Dominicę passionis. Vnde in quadam Dominicali oratione secreta dicitur: Quoties huius hostiæ commemoratio celebratur, opus nostrę redemptionis exercetur. Quantum igitur ad primum modum, poterat dici Christus immolari etiam in figuris veteris testamenti. Vnde & Apocal. 13. dicitur, quorum nomina non sunt scripta in libro vitę agni, qui occisus est ab origine mundi. Sed quantum ad secundum modum, proprium est huic sacramento, quod in eius celebratione Christus immoletur.

AD PRIMUM ergo dicendum, quod sicut * Ambr. ibidem dicit: Vna est hostia (quam, scilicet, Christus obtulit, & nos offerimus) & non multę, quia semel oblatus est Christus: Hoc autem sacrificium exemplum est illius. Sicut enim quod ubiq; offertur, vnum est corpus & non multa corpora, ita & vnum sacrificium.

AD SECUNDUM dicendum, quod sicut celebratio huius sacramenti est imago repręsentatiua passionis Christi, ita altare est repręsentatiuum crucis ipsius, in qua Christus in propria specie immolatus est.

AD TERTIUM dicendum, quod per eandem rationem etiam sacerdos gerit imaginem Christi, in cuius persona & virtute verba pronunciat ad consecrandum, vt ex supradictis patet. * Et ita quodammodo idem est sacerdos & hostia.

ARTICVLVS II.
Vtrum conuenienter sit determinatum
tempus celebrationis.

AD secundum sic proceditur. Videtur, quod inconuenienter sit determinatum tempus celebrationis huius mysterij. Hoc enim sacramentum est repręsentatiuum Dominicę passionis, vt dictum est. Sed cõmemoratio Dominicę passionis fit in Ecclesia semel in anno. Dicit enim Aug. super Psa. 21. Quotiescunq; Pascha celebratur, nunquid toties Christus occiditur? sed tamen anniuersaria recordatio repręsentat quod olim factum est, & sic nos facit moueri, tanquã videamus in cruce pendentem Dominum. Ergo hoc sacramentum non debet celebrari, nisi semel in anno.

4. dist. 13. q. 1.
ar. 2. q. 4.

Ar. prece.

In prefa. 2.
Psal. 21. circa
princip. to. 8.

¶ 2. Pręterea, Passio Christi commemoratur in Ecclesia sexta feria ante Pascha, non autem in festo Natalis. Cum ergo hoc sacramentum sit commemoratiuum Dominicę passionis, videtur inconueniens esse, quod in die Natalis celebraretur hoc sacramentum, in pasce autem totaliter intermittitur.

¶ 3. Pręterea, in celebratione huius sacramenti Ecclesia debet imitari institutionem Christi. Sed Christus consecrauit hoc sacramentum hora serotina. Ergo videtur, quod hora tali debeat hoc sacramentum celebrari.

¶ 4. Pręterea, Sicut habetur de cõs. d. 1. * Leo Papa scribit Dioscoro Alexandrino Episcopo, quod in prima parte diei missas celebrare licet. Sed dies incipit à media nocte, vt supra dictum est. Ergo videtur, quod etiam post mediam noctem licet celebrare.

Leo in ep. 81.
c. 2. circa prin-
cipium. Et ha-
betur de conse-
d. 1. ca. Necessè
est.

¶ 5. Prę-

In cap. 10. ad
Heb. non temo
q. 1. p. 1. 5.

q. 82. ar. 1. 6.
3.

D. Thom. tert. part.

3. Præterea, In quadam Domini tali oratione secreta dicitur: Concede nobis Domine quæsumus hæc frequentare mysteria. Sed maior erit frequentia, si etiam pluribus horis in die sacerdos celebret. Ergo videtur, quod non debeat prohiberi sacerdos pluries celebrare in die.

SED IN CONTRARIUM est cōsuetudo, quā seruat Ecclesia secundum Canonum statuta.

Ar. preced. q. 79. ar. 1.

RESPONDEO dicendum, quod (sicut dictum est) in celebratione huius mysterij attenditur representatio Dominicæ passionis, & participatio fructus eius. Et secundum utrumq; oportuit determinare tempus aptū celebrationi huius sacramenti. Quia enim fructu Dominicæ passionis quotidie indigemus, propter quotidianos defectus, quotidie in Ecclesia regulariter hoc sacramentum offertur. Vnde & Dominus nos petere docet Luc. 11. Panem nostrum quotidianum dabo nobis hodie, quod exponens August. lib. de verbis Domini dicit: Si quotidianus est panis, cur post annum illum sumis, quæ iam modū Græci in oriēte facere consueuerūt? accipe quotidie, ut quotidie tibi profit. Quia verò Dñica passio celebrata est à tertia hora vsq; ad nonā, ideo regulariter in illa parte diei, solenniter hoc sacramētum in Ecclesia celebratur.

In serm. 28. p. d. rñ a med. to. 10

AD PRIMUM ergo dicendum, quod in hoc sacramento colligitur passio Christi, secundum quod eius effectus ad fideles deriuatur. Sed tempore passionis colligitur passio Christi solum secundum hoc, quod in ipso capite nostro fuit perfecta. Quod quidem factum est semel, quotidie autem fructum Do-

minicæ passionis fideles percipiūt. Et ideo illa commemoratio fit semel in anno, hoc autem quotidie & propter fructum & propter ingememoriā.

AD SECUNDUM dicendum, quod veniente veritate, cessat figura. Hoc autem sacramentum est figura quædam & exemplum Dominicæ passionis, sicut dictum est. Et ideo in die, quo ipsa passio Domini recollitur, prout realiter gesta est, non celebratur consecratio huius sacramenti, ne tamen Ecclesia ea etiā die sit sine fructu passionis per hoc sacramentum nobis exhibito, corpus Christi consecratum in die præcedenti reseruatur sumendum in illo die. non autem sanguis, propter periculum, & quia sanguis specialius est imago Dominica passionis, ut supra dictum est. Nec verū est quod quidam dicunt, quod per immisionem particulæ corporis Christi in vinum, conuertatur vinū in sanguinem: hoc enim aliter fieri non potest, quā per consecrationem factam sub debita forma verborum. In die autē Natiuitatis plures missæ celebrantur propter triplicem Christi natiuitatem. Quarum vna est æterna, quæ quantū ad nos est occulta. Et ideo vna missa cantatur in nocte, in cuius introitu dicitur: Dominus dixit ad me: Filius meus es tu, ego hodie genui te. Alia autem est temporalis, sed spiritalis, quæ scilicet Christus oritur tanquā lucifer in cordibus nostris, ut dicitur 2. Petri 1. Et propter hoc cantatur missa in aurora, in cuius introitu dicitur: Lux fulgebit hodie super nos. Tertia est Christi natiuitas temporalis & corporalis, secundum quam visibilis nobis pro-

In corp. & locis ibidem citatis.

q. 78. ar. 3. ad 2. q. 76. ar. 2. ad 2.

De cons. d. 1. c. 1. Nocte.

processit ex utero Virginali, carne indutus. Et ob hoc cantatur tertia missa in clara luce, in cuius introitum dicitur, Puer natus est nobis. Licet econverso possit dici, quod natiuitas æterna secundum se est in plena luce, & ob hoc in Euangelio tertiæ Missæ fit mentio de natiuitate æterna. Secundum autem natiuitatem corporalem, ad literam natus est de nocte, in signum, quod veniebat ad tenebras infirmitatis nostræ. Vnde & in Missa nocturna dicitur Euangelium de corporali Christi natiuitate. Sicut etiam & in aliis diebus, in quibus occurrunt plura Dei beneficia, vel recolenda, vel experienda, plures Missæ celebrantur in die: puta, vna pro festo, & alia pro ieiunio, vel pro mortuis.

Q. 73. ar. 5. AD TERTIVM dicendum, quod (sicut dictum est superius*) Christus voluit ultimo hoc sacramentum discipulis tradere, ut fortius eorum cordibus imprimeretur. Et ideo post cœnam in fine diei hoc sacramentum consecrauit, & discipulis suis tradidit. Anobis tamē celebratur hora Dominicę passionis, scilicet diebus festis in tertia, quando crucifixus ex linguis Iudeorum, ut dicitur Mar. 15. & quando Spiritus sanctus descendit super discipulos: vel diebus pro festis in sexta, quando crucifixus est in manibus militum, ut habetur Ioan. 19. vel diebus ieiuniorum in nona, quando voce magna clamans emisit spiritum, ut dicitur Matth. 27.

Potest tamen tardari, maximē quando sunt ordines faciēdi, & precipuē in sabbatho sancto, tum propter prolixitatem officij, tum quia ordines pertinent ad diem Dominicam, ut habetur in Decre. d. 75.

cap. * quod à Patribus. Possunt tamē Missæ celebrari in prima parte diei propter aliquā necessitatē, ut dicitur de consec. * dist. 1. cap. Necesse est, &c.

Decre. di. 75. c. Quod à Patribus.

De cons. di. 1. c. Necesse est.

AD QVARTVM dicendū, quod regulariter Missa debet celebrari in die, & nō in nocte: quia ipse Christus est præsens in hoc sacramento: qui dicit Ioan. 9. Me oportet operari opera eius, qui misit me, donec dies est: venit nox quando nemo potest operari: quādiu in mundo sum, lux sum mundi. Ita tamē, quod principium diei accipiat nō à media nocte: nec etiā ab ortu solis, id est, quando substantia solis apparet super terrā, sed quando incipit apparere aurora: tunc enim quodāmodo dicitur sol ortus, inquantū claritas radorū eius apparet. Vnde & Mar. 16. dicitur, quod mulieres venerūt ad monumentū orto iam sole: cū tamē venerint, cū adhuc tenebrę essent ad monumentum: ut dicitur Ioann. 20. Sic enim hanc contrarietatem soluit * Augustinus, in lib. de consen. Euang. Specialiter tamen in nocte natalis Domini Missa celebratur, propter hoc, quod Dñs in nocte natus est: ut dicitur de cōsec. * d. 1. c. Noctē, &c. Et similiter etiā in Sabbatho sancto circa noctis principium, propter hoc, quod Dñs nocte surrexit, id est, cum adhuc tenebrę essēt ante manifestū solis ortū.

Lib. 3. c. 24. aliquātulum à prin. to. 4.

De cons. d. 1. c. Noctē.

AD QVINTVM dicendū, quod sicut habetur De cōsec. d. 1. ex Decreto * Alex. Papæ, sufficit sacerdoti vnā Missam in die vna celebrare: quia Christus semel passus est, & totū mundū redemit, & valde felix est, qui vnā dignē celebrare potest. Quidam tamen pro defunctis vnā faciunt, alterā de die, si necesse

De cōf. d. 1. c. Sufficit.

Sf fit.

D. Tho. tert. part.

fit. Qui vero pro pecunia aut adulationibus seculariū, vna die pręsumuntur plures celebrare Missas, nō estimo euadere dānationem. Et extra de celeb. Miss.† dicit Innocent.

In det. li. 3. tit.
4. l. c. Consulti

III. quod excepto die natiuitatis Dominicę, (nisi causa necessitatis suadeat) sufficit sacerdoti semel in die vnam Missam solummodo celebrare.

ARTICVLVS III.

Vtrum oporteat hoc sacramentū celebrari in domo & vasis sacris.

4. di. 13. q. 1.
ar. 2. q. 5. &
d. 24. q. 2. ar.
2. ad nonum.

AD tertium sic proceditur. Videtur, quod nō oporteat hoc sacramentum celebrari in domo & vasis sacris. Hoc enim sacramentū est repręsentatiuū Dominicę passionis. Sed Christus non est passus in domo, sed extra portā ciuitatis, secundum illud Hebr. ult. Iesus, vt sanctificaret per suū sanguinem populū, extra portam passus est. Ergo videtur, quod hoc sacramentum non debeat celebrari in domo, sed magis sub dio.

¶ 2. Pręterea, In celebratione huius sacramenti debet Ecclesia imitari morē Christi & Apostolorum. Sed domus in qua primo Christus hoc sacramentum confecit, nō fuit consecrata, sed fuit quoddam commune coenaculum, à quodam patre familias pręparatum, vt habetur Lucę 22. Legitur etiam Act. 2. quod Apostoli erant perdurantes vnanimiter in templo, & frāgentes circa domos panē, & sumebant cibum cum exultatione. Ergo nec modo oportet domos esse consecratas, in quibus hoc sacramentum celebratur.

¶ 3. Pręterea, Nihil frustra in Ecclesia fieri debet, quę Spiritu sancto gubernatur. Sed frustra videtur

adhiberi cōsecratio Ecclesię, vel altari, & huiusmodi rebus inanimatoris, quę non sunt susceptiue gratię vel spiritualis virtutis. Inconueniēter igitur huiusmodi consecrationes in Ecclesia fiunt.

¶ 4. Pręterea, Solum diuina opera debent recoli cum quadā solennitate, secundū illud Psa. 91. In operibus manū tuarum exultabo. Sed Ecclesia vel altare opere humano consecratur, sicut & calix & ministri & alia huiusmodi. Sed horum consecrationes non recoluntur celebriter in Ecclesia. Ergo neque cōsecratio Ecclesię vel altaris, cum solennitate recoli debet.

¶ 5. Pręterea, Veritas debet respondere figurę: sed in veteri testamento, quod gerebat figuram noui, nō fiebat altare de lapidibus sectis. Dicitur enim Exod. 20. Altare de terra facietis mihi: quod si altare lapideū feceris mihi, non ædificabis illud de sectis lapidibus. Exod. etiam 27. mandatur fieri altare de lignis Sethim vestitis aere, vel etiā auro, vt habetur Exod. 25. Ergo videtur inconuenienter obseruari in Ecclesia, quod altare fiat solum de lapide.

6. Pręterea, Calix cū patina repręsentat sepulchrū Christi, quod fuit excissum in petra, vt in Euangeliiis habetur. Ergo calix debet de petra fieri, & non solum de argento vel auro vel stanno.

¶ 7. Pręterea, Sicut aurum pretiosius est inter materias vasorum, ita panni serici pretiosiores sunt inter alios pannos. Ergo sicut calix fit de auro, ita pallę altaris debent de serico fieri, & non solum de panno lineo.

¶ 8. Pręterea, Dispensatio sacramen-

eramentorum, & ordinatio eorum-
de ad ministros Ecclesiæ pertinet,
sicut dispensatio rerum tempora-
lium subiaceret ordinationi princi-
pum secularium, unde & Apostolus
dicit, 1. Corin. 4. Sic nos existimet
homo, ut ministros Christi, & dis-
pensatores mysteriorum Dei. Sed
si circa dispensationem rerum tē-
poralium aliquid fiat contra statu-
ta principum, habetur irritum. Er-
go si hæc quæ dicta* sunt, conueniē-
ter sunt statuta per prælatos Eccle-
siæ, videtur, quod sine his corpus
Christi confici non possit. Et sic vi-
detur sequi, quod verba Christi nō
sint sufficientia ad hoc sacramentū
cōficiendum, quod est inconueniēs.
Non ergo videtur conueniens fuisse,
quod hæc circa celebrationē hu-
ius sacramenti statuerentur.

SED CONTRA est, quod ea quæ
per Ecclesiam statuuntur ab ipso
Christo ordinantur, qui dicit Matt.
18. Vbicunque fuerint duo vel tres
congregati in nomine meo, ibi sum
in medio eorum.

RESPONDEO dicendum, quod
in his quæ circumstant hoc sacramē-
tum, duo considerantur. Quorum
vnum pertinet ad repræsentationē
eorum, quæ circa Dominicam
passionem sunt acta. Aliud aut per-
tinet ad reuerentiam huius sacra-
menti, in quo Christus secundum
veritatem continetur, & non solū
in figura. Vnde & consecrationes
adhibentur his rebus, quæ veniunt
in usum huius sacramenti, tum pro-
pter sacramenti reuerentiam, tum
ad repræsentandum effectum* sa-
cramenti, qui ex passione Christi
prouenit, secundum illud Hebræ.
vlt. IESVS vt sanctificaret per suū
sanguinem populum, &c.

AD PRIMUM ergo dicendum,
quod regulariter hoc sacramentū
celebrari debet in domo, per quam
significatur Ecclesia, secundum il-
lud 1. Timoth. 3. Ut scias quomo-
do oporteat te in domo Dei con-
uersari, quæ est Ecclesia Dei viui.
Extra Ecclesiam enim non est lo-
cus veri sacrificij, ut * Augustinus
dicit. Et quia Ecclesia non erat con-
cludenda sub finibus gentis Iudai-
cæ, sed erat in vniuerso mundo fun-
danda, ideo passio Christi non est
celebrata intra ciuitatem Iudæo-
rum, sed sub dio, ut sic totus mun-
dus se haberet ad passionem Chri-
sti, ut domus. Et tamen, ut dicitur
de consecratione, * dist. 1. cap. Cō-
cedimus, in itinere positus, si Eccle-
sia defuerit, tuo dio, seu intorio,
si tabula altaris consecrata, cætera-
que sacra mysteria ad id officium
pertinentia, ibi affuerint, Missarum
solennia celebrari concedimus.

AD SECUNDUM dicendum, quod
domus, in qua hoc sacramentum ce-
lebratur, Ecclesiam significat: &
Ecclesia nominatur. conuenienter
tamen consecratur: tum ad repræ-
sentandam sanctificationem, quam
Ecclesia consecuta est per passionē
Christi, tum etiam ad significandā
sanctitatem, quæ requiritur in his,
qui hoc sacramentum suscipere de-
bent. Per altare autem significatur
ipse Christus: de quo dicit Aposto.
Heb. vlt. Per ipsum offerimus ho-
stiam laudis Deo. Vnde & cōse-
cratio altaris significat sanctitatem
Christi: de qua dicitur Lucæ 1.
Quod ex te nascetur sanctum, voca-
bitur Filius Dei. Vnde de consecra-
tione distin. 1. dicitur: * Altaria pla-
cuit non solum vnctione chrisma-
tis, sed & sacerdotali benedictione
sacrari.

In li. Sen. qua
ex Aug. decer-
pta sunt, c. 15.
to. 3. in fine.

De conse.
1. c. Concedim-
in medio illius.

Dist. in titu.
in argu.

Al. sanctitatis.

De cōs. d. 1. ad
altaria in 2o.

D.Tho.tert.part.

sacrari. Et ideo regulariter non licet celebrare hoc sacramentum nisi in domibus consecratis. Vnde sicut habetur de consecratione, * distinct. 1. Nullus presbyter Missas celebrare præsumat, nisi in consecratis ab Episcopo locis. Propter quod etiam quia Pagani non sunt de Ecclesia, nec alij infideles, ideo eadē distinctione legitur, * Ecclesiam, in qua mortuorum cadauera infidelium sepeliuntur, sanctificare non licet: sed si apta videtur, ad consecrandum, inde euulsis corporibus & rasis parietibus vel tignis eius loci, reedificetur: sed si hæc consecrata prius fuerit, Missas in ea celebrare licet, tamē si fideles fuerunt qui in ea sepulti sunt. Propter necessitatem tamen potest hoc sacramentum peragi in domibus non consecratis, vel violatis, sed tamen de consensu Episcopi. Vnde in eadem distinctione legitur: † Missarum solennia non ubique, sed in locis ab Episcopo consecratis, vel ubi ipse permiserit celebranda esse censemus. Non tamen sine altari portatili per Episcopum cōsecrato. Vnde in eadem distinct. legitur. * Concedimus si Ecclesiæ fuerint incensæ vel combustæ in Capellis cum tabula consecrata, Missas iterum celebrari. Quia enim sanctitas Christi fons est toti Ecclesiasticæ sanctitatis, ideo in necessitate sufficit ad peragendum hoc sacramentum, altare sanctificatum. Propter quod etiam nunquam Ecclesia sine altari consecratur. tamen sine Ecclesia quandoque consecratur altare cum reliquiis Sanctorum, quorum vita abscondita est cum Christo in Deo. Vnde in eadem distinctione legitur. * Placuit ut altaria,

in quibus nullum corpus aut reliquiae Martyris conditæ probantur, ab Episcopis, qui eisdem locis præsumunt, si fieri potest, euertantur.

AD TERTIUM dicendū, quod Ecclesia, & altare, & alia huiusmodi inanimata, consecrantur, non quia sint gratiæ susceptiua, sed quia ex consecratione adipiscuntur quandam spirituales virtutē, per quam apta redduntur diuino cultui, ut scilicet homines deuotionem quandā exinde percipiant, ut sint paratiores ad diuina, nisi hoc propter reuerentiam impediatur. Vnde & 2. Machabæorum 3. dicitur. Verē Dei virtus quædam est in loco, nā ipse, qui habet in cælis habitationem, visitator & adiutor est loci illius. Et inde est, quod huiusmodi ante consecrationem emundantur & exorcizantur, ut exinde virtus inimici pellatur. Et eadem ratione Ecclesiæ, quæ sanguinis effusione, aut cuiuscunque semine pollutæ fuerint, reconciliantur, quia per peccatum ibi commissum, apparet ibi aliqua operatio inimici. Propter quod etiā in eadem distinctione legitur. † Ecclesias Arrianorum ubicunque inuenitis Catholicas, eas diuinis precibus & operibus absq; vlla mora cōsecrate. Vnde & quidā probabiliter dicunt, quod per ingressum Ecclesię consecratę, homo cōsequitur remissionē peccatorū venialium, sicut & per aspersionē aquę benedictę, inducentes quod in Psalm. 84. dicitur: Benedixisti Dñe terrā tuam, remisisti iniquitatem plebi tuæ. Et ideo propter virtutē, quę ex consecratione Ecclesię acquiritur, cōsecratio Ecclesię non iteratur. Vnde in eadē distinctione ex Cōcilio Niceno legitur: * Ecclesiis semel

Deo

De cons. d. 1. c. Nullus presbyter.

De cons. d. 1. c. Ecclesiam.

De cons. d. 1. c. Missarum.

Ead. d. 1. de cōsec. c. 28. Concedimus, ex Cōcilio Triburicensi.

De cons. d. 2. c. Placuit.

De cons. d. 32 c. Eccles. Arrianorum.

De cons. d. 1. c. 18. Ecclesia semel, ex Cōcilio Niceno, 2.

Deo consecratis, non debet iterū cōsecratio adhiberi, nisi aut ab igne exustę, aut sanguinis effusione, aut cuiusq; semine pollutę fuerint: quia sicut infans à qualicunq; sacer dote in nomine Patris, & Filij, & Spiritus sancti semel baptizatus, nō debet iterū baptizari: ita nec locus Deo dicatus, est iterum consecrāndus, nisi ppter eas causas, quas superius nominauimus, si tamen fidē sanctę Trinitatis tenuerint, qui consecrauerunt, alioquin, qui sunt extra Ecclesiā, consecrare non possunt. Sed sicut in eadem distin. legitur. * Ecclesię vel altaria quę ambigua sunt de consecratione, consecrentur. Propter hoc etiā, quod aliquā spiritualement virtutē adipiscuntur per consecrationem in eadē distinctione statutum legitur: * Ligna Ecclesię dedicata non debent ad aliud opus iungi, nisi ad aliā Ecclesiam, vel igni comburenda, vel ad profectum in Monasterio fratribus, in laicorum autem opera non debent admitti. Et ibidem legitur: * Altaris palla, cathedra, candelabrum, & velum, si fuerint vetustate consumpra, incendio dentur: cineres quoque eorum in baptisterio inferantur, aut in pariete, aut in fossis pauimentorū iactentur, ne introeuntium pedibus inquinentur.

AD QUARTVM dicendū, quod quia consecratio altaris repræsentat sanctitatem Christi, consecratio verò domus sanctitatem totius Ecclesię, ideo conuenientius recollitur cum sanctitate & sollemnitate consecratio Ecclesię vel altaris, quā aliorū quę consecrātur. Propter quod etiā octo diebus sollemnitas dedicationis agitur ad significandā beatam resurrectionē Christi

& membrorū Ecclesię. Nec est opus solius hominis cōsecratio Ecclesię & altaris, cū habeat spiritualement virtutē. Vnde de cōsecratione d. eadē dicitur. * Sollemnitates dedicationum Ecclesiarum per singulos annos sollemniter sunt celebrandę. Quod autem octo diebus encānia sint celebranda, in lib. Reg. perfecta dedicatione templi, reperies, scilicet, 3. Reg. 8.

AD QVINTVM dicendū, quod sicut legitur de consecratione, * distinct. prima, altaria, si non fuerint lapidea Chrismatis vnctione non consecrentur. Quod quidem competit & significationi huius sacramenti, tū quia altare significat Christū. Dicitur autē 1. Corint. 10. Petra autē erat Christus: tum etiā quia corpus Christi in sepulcro lapideo fuit reconditum. Competit etiā quoad vsum sacramenti. Lapis enim & solidus est, & de facili potest inueniri ubiq; , quod nō erat necessarium in veteri Lege, vbi fiebat in vno loco altare. Quod autē mandatur altare fieri de terra, vel de lapidibus insectis, fuit ad idololatriam remouendam.

AD SEXTVM dicendū est, quod sicut in dist. eadē dicitur ca. Vasa. * quondā sacerdotes nō aureis, sed ligneis calicibus utebantur. Zepherinus autem XIII. Papa, patinis vtreis Missam celebrari constituit, deinde Vrbanus omnia fecit argentea. Postmodum autem statutum est, vt calix Domini cum patina, siue ex auro omnino siue ex argento fiat, vel saltem stāneus calix habeatur. De ære autem, aut ex aurichalco nō fiat, quia hoc vini virtute eruginem parit, pariterque vomitum prouocat. Nullus autem in ligneo

De conf. d. 1. c. 2. Sollemnitates.

De conf. d. 1. c. 29. Altaria.

De conf. d. 1. c. 6. Ecclesia vel alt. c. 36. Ligna Eccl.

De conf. d. 30. c. Altaris palla.

De conf. d. 1. c. 2. Vasa, in quib. habetur hoc totum.

D. Tho. tert. part.

seu vitreo calice præsumat Missam cantare, quia scilicet, lignum porosum est, & sanguis cōsecratus in eo remaneret, vitruū autem fragile est, & posset fractionis periculū imminere: & eadē ratio est de lapide. Et ideo propter reuerentiā sacramenti statutum est, vt ex prædictis maioris calix fiat.

AD SEPTIMUM dicendū, quod vbi potuit sine periculo fieri, Ecclesia statuit circa hoc sacramentum, id quod expressius repræsentat passionem Christi. Non erat autem tantum periculum circa corpus, quod ponitur in corporali, sicut circa sanguinem, qui continetur in calice. Et ideo licet calix nō fiat de petra, corporale tamē fit de panno lineo, quo corpus Christi fuit inuolutum. Vnde in epistola Siluestri Papæ in eadem distinctione legitur, * Consulto omnium statuimus, vt sacrificium altaris nō in serico panno aut intincto, quisquam celebrare Missam præsumat, sed in panno lineo ab Episcopo consecrato, sicut corpus Christi in sindone linea & munda sepultum fuit. Competit etiam pānus lineus propter sui munditiā, ad significandam conscientie puritatem, & propter multiplicem laborem, quo talis pannus præparatur, ad significandum Christi passionem.

AD OCTAVUM dicendum, quod dispensatio sacramentorum pertinet ad ministros Ecclesiæ, sed consecratio eorum est ab ipso Deo. Et ideo ministri Ecclesiæ non habent aliquid statuere circa formam consecrationis, sed circa vsum Sacramenti, & modū celebrādi. Et ideo si sacerdos verba cōsecrationis proferat super materia, debita cum in

tentione cōsecrādi, absq; omnibus prædictis, scilicet domo & altari, calice & corporali cōsecratis, & cæteris huiusmodi per Ecclesiā institutis, consecrat quidē in rei veritate corpus Christi, peccat tamē grauius, ritum Ecclesiæ non seruans.

ARTICVLVS IIII.

Vtrum conuenienter ordinentur ea, quæ circa hoc sacramentum dicuntur.

AD quartū sic proceditur. Videtur, quod inconuenienter ordinentur ea quæ circa hoc Sacramentū dicuntur. Hoc enim sacramentum verbis Christi consecratur, vt Ambrosius dicit in lib. de Sacramentis. Non ergo debent aliqua alia in hoc sacramento dici, quam verba Christi.

¶ 2. Præterea, Verba & facta Christi nobis per Euangeliū innotescunt. Sed quædam dicuntur circa consecrationem huius sacramenti, quæ in Euangelis non ponuntur, nō enim legitur in Euāgelio, quod Christus in consecratione huius sacramenti oculos ad cælum leuaue rit, similiter etiā in Euangelis dicitur, Accipite, & comedite, nec ponitur, omnes, cum in celebratione huius sacramenti dicatur: Eleuatis oculis in cælum, & iterum, Accipite & manducate ex hoc omnes. Inconuenienter ergo huiusmodi verba dicuntur in celebratione huius sacramenti.

¶ 3. Præterea, Omnia sacramenta ordinantur ad salutem omnium fidelium. Sed in celebratione, aliorum sacramentorum non fit communis oratio pro salute fidelium defunctorum. Ergo inconuenienter fit in hoc sacramento.

¶ 4. Præ-

De cons. d. 1.
c. 44. Consulto

4 d. 1. q. 1. ar. 1.
5. q. 1. ad secundum. Et d.
8. in expo. lit.
et dist. 13. in
expo. lit. prim.
cipio. et d. 15.
7. 4. ar. 3. q. 1.
cor. Et 1. Tim.
2. lec. 1. col. 23
in prime.

¶ 4. Præterea, Baptismus dicitur specialiter fidei sacramentū. Ea ergo, quæ pertinent ad instructionem fidei, magis debent circa baptismū tradi, quā circa hoc sacramentum, sicut doctrina Apostolica & Evangelica.

¶ 5. Præterea, In omni sacramēto exigitur deuotio fidelium: Non ergo magis in hoc sacramēto, quā in aliis deberet excitari deuotio fidelium per laudes diuinas, & per admonitiones, puta, cū dicitur: Sursum corda.

¶ 6. Præterea, Minister huius sacramenti est sacerdos, vt dictū est.

Q. 82. ar. 1.

* Omnia ergo quæ in hoc sacramēto dicuntur, à sacerdote dici deberent, & non quædam à ministris, quædam à choro.

¶ 7. Præterea, Hoc sacramentū per certitudinē operatur virtus diuina. Superflue ergo sacerdos petit huius sacramēti perfectionem: cū dicit: Quam oblationem tu Deus in omnibus, &c.

¶ 8. Præterea, Sacrificium nouæ legis multo est excellentius, quā sacrificium antiquorum Patrum. Inconuenienter ergo sacerdos petit, quod hoc sacrificiū habeatur sicut sacrificiū Abel, Abrahæ, & Melchisedec.

¶ 9. Præterea, Corpus Christi, sicut non incipit esse in hoc sacramento per loci mutationem (vt supra dictum est*) ita etiā nec esse desinit. Inconuenienter ergo sacerdos petit, lube hæc perferri per manus sancti angeli tui in sublime altare tuum.

Q. 75. ar. 2.

De consec. d. 1.
c. Iacobus frater
Domi.

SED CONTRA est, quod dicitur de Cōsec. di. 1. Iacobus frater Dñi secundū carnem, cui primū credita est Hierosolymitana Ecclesia, &

Basilii Cæsariensis Episcopus addiderunt Missæ celebrationem. Ex quorum auctoritate patet conuenienter singula circa hoc dici.

RESPONDEO dicendum, quod quia in hoc sacramento totū mysterium nostræ salutis cōprehenditur, ideo præ cæteris sacramentis cum maiori solennitate agitur. Et quia scriptum est. Ecclesiast. 4. Custodi pedem tuū ingrediens domū Dñi. & Ecclesiast. 18. Ante orationē præpara animam tuā, ideo ante celebrationem huius mysterij, primo quidē præmittitur præparatio quedam ad dignè agenda ea, quæ sequuntur. Cuius præparationis prima pars est laus diuina, quæ fit in introitu, secundum illud Psal. 49. Sacrificium laudis honorificabit me, & illic iter, quo ostendam illi salutare Dei. Et sumitur hoc vt pluries de Psalmis vel saltem cū Psalmis cantatur, quia vt * Dionysius dicit in 3. cap. Eccles. hierarch. Psalmi cōprehendunt per modum laudis, quicquid in sacra Scriptura cōtinetur. Secunda pars continet commemorationē præsentis miseriæ, dum misericordia petitur, dicēdo, Kyrie eleison, ter quidem pro persona Patris, ter autem pro persona Filij, cum dicitur, Christe eleison, & ter pro persona Spiritus sancti, cum subditur Kyrie eleison, contra triplicem miseriam, ignorantia, culpæ & poenæ: vel ad significandum, quod omnes personæ sunt, in se inuicem. Tertia autem pars commemorat cælestem gloriam, ad quam tendimus post præsentem vitam & miseriam, dicendo Gloria in Excelsis Deo, quæ cantatur in festis, in quibus commemoratur cælestis gloria: intermittitur autem in

Ca. 3. Eccles.
hier. inter prim
cipiū & mediū.

D. Tho. tert. part.

Q. 78. art. 3.

officiis luctuosis, quæ ad cōmemorationem miseriæ pertinent. Quarta autem pars continet orationem, quam sacerdos pro populo facit, ut digni habeantur tantis mysteriis. Secundò autem præmittitur instructio fidelis populi, quia hoc sacramentum est mysterium fidei, ut supra habitum est. * Quæ quidem instructio dispositiue quidem fit per doctrinam Prophetarum & Apostolorum, quæ in Ecclesia legitur per Lectores & Subdiaconos. Postquam lectionem cantatur à choro graduale, quod significat profectū vitæ, & alleluia, quod significat spiritualem exultationem, vel tractus in officiis luctuosis, qui significat spirituale gemitum: hæc enim consequi debent in populo ex prædicta doctrina. Perfectè autē populus instruitur per doctrinam Christi in Evangelio contentā, quæ à summis ministris legitur, scilicet à Diaconibus. Et quia Christo credimus tanquam diuinæ veritati (secundū illud Ioan. 8. Si veritatem dico vobis quare non creditis mihi?) lecto Evangelio, Symbolum fidei cantatur, in quo populus ostendit, se per fidem Christi doctrinæ assentire. Cantatur autem hoc symbolum in festis, de quibus fit aliqua mentio in symbolo, sicut in festis Christi & beatæ Virginis & Apostolorū (qui hanc fidē fundauerunt) & aliis huiusmodi. Sic igitur populo præparato & instructo, consequenter acceditur ad celebrationem mysterij, quod quidem & offertur ut sacrificium, & consecratur, & sumitur ut sacramentū. Vnde primò peragitur oblatio, secundò consecratio materiæ oblatae. Tercio eiusdem perceptio.

Circa oblationem verò duo agitur, scilicet laus populi in cantu offertorij (per quod significatur lætitia offerentium) & oratio sacerdotis, petitur oblatio populi sit Deo accepta: vnde & 1. Paralipome. 29. qui dixit David. Ego in simplicitate cordis mei lætus obtuli vniuersa hæc, & populum tuū, qui hic reperi tus est, vidi cum ingēti gaudio tibi offerre donaria, & postea oratur dicens. Domine Deus custodi hanc voluntatē. Deinde circa consecrationem, quæ supernaturali virtute agitur, primò excitatur populus ad deuotionem in præfatione, vnde & monetur sursum corda habere ad Dominum. Et ideo finita præfatione, populus deuotè laudat diuinitatem Christi, cum Angelis dicens. Sāctus, Sanctus, Sanctus: & humanitatem cū pueris dicens, Benedictus qui venit. Deinde sacerdos secretò commemorat, primò quidē pro quibus hoc sacrificium offertur, scilicet pro vniuersali Ecclesia, & pro his qui in sublimitate sūt constituti, 1. Timoth. 2. & specialiter quosdam, qui offerunt, vel pro quibus offertur. Secundò commemorat sanctos, quorum patrocinia implorat pro prædictis, cū dicit, communicantes & memoriam venerantes, &c. Tercio, petitionem concludit, cū dicit, ut hæc oblatio sit illis, pro quibus offertur salutaris. Deinde accedit ad ipsam cōsecrationem, in qua primò petit consecrationis effectum, cū dicit, quam oblationem tu Deus, &c. Secundò, cōsecrationem peragit per verba Salvatoris, cū dicit. Qui pridie, &c. Tercio, excitat præsumptionem per obedientiam ad mandatum Christi, cū dicit. Vnde & memo.

memores. Quartò petit hoc sacrificium peractum, esse Deo acceptum, cum dicit. Supra quæ propitio, &c. Quintò petit huius sacrificij & sacramenti effectum. Primò quidem, quantum ad ipsos, sumētes, cum dicit. Supplices te rogamus. Secundò quantum ad mortuos, qui iam sumere non possunt, cum dicit,emento etiam Domine, &c. Tertiò, specialiter quantum ad ipsos sacerdotes offerentes cum dicit. Nobis quoque peccatoribus: Deinde agitur de perceptione sacramenti, & primò præparatur populus ad percipiendum. Primò quidem, per orationem communem totius populi, (quæ est oratio Dominica, in qua petimus panem quotidianum nobis dari) & etiam priuatam, quam specialiter sacerdos pro populo offert, cum dicit. Libera nos quæsumus Domine, &c. Secundò præparatur populus per pacem, quæ datur dicendo: Agnus Dei. Est enim hoc sacramentum unitatis & pacis, ut supradictum est. * In Missis tamen defunctorum, in quibus sacrificium offertur, non pro pace præsentis, sed pro requie mortuorum pax intermittitur. Deinde sequitur perceptio sacramenti, primò percipiente sacerdote, & postmodum aliis dante, quia ut Dionysius† dicit 3. cap. Eccles. Hierar. ille qui aliis diuina tradit, primò debet ipse particeps esse: ultimo autem tota Missæ celebratio in gratiarum actione terminatur, populo exultante pro sumptione mysterij (quod significat cantus post communionem) & sacerdote per orationem gratias offerente, sicut & Christus celebrata coena cum discipulis, hymnum dixit, ut dicitur Matthæi. 26.

AD PRIMVM ergo dicendum, quod consecratio solis verbis Christi conficitur. Alia vero necesse est addere ad preparationem populi summentis, sicut dictum est. *

In cor initio.

AD SECVNDVM dicendum, quod sicut dicitur Ioan. ult. Multa sunt à Dño facta vel dicta, quæ Euangelistæ non scripserunt. Inter quæ fuit hoc quod Dñs in coena oculos leuauit in cælum, quod tamē Ecclesia ex traditione Apostolorum habuit. Rationabile enim videtur, ut qui in suscitatione Lazari (ut habetur Ioan. 11.) & in oratione, quā pro discipulis fecit, Ioan. 7. oculos leuauit ad Patrem, in huius sacramenti institutione multo magis hoc fecerint, tam quā in re potiori. Quod autem dicitur, Manducate & comedite, non differt quantum ad sensum, nec multum refert quod dicatur, presenti, cum verba illa non sint de forma, ut supra dictum est. * Quod autem additur, omnes intelligitur, in verbis Euangelij, licet non exprimat: quia ipse dixerat Ioan. 6. Nisi manducaueritis carnem Filij hominis, non habebitis vitam in vobis.

Q. 78. ar. 3. &
ar. 1. ad 2. ar.
sum.

AD TERTIVM dicendum, quod Eucharistia est sacramentum totius Ecclesiasticæ unitatis. Et ideo specialiter in hoc sacramento magis, quā in aliis debent fieri mentio de omnibus, quæ pertinent ad salutem totius Ecclesiæ.

AD QVARTVM dicendum, quod instructio fidei est duplex. Vna quæ fit nouiter imbuendis, scilicet catechumenis: & talis instructio fit per baptismum. Alia autem est instructio, qua instruitur fidelis populus, qui communicat huic mysterio, & talis instructio fit in hoc sacramento. Et tamen ab hac instructione non re-

Alias circa

St 5 pellun-

Q. 79. ar. 1. &
9. 73. ar. 4.

Ca. 3. Eccl. hier.
non multum pro
cul à fine.

D. Tho. tert. part.

De consec. d. 1.
c. 64. Episcopus
295.

pelluntur etiam catechumeni & infideles. Vnde dicitur de consec. * distin. 1. Episcopus nullū prohibeat ingredi in Ecclesiā, & audire verbum Dei, siue Gentilē, siue hæreticū, siue Iudæum, vsq; ad Missam catechumenorū, in qua scilicet cōtinetur instructio fidei.

A D QVINTVM dicendū, quod in hoc sacramento & maior deuotio requiritur, quam in aliis sacramentis (propter hoc quod in hoc sacramento totus Christus continetur) & etiā communior: quia in hoc sacramento requiritur deuotio totius populi Christi, pro quo sacrificium offertur, & non solū percipientium sacramentū, sicut in aliis sacramentis. Et ideo, vt * Cyprianus dicit, Sacerdos præfatione præmissa parat fratrum mentes, dicendo, sursum corda, vt dum respōdet plebs, habemus ad Dominum, admoneatur nihil aliud se, quā Deū cogitare debere.

In lib de ora.
dom non mul
tum remotē an
te finem.

In solu. ad 3.
argu. in isto
art.

A D SEXTVM dicendum, quod in hoc sacramento (sicut dictum est) trāguntur ea, quæ pertinent ad totā Ecclesiā. Et ideo quædam dicuntur à choro, quæ pertinet ad populum. Quorum quædam chorus totaliter prosequitur, quæ scilicet toti populo inspirantur. Quædam verò populus prosequitur, sacerdote inchoante, qui personam Dei gerit, in signum, quod talia peruenerunt ad populum ex reuelatione diuina, sicut fides & gloria cælestis. Et ideo sacerdos inchoat Symbolū fidei, & Gloria in excelsis Deo. Quædam verò dicuntur per ministros, sicut doctrina veteris & noui testamenti, in signum, quod per ministros à Deo missos, est doctrina hæc populis annuntiata.

Quædā verò sacerdos solus prosequitur, quæ scilicet ad proprium officiū sacerdotis pertinet, vt scilicet dona & preces offerat pro populo, sicut dicitur Hebr. 5. In his tamen quædam dicit publicè, scilicet quæ pertinent & ad sacerdotem, & ad populum, sicut sunt orationes cōmunes. Quædam verò pertinent ad solum sacerdotem, sicut oblatio & cōsecratio, & ideo, quæ circa hæc sunt dicenda, occultè à sacerdote dicuntur: In vtrisque tamē excitat attentionem populi dicendo, Dñs vobiscū, & expectat assensum dicentiū. Amen. Et ideo etiā in his, quæ secretè dicuntur, publicè præmittit Dominus vobiscū, & subiungit, Per omnia sæcula sæculorum. Vel secretè aliqua sacerdos dicit, in signum, quod circa Christi passionē discipuli non nisi occultè cōfitebantur Christum.

A D SEPTIMVM dicendū, quod efficacia verborum sacramentaliū impediri potest per intentionē sacerdotis. Nec tamen est inconueniēs, quod à Deo petamus id quod certissimè scimus ipsum facturū, sicut Christus Ioannis, 17. petiit suam clarificationem. Non tamen videtur ibi sacerdos orare, vt cōsecratio impleatur, sed vt nobis fiat fructuosa. Vnde signanter dicit. Vt nobis corpus & sanguis fiat. Et hoc significant verba, quæ præmittit dicens. Hanc oblationem facere digneris benedictam secundum * August. est per quā benedicamur, scilicet per gratiā adscriptā, id est, per quam in cælo ascribamur: ratā, id est, per quam visceribus Christi trāiciamur: rationabilē, id est, per quā à bestiali sensu exuamur: acceptabilē, vt qui nobis ipsis displicemus,

De cōf. di. 22
c. 72. Verum
sub à medio.

cemus, per hanc acceptabiles eius vnico filio simus.

AD OCTAVVM dicendum, quod licet hoc sacramentū ex seipso præferatur omnibus antiquis sacrificiis, tamen sacrificia antiquorum fuerunt Deo acceptissima ex eorū deuotione. Petit ergo sacerdos, vt sic hoc sacrificium acceptetur à Deo ex deuotione offerentium, sicut illa accepta fuerunt Deo.

AD NONVM dicendū, quod sacerdos nō petit neq; quod species sacramētales deferantur in cælum, neque corpus Christi verum, quod ibi esse nō definit, sed petit hoc pro corpore mystico (quod scilicet in hoc sacramento significatur) vt scilicet orationes sacerdotis & populi, Angelus assistens diuinis mysteriis, Deo repræsentet, secūdum illud Apocalyp. 8. Ascēdit fumus incensorum de oblationibus sanctorū de manu Angeli. Sublime autē altare Dei dicitur vel ipsa Ecclesia triūphans, in quā transferri petimus, vel ipse Deus, cuius participationē patimur, de hoc enim altari dicitur, Exod. 20. Non ascēdes ad altare meum per gradus, id est, in Trinitate gradus non facies. Vel per Angelū intelligitur ipse Christus, qui est magni consilij Angelus, qui corpus suū mysticum Deo patri coniungit, & Ecclesiæ triumphanti. Et propter hoc etiam Missa nominatur, quia per Angelum, sacerdos preces ad Deum mittit, sicut populus per sacerdotē, vel quia Christus est hostia nobis Missa à Deo. Vnde & in fine Missæ Diaconus in festiuis diebus, populū licētiat, dicēs: Ite Missa est, scilicet hostia ad Deum per Angelum, vt scilicet sit Deo accepta.

ARTICVLVS V.

Vtrum ea, quæ in celebratione huius sacramenti aguntur, sint conuenientia.

AD quintum sic proceditur. **A** Viderur, quod ea quæ in celebratione huius sacramenti aguntur non sint conueniētia. Hoc enim sacramentum ad nouum testamentum pertinet, vt ex forma ipsius apparet. In nouo autem testamento non sunt obseruandæ cæremoniæ veteris testamenti, ad quas pertinebat, quod sacerdos & ministri aqua lauabantur, quando accedebant ad offerendum: legitur enim Exod. 30 Lauabunt Aarō & filij eius manus suas ac pedes, quando ingressuri sunt tabernaculum testimonij, & quando accessuri sunt ad altare. Non est ergo conueniens, quod sacerdos lauet manus suas inter Missarum solennia.

4. sen. d. 12. in expo. li. 6. opus 65. c. 5. opus 66. per totum.

¶ 2. Præterea, Ibidē Dominus mandauit, quod Aaron adoleret incensum suaue fragrans super altare, quod erat ante Propitiatorium. Quod etiā pertinebat ad cæremonias veteris testamenti. Inconuenienter ergo in Missa sacerdos purificatione vitur.

¶ 3. Præterea, Ea quæ in sacramentis Ecclesiæ aguntur, non sunt iterāda. Inconuenienter igitur Sacerdos multoties iterat cruce signationes super hoc sacramentum.

¶ 4. Præterea, Apost. dicit, Heb. 7 Sine vlla contradictione, quod minus est, à maiori benedicitur. Sed Christus, qui est in hoc sacramēto, post consecrationē est multo maior sacerdote. Inconuenienter igitur sacerdos post consecrationem benedicit hoc sacramentum cruce signando.

¶ 5. Præ-

D. Tho. tert. part.

¶ 5. Prætereà, In sacramēto Ecclesiæ nihil debet fieri quod ridiculosum videatur. Videtur autem ridiculosum gestulationes facere, ad quas pertinere videtur, quod sacerdos quandoque brachia extendit, manus iungit, digitos complicat, & seipsum * inclinât. Ergo hæc non debent fieri in hoc sacramēto.

Alias intur-
nac.

¶ 6. Prætereà. Ridiculosum etiâ videtur, quòd sacerdos multoties se ad populum verit, & multoties populum salutet. Non ergo debēt hæc fieri in celebratione huius sacramenti.

¶ 7. Prætereà, Apost. 1. Corint. 1. pro incōuenienti habet, quod Christus diuisus sit. Sed post cōsecratio nē Christus est in hoc sacramēto, inconuenienter ergo hostia frangitur à sacerdote.

¶ 8. Prætereà, Ea quæ in hoc sacramento aguntur, passionem Christi repræsentant. Sed in passione Christi corpus fuit diuisum in locis quinque vulnerū. Ergo corpus Christi in quinque partes frangi deberet magis, quam in tres.

¶ 9. Prætereà, Totum corpus Christi in hoc sacramēto seorsum consecratur à sanguine. Inconuenienter ergo vna pars eius sanguini miscetur.

¶ 10. Prætereà, Sicut corpus Christi proponitur in hoc sacramento vt cibus, ita & sanguis Christi vt potus. Sed sumptioni corporis Christi non adiungitur in celebratione Missæ alius corporalis cibus. Inconuenienter igitur sacerdos post sumptionem sanguinis Christi vinum non consecratum sumit.

¶ 11. Prætereà, Veritas debet respondere figuræ. Sed de agno Paschali, qui fuit figura huius sacramē

ti, mandatur quòd nō remaneret ex eo quicquā vsque mane. Inconuenienter igitur hostiæ consecratæ reseruantur, & non statim sumuntur.

¶ 12. Prætereà, Sacerdos pluraliter loquitur audiētibus, cum dicit: Dominus vobiscū, & Gratiâ agamus. Sed inconueniens videtur pluraliter loqui vni soli & maximè minori. Ergo inconueniens videtur quòd sacerdos vno tantū ministro præsentē, celebret Missam. Sic igitur videtur, quòd inconuenienter aliqua agantur in celebratione huius sacramenti.

SED IN CONTRARIUM est, Ecclesiæ consuetudo, quæ errare non potest, vt pote Spiritu sancto instructa.

RESPONDEO dicendum, quod ^{Q. 60. ar. 5. 6.} (sicut supra dictū est *) in sacramentis dupliciter aliquid significatur, scilicet verbis & factis, ad hoc quod sit perfectior significatio. Significantur autē verbis in celebratione huius sacramenti, quædā pertinentia ad passionem Christi, quæ repræsentatur in hoc sacramento, vel etiâ ad corpus mysticū, quòd significatur in hoc sacramento, & quædam pertinentia ad vsum huius Sacramenti, qui debet esse cum deuotione & reuerentia. Et ideo in celebratione huius mysterij quædam aguntur ad repræsentandam passionem Christi, vel etiam dispositionē corporis mystici, & quædam aguntur pertinentia ad deuotionem & reuerentiam huius sacramenti.

AD PRIMUM ergo dicendum, quod ablutio manuum fit in celebratione Missæ propter reuerentiam huius sacramenti. Et hoc dupliciter. Primò quidem, quia aliqua pretiosa tractare non consue-

C. 3. Eccle. hier.
amedio illius.

Eodem loco
nunc dicto.

Lib. 3. tex. 38
to. 2.

De thurifica-
tione.

sucuiumus, nisi in manibus ablutis. vnde indecens videtur, quod ad tantum sacramentum aliquis accedat manibus etiam corporaliter inquinatis. Secundo propter significationē, quia vt Dion. * dicit 3. eccles. hier. extremitatū ablutio significat emūdationē etiam à minimis peccatis, secundū illud Ioā. 3. Qui lotus est, non indiget, nisi vt pedes lauet. Et talis emūdatio requiritur ab eo, qui accedit ad hoc sacramentum. Quod etiā significatur per cōfessionem, quæ fit ante introitum Missæ. Et hoc quidem significabat ablutio sacerdotum in veteri lege, vt ibidem Dion. * dicit. Nec tamē Ecclesia hoc seruat tanquam cærimoniale veteris legis præceptum, sed quasi ab Ecclesia institutum, sicut quiddam secundum se conueniens. Et idēo nō eodem modo obseruatur, sicut tunc, prætermittitur enim pedum ablutio & seruatur ablutio manuum, quæ potest fieri magis in promptu, & quæ sufficit ad significandam perfectam mūdationem. Cum enim manus sit organum organorum (vt dicitur tertio de anima*) omnia opera attribuantur manibus, vnde in Psal. 23. dicitur, Lauabo inter innocentes manus meas.

AD SECVNDVM dicendum, quod etiam thurificatione non utimur quasi cærimoniali præcepto legis, sed sicut Ecclesiæ statuto. Vnde non eodem modo utimur, sicut in lege veteri erat statutum: Pertinet autem ad duo. Primò quidem ad reuerentiam huius sacramenti, vt scilicet per bonum odorem depellatur, si quid corporaliter prauis odoris in loco fuerit, quod posset prouocare horrore. Secundò, per-

tinet ad repræsentandū effectū gratiæ, qua sicut bono odore Christus plenus fuit (secundū illud Genes. 27. Ecce odor Filij mei, sicut odor agri pleni) & à Christo deriuatur ad fideles officio ministrorum, secundum illud, 2. Corint. 2. Odorē notitiæ suæ spargit per nos in omni loco. Et ideo vndique thurificato altari, per quod Christus designatur, thurificantur omnes per ordinem.

AD TERTIVM dicendum, quod sacerdos in celebratione Missæ vtitur cruce signatione, ad exprimendam passionem Christi, quæ ad crucem est terminata. Est autem passio Christi quibusdam quasi gradibus peracta. Nā primò sicut Christi traditio, quæ facta est à Deo, Iuda, & Iudæis, quod significat trina cruce signatio, super illa verba, Hæc dona, hæc munera, hæc sancta sacrificia illibata. Secundo, fuit Christi veditio, est autē veditus Sacerdotibus, Scribis & Phariseis. Ad quod significandū fit iterum trina cruce signatio super illa verba, Benedictam, ascriptā, ratam. Vel ad ostendendū pretium veditiois, scilicet, triginta denarios. Additur autē & duplex crux super illa verba, Vt nobis corpus & sanguis, &c. ad designandam personam Iudæ veditoris & Christi venditi. Tertio autem, fuit præsignatio passionis Christi facta in cœna. Ad quod designandum sunt tertio duæ cruces, vna in consecratione corporis, alia in cōsecratione sanguinis. Vbi utrobique dicitur, Benedixit. Quarto autem fuit ipsa passio Christi. Vnde ad repræsentandum quinque plagas Christi, fit quarto quintuplex cruce signatio super illa verba,

De crucis varia in Missa significatione.

Hostiam

D.Tho.tert.part.

Hostiam puram, hostiam sanctam, hostiam immaculatam, panem sanctum vite eterne, & calicem salutis perpetue. Quinto representatur effusio corporis & effusio sanguinis, & fructus passionis per trinam cruce signationem, quæ fit super illis verbis, Corpus & sanguinem sumpserimus, omni benedictione, &c. Sexto, representatur triplex oratio, quam fecit in cruce. Vnam pro persecutoribus cum dixit, Pater ignosce illis. Secundam pro liberatione à morte, cum dixit, Deus meus, Deus meus, ut quid dereliquisti me? Tertia pertinet ad adeptionem glorie, cum dixit, Pater in manus tuas commendo Spiritum meum. Et ad hoc significandum fit trina cruce signatio super illa verba, sanctificas, viuificas, benedicis, &c. Septimo, representantur tres hore, quibus pepedit in cruce, scilicet à sexta usque ad horam nonam. Et ad hoc significandum fit iterum trina cruce signatio ad illa verba, Per ipsum & cum ipso, & in ipso. Octauo autem, representatur separatio animæ à corpore per duas cruces subsequenter extra calicem factas. Nono autem, representatur resurrectio tertia die facta, per tres cruces, quæ sunt ad illa verba, Pax Domini sit semper vobiscum. Potest autem breuius dici, quod consecratio huius sacramenti, & acceptatio huius sacrificij, & fructus ipsius procedit ex virtute crucis Christi. Et ideo ubicunque fit mentio de aliquo horum, sacerdos cruce signatione utitur.

AD QVARTVM dicendum, quod sacerdos post consecrationem non utitur cruce signatione ad benedicendum & consecrandum, sed solum ad commemorandam virtu-

tem crucis & modum passionis Christi, ut ex dictis patet.*

In solus præc.

AD QVINTVM dicendum, quod ea quæ sacerdos in Missa facit, non sunt ridiculose gestulationes, sunt enim ad aliquid representandum. Quod enim sacerdos brachia extendit post consecrationem, significat extensionem brachiorum Christi in cruce. Leuat etiam manus orando, ad designandum quod oratio eius dirigitur pro populo ad Deum, secundum illud Thren. 3. Leuamus corda nostra cum manibus ad Dominum in celos. & Exo. 17. dicitur quod cum leuaret Moyses manus vincebat Israël. Quod autem manus interdum iungit, & se inclinat, est suppliciter & humiliter orantis, & designat humilitatem & obedientiam Christi, ex qua passus est. Digtos autem iungit post consecrationem scilicet pollicem cum indidice, quibus corpus Christi consecratum retigerat, ut si qua particula digitis adhereret, non dispergatur, quod pertinet ad reuerentiam sacramenti.

AD SEXTVM dicendum, quod quinquies se sacerdos vertit ad populum, ad significandum quod Dominus die resurrectionis quinquies se manifestauit, ut supra dictum est* in tractatu de resurrectione Christi. Salutat autem septies populum scilicet quinque vicibus, quibus se conuertit ad populum, & bis quando se non conuertit (scilicet, cum ante præfationem dicit, Dominus vobiscum, & cum dicit, Pax Domini sit semper vobiscum) ad designandam septiformem gratiam Spiritus sancti. Episcopus autem celebrans in festis in prima salutatione dicit, Pax vobis, quod post resurrectionem discipulis dixit Dominus: cuius personam repræ-

2. 55. ar. 3. an
80. 3.

repræ;

repræsentat præcipuè Episcopus.

AD SEPTIMUM dicendū, quod fractio hostiæ tria significat. Primo quidem ipsam diuisionē corporis Christi, quæ facta est in passione. Secundo distinctionē corporis mystici secundum diuersos status. Tertio distributionem gratiarum procedentium ex passione Christi. vt Dion.* dicit 3. c. eccle. hier. Vnde de talis fractio non inducit diuisionem Christi.

Cap. 3. Eccles.
hier. à med.

De consec. d. 2
6. Triforme.

AD OCTAVUM dicendum, quod sicut Sergius Papa dicit (& habetur de consecratio dist. 2.) triforme est corpus Domini. Pars oblata in calicē Missæ, corpus Christi, quod iam resurrexit, monstrat, scilicet ipsum Christum & beatam Virginem, vel siqui alij sancti cum corporibus, iam sunt in gloria. Pars comesta, ambulās adhuc super terrā, quia scilicet viuentes in terra, sacramento* vtuntur, & passionibus conteruntur, sicut & panis comestus conteritur dentibus. Pars in altari vsq; ad finē Missæ remanens est corpus in sepulchro, quia vsq; in finē seculi corpora sanctorum in sepulchris erunt, quorū tamen animæ sunt vel in purgatorio vel in cēlo. Hic tamē ritus non seruatur modo, vt scilicet vna pars seruetur vsque in finē Missæ propter periculum. Manet tamen eadem significatio partium. Quam quidam metricè expresserunt dicentes.

*Hostia diuiditur in partes tincta beatos.
Plenè, sicca notat viuos, seruata sepultos.
Quidam tamē dicunt, quod pars in calicem Missæ, significat eos, qui viuunt in hoc mundo, pars autē extra calicem seruata significat plenè beatos, scilicet quantum ad animam & corpus: pars autem come-*

sta significat ceteros.

AD NONVM dicendū, quod per calicē duo possunt significari. Vno modo ipsa passio Christi, quæ repræsentatur in hoc sacramēto. Et secū dum hoc per partē in calicem Missæ, significatur illi, qui adhuc sunt participes passionū Christi. Alio modo potest significari fruitio beata, quæ etiā in hoc sacramento præfiguratur. Et ideo illi quorū corpora iam sunt in plena beatitudine, significantur per partē in calicem Missæ. Et est notandū, quod pars in calicē Missæ, nō debet populo dari in supplementū communionis, quia panem intinctū non porrexit Christus nisi Iudæ proditori.

AD DECIMUM dicendū, quod vinum ratione suæ humiditatis est ablutiū. Et ideo sumitur post susceptionem huius sacramenti, ad abluendū os, ne aliqua reliquiæ remaneant, quod pertinet ad reuerentiam sacramenti. Vnde extra de celebratione Missarum, ca.* ex parte. Semper sacerdos vino os perfunde re debet, postquā totum percepit Eucharistiæ sacramentū, nisi cum eodem die aliā Missam debuerit celebrare, ne si fortē vinum perfusio nis acciperet, celebrationem aliā impediret. Et eadem ratione perfundit vino digitos, quibus corpus Christi tetigerat.

In decr. l. 3. tit.
41. c. ex parte,
& qst. 6. 5.

AD VNDECIMUM dicendū est, quod veritas quantū ad aliquid debet respondere figuræ, quia scilicet non debet pars hostiæ consecratæ, de qua sacerdos & ministri vel etiā populus communicat in crastino reservari. Vnde, vt habetur de consec. dist. 2.* Clemens Papa statuit quod tanta holocausta in altari offerantur, quanta populo sufficere debeant,

De consec. d. 2.
c. Tribus gradibus,

Alia vniū
sur.

D.Tho.tert.part.

debeant, quod si remanserint, in
crastinum non reseruētur, sed cum
timore & tremore clericorum di-
ligentia consumantur. Quia tamen
hoc sacramentum quotidie sumen-
dum est (non autem agnus Pascha-
lis quotidie sumebatur) ideo opor-
tet alias hostias cōsecratas pro in-
firmis conseruare. Vnde in eadem
distin. legitur, * Presbyter Eucha-
ristiam semper habeat paratam, vt
quando quis infirmatus fuerit, sta-
tim eum communicet, ne sine com-
munionemoriatur.

AD DVODECIMVM dicendū,
quod in solenni celebratione Mis-
sæ plures debent adesse. Vnde So-
ter Papa * dicit vt habetur de con-
secratio disti. 2. Hoc quoq; statutū
est, vt nullus presbyterorum Missa
tū solennia celebrare præsumat, ni-
si duobus præsentibus, sibiq; respon-
dentibus, ipse tertius habeatur, quia
cum pluraliter ab eo dicitur, Do-
minus vobiscū, & illud in secretis,
orate pro me, apertissimè conue-
nit, vt ipsius respondeatur salutatio-
ni. Vnde & ad maiorem solennita-
tem, ibidem statutū legitur, quod
Episcopus cum pluribus Missarum
solennia peragat. In Missis tamen
priuatis sufficit, vnum habere mini-
strum, qui gerit personā totius po-
puli catholici, ex cuius persona sa-
cerdoti pluraliter respondet.

ARTICVLVS VI.

*Vtrum possit sufficienter occurrī defecti-
bus circa celebrationem huius sacra-
menti occurrentibus Statuta
Ecclesiæ obseruando.*

AD sextum sic proceditur. Vi-
detur, quod non possit suffi-
ciēter occurrī defectibus, qui cir-
ca celebrationem huius sacramen-

ti occurrunt, statuta Ecclesiæ ob-
seruando. Contingit enim quando-
que, quod sacerdos ante consecra-
tionem, vel post moritur, vel aliena-
tur, vel aliqua alia infirmitate im-
peditur, ne sacramentū sumere pos-
sit, & Missam perficere. Ergo vide-
tur quod non possit impleri statutū
Ecclesiæ, quo præcipitur quod sa-
cerdos consecrans, suo sacrificio
communicet.

¶ 2. Prætereà, Contingit quando-
que, quod sacerdos ante consecra-
tionem vel post recolit se aliquid
comedisse vel bibisse, vel etiam ali-
cui peccato mortali subiaccere, vel
etiam excommunicationi, cuius
prius memoriam non habebat, ne-
cesse est ergo, quod ille qui est in ta-
li articulo constitutus, peccet mor-
taliter, contra statutum Ecclesiæ
faciens, siue sumat, siue non sumat.

¶ 3. Prætereà, Contingit quando-
que quod in calicem musca vel ara-
nea, vel aliquod animal venenosum
cadit post consecrationem, vel etiā
cognoscit sacerdos calici venenū
esse immissum ab aliquo maleuo-
lo causa occidendi ipsum. In quo ca-
su, si sumat videtur mortaliter pec-
care, se occidendo vel Deum tentā-
do: similiter si non sumat, peccat cō-
tra statutum Ecclesiæ faciens. Er-
go videtur esse perplexus, & subie-
ctus necessitati peccandi, quod est
inconueniens.

¶ 4. Prætereà, Cōtingit quando-
que quod per negligentiam ministri
aut aqua non ponitur in calice, aut
etiam nec vinum, & hoc sacerdos
aduertit. Ergo in hoc etiam casu vi-
detur esse perplexus, siue sumat
corpus sine sāguine (quasi imperfe-
ctū faciēs * sacramentū) siue nō su-
mat nec corpus nec sanguinem.

¶ 5. Præ-

*alias sacrifici-
um.*

*De consec. d. 2.
presbyter.*

*De consec. d. 2.
cap. Hoc quo-
statutum
est.*

*4. 2. 13. in ex-
posit. lib.*

¶ 5. Præterea, Contingit quandoq; quod sacerdos non recolit se dixisse verba consecrationis, vel etiam alia, quæ in celebratione huius sacramenti dicuntur. Videtur ergo peccare in hoc casu, siue reitet verba super eandem materiam, quæ forte iam dixerat, siue vtatur pane & vino non consecratis, quasi consecratis.

¶ 6. Præterea, Contingit quandoq; propter frigus, quod sacerdoti dilabatur hostia in calicem, siue ante fractionem, siue post. In hoc ergo casu non poterit sacerdos ritum Ecclesiæ implere, vel de ipsa fractione, vel etiam de hoc quod sola tertia pars mittatur in calicem.

¶ 7. Præterea, Contingit quandoq; quod per negligentiam sacerdotis sanguis Christi effunditur, vel etiam quod sacerdos sacramentum sumptum vomit, aut etiã quod hostiæ consecratæ tandiu conseruatur, vt putrescant, vel etiam à muribus corrodantur, vel etiam qualitercunq; perdantur. In quibus casibus nõ videtur posse huic sacramento debita reuerentia exhiberi secũdum Ecclesiæ statuta. Non videtur ergo, quod his defectibus, seu periculis occurrì possit, saluis Ecclesiæ statutis.

SED CONTRA est, quod sicut Deus, ita Ecclesia non præcipit aliquid impossibile.

RESPONDEO dicendum, quod periculis, seu defectibus circa hoc sacramentum contingentibus dupliciter potest occurrì. Vno modo præueniẽdo, ne scilicet periculum accadat. Alio modo subsequendo, vt scilicet, id quod accidit emẽdetur, vel adhibendo remedium, vel saltem per poenitentiam eius, qui

negligenter egit circa hoc sacramentum.

AD PRIMVM ergo dicendũ, qd si sacerdos morte, aut infirmitate graui occupetur ante cõsecrationẽ corporis & sanguinis Dñi, nõ oportet, vt per alium suppleatur. Si verò incepta consecratione hoc acciderit (puta consecrato corpore ante consecrationem sanguinis, vel etiã consecrato vtroq;) debet missæ celebritas per alium expleri. Vnde, vt habetur in Decretis 7. q. 1. c. nihil, in Toletano* concilio legitur: Censuimus conuenire, vt cũ sacerdotibus missarum tempore mysteria sacra consecrantur, si ægritudinis accadat cuiuslibet euentus, quo cœptum nequeat expleri mysterium, sit liberum Episcopo, vel presbytero alteri, cõsecrationem exequi incepti officij. Non enim aliud competit ad supplementũ initiatis mysterijs, quã vt aut incipientis, aut subsequents benedictione sint cõpleta sacerdotis, quia nec perfecta videri possunt, nisi perfecto ordine compleantur. Cũ enim simus omnes vnum in Christo, nihil cõtrarium diuersitas personarũ format, vbi efficaciam prosperitatis vnitas fidei representat. Ne tñ quod naturę lãguoris causa cõsultitur, in presumptionis perniciem cõuertatur, nullus absq; prouento parentis molestæ, minister, vel sacerdos, cũ cœperit imperfecta officia, præsumat omnino relinquere: si quis hoc temerariẽ præsumpserit, excommunicationis sententiam substinebit.

AD SECVNDVM dicendũ, quod vbi difficultas occurrit, semper est accipiendum illud, quod habet minus de periculo. Maximè autem periculosum circa hoc sacramen-

Concil. 7. Tolet.
can. 1. vel. 2. di
versos codices.
Et habetur 7.
q. 1. c. Nihil.

tum est, quod est contra perfectionem huius sacramenti, quia hoc est immane sacrilegium. Minus autem est illud, quod pertinet ad qualitatem sumentis. Et ideo si sacerdos post consecrationem inceptam, recordetur se aliquid comedissee, vel bibisse, nihilominus debet perficere sacrificium, & sumere sacramentum. Similiter si recordetur se peccatum aliquod commississe, debet poenitere cum proposito confitendi, & satisfaciendi, & sic non indigne, sed fructuose sumet sacramentum. Et eadem ratio est si meminerit se excommunicationi cuicunque subiaceri. debet enim assumere propositum humiliter absolutionem petendi, & sic per invisibilem pontificem IESUM Christum absolutionem consequetur quantum ad hunc actum, quod peragat divina mysteria. Si vero ante consecrationem alicuius praedictorum sit memor, tutius reputarem maxime in casu manducationis & excommunicationis, quod missam inceptam defereret, nisi graue scandalum timeretur.

AD TERTIVM dicendum, quod si musca, vel aranea in calicem ante consecrationem ceciderit, aut etiam venenum deprehenderit esse immissum, debet effundi, & abluto calice, denuo aliud vinum poni consecrandum. Si vero aliquid horum post consecrationem acciderit, debet animal cautè capi, & diligenter lauari & comburi, & ablutio cum cineribus in sacrarium mitti. Si vero venenum ibi esse deprehenderit immissum, nullo modo debet sumere nec alij dare, ne calix vite vertatur in mortem: sed debet diligenter in aliquo vasculo ad hoc apto

cum reliquiis conservari. Etne sacramentum remaneat imperfectum, debet aliud vinum apponere in calicem, & denuo resumere à consecratione sanguinis, & sacrificium perficere.

AD QVARTVM dicendum, quod si sacerdos ante consecrationem sanguinis & post consecrationem corporis percipiat, aut vinum, aut aquam non esse in calice debet statim apponere, & consecrare. Si vero post consecrationis verba perceperit, quod aqua desit: debet nihilominus procedere, quia impositio aquae (ut supra dictum est*) non est de necessitate sacramenti. Debet tamen puniri ille ex cuius negligentia hoc contingit. Nullo autem modo debet aqua vino iam consecrato misceri, quia sequeretur corruptio sacramenti pro aliqua parte, ut supra dictum est.* Si vero percipiat post verba consecrationis, quod vinum non fuerit positum in calicem, si quidem hoc percipiat ante summptionem corporis, debet deposita aqua, si ibi fuerit imponere vinum cum aqua, & resumere à verbis consecrationis sanguinis. Si vero hoc perceperit post summptionem corporis, aliam hostiam apponere debet, iterum consecrandam simul cum sanguine. Quod ideo dico, quia si diceret sola verba consecrationis sanguinis, non servaretur debitus ordo consecrandi, & sicut dicitur in praedicto ca. Toletani concilij, perfecta videri non possunt sacrificia, nisi perfecto ordine compleantur. Si vero inciperet à consecratione sanguinis, & repeteret omnia verba consequentia, non competeret, nisi adesset hostia consecrata: cum in illis verbis occurrant quaedam dicenda & fienda non solum

q. 74. ar. 7.

q. 77. ar. 2.

In cõe. Tolet. 72
can. 1. vel 2. se
cundum aliquos
codices.

solum circa sanguinem, sed etiam circa corpus. Et debet in fine iterum sumere hostiam consecratam & sanguinem, non obstante etiam si prius iumpserit aquam, quæ erat in calice: quia præceptum de perfectione, vel de præceptione huius sacramenti maioris est ponderis, quam præceptum, quod hoc sacramentum à ieiunio sumatur, ut supra dictum est.†

q. 80. ar. 8. c.
q. 82. ar. 4.

AD QUINTVM dicendum, quod licet sacerdos non recolat se dixisse aliqua eorum, quæ dicere debuit, non tamen debet ex hoc mente perturbari: non enim qui multa dicit, recolat omnium, quæ dixit: nisi forte aliquid in dicendo apprehenderit sub ratione iam dicti, sic enim aliquid efficitur memorabile. Unde, si aliquis attentè cogitet illud, quod dicit, non tamen cogitet se dicere illud, non multum postea recolat se dixisse. Sic enim fit aliquid obiectum memoriæ, in quantum accipitur sub ratione præteriti sicut dicitur† in lib de memoria. Si tamen sacerdoti probabiliter cõstet se aliqua omisisse, si quidem non sunt de necessitate sacramenti, non existimo quod propter hoc debeat resumere immutando ordinem sacrificij: sed debet ulterius procedere. Si verò certificetur se omisisse aliquid eorum, quæ sunt de necessitate sacramenti, scilicet formas consecrationis, cum forma consecrationis sit de necessitate sacramenti, sicut & materia, idem videtur faciendum, quod dictum est * in defectu materiæ, ut scilicet resumatur à forma cõsecrationis, & cætera per ordinem reiterentur, ne mutetur ordo sacrificij.

In lib de memoria c. 1. to. 2. in ser opera Arist.

In so. ad 4. ar. gum. hic in isto art.

AD SEXTVM dicendum, quod fractio hostiæ consecratæ, & quod

vna sola pars mittatur in calicem, respicit corpus mysticum, sicut admixtio aquæ significat populum. Et ideo horum præmissio non facit imperfectionem sacrificij, ut propter hoc sit necesse aliquid reiterare circa celebrationem huius sacramenti.

AD SEPTIMVM dicendum, quod (sicut legitur de conse. d. 2. ex decreto Pij Papæ†) si per negligentiam aliquid de sanguine stillauerit in tabulam, quæ terræ adhæret, lingua lambetur, & tabula radetur. Si verò non fuerit tabula, terra radetur, & igni consumetur, & cinis intra altare condetur, & sacerdos quadraginta diebus poeniteat. Si autem super altare stillauerit calix, forbeat minister stillam, & tribus diebus poeniteat. Si super linteam altaris, & ad aliud stilla peruenierit quatuor diebus poeniteat. Si usque ad tertium, nouè diebus poeniteat. Si usque ad quartum, viginti diebus poeniteat, & linteamina quæ, stilla tetigerit, tribus vicibus lauet minister calice subtus posito, & aqua ablutionis sumatur, & iuxta altare recodatur: posset etiam sumi in potum à ministro, nisi propter abominationem dimitteretur. Quidam autem ulterius partem illam linteaminum incidunt, & comburunt, & cinerem in altari, vel sacrario reponunt. Subditur autem ibidem ex poenitentiali Bedæ† presbyteri, Si quis per ebrietatem, vel voracitatem Eucharistiam euomuerit, quadraginta diebus poeniteat, si laicus est. clerici, vel monachi, seu diaconi & presbyteri, septuaginta diebus poeniteant: Episcopus, nonaginta. Si autem infirmitatis causa euomuerint, septem diebus poeniteant. Et eadem

De conse. d. 2.
Si per negligentiam.

Ead. d. 2. ca. 5.
Si quis per ebrietatem.

D. Thom. tert. par.

distinct. legitur ex conc. Arelatēsi:

*Ead. d. st. 2. c.
Qui bene non
custodierit.
* Alias sacrifici-
um.*

* Qui non bene custodierit * sacramentum, & mus, vel aliquod aliud animal illud comederit, quadraginta diebus poeniteat. Qui autem perdidit illud in Ecclesia, aut pars eius ceciderit, & non inuenta fuerit, triginta diebus poeniteat. Et eadem poenitentia videtur dignus sacerdos, per cuius negligentiam hostiæ consecratæ putrefiunt. Prædictis autem diebus debet poenitens ieiunare, & à communione cessare. Pensatis tamen conditionibus negotij & personæ potest minui, vel addi ad poenitentiam prædictam. Hoc tamen observandum est, quod ubicunq; species integræ inveniuntur, sunt reuerenter conseruandæ, vel etiam sumendæ, quia manentibus speciebus manet ibi corpus Christi, ut suprâ dictum est †. Ea vero, in quibus inveniuntur, si cōmodè fieri potest, sunt comburenda,

cinere in sacratio recondito, sicut de rasura tabulæ dictum est. *

** In istius solutio-
tionis prin.*

¶ Sententiæ & conclusiones quæst.

Prima conclusio, Christus in hoc sacramento semper cū perficitur, immolatur. quia ut Christi in cruce immolatio potens fuit & sufficiens ad salutem omnium sempiternam: sic in hoc sacramento quotidie immolatur, tum ut participes efficiamur fructus dominicæ passionis: tum ut memores simus mortis Dñi.

Secunda conclusio, rectè Ecclesia catholica, ad dignam huius sacramenti celebrationem, præscripsit tempus, locū, sacra vasa, ornatum altaris, vestes sacerdotis, ritus & cæremonias, & defectibus eorum congruentia remedia.

De priori conclusione tum ob argumenti præstantiam, tū ob hæreses de eo exortas nostra tempestate, latius primò differemus: deinde de posteriori contractius, quòd cum catholicis tantum agendum sit.

*Quest. 77. art.
5. ¶ locis ibi cit.
t. st. 2.*

DOCTRINA DE SACRI-

ficio noui test. Autore Sebastiano Episcopo Oxomen.

¶ C A P. I. Definitio & notatio sacrificij.

In Eucharistia ratio sacramenti & sacrificij propriissime reperitur.



ALTER vsus sacre Eucharistie, isq; maximus; quo religio Christiana continetur, est sacrificium: quod licet tractatione sacramento posterius sit, cum non possit existere sine materia & forma sacramenti, dignitate tamen & natura prius est, cum nisi prius sacrificatum sit, sacramentum confici non possit. prestantia vero & dignitas Eucharistiae, non solum in eo cernitur, quod ad mirabile precesteris sacramentis sanctificationem in nobis efficiat, sed etiam quod in ea sit, proprii sacrificij & externi, cultus: in aliis vero sacramentis sit quidam cultus Dei, sed non proprie sacrificium noui test. cum illud vnicum tantum sit Eucharistia. neque vero repugnat in eodem sacrificium & sacramentum, ut aduersarij contendunt, cum eidem Eucharistiae vtriusque ratio propriissime competat: & in veteri lege, licet non omnia, quaedam tamen fuerint simul sacramenta & sacrificia, ut agnus Paschalis. Sed ad rationem sacrificij exacte explicandam, quod erit huius disputationis exordium, verbi homonymia, ne decipiamur, primum distinguenda est. Sacrificium igitur generaliter est omnis actio studiosa, quatenus in Dei cultum & reuerentiam refertur: & ideo actio imperata a virtute religionis, quae refert omnia in Dei cultum. ita Dei laus Psal. 49. sacrificium laudis honorificabit me. ita contritio Psal. 50. Sacrificium Deo spiritus contribulatus. sic elemosynae dicuntur hostiae Heb. 13. & corporis castigatio dicitur sacrificium Rom. 10. martyrium Sap. 3. sic vocat Aug. sacrificium omne opus, quod agitur, ut sancta societate Deo adhaereamus. & 10. lib. de ciuit. c. 6. eodem sensu inquit, quod Christus sacrificat Ecclesiam, & Ecclesia sacrificat seipsam, & quisque nostrum sacrificat animam suam. Sic etiam multa, quae proprie de aliquo dicuntur, ad alia in scriptura, ex analogia & similitudine aliqua transferuntur, ut circuncisio ad mundicie cordis & auriu. ieiunium ad cessationem peccatis: Christus nomen matris, fratris, sororis, ad eos, qui voluntati patris obtemperant: corda etiam, & corpora nostra dicuntur templum Spiritus sancti: & nos nostrarum actionum in Deum relatarum

Sacrificium generaliter & improprie.

sacerdotes, & ideo ipsae actiones, hac ratione generali, sacrificia. Cum autem interiori mentis actione, fiat haec in Dei cultum & reuerentiam relatio, appellatur hoc sacrificium a D. Aug. & Theologis, internum & inuisibile. Dicitur vero generaliter hoc modo sacrificium, quia omnes actiones comprehendit, quatenus in Deum referuntur: sed non est haec specialis notio sacrificij, quae proprio sacrificio conuenire possit: cum illud sit actus religionis imperatus, hoc vero sit elicitus. Proprium sacrificium recte definiri potest, oblatio rei sensibilis immutata in honorem, cultum & reuerentiam Dei. non definitur res sacrificata, sed ipsa sacrificialis actio, quauis de utroque dicatur sacrificium Latinis, ut Graecis thyisia. proprium autem dico, cui proprie & sine translatione ratio sacrificij accommodatur, licet aliud interius & inuisibile perfectius sit in nobis, ut finis alterius visibilis: sicut scriptum est de veteribus sacrificiis, misericordiam volo & non sacrificium: & illud quod laudatur a Domino Mar. 12. diligere Deum ex toto corde, maius est omnibus holocaustis & sacrificiis. Huius ratio est, quia illae actiones studiosae, quae generaliter dictae sunt sacrificia, ex seipsis & proprio obiecto bonitatem habent & laudem: sacificationes autem, quae proprie dicuntur sacrificia, ex precepto, fine & relatione tantum, bonae censentur: & idcirco perfectiores sunt illae, licet improprie sint sacrificia. Sic D. Tho. 2. 2. q. 85. ar. 3. sunt quidam actus, qui non habent ex alio laudem, nisi quia sunt propter reuerentiam diuinam, & proprie dicuntur sacrificia, & pertinent ad virtutem religionis, nepe ut actus elicitus. Actus vero aliarum virtutum, qui in diuinam reuerentiam ordinantur, ut contritio, elemosyna, carnis castigatio, sacrificia dici possunt: quia imperantur a religione. eadem ratione in nostro sacrificio, licet corpus Christi secundum substantiam praestet omnibus virtutum officiis, vnde cumque sint per se expetibilia, ipsae tamen actiones, quibus fit ut sacrificetur, nepe quibus ad species panis & vini coniungitur, maleducationi exponitur, frangitur, sanctae & legitime iudicatur ex precepto, fine & instituto Christi Domini: a quo ex

3. p. q. 22. ar. 2.

Sacrificium proprium, & definitio.

Cuius virtutis actus elicitus.

De sacrificio noui testam.

miam habet supra omnia alia dignitatē, laudem, & efficaciam eorum, quę ad nostrā salutem pertinet. Hinc intelligitur, quare Patres illa interiora, dicat vera sacrificia, nepe, quia vera vocat, quę maiorē perfectionem ex se ipsis habent, vt verā fidem, quę perfectā sit. sic Dñs Ioā. 15. se verā vitem vocat, quod ex similitudine res significata metaphorice, perfectius Christo conuenit, quā viti naturali; hoc igitur propriū sacrificium, idest actionē externā sacrificandi, vt specialē & elicita religionis actionē, de qua doctrinā institui-
mus. Genus est oblatio, siue exhibitio rei sensibilis: latius enim patet oblatio, quā sacrificiū: primitiæ oblationes sunt, quia Deo offeruntur immediatē Deut. 29. & quodcunq; aliud donū Deo factum, oblatio est: sed non sunt sacrificia, quia nihil sacrū in eis fit, quo immutetur in Dei cultū, vt in sacrificio: decime, neq; sacrificia, neq; oblationes proprię sunt, quia nō immediatē Deo, sed ministris diuini cultus exhibentur. sacramenta etiā, vel sacramentalia omnia, excepta Eucharistia, licet in quibusdam operationibus sacris circa res sensibiles cōsistant, tamen, quia neq; offeruntur, neq; immediatē in Dei honorē exhibentur, sed ad nostrā potius salutē procurandam perse primō instituta sunt, sacrificia propriē nō dicuntur, neq; certē sunt. sit igitur genus sacrificij, oblatio in Dei honorē immediatē facta in aliqua re sensibili: vt licet sacrificiū primō cōsistat in actū interioris oblationis, cum sit actus religionis, vt tamen sit propriū sacrificium, oportet esse in re sensibili, aspectabili & manifesta: quōd sit actus religionis, quo homines in eandem societate & re pub. copulantur, homines autē nisi externis & sensibilibus signis cōiungi in eandē religionem nō possunt. sed illa immutatio maximē discernit propriū sacrificium, ab aliis oblationibus Deo immediatē factis: primitiæ enim, primogenita, religiose personæ, & alia innumera Deo in lege offerebantur, quę tamen sacrificia non sunt: sicut neq; donaria templorum & altarium in veteri, aut noua Ecclesia, quōd in illis nulla intercedat mutatio, sed integra in sua specie maneat, quę autē sacrificantur, in alias species trāseant, cum vel mactatā, vel tosta, vel contusa, vel frixa, vel aliqua alia actione sacerdotis prorsus cōfecta sunt, vt præcipitur Leuit. 2. & 6. In lege etiā nature eadē erat in sacrificiis mutatio, vel per gladiū, vel per

ignem, vel vtroq; modo, vt constat in sacrificiis Abrahami, Noe, & Abelis, quod diuinitus inflammatum ex interpretatione Theodotionis putat D. Hier. in lib. qq. super Genesim: quasi Deo probante immutationem, quę fit in sacrificio. idem etiā constat in Patrum sacrificiis, vt Gedeonis, Helix, Salomonis in dedicatione templi. Ratio est, quia sacrificare nihil aliud est, quā sacrum facere: fit autem sacrum, cum per huiusmodi immutationem, res ipsa oblata, humanis vñbus inepta redditur, vt ita offerēs rei possessione se exuens, in vñm diuinū re ipsa transferat, quod oblatum est: vt deprehenditur manifestō in holocausto, cum totum in Dei honorem combureretur: in reliquis autem, aliqua rei oblata pars cedebat sacerdoti, aut populo, quasi diuina quadam redonatione significaretur diuinorum cum homine initum consortium, iuxta illud 1. Corint. 10. qui edunt hostias, participes sunt altaris, quod etiā in nostro sacrificio obseruatur: vbi de re sacrificata semper sacerdos, sæpē etiā populus in ratione sacramenti cōmunicat. Est etiā illa causa omnium sacrificiorum cōmunis, vt in eis post lapsum primi hominis fuerit hæc immutatio necessaria, repræsentatio nimirū mortis Dominicæ, quam oportebat in omnibus sacrificiis repræsentari: cū aliter Deo placere non possent, qui reconciliationem generis humani in morte Christi constituit, quę fuit omnium sacrificiorum finis & consummatio: vt sicut Deo Patri vitam & spiritū voluntarius obtulit Christus, & se ex viuo mortuum reddidit, vt esse humanum filij Dei, Patri Deo pro nobis donaret, ita in omni sacrificio hæc immutatio repræsentata, ipsum Deo gratum & acceptum redderet: cum non sit aliud nomen in quo oporteat nos saluos fieri Act. 4. quamuis eam repræsentationem, alij expressē & explicitē profiterentur: alij verō implicitē tantum, vt D. August. epist. 120. significat. Consentit etiā nomen sacrificij cum hac eius essentia, cum sit idē, quod factio sacri, quę Græco nomine thyfia apertius exprimitur. dicitur enim propriē de his, quę mactatione & iugulatione conficiuntur: licet Theophilus ad ea propriē referat, quę igne sacrificantur, athictæ, quōd est thymiasthæ ardere, vel suffitum edere, in comm. ad c. 8. epist. ad Hebr. Euseb. etiā lib. 1. de præparat. Euangelica cap. 6. refert Porphyrium in lib. de esu carnium, differentem contra sacrificij

Essentia proprii sacrificij.

2. 2. q. 35. ar. 3. ad 3.

Oblatio rei sensibilis immediatē Deo facta.

Immutatio.

Etymologia sacrificij, & respondentis dyssias.

ficia Iudæorum, & contendentes antiqui-
tus non aliter sacrificatum esse, quàm per
resolutionem & exhalationem florum &
herbarum in fumum, eumq; suffitum Gre-
cè vocari thymiaìn, vnde dicta sit thy-
sia. sed certè nomen sacrificij in omnem
rem, quæ aliqua actione, vt mactatione,
còflagratione, in cultum Dei immutatur,
omnino conuenit: licet deducatur à suffi-
tu, fortasse, quia in scriptura dicitur Do-
minus odorari sacrificij odorem: & constat
antiquiora illa sacrificia non fuisse exhal-
atione, sed mactatione immutata, vt sacrifi-

cium Abrahami, & Abelis conflagratione.
aliud autem sæpè est à quo imponitur no-
mè, aliud quod ex vsu significat. vt immo-
lare latinis dictum est à mola, & tamen
transfertur ad ea, quæ gladio sacrificantur,
vt in illo, Pallas te hoc vulnere, Pallas im-
molat, & Genes. 22. arripuit gladiũ, vt im-
molaret filium. vnde, quia sacrificium ha-
bet còiunctam multiplicem & operosam
actionem facere, plerumq; est idè, quod
sacrificare. sic Euangelistæ dixerunt face-
re Pascha, occidere Pascha, immolare
Pascha:

Matth. 26.
Mar. 14.
Luc. 22.

C A P V T II.

¶ Sacrificij distinctio, & species.



Explicauimus generalem &
propriam sacrificij ratio-
nem, deinde formæ & spe-
cies distinguendæ sunt, vt
ad nostrum sacrificium or-
dine perueniamus. in sacrificio igitur gene-
rali, vt admonui, continentur omnia offi-
cia virtutum & actiones: cùm omnes ab
vna religionis virtute, in Dei honorem, cul-
tum, & reuerentiã referri possint, vt prius
admonui. in sacrificio autem speciali & pro-
prio, quæ fuerint formæ in lege naturæ nõ
constat, nisi de expressis in sancta scriptu-
ra, vt Abelis, Noei, Abrahami, Iacob, &
aliorum quorundam: in lege autem veteri
tribus modis distingui possunt, ex materia,
forma & fine. Ex materia viuenti, & anima-
ta, dicebatur victima, nõ tamen ab ea, sed
à deuictis hostibus, cùm ea de causa offer-
retur, nomè habens. ex materia autè inani
mi erat multiplex, vt materia solida & sic-
ca, ex farre, sale, simila, & huiusmodi: &
quæ immolatio à mola latinis dicitur: & ex
materia liquida, vt vino, vnde libamen di-
ctũ est. Ex forma autem faciendi, cruenta
sacrificia distinguebãtur, vt aliud esset ho-
locautũ, quòd tota hostia cremaretur, ex
bobus, ouibus, capris, auib; aliud esset pa-
cificũ, cuius vna pars Deo cedebat crema-
ta in altari, altera sacerdoti, tertia offereti,
vt ab illis comederetur. tertiũ erat pro de-
licto per ignorantia commissõ, cuius vna
Deo cedebat cremata in altari, altera sacer-
doti nisi pro seipso offerret: tunc enim to-
tum cremabatur: quartum pro peccato ex
passione, aut scien-ter commissõ. Ex adiun-

Leuit. 2.
Sacrificiorũ di-
uisio. 1. 2. q.
102. arti. 3. ad
8.

Leuit. 1: 3. 4. 5
& 6.

cto etiam distingui potest sacrificium, vt
aliud sit absolutum, independens, & nõ re-
latum ad aliud, nec in cõmmemoratione
alterius positum: alterum sit dependens &
ad aliud relatum, cuius est significatiuum
& commemoratiuum. primi generis tan-
tũ est sacrificium crucis: alterius generis
sunt cætera omnia sacrificia, quæ vel præ-
cesserunt in lege naturæ, vel quæ in veteri
lege secuta sunt, vel ipsum nouæ legis sacri-
ficiũ, quod in figura panis & vini offer-
tur: cùm hæc omnia ad sacrificium crucis
tanquam ad finem, & primariam aliorum
causam referantur, & ex illius commemo-
ratione efficaciam, & vim desumãt. Vnde
qui in definitione proprii sacrificij, cõme-
moratione collocaret, vitiosam definitio-
nẽ redderet, quia perfectissimũ crucis sacri-
ficiũ excluderet: qui autè poneret signum,
nullum excluderet sacrificium, quod fecit
D. Aug. cùm ait, visibile sacrificium est, in-
uisibilis sacrificij sacramentũ, hoc est sacrũ
signum. ipsa enim oblatio Christi in cruce
Augustiniano more, signum fuit sui inter-
ni sacrificij. His diuisionibus breuiter om-
nia veterũ sacrificiorum, & nostrorũ gene-
ra & species cõprehendimus. est autem, vt
eorũ omnium cõmunis illa definitio pro-
prii sacrificij, paulõ ante explicata: sic etiã
finis, vt fiant in honorẽ & cultum Dei, quẽ
proprie latrãm dicimus, cuius rationes ex
naturæ instinctu, scriptura, & Patribus colli-
guntur. Ex natura quidè, quia ex insita & na-
turali propensione ducimur, ad publicè co-
ram omnibus agnoscendũ supremum Dei
dominium, idq; sit visibilibus sacrificijs, vt

Lib. 10. de ciu.
6. 5.

Sacrificiorum
idem sũm est,
cultus Dei ex-
ternus & sensi-
bilis, qui inte-
riorem signifi-
cat.

De sacrificio noui testam.

ex omniū gentium moribus colligitur: cū nulla vnquā fuerit tam barbara gens, quæ sacrificia nō fecerit, vt inquit D. Aug. li. 10. de ciuit. c. 4. iis quos, aut putauit, aut credit, aut finxit esse deos. sed hoc manifestius deprehenditur in populo Dei: & priusquā in Gētilitate, vt in duobus primis fratribus Gen. 4. in altari & sacrificio Noei egrediētis de arca Gene. 8. in Abrahamo cumprimū benedictionis omniū gentium promissionē accepit: in Melchisedech, in Iob, in reliquis sanctissimis Patribus: qui omnes, aut libera animi inductione, aut diuina reuelatione, pro illorū temporū conditione sacrificauerunt. Quod vero in rebus sensibilibus sacrificia perficiēda sint, causa est ipsa natura hominis, quæ cū corpore & anima constet, quæ rerū intelligentiam ex simulachris rerum sensibilibus deducit, rebus sensibilibus maximè permouetur: & quia homo non modò animum, sed seipsum totum, ipsumq; vniuersum sua causa conditum, ipsumq; Christum propter nos natum & sacrificatū, Deo debet: idē oportet externo aliquo sacrificio profiteri hoc supremum Dei dominium, & maxima erga nos beneficia. Nisi enim Deus nobiscū indulgenter ageret, & prouideret, ne graues abusus ex mutua cæde ac sanguine cōtingerent, iustē exigeret à nobis, vt nos ipsos, aut charissimos liberos, aut de humano genere ac sanguine aliquid, in naturæ tributum Deo penderemus: sed hoc voluit aliis rebus cōmutari, vt in primogenitis, qui Dei erant, in lege commutationē

admisit Exod. 34. & cū iustē Abrahamæ præcepisset vnigeniti filij oblationem, tamen obedientia & ariete contentus, non acceptauit. nec vnquam voluit hoc genus hostiæ perse licitum esse: & idē temerarium iudicatum est facius Iepthe Iud. 12. in filia immolatione, vt asserunt Nazianz. de Machabæis, Ambros. lib. 3. offic. c. 12. Hieron. Jerem. 7. August. li. 7. qq. in lib. Iudic. In solo Domino Iesv acceptum fuit humanæ carnis sacrificium: quod ea tantum placare posset Deum, vt 3. p. de satisfactio- ne Christi ostensum est. sic impuri spiritus, quia sciebant tale aliquid Deo deberi, fecerunt cultores suos sacrificare filios suos & filias dæmonibus, & sanguinem innocentem effundere. vnde eleganter Eusebius lib. 1. de preparat. Euang. c. 10. in rebus viuīs, inquit, fidelibus sua sacrificia præscripta fuisse: quia vitam propriam Deo debemus: & idē animam, seu sanguinem bestia, esse pro anima nostra commutationem: & animal capite comprehensum sacerdoti in lege sisti, & ab eo manus capite imponi, quod sit hostia & precium pro capite offerentis.

Est etiam alia ratio externi sacrificij in rebus sensibilibus positi: vt quoniam ad societatem nati sumus, & res publica sine religione constitui non potest, hæc sacrificia publicè & sensibilibus fierent, vt eorum commercio coalescerent in eandem religionem homines, & ea ratione, in eandem rempub.

De sacrificio
carnis huma-
ne.

C A P V T III.

¶ De ministro sacrificij.

Sacrificij mini-
ster sacerdos,
vt sint hæc tria
coniuncta, lex,
sacerdos, sacrifi-
cium.



Explicauimus quid esset proprium sacrificium, quæ eius diuisiones, quis finis, & materia in qua fieri posset: de ipsius ministro statim dicendum est, vt tota generalis sacrificiorum ratio perfecta sit, antequam ad nostrum speciale & proprium nouæ legis sacrificiū descendamus. Sacerdos igitur est sacrificij proprius & legitimus minister, vt hæc sint necessario & indissolubili nexu coniuncta, lex, sacerdos, sacrificium. Sic D. Paulus Hebr. 5. omnis pontifex ex hominibus assumptus, pro hominibus constituitur in

his, quæ sunt ad Deū, vt offerat dona & sacrificia pro peccatis. & c. 7. sub sacerdotio, inquit, Leuitico, populus accepit legē, hoc est, factus est legalis nēno motheto, & mutatione legis, cōstat mutari sacerdotē, & sacrificiū. Ratio est, quia sicut per religionis priuatos & internos actus, fit quædā cuiusq; hominis cū Deo societas, ita per publica & externa sacrificia à legitimis administrata sacerdotibus, fiunt societatis fœdera, cū hominū inter se, tum etiam inter repub. & Deū, de illi seruiendo, & ab illo vicissim beneficia recipiēdo, vt simus illi in populū, & ille rursus sit nobis in Deū. Tale fœdus fuit,

edificato

*Respub. consti-
tuitur sacrificio
externo, per le-
gitimum sacer-
dotem procura-
to.*

Gen. 28.

Gen. 15.

lædificato altari, inter Iacobū, eiusq; fami-
liam, & Dominū: tale pactum inierat prius
Abraham pro se & semine suo per sacrifici-
um: similibus etiam, quasi sacrificiorum
pactis conuentis, dæmones ipsi non solum
certas personas, sed hominum conuentus
maximasq; nationes sibi sociarunt. Neque
alio fundamento respub. Gentilium consti-
tuiti poterant, hoc tantum à legitimis so-
cietatibus differentes, quod ea, quæ gen-
tes immolant, ut inquit Paulus, 1. Cor. 10.
dæmoniis & non Deo immolant. Vnde
Aristot. lib. 12. metaph. ad populum conti-
nendum, sacrificiorum religionem consti-
tuiti oportere tradit: & Ethic. 6. inter magi-
stratus. sine quibus respub. consistere non
potest, numerat sacrificios, illisq; in ciuita-
te principem locum tribuit lib. 7. polit. c. 8.
& si memoria vetera repetamus, nullam
vnquam videbimus, iuxta naturæ præscri-
ptum, institutam rempub. sine sacrificio.
Non solum autem legitimus Dei populus
discernitur ab aliis non rite constitutis, sa-
crificiis legitime procuratis: sed etiā eius-
dem populi & Ecclesiæ Dei varij status,
eisdem distinguuntur. sic cap. 7. epist. ad
Hebr. concluditur veteris legis abrogatio,
ex sacerdotij Leuitici mutatione, ut lex
vetus sit abrogata, sed per aliam legem,
non quæ careat sacerdote, sed quæ sum-
mum habet sacerdotem, eumq; iureiu-
rando factum: quia mutatio sacerdotij &
sacrificij, non autem sublatio & abrogatio
illius, quamcunque reipub. formam in
populo fidei constituit. sic Daniel cap. 3.
describens rempub. in religione valde per-
turbatam, & in atheismum inclinantem,
inquit, esse populum sine holocausto, sa-
crificio, oblatione, incenso. Vnde obser-
uandum est, omnem comparisonem va-
riorum statuum, fidelium, aut infidelium,
semper habere in scripturis coniunctam
comparisonem sacrificiorum. Vna com-
paratio, & antithesis Malach. cap. 1. pro-
ponitur, ad exprimendam translationem
veterum sacrificiorum in nostram obla-
tionem. oppositio autem fit inter homo-
genea, ut esse debet in omni comparatio-
ne, ut opponatur sacerdos sacerdoti, sa-
crificium sacrificio, altare altari, locus lo-
co, panis pollutus, animalia cæca & clau-
da, oblationi munda, contemptus no-
minis, gloriæ nominis apud gentes futu-
ræ. ut autem intelligamus prophetam

locutum de sacrificiis propriis, sic princi-
piō sacerdotes compellat. Ad vos, o sa-
cerdotes, qui despicitis nomen meum, &
offeritis super altare meum panem pollu-
tum, & cæcum, & claudum, & debile ira-
molatis, non est voluntas mihi in vobis, &
munus non suscipiam de manu vestra. ab
ortu enim solis vsque ad occasum ma-
gnū est nomen meum in gentibus, & in
omni loco sacrificatur, & offertur nomini
meo oblatio munda: quia magnum est
nomen meum in gentibus. quibus verbis
extremis, verum & proprium sacrificium,
ex eius effectu describitur, nempe cultu
Dei externo, ut colligitur ex illo Psal. 28.
Afferte Domino patriæ gentium, afferte
gloriam nomini eius, tollite hostias. Hanc
autem oblationem mundam, esse sacrifici-
um noui testamenti proprium, exter-
num & visibile, non internum & spiritua-
le, hæc argumenta ostendunt. primum,
verbum, sacrificare, & offerre, per se sum-
ptum sine particula diminuente, de pro-
prio sacrificio & externo tantum dicitur:
cū verò dicitur hostia laudis, hostia vo-
ciferationis, sacrificium cordis tribulati,
aut contriti, improprie dicitur sacrificium.
Secundò, sacrificium, de quo propheta lo-
quitur, est vnum: spiritualia autem sacri-
ficia tot sunt, quot Christianitatis opera.
Tertiò, sacrificium nouæ legis & gentium,
non sunt Iudæorum: spiritualia verò pre-
cium & operum, Iudæis nobiscum com-
munia sunt. Quartò, sacrificium, de quo
Malachias, Iudaicis succedit, & eorum lo-
co offertur: sed oratio, ieiunium, cæteraq;
charitatis opera, nullis sacrificiis succe-
dunt, sed cuilibet generi coniunguntur.
Quintò, aduersariorum maximè iudicio,
opera nostra sunt inquinata, ut cumq; spe-
ciosa videantur: sed hæc prophetica obla-
tio per se munda est, & ita præ veteribus
hostiis munda, ut à nobis, vel à pessimis
sacerdotibus pollui omnino non possit,
neque in aliam commutari, cū vnica
tantum sit. Hoc argumentum aduersariis
debet esse firmissimum, ut confiteantur
in Euangelio esse sacrificium vnicum &
perfectissimum. sic etiam omnes Patres
Ecclesiæ catholicæ de eodem sacrificio
prophetam intelligunt. Tertullianus lib.
3. contra Marcionem ad finem. Iustinus
contra Tryph. Irenæus lib. 4. capit. 32.
Hieron. Malach. 1. & Zachar. 8. Cyprian.

*Malachia c. 1.
explicatio.*

*Comparationes
statuum habet
coniunctam sa-
crificiorum cō-
parationem.*

De sacrificio noui testam.

aduersus Iud. lib. 1. c. 19. Euseb. lib. 1. de dem. c. 10. Cyril. lib. de adorat. in spiritu & verit. Chrys. in Psa. 95. Aug. lib. 1. cōt. aduers. leg. c. 8. & lib. 18. de ciuit. c. 35. Damas. lib. 4. de fid. orthod. c. 14. Theod. Malac. 1. Quod si aliquādo sacrificium nostrū, oblatio precū à veteribus dicta est, nō est ad tollendam proprietatē externi sacrificij, quā semper confirmāt, & ratam haberi volunt: sed ad significandū, quod eulogia, benedictione & prece mystica, hoc est certa verborum forma, nostrū sacrificium perficitur: cū nō habeat crassam & carnalē, cruentamq; consecrationē, aut immolationem, sicut vīctimę Iudaicę, sed mysticā & in mysterio. de qua ratione dicendi, dictū est à nobis, cū de formis omniū sacramentorum generaliter disputauimus. Comparationem eandem inter Iudeos & Christianos, secundū sacrificij diuersitatem proposuit D. Paulus Heb. 13. cū altare nostrum, thysiasteriū sacrificatoriū, opponit Iudæorū tabernaculo: habemus, inquit altare, de quo nō habent potestātē edere, qui tabernaculo deferuiunt. cū autem liceret Iudæis credere in Christū, & interiora cordis sacrificia colere: certē altare vocat in quo per cōsecrationem, corpus Christi offertur. Sed plenior est comparatio illa Pauli 1. Corint. 10. inter status tres, duorū fidelium, tertij prophani, in analogia sacrificiorū: vt constet nostrum sacrificiū semper veris & propriis sacrificiis cōparari. Prima cōparatio est cū hostiis Iudaicis, in effectu, cū ait, videte Israel secundū carnem: nonne, qui edunt hostias, participes sunt altaris? sic vicissim de nostro sacrificio, panis quē frangimus, nonne participatio corporis Dñi est? altera cōparatio cum infidelibus, cū inquit, fugite à cultura, hoc est sacrificio idolorū: & reddens eius rei rationē, calix, inquit, cui benedicimus, nonne est cōmunicatio sanguinis Dñi? id est, habemus alterum sacrificiū, latrē demonum repugnans. cū enim sacrificiū perceptum faciat hominē participem eius, cui sacrificatur, absurdū est, vt idē diabolo & Deo sociatus sit sacrificio. Tandē concludit exactiorem comparationē his verbis, [quæ immolant gentes, demoniis immolant, & non Deo. nolo fieri vos participes demoniorū. non potestis calicem Dñi bibere, & calicem demoniorū. nō potestis mensā Dñi participes esse, & demoniorū mensā.] in quibus calicem ca-

lici, mensam mensæ, participationē participationi, immolationē immolationi opponit: idq; tantū in Eucharistia, nō in alio religionis sacramento, vel officio. Ex his igitur cōstet, nullum esse statū populi Dei, in quo non sit sacerdos & sacrificiū, quod ex huiusmodi cōparationibus sanctę scripturę colligendū erat: dico autē proprium sacrificiū, externum & visibile. Idē confirmari potest ex D. Aug. lib. 10. de ciuit. c. 21. nisi enim sacrificiū esset adeo proprium diuini cultus & religionis, sancti homines & angeli nō tantopere refugerent sibi exhiberi, vt cōstat Act. 14. Apoc. 19. Neq; etiā superbi spiritus id tātopere expeterent, vt sibi diuinum honorē vendicent. imō, quod est in hoc argumēto valdē obseruandū, hæreticorū & infidelium gentilium opera effecerunt aliquando, vt in ipsa Eucharistia sibi cultus exhiberetur ad modū sacrificij, ad vsurpationē scilicet eius cultus, quē in hoc sacramēto Christiani Deo exhibent. sic teste Iustino apol. 2. in Mithrę mysteriis, nostri sacramenti cultus mimice demoni representabatur. sic Peputiani & Cataphrygæ apud Aug. hær. 26. & 28. & Epiphaniū hær. 49. cōficiunt Eucharistiam ex sanguine, quē minutis punctationibus de infantū corporibus exprimunt: & hoc inquit Epiph. ad apparatū sacrificij. Artotyritę cū pane dñico caseum offerebāt, quali ad sacrificium pertinentem. scēdiora sunt, quæ Manichæi, & Ophytæ, ad eandem rē exco-gitauerunt, quę narrauimus differentes de materia Eucharistię: vt cōstet, dæmonem, diuinitatis opinionē aucupātem, his superstitionibus ad se transferre voluisse cultum sacrificij Ecclesiastici in Eucharistia positū: quod religio etiam falsa sine sacrificio, neq; nomē ipsum retinere posset. Nostra verō tēpestas per hæreticos id potius vult dēmo efficere, vt omnis hic cultus sacrificij, omninō auferatur. cuius causam rectē expēdit Petrus Cluniacē. equalis Bernardi, in tractatu contra Petrobusianos, huius sacrificij primos ferē hostes: nempe vt Christiani, qui pluribus à Deo beneficiis affecti, ad sacrificij obsequium præ omnibus aliis maximē tenentur, sacrificiū tam ē religione explodāt, atq; ita nusquam sit hoc eximii seruitutis genus, si ab his contēnatur: cū apud Iudæos propter templum destructum, esse nō possit, & apud Sarracenos non sit: quia nulla sacrificio-

Exempla bonorum & malorum, hominū, & angelorum.

Comparationes Apostoli de nostro sacrificio.

Diaboli studium in auferendo nostro sacrificio.

Sacerdos, sacrificium, altare, solius Dei propria sunt.

rū præcepta à Mahometo acceperunt.neq; deniq; apud Paganos,apud quos ita naturæ lumen extinctū est, vt vix Deum esse cognoscant. Cōstat igitur ex his, in omni populo Dei,esse necessariò coniuncta cū lege,sacerdotem,sacrificiū, altare,quod est sacrificatorium:& quia pertinent ad cultum Dei, quē latrām dicimus,ad professionem supremi dominij,creationis,conseruationis,& redēptionis,iure soli Deo sacrificari posse, & illi erigi altaria: licet aliquando adiungatur, martyrū,& beatorum grata recordatio, in

quibus gloria & triūphus supremi sacrificij crucis maximè conspicitur. vnde nec sacerdos dicere solet, offero tibi sacrificiū Petre, vel Paule, sed Deo de illorum victoriis gratias agens, eorū patrocinia implorat, vt ipsi pro nobis intercedere dignētur in celis, quorū memoriā facimus in terris:vt inquit cōcil. Trid.sess.22.c.3.& can.5.si quis,inquit, dixerit imposturā esse celebrare missas in honorem sanctorū,& pro illorum intercessionē apud Deum obtinenda,sicut Ecclesia intendit,anathema sit.

C A P V T IIII.

In nouo testamento Christus Dominus est principalis & primus sacerdos, qui seipsum immolauit, & nouum testamentum condidit.



X his quę posita sunt, deinceps esse in Ecclesia Christi verū & proprium sacrificiū, externum & aspectabile, & quodnā illud sit, & quę effecta, ostendendū est. Sit igitur hæc prima nostra sentētia, necesse est sacerdotē Christum perfecisse propriū noui test. sacrificiū, quo seipsum immolaret, & idē nouum testamentū sanciret. Christum esse sacerdotē præfinitum à Deo, & non tā in vita sua factum, quā planē natū, expressum est Psal. 109. his verbis: Tu es sacerdos in eternū, secundum ordinem Melchisedech, hoc est, nō in ordine Aaronico, qui in lege institutus est, sed in eterno illo Melchisedech, cui & ipse ordo sacerdotalis in tribu Leuitica institutus, decimas in Abrahamo obtulit, ab eo, vt maiore benedictionē accipiens: vt expēdit exactissimè D.Paul.Heb.7. Voluit autē Deus, Christum sacerdotē redimere genus humanum à peccato, nō alio opere, cū plurimis posset, quòd essent singula infiniti valoris & pretij, quā sacerdotali. Cū autē plurima sint sacerdotalia munera, vt orare, docere, diuina, iudicare de pertinentibus ad salutē, sacramēta administrare, sacrificare, vt constat ex Leuit. Agæi & Malach.2. Deuter.17. Heb.5. & hæc Christus per se ipsum cumulatissimè præstiterit: solo tamē sacrificio crucis redemptionem nostrā perfecit. sic, cū cetera perfecisset, adhuc tamen coarctabatur Luc.12. donec perficeret illud aliud, in quo vno positū erat munus propriū sacerdotis, & nostra redēptio. sic etiam loquitur cū Patre Psa.39. veluti pacificēs de hac summa volūtate, per

D. Th. 3. p. 7. 22.

Christus in alio ordine quā Leuitico sacerdos.

Sacerdotis varia munera.

Proprium munus, est sacrificium.

sacrificiū implenda. Oblationē, inquit, & holocaustū, & pro peccato nō postulasti, ecce venio, in capite libri scriptū est de me, vt facerem voluntatē tuam, hoc est, vt me ipsum sacrificē. sic enim ad sacrificium nouū accommodat D.Paul.Heb. 10. & idē propter hoc sacrificiū subiungit inenarrabili ratione, nō hominis mortalis, sed Spiritus sancti inunctione, præ omnibus participibus suis, iuristurandi sermone, secundū ordinem Melchisedech, eternū sacerdotem à Deo institutum. de quo certē est ille grandis sermo D.Pauli, & ininterpretabilis ad dicendū Heb.5. Deinde ex c.8. eiusdē ep. necessarium fuit huic sacerdoti habere aliquid, quod offerat: tali verò ac tanto sacerdoti excelsiori, & ad maximum religionis opus, quod vnquam extitit nato & vocato, nihil fuit in omnibus rebus creatis accommodatum & conueniens præter corpus ipsius: & idē cetera sacrificia hoc vno corporis sui & impleuisse & abrogasse, illis verbis eiusdē Psalm. 39. expressum est: hostiam & oblationem noluisse, corpus autem aptasti mihi. De qua re elegantissimè differens Eusebius lib.7. demonstr. Euang. capit. vltimo ostendit, qua ratione Deus Pater summo sacerdoti Christo aptauerit corpus sacrificabile, vt habeat Ecclesia rationalem hostiam pro brutis victimis: & quomodo hæc coaptatio humanitatis Christi ad sacrificium in capite libri descripta fuerit, quasi omnium mysteriorum maximum. Vnde August. lib.4. de Trinit. c.14. quis, inquit, tā iustus & sanctus sacerdos, quā vnicus filius Dei? quid tā congruenter offerretur pro hominibus, & ab hominibus,

Victima Christo sacrificanti congruens, tantum est corpus ipsius, vt ea in-stissimè genus humanum redimi posset.

De sacrificio noui testam.

bus, quā humana caro? & quid tam aptum huic immolationi, quā caro mortaliū? quid tam mundū pro vitis mortaliū, quā caro nata ex vtero virginali? & quid tā grate offerri & suscipi potest, quā caro sacrificij nostri, corpus effectū sacerdotis nostri. Cogitemus igitur, quāta sit hec sapientia Dei, qualē legem, quā excelsum sacerdotē, quā mundam, dignam, & in seipsa infinitē placentem Deo hostiam habeamus: cuius sola signa in veteri & naturę lege ita Deo placuerunt, vt ex eis, odorem suauitatis odoratus esse dicatur, Gen. 8. certē, qui respexit ad Abel & muñera eius, quomodo non respiciet in faciem Christi sui, cuius ipsa persona per se in carne humana sacrificata est, suprà quam dici potest grata, eadem hostia & sacerdos existēs? Vnde sunt illa Ephes. 5. Christus dilexit nos, & tradidit semetipsum pro nobis, oblationē & hostiā Deo in odorē suauitatis, & Heb. 9. Christus autem assistens pontifex futurorū bonorum per amplius & perfectius taber-

na culum, non manu factum, id est, nō huius creationis, sed per proprium sanguinem, introiuit semel in sancta, eterna redēptione inuēta. si enim sanguis hircorū & taurorū & c. in vitukē aspersus, inquinatos sanctificat ad emundationem carnis: quāto magis sanguis Christi, qui per spiritū sanctū semetipsum obtulit, immaculatū Deo, emundabit cōscientiam nostrā ab operibus mortuis, ad seruientiam Deo viuenti? Effectum est igitur, Christum à Deo summum sacerdotem institutum, vt suo sacrificio redimeret, & mundaret genus humanū à peccatis iustissimē: & ideo huic muneri non potuisse aliam victimam congruētem accommodari, nisi corpus ipsius, quod cum esset Dei & hominis, & & mori potuit, & ea moris sponte pro peccatis oblata, infinitē Deo placere, vt principio huius 3. p. Theologiæ ostensum est. quomodo autem in sacrificio Christi, nouū testamentum sancitum sit, secunda conclusionē statim constabit.

C A P V T V.

¶ De sacrificio crucis, & Ecclesię, atque eorum distinctione.

Sacrificiū Christi ad redēptionem & ad cultū Ecclesię Christianę perpetuum. Illius sufficientis redēptionis effectum applicationem.



Ltera sententia de eodē sacrificio sit: hoc sacrificium Christi nō tantum debet redimere homines à seruitute peccati, sed etiam permanere in religione Christiana: illud in cruce, hoc in vltima cēna institutum est, vt illud vnicū sit, hoc verò permaneat in æternum in Ecclesia, & sępissimē repetatur. Prior pars huius sententię, de sacrificio Christi in cruce vnico, perfectissimo & sufficientissimo, & ideo non amplius repetendo, adeo expressa est, & cōfirmata à D. Paulo in ep. ad Heb. c. 9. vt omninō extra cōtrouersiā posita sit. Intelligo autē in sacrificio crucis, non tantum rē oblatam Christum, sed etiā modum offerendi in propria specie, per verā & propriā, mortē, qua anima à corpore separatur. hoc igitur sacrificiū Christi per sanguinem impleuisse omnia sacrificia vetera, in qua nulla fuit sine sanguine mundatio, cū ostendisset D. Paul. eod. c. cōcludit, Christū per hoc sacrificiū, non introisse in sancta manufacta, vt veteres sacerdotes, sed in ipsum cælum: neq; vt sępē offerat semetipsum, quemadmodū Pontifex intrat in sancta per singulos annos in sanguine alieno: alioquin oportebat eum frequenter pati ab origine mūdi

nunc autē semel in consummatione sęculorū, ad destructionē peccati per hostiam suā apparuit. & quemadmodū statutum est hominibus semel mori, post hoc autē iudiciū: sic & Christus semel oblatus est ad multorū exhaurienda peccata: secundō sine peccato apparebit expectātibus se in salutē. Et c. 10. omnis, inquit, sacerdos presto est quotidie ministrās, & easdē sępē offerens hostias, quę nunquā possunt auferre peccata: hic autem vnā pro peccatis offerens hostiā in sempiternū sedet in dextera Dei: de cetero expectās, donec ponātur inimici eius scabellū pedum eius. vna enim oblatione consummauit in sempiternū sanctificatos. sentire autē Paulū de sacrificio Christi in propria specie per mortē, cōstat apertissimē, cū eum apellet sacrificium in sanguine, eisdem capitibus 9. & 10. Eiusdē rei est altera ex D. Paulo collecta demonstratio: quia sacrificium consummatium nō potest nec debet eodē modo repeti: cū nō sit ad vllius alterius pręstatiōis recordationē, sed ipso actionis genere in se absolutū & perfectum, redēptionis opus plenissimē absoluēs: at sacrificiū Christi in cruce consummatiuū fuit omnium aliorū: non debet igitur eodem modo repeti: itaq; non solū, quia Christus resurgens ex mortuis

tuis iam non moritur, sacrificium crucis iterari & repeti non debet: sed etiam quod ex propria ratione sit consummationem, perfectum & absolutum, id significauit D. Paul. Heb. 7. ad finem, his verbis: lex enim homines constituit sacerdotes infirmitatem habentes, sermo autem iurisiurandi, qui post legem est, filium in eternum perfectum. sic enim reddit rationem, cur semel tantum seipsum obtulerit per mortem. Posterior per eiusdem sententiam & conclusionem, quod in ultima cena sit nostre religionis proprium sacrificium institutum, quod eternum in Ecclesia Christi debeat permanere, non significat esse duo sacrificia distincta ratione rei oblatae, vnum in cruce, alterum in cena, cum utroque eadem omnino res Christus Dominus offeratur: sed in modo offerendi esse distincta. ibi enim oblatus est in propria specie & mortali, hic offertur in aliena immortalis, & impassibilis existens: non solum, ut in sacramento, sed ut est in se: ibi ad mortem, hic ad mortis gratissimam recordationem, ibi ad meritum, satisfactionem & redemptionem sufficientissimam: hic ad efficaciam, participationem & applicationem eorundem. Itaque haec tria sacrificia Christi, in cruce, in cenaculo, in Ecclesia sacerdotum ministerio, in re oblata, in principali offerente, in ordine offerentis Melchisedeciano conueniunt: in modo autem offerendi aliisque accidentibus differunt, & est aliquid singulorum proprium. Constitat enim re oblata esse Christum, principale offerentem eundem esse, per se quidem, & immediate in cena, & cruce, ministerio autem sacerdotum in Ecclesia: sed in ea, impassibilis Christus in se, & modo sacramentali offertur, qui tamen in cenaculo oblatus est passibilis & mortalis in se, licet modo sacramentali impassibilis, ut supra cum differere de existentia sacramentali explicatum est, quod autem secundum eundem ordinem Melchisedecianum, ex hac distinctione constabit. In ordine sacerdotali est vocatio, institutio, consecratio, & quasi character & potestas, & est materia ad exercitationem eiusdem potestatis. in ordine autem Melchisedec est expressa vocatio & unctio Christi, per quam accepit, ut homo, huius sacerdotij potestatem, dicente Deo Patre, tu es sacerdos in eternum secundum ordinem Melchisedec: est materia in qua exercetur hic ordo, panis & vinum, in quibus tantum legitur sacrificium Melchisedec. Ex hac huius ordinis vocatione colligit D. Paul. Heb. 7. huius sacer-

dotij antiquitatem, perfectionem & consummationem, stabilitatem & immutabilitatem. Antiquitatem quidem, quia Melchisedec in sancta scriptura describitur sine patre & sine matre, neque initium dierum, neque finem vitae habens, manens sacerdos in eternum: perfectionem vero, quia benedixit Abraham, in quo erat Leuiticus & Aaronicus ordo, & ab illo decimas accepit: sine vlla autem contradictione, quod minus est a meliore benedicatur. Perfectionem etiam illa ostendunt, quod sacerdotium Leuiticum, ut infirmum & imperfectum cedit Melchisedeciano, reprobatio, inquit, sit praecedentis mandati propter infirmitatem eius & inutilitatem: nihil enim ad perfectum adduxit lex, introductio vero melioris spei, per quam proximamus ad Deum. si enim consummatio per sacerdotium Leuiticum erat, populus enim sub ipso legem accipit, quid adhuc necessarium fuit secundum ordinem Melchisedec, alium surgere sacerdotem, & non secundum ordinem Aaron dici? est autem Dominus ortus ex tribu Iudae, in qua nihil Moyses de sacerdotibus locutus est. Stabilitas denique & immutabilitas eiusdem sacerdotij colligitur, quia cum sacerdos Christus maneat in eternum, sempiternum, stabile & immutabile habeat sacerdotium necesse est, ne sacerdos sine sacerdotio esse dicatur. Afferimus igitur Christum sacerdotem secundum ordinem Melchisedec, non solum impleuisse huius sui ordinis, sed etiam ordinis Aaronici & cuiuscunque alterius ordinis omnia sacrificia figuratiua, licet non semper sacrificauerit in materia propria illius ordinis, ne per panem & vinum. Sic Christus in cruce impleuit omnia sacrificia cruenta Aaronica, sed non vocatione, aut deputatione Aaronis, verum vocatione Patris secundum ordinem Melchisedec. Paulus enim aperte pronuntiat, consummationem non esse per Leuiticum, sed per Melchisedecianum ordinem: consummauit autem & impleuit omnia sacrificia veteris legis & naturae, siue essent cruenta, siue non essent, cum omnia essent umbram sui sacrificij absoluti, quod in cruce perfecit: consummauit igitur secundum ordinem Melchisedec etiam in cruce, licet materia huius ordinis fuerit panis & vinum. Sed in ordine, non solum ipsa materia, quae posterior est, sed multo magis & prius ipsa vocatio & potestas consideranda est: quare cum in suo ordine debuerit omnia consummare, & in cruce consummauerit, ut constat, in cruce etiam seipsum secundum ordinem

Sacrificium crucis, cenaculi, & Ecclesiae comparantur.

Omnia sacrificia consummauit Christus in ordine Melchisedec.

Ordo noster eiusdem perfectionis.

De sacrificio noui testam.

ordinem Melchisedec obtulisse fatendum est. Sed apertius concludamus: si Christus in potestate ordinis Melchisedec vocatur, ut consummet omnia sacrificia, & ut eternum permanens sacrificiū instituat, utrūq; erit Christi in eodem ordine: sed illud in cruce, hoc in cœna impleuit: in utroq; eadem res oblata, sed modus offerendi diuersus: illud independens, consummatium, & redemptium, hoc applicatiuum, & commemoratiuum alterius, & noui populi distinctiui, ut statim constabit. Asserimus etiam in propria materia eiusdem ordinis Melchisedeciani, impleuisse figuram Melchisedec: indignum enim esset, ut qui exactè cōpleuit omnes figuras positas in alieno, hoc est naturali & Aaronico ordine, vnā illustrissimam figuram, eamq; solam, in suo ordine, simili sacrificio nō impletet. Non potuit autem Melchisedec omnē materiam sacrificabilem à Christo vsurpatā imitari: quia non potuit nec debuit se neci ad sacrificium tradere: & ideo illud tantū præfigurauit ratione materiæ, quod in religio

ne perpetuò futurum esset, & continenter repetendum. Sic, ut veritas figurę omninò respondeat, non dubitamus affirmare Melchisedec, nō ordine primogeniturę, aut carnalis successiōis, sed speciali mandato & vocatione sacerdotē institutum, ut colligitur ex Epiph. heresi 55. eidē sancta scriptura proprium sacrificium tribuit in pane & vino ex institutione Dei: cū antea hoc genus sacrificij apud Patres non extiterit, & in lege naturæ cruenta ferē essent vniuersa, ad imitationem Abelis, potius quā Caini. Eundem summum sacerdotem, & eximium supra omnes alios, videtur sancta scriptura innuere, vocans sacerdotem Dei altissimi: cū hoc genere dicendi, soleat exprimere excellēs aliquod officiū circa filium Dei, respectu æterni Patris, qui nomine altissimi plerumq; exprimitur, ut Luc. 1. virtus altissimi, & filius altissimi, & propheta altissimi: ut intelligatur Melchisedecū aliquod peculiare officiū in mysterio gessisse, quod postea ab ipso filio Dei consummādum sit, erga æternum Patrem suum.

*Melchisedec,
quarationeum
bra Christi sa-
cerdotis.*

C A P V T VI.

¶ Sacrificium proprium & permanens religionis nostrę, in vltima cœna institutum est, non in cruce.

Explicauimus & ostēdimus Christum Dominum, omnia vëtera sacrificia in eodem ordine Melchisedec impleuisse: deinceps probanda est illa pars sententię propositę, hætenus explicata, quod in vltima cœna sit nostrę religionis proprium sacrificium institutum, non autem in cruce. Primò quidem, quia cū in omni religionis statu oporteat esse cum sacerdote coniunctum sacrificium, ut ex D. Paulo & ratione naturali ostensum est: & sacerdotes esse in religione Christiana, cū sit omnium, quę fuerunt, aut erunt perfectissima, necessarium sit: & Christum Apostolos instituisse in vltima cœna sacerdotes noui testamenti, semper credidit Ecclesia catholica ex illis verbis Domini, hoc facite in meam cōmemorationem, necessariò concluditur, abrogatis veteribus sacrificijs, & nō existente alia victima noui testamenti accommodata & congruēti, nisi carne & corpore Christi, ut colligit D. Paul. Heb. 10. ex illo Psal. 39. ho-

stiā & oblationem noluiſti, corpus autē ap-
tasti mihi: vel esse sacrificiū noui testamēti
propriū, quod in cruce perfecit Christus,
vel quod in vltima cœna in figura panis &
vini, quia utrobique Christi caro realiter cō-
tinetur, ut suo loco ostendimus: sed nō po-
test esse nostrę religionis permanēs & pro-
priū crucis sacrificiū: erit igitur, quod in
vltima cœna institutū est in pane & vino:
cū alibi non sit vera Christi caro, quę sola
in religione Christiana sacrificari potest &
debet. huius argumentationis vis ex assū-
ptione pendet: & in ea à nobis dissident om-
nes aduersarij, siue Lutherani, siue Sacra-
mentarij, statuentes sacrificiū crucis, nostrę
religionis propriū & vnicū, quoddā amplius
repetendum non sit: quia cū caro Christi
tantū sit sacrificabilis in nouo testamen-
to, & eā in Eucharistia per se existere ne-
gent, licet Lutherani in ipsa sumptione
existere concedāt, retinētes positionē hęc
falsam, negant in Eucharistia esse posse sa-
crificium, quia neque volunt esse in ea ve-
ram & realem carnem Christi: nos autem
quod

quod semper docuit Ecclesia catholica, vt carnē Christi in Eucharistia retinemus, sic etiā sacrificiū, & hoc esse propriū nostræ religionis, non autē illud crucis: hoc est, licet illud crucis fuerit absolutum & perfectissimū, in quod tanquā in veritatē vetera omnia terminata sint, & nostrum in figura panis & vini referatur: illud tamen nō debet permanere & repeti in religione nostra, quæ sine sacrificio existere non potest, vt ostendimus: quia iterum Christus post resurrectionem pati non potest Rom. 6. sed alterum in figura panis & vini, eandē carnem Christi continens impassibilem in se, & in modo existendi, vt ita sit eadem res oblata, caro Christi, sed offerendi & sacrifici cādi modus diuersus sit. quare si caro Christi passibiliter sacrificari non potest, vt in cruce, restat, vt sacrificetur impassibiliter in sacramento Eucharistiæ: & idē hęc verē sit proprium nostræ religionis sacrificiū, in vltima cœna Domini institutum, quæ est nostræ assumptionis firmissima confirmatio. Secundo idem confirmatur, quia sacrificium, quod constituit & distinguit statū Ecclesiæ, propriūq; est noui testamenti, est ritus à Deo præceptus Ecclesiæ, alioquin non posset ipsam extrinsecus distinguere, quod est de ratione ritus & sacrificij propriè sumptis: sed sacrificium crucis soli Christo, non autem Ecclesiæ præceptum est: legis ergo nouæ cultus in eo non collocatur. sic D. Aug. lib. 20. cōt. Faust. c. 21. sacrificiū Ecclesiæ appellat ritum in manifestatione noui testamenti præceptū pertinentem ad illum cultum, qui latria dicitur, & vni Deo debetur. Tertiō, immutabilitas & eternitas nouæ legis, nō ab alio quā à sacerdotio eterno dependet: sacerdotij verō eternitas & immutabilitas ne intelligi quidē potest sine proprio actu, hoc est sacrificio, eoq; æterno ac non reprobabili mandato, sicut mandātū vetus Heb. 7. dicitur esse reprobatum propter infirmitatem & imperfectionem: actus verō sacerdotij Christi in cruce non fuit æternus: ergo eternitas nostræ legis in ipso crucis sacrificio constitui nō potest, licet ab eo efficiatur. Sacrificiū enim Christi in cruce, causa fuit instituendi nouū cultū, quo lex à lege distingueretur, cū omnia vetera sacrificia impleuerit & antiquauerit: sed non fuit ipsa ratio & forma distinctionis externæ, vel constitutionis vllius peculiaris testamenti, & noui status Ecclesiæ: cū

nō possit sensibiliter in ipsa Ecclesia, vt for male & externū distinctiuum permanere. qua ratione sepē asserunt Patres, vetera sacrificia mutata esse, nō in sacrificiū crucis, quamuis illorū veritas & complementum sit, sed in sacrificiū Ecclesiæ, vt sicut illa veterem populū distinguebant, & in suo statu constituebant sensibiliter, sic nouum populum distinguat & constituat, non sacrificium crucis, sed Ecclesiæ visibile in figura panis & vini. itaq; neq; sacrificiū crucis veteribus, vt formaliter distinctiuum religionis successit, neq; nostrum Ecclesiæ sacrificio crucis succedit, sed ab illo & priora illa, & hoc vnum posterius dependent, & illius virtutem & sufficientiam applicant his, pro quibus offeruntur. & idcirco D. Paulus cū ex translatione sacerdotij, mutationem legis concludit, non tam peculiariter respicit illū vnicum actum sacerdotalem Christi, in cruce peractū, quā totum officium nostri sacerdotij & ipsius, incepti in Christo, & per eū, nouum cultum & æternū nou. legi congruentē constituentis. sic D. Aug. li. 17. de ciu. c. 20. mensa, inquit, quam sacerdos nou. test. exhibet, de corpore ac sanguine suo est. id est enim sacrificiū, quod succedit omnibus sacrificiis, quæ immolabantur in vmbra futuri. propter quod etiam agnoscimus vocem illam in Psalm. 39. eiusdē mediatoris, corpus autē aptasti mihi: quia pro illis omnibus sacrificiis & oblationibus corpus eius offertur, & participantibus ministratur. non solum igitur ad crucem, sed etiam ad mensam coaptatur corpus Christi pro reliquis sacrificiis: vnde idem Aug. lib. 1. contr. aduersar. leg. cap. 18. vetera, inquit, sacrificia erant vmbre sacrificij Ecclesiæ. de eadem re Damas. lib. 4. de fid. c. 14. Isidor. lib. 1. de offic. c. 17. Chrysost. hom. 83. in Matth. in illis verbis Domini ad Apostolos, [hoc facite] & nouum institutum sacrificium, & vetus phasē abrogatū, quasi dicat, hoc quod sacrificauī, vos deinceps sacrificate, & nihil præterea. Sed omnium maximē D. Leo serm. 8. de passione, nunc, inquit, carnaliū sacrificiorum varietate cessante, omnes differentias hostiarum vna corporis & sanguinis tui implet oblatio: & sicut vnum est pro omni victima sacrificium, ita nunc vnum de omni gente fit regnum. idem confirmat Melchisedec sacrificium, quod ratione materiæ magis adumbravit Ecclesiæ, quā crucis sacrificium.

*Sacrificiū crucis veteribus successit, vt con-
summatum: sacrificium missæ, vt noui populi
& Ecclesiæ formaliter distinctiuum.*

De sacrificio noui testam.

Cyprianus etiam serm. de cœna Domini tradit, carnem dominicam, ita fuisse in sacramentum & hostiam conficiendam, vt non sectione, aut comestione, aut alia imminutione deficiat: quò modo Capharnai tē in manducando Domino conceperunt: sed sic præparandam, vt semper offeratur, & nunquam deficiat, ne non esset satis ad totum orbem Christianum, pro victima religionis suæ: qua sublata, aut consumpta, nulla esset futura religio. quibus verbis efficitur, religionem Christianorū, eiusq; æternitatem esse constitutam formaliter in victima ecclesiæ & altaris sensibili & manifesta, in figura panis & vini, non sic autem in cruce, sed sicut in causa & Origine. Chrysost. ad Hebr. 9. inquit, hostiam nostram, quam Ecclesia offert, esse inconsumptibilem. & Emiss. hom. 5. de Pascha, vocat perpetuò currentem redemptionem, perpetuam oblationem, & perennem victimā. omnes etiā Græci & Latini interpretantes

illud, Tu es sacerdos in æternum secundū ordinem Melchisedec, asserunt hanc æternitatem constitui, non solum in æternitate personæ Christi, quòd semper viuat, & interpellat pro nobis, sed quòd fungatur per ministros & vicarios suos quotidiano ac perpetuo sacerdotio in sacrificio Ecclesiæ, habeatq; in noua lege æterni sacerdotij æternam victimam. vnde Lactant. lib. 4. institut. c. 14. præclare scripsit, I E S V M sacerdotem confecisse sibi templum magnum & æternum, hoc est Ecclesiam, in quo, inquit, templo æternum sacerdotium habeat necesse est secundum ordinem Melchisedec. & Arnob. ad eundem locum Psal. 109. per mysterium, inquit, panis & vini factus est sacerdos in æternū: & ad illud Psal. 110. Memor erit in sæculum testamenti sui: & ad proximum versum, mandata eius confirmata in sæculum sæculi, dicit, hoc est testamentum æternum confirmatum, per quod dedit escam corporis timentibus se.

C A P V T VII.

¶ Nouum testamentum in vltima cœna sancitum.

His, si rectè expendatur, efficitur planè, in cœna Domini esse institutum nouū testamentum. est enim in sancta scriptura testamentum Dei, pactum & fœdus cum hominibus sancitum, de reddenda illis salute & vita æterna, si præceptis eius obtemperauerint. id autè olim factū est sanguine pecoris oblato, & super populū, & sanctuariū Dei asperso, vt inquit D. Paulus Hebr. 9. sed in figuram sanguinis Christi, cuius vi placuit Deo illud antiquum testamentum, de quorū distinctione alibi disseruimus. sancitur autem sanguine in populū asperso, vt animorum paciscentis populi cōcordia, & mutua cum Deo consensio significetur: quatenus ex sacrificij Deo à populo oblato, & idè Dei proprij, speciali quodammodo effecti, sanguine, cōspersio illa facta est, & in sanguine est vita & anima, atque idè in sanguinis conspersione, idè vitæ & animæ participatione, communicatio populi, & cū Deo cōsensio significatur. quæ consuetudo sancienti fœdera etiam apud gentes inualuit: & hodie contractus confir-

mantur, cū ipsi contrahentes communi cibo & potu reficiuntur. Christus autem in vltima cœna corpore & sanguine proprio Patri oblato pro nostra salute, & in cibum & potum Apostolis pro tota Ecclesia exhibitò, perfecit & consummauit intimam illam animorū cū seipso vero Deo & homine coniunctionem: in qua posita est noui testamenti essentia: & idè in hac vltima cœna nouum testamentum sancitum & institutum est. Idem expressè confirmant illa verba Domini 1. Cor. 11. hic calix nouum testamētum est in meo sanguine: quæ etiam referuntur Luc. 22. Matthæus autem c. 26. hic est sanguis meus noui testamenti: vnde Ecclesia, calix sanguinis noui & æterni testamenti. his enim omnibus significatur sacrificium externum & proprium noui testamenti in sanguine immolato mysticè, idè in figura vini, constitutū esse à Domino: vt sicut se habuit sanguis taurorum & vitulorum ad vetus testamentum, & sicut illud confirmatum est per sanguinem sacrificij, quem Moses Exod. 24. accepit in craterem, vt eo conspergeret populum: ita & nouum testamentum per

*Regula secunda
de sensibus
sacra scriptura.*

hunc

hunc sanguinem sacrificij nostri primum dedicatum fuisse, vt sacramentaliter existens possit totum populum fidelem aspergere. Quæ omnia valde consentiunt inter se: illud enim sacrificium, cuius sanguine aspergebatur populus, fuit post datam legem primum sacrificium, & ideo peractū, vt in illo fœdus illud & testamētum veteris legis inter Deum & populum constitue retur. similiter per hoc sacrificium in ipso momento mutationis veteris fœderis, cū iam Christi passio currere incēpisset, sed peracta nō esset, sanguine immolato, Christus asperxit Apostolorum Ecclesiā, eamque in nouum populum Deo ob signauit. Congruunt etiam vtriusque testamenti cōdendi ritus: sicut enim vetus non est initū nisi solenni modo, adhibitis sacerdotibus, conuocato populo, presentibus ordinibus, euocatis inter Deū & hominem testibus, erecto altari, peracto sacrificio, sanguine in paterā sumpto, cū sine sanguine prius testamentum dedicatū non sit, Heb. 9. ita & nouū multò præstabiliori sanguine, & non dissimilibus ritibus dedicadū erat. Id vero alibi quā in cœna sanciri non potuit. ibi enim cum legiflator nouus adhuc liber esset, suiq; iuris, & haberet potestatem conuocandi suos, adhibendi testes, constituen di hæredes & vicarios, suamque voluntatē declarandi coram Ecclesia, quæ in Apostolorum personis in grandi cœnaculo conue nerat, tunc instituit testamentum legemq; æternam: non in cruce, vbi extrinsecus nō gerebat personam publicam, non sacerdotis externi, non promulgātis legem, non patrisfamilias, non denique mandantis aut præcipientis, sed nouissimi hominum, à Deo & ab hominibus, suis ipsisque testa menti heredibus quasi deserti ac derelicti, ad quem iam tum nemo suorum. vel vocatus accedere auderet. quamobrem non docet D. Paulus nouum testamentum initum morte Christi, sed confirmatum esse, roburque accepisse: vt sicut homines prius faciunt testamentum, tum moriūtur, deinde post mortem incipit valere testamentum: ita in testamento Christi accidisse intelligendum est. congruunt etiam ipsæ verborum formulæ, vt ad vetera Mosis verba Dominum alluisse, manifestum sit. dixit illi referēte D. Paulo, hic est sanguis testamenti, quod mandauit ad vos Deus: inquit similiter Dominus, hic est sanguis no-

*Nouum testa-
mentum Chri-
sti morte con-
firmatū, sed in
cœna initum,
& dicatum.*

ui testamenti, alludens ad solennem formā condendi testamenti per sanguinē fūsum pecoris. Ratio in promptu est, quare nō dixerit ad priorem speciem, hoc est corpus noui testamenti, sicut ad calicem: quia pactum non est initum inter Deū & homines olim in dedicatione corporis victimæ, sed in eiusdem victimæ exhausto sanguine: & ita repetitur similiter in forma calicis, non vt aduersarij fingunt, propter futuram sanguinis effusionem, sed propter tunc in cœna peractum sacrificiū & immolatum sanguinem: sicut Moses dedicauit vetus testamentum in sanguine fuso victimæ prius immolatæ. idem confirmant Græca exemplaria, quæ in Euangelistis non habent de sanguine, qui effundetur, sed qui effunditur. Tunc igitur sanguis sacrificatus effusus est, & Apostolis, cum biberent, magis intimè aspersus, quàm olim sanguis vituli in dedicatione veteris testamenti, in populū aspersus est. Cætera omnia adhibita ad eādem dedicationem admirabiliter consentiunt cum his, quæ in cœna Domini gesta legimus. Videmus namque respondentem ministrum ministro, tabernaculum tabernaculo, sancta sanctis, vmbra i magini, figuram veritatē, exemplaria cælestium ipsis cælestibus, inutiores hostias melioribus hostiis, sanguinem sanguini, asperfusionem asperfioni, mundiciem carnalem mundiciei conscientia, veteres promissiones melioribus promissionibus, & alia similia: quæ D. Paulus accuratè persequitur, in illo annuo expiationis sacrificio, quod in exemplum totius Christi propitiatoris actionis proposuit Hebræo. 13. in illo enim ritu hæc omnia fuisse legimus: primum, victima per consecrationem Deo dicanda & morti addicta, aded vt post illam dedicationem, non potuerit de mortis obligatione eximi, sicut scriptum est, Leuit. 27. omnis consecratio, quæ offertur ab homine, non redimetur, sed morte morietur. Secundò, victima offerebatur ad ostium tabernaculi. Tertiò, sanguis inferebatur à Pontifice intra velum tabernaculi secretioris. Quartò, intra & extra omnia vasa sacra, & sacrificiorum instrumenta, populi immunditiis inquinata, sanguis aspergeretur. Quintò, vt reliquus sanguis non acceptus in calicem efflueret ad cornū altaris: tandemque corpus victimæ extra castra deportaretur. Cū autem hoc vltimum, Paulo autore Heb. 13.

Hebr. 9.

Leuit. 16.

De sacrificio noui testam.

impletum sit, dum Christus extra castra patitur, & dū sanguis ex pūctura lateris effluxit in terrā ad cornu crucis, oportet reliqua

omnia ante deportationem per aliquā functionem sacerdotalem & propitiatoriā impleri, quę nisi in cēna esse non potuit.

C A P V T V I I I.

¶ Comparationes veteris & noui testamenti ad idem confirmandum.

Comparatio rituum veteris & noui testamenti cum primo sancita sunt.



Isch. sepel. & in Leuit. Nyss. in vita Moyss.

Eisdem autem.

Consideremus igitur illa omnia partitē & distinctē. Primum igitur, ostium tabernaculi est illud grande cœnaculum vel Ecclesia, in qua se prius obtulit, & solenni cœremonia se primo in mortē consecrauit. quo tēpore videtur dictum illud fuisse Ioā. 17. Ego pro eis sanctifico meipsum. consentit & illud Prouerb. 9. sapientia edificauit sibi domum in sacrificium, & non sub dio, vt in cruce, & in ea domo parauit sibi mensam, immolauit victimas, & miscuit vinum suum. Tabernaculum etiam, quod fixit Deus & non homo Exo. 15. est corpus Christi, & sanctuariū, quod firmauerunt manus eius, & habitaculum quod operatus est Dominus: & Sap. 9. tabernaculum præparatum ab initio, quod Psalm. 131. dicitur arca sanctificationis: & ab Apostolo videtur exprimi, vt multis placeat, nomine cœli & cœlestium, cum ait, Pontificem nostrum per semetipsum ingressum esse semel in cælum, seu in sancta non manufacta, æterna redemptione inuenta: sicut alter Pontifex semel quotannis in sancta sanctorum, quæ erant exemplaria horum verorum, hoc est ipsius corporis Christi, & non vulgarium cælorum. quod proculdubio corporis Christi tabernaculum, ostensum est Moyse in monte: cū ad eius, & non communium cælōrum exemplar & similitudinem, omnia facere iuberetur. Sit ergo secundō, interius tabernaculum, verum cælum ac cœlestia continens, corpus Christi, quod intrauit noster Pontifex in diebus carnis suæ cum pontificali interpellatione: in qua exauditus est pro sua reuerentia, & cum seipsum comedendo & bibendo, in seipsum ingressus est, ineffabili opere sacrificiali sanctificans & emundans corpus suū, id est membra mystica tibi vnita vt verū sanctuariū, & hostia noui testamenti, quatenus satisfactionē su-

stinebat, nō à suis, sed ab immūditis filiorum Israel. simul autem corpora & corda discipulorū intelligibili sanguine, id est, vero & substantiali, sed mystico sub figura vini aspergit, tanquam summa noui testamenti ac sacrificij organa futura. Si autē ingressum Christi in cælum, quem D. Paulus tam studiosē comparat ingressui pōtificis in interius tabernaculum, accipiamus pro Ascensione Domini in cælum visibile, certē nec tempus quadrabit, nec impletus videbitur vllō ritu sacrificiali, vt oportuit: cū multō ante totū redemptionis opus, eiusque postremum actum, in eo quod extra portam, tanquā anathema eiectus est, consummauerit. quicquid autem erat sacerdotale muneris, in introitu cum sanguine in tabernaculum, si veritas figuræ respondere debet, implendum erat ante mortem ac sacrificium peractum in cruce. quia nequē in sepultura, neque in inferno, neque in resurrectione vel in ascensione, vel in ipso etiam cælo aliquid propriē sacerdotale effecit, nisi respectu nostri sacramenti, quod ipse per nostrum ministerium continuō efficit & offert. Ex hac igitur comparatione veteris sacrificij expiatorij, & nostri, constat in cēna vltima nouum testamentum dictum fuisse, & noui testamenti propriū sacrificium oblatum fuisse. idem etiam ex comparatione agni paschalis & nostri sacrificij constabit, vt cōstet omnia, quę in illo contigerunt, in sacrificio cēnæ impleta fuisse. illud enim fecit Moses vna nocte antequam exiret ex Ægypto, & populum à seruitute liberaret: hoc autē Christus vna nocte antequam populum suum in libertatem per mortem assereret: illud in vna domo, hoc similiter in domo: in vtroque asperio sanguinis, in vtroque religio transitus: illud æternum memoriale, hoc etiam in memoriam Christi. Vnde sic poteris cōcludere. Christus fecit transitionem primā à veteri lege in nouam, per nouum Pascha;

Comparatio agni paschalis, & cēnæ Domini.

*Nouū Pascha
in cena, & nō
santum in cru-
ce.*

1

2

Pascha: hoc autē prius fuit in cœna, quam in cruce: ergo ibi est constituta noua lex, nouus populus, nouum testamentum, nouum sacrificium & noui sacerdotes, cū hęc omnia necessario sint coniuncta, vt supra ostēdimus. quod autem Christus verē fuit Pascha in cenaculo pridie quā pateretur, contra aduersarios, qui illud tantum constituūt in cruce, omnis antiquitas docet. Tertul. lib. 4. contra Marc. illud Pascha, quod tantopere Dominus desiderabat māducare, antequā pateretur, suū esse inquit, nō Iudæorum, cū pecudis carnes non tantopere expetierit. Origenes ad c. 26. Matt. in grādi, inquit, cenaculo corporis sui fecit Pascha nouū cum suis discipulis. Isch. lib. 2. in Leuit. prius figuratam ouem cum discipulis suis, postea suū sacrificium fecit; & ibidē Christum arietem secundum appellat, vt D. August. ep. 86. contra Vrbicum pecus noui testamenti, & ouem. Beda in sacramento vitulum saginatum lib. 4. super Lucam, cap. vlti. Chrysost. ad illud Matth. 26. & accipiens calicē, si figura, inquit, in agno Paschali liberauit populū à seruitute Ægypti, multò magis hæc veritas liberauit orbem terrarum. quod igitur Pascha fuerit impletum in sacramento, & quod ibidem Pascha nostrū immolatus sit Christus, est fundamentum totius doctrinæ Christianæ, Tridentini Concilij decreto comprobātū, Sess. 22. c. 1. his verbis, celebrato veteri Pascha, quod in memoriā exitus de Ægypto multitudo filiorum Israel immolabat, nouum Pascha instituit seipsum ab Ecclesia per sacerdotes sub signis visibilibus immolandum, in memoriā transitus sui de hoc mundo ad Patrem, quando per sui sanguinis effusionem nos redemit, eripuitque de potestate tenebrarum, & in regnum suum transtulit. Vnde constat cōtestatissima Ecclesiæ veritas, in illa vna mensa, vetera & noua sibi mutū occurrisse, ibique nouum testamentum incepisse, planeque venisse

regnū, quod intra nos est. quo modo multi rectē exponūt illud, Luc. 22. ex hoc, non māducabo illud, donec impleatur in regno Dei, hoc est in Ecclesia: & de calice similiter, donec illud bibā nouum in regno Dei, hoc est in sacrificio noui testamenti: vt sic & agnus & calix vetus significantur impleri in sacramento protinus instituto, vbi nouum Pascha comeditur & bibitur in regno Dei, de quo Beda ad hunc Lucę locum c. 91. Ex quibus etiam eandem superiorē sententiā sic confirmare possumus: instituto nouo sacerdotio, per illud verbū, hoc facite, vt supra ostendimus, necesse est mutari testamentum, institui sacrificium, sine quo sacerdos esse non potest: sed in cœna instituti, & creati sunt noui sacerdotes, vt semper docuit Ecclesia catholica, & in Trident. Sess. 22. c. 1. definiuit: factum est ergo nouum sacrificium, quod Christus primus immolauit & aliis sacerdotibus institutis, similiter facere præcepit, & nouum testamentum per asperisionem sanguinis Christi sacramentalem dedicatum est. Idem, ordo Melchisedecianus sacrificij Christi sic cōcludit: oportebat Christum instituere sacrificium Ecclesiæ in illo genere rerum sensibilem, in quibus ille sacrificauit, qui figurauit eius æternum sacerdotium in nouo testamento, vt veritas figuræ respondeat: sed Melchisedec præfigurauit nostrum sacrificium in oblatione panis & vini: Christus igitur in cœna in panis & vini specie æternum noui testamenti sacrificium fecit, & instituit: hoc enim erat proprium sacrificium sui ordinis. licet etiam sacrificium crucis eiusdem ordinis fuerit, vt supra ostendimus, nec secundū ordinē Aaron vmquam sacrificauit: cuius sacrificium in æternum permanere non poterat, vt Christi permanet, nec ad aliā tribū, quā leuiticam pertinere: manifestum est autē Dominum ex tribu Iudæ ortum esse, vt cōcludit D. Paulus, Heb. 7.

C A P V T I X.

¶ *Missā nostrā est verē & propriē sacrificium.*



Ihis necessariò cōcluditur, Missam nostram esse verē & propriē sacrificium, non solum ad gratiarum actionem, & nudam mortis Christi cō-

memorationem, sed verē propitiatorium. Sacrificium esse, illa omnia concludunt, quæ hactenus effecerunt Christum in cœna illa consecrasse, & immolasse seipsum: quia sacerdotes, accepta consecrandi po-

Vv 2

testate

De sacrificio noui testam.

testate à Domino illis verbis, hoc facite in meam commemorationem, similiter consecrant, & Christum immolant: alioquin dicendum esset noui testamenti sacerdotes proprio carere sacrificio: aut legem nouam esse sine proprio sacrificio externo & publico, quod suprà fieri non posse ostensum est. Et quamuis facere Latinis, sit sacrificare, & in scriptura sic usurpetur, cum agitur de victimis & sacrificiis, ut facere Pascha, vitulum, hircum, Exod. 2. 12. Leuit. 23. hic tamen non id virgemus: sed potius quod iubentur Apostoli facere corpus immolatum, quod sine sacrificio fieri non potest. Illa autem commemoratio mortis Christi, non consistit in externa concionatoris prædicatione, ut volunt aduersarij, sed in ipsa operatione & confectione mysteriorum, per quam idem Christus, qui in cruce & cœna seipsum immolauit, à ministris sacerdotibus verè immolatur. Deinde, ipsa hostiæ maceratione sacrificium perficitur, ut ex præcedentibus constat: sed in Missa Christus, ex vi verborum sacramentalium macatur, cum ex vi illorū existat corpus sine sanguine, & ratione tantum concomitantia non separentur: Missa igitur verè & propriè sacrificiū est. Res enim contenta & immolata idem Christus est, modus immolandi diuersus, qui à Patribus dicitur cruentus & incruentus: cum vterque in Christum ut hominem cadere possit, ille in propria specie ante mortem, hic in aliena siue sacramentali ante mortem: & post mortem & resurrectionem. effecta etiam diuersa, illa enim prior immolatio fuit ad mortem veram & non mysticam, & ad promerendam remissionem, & satisfaciendum pro peccatis hominum, quorum spōte debitor fieri voluit Christus: hæc autem posterior immolatio est ad participationem & applicationem illius sufficientissimæ redemptionis & sanctificationis secundum efficaciam: & ideo illa infinita est, hæc finita. itaque crucis sacrificium præstitit generalem redemptionem, deponens sanguinem tanquam commune pretium, quod esset applicandum nobis per fidem, opera & sacramenta, line quorum aliquo mors ipsa Dñi nulli unquam actu applicauit pretiū, quod soluit. Sic sacrificium cœnæ non fuit superfluum, cum applicauerit eandem mortem Apostolis, quod ipsa mors Christi non fecit, & nostra sacrificia similiter applicat. Et certè, si illud

Sacrificiū cœnæ, quæ ratione idem & diuersum, modo & effectus, Trident. sess. 22. c. 2.

cœnæ sacrificium, solum fuisset factum ad institutionem sacrificij Ecclesiastici, & ut exemplo nos Dominus illo sacrificio præiret, quod in cruce secundum legem ordinariā, nec potuit, nec debuit fieri, inutile aut incongruum non fuisset. Potuisset quidem Christus redemisse omnes homines illo vno priori actu sacrificali in cœna, siue per sonam sacrificantem, siue rem sacrificatam consideres: per varietatem tamen modi sacrificandi, definiuit ac limitauit vim, vsum atque valorem rei: cum hæc Dei voluntate, non potentia constituta & definita sint. Vnde sicut vnus actus meritorius Christi non repugnabat alteri, aut respectu alteri erat insufficiens, vel superuacaneus, licet in singulis operibus infinite meruerit, propter varios modos merendi: sic multo minus ista duo sacrificia in Christo, vel plura alia per ministros sese impedire possunt. Hinc est, quod omnes sancti Patres Christum in Eucharistia verè & propriè immolari, & immolatum manducari affirmant. D. Leo serm. 7. de passione ostendit, quia ratione Dominum mortem suam præuenerit, per voluntariam oblationem in sacramento. Ilich. lib. 2. in Leuit. c. 8. macrationem in sacramento adeo aperte constituit, ut non vereatur dicere Christum seipsum occidisse, cum cenaret cum discipulis. sed omnium elegantissime Greg. Nyssenus, oratione 1. de resurrectione. his verbis, memento Dominici dicti, nullus tollit animam meam, sed ego pono eam à meipso. hoc mihi stet firmum, & questio de triduo mortis fuerit explicata. Nam qui omnia pro potestate atque autoritate administrat, non expectat ex prodizione necessitatē, vel Iudæos grassantes, vel Pilati iudicium iniquum, ut illorum hominum scelus ac malitia principium esset salutis nostræ: sed pro ineffabili arcanoque, & qui ab omnibus cerni nequit sacrificij modo, sua dispositione præoccupat impetum violentum: & sese oblationem offert pro nobis, simul sacerdos & agnus, qui tollit peccata mundi. Sed dices mihi, quando hoc accidit? tum cum corpus suum ad comedendum, & sanguinem familiaribus præbuit ad bibendum. Homo enim oue vesci non potest, nisi macratio præcesserit. qui igitur dedit discipulis suis corpus ad comedendum, aperte demonstrat, iam perfectam esse & absolutam agni immolationem. non enim ad edendum corpus animatum victimæ esset idoneum.

Patrum testimonia, quod Christus immoletur, & manducetur in Missa, & immolatus manducetur & sumatur

neum. Iam ergo latenter pro potestate sua inuisibiliter & ineffabiliter corpus immolatum erat, & anima illic erat, ubi eam potestas administrantis collocauerat. Sic inquit ille, non quod plane existimet Dominum tum fuisse verè inanimè & mortuū, sicut postea in cruce: sed ut ostendat hæc, quæ in mysterio sunt, non tantum per aliquam externam representationem aut ludicram similitudinem ac fictionem, ut sit in actionibus comicis, & in quibusdam etiam Ecclesiæ caeremoniis, cum passio Christi sacris quibusdam ritibus spectanda proponitur: sed alio altiori ac nobis inscrutabili modo, verè quoque ac realiter geri, ita ut non sit falsum dicere Christum mori, occidi, immolari, animam deponere, frangi & pati multa, ut inquit Chrysostomus. homil. 24. 1. Corinth. 10. in sacramento, quæ noluit pati in cruce. & D. Gregor. lib. 4. Dialogo. cap. 58. & homil. 37. in Euangelio. inquit, Dominum semel mortuum, tamen iterum pro nobis in hoc mysterio immolari & pati. Intelligamus igitur hanc mortem & immolationem Christi sacramentalem, ex vi verborum sacramentalium, per quam sanguis à corpore separatur, & utrumque ab anima, ut nisi esset eorundem, ratione concomitantæ, necessaria coniunctio, de qua suo loco dictum est, verissima esset mors per separationem animæ à corpore, & verissima sanguinis effusio: quæ omnia quia contingunt occultè sub specie panis & vini, dicitur hæc mors mystica siue in mysterio aut sacramento. Idem etiam confirmatur ex Patribus asserentibus idem esse hoc missæ sacrificium, atque illud crucis, quia idem sit corpus substantiale, & in cruce & in omnibus Missis: & hoc modo præoccupauerunt omnes obiectiones ex epistola ad Hebræos desumptas, de unico noui testamenti sacrificio, contra numerum & repetitionem vnus vel plurium hostiarum. Sic Chrysostomus. homil. 17. in eandem epistolam. hoc sacrificium, inquit, est exemplar illius. id ipsum enim semper offerimus, nec nunc quidem alium agnum, cras alium, sed eundem ipsum. proinde vnum est hoc sacrificium: alioquin quoniam in multis locis offertur, plures Christi essent. & inferius, non aliud sacrificium sicut Pontifex veteris legis, sed ipsum semper facimus, magis recordationem sacrificij operantes. sic ferè eisdem verbis, & eadem plane senten-

tia D. Ambrosii ad cap. 10. Hebræorum & Primasius D. Augustini discipulus ad cap. 9. sic scribit, Diuinitas verbi Dei, quæ ubique est, facit, ut non sint plura sacrificia, sed vnum, licet à pluribus offeratur: sitque vnum corpus, quod suscepit in utero virginali, & non multa corpora, ita etiam & vnum sacrificium, non diuersa, sicut Iudæorum erant. D. Gregor. homil. 57. in Euangelio. quoties passionis hostiam offerimus, toties passionem illius reparamus, & pro nobis iterum in mysterio patitur. Præterea omnia verba Dominica demonstrant Christi præsentiam in Eucharistia modo immolatio. Non enim dixit Dominus seipsum, aut Christum aut IESUM, aut naturam, aut humanitatem integritate sua perfectam, præsentem esse, vel exhiberi nobis in hoc sacramento: sed carnem, corpus & sanguinem, ut significaretur mactatum hominem & in partes diuisum ex vi verborum sacramentalium nobis proponi. idem confirmat usus & sumptio huius sacramenti, potus scilicet, & manducatio, quibus non esset homo subiectus, nisi prius suo quodam modo mactatus & immolatus existeret. quamobrem ad eum usum rectè duæ species panis & vini accommodatæ sunt, ut illa esset propria corporis ex vi verborum, hæc autem esset propria sanguinis, ad perfectam mactationis & mortis representationem. eandem immolationem ostendunt illa verba Domini, quod pro vobis datur, frangitur, quod pro vobis funditur in remissionem peccatorum, hoc est datur ut victima pro peccatis. ineptum est autem quod aduersarij asserunt his particulis certam Christi præsentiam exprimi: cum constet eandem similiter exprimi potuisse vocibus integram naturam significatibus: sed voluit Dominus non tantum præsentem significare, sed præsentem modo immolatio. Vnde Græcè in Paulo & Euangelistis semper in tempore præsentis dicitur, frangitur, traditur, datur, funditur in remissionem peccatorum: similiter in Clemente lib. 8. constituitur. Apostolus c. 17. in liturgiis etiam Chrysostomus, Basilij, Ambrosij. ineptum est etiam quod alij dicunt, dari & frangi, hoc loco pertinere ad distributionem factam Apostolis: cum non dicat Dominus, quod vobis datur, aut frangitur, sed pro vobis, & expressius de sanguine, fundi in remissionem peccatorum. Cum autem legitur in futuro, tradetur, fundetur, non significatur existentia tantum, sed conditio existen-

Mors & immolatio Christi in Missa, ut sit verum sacrificium.

De sacrificio noui testam.

tia, nempe modo immolatio, quo postri die morti tradendus erat. Potest etiam tempus siue præsens siue futurum indefinitè sumi, & ita verè dictum sit à Christo ante passionē, & verè dicatur ab Ecclesia post passionem, vt dicūt dialectici verba in propositionibus sciētificis absolui à tempore. Ecclesia in oratione secreta Vigilię Epiph. tribue inquit quæsumus, vt eum presentibus immolemus sacrificiis: & in ipso die, Respice Domine dona hæc, in quibus immolatur & sumitur Christus I E S V S Dominus noster. Consentienter his loquūtur Patres, vt prius diximus de Grego. Nyssē. Chryso. Gregorio Papa. & Paschasius, lib. de corp. & sang. Domini, cap. 18. ad hoc Dominum mactatum, vt eum comedamus. Cyril. Hierosol. mystag. 5. Christum, ait, pro peccatis in sacramento mactatum existere. Rabanus lib. 1. de institut. cler. c. 31. carnem agni immaculati mactatum distribui communicantibus. Ex quibus concludamus hoc modo, corpus Christi immolatum & mactatum in victimam, est terminus actionis sacrificialis: cum immolatum corpus nisi per immolationem fieri non possit, neque hostia nisi per sacrificium procedens: sed in hoc sacramento existit corpus Christi immolatum: ergo actio Missæ, per quam sic existit, est verum sacrificium. quænam autem sit huiusmodi actio, paulò post exactius. Nunc verò placet antiquitatis testimonia, quibus asserunt Missam esse verum & proprium sacrificium indicare. Concil. Nicen. Can. 14. Ephesinum in Epistola synodica Cyrilli ad Nestorium Chalcedonen. act. 3. in epist. contra Dioscorum. Constantinop. 6. Can. 28. & 32. synodus 7. act. 6. Concil. Lateranen. in c. firmiter de summa Trinit. Constantien. vbi damnat hæresim Vicleffi contra hoc sacrificium. Florentinum sess. vltima in decreto vnionis. Tridentinum, vbi tota hæc causa plenissimè definita est, Sess. 22. Can. 3. Apost. & Concilia Prouincialia, Neocessar. Can. 1. Laodicen. Can. 19. Carthaginem. 2. Can. 4. Carthag. 3. cap. 24. Carthag. 4. cap. 23. Tolétan. 1. cap. 5. Bracaren. 3. cap. 1. Agathen. cap. 14. Dionys. cap. 3. Eccles. Hierar. presbyteri Achaic. in passione Andree Apostoli. Ignat. ad Smyrnē. Martial. ad Burdegalen. Iustinus in Dialogo cū Tryphone circa medium. Iren. lib. 4. c. 31. & 34. Tert. de cultu foeminarum, & lib. 2. ad vxorē. Orig.

hom. 13. in Leui. Cyprian. ep. ad Cæcilium, & de Cœna Dñi, Athanas. q. 34. ad Antiochum. Euseb. lib. 1. demonstrat. c. 10. Nazian. oratione contra Iulianum. Chrys. hom. 26. in Matth. & lib. 6. de sacerdot. omnes Græci, ad 9. c. epist. ad Heb. Primasius & Ambro. & idem lib. 1. offi. cap. 48, & lib. 4. de sacramentis. Hieron. in epistolis ad Hebræos, & Euagrius. August. in Psalm. 33. Conc. 1. & aliis locis in numeris. Leo Magnus Epist. 8. vt alios recentiores omittam, & Hebræorum Rabbinos quos refert Rosenf. lib. de sacerdotio. Loqui autē hos omnes de proprio sacrificio, non de spiritali, quod ostendimus suprā cōmune esse omnium Christianorū, constat ex eo quod vocant vnicū, sacrificium etiā proprium noui testam. oppositū & comparatū pluralitati veterū sacrificiorū, cuius vnici sacrificij ratione, dicantur altaria, sacrificatoria, consecrata templa, consecrati & instituti speciales sacerdotes. addunt etiam alia epitheta, quæ non cadūt nisi in proprium sacrificiū, nouæ scilicet oblationis, incruentæ, hostiæ, victimæ viuificæ, salutaris, tremendæ, propitiatoræ. Denique nomen Missæ idem videtur confirmare. quamuis enim quibusdā idem esse videatur quod missio, & ita idē valere, ite, Missa est, atque ire licet, peracto scilicet sacrificio, verius tamen videtur nomen esse Hebræū, idem significans atq. sacrificiū: sic Deut. 16. vbi nos legimus oblationem spontaneā, Hebr. & in paraphrasi Chald. legitur Missah. Est autem nomen Missæ vsu Patrum & Conc. tritissimū. Sed ex illis epithetis, incruenti sacrificij appellatio, videtur diminuere aduersariis rationē proprii sacrificij, vt significet spirituale quandam oblationem non vera mactatione perfectā: sic autem dici etiam posse incruenta sacrificia, orationem, ieiunium, & alia pietatis opera: sed planè errant, etiā in ipsa propria vi verbi, incruentum enim anemacton priuatiuè dicitur, & ideo non quicquid sanguine vacat, sed quod preterea ex sua natura habere posset, qua ratione priuatio à negatione distinguitur. sic autē illud tantū dici potest incruentum, quod posset cruore perfundi, & ideo de corpore Christi, cum sit sanguineum, verè dicitur, cum tractatur & mactatur, ac si esset sine sanguine, quatenus sensibilibus non effunditur, etiam si sacramentaliter ex vi verborum sacramentalium effundatur, vt su-

Missæ notatio.

Ruard. ad ap. 16. Demou. li. 2. de Miss. c. 1. Garetins de Euchar. Can. lib. 12. de locis, c. 13. Titeles. ad Sess. 22. Conc. Trid.

Testimonia antiquitatis de sacrificio Ecclesiæ.

Sacrificium incruentum quod propriè dicatur

Inconsideratè
igitur quidam
vocant incruen-
ta sacrificia
quæ sunt in re
bus sensibilibus
in vet. lege.

Hoc sacrificiū
quare dicatur
laudis & gra-
tiarum actio-
nis.

præ explicauimus. Quare epitheton incruen-
ti, sacrificio corporis Christi Ecclesiastico
proprie tantum competit, vt distinguatur à
sacrificio crucis cruento. & ea voce ideo
vtuntur Patres, vt significant, in vtroque
eandem esse victimam, sed in modo sacrifi-
cationis esse diuersitatem, quia incruentū
proprie dicatur de eo, quod cruore aliās
perfundi potuit, quod tantum est idē cor-
pus Christi, proprius autem dicitur incruen-
tum, quā exāgue, quia cruor proprie est
sanguis ex vulnere effusus, vt intelligatur,
sacrificationem & mactationem hanc in
Ecclesiastico sacrificio fieri sine violēta san-
guinis effusione, sed sola sacramentali, vt di-
ctum est. Ostendimus Missam esse verū &
propriū sacrificiū, sed quia adiecimus,
non solum esse Eucharisticum ad gratia-
rum actionem, sed esse propitiatorium ad
remissionem peccatorum, hæc singulatim
explicanda & confirmanda sunt. Laudis
igitur & gratiarum actionis sacrificiū nō
dicitur ea ratione tantum, quod excitet nos
in laudem & gratiarum actionem pro sa-
crificio crucis, cuius in ipso commemora-
tio existit, & non quod sit verum sacrifi-
cium, vt volunt aduersarij, vocantes hac tā-
tum ratione Eucharisticum, quasi ex par-
ticula diminvente proprietatem sacrificij.
nos autem idem nomen cum sacrificij pro-
prietate retinemus. cum enim hoc sacrifi-
cium perficiatur potissimum consecratio-
ne, quæ quod sit in verbis posita, dicitur à
veteribus eulogia, benedictio, & Eucharis-
tizatio: hoc est, quæ immutat & afficit
materiam panis & vini, super quam Do-
minus gratias egit: vt illa benedictio sit
sacris facialis gratiarum actio, in qua pro-
prie Deus posuit memoriam mirabilium
suorum, & nominis sui honorem, cul-
tum & glorificationem, & ideo propriam

& summam materiam laudis & gratiarum
actionis. Dei enim proprius honor, super-
eminens laus, gratiarumque actio infinita,
qualem singulariter requirit, in hoc sum-
mo sacrificij cultu sita est, nec in alio vllō
opere nostro plenē ac dignē fieri potuit
hoc tempore gratiæ. Quapropter Ecclesia
Dei præit operationem sacrificalem huius
modi voce solenni clamans, gratias aga-
mus Domino Deo nostro: & iterum atque
iterum, dignum & iustum est, verē dignū
& iustum est. deinceps eodem illa perti-
nent, per ipsum, cum ipso, & in ipso est tibi
omnis honor & gloria. De quare multa D.
August. lib. 1. contra aduers. leg. cap. 18. de
spiritu & lit. cap. 11. & eod. lib. 1. cap. 20. ea
ratione sacrificiū laudis soli sacrificio Ec-
clesiæ in Missa applicat. Ostendimus etiā
suprà, cum de transubstantiatione differe-
remus, idem esse D. Paulo gratiarū actionē
atque benedictionē & consecrationē: nomi-
ni autē causam dedisse, constat factū Dñi,
quod sit à gratiarū actione benedictionē
& consecrationē huiusmodi exorsus. Non
igitur quodlibet sacrificiū spirituale, laudis
aut gratiarū actionis nomine Eucharistiæ
intelligi debet, sed illud proprie, quod vete-
ribus sacrificijs in nouo testamento succes-
sit, vt verum sacrificiū benedictione qua-
dā Eucharistica perfectum, in quo sit pos-
tus eximius & proprius cultus sacris facialis,
eximia & singularis materia diuinarū lau-
dum & gratiarum actionis. Altaris etiam in
noua lege institutio, sacrificiū cōfirmat,
cū dicatur thysia sterion à thysia. i. sacrifi-
catorium à sacrificio. de hoc altari, 1. Cor.
9. & 10. Can. Apost. 3. Laodiceum c. 19.
Chalcedonen. Act. 1. Ilerden. c. 1. Clem. ep.
2. Fœlix ep. 4. Ignat. ep. ad Trallianos, Mar-
tialis ad Burdegal. Cyprian. ep. 9. lib. 4. Li-
turgie Græcæ, & omnes alij Patres.

CAPUT X.

¶ Missa est sacrificiū propitiatorium ex opere operato.



Vperest ex illa senten-
tia suprà à nobis pro-
posita, confirmanda vl-
tima pars, nempe Mis-
sam esse propitiatoriū
sacrificiū, quod vt

exactius intelligatur, ponendum est, sacrifi-
cij nostri valorē & fructū vel ex opere ope-
rato, vel operantis considerari. Primo mo-
do ipsum opus quod fit, ex Christi institu-
tione, non ex voluntate aut benivolate agen-
tis, efficax est, quatenus instrumentum pas-
sionis

De sacrificio noui testam.

fionis Dominicæ applicandæ: nostrū autē Missæ sacrificium eam potissimam suę institutionis causam habet, vt virtutē passionis Christi nobis applicet, vt definitū est in Cōcil. Trid. sess. 22, c. 1. & 2. tantum abest vt illi per hoc sacrificium quouis modo derogetur. Quod etiam diximus generaliter de sacramentis nouę legis, vt quē fructū aduersarij conficta à se fide quodā speciali, se consequi gloriantur, eum nos secundum catholicā Ecclesię legitimū sensum, per sacrificium, sacramenta, & fidem operantē ex charitate, apprehendi asseramus: & idcirco friuolum est, id non tribuere sacrificio & sacramentis à Christo institutis, quod fidei vanæ & à seipsis confictæ aduersarij tribui volunt: de qua commodius in doctrina de iustificatione. Altero modo consideratur ad valorem & fructum, dignitas, gratia & deuotio sacrificantis, vt quod hæc maiora fuerint, eò fructus Missæ maior cēseat. In his saltē, quę priuatis precibus à Deo impetrantur: cū publicæ preces & orationes sacerdotis, quibus persoluendis gerit ministri Ecclesiastici personā, non pendeāt ex dignitate ministri: quia virtus principalis agentis, ab his externis & adiunctis suo ministerio non vitatur, & tantum requirit suę intentioni congruētē ministri actionem legitimam, per quā proculdubio virtus illius rectē dispositis communicatur, vt de sacramentis generaliter dictum est, efficaciam non impediri malitia ministri, si opus minister legitimē exerceat. Sed in sacrificio vtrunque considerandum esse, & quid valeat sacrificium ex se, siue ex opere operato, & quid ex opere operantis, constat Genes. 4. vbi legitur Deum respexisse ad Abelem & munera eius. considerari enim debet donum, & animus, amor ac volūtas donantis. quod si donum est paruum & indignum illo, cui offertur, tunc præcipuē & primò consideratur animus offerentis, munus autem secundariò. contrā autem fieri debet, cū donum est excellens & incomparabile, quia superat offerentis voluntatē, licet vtrumque placeat & coniunctim sint maioris valoris. cuius exemplū habemus in Euangelio de oblatione viduę. Sed in sacrificiis veteribus, quę Christi mortem præcesserunt, cū non essent in rebus per se Deo gratis, primò erat affectus offerentis considerandus, quia hic præsertim ex charitate, & commemoratione sacrificij ab-

soluti & consummatiui, ex se gratus erat Deo, & ex illo res oblata: & ideo acceptatio veterum sacrificiorum pendeat ex fide & iustitia offerentium, neque vllum esse poterat, quod ex opere operato Deo placere posset: cum nullum esset instrumentum efficax passionis, quæ nondum extiterat: nunc verò in nostro sacrificio contrā fit. Licet enim sit magna gratia & charitas offerentis, non tamen est comparabilis ipsi sacrificio considerato per se & in seipso, cū sit Christi, vtentis sacerdotum ministerio ad seipsum offerendum. Deinde, valor & fructus eiusdem sacrificij ex opere operato vel operantis, triplex distinguitur, per modū meriti, satisfactionis pro pœnis peccatorum, & impetrationis. Primo modo earatione valet, quia Christus meruit de condigno & de rigore exactissimæ iustitiæ, vt per hoc sacrificium, remissionem peccatorum & gratiam consequamur. altero modo, quia applicatur ad pœnarum, quæ peccatis respondet, persolutionem. Tertio denique modo, quia sacrificatio est validissimum genus precis, maxima quæque ad salutem conducibilia procurans. Ex his constat sacrificium propitiatorium illud esse, quod à Deo, ex iustitia & ex opere operato, gratiam & remissionem peccatorum obtinet, quatenus Deus illo sacrificio sic placatur, & peccatoribus sit propitius, vt donum pœnitentiæ concedat, & peccata remittat. itaque mediante dono pœnitentiæ, quod virtute huius sacrificij Deus concedit, remittit peccata, & ita est propitiatorium pro peccatis, non tantum leuibus & venialibus, sed etiam grauibz & mortalibus. Ratio Theologica ex precedentibus hoc modo deduci potest: Missa est sacrificium, à Deo institutum vt instrumentum, ad applicandam sufficientiam suę passionis secundum efficaciam, his pro quibus offertur, vt supra ostendimus: sed sufficientia redemptionis factæ per passionem Christi, est maxima & infinita pro omnibus peccatis, grauibz & leuibus: ergo sacrificium Missæ est propitiatorium secundum efficaciam pro eisdem omnibus peccatis. atque etiam pro pœnis peccatorum nōdum persolutis, cum & pœna æterna virtute passionis Christi cū eisdē peccatis & culpis simul remittatur, & pœnæ tēporales sufficientissimē compensentur eiusdem passionis acerbissimis pœnis. Nihil autē aliud est offerre sacrificium

Ex opere operato quod modis utile nostrum sacrificium.

Infra de valore Missæ ostendetur, esse sacrificium pro culpis mediante, sed satisfactorium pro pœnis im-

I

Est etiam satisfactorium.

sacrificiū pro satisfactione pœnarum, quæ à nobis persoluendæ sunt, quàm ad easdē imminuendas, vel omnino auferendas, sistere & representare Deo solutiōem passionis, vt quod est in ea sufficientiæ, id secū dū efficaciam applicetur. Hic est effectus, propter quem antiqua Ecclesia tanto studio pro defunctis sacrificium obtulit, quāuis etiam illis pro sit ad leuium culparum remissionem, quibus non semper carent, sed sæpius & diutius reatu, non culparum sed pœnarum, in purgatorio detinentur, vt in doctrina de penitentia constabit. Quare inconsideratē faciunt, qui propitiatoriū aut expiatorium sacrificium, cū satisfactorio confundunt, vt illud tantum pertineat ad pœnarum persolutionē. sed certē aliud est valere ad culparum remissionem aliud autem est valere ad pœnarum solutionem, illud est propitiatorij, hoc est satisfactorij proprium. Deinde, omnis sacerdos debet offerre dona ac sacrificia pro peccatis, & multo perfectius in nouo testam. cum eius sacerdotium & sacrificium sint cæteris omnibus perfectiora, vt constat: ergo Missa proprium noui testamenti sacrificium, debet esse propitiatorium pro peccatis. Vnde omnes veteres Patres ad 7. & 9. cap. epist. ad Hebr. necessitatem quotidiani sacrificij ostendunt, ex eo quod quotidie peccamus, & indigemus remedio sacrificali: quod vanum esset, si ad peccatorum remissionem applicari non posset. sic Chrysost. homil. 17. in eandem epist. Theophilactus & reliqui. D. Martialis epist. ad Burdegalenses inquit, hoc vnico remedio ex ara sanctificata fugari mortem, & vitam præstari. Origenes. homil. 13. in Leuit. asserit, hanc commemorationem mortis Dominicæ facere Deum hominibus propitium. Cyprianus. de cœna Domini, esse peccatorum expiationem, medicamentum & holocaustum ad infirmitates sanandas, & iniquitates purgandas. Similia reperies apud Gregor. lib. 4. Dialog. cap. 58. & Bedam, lib. 4. hist. gentis suæ, cap. 22. quæ omnia non sunt intelligenda de venialibus tantum, licet ea magis immediatē & directē tollat, & ea solum ex peccatis, si defunctos respicias. Sic de omnibus peccatis in distincte sunt plurima in liturgiæ canonibus Græco & Latino, ad significandum offerri & sacrificari pro omnibus. Canon autem is constat ex Domini verbis, ex

Apostolorum Traditionibus, & Pontificum piis institutionibus, non autem à recentioribus Pontificibus Gelasio, Gregorio & aliis compositus, vt accuratē docet Vvaldensis, ex Isidoro Tom. 3. cap. 36. licet nomina sanctorum pro ratione temporis, quo hinc emigrarunt, addita sint, nō sine exemplo aut mandato Apostolorum, sicut & quædam clausulæ sanctissimæ. In hoc ergo Canone est nostra sententia expressa pro nostro sacrificio. propitiatorio, vt cum ait, quam tibi offerunt hostiam pro redemptione animarum suarum, pro spe salutis & incolumitatis suæ: & iterum, quam tibi offero pro innumerabilibus peccatis & offensionibus & negligentis meis. In secretis etiam orationibus eiusdem rei plurima mentio est, vt feria quarta, hebdom. quartæ Quadragesimæ, Tergamus omnipotens Deus, vt his sacrificiis peccata nostra mundentur, quia tunc veram nobis tribuis mentis & corporis sanitatem. Quæ omnia ex verbis Domini confirmari possunt hoc modo: corpus Christi in hoc sacrificio Ecclesiastico pro nobis traditur, & sanguis funditur in remissionem peccatorum: quod non tantum verum est de sacrificio crucis, sed etiam de Missa, quamuis illic ad meritum & redemptionem, hic ad eorundem applicationē: & suprà ostendimus in Missa ex vi verborum sacramentalium, quandam esse sanguinis effusionem, & mortem, licet non in propria specie, & ratione concomitantia, esse corpus cum sanguine, & cum his animam & diuinitatem cōiunctam: est igitur Missa sacrificium propitiatorium: cum sanguis effusus in remissionem peccatorū, sit idem atque propitiatio Dei pro eisdem. Quare, vt effusio sanguinis Christi in cruce fuit propitiatio pro peccatis, sic etiā est in Missa, & vt ibi pro grauibus & leuibus ad sufficiētiam, sic & hic pro eisdem ad efficaciam. Vnde Alexan. I. epist. ad omnes orthodoxos asserit crimina & peccata his sacrificiis deleri, talibusque hostiis placari Deum, & crimina ingentia dimitti. & Iulius de consecrat. distinct. 2. omne, inquit, crimen & peccatū sacrificiis Deo oblatis deletur. Horum Patrum vestigiis inherens Concilium Trident. sess. 22. cap. 1. de leuium peccatorum remissione per hoc sacrificium inquit, in cruento sacrificio virtus passionis applicatur in remissionem

Trid. Sess. 22. c. 4.

Alia oratio post communionem habet de hoc sacrificio, quod sit ablutio scelerum.

Heb. 5.

2

3

4

Canonis Missæ auctores.

De sacrificio noui testam.

*Hoc sacrificiū
quomodo pri-
mam gratiam
conferat.*

peccatorum, quæ quotidie committuntur. de grauibz autem delendis eodem sacrificio inquit, cap. 2. hac oblatione placatus Dominus, gratiam & donum pœnitentiæ concedens, crimina & peccata etiam ingētia dimittit. & Can. 3. qui negat hoc sacrificium esse propitiatorium, aut pro peccatis, pœnis, satisfactionibus, & aliis necessitatibus offerri, anathema sit. quod si hoc sacrificio mundantur & remittuntur ingētia & graua peccata, & sine gratiā non sit eorum remissio, efficitur certè hoc sacrificio primam gratiam tribui & procurari, mediante dono pœnitentiæ ex opere operato, vt suprà explicauimus. Concludamus igitur, ex institutione Christi, Patrum, Cōciliorumque decretis, vsu & praxi Ecclesię, Missę sacrificium non tantum esse nobis satisfactorium pro pœnis etiam existentium in purgatorio, sed etiam propitiatorium pro remissione peccatorum leuium in uiuentibus & defunctis, atque etiam grauiū & mortalium in uiuentibus, quod erat à nobis demonstrandum. Postea vero copiosius de valore Missę differendum erit, cū hoc loco tantum ostendendum esset, Missam esse sacrificium, non tantum Eucharisticum ad gratiarum actionem, sed etiam propitiatorium ad remissionem peccatorum, vt in propria specie sacrificij collocaretur. Quapropter admonendi sunt pecca-

tores omnes, etiam cū adhuc peccati affectum nondum exuerint, vel ex infirmitate continuo offendunt mortaliter, vt altare non desertant, sed frequentissimè sacrificium pro remissione & conuersione procurent. sic enim sancta Ecclesia pro his Missas instituit: non quod ipsis adhuc in peccatis huiusmodi existentibus, sacrificiū immediate applicetur: sed quod per illud placatus Dominus gratissima sibi oblatione, pœnitentiam concedit, & ita, mediante illa, sacrificium valet ad remissionem omnium peccatorum, secundum efficaciam: vt valuit idem sacrificium Christi in cruce pro omnibus peccatis, & donis, quæ nobis largitur Deus ad conuersionē & pœnitentiam secundum sufficientiam. hoc etiam maximè sacrificantibus sacerdotibus curæ esse debet, vt pro peccatoribus, grauissimis etiam peccatis contaminatis, offerant hoc modo, vt reipsa congruentes suę institutioni, sciant se esse constitutos in his, quæ sunt erga Deum pro cæteris hominibus, vt legitimos Christi ministros, & mysteriorum dispensatores: quia sacrificium Ecclesiasticū melius est omnibus aliis officiis humanis, & proculdubio habet clamorem validissimum, tanquā ipsius Christi, cuius sacrificium peragitur: & cōuertit plures, quā vel ieiunium, vel oratio, vel elemosyna, aut quiduis aliud.

*Sacrificiū quā
ratione pro pec-
catis offerendū
sit.*

Heb. 5.

C A P V T X I.

¶ *Sacrificium in qua Missæ actione positum sit.*



Ed quoniam in Missa variæ sunt sacerdotis operationes, in qua vna ex illis primo & per se sacrificiū positum sit, ostendendū est. sunt autem plures illæ actiones, partim iure diuino, vt consecratio, māducatio, fractio: partim traditione Apostolica, & more Ecclesiastico inductæ, vt præcedentes consecrationē variæ oblationes, cruces, manuum impositiones, & post consecrationē eleuationes, vocales oblationes, fractio, permissio, & aliæ plures specierum inter se per crucis signa accommodationes. In hoc ergo argumento non habemus aduersarios repugnātes, quod ipsi in nullo horū velint esse propriā rationē sacrificij & immolationis: habemus tamē dissidentes inter se catholicos scripto-

res. Ex his quidā, sacrificiū partim in consecratione, partim, idq; magis, in oblatione vocali subsequente, cū dicitur, offerimus præclaræ maiestati tuæ hostiam puram, sanctam: alij volunt non tantum in his, sed præterea in communione & consumptione rerum oblatarum consistere. Tertia sententia est eorum, qui putant fractionem atque etiam tinctionem hostiæ ad sacrificium requiri, vt ita quatuor aut quinque partibus absoluantur. Quarta denique sententia statuit sacrificium propriè & solum consecratione perfici. Nos verò ad rectè de hac sententiarum diuersitate iudicandum, hanc sententiam & conclusiōnē ratā & firmā haberi volumus. Sacrificiū Missæ in sola consecratione, quatenus est mystica quædam mactatio ex vi verborū

sacra-

Prima sententia est Rossen. in defens. regis Ekij lib. 3. de sacrif. Missæ. c. 9. Secunda est Domin. Sob. 4. d. 13. q. 2. Tertia est Cam. lib. 12. de loc. c. 13. Quarta est D. Tho. q. 83. ar. 4. sed consumptione addit sacrificio: (¶) Ruardi ar. 16.

sacramentalium, consistit: non autem in aliqua alia operatione, vel consecrationem antecedenti, vel consequenti, siue ut parte essentiali, siue integrali: quâuis omnes illæ habeant suam necessitatem, vtilitatem & congruentiam cum sacrificio. Prima pars huius sententiæ, ex distinctione eorû, quæ sunt in consecratione, sic explicanda est. in consecratione tria potissimum reperiuntur, vnde aliqua immolationis ratio accipi possit. Primum materiæ mutatio per transubstantiationem. Secundum, esse Christi sacramentalis, sub specie panis & vini. Tertium, ipsa mystica, hoc est sub figura panis & vini, virtute verborum sacramentalium mactatio: quatenus corpus existeret perse, & similiter sanguis, & vtrumque sine anima, nisi ratione concomitantia hæc omnia necessariò coniungeretur. Afferimus igitur, sacrificium noui testamēti in ipsa tantû consecratione, ut est huiusmodi mactatio mystica, consistere. Illud autem primum non intenditur primario à sacrificante: quia in eo non est posita aliqua religionis actio secundum se, nempe in dedicatione panis & vini: cum hæc non possint in nouo testamento Deo dicari modo sacrificiali, ut eorum mutatione Deus placetur, quia solû placari potest respiciendo in faciem Christi sui sacrificati: mutatio igitur illa creaturarum est commoda ratio, quam diuina sapientia inuenit, ut ea intercedente & media, sacrificium nostrum perficeretur tanquam medio quodam instrumento, per quod vnicò momento temporis, illæ substantiæ tolluntur, & fit præsens Christus, & mysticè mactatur. itaque hæc mutatio non fit, ut in honorē Dei destruat panis, sed ut per eius transubstantiationem, fiat corpus ex vi verborum sine sanguine & anima, & ita mactetur in sacramento, quâuis ratione concomitantia omnia sint coniuncta necessariò post resurrectionem. Illud autem secundum, idest Christi continentia sacramentalis, pertinet ad rationem sacramenti: ut mutatio est de pane & vino in corpus & sanguinem Christi sacramentaliter existentis, ut supra de termino transubstantiationis explicauimus, in eo cōprehendentes hanc sacramentalem continentiam. Tertiū verò est ipsa essentialis actio sacrificij: atque ita per species sacramentales continentes Christum substantialiter,

habet Ecclesia sacrificium viuibile, vnicum ratione rei oblatæ, iterabile per actionem sacramentalem, qua Christus, qui in se mori non potest, mysticè mactetur & immoletur. Ratione huius materiæ panis & vini, quorum transubstantiatio est via ad nostrum sacrificiū, dicitur à veteribus hoc sacrificium, panis & vini sacrificium, ut ab Ireneo, lib. 4. cap. 32. & ab autore lib. de fide ad Petrū, c. 19. cum tamen omnes affirmant nos tantum immolare corpus & sanguinem Domini, vnde Cypria. lib. 2. epist. 3. obtulit, inquit, Christus idem quod Melchisedec obtulerat, id est panem & vinum, suum scilicet corpus & sanguinem: quoniam ut D. August. lib. 17. de Ciuit. cap. 6. rectè exposuit ex verbis Domini, panis inquit, quem ego dederò, caro mea est pro sæculi vita, & ipsum est sacrificium, non secundum ordinem Aaron, sed secundum ordinem Melchisedec, qui legit intelligat. Sic etiam intellige illud ab Ecclesia usurpatum: sacerdos in æternum Christus Dominus, secundum ordinem Melchisedec panem & vinum obtulit. Sapius tamē à termino ad quem, Patres hoc sacrificium vocauerunt corporis & sanguinis Domini, ut ex testimonis commemoratis & cōmemorandis constabit. Probat igitur prima pars sententiæ propositæ, in consecratione scilicet consistere rationem huius sacrificij: in hostiæ noui testamēti immutatione, qua per mactationem de prophana efficitur sacra, & diuino cultui dicata, sacrificiū noui test. cōsistit, ut principio huius de sacrificio disputationis positū est: sed sola cōsecratione hostia noui testam. propria immutatur & mactatur in cultum Deo gratissimū: (cū hæc hostia, ut ostēsum est, tantū sit Christi corp⁹, quod in cōsecratione ex vi verborū immutatur & mactatur, quatenus separatur à sanguine & anima, in qua separatione consistit mors & mactatio, licet ratione concomitantia, nulla post resurrectionem sit separatio, semper tamen intelligitur facta ex vi verborū, & voluntate Christi fit, & voluntas offerentis se per ministros infinitè Deo grata est, neque aliter commodius potuit mactatio eiusdem corporis perpetua insitui in Ecclesia Christi, ut esset in ea verū sacrificiū, (ut in omni religione esse oportet.) in sola igitur cōsecratione sacrificium noui testam. consistit. Ecclesiarum Orientis testimonium pro-

In sola cōsecratione nostrum sacrificium consistat.

ferre

De sacrificio noui testam.

fert de hac re liber Simeonis Archiepiscopi Thessalonicensis de mysteriis Ecclesie, cap. 23. quærit enim, quando hæc dona sacrificantur, ante consecrationem, vel post consecrationem? & respondet, nec ante nec post consecrationem, sed in ipsa consecratione. tunc enim fit mutatio ex pane non mactato in corpus Domini verè mactatū, sicut sacrificium ouis tunc fit, cum in ea fit mutatio ex non mactata in mactatam. hæc ille. cui in Occidentali Ecclesia Diuus Tho. omnino consentit. Nam. 2.2. q. 85. artic. 3. ad 3. inquit, tunc esse propriè sacrificium, cum in rebus oblatis id fit, quo de profanis reddantur sacræ, vt cum animal occiditur, comburitur, panis frangitur, comeditur & benedicitur. Sed hîc non exprimit, quæ mutatio ex his tribus, rationem sacrificij constituat in pane, quod eius loci non esset proprium: expressit suo loco, 3. par. quæst. 83. art. 4. vbi primo inquit, hoc mysterium offerri & consecrari, vt sacrificium, & sumi vt sacramentum: deinde verò, cum accessisset ad ipsam consecrationem, subiungit ea proposita, petit sacerdos hoc sacrificium peractum, esse Deo acceptum, cū dicit, supra quæ propitio, &c. hæc D. Thomas planè significans in ipsa consecratione esse sacrificium: siquidem peracta consecratione, peractum esse sacrificium affirmat. & meritò, quia consecratione, panis & vinum mutantur in corpus & sanguinem Christi, & mutatione rei profanæ in sacram, & diuino cultui dicatam fit sacrificium, vt quæst. 85. 2.2. concludendum est, si hæc cum illis antè propositis coniungamus. sed apertè 3. p. q. 82. artic. 4. ad primū, inquit, consecratio christi matis vel cuiuscunque alterius materiæ non est sacrificium, sicut consecratio Eucharistiæ. Huius verò argumentationis vim continent omnia Patrum supra adducta testimonia, quæ Christum affirmant in hoc sacramento mactatum existere, & ideo esse verum sacrificium: quorum sententiam Simeon Thessalonicensis ex omnibus apertissime colligit. Sic igitur ex illis concludamus: corpus Christi immolatum & mactatum in victimam est terminus actionis sacrificialis, quam nunc vocamus sacrificiū: cum immolatum corpus nisi per immolationem fieri non possit, nec hostia nisi per sacrificium præcedens: sed sola consecratione fit immolatum & mactatum ex vi

verborum, vt sapè explicatum est: ergo sola consecratio est sacrificium. Præterea Christus consecrando, fecit suum corpus immolatum & mactatum, cum verè seipsum immolauerit, vt supra ostendimus: ergo sacerdotes noui testamenti sola consecratione sacrificant: quia Christus illis verbis, hoc facite, præcepit sacerdotibus, potestatem consecrandi tribuens, vt similiter facerent corpus mactatum & immolatum. Sic verò significat, iam factum & sacrificatum fuisse, & ideo sacerdos statim vocat hostiam sanctam, puram, & immaculatam. Vnde intolerabile est, quod quidam asserunt, mortem Christi consecratione non annuntiari, sed ipsa sumptione, cū tamen sumatur ex sententia totius antiquitatis, quod prius immolatum est, vt postea differetur, & contra D. Tho. quem explicant. 3. p. q. 80. art. 12. ad 3. vbi inquit, representatio Dominicæ passionis agitur in ipsa consecratione huius sacramenti. Vnde Nisenus in oratione de resurrectione, qui, inquit, dedit discipulis suis corpus suum ad comedendum, apertè demonstrat, iam perfectam esse immolationem, vt oue homo vesci non potest, nisi mactatio præcesserit. Denique, quicquid vel consecratione antecedit, vel consequitur, vt oblationem, representationem mortis Dominicæ, gratiarum actionem, mysticam mactationem, confectionem, vna consecratio, re ipsa & secundum actum exercitum continet, cuius inconsideratio dissidentes de hac re catholicorum sententias fecit: ergo in consecratione re ipsa sacrificium nostrum consistit. re enim ipsa offertur victima, cum de prophana fit sacra per mactationem & immutationem: quomodo Christus seipsum obtulit, cum totum se per mortem Deo consecrauit, etiam si ratione diuinitatis totus esset sacer, sed vt homo, per mortem totus diuino cultui pro hominū redemptione dicatus est. Similiter representatio mortis Christi, ipsa consecratione efficitur, cū virtute verborū consecrationis, separetur sanguis à corpore, & ab utroque anima, licet ratione concomitantis necessariò coniuncta sint: vt quod multis verbis & signis crucis, & fractionis significatur, id nobis ipsa consecratio exhibeat: ea verò dicitur cōfectio sacramenti, quatenus per eā manet Christus sacramentaliter existens. Hinc est, quod ipsa collatio panis & vini ad vsum consecrationis, per

*Ceremoniarū
antecedentium
& consequen-
tium consecra-
tionem explica-
tio.*

per anticipationem dicitur oblatio, quasi oblationis per consecrationem efficiende materia. Vnde nomen offertorij deriuatū est, & illæ orationes conceptæ, suscipe sancte Pater hanc immaculatam hostiam, offerimus tibi Domine calicē salutaris: & illæ rationes dicendi vsurpatæ, dona, munera, sancta sacrificia, oblatio seruitutis, siue cultus patriæ. & in Græco ritu additur, cum panis ad altare affertur, tanquam agnus ad occisionem ductus est: & super eum crucem describentes dicūt, sacrificatur agnus Dei: lanceolis etiam minutis pungunt panem consecrandum in dextero latere, addentes illud, & vnus militum latus eius lancea aperuit. Sic sensibus exprimitur distincte & partite, quod vnica consecratione peragitur sacrificium, antequam perficiatur re ipsa: vt animi fidelium his admonitionibus præparentur ad sacrificij meditationē. Post consecrationē illustrissimæ sunt actiones, eiusdem sacrificij veram naturam exprimentes. Ex his prima est exaltatio vel eleuatio hostiæ sub vtraque specie, non tantum vt adoretur, sed vt denotetur victimā nostram in cælum ascendisse, ibique in propria specie existere: vt exprimat etiam illud liturgicum, quo solebant Aaron & filij eius leuare panes cum collyrida, armum & pectusculum coram Domino: non quidem vt immolarentur, sed vt ante iam immolata. Deinde oratione vocali offertur, quod re ipsa per consecrationem effectum est. Tertiò frangitur in tres particulas, ad significandum quod per consecrationē verè frangitur, id est diuiditur virtute verborum sacramentalium & sanguis à corpore, & anima ab vtroque, quibus tres fractionis particule respondent. Non enim fractio Christi repræsentata in hoc sacrificio, est carnis in varias particulas sectio, sed carnis à sanguine, & vtriusque ab anima ex vi consecrationis, vt dictum

est, separatio. quarto loco, commissio vtriusque speciei, est signum earundem partium coniunctarum per concomitantiam. Ad easdem significationes referendæ sunt multiplices cruces, vocales oblationes, preces & vota, quibus Deum obsecramus, vt velit accepta habere ista, sicuti accepta habuit sacrificium Abrahamæ, & oblationem Melchisedec. quare, licet omnes cæremoniæ & sacrificiales operationes non pertineant ad essentiam, & necessitatem sacrificij, vt sacramentalia non pertinent ad essentiam sacramenti: omnes tamen ad externam eiusdem sacrificij & luculentiorē representationem, vel ab ipso Christo, vel ab Apostolis & Pontificibus adiectæ sunt: vt verbo vel opere designent, quid in ipsa consecratione occultiori, & magis symbolico opere perficiatur. Vnica autem sententiola consecrationis, cuius dignitatē & vim nulus hominum pro dignitate explicare poterit, omnia postulamus, omnia accipimus, præstantissimum quod in cælo vel in terrâ existit: sacrificialiter omnia damus, & præstantissimum quod est in nobis, Deo retribuimus, maximas, quas concipere possumus, gratias agimus: omnia repræsentamus, quæ propter nos & nostram salutē in cruce peracta sunt. fit etiam memoria viuorū & mortuorū in Christo, vt ita Christus sacerdos noster, verus Aarō, cū thuribulo sui sacrificati corporis medius inter viuos & mortuos collocetur: & omnibus ad salutē & satisfactionē pro peccatis prodesse intelligatur. Cū nihil igitur in definitione sacrificij, principio huius disputationis à nobis posita, reperiatur, quod non exacte quadret in ipsam consecrationis actionem, cum ibi cōmutetur, cōficiatur, & offeratur Deo victima propria noui testamenti: necessario statuendum est, in ipsa cōsecratione sacrificium nostrum consistere.

Leuit. 2.

Num. 16.

Paschas. lib. de corp. & sang. 2. 13.

C A P V T X I I .

¶ *Sumptio Eucharistiæ non pertinet ad essentiam sacrificij.*



Sed quoniam plerique sunt, quibus videtur in alia actione consistere, præsertim vel communionē, vel oblatione, quæ consecrationē cō

sequitur, vel tamquam in essentiali actione, vel saltem tamquam in integrali sacrificij parte, vt dicimus animā pertinere ad essentiam hominis, manū verò tanquā integrale partem: hæc omnia, quæ continentur altera

De sacrificio noui testam.

Sumptio in quibusdam veteribus sacrificiis videtur ad essentiam, vel integritatem eorum pertinuisse.

altera parte nostræ sententiæ propositæ, singulatin refutanda sunt. Fatemur quidem in aliquo genere sacrificij, plures esse posse mutationes, quæ videtur vel ad essentiam, vel ad integritatem sacrificij pertinere: vt in holocausto non tantum occisio & præcedens oblatio requirebatur, sed præterea etiam ex combustione plena transmutatio & consumptio: in aliis etiam sacrificiis veteribus ad integritatem pertinebat, vt vna particula de reliqua oblatione decerperetur per sacerdotes, & in memoriale peracti sacrificij super altare cremaretur, vt Leuit. 2: 5. & 10. constat. comestio etiam videtur pertinuisse ad aliquorum sacrificiorum consummationem, vt in sacrificio Melchisedec, fortasse non interuenit alia actio ad rei offerendæ mutationem, præter manducationem: & Exod. 29. de panum sacrificio inquit Dominus ad Moysen, panes, qui sunt in canistro, in vestibulo tabernaculi comedent, vt sit placabile sacrificium, & sanctificentur manus offerentium. alibi iubentur sacerdotes comedere sacrificia iam facta, non autem, vt fiant, manducare: & ideo Leuit. 10. Eleazar & Ithamar filij Aaronis grauiter reprehenduntur à Moysè, quod hostiam pro peccato fecissent, & tamen ex hostia nihil manducassent. Sed in nostro sacrificio, ipsa communio vel manducatio, ad essentiam vel integritatem sacrificij nullo modo pertinet, licet sit à Christo Domino præcepta, & ideo iure diuino sacrificio coniuncta. qua ratione reprehenditur sacrificiū, in quo sacerdos non communicat, in Toler. 12. cap. 5. quia contra præceptum Christi, licet non sit contra essentiam vel integritatem. cæteras verò actiones, quas vel certò constat postea accessisse, vel probabiliter existimamus non fuisse usurpata à Christo, in diuina actione huius mystici sacrificij in cœna, vt oblatio vocalis, eleua-

tio, fractio significatiua, permixtio specierum: quas omnes Apostolica Traditione receptas non dubitamus, non est vlla ratio, vel in speciem probabilis, quæ efficere videatur ipsas, vel earum aliquam, ad essentiam vel integritatem sacrificij pertinere. Cum autem communio multis ad integritatem, vel essentiam pertinere videatur, ex similitudine veterum illorum sacrificiorum, quæ commemorauimus, ea sententia his argumentis confutatur. Primum, quia ipsa communio est immolati Christi participatio: ergo præcessit immolatio. sic D. Paulus 1. Corin. 10. qui edunt, inquit, hostias, participes sunt altaris, hoc est sacrificij, quod in altari immolatur, & ex consequenti prius sacrificium peractum fuisse necesse est. cuius argumentum est, quod communio plebi cum sacerdote communis est, actio verò sacrificij vel essentialis, vel integralis, sacerdotis propria est: cum ad sacrificandum instituatur. Vnde ipsa communio, ad vsum sacramenti, in qua datur Christus immolatus, omnino pertinet, ad sacrificium verò non pertinet. Idem plane significant testimonia Patrum supra adducta, ad confirmandum sacrificium noui testamenti, cum asserunt nos immolatum prius Christum sumere. Præterea, diuersa sunt effecta sacrificij & communionis, diuersæ gratiæ, vt constat: sacrificiū igitur & sumptio diuersæ sunt actiones, & licet coniunctæ, neutra tamen de essentia vel integritate alterius. Videtur etiā, si sumptio sit de ratione sacrificij, illas tantum hostias plenè & integre immolari, quas sacerdotem percipere contingat: reseruatas autem, tum demum perfectè sacrificari, cum à populo sumuntur: cum nulla ratione possit intelligi, cur vnus sumptio, sacrificatas reddat reliquas, si sumptio est de essentia vel integritate sacrificij.

Sumptio vel communicatio non potest ad essentiam, vel integritatem nostri sacrificij pertinere.

1

2

3

4

5

C A P V T X I I I.

¶ *Oblatio, quæ antecedit & sequitur consecrationem, non est de essentia vel integritate nostri sacrificij: licet aliqua oblatio sit de illius essentia, vt genus, sed ea est re ipsa coniuncta consecrationi.*

Sed de sumptione satis: oblationem vocalem, quæ antecedit vel sequitur con-

secrationem, non esse de essentia aut integritate sacrificij deinceps ostendamus. quâvis enim

enim omne sacrificiū sit oblatio, & ideo fit interna sacrificio, non tamē omnis oblatio sacrificium est, siue in veteri siue in noua lege in veteri quidē erat oblatio primogenitorū, decimarum & aliorum similium, quę tamen non sacrificabantur. in noua etiam populus panem & vinum offert antequam consecrentur: & in primitiua Ecclesia elemosynę ipsę, quas largissimas Christiani faciebant, non prius ferē pauperibus distriuebantur, quā ad altare offerrentur, vel sacerdotibus. quod ex veteri lege desumptum videtur, vbi decimę dandę pauperibus aut leuitis, sicut primitię, Deo offerebantur, vt patet Deuter. 12. 14. 16. Vnde D. August. epist. 59. vouentur, inquit, omnia quę offeruntur Deo, maximē autem sacri altaris oblatio. Est enim oblatio alicuius rei, ad aliquod religionis officium dedicatio: & ita quę ad futurum sacrificium proponuntur, offeruntur & à populo & ab ipsis sacerdotibus, in quantum vouentur & dedicantur Deo. Atque ipsa etiam res sacrificata & facta victima potest offerri, hoc est repręsentari, sisti, & proponi coram Deo per veram oblationem sine nouo sacrificio. Sic Germanus lib. de mystica theoria ait: primitias vocari oblationem panis & vini ad futurum sacrificium, & Ireneę lib. 4. c. 32. & 34. inquit, Christianos offerre Deo primitias creaturarum panem & vinum: vel intelligit sacrificium corporis & sanguinis Domini nomine materię, ex qua fit, vt supra ex Cypriano explicauimus. Sic in veteri lege super sacrificia iā facta, populus & sacerdotes inuocabant Dominum: & in noua, Christus hostia nostra, sistitur ab omnibus coram Deo, pro omnium suffragiorum validissimo & efficacissimo genere, respondente eiusdem Christi interpellationi, quam nunc pro nobis facit sedens ad dexteram Dei, per sacrificati corporis continuam oblationem ac representationem in cęlo. Sic enim Pontifex noster apparet vultui Dei pro nobis per hostiam suam, teste D. Paulo Hebr. 9. sic eius sanguis melius, quā sanguis Abel clamat iam fusus de altari, vt mirum non sit si ad singula momenta, dum in conspectu nostro iacet sacrificatus, per ipsum ac super ipsum vota Deo faciamus. Vnde sacerdos iā factam hostiam proponit, eleuat, offert sacrificia sancta, immaculatam hostiam: & addit, super quę propitio

*Oblatio latius
patet sacrificio.*

ac sereno vultu respicere digneris: & rursum, iube hęc perferri in conspectu diuinę maiestatis tuę. compellat denique Christum pręsentem per modum hostię pro viuis & defunctis illa prece sacrificali, agnus Dei miserere, dona pacem, dona requiem. & huiusmodi oblationem à populo fieri debere, principiō sacerdos admonet dicens, pro quibus tibi offerimus, vel qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis & incolumitatis suę, tibi quę reddunt vota sua ęterno Deo viuo & vero. Concludamus igitur: oblatio, quę consecrationem vel antecedit, vel sequitur, populo cum sacerdote cōmunis est: non pertinet igitur talis oblatio ad essentiam vel integritatem sacrificij: alioquin populus sacrificaret, & idcirco verē sacerdos esset omnis homo de plebe: quod fidei catholicę repugnat, vt ostēsum est. Deinde, sacrificium noui testam. est tantum corporis Christi, vt positū est, quādo immutatur per macrationem, cum de ratione sacrificij sit talis immutatio, vt supra ostēdimus: sed ante cōsecrationem nō est corpus Christi, post consecrationē nō immutatur per macrationem, cum hoc tantum fiat virtute verborum sacramentalium in ipsa consecratione, vt sępē explicatum est: ergo oblatio pręcedens vel cōsequens consecrationem, non est de essentia vel integritate nostri sacrificij, cū prius factum sit & integrum per consecrationem. Illa verō oblatio quę est sacrificij genus, & ideo essentię illius interna, in ipsamet. consecratione re ipsa continetur, quatenus per illam macrationem virtute verborum sacramentalium peractam, Christus verē sistitur coram Deo, & ideo dedicatur & offertur ad nostram salutem. Quapropter vt oblatio Christiā sacrificati, post consecrationem, non est de essentia aut integritate sacrificij nostri: sic neque Christi in cęlo sedentis ad dexteram Patris interpellatio pro nobis, propriē sacrificium dicitur: sed vtręque est oblatio victimę iam factę tantum, & dedicatio quędam, vt dignetur Pater ęternus eam ad nostram salutem secūdum efficaciam applicare: presertim cum Christus in propria specie semel tantū seipsum in cruce sacrificauerit, vt probat D. Paulus Heb. 7. & 10. Quod verō quidā cōtendūt, in quibus

*Oblatio est de
essentia sacrificij,
sed non differētia,
vt significat Cro-
quetus Cateches.
136 cum hac sit immutatio
res oblate, quę immutatio
in nostro sacrificio
est mystica ex vi ver-
borum, & ideo
differētia illius
propria.*

*Interpellatio
Christi in cęlo
non est propriē
sacrificium.*

De sacrificio noui testam.

in quib⁹ est Archingius in disputatione de sacrificio Missæ, §. 110. & 111. nō esse rationē sacrificij in consecratione, vt est mystica quēdam mactatio quōd in sacrificio reipsa mutationem esse oporteat, quæ hic nō sit, supplente nimirum vi cōcomitantiaē integritatem: esse autem rationem sacrificij in consecratione, vt est confectio corporis Christi sub esse sacramentali: quōd hoc sit reipsa nouū & ad sumptionem accommodatum, & ideo nostri sacrificij propriū. hoc inquam ab his assertum, nulla probabilitate nititur, cum sit etiam ipsis asserentibus totum ad rationem sacramenti perti- nens: & mysticam esse immutationem in nostro sacrificio, non realem, tota antiquitas confitetur. & si res oblata in nouo test.

Christus tantum est, & resurgens iam non moritur, Roman. 6. certē vt constet ratio sacrificij, immutari debet ex vi verborum & mysticē: quare in consecratione erit ratio nostri sacrificij, vt est mystica quēdā ex vi verborum Christi mactatio. Reliqua est ad cōfirmandū tertia pars propositę sententię de nostro sacrificio: nempe actiones alias sacerdotis antecedentes & consequentes consecrationem, habere suā vtilitatem & congruentiam cum sacrificali actione: sed hæc pars abundē est à nobis confirmata, cū primam partem confirmaui, ostendens quid significarent omnes illæ actiones ad sacrificium perti- nens, & in ipsa consecratione virtute com- prehensum.

C A P V T XIII.

¶ Panis & vini transubstantiatio non est sacrificium.

Primum coe-
sarium.



X his apertē efficitur, valde inconsideratē quosdā in ipsa panis & vini transubstantia- tione sacrificium nostrū con- stituere, quatenus per eam mutationem de non sacris fiunt sacra, vt animalia in vet. lege per mactationem & mortem. in quo magis erratum est ab iis, qui duo sacrificia in religione nostra distin- gunt circa actionem consecrationis: vnum panis & vini, alterū corporis Christi: ad hæc enim absurda necessariō deducuntur. Pri- mum, in nouo test. aliquid sacrificari posse præter corpus Christi, nempe panē: & tamē certissimum est, tantū sacrificari posse cor- pus Christi, quod illi in hunc finem Deus aptauit, vt illud pro omnibus aliis immola- ret, vt suprà ostendimus ex sacra scriptura, & constat ex Psalm. 39. vbi dicitur de Chri- sto, expositore D. Paulo, Heb. 10. hostiam & oblationem noluit, corpus autem apta- sti mihi. Secūdo sequeretur, sacrificiū no- strum non esse idem omnino ratione rei immolatæ, cum sacrificio crucis, modo tan- tū diuersum, vt supra ex tota antiquitate, scriptura, & Conciliis ostendimus: & ideo vetustissimi Theologi victimā noui testa- menti, intelligibilem ac rationabilem ap- pellauerunt, quōd sit veri hominis & Dei. Tertiō sequeretur, actionem ipsam sacrifi- cationis, qua Deus maximē colitur & pla- catur, tanquam summa latria, non geri cir-

ca Christum, sed circa panem & vinum: & ex consequenti Christus à nobis non sa- crificaretur, & extra Christum esset aliquid summē gratum Deo, vt constat esse no- strum sacrificium: cum sacrificalis actio de- beat esse immutatio rei, quæ sacrificatur: quare si mutatio panis & vini esset sacrifi- cium, vt est talis immutatio, certē panis & vinum esset propria victima noui testamē ti, non autem corpus Christi. Cōstituamus igitur in consecratione panis & vini nostrū sacrificium, non vt transubstantiatio, sed vt est virtute verborum sacramentalium ma- ctatio corporis Christi, hoc est separatio ab anima & sanguine: licet ratione concomi- tantiaē necessariō sint semper post resurre- ctionem coniuncta. Cum autem dicimus in consecratione panis & vini nostrum sa- crificium consistere, non intelligimus esse in nouo testa. plura sacrificia, licet ratione duplicis materiae sæpē ita à Patribus & Ec- clesia vocentur: sed integritatem & institu- tionem Christi exprimimus: vt quamuis deesset altera pars materiae, vt vinum, ma- neret in sola specie panis verum sacrificiū, non tamen integrum, neque congruens Christi institutioni. Ostēdimus enim, cū de materia & communione huius sacramē ti differeremus, præceptū diuinum Christi esse, vt sub vtraque specie cōficeretur hoc sacramentum, licet consecratio vnius par- tis materiae à consecratione alterius non pē- deret.

An sint de ne-
cessitate sacrifi-
cij, due species
panis & vini.

Infr. c. 30. in
expositione Ca-
nonis.

deret, & eodem Christi præcepto cōstringi sacerdotes sacrificantes ad sumptionem vtriusq; speciei. Constat autem ex præcedentibus prius saltem natura sacrificium constitui, quàm sacramentum, cum prius sit corpus Christi virtute verborum sine sanguine, vt explicatum est, quàm continētia sacramentalis: sacerdotes autem prius & multò magis, ad sacrificandū instituuntur, quàm ad sacramentum cōficiendum, sed vtrumq; eadem consecratione præstant, licet illud prius natura, vt omnes sumāt Christum immolatum, quod supra ex omni antiquitate docuimus.

Cont. Ruard.
art. 17.

Secundum con-
sectarium.

Sacrificiū Eccle-
siæ, quæ ratione
cum omnibus
aliis conuenit.

Colligamus præterea, Ecclesiæ Christianæ sacrificium, vt omnium aliorum cōsummatium, cum omnibus aliis sacrificiis aliquo modo cōuenire. cum sacrificiis quidem legis naturæ, quòd in omni loco possit etiam inter gentes offerri, obseruatīs Ecclesiæ præceptis, & irreuerentiæ periculo vitato. cum sacrificiis vet. leg. quòd

à solis sacerdotibus à Deo vocatis, vt Aaron olim vocatus est: cum victima Pascha- tis, vt per veri agni sanguinem liberetur populus à seruitute peccati: cum sacrificiis pacificis, quòd à sacerdotibus & offerentibus laicis manducari possit: cum sacrificio Melchisedec, quòd fiat ex pane & vino: cum holocaustis & aliis sacrificiis vet. leg. quòd in eo fiat rei oblata vera immutatio virtute verborum sacramentalium: cum crucis sacrificio, quòd res oblata sit eadē, quòd fiat separatio corporis à sanguine, & animæ ab vtroq; licet ratione concomitanti omnia sint post resurrectionem necessariò coniuncta: quòd vtrumq; est sacrificium propitiatorium; sed vnum ad sufficiētiā, alterū ad efficaciam: quòd vtrūq; nos Deo coniungit. Deniq; cum omnibus naturæ & legis sacrificiis ea ratione conuenit: quòd sit crucis Christi commemoratio, sed magis expressa, vt statim constabit.

Malac. i.

Heb. 5.

Luc. 22.

1. Corin. 10. 21.

C A P V T X V.

¶ Aduersariorum obiectiones contra nostrum sacrificium.



Actenus rationem & essentiam sacrificij ecclesiastici constituimus, nunc obiectionibus aduersariorum, quibus contendunt sacrificium non esse, respondendum est; argumenta verò, quibus conantur efficere propitiatorium non esse, vel non esse offerendum pro viuis & defunctis, ceterisq; hominum necessitatibus, tū dissoluemus, cum de efficacia & valore eiusdem sacrificij differuerimus: & ex obiectionū, quæ nunc proponuntur, refutatione, alia omnia dissolui posse constabit. Censent igitur aduersarij totam epistolam ad Hebr. ex vnitatem sacrificij crucis, aperte & potēter euertere nostrum sacrificium. sed hanc vnitatem ad tria capita reuocant, sacerdotis, hostiæ, oblationis: vt quoniam in nouo testamēto hæc omnia vnica sint, sacrificium Ecclesiasticum nullum sit, cum repugnet huic triplici vnitati. requirit enim plures numero sacerdotes, plures numero hostias, plures frequentes & sæpissimè repetitas oblationes sacrificantium. Deinde, his vnitatibus talis conditio perfectionis additur, quæ nō possit cum Ecclesiastico sacrificio consistere

re: nempe vt sacerdos non tantum sit vnus, sed etiam talis, qui non habeat necessitatē pro se offerendi: talis hostia, quæ perse sit efficax ad omnia peccata exhausta: oblatio deniq; eius generis, vt ea semel interposita, populus non amplius habeat conscientiam peccati, & ita deinceps omnis vltus sacrificij abrogetur. omnes verò huius argumentationis partes, variis sententiis eiusdem epist. sic confirmantur. Pro vnitatem sacerdotis, & contra nostram pluralitatem est illud Hebr. 7. & alij quidem plures facti sunt sacerdotes, quòd morte prohiberentur permanere: hic autem eo quod maneat in æternum, sempiternum habet sacerdotium. & inferius, talis enim decebat, vt nobis esset pontifex, sanctus, innocens, impollutus, qui non habet necessitatem quotidie, quemadmodum sacerdotes prius pro suis delictis hostias offerre, deinde pro populi. his addunt, proprium esse ordinis Melchisedec, vt vnus tantum in eo existat sacerdos, qui neq; socium, neq; successorem habeat. Deinde ad hostiæ & oblationis illius vnitatem comprobendam adserunt illud c. 10. hic vnus offerens pro peccatis hostiam, in sempiternum sedet ad dexte-

De sacrificio noui testam.

ram Dei. item, lex per singulos annos iisdem ipsis hostiis, quas offerunt indelinet, nunquā potest accedētes perfectos facere, alioquin cessassent offerri. & paulo post, sanctificati sumus per oblationē corporis Christi semel. & c. 9. nec ut sēpē offerat se metipsum, alioquin frequenter oporteret eum pati. c. 7. hoc enim fecit semel se offerendo. rursus, vnica oblatione consummavit in æternum sanctificatos. & iterum, in consummationem sæculorum ad destitutionem peccati per hostiam suam apparuit. Contra quæ omnia aduersariorum iudicio multipliciter in missa & sacrificio nostro peccamus. Primū, quod nostra sacrificia inter se comparata diuersa sint: deinde, quod ab ipso sacrificio crucis, quod in nouo testamento vnicū esse debet, si non victima, certē actione sacrificacionis & oblatione differat. Tum, quod faciamus diuersitatem inter sacerdotem & rem oblatam, vbi offerens non deberet habere aliā hostiam, quā suā, hoc est propriū corpus. Denique, quod non sine scelere Christum neci per singula missarum momenta adiudicemus, eiusq; hostiam sēpē repetendo inualidam esse ostendamus, Apostolo contrarium sic acclamante, vbi est peccatorum remissio, iam non est oblatio pro peccatis.

Præterea, ex verbis Domini præcipientis,

ut sacra cœna fiat in commemorationem mortis Domini, cū ait, hoc facite in meā commemorationem: & Paulo sic exponente, quotiescunque manducabitis panem hunc, & calicem Domini bibetis, mortem Domini annuntiabitis: & Patribus appellātib; nostrum sacrificium commemoratiuum, imaginem, aut exemplum sacrificij crucis: deniq; Theologis cū magistro 4. sent. d. 12. asserentibus ex D. Aug. idē vocari sacrificium, quod sit representatio veri sacrificij, ut nomina rerum, similitudinibus earum attribuantur, conficere volunt aduersarij, nō esse in nouo testamento verum sacrificium, præterquam illud vnicū crucis, quasi commemoratiuum, aut representatiuum sacrificium dicatur; ex particula diminuentē veri sacrificij rationem & naturam, ut cū sculptum hominem & pictū dicimus.

Tandem adiiciunt illud, vmbra Melchisedec nō efficere, ut in pane & vino sit in nouo testamento, vel in specie vtriusq; verum & proprium sacrificiū: quia Melchisedec nunquam obtulit, aut sacrificauit panē & vinum, sed tantum ad comœdaturā Abrahæ & sociis protulit. quin etiam aduersarij, ne sacerdotem, quidem fuisse asserere audent, propter verbi Hebraici indifferentiam, quo & sacerdotē & satrapam significari posse contendunt.

Slc Cal. ca. 18. institutionum.

Ep. 23. ad Rom. 1. m.

4.

Genes. 14.

C A P V T XVI.

¶ Responso ad obiectiones.

Prima responsio earundem obiectionum.



D priores duas obiectiones ex ep. ad Heb. petitas, duplex est responsio, vna veterū omniū Patrū Græcorū & Latinorū, qui videntes illam speciem repugnantię in D. Paulo, cū nostro sacrificio Ecclesiastico, præoccupauerunt illius refutationē, immoti à fidei decreto, asserente esse in Ecclesia verū sacrificiū, non autem illud contēnentes, ut nostri aduersarij. hi igitur omnes sacrificiū Ecclesie cū sacrificio crucis, omnino consentire idē affirmāt, quod illa triplex vnitas, hostię, oblationis, sacerdotis, nostro sacerdotio nō tollitur, sed potius cōfirmatur. Hostia enim eadē numero, Christus, in omnibus sacrificiis nostris offertur, quę in cruce oblata est, licet modus offerendi sit diuersus: illic incruente, hic cruento, actio etiā sa-

crificalis, vel oblatio eadē est, quatenus nostra missa, nihil est aliud quā repetita passio, vel perpetua redēptionis oblatio, vel passionis celebratio, ut veteres illi loquuntur. Vnde Nazianz. oratione post morbum ait, sacerdotē his sacrificiis se planē immiscere magnis Christi passionibus. Alexād. I. ep. ad omnes orthodoxos, in sacramento, inquit, oblationibus, quę inter missarū solēnia offeruntur, passio Dñi miscēda est, ut eius, cuius corpus cōficitur, passio etiam celebretur. Cyprian⁹ ep. ad Cēciliū passio Dñi est sacrificiū, quod offerimus. & Ambros. lib. 1. de offic. c. 48. offertur hīc Christus in imagine, quasi recipiēs passionem. Quia igitur sacrificiū Ecclesiasticū est expressa imago, vnicū exemplum, ineffabilis recordatio Christi patiētis in cruce, adeo exacta, ut identitatē neq; in re oblata, neq;

In nostro sacrificio retinetur vnitas hostiæ, oblationis et sacerdotis, quam vnitatem vnus D. Paulus esse in nouo testamento

Chrys. Ambros. Occum. Theophyl. Haym. Paschas. Remig. Primas. omnes recentiores.

in

in actione excludat, contrà ac veteres animalium maculationes, quæ erant prorsus diuersæ inter se, tenuissimamq; umbram futuræ oblationis in cruce continentes, neque ipsa erat de substantia eorum, vt est in nostro sacrificio per mysticam maculationem: idèd Patres omnes veteres sentiunt, non tollere vnitatem sacrificij & oblationis propriæ noui testamenti, nec nostra sacrificia magis dici posse plura, aut diuersa, quàm plura sunt corpora, aut plures ac diuersi Christi. Tertiam verò vnitatem sacerdotis, quem D. Paulus vult vnicum esse, æternum, impeccabile, non aliam hostiam, quàm suum corpus, nec alienum, sed proprium sanguinem offerentem, eatenus in sacrificio nostro retineri tradunt, quatenus sacerdotes noui test. sunt ministri & dispensatores mysteriorum Dei, iussu, autoritate, assistentia, virtute Christi, & in ipsius persona sacrificantes, vt ea ratione omnium sit vnicum in Christo sacerdotium: cum tamen in vet. lege nullus sacerdos ab altero penderet, vel alterius personam gereret. vnde, licet nostri sacerdotes non minus singuli concurrant ad sua officia præstanda, quàm legales sacerdotes, cum sacramenta administrant: semper tamen principaliter & verè Christus eadem ipsa per ipsos facere dicitur: vt non solum autoritate Christi faciat sacerdos, sed etiam in persona ipsius, vt verba ipsa cõsecrantis sacerdotis euincunt: cum non possint esse vera, nec efficere, quod significat, nisi in persona Christi accipiatur, quasi Christo ore sacerdotis proferente, hoc est corpus meum, hic est calix sanguinis mei. his autem verbis & hac tantum consecrationis actione, sacrificium Ecclesiæ perfici supra ostensum est. Hinc Chrysostomus. 2. in ep. 2. ad Tim. inquit, non hanc sanctificat homines, sed Christus, qui eam antè sacrificauerat, & sicut verba sunt eadè, ita & oblatio eadè est. & Ambrosius. citato ex li. 1. offic. antè agnus offerebatur, offerebatur vitulus, nunc Christus offertur, sed offertur quasi homo, & offert se ipse quasi sacerdos, vt peccata nostra dimittat. deniq; Aug. de ciuit. Dei lib. 10. c. 4. cum ad illud sursum est altare cor nostrum, eius vnigito sacerdote eum placamus, vt legit Thom. Vvaldeñ. & c. 20. eiusdè lib. in forma serui mediator noster maluit esse sacrificium, quàm sumere: per hoc sacerdos est, ipse offerens, ipse & oblatio. cuius rei sacramentum, quotidianum esse voluit sacrificium, cum ipsius cor-

poris ipse sit caput, & ipsius capitis ipsa sit corpus, ita ipsa per ipsum, quàm ipse per ipsam fuetus offerri. huic summo veroq; sacrificio cuncta falsa sacrificia cesserunt. Hec est Patrum responsio, eaq; vera, etià in partem cõparationis Paulinæ, quàm inter sacrificium Christi & Leuiticum instituit, sacrificium Ecclesiasticum, quod Dominus per ministros suos peragit, accipiamus. Sed est altera recentiorum responsio, directè & primariè intentioni D. Pauli valdè consentanea. est enim hic status controuersie inter Iudeos & D. Paulum, sit ne illud absolutum, independentens & capitale sacrificium, à quo cetera religionis obsequia pendebant, in sacerdotio Aaronico & legali, an in sacerdotio Melchisedeciano. hoc est, vt loquitur D. Paul. Heb. 7. fuerit ne cõsummatio per sacerdotium & sacrificium Leuiticum, an potius Melchisedecianum: vt hoc sacrificium esset consummatiuum, & redemptiuum, potens sua vi ad remittendum & exhauriendum omne peccatum, destruendum & abolendum: cuius proinde vis esset infinita: cuius pretium & valor apud Deum exactè summoq; iure libratus, incomparabiliter superaret omne omnium peccatorum debitum, quoad culpam & penam. rursum, an illi vnæ aliquam hostiam in illa infinita victimarum varietate haberent, quæ tantæ dignitatis esset, vt peccata purgaret. deniq; an aliquis sacerdos tem ex suis in lege & ordine Leuitico Iudei cognouerint, qui sibi merito vendicaret generale officium redemptionis, in cuius personæ dignitate tanti officij æternitas & immutabilitas fundaretur: qui vlla sua actione, vel sacrificio eternam redemptionem inuenire posset: calix ianuam Patribus & futuris fidelibus omnibus aperiret: sibiq; à dextris Dei sedem constitueret, mortem destrueret: qui demum suo sacrificio, omnibus sacramentis, sacrificijs, sanctis operibus, ab initio orbis vsq; ad finem suum omnem, & dignitatè conferret. Hec enim omnia & similia, propria sacrificij absoluti, perfecti, consummatiui, sacerdotis & hostiæ redimentis, & vniuersum orbem reconciliatis Hebræi tempore Apostolorum Iudaizantes, si suæ sectæ consentanea dicerent, confiteri deberent in sua sacrificia conuenire: alioquin non esset consummatio per ordinem Leuiticum, vt illi volebant, nisi haberet illa lex tale sacrificium, talem hostiam, talem sacerdotem, qualem descripsimus.

Altera responsio.

Status controuersie inter Iudeos & Paulum in ep. ad Hebr.

An consummatio in ordine Leuitico, vel Melchisedeciano?

1. Cor. 41

De sacrificio noui testam.

Est verò ad hanc controuersiam hæc D. Pauli responsio & propositio: consummationem non esse in ordine Leuitico & legali, sed potius in Melchisedeciano: quia unus & solus Christus in hoc ordine vocatus à Deo sacerdos, una & sola hostia sui corporis, unica & sola actione sacrificali, idest morte sua affectus est illud, quod innumeris sacerdotibus Leuitici, infinitis pecoribus, sine intermissione, repetitis oblationibus, nunquam sint affecti. Hanc sententiam confirmat ex congruentia & consensione legis, sacerdotis & sacrificij, quæ sunt necessariò coniuncta, & cum fuerint inualida ad illam potentem, absolutam & generalem remissionem & persolutionem, quam requirimus, necesse est in ordine Leuitico & legali non fuisse consummationem. infirmitas autem illorum trium deducitur ex antithesi sacerdotum, hostiarum, & oblationum veteris & nouæ legis. In prima igitur antithesi docet Christum solū ad tam eminens munus fuisse idoneū, siue eius typum in Melchisedec respicias, qui longe omnibus naturæ sacerdotibus antecelluit, & Aaronem antea uertit, omnemque eius successione, tempore, dignitate, benedictione data, oblatione accepta, uocatione per iuramentum confirmata, singulari præ omnibus aliis sacerdotibus in uinctione, qua sic est spiritu sancto perfusus, ut nullus unquam Leuiticus sacerdos tam copiose fuerit oleo corporali delinitus. cuius functionis firmitas, durabilitas, immutabilitas, tam in seipso, quam in sua Ecclesia tanta fuisse perspicitur, ut super eum solum pater iurauerit sine poenitentia, quod esset sacerdos in æternum. unde Hier. ad euag. inquit, Christi & Ecclesiæ sacerdotium in præteritum & in futurum æternum fore. Quod verò ad ceteras conditiones personæ attinet, quæ suo opere & merito deberet genus humanum reconciliare, totius peccati imperium, ac damnationis generale vinculum, sua potestate delere, admirabili sapientia differit D. Paul. ista non posse præstari à turba sacerdotum communium, in quibus nullus est, qui non sit ipse peccator, habeatque quod pro se agat: tantum abest, ut pro uniuerso orbe, sacrificio

suo faciat satis. At ex altera parte Christum Dominum sacerdotem nostrum innocentem, impollutum, segregatum à peccatoribus, non habentem necessitatem pro se primum offerendi, deinde pro populo. imò, quia is, qui sacrificium consummationis facere debet, sit necessariò constituendus medius inter Deum & hominem, hunc redimentem ac consumantem sacerdotem, non esse merum hominem, sed mortalibus omnibus, angelis, ipsique celestibus celsiorē, qui in ipsum celum & infernum habeat imperium: nec sua ipsius morte à redemptionis æterno munere excludatur, quia per resurrectionem uiuens in æternum, sempiternum habeat sacerdotium. Altera antithesis est inter ipsas hostias legales, & unicam corporis Christi: in qua ostenditur, illas fuisse brutas, contemptibiles & abiectas, taurorum, hircorum & aliorum animalium, quibus per se impossibile est peccata remitti, aut pro pretio humane anime iustam fieri commutationem. nostri autem sacerdotis uictima, cum esset proprium corpus Deo coniunctum, deposita anima, orbis terrarum peccata potenter expiauit, & iustissime per eam transactio generalis super peccatis totius mundi facta est. Tertia antithesis inter actiones & oblationes ostendit, illam Christi Domini per propriam mortem sponte pro redemptione hominum effectam, tam immensæ charitatis fuisse, tam excellenti meriti, tam potētis satisfactionis, tam sufficientis & cumulatiſsimæ redemptionis, ut frustra eiusdem operis repetitionem desideres. ac proinde Christum semel mortuum, semel ingressum in sancta, sua unica necesse, æternum sanctificatos consummasse. Contra autem, Leuiticos sacerdotes infinites acta agere, easdem specie hostias consimili semper actione indefinenter offerre, & ipsa continua repetitione conuinci singulas esse inualidas, cum nec uniuersis id unquam sint affecti, ut cultores à peccato prorsus immunes essent, aut à sacrificando quiescerent. sic enim concludit c. 10. eiusd. ep. ad Heb. alioquin cessassent offerri, quia nullam haberent ultra conscientiam peccati, cultores semel mundati.

Mediatoris necessitas ad opus redemptionis.

Alteram antithesin inter uictimas.

Tertia antithesis inter oblationes.

Prima antithesis inter sacerdotes Leuiticos & Christum.

CAPVT XVII.

¶ Ad alias obiectiones responsio.

Si hæc continuò existit non leuis obiectio, idem enim concludi potest contra sa-

cificium crucis & nostrum Ecclesiasticum. his enim peccatis adhuc non est absorptum omne peccatum,

*Sacrificiū Eccle-
siasticum appli-
cat secundū effi-
caciā, sufficiē-
tiam sacrificij
crucis.*

peccatum, imò quotidie sacrificio nostro indigemus ad expianda peccata. Respōdetur, Apostolum planè concludere de sacrificio cōsummatiuo & redēptiuo secundū sufficientiam: simili autē sacrificio nō amplius indigemus, alioquin non esset perse sufficiens: indigemus autē nostro sacrificio secundū efficaciam ad applicandam nobis illam infinitā sufficientiam sacrificij crucis. fuit enim crucis sacrificium generale poculū, aut medicamentum vniuersale in cōmuni propositum, vt inquit D. Aug. lib. artic. falsō impos. art. i. non retinens in se actua-lem applicationē ad particulares vsus, sed eam per varia sacramenta, sacrificia, & opera nostra distribuens. Quod si crucis sacrificium omninō esset cōsummatiuum, non solūm sufficiētia, sed etiam efficaciam, sacramentis, sacrificio nostro non indigeremus. quia verō Hebræi Iudaizātes, contra quos D. Paulus in ep. ad Heb. disputat, sua illa sacrificia vetera, existimabāt absoluta & perfecta, vtraq; perfectione sufficientiæ & efficaciæ, deberent necessariō, si sibi constarent, asserere, illis peractis, nullum alterū sacrificiū ordinis Melchisedec instituendū esse, quod tamen institutum docet sancta scriptura Psal. 109. Similiter si sacrificiū nostrum Ecclesiasticum esset absolutū & independens, non fuisset opus altero sacrificio crucis, vel eiusdem repetitione. nūc verō, cū illud crucis sit absolutū secundum sufficientiam, indigemus altero, quod secundū efficaciam illius virtutē applicet: & idcirco hoc ab illo necessariō pendet, neq; vllus mortaliū vnquam contrariū asseruit: præsertim cum eadem sit vtriusque hostia,

vt suprà explicauimus, per ministros repetita oblatio, modo offerendi cruento, vel incruento, ad sufficientiam, vel efficaciam diuersa. Vnde quod in hoc etiam argumēto, vt in multis aliis, aduersarij clamitant, si sacrificiū nostrum sit necessarium ad participandam Christi redemptionem, passionē Christi non fuisse copiosā, & perse sufficientē nostrę salutis causā, & ided posito nostro sacrificio multū detrahi de valore sacrificij crucis, friuolū est, & cōmune: quod non minus valeat contra omnia sacramenta, & omnia opera, ipsamq; fidem Christianā, quibus ad nos deducimus & applicamus thesaurum illū immensum redēptionis nostrę. Si enim interpellatio Christi pro nobis ad Patrem Heb. 7. ex qua dicitur aduocatus noster apud Patrē 1. Ioan. 2. nihil sufficiētię sacrificij crucis detrahit, imò eādem nobis applicat ex instituto Christi, sicut sacramenta, & sacrificiū nostrum, vt in passione sit vniuersalis causa sufficientissima, in aliis sit efficax secundū specialē effectū cuiusq;, sinant nos aduersarij apprehendere per sacrificiū diuinissimū à Christo institutū, passionis effecta, cuius beneficium omne falsa illa sua fide speciali cōficta, apprehēdi à se gloriātur. Nihil autē est in omni hærēsi stultius, nihil in atheismo horribilius, nihil ad omnē impietatem potentius, quā per ipsam passionē Dñi, qua sola omnis religio & rectus Dei cultus continetur, & stabilitur, summum & vnicum, soli; Deo & semper ex ipsa nature lege propriū, ac debitū cultum sublatum esse, impiē vel le prætexere.

Sacrificium nostrum nihil detrahit de valore sacrificij crucis.

C A P V T XVIII.

¶ *Sufficientia sacrificij crucis, & eius in missa commemoratio.*

Paulina comparatio non est de existentia, sed de vi, & sufficiētia sacrificij.



X his cōstat, in Paulina cōparatione inter vetera sacrificia, & sacrificium crucis, non concludi alterutrius existentiam, vel non existentiam, vt scilicet, altera pars cōparationis probetur existere, vel non existere, vel non esse, quod propriē dicitur sacrificium: sed potius concludi vim, sufficientiam & excellentiam sacrificij crucis præ omnibus aliis. Non enim vetera, quia sacrificia erāt, cessarunt: sed propter infirmitatem, melio-

ri sacrificio cesserunt, præsertim cum illud futurum significarēt, & ided vbi illud trāsactum est, significatio non cōgruebat. quare si cōparatio instituatur inter sacrificium crucis, & nostrum Ecclesiasticum, nō erit questio de existentia alterius, vtrum. scilicet alterū cū altero possit consistere, sed de vi & dependentia, nēpē, vtrum nostrum sacrificiū vim omnē accipiat à sacrificio crucis. quā distinctionē aduersarij non expedientes, inconsideratē concludunt, alterū cum altero non existere: cū potius concludendū es-

De sacrificio noui testam.

*Noui testamen-
ti status perfe-
ctissimus & bea-
tus.*

set, alterum crucis, absolutum esse & sufficiencia perfectissimū, alterum Ecclesiasticum ab altero pendere, & illius sufficiencia nobis applicare, vt definitum est in cōcilio Trid. sess. 22. c. 1. & 2. Cū autē totum illud sufficiens pretiū generalis redēptionis, vel saltē, quod ex toto illo fuerit necessarium, siquidem abundantius adhuc est, particulariter fuerit insumptū, atq; ad omnes per mortem Christi sanctificandos applicatū, tunc perfecta erit remissio, nullum amplius extabit sacrificiū externum, nullū deniq; peccatum: sed erit felicissimus status beatitudinis omnium. quo sensu potest accipi illud Heb. 10. vbi autē horum remissio, iam non est oblatio pro peccatis: licet in generali & sufficiēti causa id totum in passione peractum sit. sic autē perfecta etiam secundum efficaciam redemptione, erit plena remissio, hominē totum animo & corpore à plaga peccati vindicās, ac perfectū reddens, quando tradiderit filius regnum Deo Patri, & posuerit omnes inimicos suos scabellum pedum suorum: qui sanē erit status perfectissimus noui test. vacabitq; oblatione pro peccatis, carebit sacramētis & doctrina externa, & reliquis huius vitæ, quibus colitur Deus mortalibus officiis. ad quem sensum potest etiā referri illud Heb. 10. de cetero expectans donec ponantur inimici eius scabellum pedum eius: vna enim oblatione consummauit in sempiternū sanctificatos. Hactenus duas priores aduersariorū obiectiones dissoluimus: ad tertiam autem refellendā, fatēdum est primò, in nostro sacrificio ex mandato Domini cōmemorationem fieri mortis dominicæ: ea verò cōmemoratio non consistit in prædicatione, aut liberis verbis concionatoris, vt aduersarij imperitè obstrepunt, sed in ipsa operatione & confectioe mysteriorum, cū per eam sit præsens Christus modo immolatus, licet mystice in specie panis & vini, vt sæpè explicatum est. sic Dominus Luc. 22. dixit, hoc facite in meam cōmemorationem, & hoc quotiescunq; feceritis, non autē dixit, hoc annūtiare, hoc prædicare. ipsum itaq; opus Liturgicum, est cōmemoratiuum passionis dominicæ, magis expressum, quàm quæcunq; alia, vel vetera sacrificia, vel ritus & ceremoniæ Ecclesiasticæ: quia continet eundē numero Christum immolatum pro nobis effuso sanguine, virtute verborū sacramentalium, vt sæ-

E. Ger. 154.

*Sacrificium noui
testam. quia ra-
tione cōmemo-
ratiuum sit.*

pè explicatū est. Voluit enim Deus in nouo test. nō sic alio officio externo summè coli & adorari, quā illius ineffabilis meriti recordatione, quod superat omnia alia bona in nos collata. pro sua enim misericordia omnia sibi à nobis summè tribui iudicat, si representemus illi per hoc mysteriū verè Eucharisticū suum donum datum hominibus per passionē filij sui. est enim omnium diuinorum meritorum cōpendium, epitome vniuersorū, quæ ille nobis, vel per se in creatione, vel per humanitatem Dñi nostri in redēptione præstitit. hæc autē omnia cōtineri in cōmemoratione, quæ hoc sacrificio peragitur, illa verba Dñi apertè euincūt, hoc facite in mei cōmemorationem. quibus autē maximè partibus hæc cōmemoratio celebretur, tremēda actio canonis his verbis expressit: vnde & memores nos serui tui, sed & plebs tua sancta eiusdem Christi filij tui, tā beatæ passionis, quā & ab inferis resurrectionis, & in celos gloriosæ ascensionis, offerimus præclarę maiestati tuę de tuis donis ac datis hostiā puram: & quæ sequuntur. fit etiā in eodem sacrificio semper, vt inquit Aug. 22. li. de ciu. c. 10. sanctorum cōmemoratio, vt ex ipsorum gloria, glorificetur Deus in sanctis suis per filium suū, per cuius mortem ita exaltati ac beati sunt. sic autē cultus hic sacrificialis in maiorem gloriā Dei cedit, cū totum corpus, cū Christo capite, quasi in quoddā triumpho ipsi Deo representatur, vt obseruauit D. Aug. lib. 10. de ciu. c. 6. & Chrys. hom. 21. in Acta. hom. 25. in Matth. hom. 2. in ep. 2. ad Corin. Hinc Ecclesia antiqua semper in sacrificio retulit nomina Episcoporum defunctorum, & aliorū virorum, qui Deo gratificerentur, & idē nomina eorū in sacris diptychis descripta erant. vocāt autē diptycha publicas tabulas, in quibus illa nomina descripta fuere. hinc etiā inualuit mos, præsertim apud Græcos, non faciendi sacrificium in quibusdam solemnioribus ieiuniis ac pœnitentiæ & luctus tēporibus, vt in quadragessima: quod sacrificium sit actus solēnis, festiuus, lætus, triumphum, & gloriam Christi, omniumq; suorum sanctorū, atq; redemptionis nostræ lætissima beneficia complectens. Vnde quamuis in honorem sanctorum missæ institutæ sint, non tamen illis sacrificium offertur, sed Deo soli, qui illos coronauit: & idē neque sacerdos dicere solet, offero tibi sacrificium Petre, vel

*Beneficiorum
Dei summa re-
colitur in no-
stro Ecclesiæ sa-
crificio.*

*Sanctorum in
missa cōmem-
oratio.*

Diptycha

*Missæ in hono-
rem sanctorum.*

*Commemorati-
uum nō minuit
veram rationē
sacrificij, quam
nis non sit abso-
lutum & inde-
pendens.*

vel Paule, sed Deo de eorum victoris grā-
tias agens, eorum patrocinia implorat, vt
ipsi pro nobis intercedere dignentur in cæ-
lis, quorum memoriam facimus in terris,
vt definitum est, in concil Trident. sess. 22.
c. 3. & docuit D. Aug. lib. 8. de ciuit. c. 27.
Sic igitur fatendum est in missa fieri ex in-
stitutione Domini, mortis Dominicæ, &
aliorum beneficiorum Dei gratissimam
recordationem: dum Christum nobis da-
tum, Patri offerimus, vt summam continē-
tem beneficiorum eorundem, eidem ma-
ximè pro nostra salute acceptam. Præte-
rea accipiendum est, id quod est represen-
tatiuum, rememoratiuum, aut commemo-
ratiuum, nihil omnino de vera ratio-
ne sacrificij detrahere, sed vera victima, ve-
ra immolatio, etiam propitiatoria secundū
efficaciam, vt ostendimus, concludit esse
verum sacrificium: quia non est nuda com-
memoratio, sed commemoratio reipsa cō-
tinens, id cuius similitudo & representatio
est. Illustrissimum exemplum est in filio
Dei, qui per modum similitudinis proce-
dens, imago dicitur & character substan-
tiæ Patris, cum tamen illi, appellatio & na-
tura Dei æquè ac Patri conueniat. sic corpus
Christi, vt in Eucharistia existens, sa-
cramētum est, & similitudo corporis Chri-
sti, vt existentis in propria specie, & tamen
vtrobique est idem numero corpus: sed vt
in alia specie, significat & representat seip-
sum, vt in propria. similiter in eadem con-
fectione Eucharistiæ, est mactatio & im-
molatio virtute verborum sacramenta-
lium, vt sæpè explicatum est: est tamē ima-
go & representatio mactationis in propria
specie factæ in cruce: vel, vt loquitur D.
August. immolationis in seipso, hoc est in
forma natiua & propria. Denique, vt vetera
sacrificia, vera fuerunt sacrificia, quamuis
dependētia & sacrificij crucis commemo-
ratiua, sic etiam & multò perfectius, sacri-
ficiū nostrum est commemoratiuum,
verum tamen sacrificium: neque commemo-
ratio ab ullo alio sacrificio, nisi crucis
excludi potest: cum ipsum tantum sit abso-
lutum & independens, cætera verò ad il-
lud referantur, & ideo illius commemora-
tiua sunt, à quo vim omnem & efficaciam
desumunt. hæc alterius representatio,
quæ tamen veritatem rei continet, dicitur
in nouo testamento imago Hebr. 10. & an-
tipypia, hoc est eiusdem, vel similis formæ

respondentia, 1. Pet. 3. deinde, vt commemo-
ratiuum vim habet docendi, quæ scili-
cet pro nobis Christus passus sit, vt sacri-
ficiū vim habet saluandi & reconciliandi,
vt colliges ex Chrys. hom. 83. in Matt. Qua-
re, in hac re duò aduersariorū errores cauē-
di sunt, vnus circa substantiā sacrificij, qua-
tenus non ob aliā causam sacrificiū dici ve-
lint, quā quodd sit nuda imago & exemplar
eius rei, quæ fuit verum sacrificiū: alter cir-
ca effectum & vsum eiusdē sacrificij, qua-
tenus affirmant non esse alium eius vsum,
quā vt nos memores reddat passionis Do-
minicæ. vterque error dānatur in conc. Trid.
sess. 22. can. 4. his verbis: si quis dixerit, mis-
sæ sacrificiū tantum esse laudis & gratiarū
actionis, aut nudam cōmemorationem sa-
crificij in cruce peracti, non autē propitia-
toriū, vel soli prodesse sumenti, neque pro
viviis & defunctis, pro peccatis, pœnis & sa-
tisfactionibus, & aliis necessitatibus offerri
debere, anathema sit. Hoc sensu accipien-
da est ratio theologorū, quæ efficiunt mis-
sam esse sacrificiū, quodd sit sacrificium cō-
memoratiuum sacrificij crucis, & illius effi-
caciā nobis applicans: non enim nudam in-
telligunt cōmemorationem, sed quæ con-
tineat rei veritatē, & in eū vsum offeratur,
vt illam crucis sufficientiā nobis efficaciter
accommodet. D. autem Aug. ep. 23 ad Bo-
nif. asserens, imaginibus sæpè attribui no-
mina rerum, quarum sunt imagines, vt Pas-
cha dicitur annua cœremonia, qua veri Pas-
chatis memoria celebratur, & dies domini-
cus dicitur, representatio resurrectionis
Domini, vt scripsit etiam ep. 119. ad Ianua-
rium: similiter hoc sacrificium dicitur im-
molatio, ex similitudine alterius immola-
tionis in cruce: & dicitur corpus Christi, vt
representat corpus Christi, vt existens in
sua specie natiua: hac inquam sententia &
his exemplis innuit D. Aug. hanc immola-
tionem esse commemoratiuam, non quodd
veri corporis Christi hō sit immolatio, sed
quodd respondeat alteri immolationi, quæ
facta est in propria & natiua specie corpo-
ris Christi. Itaque non vult D. Aug. eandem
rationem similitudinis in omnibus rebus
intercedere, quæ appellationes sumunt re-
rum: quarum sunt appellationes, vt sacra-
mentum fidei aliter est simile ipsi fidei, ali-
ter sacramētū corporis ipsi corpori Chri-
sti, aliter dominicus dies resurrectioni, ali-
ter sepultura in baptismo est similis sepul-
tura

*Explicatio theo-
logorum, &
D. Augustini.*

De sacrificio noui testam.

ture veræ: denique immolatio Christi in hoc sacramento, aliter similis est immolationi Christi in cruce. commune quidem est his omnibus, vt propter similitudinem quocunq; modo interuenientem inter re representatam & representantem, nominũ communio fiat: pro differentia tamen similitudinis fit, vt nomen ab altero sumptum propriè conueniat, aut impropriè: in hoc autem sacrificio est similitudo & representatio, sed ea non excludit rei veritatem, & existentiam, sed tantũ diuersum modũ existendi: vt in nostro sacrificio sit idẽ Christus immolatus, qui in cruce seipsum immolauit: sed ibi separatione animę & sanguinis in propria specie sine coniunctione per cõcomitantiam, ad sufficienter promerendam

redemptionem: hic autem separatione animę & sanguinis virtute verborũ sacramentalium, quę tamen necessariò ratione comitantiz coniuncta sint, ad redẽptionis effectũ sufficientiã, nobis efficaciter applicandã. Quare quotiescunq; nostrũ sacrificiũ dicitur commemoratiũ, & ex sacrificio crucis, quod representat, appellationẽ sacrificij desumere, nõ significatur nõ esse propriũ sacrificium, quasi ex particula diminuyente, vt cũ hominem pictum, hominem dicimus: sed potius significatur illud crucis esse absolutum & independens, hoc nostrum Ecclesiasticum dependere ab illo, vt imaginem, sed quę rei & sacrificij proprietatem retineat, vt abudẽ explicatum est.

C A P V T XIX.

¶ De Melchisedec sacerdote, & sacrificio.



Respondet quartæ & vltimæ obiectioni refutanda, quę ex figura efficere cõtendit, missam nõ esse sacrificiũ, quod Melchisedec in pane & vino non sacrificauerit, neq; fuerit sacerdos. Sed isti obiectioni opponimus Paulum & Spiritum sanctũ, qui per os David ex Gen. 14. statuũt Psal. 109. & Heb. 7. Melchisedec fuisse certĩ ordinis sacerdotẽ: vt non aliter ambiguitas verbi Hebraici, quo sacerdos & satrapa significatur, aptius tolli possit, & pro sacerdote accipiatur, vt habet nostra vulgata interpretatio, quã ex huiusmodi Spiritus sancti expositione. Opponimus etiã ipsam verborũ scripturę propriã interpretationẽ, quum reddit causã prolatis panis & vini à Melchisedec, erat enim sacerdos Dei sumi, vt significaret, illã prolationẽ fuisse sacerdotis sacrificiũ propriã, vt confirmat omniũ Patrum expositio. Cyp. ep. 3. lib. 2. accuratẽ docet Melchisedec obtulisse sacrificiũ Deo, quod fuerit illius ordinis propriũ, & typus sacrificij Christi in altari, vt utroq; verbo offerendi & proferendi, significetur idẽ, quod in sacrificium proponere. similiter Euseb. lib. 5. demõst. euang. Ar nobis, Cassiodorus, & omnes veteres in Psal. 109. Ambr. lib. 5. de sacramẽt. c. 1. & de his, qui myst. init. c. 8. Hieron. Matt. 26. & ep. ad Euagriũ. Chrys. ho. 35. & 36. in Gen. & de prodictione Iude. Aug. in Psal. 33. cõc.

1. & lib. 17. & 18. de ciuit. Dei. Damas. lib. 4. de fid. orthod. c. 14. Athanasius & Oecum. in 5. c. ep. ad Hebr. Colligere etiam possumus ex veteribus, Melchisedec primum, facta circa rem oblatam immutatione, sacrificasse, deinde in typum cœnæ Dominicæ immolatum panem & vinũ populo Abrahæ impertiuisse: neq; ad supplendam necessitatem comæatus id fecisse, cũ eo Abrahã victor & spoliis onustus tunc abundaret: quod obseruauit Theodoretus ad Psal. 109. & Clemens Alexand. lib. 4. stromatum docet Melchisedec aliquo ritu illũ panem & vinum consecrauisse, vt esset verum sacrificium, licet eum ritum scriptura non commemoret: neque in comestione, sacrificatio illa posita fuisse videtur, sed aliis modis, mutationibus, vel fractionibus ante manducationem, res illæ immutari in sacrificium potuerũt Theodoret. q. 63. in Genes. panes cum vino in massam farinæ redactos Abrahæ veluti in communio nem, & Deo in sacrificium exhibitos fuisse scribit. similiter Epiphanius hæresi 79. aperte, inquit Melchisedec sacrificasse, & hæresi 55. Abrahæ & sociis dedisse panem & vinum, vt mysteriorum ænigmata designaret, sicuti Clemens libro allegato inquit, illum sanctificatum nutrimentum dedisse Melchisedec Abrahæ in typum Eucharistie. confirmatur etiam Melchisedec sacerdotium ex illa duplici benedictione, quæ

Melchi-

Melchisedec, & Deo, & Abrahæ benedixit. non enim illa fuit vulgaris, aut ciuilis bene precandi, vel gratulandi formula, sed sacerdotalis vtriusque, & nostræ sacrificialis figura. dum enim benedixit Deo, debitos hymnos cecinit, inquit Ioseph. lib. 1. antiq. c. 10. omnium autem rationem reddere potest illa clausula [erat enim sacerdos Dei summi,] licet proximè referatur ad illud, [panem & vinum obtulit,] hoc est solemniter & more sacrificiali protulit. Quod autem aduersarij negant Heb. reperiri particulam causalem [enim,] sed sic legi, [& erat sacerdos,] ineptum est, cum illud [&] passim apud Heb. vim habeat causalis, vt Psal. 59. & 127. da

nobis auxilium de tribulatione, & vana salus hominis, pro [quia.] & Genes. 22. nunc cognoui, quia diligis Deum, & non peperisti vnigenito filio tuo. qui vsus particulæ [&] in latinis etiam scriptoribus reperitur. Præterea sacerdotem fuisse Dei summi, eximij alicuius sacerdotij munus significat circa filium Dei respectu æterni Patris, vt in illo Luc. 1. virtus altissimi, & filius altissimi vocabitur: & de Ioanne, tu puer propheta altissimi vocaberis: vt illud quod gerebat in vmbra Melchisedec, postea ab ipso filio Dei obeundum esset, erga æternum patrem suum.

C A P V T XX.

¶ De vsu & effectu nostri sacrificij.



Hæc de nostri sacrificij ratione ac substantia, satis disputatum esse videtur: ordinis ratio postulat, vt de eius vsu, fructu, effectu, & fine breuius idè dicamus, quod aduersarios in hac re, vel non repugnantes habemus, aut si quid repugnent, ex præcedentibus facile reprimi possunt. vsus autem in hac re ab effectu & fine non distinguitur, quod sacrificiū in actione consistat, & eadem applicatur ad omnes effectus, & ad omnes institutionis fines & vsus: in aliis rebus consistentibus & non transeuntibus, vsus rebus constitutis posterior est, vt in hoc ipso mysterio, vsus vt sacramenti & effectus posterior est, in ipsa cōmunionē cōsistens. vsus igitur & effectus nostri sacrificij, vel respectu Dei, vel respectu nostri cōsideratur, & ad omnes vtriusque generis effectus necessario valere debet. Primo quidē, quia succedit omnibus veteribus sacrificijs, & idèd valere debet ad omnes effectus, ad quos illorū quodlibet valuit, & cūm latius, atq; perfectius ratione rei oblatæ. sic D. Aug. lib. 17. de ciuit. c. 20. & Leo serm. 8. de pass. carnaliū, inquit, sacrificiorū varietate cessante, omnes differentias hostiarū, vna corporis & sanguinis tui implet oblatio. & Ecclesia in quadā oratione Liturgica, Deus qui legaliū hostiarum differētiās, vnius sacrificij perfectione sanxisti. deniq; hoc est nostrū iuge sacrificiū, hoc est matutinū & vespertinū, hoc immaculatum, hoc

libamē, hoc victima, hoc holocaustū, hoc pacificum, hoc Pascha, hoc pro peccato: & idèd instar & loco omnium. Secūdo, quia hoc sacrificiū applicat nobis secundū efficaciam, passionis Christi sufficientiam: sed hæc pro multis valuit: ergo similiter valet ad efficaciam nostrum sacrificium. sic etiam est in vsu Ecclesiæ, vt pro omnibus humanis necessitatibus applicetur. sed cū hæc generaliter ostendisse ad exactā doctrinam non satis sit, partitè & distinctè vsus nostri sacrificij proponendi sunt. Primus & proprius, est externus patrie cultus, interioris signū, quo agnoscimus & protestamur supremū Dei in nos dominiū, quasi quotidianū tributum & pensionē persoluentes pro natura & beneficiis ab eo acceptis. vt quoniā Christus datus est nobis, & per eum omnia alia beneficia collata sunt, neq; quicquam Deo reddere possumus, nisi ab illo acceptum, cum nihil habeamus, quod nō acceperimus, per hoc sacrificium Deo vicissim Christū reddentes & offerētes, plane fateamur eū Dñm nostrum esse, & omnium beneficiorū autorem & consummatore. hac ratione in sacrificio est eximia gratiarū actio, & beneficiorū gratissima Deo recordatio, honoris & gloriæ Dei testificatio. sic de sacrificio Psal. 28. afferte Dño gloriā & honorem, afferte Domino gloriam nomini eius, tollite hostias, adorāte Deum in aula sancta eius. Psalm. 115. Quid retribuam Domino pro omnibus, quæ retribuit mihi, calicem salutaris accipiam & nomen Domini

2.

3.

Primus vsus nostri sacrificij.

Prima sententia ad plures vsus valet hoc sacrificium.

1.

Domin. 7. post Pentec.

De sacrificio noui testam.

inuocabo. Psalm. 49. sacrificium laudis honorificabit me. & Malachias c. 1. magnum fore nomē Domini ex sacrificio gentium prædixit. hunc primarium vsum sacrificiorum, & nostris sacrificij præstantissimum variè & eleganter tractat multis in locis D. August. Dæmones idè affectantes diuinum honorem, sacrificia sibi fieri sæpè procurasse, & expetisse: sed nostrum sacrificium, cum sit latriæ cultus, qui soli Deo debetur, nunquam homini, aut angelo oblatum esse, quantumuis eximie sanctitatis: & idcirco, neque illis erecta altaria, aut instituti sacerdotes, quæ ad sacrificium per se pertinent: licet in sacrificiis memoria illorum celebretur, vt sint nostri intercessores, ad fructum missæ nobis applicandum. hinc effectum est, vt semper aduersariorum Ecclesiæ catholicæ eximium fuerit studium in auferendo sacrificio Ecclesiastico, vt in quo maximus. Deo & gratissimus cultus exhibetur, quasi Deo visibile sacrificium non cōgrueret, quia D. August. refelluntur, lib. 10. de ciuit. capit. 19. Lucianus blasphematur Christum meritò cruci damnatum, quod nouam teletin in Palestinam inuenerit, & veterem cultum immutarit. Iulianus apostata vehementer laborauit, ne sacrificium nostrum quouis loco extaret, vt inquit Chrysost. in vita martyrum Iuueni & Maximi. Antechristum etiam ad atheismum constituendum, quidam intelligunt Dan. 9. sublatum esse omnino sacrificium nostrum: sed omnino sublatum iri non credimus, permanente Ecclesia, in qua erit Christus, vsque ad cōsummationem sæculi, licet publica administratio eius impediatur. Quem conatum obscurandi & abrogandi externum hoc sacrificium, iniquissimo animo ferunt propheta & ministri Dei. Elias 3. Reg. cap. 19. conqueritur suffossa altaria. Basilus ecclesias per Arrianos vacare cultu sacrificali, quem vocat, ex effectum & principali ratione, spiritualemente luget. epist. 70. & 72. Gregorius Nazianz. oratione de laudibus Heronis, flebiliter narrat, quomodo pudendis & obscænis motibus, & membris, cantibusq; inimici Domini suo tempore omnia Liturgica vasa, & ipsa altaria contaminauerint. & quod omnem impietatem superat, nostris calamitosi temporibus, vidimus ipsa sacra mysteria, in comœdias ad irrisionem conuersa. Al-

ter vsus nostri sacrificij, est conuentus fidelium ad adorandum Dominum: cum non tantum conueniant ratione sacramenti, sed perse & primario ratione sacrificij: vt olim veteres Iudæi ad stata quædam & solemnia sacrificia, etiam a ciuitate sancta remotiores, in eadem conueniebant. hinc videmus statim ab exordio Ecclesiæ Christianæ, destinata fuisse publica loca 1. Corinth. 11. ad sacrificium hoc celebrandum, vt in eisdem conuenire possent fideles. idem factitatum narrat Iustin. in fine apol. 2. cum ait, die solis cœtus vrbano & rusticorum omnium Christianorum fieri ad preces, & sacra mysteria. & Cyril. lib. 11. in Ioan. cap. 58. eadem de causa fieri congregationes die octauo commemorat. quod adeo inualuit, vt propter paucitatem sacerdotum, numerus sacrificiorum numero conuentuum definiretur, vt noua mysteria toties fierent, quoties recens fidelium conuentus superuenisse conspiceretur: vt declarant solemnnes illæ & Liturgicæ voces, quæ populum præsentem nunc salutant, nunc benedicunt, nunc ad laudandum, nunc ad eleuandum corda, nunc ad comprecandum, nunc ad sinul offerendum, nunc ad discedendum admonent. Quamuis autem in his conuentibus olim primi Christiani communicarent omnes, cum religio & vitæ puritas deuotioni essent coniunctæ: non tamen propter solam communionem conuentus fiebant, cum labascente deuotione, permanerint conuentus ad sacrificia, Ecclesiæ etiam præceptione confirmati: præsertim cum semper crediderint fideles, se in sacra communione immolatum prius Christum sumere, cuius immolationis ratione vberior etiam ad eos dignè præparatos gratia proueniret. quin etiã fuit in consuetudine fidelium, vt omnium rerum gerendarum exordium ab huius sacrificij celebratione sumeretur, vt in ipsa lege naturæ, humanorū operum auspiciis, in sacrificiis non in sacramētis posita fuere. inde videmus nullum ferè sacramentum sine hoc sacrificio perfici. hoc olim baptisimus terminabatur, confirmatio perficiebatur, ordinabatur sacerdotes & sacri omnes ministri, cōsecrantur monachi & virgines, & omne opus hierarchicū consumatur, inquit D. Dyo. de eccl. hic. c. de synaxi. deniq; ad omnes publicas congregationes sacras,

Secundus vsus.

Epist. 49. q. 3.
Studium iniquorum in obscurando ex abrogando nostro sacrificio.

Lib. 8. de ciuit.
c. 19.

Omnia fidelium opera nostro sacrificio perficiuntur.

De his clandestinis prefatione ad Liturgiæ Græcæ.

cum

cū aliquid ordimur, cū nouum vitæ ita-
tum ingredimur, vel de eo cogitamus, cum
magistratum inimus, cū matrimonium
contrahimus: ad itinera, ad pacta conuēta;
ad dedicationes, ad anniuersaria, ad natali-
tia & nostra, & aliorum, ad omnia læta &
tristia, semper hoc sacrificium adhibendū
esse, ex antiquissimis Tertulliano & Orig-
ne variis locis colligere licet. Cuius sanè ra-
tio est, quia hoc sacrificium est applicabile
ad omne illud propter quod honoratur, in-
uocatur, & laudatur Deus, quasi omnium
operum sanctificatiuum. sic Ecclesia tem-
porē quadragesimæ precatur, ieiunia no-
stra, quesumus Domine, hoc sacrificio san-
ctifica: & sæpē pro eleemosynis, quæ tem-
pore offertorij olim Deo donabātur, vt sa-
crificiō prius sanctificatæ, pauperibus po-
stea, aut ministris distribuerentur. Vnde
certum est, preces nostras tam Liturgicas,
quàm alias quascunq; siue pro temporalibus,
siue pro æternis, siue pro nobis, siue
pro aliis, siue pro uiuis, siue pro defunctis,
per hoc sacrificium sanctificari, & exaudi-
tione dignas fieri: & hoc genus precum,
quod sacrificio iungimus esse incompara-
biliter præstantius quibuscunq; aliis priua-
tis, aut etiam publicis orationibus, si cæte-
ra paria sint: & ideo Chrysost. hom. 3. in ep.
ad Philip. hoc sacrificio quiduis nos impe-
traturos pro defunctorum liberatione asser-
mat. quare Ecclesia hoc edocta ab Spiritu
sancto, omne genus petitionis intra missæ
fines complectitur. vt D. August. epist. 59.
ad Paulinum obseruauit. in antiquissimis
etiam Ecclesiæ sacrum prædicationis mu-
nus inter ipsa missarum solemnia factum
est, quod fides & probitas, concionum sa-
crarum, fines, potius & sæpius ipso sacrificio,
quàm sermone animis hominum inge-
nerentur: & verbum concionantis sacrificio
sanctificatum, gratiam & efficaciam acqui-

rat. Hinc est, quod pij Christiani maximo-
pere contendunt, vt summo mane ante-
quam quicquam operis aggrediantur, sa-
cramentum hoc & sacrificium, vel faciāt,
vel procurent, vel adeant & deuotē audiāt,
quod in eo omnis cultus Dei vitæq; no-
stræ sanctificatio constituatur. quare pluri-
mas causas ostendimus, ob quas conuētus
fidelium fierent ad celebrandum hoc sacri-
cium: & non tantū propter communionē,
vt imperitē aduersarij clamitant, vt ingen-
tes fructus huius sacrificij negent, & à vero
Dei cultu & adoratione, populum auo-
cent. Hactenus duos vsus huius sacrificij
explicauimus, omnium sacrificiorum etiā
in statu innocentie cōmunes: nunc alij ex-
plicandi sunt, qui sacrificio post lapsum ho-
minis accesserunt.

Est igitur tertius vsus nostri sacrificij,
passionis & beneficiorum Christi recorda-
tio: quæ licet fuerit omnium sacrificiorum
in natura & in lege communis, ideo tamē
nostri sacrificij propria est eximio & stupē-
do quodāmodo, quod in ea idem Christus
cōtineatur, qui in cruce olim in propria &
natiua specie immolatus est, quamuis sub
aliena nunc verē imoletur. sed de tota
hac ratione cōmemorationis suprà sufficie-
ter dictū est, cum ostendimus nihil detra-
here de ratione sacrificij cōmemoratiuum
esse. hæc dicta sint de fructu huius sacri-
cij, vt nos debitum Deo officium persolua-
mus: sed quia Deus hoc sacrificiū sibi fieri
præcepit, nō quod eo opus habeat, sed vt
quicquid inde cōmodi & lucri est, iterum
ad nos cumulatius & perfectius redeat, de
huiusmodi bonis, quibus vicissim à Deo eo-
dem sacrificio nos afficimur, deinceps dicē-
dum est. ad quem locum pertinet, vt pro
quibus rebus & personis sacrificādum sit,
& quid ex eo fructus fidelibus obuēniat,
explicemus.

CAPUT XXI.

¶ *Fructus & valor missæ.*

*Sententia gene-
ralis de valore
missæ.*



It igitur hæc generalis sen-
tētia, deinceps à nobis par-
titē & distinctē explicanda
& confirmanda. Sacrificiū
missæ valet pro rebus om-
nibus, humanis, spiritualibus & corporali-
bus, pro peccatis, poenis peccatorum: &

ideo nō solum fidelium viuorum pro pec-
catis, poenis, satisfactionibus, & aliis ne-
cessitatibus, & nostris, & aliorum, sed
& pro defunctis in Christo, nondum ple-
nē purgatis, ritē iuxta Apostolorum tra-
ditionem offertur, vt inquit Concilium
Trident. sess. 22. c. 2. solis excommunicatis,
& æternum

De sacrificio noui testam.

*Fructus & va-
lor generalis,
ex missa nobis
proueniens.*

& eternum damnatis, exceptis. Ad explica-
tionē sententiæ repetendū est ex præcedē-
tibus, vbi probauimus missam esse sacrifi-
cium propitiatoriū, eius valorem & fructū
vel ex opere operato, vel operantis confi-
derari: idq; tribus modis, propitiationis, sa-
tisfactionis, & impetrationis, quæ singula
ibidē explicauimus: nūc autem eisdem ex-
plicatis suo loco vtemur. Primò igitur pro-
bandū est, valere hoc sacrificium pro om-
nibus rebus humanis spiritualibus & cor-
poralibus, sed diuerso modo, pro spirituali-
bus directò pertinentibus ad nostram salu-
tem, vt pro gratia, deuotione, seruire chari-
tatis, & aliis donis, valet ex opere operato
& de cōdigno: pro aliis bonis corporalibus,
de quibus & Deo cura minor est, & nostra
solicitudine debet esse posterior, valet de cō-
gruo, & ex conditione cōformitatis nostrę
ad diuinam voluntatē: & ideò neq; certò,
neq; infallibiliter hoc sacrificio acquirun-
tur, sed ea à Deo nobis conceduntur, quæ
ad nostram salutem conducere, & eo mo-
do, quo ipse melius esse iudicauerit. Ratio,
quæ generaliter huiusmodi valorem con-
cludit, ex præcedētibus sic deducitur: sacri-
ficiū crucis valuit sufficientissimè pro om-
nibus bonis spiritualibus & corporalibus,
cū datus sit ibi Christus pro nobis & pro-
pter nostrā salutem, vt in symbolo Nicēno
confitemur: & omnis noui test. scriptura
prædicat: sed missa applicat secundū effica-
ciam valorē sacrificij crucis generaliter: va-
let igitur missa pro omnibus eisdem bonis.
Idem etiam confirmatur, quia nostrū sacri-
ficiū, vt supra ostendimus, succellit omni-
bus veteribus naturæ & legis, & vnum cu-
mulatius præstat omnia, pro quibus vetera
oblata sunt: sed vetera oblata sunt pro om-
nibus illis bonis: nostrū igitur pro omnibus
illis valere debet, pro itineris prosperitate,
& negotiorū successu, Iacob sacrificia ob-
tulit, Genes. 28. pro parta victoriā sacrificia-
uit Melchisedec, Genes. 14. liberatus à peri-
culo fecit sacrificiū Noe Gen. 8. pro foelici-
tatu, & præseruatione filiorū in gratia ob-
tulit Iob c. 1. Salomon pro consecratione
& dedicatione templi sacrificium offert. 3.
reg. 8. lex varia sacrificia præscribit, pro pur-
gatione mulierū, pro partu, pro indulgētia
& remissione variorū peccatorum & pœ-
narū, pro mundatione à lepra & sanitate
corporū, variisq; immundiciarum purifica-
tionibus. Tertul. lib. de corona militis me-

minit oblationis pro natalitiis. Chrys. pro
frugibus, pro vbertate ac plenitudine agro-
rū aerisq; tēperie hom. 21. in acta. Aug. de
ciuit. Dei lib. 22. c. 8. & D. Prosper. c. 6. præ-
dictionum dimidij tēporis pro hominibus,
& domibus infestatis à malignis spiritibus.
Ecclesia deniq; missas instituit contra ho-
stes, bella, terrores, seditiones, schismata, he-
reses, paganismum, persecutiones, tentatio-
nes, pro pace, pro sospitate egrorum, pro in-
columitate omniū, pro imperiis firmandis,
pro sistenda peste, aut contagione, siue ho-
minum, siue animalium, iuxta illud Psal. 115.
pro omnibus, quę retribuisti, calicē saluta-
ris accipiā, & nomē Dñi inuocabo: & ideò
nō minus Deo acceptū est, quòd pauper-
cula pro re minima procuret sacrificiū, quā
rex pro imperio: cū nullū sit beneficium
tam minutū, quod ex omnibus Dei creatu-
ris accepimus, pro quo nō teneamur Deū
latria colere, quod fit in missa. Deinde va-
lere hoc sacrificiū pro gratia & bonis spiri-
tualibus ad nostram salutem pertinētibus,
distingvendū & explicadū est: valet qui-
dem pro his omnibus directò, ex opere
operato, certò & infallibiliter, & ideò ha-
bet certū effectum, cū ad hoc primariò
sit institutum, nisi contraria eius, cui appli-
catur dispositio, effectū huiusmodi, vt ple-
rumq; contingit, excludat. omnia enim in-
strumenta gratiæ Christi, etiam si ex opere
operato efficiant, exigunt tamen in susci-
piente affectum, accommodatam præpara-
tionem, vt in doctrina generali de effica-
cia sacramentorum dictum est. gratia autē,
quæ est effectus huius sacrificij, vel est pri-
ma & iustificans, vel est præexistentis aug-
mentum: primam hoc sacrificio nobis pro-
curari ostendemus, cū pro peccatoribus
offerendum esse, & eisdē valere ad remis-
sionem peccatorum, & gratiam obtinendā
ostēderimus. Valere igitur hoc sacrificium
ad augmentum gratiæ, & alia dona Spiritus
sancti constat: quia huiusmodi effecta con-
cedit Ecclesia catholica omnibus sacramē-
tis, & omnibus humanis operibus charitate
informatis: cur igitur nō concedentur sacri-
ficio, ad omnes passionis Christi effectus
peculiariter accommodandos, per se insti-
tuto? præterea. Missa pro his debet valere,
pro quibus impetrādis orationes Liturgicę
institutę sunt, alioquin inanes essēt, & super-
uacaneę: cū omne quod precibus voce ex-
primitur, id ipso sacrificij opere perficiatur.

*Valet hoc sacri-
ficiū ad aug-
mentum gratiæ,
& dona spiri-
tualia obueni-
da.*

Tertiò

Valet ad remissionem peccatorum venialium & mortalium.

Tertiò probandú est, hoc sacrificio remitti peccata, nò tantú venialia, sed etiá mortalia ex opere operato & de còdigno: sed nò immediate, sed mediàre pœnitètia, quæ virtute illius còceditur, & ex opere operato quia vt instrumèto, applicante virtutè passionis Christi, quâ constat valuisse de còdigno ad remissionè omnium peccatorú etiá grauissimorú. Generaliter ergo valere hoc sacrificium pro remissione omniú peccatorú colligitur primò ex verbis Dñi instituētis hoc sacramentú, cùm ait, hoc est corpus meú, quod pro vobis traditur, hic est sanguis, qui pro vobis funditur in remissionè peccatorú. hæc enim clausula non tantú adhibetur ad exprimendá virtutem sacrificij crucis, sed eius sacrificij, quod in cœna tûc gerebatur, & quotidie per ministros Christi perficitur: cū in ea virtute verborum sacramentalium sit vera mors & verú sacrificiú, vt supra ostendimus, vera igitur applicatio in remissionè peccatorú. Confirmatur, quia ex D. Paul. Heb. 5. omnis pontifex & sacerdos constituitur in his, quæ sunt ad Deú, vt offerat dona & sacrificia pro peccatis: còstat autè in nouo test. nò esse alios sacerdotes, quâ offerentes hoc sacrificium. Sunt etiá plurima Patrum testimonia, quæ hoc sacrificiú omnibus peccatis etiá mortalibus expiandis accòmodant. de peccatis mortalibus sunt hæc. D. Martialis epist. ad Burdegalen. cū inquit, hoc vnico remedio ex ara sanctificata fugari mortè, & vitam præstari. Orig. hom. 13. in Leuit. asserit hanc commemorationem mortis Dominicæ in hoc sacrificio facere Deú hominibus propitiū. D. Cypr. de cœna Dñi apertè dicit esse expiationè peccatorum, medicamentum & holocaustú, ad infirmitates sanandas, & iniquitates purgandas. D. Greg. li. 4. dial. c. 58. hæc inquit, salutaris hostia singulariter ab æterno interitu animá saluat, quia mortè vnigeniti in nobis quotidie reparat, & pro absolutione nostra passionem eius semper imitatur. itaq; videtur significare hæc ratio, eū qui neget missam offerri pro peccatis mortalibus, quorum remissio animam ab æterno interitu liberat, eundem negare Christú mortuum esse pro peccatis. vnde venerabilis Beda lib. 4. histor. gen. tis suæ c. 22. asserit miraculis comprobatú esse, quòd hoc sacrificiú salutare valeat ad redemptionè animæ & corporis sempiternā. Alexand. I. ep. ad omnes orthodoxos

asserit, crimina & peccata his sacrificiis deleri, talibusq; hostiis placari Deum, & crimina dimitti ingentia. & Iulius I. vt referatur de consecr. d. 2. c. omne, ait, omne crimen & peccatú sacrificiis Deo oblati deleri. Consentit canon Ecclesiasticus ex traditionibus Apostolorum, & quibusdā Pontificum constitutionibus proculdubio constans, additis nominibus sanctorum pro ratione tēporis, quo hinc emigrarunt ad Dominum. in eo enim dicimur offerre, hostiā pro redemptione animarum, pro spe salutis & incolumitatis. constat autem redemptionem animæ esse à peccatis mortalibus. Ecclesia etiā præcipit nos offerre pro innumerabilibus peccatis & offensionibus, & negligentis. De remissione peccatorú venialium per hoc sacrificium, sunt multa Patrum testimonia in commēt. ad 7. & 9. c. ep. ad Heb. quibus ostendunt huius sacrificij necessitatē, ex eo quod quotidie peccamus, & indigemus remedio sacrificali. D. etiá Aug. inquit lib. 20. de ciuit. c. 25. & 26. omnem sacerdotem, licet iustiore ceteris, tamen offerre in hac vita in peccatis, pro peccatis: in Enchirid. c. 110. inquit, hæc hostiam pro non valde malis propitiationem esse. Ex quibus concludamus hanc rationem theologiam: hoc sacrificium Ecclesiæ secundum rectā fidem, vt supra ostendimus, est verè & propriè propitiatorium: valet igitur pro omnibus culpis & peccatis. Hac enim ratione propitiatorium & satisfactorium sacrificium distinguitur, quòd illud perfe & sua dignitate propitiū & placatum nobis reddit Deum, vt per pœnitentiam nobis ex sua misericordia concessam, peccata remittat, & ideò mediàte valet pro culpis & peccatis: quatenus vero satisfactio Christi applicatur hoc sacrificio ad exolutionem pœnarum, quarú ipsi debitores sumus, est idem sacrificium satisfactorium: & ideò cò inconsideratè quosdā propitiarium cum satisfactorio confundere supra admonuimus. Vt igitur oblatio crucis valuit in totum peccati dominium, eiusq; omnes effectus, tam quoad culpam, quàm quoad pœnam sufficientissime: sic necessario valere debet nostrum sacrificiú, siquidè ex Christi institutione applicat secundum efficaciam illius plenissimam sufficientiā. quæ veritas tã erat olim Patribus recepta & perspicua, vt Aug. lib. 4. de Trinit. cap. 14. scripserit, omnes qui pro se cupiunt offerri

Propitiatorium & satisfactorium est nostrum sacrificium, sed ratio utriusq; diuersa est.

De sacrificio noui testam.

offerri sacrificium, id facere, vt à peccatis mundentur. & synodus Ephesina hoc sensu negat Christum pro se obtulisse, quia peccatum non habebat, cui expiando sacrificium accommodatur. Sed totam hanc causam accuratè definiuit conc. Tridè. sess. 22. c. 1. vbi de venialium remissione, inquit, sacrificio virtus passionis applicatur in remissionem peccatorum, quæ quotidie à nobis committuntur. quomodo autem mediata operetur in mortalium remissione expressit c. 2. his verbis, hac oblatione placatus Domi-

nus, gratiam & donum penitentiæ concedens, crimina & peccata etiam ingentia dimittit. Vnde constat virtute huius sacrificij eodem sensu tribui & procurari primam gratiam, sine qua nemini contingit horum peccatorum remissio. subiungit concilium can. 3. qui negat hoc sacrificium esse propitiatorium, aut pro peccatis, pœnis, satisfactionibus, & aliis necessitatibus offerri, anathema sit. vbi distinctè prius ponit peccata, deinde pœnas, vt pro vtrisque hanc hostiam applicandam esse intelligatur.

Hoc sacrificium, qua ratione valet ad obtinendam primam gratiam.

C A P V T XXII.

An prosit infidelibus & excommunicatis.

Sed quia sunt multa genera peccatorum, & quibusdam est annexa excommunicatio, quæ fideles à participatione sacrificiorum & suffragiorum Ecclesiæ excludit, est etiam peccatum infidelitatis, quod separat hominem à membris Ecclesiæ, cui datum est hoc sacrificium, necessariò videndum est, an his etiam prodesse possit hoc sacrificium. Certè Theologi scholastici omnes post Augustinum lib. 1. de origine animæ, affirmant non esse offerendum, nisi pro membris Christi, capiti suo saltè fide coniunctis. eadè sententia videtur canone missæ confirmari, cum ait, offerri pro omnibus orthodoxis, atque catholicis & Apostolicæ fidei cultoribus. est etiā præceptum Ecclesiæ, ne quis in missæ sacramenta memoria pro homine excommunicato peculiariter precetur: quod etiam si faceret, nihil illi prodesset: cum sit Ecclesiæ sententia, à spiritualium bonorum Ecclesiæ participatione separatus: sicut infideles omnes, qui

Gabr. in can. lect. 24.

influxus alimenti & vitæ spiritualis, separati à capite Christo, capaces non existunt. Videtur etiam his sententiis consentire diuinissima Domini oratio habita in sermone sanctæ cœnæ Ioan. 17. vbi postquàm rogauit pro Petro, tanquàm capite nostro, & suo vicario, sicut nos modò pro pontifice, statim summo affectu pro suis discipulis precatur, vt seruet eos Pater, vt sanctificet eos, vt vnum faciat, vt à mundo & à malo liberet: sicut nunc in canone, vt Ecclesiam regere, sanctificare, adunare velit, per sacrificium propositum petimus: addit Dominus, non pro eis rogo tantum, sed pro iis, qui credituri sunt, per verbum eorum, in me. vnde videtur Dominus à sua oratione omnes infideles, & non prædestinatos excepisse. extat etiā decretum Leonis Magni ad Anatholium de nomine Dioscori, & aliorum hæreticorum ad altare non recitandis. hæc autem omnia videntur efficere, hoc sacrificium omnibus applicari non posse.

C A P V T XXIII.

Hominum varij gradus, quibus nostrum sacrificium applicatur varia ratione.

Hæc dubitatio pertinet ad intelligendum, quibus personis fructus nostri sacrificij, de quibus dictum est, applicari possint: ad cuius proinde explicationem animaduertendum est, missam non prodesse omnibus eodem modo, nec æqualiter, nec eadem ratione. Possunt autem omnes homines qua-

tuor gradibus ad hoc propositum distinguui. Quidam sunt deuoti, & Deo grati Christiani, missam vel facientes, vel procurantes, vel adstantes, vel coadiutores: de quibus in canone Ecclesiæ peculiariter dicitur, quorum tibi fides cognita est, & nota deuotio. his autem prodest virtus sacrificij ad omnia illa bona, de quibus diximus obtinenda: quia sunt accommodatè

accommodatè dispositi & preparati ad illa excipienda, & condignè merentur, vt pro eis offeratur, & vt ex oblatione fructū percipiant: de his dicitur in Liturgiis Græcorum patrum, sancta sanctis. denique illi sunt digni hac oblatione & maximè idonei ad fructus illius percipiendos, qui sunt ad communionem mysteriorum conuenienter dispositi: licet mali Christiani propter participium sacrificij, non sic peccēt, sicut propter sacramenti perceptionem.

2. In altero gradu sunt fideles peccatores, qui licet idonei & planè digni non existāt, & ideo sacrificium immediatè & directò in eos non agat, eis tamen valdè prodest, quatenus mediante pœnitentia & aliis mediis conuersionis, ostendimus hoc sacrificium esse propitiatorium pro peccatis. Vnde de pro his offerre, vt conuertantur charitate impellente, compellimur, & iubemur. & proinde admonendi sunt peccatores omnes, etiam cū in affectu peccati existunt, vel qui ex infirmitate sepè in peccata mortalia relabuntur, vt procurent pro remissione & cōuersione sacrificia: & hortandi sunt pij sacerdotes, vt pro his offerant: quia sacrificium habet clamorem validissimum tanquam ipsius Christi, & plures conuertit, quàm ieiunium, oratio, elemosyna, & quiduis aliud. Itaque, vā nobis sacerdotibus, si pro eo quod peccata populi comedere, & sacrificiis digerere deberemus, vt scriptum est Osee. 4. ad eorū iniquitates, etiam nos ipsi animas nostras, eadem perpetrando accomodemus.

3. In tertio gradu sunt etiam fideles peccatores, sed excommunicati, qui Ecclesiastica disciplina in penam peccati à spiritualibus bonis arcentur, & ideo per excommunicationem inhabiles & incapaces redduntur fructuum sacrificij. aliquando etiam idem fieri vetat Ecclesia pro aliquo peccato publico, & aliquando etiam si remissum sit, quoddam obseruat in defunctis, quibus aliās sacrificia prodesse, si per Ecclesiæ disciplinam pro eis offerre liceret, vt constat ex Cypriano lib. 1. epist. 9. vbi præcipit de sententia Cōcilij, vt ne quis pro dormitione Gemini & Fausti sacrificium offerat. simile est apud Gregor. lib. 4. dialog. c. 55. de quodam monacho defuncto, qui cōtra regulam, aliquot nummos sibi proprios, prælato nescio, detinuerat. simile de quibus monialibus apud eundē lib. 2. c. 23.

Excommunicatio, & præceptū Ecclesiæ arcet fideles etiam de functos à participatione sacrificij.

quæ propter sententiam excommunicationis non latam, sed comminatum, cū adhuc viuerent, cum pro defunctis oblationes fiebant, visæ sunt semper ad illam solemnem vocem, si quis non communicat, det locum, prodire de sepulchris & foras exire: eo miraculo ostendentes, se propter publicam loquacitatem, & comminatum excommunicationem redditas fuisse ineptas ad sacrificia, licet in charitate & gratia decessisse videantur. Quo modo etiam multi excommunicati, antequam absoluantur verè contriti, & ideo ex se ad percipiendum fructum sacrificij apti, propter disciplinam tamen & præceptū Ecclesiæ, permissum nō est, vt pro talibus specialiter offeratur: quāuis generalis fructus sacrificij participes esse videantur, vt etiam catechumeni fideles antequam baptizentur: & ideo in missa Chrysostomi eorum memoria olim habebatur. In quarto gradu viuientium sunt infideles, qui vel nunquam fuerunt Christo capiti coniuncti, vel ab illo seipso præcedunt, vt apostatæ & hæretici: qui omnes prorsus directò & immediatè sunt inepti, & incapaces sacrificij: vt omnes peccatores peccato mortali implicati: & præterea per disciplinam Ecclesiasticam, vt excommunicati, à sacrificij participatione separantur: cum præceptum Ecclesiasticum modum imposuerit intentionibus offerentiū, vt non liceat nominatim pro eis sacrificare: præsertim cum neque ipsi cum sacerdotibus velint offerre, vt comparticipes esse possent, sed renitentur maximè: & hæretici magis quā pagani & Iudæi, ipsum sacrificium execrabili odio prosequantur. His igitur sacrificium directò & immediatè, vel ex speciali intentione offerentiū prodesse non potest, tum quia sunt præcepto Ecclesiæ incapaces redditi, tum quia ipsi per contrariam dispositionem repugnant. Sed adhuc generaliter & in virtute Ecclesiæ pro illis offert mediātè, quatenus & olim & modò petit eos etiā, quos in quarto gradu collocauimus, conuerti & adunari in Ecclesia. Sic ait Chrysost. hom. 77. in Ioan. hoc sacrificio tanquam vniuersali causa procurari omne bonum generaliter omnibus hominibus in orbe terrarum. & in hom. de Adā & Eua, inquit, sacerdotes postulare, vt infidelibus donetur fides, vt ab idololatria & erroribus liberetur, vt Iudeis cordis velamen auferatur, vt hæretici resipiscant.

Infidelibus, schismaticis, & excommunicatis, an aliqua ratione proficit hoc sacrificium, primò ad ea, quæ ad salutē conducunt,

De sacrificio noui testam.

1.

resipiscant, schismatici spiritum charitatis accipiant. Sic quidem olim Ecclesia pro infidelibus in missa precabatur nominatim, & peculiariter, nunc autem semel tantum in feria sexta passionis Dominicæ: semper autem indirectò & in virtute, vt cum oramus in canone Ecclesiastico pro pacificanda & adunanda Ecclesia, cum hoc fiat, conuersis ad eam infidelibus paganis, Iudeis, schismaticis, & hæreticis. similiter cum oramus, vt calix salutaris in conspectu diuinæ maiestatis pro nostra & totius mundi salute, cum odore suauitatis ascendat. In Iacobi Liturgia oratur pro extirpanda hæresi: in missa Basilij & Chrysostomi, cum dicitur: Amplius Domine memento orbis terrarum, omnium miserere, malos fac bonos, errantes reuoca, dispersos congrega, coaduna. & postea, offerimus hanc rationabilem hostiam pro toto orbe terrarum. Hęc intentio Ecclesię confirmatur ma-

2.

*Locus Apostoli
1. Timot. 2. de
sacrificio missæ
inf. cap. 30. in
principio.*

ximo argumento ex D. Paulo 1. Timot. 2. cum ait, obsecro igitur primùm omniū fieri obsecrationes, orationes, postulationes, gratiarum actiones pro omnibus hominibus, pro regibus, & omnibus, qui in sublimitate sunt, vt quietam & tranquillam vitam agamus, in omni pietate & castitate: hoc enim bonum & acceptum est coram Salvatore nostro Deo, qui omnes homines vult saluos fieri, & ad agnitionem veritatis venire. Cum enim hæc omnia D. August. epist. 59. de suffragiis sacrificali- bus, & de ipsa oblatione exponat, necessario efficitur, posse offerri pro omnibus hominibus, cuiuscunque conditionis existant saltem mediata & indirectò, nempe, vt illis Deus media conuersionis accommodet, vt tandem re ipsa Christo inferantur, & fructum sacrificij ad se deriuent. Id autem D. August. epist. citata ex eo efficit, quia dedit se redemptionem pro omnibus: ne humanæ cogitationis infirmitas existimaret, non esse ista facienda pro iis, à quibus Ecclesia persecutionem patiebatur, cum membra Christi ex talibus essent colligenda. vbi aperte significat, nō tantum pro membris Christi, sed pro iis, ex quibus membra Christi fieri possint, sacrificandum esse: quod in nostro sacrificio virtus passionis Christi hominibus, & pro eorū salute applicetur, ille autem sufficientissimè pro omnibus mortuus est. D. Prosper lib. 1. de vocatione gentium c. 4. hanc legem supplicationis

ita omnium sacerdotum, & fidelium deuotione teneri asserit, vt nulla pars mundi sit, in qua huiusmodi nō celebratur à populis Christianis, pro omnibus hominum conditionibus. Chrysostomus etiam hom. 6. in 1. ep. ad Timot. dicit hoc præceptū Apostoli seruari in obsequio quotidiano perpetuò; religionis ritu, vt norunt, inquit, fideles. & inferius, pro gentili rege sacramentorum tempore oportet offerri. itaq; omnes hi Patres, quod de oratione scripsit Paulus, id referūt ad sacrificium, vt stet illa firma sententia, pro quocunq; orare debeas, pro eodem & sacrificare tenearis. Vnde catholici scriptores recentiores vsum vtriusq; vocis, sicut adorationis promiscuū esse ex sancta scriptura valde probabiliter colligūt, vt Matth. 21. Domus mea domus orationis, & Ioā. 4. vos autem dicitis, quod Hierosolymis est locus, vbi adorari oportet. vtrobiq; orare pro sacrificare dictum est: alioquin orare & adorare vbique licebat, sacrificare verò non nisi in templo, & ex eo officio templum tantum domus Dei, & domus orationis dicebatur: & Apostolus ad Hebr. 5. cum ait sacerdotis esse offerre pro se, & pro populo existimatur ex presisse locum illum Leuit. 16. sacerdos orabit pro se, & pro domo sua. quicquid sit de hoc vsu, certe oratio & oblatio, vsu & effectu sunt coniunctissima, vt nemo sit omnium, pro quo orare possis, quin pro eodem offerre queas. & quia Paulus ad Heb. sæpè admonet sacerdotibus offerendum esse tam pro se, quàm pro aliis, docemur, vsum sacrificij latius patere, quàm sacramentorum: cum hæc, vt sacramenta sumētib; tantum profint, illud autem omnibus pro quibus offertur, & vt ostensum est, pro omnibus hominibus generaliter offertur.

Orare & sacrificare pro eodē sæpè usurpantur.

Explicauimus qua ratione etiam infidelibus pro sit nostrum sacrificium mediata & indirectò, ad consequendum ea, quæ ad salutem pertinent, vnde videmus sacrificij potētissimo suffragio, plurimos ex infidelitate ad fidem catholicam conuersos: nunc ostendendum est illis etiam valere hoc sacrificium ad bona temporalia obtinenda: quia vetera sacrificia pro eisdem obtinēdis efficacia fuisse legimus. constat autem, nostrum sacrificium, vt supra ostendimus, illis omnibus successe, & illis multo esse potentius ad omnia bona obtinēda, & pro omnibus

Infidelibus hoc sacrificium secundò prodest ad obtinenda bona temporalia.

omnibus rebus & necessitatibus humanis offerendum esse, ex decreto Tridentino & praxi Ecclesiæ ostensum est. Sic Onias sacerdos lib. 2. Machab. cap. 3. pro salute Heliodori gentilis & sacrilegi hostiam salutarem obtulit, vitamque ipsi impetrauit. erāt quoque Spartiæ gentiles & infideles, licet de genere Abraham oriundi, eorum tamen lib. 1. Machab. c. 12. Ionathas & Onias

sacerdotes affirmant se singulis diebus memoriam facere in sacrificiis & obsecrationibus sanctis in templo Domini. Sic etiam nos pro eisdem generaliter offerre possumus, & in Missæ generali oblatione non excludi infideles, quamvis specialiter nominari non possint ex præcepto Ecclesiæ, nisi feria sexta Dominicæ Passionis, superius ostensum est.

CAPUT XXIII.

¶ Missa qua ratione defunctis, beatis, damnatis & præscitis proficit.

Defunctis pro
dest hoc sacri-
ficium ad satis-
factionem.



DE sententia illa generali, qua supra valorem Missæ comprehendimus, hoc est pro quibus rebus offerri possit, reliquæ sunt duæ partes ad confirmandum, una de valore pro defunctis nondum plenè purgatis, altera de non offerenda Missa pro damnatis, prioris partis definitæ in Concil. Trident. sess. 22. c. 2. Prima confirmatio sit, quia crucis oblatio valuit pro eisdem defunctis, qui purgatur, & virtute illius satisfaciunt; cum illis tantum debeat valere ad satisfactionem, quam tantum indigent, ut vitam æternam consequantur: nostrum autem sacrificium applicat secundum efficaciam crucis sufficientiam. Secunda sit, quia succedit sacrificiis omnibus Iudaicis, quorum unum genus erat pro peccatis mortuorum, ut constat lib. 2. Machab. cap. 12. consentiente, D. Augustino lib. 1. de origine anime, cap. 11. & lib. de cura pro mortuis agenda sæpè docet, præsertim, cap. 1. & ultimo, non posse ociosum esse, quod omnes fideles appetant memoriæ sui fieri post mortem, & ipsum etiam corpus deponi apud altare Dei: quodque Ecclesia generalissima consuetudine dederit locum in sacrificio defunctis. Chrysost. declarat hoc esse profectum ab Apostolis, homil. 69. ad populum Antioch. & Damasc. ex Gregor. Nyss. sermone pro defunctis. Nec umquā extitit aliquis ritus liturgicus, aut Apostolorum, aut Patrum, siue Syrorum, siue Græcorum, siue Latinorum, in quo non sit expressa commendatio defunctorum, in ipsis mediis sacrificiis, ex antiquioribus, Tertul. lib. de coron. militis, oblationes, inquit, pro defunctis annua die facimus. Cyprianus lib. 1. epist. 9. in penā pec-

cati iubet, ne pro dormitione Gemini & Faustini offeratur sacrificium. Athanas. q. 34. variarum qq. pro defunctis incruentam immolationem fieri demonstrat. Nyssenus offert sacrificium pro sorore Macrina in epist. ad Olympium. Ambrosius pro fratre Satyro defuncto, testatur se fraternum munus, sacerdotale sacrificium obtulisse. idem epist. 8. admonet Faustinum, ut sororem suam non lachrymis, sed oblationibus frequentet. moriens etiam mater D. Augustini petit sui memoriam frequentem haberi apud altare, cum pretium nostrum dispensatur, & pro eius voto factum est lib. 9. cōfess. cap. 11. 12. & 13. doct. summo sanctissimoque filio per Christum solenni etiam scripto petente ab omnibus legentibus & præsertim confratribus suis sacerdotibus, ut velint ad altare Dei meminisse utriusque parentis sui, Patricij, & Monicæ. pro ipso etiam Augustino oblatum est sacrificium in die depositionis suæ, ut refert Possidonius in vita illius, qui & ipse præsens fuit. Denique (quia omnia persequi longum esset) clamat sacerdos quotidie, inquit Chrysost. homil. 41. in 1. ad Cor. inter horrenda mysteria, pro omnibus in Christo dormientibus: & canon Latinus in secreto memoriali posteriori præcipit nos nominatim offerre pro his, qui decesserunt cum signo fidei, & dormiunt in somno pacis, & pro omnibus in Christo quiescentibus. ex quibus efficitur sacrificium nostrum applicandum esse defunctis: & contrariam sententiam iam olim damnatam in Aerio hæretico apud Epiph. lib. 3. hæresi. 75. esse traditioni Ecclesiasticæ & scripturis aduersam. Quin etiam ipsa charitatis communio, qua cum existentibus in purgatorio defunctis colligamur,

De sacrificio noui testam.

Beatis qua ratione prodest.

nos impellit & inuitat ad illis subueniendū nostris suffragiis, vt eripiātur à pœnis, quas patiuntur. hæc enim omnia illis prodesse per modum suffragij constat: quia non ex debito iustitiæ, sed ex beneplacito diuinæ misericordiæ, licet ex opere operato, & nō operantis sacerdotis, cum sit applicatio sacrificij crucis, cuius virtus est ex opere operato, sed de his suffragiis latius in doctrinā de pœnitentia dicendum erit. Sed si hoc sacrificium offerri potest pro omnibus vinculo charitatis connexis, videbitur etiam beatis, in quibus est perfecta charitas, prodesse posse: cum tamen constet existentibus in termino vie, nihil amplius accrescere posse, cum plenam & cumulatam retributionem acceperint. Sed respondeo, gloriæ essentiali accessione illis fieri non posse, accidentariæ tamen maximam hoc sacrificio fieri, quia inenarrabilem lætitiā & maiorem, quā ex aliis humanis bonis aut officiis accipiunt: cum ipsi vnā cum corporibus suis saltem sub spe resurrectionis, cū Christo capite per oblationem sacrificij, Deo sistantur. Sicut etiam maximus est beatorum honor, quod præsentē Dño in actione huius sacrificij nominentur. Sic Cypr. lib. 4. epist. 5. dicit, nos offerre sacrificium pro sanctis martyribus, quoties eorū dies anniuersaria commemoratione celebramus. Tertul. lib. de coron. milit.

Damnatis non prodest.

Restat vltima p. sententiæ illius generalis, quæ pro damnatis asseruit, hoc sacrificium offerendum non esse. intelligitur autē damnatis æterna morte, nec ad liberationem, nec ad refrigerium, nec ad vllum temporis, aut miseriarum leuamen, (in quibus alternationem quandam & vicissitudinem quidam ex Origine impie finxerunt) quicquam, aut sacrificium, aut quoduis aliud officium, ordinaria lege valere posse: quia nec ipsa passio Dominica, iam damnatis ad æterna & decreta à Deo supplicia prodesse potest: nostrum autem sacrificium applicat virtutem passionis, vt sæpè admonuimus. Sunt quidem damnatis destinatæ pœnæ mitiores, quā ratio peccatorum iuste exigat, cum Deus puniat citra condignum: sed, quæ destinatæ & inflictæ sunt, nullo nostro officio mitigari possunt. Vnde hos miseros vt omni prorsus solatio destitutos, in inferno existens Dominus, spoliaturus inferos, pretermisit, vt docet D. Aug. Epist. 99. idem etiam lib. 1. de orig. animæ,

c. 9. ad Renatū, male illū affirmasse scribit; sacrificia sacerdotū offerenda esse pro defunctis paruulis non baptizatis: cū nemo, inquit, offerat corpus Christi, nisi pro eis, qui mēbra sunt Christi. & 11. c. docet, Pelagianos male allegare factū Iudæ Machabæi procurantis oblationem pro defunctis peccatoribus, ad conuincendū, paruulos sine baptismo decedentes esse sacrificiorū participes, & oblationibus sacerdotū saluari posse: cū tamen ostendi non possit, Iudā pro illis peccatoribus defunctis procurasse sacrificia, qui ante obitū non erāt circumcisi: nam si qui, inquit, circumcisi non fuerant, his sacrificia non profuerunt. Quod verò idem Aug. asserit in Enchir. c. 109. quibusdā defunctis sacrificia prodesse, vt illorum tolerabilior fiat damnatio, vt aliis sententiis propositis consentiat, sic est accipiendum, vt dānationem vocet, cōdemnationem ad pœnam purgatorij temporalem, quemadmodum latine dicimus damnari aliquem ad carcerem, & ad metalla: licet plerumq; damnationem ad æternam mortem intelligamus. Vnde eodem loco inquit, Ecclesiam offerre pro defunctis omnibus baptizatis: pro catechumenis non offert, inquit Chrys. hom. 3. ad Philip.

Voalden. vult ex sententiā D. Aug. prodesse sacrificiū, æternam damnatis

Præcitis autē sic prodest hoc sacrificiū, Præcitis prodest.

sicut oblatio crucis, nō quidē ad vitam æternam, sed ad bona temporalia, & plurima spiritualia, quibus si vellent, salui esse possent, & sæpè peccata minuit, vnde minus damnentur. Dominus enim absoluta volūtate, nec precibus, nec morte, nec Missa, nec vllō alio suffragio vitam æternam damnatis petiit, cum omnis eius absoluta actio fuerit diuinæ voluntati conformis: & ideo nec orauit, nec sacrificauit pro omnibus crucifigentibus, nec pro omnibus credentibus, sed pro prædestinatis tantum, si efficaciam salutis, tanquam finem principale suarum operationum consideres: licet voluntate signi, per quam sufficientia media ad salutem omnibus tribuit, & redemptionis merito sufficientissimo omnes sine exceptione seruari possint. Nos autem, qui propositum beneplaciti aut iusti iudicij nō discernimus, sicut Christus Dominus, æternum eius præceptum sequi tenemur, vt indifferenter pro præcitis etiam oremus & sacrificemus.

3. p. q. 10.

¶ *Fructus & valor Missæ finitus an infinitus.*

Sententia generalis de fructu & valore Missæ, hæcenus explicata & confirmata est, & qui etiam eundem fructum cōsequi possint, dictum est: qualis autem & quantus fructus, & quomodo singulis applicari debeat, deinceps explicandum & confirmandum est. de quibus, quāuis nihil sit expresse definitum à Patribus, inhærentes tamen sanctæ scripturæ, diuinis traditionibus, & illorum vestigiis, quid sit eisdem consentaneum, constituemus. Hæc igitur de hac re prima sententia statuatur: fructus & valor Missæ, qui omnibus quibus valet, accommodatur, finitus est, licet infinitis ex æquo prodesse possit: diuiditur autem rectè in generalem, specialissimum, specialem siue medium. Prima huius sententiæ pars, quæ omnibus Theologis probatur. 4. dist. 45. vno aut altero excepto, colligitur ex discrimine valoris sacrificij crucis, & Missæ. illæ enim, vt causæ vniuersalis fuit infinitus secundum sufficientiam: hic vt causæ particularis & instrumenti applicantis secundum efficientiam, finitus est ad applicandum fructum determinatum: cum omnia instrumenta habeant præscriptum & definitum quendam effectum. Sed vtriusque sacrificij fructus, est ex opere operato, nempe vt oblationis Christi per sacerdotem ministrum seclusa illius deuotione: ex qua aliquid etiam fructus accrescere potest, qui dicitur ex opere operantis, vt de ministris & sacramentorum efficacia generaliter ostendimus: ubi etiam constituit, malitia ministri secundum rectam fidem, non impediri efficaciam instrumenti, quā habet per se, vt Christi passionis instrumentum, & ideo ex opere operato. Quod autem quidam asserunt, valorem Missæ infinitum esse, secundum se, sed quod applicatur alicui finitum esse, eodem recidit, quāuis diuersa sententia sit. Ratio primi est, quia vtrique id quod singulis applicatur, finitum esse asserimus: Ratio secundi, quia illi ex se infinitum asserunt, extrinsecus tamen definiri, nempe à deuotione & præparatione eius cui applicatur, vt pro modo suæ dispositionis, qui semper finitus est, vnusquisque

finitum fructum accipiat, vt finitam satisfactionem: sicut infinitus est effectus Christi crucifixi ad salutem nostram secundum sufficientiam, vt constat de satisfactione & merito, non tamen secundum efficientiam: ita sacrificium Missæ, dicit hæc sententia, ex sui ipsius natura est infinitæ sufficientiæ & indeterminatæ efficacitæ: & ideo vt efficacia passionis Christi singulis sacramentis determinatur, & eorū est determinatus effectus: ita huius sacrificij efficacia, finita deuotione eius, pro quo offertur, definitur & determinatur. Sed nostra sententia affirmat non esse finitam efficaciam ex deuotione huiusmodi tantum, sed primo & per se ex ipso valore sacrificij, qui non debet ponderari ex re oblata, quæ Christus est, sed ex intentione Christi instituentis. voluit enim hoc sacrificio applicari vt instrumento quoddam, virtutis suæ passionis, ratio vero instrumenti finita est respectu causæ vniuersalis, cuius instrumentum est: & idcirco negari non potest finitum esse effectum per se nostri sacrificij, & non extrinsecus definiri deuotione eius, cui applicatur, quāuis ea requiratur, vt dispositio ad excipiendum illum effectum. Deinde, Christus existit in hoc sacrificio mystice & sacramentaliter & similiter offertur: & non in specie propria, nec iis conditionibus, quibus offerebatur in cruce, alioquin non satis esset vna illa hostia ad nostram redemptionem sufficienter efficiendam, vt supra ostendimus ex D. Pau. ep. ad Heb. Sed omnis gratia sacramentalis definita est à Christo: ergo sicut ex cōmunionem non datur omnis gratia, ad quā est sufficiens passio Christi, neque ex baptismo totus effectus, qui ex passione deriuari posset, sed certus & definitus pro voluntate instituentis, ita sacrificium habet ex se certum & circumscriptum effectum: alias enim superaret ipsum sacrificium crucis, quod licet ex se infiniti valoris sit, non tamen omnem valorem applicauit: quod si hoc nostrum infinitum esset, cum factum sit ad applicandum, infinitum quoque applicaret, posita sufficienti præparatione, vt sæpe constat adhiberi: quo vno semel facta, omnia alia superflua essent, quibus virtus passionis Christi applicatur.

Altera p. sententiæ propositæ asserit, hunc

Yy 2 defini-

*Missæ fructus
& valor, singulis
accommodatur
finitus est.*

*I
C. in opus.*

*Gab. in Canon.
lect. 27. & 17.
cōclus. 4. Scot.
quodlib. 20.
Sor. 4. d. 13.
2. 2.*

*Certus effectus
sacrificij & minister
ger a multis recipitur.*

De sacrificio noui testam.

Hæc intelligitur de valore Missæ generalis, ut in 3. par. huius sententia constat.

definitū nostri sacrificij effectum integrū, ex æquo multis eodem sacrificio applicari & valere posse: vt definitus gradus gratiæ, & satisfactionis, quem nostrū sacrificium his, pro quibus offertur, dispensat & decedit de passione Christi, posita in multis sufficēti dispositione, ab omnibus æqualiter participetur: & hanc habeant infinitatis rationem, quod non sit definitus numerus eorum, quibus certus ille & determinatus effectus applicari possit. Ratio sic concludi potest: ex institutione Christi hoc sacrificiū pro multis offertur, iuxta illud dictū in cœna à Dño, qui pro vobis & pro multis effunditur: & effectum omnē recipit subiectū accommodatè præparatum: ergo omnes, pro quibus offertur, cōueniēter dispo-

siti, integrū illius effectum recipient: cum nullum sit impedimentū nec ex parte efficientis, nec ex parte patientis & recipientis subiecti, & actus omnis recipiatur in subiecto præparato. Præterea, si sacrificiū nostrū pro omnibus circumstātibz offertur, quorū nota est fides & deuotio, vt in Canone dicitur, si certus ille effectus pro omnibus esset distribuendus, planè efficeretur, nō expedire multos simul eidem Missæ interesse, quia minor esset cuiusque ex Missa fructus: cum finitum, distributum pluribus, in minores partes necessariò distribuatur. hoc autem nulla ratione affirmari potest: quia ex antiqua consuetudine Ecclesiæ, tunc tantum licebat sacrificare, cū multorū conuētus in Ecclesia fieret.

C A P V T X X V I.

¶ Fructus Missæ distinctio.



Eligua est tertia pars eiusdē sententiæ, de diuisione valoris & fructus Missæ, in generalem, specialem siue specialissimū. generalis est, qui toti Ecclesiæ & illustrioribus personis in ea constitutis applicatur: specialis est, qui ex intentione sacerdotis, certis quibusdam accommodatur: specialissimus est sacerdotis proprius, vt sacramenti quidē, refectio spiritualis & vitæ, iuxta verbum Dñi, qui manducat me, ipse uiuet propter me, pōderanda est, illavox [ipse enim] vt sacrificij autē, quatenus pro seipso offert, ad fructus illius sibi applicandos. ceteris autem vt sacrificiū prodesse potest, quia cū sit oblatio ad nostrā salutem instituta, pro multis potest offerri: sed vt sacramentum, sumentibus tantum prodesse potest, vt cetera sacramēta, aliis non potest, nisi ipsa sumptio, vt bonū quoddā opus, ad suffragium alicuius ex intentione operantis accommodetur. Hęc distinctio recepta ab omnibus Theologis, ex scriptura & traditione Ecclesiæ orta est. nā D. Pau. 1. Timo. 2. loquēs de sacrificialibus orationibus, vt supra ex Patribz exposuimus, ita præscribit vt fiant, cum pro omnibus, tum particulariter pro certis. & ad Heb. 13. præter communes orationes pro Ecclesia, iubet particulariter præpositorū meminisse. Ephes. 6. orate inquit, pro om-

nibus sanctis, & pro me. Act. 13. tota Ecclesia applicauit orationem specialiter pro Petro in vinculis detento. id autem est cōsentaneum charitati, quæ à communibus orationibus neminem excludens, ex iustis causis, aliquam orationem alicui accommodat, vt ex charitate tenemur alicui, magis quam aliis benefacere. Vt autē charitatis connectio efficit in Ecclesia sanctorum communionē, sic efficit ratam & firmam hanc orationis & sacrificij distributionem: cum charitati sit congruens & consentanea. sacrificium verò pro omnibus his posse offerri, pro quibus oratio, superius ostensum est. Ex contraria denique sententia, grauissimi in religione errores extiterunt. ex ea enim efficeretur, ne specialis oratio vel sacrificiū vni applicata, plus profit eidē quam aliis, vel quam generalis. Deinde, nequis pro seipso specialiter, vel pro altero aut sacrificium aut eleemosynam, aut ieiunium faciat, aut fieri procuret. tolleretur etiam piū fidelium studium se nominatim constituendi in memoriali Missæ, euerteretur Paulinā illam regulam de habēdo in memoria præpositos nostros & reges in sacrificialibus orationibus: omnemque disciplinam religiosarum societatum, vbi semper antiquissimo more maiorū, sit applicatio officiorum omnis generis ad certas personas. Vnde Ecclesia hoc damnauit in Vniuerso cō-

Plus prodest specialis pro aliquo oratio vel sacrificium quā generalis pro omnibus.

Ea omnes vultur, sed exprimitur ab Scot. quodlib. 20.

clusione

clufione. 19. in fynodo Cantuariē. vt con-
stat ex V valdenſi de ſacramentalibus, cap.
105. eſt ergo noſtra ſententia dogma fidei,
poſt prædictam heretici damnationem, pe-
tulanter reprehendentis religioſos, quaſi
contra charitatē pro lucro ſuo augendo, ge-
nerales preces applicarent certis quibuſdā
hominibus. ſemper autem fuit erronea in
fide contraria ſententia: quia citra vllam
charitatis offenſionem, ſacrificia & oratio-
nes tam in veteri, quam in nouo testamen-
to, ſeparatim certis quibuſdā perſonarū
neceſſitatibus applicata fuerunt: quod om-
nino inutile eſſet, ſi nihil magis vni, aut cer-
tis applicata prædeſſet quā omnibus. Idem
etiā confirmat praxis & vſus Eccleſie, ex di-
uina & Apoſtolica traditione proculdubio
dimanans, cū ſit in omnibus liturgiis Gre-
corum & Latinorum Patrum expreſſus. of-
fert enim in omnibus ſacerdos primū ge-
neraliter, pro omnibus fidelibus, & pro eo-
rum capitibus, ſummo Pōtifice, antiſtite, re-
ge aut Imp. deinde pro quibuſdā, quorum
memoriā facit: ſpecialiter, deniq; pro ſeip-
ſo. ne quis autem exiſtmet communē ap-
plicationem particulari, aut contrā, incom-
modare, obſeruandū eſt, Eccleſiam in om-
nibus religionis officiis, & in ſacrificio vnā
cum miniſtro & per ipſum offerre, & proin-
de in eo diſpenſando pro iure ſuo, valoris
partem ſibi & toti fidelium ſocietati appli-
candam vendicare, atque præcipuis eius
membris. Sacerdos verò, cū ſit miniſter,
nō poteſt pro libito ſuo in priuatos quoſq;
conferre, ſed primum ex præcepto Eccle-
ſiæ in communes cauſas, & illuſtriores per-
ſonas, ex quibus ſalus totius reip. pendet.
Sed hac parte excepta, reliqua illi pro iure
ſui miniſterij committitur, vt eā certis per-
ſonis accōmodet: ſicut in orationibus par-
tim inferuimus intentioni Eccleſiæ, quæ
nos miniſtros conſtituit, precantes pro
omnibus fidelibus, vel generalibus totius
reip. neceſſitatibus: partim pro iure noſtro
ſatiſfacimus noſtræ intentioni, per quam
huius aut illius recordamur, quatenus ſu-
mus diſpenſatores & miniſtri myſterio-
rum Dei. Huic autem duplici intentioni
Eccleſiæ, deſtinatur alia atque alia portio
valoris diſtribuendi, & ideo valor vnus or-
dinis non minuitur, ex eo quod pro pluri-
bus offeratur quod eſt alterius ordinis: ſed
prior ille generalis eſt & communis om-
nium fidelium, etiam ſpecialiter nominato-

rum circumſtantium, & in tanto religionis
munere ad promouendam charitatem per
ſe inſtituto, exiſtimamus ex huiusmodi va-
loris & fructus generalis, ſingulis accom-
modatē præparatis totam illam portionem
prouenire, neque minus vni quā alteri,
neque particulam aliquam illius portio-
nis, ſed integram portionem: quia vt ſuprà
oſtendimus, efficeretur ex contraria ſen-
tentia, quæ, quo plures ſunt, eò minores ſin-
gulis particulas accommodat, vt conuen-
tus Chriſtianorum ad audiendum ſacrum
non valeret ad charitatis incrementum, ſed
potius detraheret vnicuique aliquam par-
tem fructus ſacrificij, quæ ipſi ſi pauciores
eſſent, accommodaretur: quia finitum,
quo pluribus diſtribuitur, in minores par-
tes diuiditur, quæ ſingulis applicantur. De
ſacerdote verò, portionem valoris ſuæ di-
ſpenſationi commiſſam, certis perſonis ap-
plicante, diuerſa ratio eſt, nempe quod in-
tegra illa portio non accommodetur om-
nibus etiam benè præparatis, ſed particula
quædam: & ideo quo pluribus accommo-
dat, eò minus ſingulis prouenire poteſt,
quia finitam portionem diſpenſat, & ideo
ſi pluribus, minorem partem, ſingulis accō-
modat: & ex generali portione accommo-
datur cuique, quicquid ſufficiens præpa-
ratio exigit. Vnde iniuſte feceris, ſi quod
vni, vel alteri, vt parentibus, vel parochia-
nis vel benefactoribus debes, illud accom-
modes peculiariter aliis. id verò parochia-
ni aut benefactores iure ſuo exigunt à ſa-
cerdotibus, illorum in aliquo ſacrificio mi-
niſtris, vt ſpecialem illam valoris Miſſæ
portionem ſuæ diſpenſationi commiſſam,
ſibi accommodent, non aliis. Itaque, licet
vtraq; portio valoris, tã quæ generaliter
omnibus, quàm, quæ ſpecialiter ſingulis ap-
plicatur, finita ſit, vt ſuprà oſtendimus,
& ea ratione minor pars neceſſariò ſingu-
lis contingat, ſi pluribus diſpenſetur: il-
lam tamen generalem integram præpara-
tis accedere, ſpecialem verò non integram
ſed per partes diſtributam certis perſonis
accommodari, ratione diuerſa generalita-
tis & ſpecialitatis aſſerimus: quia genera-
lis oblatio ſit pro omnibus indiſtincte, &
quia generalis eſt per charitatem, omnibus
integra prouenire poteſt, ſpecialis, quia
vel ex voluntate, liberalitatis aut iuſtitia
ratione, certis perſonis accommodatur,
per partes diſtribuenda videtur. his ad-

De sacrificio noui testam.

iungendæ sunt rationes superius conclusæ ad confirmationem secundæ partis nostræ sententiæ. Hic à sequentibus Caietani sententiam obici potest, nihil iniuste fieri, quia singulis tota illa valoris portio, si præ-

parentur, contingit, vel ea quæ suæ dispositioni debetur: & ideo nihil referre pro pluribus aut paucioribus offerri: sed ex præcedentibus deduci potest responsio.

C A P V T XXVII.

¶ *Consecraria ex præcedenti proximo capite.*

Hont. de valore Missæ, art. 13.



EX his, ut ad specialia, quorum consideratio plurimum valet in doctrina moralis, descendamus, quædam efficiuntur consecraria. Primum sit, Parochi non possunt neque debent pro pluribus, quam sibi subiectis Missam specialiter offerre: quod si obtulerint, irrita erit illorum oblatio iis diebus quibus tenentur pro illis celebrare, ut Dominicis & festis. Accipiunt enim à parochianis temporalia, ut pro ipsis offerant, & ministrent spiritualia: & ideo contra iustitiam commutatiuam esset, illis non applicare quam possunt specialem sacrificij virtutem. Præterea, sacerdos offert in persona Christi & Ecclesiæ: ergo non potest offerre nisi pro his, pro quibus offerendum esse præcepit: & si offerat, irrita erit illius oblatio. Idem dicendum est de his, qui prouiderunt ministris Ecclesiæ, collegiis, monasteriis de redditibus necessariis ad vitæ commoditates, cum pacto persoluendi quædam spiritualia pro illis, & offerendi aliquot Missas. unde æquum non esset, ut peruersa sacerdotis oblatio, & contra illius præcepta, quicquam posset detrudere de virtute oblationis; quibus ex institutione Ecclesiæ debetur. unde rectè quidam Theologus inquit de his, si contrariū fiat, fortè nec ei cui applicatur valet, & applicanti nocet, quia peccat, & quia est contra iustitiam, videtur esse peccatum mortale, nisi aliqua ratione probabili excusari possit. Receptum est orationes plures adiungere Missæ, pro aliis specialiter commendatis, neque unquam ab ullo Episcopo reprehensum etiā in Missis, quæ pro aliquo speciali obligatione offeruntur. Non tamen excluduntur ab speciali oblatione parentes & ij, quibus iuræ naturæ tenemur subsidia spiritualia conferre, quia ius Ecclesiasticum,

non tollit, sed potius conseruat iura naturalia. Alterum consecrarium sit, sacerdos qui ex aliquo pacto, promissione aut elemosyna sibi collata, tenetur pro vno aut pluribus Missam offerre, non potest pluribus eadem Missa satisfacere: quia ut supra ostendimus, quisque petit sibi specialem illam oblationem integram, quæ intentioni sacerdotis subiecta est: neque tantum prouenit singulis, si offeratur pro pluribus, quantum prouenit si pro paucis aut vno tantum, ut explicatum est: nisi fortè, ut quibusdam videtur, mercede oblata pro oblatione vnius Missæ, sacerdos necessaria ad transigendam vitam comparare non possit: tunc enim singulis Missis pluribus potest satisfacere, ut habeat unde ad sobrietatem viuere possit: quia non vendit pretium sanguinis Christi, sed operas suas & ministerium locat. Omnes autem in eo consentire debent, sacerdoti siue pro vno, siue pro multis celebret, necessaria ad vitam iure suo expetere posse pro altaris ministerio, cui seruit: & iniurius est, qui à sacerdote sacrificium petit, cui necessaria non suppeditat. Ego verò neque ratione huius indigentia, licere puto sacerdoti pro pluribus quibus singulas debet Missas, vna & eadem satisfacere: tum quia ut supra ostendi, hoc est contra iustitiam: tum etiam quia Ecclesia ministris sibi necessaria abundanter suppeditat, & in veteribus decretis sancitum est, ut sacerdotes pauperes artificulo sibi victum quarant, non autem eadem Missa pluribus satisfaciendo: & præterea, cautum est ne ordinentur sacerdotes, nisi habeant unde viuere decenter possint, alioquin teneantur Episcopi eis necessaria prouidere. Definita est etiam oblatio sacerdoti pro singulis Missis offerenda, quasi hæc satis sit, ut sobriè viuere possit. Tertiū consecrarium ex præcedentibus sit, varij sunt gradus & ordines eorum, quibus Missæ fru-

*Cano lib. 12.
de locis c. 13,
ad 10.*

Scot. quodlib. 20, ar. 2.

I
*Ordines diner
si eorū, quibus
Missæ fructus
applicatur ex
opere operato
proueniens.*

2

sæ fructus explicatur. quidam sunt pro quibus offertur, cum ipsi offerentes non sint, vt existentes in purgatorio, pueri, & adulti etiam viui nesciētes pro se offerri, pro quibus generali vel speciali intentione sacerdotis sacrificiū offertur. Alij sunt pro quibus offertur, & ipsi offerentes sunt, vt ipse sacerdos offerens, deinde qui sacrificanti ministrant, Diaconus, Subdiaconus, cæteri-que vel ex deuotione, vel ex officio, choro ac altari inservientes, vel ministrum suis bonis temporalibus ad hoc officium sustentantes, aut illum peculiariter pro se sacrificare curātes: parochiani etiam, quibus ex officio pastoralis inservire tenetur, & reliqui omnes, qui ex singulari deuotione, vel ad præceptum Ecclesiæ implendum veniunt auditum sacrum, vel alias specialiter afficiuntur erga tale sacrum, etiam cū fortè per ægritudinem aut alias causas adesse non possunt. hos autem omnes esse offerentes, & pro quibus offertur Canon Ecclesiasticus significat his verbis: pro quibus tibi offerimus, vel qui tibi offerunt hoc sacrificium laudis, pro se suis-que omnibus. In tertio ordine est tota Ecclesia, vniuersusque populus Christianus, qui in communi offert per sacerdotem in singulis Missis, iuxta illud Exod. 5. Dimitte populum, id est Ecclesiam, vt sacrificet mihi in deserto, & ea est, pro qua in singulis sacrificiis semper offerim⁹. Sed in his, pro quibus offertur, magnum discrimen constitui debet, sunt enim, pro quibus, licet offertur nominatim, generaliter tamen, & non peculiari intentione sacerdotis, specialem illum fructum suæ dispensationi commissum applicantis, vt pro Ecclesia vniuersali, pro Pont. Max. pro Episcopo, pro Rege. Sed alij sunt, pro quibus speciali intentione offertur, cū specialis ille fructus illis ex intentione sacerdotis accommodatur. His autem omnibus non ex æquo fructus ex sacrificio prouenit. Sacerdos vt offerens coniunctus Christo suo ministerio, & pro quo offertur, potiores partes sacrificij sibi vendicat. Offerentibus & pro quibus offertur, maior accedit fructus, quam iis pro quibus offertur, & ipsi non offerunt, cæteris pro sua dignitate & præparatione: & iis qui implicantur peccato mortali, & ideo indigni sunt, quibus immediate sacrificij fructus applicetur. prodest etiam media-

te, ad pœnitentiam & conuersionem, vt supra ostendimus, etiam ignorantibus pro se offerri: & loquimur semper de fructu sacrificij ex opere operato. Præterea magis prodest iis, pro quibus sacerdos specialiter offert, quàm pro quibus vniuersaliter tantum: & ex circumstātib⁹, iis magis, qui magis suo gradu & ordine sacerdotem sacrificantem attingunt. Est enim duplex fructus eorum, qui speciali intentione fructū sacrificij assequuntur, vnus ex vniuersali applicatione pro tota Ecclesia, alter ex speciali: & ideo Rex vel summus Pontif. maiorem fructum consequeretur, si pro ipsis specialiter fieret oblatio, & sacerdos si pro seipso speciali intentione offerret. An verò gradus sint constituendi in ipsamet cōmemoratione eorum, pro quibus offertur specialiter, vt prius pro offerente, deinde pro parentibus, magistris, demum pro eo, qui procurauit Missam celebrari, dubitandum non est, vt sicut illis debentur, sic ex ordine potiores & priores partes sacrificij quidam consequantur: omnibus tamen commemoratis prudentissime adhibetur illa oratio: digneris Domine oblationem istam pro his aut aliis, quibus teneor acceptare, & eo gradu, quo nosti me teneri pro eis offerre, sicut tibi placet. est etiam diuersus fructus ex sacrificio eorum, qui existunt in purgatorio: non enim tantum valet iis, qui amicorum aut Ecclesiæ misericordia tantum ipsis, dum viuerent peculiariter nō petentibus, in memoria habentur, quantum prodest iis, qui dum viuerent, hoc officium suis bonis compararunt, vel saltem speciali intentione pro se fieri exoptarunt. Sed de fructu Missæ ex opere operantis, dubitandum non est, sanctorum auxilium siue angelorum siue hominum ad eum augendum plurimum valere, vt Ecclesia innuit in orationibus sacrificialibus, cū sepe orat, vt hostias nostras oratio sanctorum, quos eo die colimus, prosequatur, vel vt intercessionem illorum nobis prosit oblatio: merita enim & preces illorum sacrificio adiuncta plurimam vim habent. Itaque ad hunc fructum ex opere operantis tria sunt, quæ maiorem efficiunt, & contrā minorem, offerentium charitas & deuotio, sanctorum auxilium sacræ actioni coniunctum, certæ denique formulæ actionis aut precum adiunctarum, ad vtilitatem

*Ordo, specialis
cōmemoratio-
nis Missæ.*

*Scot. quolib.
20,*

*Fructus Missæ
ex opere operā-
tis, ex quibus
causis,*

De sacrificio noui testam.

litatem eorum, pro quibus sacrificatur, valde accommodata. Vt pro defunctis Missa illorum propria, ad auspicia rerum gerendarum Missa de Spiritu sancto, ad gratiarum actionem de Trinitate, pro peccatis hæc, pro beneficiis illa, propter agentibus ista, pro pace alia, & huiusmodi aliarum sanctissime ab Ecclesia instituta. Sed in his specialibus Missarum formis non tantum momenti pono, cum aliunde videtur compensari, vel ex celebri alicuius sancti memoria, vel ex Missa tempore ab Ecclesia dicata, cum forte alia, ex aliqua obligatione, dicenda esset: præsertim si orationes illius propriæ adiciantur, si ex ritu Ecclesiastico adiici possint, ut in simplicibus festis orationes pro defunctis adduntur, in duplicibus festis addi non possunt. quare licet Missam certis diebus, aut in honorem alicuius sancti, procuratore alicuius vel petitione vel testamento institutam, non liceat priuata autoritate mutare: tamen si eisdem diebus Ecclesia alias Missas designaret, adhibito præcepto rituali, de non dicenda alia Missa, ut diximus de festis duplicibus, non licet præceptum Ecclesiæ vniuersalis propter priuatam alicuius institutionem immutare, præsertim cum in Missa præter oblationem

nem sacrificij sit doctrina & populi eruditio, tempori aut festo accommodata: & si quid sit peculiaris adiumenti ex hac potius, quam ex illa Missa, ut cæteris paribus Missa pro defunctis vtilior est ipsis, ratione precum adiunctarum, id tamen abunde compensatur celebri alicuius festi vel sancti memoria, vel obedientia præcepti Ecclesiastici, cum dicitur Missa de tempore ex illius præscripto, cui oportet fideles procurantes pro aliquo Missam omnino consentire. Idem affirmo si solo parochio existente, eodem die, defunctus aliquis sepeliendus sit. Vnde si sint plures Missæ anniuersariæ, eodem die ex institutione aliquorum in eadem Ecclesia celebrandæ, quæ tamen non consueuerit eodē die, nisi vnam Missam pro defunctis offerre, cum illis, ut supra ostensum est eadem Missa satisfieri non possit, non videtur Ecclesiæ consuetudo illa recepta immutanda, præcepta etiam à proprio Episcopo, præsertim si institutoribus earum Missarum nota erat huiusmodi consuetudo, sed alio die eisdem institutionibus, propriis Missis satisfaciendū est. Explicauimus omnia quæ ad valorem explicandum, & eius applicationē pertinebant: deinceps de ritibus & cæremoniis pauca quædam admonere oportet.

C A P V T XXVIII.

¶ De cæremoniis Missæ.



Rimum autem generaliter accipiendum est, religionis qua Deum colimus, quosdam esse actus internos, alios verò externos, ad quos cæremoniæ & ritus Ecclesiastici pertinent, ut iis mens nostra, quæ per sensibilia ducitur, ad spiritualia congruenter suæ naturæ, ad interiores illos excitetur, qui per se primò ad religionem pertinent, alij verò externi ratione illorum. Vnde cum ista consensio & relatio externorum ad interna non seruatur, hæc ipsa externa etiam à seipso instituta reiicere solet Deus, non quia mala sint, cum sint nobis, ut dixi valde vtilia & accommodata, sed quia fiunt & redduntur à nobis inania, cum non diriguntur in

eum finem, ad quem instituta sunt. hinc est veterum sacrificiorum, incensi, oblationis, in Prophetis reprehensio, quòd non componerent sacrificantes internas actiones illorum significationi accommodatè, & quod non considerarent in eis professionem Christi venturi. hoc igitur modo cæremoniæ Missæ accipiendæ sunt, ut nos ad id, quòd significant, excitare possint, & animi internos motus congruentes Christo immolato cōponere.

Missa igitur à veteribus in duas principales partes distinguitur, priorem catechumenorum atque etiam ethnicorum, posteriorem fidelium propriam: quod ad illam catechumeni cum fidelibus admitterentur, ad hanc

De hac Missa dist. Laodiceum, c. 19. Carthag. 4. c. 84. Hierd. c. 4. Valent. c. 1.

2. 2. q. 31. ar. 1. c. 3.

Utilitas earum generalis. Lege Basil. de vita solit. c. 5. lib. de Spiritu sancto c. 27. Aug. ep. 120. c. 18. ep. 26. lib. 12. de Trinit. c. 14.

ad hanc fideles tantum. Catechumeni dicebantur, qui fidei nomen dederant, & in eadem instruebantur, nondum baptismo percepto, post quē fideiū numero coniūgebantur. Catechumenorum Missa laudē Dei & adstantium doctrinam continet. Cum enim Apostoli quotidie quidem ab initio, sed præcipuē vna Sabbathi, hoc est die Dominico, ad mysteriorum perceptionem & sacrificium noui testamenti fideles conuocarent, partim vt doctrina fidei imbuerent, partim vt fideles ad tantum sacramentū prepararent, ante omnia psalmi & laudes Deo canebantur, vt intelligerent se omnia in Dei laudem facere debere, loquentes sibi metipsis in psalmis, hymnis & canticis spiritualibus, cantantes & psallentes in cordibus suis Domino, gratias agentes semper pro omnibus, in nomine Domini nostri IESU Christi, Deo & Patri. nam quæ hodie precedunt magis ad sacerdotis præparationem, quàm ad ipsum sacrum munus pertinent. Absolutis psalmis & canticis proponebatur doctrina sacra. Primum quidem ex lege aut Prophetis, vt intelligeretur non esse noua, nec ab hominibus inuenta: postquam vero scripserant Apostoli, ex Euangeliis & Epistolis eorū aliquid defumebatur: ad quod officium lector ordinabatur. Sic de lectione sanctæ scripturæ ab Apostolis constitutam esse, autor est Clemens, lib. 2. Aposto. constit. cap. 54. & lib. 8. cap. 5. sed quoniam lectio sacra Iudæis Hebræa lingua, quæ paucis erat nota, cum vulgus post captiuitatem Babylonicam Syriacæ tantum intelligeret, gentibus vero Attica lingua, qua septuaginta interpretes vsi sunt, quæ vulgo Iudæorum, & multis Orientis partibus, & Occidenti ignota erat, sequebatur lectionem sacram, vulgari lingua, concio ad plebem, quod genus doni, prophetia aut interpretatio dicebatur. Sic D. Paulus, 1. Corinth. 14. his verbis hæc omnia proponit, cum conuenitis, unusquisque vestrum Psalmum habet, doctrinam habet, Apocalypsim habet, linguam habet, interpretationem habet. Iustinus Apolog. 2. die solis vrbano ac rusticorum cætus sunt, vbi Apostolorum Prophetarumque li-
tera, quoad fieri potest, præleguntur: deinde cessante lectore, præpositus verba facit adhortatoria, ad imitationem tam honestarum rerum inuitans. Dionys. cap. 3. de Eccles.

hierarc. refert Pontificem vbi adoleuerit incensum ac phani ambitum circuierit, redeuntem ad sanctum altare psalmorum melos incipere, concinentibus secum sacra carmina omnibus Ecclesiastici ordinis gradibus: deinde ministrorum officio sanctarum scripturarum lectionem recitari: posthæc extra delubrum catechumenos fieri, & cum ipsis energumenos, & eos quoque, qui in poenitentia sunt. His igitur, quæ diximus, peractis, Diaconus clamare solebat, exeant catechumeni. Cum his omnibus per omnia consentit ritus nostræ Missæ in Ecclesia Græca & Romana. Laus enim Deo deferitur quinque modis: peccatorum confessione, quia iustus prior est accusator sui: deinde introitu ex psalmis petito, quia psalmi, vt inquit Dionysius. eodem cap. 3. comprehendunt per modum laudis, quicquid in sacra scriptura continetur: mox Kirie eleyson nouies canimus, significantes diuinam Trinitatem in se reflecti, singulasque personas in singulis, omnesque in omnibus esse: atque oramus, vt in omni tribulatione agentium Deus misereatur: & beneficia, quæ Deus nobis largitur, non meritis nostris acquisita, verum illius gratia & misericordia nobis indulta esse, profite-
mur. Denique exprimimus Patrum veteris testamenti petitiones, de Salvatore nobis mittendo. Deinceps propius ad Christi mysteria accedentes, hymno Angelico Gloria in excelsis Deo, incarnationem Christi grato cordis & oris concentu celebramus: quem hymnum consequitur plebis illa salutat, Dominus vobiscum, qua significatur, Deum in carne venisse, vnde Isai. 7. nomen eius Emmanuel dicitur. Mox sequitur oratio, quæ quod omnia supra dicta in vnum colligat, & super collectum Dei populum funditur, collecta vocatur. Caterum hanc inuocationem misericordiæ diuinæ, Gregor. I. instituit. Gloria in excelsis, Symmachus anno 50. tractū Gelasius anno 480. Symbolum Damasus, anno 380. Genuflexionum autem, quæ diebus ieiuniorum orationem præcedunt, rationem reddit Basil. de Spiritu sancto, cap. 27. his verbis: quoties genuflectimus, & rursus erigimur, re ipsa ostendimus, quod propter peccatum in terrā delapsi sumus, & per benignitatem eius, qui condidit nos ad cælū reuocati su-

Hoc in Missis solennibus obseruatur.

Clemens lib. 8. constit. Apost. 6. 4. & seq.

Confessio peccatorum. Introitus.

Kyrie eleyson.

Gloria in excelsis.

Oratio vel collecta. Chrys. hom. 18. 2. Cor.

Genuflexiones. Niceph. lib. 92. c. 18. Epistola. Euangelium.

Missa duæ principales partes.

Act. 2. 20. 1. Cor. 16.

Psalmi

1. Cor. 10. Ephes. 6.

Lectio sacra.

Concio

De sacrificio noui testam.

Aug. ep. 36.

Graduale Al-
leluja.

mus, de scriptura autē veteris aut noui testamenti, vt prænuntia & interprete aduentus Christi, epistola quotidie legitur, deinde Euangelium continens veteres omnes promissiones, & regnum cælorum. Inter Euangelium verò & Epistolam, interponuntur quædam cantica spiritualia, partim lugubria, vt pœnitentiam agendam esse significetur, partim lætiora, sicut Alleluja & quæ sequuntur carmina, vt ostendatur beatos esse, qui lugent, quoniam ipsi consolabuntur: interim etiam auditorum animi varietate reficiuntur, & ad maiorem pietatem excitantur: post Euangelium diebus quibusdam festis, canitur aut recitatur fidei Symbolum, velut summa quædam Euangelij, & nota religionis Christianæ. Hactenus de ea parte Missæ, ad quā catechumeni admittebantur: ad alia verò, quæ sequuntur ad oblationem & sacrificium pertinentia, iis dimissis, soli fideles permanebant, vt autores sunt Dionys. cap. 3. de Ecclesiast. hierarch. Cyrillus lib. 12. cap. 50. August. tractat. 11. in Ioannem idem significat, & liturgia Chrysostomi expressit. Quare mirandum non est Sacramentarios oblationem & sacrificium detestari, cum virtutem eius & latetem Christum, & substantialiter existentem omnino ferre non possint.

Catechumenis dimissis, sequuntur illa, quæ verissimè & propriè sunt atque dicuntur Christianorum mysteria, quia & traditione constant, vt inquit Basil. cap. citato, & solis fidelibus nota sunt, de sacrificio scilicet Christi & reali existentia ad nostram salutem efficiendam & promouendam. Vnde statim soli fideles permanentes mutuo osculo se salutabant, ad charitatis mutue significationem, & vt explorarent, an quisquam non initiatus remansisset. Postquam autem omnes à principio natiuitatis baptizantur, nec est hæc catechumenorum distinctio, cessauit & illa antiqua dimissio, & ostiariorum diligentia in claudendis foribus templi, nequis alienus & non initiatus admitteretur, atque illud prius osculum fidelium inter se, quod statim ab initio adhiberi solitum erat. Missa igitur fidelium propria ex autoritate D. Pauli, 1. Timoth. 2. expositore D. Augustino episto. 59. & aliis quos in explicatione eiusdem loci supra citauimus, quatuor partibus constat, obsecratione, ora-

tione, postulatione, gratiarum actione. Obsecratio deis à necessitate proficiscitur, vt deprecetur malorum auersionem, & ob eum finem vouet plerūque aliquid. Oratio prosequitur profert & prestat vota sua, siue illa in mente solum, siue præterea in externa oblatione consistant. Postulatio enteuchis familiarius agit cum Deo, vt illa impetret, pro quibus impetrandis vota fecit. Gratiarum actio Eucharistia omnia diuinæ bonitati accepta refert, & memoriam accepti beneficii proficitur. Hæc omnia extra Missam quidem inueniuntur, sed in Missa excellenti quodam & insigni modo.

Ad obsecrationem pertinere potest tota catechumenorū Missa, sed ab eo quod in obsecratione potissimum est, incipit fidelium Missa, hoc autem est votum de propriis bonis. Solent enim, qui angustiis premuntur, non solum diuinam implorare misericordiam, sed etiam de suis vouere aliquid, vt impetrent quod exoptant. sic Iacob, Genes. cap. 18. Ionas cap. 1. & 2. Votum autem fidelium est in oblatione primitiarum de fructibus terræ, pane scilicet & vino, vt obseruauit Irenæus, lib. 4. cap. 32. olim quidem fideles manibus suis offerebant Deo panem & vinum ad sacrificium ante altare, vnde offertorium dictum est, choro interim laudes Deo cōcinente. illustria exempla sunt Theodosij Imperato. celebrante Ambrosio, & Valentis, celebrante Basilio, Theodor. lib. 4. histor. eccles. cap. 17. & lib. 5. cap. 17. Panem & vinum oblatum à populo Diaconus sacerdoti, is Deo publicè dedicabat. Deinceps sequuntur benedictiones, & oblationis sacrificialis præparationes, & orationes, quæ ad secundam partem Missæ fidelium ad orationem vsque Dominicam porriguntur, quæ pars variis ritibus & cæremoniis constat, nempe secreta prece, præfatione, hymno trifagio, consecratione, & tandem oratione Dominica. Secreta oratio, secreta orationis Domini in cruce commemoratio quædam est, vt colligi etiam potest ex Iustino Apolog. 2. sed vt Christus in cruce post intervallo loquebatur, modò ad Deum clamans: Pater ignosce illis, quia nesciunt quid faciunt, & in manus tuas Domine commendando spiritum meum: modò eos, qui aderant alloquens, vt, hodie mecum

1. Obsecratio,
Chrysost. hom.
18. 2. Cor. D.
Aug. ep. 591

Offertorium.

2. Oratio

Secreta oratio.

Osculum san-
ctum.

Missa fidelium
quatuor partes

eris

Ioan. 19.

Præfatio.

Sanctus, Sanctus, Sanctus.

Secreta commemoratio.

eris in paradiso, & mulier ecce filius tuus: sic etiam sacerdos nunc ad Deum exclamat dicens, Pater noster qui es in cælis, nunc verò adstantes alloquitur dicens, Dominus vobiscum, Sursum corda, & Gratias agamus Domino Deo nostro. Cuius præfationis usum antiquissimum Cyprianus docet in lib. de coena Domini, & in expositione orationis Dominicæ. Iustinus Apol. 2. Chrysost. homil. de encen. & Euchar. tom. 3. August. epist. 57. ad Dardanum, de spir. & lit. c. 11. lib. 2. de bono persever. c. 13. Hymnum vero trisagium etiam populus canit, exprimens angelorum voces Isai. 6. & discipulorum, qui in occursum Christo venientes clamabant Matt. 21. Benedictus qui venit in nomine Domini, osanna in excelsis. Hunc hymnum instituit Syxtus I. anno post Christum plus minus quingentesimo, cuius apud veteres frequentissima est metio occasione hæreticorum, qui autore Petro Fullone Episcopo Antiocheno, huic hymno illam clausulam adiecere, qui crucifixus est pro nobis. Totum autem Canonem, qui deinceps sequitur, legimus in cateches. Cyrilli hierosoly. & in Ambros. lib. 4. de sacramen. cap. 5. fere ad verbum, quæcumque illa precatio fuerit, quam composuit Scholasticus quidam Græcus, cuius meminit Gregorius, epist. lib. 7. epist. 63.

Nomina deinceps, quæ in secreta commemoratione recitantur, triplicis generis sunt, alia sunt viventium, ut pastorum Ecclesiæ, regum, amicorum, quæ commendantur Deo, ut tranquillam vitam agamus in omni castitate & pietate, utque ad salutem unâ cum grege sibi commissio perveniant. De hac precatio pro vivis, & aliis rebus necessariis, Tertul. in Apol. cap. 29. & lib. ad Scapulam. Orig. hom. 13. in Luit. Ignatius, epist. ad Smyrnenf. Cyprian. sermo. 5. de lap. Euseb. lib. 1. demonstr. cap. 6. Chrysost. homil. 77. in Ioann. & homil. 18. in Act. August. ep. 107. ad Vitalem. de Martyrum verò commemoratione, Dionys. c. 3. Eccles. hierar. Tertul. de coron. mil. Cyprian. lib. 3. epist. 6. Chrysost. homil. 5. 1. ad Timoth. August. lib. 22. de Civitat. cap. 10. & lib. 2. contra Faust. cap. 21. de commemoratione defunctorum, supra cap. 24. Alia sunt nomina Deiparæ, Apostolorum & Martyrum, ut eorum exempla imitemur, gloriam prædicemus, suffragia consequamur.

Alia sunt denique nomina fidelium iam cum Christo dormientium, quibus refrigerij, lucis & pacis locum indulgeri petimus, oblationem pro defunctis facientes, ut fuisse semper in more & usu Ecclesiæ catholicæ ostendimus. Caput autem omnium est ipsa consecratio, quæ veterem legem finitam, & sacrificium proprium novæ constituit: ad quem finem consecrationis, referri debet quicquid honoris erga panem & vinum exhibuimus: quod huiusmodi creaturæ, divinæ operationis potentia, in illam hostiam transfiguræ erant. Tanden hæc Missæ fidelium secunda pars oratione Dominica concluditur, nec unquam aliàs publicè in Ecclesia hæc oratio recitatur, quasi ea sit huius sacrificij propria, testante Gregorio Magno, lib. 7. indictio. 2. epist. 63. moris fuisse Apostolorum, ut ad ipsam solum, oblationis hostiam consecrarent. Cæterum de ipsa consecratione, sacrificio & oblatione Christi & non alterius victimæ produximus sacræ scripturæ & Patrum testimonia supra à cap. 9. ad 12.

Tertia Missæ fidelium pars postulatio dicitur vel interpellatio, quæ ab oratione Dominica ad pacem Domini perducitur: cui rectè adiungitur hymnus ille, Agnus Dei, qui tollis peccata mundi, cum illa clausula, dona nobis pacem: quia pax nostra consistit in remissione peccatorum, & interioris hominis innouatione, quam hostia oblata efficit. hoc loco interponi solet osculum pacis, quo admonemur mutue charitatis inter nos, & erga Deum, ut eleganter explicant, Innocentius I. epist. ad decen. Eugubinum cap. 1. Tertullia, lib. de orat. cap. 14. Cyrill. lib. 12. in Ioann. cap. 54. August. sermo. 166. de temp. & Chrysost. lib. 1. de compunct. cordis. 2. Cor. hom. 30. explicans exhortationem Apostoli ad omnes fideles, ut salutent se in osculo sancto: quod inde videtur dictum, quod ore nostro corpus Dominicum contingimus. Fit etiâ sæpe in Missa crucis signum, de quo Chrysost. hom. 55. in Matth. & in demonstratione quod Christus est Deus. August. serm. 181. de temp. fit præterea mysteriorum ostensio & elevatio in antiquis Patribus sæpe repetita, ut constat ex Basil. de Spir. sancto c. 27. Dionys. c. 3. de Eccles. hier. Chrysost. ho. 3. de incōpr. Dei natura. Denique fit mysteriorum adoratio, testibus August. & Ambros.

Oratio Dominica.

3. Postulatio.

Agnus Dei.

De sacrificio noui testam.

Gratiarum
actio.

Ambrosi in Psalm. 98. Nazian. in epitaph. Gorgoniæ sororis. Chrysost. hom. 61. ad pop. Antioch. Postremo sequitur gratiarum actio, in rebus & verbis posita: in rebus quidem, quatenus qui digne sumunt Christi corpus, cum ipso uniuntur, & ita illi gratiam maximam referunt, quia se totos illi red-

dunt, & deinceps Deo & non sibi viuunt: verbis autem, dum omni mysterio completo, populus à sacerdote dimissus respondet, Deo gratias. Chrysost. hom. 18. 2. Corint. Aug. ep. 59. benedictionis autem in fine Missæ, mentio est in Concil. Agathen. can. 47. Aurelian. 2. Can. 28.

Aug. ep. 120.

C A P V T XXIX.

¶ De adoratione, & circumgestatione Eucharistiæ.



Ed quia in catholica Ecclesia Eucharistiæ sacramentum solenniter in processionibus circumgestari solet, & adorari, & id etiã aduersarij reprehendunt, de eo cultu paucis dicendum est. quod si suo loco accuratè ostensum est Christum adorari debere latrã, & recta fides Christum in hoc sacramento verè & substantialiter præsentè constituit, aut huic sacramento idem cultus exhibendus non sit, planè intelligi nõ potest: obiectio enim aduersariorum, vt cumq; scilicet, sit absens vel præsens nõ in hunc finem est præsens, vt colatur aut circúferatur, sed vt comedatur, puerilis est. Christus siquidem non est incarnatus in eum finem vt adoraretur: Patet tamen introducens eum in orbem, dixit, expositore Paulo, Heb. 1. adorent eum omnes angeli eius: & adorauerunt Pastores, mater, Magi, Apostoli, impositum super asinum exceperunt in triumphum, acclamationibus populi in urbem deduxerunt, sanctissimi viri eius nomine, vestibus, virtute ad multa miracula vsi sunt: quæ tamen omnia non sunt primarius finis incarnationis Christi. Hæc autem officia debentur illius personæ, & præsentia, quibuscumque ex causis introducatur in orbem terræ. sic olim arca effecta est ad cultum Dei in certo loco templi, sed postea sacerdotes vsi sunt ea ad multa miracula, videntes in ea maiestatem Dei multa operari mirabilia: vt ea circumgestata Iordanem exicauit Ios. 3. muros Iericho euertit Iosue, 6. temporibus Heli multa alia mirabilia legimus per arcam effecta à Domino. eam Dauid sanctissima pompa, etiam irridente Michol, in Hierusalem transtulit. si igitur in umbra hæc rectè gesta sunt, cur non in veritate maiora fieri, erit religioni consentaneum: quid est quod audeat Michol & procax hæresis,

obüicere, quod adoremus & circumgestemus caput religionis, mysteriorum sanctissimum, sanctum sanctorum, Dominum & Deum nostrum? qui vbicumque per visibiles species sacramenti aut existit aut circúfertur, aut adoratur, aut manducatur, omnes tanta gratia dignos, cælesti benedictione sanctificat.

Quod si hoc sacrificium, non ad institutionem, quamuis maxima & plurima inde colligatur, sed ad alios vsus & effectus supra explicatos, institutum est, ex ipso opere & non ex sermone, in quo celebratur, eius vtilitas expendi debet. Præsertim cum ex concione possit esse nota fidelibus sacramenti doctrina: & ipsa actionis sacrificialis representatio, cui intètos fideles esse oportet, magis excitare potest fideles ad attentio nem & deuotionem, quã lingua vulgaris, quæ plerumq; nequit aptè exprimere vim & proprietatem mysteriorum, quæ Latina aut Græca lingua continentur. Vnde semper his vsa est Ecclesia, etiam si populo ignotis, adiuncta concione vulgari, ad omnium fidelium instructionem & doctrinam, atq; ita mysteriorum doctrina, ignotis populo linguis continetur, & populus accommodatè instruitur. Concludamus diuinissimi sacramenti doctrinam, congruenti, & accommodata oratione. Optime igitur & maxime Christe, conserua in nobis hunc maximum, & tua liberalitate dignum cultum: vt eius participatione & vsu, in tuam viuificam carnem & corpus inserti, in te viuamus, tua virtute muniti altaria contra te erecta demoliamur, per te ad immortalem vitam resurgamus, & tuæ gloriæ participes læta & magnifica voce sine fine dicamus, benedictio, & claritas, & sapientia, & gratiarum actio, honor, virtus, & fortitudo Deo nostro, qui fecit nobiscum misericordiam suam, Amen.

De lingua celebrationis huius mysterii.

*Explicationis
principia.*



I

2

Vm Eucharistiam conficere, nullus sacerdos legitime possit nisi in Missa, & eius præcipua & propria pars sit, quæ canonis nomen Ecclesiastica cōsuetudine obtinuit, visum est nobis operpretium fore, subiungere hoc loco eiusdē canonis constantem & firmā explicationē. Ad eā verò accipiendū est primò, Missam siue latine accipiat, quasi missio, vt supra dictū est, siue Heb. quasi sacrificiū, à Christo Dño fuisse institutā in vltima cœna quo ad substantiā, idest rationē sacrificij & sacra mēti: quid sit autē de ratione vtriusq; supra explicatū est. Sed hīc nō erit alienū repetere quæ sunt de ratione virtutis religionis, & quomodo actus illius elicited sit sacrificiū propriē, plurimi verò actus sint ab eā imperati, ex 2.2.q.81. & proximē sequētibus qq. Deinde accipere oportet, omnia quæ in missa adhibētur siue doctrine, siue ritus vel generaliter vel specialiter accipi posse, primo modo à Christo Dño sunt instituta illa omnia, & ad nos traditione Apost. peruenerūt, vt cōstat ex 1. Tim. 2. Diony. c.2. Eccl. hier. Iustino, apol. 2. quibus locis partium Missæ distinctio proponitur ea, quā nunc retinet catholica Ecclesia, & suprā est à nobis explicata. quæ autē pars Missæ vno aut altero die hanc partē aut illā doctrine continere debeat, à summis Pontif. & Cōciliis, institutū est, vt constat ex liturgicis Pamelij, & breuiter adnotauit Turr. lib. 8. constit. Apost. cap. 5. & 12. Sed distinguamus hæc apertius, vt diuinā esse Missæ institutionē omnino cōstet. Dico igitur Christū Dñm per infusum Apostolis Spiritū sanctū, licet non per se ipsum immediatē partes sacrificij incruenti, quā Missam Patres appellauerunt, distinxisse absolute & vniuersaliter: deinde specialiter & distinctē has partes, Apostolorū successores distribuisse, & eisde congruentē distributionem adhuc retinere Ecclesiā catholicā. de Apostolorū institutione per Spiritū sanctum, cū ea sit sacris literis comprehēsa, & Patrū consensione de Missa explicata, omnino dubitari nō potest: quia sacras literas dictauit Spiritus sanctus: & Patrū consensio testis est diuinę & Apostolicę traditionis, præsertim in sac. scrip. explicatione De partibus ergo Missæ sic scribit D. Pau-

lus Philip. 4. nihil solliciti sitis, sed in omni oratione & obsecratione, cū gratiarū actione petitiones vestrę innotescāt apud Deū, & 1. Timo. 2. obsecro igitur primū omnium fieri obsecrationes, orationes, postulationes, gratiarū actiones pro omnibus hominibus, &c. in his autē distinguit Apostolus quatuor partes, & eas in Missa intelligi oportere docēt veteres Patres. in liturgiis enim Latinis & Græcis, omnes huiusmodi partes distinctas legimus, & preces fundimus pro his omnibus, quos nominatim Apostolus recenset, vt autores etiā sunt Tert. in apol. cap. 24. Athenagoras in fine orationis pro Christianis, Cyril. hier. catech. mystag. 5. sed pōderemus Patrū expositiones. Chry. hom. 6. 1. ad Timot. illa omnia sacerdoti & sacrificio sic tribuit, quasi cōmunis quidam totius orbis pater, sacerdos est, dignū igitur est, vt omnium curā agat, omnibusq; provideat, sicut & Deus, cuius ministerio seruit, & fungitur vice. iccirco ait, obsecro igitur primū omnium fieri obsecrationes & orationes: & paulo post, quid autē est quod ait, primū omnium? in obsequio scilicet quotidiana, perpetuoq; diuinę religionis ritu, & infra, pro regibus & pro principibus sacerdotē offerre preces hortatur. cōsentit Theop. adhuc apertius in cōmen. eiusdem loci, easdē partes tribuens sacerdoti tēpore mysteriorū, idest quādo Eucharistiā cōficat, & sacrificat: similiter Oecumen. D. etiā Ambro. in cōment. eandē sententiā vocat regulam Ecclesiasticā traditā à magistro gentiū, quæ sacerdotes nostri vtūt. & ordinē orationū de instit. virg. c. 2. & lib. 4. de sacrament. c. 4. de partibus Missę inquit, per reliqua omnia, quæ dicūtur, laus Deo defertur, oratione petitur pro populo, pro regibus, pro ceteris: vbi venit vt conficiatur venerabile sacramentū, iā nō suis sermonibus sacerdotes, sed vtitur sermonibus Christi. Apertius D. Aug. ep. 59. ad Paulin. q. 5. de eadē sententiā D. Pauli ad Timot. eligo, inquit, in his verbis hoc intelligere, quod omnis vel penē omnis frequentat Ecclesia, vt precationes, siue vt nos legimus, obsecrationes, accipiamus dictas, quas facimus in celebratione sacramentorum, antequam illud quod est in mensa Dñi, incipiat benedic. orationes cum benedicatur & sanctifica-

*Missæ partes
ex D. Paulo
& Apostolica
Traditione.*

De sacrificio noui testam.

tur, & ad distribuendū comminuitur: quā totam petitionem ferē omnis Ecclesia Dominica oratione cōcludit, & infra interpellationes autē, siue vt vestri codices habēt, postulationes sunt, cū populus benedicitur. tūc enim antisites velut aduocati, susceptos suos per manus impositionē misericordissimē offerunt potestati. quibus peractis & participato tanto sacramento, gratiarū actio cuncta concludit, quā etiam in his verbis vltimā commēdauit Apostolus. Eadem ferē transferunt Haymo & Anselmus in sua Commentaria, & de Missa interpretantur. ille quidem scribens, beatus Apostolus dirigēs hęc verba Timotheo in illo tradidit omnibus Episcopis & presbyteris omniq; Ecclesię formā, quomodo deberent Missarū solennia celebrare, & pro omnibus hominibus orare, quam formam vel exemplum omnis Ecclesia modō retinet. hic autē repetens verba D. Augustini, ordo, inquit, Missę in his verbis ostenditur. Vnde Cælestin⁹ I. in ep. 1. obsecrationū, ait, sacerdotalium sacramēta respiciamus, quę ab Apostolis tradita in toto mundo atque in omni Ecclesia catholica vniformiter celebrantur, vt legem credēdi lex statuatur supplicandi. Idem etiā Pontifex plurima statuit in eisde partibus Missę, vt obseruarunt Alcuinus, Hrabanus & alij scriptores de diuin. offi. Forma etiā harū orationū pro omnibus hominibus proposita est à Clemēte Papa lib. 8. constit. Apost. c. 10. & adhuc per similes orationes extant in Missis D. Iacobi in Ecclesia Hieros. beati Petri in Romana & Occidentali, S. Marci in Alexandrina, SS. Basilij & Chryso. in Orientali, vt scribit Turr. lib. 8. earundem constit. c. 5. n. 4. hęc satis sint ad ostendēdum ex diuina & Apo-

stolica Traditione distinctionē partiū Missę factam esse. quare impiū est quod Protestantes affirmant. Missam esse humanū inuentum, & nihil diuinum habere præter verba consecrationis. ostendimus enim ab Apostolis, dictante Spiritu sancto, & diuinarū scripturarū partes in ea proponi, & ipsam rationem orandi & sacrificiū institutā esse, vt ex Apostolo, consentientibus Patribus, apertē deduximus. quæ verō partes, qui ritus & ceremoniæ, & à quibus Pontificibus aut institutæ, aut innouatæ sint, facile colligitur ex eisdem scriptoribus diuinorum officiorum: & in liturgicis Pamelij per ætates & tempora, partitē & distinctē descriptæ & obseruatæ sunt. quare vera est & catholica sententiā Cōcilij Tridētini sess. 22. c. 4. vbi inquit de Canone Missę, is constitat, cum ex ipsis Domini verbis, tum ex Apostolorum traditionibus ac sanctorum quoq; Pontificū piis institutionibus. vt autē partes diuinę scripturę ex vet. & nō. test. Missis accomdatæ sunt, diuinis mysteriis, quæ celebrantur cōgruenter: sic etiam huiusmodi institutiones Pontificū, quæ Canone Missę continentur, sacrificio noui testamenti, non solū ritibus & ceremoniis, sed etiam verbis, adeo congruentes sunt, vt nihil in eis sit, quod non maximē sanctitatem ac pietatem quandam redoleat, mētēque offerentium in Deum erigat. de partibus Missę ex scriptura, conferenti singulas cum mysteriis, quæ celebrantur ab Ecclesia catholica, erit manifestissimum: de his vero, quæ eodem canone compræhensa sunt, ex ipsa deinceps explicatione constabit. in ea enim & de ceremoniis, & de verbis atque actionibus sacerdotis sacrificantis, singulatim differemus.

Canon Missæ.

Te igitur, clementissime Pater per IESVM Christum Filium tuum Dominum nostrum, supplices rogamus, ac petimus, uti accepta habeas, & benedicas hæc dona, hæc munera, hæc sancta sacrificia ilibata.

Explicatio.



Anō Missę dicitur regula & forma actionis sacrificialis in nouo testamēto. eius tres præcipuę partes sunt: vna de oblatione munerū, quibus sanctificatis sacrificiū perficitur, & commemoratione eorum viuientium, pro

quibus offertur, & sanctorum glorię communicatione, vt eorum precibus & meritis fiat nobis hostia salutaris. Altera pars continet consecrationem, in qua ostendimus, cap. ii. essentiam sacrificij positā esse. tertia denique cōtinet preces de cōsequēdo fructu sacrificij perfecti, defūctorū

comme-

*Huius orationis
connexio cū
oratione secreta.*

*Oratio cur ad
Patrem.*

commemorationem, sumptionem denique eiusdem sacrificij vt sacramenti. Cum igitur sacerdos in oratione secreta, congruenter mysterio, quod in Missa recolitur speciali, preces ad Deū emiserit, vt fructū futuri sacrificij fidelis populus consequatur, & eundē populum ad diuinorum contemplationē, abiecta aliorum consideratione, præfatione fuerit exhortatus, propius ad sacrificiū accedēs, & quasi connectens eū præcedente oratione secreta, consequentē oblationē, inquit, [Te igitur.] oratio verò dirigitur ad Patrē inuocata illius clementia & misericordia: quia vt misit filiū, nō ex iustitię nostrę debito, sed ex misericordia & liberalitate: sic etiā ad eandem clementiam nobis confugiendū est, vt sacrificij, quo redempti sumus, fructus nobis applicetur. sic scriptū est, 1. Ioan. 4. in hoc apparuit charitas Dei in nobis, quoniā filium suum vnigenitum misit Deus in mundum, vt viuamus per eum. In hoc est charitas, nō quasi nos dilexerimus Deum, sed quoniā ipse prior dilexit nos, & misit filiū suum propitiationē pro peccatis nostris. Tit. 3. cū autem benignitas & humanitas apparuit Saluatoris nostri Dei, non ex operibus iustitię, quæ fecimus nos, sed secundū suā misericordiam saluos nos fecit. obtulit verò seipsum in cruce pro nobis, vt nos offerret Deo, mortificatos quidē carne, viuificatos autem spiritu, 1. Pet. 3. idem igitur nunc petimus in nobis perfici per eiusdē hostiæ oblationē. adeamus ergo cum fiducia ad thronum gratiæ, vt misericordiam consequamur, & gratiā inueniamus in auxilio opportuno Hebr. 4. Sed cū ad Patrem orationem dirigimus, non excludimus Filium aut Spiritū sanctū: cū ad Deum tribus personis distinctum, vt vnum, bonorum omnium quę petimus, principiū, omnis oratio dirigenda sit. verū hanc rationem principij in Patris persona ideo intelligimus, quod Pater sit principiū sine principio, Filius autem & Spiritus sanctus ab hoc principio procedant: & ideo licet tres personę sint vnū principiū eorum omnium, quæ in creaturis fiunt, ratio tamen principij Patri tribuitur, vt sapientiæ Filio, amoris Spiritui sancto, quia eorū proprietatibus personalibus attributa sunt & accomodata. Præterea, cū nō liceat petere quicquam à Deo nisi per Filium Christum, recte oratio & congruenter ad patrem dirigitur, à qua Filius procedit, & omnia quę ha-

bet, per generationē accipit, vt grata sit & accepta oratio. quod si Patri per Filiū accepta fuerit, non dubium est gratā esse & Filio & Spiritui sancto, à quibus vt sunt vnus Deus, & vnum principiū omnium, quæ in rebus fiunt, consequemur quæcūq; petimus. Sed quia Filius, Deus & homo est, & quatenus homo mediator Dei & hominū. 1. Timoth. 2. & mediatoris propriū munus est, nos ad Deū deducere, vt ei coniungamur, quod ostensum est, 3. p. q. 26. ar. 1. ideo Ecclesia ab Spiritu sancto edocta, semper per Christū petit, & omnis orationis illa clausula esse debet, per Christū Dominum nostrū. Sic D. Paulus, Rom. 5. de Christo, per quē accessum habemus per fidē in gratiā istam, in qua stamus, & gloriamur in spe gloriæ Filiorum Dei. Ephe. 2. nunc autem in Christo IESU, vos qui aliquando eratis longe, facti estis prope in sanguine Christi. ipse enim est pax nostra, qui fecit vtrāque vnū: & concludit de gētib; & Iudæis, per ipsum accessum habemus ambo in vno spiritu ad Patrem. Recte igitur supplices, hoc est humiles spiritu, & nullā in nobis, sed in Deo fiduciam collocantes, quod ad humilitatē pertinet, per Christū mediatorem rogamus ac petimus. Christi autem mediatoris duo sunt munera, vt nos Deo cōiungat, orare & sacrificare: & quia sacerdotes noui testam. sunt ministri eiusdem mediatoris, & ea ratione quodā modo mediatores, ideo & Christus his orantibus & sacrificantibus, orat, & sacrificat seipsum, & quod de nobis dicitur, plerūque Christus sibi tribuit, vt sumus mēbra eius. Vnde & sacerdotiū Christi æternum erit in Ecclesia, non solum ratione effectus & redemptionis æternæ, sed etiā ratione sacrificij, quod semper offeret in Ecclesia per ministros sacerdotes. Vnde & malitia ministri, missę fructū proprium, ex institutione Christi, impedire nō potest, & ipse minister in persona Christi, & verbis cōsecrando sacrificat. obseruandum tamē est, ea quę significant nostram infirmitatē, miseriam, peccata, sic ministrorū esse propria, vt Christo in se & reipsa nullo modo tribuatur, sed nostra sint & ministrorū: quę tamē spiritu & auxilio Christi adiuti & excitati, à nobis amoueri petimus: & ideo Christus dicitur petere, quia facit nos petere propter nostram salutem, & ad gloriam ipsius. Ex his distinctionibus intelligi potest catholicę sententię Simeonis Archiepiscopi

3. p. q. 28. ar.
1. ad 1.
Christus mediator,
et quia ratione in Missa.

Explicatio

copi Theſſa. c. 44. de myſteriis Eccleſiæ, ci-
tante Franc. Turr. inquit enim in Annotat.
Clementis, lib. 8. conſtit. Apoſto. cap. 12.
num. 5. de meditat' one Chriſti in Miſſa.
Mediator, inquit, factus eſt Dei & homi-
nū, nō ſermone & precibus [tantū] ſed ſeip-
ſo. quia enim idē erat Deus & homo, Deū
cum hominibus copulauit, ſe communem
terminum ambabus naturis immittens.
exiſtimare autem Chriſtū per preces, quæ
in Miſſa fiunt ſemper mediatorem agere,
[nempè ſecundū ſufficiētiam,] plenū eſt
blaſphemia & abſurditate: & ſi enim ipſe
eſt, qui ſacrificiū Miſſæ operatur, nō tamē
omnia, quæ illic fiunt & dicūtur, ipſi ſunt at-
tribuenda: opus enim Miſſæ & finis, ſancti-
ficari, inquam, munera, & ſanctificare fide-
les, ipſe ſolus eſt, qui hæc facit (vt principa-
lis ſcilicet autor & cauſa) orationes verò &
obſecrationes ac ſupplicationes quæ in his
fiunt, ſacerdotis ſunt, illa Domini, hæc
miniſtri. miniſter orat, Dominus conſum-
mat orationes, Saluator dat, ſacerdos gra-
tias agit pro datis. Offert quidem ſacer-
dos, ſed Dominus ſuſcipit munera. offert
quidem & Dominus, ſed ſeipſum patri of-
fert poſtquam ſunt ipſe, id eſt poſtquā
mutata ſunt in corpus & ſanguinē eius.
quia enim ſeipſum offert, idcirco dicitur
eſſe idem offerens, & oblatuſ, & ſuſcipiēs:
offerens quidē & ſuſcipiens vt Deus, obla-
tuſ vero vt homo. munera verò cū ad
huc ſunt panis & vinum offert quidem ſa-
cerdos, ſuſcipit verò Dominus. Sed quo-
modo ſuſcipit munera, qui ea facit? nempè
ſanctificando illa, & in corpus ſuum mutā-
do. hoc enim ſignificat ſuſcipere, facere
ſua, ſecūdū ea, quæ antea dicta ſūt. hæc ille.
Ex his planē effectum eſt, ſupplicem ſacer-
dotem hac prima Canonis oratione orare
Patrem per Chriſtum Dominum, & pete-
re quæ ſequentur. Quare impia eſt & im-
pudens ſententia Proteſtantium, ſacerdotē
petere propter panem nondum ſanctifica-
tum, vt Deus ſux Eccleſiæ propitiuſ velit
eſſe, quod erit apertius ex his, quæ ſtatim
ſic petit: Vti accepta habeas, & benedicas
hæc dona, hæc munera, hæc ſancta ſacrifi-
cia illibata. Dona Dei & munera vocat, quæ
ex liberalitate Dei à nobis poſſeſſa, iterum
Deo offerimus: vt reiſpā oſtēdamuſ & pro-
ſiteamur, Deū autore illorum eſſe, & ideo
in honorem Dei, iterum coram illo ſiſti &
proponi, quæ eſt omnium ſacrificiorum cō-

mūnis ratio, ſicut ſcriptū eſt. 1. Paralip. 29. *D. Th. 1. 2. q. 102. art. 5.*
tua ſunt omnia, & quæ de manu tua acce-
pimus, dedimus tibi: & quia priuſ offerun-
tur & donantur à populo, vt ſint materia ſa-
crificij, ſupra cap. 29. hæc eſt ratio doni &
muneris. hoc autem dicitur nunc ſacrificiū
per anticipationem, quod ſit materia futu-
ri ſacrificij per conſecrationem. nūc enim
panis & vinum, quæ donum & munus vo-
cantur, ſacrificia eſſe nō poſſunt: quia ſolus
Chriſtus in nouo teſtam. ſub ſpecie panis
& vini ſacrificari poteſt, & ideo illibata, id
eſt immaculata & pura dicuntur ſacrificia,
quatenus ſub duplici ſpecie ſacrificandus
eſt Chriſtus. itaque licet vnicum ſit ſacrifi-
cium, & vnica victima, ex duplici tamen
ſpecie, & representatione, ſacrificia dicun-
tur. ſic oſtenſum eſt ſupra cap. 11. in conſe-
cratione conſiltere rationem noſtri ſacrifi-
cij, & cap. 14. ex duplici ſpecie, ſacrificia vo-
cari, cum tantum ſit vnum ſacrificium. Cui
etiam ratio doni & muneris ideo conue-
nit, quia Chriſtum immolandum pro no-
bis Deus donauit, & noſtrum immolatio-
ne crucis effectum, iterū Deo offerimus,
vt per ſe patri acceptū, quod illa oratio de-
clarauit, [in quo mihi bene cōplacui,] &
per eum, & in eo omnes homines Deo pla-
cere debent: & ideo iſ ſolus eſt ſacrificium
& victima noui teſtamenti.

Hæc igitur dona, & propriā futuri ſacrifi-
cij materiā, petimus accepta & grata fieri
Deo, & ab eo benedici & conſecrari: vt per
illa ſic conſecrata, hoc eſt per Chriſtū ipſa
conſecratione ſacrificatum, Deus ſit ſux
Eccleſiæ propitiuſ. Eſt enim ex eodem c.
11. repetendum, ea quæ vnica conſecratio
reiſpā & ſecundum actum exercitum con-
tinet, etiam ſi antecedant vel conſequantur
ipſam conſecrationem, ad ipſam tamen re-
ferenda eſſe: vel quia ſunt materia illius, vt
panis & vinum: vel quia explicant & expri-
munt apertius, quæ breuiter cōſecratio cō-
prehendit, vt orationes, quæ ipſam ſtatim
ſequentur. accepta verò & grata ſacrificia
petimus fieri, non ad redemptionem ſim-
pliciter & abſolute, quæ iam in cruce per-
fecta eſt, ſed ad redemptionis efficacem
applicationem, quæ aliquando dicitur re-
demptio noſtra, id eſt nobis accommodata,
qui eſt huius ſacrificij propriuſ effectus,
quo diſtinguitur à ſacrificio crucis
ſupra cap. 9.

*Bona licet oſtē
conſecrare ſup.
q. 75. art. 2.*

Sequitur

Canonis Missæ.

Sequitur in Canone.

177

In primis, quæ tibi offerimus pro Ecclesia tua sancta Catholica: quàm pacifice
care, custodire, adunare, & regere digneris toto orbe terrarum, unâ cum
famulo tuo Papa nostro N. & Antistite nostro N. & Rege no-
stro N. & omnibus orthodoxis, atque catholicæ &
Apostolicæ fidei cultoribus.

Oblatio genera-
lis sacrificij.



Ommemoratio viuētium pro quibus offertur sacrificium, his verbis continetur, ex D. Paulo 1. Tim. 2. collecta. præcipit enim in sacrificio commemorationem fieri & oblationē, pro regibus & omnibus, qui in sublimitate sunt, vt ex Patrum consentienti explicatione principio huius c. deduximus. sed quia sacrificium applicat fructum redemptionis, & ab ea neminē Christus exceptit, idēd primum vniuersalis Ecclesia proponitur, de inde, qui in sublimitate constituti sunt nominatim recensentur. Ratio hæc D. Pauli est eodem c. his verbis comprehensa. hoc enim bonum est & acceptum coram Salvatore nostro Deo, qui omnes homines vult saluos fieri, & ad agnitionem veritatis venire, hoc est, vt Dominus omnes redemit, & ad se venire vult, sic etiam oportet nos eidē consentientes orare & offerre sacrificium pro eisdem omnibus. vnde per similes orationes sunt in Missis antiquorū Patrum, vt principio huius cap. ex D. Clemente & aliis obseruauimus. quod si Paulus præcipit pro regibus orare & offerri sacrificium, & pro omnibus, vt ad agnitionē veritatis adducantur, certē præcipit pro infidelibus etiam offerri: nam & reges tunc infideles erant, & ad agnitionem veritatis venire non intelliguntur, nisi infideles: cū fidei propria sit illa veritatis agnitio, & idēd ad eam veniunt, cum primum fide imbuuntur. sic ex eodem Apostoli testimonio, Patres omnes à nobis citati principio cap. huius collegerunt: & nos supra c. 23. explicauimus, quia ratione sacrificium nostrum pro infidelibus & separatis ab Ecclesia, offerendum sit, vt ad eam adducatur. idem etiam significat in hac oblatione verbum [adunādi]. petimus enim adunari Ecclesiā, & offerimus sacrificium pro ea adunanda, quod non est aliud, quàm offerre pro segregatis

ab Ecclesia, vt in eam congregentur: adunantur enim propriē, quæ antē fuerant dispersa & separata, vt expresse continetur in missa D. Iacobi, cuius verba proposuimus supra eod. c. 23. Caterū, vt ad singula verba huius oblationis accedamus, quid sit Ecclesia, quare sancta, catholica, atque etiam Apostolica dicatur, in catechismo explicatum est. his autem perceptis, petimus nunc eidem Ecclesiæ quatuor hæc concedi, pacem, custodiam & tutelam, adunationem, rectionem & gubernationem. pacem primò intelligimus, quæ exuperat omnē sensum, & effectus est iustificationis, sicut scriptum est Rom. 5. iustificati ergo ex fide pacem habeamus ad Deum, per Dominum nostrum I. E. S. V. M. Christum. deinde pacē intelligimus reip. sæcularis, in qua nobis viuendum est. sic enim Apostolus 1. Tim. 2. præcipit orandum esse in missa, vt quietam & tranquillam vitam agamus in omni pietate & castitate. hæc itaq; pax reip. sæcularis, non solum expellit omnem seditionem externam & perturbationem, sed etiā tuetur & conseruat internam pacem, ex infusa à Deo charitate & iustitia Christiana, prouenientem. ad eādem pacem hortatur sæpē Apostolus 1. Corint. 1. & ad quietem 1. Thess. 4.

Secundò petimus Ecclesiam à Deo custodiri, & defendi, tum ab hostibus internis, tum etiam externis, exemplo Domini, qui pro Apostolis & discipulis sic Patrem orat Ioan. 17. Pater sancte serua eos in nomine tuo, quos dedisti mihi, vt sint vnum, sicut & nos. vnitas enim hæc, Ecclesiæ certa nota & signū est. & certa est promissio Dei apud Apostolum, fidelis est Deus, qui non patietur vos tentari vltra id quod potestis, sed faciet cum tentatione prouentū: & Domini, cū ad Patrem ascenderet, ecce ego vobiscum sum, vsq; ad consummationem sæculi, & Psal. 90. cum ipso sum in tribulatione.

Zz

bulatione.

Explicatio

bulatione, eripiam eum! & glorificabo eum. persecutione etiam creuisse Ecclesiam notissimum est, cum sanguis martyrum exemplo amplifiet, quod numero detrahit.

Tertio petimus Ecclesiam adunari, vel in vnum spiritum fideles, qui eam constituunt, vel in vnum corpus ex multis etiam ab ea separatis & disunctis. ostendimus enim paulo ante, etiam pro infidelibus nos orare & offerre quadam ratione, ut in Ecclesia filios coopentur.

Quarto in verbo regendi petimus, officium pastorem Ecclesie recte administrari, quia integritas presidentium, salus est subditorum, Trid. sess. 6. c. 1. de reform. & Dominus ascensus ad Patrem, prius Petrum toti Ecclesie praefecit, pascere autem & regere Ecclesiam pastores tenentur, exemplo, verbo & legitima sacramentorum administratione, pro sibi subiectis sacrificium offerre, pauperum, aliarumque miserabilium personarum curam paternam gerere, & in cetera munia pastoralia incubere, de quibus plenissime Apostolus in epistolis ad Tim. & Titum. ut autem generalem hanc petitionem intelligamus, addita sunt illa, [toto orbe terrarum,] haec est enim catholice & vniuersalis Ecclesiae nota, ut ad omnes locorum

& temporum distinctiones pertineat, eandem & consentientem doctrinam retinens, sub vno capite supremo Romano Pontifici. ut in articulo de Ecclesia in Catechismo explicauimus. Postremo fit distincta & propria commemoratio Papae, Antistitis, & Regis, quia sic praecceptum esse ab Apostolo 1. Tim. 2. supra explicatum est, cum inquit, orandum esse in missa pro Regibus, & iis, qui in sublimitate constituti sunt, praecedunt tamen Ecclesiae praefecti, eos qui resp. seculari praesunt: quia spiritualia, quae illi praerant, secularibus & corporalibus, quae ab his gubernantur, potiora sunt, & digniora. Papam autem, id est Patrem, vsus Ecclesiae fecit successoris Petri proprium nomen per antonomasiam, cum olim omnium Episcoporum commune nomen fuerit. fides vero orthodoxa, id est recte sentiens, & catholica vel vniuersalis eadem, quia non potest de Deo & diuinis rebus recte sentire & iudicare, nisi qui consentientem cum tota Ecclesia & suo capite doctrinam proficitur: & qui ab ea unitate discedit, a recta etiam fide discedat necesse est, nec potest Deum habere patrem, qui hanc Ecclesiam, continuata serie a Christo ad nos usque deducta, matrem non habet, & confitetur magistram.

Sequitur in Canone.

Memento Domine famulorum famularumque tuarum N. & N. Et omnium circumstantium, quorum tibi fides cognita est, & nota deuotio. pro quibus tibi offerimus: vel qui tibi offerunt hoc sacrificium laudis, pro se, suisque omnibus: pro redemptione animarum suarum, pro spe salutis, & incolumitatis suae: tibique reddunt vota sua aeterno Deo viuo & vero.



Actenus generalis facta est applicatio huius sacrificij pro viuentibus, nunc vero fit specialis, ex proposito & intentione sacrificantis sacerdotis: de qua distinctione generalis & specialis applicationis dictum est supra c. 26. itaque tantum est hic admonendus sacerdos, ut eorum pro quibus offerre proposuit, specialiter meminerit, iuxta praescriptas eodem c. praecisiones. pro quibus autem rebus a Deo obtinendis offerendum sit, dictum est c. 21. & duobus proximè sequentibus. ut autem profit eisdem, praeparatio quaedam necessaria est, ut eodem c. 21. explicatum est: sed ex quibus constare debeat, hanc distinctionem

recte exprimitur. sunt autem haec, fides, deuotio Deo cognita & probata, vel quam Deus gratia & acceptam habet, ut haec cognitio & notitia non sit simplicis intelligentiae, sed approbationis. sic Psal. 1. dicitur Dominus cognoscere viam iustorum, & iter impiorum perire, ut cognoscere & perire sint opposita: quae autem Deus probat, ea nullo modo perire possunt, cum vel ipsa, vel eorum praemia sint aeterna in conspectu Domini. fides intelligitur catholica, qua verbo Dei, per legitimos Ecclesiae doctores proposito, assentimur, siue ea sit perfecta per adiunctam charitatem, siue imperfecta sine charitate: utramvis enim fidem habentibus, hoc sacrificium prodesse potest, illis quidem directe

directè & immediatè, quòd sint amici Dei, & proinde omnium diuinorum munerū participes: his autè mediatè, quatenus virtute huius sacrificij placatus Dñs, concedit illis pœnitentiã, & peccata remittit, vt ostendimus c. 23. ex cõc. Trid. sess. 22. c. 2. de sacrificio missæ. vnde quod statim sequitur, [pro redemptione animarum suarum,] ad vtrosq; sic potest accommodari: vt redemptio sit, nō quidem secundū sufficientiam, quæ est propria sacrificij crucis, sed secundū efficaciam, quæ est huius sacrificij missæ propria: atq; ea redemptio efficax, vel sit à mortalibus peccatis, vel à venialibus, & pœnis eorum, cum pro culpis & pœnis hoc sacrificium offeratur, quia Christus nos redemit à seruitute culpe, & à pœnæ obligatione, vt ostendit D. Th. 3. p. q. 48. ar. 4. & 5. cum autè iusti à venialibus peccatis liberi nō sint, cū sit eorū propria & vëra oratio, [dimitte nobis debita nostra,] & augmento gratiæ perfectiùs iustificentur, efficitur, eis hoc sacrificiū valde prodesse, vt amplius iustificetur, & à venialibus peccatis mūdentur: atq; etiā vt pœnæ, pro quibus forte adhuc non est perfecta satisfactio, remittantur, aut omnino, aut ex parte, pro modo preparationis cuiusq; diximus de præparatione per fidem, sine qua impossibile est placere Deo absolute & vniuersaliter, sed præterea ad percipiendum fructum huius sacrificij, plurimū valet fides expressa de fructu & valore illius, & non tantum fides implicita & vniuersalis, vt enim Ecclesia catholica solemnes quosdam dies statuit, ad recolenda fidei mysteria, & fidem eorū expressam excitandam: sic etiam frequenter hoc sacrificium, vt excitet in nobis gratiam passionis Christi recordationem, sicut scriptum est, hoc facite in meam commemorationem: atq; ideo fides de huiusmodi mysterio, sacrificio missæ in nobis excitata, expressa debet esse, vt institutioni Christi conformes simus. sic etiam ostendimus ad preparationem sacramenti suscipiendi, fidem de illius effectu & institutione expresse habendam esse: primò generaliter in omnibus sacramentis, q. 60. num. 12. & q. 61. num. 3. & q. 80. in principio. Deuotio, altera p. præparationis offerentis, est voluntatis promptitudo ad cultum & ministerium Dei D. Tho. 2. 2. q. 82. Offert autem quisq; per sacerdotem pro se suisq; omnibus, idest pro omni indigentiā spirituali & corporali supra c. 21.

præterea, pro spe salutis, scilicet æternæ consequendæ, cum eam propriè spes intueatur & respiciat. incolumitas idem videtur esse, quatenus erit libertas ab omni malo, cum tandem inimica mors destruetur. 1. Cor. 15. vel incolumitate continentur etiam bona præsentis vitæ ad salutem necessaria, & malorum, quæ in eadem occurrunt, depulsio. quod verò additur, [tibiq; reddunt] ad conditionem offerentis & præparationem referri debet hoc modo, vel qui tibi offerunt, hoc sacrificium laudis, tibiq; reddunt vota sua Deo viuo & vero, quasi dicat, his fructū huius sacrificij specialem accommodamus, pro quibus illud nominatim offerimus, vel qui tibi illud offerunt, recta fide & deuotione, & omnia sua vota & desideria ea sanctitate cōcipiunt, vt digna sint, quæ ad te referantur, propter gloriā nēpe Dei & Christi Dñi. sic enim hæc obligatio ex fine & deuotione offerētis, erit Deo accepta & grata, nō solum ex opere operato, sed etiā operantis. sed obseruabis primò, sacerdotis sacrificantis propriā esse obligationem externā, vt est proprium visibile & externum Ecclesiæ sacerdotiū: oblationem autem internā ad hunc, aut illum fructum consequendū, communem esse eidē sacerdoti cū omnibus aliis fidelibus, quibus cōpetit sacerdotium spirituale: & internū ad offerendum spirituales hostias: & hanc etiā, quæ exterius ministerio sacerdotum offertur, pro sua & aliorū salute interius, vt eius fructus, vel ex oblatione sacrificantis sacerdotis, vel ex propria cuiusq; ad omnes dimanare possit: deinde, Missam esse sacrificium laudis, ea ratione intelligendum est, quia suprā explicauimus c. 9. ad finē. deniq; accurate considerandū est, quātus fructus; iis, qui missæ inter sunt corpore & spiritu accrescat, cum & pro ipsis specialiter offeratur, & ipsi offerre possint pro se suisq; omnibus: vnde frequenter cōtinget, vberiores fructum ex missa provenire, ad circumstantiæ hoc modo, quā ad eum, qui Missam offerri procurauit, vel offerentē sacerdotem, si circumstantis perfectior sit præparatio ad eundem fructū percipiendum, etiā si pro omnibus specialiter offeratur. loquor autē de Missa, vt est sacrificium, quod offertur, vt enim est sacramentum, dubium non est prodesse magis dignè suscipienti sacerdoti, quā circumstantibus non suscipientibus.

De hac distinctione sacrificij ex opere operato sup. c. 10. c. 27.

De sacerdotie spirituali. 1. Pet. 1.

Explicatio Sequitur in Canone.

Infra actionem.

¶ Communicantes, & memoriam venerantes in primis gloriosæ, semperque virginis Mariæ genitricis Dei, & Domini nostri Iesu Christi: Sed & beatorum Apostolorum, ac martyrum tuorum Petri, & Pauli, Andrea, Iacobi, Ioannis, Thomæ, Iacobi, Philippi, Bartholomæi, Matthæi, Simonis, & Thadæi, Lini, Cleti, Clementis, Xisti, Cornelij, Cypriani, Laurentij, Chrysogoni, Ioannis & Pauli, Cosmæ & Damiani, & omnium sanctorum tuorum: quorum meritis precibusque concedas, ut in omnibus protectionis tue muniamur auxilio. Per eundem Christum Dominum nostrum, Amen.



Actio sacrificialis, qua petit sacerdos dona proposita in corpus & sanguinem Christi commutari ad sacrificandum, quasi interrupta est, lecretæ viuendum, pro quibus specialiter offertur, commemoratione: nunc vero continuatur, & ideo dicitur infra actionem, veluti illius actionis quædam continuatio: ut mos ecclesiasticus obrinuit, dies octauæ solemnitatis alicuius, vocare infra octauam. fit autem sanctorum cum Christo regnantium vniuersalis & specialis commemoratio, tum quia communicatio eorum in hoc sacrificio quod offerimus, gratiæ & gloriæ illorum causa fuit, atque ita eorum commemoratio, est Christi immolati triumphus & victoria: tum quia hac commemoratione in auxilium nostrum eos inuocamus, ut eorum protectione muniamur, & ad imitationem accendamus: ut sicut illos huius sacrificij participatio gloriosos effecit, sic nos ad eandem participationem excitemur: has duas causas comprehendit canon, primis & extremis verbis sententiæ propositæ, consulto utens communicatione, memoria & protectione sanctorum, & merito, quia D. Paulus ad Hebr. 13. c. scribit, memento re præpositorum vestrorum, qui vobis locuti sunt verbum Dei: quorum intuentes exitum conuersationis imitamine fidem loquitur enim de sanctis mortuis, ut eorum gloriam celebrent, fidem & mores imitentur. sic semper intellexit catholica Ecclesia, martyrum & omnium sanctorum cum Christo re-

gnantium in hoc sacrificio commemorationem fieri, propter easdem causas, non autem, quod oremus, aut offeramus pro illis, sicuti pro viuis, ut confortio Christi digni habeantur. iniuriam enim facit martyri, qui orat, aut sacrificat pro martyre, ut ex D. Augustino factum theologis est tritum sermone prouerbum. etenim sic scribit de verbis Apostoli serm. 17. habet Ecclesiastica disciplina, quod fideles nouerunt, cum martyres eo loco recitantur ad altare Dei, ubi non pro ipsis oretur, pro cæteris autem commemoratis defunctis oretur. iniuria est enim pro martyre orare, cuius nos debemus orationibus commendari: eandem sententiam de martyrum in missa commemoratione repetit tractat. 84. in Io. & lib. 22. de ciuit. c. 10. & de sancta virgin. c. 45. id verò Tertulante eum lib. de corona milit. ut Christianis consuetum refert Cyprianus epist. 34. Epiph. lib. 3. contra Aëriū. similiter cum in honorem martyrum, aut sanctorum missas celebramus, non eis sacrificamus, sed ad recolendam eorum memoriam, & perpassionis triumphum, in gloriam Dei & Christi, qui dedit & obtinuit sua passione, ut martyres vincerent. hæc enim necessariò coniuncta sunt, altare, sacrificium, sacerdos: atque ideo ut sacerdos, Dei sacerdos est, ut offerat dona & sacrificia, sic sacrificium Deo tantum offerri potest. unde D. August. lib. 20. contr. Faust. cap. 21. populus, inquit, Christianus, memorias martyrum, religiosa solemnitate concelebrat, & ad excitandam imitationem.

Sanctorum in missa commemoratio, ex diuina & Apostolica traditione.

Soli Deo & sanctis sacrificamus.

nem, & ut meritis eorum confocietur, atque orationibus adiuuetur: ita tamen ut nulli martyrum, sed ipsi Deo martyrum, quamvis in memorias martyrum constituamus altaria. quis enim antistitem in locis sanctorum corporum assistens altari aliquando dixit, offerimus tibi Petre, aut Paule, aut Cypriane? sed quod offertur, offertur Deo, qui martyres coronauit, ut ex ipsorum locorum admonitione maior affectus exurgat ad acuendam charitatem, & in illos, quos imitari possumus, & in illum, quo adiuuante, possumus. eadem est antiquitatis totius sententia; & ideo eisdem fere verbis in decretum vniuersalis Ecclesiæ redacta à Concilio Tridentino. sess. 22. c. 3. de sacrificio missæ. sed in martyrum commemoratione non tantum Apostolorum specialis fit commemoratio, sed aliorum etiam, quos præcipuos colit Ecclesia Romana, aliarum omnium mater & magistra: & in aliis sanctorum Missis videmus alios commemorari, qui vel in eorum diocesi passi sunt, vel in eorum ecclesiis præcipue venerantur, ut constat ex Canone Ambrosia-

no, & aliis Græcorum Patrum. itaque, licet omnium sit idem Canon missæ, vel verbis & sententia, vel sententia saltem: sanctorum tamen commemoratio varia est, pro gentis & loci speciali deuotione. tandem concludit hæc commemoratio, nos adiuuari meritis & precibus eorundem sanctorum: notum est enim Theologis, in Ecclesiæ catholicæ thesauro, non solum contineri merita Christi, quæ cæteris hominibus merendi vim contulerunt, sed etiam merita sanctorum, unde potestas indulgentias concedendi orta est & recepta. precibus autem sanctos & beatos efficere, ut hæc hostia sit salutaris, & Deus sit nobis propitijs, catholicum dogma est, repetitum in concilio Tridentino. sess. 25. in decreto de inuocatione sanctorum. unde D. Petr. 2. epist. cap. 1. dabo autem operam & frequenter habere vos post obitum meum, ut horum memoriam faciatis. an verò aliqua ratione ipsis beatis, hæc illorum in missa commemoratio proflit, ostensum est supra c. 24.

Sequitur in Canone.

¶ Hanc igitur oblationem seruitutis nostræ, sed & cunctæ familiæ tuæ, quesumus Domine, ut placatus accipias: diesq. nostros in tua pace disponas, atque ab æterna damnatione nos eripi, & in electorum tuorum iubeas grege numerari, Per Christum Dominum nostrum. Amen. Quam oblationem tu Deus in omnibus, quesumus, benedictam, ascriptam, ratam, rationabilem, acceptabilemq. facere digneris: ut nobis corpus, & sanguis fiat dilectissimi filij tui Domini nostri Iesu Christi.

Tria petit hæc oblatio,



Oblationem principio acceptam, proposita sententia sacerdos concludit. petit enim placari Deum dignitate & excellentia sacrificij, ut fiat nobis salutaris, ad vitæ æternæ participationem: atque ut sacrificium perfici possit, petit deniq. oblationem, idest oblata munera, benedici & consecrari: sic enim pro nobis Christus sacrificabitur. dicitur autem oblatio, per anticipationem, ipse Christus postea per consecrationem offerendus. seruitutis nostræ, hoc est diuini cultus & latriæ proprium obiectum, & omnis familiæ, quæ est Ecclesia catholica, in qua

Deus propriè & verè colitur & adoratur. sic missam vocat Clemens li. 8. Apost. cost. c. 15. latriam mysticam, idest Dei occultum & secretum cultum: quatenus adoratur in missa Christus Deus & homo, sed non in propria specie, vel forma, sed in figura panis & vini reclusus & occultus. quamvis enim seruitus ex se intelligi possit, cultus non tantum Dei, sed etiam sanctorum, hoc est non tantum latria, sed etiam dulia, qui est proprius seruorum Dei cultus & reuerentia: tamen hoc loco non potest intelligi nisi latria proprius Dei cultus. primò quidè, quia ad Deum dirigitur oratio, & Dei cultus latria est, non dulia. deinde, quia in missæ oblatione solus

Seruitus latriæ in missa,

Explicatio

Deus & homo Christus Dominus per consecrationem præsens proponitur, sacrificatur, adoratur & sumitur: nullus vero homo aut angelus ex vi oblationis, aut in ipsa oblatione sistitur & adoratur. tertio, quia sic veteres Patres missam vocant cultū latræ, ut ante ex Clemente. obseruauimus: & D. Epiphanius in epitome de fide catholica, vocat latræ œconomix, idest dispensationis, verbi scilicet incarnati, vsurpans abstractum pro concreto. deniq; Apostolus, quem omnes imitantur in hac appellatione, in priori ep. ad Timot. c. 3. vocat sacramentum pietatis, hoc est diuini cultus mysterium, nam pietas Græcè à Paulo dicta est Eusebia, quæ idem est cum latræ & Theosebia, & à mysterio, quod est sacramentum secretum & occultum, deducitur mysticum: quare quod Paulus dicit mysterium Eusebiæ, vel latræ, id vocauit Clemens latræ mysticam, & Epiphanius latræ œconomix, vel dispensationis & incarnationis diuini verbi. constat enim in Missæ omnibus partibus, nihil aliud representari, quàm diuini verbi incarnati mysteria, ut quæ D. Paulus eodem loco scribit de illis, ostendemus ad finem huius expositionis canonis, per missæ partes significari & representari. est autem latræ, inquit D. August. lib. 20. cont. Faust. c. 21. quædam propriè diuinitati debita seruitus, qua nec colimus, nec colendum docemus nisi vnum Deum, [nempè vt autorem & principium omnium bonorum, & nostræ salutis architectum.] cum autem ad hunc cultum pertineat oblatio sacrificij [quatenus est testificatio supremi dominij, & finis, vel obiecti nostræ beatitudinis,] vnde idololatria dicitur eorum, qui hoc etiam idolis exhibent, nullo modo tale aliquid offerimus, aut offerendum præcipimus, vel cuiquam martyri, vel cuiquam sanctæ animæ, vel cuiquam angelo: & quisquis in hunc errorem delabitur, corripitur per sanam doctrinam, siue vt corrigatur, siue vt caueatur. ipsi enim sancti, vel homines, vel angeli, exhiberi sibi nolunt, quod vni Deo debent. haec tenus August. & lib. 20. contra Faust. c. 21. sacrificium Ecclesiæ appellatur in manifestatione noui testamenti præceptum, pertinentem ad illum cultum, qui latræ dicitur, & vni Deo debetur. in hac igitur missæ oblatione accedimus ad colendum Deum proprio cultu la-

træ, nempe credentes per consecrationem offerri, & præsentem esse in missa verè & substantialiter, Deum & hominem, Christum Dominum: & sperantes tali oblatione & cultu, fore nobis Deum propitium & placatum. quare simul profiteamur, quod Protestantes impie negant, in Eucharistia verè adorari Deum, & illius proprium cultum esse latræ. per eandem oblationem petimus & pacem nostris diebus, & numerum inter electos & prædestinatos. pacem intelligimus vtramq; internam & externam, vt supra explicauimus. precibus autem & sacrificijs, sanctos, quos Deus ex se ad æternam gloriam prædestinauit, adiuvare, vt eam consequantur, explicatum est 1. p. q. 23. art. 8. Sed quomodo petat sacerdos munera oblata benedici & consecrari, vt nobis, idest ad nostram salutem fiat Christus præsens, deinceps audiamus. primo quidè petit oblationem, idest dona oblata panis & vini, benedici, hoc est consecrari, & per transubstantiationem in corpus & sanguinem Domini conuerti, vt explicatum est supra ad. q. 75. secundo petit eandem oblationem fieri adscriptam, ratam, rationabilem, atque acceptabilem, quæ sic explicat August. vel Paschasius c. vtrum sub, de consecratione dist. 2. hanc oblationem inquit, [fieri] benedictam, per quam nos benedicamur: adscriptam, per quam omnes in celo adscribamur: ratam, per quam in visceribus Christi esse censamur: rationabilem, per quam à bestiali sensu exuamur: acceptabilem, vt qui nobis ipsis displicuimus, per hanc acceptabiles eius vnico filio simus. sed quia hæc tantum explicant fructum, & efficacem applicationem, huius hostiæ immolandæ per consecrationem, non autem, qua ratione ipsa ex se sit benedicta, rata, &c. ideo restat adhuc explicanda ratio & vis illorum omnium. benedici igitur dona, idem esse atque consecrari, supra ex sancta scriptura & Patribus ostendimus quæst. 75. numer. 2. sed adhuc explicandum est, cur hæc hostia ex se benedicta sit. cum autem benedictionem hominibus olim per semen Abraham promissam, solus Christus impleuerit, sicut scriptum est Gala. 3. vt in gentibus benedictio Abraham fieret in Christo I. s. v. vt pollicitationem spiritus accipiamus per fidem, & infra promissiones Abraham dictas esse inquit, & semini eius, quod est Christus,

D. Th. 2. 2. q. 84. ar. 1.

D. Th. 2. 2. q. 84. ar. 2.

has vero promissiones & benedictionem esse de bonis spiritualibus, quæ ad internam inuouationem pertinent constat ex c. i. ep. ad Ephes. benedictus, inquit, Deus, & Pater Dñi nostri IESU Christi, qui benedixit nos in omni benedictione spirituali in cælestibus in Christo, sicut elegit nos in ipso ante mundi constitutionem, vt essemus sancti & immaculati in conspectu eius in charitate. quod si gratia & veritas per IESUM Christum facta est Ioan. i. & veteres Patres defuncti sunt nõ acceptis repromissionibus Heb. ii. & de Christi plenitudine omnes accepimus easdẽ repromissiones, & gratiam pro gratia, hoc est de Christi excellenti gratia, vnusquisq; suam: certè confiteri necesse est benedictionem Christi vt hominis, vnde nostra benedictio dimanat, esse gratiæ illam plenitudinem, per quã & ipse benedictus est, & nos omnes benedicere potest. [ascriptam] dicit & petit fieri eandem oblationem, hoc est illam definitam & constitutam à Deo, vt in æternum in Ecclesia permaneat. hanc enim designauit Deus, & idè adscripsit, in qua propitius nobis fieret. sic etiam filius ad Patrem loquitur Psal. 39. sacrificium & oblationem noluit, corpus autem aptasti mihi, nempe cuius immolatio gratissima tibi esset, & maxime accepta, vt Apostolus explicat ad Heb. 10. quamuis enim loquatur de sacrificio Christi in cruce, eadem tamen est hostia & victima in Missa per transubstantiationem materiæ oblata, & in cruce, modus offerendi diuersus est: ibi quidem ad sufficientiam & redemptionem in propria specie: hic autem in aliena ad efficaciam & redemptionis applicationem, vt suprà ostendimus. sunt tamen, qui existiment, ascriptam idem esse, quod non finitam, neq; circumscriptam loco, quod quidem corpori Christi existenti in Eucharistia idè conuenit, quia existit ad modum substantiæ, totus in tota quantitate panis & vini, quæ remanet post transubstantiationem, & totus in quauis parte, & idè loco non circumscribitur perse, vt explicatum est suprà. q. 76. ad art. 1. & sequentes num. 3. & ad art. 5. & sequentes num. 1. id verò colligunt ex Missa Græca D. Petri, quæ in vsu est, in magnæ Græciæ prouincia, quæ Basilicata dicitur. in eius enim canone, pro [ascriptam] legitur aperigrapton, idest incircumscriptam: videtur autem illis idè esse ascriptam, quasi dictio-

ne composita, ex præpositione priuatiua, & scripta, & maluisse intepretem ita dicere per cõpendium, quàm incircumscriptam, sed significationem eandem esse, quasi latinus canon ex illo Græco traslatus sit. pia quidem & acuta consideratio, sed non satis firma & constans. Nam licet Missæ Græcæ & Latinæ, & earum canones maiori ex parte consentiant, non tamè omninò: quia constat à posterioribus pontificibus quædam fuisse addita, vt ostendimus c. 29. ex imitatione aliorum Patrum, & sanctæ scripturæ. & quamuis Græcè scripserit epistolæ D. Petrus, non tamen instituisse primo Missam latinam latinis, apud quos degebat, sed ex Græca translata esse, omninò certum est. additur tertio [ratam] hoc est constantem & firmam ad impetrandum quod petimus, nempe cuius vis & fructus, ex opere operato, non verò operantis, expendendus sit, vt suprà explicauimus. Græcus ille cano, de quo paulò antè, vt iidem autores referunt, pro hac dictione habet, euapologiton, hoc est firmæ & constantis defensionis pro peccatis nostris coram tribunali Dei. quæ explicatio eodem omninò pertinet, quòd verò addunt [rationabilem] idem esse, vt illa duo, [ratam, rationabilem] sint idem atq; illud vnum Græcum, euapologiton, id non videtur consideratè dictum esse, vt ex sequentibus constabit. petit enim sacerdos oblata munera panis & vini, per cõsecrationem fieri hostiam rationabilem, idest intellectualem, non brutam & rationis expertem: quòd proprium est nostri sacrificij, quatenus immolamus & offerimus Deo, non brutas pecudes, vt in veteri testamento, quæ proinde per se Deum placare non poterant, neque offerentes sanctificare, sed Christum Deum & hominem, & idè intellectualem, & cuius preces & oblatio, vt intellectualis hominis, Deo acceptæ & gratissimæ fuerunt: quòd ea natura intellectualis esset Deo in persona filij coniuncta, & idè impolluta & innocens, & idcirco Deo gratissima, vt Apostolus deducit c. 7. ad Hebr. ad redemptionem quidè in cruce, ad redemptionis applicationem in Missa, vt prius obseruauimus: vnde illa dicitur cruenta & in specie propria, hæc autem incruenta & in aliena specie panis & vini, & hac ratione mystica, tecta & occulta, licet realiter & substantialiter eadem, sic appellat Græci Patres nostram in missa

Oblatio rata.

Hostia nostra intellectualis et incruenta.

Clem. lib. 6. c. 23.

Oblatio ascripta.

Fræc. Turrian. lib. 8. constit. Clement. c. 12. in scholio nu. 5.

vi&timam logicam, id est rationalem, rationabilem, intellectualem, & incruentam. Clemens Papa lib. 2. constit. Apostol. c. 24. de Episcopis, ad aram, inquit, Domini Dei nostri assistitis, eidemq; hostias rationales, & incruentas per Christum pontificem magnum offertis. lib. 6. c. 23. conferens nostrum sacrificium cum veteribus, inquit, pro sacrificio cruento, rationale & incruentum, & illud mysticum sacrificium corporis & sanguinis Domini, quod in symbolum mortis eius celebratur. illa enim coniunctio [&] explicat praecedentis sacrificij, quod appellauerat rationale & incruentum, vim & modum: quasi diceret, voco rationale & incruentum sacrificium, quod sub specie aliena, est corporis & sanguinis Domini, in cruce effusi commemoratio: & ideo signum & symbolum est, in modo offerendi, sed in re & substantia, eadem omnino victimam. quod autem quidam censent, rationalem & incruentam hic vocari spiritualem hostiam, ut contriti cordis, laudis, gratiarum actionis, quam quilibet fidelis offerre potest, & non tantum sacerdos, alienum est a proposito Apostolicae constitutionis. nunquam enim in eius autore, aut in veteribus Patribus legimus, rationalem & incruentam vocari, illam hostiam spiritualem omnium fidelium communem, sed realem & substantialem Christi hostiam, & sacerdotum propriam in Missa, sic incruentum de hac tantum hostia dici supra ostendimus. rationales quidem hostiae dicuntur, illae spirituales & omnium communes, non tamen rationales & incruentae. sic enim Apostolus c. 12. ad Rom. obsecro, itaq; vos fratres per misericordiam Dei, ut exhibeatis corpora vestra hostiam viuentem, sanctam, Deo placentem, rationabile obsequium vestrum: vel ad verbum ex Graeco, rationalem cultum vestrum, & latrariam. quibus sane verbis, ad imitationem victimae intellectualis in Missa, vult omnes fideles Deo dicare sua corpora, ut sint iustitiae instrumenta in sanctificatione, ut admonuerat c. 6. eiusdem ep. sed nunc intuens nostram Missae hostiam, in qua pro nobis corpus Christi offertur, distincte ad eius, quoad fieri potest, imitationem, hortatur nostra corpora dicari & con-

secrari diuino intellectuali & spirituali cultui: ut quamuis corporis corporatae sint actiones, sic tamen ratione & intellectu in Deum dirigantur, ut ex ea relatione verè intellectuales & spirituales euadant. itaq; inquit, misericordia Dei, quam in nos abundè effudit per Christum, excitet vos, ut corpora vestra Deo offeratis, non quidem per mortem, id enim non semper a nobis Deus exigit, sed per viuentes actiones, sanctas, Deo gratas, in cultum Dei spiritualem: ut per eas Deus glorificetur & sanctificetur, ut in oratione Dominica petimus. vnde rectè Theophylactus ex Chrysostomo ad eundem locum Apostoli c. 12. rationalis, inquit, & intellectualis cultus est, non solum, qui verbo fit, sed etià vita Christiana: quando nimirum nullus irrationalis affectus in nobis regnat, sed ratio omnia gubernat. sicq; tanquam pontifex quisque sui ipsius factus fuerit, interiorem malitiam iugulans, & se existimans semper Deo sisti in omni, cum opere, tum verbo, ita horreat, quasi pontifex, qui diuinæ aræ adstiterit. expresit profectò rationem efficiendi spirituales actiones nostras, modo sacerdotis sacrificantis, & imitatione. victima enim morte fit, & Deo sistitur, quod optimè nostris perturbationibus & affectibus accommodat. Postremo petit sacerdos fieri hostiam [acceptabilem,] non quidem in se, cum suprà vi Christus hostia nostra, sit Deo acceptus & gratissimus, ut Pater testatus est illis verbis, hic est filius meus dilectus, in quo mihi benè complacui, sed petit, ut acceptabilis fiat pro nobis, & salutaris secundum efficaciam, & non fiat in iudicium & damnationem. verbum hoc etiam, ut praecedens, desumptum est ex D. Paulo c. 12. ad Rom. ubi ad huius hostiae imitationem, hortatur fieri corpora nostra, hostiam euareston placetem & gratam Deo. in Missa autem illa Graeca D. Petri, quam supra citauimus quidam haberi referunt profectionem, quod idem est.

Sequitur

Turrian. in seho
do eiusd. c. 23.

Victima corporis nostri, quae ratione spiritualis

Turrian. lib. 2.
c. 12. Clem. 6. c. 12.

Sequitur in Canone.

¶ Qui pridie, quàm pateretur, accepit panem in sanctas ac venerabiles manus suas: & eleuatis oculis in cælum ad te Deum Patrem suum omnipotentem: tibi gratias agens: benedixit, fregit, deditq; discipulis suis dicens: Accipite & manducate ex hoc omnes: Hoc est enim corpus meum. Simili modo post quam cœnatum est, accipiens & hunc præclarum calicem in sanctas, ac venerabiles manus suas: item tibi gratias agens, Benedixit, deditq; discipulis suis dicens. Accipite & bibite ex eo omnes. Hic est enim calix sanguinis mei: noui & æterni testamenti: mysterium fidei: qui pro vobis & pro multis effundetur in remissionem peccatorum. *Hæc quotiescunq; feceritis, in mei memoriam facietis.*

HÆC est altera pars canonis, & ea omnium partium Missæ potissima, nempe de consecratione, in qua huius sacrificij essentiam potissimam esse cap. 11. ostendimus: & ideo reliquæ partes ad eam referuntur, vel vt præparationes, vel vt applicationes, & gratiarum actiones. quare cùm ad hanc partem sacerdos accedit, sumens panem & vinum consecrandum, verba proposita, attentè, grauiter, expressè atque distinctè & secreto proferet, vt explicauimus ad quæst. 74. q. 1. de forma huius sacramenti numer. 16. quamuis enim in omnibus partibus, minister sit Christi summi & æterni sacerdotis, in ipsa tamen consecratione propius gerit personam illius: vt verè dicamus Christum, & olim in vltima cœna, & nunc in Missa cuiusvis sacerdotis consecrare: sed olim immediatè & per seipsum, nunc autem mediatè per ministros sacerdotes, & ideo est sacerdos in æternum secundum ordinem Melchisedec: & sacerdotes ministri in persona illius, verba consecrationis proferunt, vt autoritas & vis prima ad consecrandum sit Christi, ministerium & vocum prolatio sit ministri sacerdotis. primum igitur habitus sacerdotis ad consecrationem accedentis describitur, persimilis Christo consecranti in vltima cœna: deinde consecratio, & cuius gratia sit instituta, in recordationem, scilicet Christi passi pro no-

bis: in habitu sacerdotis sunt hæc, accipit panem, eleuat oculos in cælum, tum refert Christum gratias egisse, benedixisse panem, fregisse, dedisse discipulis, adiuncta illa oratione, accipite & manducate ex hoc omnes: quæ omnia Euangelistæ referunt in vltima cœna contigisse, excepta oculorum in cælum eleuatione. sed hanc verissimè tribui Christo, ex traditione Apostolica docet Ecclesia catholica, vt nullo modo de eo dubitare liceat, sicut neque de his, quæ Euangelistæ scripserunt. alioquin error aliquis esset: in canone Missæ, tribuente Christo actionem, quæ ipsius non esset: cùm tamen definitum sit in Concilio Tridentino sess. 22. capit. 4. canonem Missæ ab omni errore purum esse: itaque, vt inquit Innocent. III. capit. cùm Marthæ de celebratione missæ formam horum verborum, item in forma calicis illa, æterni, mysterium fidei, quæ ab Euangelistis scripta non sunt, Apostolos à Christo accepisse, & ab his eorum successores, & ideo in Ecclesia catholica semper Christo tribuuntur. Græci similiter dicunt in canone Missæ, Christum gratias agentem aspexisse, & simul panem eleuasse, & nomen & virtutem Dei super eum inuocasse. videtur autem hæc eleuatio inuocationem, aut postulationem aliquam indicare, vt Ioan. 11. in resuscitatione Lazari, cælum prius aspexit, & gratias egit Patri, vt accipiens ab eo potestatem efficiendi rem admirabi-

tem & stupendam. itaque erit hæc eleuatio, præparatio quædam ad effectum admirabilem consecrationis: sequetur gratiarum actio, qua Christus Deum Patrem collaudasse, & pro ultimo dono gratias egisse dicatur. sed benedictio, quæ sequitur, non ad Patrem, sed ad materiam consecrabilem referenda est, vt idē sit benedicere, quod prolata verborum forma, consecrasset subiectam materiam, vt latius ostendimus ad q. 74. prima q. de forma Eucharistiæ numero 4. & sequentibus. quod si benedicere est consecrare, & fractio est distributio rei consecratæ, cum distributio hæc fuerit corporis & sanguinis Domini, certè vel consecratio præcessit distributionem, vel saltem dum verba Christi proferebat, distributio facta est, vt eadem quæst. numero 9. explicauimus. Sed accedamus ad explicationem prioris formæ: in ea atque in posteriori, proprietatem verborum in partibus essentialibus retinendam esse dogma catholicum est, vnde necessariò penderet realis & substantialis Christi præsentia in hoc sacramento: est quidem in verbo [calix] metonymia continentis, pro contento, cum calix sanguinis, sit sanguis calice, aut poculo contentus, & vulgare & tritum est, calicem, aut poculum aquæ dicere, pro aqua in poculo: in cæteris autem verbis formarum proprietatem adiuncta ipsa confirmant: de corpore enim scribunt Evangelistæ, quod pro vobis tradetur, pro vobis datur: de sanguine, qui pro vobis effundetur, quæ non possunt, nisi de proprio, vero & substantiali corpore & sanguine Christi intelligi: de quibus cum hæreticis disputauimus ad q. 74. q. 2. de forma Eucharistiæ, defendentes Tridentinum de hac re decretum sess. 13. capit. 1. Retenta igitur verborum proprietate, veritas ipsa formarum ex his principiis colligenda est. Primum sit, has formas trifariam proferri posse, materialiter, recitatiuè & significatiuè: materialiter quidem accipi non possunt, vt exempla dialecticæ & aliarum artium: quia nihil significarent, efficiunt autem, quod significant secundum rectam fidem, vt statim constabit. recitatiuè sumuntur, quæ in aliena persona dicuntur, vt in comædiis & historicis narrationibus, & rei præsentem non accomodantur, sed præteritæ & olim gestæ:

quo modo formæ huiusmodi intelligi non possunt: constat enim his formis, subiectas materias immutari, & transubstantiari in corpus & sanguinem Domini: si autem recitatiuè tantum intelligerentur, ad rem præteritam, non ad præsentem referendæ essent. denique significatiuè sumuntur, quorum significatio ad rem præsentem accomodatur. vnde cum huiusmodi formæ a ministro sacerdote in persona Christi proferantur, & ad præsentem materiam panis & vini accomodentur, proculdubio ratione primi recitatiuè, ratione secundi significatiuè intelliguntur. accommodatum exemplum est, hominis legem nomine regis promulgantis, aut bellum indicentis. recitantur enim a ministro regia verba: sed eorum significatio subiectos obligandi vim habet. sic & sacerdos minister recitat quidem verba Christi, sed eorum significationem ex præcepto illius subiectæ materiæ accommodat, vt faciat eisdem verbis, quod Christus prius fecit, ex vi illius sententiæ, [hoc facite in meam commemorationem,] qua potestatem Apostoli & sacerdotes acceperunt immutandi materias subiectas, panem in corpus Christi, vinum in sanguinem. Alterum principium sit, propositiones veras esse, vel quia significant esse, quod est, vel non esse, quod non est, vel denique, quia significant quod sit, & ea intentione proferuntur, vt efficiant quod significant: & quia in termino prolationis earum significatio perfecta est, idèd tunc primò sunt veræ, & quod significant effectum est. vt si quis agro proprio demonstrato, & intendens, vt alterius efficiatur, dicat, hic ager tuus est: quo modo transferri aliquando dominium Iureconfulti affirmant. sed in factis & orationibus Domini, cum verbo, quod vult, possit efficere, apertiora exempla sunt, etiam si in verbis non sit imperium, sed narratio tantum, quia assumuntur, vt instrumenta efficiendi quod significant. manifesta sunt illa, quæ imperium expriment, Lazare veni foras, puella surge: sed alia sine expressione imperij, quia instrumenta rei significatæ efficiendæ, similem vim habuerunt, fides tua te saluam fecit, & illa paralytico dicta, remittuntur tibi peccata tua, & illa regulo, vade filius tuus viuere, quibus Dominus absentis filij sanitatem effecit. vt autem hæc sub-

Forma intelliguntur significatiuè & recitatiuè.

Distributio sequitur benedictionem.

In formis præteritis.

Formæ efficiunt in termino prolationis.

sub-

subiectis personis accommodata sunt, sic verba sacramentalia materiæ sacramenti accommodantur, quia sacramentalia sunt, ut ex forma, & materia coniunctis, veritas sacramenti constet. sed quia sacramentum novi testamenti est instrumentum, & eius potior pars forma, vera esse non potest, nisi efficiat cum subiecta materia quod significat, cum non sit vera. speculatiue, significans quod est, aut fuit, sed practice, efficiens scilicet quod significat, necessario asserendum est, momento prolationem verborum terminante, significatum fieri, & veram esse formam. ut enim cætera sacramenta, in suscipiente, instrumentarie efficiunt quod significant, sic forma huius sacramenti in materia efficit: quia illa in usu consistunt, hoc autem in consecratione materiæ, & consecrationem forma significat & efficit. ad hæc principia verissima, si forma prior expendatur, hunc habet sensum catholicum. hoc, idest præsens substantia accidentibus & figura panis tecta, est verè & substantialiter corpus meum, nempe cum primum verba prolata sunt: toto autem tempore terminum prolationis præcedente, erat substantia panis. sed quia significatio in termino illo completur, & non efficit forma, nisi quod significat, non erit vera, nisi in eodem termino, & demonstratio pronominis demonstratiui [hoc,] erit substantiæ indefinitæ, ut veritati in eodem termino accommodari possit. Sed ad formam potestriorem accedamus. In ea non dicitur, hic est sanguis meus, ut scribit Marcus, & in priori dictum est, hoc est corpus meum, sed hic est calix, vel poculum sanguinis mei, ad significandam conuersionem vini in sanguinem potabilem. [Noui & æterni testamenti] significat in sanguine isto sancitum & initum fuisse testamentum, vel pactum & scædus nouum & æternum. nouum quidem secundum reuelationem & effectum, quia post veterem legem à Christo institutum, per huius sanguinis effusionem, nouita-

tem cordis internam efficit, quæ institutio supra explicata est cap. 7. æternum vero, & ratione instituentis & causæ, hoc enim testamentum de salute obtinenda per Christum, & sanguinis eius effusionem, statim à peccato primi parentis homini promissum est, illis verbis Genes. 3. & ipsa conteret caput tuum: & æternam & immutabilem vim habet, ex sacerdotio & victima Christi in cruce promanantem. hæc enim & vetera sacrificia consummauit, & vim tribuit nostris sacrificiis, applicantibus secundum efficaciam, quod illa secundum efficientiam obtinuit: atque idem sacerdos Christus, qui illam primo obtulit per seipsum, nunc eandem offert per ministros, quare æternam vim habet & effectum, cum per eam omnes Deo placeant, & sine ea nullus placere possit, nec vnquam placuerit: & ideo dicitur agnus occisus ab origine mundi. quibus consentit, quod sequitur in eadem forma, [qui pro vobis & pro multis effundetur in remissionem peccatorum.] significat enim hic existeret sanguinem effusum per modum hostiæ, quatenus ex vi verborum, sanguis sub specie vini existeret sine corpore & anima, nisi ex vi concomitantæ eisdem coniunctus esset: & ita fieri mysticam quandam ex vi verborum mactationem, ut ratio sacrificij compleatur, ostensum est supra cap. II. multi vero dicuntur omnes, ut ad Rom. 5. per vnum hominem peccatores constituti sunt multi, quia pro omnibus olim effusus est hic sanguis secundum sufficientiam, licet non pro sit omnibus secundum efficaciam. extrema verba canonis proposita nos admonent, hoc sacrificium, quod consecratione perfectum est, non esse independens & absolutum, sed illius, quod in cruce perfecit Christus, recordatum. id vero nihil detrahit de ratione & essentia sacrificij, ut supra c. 18. ostendimus.

Forma panis
& vini explicatio.

Zz 6 Sequitur

Explicatio

Sequitur in Canone.

¶ Vnde & memores Domine nos serui tui, sed & plebs tua sancta, eiusdem Christi filij tui Domini nostri, tam beata passionis, nec non & ab inferis resurrectionis, sed & in celos gloriose ascensionis, offerimus præclaræ maiestati tuæ, de tuis donis ac datis, hostiam puram, hostiam sanctam, hostiam immaculatam, panem sanctum vitæ æternæ, & calicem salutis perpetuæ. Supra, quæ propitio ac sereno vultu respicere digneris, & accepta habere, sicuti accepta habere dignatus es munera pueri tui iusti Abel, & sacrificium Patriarchæ nostri Abrahamæ, & quod tibi obtulit summus sacerdos tuus Melchisedec, sanctum sacrificium immaculatam hostiam. Supplices te rogamus omnipotens Deus, iube hæc perferri per manus sancti angeli tui in sublime altare tuum, in conspectu diuinæ maiestatis tuæ: vt quotquot ex hac altaris participatione sacrosanctum filij tui corpus & sanguinem sumpserimus, omni benedictione celesti & gratia repleamur, per Christum Dominum nostrum. Amen.



VÆ brevis illa actio consecrationis comprehendit, ea & antecedentes orationes, & quæ nunc sequuntur apertius exprimunt & proponunt, vt obseruauimus supra capit. 13. sed de his consequentibus nunc breuiter dicamus. Cum autem ipsa consecratio mortem Christi representauerit, quatenus, quæ concomitantia coniungit, ex vi verborum separat, vt corpus ab anima, & sanguine, & sanguinem à corpore & anima, & hæc facta sint in gratiam Christi pro nobis passi recordationem, congruenter verbo Domini, hoc facite in meam commemorationem, proposita oratio exprimit eandem recordationem, propositis nostræ fidei præcipuis mysteriis, nempe passione, resurrectione & ascensione. non enim passionis Domini vis, nisi aliis duobus adiunctis, pro dignitate expendi potest, & ideo cum Dominus in Euangelis mortem suam prædicat, semper resurrectionem adiungit. etenim passione Dominus verus homo ostenditur, sed eadem nostram redemptionem effectam, & aditum patefactum in regnum celeste, & vitam æternam resurrectio euincit: & ascensio in possessionem deducit. Nam resurrectio mortem destruxit, & declarauit non fuisse infirmitatis omnino, sed

multo magis voluntatis: & ascensio viam nobis muniuit, per quam ad Patrem ascendere possimus, de quibus plura in Catechismo. Deinde declarat eadem oratio, cur hostia oblata, Deo gratissima sit, nempe quia pura ab omni labe peccati, quia sancta, & tota diuina, & in bono cõstans & firma: quia denique immaculata, quam, scilicet nulla vis hominum peccati macula inficere potuit. Sic D. Paulus ad Hebr. 7. de sacerdote Christo, qui idem hostia est, concludit. Talis enim decebat, vt nobis esset pontifex, sanctus, innocens, impollutus, segregatus à peccatoribus, & excellior cælis factus: Ephes. 5. Christus dilexit nos, & tradidit semetipsum pro nobis oblationem, & hostiam Deo in odorem suauitatis. diximus plura de sanctitate & præstantia huius hostiæ supra capit. 4. Postremo appellat canon eandem hostiam, panem sanctum vitæ æternæ, idest cibum, quo reficimur ad vitam æternam: & calicem salutis æternæ, idest potionem, qua salutis æternæ participes efficimur: hanc enim hostiæ sumentes dignè & benè præparati, ad immortalem vitam resurgendi potestatem accipimus, vt explicauimus ad q. 76. in q. de reali Christi coniunctione per dignam Eucharistiæ sumptionem. Cur autem panem appellet, cum facta consecratione, sit facta illius conuersio in corpus Christi, explicauimus.

plicauimus ad q. 75. nūm. 16. Deinceps pre-
catur Deum, vt sereno vultu, idest placabi-
li & propitio erga nos, oblatam hostiam ad
nostram salutem suscipiat. loquitur autem
humano more: in hominibus enim imago
animi vultus est, & serenus dicitur, qui iræ
& indignationis index non est, sed hilari &
minimè perturbata frōte, supplices admit-
tit. exemplis etiam excitat Deum ad mise-
rationem, vt inquit olim suscepisti Abelis,
Abrahæ, & Melchisedec sacrificia. etenim
in his fuit magis expressa nostri sacrificij
significatio, vt enim Abel occisus est à fra-
tre, quod eius sacrificium Deo placuisset,
idq; igne cælesti ideo tactum fuisset, vt au-
tor est D. Hieron. in qq. Hebr. in Genes.
sic Dominus à fratribus & cognatis traditus
est, quod signis editis testaretur. Deus, ip-
sius opera maximè sibi placere. quid faci-
mus, dicunt illi, quia hic homo multa signa
facit. in Abrahamo vero filium immolati,
maxima est immolationis Christi similitu-
do, & ideo inquit Apostolus ad Hebr. 11.
accepit illum in parabolam. deniq; in Mel-
chisedec sacrificio, fuit sacrificij nostri mul-
tis rationibus expressa dignitas, natura,
æternitas & immutabilitas, quæ singulatim
Paulus persequitur in eadem ep. ad Hebr.
c. 7. concluditur tandem hæc oratio inuo-
cato angelorum ministerio, vt in cælesti
altari, vel, quod idem est, in conspectu Dei
nostrum sacrificium repræsentent, & Deo
nobis propitio, ita participemus eodem, vt
benedictionem olim Abrahæ promissam,
& per Christum exhibitam, consequamur.
in quibus manifesta est à sacrificio ad sacra-
menti sumptionem progressio, quia sacra-
mentum est idem sacrificium, & Christus
in specie panis & vini immolatus. sic D. Pau-
lus. 1. Corinth. 10. nonne, qui edunt hos-
tias, participes sunt altaris? vocat autem
omnem benedictionem cælestem ex imi-
tatione Apostoli Ephes. 1. omnem Chri-
sti benedictionem spiritualem, benedi-
ctus, inquit, Deus & Pater Domini nostri
IESU Christi, qui benedixit nos in omni
benedictione spiritali in cælestibus in
Christo. dicuntur autem angeli, oratio-
nes & vota nostra offerre Deo, non quia
Deum doceant, qui omnia antequam fiat,
sicut & postquam facta sunt, nouit, sed
quia eius voluntatem super his consulant,
& quod Deo iubente completum esse co-
gnouerint, hoc nobis euidenter, vel la-

tenter reportent, vt inquit D. August. de
diligendo Deo capit. 3. sic Tob. 12. inquit
angelus, ego obtuli memoriam oratio-
nis vestræ, vel ego obtuli orationem tuam
Domino.

Deinceps sequitur in Canone, defun-
ctorum fidelium specialis, & generalis
commemoratio, quod illis omnibus ad sa-
tisfactionem poenarum, quas nondum per-
soluerunt, hæc oblatio valde utilis sit, vt su-
prà explicauimus. fit etiam sanctorum,
qui iam optata beatitudine fruuntur, recor-
datio, ob eadem omnino rationem, quam
ad priorem illorum commemorationem
proposuimus. & in fine, inquit, per Chri-
stum hæc dona, idest sacrificium sub dupli-
ci specie panis & vini creari, hoc est fieri &
produci, sanctificari, viuificari, benedici &
nobis concedi, non quod ipsa consecratio-
ne non sint sanctificata, viuificata, & quæ
sequuntur: sed vt nobis, idest ad nostram
salutem facta sit per transubstantiationem
illa ex pane & vino viuificatio, idest con-
uersio in Christum viuum, qui post resur-
rectionem non moritur, & mors illi ultra nō
dominabitur, Rom. 6. per ipsum, subiun-
git canon, [& cum ipso, & in ipso, est tibi
Deo Patri omnipotenti in vnitatem Spiritus
sancti omnis gloria & honor.] quorū du-
plex potest esse sensus, prior, vt illa priora
tria, per ipsum, & cum ipso, & in ipso,
ad Patrem & Christum hoc modo refe-
rantur, per Christum, inquit, meritorie &
efficienter est honor & gloria Deo Patri
cum ipso Christo; & in ipso, simul cum
sancto Spiritu. sic autem in merito & effi-
cientia Christi, exprimitur natura huma-
na, per quam meritum, & illa efficientia
instrumentaria eidem tribuuntur: in reli-
quis vero significatur vnitas essentiae cum
Patre, per quam vna persona est cum alia
& in alia, vt licet sint inter se distinctæ, om-
nes tamen sunt vnus Deus, sic autem vna
persona dicitur esse in alia, vt explicatū est
1. p. q. 42. ar. 5. Posterior sensus est, vt illa tria
priora ad Christum & nos referantur, qua-
si dicat, per ipsum Christū, quatenus effe-
cit nostram redemptionem, & nos cū eodē
operātes, & in ipso permanentes, vt palmi-
tes in vite, est gloria Patri & Spiritui sancto.
constat enim, nos opera pietatis Deo grata
exercere per gratiam, quā Christo coniun-
gimur, adeo vt dicat Apostolus. non ego,
sed gratia Dei mecum: & Dominus de his
operi-

Explicatio

operibus, vt videant opera vestra bona, & glorificet Patrem vestrum, qui in cælis est. sic ergo ex Christo & nobis cum Christo coniunctis, Deo gloria & honor tribuitur.

Cætera quæ sequuntur, orationes sunt, quibus sacerdos ad sumptionem Eucharistiæ preparatur. est autem prima oratio dominica, vt aliorum forma & exemplar, & quia ea est à Domino præcepta & instituta, & huic sumptioni maxime accommodata, quatenus in ea petimus panem super substantialem, id est sacram Eucharistiam. eius expositio in catechismo est à nobis proposita: sed malum, à quo liberari in ea petimus, hinc explicatur præteritum, præsens & futurum. præterita mala vocat peccata, pro quibus adhuc satisfaciendum restat, & hoc sacrificium applicat nobis Christi satisfactionem, & minuit satisfaciendi obligationem. præsentia verò & futura mala sunt, vel peccata, vel impugnationes, quibus ad peccandum excitamur: vel denique æruntæ, & vitæ huius calamitates, vt eas patienter sustinere possimus.

Perfecta Eucharistiæ sumptione, sequitur gratiarum actio ad finem missæ, in quibus nihil est, quod attentum lectorem impedire possit. reliqua erat ceremoniarum huius Canonis explicatio, nisi de ea capit. 29. singulatim dictum esset: & à D. Thom.

partitè & distinctè, & ad pietatem excitandam valde accommodatè quæst. 83. sed illud tandem admonebo, hanc ceremoniarum distinctionem omnino conuenire cum testimonio D. Pauli de sanctæ incarnationis sacramento & mysterio 1. Timo. 3. manifestè, inquit magnum est pietatis sacramentum, quod manifestatum est in carne, iustificatum est in spiritu, apparuit angelis, prædicatum est gentibus, creditum est in mundo, assumptum est in gloria. nam manifestationem in carne significat illa salutatio plebis, Dominus vobiscum, hymnus angelicus, lectio noui testamenti: iustificationem in spiritu, id est ostensionem Christi, spiritu interius iustificantis, per quam ostendit se esse filium Dei, vt significatur Rom. 1. significauit sæpè canon petens benedictionem Christi, quæ in illa interna iustificatione posita est, et ideo vocat hostiam puram, sanctam, &c. apparuisse idem mysterium angelis, hymnus angelicus significauit: prædicatum esse gentibus & creditum in mundo, Euangelium, & symbolum: assumptionem in gloria, eleuatio hostiæ in altum, significans ascensionem Christi gloriosam. hæc satis sunt de expositione canonis, his præsertim, qui in antecedenti doctrina de Eucharistia sacramento & sacrificio, benè instituti sunt.

C A P V T XXXI.

¶ De templis & locis Deo dicatis, ornatu altaris, & vestibus sacerdotalibus.



D exactius explicandam priorè conclusionem, quã collegimus ex D. Thoma quæst. 83. de sacrificio noui testamenti disputatum est: de aliis adiunctis eidem sacrificio ad explicationem posterioris conclusionis, nunc disputandum est. ex adiunctis primum est locus & templum, & in eo altare, cuius gratia, & conuentus ecclesiastici, templa instituta sunt, & altare propter sacrificium, & huius gratia sacerdos, vt supra explicauimus, & confirmauimus. Templum igitur vocamus locum diuino cultui, sacrificio, & conuentibus fidelium ad orationem dicatum, vt Dominus dixit, do-

mus mea, domus orationis vocabitur, siue ea intelligatur sacrificium, quod non est sine oratione: vel oratio, non excludens sacrificium, præsertim publica, cum sacrificij causa templa sint instituta, vt admonui, & ipsa Græcorum nominum etymologia ostendit, sacerdotis, sacrificij, templi necessariam coniunctionem. atq; vt à primis exordiamur, in omni lege eo tantum loco sacrificatū est, quem Deus suis cultoribus speciali admonitione patefecit, & sua reuelatione sacrificio quasi dicauit. testes huius rei sunt Abel, Noe, Abraham, Isaac, Iacob, qui in designatis tantum à Deo locis sacrificauerunt. sed primus Iacob externa etiam olei unctione dicauit. in lege

leg. 1. de sacrificio
leg. 1. de sacerdos
leg. 1. de sacrificij
leg. 1. de victimis
leg. 1. de templo.

Gen. 4. 8. 12.
13. 22. 26. 33.
35.

in lege deinceps de hac vnctione præceptum impositum est sacerdotibus Exod. 30. & 40. & tandem tabernaculum elegit Dominus ad sacrificandum sibi Leuit. 17. & Deuteron. 12. & 16. interdicitur omnibus Israelitis sacrificium; nisi in loco quem Dominus elegerit. itaque vbicunq; erat tabernaculum & arca Domini, ibi sacrificatum est, & in templo tandem Hierosolymitano. in nouo autem testamento, licet in omni loco sacrificetur iuxta Malachiae prædictionem cap. 1. id est in omni regione populo & vrbe, in loco tamen specialiter dicato sacrificiis & orationi. sic enim Dominus domum elegit, in qua primum in vltima cœna sacrificauit seipsum, & potestatem sacrificandi concessit, Luc. 22. sic Ecclesiarum & templorum, in quibus Apostoli sacra mysteria celebrarent, mentio est. 1. Corinth. 11. canone Apost. 10. & aliis Pontificum & Conciliorum plurimis decretis, quæ referuntur de consecratione dist. 1. & in concilio Tridentino sess. 22. in decreto de celebratione missæ præcipitur Episcopis, ne patiantur priuatis in domibus, atque omnino extra Ecclesiam, & ad diuinum tantum cultum dedicata oratoria, ab eisdem ordinariis designanda & visitanda, sanctum hoc sacrificium à secularibus, aut regularibus quibuscunq; peragi, ac nisi prius qui intersint, decenter composito corporis habitu declarauerint, se mente etiam ac deuoto cordis affectu, non solum corpore adesse. in designandis autem huiusmodi locis, & probandis hæc seruanda præscribit Concilium Mediolanense primū, ne sint in interiorum ædium partibus, in quibus Dominus, & familia frequentius versentur, sed commodo & honesto loco, à cubiculis, tricliniis, & aula separato, ad templi formam & regulam propius accedant. cui autem id permisum fuerit, rarius eo vtatur, & quod semper in his rebus maxime spectandum est, non sine graui necessitate. Denique missa fieri non debet, nisi in templo honorifice extructo, aut vbi necessitas, vel pietas, auctoritate legitima id approbante, suadet, in oratorio ad hunc vsum sacro, & ab omni prophano vsu libero. Fatemur quidem olim, feruente persecutione, vel in priuatis ædibus, vt in Actis legimus, vel in cryptis subterraneis, fideles conuenisse

ad sacram communionem, vt referunt Iustinus in apolog. 2. Cyprianus. serm. de lapsis. cum autem data est pax Ecclesie, extructa sunt templa, quæ & Dominicæ & Basilicæ, à Domino & rege Christo appellata sunt, etiam ante Constantinum Imperatorem, qui non primum ædificari, sed restitui diruta, aut ablata decreuit, autore Eusebio lib. 10. historiæ cap. 5. ante Constantinum enim Fabianus Papa Philip-pum Imperatorem, & S. Babilas Antiochænus Decium Imperatorem, vel vt alij volunt, Numerianum, ab Ecclesie liminibus repulit, vt narrant Eusebius de priori lib. 6. historiæ capit. 27. de posteriori D. Chrysostomus in oratione contra Gentiles tomo 5. de templis vero ab Imperatoribus & aliis Regibus edificatis, de redditibus, donis, immunitate, plurima sunt in historia Ecclesiastica & prophanis, & in iure canon. tradita, quæ non est necesse longius persequi. constat enim quod est huius loci, & instituti, sicut Dei proprium est sacerdotium & sacrificium; sic etiam esse oportere loca sacrificiis dedicata, vt sacra à prophanis suapte natura distincta, vsu etiam separentur. Altare ad sacrificandum, mensam vocat Apostolus 1. Corinth. 10. propter cælestis & diuini conuiuij mysterium, vt explicat Chrysostomus hom. 24. & August. contra aduers. leg. & prophet. cap. 19. sed altaris nomen vsurpat idem Apostolus Hebr. 13. cum ait, habemus altare, de quo edere non habent facultatem, qui tabernaculo deseruiunt, vt exponit Chrysostomus hom. 33. in eandem epist. de forma etiam templi Christiani extat D. Clementis constitutio lib. 2. constit. apost. c. 57. & in Liturgicis Græcis partitè & distinctè eadem forma describitur, vnde multa desumpta in libro instructionum fabricæ & supellestilis ecclesiasticæ, in opere de actis Ecclesiæ Mediolanensis. multa etiam in Liturgicis latinis. Pamelij, per singulas Ecclesiæ Christianæ ætates, ab exordio illius ad posteriora vsque tempora, quibus toto orbe Christiana religio colebatur, accuratè deducta sunt, de sacrificij institutione, ritibus, templis, vasis & ornamentis sacris, quæ etiam infideles & pagani aliquando admirati sunt & venerati. refert enim Theodoretus lib. 3. historiæ Ecclesiasticæ capit. 11. quæstorem à Iuliano apostata missum

Explicatio

missum ad diripienda vasa sacra templi Antiochæni, admiratum eorum magnificentiam dixisse, ecce quàm sumptuosis vasis filio Mariæ ministratur. & Orosius lib. 7. c. 29. refert Alaricum in direptione urbis edixisse, nequis loca sancta, præsertim Basilicas Apostolorum Petri & Pauli violaret, & eos, qui ad eas confugissent, inuiolatos & securos esse sinerent. cum autem miles Christianus, apud virginem Deo sacrâ, vasa Ecclesiastica Petri Apostoli inuenisset, ea contingere non est ausus dicente virgine, hæc Petri Apostoli sacra ministeria sunt, præsume si audes, de facto tu videris, ego, quia defendere nequeo, contendere non audeo. tum miles hæc ad Alaricū per nuntium retulit: Alaricus vero vasa vniuersa ad Basilicam Petri Apostoli deferri præcepit, & quia longius aberat, elata super capita gestantium vasa aurea & argentea, exertis gladiis ad defensionem, pie concinentibus Barbaris & Romanis, solemniter pa ad suum locum deducuntur. barbaris crudeliores & sceleratiores Protestantes, qui nō solum templa, vasa & vestes sacras diripiunt, lacerant & in prophanos vsus cōuertunt, sed etiam ipsa sacra mysteria, & pastophoria, in quibus recondita seruātur, conculcant, & comburunt. illustre est exemplum Thymelici cuiusdā saltatoris, qui forte sacram vestem in theatro gestans, subito expirauit, vt scriptum est hist. tripart. li. 5. c. 37. similis vltionis diuinæ exempla sunt apud Victorem de persecutione Vandalicā lib. 1. apud Bedam lib. 1. histor. Anglicanę c. 29. cōqueritur etiam Optatus vtriusq; antiquior de spoliatis & prophanatis Ecclesiæ ornamentis per Donatistas, lib. 1. contra Parmenianum. neque verò est, quod miretur quispiam plurima & in vasis, templis & vestibus sacris, ex veteri testamento in nouo retenta esse, cum illa vetera abrogata sint: quæ enim futurorum vmbre fuerunt, ea omninò retineri non possunt: quæ verò ad mores, vel Dei simplicem cultum pertinent, ea non ex legis veteris vi & obligatione, quæ iam nulla est, sed ex congruitate & pietate, ab Ecclesia recepta sunt & probata. sic D. Leo I. serm. 6. de ieiunio decimi mensis, quædam, inquit, de mandato veteri ad nouam obseruantiam transferuntur: & ex ipsa Ecclesiastica deuotione demonstratur, quod Dominus Iesus Christus non venit legem soluere, sed adimple

re. cessantibus enim significationibus, quibus Saluatoris nostri nuntiabatur aduentus, & peractis figuris, quas abstulit ipsa præsentia veritatis, ea quæ vel ad regulas morum, vel ad simplicem Dei cultum, ratio pietatis instituit, in eadem apud nos forma, qua sunt condita, perseverant: & quæ vtrique testamento erant congrua, nulla sunt commutatione variata. eadem repetit serm. 14. de passione Domini, & serm. 7. de ieiunio septimi mensis. quin etiam aliqua ex moribus gentium in idolorum cultu, ad verum Dei cultum traducta sunt, & quæ sunt adiaphora, vel indifferentia, si ad cultum Dei destinantur, recipi debent & admitti, quia ad piam & religiosam exercitationem cum legitima autoritate transferuntur. D. Thom. q. 83. ar. 5. ad 1. explicat sententiā D. Leonis & 1. 2. q. 103. ar. 3. & 4. De ritibus autem & cæremoniis cœnæ Dominicæ Protestantium, sparsa sunt à nobis multa in doctrina de sumptione Eucharistiæ: sed plenè & cumulatè de comparatione Liturgiæ catholicæ & Protestantium Alanus Anglus, doctissimus Theologus, oratione quodlibetica secunda. Altare prætereà, vel crucem, in qua Dominus cruentè seipsum obtulit, vel mensam in qua incruente & in figura panis & vini, vel sepulchrum, in quo triduo corpus Domini sepultum credimus, quia in nostro sacrificio est corpus ex vi verborū matatum & mortuum, mysticeq; immolatum, vt sæpè dictum est, significat. operitur mappis lineis & cādidi superiori parte & ad latera, vt mensam ad diuini conuiuij participationem, repræsentet. superponitur corporale etiam lineum, cum calicis operimento similiter lineo & mundo, vt accommodatè syndonem mundam, in qua inuolutum est corpus Domini in sepulchro, significet: de quibus plurima sunt Pontificum decreta, & Beda lib. 6. in Lucam cap. 7. sepulchrum, inquit, illud venerabile figuram Dominici habebat altaris, in quo carnis eius & sanguinis solebant mysteria celebrari. vnde regula Ecclesiastica tenet eadem mysteria non in serico, non in panno tincto, sed instar syndonis, qua Ioseph eum inuoluit, in linteo puro debere consecrari, vt sicut ipse veram terrenæ mortalisque naturæ substantiam pro nobis morti obtulit: ita & nos in commemorationem eiusdem tremendi

Altaris ornatus superior.

men di ac venerabilis sacramenti, purum de terra germen candidatum, & multum do, quasi mortificationum genere castigatum altari lumen imponamus: haec tenus Beda. Candelabra cum cereis accensis, lucem Christi & Euangelij accommodatè in altari Christi repræsentant, & crux media, quia eius virtus, noui testamenti & Euangelij origo & causa est.

Vestium sacerdotis origo & causa
De vestibus sacerdotis breuis, sed tanto mysterio accommodata consideratio restat. decebat enim, ut sacerdos à Deo vocatus speciali & propria institutione ad sacrificandum, propriis etiam vteretur vestibus, quæ in prophanam usum nullo modo traduci possent, ut olim in veteri testamento à Domino præscriptum legimus, & in nouo ex Apostolica traditione retinemus. licet enim à Pontificibus posterioribus quædam sint immutata & addita, congruentia eidem ministerio & mysterio, vestes tamen diuinis mysteriis accommodatas, & à vulgaribus distinctas semper. Ecclesia catholica retinuit, iam inde ab Apostolicis temporibus. in his autem vestibus manifesta est imitatio vestium legalis sacerdotis, significatio eorum, quæ in passionem Domini contigerunt, & virtutum sacerdotis admonitio, quas ipsæ orationes ex præcepto Ecclesiæ adiunctæ aptè & piè exprimunt. atque ut à primis exordiamur. Amictus, quo primum caput operit sacerdos, deinde collum præcingit, spem & fiduciam significat, qua concepta de diuina misericordia, audet tanti operis & sacrificij confessionem aggredi. oratio enim Ecclesiastica galea salutis vocat ex D. Paulo Ephe. 6. quæ non est aliud, quam illa spes, & bene in Deum collocata fiducia, castigationem etiam vocis amictus designat, ut est in oratione Ecclesiastica de ordinatione subdiaconi, quia linguæ moderationem collo, cui lingua inferitur, maxime exigit Ecclesiæ ministerium, Iacob. 1. symbolum etiam esse videtur amictus operimenti, quo Iudæi velabant faciem Domini, dicentes Matth. 26. prophetiza nobis Christe, quis est, qui te percussit. Alba siue tunica lineæ, quæ totum sacerdotis corpus tegit, ut oratio adiuncta exprimit, integram & perfectam quoad fieri diuino munere possit, animi puritatem & sanctitatem significat, sanguine Christi & merito nobis concessam: sic in Apocalypsi dicuntur sancti dealbare stolas & vestimenta sua in sanguine agni. signum est etiam vestis alba, in qua Christus ab Herode illusus est Luc. 23. persimilis fuit tunica legalis sacerdotis, quam noster interpretes lineam strictam, & byssinam tunicam vocat. Cingulum, cui in legali sacerdote baltheus respondet, quo tunicam albam corpori aptantes, lumbos & renes præcingimus, iuxta verbum Domini, sint lumbi vestri præcincti, castigationem & mortificationem carnis denotat, quæ maxime decet sacerdotem Domini, ut carnis voluptas & indulgentia à diuinis mysteriis maxime auocat. sic enim Apostolus, si spiritu facta carnis mortificaueritis, viuetis: & iustitia Christiana ex hac vna mortificatione potissimum pendet, & ideo prædictum est de Christo ab Esa. erit iustitia cingulum lumborum eius: & de iustificatis per Christum c. 61. exultabit anima mea in Deo meo, quia induit me vestimentis salutis, & indumento iustitiæ circumdedit me: quasi sponsum de corauit corona, & quasi sponsam ornata monilibus suis. est etiam cingulum signum flagelli, quo Pilatus cæcidit IESVM. duo vero breuiores funiculi, qui ex utroque latere cinguli aliquando dependent, & pendentes ab humeris stolam constringunt, prudentiæ & temperantiæ indices sunt, quæ in carnis mortificatione maxime elucet, & ipsa stolæ cōiunctio, virtutum necessariam connexionem denotat. Manipulus in sinistro latere & brachio, poenitentia ex animo susceptæ nota est: esse enim veluti sudarium ad lachrymas ex dolore interno exortas, vel sudorem labore expressum, extergendum, & ideo manipulus fletus & doloris in oratione Ecclesiastica vocatur, & fructus bonorum operum in subdiaconi ordinatione, hoc est fructus poenitentia digni. est etiam symbolum & nota funiculorum, quibus Dominus ligatus est manibus & ad cœlum, ut flagellaretur. Stolla, vel orarium, ex collo & humeris sacerdotis dependens, iugum Domini suauiter repræsentat, ut oratio Ecclesiastica, cum diacono in ordinatione imponitur, aperte nobis exprimit, ut memor sit sacerdos verbi Domini, cuius personam gerit, [discite à me, quia mitis sum & humilis corde, & inuenietis requiem animabus vestris: iugum enim meum suauiter est, & onus meum leue.] exprimit autem transfusim ducta in pectore cruce Dñi, quæ Episcopi interiectam stolæ extremitatibus, recta in pectore

las & vestimenta sua in sanguine agni. signum est etiam vestis alba, in qua Christus ab Herode illusus est Luc. 23. persimilis fuit tunica legalis sacerdotis, quam noster interpretes lineam strictam, & byssinam tunicam vocat. Cingulum, cui in legali sacerdote baltheus respondet, quo tunicam albam corpori aptantes, lumbos & renes præcingimus, iuxta verbum Domini, sint lumbi vestri præcincti, castigationem & mortificationem carnis denotat, quæ maxime decet sacerdotem Domini, ut carnis voluptas & indulgentia à diuinis mysteriis maxime auocat. sic enim Apostolus, si spiritu facta carnis mortificaueritis, viuetis: & iustitia Christiana ex hac vna mortificatione potissimum pendet, & ideo prædictum est de Christo ab Esa. erit iustitia cingulum lumborum eius: & de iustificatis per Christum c. 61. exultabit anima mea in Deo meo, quia induit me vestimentis salutis, & indumento iustitiæ circumdedit me: quasi sponsum de corauit corona, & quasi sponsam ornata monilibus suis. est etiam cingulum signum flagelli, quo Pilatus cæcidit IESVM. duo vero breuiores funiculi, qui ex utroque latere cinguli aliquando dependent, & pendentes ab humeris stolam constringunt, prudentiæ & temperantiæ indices sunt, quæ in carnis mortificatione maxime elucet, & ipsa stolæ cōiunctio, virtutum necessariam connexionem denotat. Manipulus in sinistro latere & brachio, poenitentia ex animo susceptæ nota est: esse enim veluti sudarium ad lachrymas ex dolore interno exortas, vel sudorem labore expressum, extergendum, & ideo manipulus fletus & doloris in oratione Ecclesiastica vocatur, & fructus bonorum operum in subdiaconi ordinatione, hoc est fructus poenitentia digni. est etiam symbolum & nota funiculorum, quibus Dominus ligatus est manibus & ad cœlum, ut flagellaretur. Stolla, vel orarium, ex collo & humeris sacerdotis dependens, iugum Domini suauiter repræsentat, ut oratio Ecclesiastica, cum diacono in ordinatione imponitur, aperte nobis exprimit, ut memor sit sacerdos verbi Domini, cuius personam gerit, [discite à me, quia mitis sum & humilis corde, & inuenietis requiem animabus vestris: iugum enim meum suauiter est, & onus meum leue.] exprimit autem transfusim ducta in pectore cruce Dñi, quæ Episcopi interiectam stolæ extremitatibus, recta in pectore

*Cingulum.**Manipulus.**Stola.**Amictus.**Alba tunica.*

core ductis, gestare solet, & videtur rel-
 pōdere Rationali, quōd in medio pectore
 duodecim gemmis eidem insertis, legalis
 sacerdos gestabat. vt enim Rationale He-
 bræo nomine idem videtur esse, atque ve-
 ritatis contemplatio, vel iudicii obserua-
 tio: sic sane in Christi cruce fuit veritas &
 complementum veterum promissionum
 & sacrificiorum, dicente Domino in ea-
 dem cruce, consummatum est: congruit
 autem omnino sacerdoti sacrificanti, cum
 offerat eundem Christum in cruce olim
 immolatum, tum ad propitiationem, tum
 ad gratam recordationem cruentæ illius
 immolationis. hinc etiam in oratione Ec-
 clesiastica dicitur, stola immortalitatis, quā
 peccato primi parētis amissam, mors Chri-
 sti restituit: mortuus est enim propter deli-
 cta nostra, vt nos offerret Deo, mortifica-
 tos quidem carne, viuificatos autem spiri-
 tu, vt Petrus inquit: & mors Christi effecit,
 vt liberarentur timore mortis, qui per to-
 tam vitam obnoxij erant seruituti, vt scri-
 bit Paulus ad Hebr. *Casula* vltimum sa-
 cerdotis indumentum, Græcis planeta di-
 ctum, quia non adstrictum cingulo, quasi
 errare videtur, cum minime erret, vt cele-
 stes planetæ, charitatem, quæ delet & ope-
 rit multitudinem peccatorum, designat, vt
 in oratione Ecclesiastica ad sacerdotis or-
 dinationem expressum est. vt enim chari-
 tas est virtutum omniū forma & consum-
 matio, sic vestibus sacerdotalibus planeta
 finem & perfectionem imponit. Rabano
 videtur à casa per diminutionem dicta ca-
 sula, quod totū hominem tegat. his igitur
 vestibus ornatus sacerdos ad sacrificandū
 procedit, deferente ministro coram ipso,
 quæ ad materiam sacrificij, & ministerium
 necessaria sunt: vt olim Isaac Abrahamum
 sacrificaturum in monte, ligna ad holocau-
 stum deferens præibat, quare, vt omnes fi-
 deles hortatur Apostolus Ephes. 6. dicens,
 induite vos armaturam Dei, vt possitis sta-
 re aduersus insidias diaboli, sic & nos hor-
 temur omnes sacerdotes, vt non tantum
 vestibus his sacris induti, sed etiam earum
 significationibus interius muniti & confir-
 mati, ad sacrificium peragendum grauiter
 & attentè procedant, orantes pro omnibus,
 vt Christus nobis propitius glorificetur.

Sed sunt etiam alię vestes Episcopi solē
 niter sacrificantis propriæ, de quibus, quōd
 sint etiam communes cum subdiaconis &

diaconis, hoc loco paucis dicendū: hæ sunt
 tunica & dalmatica, quibus separatim ad-
 ministrandū diaconus & subdiaconus vtū-
 tur. sed Episcopus eas vesti albæ superindu-
 cit, vt in eo tāquam in hierarchia, omnium
 ministrorum curam & sollicitudinem repo-
 sitā esse intelligamus, & vnus in omnibus
 laboret, & pro omnibus vigilet. *Tunica.* Tunicam
 ergo illam subdiaconi breuiorem dalmati-
 ca, salutis indumentum, & iustitiæ tunicam
 vocat oratio Ecclesiastica in ordinatione
 eiusdem subdiaconi, quōd eius nota sit &
 symbolum. videtur Ecclesia in hac oratio-
 ne cōsiderasse illud Apostoli, exuentes vos
 veterem hominem cum actibus suis, & in-
 duentes nouum, qui secūdum Deum crea-
 tus est in iustitia & sanctitate veritatis. vi-
 detur etiā hæc nostra tunica, præsertim si in
 Episcopo consideretur, referre Ephod sa-
 cerdotis legalis, quod superhumerales dicitur
 in nostra trāslatione, licet hoc esset bal-
 theo constructū, non sic autem tunica apud
 nos. *Dalmatica.* Dalmatica, inquit Rabanus, in Dal-
 matia primum texta, est candida tunica
 cum clauis ex purpura, & videtur Vghoni
 Victorino 4. p. de sacramentis colobium
 esse monachorum, & eo Apostolos vsos
 esse adiectis manicis: quod se legisse in ge-
 stis Siluestri Papæ scribit Vvaldens. de sa-
 cramentalibus c. 29. est autem colobium
 Græca vox, sed à latinis etiam vsurpata,
 hoc est tunica, sine manicis inquit D. Hie-
 ron. in q. Hebr. & Isidorus lib. 19. etymo-
 log. vocat lebitonarium. apud Casianum
 lib. 1. cap. 5. manicis non omnino carebant,
 sed ex citra cubitum definebant, quæ for-
 ma ferè est nostræ dalmaticæ. eius signifi-
 catio est vera mortificatio, nam abscessio
 manicarum significat nos abscessisse ope-
 ra mundi huius, & mortificare mēbra, quæ
 sunt super terrā, vt viuat in nobis Christus,
 sicut ait Apostolus Gal. 2. De aliis Episco-
 porum vestibus non est huius loci disserere,
 in quo de communibus sacerdotum di-
 sserimus, & ex orationibus Ecclesiasticis,
 quæ eisdem vestibus accomodantur, mani-
 festa est eorum significatio & institutio: &
 de consecratione altaris & vasorū ad sacrū
 mysterium plenissimè D. Tho. q. 83. art. 3.
 Cæterum easdem vestes sacras retinet Ec-
 clesia Græca iam inde à primis nostræ Ec-
 clesiæ temporibus, vt constat ex Liturgiis
 Basilij & Chrysost. & omnium, in antiquis
 Patribus frequens mentio, non tantum in
 scriptori-

*Veterū de eisde scriptoribus diuinorum officiorum. mitrā
sacris vestibus
testimonia.* gestaſſe Ioannem Euangelistam refert ex
antiquioribus Euseb. lib. 3. histor. eccles. c.
25. stolę seu orarij Ambrosius in oratione
de obitu fratris satyri. Braccaren. conc. pri-
mum can. 32. Tolet. 4. can. 39. pluuialis me-
mit Epiphan. hæresi 15. & 16. albæ Cartha-
ginen. 4. can. 4. pallæ altaris, siue corpora-
lis Theodoretus lib. 2. hist. c. 31. linteaminū,
quibus altaria cooperiuntur Optatus lib. 6.
contra Parmenianum. vestis talaris, quæ sa-
cra poderes dicitur Euseb. lib. 10. hist. c. 4.
colores earundem vestium, temporibus &

festis, quæ celebrat Ecclesia, accommodā-
tur: lætis candidus, tristibus niger, his inter-
iectus est violaceus, & viridis, vt etiam, quę
celebrantur vtrifq; interiecta sunt, martyri-
bus cruore effuso tinctis, rubeus congruit.
Hęc dicta sint de sacris canone missę, alta-
ri & vestibus ad excitandū sacerdotes Ec-
clesiæ catholicæ, vt quanta sit dignitas &
præstantia sacrificij, quod Deo offerunt ex-
pendētes, eidem vita & moribus congruē-
tes, fidele & gratum præstent obsequium
Deo viuo & vero, qui est benedictus in sæ-
cula sæculorum, Amen.

B V R G I S.
Apud Philippum Iuntam.
1588.



C 18741022

Juan
D.

colorchecker CLASSIC



calibrite

mm